

四庫全書存目叢書編纂委員會編

齊魯書社

四庫全書存目叢書

集部
第三一八冊



責任編輯：孫言誠 賀 偉

ISBN 7-5333-0615-5



EB29/03

四庫全書存目叢書·集部三一八

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍精裝印務有限公司印製

787×1092 毫米 16開本 52.125 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

集部第三一八冊目次

集部·總集類

唐詩類苑二百卷(三)

〔明〕張之象編

北京大學圖書館藏明萬曆二十九年曹仁孫刻本

.....一

唐詩類苑二百卷(三)

〔明〕張之象編

北京大學圖書館藏明萬曆二十九年曹仁

孫刻本

唐詩類苑卷第一百一

明雲間張之象玄超甫纂輯

雲間杜士全道執甫編次

雲間王徹叔朗甫補訂

梁谿曹仁孫伯安甫校正

人部

贈答

贈李十二

崔宗之

涼風八九月白露空園亭耿耿意不暢稍稍風葉聲
思見雄俊士共談今古情李侯忽來儀把袂苦不早

唐詩類苑

卷之二百一

一

清論既抵掌玄談又絕倒分明楚漢事歷歷王霸道
擔囊無俗物訪古千里餘袖有七首劍懷中茂陵書
雙眸光照人詞賦凌子虛酌酒絃素琴霜氣正凝潔
平生心中事今日爲君說我家有別業寄在嵩之陽
明月出高岑清溪貞素光雲散牕戶靜風吹松桂香
子若同斯遊千載不相忘

謝崔五郎中

李白

朔雲橫高天萬里起秋色壯士心飛揚落日空歎息
長嘯出原野凜然寒風生幸遭聖明時功業猶未成
奈何懷良圖鬱悒獨愁坐杖策尋英豪立談乃知我

舊公生人秀絕青雲姿制作參造化託諷含神祇
海嶽尚可傾吐諾終不移是時霜颼寒逸興臨華池
起舞拂長劍四座皆揚眉因得窮歡情贈我以新詩
又結汗漫期九垓還相待舉身愁蓬壺濯足弄滄海
從此凌倒景一去無時還朝遊明光宮暮入閭闔關
但得長把袂何必嵩丘山

春夜竹亭贈錢少府歸藍田

王維

夜靜群動息時聞隔林犬却憶山中時人家澗西遠
羨君明發去采薇輕軒冕

唐詩類苑

卷之二

訓王右丞見贈

錢起

山月隨客來主人興不淺今宵竹林下誰覺花源遠
惆悵曙鶯啼孤雲還絕巘

寄蕭穎士補正字

鄭象先

六月度關雲三峯山翠爾時黃綬屈別後青雲致

答鄭象先

蕭穎士

桂枝常共擢茅茨冀同薦一命何阻脩載馳各州縣
壯圖悲歲月明代耻貧賤回首無津梁祗令二毛變

贈李十二

崔成甫

我是瀟湘放逐臣君辭明主漢江濱天外常求太白

老金陵捉得酒仙人

酬崔侍御

李白

嚴陵不從萬乘遊歸卧空山釣碧流自是客星辭帝
座元非太白醉揚州

設缸面酒款蕭翼探得來字

僧辯才

太宗醺爛主書聞蘭亭序真蹟在永欣寺僧辯
才所百計求之不獲房玄齡薦御史蕭翼多權謀
必能稱旨太宗命之翼乃易冠微服作北人南遊
辯才一見語意投合延入圍棋撫琴握麈談文情

唐詩類苑

卷之二

三

甚相得便留夜飲設缸面新菊江東云缸面猶河
北甕頭新醞也酣之後探韻賦詩辯才得來字
翼得招字妍蚩畧同彼此諷詠自恨相知之晚曉
乃去既而以術取其書以歸太宗大悅擢爲員外
郎賜以金縷瓶瑪瑙碗等物

初醞一缸開新知萬里來披雲同落莫步月共徘徊
夜久孤琴思風長旅鴈哀非君有秘術誰照不然灰

答僧辯才

蕭翼

邂逅款良宵殷勤荷勝招彌天俄若舊初地豈成遙
酒蟻傾還泛心猿躁似調誰憐失群翼長若業風飄

贈杜二拾遺

高適

傳道招提客詩書自討論佛香時入院僧飯屢過門
聽法還應難尋經刺欲翻草玄今已畢此外復何言

酬高使君相贈

杜甫

古寺僧牢落空房客寓居故人供祿米隣舍與園蔬
雙樹容聽法三車肯載書草玄吾豈敢賦或似相如

早發湘潭寄杜員外院長

韋迢

北風昨夜雨江上早來涼楚岫千峯翠湘潭一葉黃
故人湖外客白首尚爲郎相憶無南鴈何時有報章

酬韋韶州見寄

杜甫

唐詩類苑

卷之一百一

四

養拙江湖外朝廷記憶疎深慙長者轍重得故人書
白髮絲難理新詞錦不如雖無南過鴈看取北來魚

寄杜甫

郭受

新詩海內流傳久舊德朝中屬望勞郡邑地卑饒霧
雨江湖天闊足風濤松花酒熟傍看醉蓮葉舟輕自
學操春興不知凡幾首衡陽紙價頓能高

酬郭十五判官受

杜甫

才微歲晚尚虛名卧病江湖春復生藥裹關心詩總
廢花枝照眼句還成只同燕石能呈墮自得隋珠覺
夜明喬口橘州風浪促繫帆何惜片時程

贈趙公

張說

湘東股肱守心與帝鄉期舟楫中路塞風波復來思
嘉我常聯翼金貂侍玉墀跡參前馬聖名綴勳熊師
寒暑一何速山川遠間之寧知洞庭上獨得平生時
精義微絕簡從權討妙棋林壑爲予請紛靄發華滋
流賞忽已散驚帆忽難追送君在南浦佗僚投此詞

奉答燕公二首

趙冬曦

語別意悽悽零陵湘水西佳人金谷返愛子洞庭迷
舊館逢花發他山值鳥啼江天千里望誰見綠蘋齊

唐詩類苑

卷之一百一

五

誰道零陵守東過此地遊友寮同省閣見弟接荊州
我逐江潭鴈君隨海上鷗屢傷神氣阻久別鬢毛秋
疑嶺春應遍陽臺雨欲收主人情未盡高駕少淹留
伯奴邊見歸田賦因投趙侍御

張說

爾家歎窮鳥吾族賦歸田莫道榮枯異同嗟世網牽
黃陵浮泊渚青草會湘川去國逾三歲茲山老二年
寒鴉鳴舍下昏虎卧籬前客淚堪斑斑竹離憂欲贈全
放言久無次觸興感成篇

奉酬張燕公見歸田賦垂贈之作

趙冬曦

窮鳥嬰籠綴孤飛任播遷鶴鶴王佐用復此挫中天
楚雲何掩鬱湘水亦迴還懷哉愧木鴈忽爾枉蘭荃
愈疾同枚叔銷憂比仲宣歸途書可畏弱操石猶堅
覆載雖云廣溟陽直塊然

贈張丞相

并序

宋鼎

張丞相九齡與余有孝廉校理之舊又代余為荆
州余改漢陽仍兼按使巡至荊州故為此贈

漢上登飛憶荆南歷舊居已嘗臨砌榻更覩躍池魚
盛德繼微眇深衷能卷舒義申蓬閣際情坦廟堂初

唐詩類苑

卷之二

六

郡悒文章美人懷燮理餘皇恩儻照亮一厭承明廬

酬宋使君

張九齡

時來不自意宿昔謬樞衡聖明主妨賢媿友生
罷歸猶右職待罪尚南荆政有留棠舊風因繼組成
高軒問疾苦蒸庶荷仁明衰廢時所薄祇言僚故情

蕭宅二三子贈答詩二十首

并序

盧仝

蕭才子修文行名聞將遷家於洛實揚州宅未售
玉川子客揚州羈旅識蕭遂館蕭未售之宅既而
蕭有事於歙州玉川子欲歸洛憶蕭遂與砌下二

三子酬酢說相媿意俄而二三子有憂宅售心與

其他人手執與洛客以蕭故亦有勉強不能逆其

情文以見意遂盡錄寄蕭天知地知非苟有所欲

二三子心遠誦君子蕭乎蕭乎君歸不得見者細

長三四片者乎

客贈石

竹下青莎中細長三四片主人雖不歸長見主人面

石讓竹

自顧撥不轉何敢當主人竹弟有清風可以娛嘉賓

竹答客

唐詩類苑

卷之二

七

竹弟謝石兄清風非所任隨分有蕭瑟無堅重心

石請客

竹弟雖讓客不敢當客恩自慙埋沒久滿面蒼苔痕

客答石

遍索天地間彼此最癡癡主人幸未來與君為莫逆

石答竹

石報孤竹君此客甚高調共我相共癡不怕主人天

下笑我非蛺蝶兒我非桃李枝不要兒女撲不要春

風吹苔蘚印我面雨露皺我皮此故不嫌我突兀蒙

相知此客即西歸我心徒依依我欲隨客去累重不

解飛知弟虛心亦待客此客何以共報之

竹請客

我本泰山阿避地到南國主人欲移家我亦要歸北
上客幸先歸願託歸飛翼唯將脩脩風累路報恩德

客謝竹

揚州駁雜地不辨龍蜥蜴客身正乾枯行處無膏澤
太山道不遠相庇實無力君若隨我行必有煎茶厄

石請客

啓母是諸母三十六峯是諸父知君家近父母家小
人安得不懷土憐君與我金石交君歸可得共載否

唐詩類苑

卷之二

八

小人無以報君恩使君池亭風月古

客謝石

我有水竹莊甚近嵩之顛是君歸休處可以終天年
雖有提携勞不憂糧食錢但恐主人心疑我相釣竿

石再請客

主人若知我應喜我結得君主人不知我我住何求
於主人我在天地間自是一片物可得枉壓我使我
頭不出

客許石

石公說道理句句出凡格相知貴知心豈恨主爲客

道須歸去來且晚上無厄主人誠賢人多應不相責

井請客

我生天地間頗是往還數已効炊爨勞我亦不願住
君有造化力在君一降顧我願拔黃泉輕舉隨君去

客謝井

改邑不改井此是井卦辭井公莫怪驚說我成憨癡
我縱有神力爭敢將公歸揚州惡百姓疑我卷地皮

馬蘭請客

蘭蘭是小草不怕郎君罵願得隨君行暫到嵩山下

客請馬蘭

嵩山未必隣蘭蘭蘭蘭已受郎君恩不須刷帚跳蹤
走只擬蘭蘭浪出其門

唐詩類苑

卷之二

九

蛺蝶請客

粉末爲四體春風爲生涯願得紛飛去與君爲眼花

客請蛺蝶

君是輕薄子莫窺君子腸且須看雀兒雀兒銜爾將

蝦蟇請客

凡有水竹處我曹長先行願君借我一勺水與君畫
夜歌德聲

客請蝦蟇

蝦蟆頭真語人聞聲揚州蝦蟆忽得便腥臊臭
穢逐我行我身化作青泥坑

代州問民

白居易

龍昌寺底開山路巴子臺前種柳林官職家鄉都忘
却誰人會得使君心

答州民

白居易

宦情抖擻隨塵去鄉思銷磨逐日無唯擬騰騰作閑
事遮渠不道使君愚

贈盧綸

李端

弱冠家廬岳從師歲月深翻同老夫見殊寡少年心
唐詩類苑 卷之二 一

唐詩類苑

+

反此時方晏因之名亦沈越途非要路遡事樂空林
素業在山下青泉當樹陰交游有彫喪離別代追尋
向秀初聞笛鍾期久罷琴殘愁猶滿貌餘淚可沾襟
勿以朱顏好而忘白髮侵終期入靈洞相與鍊黃金
覽外生盧綸詩因以示此 韋渠牟

衛玠清談性最强明時獨拜正員郎關心珠玉曾無
價滿手瓊瑤更有光謀略久參花府盛才名常帶粉
闥香終期內殿聯詩句共汝朝天會相梁

敬訓太府二十四員覽詩卷因以見示

盧綸

郊公憐類亦憐愚忽賜金盤徑寸珠徹地碧潭滋潤
瀋壓枝紅豔照枯株九門洞啓延高論百辟聯行挹
大儒顧已文章非酷似敢將幽劣俟洪爐

代書

代書答姜七崔九

張說

婀娜金閨樹離披野田草雖殊兩地榮幸共三春好
花殊鳥飛處葉鏤蟲行道真心獨感人惆悵令人老

代書寄薛四

張說

孤鴈東飛來寄我紋與素足經三象回素富綜群務
遠見古人心一言重千金蒼之綠毛翰繼以瑤華音

唐詩類苑

卷之二 一

士

歲寒衆木改松栢心常在

代書寄吉十一

張說

一鴈雪上飛值我衡陽道口銜離別字遠寄當歸草
自想春來遲心驚寒去早憶鄉乘羽翮慕侶盈懷抱
零淚答故人將隨江樹老

以詩代書答元丹丘

李白

青鳥海上來今朝發何處口銜雲錦字與我忽飛去
鳥去凌紫煙書留綺牕前開緘方一笑乃是故人傳
故人深相勗憶我勞心曲離居在咸陽三見秦草綠
置書雙袂間引領不暫閑長望杳難見浮雲橫遠山

酬裴員外以詩代書凡三百四十六字

高適

少時方浩蕩遇物猶塵埃脫畧身外事交遊天下才
單車入燕趙獨立心悠哉寧知戎馬間忽展平生懷
且欣清論高豈顧夕陽頽題詩碣石館縱酒燕王臺
北望沙漠垂漫天雪皚皚臨邊無策略覽古空徘徊
樂毅吾所憐拔齊翻見猜荆卿吾所悲適秦不復迴
然諾多死地公忠成禍胎與君從此辭每恐流年催
如何俱老大始復忘形骸兄弟真二陸聲華連八裴
乙未將星變賊臣候天災胡騎犯龍山乘輿輕馬嵬

唐詩類苑

卷之百一

十一

千官無倚著萬性徒悲哀誅呂鬼神動安劉天地開
奔波走風塵倏忽值雲雷旌旄出淮甸入幕徵楚材
誓當剪鯨鯢永以竭駑駘小人胡不仁讒我成死灰
賴得日月明照耀無不該留司洛陽官詹府唯蒿萊
是時掃氛祲尚未殲渠魁背河列長圍師老將亦乖
歸軍劇風火散卒爭椎埋一夕灑洛空生靈悲曝肌
衣冠投草莽予欲馳江淮登頓宛葉下棲遑襄鄧隈
城池何蕭條邑屋更崩摧縱橫荆棘叢但見瓦礫堆
行人無血色戰骨多青苔遂除彭門守因得朝玉階
昂激仰鶩鶩獻替欣鹽梅驅傳及遠蕃憂思鬱難排

罷人紛爭訟賦稅如山崖所思在畿甸曾是魯宓儕
自從拜郎官列宿煥天街那能訪遐僻還復寄瓊環
金玉本高價頃篋終易諧朗詠臨清秋涼風下庭槐
何意寇盜間獨稱名義偕辛酸陳侯誅嘆息季鷹杯
白日屢分守青春不再來卧看中散論愁憶太常齋
酬贈徒爲爾長歌還自吟

南還以詩代書贈京都舊寮

張九齡

薄宦晨昏闕導尊義取斯窮愁年貌改寂歷爾胡爲
不諂詞多忤無容禮益卑微生尚何有遠跡固其宜

唐詩類苑

卷之百一

十一

思擾梁山曲情遙越鳥枝故園從海上良友邈天涯
雲雨歎一別川原勞載馳上慙伯樂顧中負叔牙知
去國誠寥落經途弊險巇歲逢霜雪苦林屬蕙蘭萎
欲贈幽芳歇行悲舊賞移一從關作限兩見月成規
冉冉窮年齋行行盡路岐征鞍稅北渚歸帆指南垂
樹晚猶蔥蒨江寒尚渺瀰土風從楚別山水入湘奇
石瀨相奔觸煙林更蔽虧層崖夾洞浦輕舸泛澄漪
松篠行皆傍禽魚動輒隨惜哉邊地隔不與故人窺
疇昔陪鶩鶩朝陽振羽儀來音雖寂寞接景每逶迤
朝罷冥塵事賓來話酒危邀歡逐芳草結興選華池

此風成歎何時露可披自憐無用者誰念有情離
望美音容闊懷賢夢想疲困聲達霄漢持拙守東陂

代書寄裴六冀劉二穎 獨孤及

昔余馬首東君在海北內盡屏簿領書相與議巖穴
載來詣佳境每山有車轍長嘯林木動高歌唾壺缺
此辭月未周虜馬嘶絳闕猛虎踞大道九州當中裂
聞君棄孤城猶自握漢節耻棲惡木影忍與故山別
脫舄挂嶺雲罔然若鳥迹唯留潺湲水分付練溪月
爾來大谷梨白花再成雪關梁限天險歡樂竟兩絕
大盜近削平三川今底寧勾芒布春令屏翳收雷霆
唐詩類苑 卷之百一 十四

代書寄上李廣州 獨孤及

峽水望番禺迢迢青天末鴻鴈飛不到音塵何由達
獨有與人歌隔雲聲誼聒皆稱府君仁百越賴全活
推誠魚鼈信持正魑魅恒疚民飽中和性足無天關
天子咨四嶽佇公濟方割幾時復旋歸入踐青瑣闥
賤子託明德繚若松上葛別離鄙悵生結念思所豁
門欄關山阻岐路天地闊唯憑萬里書特用慰饑渴

賈員外處見中書賈舍人巴陵詩集覽之懷
舊代書寄贈 獨孤及

海岸望青瑣雲長天漫漫十年不一展知有關山難
適蓬阮如平立馬問平安取公詠懷詩爾我江海瀾
暫若窺武庫森然矛戟寒眼明遺頭風心悅忘朝餐
大駕今返正能罷鷹鳴轡公遊鳳凰沼獻可在筆端
繫越有長纓封關祗一丸罔然翔寥廓仰望慙羽翰
嘉會不我與相思歲云殫唯當袖佳句特比青琅玕
下弋陽江舟中代書寄裴侍御 獨孤及

唐詩類苑 卷之百一 十五
故鄉隔西日去水連長天前路知幾許但指天南邊
愴恨極浦外隱映清山連東風滿帆來五兩如弓絃
遙羨繡衣客罔然馬首先得餐武昌魚不顧潯陽田
屈指數別日忽乎成兩年百花已滿眼春草漸碧鮮
豈是離居侍柰何于役牽洞庭有深涉曷日期歸旋
且作異鄉料詎知攜手緣離憂未易銷莫道樽酒賢
得廣州張判官叔卿書使還以詩代意

杜甫

鄉關胡騎遠宇宙蜀城偏忽得炎州信遙從月峽傳
雲深驃騎幕夜隔孝廉船却寄雙愁眼相思淚點懸

江上代書寄裴使君 獨孤及

何地離念劇江臯風雪時艱難傷遠道老大怯前期
疇昔行藏計祗將力命推能令書信數猶足緩相思

河南王尹初到以詩代書先問之

白居易

別來王閣老三歲似須更贅上斑多少杯前興有無
官從分繁慢清莫問榮枯許入朱門不監與一病夫

代書詩一百韻寄微之 白居易

憶在貞元歲初登典校司身名同日授心事一言知
肺腑都無隔形骸兩不羈疎狂屬年少閑散爲官卑

唐詩類苑 卷之二

六

分定金蘭契言通藥石規交賢方汲汲友直每慙慙
有月多同賞無杯不共持交風拂琴匣夜雪卷書帷
高上慈恩塔幽尋皇子陂唐昌玉藥會崇敬牡丹期
笑勸迂辛酒閑吟短李詩儒風愛敦質佛理尚玄師
度日曾無悶通宵靡不爲雙聲聯律句八面對官棋
往往遊三省騰騰出九達寒銷直城路春到曲江池
樹暖枝條弱山晴彩翠奇峯攢石綠點柳宛麴塵絲
岸草煙鋪地園花雪壓枝早光紅照耀新溜碧逶迤
幄幕侵堤布盤筵占地施微伶皆絕藝選妓悉名姬
鈴黛凝春態金鈿耀水嬉風流誇墜髻時世關啼眉

密坐隨歡促華樽逐勝移香飄歌袂動翠落舞釵遺

簪插紅螺碗觥飛白玉卮打嫌調笑易飲訝卷波遲

殘席諠譁散歸鞍酩酊騎酩酊顏烏帽側醉袖玉鞭垂

紫陌傳鐘鼓紅塵塞路岐幾時曾暫別何處不相隨

荏苒星霜換迴環節候推兩衙多請假三考欲成資

運偶千年聖天成萬物宜皆當少壯日同惜盛明時

光景嗟虛擲雲霄竊暗闕攻文朝吃吃講學夜孜孜

策目穿如札毫鋒銳若錐繁張獲鳥網堅守釣魚坻

並受夔龍薦齊陳臯董詞萬言經濟略三策太平基

中第爭無敵專場戰不疲轉車排勝陣倚角舉降旗

唐詩類苑 卷之二

七

雙闕紛容衛千僚儼等衰恩隨紫泥降名向白麻披
既在高科選還從好爵縻東垣君諫諍西邑我驅馳
再喜登烏府多慙侍赤墀官班分內外遊處遂參差
每列鵷鸞序偏瞻獬豸姿簡威霜凜冽衣彩繡葳蕤
正色摧強禦剛腸嫉嗾嗾常憎持祿位不擬保妻兒
養勇期除惡輸忠在滅私下韓驚燕雀當道懾狐狸
南國人無怨東臺吏不欺理寃多定國切諫甚立昆
造次行於是平生志在茲道將心共直言與行兼危
水間多翻覆山藏路險巇未爲明主識已被倖臣疑
木秀遭風折蘭芳遇露萎千鈞勢易壓一柱力難支

口因成瘡吹毛遂得疵憂來吟貝錦謫去詠江
經近塵中遇殷勤馬上辭賈生離魏闕王粲向荆夷
水過清源寺山經綺季祠心搖漢臯佩淚墮岷亭碑
驛路綠雲際城樓枕水湄思鄉多繞澤望闕獨登陴
林晚青蕭索江平綠渺瀰野秋鳴蟋蟀沙冷聚鷓鴣
官舍黃茅屋人家苦竹籬白醪充夜酌紅粟備晨炊
寡鶴推風翻鰓魚失水鬢聞雞啼渴旦涼葉墜相思
一點寒燈滅三聲曉角吹藍衫經雨故驄馬卧霜羸
念凋誰濡沫嫌醒自歡醺耳垂無伯樂舌在有張儀
負氣衝星劍傾心向日葵金言自銷鑠玉性肯磷緇

唐詩類苑

卷之一百

六

元稹

元稹

玄元氏之下元日會予家居至枉樂天代書詩一
百韻鴻洞卓犖令人興起心情且置書美予前和
七章章次用本韻韻同意殊謂為工巧前書可謂
實難之今復次排百韻以答懷思之貺云

昔歲俱充賦同年遇有司八人稱迴拔兩郡濫相知
同年八人樂天被宰逸驥初翻步驥鷹暫脫羈遠途
憂地窄高視覺天卑並入紅蘭署偏親白玉規近朱
憐冉冉伐木願偃偃魚魯非難識鉛黃自嬾持心輕
馬融帳謀奪子房帷秀發幽巖電清澄溢岸陂九霄
排直上萬里整前期勇贈棲鸞句慚當古井詩

唐詩類苑

卷之一百

十九

詩云曉彼鸞鳳姿樂天多聞全受益擇善頗相師脫
俗殊常調潛工大有為還醇憑酎酒運智託圍棋情
會招車胤閑行覓戴逵僧餐月燈閣釀宴切灰池
樂天杓直拒非輩多於月燈閣開勝槩爭先到篇章
遊又嘗與彼省同官醉宴昆明池勝槩爭先到篇章
競出奇輸贏論破的點算肯容絲山岫當街翠墻花
拂面枝拂面花時唯樂天知此鶯聲愛嬌小燕翼翫
逶迤嚮為逢車緩轡綠絲伴施密攜長上樂偷宿靜
坊姬僻性慵朝起新晴助晚嬉相歡常滿目別處鮮
開眉翰墨題名盡光陰聽話移

唐詩類苑

卷之二百

干

唐詩類苑

卷之二百

主

答張籍因以代書

白居易

君馬瘦衣裘薄許到江東訪鄙夫今日正閑天又

暖可能扶病暫來無

絕句代書贈錢員外

白居易

欲尋秋景閑行去君病多慵我興孤可惜今朝山最好強能騎馬出來無

喜辱韓十四郎中書兼封近詩示代書題贈

獨孤及

各牽千役間遊遨獨坐相思正鬱陶長跪讀書心慙緩短章投我曲何高宦情緣木知非願王事敦人敢告勞所歎在官成遠別徒言岷水纔容舫

貽蜀五首

并序

元稹

唐詩類苑

卷之二

主一

元和九年蜀從事韋臧文告別蜀多明舊稹性懶爲寒溫書因賦代懷五章而贈行亦在其數

病馬詩寄上李尚書

萬里長鳴望蜀門病身猶帶舊瘡痕遙看雲路心空在久服鹽車力漸煩尚有高懸雙鏡眼何由並駕兩朱旛唯應夜識深山道忽遇君侯一報恩

李中丞表臣

韋門同是舊親賓獨恨潘牀簾有塵十里花谿錦城麗五年沙尾白頭新倅戎何事勞專席老掾甘心逐衆人却待文星上天去少分光影照沈淪

盧評事子蒙

爲我殷勤盧子蒙近來無復昔時同嬾成積疹推難動禪盡狂心鍊到空老愛早眠虛夜月病妨杯酒負春風唯公兩弟閑相訪往往潯然一望公

張校書元夫

未面西川張校書書來稠疊頗相於我聞聲價金應敵衆道風姿玉不如遠處從人須謹慎少年爲事更舒徐勸君便是酬君愛莫比尋常贈鯉魚

韋兵曹臧文

處處侯門可曳裾人人爭事蜀尚書摩天氣直山曾拔澈底心清水共虛鵬翼已翻君好去烏頭未變我何如殷勤爲話深相感不學馮諼待食魚

唐詩類苑

卷之三

主一

以詩代書酬暮巢尚書見寄

白居易

書意詩情不偶然若云夢想在林泉願爲愚谷煙霞侶思結空門香火緣每愧尚書情眷眷自憐居士病綿綿不知待得心期否老校於今六七年

自城東至以詩代書戲招李六拾遺崔二十

六先輩

白居易

青門走馬趁心期惆悵歸來已校遲應過唐昌玉蕊

當崇敬牡丹時暫遊還憶崔先輩欲醉先邀李
拾遺當年殘月芸香俸不作歸糧作酒資

問訊

漫問相里黃州

元結

東隣有漁父西隣有山僧各問其情性變之俱不能
公爲二千石我爲山海客志業豈不同今已殊名跡
相里不相類相友且相異何況天下人而欲同其意
人意苟不同分寸不相容漫問軒裳客何如耕釣翁

自問行何遲

白居易

前月發京口今辰次淮涯二旬四百里自問行何遲

唐詩類苑

卷之百一

孟

還鄉無他計罷郡有餘資進不暮富貴退未憂寒饑
以此易過日騰騰何所爲逢山輒倚棹遇寺多題詩
酒醒夜深後睡足日高時眼底一無事心中百不知
想到京園日嬾放亦如斯何必冒風水促促趁程歸

問秋光

白居易

殷卿領北鎮崔尹開南幕外事信爲榮中懷未必樂
何如不才者兀兀無所作不引牕下琴卽舉池上釣
淡交唯對水老伴無如鶴自適頗從容旁觀成渡落
身心轉恬泰煙景彌淡薄迴首語秋光東來應不錯

和寄問劉白

白居易

正與劉夢得醉笑大開口適值此詩來歡喜君知否
遂令高卷幕兼遣重添酒起望會稽雲東南一迴首
愛君金玉句舉世誰人有功用隨自新資材本天授
吟哦不能散自午將及酉遂留夢得眠匡牀宿東牖

問劉十九

白居易

綠蟻新醅酒紅泥小火爐晚來天欲雪能飲一杯無

山中戲問常侍御

白居易

我抱淒雲志君懷濟世才常吟反招隱那得入山來

送田四弟將軍將夔州栢中丞命起居江陵

節度陽城郡王衛公幕 杜甫

唐詩類苑

卷之百一

孟

離筵罷多酒起地發寒塘回首中丞座駢牋異姓王
燕辭楓樹日鴈度麥城霜空醉山翁酒遙憐似葛強

自問

白居易

年來私自問何故不歸京佩玉腰無力看花眼不明
老慵難發遣春病易滋生賴有彈琴女時時聽一聲

問皇甫十

白居易

苦樂心由我窮通命任他坐傾張翰酒行唱接輿歌
然盛傍看好優閑自適多知君能斷事勝負兩如何

問諸親友

白居易

七十人難到過三更較稀占花租野寺定酒典朝衣

越醉畫多出貪歡夜未歸不知親故口道我是耶非

送蕭三十一之魯中兼問稚子伯禽

李白

六月南風吹白沙吳牛喘月氣成霞水國鬱蒸不可
處時炎道遠無行車夫子如何涉江路雲帆嫋嫋金
陵去高堂倚門望伯魚魯中正是趨庭處我家寄在
沙丘傍三年不歸空斷腸君行既識伯禽子應駕小
車騎白羊

自問

白居易

黑花滿眼絲滿頭。早衰因病病因愁。宦途氣味已諳
盡五十下休何日休。

毛

自問

白居易

依仁臺廢悲風晚履信池荒宿草春自問老身騎馬
出洛陽城裏竟何人

客有說

白居易

近有人從海上迴海山深處見樓臺中有仙龕虛一
室多傳卧待樂天來

答客說

白居易

吾學空門非學仙恐君此說是虛傳海山不是吾歸
處歸即應歸兜率天

戲問牛司徒

白居易

抖擻塵纓將白鬚半酣扶起問司徒不知詔下懸草
後醉舞狂歌有例無

答尉遲少尹問所須

白居易

乍到頻勞問所須所須非玉亦非珠愛君水閣宜閑
詠每有詩成許去無

少年問

白居易

少年怪我問如何何事朝朝醉復歌號作樂天應不
錯憂愁時少樂時多

問少年

白居易

唐詩類苑卷之二
千首詩堆青玉案十分酒瀉白金盃頭却問許年
少作箇狂夫得了無

奉送蜀州栢二別駕將中丞命赴江陵起居

衛尚書大夫人因示從弟行軍司馬位

杜甫

中丞問俗盡能頻愛弟傳書彩鷁新遷轉五州防禦
使起居八座太夫人楚宮臘送荆門水白帝雲偷碧
海春與報惠連詩不惜知吾斑鬢總如銀

和劉汝州酬侍中見寄長句因書集賢坊勝

事戲而問之

白居易

洛川汝海封幾接履道集賢來往頗一復時雖不
遠百餘步地更相親朱門陪宴多投轄青眼留歡
吐茵聞道郡齋還有酒風前月下對何人

問江南物

白居易

歸來未及問生涯先問江南物在耶引手摩娑寄石
笋迴頭點檢白蓮花蘇州舫放龍頭暗王尹橋傾
幽斜別有夜深惆悵事月明雙鶴在裴家

答客問杭州

白居易

為我踟躕停酒盞與君約畧說杭州山名天竺堆青
黛湖號錢塘瀉綠油天屋簷多裝鴈齒小航船亦畫
唐詩類苑 卷之百一 夫
龍頭所嗟水路無三百官繫何因得再遊

得書

旅次岐山得山友書却寄鳳翔張尹

李端

本與戴徵君同師竹上坐偶為名利引久廢論真果
昨日山信迴寄書來責我

得遠書

李昌符

故人居謫官今日一書來良久驚兼喜殷勤更開
瘴雲沈去鴈江南促新梅滿紙殊鄉淚 宛不可哀
山中枉張宙員外詩則訪衡門

馬戴
當恨相知晚朝來枉數行卧雲驚聖代拂石候仙郎
時果連枝熟春醪滿甕香貧家仍有趣山色滿湖光
岳陽逢司空文明得關中書

李端

共有髫年故相逢萬里餘新春兩行淚舊國一封書
夏口帆初泊潯陽鴈正疎唯應執杯酒暫食漢江魚
秋館雨後得弟兄書即事呈李明府

戎昱

弟兄書忽到一夜喜兼愁空館復聞雨貧家怯到秋
唐詩類苑 卷之百一 元

得子姪書

喻龜

遠書來院巷闕下見江東不得經史力枉拋耕稼功
鴈天霞脚雨漁夜葦條風無復琴杯興開懷向爾同
奉和周二十二丈酬郴州侍郎衡江夜泊得
韶州書并附當州生黃茶一封率然成篇
代意之作 柳宗元

丘山仰德耀天路下征驂夢喜二刀近書嫌五載違
疑情江月落屬思嶺雲飛會入司徒府還邀周掾歸
途中逢孫輅因得李頻消息

方干

潮上寒仍在柔條亦自新山河雖度臘雨雪未知春
正憶同袍者堪逢共國人銜杯益無語與爾轉相親
醉中得上都親友書以予停俸多時憂問貧

乏偶乘酒興詠而報之 白居易

頭白醉昏昏狂歌秋復春一生耽酒客五度棄官人
異世陶元亮前生劉伯倫卧將琴作枕行以鍾隨身
歲要衣三對年支穀一困園葵烹佐飯林葉掃添薪
沒幽甘蔬食搖頭謝縉紳自能拋爵祿終不惱交親
但得杯中綠從生甌上塵煩君問生計憂醒不憂貧

唐詩類苑

卷之一百

三

李太尉重陽日得蘇屬國書

白行簡

降虜意何如窮荒九月初三秋異鄉節一紙故人書
對酒情無極開緘思有餘感時空寂寞懷舊幾躊躇
鴈盡平沙迴煙銷大漠虛迴頭向南望掩淚對雙魚

得袁相書

白居易

穀苗深處一農夫面黑頭斑手把鋤何意使人猶識
我就田來送相公書

開元九詩書卷

白居易

紅牋白紙兩三束半是君詩半是書經年不展綠身

病今日開看生蠹魚

得錢舍人書問眼疾

白居易

春來眼闇少心情點盡黃連尚未平唯得君書勝得
藥開緘未讀眼先明

病中得樊大書

白居易

荒村破屋經年卧寂絕無人問病身唯有東都樊著
作至今書信尚殷勤

得楊湖州書頗誇撫民接賓縱酒題詩因以

絕句戲之

白居易

豈獨愛民兼愛客不唯能飲又能文白蘋洲上春傳

唐詩類苑

卷之一百

三

語柳使君輪楊使君

得樂天書

元稹

遠信入門先有淚妻驚女哭問何如尋常不省曾如
此應是江州司馬書

山中枉皇甫溫大夫見招書

馬戴

十年木屐步苔痕石上松間水自喧三辟草堂仍被
褐數行書札忽臨門卧多共息嵇康病才劣虛同郭
隗尊亞相已能憐老倒山花笑處莫啼猿

京使迴累得南省諸公書因以長句謝寄蕭

五劉二元八吳十一章大陸郎中崔二十

二牛二李七庾三十二李六李十楊三樊

大楊十二員外

白居易

雪壓泥埋未死身每勞存問媿交親浮萍漂泊三千
里列宿參差十五人禁月落時君待漏會煙深處我
行春瘴鄉得老猶爲幸豈敢傷嗟白髮新

得微之到官後書備知通州之事悵然有感

因成四章

白居易

來書仔細說通州州在山根峽岸頭四面千重火雲
合中心一道瘴江流蟲蛇白晝開官道蚊蚋黃昏撲

唐詩類苑

卷之百一

三

郡樓何罪遣君居此地天高何處問來由

匡廬巔山萬仞餘人家應似甌中居
黃年籬下多逢虎亥日沙頭始賣魚
斑梅雨長須熨米澀畝田不解鉏
努力安心過三考已曾愁殺李尚書

人稀地僻醫巫少夏早秋霖瘴疫多
老去一身須愛惜別來四體得如何
侏儒飽笑東方朔蕙苒謾憂馬伏波
莫遣沈愁結成病時時一唱濯纓歌

通州海內恓惶地司馬人間冗長官
傷鳥有弦驚不定卧龍無水動應難
劍埋獄底誰深掘松偃霜中盡冷看
舉目爭能不惆悵高車大馬滿長安

將發洛中在令狐相公手札兼辱二篇寵行

以長句答之

白居易

尺素忽驚來梓澤雙金不惜送蓬山
八行落泊飛雲雨五字鎗鏖動珮環
玉韻乍聽堪醒酒銀鈎細讀當披顏
收藏便作終身寶何啻三年懷袖間

歲暮在衢州張使君書并詩因以長句報之

白居易

西州彼此意何如官職蹉跎歲欲除
浮石潭邊停五馬望濤樓上得雙魚
萬言舊手才難敵五字新題思有餘
貧薄詩家無好物及投桃李報瓊琚

唐詩類苑

卷之百一

三

得行簡書聞欲下峽先以此寄

白居易

朝來又得東川信欲取春初發梓州
書報九江聞麴喜路經三峽想還愁
瀟湘瘴霧加餐飯瀘瀕驚波穩泊舟
欲寄兩行迎爾淚長江不肯向西流

得潮州楊相公繼之書并詩以此寄之

白居易

詩情書意兩殷勤來自天南瘴海濱
初覩銀鈎還啓齒細吟瓊什欲沾巾
鳳池隔絕三千里蝸舍沈冥十五春
唯有新昌故園月至今分照兩鄉人

得湖州崔十八使君書喜與杭越隣郡因

長句代賀兼寄微之 白居易

三郡何因比結緣貞元科第忝同年故情歡喜開書後舊事思量在眼前越國封疆吞碧海杭城樓閣入青煙吳興卑小君應屈爲是蓬萊最後仙

初冬月夜得皇甫澤州手札并詩數篇因遣

報書偶題長句 白居易

清冷玉韻兩三章落箔銀鈎七八行心逐報書懸鴈足夢尋來路繞羊腸水南地空多明月山北天寒足早霜最恨潑醅新熟酒迎冬不得共君嘗

唐詩類苑

卷之百一

書

欲到東洛得楊使君書因以此報

白居易

向公心切向才疎淮上休官洛下居三郡政能從獨步十年生計復何如使君灘上久分手別駕渡頭先得書且喜平安又相見其餘外事盡空虛

襲美以魚牋見寄因謝成篇

陸龜蒙

搗成霜粒細鱗鱗知作愁吟幸見分向日乍驚新繭色臨風時辨白萍文魚子曰好將花下承金粉堪送天邊詠碧雲見倚小牕親襲染書圖春色寄夫君

奉訓見答魚牋之什 皮日休

輕如隱起膩如飴除却鮫工解製稀欲寫恐成河伯詔試裁疑是大仙衣毫端白獺脂猶濕指下水鷗子欲飛若用莫將閑處去好題春思贈江妃

得宣州寶尚書書因投寄二首

羅隱

雙魚迢遞到江濱南感陵陽舊主人萬里朝臺勞寄夢十年侯國阻趨塵尋知亂後嘗辭祿共喜閑來得養神時見齊山敬亭客不堪戎馬戰征頻曾逐旌旗過板橋世途多難竟蓬飄步兵校尉辭公

唐詩類苑

卷之百一

書

府車騎將軍憶本朝醉裏舊遊還歷歷病中衰鬢奈蕭蕭遺簪墜履應留念門客如今只下寮

得盧衡州書因以詩寄 柳宗元

臨蒸且莫歎炎方爲報秋來鴈幾行林邑東迴山似戟牂牁南下水如湯兼葭浙瀝含秋霧橘柚玲瓏透夕陽非是白蘋洲畔客還將遠意問瀟湘

唐詩類苑卷第一百一終

唐詩類苑卷第一百二

明雲間張之象玄超甫纂輯

雲間杜士全道執甫編次

雲間王微叔朗甫補訂

梁谿曹仁孫伯安甫校正

人部

獻詩

獻始興公

王維

寧棲野樹林寧飲澗水流不用坐梁肉崎嶇見王侯
鄙哉匹夫節布褐將白頭任智誠則短守仁固其優

唐詩類苑

卷之百二

一

則聞大君子安問黨與讐所不賣公器動爲蒼生謀
賤子跪自陳可爲帳下不感激有公議曲私非所求

秋集罷還途中作謹獻壽春公黎公

韋應物

束帶自衡門奉命宰王畿君侯枉高鑒舉善掩瑕疵
斯民本已安工拙兩無施何以酬明德歲晏不磷緇
時節乃來集欣懷方載馳平明大府開一得拜光輝
溫如春風至肅若嚴霜威群屬所載瞻而忘倦與饑
公堂燕華筵禮罷復言辭將從平門道憩車澧水湄
山川降嘉歲草木蒙潤滋孰云還本邑懷戀獨遲遲

山南鄭相公獎員外酬答爲詩其末咸有見

及語獎封以示愈依賦十四韻以獻

韓愈

梁維西南屏山厲水刻屈稟生肖勦剛難諧在民物
榮公鼎軸老烹幹力健偃帝咨女予征牙肅前全拂
威風挾惠氣益壤兩廟拂茫漫華黑閑指畫變悅歛
誠既富而美章彙霍炳蔚日延講大訓龜判錯袞猷
獎子坐賓署演孔刮老佛金春撼玉應厥臭劇蕙鬱
遺我一言重跪受惕齋慄辭慙義卓闊呀豁拔培掘
如新去町疇雷霆逼颶颶綴此豈爲訓俚言紹莊屈

唐詩類苑

卷之百二

二

獻漢南樊尚書

孟郊

天下昔崩亂大君識賢臣衆木盡搖落始見竹色真
兵勢走山嶽陽光潛埃塵心開玄女符面縛清彼人
異俗既從化澆風亦歸淳自公理斯郡寒谷皆變春
旗影卷赤電劍鋒匣青鱗如何嵩高氣作鎮楚水濱
雲鏡忽開霽一作孤光射無垠乃知尋常鑒照影不

照神

獻襄陽于大夫

孟郊

襄陽青山郭漢江白銅堤謝公領茲郡山水無塵泥
鐵馬萬霜雪絳旗千虹蜺風漪參差泛名板重疊

不復隨新歡居然齊還橫覓原野歸老相扶攜
物色增暖暖寒芳更萋萋淵清有遐略高躅無近蹊
一作衆賦無累掠與歌有安緩卽此富蒼翠自然引翔棲曩遊常抱
憶夙好今尚睽願言從逸轡暇日凌清溪

上張徐州

孟郊

爲水不入海安得浮天波爲木不在山安得橫日柯
再來君子傍始覺精義多一作藝多大德唯一施衆情自
偏頗至樂無一作變官徵至聲遺謳歌願鼓空桑絃永
使萬物和顧已誠拙訥于名已蹉跎獻詞唯在口所
欲無餘他乍作支泉石乍作翳松蘿一不改方圓破
唐詩類苑 卷之百一 三

質爲琢磨賤子本如此大賢心若何豈是無異途異
途難經過

上包祭酒

孟郊

岳岳冠蓋彥英英文字雄瓊音獨聽時塵韻固不同
春雲生紙上秋濤起胷中時吟五君詠再舉七子風
何幸松桂侶見知勤苦功願將黃鶴翅一借飛雲空

上河陽李大夫

孟郊

上將秉神略至兵無猛威三軍當嚴冬一撫勝重衣
霜劍奪衆景夜星失長輝蒼鷹獨立時惡鳥不敢飛
武牢鎖天關河橋紐地機大將奚以安守此稱者稀

貧士少顏色貴門多輕肥試登山岳高方見草木微
山岳恩旣廣草木心皆歸

翠孤至渚宮寄座主相公 曹鄴

萬里一孤舟春行夏方到骨肉盡單羸沈憂滿懷抱
羈孤相對泣性命不相保開戶山鼠驚蟲聲亂秋草
白菌綠屋生黃蒿擁籬倒對此起長嗟芳年亦須老
恩門爲宰相出入用天道忽於摧落間收得青松操
全家到江陵屋虛風浩浩中腸自相伐日夕如寇盜
其下有孤姪其上有孀嫂黃糧賤於土一飯常不飽
天斜日光薄地濕蟲叫噪唯恐道忽消形容益枯槁
唐詩類苑 卷之百一 四

古人於黃雀豈望白環報奉答恩地思何慙以誠告

黃子陂上韓吏部

賈島

石樓云一別二十二三春相逐升堂者幾爲埋骨人
涕流聞渡瘴病起喜還秦曾是令勤道非惟卹在迤
疎衣蕉縷細爽味茗芽新鍾絕滴淺雨螢多無近憐
溪潭承到數位秩見辭頻若箇山招隱機忘任此身

上樂使君救康成公

賈島

曾夢諸侯笑康囚議脫枷千根池裏藕一朶火中花
將赴東都上李相公

四海兵初偃平津閣正開誰知火爐下還有不燃灰

獻寄舊府開封公

李商隱

幕府三年遠春秋一字褒書論秦逐客賦續楚離騷
地理南溟闊天文北極高酬恩撫身世未覺勝鴻毛
揚州選蒙相公賞判雪後呈上

崔洞

自得山公許休耕海上田慚看長史傳欲棄釣魚船
窮巷殷憂日蕪城雨雪天此時瞻相府心事比旌懸
又獻劉濟

李益

草綠古燕州鶯聲引獨遊鴈歸天北畔春盡海西頭
向日花偏落馳年水自流感恩知有地不上望京樓
唐詩類苑 卷之百二

五

上汴州令狐相公

朱慶餘

罷相恩猶在那容處靜司政嚴初領節名重更因詩
公事巡營外戎裝拜勅時

應念出身遲

上張水部

朱慶餘

出入門關久兒童亦有情不忘將姓字常說向公卿
每許連牀坐仍容並馬行恩深轉無語懷抱甚分明

上高侍御

喻鳧

舊隱白雲峯生涯落葉同關河一棧放楊柳十東風
迹處龍鍾內聲居汨沒中酬恩若有地寧止殺微窮
獻知己 喻鳧

亦忝受恩身當殊投刺新竟蒙分玉石終不離埃塵
大谷非無暖幽枝自未春昏昏過朝夕應念苦吟人

上魏公詩

李商隱

國以斯文重公仍內署才風標森太華星象逼中台
朝滿遷鶯侶門多吐鳳來寧同魯司寇只鑄一顏回

投贈哥舒開府

杜甫

今代麒麟閣何人第一功君王自神武駕馭必英雄
開府當朝傑論兵邁古風先鋒百勝在略地兩隅空
青海無傳箭天山早挂弓廉頗仍走敵魏絳已和戎
每惜河湟棄新兼節制通智謀垂睿想出入冠諸公

唐詩類苑 卷之百二

六

日月低秦樹乾坤繞漢宮胡人愁逐北宛馬又從東
受命邊沙遠歸來御席同軒墀曾寵鶴敗獵舊非熊
茅土加名數山河誓始終策行遺戰伐契合動昭融
勲業青冥上交親氣槩中未爲珠履客已見白頭翁
壯節初題柱生涯獨轉蓬幾年春草歇今日暮途窮
軍事畱孫楚行間識呂蒙防身一長劍將欲倚崆峒

上張令公

王維

珥筆趨丹陛垂璫上玉除步簷青鎖闥方幘畫輪車
市閤千金字朝開五色書致君光帝典薦士滿公車
伏奏迴金駕橫經重石渠從茲罷角抵且復幸儲胥

天統知堯後王章笑魯初匈奴遙俯伏漢相儼釋襦
賈生非不遇汲黯自堪疎學易思求我言詩或起予
嘗從大夫後何惜隸人餘

遣悶奉呈嚴鄭公二十韻 杜甫

白水漁竿客清秋鶴髮翁胡爲來幕下祗合在舟中
黃卷真如律青袍也自公老妻憂坐痺幼女問頭風
平地專欹倒分曹失異同禮甘衰力就義忝上官通
疇昔論詩早光輝仗鉞雄寬容存性拙剪拂念途窮
露衰思藤架煙霏想桂叢信然龜觸網直作鳥窺籠
西嶺紆村北南江繞舍東竹皮寒舊翠椒實雨新紅
唐詩類苑 卷之三百一 七

浪簸船應圻杯乾甕卽空藩離生野徑片斧任樵童
束縛酬知已蹉跎效小忠周防期稍稍太簡遂恩恩
曉入朱扉啓昏歸畫角終不成尋別業未敢息微躬
烏鵲愁銀漢驚駘怕錦幃會希全物色時放倚梧桐
和袁郎中破賊後軍行過劉中山水謹上太

尉 卽李光弼 劉長卿

剡路除荆棘王師罷鼓鼙農歸滄海畔圍解赤城西
赦罪春陽發收兵太白低遠峯來馬首橫笛入猿啼
蘭渚催新幄桃源識故蹊已聞開閣待誰許卧東溪
秋日夏口步漢陽獻李相公

劉長卿

日望衡門處心知漢水濱偶乘青雀舫還在白鷗群
間氣生靈秀先朝翼戴勲藏弓身已退焚藁事難聞
舊業成青草全家寄白雲松蘿長稚子風景逐新文
山帶寒城出江依古岸分楚歌悲遠客羌笛怨孤軍
鼎罷調梅久門看種藥勤十年猶去國黃葉又紛紛
收二京因書事寄上浙西節度李侍郎中丞

行營五十韻 劉長卿

天上胡星孛人間 反氣橫風塵生汗馬河洛縱
長鯨本謂 才非據誰知 禍已萌食參將可
唐詩類苑 卷之三百一 八

待誅錯輒爲名萬里兵鋒接三時羽檄驚負恩殊烏
獸流毒遍黎氓朝市成蕪沒干戈起戰爭人心懸反
覆 天道暫虛盈略地侵中土傳烽到上京王師
陷虜旄帝座逼攬搶渭水嘶胡馬秦山泣漢兵關原
馳萬騎煙火亂千甍鳳駕瞻西幸龍樓議 北征
自將行破竹誰學去吹笙白日重輪慶玄穹再造榮
鬼神潛釋 憤夷狄遠輸誠海內戎衣卷關中賊
壘平山川隨轉戰草木困 橫行區宇神功立調
歌 帝業成天迴萬象慶龍見五雲迎小苑春前
在長安日更明辰歸正位 發殘生文物

登前古蕭韶下太清未央新柳色長樂舊鐘聲八使
推邦彥中司案國程蒼生屬伊呂明主仗一作韓彭

兇醜將除蔓好豪已負荆世危看柱石時難識忠貞

薄伐徵貊虎長驅擁旌旌吳山依重鎮江月帶行營

金石懸詞律煙雲動筆精運籌初戒竈調鼎未和羹

北虜傳初解東人望已傾池塘催謝客花木待春卿

昔忝登龍首能傷困驥鳴艱難悲仗劍提握喜懸衡

巴曲誰堪聽秦臺自有情遂令辭短褐仍欲請長纓

久客田園廢初官印綬輕榛蕪上國路苔蘚北山楹

嬾慢羞趨府驅馳憶退一作耕榴花無暇醉蓬髮帶

瘴類苑卷之百一九

愁繁地僻方言異身微俗慮一作并家憐雙鯉斷才

媿小鱗烹滄海今猶滯青陽歲又更洲香生杜若谿

暖一作戲鴛鴦煙水一作宜春候塞關一作值晚晴

潮聲來萬井山色映孤城旅夢親喬木歸心亂早鶯

倘無知已在今已訪蓬瀛

上禮部楊侍郎 皇甫冉

邱匠掄材日轅輪必盡呈敢言當一幹徒欲隸諸生

末學慙鄰魯深仁錄弟兄餘波知可挹弱植更求榮

績媿他年敗功期此日成方因舊桃李猶異載飛鳴

道淺猶懷分時移但自驚關門驚暮節林壑廢春耕

千里嵩峯近千秋潁水清煙花迷成谷墟落接陽城
眇默思鄉夢遲迴知已情勞歌終此曲還是苦辛行

雪謗後書事上皇甫大夫 盧綸

盛德總群英高標仰國楨獨安巡狩日曾掩趙張名

業就難辭寵朝回更授兵曉川分牧馬夜雪覆連營

長策威殊俗嘉謀翌聖明畫圖規陣勢夢筆紀山行

綬拂池中影珂搖竹外聲賜歡徵效樂陪醉問公卿

却憶經前事翻疑得此生分深存沒感恩在子孫榮

覽鏡愁將老捫心喜復驚豈言沈族重但覺殺身輕

有淚沾墳典無家集弟兄東西遭世難流浪識交情

詩類苑卷之百一十

閱古宗文舉推才慕正平應憐守貧賤又欲事躬耕

今月二日不自量度輒以詩一首四十韻干

瀆尊嚴伏蒙仁恩俯賜披覽獎踰其實情

溢於辭顧惟疎蕪曷用酬戴輒復五言四

十韻詩一章獻上亦詩人詠嘆不足之義

也 李商隱

家擅無雙譽朝居第一功四時當首夏八節應條風

滌濯臨清濟巉巖倚碧嵩鮑壺冰皎潔王佩玉丁東

聲虞決錄要注云漢末絕無玉佩侍中王粲處劇張

京兆通經戴侍中將星臨迴夜卿月麗層穹下令銷

秦盜高談破宋聾含霜太山竹拂霧暎陽桐樂道乾
知退當官寒匪躬服箱青海馬入兆渭川熊固是符
真宰徒勞讓化工鳳池春滋鸞鷁樹曉曉願守三
章約期嘗九譯通薰琴調大舜寶瑟和神農慷慨資
元老周旋值役童仲尼羞問陣魏絳喜和戎款款將
除蠹孜孜欲達聰所求因渭濁安肯與雷同物議將
調鼎君恩忽賜弓開吳相上下全蜀占西東銳卒魚
懸餌豪胥鳥在籠疲民呼杜母隣國仰羊公置驛推
東道安禪合北宗嘉賓增重價上士悞真空扇舉遮
王導橫開見孔融煙飛愁舞罷塵定惜歌終岸柳兼

唐詩類苑

卷之百二

十一

池綠園花映燭紅未曾周顓醉轉覺季心恭繫滯喧
人望便蕃屬聖衷天書何日降庭燎幾時烘早歲乖
投刺今晨幸發蒙遠塗哀感驚薄藝獎雕蟲故事曾
尊隗前修有薦雄終須煩刻畫聊擬更磨礪變嶺晴
留雪巴江晚帶楓管巢憐越燕裂帛待燕鴻自苦誠
先藥長飄不後蓬容華雖少健思緒卽悲翁感激淮
山館優游碣石宮待公三入相不祚始無窮

五言述德抒情詩一首四十韻獻上杜七兄

僕射相公

李商隱

帝作黃金闕仙開白玉京有人扶太極降元精

耿賈官勲大荀陳地望清旂常懸祖德甲令著嘉聲
經出宣尼壁書留晏子楹武鄉傳陣法踐土主文盟
自昔流王澤由來仗國楨九河分合沓一柱忽崢嶸
得主勞三顧驚人肯再鳴碧虛天共轉黃道日同行
後飲曹參酒先和傅說羹卽時賢路闢此夜太階平
願保無疆福將圖不朽名率身期濟世叩額慮興兵
感念峭屨露咨嗟趙卒坑儻今安隱忍何以贊貞明
惡草雖當路寒松實挺生人言真可畏公意本無爭
故事留臺閣前驅且旆旌芙蓉王儉府楊柳亞夫營
清嘯頻疎俗高談屢析醒過庭多令子乞墅有名甥

唐詩類苑

卷之百三

十二

南詔應聞命西山莫敢驚寄辭收的博端坐掃攬槍
雅宴初無倦長歌底有情檻危春水暖樓迴雪峯晴
移席牽湘簾迴檣撲絳英誰知杜武庫只見謝宣城
有客趨高義千金滯下卿登門慙後至置驛恐虛迎
自是依劉表安能比老彭雕龍心已切畫虎意何成
豈省曾黔突徒勞不倚衡乘時乖巧宦占象合艱貞
廢忘淹中學遲迴谷口耕悼傷潘岳重樹立馬遷輕
隴鳥悲丹紫湘蘭怨紫莖歸期過舊歲旅夢繞殘更
窮植叨華族哀門倚外兄欲陳勞者曲未唱淚先橫

獻榮陽公詩五十韻

并序

元稹

啓今月十七日公會儒於便廡積亦謬容末席公
出棠樹之首章且識其目曰客有前進士韋張在
宋來會學由我而下聯爲五言以美之諸生戰戰
慄慄各盡詞以獻公公則舉其摧敵推案析理次
至數聯應若前定諸儒有不安者隨爲刮削變煥
爲妍不廢暮而珠貫成就瑕不可掩者積六聯耳
退而自咎且盛公之所爲因而次用所聯翩賢等
五十一字合爲一詩止詠公之詞業力翰泊生徒
學校之事而已也其於勲位崇懿在國籍族地清
甲編世家政事德美播謳謠儉仁愛被親戚非小

儒造次之所盡大凡受褊狹者不可以語大持枵
棖而承澍雨自滿而止又安能測其霽霽之所至
哉惶恐無任俯伏待罪謹以啓陳不宣謹啓

鄭驛騎翩翩丘門子弟賢文翁開學日正禮聘途年

張秀才正暮榮陽公首薦登第也駿骨黃金買英髮絳帳延趨風皆

蹠足侍坐各差肩解榻招徐穉登樓引仲宣鳳樓題

字扇魚落講經庭盛氣河包濟貞姿嶽柱天臯夔當

五百鄒魯重三千科斗翻騰取關雎教授先榮陽公案吏生

徒受詩有百數篆垂朝露滴詩綴夜珠聯逸禮多心匠焚書

舊口傳陳遵修尺牘阮瑤瓊飛牋中的顏初啓抽毫

踵未旋森羅萬木合屬對百花全詞海跳波湧文星
拂坐懸戴馮遙避席祖逖後施鞭西蜀凌雲賦東陽
詠月篇勁艾龍足斷精貫虱心穿浩汗神彌主瓊殿
興欲仙冰壺通皓雪綺樹眇晴煙驅駕雷霆走鋪陳
錦繡鮮清機登突與流韻溢山川墨客膺潛服談賓
膝誤前張鱗定摧敗折角反矜憐句句推瓊玉聲聲
播管絃纖新撥造化頑洞幹陶甄衛磬瑋錡極齊竿
僭濫偏空虛慙炙輶點竄許懷鉛憶色秋來草哀吟
雨後蟬自傷魂慘沮何暇思幽玄模病瘧二年求醫在此榮陽公不忍
歸鄉喜到樽疊側愁親几案邊菁華知竭矣肺腑尚

求旃抵滯渾成醉徘徊轉慕臃老嘆才漸少閑苦病
相煎瓦礫難追琢鶻鴞分素拍漫勞成懇懇那得美
娟娟拙劣仍非速迂愚且異專移時停筆硯揮景乏
戈鏃儀舌忻猶在舒帷暫不寒會將連獻楚深恥謬
游燕蒲有臨書葉草充讀易編沙須披見寶經擬帶
耕田入露長期閏持朱本望研輪轅呈曲直鑿枘取
方圓呼吸寧徒爾霑濡豈浪然過簫資響亮隨水漲
淪漣惜日看圭短偷光恨壁堅勤勤彫朽木細細導
蒙泉傳癖今應甚頭風昨已痊丹青公舊物一爲變
蚩妍

酬東川李相公十六韻次用本韻并啓

元稹

積啓今月十二日州吏廻伏受相公書示知小生
所獻和慈竹等詩關達鑒覽不蒙罪退而又賜詩
一十韻并首序一百二十三言廢各位之常數比
朋友以字之飾揚洵埃投擲珠玉幸甚幸甚至於
廟議末學江花陋詞無不記在雅章以備光寵不
勝惶駭驚慚之至昔楚人始交必有乘車戴笠不
忘相揖之誓誠以爲貴富不相忘之難也况貴賤
之隔不啻於車笠之相懸而相公投貺珍重又豈
唐詩類苑 卷之二 十五

唯一揖之容易哉積獨何人享是嘉惠輒復牽課
拙劣酬獻所賜是猶百獸與鳳凰同舞於簫韶之
中各極其歡心耳又何暇自審其形容之不類哉
慶歲專人封用上獻死罪死罪謹啓
昔附赤霄羽葳蕤遊紫垣關班香案上奏語玉晨尊
簷直撩忌諱科儀懲傲頑自從真籍除棄置勿復論
前時共遊者日夕黃金軒請帝下巫覡八荒求我魂
鸞鳳屢鳴顧燕雀尚離藩徒令霄漢外往往塵念存
存念豈虛設併投瓊與璫彈珠古所訝此用何太
鄒律寒氣變鄭琴祥景奔靈芝繞身出左右光彩

碧玉無俗色藥珠非世言重慚前日句陋若猶並蓀
臘月巴地雨瘴江愁浪翻因持駭鷄寶一照濁水昏

司徒令公分守東洛移鎮北都一心勤王三
月成政形容盛德實在歌詩况辱知音敢
不先唱輒奉五言四十韻寄獻以抒下情

白居易

天上中台正人間一品高休明值堯舜勲業過蕭曹
始擅文三捷終兼武六韜動人名赫赫憂國意忉忉
盪蕩擒封豕平齊斬巨鼇兩河收土宇四海定波濤
寵重移宮籙恩新換闔旄保釐東宅靜守護北門牢

唐詩類苑

卷之二

十六

晉國封疆闊并州士馬豪胡兵驚赤幟邊鴈避
令下如流水仁霑澤似膏路喧歌五袴軍醉威
將校森獍武賔僚儼俊髦客無煩夜析吏不犯秋毫
神在臺駘助魂亡儉狃逃德星銷宇彗霖雨滅腥臊
烽戍高臨代關河遠控洮汾雲晴漠漠朔吹冷颼颼
豹尾交衙戟蚪鬚捧佩刀通天白犀帶照地紫麟袍
羌管吹楊柳燕姬酌葡萄銀含鑒落盡金屑琵琶槽
遙想從軍樂應忘報國勞紫微留北闕綠野寄東臯
忽憶前時會多慙下客叨清宵陪譙話羨景從遊遨
花月還同賞琴詩雅自操朱絃沸宮徵洪筆振風騷

近竹開方丈依林架桔槔春池八九曲畫舫兩三艘
徑滑苔沾屐潭深水沒篙綠絲繁柳岸紅粉映樓桃
爲穆先陳醴招劉共籍糟舞髮金翡翠歌頌玉螭蟠
盛德終難退明時豈易遭公雖慕張范帝未捨伊臯
眷戀心方結踟躕首已搔鸞鳳上廖廓燕雀止蓬蒿
欲獻文在簡徒煩思鬱陶可憐四百字輕重抵鴻毛

弘農公以碩德偉材屈於詛枉左官三歲復
爲大僚天監昭明人心感悅宗元竄伏湘
浦拜賀未由謹獻詩五十韻以畢微志

柳宗元

唐詩類苑

卷之二

七

知命儒爲貴時中聖所藏處心齊寵辱遺物任行藏
關識新安地封傳臨晉鄉挺生推豹蔚遐步仰龍驤
幹有千尋竦精聞百鍊鋼茂功期舜禹高韻狀羲黃
足逸詩書固鋒搖翰墨場雅歌張仲德頌祝魯侯昌
憲府初騰價神州轉耀鉉右言盈簡冊左轄備條綱
響切晨趨珮煙濃近侍香司儀六禮洽論將七兵揚
合樂來儀鳳尊祠重餼羊卿材優柱石公器擅嚴廊
峻節臨衝嶠和風滿蹕章人歸父母育郡得股肱良
細故誰留念煩言肯過防壁非真盜客金有誤持郎
龜虎休前寄貂蟬冠舊行訓刑方命呂理劇復推張

直用明銷惡還將道勝剛敬逾齊國社恩比召南棠
希怨猶逢怒多容競忤強火災侵琬琰鷹擊謬鸞鳳
刻木終難對焚芝未改芳遠遷逾桂嶺中徙滯餘杭
顧土雖懷趙知天詎畏匡論嫌齊物誕騷愛遠遊傷
麗澤周群品重明照萬方斗間收紫氣臺上挂清光
福爲深仁集妖從盛德穰秦民啼歎畝周士舞康莊
承綬還垂艾華簪更截肪高居遷鼎邑遙傳好書王
碧樹環金谷丹霞映上陽留歡唱容與要醉對清涼
故友仍同里常僚每合堂淵龍過許邵冰鯉弔王祥
玉漏天門靜銅駝御路荒澗瀝秋漱澹嵩少暮微茫

唐詩類苑

卷之五

八

渚徒云樂冲天自不遑降神終入輔種德會明啟
滄海人國難窺夫子墻通家殊孔李舊好卽潘楊
世議排張摯時情棄仲翔不言縲紲枉徒恨縲微長
賈誼愁羣閼鄒書怯大梁炯心那自是昭世嬾佯狂
鳴玉機全息懷沙事不忘戀恩何敢死垂淚對清湘
尚書宗兄使過詩以奉獻 包 佶
洛下交親滿歸閒意有餘翻嫌舊坐宅却駕所懸車
腹飽山僧供頭輕侍婢梳上官唯揖讓半祿代耕鋤
雨散三秋別風傳一字書勝遊如可繼還欲並園廬
家兄自山南罷歸獻詩敘事

韓 邕

黃閣開帷幄丹墀侍冕旒位高湯左相權總漢清
不改周南化仍分趙北憂雙旌過易水千騎入幽州
塞草連天暮邊聲動地秋無因隨遠道結束佩吳鉤

上桂州李大夫

戎 昱

今日辭門館情將衆別殊感深翻有淚仁過曲憐愚
晚鏡傷秋鬢晴寒切病軀煙霞萬里閣宇宙一身迂
倚馬才寧有登龍意豈無唯於方寸內暗貯報恩珠

投時相十韻

鄭 谷

何以保孤危操修日不知衆中常杜口夢裏亦吟詩

唐詩類苑

卷之五

九

失計辭山早非才得事遲薄水安可履閭室豈能欺
勤苦流螢信吁嗟宿燕知殘鐘殘漏曉落葉落花時
故舊寒門少文章外族衰此生多輒軻半世足漂離
省署隨清品漁舟爽素期恩休未遂雙鬢漸成絲

敘事感恩上狄右丞

鄭 谷

昔歲曾投贊關河在左馮廣公垂顧遇王粲許從容
願年更給事崇出守同州右丞
在末席谷退避游調始受獎知首薦叨殊禮全家寓

近封白樓陪寫望青眼感通達顧念梁間燕深憐間
底松嵐光連岳逼酒味菊花濃
同州官
尚菊花酒冠難旋移
國漂離幾聽半生悲道旅二紀間門墻蜀雪隨

踏荆煙逐鴈衝彫零歸兩鬢舉止失前蹤得事雖甘
晚陳詩未肯慵邇來趨九仞又伴賞三峯
在華州樓
托情何限吹嗟意數重自茲儔侶內無復歡龍鍾

大曆九年春下弟將出關獻坐主張謂詩六

韻

閻濟美

嘗謂王臣直文明雅量全望鑑金自躍應物鏡何偏
南國幽沈盡東堂禮樂宣轉令遊藝士更惜至公年
芳樹歡新景青雲泣暮天唯愁鳳池拜孤賤更誰憐

上李邕

李 白

大鵬一日同風起扶搖直上九萬里假令風歇時下

唐詩類苑

卷之百一

十

來猶能簸却滄溟水世人見我恒殊調問余大言皆
冷笑宣父猶能畏後生丈夫未可輕年少

述德兼陳情上哥舒大夫 李 白

天爲國家孕英才森森矛戟擁靈臺浩蕩深謀噴江
海縱橫逸氣走風雷丈夫立身有如此一呼三軍皆
披靡衛青謾作大將軍白起真成一豎子

路中上田尚書

王 建

去路何詞見六親手中刀足不如人可憐池閣秋風
夜愁綠嬌紅一遍新

將赴京詣獻令公

盧 綸

沙鶴驚鳴野雨收大河風物颯然秋力微恩重亮難報不是行人不解愁

襄陽席上呈于司空 馬戴

花枝臨水復臨堤也照清江也照泥寄語東君好擡舉夜來曾伴鳳凰棲

上靈州令狐相公 李洞

征蠻破虜漢功臣提劍歸來萬里身笑倚凌煙金柱看形容憔悴老於真

近試上張弘水部 朱慶餘

洞房昨夜停紅燭待曉堂前拜舅姑裝罷低聲問夫唐詩類苑 卷之三百一 王

塔盡眉深淺入時無

上東川顧尚書 羅鄴

輕財重義真公子長策沈機繼武侯龍節坐持兵十萬可憐三蜀盡無憂

上所知 張蠙

初向衆中畱姓字敢期言下致時名而今馬亦知人意每到門前不肯行

獻尚父大王 羅隱

數年鐵甲定東瀛夜渡江山瞻斗牛今日朱方平後虎符龍節十三州

獻淮南帥 李嶸

鷄樹煙含瑞氣凝鳳池波待玉山澄國入久倚東關望擬築沙堤到廣陵

桃林夜賀晉公 韓愈

西來騎火照山紅夜宿桃林臘月中手把命珪兼相印一時重疊賞元功

上鮑大夫 崔子尚

行盡江南塞北時無人不誦鮑家詩東堂桂樹何年折直到如今少一枝

獻 祐

唐詩類苑 卷之三百一 王

十年受命鎮方隅孝節忠規兩有餘誰信將壇嘉政外李陵章句右軍書

十離詩上浙東元相公 薛書記

犬離主

馴擾朱門四五年毛香足淨主人憐無端咬著親情客不得紅絲毯上眠

筆離手

越管宜毫始稱情紅牋紙上撒花瓊都緣用久鋒頭盡不得義之手裏擎

馬離廐

雪耳紅毛淡碧蹄追風曾到日東西爲驚玉貌郎君
墜不得華軒更一嘶

鸚鵡離籠

隴西獨自一孤身飛去飛來上錦裯都緣出語無方
便不得籠中再喚人

燕離巢

出入朱門未忍拋主人嘗愛語交交銜泥穢汚珊瑚
簾不得梁間更壘巢

珠離掌

皎潔圓明內外通清光似照水宮都緣一點瑕相
虞詩類苑卷之二十三

穢不得終宵在掌中

魚離池

戲躍蓮池四五秋常搖朱尾弄綸鈎無端擺斷芙蓉
朶不得清波更一遊

鷹離主

爪利如鋒眼似鈴平原捉兔稱高情無端竄向青雲
外不得君王手上擎

竹離亭

蒼鬱新栽四五行常將勁節負秋霜爲綠春筍鑽墻
破不得垂陰覆三堂

鏡離臺

鑲滿黃金鏡始開初生三五月徘徊爲遣無限塵埃
蔽不得華堂上玉臺

漢陽獻李相公

劉長卿

退身高卧楚城幽獨掩閑門一作漢水頭春雨中

行徑沒暮山江上捲簾愁幾人猶憶一作孫弘閣百

口一作同乘范蠡舟早晚却還丞相印十年空被白

雲留

獻淮寧軍節度李相公

建牙吹角不聞喧三十登壇衆所尊家散萬金酬士

虞詩類苑卷之二十三

死死一作身留一劍答君恩漁陽老將多延席魯國諸

生半在門白馬翩翩春草細郊原一作西去獵平原

將歸蜀留獻恩地僕射二首

姚鵠

自持衡鏡採幽沈此事常聞曠古今危葉只將終委

地焦桐誰料却爲琴蒿萊詎報生成德大馬空懷感

戀心明日還家盈眼血定應迴首卽沾襟

江上長思狎釣翁此心難與昨心同自承兵節新恩

重已分煙霞舊隱空龍變偶因資巨浪鳥飛誰肯借

高風應憐死節無門効永歎潛懷似轉蓬

襄州獻盧尚書

姚鵠

立事成功盡遠圖一方獨與萬方殊
藩臣皆競師兵略相國今多揖廟謨
禮樂政行彫弊俗歌謠聲徹帝王都
卽隨鳳詔歸何處祇是操持造化爐

號州獻楊抑卿二首

姚鵠

蓋世英華更有誰賦成傳寫遍坤維
名科累中求賢日苦節高標守郡時
樓上叫雲秋鼓角林間宿鶴夜旌旗
徵歸詔下應非久德望人情在鳳池

碧山曾共惜分陰暗學相如賦上林
到此敢逾千里恨歸家且遂十年心
疎愚祇怯膺門險淺薄爭窺孔

唐詩類苑

卷之二

五

室深一顧儻憐持苦節更令何處問升沈

隨州獻李侍御二首

姚鵠

彩筆曾專造化權道尊翻向宦途端
居有地唯栽藥靜坐無時不憶山
德望舊懸霄漢外政聲新溢路岐間
衆知聖主搜賢相朝夕欲徵霸還

再別未甘何處說但垂雙淚出咸秦
風塵疋馬來千里蓬梗全家望一身
舊隱每懷空竟夕愁眉不展幾經春
今朝儻降非常顧倒屣寧惟有古人

獻浙東王大夫二首

方干

出鎮當時移越俗致君何日不堯年
到來唯飲長溪

水歸去應將一箇錢吟處美人驚
筆硯行時飛鳥避旌旗四方皆是分
憂寄獨有東南戴二天

王臣夷夏仰清名領鎮猶爲失意行
已見玉璫曾上釣何愁金鼎不知羹
譽將星月同時朽身應山河滿數生
泥滓雲霄至懸閣漁翁不合見公卿

獻王大夫二首

方干

都緣聲價振皇州高卧中條不自由
早赴急徵來鳳沼常陪內宴醉龍樓
鏘金五字能援筆釣玉三年信直鈞
必恐借留終不遂越人相顧已先愁
功成猶自更行春塞路旌旗十里塵
只用篇章爲教

唐詩類苑

卷之二

五

化不知夷夏望陶鈞金章照耀浮光
動玉面生綽細步勻歷任聖朝清峻
地至今依是少年身

德政上睦州胡中丞

方干

上德田來合動天旌旗到日是豐年
群書已熟無人似五字研成舉世傳
莫道政聲同宇宙須知紫氣滿山川
豈唯里巷皆蘇息猶有恩波及釣船

暇日投錢尚父

羅隱

牛女星邊女宿間棟梁虛敞麗江關
望高漢相東西閣名重淮王大小山
禮設關傾金鑒落馬歸爭撼玉連環
自慚麋鹿無能事未報深恩鬢已斑

春日投錢唐元帥尚父二首

羅隱

正憂衰老辱金臺敢望昭王顧問來塞外旌旗屯虎豹壁間章句動風雷三都節已聯翩降兩地花應次第開若此紫髯分鼎足未聞餘力有瓊環

征東府幕十三州敢望非才忝上游官秩已叨吳品職姓名兼顯魯春秋鹽車願後聲方重火井窺來焰始浮一句黃河千載事城王粲謾

寄獻狄右丞

鄭谷

逐勝偷閑向杜陵愛僧不愛紫衣僧身為醉客思吟

唐詩類苑

卷之二

三七

客官自中丞拜右丞殘月露垂朝闕蓋落花風動宿齋燈孤單小諫漁舟在心戀清潭去未能

轉正郎後寄獻集賢相公

鄭谷

予名初在德門前屈指年來三十年自賀孤危終際會別將流涕感階緣止陪鴛鴦居清秩濫應星辰免上玄平昔苦心無所恨受恩多是舊詩篇

谷初忝諫垣今憲長薛公方在西閣知獎隆

興以四韻代述榮感

鄭谷

舊詩常得在高吟不柰公心愛若心道自瑣闥言下舍人於閣下衆中恩從仙殿對迴深谷累陪舍人

振嘆獎頃年篇什

轉對偶免乖

儀舍人流年漸覺霜欺鬢至藥能教土化金自拂青萍知有地齋誠旦夕望爲霖

書情上李蘇州

嚴維

東土苗人尚有殘皇皇亞相出朝端手持國憲群僚畏口喻天慈百姓安禮數自憐今日絕風流空計往年歡誤著青袍將十載忍來漁浦却垂竿

書情獻相公

嚴維

年來白髮欲星星誤却生涯是一經魏闕望來何日見商歌奏罷復誰聽孤根獨棄慙山木弱質無成狀水萍今日更須詢哲匠不應休去老嚴翁

唐詩類苑

卷之二

三八

獻所知

張蠟

跡孰荀家見弟兄九霄同與指前程吹噓漸覺馨香出夢寐長疑羽翼生住僻驂驪皆識路來頻鸚鵡亦知名登龍不敢懷他願祇望爲霖致太平

投所知

張蠟

十五年看帝里春一枝頭白未酬身自開離亂開公道漸數孤平少屈人劣馬再尋商嶺路扁舟重寄越溪濱省郎門似龍門峻應借風雷變涸鱗

上湖南崔中丞

戎昱

山上青松陌上塵雲泥豈合得相親世路盡嫌良馬

瘦唯君不棄卧龍貧千金未必能移姓一諾從來許
殺身莫道書生無感激寸心還是報恩人

上李常侍

戎昱

旌旗曉過大江西北前驅萬里政聲人共
喜三軍令肅馬前嘶恩沾境內風初變春入城陰柳
漸低桃李不令更種早知門下舊成蹊

上裴晉公

李郢

四朝憂國贊如絲龍馬精神海鶴姿天上玉書傳詔
夜陣前金甲受降時曾經度亮三秋月下盡羊曇兩
路棋惆悵舊堂綠野夕陽無限鳥飛遲

唐詩類苑

卷二百一

三九

上禮部侍郎陳情

施肩吾

九重城裏無親識八百人中獨姓施弱羽飛時攢箭
險塞驢行處薄冰危晴天欲照盆難反貧女如花鏡
不知却向從來受恩地再求青律變寒枝

遊義興寺寄上李逢吉相公

令狐楚

柳官無事詣蓮官步步猶疑是夢中勞役徒爲萬夫
長閑遊曾與二人同鸞鳳飛去仙巢在龍象潛來講
席空松下花飛頻佇立一心千里憶梁公

遊晉祠上李逢吉相公

不歷晉祠三十年白頭重到一凄然泉聲自昔銷寒
玉草色雖秋耀翠鈿少壯同遊寧有數尊榮再會使
無緣相思臨水下雙淚寄人并汾同洛川

獻錢尚父

僧貫休

貴逼人來不自由龍驤鳳翥勢難收滿堂花醉三千
客一劍霜寒十四州鼓角揭天嘉氣冷風濤動地海
山秋東南永作金天柱誰美當時萬戶侯

上宣州沈大夫

朱慶餘

科名繼世古來稀高步何年下紫微帝命幾曾移重
鎮時清猶望領春闈登朝舊友常思見開幕賢人併
唐詩類苑 卷二百一 三十

望歸今日得遊風化地却回滄海有光輝

省試夜投獻座主

殷文珪

關門公道選時英伸鏡高懸鑒百靈混沌分來融間
氣攬槍滅處賦文星燭燃蘭省三條白山東龍門萬
仞青聖教中興周禮在不勞千羽舞明庭

獻同年孔郎中

林寬

吹瓊蘂桂帝關居費盡寒衣典盡書驅馬每尋霜影
裏到門常在鼓聲初蟾枝交彩清蘭暑鸞珮排光映
玉除一顧深恩身未殺爭期皎日負吹嘘

上浙東元相

婺女星邊喜氣頻越王臺上坐詩人雪盼山水勾留
客風煖旌旗計會春黎庶已同猗頓富煙花却爲相
公貧何言禹跡無人繼萬頃湖田又新新

蜀中上王尚書

章孝標

梓桐花幕碧雲浮天許文星寄上頭武略劍峯環相
府詩情錦浪浴仙州丁香風裏飛殘草叩竹煙中動
酒鉤自古名高閑不得肯容王粲賦登樓

上西川王尚書

章孝標

人人入蜀謁文翁妍醜終須露鏡中詩景荒涼難道
合客情疎密分當同城南歌吹琴臺月江上旌旗錦
唐詩類苑 卷之百二 三

水風下客低頭來又去暗推冰炭在深衷

冬日寄獻庾員外

羅鄴

曾謁仙官最上仙西風許醉桂花前爭歡酒蟻浮金
爵從聽歌塵撲翠蟬秋霽捲簾凝錦席夜閑吹笛稱
江天却思紫陌觥籌地免缺烏沈欲半年

留獻彭門郭常侍

羅鄴

受得彭門擁信旗一家將謂免羈離到來門館空歸
去羞向交親說受知層構尚無容足地尺波寧有躍
鱗時到頭忍恥求名是須向青雲覓路岐

獻池州庾員外

羅鄴

曾降瑤緘薦姓名攀雲幾合到蓬瀛須存彭壽千年
在終見茅公九轉成鯢海已知勞鶴使蜚騰不那夢
覓旌琪花玉萼應相笑未得歌吟從酒行

感恩書事寄上集義司徒相公

李洞

積雪峯西遇獎稱半家寒骨起溝塍鎮時賢相回人
鏡報德慈親點佛燈授鉞已聞諸國靜坐籌重見大
河澄功居第一圖煙閣依舊終南滿杜陵

秋日趨府上張大夫

司空曙

重城洞啓肅秋煙共說羊公在鎮年鼙鼓暗驚黃葉
唐詩類苑 卷之百二 三

落旌旗遙拂鴈行偏石過橋下書曾受星降人間夢
已傳謫吏何能沐風化空將歌頌拜車前

獻薛僕射

并序

秦系

系家於剡山向盈一紀大曆五年人以文聞鄴守
薛公無何奏系右衛率府倉曹叅軍意所不欲以
疾辭免因將命者輒獻斯文

由來那敢議輕肥散髮行歌自采薇通客未能忘野
興辟書翻遣脫荷衣家中匹婦空相笑池上群鷗盡
欲飛更乞大賢容小隱益看愚谷有光輝

鄭州獻從叔舍人袞

李商隱

蓬島煙霞闌苑鍾三官
戕奏附金龍茅君奕世仙曹
貴許掾全家道氣濃
絳簡尚參黃紙案丹爐猶用紫
泥封不知他日華陽洞許上經樓第幾重

天平公座中呈令狐令公時蔡京在坐京曾

為僧徒故有第五句 李商隱

罷執霓旌上醮壇
慢粧嬌樹水晶盤更深欲訴蛾眉
斂衣薄臨醒玉豔寒白足禪僧思敗道青袍御史擬
休官雖然同是將軍客不敢公然子細看

獻韶陽相國崔公 許渾

一置為功極九層
康莊猶自獨稜稜舟回北渚經年

唐詩類苑 卷之二 三

泊門接東山盡日登萬國已聞傳玉璽百官猶望啓

金勝賢臣會致唐虞世獨倚江樓笑范增

知陳羽郎中拜本府少尹兼侍御史獻上侍

中因呈同院諸公 盧綸

金印垂鞍白馬肥不同疏廣老方歸三千士裏文章

伯四十年來錦繡衣節比青松當澗直心隨黃雀繞

簷飛鄉中賀者唯爭路不識傳呼御勢威

寄獻三州守劉公二首 許渾

三川歌頌徹威秦十二樓前侍從臣
休閑王寵留驚鷺
驚早開金埒縱麒麟花深穉榻迎何客
月左席舟醉

幾人自笑東風過寒食茂陵寥落未知春

半年三度轉蓬居錦帳心闌美隼旗老去自驚秦塞

鴈病來先憶楚江魚長聞李氏千金諾更望劉公一

紙書春雪未晴春雨漬莫教愁殺馬相如

侍中晉公欲到東洛先蒙書聞期宿龍門思

往感今輒獻長句 白居易

昔蒙興化池頭送今許龍門潭上期聚散但慙長見
念榮枯安敢道相思功成名遂來雖久雲卧山遊去
未遲聞說風情筋力在只如初破蔡州時

絳州過夏留獻鄭尚書 韋莊

唐詩類苑 卷之二 三

朝朝沈醉引金船不覺西風滿樹蟬光景暗消銀燭

下夢魂長寄玉輪邊因循每被時流誚奮發須由國

士憐今日客腸何處斷綠楊風裏獨揚鞭

獻僕射相公 薛能

清如水玉重如山百辟嚴趨禮絕攀強虜外聞應破

膽平人長見盡開顏朝廷有道青春好門館無私白

晝閑致却垂衣更何事幾多詩合詠關關

寄獻山中顧員外 李昭象

抽却朝簪著釣簑近來聲迹轉巍我祥麟避網難山
野丹鳳銜書即薜蘿乍隱文章情更逸久閑經濟術

翻多深慙未副吹嗟力竟困風埃爭奈何

長句感恩上裴公

王 渙

青衿七十榜三年建禮舍香次第遷殊彩下連星錯
落桂花曾對月嬋娟玉經磨琢多成器劍拔沈埋更
倚天應會銜恩最深者春來爲壽拜樽前

獻淮南李僕射

趙 嘏

早年曾謁富人侯今日難甘失鵠羞新諾似山無力
負舊恩如水滿身流馬嘶紅葉蕭蕭晚日照長江灩
澦秋功德萬重知不惜一言拋得百生愁

冬日長安感志寄獻虢州崔郎中二十韻

唐詩類苑

卷之二

五

韋 莊

帝里無成久滯淹別家三度見新蟾鄰詵丹桂無人
指阮藉青襟有淚霑溪上却思雲滿屋鏡中唯怕雪
生髯病如原憲誰能療寒似劉稹豈用占霧雨十年
同隱遁風雷何日振沈潛吁嗟每被更聲引歌詠還
因酒思添客舍正甘愁寂寂郡樓遙想醉厭厭已聞
鈴閣懸新詔卽向綸闈副具瞻濟物便同川上楫慰
心還似邑中黔觀星始覺中郎貴問俗方知太守廉
宅後綠波棲盡鷁馬前紅袖簇丹檐閑招好客斟香
蟻悶對瓊花詠散鹽積凍慢封寒雷細暮雲高拔遠

峯尖訟堂無事冰生印水榭高吟月透簾松下圍棋
期褚胤筆頭飛箭薦陶謙未知匣劍何時躍但恐鉛
刀不再銛雖有遠心長擁篲恥將新劍學編苦纔驚
素節移銅律又見玄冥變玉籤百口似萍依廣岸一
身如燕戀高簷如今正困風波力更向人間問宋纖

唐詩類苑

卷之二

五

唐詩類苑卷第一百三

明雲間張之象玄超甫纂輯

雲間杜士全道執甫編次

雲間王 徹叔朗甫補訂

梁谿曹仁孫伯安甫校正

人部

示諭

示孟郊

孟浩然

蔓草蔽極野蘭芝結孤根衆音何其繁伯牙獨不喧
當時高深意舉世無能分鐘期一見知山水千秋聞

唐詩類苑

卷之二百三

爾其保靜節薄俗徒云云

賊退示官吏

元結

癸卯歲西原賊入道州焚燒殺掠幾盡而去明年
賊又攻永州破邵不犯此州邊鄙而退豈力能制
敵歟蓋蒙其傷憐而已諸使何爲忍苦徵歛故作
詩一篇以示官吏

昔歲逢太平山林二十年泉源在庭戶洞壑當門前
井稅有常期日宴猶得眠忽然遭世變數歲親戎旃
今來典斯郡山夷又紛然城小賊不屠人貧傷可憐
是以陷隣境此州獨見全使臣將王命豈不如賊焉

今彼徵歛者迫之如火煎誰能絕人命以作時世賢
思欲委符節引竿自刺船將家就魚麥歸老江海邊

遊惠泉示泉上學者

元結

顧吾漫浪久不欲有所拘每到惠泉上情性可安舒
草堂在山曲澄瀾涵階除松竹陰幽徑清源湧坐隅
繁塘列圃畦引流灌時蔬復在郊郭外正堪靜者居
愜心則自適喜尚人或殊此中若可安不佩銅虎符

遊石溪勸學者

元結

小溪在城下形勝堪賞愛尤宜春水滿水石更殊怪
長山勢回合井邑相縈帶石林繞舜祠西南正相對

唐詩類苑

卷之二百三

階庭無爭訟郊境罷守衛時時溪上來勸引辭學輩
今誰不務武儒雅道將廢豈忘二三子旦夕相勉勵

喻常吾直

時爲攝官

元結

山澤多饑人間里多壞屋戰爭且未息徵歛何時足
不能救人患不合食天粟何況假一官而苟求其祿
近年更長吏數月未爲速來者罷而官豈得不爲辱
歡爲辭府主從我遊退谷谷中有寒泉爲爾洗塵服

喻常吾直

元結

漫遊樊水陰忽見舊部曲尚言軍中好猶望有所屬
故令爭者心至死終不足與之一杯酒喻使燒戎服

向興向十年所見堪歎哭相逢是遣人當合識榮辱
勸汝學全生隨我會退谷

諭友

白居易

昨夜霜一降殺君庭中槐乾葉不待黃索索飛下來
憐君感節物晨起步前階臨風踏葉立半日顏色哀
西望長安城歌鐘十二街何人不歡樂君獨心悠哉
白日頭上走朱顏鏡中顏平生青雲心銷化成死灰
我今贈一言勝飲酒千杯其言雖甚鄙可破悵悵懷
朱門有勲賢陋巷有顏回窮通各有命不繫才不才
推此自豁豁不必待安排

唐詩類苑

卷之百三

三

飲後戲示弟子

白居易

吾爲爾先生爾爲吾弟子孔門有遺訓復坐吾告爾
先生饌酒食弟子復勞止孝敬不在他在茲而已矣
欲我少憂愁欲我多歡喜無如醞好酒酒須多且旨
旨卽實可留多卽疊不耻吾更有一言爾宜聽入耳
人老多憂貧人病多憂死我今雖老病所憂不在此
憂在半酣時樽空座客起

遇物感興因示子弟

白居易

聖擇狂夫言俗信老人語我有老狂詞聽之吾語汝
吾觀器用中劍銳鋒多傷吾觀形骸內勁骨齒先亡

寄言處世者不可苦剛強龜性愚且善鳩心鈍無惡
人賤拾支牀鶻欺擒煖脚寄言立身者不得全柔弱
彼因羅禍難此未免憂患于何保終吉強弱剛柔間
上遵周孔訓旁鑒老莊言不唯鞭其後亦要軛其先

示兒

韓愈

始我來京師止携一束書辛勤三十年以有此屋廬
此屋豈爲華於我自有餘中堂高且新四時登牢蔬
前榮饌賓親冠婚之所於庭內無所有高樹八九株
有藤婁絡之春華夏陰敷東堂坐見山雲風相吹噓
松果連南亭外有瓜芋區西偏屋不多槐榆翳空虛

唐詩類苑

卷之百三

四

山鳥旦夕鳴有類澗谷居主婦坐北堂膳服適戚疎
恩封高平君子孫從朝裾開門問誰來無非卿大夫
不知官高卑玉帶懸金魚問客之所爲峨冠講唐虞
酒食罷無爲棋枰以相娛凡此座中人十九持鈞樞
又問誰與頻莫與張樊如來過亦無事考評道精麤
蹉蹉媚學子牆屏日有徒以能問不能其蔽豈可祛
嗟我不修飾事與庸人俱安能坐如此比肩於朝儒
詩以示兒曹其無迷厥初

示奕

韓愈

宣城去京國里數逾三千念汝欲別我解裝具盤筵

日昏不能散起坐相引牽冬夜豈不長達旦燈燭然
座中悉親故誰肯捨汝眠念汝將一身西來曾幾年
名科掄衆俊州考居吏前今從府公召府公又時賢
時輩千百人孰不謂汝妍汝來江南近里間故依然
昔日同戲兒看汝立路邊人生但如此其實亦可憐
吾老世味薄因循致留連強顏班行內何實非罪愆
才短難自力懼終莫洗湔臨分不汝誑有路即歸田

勵學

王建

買地不肥實其繁繫耕鑿良田少鋤里蘭焦香亦薄
勿以聽者迷故使宮徵錯誰言三歲童還能分善惡

唐詩類苑

卷之二

五

孜孜日求益猶恐業未博况我性頑蒙復不勤修學
有如朝暮食暫虧憂隕穫若使無六經賢愚何所託

口號又示裴迪

王維

安得捨塵網拂衣辭世喧悠然策藜杖歸向桃花源

嚴十八郎中見示

白居易

口厭含香握厭蘭紫微青瑣舉頭看忽驚鬢後蒼浪
髮未得心中本分官夜酌滿容花色暖秋吟切骨玉
聲寒承明長短應君入莫憶家江七里灘

諭親友

白居易

適情處處皆安樂大底因林勝市朝煩鬧榮華有易

過優閑福祿更難銷自憐老大宜疎散却被交親嘆
寂寥終日相逢不相見兩心相去一何遙

喻東軍

韋莊

四年龍馭守峨嵋鐵馬西來步步遲五運未教移漢
鼎六韜何必待秦師幾時鸞鳳歸丹闕到處烏鳶從
白旗獨把一樽和淚酒隔雲遙莫武侯祠

貽諸學童

劉兼

橫經叉手步還趨積善方知慶有餘五箇小雛離學
院一行新鴈入貧居攘羊告罪言何直舐犢牽情理
氣虛勸汝立身須苦志月中丹桂自扶疎

唐詩類苑

卷之二

六

規諷

書紳

白居易

仕有職役勞農有畝畝勤優哉分司叟心力無苦辛
歲晚頭又白自問何欣欣新酒始開瓮舊穀猶滿囷
吾嘗靜目思往往夜達晨何以送吾老何以安吾貧
歲計莫如穀飽則不千人日計莫如醉醉則兼忘身
誠知有道理未敢勸交親恐爲人所哂聊自書諸紳

題座隅

白居易

手不任執爨肩不能荷鋤量力揆所用曾不敵一夫
幸因筆硯功得升仕進途歷官凡五六祿俸及妻奴

公名有兼僕出入有單車自奉雖不厚亦不至饑飢
必有人及此傍觀爲何如雖賢亦爲幸況我鄙且愚
伯夷古賢人魯山亦其徒時哉無奈何俱化爲餓殍
念彼亦自愧不敢忘斯須平生榮利心被滅無遺餘
猶恐塵妄起題此於座隅

和李勢女

白居易

減一分太短增一分太長不朱面若花不粉肌如霜
色爲天下豔心乃女中郎自言重不幸家破身未亡
人各有一死此死職所當忍將先人體與主爲疣瘡
妾死主意快從此兩無妨願信赤心語速即白刃光

唐詩類苑

卷之百三

七

南郡忽感激却立捨鋒鏑撫背稱阿姊歸我如歸鄉
竟以恩信待豈止猜妬忘由來機上肉不足揮于將
南郡死已久骨枯墓蒼蒼願於墓上頭立石鐫此章
勸誠天下婦不令陰勝陽

勸學

孟郊

學石乃有火不擊元無煙人學始知道不學非自然
萬事須已運他得非我賢青春須早爲豈能長少年

勸善吟

醉會中贈
郭行餘

孟郊

瘦郭有志氣相哀老龍鍾勸我少吟詩俗窄難爾容
一口百味別況在醉會中四座正當喧片言何由通

顧余昧時調居止多疎慵見書眼始開聞樂耳不聰
視聽互相隔一身且莫同天疾難自醫詩僻將何攻
見君如見書語善千萬重自悲咄咄感變作煩惱翁
煩惱不可欺古劍澀亦雄知君方少年少年懷古風
藏書挂屋脊不借與凡聾我願拜少年師之學崇崇
從他笑爲矯矯善亦可宗

偶作

孟郊

利劍不可近美人不可親利劍近傷手美人近傷身
道險不在廣十步能摧輪情憂不在多一夕能傷神

留誨曹師等詩

杜牧

唐詩類苑

卷之百三

八

萬物有醜好各一姿狀分唯人卽不爾學與不學論
學非探其花要自撥其根孝友與誠實而不忘爾言
根本既深實柯葉自滋繁念爾無忽此期以慶吾門

侍寵

曹鄴

二月樹色好昭儀正嬌奢恐君愛陽豔斫却園中花
三十六宮女髻鬟各如鴉君王心所憐獨自不見瑕
臺上紅燈盡未肯下金車一笑不得所塵中悉無家
飛燕身更輕何必恃容華

賦得言行相顧

吳叔達

聖人垂政教萬古請常傳立志爲本修身行乃先

相須寧得闕相顧在無偏榮辱當於已忠貞必勸天
大名如副實至道亦通玄千里猶能應何云爾者焉

賦得言行相顧

孟 翱

將使言堪復常聞行先欲比珪斯不玷修已真如絃
跬步非進吹噓稟自然當今夫子察無宿仲由賢
正遇興邦際因懷入驛年坐知清鑒下相顧有人焉

古態

陸龜蒙

古態日漸薄新粧心更勞城中皆一尺非妾髻鬟高

古莫買妾行

曹 鄴

千扇不當路未似開一門若遣綠珠醜石家應尚存

唐詩類苑

卷之二

九

雜誠

曹 鄴

帶香入鮑肆香氣同鮑魚未入猶可悟已入當何如

貪誠

釋子蘭

多求待心足未足旋傾覆明知貪者心求榮不求辱

富貴曲

李咸用

畫藻雕山金碧彩鴛鴦疊疊眠晴靄編珠影裏醉春
庭團紅片下攢歌黛草咽絲煩歡不改繳絳垂綬忽
如晦活花起舞夜春來蠟燭煌煌天日在雪暖瑤杯
鳳髓融紅拖象筯猩唇細空中漢轉星移益火城擁
出隨朝會車如雷今馬如龍鬼神闕奕不敢害冠我

劒重鏘環珮步入天門相真宰開口長為爵祿筌回
眸便是公卿罪珠珍索得龍宮貧膏腴刮下蒼生背
九野干戈指着心威福滿拳猶未快我聞周公貴為
天子弟富有半四海茂有驕奢貽後悔紅錦障收珊
瑚樹碎至今笑石崇王愷

補漁謠

曹 鄴

天子好爭戰百姓不種桑天子好少年無人薦馮唐
天子好美女夫婦不成雙

及第後寄李紳

章孝標

及第全勝十段官金鞍鍍了出長安馬頭漸入揚州

唐詩類苑

卷之二

十

郭為報時人洗眼看

箴章孝標

李 紳

假金方用真金鍍若是真金不鍍金十載長安得第

一何須空腹用高心

言語

小言聯句

顏真卿

長路遙遙吞吐絲焦螟蚊睫察難知

大言聯句

顏真卿

高歌聞風步瀛洲燁鵬淪鯢餐未休四方上下無外
頭一啜頓涸滄溟流

樂語聯句

顏真卿

苦河既濟真僧喜新知滿座笑相視戎客歸來見
子學生放假偷向市

醉語聯句

顏真卿

逢槽遇麴便酩酊覆車墜馬皆不醒倒着接離髮垂
領狂心亂語無人並

滑語聯句

顏真卿

雨裏下山踏榆皮葦苔石橋步難移蕪羹醬醋啜煮
葵縫靴蠟線油塗錐急逢龍背須且騎

曉語聯句

顏真卿

唐詩類苑

卷之二

十二

拈飽舐指不知休欲灸侍立涎交流過肩大嚼肯知
羞食店門外強淹留

言

羅隱

珪玷猶來尚可磨似篁終日復如何成名成事皆因
眞亡國亡家只爲多須信禍胎生利口莫將譏思逞
懸河逞逞鸚鵡無端解長向人間被網羅

頌笑

詠頌

溫庭筠

毛羽歛愁翠黛嬌攢艷春恨容偏落淚低態定思人
枕上夢隨月扇邊歌繞塵玉鈎鸞不住波淺石磷磷

嘲戲

嘲魯儒

李白

魯叟談五經白髮死章句問以經濟策茫如墜烟霧
足着遠遊履首戴方山巾緩步從直道未行先起塵
秦家丞相府不重褒衣人君非叔孫通與我本殊倫
時事且未達歸耕汶水濱

嘲王歷陽不肯飲酒

李白

地白風色寒雪片大如手笑殺陶淵明不飲杯中酒
浪撫一張琴虛裁五株柳空負頭上巾吾與爾何有

喜老自嘲

白居易

唐詩類苑

卷之二

十二

面黑頭雪白自嫌還自憐毛龜著下老蝙蝠鼠中仙
名籍同通客衣裝類古賢裘輕披白氎靴暖蹋烏氈
周易休開卦陶琴不上絃任從人棄擲自與我周旋
鐵馬因疲退鈎刀以鈍全行開第八秩可謂盡天年

嘲鼾睡

韓愈

澹師晝睡時聲氣一何猥頑颯吹肥脂坑谷相鬼磊
雄哮乍咽絕每發壯益倍有如阿鼻尸長喚忍衆罪
馬牛驚不食百鬼聚相待木枕十字裂鏡面生疥瘡
鐵佛聞皺眉石人戰搖腿說云天地仁吾欲責真宰
幽尋虱搜耳孟作爲蟻海太陽不忍明飛御皆隋怠

乍如彭與黥呼冤受俎醢又如園中虎號瘡兼吼餒
雖令伶倫吹苦韻難可改雖令巫咸招魂爽難復在
何山有靈藥療此願與採

澹公坐臥時長睡無不穩吾嘗聞其聲深慮五藏損
黃河弄瀆瀑梗澀連拙鮫南帝初奮槌鑿竅洩混沌
迴然忽長引萬丈不可忖謂言絕於斯繼出方袞袞
幽幽寸喉中草木森森本音尊盜賊雖狡獪亡魂敢
窺閭鴻蒙總合雜詭譎騁戾狠乍如關呶呶忽若怨
慙猥賦形若不同無路尋根本何能烟其源惟有土
一畚

唐詩類苑

卷之二

十三

醉後答丁十八以詩譏余搥碎黃鶴樓

李白

黃鶴高樓已搥碎黃鶴仙人無所依黃鶴上天許玉
帝放却黃鶴江南歸神明太守再雕飾新圖粉壁還
芳菲一州笑我爲狂客少年往往來相譏君平簾下
誰家子云是遼東丁令威作詩調我驚逸興白雲遶
筆牕前飛待取明朝酒醒罷與君爛熳尋春輝

戲贈戶部李巡官

白居易

好去民曹李判官少貪公事且謀歡男兒未死爭能
料莫作州忠刺史看

以樂府戲贈陸長源 孟郊

蓮子不可得荷花生水中猶勝道傍柳無事蕩春風

答孟東野戲贈 陸長源

芙蓉初出水茵蔯露中花風吹著枯木無柰值空槎

追代盧家人嘲堂內 李商隱

道却橫波字人前莫設羞只應同楚水長短入淮流

呂溫嘲之 南卓

柳州柳刺史種柳柳江邊柳管依然在千株柳拂天

故人嘲

黔南南太守南郡在雲間閑向南亭醉南風變俗談

唐詩類苑

卷之二

十四

劇嘲史憲

王維

清風細雨濕梅花驟馬先過碧玉家正值楚王宮裏
至門前初下七香車

調張籍

韓愈

李杜文章在光焰萬丈長不知群兒愚那用故謗傷
蚍蜉撼大樹可笑不自量伊我生其後舉頸遙相望
夜夢多見之畫思反微茫徒觀斧鑿痕不曷治水航
想當施手時巨刃磨天揚垠崖剗崩豁乾坤擺雷硠
惟此兩夫子家居率荒涼帝欲長吟哦故遣起且僵
翦翎送籠中使看百鳥翔平生千萬篇八韃韃琳琅

仙官敕六丁雷電下取將流落人間者太山一豪芒
我願生兩翅捕逐出入荒精誠忽交通百怪入我腸
刺手拔鯨牙舉瓢酌天漿騰身跨汗漫不著織女襄
顧語地上友經營無太忙乞君飛霞珮與我高頡頏

戲贈張郎

盧象

少婦石榴裙新粧白玉面能迷張公子不許時相見
聞裴秀才廸吟詩因戲贈 王維

猿吟一何苦愁朝復悲夕莫作巫峽聲腸斷秋江客

戲主人

孟浩然

客醉眠未起主人呼解醒已言鷄黍熟復道甕頭清
唐詩類苑 卷之二五 五

戲謝令妻

李白

白微時募縣小吏入令臥內嘗驅牛經堂下令妻
怒將加詰責太白函以謝詩令驚異不問稍親招

引侍硯席

素面倚欄釣嬌聲出外頭若非是織女何得問牽牛

戲贈趙謙光

賀遂涉

唐諸郎中不自員外郎拜者謂之士山頭果殺便
拜崇品有似長征兵士便授邊遠果毅謙光自彭
州司馬入爲大理正遷戶部郎中戶部員外賀遂
涉戲贈云

員外由來美郎中望亦優寧知粉署裏翻作土山頭

戲贈鄭深陽

李白

陶令日日醉不知五柳春素琴本無絃漉酒用葛巾
清風北牕下自謂羲皇人何時到栗里一見平生親

戲贈二友二首

杜甫

元年建巳月卽有焦校書自誇足膂力能騎生馬駒
一朝被馬踏唇裂板齒無壯心不肯已欲得東擒胡

二

元年建巳月官有王司直馬驚折左臂骨折面如墨
驚駘漫染泥何不避雨色勸君休歎恨未必不爲福

唐詩類苑

卷之二五

十六

戲簡鄭廣文虔兼呈蘇司業源明

杜甫

廣文到官舍繫馬堂階下醉卽騎馬歸頗遭官長罵
才名三十年坐客寒無羶近有蘇司業時時與酒錢

戲贈無本二首

孟郊

長安秋聲乾木葉相號悲瘦僧臥冰凌朝一作詠含

金瘡金瘡非戰痕峭病方在茲詩骨聳東野詩濤湧
退之有時踉蹌行人驚鶴阿師可惜李杜死不見此

狂癡

燕僧聳聽詞袈裟喜新翻北岳厭利殺玄功生微言

天高亦可飛海廣亦可源文章杳無底斷掘誰能
夢靈髮髯到對我方與論拾月鯨口邊何人免爲春
燕僧擺造化萬有隨手奔補綴雜霞衣笑傲諸貴門
將明文在身亦爾一作道所存朔雪疑別句朔風飄
征魂再期嵩少遊一訪蓬羅村春草步步綠春山日
日喧遙鶯相應吟晚聽恐不繁相思塞心胸高逸難
攀援

戲贈張書記

李商隱

別館君孤枕空庭我閉關池光不受月野氣欲沈山
星漢秋方會關河夢幾還危絃傷遠道明鏡惜紅顏
唐詩類苑 卷之二百三 十一

晚春過夏侯校書遠其沈醉戲贈

李端

欹冠枕如意獨寢落花前姚馥清時醉邊韶白日眠
曝視還當屋張幕便成天謁客唯題鳳偷兒欲覘
失杯猶離席墜屢返登筵本是墻東隱今爲墜下僊
臥龍髯乍襟栖蝶腹何便阮籍供琴韻陶潛送秫田
人逢穀陽望春似永和年顧我非工飲期君行見憐
嘗知羯羌好亦覺醉胡賢炙熟樽方竭車回轄且全
嘆風仍作雨灑地卽成泉自鄙新豐過遲回惜十年

春日戲題惱郝使君兄 杜甫

使君意氣凌青霄憶昨歡娛常見招細馬時鳴金
裏佳人屢出董嬌饒東流江水西飛燕可惜春光不
相見願携王趙兩紅顏再聘肌膚如素練通泉百里
近梓州請公一來開我愁舞處重看花滿面尊前還
有錦纏頭

戲問花門酒家翁

岑參

老人七十仍沽酒千壺百甕花門口道傍榆莢仍似
錢摘來沽酒君肯否

戲贈杜甫

李白

唐詩類苑 卷之二百三 十二

飯顆山頭逢杜甫頂戴笠子日卓午借問因何太瘦
生總爲從前作詩苦

垂花塢醉後戲題

獨孤及

紫蔓青條覆酒壺落花時與竹風俱歸時自負花前
醉笑向儵魚問樂無

夜泊義興戲呈邑宰

羅隱

溪畔維舟問戴星此中三害在圖經長橋可避南山
遠却恐難妨是醉靈

戲唐仁烈歲日先祀屠蘇 裴夷直

自知年幾偏應少先把屠蘇不讓春傷更數年逢此

自遠應惆悵美他人

戲答諸少年

白居易

愧我長年頭似雪
饒君壯歲氣如雲
朱顏今日難欺
我白髮他時不放君

馬閣老處見與嚴郎中酬和詩因戲贈絕句

白居易

乍來天上宜清淨
不用回頭望故山
縱有舊遊君莫
憶塵心起即墮人間

自戲三絕

白居易

心問身

唐詩類苑

卷之二

十九

心問身云何泰然
嚴冬暖被日高眠
放君快活知恩
否不早朝來十一年

身報心

心是身王身是宮
君今居在我宮中
是君家舍君須
愛何事論恩自說功

心重答身

因我疎慵休罷早
遣君安樂歲時多
世間老苦又何
限不放君閑奈我何

戲贈崔千牛

劉禹錫

學道深山許老人
留名萬代不關身
勸君多買長安

酒南陌東城占取春

戲贈侯常侍

李洞

葛洪卷與江淹賦
名動天邊傲石居
兩蜀詞人空載
後同君諱却馬相如

戲贈張使君

戎昱

數載蹉跎罷縉紳
五湖乘興轉迷津
如今野客無家
第醉處尋常是主人

戲贈蕭處士清禪師

白居易

三杯鬼我忘機客
百衲頭陀任運僧
又有放慵巴郡
守不營一事共騰騰

唐詩類苑

卷之二

二十

渾贊東善齋戲贈陳歸

盧綸

長裾珠履颯輕塵
間以琴書列上賓
公子無雙可邀
請侯羸此坐是何人

戲贈韓冬郎

李商隱

十歲裁詩走馬成
冷灰殘燭動離情
桐花萬里丹山
路雛鳳清於老鳳聲

劉棻風檣各苦辛
別時冰雪到時春
為憑何遜休
句瘦盡東陽姓沈人

戲贈苑舍人

王維

苑舍人能書梵字兼達梵音皆曲盡其妙戲爲之贈

名儒待詔滿公車才子爲郎典石渠蓮花法藏心懸
悟貝葉經文手自書楚詞共許勝揚馬梵字何人辯
魯魚故舊相望在三事願君莫厭承明廬

答王維

苑咸

王員外兄以予嘗學天竺書有題見贈然王兄當
代詩匠又精禪理枉採知音形於雅作輒走筆以
酬焉且久未遷因而嘲及

蓮花梵字本從天華省仙郎早悟禪三點成伊猶有

唐詩類苑

卷之一百三

三

想一觀如幻自忘筌爲文已變當時體入用還推問
氣賢應同羅漢無名欲故作馮唐老歲年

重酬苑郎中

王維

頃輒奉贈忽枉見酬敘未云且久不遷因而嘲及
詩落句云應同羅漢無名欲故作馮唐老歲年亦
解嘲之類也

何幸含香奉至尊多慙未報主人恩草木盡能酬所
露榮枯安敢問乾坤仙郎有意憐同舍丞相無私斷
掃門揚子解嘲徒自遣馮唐已老復何論

戲贈馮唐

杜甫

崔評事弟許相迎不到應慮老夫見泥雨怯出必
愆佳期走筆戲簡

江閣要賓許馬迎午時起坐自天明浮雲不負青春
色細雨何孤白帝城身過花間露濕好醉於馬上往
來輕虛疑皓首衝泥怯實少銀鞍傍險行

戲贈韓判官紳卿

李端

少尋道士居嵩嶺晚事高僧住沃洲齒髮未知何處
老身名且被外人愁欲隨山水居茅洞已有田園在
虎丘獨怪子猷綠掌馬雪時不肯更乘舟

韓同年新居餞韓西迎家室戲贈

唐詩類苑

卷之一百三

三

李商隱

籍籍征西萬戶侯新綠貴婿起朱樓一名我漫居先
甲千騎君翻在上頭雲路招邀迴彩鳳天河迢遞笑
牽牛南朝禁衛無人近瘦盡瓊枝咏四愁

飲席戲贈同舍

李商隱

洞中屐響省分携不是花迷客自迷珠樹重行隣翡翠
玉樓雙舞美鷄鷄蘭迴舊葉屏綠綠椒綴新香和
壁泥唱盡關山無限疊半杯松葉凍頗黎

和友人戲贈二首

李商隱

東望花樓會不同西飛燕信使過仙人掌冷三霄

露玉女牕虛五夜風翠袖自隨回雪轉燭房尋類外
庭空殷勤莫使清香透牢合金魚鎖桂蕤

迢遞青門有幾關柳稍樓角見南山明珠可貫須爲
珮白壁堪裁且作環子夜休歌團扇掩新正未破剪
刀閑猿啼鶴怨終年事未抵燠爐一夕閒

題二首後重有戲贈任秀才

李商隱

一丈紅薔擁翠筠羅牕不識繞街塵峽中尋覓長逢
雨月裏依稀更有人虛爲錯刀留遠客枉綠書札損
文鱗遙知小閣還斜照美殺烏龍卧錦茵

唐詩類苑

卷之二

三

與同年李定言曲水閑話戲作

李商隱

海燕參差溝水流同君身世屬離憂相携花下非秦
贅對泣春天類楚囚碧草暗侵穿苑路珠簾不捲枕
江樓莫驚五勝埋香骨地下傷春亦白頭

戲贈夢得兼呈思黯

白居易

雙鬢莫欺今老矣一杯莫笑便陶然陳郎中處爲高
戶裴使君前作少年顧我獨狂多自哂與君同病最
相憐月終齋滿誰開素須擬奇章置一筵

座中戲呈諸少年

白居易

衰容禁得無多酒秋鬢新添幾許霜縱有風情應淡
薄假如老健莫誇張興來吟咏從成癖飲後酣歌少
放狂不爲倚官兼峽勢因何入得少年場

與党侍御并序

元結

庚子中元次山爲監察御史党茂宗罷大理評事
次山愛其高尚曾作詩一篇與之及次山未辭殿
中茂宗已受監察茂宗嘗相誚戲之意又作詩與
之

衆坐吾獨歡或問歡爲誰高人党茂宗復來官憲司
昔吾順元和與世行自遺茂宗正作吏日有趨走疲

唐詩類苑

卷之二

四

及吾汗冠冕茂宗方矯時誚吾順讓者乃是千進資
今將問茂宗茂宗欲何辭若云吾無心此來復何爲
若云吾有羞於此還見嗤誰言萬類心開之不可窺
吾欲喻茂宗茂宗宜聽之長轅有修轍馭者令爾馳
山谷安可怨筋力當自悲嗟嗟党茂宗可爲識者規

答賀遂涉

趙謙光

錦帳隨情設金爐任意薰唯愁員外置不應列星文

答朝士

賀知章

朝士以知章吳越人戲云南金復生中土知章因
賦此詩答之

飯饌銀盤盛蛤蜊鏡湖蓴菜亂如絲鄉曲近來佳此
味遮渠不道是吳兒

唐詩類苑

卷之三

三五

唐詩類苑卷第一百四

明雲間張之象玄超甫纂輯

雲間杜士全道執甫編次

雲間王微叔朗甫補訂

梁谿曹仁孫伯安甫校正

人部

送

古相送

曹鄴

行人卜去期白髮根已出執君青松枝空數別來日
心如七夕女生死難再匹且願車聲迫莫使馬行疾

唐詩類苑

卷之三

一

巫山千丈高亦恐夢相失

餞遠

沈佺期

任子徇遐祿結友開舊襟撰酌輟行歡指途勸遠心
秋晶澄回壑霽色肅明林曖然清軒暮浩思非所任

送遠吟

孟郊

河水昏復晨河邊相送頻離杯有淚飲別柳無枝春
一笑忽然斂萬愁俄已新東波與西日不惜遠行人

送遠

杜甫

帶甲滿天地胡爲君遠行親朋盡一哭鞍馬去孤城
草木歲月晚關河霜雪清別離已昨日因見古人情

送遠曲

張籍

戲馬臺南山簇簇山邊飲酒歌別曲行人醉後起
車席上回尊勸童僕青天漫漫覆長路遠遊無家安
得住願君到處自題名他日知君從此去

送從弟蕃遊淮南

王維

讀書復騎射帶劍遊淮陰淮陰少年輩千里遠相尋
高義難自隱明時寧陸沈島夷九州外泉館三山深
席帆聊問罪卉服盡成擒歸來見天子拜爵賜黃金
忽思鱸魚膾復有滄洲心天寒蒹葭渚日落雲夢林
江城下楓葉淮上聞秋砧送歸青門外車馬去駸駸

唐詩類苑

卷之二十四

二

惆悵新豐樹空餘天際禽

送崔氏昆季之金陵

李白

放歌倚東樓行子期曉發秋風渡江來吹落山上月
主人出美酒滅燭延清光二崔向金陵安得不盡觴
水客弄歸棹雲帆捲輕霜扁舟敬亭下五兩先飄揚
峽石入水花碧流日更長思君無歲月西笑阻何梁

送中弟一云送
崔蕭齡

韋應物

秋風一作入疎戶離人起晨朝山郡多風雨西樓更
蕭條嗟予淮海老送子關河遙同來不同去沈憂寧
復消

送蕭遠弟

張籍

街北槐花傍馬垂病身相送出門遲與君別後秋風
夜作得新詩說向誰

秋晚招隱寺東峰茶宴送內弟闍伯歸江州

張籍

萬畦新稻傍山村數里深松到寺門幸有香茶留釋
子不堪秋草送王孫烟塵怨別唯愁隔井邑蕭條誰
思倫莫怪臨歧獨垂淚魏舒偏念外家恩

奉送五叔入京兼寄綦母三

李頎

唐詩類苑

卷之二十四

三

陰雲帶殘日悵別此何時欲望黃山道無由見所思

餞席重送從叔余之梓州

李商隱

莫歎萬重山君還我未還武關猶悵望何況百牢關

送賀遂員外外甥

王維

南國有歸舟荆門沂上流蒼茫葭菼外雲水與昭丘
檣帶城烏去江連暮雨愁猿聲不可聽莫待楚山秋

竹亭送姪便

楊衡

落葉寒擁壁清霜夜霑石正是憶山時復送歸山客
殷勤一樽酒曉月當牕白

送十五舅

王昌齡

深林秋水近日空歸棹演漾清陰中夕浦離觴意何已草根寒露悲鳴蟲

送友人任括州

沈佺期

青春浩無際白日乃遲遲胡爲賞心客歡遇此芳時
甌粵迫茲守京闕從此辭茫茫理雲帆草草念行期
紛吾結遠佩帳餞出河湄太息東流水盈觴難再持

送友人

崔塗

登高迎送遠春恨併依依不得滄洲信空看白鶴歸

送友人使夷陵

崔翹

猿鳴三峽裏行客舊雲裳復道從茲去思君不暫忘

唐詩類苑

卷之二十四

四

開襟春葉短分手夏條長獨有幽庭桂年年空自芳

送友人西上

劉長卿

羈心不自解有別會沾衣春草連天積五陵遠客歸
十年經轉戰幾處便芳菲想見函關路行人去亦稀

送友人許崇

張喬

離鄉積歲年歸路遠依然夜火山頭市春江樹杪船
干戈愁鬢改瘴癘喜家全何處營甘旨潮濤浸薄田

潤州送友人

崔峒

見君還此地灑淚向江邊國士勞相問家書無處傳
荒城胡一作馬跡塞木戍人煙一路堪愁思孤舟何

然

送友人遊蜀

賈島

萬岑深積翠路向此中難欲暮多羈思因高莫遠看
卓家人寂寞楊子業凋殘唯有岷江水悠悠帶月寒

送友人歸荆楚

許渾

調瑟勸離酒苦諳荆楚門竹斑悲帝女草綠怨王孫
潮落九疑迴雨連三峽昏同來不同去迢遞更傷魂

送友人知永嘉

項斯

長貧知不易去計擬何逃相對人愁別經過幾處勞
城連沙岫遠山斷夏雲高猶想成詩處秋燈半照濤

唐詩類苑

卷之二十四

五

送友人

周賀

彈琴多去情浮檝背潮行人望豐壩宿舣依靈木鳴
檣煙離浦色蘆雨入船聲如疾登雲路憑君寄此生

秋夕送友人歸吳

崔塗

離心醉豈懼把酒彊相寬世路須求達還家亦未安
旅程愁筭遠江月坐吟殘莫羨扁舟興功成去不難

送友人之江

項斯

東南路苦辛去路見無因萬里此相送故交誰更親
日浮汀草綠烟霽海山春握手無別贈爲子書札頻

送友人

杜牧

十載名兼利人皆與命爭青春望不住白髮自然生
夜雨滴鄉思秋風從別情都門五十里馳馬送歸程

送友歸淮

楊凝

畫舸照河堤喧風草色齊竹絲直網蝶去燕旋遺泥
郡向高齋近人從別路迷非關御溝上今日各東西

峽口送友人

司空曙

峽口花飛欲盡春天涯去住淚沾巾來時萬里同爲
客今日翻成送故人

送友人

李昌符

舉世誰能與事期解携多是正懽時人間不遣有名
唐詩類苑 卷之二十四 六

利陌上始應無別離晚渡待船秋立久辭山投店獨
行遲我今漂泊還如此江劍相逢亦未知

送友人遊蜀

劉滄

北去西遊春未半蜀山雲雪入詩情青蘿拂水花流
影翠靄隔巖猿有聲日出空江分遠浪鳥歸高木認
孤城心期萬里無勞倦古石蒼苔峽路清

湖口送友人

李頻

中流欲暮見湘煙葦岸無窮接楚田去鴈遠衝雲夢
澤離人獨坐洞庭船風波盡日依山轉星漢通霄向
水連零落梅花過殘臘故園歸去及新年

送人

王建

白日向西沒黃河復東流人生足着地寧免四方遊
我行無返顧況子勿迴頭當須向前去何用起離憂
但恐無廣路平地作山丘令我車與馬欲疾反停留
蜀客多積貨邊人易封侯男兒戀家鄉歡樂爲仇讐
叮嚀相勸勉苦口幸無尤對面無相成不如豺虎儔
彼遠不寄書此寒莫寄裘與君俱絕蹟兩念無因由

江西送人

曹鄴

八月江上樓西風令人愁携酒樓上別盡見四山秋
但愁今日知莫作他時疑郎本不住此無人泣望歸
唐詩類苑 卷之二十四 二

何水不生波何木不改柯遙知明日恨不如今日多
將心速投人路遠人如何

送人使之江陵

權德輿

嘉招不辭遠捧檄利攸往行役念前程譙遊睽舊賞
征軺星乍動江信潮應上煙水飛一帆霜風搖五兩
紛紛別袂舉切切離鴻響後會杳何時悠然勞夢想

送人入金華

嚴維

明月雙溪水清風入咏樓少年爲客處今日送君遊

九派潯陽郡分明似畫圖秋光連瀑布晴翠辨香鑪

送人之九江

權德輿

才子厭蘭省邦君榮竹符江城多暇日能寄八行無

送人往荊州

皇甫曾

草色隨驄馬悠悠同出秦水傳雲夢曉山接洞庭春
帆影連三峽猿聲近四隣青門一分首難見杜陵人

送人遊嶺南

司空曙

萬里南遊客交州見柳條逢迎人易合時日酒能消
浪曉浮青雀風溫解黑貂囊金如未足莫恨故鄉遙

和州送人歸復郢

劉長卿

因家漢水曲相送掩柴扉故郢生秋草寒江淡落暉
綠林行客少赤壁住人稀獨過潯陽去潮歸人不歸

唐詩類苑

卷之二四

八

送人遊越

劉長卿

未習風波事初爲吳越遊露沾湖色曉日照海門秋
梅市門何在蘭亭水尚流西陵待潮處落日滿航作

孤舟

送人適越

賈島

高城滿夕陽何事欲雲裳遷客蓬蒿暮遊人道路長
晴湖勝鏡碧寒柳似金黃若有相思夢殷勤載八行

送人遊塞

王建

初晴天墮絲晚色上春枝城下路分處邊頭人去時
停車數行日勸酒問回期亦是茫茫客還從此別離

長安送人

周賀

上國多離別年年渭水濱空將未歸意說向欲行人
鴈度池塘月山連井邑春臨分惜携手日暮一沾巾

楊州送人

劉綺莊

桂楫木蘭舟楓江竹箭流故人從此去遠望不勝愁
落日低帆影歸風引棹謳思君折楊柳淚盡武昌樓

送人東遊

溫庭筠

荒戍落黃葉浩然離故關高風漢陽渡初日郢門山
江上幾人在天涯孤棹還何當重相見尊酒慰離顏

送人南遊

溫庭筠

唐詩類苑 卷之二四 九一
送君遊楚國江浦樹蒼然沙淨有波跡岸平多草煙
角悲臨海郡月到渡淮船唯以一杯酒相思隔遠天

送人南遊

鄭巢

南京路悄然歛石漱流泉遠寺寒雲外揚帆暑雨前
鴈行回曉岫蜃色上湖田更想清吟處多同隱者眠

送人

李建勳

相見未逾月堪悲還別離非君誰顧我萬里又南之
雨逼清明日花陰杜宇時愁看挂帆處鷗鳥共遲遲

送流人

王建

見說長沙去無親亦共愁陰雲鬼門夜寒雨瘴江秋

水國山魃引蠻鄉洞主留漸看歸處遠垂白住炎洲

送人

李咸用

少皞開宮行帝業無刀金風剪紅葉鴈別邊沙入暖
雲蛩辭敗草鳴香閣有客爲儒二十霜酣歌卸雪時
飄揚不甘長在諸生下束書携劍離家鄉利瓜鞬上
鷹雄文霧中豹可堪長與烏鳶噪是宜摩碧漢以遐
飛出南山而遠蹈况今大朝公道天子文明團團月
樹懸青青燕中有馬如龍行不換黃金無駿名荆山
有玉猶在璞未遇良工虛擲鵲一壺清酒酌離情休
向蒿中隨雀躍

唐詩類苑

卷之一百四

送人

杜牧

鴛鴦帳裏暖芙蓉低泣關山幾萬重明鑑半邊釵一
股此生何處不相逢

暮春送人

僧無悶

折柳亭邊手重携江烟淡淡草萋萋林鴟不顧離人
意更向落花枝上啼

送人遊并汾

韋莊

風雨蕭蕭欲暮秋獨携孤劍塞垣遊如今虜騎方南
牧莫過陰關第一州

送人歸黔府

司空曙

伏波簫鼓水雲中長戟如霜文旆紅油幕曉開飛鳥
絕翩翩上將獨趨風

冬日送人

伍喬

去去天涯無定期瘦僮羸馬共依依暮烟江口客來
絕寒葉嶺前人往稀帶雪野風吹旅思入雲山火照
行衣釣臺吟閣滄洲在應爲初心未得歸

送人入蜀

僧貫休

何必開吟蜀道難知君心出險巖間尋常秋泛江陵
去客易春浮錦水還兩面碧懸神女峽幾重青出丈
人山文君酒市逢初雪滿貫新沽洗旅顏

唐詩類苑

卷之一百四

送人過衛州

楊巨源

憶昔征南府內遊君家東閣最淹留縱橫聯句長侵
曉次第看花直到秋論舊舉杯先下淚傷離臨水更
登樓相思前路幾回首舊眼青山過衛州

江上送客

白居易

江花已萎絕江草已銷歇遠客何處歸孤舟今日發
杜鵑聲似哭湘竹斑如血共是多感人仍爲此中別

送客之蜀

楊凝

西蜀三千里巴南水一方曉猿天際斷夜月峽中長

上谷送客遊江關

賈島

莫嘆迢遞分何殊咫尺別江樓到夜登還見南臺月

送遠客

皇甫冉

行隨新樹深夢隔重江遠迢遞風日間蒼茫洲渚晚

送遠客

張籍

憔悴遠歸客殷勤欲別杯九星壇下路幾日見重來

代崔家送客

李賀

行蓋柳烟下馬蹄白翩翩恐隨送處盡何忍重揚鞭

送客

陳子昂

故人洞庭去楊柳春風生相送河洲晚蒼茫別思盈

白蘋已堪把綠芷復含榮江南多桂樹歸客贈生平

唐詩類苑

卷之二四

十三

南陽送客

李白

斗酒勿爲薄寸心貴不忘坐惜故人去偏令遊子傷

離顏怨芳草春思結垂楊揮手再三別臨岐恐斷腸

泛江送客

杜甫

二月頻送客東津江欲平烟花山際重舟楫浪前輕

淚逐勸杯落愁連吹笛生離筵不隔日那得易爲情

送客

皇甫冉

旗鼓軍威重關山去路賒待封甘度隴迴首不思家

城下春山路營中瀚海沙河源雖萬里音信寄來賒

送越客

張籍

見語孤帆去東南別會稽春雲剡溪口殘月鏡湖西

水鶴沙邊立山黿竹裏啼謝家曾住處烟洞入應迷

送蠻客

張籍

借問炎州客天南幾日行江連惡谿路山遶夜郎城

柳葉瘴雲濕桂叢蠻鳥聲知君却回日記得海花名

送南客

張籍

行路雨脩脩青山盡海頭天涯人去遠橫北水空流

夜市連銅柱巢居屬象州來時舊相識誰向日南遊

送遠客

張籍

南原相送處秋水草還生同作憶鄉客如今分路行

唐詩類苑

卷之二四

十三

因誰寄歸信漸遠問前程明日重陽節無人上古城

將赴京師蒜山津送客還荆渚

許渾

樽前萬里愁楚塞與皇州雲識瀟湘雨風知鄆杜秋

潮平猶一作倚棹月上更登樓他日滄浪水漁歌對

白頭

吳門送客早發

許渾

吳歌咽深思楚客怨歸程寺曉樓臺迴一作鐘江愁

管吹清早潮低水檻殘月下山城惆悵回舟日湘南

春草生

送客之上谷

韓翃

地客悲秋色田園憶去來披衣朝易水匹馬向燕臺
風前荷衣碎霜迎粟餽開傷心知不淺累月故人杯

送客赴湘江

李端

識君年已老孤棹向瀟湘素髮臨高鏡清晨入遠鄉
三山分夏口五兩映潯陽更逐巴江客南行淚幾行

送客赴江陵寄郢州郎士元

李端

露下晚蟬愁詩人舊怨秋沅湘莫留滯宛洛好遨遊
飲馬逢黃菊離家值白頭竟陵明月夜爲上庾公樓

唐詩類苑

卷之一百四

十四

送客歸湖南

楊凝

湖南樹葉盡了了見潭州雨散今爲別雪飛何處遊
情來翻似醉淚迸不成流那向蕭條路綠湘黃竹愁

送客東歸

楊凝

君向東營州春風戰地愁草青蒙別路柳亞拂孤樓
人意傷難醉驚啼咽不流芳菲只合樂離思反如秋

吳門送客

麴信陵

亂山吳苑外臨水讓王祠素是傷情處春非送客時
不須愁落日且願駐青絲千里會應到一樽誰共持

秋江送客

白居易

秋鴻次第過哀猿朝夕暮一作聞是日孤舟客此地亦

離群濛濛潤衣雨漠漠冒帆雲不醉潯陽酒烟波愁
殺人

和樂天送客遊嶺南二十韻

元稹

我自離鄉久君那度嶺頻一杯魂慘澹萬里路艱辛
江館連沙市龍船泊水濱騎田回北顧桐柱指南隣
大壑浮三島周天過五均波心踴樓閣規外布星辰
交廣間南極浸高北極凌低圓規度外星
格狎猩猩置展馴俗法常用竹筒穿臂以受之佛佛執

唐詩類苑

卷之一百四

十五

華客梯航異域臣夷然皮勝錦言了舌如人風默秋
雲斬斬夜海火燐燐海水夜擊之則盡如火冠冕中
徐市種廟觀趙佗神鳶跼方知瘴蛇蘇不待春曙潮
歌鐘排象背炊爨上魚身夷民大陳設則巨象背上
海人泊舟於旁因電白雷山接旗紅賊艦新島夷
炊爨具上魚不知覺

茅葉烟埋曉月輪
定應玄髮變烏用翠毛珍
勾漏沙須買貪泉貨
莫親能傳稚子術何患隱之貧

送客之江寧

韓翃

春流送客不應賒
南入徐州見柳花
朱雀橋邊看淮水
烏衣巷裏問王家
千間萬井無多事
關戶開門向山翠
楚雲朝下石頭城
江燕雙飛瓦棺寺
吳士風流甚可親
相逢嘉賓日應新
從來此地夸羊酪
自有尊羹定卻人

東門送客

李端

綠楊新草路
白髮故鄉人
既壯還應老
避梁復滯秦
逢花莫漫折
能有幾多春

唐詩類苑

卷之二十四

十六

送客

白居易

病上籃輿相送來
衰容秋思兩悠哉
涼風嫋嫋吹槐子
却諸行人勸一杯

江上送客

李端

故人南去漢江陰
秋雨蕭蕭雲夢深
江上見人應下淚
由來遠客易傷心

送客之鄂州

韓翃

江口千家帶楚雲
江花亂點雪紛紛
春風落日誰相見
青翰舟中有鄂君

送客之潞府

韓翃

官柳青青匹馬嘶
回風暮雨入銅鞮
佳期別在春山裏
應是人參五葉齊

送蜀客

張籍

蜀客南行祭碧鷄
木綿花發錦江西
山橋日晚行人少
時見猩猩樹上啼

揚州送客

張籍

南行直入鷓鴣群
萬歲橋邊一送君
聞道望鄉聽不得
梅花暗落嶺頭雲

送客還幽州

李益

惆悵秦城送獨歸
薊門雲樹遠依依
秋風莫射南來鴈
從遣乘春更北飛

唐詩類苑

卷之二十四

十七

楊柳送客

李益

青楓江半白蘋洲
楚客傷離不待秋
君見隋朝更何事
楊柳楊南渡水悠悠

送客遊蜀

張籍

行盡青山到益州
錦城樓下三江流
杜家曾阿此中住
爲到浣花谿水頭

送客歸江州

韓翃

東歸復得采真遊
江水迎君日夜流
客舍不離青雀

舫人家舊在白鷗洲風吹山帶遙知雨露濕荷裳已
報秋聞道泉明居止近籃輿相訪會淹留

送客水路歸陝

韓翃

相風竿影曉來斜渭水東流去不賒枕上未醒秦地
酒舟前已見陝人家春橋楊柳應齊葉古縣棠梨也
作花好是吾賢佳賞地行逢三月會連沙

送客一歸襄陽二歸潯陽

韓翃

雨驅匹馬會心期東望舟悵夢思斗山前春色
早香爐峯頂暮烟時空林欲訪新居士古寺應懷遠
法師兩地由來堪取興三賢他日幸留詩

唐詩類苑

卷之二十四

六

北樓送客歸上都

白居易

馬蹄不獨別君須強飲窮愁自要醉如泥
北江樓客散日平西長津欲度回船尾殘酒重傾簇

送客之湖南

白居易

年年漸見南方物事事堪傷北客情山鬼趫跳唯一
足峽猿哀怨過三聲帆開青草湖中去衣濕黃梅雨
裏行別後雙魚難定寄近來潮不到湓城

送客偶作

溫庭筠

石路荒涼接野蒿西風吹馬利如刀小橋連驛楊柳

晚廢寺入門木杪高鷄犬夕陽喧縣市鳥驚秋水曝
城壕故山有夢不歸去官樹陌塵何太勞

送劉四

李頎

愛君少岐嶷高視白雲鄉九歲能屬文謁帝游明光
奉詔赤墀下拜爲童子郎爾來屢遷易三度尉洛陽
洛陽十二門官寺鬱相望青槐羅四面綠水貫中央
聽訟破秋毫應物利干將辭滿如脫屣立言無不臧
歲暮風雪暗秦中川路長行人飲臘酒立馬帶晨霜
生事豈須問故園寒草荒從今署右職莫笑在農桑

送權二

王維

唐詩類苑

卷之二十四

十九

高人不可友清論復何深一見如舊識一言知道心
明時當薄宦解辭去中林芳草空隱處白雲餘故岑
韓侯久携手河嶽共幽尋悵別千餘里臨堂鳴素琴

送蕭十八

高適

常苦古人遠今見斯人古淡泊遣聲華周旋必鄒魯
故交在梁宋遊方出庭戶匹馬鳴朔風一身濟河許
辛勤採蘭咏欸曲翰林主歲月催別離庭闈遠風土
寥寥寒烟靜莽莽夕雲苦明發不在茲青天眇難覩

齊州送祖三

王維

相逢方一笑相送還成泣祖帳已傷離荒城復愁入

天寒遠山淨日暮長河急解纜君已遙望君猶佇立

送崔十三東遊

錢起

千里有同心十年一會向當杯緩筆柱條忽催離宴
丹鳳城頭噪晚鴉行人馬首夕陽斜灞上春風留別
袂關東新月宿誰家官柳依依兩鄉色誰能此別不
相憶

送郭六侍從之武陵郡

劉長卿

常愛武陵郡美君將遠尋空憐世界迫孤負桃源心
洛陽遙想桃源隔野水閑流春自碧花下常迷楚客
船洞中時見秦人宅落日相看斗酒前送君南望但

唐詩類苑

卷之二十四

十一

依然河梁馬首隨春草江路猿聲愁暮天丈人別乘
佐分憂才子趨庭兼勝遊灋浦荆門行可見知君詩
興滿滄洲

送王十一南行

元稹

夏水漾天末晚暘映遙村風翻烏尾勁眷戀餘芳罇
解袂方瞬息征帆已翩翩江豚湧高浪槐樹搖去魂
遠戍宗侶泊暮烟洲渚昏離心詎幾許歸苦復寒溫
此別信非久胡爲坐憂煩我畱石難轉君泛雲無根
萬里湖南月三聲山上猿從茲耿幽夢夜夜湘與沅

送胡大

王昌齡

荆門不堪別况乃瀟湘秋何處遙望君江邊明月樓

送李十五

王昌齡

怨別秦楚深江中秋雲起天長杳無隔月影在寒水

送張四

王昌齡

楓林已愁暮楚水復堪悲別後冷山月清猿無斷時

送朱大入秦

孟浩然

遊人五陵去寶劍直千金分手脫相贈平生一片心

送譚八之桂林

王昌齡

客心仍在楚江館復臨湘別意猿鳥外天寒桂水長

送劉十五之郡

王昌齡

平明江霧寒客馬江上發扁舟事洛陽官舍楚月
歸人乘野艇帶月過江村正落寒潮水相隨夜到門

送張十八歸桐廬

劉長卿

願言遊泗水支離去二漳道術君所篤筌蹄余自忘
雪威侵竹冷秋爽帶池涼欲驗離襟切岐路在他鄉

送宋五之問得涼字

駱賓王

在交州餞宋五之問

駱賓王

淮尼泗水地梁甫汶陽東別路青驪遠離樽綠蟻空
柳寒凋密翠棠晚落疎紅別後相思曲悽斷入琴風

秋夜送閻五還潤州

有序 駱賓王

閨五官言返維桑修途指金陵之地李六郎交深
打添開筵浮白玉之樽于時壁彩澄虛漏輕光於
雲葉珪陰散迴搖碎影於風梧雖桂醕蘭釭斲淹
留於一夕而青山黃鶴將惆悵於九秋請勒四言
俱伸五際

通莊抵舊里溝水急新知斷雲飄易滯連露積難披
僚風翻迴蝶驚月繞疎枝無力勵短翰輕舉送長離
錢駱四得鐘字 駱賓王

平生何以樂斗酒夜相逢曲中驚別緒醉裏失愁容
星月懸秋漢風香入曙鐘明月臨溝水青山幾萬重
唐詩類苑 卷之二百四 王

送趙六貞固

宋之問

目斷南浦雲心醉東郊柳怨別此何時著芳來已久
與君共時物盡此盈樽酒始願今不從春風戀携手
春晦餞陶七於江南同用風字 有序

陳子昂

蜀江分袂巴山望別南津坐恨歎仙帆之方遙北
渚長懷見離亭之欲晚白雲去矣

黃鶴何之楊柳青而三春暮我之懷矣能無贈乎
同賦一言俱題四韻

黃鶴烟雲去青江琴酒同離帆方楚越渭水復西東

芙蓉生夏浦楊柳送春風明月相思處應對菊花黃
送殷大入蜀 陳子昂

蜀山金碧地此地饒英靈送君一爲別悽斷故鄉情
片雲生極浦斜日隱離亭坐看征騎沒惟見遠山青
河西送李十七 高適

邊城多遠別此去莫徒然問禮知才子登科及少年
出門看落日驅馬向秋天高價人爭重行當早著鞭
送韓九 高適

惆悵別離日徘徊岐路前歸人望獨樹匹馬隨秋蟬
常與天下士許君兄弟賢良時正可用行矣莫徒然
唐詩類苑 卷之二百四 王

送魏八

高適

更沽淇上酒還泛驛前舟爲惜故人去復憐嘶馬愁
雲山行處合風雨興中秋北路無知已明珠莫暗投
送孫二 王維

郊外誰相送夫君道術親書生鄒魯客才子洛陽人
祖席依寒草行車起暮塵山川何寂寞長望淚沾巾
送裴五赴東川 杜甫

故人亦流落高義動乾坤何日通燕塞相看老蜀門
東行應暫別北望若銷魂凜凜悲秋意非君誰與論
送元二適江左 杜甫

亂後今相見秋深復遠行風塵爲客日江海送君情
晉室丹陽尹公孫白帝城經過自愛惜取次莫論兵

送闕二十六赴剡縣

李季蘭

流水閨門外孤舟日復西離情遍芳草無處不萋萋
妾夢經吳苑君行到剡溪歸來重相訪莫學阮郎迷

送裴二十一

劉長卿

多病長無事開筵暫送君正愁帆帶雨莫望水連雲
客思開偏極川程遠更分不須早晚惆悵又離羣

盤屋縣鄭礪宅送錢大

郎士元

暮蟬不可聽落葉豈堪聞共是悲秋客那知此路分

唐詩類苑

卷之二十四

五

荒城背流水遠鴈入寒雲陶令門前菊餘花可贈君

送王十至褒中因寄尚書杜牧

杜牧

闕下經年別人間兩地情壇場新漢將烟月古隋城
鴈去梁山遠雲高楚岫明君家荷藕好緘恨寄遙程

送朱大北遊

張南史

歲暮一爲別江湖聊自寬且無人事變誰爲客行難
鄧曲憐公子皇州憶伯鸞蒼蒼遠山際松樹獨宜寒

送嚴十五郎之長安

戎昱

送客身爲客思家愴別家暫收雙眼淚遙想五陵花
路遠征車迴山迴劍關斜長安君到日春色未曾賒

送周十一

儲光義

秋風隕群木衆草下嚴霜問子復何如自言之帝鄉
豈無親所愛將欲濟時康握手別征駕遂悲岐路長

司勳王郎中宅送韋九郎往潯州

李嘉祐

憐爾因同舍看書似外家出關逢落葉傍水見寒花
送遠添秋思將衰念歲華清淮倍相憶回首莫令賒

送丘二十二之歸

一作蘇州

崔峒

積水與寒烟嘉禾路幾千孤猿啼海島群鴈起湖田
曾寄長沙什常一作聞大雅篇却將封事去知爾愛

唐詩類苑

卷之二十四

五

意閑眠

送吳七遊蜀

駱賓王

日觀分齊壤星橋抵蜀門桃花嘶別路竹葉寫離樽
夏盡蘭猶茂秋深柳尚繁露銷山望迴風高野聽喧
勞歌徒欲奏贈別竟無言惟有當秋月空照野人園

秦中送李九赴越

高適

攜手望千里於今將十年如何每離別心事復迢迢
適越雖有以出關終耿耿然愁臨不可向長路或難前
吳會獨行客山陰秋夜船謝家徵故事禹穴訪遺編
鏡水君所憶蕙英子舊使歸來莫忘此兼示濟江篇

送荀八過山陰舊縣兼寄剡中諸官

劉長卿

訪舊山陰縣扁舟到海涯故林嗟滿歲春草憶佳期
晚景千峯亂晴江一鳥遲桂香留客處楓暗泊舟時
舊石曹娥篆空山夏禹祠剡谿多隱吏君去道相思
宿嚴維宅送包七 皇甫冉

江湖同避地分手自依依盡室今爲客經秋空念歸
歲儲無別墅寒服羨隣機草色村橋晚蟬聲江樹稀
夜涼宜共醉時難惜相違何事 呂汀洲忽背飛

送劉十一

李頎

唐詩類苑

卷之二四

三十一

三十不官亦不娶時人焉識道高下房中唯有老氏
經櫪上空餘少游馬往來嵩華與函秦放歌一曲前
山春西林獨鶴引閑步南澗飛泉清角巾前年上書
不得意歸臥東牕兀然醉諸兄相繼掌青史第五之
名齊驃騎烹葵摘果告我行落日夏雲縱復橫聞道
謝安掩口笑知君不免爲蒼生

雜言送黎六郎

齊陽公

韋應物

冰壺見底未爲清少年如玉有詩名聞話嵩峯多野
寺不嫌黃綬向陽城朱門嚴訓朝辭去騎出東郊滿
飛絮河南庭下拜府君陽城歸路山氛氲山氛氲長

不見釣臺水綠荷已生少姨廟寒花始偏縣開吏傲
與塵隔移竹疏泉常岸幘莫言去作折腰官豈似長
安折腰客

送賈三北遊

劉長卿

賈生未達猶窘迫身馳匹馬叩鄆陌片雲郊外遙送
人斗酒城邊暮留客顧予他日仰時髦不堪此別相
思勞雨色新添漳水綠夕陽遠照蘇門高把袂相看
衣共緇窮愁只是惜良時亦知到處逢榻下莫滯秋
風西上期

巴陵送李十二

王昌齡

唐詩類苑

卷之二四

三十一

搖拽巴陵洲渚分清江傳語便風聞山長不見秋城
色日暮兼葭空水雲

送李五

王昌齡

王盃金壘傾送君江西日入起黃雲扁舟乘月暫來
去誰道滄浪吳楚分

送魏二

王昌齡

醉別江樓橘柚香江風引雨入船涼憶君遙在瀟湘
月愁聽清猿夢裏長

送賈七

王昌齡

秋江月色傍林秋波上熒熒望一舟鄂渚輕帆須早

發江邊明月爲君留

送程六

王昌齡

冬夜傷離在五溪青魚雪落鱸橙蠶武岡前路看斜
月片片舟中雲向西

送宇文六

常建

花映垂陽漢水清微風林裏一枝輕卽今江北還如
此愁殺江南離別情

送薛大赴安陸

王昌齡

津頭雲雨暗湘山遷客離憂楚地顏遙送扁舟安陸
郡天邊何處穆陵關

唐詩類苑

卷之二十四

三八

送元二使安西

王維

渭城朝雨裊輕塵客舍青青柳色春勸君更盡一杯
酒西出陽關無故人

送杜十四之江南

孟浩然

荆吳相接水爲鄉君去春江正淼茫日暮征帆何處
泊天涯一望斷人腸

送魏十六還蘇州

皇甫冉

秋夜沈沈此送君陰蟲切切不堪聞歸舟明日毘陵
道回首姑蘇是白雲

送元八

張籍

百神齋祭相隨偏尋竹看山亦共行明日城西送君
去舊遊重到獨題名

走筆送杜十三歸京

杜牧

煙鴻上漢聲聲遠逸驥尋雲步步高應笑內兄年六
十郡城閑坐養霜毛

重送王十

杜牧

分袂還應立馬看向來離思始知難鴈飛不見行塵
滅景下山遙極目寒

長沙送李十一銜

杜甫

與子避地西康州洞庭相逢十二秋遠愧尚方曾賜
履境非吾土倦登樓久存膠漆應難並一辱泥途遂

唐詩類苑

卷之二十四

三五

晚收李杜齊名真忝竊朔雲寒菊倍離憂

送朱二十赴漣水

方干

到縣却應嫌水闊離家終是見山疎笙歌不駐難辭
酒舟機將行負擔書爲政必能安楚若向公猶可釣
淮魚鳳鸞取便多如此掠地斜飛上太虛

唐詩類苑卷第一百四終

唐詩類苑卷第一百五

明雲間張之象玄超甫纂輯

雲間杜士全道執甫編次

雲間王微叔朗甫補訂

梁谿曹仁孫伯安甫校正

人部

送

送王昌齡

李頎

漕水東去遠送君多暮情淹留野寺出向背孤山明
前望數千里中無蒲稗生夕陽滿舟楫但愛微波清

唐詩類苑

卷之一百五

一

舉酒林月上解衣沙鳥鳴夜來蓮花界夢裏金陵城
歎息此離別悠悠江海行

送裴騰

李頎

養德爲重許森然此丈夫放情白雲外喪氣連虬鬚
衡鏡合知子公心誰謂無還令不得意單馬遂長驅
桑野蠶忙時憐君久踟躕新晴荷卷葉孟夏雉將雛
令弟爲縣尹高城汾水隅相將簿領閒倚望相峰孤
香露團百草紫梨分萬株歸來授衣假莫使故園蕪

送劉昱

李頎

八月寒葦花秋江浪頭白北風吹五兩誰是潯陽客

鷓鴣山頭微雨晴揚州郭裏暮潮生行人夜宿金陵
渚試聽沙邊有鴈聲

送劉方平

李頎

綺紈遊上國多作少年行二十二詞賦惟君著美名
童顏且白哲佩德如瑤瓊荀氏風流盛胡家公子清
有才不遇誰之過肯卽藏鋒事高臥洛陽草色猶自
春遊子東歸喜拜親漳水橋頭值鳴鴈朝歌縣北少
行人別離斗酒心相許落日青郊半微雨請君騎馬
望西陵爲我殷勤弔魏武

送韓平兼寄郭微

劉昫

唐詩類苑

卷之一百五

二

上客夜相過小童能沽酒卽爲臨水處正值鴈歸後
前路望鄉山近家見門柳到時春未暮風景自應有
余憶東州人經年別來久殷勤爲傳語日夕念攜手
兼問前寄書書中復達否

送汪倫

劉復

春江日未曛楚客酣送君翩翩孤黃鶴萬里滄洲雲
四方各有志豈得常顧群山連巴湘遠水與荆吳分
清光日修阻尺素安可論相思寄夢寐瑤草空氣氤

送陸擢

常建

聖代多才俊陸生何考槃南山高松樹不合空摧殘

九月湖上別北風秋雨寒殷勤歎孤鳳早食金琅玕

送殷淑

李白

海水不可解連江夜爲潮俄然浦嶼濶岸去酒船遙
惜別耐取醉鳴榔且長謠天明爾當去應便有風飄

五松山送殷淑

李白

秀色發江左風流奈若何仲文了不還獨立揚清波
載酒五松山頽然白雲歌中天度落月萬里遙相過
撫酒惜此月流光畏蹉跎明日別離去連峰鬱嵯峨

送綦毋潛

盧象

夫君不得意本自滄海來高足未云驕虛舟空復迴

唐詩類苑

卷之一百五

三

淮南楓葉落灞岸桃花開出處暫爲耳浮沈安繫哉
如何天覆物還遣世遺才欲識秦將漢嘗聞王與裴
離筵對寒食別酒乘春雷會有辟書至荷衣莫謾裁

同府縣諸公送綦毋潛李頎至白馬寺

王昌齡

鞍馬上東門徘徊入孤舟賢豪相追逐卽棹千里流
赤岸落日在空波微煙收薄官亡機枯醉來復淹留
月明見古寺林外登高樓南風開長廊夏夜如涼秋
江水照吳縣西歸夢中遊

送李擢遊江東

王昌齡

清洛日夜漲微風引孤舟離腸便千里遠夢生江樓
楚國棖橋暗吳門煙雨愁東南具今古歸望山雲收

芙蓉樓送辛漸二首

王昌齡

見居處部樓

送竇叔向

皇甫冉

楚客怨逢秋閒吟興非一棄官守貧病作賦推文律
樵徑未沾霜茅簷初負日今看汎月去偶見乘潮出
卜地會爲隣選依仲長室

送張南史

皇甫冉

馬卿工詞賦位下年將暮謝客愛雲山家貧身不閒

唐詩類苑

卷之一百五

四

風波杳未極幾處逢相識富貴人皆變誰能念貧賤
岸有經霜草林有故年枝俱應待春色獨使客心悲

送沈沖

錢起

天樸非外假至人常宴如心期邈霄漢詞律響瓊琚
舉酒常歎惜無人達子虛夜光失隋掌驥驟伏鹽車
考室晉山下歸田秦歲初寒雲隨路合落照下城餘
千里還同術無勞怨索居

送陳商

賈島

古道長荊棘新岐路交橫君於荒榛中尋得古轍行
足踏聖人路貌端禪士形我曾接夜譚似聽講一經

聯翩曾數舉昨登高第名釜底絕煙火曉行皇帝經上客遠府遊主人須目明青雲別青山何日復可升

送汲鵬

賈島

淮南臥理後復逢君姓汲文采非尋常志願期卓立深江東汎舟夕陽跳原隰夏夜言詩會往往追不及

送萬巨

韓翃

漢相見王陵揚州事張禹風帆木蘭曳水國蓮花府百丈清江十月天寒城鼓角曉鐘前金鑪促膝諸曹吏玉管繁聲美少年有時過向長干地遠對湖光近山翠好逢南苑看人歸也向西池留客醉疎柳垂煙

唐詩類苑

卷之二百五

五

楊帶霜朝遊石渚暮橫塘紅棧色奪風流座白紵詞喚翰墨場夫子前年入朝後高名籍籍時賢口共憐詩興轉清新繼遠家聲在此身屈指待爲青瑣客回頭莫美白亭人

送鄭長源

韋應物

少年一相見一作得飛轡河洛間歡遊不知罷中路忽言還泠泠鵲絃哀悄悄冬夜閒丈夫雖耿介遠別多苦顏君行拜高堂速駕難久攀鷄鳴儔侶發朔雪滿河關須更在今夕罇酌且循環

送李儋

韋應物

別離何從生乃在親愛中及念行路子拂衣自西東日昃不留宴嚴車出崇墉行遊一作役非所樂端憂道未通一作道未豐春野百卉發清川思無窮芳時坐離散世事誰可同歸當掩重關默默想音容

楊州送伯齡過江

盧仝

伯齡不厭山山不養伯齡松顛有樵墮石上無禾生不認六尺軀遂作東南行諸侯盡食肉壯氣吞八紘不啣溜鈍漢何由通姓名夷齊餓死日武王稱聖明節義士枉死何異鴻毛輕努力事干謁我心終不平

送崔爽之湖南

孟郊

唐詩類苑

卷之二百五

六

江與湖相通一水洗高空定知一日帆使得千里風雪唱與誰和俗情多不通何當逸翮縱飛起泥沙中

送李翱習之

孟郊

習之勢翩翩東南去遙遙贈君雙履足一爲上臯橋臯橋路逶迤碧水清風飄新秋折藕花應對吳語嬌千巷分淥波四門生早潮湖榜輕裹最酒旌高寥寥小時履齒痕有處應未銷舊憶如霧星恍見於夢消言之燒人心事去不可招獨孤宅前曲筵復醉中謠壯年俱悠悠速茲各焦焦執手復執手唯道無枯凋

送張宗原

姚合

東門送客道春色如死灰一客失意行十客顏色低
住者既無家去者又弗歸愁窮一成疾百藥不可治
子賢我且愚命分不合齊誰開塞蹟門日日同遊棲
子行何所之切切食與衣誰能買仁義令子無寒饑
野田不草草四向生路岐士人甚商賈終日須東西
鴻鴈春北去秋風復南飛勉君向前路無失相見期

送李翱

韓愈

廣州萬里途山重江遠進行行何時到誰能定歸期
揖我出門去顏色異恒時雖云有追送足跡絕自茲
人生一世間不自張與弛譬如浮江木縱橫豈自知
唐詩類苑 卷之一百五 七
寧懷別時苦勿作別後思

送元錫楊凌

韋應物

荒林窮山郭積水成秋晦端居意自違况別親與愛
歡筵慊未足離燈悄已對還當掩郡閣佇君方此會

夜送趙縱

楊炯

趙氏連城壁由來天下傳送君還舊府明月滿前川

送殷淑

李白

痛飲龍筇下燈青月復寒醉歌驚白鷺半夜起沙灘

送陸遂潛夫

并序

皇甫冉

頃者江淮征鎮屢有掄材之舉子不列焉有司之

過予方耕山釣湖避人如逃寇徒欲羅高鴻捕深
魚窮年竭日其可得也今齒髮向暮執勞無力衆
雖嗷嗷開口待哺如有知者子其行乎無爲自苦
一絕賦長道

高山迥欲登遠水深難渡杳杳復漫漫行人別家去

送張起崔載華之閩中

劉長卿

朝無寒士達家在舊山貧相送天涯裏憐君更遠人

送陳標

朱慶餘

滿酌歡僮僕相隨卽馬蹄春風慎行李莫上白銅鞮

送暢當

盧綸

唐詩類苑

卷之一百五

八

四望無極路千里流大河秋風滿離袂唯老事唯多

薦福寺送元偉

李端

送客攀花後尋僧坐竹時明朝莫迴望青草馬行遲

送薛種遊湖南

杜牧

賈傳松醪酒秋來美更香憐君片雲思一櫂去瀟湘

送柳淳

孟郊

青山臨黃河下有長安道世上名利人相逐不知老

五言重送橫飛聯句

顏真卿

春田草未齊春水滿長溪 出餞風初暖攀光日漸

西 眞卿 歸期江上遠別思月中迷 畫

又送陸潛夫賦得越山三韻

皇甫冉

西陵猶隔水北岸已春山獨鳥連天去孤雲伴客還
祗應結茅宇出入石林間

送端東行

韋應物

世承清白遺一作世事躬服古人言從官俱守道歸
來共閉門驅車無處去暮雪滿平原

送張南簡入蜀

白居易

昨日詔書下求賢訪陸沈無論能與否皆起徇名心
君獨南遊去雲山蜀路深

唐詩類苑

卷之二百五

九

送李邕二首

李嶠

落日荒郊外風景正淒淒離人席上起征馬路傍嘶
別酒傾壺贈行書掩淚啼殷勤御溝水從此各東西

二

岐路方爲客芳樽暫解顏人隨轉蓬去春伴落梅還
白雲渡汾水黃河繞晉關離心不可問宿昔鬢成斑

李舍人山園送龐邵

沈佺期

符傳有光輝諠諠出帝畿東鄰借山水南陌駐驂騑
握手涼風至當歌秋日微高蟾去勿緩人吏待霜威

送杜審言

宋之問

臥病人事絕聞君萬里行河橋不相送江樹遠含情
別路追孫楚維舟弔屈平可惜龍泉劍流落在豐城

送王光庭

張說

同居洛陽陌輕日懶相求及爾江湖去言別悵悠悠
楚雲眇霸冀海月倦行舟愛而不可見徒嗟方歲流

送丘爲往唐州

王維

宛洛有風塵君行多苦辛四愁連漢水百口寄隨人
槐色陰清晝楊花惹暮春朝端肯相送天子繡衣臣

送崔九興宗遊蜀

王維

送君從此去轉覺故人稀徒御猶迴首田園方掩扉
唐詩類苑 卷之二百五 十

出門當旅食中路授寒衣江漢風流地遊人何處歸

送崔興宗

王維

已恨親皆遠誰憐友復稀君王未西顧遊宦盡東歸
塞迥山河淨天長雲樹微方同菊花節相待洛陽扉

南樓送衛憑

岑參

近縣多過客似君誠亦稀南樓取涼好便送故人歸
鳥向望中滅雨侵晴處飛應須乘月去且爲解征衣

送顏韶

岑參

遷客猶未老聖朝今復歸一從襄陽住幾度梨花飛
世事了可見憐君人亦稀相逢貪醉臥未得作春衣

送張祥之房陵

孟浩然

我家南渡頭慣習野人舟日夕弄清淺林湍逆上流
鄢陵據形勝天地生豪酋君意在利涉知音期暝投

送吳悅遊韶陽

孟浩然

五色憐鳳雛南飛適鵬鵠楚人不相識何處求椅梧
去去日千里茫茫天一隅安能與斤鷄決起但槍榆

送崔暹

孟浩然

片玉來誇楚治中作主人江山增潤色詞賦動陽春
別館當虛敞離懷任吐申因聲兩京舊誰念臥漳濱

送殷淑

李白

白鷺洲前月天明送客迴青龍山後日早出海雲來
流水無情去征帆逐吹開相看不忍別更進手中杯

送韓揆之西江

李季蘭

相看指楊柳別恨轉依依萬里西江水孤舟何處歸
湓城潮不到夏口信應稀唯有衡陽鴈年年來去飛

送崔湜因寄薛據孟雲卿

杜甫

志士惜妄動知深難固辭如何久磨礪但取不磷緇
夙夜聽憂主飛騰急濟時荊州遇薛孟爲報欲論詩

送蕭獻士

皇甫冉

惆悵煙郊晚依然此送君長河隔旅夢浮客伴閒雲

淇土春山直黎陽大道分西陵倘一弔應有士衡文

送王緒之剡中

皇甫冉

不見開山去何時到剡中已聞成竹木更道長兒童
籬落雲常聚村墟水自通朝朝憶玄度非是對清風

送顧長往新安

劉長卿

由來山水客復道向新安半是乘潮便全非行路難
晨裝林月在野飯浦沙寒嚴子千年後何人釣舊灘

送權暉

皇甫曾

淮海風濤起江開夏思長同悲鵲繞樹獨作鴈隨陽
山晚雲和雪汀寒月照霜由來濯纓處漁父愛滄浪

唐詩類苑

卷之一百五

十二

送崔載華張起之閩中

劉長卿

不識閩中路遙知別後心猿聲入嶺切鳥道問人深
旅食過夷落方言會越音西征開幕府早晚用陳琳

送孫願

郎士元

悠悠富春客憶與暮潮歸擢第人多美如君獨步稀
亂流江渡淺遠色海山微若訪新安路嚴陵有釣磯

送張南史

郎士元

雨餘深巷靜獨酌送殘春車馬雖嫌僻鶯花不棄貧
蟲聲粘戶網鼠跡印牀塵借問山陽會如今有幾人

送彭偃房由赴朝因寄錢大郎中李十七舍

人

郎士元

衰病已經年西峰望楚天風光欺鬢髮秋色換山川
寂寞浮雲外支離漢水邊平生故人遠君去話潸然

送李遂之越

郎士元

未習風波事初爲東越遊露沾湖草晚月照海山秋
梅市門何處蘭亭水向西興待潮信落日滿孤舟

送崔定

賈島

未知遊子意何不避炎蒸幾日到漢水新蟬鳴杜陵
秋江待得月夜語恨無僧巴峽吟過否連天十二層

送李騎曹

賈島

唐詩類苑

卷之一百五

十三

歸騎雙旌遠懼生此別中蘭關分磧路嘶馬背寒鴻
朔色晴天北河源落日東賀蘭山頂草時動卷帆風

送李餘往湖南

賈島

昔去候溫涼秋山滿楚鄉今來從辟命春物徧淞陽
嶽石挂海雪野楓堆渚檣若尋吾祖宅寂寞在瀟湘

送雍陶入蜀

賈島

江山事若諳那肯滯雲南草色分危磴杉陰近古潭
日斜褒谷鳥夏淺雋州鷺吾自疑雙鬢相逢更不堪

送劉知新往襄陽

賈島

此別誠堪恨荆襄是舊遊眼光懸欲落心緒亂難收

花木三層寺煙波五相樓因君兩地去長使夢悠悠

送蔡京

賈島

躍蹄歸魯日帶漏別秦星易折芳條桂難窮遂義經
登封多泰嶽巡狩徧滄溟家在何林下梁山翠滿庭

送沈鶴

賈島

家楚婦於秦攜妻去養親陸行千里外風卷一帆新
夜泊疏山雨秋吟搗藥輪蕪城登眺作一作後才動廣

陵人

贈送朱放

嚴維

昔年居漢水日醉習家池道勝迹常在名高身不知

唐詩類苑

卷之一百五

十四

欲依天日住新自始寧移生事仍無長惟將白接離

送李端

嚴維

故園衰草遍離別正堪悲路出寒雲外人歸暮雪時
少孤爲客早多難識君遲掩泣空相憶風塵何所期

送崔子向

嚴維

旅食來江上求名赴洛陽新詩宗謝守內學似支郎
行怯秦爲客心依越是鄉何人作知已送爾淚浪浪

送韋弁

鄭巢

挂席曙鐘初家山半在吳艫聲過遠寺江色潤秋蕪
陂鶴巢城木邊鴻宿岸蘆知君當永夜獨釣五湖隅

送李式

鄭巢

瀟湘路杳然清興起秋前去寺多隨磬看山半在船
綠雲天外鶴紅樹雨中蟬莫使遊華頂逍遙更過年

送張南史

戴叔倫

陋巷無車轍煙蘿總是春賈生猶未達原憲竟忘貧
草座留山月荷衣遠洛塵最憐知己在林下訪閒人

送崔融

戴叔倫

王者應無敵天兵動遠征建牙連朔漠飛騎入胡城
夜月邊塵影秋風隴水聲陳琳能草檄含笑出長平

送盧堪

司空曙

唐詩類苑

卷之一百五

十五

窮貧不易去此日始西東旅舍秋霖華行人寒草風
酒醒餘恨在野餞暫遊同莫使禰生刺空留懷袖中

送史澤之長沙

司空曙

謝眺懷西府單車觸火雲野蕉依戍客廟竹映湘君
夢渚巴山斷長沙楚客分一杯從別後風月不相聞

送曹同椅

司空曙

青山三十餘衆藝盡無如中散詩傳畫將軍扇續書
楚田晴下鴈江日暖多魚惆悵空相送歡遊自此疎

送柳震入蜀

司空曙

粉堞連青氣喧喧雜萬家夷人祠竹節蜀鳥乳桐花

酒報新豐景琴迎抵峽斜多聞滯遊客不似在天涯

送張弋

司空曙

擁棹江天曠蒼然下鄭城水霜兼炎變雲澤鷓鴣鳴
酒倦臨流醉人逢置榻迎嘗聞藉東觀不獨魯諸生

送史由之峽州

司空曙

峽口巴江外無風浪亦翻兼葭新有鴈雲雨不離後
行客思鄉遠愁人賴酒昏檀郎好聯句共滯謝家門

送王閏

司空曙

相送臨寒水蒼然望故關江蕪連夢澤楚雪入商山
話我他年舊看君此日還因將自悲淚一灑別離間

唐詩類苑

卷之一百五

十六

送顧况往淮南

司空曙

西楚見南關蒼蒼落日間雲離火雷樹漸入秣陵山
登成因高望停橈放溜閒陳公有賢榻君去豈空還

送柳震歸蜀

司空曙

白日雙流靜西看蜀國春桐花能乳鳥竹節競祠神
蹇步徒相望先鞭不可親知從江僕射登榻更何人

送夏侯審赴寧國

司空曙

青圻連白浪曉日渡南津山疊陵陽樹舟多建業人
煙霞高占寺楓竹暗停神如接玄暉集江城猶見親

送蘇脩往上饒

李嘉祐

愛爾無歸束雲山恣意過一身隨遠岫孤棹任輕波
世事關心少漁家寄宿多蘆花泊舟處江月奈人何

送袁偁

盧綸

諫獵名空久多因病與貧買書行幾市帶雨別何人
客路山連水軍州日映塵淒涼一作此分手俱恨老
相親

送李端

耿漳

世上許劉禎洋洋風雅聲客來空改歲歸去未成名
遠近天初暮關河雪半一作欲晴空懷諫書在回首戀
承明

唐詩類苑

卷之一百五

十七

喜倫北至送宗禮南行

呂溫

洞庭舟始泊桂江帆又開魂從會處斷愁向笑中來
敝一作看殘景殷勤咒此孟衡陽羽一作彼成取一行迴

秋日送江干遊上元

曹松

天高淮泗白料子趨修程汲水疑山動揚帆隔岸行
雲離一作迷京口樹鴈入石頭城後夜分遙念諸峰霜

露生

送武穀之邠寧

喻鳧

戍路少人蹤遠煙澹復濃詩寧寫別恨酒不上離容
燕拂沙河柳鷗高石窟鐘悠然一睽阻山疊虞雲一作

塵重

送朱慶餘

周賀

野客行無定全家在浦東寄眠僧閣靜贈別橐金空
舊里千山隔歸舟百計同藥資如有分相約老吳中

送曹稅

李咸用

摻袂向春風何時約再逢若教相見密肯恨別離重
芳草漁家路殘陽水寺鐘落帆當此處吟興不應慵

送薛良史往越州謁從叔

崔峒

辭家年一作日已久與子分偏一作仍深易得相思一作思鄉
淚難為欲別心孤雲隨浦口幾日到山陰遙想蘭亭

唐詩類苑

卷之一百五

十八

下清風滿竹林

送司空曙之蘇州

苗發

盤門吳舊地蟬盡草秋時歸國人皆久移家君獨遲
廣陵經水宿建業有僧期若到棲霞寺應看江總碑

送許溫

方干

壯歲分深切髮年心即同當聞千里去難遣一樽空
翳燭兼葭雨吹帆橋樹風明年見親族盡集在懷中

送于丹

方干

至業是至寶莫過心自知時情如甚暢天道即無私
入洛霜霰苦離家蘭菊衰焚舟不回顧薄暮又何之

送相里燭

方干

相逢未作期相送定何之不得長年少那堪遠別離
汎湖乘月早踐雪過山遲永望多時立翻如在夢思

送喬琳

李頎

草綠小平津花開伊水濱今不得意孤負帝鄉春
口不言金帛心常任屈伸阮公能飲酒陶令肯羞貧
陽羨風流地滄江遊寓人菱歌五湖遠桂謝八公隣
青鳥迴孤棹白雲隨一身朝從秣陵上月映石頭新
未可逃名利應須在縉紳汀洲芳杜色勸爾暫垂綸

送李翥遊江外

岑參

唐詩類苑

卷之二百五

十九

相識應十載見君只一官家貧祿尚薄霜降衣仍單
惆悵秋草死蕭條芳歲闌且尋滄洲路還指吳雲端
匹馬關塞遠孤舟江海寬夜眠楚煙濕曉飯湖山寒
枯淨紅繪落袖香朱橘圓帆前見禹廟枕底聞嚴灘
便獲賞心趣豈歌行路難青門須醉別少爲解征鞍

送朱去非遊巴東

孟浩然

峴山南郭外送別每登臨沙岸江村近松門山寺深
一言子有贈三峽爾相尋祖席宜城酒征途雲夢林
蹉跎遊子意眷戀故人心莫勿淹滯巴東猿夜吟

送薛據

崔曙

無媒嗟失路有道亦乘流客處不堪別異鄉應共愁
我生早孤賤淪落居此州風土至今憶山河皆昔遊
一從文章士兩京春復秋君去問相識幾人今白頭

送韓湘

賈島

挂席從古一作路長風起廣津楚城花未發上苑蝶
來新半沒湖波月初生島草春孤霞臨石鏡極浦映
村神細響吟乾葦餘馨動遠蘋欲憑將一札寄與沃
州人

嚴維宅送包佶

唐詩類苑

卷之二百五

二十

江湖同避地分首自依依盡室今爲客驚秋空念歸
歲儲無別墅寒服美隣機草色村橋晚蟬聲江樹稀
夜深宜共醉時難忍相違何事隨陽鴈汀洲忽背飛

送萬巨

盧綸

把酒留君聽琴難堪歲暮離心霜葉無風自落秋雲
不雨空陰人愁荒村路細馬怯寒溪水深望盡青山
獨立更知何處相尋

送陳章甫

李頎

四月南風大麥黃蠶桑落桐陰長青山朝別暮還
見嘶馬出門思舊鄉陳侯虛身何坦蕩虬鬚虎眉仍
大頰腸中貯書一萬卷不肯抵頭在草莽東門酤酒

飲我曹心輕萬事如鴻毛醉臥不知白日暮有時空
望孤雲高長河浪頭連天黑津吏停舟渡不得鄭國
遊人未及家洛陽行子空歎息聞道故林相識多罷
官昨日今如何

去杭州送王師範

房杜王魏之子孫雖及百代爲清門駿骨鳳毛真可
貴崗頭澤底何足論近世不以勲賢之胄爲今族而以崗頭澤底李爲甲門去年
江上識君面愛君風貌情已敦與君言語見君性靈
府坦蕩消塵煩自茲心洽跡亦洽居常並榻游並軒
柳陰覆岸鄭監水李花壓樹章公園每出新詩共聯

唐詩類苑

卷之二百五

三

綴閒因醉舞相牽援時尋沙尾楓林夕夜摘蘭叢衣
露繁今君別我欲何去自言遠結迢迢抵簡書五府
已再至波濤萬里酬一言爲君再拜贈君語願君靜
聽君勿喧君名師範欲何範君之烈祖遺範存永寧
昔在掄鑒表沙汰沈濁澄浚源君今取友由取士得
不別白清與渾昔公事主盡忠讜雖及死諫誓不諉
今君佐藩如佐主得不陳露酬所恩昔公爲善日不
足假寐待旦朝至尊今君三十朝未與得不寸晷倍
瑱璠昔公今子尚貴主公執舅禮婦執笄逆拜之儀
自此絕關雎之化皎不昏君今遠聘奉明祀得不齊

勵親顯繁斯言皆爲書佩帶然後別袂乃可捫別袂
可捫不可解解袂開帆悽別魂魂搖江樹鳥飛沒帆
挂橋竿鳥尾翻翻風駕浪拍何處直指杭州由上元
上元蕭寺基址在杭州潮水霜雪屯潮戶迎潮擊潮
鼓潮平潮退有潮痕得得爲題羅刹石古來非獨伍
員寬

送區弘南歸

韓愈

穆昔南征軍不歸蟲沙獲鶴伏以飛洶洶洞庭莽翠
微九疑鑱天荒是非野有象犀水貝璣分散百寶人
士稀我遷于南日周圍來見者衆莫依稀爰有區子

唐詩類苑

卷之二百五

三

榮榮暉觀以彛訓或從違我念前人譬對非落以斧
引以繆徽雖有不逮驅駢駢或採于簿漁于磯服役
不辱言不譏從我荊州來京畿離其母妻絕因依嗟
我道不能自肥子雖勤苦終何希王都觀闕雙巍巍
騰踏衆駿事鞍轡佩服上色紫與緋獨子之節可嗟
唏母附書至妻寄衣開書拆衣淚痕晞雖不勅還情
庶幾朝暮盤羞側庭闈幽房無人感伊威人生此難
餘可祈子去矣時苦發機蜃沈海底氣昇霏彩雉野
伏朝扇輦處子窈窕王所妃苟有令德隱不昧况今
天子鋪德威蔽能者誅薦受機出送撫背我涕揮行

行正直慎脂韋業成志樹來頤頤我當爲子言天

送狄宗亨

王昌齡

秋在水清山暮蟬洛陽樹色鳴臯煙送君歸去愁不盡又惜空度涼風天

送裴圖南

王昌齡

黃河渡頭歸問津離家幾日茱萸新漫道閨中飛破鏡猶看陌上別行人

送朱越

王昌齡

送別舟中蔣山暮君行舉首燕城路薊門秋月隱黃雲期向金陵醉江樹

唐詩類苑 卷之百五

二十三

送裴開

皇甫冉

道向毘陵豈是歸客中誰與換春衣今夜孤舟行近遠紫荆零雨正霏霏

送陸澧郭郎

皇甫冉

纔見吳洲百草春已聞燕鴈一聲新秋風何處催年急偏逐山行水宿人

送陸潛夫得雲字

皇甫冉

何事千年遇聖君坐令雙鬢老如雲南行更入山深淺岐路悠悠水自分

送廖東遊二首

劉禹錫

九陌逢君又別離行雲別鶴本無期望高樓上忽相見看過花開花落時

二

繁花落盡君辭去綠草垂楊引征路東道諸侯皆故人留連必是多情處

送秦系赴潤州

韋應物

近作新婚鑷白鬚長懷舊卷映藍衫更欲攜君虎丘寺不知方伯望征帆

送鄭錫

司空曙

漢陽雲樹清無極蜀國風煙思不堪莫怪別君偏有淚十年曾事晉征南

唐詩類苑 卷之百五

二十四

送杜元穎

元稹

江上五年同送客與君長羨北歸人今朝又送君先去千里洛陽城裏塵

送孫勝

元稹

桐花暗淡柳惺惺池帶輕波柳帶風今日與君臨水別可憐春盡宋亭中

送公度之福建

元稹

棠陰猶在建溪磯此去那論是與非若見白頭須盡敬恐曾江岸識胡威

送劉太白太白居從善坊

元稹

洛陽大底居人少從善坊西最寂寥想得劉君獨騎馬古堤愁樹隔中橋

送陸暢

張籍

共路長安街裏塵吳州獨作未歸身昔年舊宅今誰住君過西塘與問人

送元結

張籍

昔日同遊漳水邊如今重說恨綿綿天涯相見還離別客路秋風又幾年

送元宗簡

張籍

唐詩類苑 卷之二百五 二五
貂帽垂肩窄皂裘雪深騎馬向西州暫時相見還相送却閉閒門依舊愁

冬日梅溪送裴方舟之宣州

僧皎然

平明匹馬上村橋花發梅溪雪未消日短天寒愁送客楚山無限路遙遙

臨江送夏瞻

白居易

悲君老別我露巾七十無家萬里身愁見舟行風又起白頭浪裏白頭人

送薛邽二首

杜牧

可憐走馬騎驢漢豈有風光肯占伊只有三張景
帳下山迴馬尚遲遲

二

小捷風流已俊才便將紅粉作金臺明年未去池陽郡更乞春時却重來

送霍總

武元衡

瑟絲簫管怨津樓三奏行人醉不留別後相思江一岸落花飛處杜鵑愁

送仲端東遊呈靈澈

劉夢得

一旦揚眉望沃州自言王謝許同遊憑將雜意三千

唐詩類苑 卷之二百五 二十六

里寄與江南湯惠休

酬師相招

劉長卿

石澗泉聲久不聞獨臨長路雪紛紛如今漸欲生黃髮願脫頭冠與白雲

送侯喜

韓愈

已作龍鍾後時者懶於街裏踏塵埃如今便別長官去直到新年衙日來

送王光輔歸青州兼寄儲侍郎

韓翃

幾回奏事建章宮聖主偏知漢將功身著紫衣趨闕

下口銜丹詔出關東蟬聲驛路秋山裏草色河橋落
照中遠憶故人滄海別當年好躍五花廳

送丹陽劉太真

韓翃

長干道上落花朝美爾當年賞事饒下筇已憐鷺
美開籠不柰鴨媒嬌春衣晚入青楊巷細馬初過皂
莢橋相訪不辭千里遠西風好借木蘭橈

送冷朝陽還上元

韓翃

青絲紵引木蘭船名遂身歸拜慶年落日澄江鳥榜
外秋風疎柳白門前橋通小市家林近山帶平湖野
寺連別後依依寒食裏共君攜手在東田

唐詩類苑

卷之一百五

二十七

送皇甫冉往安宜

李嘉祐

江臯盡日唯煙水君向白田何日歸楚地兼葭連海
迥隋朝楊柳映堤稀津樓故市無行客山館荒城閉
落暉若問行人與征戰使君雙淚定沾衣

送崔珣往西川

李商隱

年少因何有旅愁欲爲東下更西遊一條雪浪吼巫
峽千里火雲燒益州卜肆至今多寂寞酒壚從古擅
風流浣花牋紙桃花色好好題詩詠玉鉤

汴上送李郢之蘇州

李商隱

人高詩苦滯夷門萬里梁王有舊園煙幌自應憐白

紵月樓誰伴詠黃昏露桃塗頰依苔井風柳誇腰住
水村蘇小小墳今在否紫蘭香逕與招魂

送施肩吾東歸

張籍

知君本是煙霞客被薦因來城闕間世業偏臨七里
瀨仙遊多在四明山早聞詩價傳人徧新得科名到
處閒惆悵灞亭相送去雲中琪樹不同攀

送李紉

盧綸

舊國仍連五將營儒衣何處謁公卿波翻遠水兼葭
動路入寒村機杼鳴嵇康書論多歸與謝氏家風有
學名爲問西來雨中客空山幾處是前程

唐詩類苑

卷之一百五

二十八

送盧戡

元稹

紅樹蟬聲滿夕陽白頭相送倍相傷老嗟去日光陰
促病覺今年晝夜長顧我親情皆遠道念君兄弟欲
他鄉紅旗滿眼襄州路此別淚流千萬行

送友封三首

字友封

元稹

桃葉成陰鶯引雛南風吹浪颭橋烏瘴雲拂地黃梅
雨明月滿帆青草湖迢遞旅魂歸去遠顛狂酒興病
來孤知君兄弟憐詩句遍爲姑將惱大巫

惠和坊裏當時別豈料江陵送上船鵬翼張風期萬
里馬頭無角已三年甘將泥尾隨龜後尚有雲心在

鶴前若見中丞忽相問爲言腰折氣衝天

輕風畧畧柳欣欣晴色空濛遠似塵斗柄未回猶帶
閨江痕潛上已生春蘭成宅裏尋枯樹宋玉亭前別
故人心斷洛陽三兩處窈娘提抱古天津

送致用

元稹

淚霑雙袖血成文不爲悲身爲別君望鶴眼穿期海
外待烏頭白老江濱遙看逆浪愁翻雪漸失征帆錯
認雲欲識九回腸斷處潯陽流水九條分

送鄭仁規

方干

一石雄才獨占難應分二斗借人豪澄心不出風騷
唐詩類苑 卷之一百五 三九

外落草全歸教化間蓮幕未來須更聘桂枝先去即
先攀可憐麗句能飛動荀宋精靈亦厚顏

送陳嘏之候官兼寄李常侍

溫庭筠

縱得步兵無綠蟻不緣勾漏有丹砂殷勤爲問同袍
友我亦無心似海查春服照塵連草色夜船聞雨滴
蘆花山梅自是青雲客莫羨相如却到家

送田光

鄭谷

九陌低迷誰問我五湖流浪可悲君著書笑破蘇司
業賦詠思齊鄭廣文理棹好攜三百首阻風須飲幾

千分來陽江口春山綠慟哭應尋杜甫墳

送劉谷

李郢

村樓西路雪初晴雲暖沙乾馬足輕寒澗渡頭芳草
色新梅嶺外鷓鴣聲郵亭已送輕車發山館誰將候
火迎落日千峰轉迢遞知君回首望高城

和淮南李司空轉運員外送韋士赴

羅隱

層層高閣舊瀛洲此地須徵第一流丞相近年榮倚
望重才今日喜遨遊榮持健筆金黃貴恨咽離筵竟
吹秋誰繼伊臯送行句梁王詩好郢人愁

唐詩類苑

卷之一百五

三十

送竇叔向并寄其弟紆

李嘉祐

自歎未霑黃紙詔那堪遠送赤墀人老爲僑客偏相
戀素是詩家倍益親妻兒共載無羈思鷄鷺同行不
負身憑爾將書通令弟惟論華髮愧頭巾

唐詩類苑卷第一百五終

唐詩類苑卷第一百六

明雲間張之象玄超甫纂輯

雲間杜士全道執甫編次

雲間王 徹叔朗甫補訂

梁谿曹仁孫伯安甫校正

人部

送

張徐州席送岑秀才

振振芝蘭步履自君子堂冷冷松桂吟生自楚客腸
羈鳥無定棲驚蓬在他鄉去茲門館閑即彼道路長

唐詩類苑

卷之二百六

雨餘山川淨麥熟草木涼楚淚滴章句京塵染衣裳

贈君無餘他久要不可忘

送盧秀才

杜牧

春瀨與煙遠送君孤棹開潺湲如不改愁更釣魚來

送吳秀才泛江西

朱慶餘

澤潞西邊路蘭橈此去人出門誰恨別投分不緣貧

杯酒從年少知音在日新東湖發詩意夏卉竟如春

夏日送崔秀才遊南

僧無可

南方山水地念子爲貧遊縱是一作逢佳景那能緩

一作免旅愁夕陽行遠道煩暑在孤舟莫向巴江過猿

啼促淚流

與鄭秀才叔姪會送楊秀才昆仲東歸

許渾

書劍功遲白髮新異鄉仍送故鄉人阮公留客竹橋
曉田氏到家荆樹春雪盡塞鴻南翥少風來胡馬北

嘶頻洞庭煙月如終老誰是長楊諫獵人

暮冬送何秀才毗陵

伍喬

匹馬嘶風去思長素琴孤劍稱戎裝路塗多是過殘

歲杯酒無辭到醉鄉雲傍水村疑冷片雪連山驛積

寒光毗陵城下饒嘉景迥日新詩應滿堂

唐詩類苑

卷之二百六

送李秀才歸湘中

僧貫休

詞客攜文訪病夫因吟送別憶湘湖寒消浦澈催鴻

鴈暖入溪山養鷓鴣僧向月中尋嶽麓雲從城上去

蒼梧君歸爲問峰前寺舊住松房鎖在無

水堂送諸文士戲贈潘丞聯句

顏真卿

居人未可散上客須留著莫唱阿鞞迴應云夜半樂

詩效刻燭賦酒任連盤酌從他白眼看終戀青山郭

林栖非姓許寺住鄉名約會異未和年才同建安作

何煩問更漏但道催絃索共說長句一作言言早歸

那知殊出處還得同笑謔雅韻雖暫歡禪心肯拋却
一宿同高會幾人歸下若簾開北陸風燭焯南枝鵲
文場苦叨竊釣渚甘漂泊弱質幸見容非才誠重諾

隨章留後新亭會送諸君 杜甫

新亭有高會行子得良時日動映江幕風鳴排檻旗
絕筆終不改勸酒欲無詞已墮峴山淚因題零雨詩

送進士許郴

鄭谷

泗上未休兵壺關事可驚流年催我老遠道念君行
殘雪臨晴水寒梅發故城何當食新稻歲稔又時平

送進士劉松

李咸用

唐詩類苑

卷之一百六

王

滔滔皆魯客難得是心知到寺多同步遊山未失期
雲低春雨後風細暮鐘時忽別垂楊岸遙遙望所之

送宇文太守赴宣城

王維

遼落雲外山迢遙舟中賞饒吹發西江秋空多清響
地迥古城蕪月明寒潮廣時賽敬亭神復解罟師網
何處寄相思南風搖五兩

武陵田太守席送司馬盧溪

王昌齡

諸侯分楚郡飲餞五溪春山水清暉遠俱憐一逐臣

餞湖州薛司馬

宋之問

別駕促嚴程離筵多故情交深李作友義重伯爲兄
鎮靜移吳俗風流在漢京會看陳仲舉從此拜公卿

送楊州王司馬

岑參

君家舊淮水水上到楊州海樹青官舍江雲黑郡樓
東南隨去鳥人吏待行舟爲報吾兄道如今已白頭

送陝府王司馬

賈島

司馬雖然聽曉鐘尚猶高枕恣疎慵請持僧過三門
水賣藥人歸五老峰移舫綠陰深處息登樓涼夜此
時逢杜陵惆悵臨相別餞未寢月前多履蹤

送梓州周司功

楊炯

唐詩類苑

卷之一百六

四

御溝一相送征馬屢盤桓言笑方無日離憂獨未寬
舉杯聊勸酒破涕暫爲歡別後風清夜思君蜀路難
淇上送韋司倉往滑臺 高適

飲酒莫辭醉醉多適不愁孰知非遠別終念對窮秋
滑臺門外見淇水眼前流君去應回首風波滿渡頭

送陳明府赴淮南

韓翃

年華近過清明落日微風送行黃鶯綿蠻芳樹紫騮
躑躅東城花開一杯促膝煙外千里含情應渡淮南
信宿諸侯擁旆相迎

將歸姑蘇南樓餞送李明府

許渾

無處登臨不繫情一憑春酒醉高城暫移羅綺見山
色纔駐管絃聞水聲花落西亭添別夢柳陰南浦促
歸程前期過遞今宵短更倚朱闌待月明

送當塗趙少府赴長蘆 李白

我來楊都市送客回輕舸因誇吳太子便親廣陵濤
仙尉趙家玉英風凌四豪維舟至長蘆目送煙雲高
搖扇對酒樓持袂把蟹螯前途儻相思登嶽一長謠

贈蘇少府赴任江南余時還京

崔湜

唐詩類苑

卷之三百六

五

丈夫不欺別達士自安卑攬泣固無趣銜孟空爾爲
流雲春窈窕去水暮遠遙行舟忽東泛歸騎亦西馳
秦地多芳草江潭有桂枝雖言阻遐闊所貴在相知

送臨津房少府

楊炯

岐路三秋別江津萬里長煙霞駐征蓋絃奏促飛腸
階樹含斜日池風泛早涼贈言未終竟流涕忽沾裳

送劉少府遊越州

駱賓王

一丘余枕石三越爾懷鈿離亭分鶴蓋別岸指龍川
背下蟬聲斷寒來鴈影連如何溝水上悽悽聽離絃

送郭少府探得憂字

駱賓王

開筵抗德水輟棹離仙舟貝闕桃花浪龍門竹簾流
當歌懷別曲對酒泣離憂還望青門外空見白雲浮
春晚送瑕丘田少府還任因寄洛中鏡上人

蘇頌

聞道還沂上因聲寄洛賓別時花欲盡歸處酒應春
聚散同行客悲歡屬故人少年歸樂地遙贈欲沾巾

送宛句趙少府

張九齡

解巾行作吏樽酒謝離居修竹含清景華池澹碧虛
地將幽興愜人與舊遊疎林下紛相送多逢長者車

送麴十少府

李白

唐詩類苑

卷之三百六

五

試發清秋興因爲吳會吟碧雲歛海色流水折江心
我有延陵劍君無陸賈金艱難此爲別惆悵一何深

送李少府

高適

相逢旅館意多違暮雪初晴候鴈飛主人酒盡君未
醉薄暮途遙歸不歸

送呂少府

戴叔倫

共醉流芳獨歸去故園高士日相親深山古路無楊
柳折取桐花寄遠人

送辛少府任安縣

張籍

才多不肯限容身老大詩章轉更新選得天台山下

住一家全作學仙人

送雲陽少府

皇甫冉

渭田春光無遠近池陽谷口倍芳菲
官舍村橋來幾日殘花寥落待君歸

送張少府

錢起

愁雲破斜照別酌勸行子蓬驚馬首風
鴈拂天邊水寸晷如三歲離心在萬里

送前衛縣李案少府

高適

黃鳥翩翩楊柳垂春風送客使人悲
怨別自驚千里外論交却憶十年時
雲開汶水孤帆遠路繞梁山匹

唐詩類苑

卷之百六

七

馬遲此地從來可乘興留君不住益淒其

公安送韋二少尹匡贊

杜甫

逍遙公後世多賢送爾維舟惜別筵
念我能書數字至將詩不必萬人傳
時危兵甲黃塵裏日短江湖白髮前
古往今來皆涕淚斷腸分手各風煙

送興平王少府遊梁

錢起

舊識相逢情更親攀歡甚少惜離頻
黃綬罷來多遠客青山何處不愁人
日斜官樹聞蟬蛭雨過關城見月新
梁國遺風重詞賦諸侯應念馬卿貧

惠義寺送王少尹赴成都

杜甫

冉冉谷中寺娟娟林表峰
蘭干上處遠結構坐來青
騎馬行春徑衣冠起暮鐘
雲門青寂寂此別情相從

送永昌蕭贊府

宋之問

柳變曲江頭送君西谷遊
弄琴寬別意酌酒醉春愁
戀本亦何極贈言微所求
莫令金谷水不入故園流

送宋王贊府還歸縣

岑參

當官接閑暇暫得歸林泉
百里路不宿兩鄉山復連
夜深露濕簾月出風驚蟬
且盡主人酒爲君從醉眠

送韋大夫東京留守

王維

人外遺世慮空端結遐心
曾是巢許淺始知堯舜深

唐詩類苑

卷之百六

八

蒼生詎有物黃屋如喬林
上德撫神運冲和穆宸襟
雲雷康屯難江海逐飛沈
天工寄人英龍袞瞻君臨
名器苟不假保釐固其任
素質貫方領清景照華簪
慷慨念王室從容獻官箴
雲旗蔽三川畫角發龍吟
晨揚天漢聲夕卷大河陰
窮久業已寧逆虜遺之擒
然後解金鈕拂衣東山岑
給事黃門省秋光正沈沈
功名與身退老病隨年侵
君子從相訪重玄其可尋

送桂州嚴大夫

韓愈

蒼蒼森八桂茲地在湘南
江作青羅帶山如碧玉簪
戶多輪翠羽家自種黃柑
遠勝登仙去飛鸞不假驂

送皇甫大夫歸浙東 韓翃

舟師分水國漢將領秦官麾下同心吏軍中

吳門秋露濕楚驛暮天寒豪貴東山去鳳流勝謝安

送交州崔大夫駙馬赴鎮 白居易

威里誇爲賢駙馬儒家認作好詩人魯侯不得辜風

景沂沂年年有暮春

送郝判官 李頎

楚城木葉落夏口青山轉鴻鴈向南時君乘使者傳

楓林帶水驛夜火明山縣千里送行人蔡州如眼見

江通清漢東逶迤遙望荆雲相蔽虧應問襄陽舊風

唐詩類苑 卷之二百六 九

俗爲子騎馬習家池

鄭城西原送李判官兄武判官弟赴成都府 杜甫

杜甫

憑高送所親久坐惜芳辰遠水非無浪他山自有春

野花隨處發官柳著行新天際傷愁別離筵何太頻

送王十六判官 杜甫

客下荆南盡君今復入舟買薪猶白帝鳴櫓少沙頭

衡霍生春早瀟湘共海浮荒林使信宅爲仗主人留

送獨孤判官赴嶺 劉長卿

伏波初樹羽待爾靜川鱗嶺海看飛鳥天涯問遠人

蒼梧雲裏夕青草嶂中春遙想文身國迎舟拜使臣

送韋湛判官 郎士元

高閣晴江上重陽古戍間聊因送歸客更此望鄉山

惜別心能醉經秋鬢自斑臨流興不盡惆悵水雲間

重送劉十弟判官 杜甫

分源豈韋派別浦鴈賓秋年事推兄忝人才覺弟優

經過辨鄆劍意氣逐吳鉤垂翅徒衰老先鞭不滯留

本枝凌歲晚高義豁窮愁他日臨江待長沙舊驛樓

送覃二判官 杜甫

先皇弓劍遠小臣餘此生蹉跎病江漢不復謁承明

餞爾白頭日永懷丹鳳城遲遲戀屈宋渺渺卧荆衡

魂斷航舸失天寒沙水清肺肝若稍愈亦上赤霄行

崔倉曹席上送殷寅充石相判官赴淮南 岑參

清淮無底綠江深宿處津亭楓樹林駟馬欲辭丞相

府一尊須盡故人心

送謝十二判官 皇甫冉

四牡驅馳千里餘越山稠疊海林疎不辭終日離家

遠應爲劉家一紙書

送國子張主簿 包融

伏波初樹羽待爾靜川鱗嶺海看飛鳥天涯問遠人

湖岸解纜初鶯啼別離處遙見舟中人時時一廻看
坐悲芳歲晚花落清軒樹春夢隨我心搖揚逐君去

送盧主簿

王勃

窮途非所恨虛室自相依城闕居年滿琴尊俗事稀
開襟方未已分袂忽多違東巖富松竹歲暮幸同歸

送光祿劉主簿之洛

李嶠

函谷雙嶂右伊川二陝東仙舟宵將隔方輦暫云同
朋席餘歡盡文房舊侶空他鄉千里月岐路九秋風
背攬嘶班馬分洲叫斷鴻別後青山外相望白雲中

送魯郡劉長史遷弘農長史

唐詩類苑

卷之二百六

十一

李白

魯國一杯水難容橫海鱗仲尼且不敬況乃尋常人
白玉換斗粟黃金買尺薪閑門木葉下始覺秋非春
聞君向西遷地即吳湖鄰寶鏡匣蒼鮮丹經埋素塵
軒后上天時攀龍遺小臣及此留惠愛庶幾風化淳
魯縞如白煙五緜不成束臨行贈貧交一尺重山嶽
相國齊晏子贈行不及言託陰當桃李忘憂當樹萱
他日見張祿綈袍懷舊恩

杭州送裴大澤時赴廬州長史

李白

西江天柱遠東越海門深去割辭親戀行憂報國心
好風吹落日流水引長吟五月披裘者應知不取金

送陳王府張長史還京

獨孤及

論齒弟兄列爲邦前後差十年方一見此別復何差
極目故關道傷心南浦花少時相憶處招手望行車

送郊府王大使

白居易

金馬門前迴劔佩鐵牛城下擁旌旗他時萬一爲交
代留取甘棠三兩枝

瓜洲道中送李端公南渡後歸揚州道中寄

劉長卿

唐詩類苑

卷之三百六

十一

片帆何處去匹馬獨歸遲惆悵江南北青山欲暮時

送李端公

盧綸

故關衰草遍離別自堪悲路出黃雲外人歸暮雪時
少孤爲客早多難識君遲掩淚空相向風塵何處期

送李端公赴東都

劉長卿

軒轅征戰後江海別離長遠客歸何處平蕪滿故鄉
夕陽帆杳杳舊里樹蒼蒼惆悵蓬山下瓊枝不可忘

湘江宴餞裴二端公赴道州

杜甫

白日照舟師朱旗散廣川群公饒南顧蕭蕭秩初筵

鄙人奉末眷佩服自早年義均骨肉地懷抱聲所宜
盛名富事業無取愧高賢不以喪亂嬰保愛金石堅
計拙百寮下氣蘇君子前會合若不久哀樂本相纏
交游颯向盡宿昔浩茫然促觴激百慮掩抑淚潺湲
熱雲集曛黑闕月未生天白團爲我破華燭蟠長煙
鵝鶩催明星解袂從此旋上請減兵甲下請安井田
未念病渴老附書遠山巔

送鄭端公弟移院常州

韋應物

時瞻憲臣重禮爲內兄全公程儻見責私愛信不懋
况昔陪朝列今茲俱海壖清觴方對酌一作笑燕天書忽

唐詩類苑

卷之二夏六

三

告遷豈徒咫尺地使我心思綿應當自此始歸拜雲
臺前

號州西山亭子送范端公

岑參

百尺紅亭對萬峰平明相送到齋鐘驄馬勸君能卸
却使君家醞舊來濃

送鄭端公

方干

聖主佇知宣室事豈容才子滯長沙隋珠此去方酬
德趙壁當時誤指瑕驄馬將離江浦月繡衣却笑禁
中花應憐寂寞滄洲冷煙漠塵泥相去賒

送范端公

并序

元結

平昌孟雲卿與元次山同州里以辭學相友幾二
十年次山今罷守春陵雲卿始典校芸閣於戲材
業次山不如雲卿辭賦次山不如雲卿通和次山
不如雲卿在次山又詡然求進者也誰言時命吾
欲聽之次山今且未老雲卿少次山六七歲雲卿
名聲滿天下知已在朝廷及次山之年雲卿何事
不可至忽隨長風乘興蹈海勿愛羅浮往而不歸
南海幕有樂安任鴻與次山最舊請任公爲次山
一白府主趣資裝雲卿使北歸慎勿令徘徊海上
諸公第作歌送之

唐詩類苑

卷之二夏六

古

吾聞近南海乃是魑魅鄉忽見孟夫子歡然遊此方
忽喜海風來海帆又欲張漂漂隨所去不念歸路長
君有失母兒愛之似阿陽始解隨人行不欲離君傍
相勸早旋歸此言慎勿忘

送使廣州

張九齡

家在湘源住君今海嶠行經過中正道相送倍爲情
心逐書郵去形隨世網嬰因聲謝遠別緣義不緣名

水亭送劉願使還歸節度

岑參

無計留君住應須絆馬蹄紅亭莫惜醉白日眼看低
解帶憐高柳移牀愛小溪此來相見少政事各東西

湖中送敬十使君適廣陵 杜甫

相見各頭白其如離別何幾年一會面今日復悲歌
少壯樂難得歲寒心匪他氣纏霜匣滿水置玉壺多
遭亂實漂泊濟時曾琢磨形容吾校老膽力爾誰過
秋晚岳增翠風高湖湧波騫騰訪知已淮海莫蹉跎
送梧州王使君 張籍
楚江亭上秋風起看發蒼梧太守船千里同行從此
別相逢又隔幾多年

送蘇尚書赴益州 宋璟

我望風煙接君行霰雪飛園亭若有送楊柳依依
唐詩類苑 卷之二百六 五

送蘇尚書赴益縣 鄭維忠

離憂將歲盡歸望逐春來庭花如有意留艷待君開
奉和聖製送李尚書入蜀 張九齡

眷言感忠義何有間山川徇節今如此離情空復然
皇心在勤恤德澤委昭宣周月成功已明年或勞旋

送李侍御聯句 顏真卿

吾友駐行輪遲遲惜上春顏真卿東西出餞路惆悵獨歸
人歡會期他日驅馳恨此身顏真卿須知貢公望從此

願相因

送蔣侍御入秦 劉長卿

朝見及芳菲恩榮出紫微晚光臨仗奏春色共西歸
楚客移家老秦人訪舊稀因君鄉里去爲掃故園扉
太原送許侍御出幕歸東都 耿湋

昔隨劉越石今日獨歸時汾水風煙冷并州花木遲
荒庭增別夢野雨失行期莫向山陽過隣人夜笛悲
奉和令狐相公送陳肱侍御 張祐

高館動離愁親賓聊歎稀笑歌情不盡歡待禮無違
清露府蓮結碧雲羣鶴飛還家與惠雨露豈殊歸

唐詩類苑 卷之二百六 六

杏園送張徹侍御歸使 韓愈

東風花樹下送爾出京城久抱傷春意新添惜別情
歸來身已病相見眼還明更遣將詩酒誰家逐後生

送陸侍御歸淮南使府五韻 劉禹錫

江左重詩篇陸生名久傳鳳城來已熟羊酪不嫌羶
歸路芙蓉府離堂玳瑁筵秦山呈臘雪隋柳布新年
曾忝揚州薦因君達短箋時段丞相鎮揚州書屬表薦

送侍御之嶺南二十韻 元稹

古朋友別皆贈以言况南方物候飲食與北土異

其甚者夷民喜聚蠱秘方云以金銀變黑爲驗攻之重雄黃海物多肥腥啖之好嘔泄驗方云備之在鹹食嶺外饒野齒祝之蟲蠱者無毒羅浮生異果察其鳥啄者可餐大抵珠璣瑋瑋之所聚貴潔廉湮鬱鬱之所蒸避溢愆其餘道途所慎離愴之懷盡之二百言矣叙不復云

漢法戎施幕秦官郡置監蕭何歸舊印白江陵工曹拜鮑永

授新銜幣聘雖盈篋泥豈未破絨蛛懸絲繚繞鵲報

語詰誦再礪神羊角重開憲簡面崔君前任巴爲御史輦纓馳

赴赴綏珮繡繚繚逸翮憐鴻翥離心覺刃剗聯游虧

唐詩類苑 卷之三百六 十七

片玉洞照失明鑒遙想車登嶺那無淚滿衫茅蒸連

蟒氣衣漬度梅賊象關緣谿竹猿鳴帶雨杉颶風狂

浩浩韶石峻嶮嶮宿浦宜深泊祈龍在至誠漳江乘

早度毒草莫親艾試蠱看銀黑排腥貴食鹹茵須蟲

已蠹巢重鳥先鷗冰瑩懷貪水霜清顙痛巖珠璣當

盡擲意以詎能讒荆俗欺王粲吾生問季咸遠書多

不達勤爲枉檄檄

送嶺南崔侍御 元稹

我是北人長北望每嗟南鴈更南飛君今又作嶺南別南鴈北歸君未歸洞主參差鸞鵲角島夷安集慕

霜威黃家賊用鑊刀利白水郎行旱地稀蜃吐朝光樓隱隱鼇吹細浪雨霏霏毒龍蛻骨轟雷鼓野象埋牙斲石礮火布垢塵須火浣木綿溫軟當綿衣枕榔麵礮檳榔涩海氣常昏海日微蛟老變爲妖婦女船來多賣假珠璣此中無限相憂事請爲殷勤事事依

送韓侍御之廣德 李白

昔日繡衣何足榮今宵貰酒與君傾暫就東山賒月色酣歌一夜送泉聲

原頭送范侍御 岑參

百尺原頭酒色殷路傍驄馬汗斑斑別君祇有相思

唐詩類苑 卷之三百六 十八

夢遮莫千山與萬山

送柴侍御 王昌齡

沅水通波接武岡送君不覺有離傷青山一道同雲

雨明月何曾是兩鄉

送路六侍御入朝 杜甫

童稚親情四十年中間消息兩茫然更爲後會知何

地忽漫相逢是別筵不分桃花紅勝錦生憎柳絮白

於綿劍南春色還無賴觸忤愁人到酒邊

送李廓侍郎夏州 姚合

酬恩不顧名走馬覺身輕迢遞河邊路蒼茫塞上城

沙寒無宿鴈，虜近少閑兵。飲罷揮鞭去，傍人意氣生。

方干

雲雨一消散，悠悠關復河。俱從泛舟役，遂隔洞庭波。楚水去不盡，秋風今更過。無由得相見，却恨寄書多。

送靈溪李侍郎

鄭巢

貂裘離闕下，初佐漢元勳。河偃流漸疊，沙晴遠樹分。牛羊下暮雪，鼓角調寒雲。中夕蕭關宿，邊聲不可聞。

送李侍郎赴常州

賈至

雪晴雲散北風寒，楚水吳山道路難。今日送君須盡盞，

醉明朝相憶路漫漫。

餞中書侍郎來濟

太宗

暖暖去塵昏，灞岸飛飛傾蓋指。河梁雲峰衣結千重，葉雪岫花開幾樹。粧深悲黃鶴，孤舟遠獨嘆。青山別路長，聊將分袂沾巾淚。還用持添離席觴。

奉和聖製餞中書侍郎來濟應詔

許敬宗

萬乘騰鏢警岐路，百壺供帳餞離宮。御溝分水聲難絕，廣宴當歌曲易終。興言共傷千里道，俯迹聊示五情同。良哉既深留帝念，沃化方有贊天聰。

送盧郎中汀

孟郊

洛水春渡闊，別離心悠悠。一生空吟詩，不覺成白頭。向事每計較，與山實綢繆。太華天上開，其下車轍流。縣街無塵土，過客多淹留。坐飲孤驛酒，行思獨山遊。逸關嵐氣明，照渭空漪浮。玉珂擺新歡，聲與鸞鳳儔。朝謁大家事，唯余去無由。

送王郎中

錢翊

惜別遠相送，却成惆悵多。獨歸迴首處，爭那暮山何。

贈送鄭錢二郎中

司空曙

梅含柳已動，昨日起東風。惆悵心徒壯，無如鬢作翁。

百年飄若水，萬緒盡歸空。何可宗禪客，遲迴岐路中。

送彌郎中

王維

東郊春草色，驅馬去悠悠。况復鄉山外，猿啼湘水流。島夷傳路坂，江館候鳴騶。并服爲諸吏，珠官拜本州。孤鶯吟遠墅，野杏發山郵。早晚方歸秦，南中纔忌秋。奉送賀六郎中賊退後之杭州

劉長卿

江上初收戰馬塵，鶯聲柳色待行春。雙旌誰道來何暮，萬井如今有幾人。

送王員外赴長沙

賈至

攜手登臨處巴陵天一隅春生雲夢澤水溢洞庭湖
共嘆虞翻枉同悲阮籍途長沙舊卑濕今古不應殊

奉送盧員外之饒州

劉長卿

天書萬里至旌旆上江飛日向鄱陽近應看吳岫微
暮帆何處落潮水背人歸風土無勞問南枝黃葉稀

送李員外院長分司東都

韓愈

去年秋露下羈旅逐東征今歲春光動驅馳別上京
飲中相顧色送後獨歸情兩地無千里因風數寄聲

送李員外使還蘇州兼呈前袁州李使君賦

得長字袁州即員外之從兄

唐詩類苑

卷之二百六

主

劉長卿

別離共成怨

一作說共怨

衰老更難忘夜月留同舍秋風在遠鄉朱絃徐向燭白髮強臨觴歸獻西陵作誰知

此路長

惠義寺園送辛員外

杜甫

朱櫻此日垂朱實郭外誰家負郭田萬里相逢貪握手
手高才仰望足離筵

送倉部蕭員外院長存

韋應物

襤褸被蹉跎老江國情人邂逅此相逢不隨鷺鷥朝天
去遙想蓬萊臺閣重

又送辛員外

杜甫

雙峰寂寂對春臺萬竹青青照客盃細草留連侵座
軟殘花悵望近人開同舟昨日何由得並馬今朝未
擬回直到錦州始分手江頭樹裏共誰來

重送郎州張員外

羅隱

朱輪此去正春風且駐青門聽斷蓬一榻早年容孺
子雙旌今日別文翁誠知汲善心常在爭柰千時跡
轉窮酬德酬恩兩無路謾勞惆悵鳳城東

答王卿送別

韋應物

去馬嘶春草歸人立夕陽元知數日別要使兩情傷

唐詩類苑

卷之二百六

主

江南送李卿

賈至

雙鶴南飛度楚山楚南相見憶秦關願值回風吹羽
翼早隨陽鴈及春還

送王卿

韋應物

別酌春林啼鳥稀雙旌背日晚風吹却憶回來花已
盡東郊立馬望城池

送大理張卿

顧況

春色依依傷解攜月卿今夜泊隋堤白沙洲上江籬
張綠樹村邊謝豹啼遷客本來無倚仗故人相去隔
雲泥越禽唯有南枝分目送歸鴻飛向西

送蘇評事

韋應物

李弟仕譙都元兄坐蘭省言訪始忻忻念離當耿耿
嗟峨夏雲起迢遞山川永登高望去塵紛思終難整

一作

送劉評事

韋應物

聲華滿京洛藻翰發陽春未遂鷓鴣舉尚爲江海賓
吳中高宴罷西上一遊秦已想函關道遊子冒風塵
籠禽美歸翼遠守懷交親况復歲云暮凜凜冰霜辰
旭霽開郡閣寵餞集文人洞庭摘朱實松江獻白鱗
丈夫豈恨別一酌且歡忻

唐詩類苑

卷之二百六

圭

送評事十九叔入秦

李嘉祐

白露沾蕙草王孫轉憶歸蔡州新戰罷却路去人稀
謁帝不辭遠懷親空有違孤舟看落葉平楚逐斜暉
北闕見端冕南臺當繡衣唯余播遷客只伴鷓鴣飛

送韋評事

王維

欲逐將軍取右賢沙場走馬向居延遙知漢使蕭關
外愁見孤城落日邊

餞韋兵曹

王勃

征驂臨野吹別袂憐江垂川霽浮煙歛山明落照移
鷹風周晚葉蟬露泣秋枝亭臯分遠望延想間雲涯

泛江送魏十八倉曹還京因寄岑中允參范

郎中李明

杜甫

遲日深春水輕舟送別筵帝鄉愁緒外春色淚痕邊
見酒須相憶將詩莫浪傳若逢岑與范爲報各衰年

送陸澧倉曹西上

劉長卿

長安此去欲何依先達誰當薦陸機日下鳳翔雙闕
迴雪中人去二陵稀舟從故里難移棹家住寒塘獨
掩扉臨水自傷流落久贈君空有淚沾衣

景龍觀送裴士曹

蘇頌

昔日嘗聞公相一作主地今時變作列仙家池傍坐客

唐詩類苑

卷之二百六

圭

穿叢篠樹下游人掃落花雨雪長疑向函谷山泉直
似到流沙君還洛邑分明記此處同來閱歲華

送梓州高參軍還京

盧照隣

京洛風塵遠衰斜煙霧深北遊君似智南飛我異禽
別路琴聲斷秋山猿鳥吟一垂青巖酌空竹白雲心

送竇參軍

李頎

城南送歸客舉酒對林巒喧鳥迎風囀春衣度雨寒
桃花開翠幕柳色拂金鞍公子何時至無令芳草闌

送夏侯參軍赴廣州

賈至

聞道衡陽外由來鴈北飛送君從此去書信定應稀

雲海南溟遠煙波北渚微勉哉孫楚吏綵服正光輝

送張二十叅軍赴蜀州因呈楊五侍御

杜甫

好去張公子通家別恨添兩行秦樹直萬點蜀山尖
御史新驄馬參軍舊紫髯皇華吾善處於汝定無嫌

丹陽送韋叅軍

嚴維

丹陽郭裏送行舟一別心知兩地秋日晚江南望江
北寒鴉飛盡水悠悠

送東萊王學士

陳子昂

寶劍千金買平生未許人懷君萬里別持贈結交親

唐詩類苑

卷之一百六

圭

孤松宜晚歲衆木愛芳春已矣將何道無令白髮新

登薊城西北樓送崔著作入都

并序

陳子昂

僕嘗倦遊傷別久矣况登樓遠國銜酒故人憤胡
孽之侵邊從王師之出塞元戎按甲方刈鮮卑之
孽天子賜書且有君和之召而崔侯佩劍卽謁承
明羣公負戎方絕大漠燕山北望遼海東浮雲臺
與碣館天殊亭障共衣冠地隔撫劍何道長謠增
歎以身許國我則當仁論道匡君子思報主仲冬
寒苦幽朔初平蒼茫天兵之氣冥滅殘雲之色白

羽一指可掃九都赤墀九重佇觀獻凱

遂君之恩共有策勛飲至方同廊廟之歡優

武彙子借爾文儒之首薊丘故事可以贈言同賦

登薊樓送崔子云爾

薊樓望燕國負劍喜茲登清規子方奏單戟我無能
仲冬邊風急雲漢復霜稜慷慨竟何道西南恨失朋

送楊著作歸東海

錢起

楊柳出關色東行千里期酒酣暫輕別路遠始相思
欲識離心盡斜陽到海時

送李協律還東京

錢起

唐詩類苑

卷之一百六

圭

芳草忽無色王孫復入關長河侵驛道匹馬傍雲山
愁見離居久螢飛秋月閑

奉濟驛重送嚴公

杜甫

遠送從此別青山空復情幾時杯重把昨夜月同行
列郡謳誦惜三朝出入榮江村獨歸處寂寞養殘生

澧頭送蔣侯

岑參

君住澧水北我家澧水西兩村辨喬木五里聞鳴鷄
飲酒溪雨過彈棋山月低徒開蔣生徑爾去誰相攜

送魏中丞還河北

皇甫冉

寧知貴公子本是魯諸生上國風塵舊中司印綬榮

辛勤戎旅事雪下護羗營

洛中送韓七中丞之吳興口號五首

劉禹錫

昔年意氣結羣英幾度回風一字朋海北江南零落
盡兩人相見洛陽城

自從雲散各東西每日歡娛却慘悽離別苦多相見
少一生心事在詩題

今朝無意訴離杯何況清絃急管催本欲醉中輕遠
別不知翻引酒杯來

駱駝橋上蘋風急鸚鵡杯中箸下春水碧山青知好

唐詩類苑

卷之五

七

處開顏一笑向何人

溪中仕女出芭離溪上鴛鴦避畫旗何處人間似仙
境春山攜妓採蓮時

送洛陽韓丞東遊

韋應物

仙鳥何飄颻綠衣翠爲襟顧我差池羽咬咬懷好音
徘徊洛陽中遊戲清川潯神交不可結歡愛自中心
駕言忽徂征雲路邈且深朝遊尚同喙夕息當異林
出餞宿東郊列筵屬城陰舉酒欲爲樂憂懷方沈沈

暮春江夏送張祖監丞之東都

并序

李白

吁咄哉僕書室坐愁亦已久矣每思欲還登蓬萊

極目四海手弄白日頂摩青穹揮斥幽憤不可得

也而金骨未變玉顏已緇何常不捫松傷心撫鶴

歎息誤學書劍薄遊人間紫微九重碧山萬里有

才無命甘於後時劉表不用於禰衡暫來江夏賀

循喜達於張翰且樂船中達人張侯大雅君子統

泛舟之役在清川之湄談玄賦詩連興數月醉盡

花柳賞窮江山玉命有程告以行邁煙景晚色慘

爲愁容緊飛帆於半天泛淥水於遙海欲去不忍

更開芳樽樂雖寰中超逸天半平生酣暢未若此

唐詩類苑

卷之五

七

筵至於清談浩歌雄筆麗藻笑飲醪酒醉揮素琴

余實不愧於古也揚袂遠別何時歸來想洛陽之

秋風將鱸魚以相待詩可贈遠無乃闕乎

欲別心不忍臨行情更親酒傾無限月客醉幾重春

藉草依流水攀花贈遠人送君從此去迴首泣迷津

奉送韋中丞之晉赴湖南

杜甫

龍渥徵黃漸權宜借寇頻湖南安背水峽內憶行春

王室仍多故蒼生倚大臣還將徐孺處處待高人

送國子韋丞

馬戴

臨水獨相送歸期千里間雲迴遙過馬路轉入連山

一騎行芳草新蟬發故關遙聆茂陵下夜啓竹扉開

送寧國夏侯丞

盧綸

楚國青蕪上秋雲似白波五湖長路少九派亂山多
謝守通詩宴陶公許醉過無錢餞離阻年鬢兩蹉跎

送張舍人之江東

李白

張翰江東去正值秋風時天清一鴈遠海闊孤帆遲
白雲行欲暮滄波杳難期吳州如見月千里幸相思

冬晚送長卿漸舍人歸州 杜甫

參卿休坐幄蕩子不歸鄉南客瀟湘外西戎鄆杜傍
衰年傾蓋晚費日繫舟長會面思來札銷魂逐去檣

唐詩類苑

卷之百六

三九

雲晴鷗更舞風急鴈無行匣裏雌雄劍吹毛任選將

送馮舍人閣老往襄陽

白居易

紫微閣底送君迴第二廳簾下不開莫戀漢南風景
好峴山花盡早歸來

送朱中舍游江東

李嘉祐

孤村郭外送王孫越水吳洲共爾論野寺山邊斜有
徑漁家竹裏半開門青楓獨映搖前浦白鷺閑飛過

遠村若到西鄰征戰處不堪秋草自傷魂

吐蕃別館送楊七錄事先歸

呂溫

愁雲重拂地飛雪亂遙程莫慮前山暗歸人正眼明

東津送韋諷攝閬州錄事

杜甫

聞說江山好憐君吏隱兼寵行舟遠泛惜別酒頻添
推薦非承乏操持必去嫌他時如按縣不得慢陶潛

送李錄事兄歸襄鄧

劉長卿

十年多難與君同幾處移家逐轉蓬白首相逢征戰
後青春已過亂離中行人杳杳看西月歸馬蕭蕭向

北風漢水楚雲千萬里天涯此別恨無窮

送王司直

戴叔倫

西塞雲山遠東風道路長人心勝潮水相送過潯陽

唐詩類苑

卷之百六

三九

夏口送屈突司直使湖南

劉長卿

共悲來夏口何事更南征霧露行人少瀟湘春草生
驚啼何處夢猿嘯若爲聲風月新年好悠悠遠客情

送韓司直

皇甫曾

遊吳還適越來往往任風波復送王孫去其如芳草何
岸明殘雪在潮滿夕陽多季子留遺廟停舟試一過

送麴司直

郎士元

曙雪蒼蒼暮曙雲朔風燕鴈不堪聞貧交此別無他
贈唯有青山遠送君

送盧拱秘書遊魏

姚合

官閑身自在詩儉語分明車馬應回晚煙花滿去塵

送王祕書歸江東

耿 漳

迴首望知音逶迤桑柘林人歸海郡遠路入雨天深

萬木經秋葉孤舟向暮心唯餘江海畔應見白頭吟

送李祕書往澹州

嚴 維

臆魅曾爲伍蓬萊近拜郎臣心瞻北闕家事在南荒

莎草山城小毛洲海驛長玄成知必大寧是泛滄浪

送王錄事赴任蘇州

古堤迎拜路萬里一帆前潮作澆田雨雲成煮海煙

吏閒唯重法俗富不憂邊西掖今宵詠還應寄阿連

唐詩類苑

卷之百六

三

送張校書李霞

賈 島

從京去容州馬在船上多容州幾千里直傍青天涯

掌記試校書未稱高詞華義往不可屈出家如入家

城市七月初熱與夏未差餞君到野地秋涼滿山坡

南境異北候風起無塵沙秦吟宿楚澤海酒落桂花

暫醉卽還醒彼土生桂茶

杭州送蕭寶校書

朱慶餘

馬識青山路人隨白浪船別君猶有淚道謾經年

送韓校書赴江西

僧無可

車馬東門別揚帆過楚江已離秦

吟落江沙月行飛驛騎塵猿聲孤島雨草色五湖春

折筆鳴風岸遙煙起暮顏鄱江連郡府高興寄何人

逢姚校書因送河中

耿 漳

十年相見少一歲又還鄉去住人惆悵東西路渺茫

古陂無茂草高樹有殘陽委棄秋來稻凋疎採後桑

月輪生舜廟河水出關牆明日過閭里光輝芸閣郎

送王校書

韋應物

同宿高齋換時節共看移石復栽杉送君江浦已惆

悵更上西樓望遠帆

送劉校書之新安寄吳常侍

唐詩類苑

卷之百六

三

送魏校書兼呈曹使君

羅 隱

野雲如火照行塵會續溪邊去問津才子省衙非末

客楚君科第是同人狂思下國千場醉病負東堂兩

度春他日酒筵應見問鹿裘漁艇隔朱輪

送魏校書兼呈曹使君

羅 隱

亂離無計駐生涯又事東遊惜歲華村店酒旗沽竹

葉野橋梅雨泊蘆花簪書發跡官雖屈負米安親路

不賒應見使君論世舊埽門重得向曹家

送校書賈弁東歸寄振上人

李 益

北風吹鴈數聲悲况指前林是別時愁草不堪頻送
遠白雲何處更相期山隨匹馬行看暮路入寒城獨
去遲爲向東州故人道江淹已擬惠休詩

送湖南李正字歸

韓愈

長沙入楚深洞庭值秋晚人隨鴻鴈少江共蒹葭遠
歷歷余所經悠悠子當返孤遊懷耿介旅宿夢婉婉
風土稍殊音魚蝦日異飯親交俱在此誰與同息偃

送郭正字

耿漳

濟江篇已出書府俸猶貧積雪商山道全家楚塞人
大堤逢落日廣漢望通津却別漁潭下驚鷗那可親

唐詩類苑

卷之百六

廣陵送林宰

李嘉祐

清政過前哲香名達至尊明通漢家籍重識府公恩
春景生雲物風潮歛雪痕長吟策羸馬青楚入關門

送陶十赴杭州攝掾

劉長卿

莫歎江城一掾卑滄洲未是阻心期浙中山色千萬
狀門外潮聲朝暮時

送呂漳州

白居易

今朝一壺酒言送漳州牧半自要閑遊愛花憐草綠
花前下鞍馬草上攜絲竹行客飲數杯主人歌一曲
端居惜風景屢出勞僮僕獨醉似無名借君作題目

送房杭州孺復

韋應物

專城未四十暫謫豈蹉跎風雨吳門夜惻愴別情多

江亭王閬州筵餞蕭遂州

杜甫

離亭非舊國春色是他鄉老畏歌聲斷愁隨舞曲長
二天開寵餞五馬爛生光川路風煙接俱宜下鳳凰

送張渚赴越州

韓翃

白面誰家郎青驪照地光桃花開綬色蘇合借衣香
暮雪連峰近春江海市長風流似張緒別後見垂楊

送韋商州弼

沈佺期

會府應文昌商山鎮國陽聞君監都史覲罷尚書郎

唐詩類苑

卷之百六

王事嗟相失情人貴不忘累年同畫省四海接文場
點翰芳春色傳杯明月光故交從此去遙憶紫芝香

鄭安陽入蜀

駱賓王

彭山折坂外井絡少城隈地是三巴俗人非百里才
長途君悵望別路我徘徊心賞風煙隔客華歲月催

遙遙分鳳野去去轉龍媒遺錦非前邑鳴琴即舊臺
劍門千仞起石路五丁開海客乘查渡仙童馭竹迴

魂將離鶴遠思逐斷猿哀唯有雙鳬鳥飛去復飛來

代謝玄暉新亭送范零陵

曹鄴

楚水洪無際滄茫接天涯相看不能語獨鳥下江羅

蓬子悉有戀蓬根却無期車輪自不住何必怨路岐
孟冬衣食薄夢寐亦未遺

使君席夜送嚴河南赴長水

岑參

嬌歌急管雜青絲銀燭金杯映翠眉使君地主能相
送河尹天明坐莫辭春城月出人皆醉野戍花深馬
去遲寄聲報爾山翁道今日河南勝昔時

送盧先輩自衡岳赴復州嘉禮二首

許渾

名振金閨步玉京暫留滄海見高情聚花盡處松千
尺羣鳥喧時鶴一聲朱閣簾涼疎雨過碧溪船動早

唐詩類苑

卷之三百六

三

潮生離心不異西江水直送征帆萬里行

湘南詩客海中行鷗翅垂雲不自矜秋水靜磨金鏡

上夜風寒結玉壺水萬重嶺嶠辭衡岳千里山陂問

竟陵醉倚西樓人已遠柳溪無浪月澄澄

送李滁州

白居易

君於覺路深留意我亦禪門薄致功未悟病時須去
病已知空後莫依空白衣卧疾嵩山下皂隄行春楚
水東誰道三年千里別兩心同在道場中

妓席暗記送同年獨孤雲之武昌

李商隱
疊嶂千重叫恨猿長江萬里洗離魂武昌若有山頭
石為拂蒼苔檢淚痕

春送郭大之官

司空曙

明府之官官舍春春風辭我兩三人可憐江縣閑無
事手板支頤獨詠貧

送幼史

白居易

淮右寇未散江西歲再徂故里千文地行人風雪途
此時與爾別江畔立踟躕

送宣武徐巡官

羅隱

唐詩類苑

卷之三百六

三

傲睨公卿二十年東來西去盡悠然自知開畔元非
馬玄覺壺中別有天漢帝詔銜應異日梁王風雪是
初延臨行不惜刀圭便愁殺長安買笑錢

送薛承矩秩滿北遊

劉長卿

匹馬向何處北遊殊未還寒雲帶飛雪日暮鴈門關
一路傍汾水數州看晉山知君喜初服祗愛此身閑

洛中送冀處士東遊

處士有儒術走可挾車轡壇宇寬帖帖符彩高酋酋
不愛事耕稼不樂干王侯四十餘年中超超為浪遊
元和五六歲客于幽魏州幽魏多壯士意氣相淹留

劉濟願跪履田興請建籌處士拱兩手笑之但掉頭
自此南走越羣山入羅浮願學不死藥粗知其來由
却於重頂上蕭蕭玄髮抽我作八品吏洛中如繫囚
忽遭冀處士豁若登高樓拂榻與之坐十日語不休
論今星璨璨考古寒颼颼治亂掘根本蔓延去聲相牽
鈎武事何駿壯文理何優柔顏同捧

矛祥雲繞毛髮高浪開咽喉但可成
耐好入天子夢刻像來爾求胡爲云

舟贈以蜀馬筆副之胡蜀裴餞酒

稠我感有淚下君唱高歌耐嵩山

唐詩類苑

卷之百六

秋往事不可問天地空悠悠四百

周二三里遺堵八九所高丘人牛

愁訝閑解攜去信非吾輩流

夜宴洛陽程九主簿宅送楊

尋智者禪師隱居

東林問逋客何處棲幽偏滿腹萬餘卷息機三十年

志圖良已久髣髴空蒼然調嘯寄疎曠形骸如棄捐

本家關西族別業嵩陽田雲卧能獨往山棲幸周旋

垂竿不在魚賣藥不爲錢藁杖閑倚壁松花常醉眠

頃辭青溪隱來訪赤縣仙南畝自甘賤中朝唯愛賢

仍空世諦法遠結天台緣魏闕從此去滄洲知所便
主人瓊枝秀寵別理華篇落日掃塵榻春風吹客舩
此行頗自適物外誰能牽弄棹白蘋裏掛帆飛鳥邊
落潮見孤嶼徹底觀澄漣鴈過湖上月猿聲峰際天
群峰趨海嶠千里黛相連遙倚赤城上墮墮初日圓
昔聞智公隱此地常安禪千載已如夢燈今尚傳

雲龕閑遺影石窟無人煙古寺暗蒼木春崖鳴細泉

流塵旣寂寞綯想增嬋娟山鳥怨庭樹門人思步蓮

夷猶懷永路悵望臨清川漁人來夢裏沙鷗飛眼前

獨遊豈易愜羣動多相纏美爾五湖夜往來閑扣船

唐詩類苑

卷之百六

天

送鄭山人遊江湖

賈島

南游衡岳上東往天台裏足躡華峰頂目觀滄海水

送何山人之容州

呂溫

匣有青萍笥有書何門不可曳長裾應須定取真知

者遣對明君說子虛

送駱徵君

陳潤

野人麝辟命谿上掩柴扉黃卷猶將去青山豈更歸

馬留苔蘚迹人脫薜蘿衣他日相思處天邊望少微

送春歸

白居易

送春歸三月盡日日暮時去年杏園花飛御溝綠何

處送春曲江曲今年杜鵑花落子規啼送春何處西
江西帝城送春猶快快天涯送春能不知惆悵莫惆
悵送春人冗員無替五年罷應須準擬再送潯陽春
五年炎涼凡十變安知此身健不健好去今年江上
春明年未死還相見

送路

別我就逢高日斜飛伯勞龍門流水
歎命無知己梳頭落白毛從軍當此

重送

手燃金僕姑腰懸玉轡轡爬音頭

唐詩類苑

卷之二十六

可汗鉗作奴六官雖念相如賦其

重送裴郎中貶吉州

猿啼客散暮江頭人自傷心水自流

遠青山萬里一孤舟

鍾陵餞送

翠幕紅筵高在雲歌鐘一曲萬家聞路人指點塵

閣看送忠州白使君

押兵甲發谷口寄諸公

杜牧

曉澗青青桂色孤楚人隨玉上天衢水辭谷口山寒

少今日風頭撥暖無

車陽道中作

方干

百花香氣傍行人花底垂鞭日易曛野火不知寒食
節穿林轉壑自燒雲

唐詩類苑卷第一百七

明雲間張之象玄超甫纂輯

雲間杜士全道執甫編次

雲間王徽叔朗甫補訂

梁谿曹仁孫伯安甫校正

人部

別

古別離

白水東悠悠中有西行舟舟行有
奈何生別者戚戚懷遠遊遠遊誰

唐詩類苑

卷之二十七

自君聞芳躋青陽四五道皓月掩
相思無明晦長歎累冬秋離居分

古別離

朝日上高臺離人怨秋草但見萬田

君行本遙遠苦樂良難保宿昔夢同

含酸欲誰訴展轉傷懷抱結髮年已遲征行去作

寒暄有時謝憔悴難再好人皆笑年壽死者何曾老

少壯無見期水深風浩浩

古別離

雙劍欲別風一作悽然沈水底雄上天江迴漢轉

兩不見雲交雨合知何年古來萬事皆由命何兩臨
涕苦涕連

古別離

于瀆

入室少情意出門多路岐黃鶴有歸日蕩子無還時
人誰無分命妾身何太奇君爲東南風妾作西北枝

青樓隣里婦終年盡長眉自倚對良

郎本東家兒妾本西家女對門中

豈知中道間遣作空閨主自是愛封

知子去從軍何處無良人

古別離二首

唐詩類苑

卷之二十七

水國葉黃時洞庭霜落夜行舟聞

此地送君還茫茫似夢間後期知

巫峽通湘浦迢迢隔雲雨天晴見海

人老自多愁水深難急流清宵歌一

二

與君桂陽別令君岳陽待後事忽差池前期日在

禾落鴈嗷嗷洞庭波浪高遠山雲似蓋極浦樹如毫

朝發能幾里暮來風又起如何兩處愁皆在孤舟裏

昨夜天月明長川寒且清菊花開欲盡聲榮來生

下江帆勢速五兩遙相逐欲問去時人知投何處宿

空令猿嘯時泣對湘潭竹

古別離

王縉

下階欲離別相對映蘭叢含辭未及吐淚落蘭叢中
高堂靜秋日羅衣飄暮風誰能待明月迴首見牀空

古別離

僧皎然

太湖三山口吳王在時道寂寞千載心無人見春草
誰堪緘怨者持此傷懷抱孤舟畏風一點宿煙島
望所思兮若何月蕩漾兮空波雲離離兮北斷鴈眇
眇兮南多身去兮天畔心折兮湖岸春山胡爲兮塞
路使我歸夢兮撩亂

唐詩類苑

卷之三百七

三

古別離

聶夷中

欲別牽郎衣問郎遊何處不恨歸日遲莫向臨邛去

古別離二首

施肩吾

古人謾歌西飛燕十年不見狂夫面三更風作切夢
刀萬轉愁成繫腸線所嗟不及牛女生一年一度得
相見

老母別愛子少妻送征郎血流既四面乃亦斷二腸
不愁寒無衣不怕饑無糧惟恐征戰不還鄉母化爲
鬼妻爲孀

古別離

吳融

紫燕黃鸝雖別離一舉千里何難追猶聞啼風與呼
月流連斷續令人悲賦情更有深縫縷碧甃千尋尚
爲淺蟾蜍正向清夜流蛺蝶須教墮絲罥莫道斷絲
不可續丹穴鳳凰膠不遠草草通流水不迴海上兩
潮長自返

古別離

王適

昔歲驚楊柳高樓悲獨守今年芳樹枝孤棲怨別離
珠簾晝不卷羅幔曉長垂苦調琴先覺愁容鏡獨知
頻年鴈去無消息罷却鴛紋何用織夜還羅帳空有
情春着裙腰自無力青軒桃李落紛紛紫庭蘭蕙日

唐詩類苑

卷之三百七

四

氛氲已能憔悴今如此更復含情一待君

古別離

邵謁

十五爲君婚二十君入門自從入戶後見君長出門
朝看相送人暮看相送人若遣折楊柳此地樹無根
願爲陌上土得作馬蹄塵願爲曲木枝得作雙車輪
安得太行山移來君馬前

古別離

常理

君御狐白裘妾居細綺幃金夾膝花錯玉搔頭
離別生庭草征行斷成樓蟬蛩網清曙落紅秋
小膽空房怯長眉清鏡愁爲兒女意不用遠封侯

古離別

姚係

涼風已嫋嫋露重木蘭枝獨上高樓望行人遠不知
輕寒入洞戶明月滿秋池燕去鴻方至年年是別離

古離別二首

趙微明

離別無遠近事懽情亦悲不聞車輪聲後會將何時
去日忘寄書來日乖前期縱知明當還一夕千萬思

二

違別未幾日一日如三秋猶疑望可見日日上高樓
唯見分手處白蘋滿芳洲寸心寧死別不忍生離愁

古離別二首

孟郊

唐詩類苑

卷之三百七

五

松山雲繚繞萍路水分離雲去有歸日水分無合時
春芳役雙眼春色柔四肢楊柳織別愁一條萬條絲

二

山川古今路縱橫無斷絕來往天地間人皆有離別
行衣未束帶中腸已先結不用看鏡中自知生白髮
欲陳去留意聲向言前咽愁結填心胃茫茫若爲說
荒郊煙莽蒼曠野風淒切處處得相隨人那不如月

古離別

顧况

西江上風動麻姑嫁時浪西山爲水水爲塵人是人

間離別人

古離別

僧貫休

離恨有旨酒古今飲皆醉只恐長江水盡是兒女淚
伊余非此輩送人空把臂他日再相逢清風動天地

古離別

韋莊

晴煙漠漠柳毵毵不那離情酒半酣更把馬鞭雲外
指斷腸春色在江南

生別離

孟雲卿

結髮生別離相思復相保何如日已久五變庭中草
渺渺天海途悠悠吳江島但恐不出門出門無遠道
遠道行既難家貧衣服單嚴風吹積雪晨起臭何酸

唐詩類苑

卷之三百七

六

人生各有戀一作志豈不懷所安分明天上日生死誓
同觀

生別離

白居易

食藥不易食梅難藥能苦兮梅能酸未如生別之爲
難苦在心兮酸在肝晨鷄載殘月沒征馬重一作連
嘶行人出迴看骨肉哭一聲梅酸藥苦甘如蜜黃河
水白黃雲秋行人河邊相對愁天寒野曠何處宿棠
梨葉戰風颼颼生離別生離別憂從中來無斷絕憂

極心勞血氣衰末年三十生白髮

李白

久別離

李白

別來幾春未還家玉牕五見櫻桃花况有錦字書開
緘使人嗟至此腸斷彼心絕雲鬟綠鬢罷攬一作結
愁如迴颿亂白雪去年寄書報陽臺今年寄書重相
催東風兮東風爲我吹行雲使西來待來竟不來落
花寂寂委青苔

遠別離

李白

遠別離古有皇英之二女乃在洞庭之南瀟湘之浦
海水直下萬里深誰人不言此離苦日慘慘兮雲冥
冥猩猩啼煙兮鬼嘯雨我縱言之將何補皇穹竊恐
不照予之忠誠雲憑憑兮欲吼怒堯舜當之亦禪禹
唐詩類苑 卷之二十七 七

遠別離

張籍

蓮葉團團杏花折長江鯉魚鱗鱗赤念君少年棄親
戚千里萬里獨爲客誰言遠別心不易天星墜地能
爲石幾時斷得城南陌勿使居人有行役

遠別離二首

今狐楚

楊柳黃金穗梧桐碧玉枝春來消息早早晚是歸時

二

玳織鴛鴦履金裝翡翠簪畏人相調著不擬到城南

今別離

崔國輔

送別未能旋相望連水口船行欲映舟幾度急搖手

新別離

戴叔倫

手把杏花枝未曾經別離黃昏掩閨後寂寞自心知

暗別離

劉氏瑶

花結子桐葉焦單飛越鳥啼青霄翠軒帳雲輕遙

燕淚迸紅線修瑤草歇芳心耿耿玉珮無聲畫

屏冷朱絃暗斷不見人風動花枝月中影青鸞脉脉

唐詩類苑

卷之二十七

八

西飛去海濶天高不知處

潛別離

白居易

不得哭潛別離不得語暗相思兩心之外無人知深

籠夜鎖獨棲鳥利劍春斷連理枝河水雖濁有清日

馬頭雖黑有白時唯有潛離與暗別彼此甘心無後

期

古怨別

孟郊

颯颯秋風生愁人怨離別含情兩相向欲語氣先咽

心曲千萬端悲來却難說別後唯所思天涯共明月

怨別

孟郊

一別一迴老志士白髮早在富易爲容居貧難自好
沈憂摧性靈服藥亦枯槁秋風遊子衣落日行遠道
君問去何之賤身難一作寧自保

離怨三首

孟郊

憶人莫至悲至悲空自哀寄人莫剪衣剪衣未必歸
朝爲雙蒂花暮爲四散飛花落却遶樹遊子不顧期

二

天桃花清晨遊女紅粉新天桃花薄暮遊女紅粉故
樹有百年花人無一定顏花送人老盡人悲花自閒

三

唐詩類苑

卷之百七

九

貧女鏡不明寒花日少容暗蛩有虛織短線無長縫
浪水不可照狂夫不可從浪水多散影狂夫多異蹤
持此一生薄空成萬一作百恨濃

離別難

樂府雜錄曰離別難武后朝有一士人陷冤獄籍
其家妻配入掖庭善吹簫栗乃撰此曲以寄情焉
初名大郎神蓋取良人第行也既畏人知遂三易
其名曰悲切子終號怨回鶻云

此別難重陳花飛復變人來時梅覆雪去日柳含春
物候催行客歸途淑氣新剡川今已遠魂夢暗相親

離會曲

張說

何處送客洛橋頭洛水汎汎中行舟可憐河樹葉歲
蕤關關河鳥聲相思街鼓喧喧日云夕去棹歸軒兩
相迫何人送客故人情故人今夜何處客

別離曲

張籍

行人結束出門去馬蹄幾時踏門路憶昔君初納綵
時不言身屬邊陽戍早知今日當別離成君家計良
爲誰男兒生身自有役那得悞我少年時不如逐君
征戰死誰能獨老空閨裏

別離曲

陸龜蒙

唐詩類苑

卷之百七

十

丈夫非無淚不灑離別間仗劍對鐔酒耻爲遊子顏
蝮蛇一螫手壯士疾解腕所思在功名離別何足歎

三年別

白居易

悠悠一別已三年相望相思明月天腸斷青天望明
月別來三十六迴圓

夷陵郡內叙別

楊衡

禮娶嗣明德同牢夙所欽况蒙生死契豈顧蓬蒿心
鴈幣任野薄恩愛綠義深同聲若鼓瑟合韻似鳴琴
將迓空未立就贅意難任皎月託言誓滄波信浮沈
荆臺理晨撤一作清清一作悵悵百慮起回回萬恨侵

候促徒侶更先曉撤夜衾燈彩凝寒風蟬思噪密林
留念心帶贈遠同芙蓉替撫懷極投漆感物重黃金
分鸞豈遐阻
劍念相尋倘甘蓬戶賤願候故山岑

欲別

項斯

花時人欲別每日醉櫻桃買酒金錢盡彈箏玉指勞
歸期無歲月客路有風濤錦段裁衣贈麒麟落剪刃

惜別

李咸用

細雨粧行色霏霏入戶來須知相識喜却是別愁媒
白刃方盈國黃金不上臺俱爲鄒魯客何處免塵埃

灞上感別

羅鄴

唐詩類苑

卷之百七

十一

灞水何人不別離無家南北倚堪悲十年此路花時
節立馬沾襟酒一卮

河梁別

馬戴

河梁送別者行哭半非親此路足征客胡天多殺人
金疊照離思寶瑟凝殘春早晚期相見垂楊凋復新

祖席得前字

韓愈

祖席客橋邊親交共黯然野晴山簇簇霜曉菊鮮鮮
書寄相思處盃銜欲別前淮陽知不薄終願早迴船

秋字

韓愈

淮南悲木落而我亦傷秋况與故人別
悲

榮華今異路風雨苦同憂莫以宜春遠江山多勝迹

離席

李商隱

出宿金樽掩從公玉帳新依依向餘照遠隔芳塵
細草翻驚鴈殘花伴醉人楊朱不用勸只是更沾巾

杜工部蜀中離席

李商隱

人生何處不離群世路干戈惜暫分雪嶺未歸天外
使松州猶駐殿前軍座中醉客延醒客江上晴雲雜
雨雲美酒成都堪送老當壚仍是卓文君

各東西

張籍

遊人別一東復一西出門相背兩不返惟信車輪與

唐詩類苑

卷之百七

十一

馬蹄道路悠悠不知處山高海濶誰辛苦遠遊不定
難寄書日日空尋別時語浮雲上天雨墮地暫時會
合終離異我今與子非一身安得死生不相棄

別蘇州

白居易

浩浩姑蘇民鬱鬱長洲城來慚荷寵命去愧無能名
青紫行將吏斑白列黎甿一時臨水拜十里隨舟行
餞筵猶未收征棹不可停稍隔煙樹色尚聞絲竹聲
悵望武丘路沈吟滄水亭還鄉信有興去郡能無情

別舊山

于鵠

舊伴同遊盡却回雲中獨宿守花開
是去人

老暮山流水任東來

春江恨別

羅鄴

望斷長川一葉舟，可堪歸路雨沿流。
重來別處無人見，芳草斜陽滿渡頭。

春別

章碣

擲下離觴指亂山，趨程不待鳳笙殘。
花邊馬嚼金銜去，樓上人垂玉筍看。
柳陌雖然風最暖，蕙河猶自雪漫漫。
殷勤莫厭貂裘重，恐犯三邊五月寒。

板橋曉別

李商隱

迴望高城落曉河，長亭窻戶壓微波。
水仙欲上鯉魚去，一夜芙蓉紅淚多。

夜別筵

夜長酒闌燈花長，燈花落地復落牀。
似我別淚三四行，滴君滿坐之衣裳。
與君別後淚痕在，年年着衣心莫改。

別夜

羅鄴

秋入江天河漢清，迢迢鐘漏出孤城。
金波千里別來夜，玉筍兩行流到明。
若在人間須有恨，除非禪佛始無情人。
問誰有聚散，自然惆悵生。

別弟繒後登寺望藍田山

王維

陌上新別離，蒼茫四郊晦。
登高不見君，故山復雲外。
遠樹蔽行人，長天隱秋塞。
心悲宦遊子，何處飛征蓋。

喜見外弟又言別

李益

十年離亂後，長大一相逢。
問姓驚初見，稱名憶舊容。
別來滄海事，語罷暮天鐘。
明日巴陵道，秋山又幾重。

別裴九弟

賈至

西江萬里向東流，今夜江邊駐客舟。
月色更添春色好，蘆風似勝竹風幽。

別穀郎二首

元稹

爾爺只爲一盃酒，此別那知死與生。
兒有何辜才七歲，亦教兒作瘴江行。

愛惜爾爺惟有我，我今顚顚望何人。
傷心自比籠中鶴，剪盡翅翎愁到身。

辭二知己

賈島

一雙千歲鶴，立別孤翔鴻。
彼島忽已暮，海雨寒濛濛。
離人聞一作美彈亦與哀彈同。
况茲切切弄繞彼，行躬雲飛北嶽碧。
火息西山紅，何以代遠誠折芳臘。

雪中

別親朋

鄭雲翼

蜀賓善五言小詩年老爲江左一尉親朋餞於上東門蜀賓賦此詩酒酣咏歌聲調哀戚後竟卒於官

畏途方萬里生涯近百年不知將白首何處入黃泉

春夜別友人二首

陳子昂

見本部交游

京還別新豐友

孟浩然

吾道昧所適驅車還向東主人開舊館留客醉新豐樹繞溫泉綠塵遮晚日紅拂衣從此去高步躡華嵩

夜與故人別

于武陵

唐詩類苑

卷之百七

十五

白日去難駐故人非舊容今宵一別後何處更相逢過楚水千里到秦山萬一作幾重一作重話來天未一作又

曉落月滿城鐘

別睢陽故人

少小客遊梁依然似故鄉城池經戰陣人物恨存亡

夏雨桑條綠秋風稻穗黃有書無寄處相送一沾裳

別友人

僧惟審

一身無定處萬里獨銷魂芳草迷歸路春衣滴淚痕幾時休旅食何夜宿江村欲識異鄉苦空山啼暮猿

杭州秋日別故友

相見又相別大江秋水深悲歡一世事去住兩鄉心浙瀝籬下葉淒清階上琴獨隨孤棹去何處更同衾

襄國別友

張籍

曉色荒城下相看秋草時獨遊無定計不欲道來期別處去家遠愁中驅馬遲歸人渡煙水遙映野棠枝

別友人

戴叔倫

擾擾倦行役相逢陳蔡間如何百年內不見一人閒對酒惜餘景問程愁亂山秋風萬里道又出穆陵關

別所知

李咸用

有路有西東天涯自恨同却須深酌酒況不比飄蓬

唐詩類苑

卷之百七

十六

帆冒新秋雨鼓傳微浪風聞牽寒氣早何浦值賓鴻

邊遊別友人

張蠡

欲別不止淚當杯難強歌家貧隨日長身病涉寒多雨雪迷燕路田園隔楚波良時未自致歸去欲如何

淮上與友人別

鄭谷

楊子江頭楊柳春楊花愁殺渡江人數聲風笛離亭晚君向瀟湘我向秦

晚君向瀟湘我向秦

別友人

長孫佐輔

愁多不忍醒時別想極還尋靜處行誰遣同衾又分手不如行路本無情

竹林寺別友人

許渾

騷人吟罷起鄉愁，暗覺年光似水流。
花滿謝城傷共別，蟬鳴蕭寺喜同遊。
前山月落杉松曉，深夜風清枕簟秋。
明日分襟又何處，江南江北嶺悠悠。

別友人

黃滔

已喜相逢又怨嗟，十年飄泊在京華。
月多事，還停舉，故國經荒未有家。
鳥帶夕陽投水去，人衝臘雪往邊沙。
夢魂空繫瀟湘岸，煙水茫茫蘆葦花。

別友人

黃滔

莫恨東牆下，頻傷命不通。
苦心如有感，它日自推公。

唐詩類苑

卷之二百七

十七

雨夜扁舟發，花時別酒空。
越山煙翠在，終愧臥雲翁。

別湖上主人

曹松

門繫釣舟雲滿岸，借君幽致坐移旬。
湖村夜叫白蕪鴈，菱市曉喧深浦人。
遠水日邊重作雪，寒林曉後別生春。
不辭更住醒還醉，太一東峰歸夢頻。

別入四首

王勃

久客逢餘閤，他鄉別故人。
自然堪下淚，誰忍望征塵。

二

江上風煙積，山幽雲霧多。
送君南浦外，還望將如何。

三

桂軺雖不駐蘭筵，幸未開林塘風月賞。
應待故人來。

四

霜華淨，天末霧色籠江際。
客子常畏人，何爲久留滯。

盧溪別入

王昌齡

武陵溪口駐扁舟，溪水隨君向北流。
行到荆門上三峽，莫將孤月對猿愁。

潁陽別元丹丘之淮陽

李白

吾將元夫子，異性爲天倫。
本無軒裳契，素以煙霞親。
嘗恨迫世網，銘意俱未伸。
松柏雖寒苦，羞逐桃李春。
悠悠市朝間，玉顏日緇磷。
所共重山嶽，所得輕埃塵。

唐詩類苑

卷之三百七

十八

精魄漸蕪穢，衰老相憑因。
我有錦囊訣，可以持君身。
當餐黃金藥，去爲紫陽賓。
萬事難並立，百年猶崇晨。
別爾東南去，悠悠多悲辛。
前志庶不易，遠途斯未遵。
已矣歸去來，白雲飛天津。

貽劉高士別

儲光義

鳳駕出東城，城傍早霞散。
初日照龍闕，我在天半。
壯哉麗百常，美矣崇兩觀。
俯視趨朝客，簪珥何璀璨。
而我送將歸，徘徊灞陵岸。
北雲去吳越，南鴈離江漢。
伊昔蹈丘園，翩翩理文翰。
高譚閔仲叔，逸氣劉公幹。
每言竹柏貞，嘗輕朝市玩。
山書猿狖靜，溪曠魚鳥亂。

寧止臥崆峒直云期汗漫聖君既理歷族士咸炳煥
矯首來天地振羽汎漪瀾元淑命不達伯鸞吟可歎
東去姑蘇臺西過陟陽館舍轡由關道浮舟滄海畔
耳目曠暄涼懷抱盈悲惋沈沈青歲晚靄靄秋雲換
自言永遁棲無復從羈絆揮手謝知己知己莫能讚

別李處士

王績

爲向東溪道人來路漸賒山中春酒熟何處得停家

別沈處士

杜牧

舊事參差夢新程遷迤秋故人如見憶時到寺東樓

廣陵別鄭處士

高適

唐詩類苑

卷之百七

七

落日知分手春風莫斷腸興來無不慙才在亦何傷
溪水堪垂釣江田耐插秧人生只爲此亦足傲羲皇

別韋處士

許渾

南北斷蓬飛別多相見稀更傷今日酒未換昔年衣
舊友幾人^{一作}在故鄉何處歸秦原向西路雲晚雪

霏霏

咸陽別李處士

項斯

古道自迢迢咸陽離別橋越人聞水處秦樹帶霜朝
駐馬言難盡分程望易遙秋前未相見此意轉蕭條

別常徵君

杜甫

兒扶猶杖策臥病一秋強白髮少新洗寒衣寬總長
故人夢見及此別淚相忘各逐萍流轉來書細作行

別孫村老人

寒食日

元稹

年年漸覺老人稀欲別孫翁淚滿衣未死不知何處
去此身終向此原歸

別客

張籍

青山歷歷水悠悠今日相逢明日秋繫馬城邊楊柳
樹爲君沽酒暫淹留

連上別王秀才

高適

飄飄經遠道客思滿窮秋浩蕩對長漣君行殊未休

唐詩類苑

卷之百七

二十

崕嶠山海側想像無前儔何意照乘珠忽然欲暗投
東路方蕭條楚歌復悲秋暮帆使人感去鳥兼離憂
行矣當自愛壯年莫悠悠余亦從此辭異鄉難久留
贈言豈終極慎勿滯滄洲

別楊秀才

李山甫

因亂與君別相逢悲且驚開襟魂自慰拭淚眼空明
故國已無業舊交多不生如何又分袂難話別離情

衢州江上別李秀才

韋莊

千山紅樹萬山雲把酒相看日又曛一曲離歌兩行
淚更知何地再逢君

澧西別樂天博載樊宗憲李景信兩秀才姪

谷三月三十日相餞送 元稹

今朝相送自同游酒語詩情替別愁忽到澧西總回
去一身騎馬向通州

別李主簿

孟浩然

枳棘君尚棲匏瓜吾豈繫念離當夏日漂泊指夷裔
江海非遊情田園失歸計空山既早發漁浦亦宵濟
汎汎隨波瀾行行任艫柁故林日已遠群木坐成翳
羽人在丹丘吾亦從此逝

適越留別譙縣張主簿

孟浩然

唐詩類苑

卷之五

五

朝乘汴河流夕次譙縣界幸因西風吹得與故人會
君學梅福隱吾從伯鸞邁別後能相思汙雲在吳會
貽丁主簿仙芝別

儲光義

赫赫明天子翹翹群秀才昭昭皇宇廣隱隱雲門開
搖曳君初起聯翩予復來茲年不得意相命遊靈臺
驂騑多逸氣琳珉有清響聯行擊水飛獨影凌虛上
關河施芳聽江海徵新賞祗歸故山敷言播天壤
雲峰雖有異楚越幸相親既別復遊處道深情更殷
下愚忝聞見上德猶邇迤偃仰東城曲棲遲依水濱
脫巾從會府結綬歸海裔親知送河陽邦族迎江潞

夫子安恬憺他人悵迢遞飛艫既眇然洲渚徒虧蔽
人謀固無準天德諒難知高名處下位逸翮棲卑枝
去去水中沚搖搖天一涯蓬壺不可見來泛躍龍池
奉別長史庾公太守徐公應召

儲光義

烈風起江漢白浪忽如山方伯驟勤王杞人亦憂天
鄴鎬須霾晦雲龍召我賢車騎北艱苦餘艫西泝沿
水靈靜湍瀨猛獸趨後先龍樓開新陽萬里出雲間
宇宙既焜耀崇德濟巨川受命在神宗振兵猶軒轅
煌煌踰涿鹿穆穆更坤元明王朝太階遠邇望嘉言

唐詩類苑

卷之五

五

遊子澹何思江湖將永年

別齊太守

于鵠

花裏南樓春夜寒還如王屋上天壇歸山不道無明
月誰共相從到曉看

別殷明府

方干

許教門館久踟躕仲叔懷恩對玉壺唯有離心欲銷
客空垂雙淚不成珠

別安公賈明府

戎昱

華縣門前江水深淺於羈客報恩心把君詩卷西歸
去一度相思一度吟

別韋少府

李白

西山蒼龍門南登白鹿原欲尋南山皓猶戀漢皇恩
水國遠行邁仙經深討論洗心向溪月清耳敬亭猿
築室在人境閑關無世喧多君枉高駕贈我以微言
交乃意氣合道因風雅存別離有相思瑤瑟與金尊

魏郡別蘇少府因北遊

李白

魏都接燕趙美女誇芙蓉淇水流碧玉舟車日奔衝
青樓夾兩岸萬室喧歌鐘天下稱豪貴遊此每相逢
洛陽蘇季子劍戟森詞鋒六印雖未佩軒車若飛龍
黃金數百鎰白璧有幾雙散盡空掉臂高歌賦還叩

李詩集

卷之二十七

三

落魄乃如此何人不相從遠別隔兩河雲山杳千里
何時更杯酒再得論心胃

淇上別劉少府子英

高適

近來住淇上蕭條惟空林又非耕種時閑散多自任
伊君獨知我驅馬欲招尋千里忽攜手十年同苦辛
求仁見交態於道喜甘臨逸思乃天縱微才應陸沈
飄然歸故鄉不復問離襟南登黎陽渡蒼蒼寒雲陰
桑葉原上起河凌山下深途窮更遠別相對益悲吟

別崔少府

高適

知君少得意汶上掩柴扉寒食仍留火春風未授衣

皆言黃綬屈早向青雲飛借問他鄉事今年歸不歸

別張少府

高適

歸客留不住朝雲縱復橫馬頭向春草斗柄臨高城
嗟我久離別美君看弟兄歸心更難道回首一傷情

晚別樂記室彥

褚亮

窮途屬歲晚臨水忽分悲抱影同爲客傷情共此時
霧色侵虛牖霜氣冷薄幃舉袂慘將別停盃悵不怡
風嚴征鴈遠雪暗轉蓬遲他鄉有岐路遊子欲何之

別劉校書

高適

昔日京華去知君才望新應猶作賦好莫歎在官貧
且復傷遠別不然愁此身青楓幾萬里江上一歸人

唐詩集

卷之二十七

三四

別靈武令狐校書

馬戴

北風吹別思落月度關河樹隱流沙短山平近塞多
鴈池戎馬飲鵬帳戍人過莫慮行軍苦華夷道正和

別楊校書

王建

從軍末馬十三年白髮營中聽早蟬故作老丞身不
避縣名昭應管山泉

別李秘書始興寺所居

杜甫

不見秘書心若失及見秘書失心疾安爲動主理信
然我獨覺子神充實重關西方止觀經老身云寺風

冷冷妻兒待米且歸去他日杖藜來細聽

別翼侍御崔司議

并序

陳子昂

朝廷歡娛山林幽癖思魏闕魂已九飛飲岷江情
復三樂進不忘匡救於國退不慙無悶在林翼侍
御崔司議至公至平許我以語默于是矣夫達則
以公濟天下窮則以大道理身嗟乎子昂豈敢負
古人哉蜀國酒醕無以娛客至於挾清瑟登高山
白雲在天清江涵月可以散孤憤可以遊太清一
世之逸人寄千里之道友吾欲不謝於崔翼二公
矣所恨酒未醉琴方清王事靡盬驛騎遄速不盡
唐詩類苑 卷之百七 主五

平原十日之飲又謝叔度累日之懽雲山悠悠歎
不及也載房陸畢子為軒冕之人不知蜀山有
雲巴水可興睽闕良會我心惓然請以此酬寄謝
諸子為巴山別引也

別韋郎中

張謂

星軺計日赴岷峨雲樹連天阻笑歌南入洞庭隨鴈
去西過巫峽聽猿多崢嶸洲上飛黃蝶灩澦堆邊起
白波不醉郎中桑落酒教人無奈別離何

別何員外

元結

誰能守清濁誰能嗣世儒吾見何君饒為人有是夫
黜官二十年未曾暫崎嶇終不病貧賤寥寥無所拘
忽然逢知己數月領官符猶是尚書郎收賦來江湖
入皆悉蒼生隨意極所須比盜無兵甲似偷又不如
公能獨寬大使之力自輸吾欲探時諛為公伏奏書
但恐抵忌諱未知肯聽無不然且相送醉歡於坐隅
巴陵夜別王八員外 賈至

唐詩類苑

卷之百七

主六

江州重別薛六柳八二員外

劉長卿

生涯豈料承優詔世事空知學醉歌江上月明胡鴈
過淮南木落楚山多寄身且喜滄洲近顧影無如白
髮何今日龍鍾人共棄媿君猶遣慎風波

辭房相公

張僊

秋風颯颯雨霏霏愁絕恹惶一布衣辭君且作隨陽
鴈海內無家何處歸

唐詩類苑

奉和榮陽公離筵作

元稹

南郡生徒辭綵帳東山妓樂擁油旌鈞天排比簫韶

待猶顧人間有別情

秋日別王長史

王勃

別路長千里深恩重百年正悲西候日更動栢梁篇
野色籠寒霧山光歛暮煙終知難再奉懷抱自潸然

端州別袁侍郎

宋之問

合浦塗未極端溪行暫臨淚來空泣臉愁至不知心
客醉山月靜猿啼江樹深明朝共分手之子愛千金

別侍御嚴凝

沈佺期

七澤雲夢林三湘洞庭水自古傳剽俗有詩逋惡子
今君出使車行邁方靡靡靜言交棘棘慎勿傷蘭芷

唐詩類苑

卷之三

二十七

魏十四侍御就樊廬相別

杜甫

有客騎驄馬江邊問草堂遠尋留藥價惜別到文場
入幕旌旗動歸軒錦繡香時應念衰疾書跡及滄浪

長沙別李六侍御

賈至

月明湘水白霜落洞庭乾放逐長沙外相逢路正難
雲歸帝鄉遠鴈報朔方寒此別盈襟淚雍門不假彈

赴新安別梁侍郎

劉長卿

新安君莫問此路雲水深江海無行跡孤舟何處尋
青山空向淚白月豈知心縱有餘生在終傷老病侵

別李贊侍御

王建

同受艱難驃騎營半年中聽揭槍聲草頭送酒驅村
樂賊裏看花著探兵講易工夫尋已聖說詩門戶別
來情薦書自入無消息賈盡寒衣却出城

西行別東臺詳正學士

駱賓王

意氣坐相親關河別故人客似秦川上歌從易水濱
塞荒行辨玉臺遠尚名輪洩井懷邊將尋源重漢臣
上苑梅花早御溝楊柳新只應持此曲別作邊城春

陳倉別隴州司戶李惟深

蘇頌

京國自攜手同途欣解頤情言正的的春物宛遲遲
忽背雕戈役旋瞻復寶詞蜀城余出守吳嶽爾歸思

唐詩類苑

卷之三

二十八

懽懽更傷此春殷殊念茲揚麾北林徑跂石南澗湄
中作壺觴餞回添道路悲數花臨磴日百草覆田時
有美同人意無爲行子辭酣歌拔劍起母是答私恩

夏日暉上人房別李參軍

并序

陳子昂

考察天人旁羅變動東西南北賢聖不能定其居
寒暑晦明陰陽不能革其數莫不雲離雨散奔馳
於宇宙之間朱遠燕遙泣別於關山之際自古來
矣李參軍白雲英霄紫氣仙人愛江海而高舉頓
風塵而未息來從許下月旦出於龍泉言入蜀中

星文見於牛斗野亭相遇逆旅承權謝鯤之山水
暫開樂廣之雲天自樂思道林而不見悵若有亡
詣祇樹而從遊然舊款高僧展袂大士臨筵披
路之天書坐琉璃之寶地簾帷後關拂鸚鵡之
香林欄檻前開照芙蓉之綠水討論儒墨探覽真
玄覺周孔之猶迷知老莊之未悟遂欲高攀寶坐
伏奏金仙開不二之法門觀大千之世界歡娛恍
晚離別行催紅霞生而白日歸青氣凝而碧山暮
驪歌斷引抗手將辭江漢浩浩而長流天地居然
而不動嗟乎色爲何色悲樂忽而因生誰去誰來

唐詩類苑

卷之百七

十九

離會紛而妄作俗之迷也不亦煩乎各述所懷不
拘章韻

四十九變化一十三死生翕忽玄黃裏驅馳風雨情
是非紛妄作寵辱坐相驚至人獨幽鑒窈窕隨昏明
咫尺山河道軒窗日月庭別離焉足問悲樂固能并
我輩何爲爾恹恹猶未平金臺可攀陟寶界絕將迎
戶牖觀天地階基上窅冥自超三界樂安知萬里征
中國要荒內人寰宇宙繁絃望如朝夕寧嗟蜀道行

晚別樂記室產

褚亮

窮途屬歲晚臨水忽分悲抱影同爲客傷情共此時

霧色侵虛牖霜氣冷薄幃舉袂慘將別停盃悵不怡
風嚴征鴈遠雪暗轉蓬遲他鄉有岐路遊子欲何之

出三城別幕中三判官

劉復

翔禽託高柯倦客念主人恩義有所知四海同一身
况皆曠大姿翰音見良辰陳規佐武畧高統據要津
常願投素誠今果得所申金疊列四座廣廈無氛塵
留連徂暑中觀望歷數旬河山險以固士卒勇且仁
飾裝去未歸相追越城闔貴無青玉案緘佩永不泯

別嶺南熊判官

元稹

十年常遠道不忍別離聲况復三巴外仍逢萬里行

唐詩類苑

卷之百七

二十

桐花新雨氣梨葉晚春晴到海知何日風波從此生

又別寶使君

杜甫

向晚波微綠連空岸脚青日兼春有暮愁與醉無醒
漂泊猶盃酒踟躕此驛亭相看萬里別同是一浮萍

宋中別司功叔各賦一物

高適

商丘試一望隱隱帶秋天地與星辰在城將大路遷
干戈悲昔事墟落對窮年卽此傷離緒凄凄賦酒筵

別韋兵曹

高適

離別長千里相逢數十年此心應不變他事已徒然
惆悵春光裏蹉跎柳色前逢時當自取有爾欲先鞭

宴郭校書因之有別 高適

綵服趨庭訓分交載酒過芸香名早著蓬轉事仍多
苦戰知機息窮愁奈別何雲霄莫相待年鬢已蹉跎

重別李評事 王昌齡

莫道秋江離別難舟船明日是長安吳姬緩舞留君
醉隨意青楓白露寒

重別南給事 賈至

謫宦三年尚未回故人今日又重來聞道崖州一萬
里今朝須盡數千杯

監察十五叔東齋招李益端公會別

唐詩類苑 卷之百七 孟郊

欲知惜別離瀉水還清池此地有君子芳蘭步歲鞋
手掇雜英珮意搖春夜思莫作遶山雲循環無定期

別張起居 錢起

有別時留恨銷魂况在今風濤初振海鷗鷺各辭林
舊國關河絕新秋草露深陸機嬰世網應負故山心

別陝州王司馬 白居易

笙歌惆悵欲爲別風景闌珊初過春爭得道君詩不
苦黃河岸上白頭人

感別元帥尚父 羅隱

玉函瑤檢下台司記得當時捧領時半壁龍蛇蟠
化滿筐山嶽動神祇疲牛舐犢心猶切陰鶴鳴鵲力
已衰穉子不才身抱疾日窺眞跡淚雙垂

夜別韋司士 高適

高館張燈酒復清夜鐘殘月鴈歸聲只言啼鳥堪求
侶無那春風欲送行黃河曲裏沙爲岸白馬津邊柳
向城莫怨他鄉暫離別知君到處有逢迎

舟中別武金壇 儲光義

曰子輕皎潔坦率賓混元忽乃異群萃高歌信陵門
信陵好賓客清夜開華軒月光麗池閣野氣浮林園

唐詩類苑 卷之百七 孟郊

偶坐爛明星歸志清朋奔漾舟清潭裏慰我別離魂
落日下西山左右慘無言蘭條風雨散宵靄江湖昏
秋荷尚幽鬱暮鳥復翩翩紙筆亦何爲爲我心中冤

別韋蘇州 白居易

百年愁裏過萬感醉中來惆悵城西別愁眉兩不開

別宋常侍 杜陵北送客漢川東無論去與住俱一

遊人 杜陵北送客漢川東無論去與住俱一
是一飄蓬秋鬢含霜白衰顏倚酒紅別有相思處啼
鳥雜夜風

夜別溫商梓州 陳羽

鳳凰城裏花時別元武江邊月下逢客舍莫辭先買酒相門曾忝舊登龍迎風騷屑千家竹隔水悠揚午夜鐘明日又行西蜀去不堪天際遠山重

別周軍事

白居易

主人頭白官仍冷去後憐君是底人試謁會稽元相去不妨相見却殷勤

別陳留諸官

劉長卿

戀此東道主能令西上遲徘徊暮郊別惆悵秋風時上國邈千里夷門難再期行人望落日歸馬嘶空陂不愧寶刀贈惟懷瓊樹枝音塵倘未接夢寐徒相思

唐詩類苑

卷之三百七

三三

別張十三建封湖南觀察使韋之晉辟參謀

張建封劉文靜外曾孫也

杜甫

嘗讀唐實錄國家草昧初劉裴首建議龍見尚躊躇秦王撥亂姿一劍總兵符汾晉爲豐沛暴隋竟滌除宗臣則廟食後祀何疎蕪彭城英雄種宜膺將相圖爾惟外曾孫倜儻汗血駒眼中萬少年用意盡崎嶇相逢長沙亭乍問緒業餘乃吾故人子童叟聯居諸揮手灑衰淚仰看八尺軀內外名家流風神蕩江湖范雲堪結交嵇紹自不孤擇材征南幕湖落回鯨魚載感賈生慟復聞樂毅書主憂急盜賊師老荒京都

舊丘復稅駕大厦傾宜扶君臣各有分管葛本時須雖當霰雪嚴未覺松柏枯高義在雲臺嘶鳴望天衢羽人掃碧海功業竟何如

別李季友

王季友

樓鳥不戀枝喈喈在同聲行子馳出戶依依主人情昔時霜臺鏡醜婦羞爾形閉匣二十年皎潔猶常明今日照離別前途白髮生

山中別麗十一

王昌齡

幽娟松篠徑月出寒蟬鳴散髮臥其下誰知孤隱情吟詩白雲合釣處玄潭清瓊樹方杳靄鳳兮保其貞

唐詩類苑

卷之三百七

三四

夜別張五

李白

吾多張公子別酌酣高堂聽歌舞銀燭把酒輕羅霜橫笛美秋月琵琶彈陌桑龍泉解錦帶爲爾傾千觴

別唐十五誠因寄禮部侍郎賈

杜甫

九載一相逢百年能幾何復爲萬里別送子山之阿白鶴久同林潛魚本同河未知棲集期衰老強高歌歌罷兩悽惻六龍忽蹉跎相視髮皓白况難駐羲和胡星墜燕地漢將仍橫戈蕭條四海內人少豺虎多少人慎莫投多虎信所過饑有易子食獸猶畏虞羅

子負經濟才天門鬱嵯峨飄飄適東周來往若崩波
南宮吾故人白馬金盤陀雄筆映千古見賢心靡他
念子善師事歲寒守舊柯爲吾謝賈公病肺臥江池

別王徹

高適

歸客自南楚悵然思北林蕭條秋風暮迴首江淮深
留連愁作歡或爲梁父吟時輩想鵬舉他人嗟陸沈
載酒登平臺贈君千里心浮雲暗長路落日有歸禽
離別未足悲辛勤當自任吾知十年後季子多黃金

宋中別李八

高適

歲晏誰不歸君歸意可說將趨倚門望還念同人別
唐詩類苑 卷之三百七 三五

駐馬臨長亭飄然事明發蒼茫眺千里正值苦寒節
舊國多轉蓬平臺下明月世情薄疵慙夫子懷賢哲
行矣各勉旃吾當挹餘烈

淮上別范大

錢起

悲風隕涼葉送歸怨南楚窮年將別離寸晷申宴語
長淮流不盡征棹忽復舉碧落半愁雲黃鶴時顧侶
遊宦且未達前途各修阻分袂一相嗟良辰更何許

別李三

元稹

階實附瑤砌叢蘭偶芳藿高位良有依幽姿亦相託
鮑叔知我貧烹葵不爲薄半面契始終千金比然諾

人生繫時命安得無苦樂但感遊子顏又值餘英落
蒼蒼秦樹雲去去緱山鶴日暮分手歸楊花滿城郭

秋日別侯四

駱賓王

我留安豹隱君去學鵬搏岐路分襟易風雲促膝難
夕漲流波急秋山落日寒惟有思歸引悽斷爲君彈

別魏四慄

陳子昂

轉蓬方不定落羽自驚弦山水一爲別歡娛復幾年
離亭暗風雨征路入雲煙還因北山返歸守東陂田

南陵五松山別荀七

李白

軒昂頽水荀何慚許郡賓相逢太史素應是聚賢人
唐詩類苑 卷之三百七 三五

祁四再赴江南別

岑參

萬里來又去三湘東復西別多人換鬢行遠馬穿蹄
山驛秋雲冷江帆暮雨低憐君不解說相憶在書題

別韋五

高適

徒然酌杯酒不覺散人愁相識仍遠別欲歸翻族遊
夏雲滿郊甸明月照河洲莫恨征途遠東看漳水流

別王八

高適

征馬嘶長路離人挹佩刀客來東道遠歸去北風高
時候何蕭索鄉心更鬱陶傳君遇知己行日有緇袍

別張賈

東簡下高閣買符驅短轅故人惜分袂結念醉芳樽
切切別思纏蕭蕭征騎煩臨歸無限意相視却忘言

別皇甫五

王昌齡

淑浦潭陽隔楚山離樽不用起愁顏明祠靈響期昭
應天澤俱從此路還

別董大二首

高適

千里黃雲白日曛北風吹鴈雪紛紛莫愁前路無知
已天下誰人不識君

六翮飄颻私自憐一離京洛十餘年丈夫貧賤應未

唐詩類苑 卷之二十七

三七

足今日相逢無酒錢

將赴南巴至餘干別李十二

劉長卿

江上花催問禮人鄱陽鶯報越鄉春誰憐此別悲懽

異萬里青山送逐臣

別李十一五絕

元稹

巴南分與親情別不料與君牀並頭爲我遠來休悵

望折君災難是通州

京城每與閒人別猶自傷心與白頭今日別君心更

苦別君緣是在通州

萬里尚能來遠道一程那忍便分頭鳥籠後檻君應
會十步向前非我州

來時見我江南岸今日送君江上頭別後料添新夢

寐虎驚蛇伏一作是通州

聞君欲去潛銷骨一夜暗添新白頭明朝別後應腸
斷獨棹破船歸到州

宋中別周梁李三子

高適

曾是不得意適來兼別離如何一樽酒翻作滿堂悲
周子負高價梁生多逸詞周旋梁宋間感激建安時

白雪正如此青雲無自疑李侯懷英雄骯髒乃天資

唐詩類苑 卷之二十七

三八

方寸且無間衣冠當在斯俱爲千里遊勿念兩鄉辭
且見壯心在莫嗟攜手遲涼風吹北原落日滿西陂

露下草初白天長雲屢滋我心不可得君兮定何之

京洛多知己誰能憶左思

別趙子

韓愈

我遷於揭陽君先揭陽居揭陽去京華其里萬有餘
不謂小郭中有子可與娛心平而行高兩通詩與書

婆娑海水南簸弄明月珠及我遷宜春意欲攜以俱

擺頭笑且言我豈不足歟又奚爲於北往來以紛如

海中諸山中幽子頗不無相期風濤觀已久不可渝

又嘗疑龍蝦果誰雄牙齦時羸魚鱗蟲瞿以狙狙
識一已忘十大同細自殊欲一窮究之時歲屢謝除
今子南且北豈非亦有圖人心未嘗同不可一理區
宜各從所務未用相賢愚

別綦母潛

王維

端笏明光宮歷稔朝雲陞詔刊延閣書高議平津邸
適意偶輕人虛心削繁禮盛得江左風彌工建安體
高張多絕絃截河有清濟嚴冬爽群木伊洛方清泚
渭水水下流潼關雪中啓荷篠幾時還塵纓待君洗

別魯頌

李白

唐詩類苑

卷之二十七

三九

誰道泰山高下却魯連節誰云秦軍衆推却魯連舌
獨立天地間清風灑蘭雪夫子還倜儻攻文繼前烈
錯落石上松無爲秋霜折贈言鏤寶刀千歲庶不滅

別董頊

杜甫

窮冬急風水逆浪開帆難士子甘旨闕下知道里寒
有求彼樂土南適小長安別我舟楫去覺君衣裳單
素聞趙公節兼盡賓主歡已結門廬望無令霜雪殘
老夫纔亦解脫栗朝未餐飄蕩兵甲際幾時懷抱寬
漢陽頗寧靜峴首試考槃當念著白帽采薇青雲端

出城別張又新酬李漢

李賀

李子別上國南山崆峒春不聞今夕鼓差慰前情人
趙壹賦薄命馬卿家業貧鄉書何所報紫藤生石雲
長安玉桂國戰帶披侯門慘陰地自光寶馬踏曉昏
臘春戲草苑玉輓鳴驄驛綠網縋金鈴霞卷清地滑
開貫鴻舄母買米防夏蠅時宜裂大被劍客車盤茵
小人如死灰心切生秋榛皇圖跨四海百姓施長紳
光明謁不發腰龜徒覓銀吾將諫禮樂聲調摩清新
欲使十千歲帝道如飛神華實自蒼老流來長傾盆
沒沒暗齧舌涕泣不敢論今將下東道祭酒而別秦
六郡無勦兒長刀誰拭塵地理陽無正快馬逐服轅

唐詩類苑

卷之二十七

四一

二子美少年調道講清渾譏笑斷冬夜家庭疎條穿
曙風起四方秋月當東懸賦詩而投擲悲哉不遇人
此別應需臆越布先裁巾

與韓愈李翱張籍別

孟郊

朱絃奏離別華燈少光輝物色豈知異人心故將違
客情殊未已歲華忽然微秋桐故葉下寒露新鴈飛
遠遊起重恨送人念先歸夜集頻饑鳥晨光失相依
馬跡遶川水鴈書遠閨闥常恐親朋阻獨行知慮非

汴州別韓愈

孟郊

不飲濁水瀾空滯此汴河空見遶岸水盡爲還海汶

四時不在家。弊服斷線多。遠客獨顚顚。春英落婆娑。
汴水饒曲流。野桑無直柯。但爲君子心。歎息終匪他。
將之荆南與張伯剛馬惣鍾陵夜別

楊衡

荆臺別路長。密緒分離狀。莫訴杯來促。更籌屢已唱。
燭花侵物暗。瑟調含風亮。詎念曉帆開。點淚參差浪。

別行簡

白居易

漠漠病眼花。星星愁鬢雪。筋骸已衰憊。形影仍分訣。
梓州二千里。劔門五六月。豈是遠行時。火雲燒棧熱。
何言巾上淚。乃是腸中血。念此早歸來。莫作經年別。

唐詩類苑

卷之二百七

里一

別楊穎士盧克柔殷堯藩 白居易

倦鳥暮歸林。浮雲晴歸山。獨有行路子。悠悠不知還。
人生苦營營。終日群動間。所務雖不同。同歸於不閒。
扁舟來楚鄉。匹馬住秦關。離憂繞心曲。宛轉如循環。
且持一杯酒。聊以開愁顏。

洛陽城外別皇甫湜

李賀

洛陽吹別風。龍門起斷煙。冬樹束生澀。晚紫凝華天。
單身野霜上。疲馬飛蓬間。凭軒一雙淚。奉送綠衣前。

別張讚

司空曙

今日山晴後。殘蟬菊發時。登樓見秋色。何處最相思。

別盧倫

暢當

故交君獨在。又欲與君離。我有新秋淚。非關秋氣悲。

別李嶠得勝字

駱賓王

芳樽徒自滿。別恨轉難勝。客似遊江岸。人疑上灞陵。
寒更承夜永。涼景向秋澄。離心何以贈。自有王壺冰。

別薛升華

王勃

送送多窮路。遑遑獨問津。悲涼千里道。悽斷百年身。
心事同漂泊。生涯共苦辛。無論去與住。俱是夢中人。

重別薛升華

王勃

明月沈珠浦。秋風濯錦川。樓臺臨絕岸。洲渚亘長天。
旅泊成千里。棲遑共百年。窮途惟有淚。還望獨潸然。

唐詩類苑

卷之二百七

里一

別儲邕之剡中

李白

借問剡中道。東南指越鄉。舟從廣陵去。水入會稽長。
竹色溪下綠。荷花鏡裏香。辭君向天姥。拂石臥秋霜。

別孫訢

高適

離人去復留。白馬黑貂裘。屈指論前事。停鞭惜舊遊。
帝鄉那可忘。旅館日堪愁。誰念無知已。年年睢水流。

江夏別宋之悌

李白

楚水清若空。遙將碧海通。人分千里外。興在一杯中。
谷鳥吟晴日。江猿嘯晚風。平生不下淚。於此泣無窮。

渭水西別李岑

崔國輔

人錄尚書事家臨御路傍鑿池通渭水避暑借明光
淑媛妻封邑軒車子拜郎寵榮因掖裏勢極必將忘

別房士清

郎士元

世路還相見偏堪淚滿衣那能郢門別獨向鄴城歸
平楚看蓬轉連山望鳥飛蒼蒼歲陰暮况復惜馳暉

江上別柳中庸

李端

秦人江上見握手便霑衣近日相知少往年親故稀
遠遊何處去舊業幾時歸更向巴陵宿堪聞鴈北飛

金州別姚合

僧無可

唐詩類苑卷之二十七

四三

日日西亭上春留到夏殘言之離別易勉以道途難
山出一千里溪行三百灘松間樓裏月秋入五陵看

江上別張歡

戴叔倫

年年五湖上厭見五湖春長醉非關酒多愁不爲貧
山川迷道路伊洛困風塵今日扁舟別俱爲滄海人

江上別劉駕

戴叔倫

天涯芳草遍江路又逢春海月留人醉山花笑客貧
離杯傾祖帳征騎逐行塵回首風流地登臨少一人

崇聖寺別楊至之

許渾

蕭寺暫時留一作逢離憂滿病容寒齋秋少燕陰壁夜

多留樹暗水千里山深雲萬重懷君在書信莫過鴈
回峰

將赴江南湖上別皇甫曾

劉長卿

此去君何恨南行我更遙東西湖渺渺離別雨蕭蕭
綠水通春谷青山過板橋潯陽如在棹千里有歸潮

辭姚合

僧清塞

波濤千里隔抱疾亦相尋會宿逢高燒辭歸值積淋
叢桑山店迴孤燭海船深尚有重來約知無省閣心

別喻鳧

方干

知心似古人歲久分彌親離別波濤闊留連槐柳新

唐詩類苑卷之二十七

四

桂州與陳羽念別

楊衡

慘戚損志抱因君時解顏重歎念今夕復在幾夕間
碧桂水連海蒼梧雲滿山茫茫從此去何路入秦關

京口別崔固

僧無可

積雨晴時近西風葉滿泉相逢嵩嶽客共聽楚城蟬
宿館橫秋島歸帆張遠田別君還寂寞不似剡中年

別徐永元秀才

孔紹安

金湯既失險玉石乃同焚墜葉還相覆落羽更爲群
豈謂三秋節重傷千里分促離絃易轉幽水難聞

欲識相思處山川間白雲

別蘇侯赴湖南幕

杜甫

故人有遊子棄擲傍天隅他日憐才命居然屈壯圖
十年猶塌翼絕倒爲驚呼消渴今如是提攜愧老夫
豈知臺閣舊洗拂鳳凰雛得實翻蒼竹棲枝把翠梧
北辰當宇宙南嶽據江湖國帶煙塵色兵張虎豹符
數論封內事揮發府中趨贈爾秦人策莫鞭轅下駒

別薛巖賓

李商隱

曙爽行將拂晨清坐欲凌別離真不那風物正相仍
漫水任誰照衰花淺自矜還將兩袖淚同向一窻燈

唐詩類苑

卷之二七

四五

桂樹垂真隱芸香是小懲清規無以況且用玉壺冰

與獨孤漸道別長句兼呈嚴八侍御

岑參

輪臺客舍春草滿潁陽歸客腸堪斷窮荒絕漠鳥不
飛萬磧千山夢猶懶憐君白面一書生讀書千卷未
成名五侯貴門脚不到數畝山田身自耕興來浪跡
無遠近及至辭家憶鄉信無事垂鞭信馬頭西南幾
欲窮天盡奉使三年獨未歸邊頭詞客舊來稀借問
君來得幾日到家不覺換春衣高齋清晝卷羅幕紗
帽接離慵不着中酒朝眠日色高彈碁夜半燈花落

冰片高堆金錯盤滿堂凜凜五月寒桂林蒲萄新吐
夏武城刺密未可餐軍中置酒夜撾鼓錦筵紅燭月
未午花門將軍善胡歌葉河蕃王能漢語知爾園林
壓渭濱夫人堂上泣羅裙魚龍川北盤溪雨鳥鼠山
西洮水雲臺中嚴公於我厚別後新詩滿人口自憐
棄置天西頭因君爲問相思否

平臺夜遇李景參有別

高適

離心忽悵然策馬對秋天孟諸薄暮涼風起歸客相
逢渡睢水昨時攜手已十年今日分途各千里歲物
蕭條滿路岐此行浩蕩令人悲家貧羨爾有微祿欲

唐詩類苑

卷之二七

四六

往從之何所之

別梁錙

李頎

梁生個儻心不羈途窮氣蓋長安兒回頭轉盼似鵬
鷖有志飛鳴人豈知雖云四十無祿位曾與大軍掌
書記抗辭請刃誅部曲作色論兵犯二帥一言不合
龍領侯擊劍拂衣從此棄朝朝飲酒黃公壚脫帽露
頂爭叫呼庭中橫鼻背嘗挂懷裏琅玕今在無時人
見子多落魄共笑狂歌非遠圖忽然遣躍紫駟馬還
是昂藏一丈夫洛陽城頭曉霜白層冰峨峨滿川澤
但聞行路吟新詩不歎離家無擔石莫言貧賤長可

欺覆簷成山當有時莫言富貴長可託木槿朝看暮
還落不見古時塞上翁倚伏由來任天作去去滄波
勿復陳五湖三江愁殺人

通州丁溪館夜別李景信三首

元稹

月蒙蒙兮山掩掩東東別魂眉斂斂蠡瑱覆時天欲
明碧幌青燈風灑灑淚消語盡還暫眠唯夢千山萬
山險

水環環兮山簇簇啼鳥聲聲婦人哭離牀別臉睡還
開燈地暗飄珠款款山深虎橫館無門夜集已兒扣

唐詩類苑

卷之二七

四七

空木

雨蕭蕭兮鵲咽咽傾冠倒枕燈臨滅倦僮呼喚鷹復
眠啼鷄拍翅三聲絕握手相看其奈何奈何其奈天
明別

岳陽別張祐

李涉

十年蹭蹬爲逐臣鬢毛白盡巴江春鹿鳴援嘯雖寂
寞水蛟山魅多精神山瘴困中聞有赦死灰不望光
陰借半夜州符喚牧童虛教衰病生驚怕巫峽洞庭
千里餘蠻陬水國何親疎由來眞宰不宰我徒勞歎
者懷吹噓霸橋昔與張生別直變桑田我處說龍蛇

縱在沒泥塗長衢却爲驚駘設愛君氣堅風骨峭文
章眞把江淹笑洛下諸生懼刺先烏爲不得齊鷹鷂
岳陽西南湖上寺水閣松房遍文字新釘張生一首
詩自餘吟着皆無味策馬前途須努力莫學龍鍾虛
歎息

別李浦之京

王昌齡

故園今在灞陵西江畔逢君醉不迷小弟隣莊尚漁
獵一封書寄數行啼

別辛漸

王昌齡

別館蕭條風雨寒扁舟月色渡江看酒酣不識關西
道却望春江雲尚殘

唐詩類苑

卷之二七

四八

道却望春江雲尚殘

別鄭谷

戴叔倫

朝陽齋前桃李樹手栽清陰接比隣明年此地看花
發愁向東風憶故人

別鄭仁表

張蠟

春雷醉別鏡湖邊官顯才狂正少年紅燭滿汀歌舞
散美人迎上木蘭船

遊悟眞寺迴山下別張殷衡

白居易

世緣未了住不得孤負青山心共知愁君又入都門

去卽是紅塵滿眼時

別孫蜀

方干

吳越思君憶易傷別君添我鬢邊霜由來浙水偏堪恨截斷千山作兩鄉

重別夢得

柳宗元

二十年來萬事同今朝岐路忽西東皇恩若許歸田去晚歲當爲隣舍翁

別一作送嚴士元

劉長卿

春風倚棹闔閭城水國春寒一作陰復晴細雨濕衣看不見閒花落地聽無聲日斜江上孤帆影草綠湖

唐詩類苑

卷之五十七

中九

南萬里情東道若逢相識問青袍今日一作誤儒生

別盛安

僧護國

情人取一作幾淹留別後南州與北州月色爲憐今夜客砧聲那似去年秋欲除豺虎論三畧莫對雲山詠

四愁親故相逢且借問古來無種是王侯

江亭別裴饒

羅隱

行孟且待怨歌終多病憐君事事同衰鬢別來光影裏故鄉歸去亂離中乾坤墊列三分國井邑摧殘一

半空日晚長亭問西使不堪車駕尚飄蓬

別池陽所居

羅隱

黃塵初起此留連火耨刀耕六七年雨夜老農思水

旱雪晴漁父共舟船已悲世亂身須去肯愧途危跡

屢遷却是九華山有意列行相送到江邊

冬日淮上別文上人

僧慕幽

家國各萬里同吟六七年可堪隨北鴈迢遞向南天水共行人遠山將落日連春淮有雙鯉莫忘尺書傳

觀別者

王維

青青楊柳陌陌上別離人愛子遊燕趙高堂有老親不行無可養行去百憂新切切委兄弟依依向四鄰

都門帳飲畢從此謝親賓揮淚逐前侶含悽動征輪

唐詩類苑

卷之五十七

五十

車徒望不見時見起行塵余亦辭家久看之淚滿巾

嶺上逢久別者又別

權德輿

十年曾一別征旆此相逢馬首向何處夕陽千萬峰

別後

黃滔

夢裏相逢無後期煙中解珮杳何之虧蟾便是陳宮鏡莫吐清光照別離

口號

李白

食出野田美酒臨遠水傾東流若未盡應見別離情

失題兼亡上四句

李頎

紫極殿前朝伏奏龍花會裏日相望別離歲歲如流

水誰辨他鄉與故鄉

唐詩類苑

卷之二十七

五十二

唐詩類苑卷第一百八

明雲間張之象玄超甫纂輯

雲間杜士全道執甫編次

雲間王徹叔朗甫補訂

梁谿曹仁孫伯安甫校正

人部

送別

岳州宴別王潭州熊二首 張說

絲管清且哀一曲傾一盃氣將然諾重心向友朋開
古木無生意寒雲若死灰贈君芳杜草爲植建章臺

唐詩類苑

卷之百八

二

縉雲連省閣溝水遶西東然諾心猶在容華歲不同
孤城臨楚塞遠樹入秦宮誰念三千里江潭一老翁

奉別張岳州說二首 王熊

長沙辭舊國洞庭逢古人薰蘭敦久要披霧轉相親
歲月方嗟老江山不惜春忽聞黃鶴曲更作白頭新

二

平生共風月倏忽間山川不期交澹水暫得款忘年
興逸方罷釣帆開欲解船離心若危旆朝夕爲君懸

奉和張岳州說王潭州熊別詩二首

韋嗣立

余昔忝省閣與岳州張使君潭州王都督同官聯
事後承朝譴各自東西張公與王都督別詩二首
情頗殷切余覽以耿歎因遥申和云

茂先王佐才作牧楚江隈登樓正欲賦復遇仲宣來
黃鵠飛將遠雕龍文爲開寧知昔聯事聽曲有餘哀

二

昔時陪二賢○纓冕會神仙○一去馳江海○相逢共播遷○
無因千里駕○忽覩四愁篇○覽諷懽懽何已○懽終徒愴然○

送孟浩然歸襄陽二首

張子容

唐詩類苑

卷之三百八

二

見本部還鄉

別張子容

孟浩然

舊國余歸楚新年子賀正挂帆愁海路分手戀朋情
日夜故園意汀洲春草生何時一杯酒重與李膺傾

潭州送韋員外牧韶州

杜甫

炎海韶州放風流漢署郎分符先令望同舍有輝光
白首多年疾秋天作夜涼洞庭無過鴈書疏莫相忘

潭州留別杜員外院長

韋迢

江畔長沙澤相逢纔客船大名詩獨步小郡海西偏
地濕愁飛鵬天炎畏跼去留俱失意把臂共潸然

送祖詠

盧象

田家宜伏臘歲晏子言歸石路雪初下荒村鷄共飛
東原多煙火北澗隱寒輝滿酌野人酒倦聞隣女機
胡爲困樵采幾日罷朝衣

留別盧象

祖詠

朝來已握手宿別更傷心灞水行人渡南山驛路深
故情君且足謫宦我難任直道皆如此誰能淚滿襟

與嚴二歸奉禮別

杜甫

別君誰暖眼將老病纏身出涕同斜日臨看共去塵
商歌還入夜巴俗自爲隣尚愧微軀在遥聞盛禮新

唐詩類苑

卷之三百八

三

山東群盜散闕下受降頻諸將歸應盡題書報旅人

訓別杜二

嚴武

獨逢堯典日再覩漢官時未効風霜勁空慙雨露私
夜鐘清萬戶曙漏拂千旗並向殊庭謁俱承別館追

斗城憐舊路鍋水惜歸期峰樹還相伴江雲更對垂
試回滄海棹莫妬敬亭詩祇是書應寄無忘酒共持
但令心事在未肯鬢毛衰最悵巴山裏清後醒夢思

別崔九

王維

城隅一分手幾日還相見山中有桂花莫待花如霰
別崔九

裴迪

歸山深淺去須盡丘壑美莫學武陵人暫遊桃源裏

留別王維裴迪

崔興宗

駐馬欲分襟清寒御溝上前山景氣佳獨往還惆悵

送別一作送裴母
落第還鄉

王維

聖代無隱者英靈盡來歸遂令東山客不得顧採薇

既至金一作門遠就云吾道非江淮渡寒食京洛縫

春衣置酒長安道同心與我違行當浮桂棹未幾拂

荆扉遠樹帶行客孤城一作村當路暉吾謀適不用勿

謂知音稀

送別

王維

唐詩類苑 卷之二八

下馬飲君酒問君何所之君言不得意歸臥南山陲

但去莫復問白雲無盡時

江亭夜月送別二首

王勃

江送巴南水山橫塞北雲津亭秋夜月誰見泣離群

二

亂煙籠碧砌飛月向南端寂寂離亭掩江山此夜寒

送別

王維

山中相送罷日暮掩柴扉春草年年綠王孫歸不歸

送別

王之渙

楊柳東風樹青青御河行客離離別離多

臨川送別

盧僎

秋郊日半隱野樹煙初映風水正蕭條那堪動離詠

送別

陳子良

落葉聚還散征禽去不歸以我窮途泣沾君出塞衣

送晉熙公別

太行君失路扶搖我退飛無復紅顏在空持一作將白

首歸色移三代服塵化兩京衣道窮方識一作命事

去乃知非西候追孫楚南津送陸機雲薄鱗逾細山

高翠轉微氣隨流水咽淚逐斷絃揮但令寸心密隨

意尺書稀

唐詩類苑 卷之二八

送別

賈島

丈夫未得意行行且低眉素琴彈復彈會有知音知

秋日送別

駱賓王

寂寥心事晚搖落歲時秋共此傷華髮相看惜去留

當歌應破涕哀命返窮愁別後能相憶東陵有故侯

通化門外送別

張九齡

厚別容華改長愁意緒微義將私愛隔情與故人歸

薄宦無時賞勞生有事機離魂今夕夢先繞舊林飛

送別二首

李白

斗酒渭城邊鱸頭醉不眠梨花千樹雪楊柳萬條煙

惜別傾壺酹臨分贈馬鞭看君頽上去年新月到應圓

二

水色南天遠舟行若在虛遷人發佳興吾子訪閒居
日落看歸鳥潭澄美躍魚聖明思賈誼應降紫泥書

京口送別王四詒

儲光義

江上楓林秋江中秋水流清晨惜分袂秋日尚同舟
落潮洗魚浦傾荷枕驛樓明年菊花熟洛東汎觴遊

洛橋送別

儲光義

河橋客送舟河水正安流遠見征橈動遙憐故國遊
海禽逢早鴈江月值新秋一聽南津曲分明散別愁

唐詩類苑

卷之二百八

木

洛陽東門送別

儲光義

東城別故人臘月遲芳辰不惜孤舟去其如兩池春
花明洛陽苑水綠小平津是日不相見鶯聲徒自新

廣陵送別宋員外佐越鄭舍人還京

韋述

朱紱臨秦望皇華赴洛橋文章南渡越書奏北歸朝
樹入江雲盡城銜海月遙秋風將客思川上晚蕭蕭

餞別王十一南遊

劉長卿

望君煙水濶揮手淚沾巾飛鳥沒何處青山空向人
長江一帆遠落日五湖春誰見汀洲上楊柳愁白蘋

送魚思別處士歸有懷 許渾

讌罷眾賓送長歌攜一枝溪亭相送遠山郭獨歸遲
風檻夕雲散月軒寒露滋病來雙鬢白不是舊離時

池上送考功崔郎中兼別房賈二妓

白居易

文昌列宿徵還日洛浦行雲放散時鸞鷺上天花逐
水無因再會白家池

送別兄部

別一作途中

方干

道路本無限又應何處逢流年莫虛擲華髮不相容
野渡波搖月寒城雨翳鐘此心隨去鳥迢遞過重峰

唐詩類苑

卷之二百八

七

池州春送前進士蒯希逸 杜牧

芳草復芳草斷腸還斷腸自然堪下淚何必更殘陽
楚岸千萬里燕鴻三兩行有家歸不得况舉別君觴

送別錢起

戴叔倫

陽關多古調無柰醉中聞歸夢吳山遠離情楚水分
孤舟經暮雨征路入秋雲後夜同明月山窻定憶君

送別

李咸用

別意說難盡離盃深莫辭長歌終此席一笑又何時
棹入寒潭急帆當落照遲遠書如不寄無以慰相思

邊庭送別

張彥

一生雖達理遠別亦相悲白髮無修處青松有老時
暮煙傳戍起寒日隔沙垂若是長安去何難定後期

送別

楊凝

樽酒郵亭暮雲帆驛使歸野鴻寒不起川雨凍難飛
吳會家移遍轅轅夢去稀姓楊皆是淚非是強沾衣

奉和禁苑餞別應令

褚亮

大蕃初錫瑞出牧邇皇京暫以綠車重言陳朱傳榮
舒桃臨遠騎垂柳映軍營惠化宣千里威風動百城
禁籞方嘉節神襟餞送情金笳催別景玉管切離聲
野花開更落山鳥啼還驚微臣夙多幸薄宦奉儲明

唐詩類苑

卷之二八

八

釣臺慙作賦伊水濫聞笙懷德良知久酬恩識命輕

西使兼送孟學士南遊

盧照隣

地道巴陵北天山弱水東相看萬餘里共倚一征蓬
零雨悲王粲清樽別孔融徘徊聞夜鶴悵望待秋鴻
骨肉胡塵外風煙關塞中唯餘劍鋒在耿耿氣成虹

送別

李白

潯陽五溪水沿洄直入巫山裏勝境由來人共傳君
到南中自稱美送君別有八月秋颯颯蘆花復益愁
雲帆望遠不相見日暮長江空自流

秋江送別二首

王勃

早是他鄉值早秋江亭明月帶江流已覺逝川傷別
念復看津樹隱離舟

歸舟歸騎儼成行江南江北互相望誰謂波瀾裁一
水已覺山川是兩鄉

送別

王維

送君南浦淚如絲君向東州使我悲爲報故人顛顚
盡如今不似洛陽時

武陽送別

沈宇

菊黃蘆白鴈初飛羌笛胡琴淚滿衣送君腸斷秋江
水一去東流何日歸

唐詩類苑

卷之二八

九

送別荆南張判官

獨孤及

輜車駟馬往從隨夢渚蘭臺日更遲欲識桃花最深
處前程問取武陵兒

曾山送別

皇甫冉

淒淒遊子若飄蓬明月清罇祇暫同南望千山如黛
色愁君客路在其中

送別

郎士元

穆陵關上秋風起安陸城邊遠行子薄暮寒蟬三兩
聲迴頭故鄉千萬里

送別二首

魚玄機

秦樓幾夜愜心期不料仙郎有別離
睡覺莫言雲處殘燈一盞野蛾飛

二

水柔逐器知難定雲出無心肯再歸
惆悵春風楚江暮鴛鴦一隻失群飛

送別

賈島

門外便伸千里別無車不得到河梁
高樓直上百餘尺今日爲君南望長

送別

高適

昨夜離心正鬱陶三更白露西風高
螢飛木落何淅唐詩類苑卷之百八十一

瀝此時夢見西歸客曙鐘寥亮三四聲
東隣嘶馬使人驚攬衣出戶一相送唯見歸雲縱復橫

奉送浙東德師侍御罷府西歸

張賁

孤雲獨鳥本無依江海重逢故舊稀
楊柳漸疎蘆葦白可堪斜日送君歸

奉和送德師侍御西歸

陸龜蒙

王謝遺踪玉籍仙三年閒上鄂君船
詩懷白閣僧吟苦俸買青田鶴價偏行
次野楓臨遠水醉中衰菊臥涼煙芙蓉散盡西歸去唯有山陰九萬牋

奉和送德師侍御西歸 皮日休

建安才子太微仙暫上金臺許二年形影欲歸溫室
樹夢魂猶傍越溪蓮空將海月爲京信尚使樵風送
酒船從此受恩知有處免爲僞鬼恨吳天

樂天分司東洛朝賢悉會興化亭送別酒酣
各請一字至七字詩以題爲韻九首

賦花詩

王起

花點綴分葩露初裏月未斜一枝曲水千樹山家戲
蝶未成夢嬌鶯語更誇旣見東園成徑何殊西子同
車漸覺風飄輕似雪能令醉者亂如麻

唐詩類苑

卷之百八十一

賦月詩

李紳

月光輝皎潔耀乾坤靜空濶圓滿中秋翫爭詩哲玉
兔鎬難穿桂枝人共折萬象照乃無私瓊臺豈遮君
謁抱琴對彈別鶴聲不得知音聲不切

賦山詩

令狐楚

山聳峻回環滄海上白雲間商老深尋謝公遠攀古
巖泉滴滴幽谷鳥關關樹島西連隴塞後聲南徹荆
蠻世人只向簪裾老芳草空餘麋鹿閑

賦茶詩

元稹

茶香葉嫩芽慕詩客愛僧家碾雕白玉羅織紅紗銚

煎黃藥色盆轉麴塵花夜後邀陪明月晨前命對朝霞洗盡古今人不倦將知醉亂豈堪誇

賦愁詩

魏扶

愁迴野深秋生枕上起眉頭閨閣危坐風塵遠遊巴猿啼不住谷水咽還流送客泊船入浦思鄉望月登樓煙波早晚長羈旅絃管終年樂五侯

賦竹詩

韋式

竹臨池似玉裊露靜和煙綠抱節寧改貞心自束渭曲種偏多王家看不足仙仗正驚龍化美實當隨鳳熟唯愁吹作別離聲回首駕驂舞陣速

唐詩類苑

卷之二頁八

十一

賦花詩

張籍

花落早開賒對酒客興詩家能迴遊騎每駐行車宛宛春風起茸茸麗日斜且願相留懼洽惟愁虛棄光華明年攀折知不遠對此誰能更歎嗟

賦書詩

范堯佐

書憑鴈寄魚出王屋入匡廬文生益智道著清虛葛洪一萬卷惠子五車餘銀鈎屈曲索靖題橋司馬相如別後莫睽千里信數封緘送到閒居

賦詩字詩

白居易

詩綺美瓌奇明月夜落花時能助懽笑亦傷別離調

清金石怨吟苦鬼神悲天下只應我愛世間唯有君知自從都尉別蘇句便到司空送白辭

宣州送裴坦判官往舒州時牧欲赴官歸京

杜牧

日暖泥融雪半銷行人芳草馬聲驕九華山路雲遮寺清弋江村柳拂橋君意如鴻高的的我心懸旆正搖搖同來不得同歸去故國逢春一寂寥

留別

留別伊闕張少府郭都尉 王昌齡

遷客就一醉主人空金壘江湖青山底欲去仍徘徊

唐詩類苑

卷之二頁八

十三

郭侯未相識策馬伊川來把手相勸勉不應老塵埃孟陽蓬山會仙館留清才日晚勸趣別風長雲遂開幸隨板輿遠負譴何憂哉唯有仗忠信音書報雲雷

留別山中溫古上人兄并示舍弟緡

王維

解薜登天朝去師偶時暫豈唯山中人兼負松上月宿昔同遊止致身雲霞末開軒臨潁陽臥視飛鳥沒好依盤石飯屢對瀑泉渴理齊狎小隱道勝寧外物舍弟官崇高宗兄此削髮荆扉但灑掃乘閑當過歇

留別西河劉少府

李白

秋髮已種種所爲竟無成閒傾魯壺酒笑對劉公榮
謂我是方朔人間落歲星白衣千萬乘何事去天庭
君亦不得意高歌羨鴻冥世人若醢鷄安可識梅生
雖爲刀筆吏緬懷在赤城余亦如流萍隨波落休明
自有兩少妾雙騎駿馬行東山春酒綠歸隱謝浮名

留別賈舍人至二首

李白

大梁白雲起飄飄來南洲徘徊蒼梧野十見羅浮秋
鰲挾山海傾四溟揚洪流意欲托孤鳳從之摩天遊
鳳苦道路難翱翔還崑丘不肯銜我去哀鳴慙不留
遠客謝主人明珠難暗投拂拭倚天劍西登岳陽樓
唐詩類苑 卷之二八 十四

二

秋風吹胡霜凋此簷下芳折芳怨歲晚離別淒以傷
謬攀青瑣賢延我於此堂君爲長沙客我獨之夜郎
勸此一杯酒豈唯道路長割珠兩分贈寸心久不忘
何必兒女仁相看淚成行

留別王司馬嵩

李白

魯連賣譚笑豈是顧千金陶朱雖相越本有五湖心
余亦南陽子時爲梁甫吟蒼山容偃蹇白日惜頽侵
願一佐明主功成還舊林西來何所爲孤劍詎知費

鳥愛碧山遠魚遊滄海深呼鷹過上蔡賣畚向嵩岑
他日閒相訪丘中有素琴

留別廣陵諸公

李白

憶昔作少年結交趙與燕金羈絡駿馬錦帶橫龍泉
寸心無疑事所向非徒然晚節覺此疎獵精草太玄
空名束壯士薄俗棄高賢中迴聖朝顧揮翰凌雲烟
騎虎不敢下攀龍忽墮天還家守清真孤潔勵秋蟬
鍊丹費火石採藥窮山川臥海不關人租稅遼東田
乘興忽復起棹歌溪中船臨醉謝葛強山公欲倒鞭
狂歌自此別垂釣滄浪前

唐詩類苑

卷之二八

十五

留別曹南群官之江南

李白

我昔釣白龍放龍溪水傍道成本欲去揮手凌蒼蒼
時來不關人譚笑遊軒皇獻納少成事歸休辭建章
十年罷西笑覽鏡如秋霜閉劒琉璃匣鍊丹紫翠房
身佩豁落圖腰垂虎盤囊仙人駕彩鳳志在窮遐荒
戀子四五人徘徊未翱翔東流送白日驟歌蘭蕙芳
仙宮兩無從人間久摧藏范蠡說勾踐屈平去懷王
飄飄紫霞心流浪憶江鄉愁爲萬里別復此一銜觴
淮水帝王州金陵繞丹陽樓臺照海色衣馬搖川光
及此北望君相思淚成行朝雲落夢渚芳草空高堂

帝子隔洞庭青楓滿瀟湘懷歸路綿邈覽古情淒涼
登嶽眺百川杳然萬恨長知戀峨嵋去美景偶騎羊

題冤句宋少府廳留別

劉長卿

宋侯人之秀獨步南曹吏世上無此才天生一公器
尚甘黃綬屈未適青雲意洞徹萬頃陂昂藏千里驥
從宦聞苦節應物推高誼薄俸不自資傾家共人費
顧子倦樓託終日憂窮匱開口即有求私心豈無愧
幸逢東道主因輟西征騎對話堪息機披文欲忘味
一言重然諾累夕陪宴慰何意秋風來颯然動歸思

唐詩類苑

卷之百八

十六

留懽殊自愜去念能爲累草色愁別時槐花落行次

臨岐仍把手此會良不易他日瓊樹枝相思勞夢寐

之京留別劉方平

皇甫冉

客子慕儒侶含悽整晨裝邀懽日不足况乃前期長
離袂暗嘉月遠還勞折芳遲迴越二陵回首但蒼茫
喬木清宿雨故關愁夕陽人言長安樂其奈緬相望

將歸故山留別杜侍御

一作王建

有川不得涉有路不得行沈沈百愛中一日如一生
錯來干諸侯石田廢春耕虎戰衛重門何因達中誠
日月俱照輝山川異陰晴如何百里間開目不見明

我今歸故山誓與草木并願君去丘坂長使道路平

留別洛京親友

韋應物

握手出都門駕言適京師豈不懷舊廬惆悵與子辭
麗日坐高閣清觴燕華池昨遊倏已過後遇良未知
念結路方永歲陰野無暉單車我當前一作暮雪子
獨歸臨流一作一相望零淚忽沾衣

留別

鄒載

策名十二載獨一作先斯文爾來及門者半已昇青雲
青雲豈無姿黃鶴素不群一辭芸香吏幾歲滄江濱
散職既不羈天聰亦昭聞雖承急賢詔未詣陶唐君

唐詩類苑

卷之百八

十七

薄俸還自急此言那足云和風媚東郊具物滋南薰
蕙草正可摘豫章猶未分宗師忽千里使我心氛氲

留別

白居易

秋涼卷朝簾春暖撤夜衾雖是無情物欲別尚沈吟
况與有情別別隨情淺深二年歡笑意一旦東西心
獨留誠可念同行力不任前事詎能料後期諒難尋
唯有潺湲淚不惜共沾襟

蜀中將歸留辭韋相公

歐陽詹

寧體卽雲構方前恒玉食貧居豈及此要欲懷歸憶
在夢關山遠如流歲華逼明晨首鄉路逕通孤雲翼

南充謝郡客遊澧州留贈字文中丞

暢當

僕本淩落人，辱當州郡使。量力頗及早，謝歸今即已。
蕭蕭若凌虛，襟帶頗銷靡。車服率然來，泮陽作遊子。
鬱鬱寡開顏，默默獨行李。忽逢平生友，一笑方在此。
秋情寧風日，楚思浩雲水。爲語弋林者，冥冥鴻遠矣。

留別顧明府

戴叔倫

江南雨初歇，山暗雲猶濕。未可動歸橈，前程風正急。

毘陵留別

朱放

別離非一處，此處最傷情。白髮將青草，相隨日日生。

唐詩類苑

卷之二八

十八

留別柳中庸

李端

惆悵流水時，蕭條背城路。離人出古亭，嘶馬入寒樹。

江南正風波，挂蓬在何處。

留別王盧二拾遺

李頎

此別不可道，此心當報誰。春風灞水上，飲馬桃花時。
設作好文士，只令遊宦遲。留書下朝客，我有故山期。

潭州留別

常建

賢達不相識，偶然交已深。宿帆謁郡佐，悵別依禪林。
湘水流入海，楚雲千里心。望君杉松夜，山月清猿吟。

留別武陵袁丞

王昌齡

皇恩暫遷謫，待罪逢知己。從此武陵溪，孤舟二千里。
桃花遺古岸，金澗流春水。誰識馬將軍，忠貞抱生死。

留別錢起

王維

卑棲却得性，每與白雲歸。徇祿仍懷橘，看山免採薇。
暮禽先去馬，新月待開扉。霄漢時回首，知音青瑣闥。

留別丘爲

王維

歸鞍白雲外，繚繞出前山。今日又明日，自知心不閒。
親勞簪組送，欲赴鶯花還。一步一迴首，遲遲向近關。

留別裴少府

孟浩然

西上浙江西，臨流愜解攜。千山疊成嶂，萬水瀉爲溪。

唐詩類苑

卷之二八

十九

石淺流難汭，藤長險易躋。誰憐問津客，歲晏此中迷。

留別王維

孟浩然

寂寂竟何待，朝朝空自歸。欲尋芳草去，惜與故人違。
當路誰相假，知音世所稀。祇應守寂寞，還掩故園扉。

暮秋將歸秦留別湖南幕府親友

杜甫

水澗蒼梧野，天高白帝秋。途窮那免哭，身老不禁愁。
大府才能會，諸公德業優。北歸衝雨雪，誰憫敝貂裘。

留別賈嚴二閣老兩院補闕得聞字

杜甫

田園須暫住戎馬惜離群去遠留詩別愁多任酒
一秋常苦雨今日始無雲山路晴吹角那堪處處聞

潤州南郭留別

皇甫冉

縈迴楓葉岸留滯木蘭橈吳岫新經雨江天正落潮
故人勞見愛行客自無聊若問前程事孤雲入剡遙

却赴南邑留別蘇臺知己

劉長卿

又過梅嶺上歲歲此枝寒落日孤舟去青山萬里看
猿聲湘水靜草色洞庭寬已料生涯事唯應把釣竿

赴宣州使院夜宴寂上人留辭前蘇州韋使

君

劉長卿

唐詩類苑

卷之二頁八

二十

白雲垂始願滄海有微波戀舊爭趨府臨危欲負戈
春歸花殿暗秋傍竹房多耐可機心息其如羽檄何

留別杜審言并呈洛中舊遊

崔融

斑鬢今爲別紅顏

一作塵

昨共遊年年春不待處處酒

相留駐馬西橋上回軍南陌頭故人從此隔風月坐

悠悠

和州留別穆郎中

劉長卿

播遷悲遠道搖落感衰容今日猶多難何年更此逢
世交黃葉散鄉鄰白雲空發看煙樹唯聞江北鐘

江州留別薛六柳八二員外

劉長卿

江海相逢少東南別處長獨行風嫋嫋相去水茫茫
白首辭同舍青山背故鄉離心與潮信每日到澤陽

淮南使迴留別竇侍御

王建

戀戀春恨結綿綿淮草深病身愁至夜遠道畏逢陰
忽逐酒盃會暫同風景心從今一分散還是繞枝禽

歸昭應留別城中

王建

喜得近京城官卑意亦榮並牀懼未定離室思還生
計拙偷閒住經過買日行如無自來分一驛是遙程

唐詩類苑

卷之七頁八

二十一

將赴閬鄉灞上留別錢起

盧綸

暖景登橋望分明春色來離心自惆悵車馬亦徘徊
遠雪和霜積高花占日開從官竟何事憂患已相催

留別耿湊侯釗馮著

盧綸

相識少相知與君俱已衰坐鑪新宅第岐路古山陂
學道功難就爲儒事本遲惟當與漁者終老遂其私

留別光州王使君建

賈島

杜陵千里外期在末秋歸既見林花落須防木葉飛
楚從何地盡淮隔數峰微迴首餘霞失斜陽照客衣

石門陂留辭從叔謨

賈島

幽鳥飛不遠此行千里間寒衝陂水霧醉下菊花山
有耻長爲客無成又入關何時臨澗柳吾黨共來攀

二月晦日留別鄆中友人 賈島

立馬柳花裏別君當酒酣春風漸向北雲鴈不飛南
明曉日初一今年月又三鞭羸去暮色遠獄起煙嵐

赴邠寧留別

李益

身承漢飛將束髮卽言兵俠少何相問從來事不平
黃雲斷朔吹白雪擁沙城幸應邊書募橫戈會取名

登華州留別張侍御

劉禹錫

束簡下延閣買符驅短轅同人惜分袂結念醉芳樽

唐詩類苑

卷之二八

三

切切別絃急蕭蕭征騎煩臨岐無限意相視却忘言

江夏留別華二

歐陽詹

弭棹已傷別不堪離緒催十年一心入千里同舟來
鄉路我尚遙客遊君未迴將何慰兩端未一作免臨

岐杯

將謁商謝呂郎中出楚州留獻章中丞

方干

江流盤復直浮棹出家林商洛路猶遠山陽春已深
青雲應可望白髮未相侵才少知難薦終身許郭心

留別嘉興知己

僧滄浩

一座東林寺從來未下山不因尋長者無事到人間
宿雨愁爲客寒禽散未還空懷舊山月童子誦經閒

初出城留別

白居易

朝從紫禁歸暮出青門去勿言城東陌便是江南路
揚鞭簇車馬揮手辭親故我生本無鄉心安是歸處

京口留別徐大補闕趙二零陵

儲光羲

皇州月初晚處處鼓鐘喧樹出蓬萊殿城開閭闔門
近臣朝瑣闥詞客向文園獨有三川路空傷遊子魂

留別安慶李太守

儲光羲

唐詩類苑

卷之二八

三

明牧念行子又言悲解攜初筵方落日醉止到鳴鷄

留別毘陵諸公

李嘉祐

久別潯陽令丹墀忽再還淒涼辭澤國離亂到鄉山
北固灘聲滿南徐草色閒知心從此別相憶鬢毛斑

夜宴南陵留別

李嘉祐

雪滿前庭月色閒主人留客未能還預愁明日相思

處匹馬千山與萬山

使回留別襄陽李司空

張籍

江亭寒日晚絃管有離聲從此一筵別獨爲王聖行

遲遲戀恩德役恨公程迴苦吟新句霜雲滿楚城

春日留別

張籍

遊人欲別離醉復對花枝看却春日晚莫輕少年時
臨行記分處回首是相思各向天涯去重來未有期

留別江陵王少府

張籍

迢迢山上路病客獨行遲況此分襟日當君失意時
寒林遠路驛晚燒過荒陂別後空迴首相逢未有期

留別張郎中

項斯

省中重拜別兼領寄人書已念此行遠不應相問疎
子城西並宅御水北同渠要取春前到乘閒候起居

唐詩類苑

卷之一百八

二十四

秋日將歸長安留別王尚書

喻鳧

朔漠正秋霖西風傳夕砧滄洲未歸迹華髮受恩心
露色岡莎冷蟬聲塢木深清晨銑內只獻白雲吟

留別鄒紹劉長卿

嚴維

中年從一尉自笑此身非道在甘微祿時難一作耻
息機晨趨本郡府晝掩故山扉待得子芝畢何妨更

採薇

雨中留別

耿湋

東西無定客風雨未休時潤點此中別飄零何處

青山遠舊隱白髮入新詩歲歲迷津路生涯漸可悲

常州留別

耿湋

萬里南天外求書禹穴間往來成白首旦暮見青山
夜浦涼雲過秋塘好月閒愁慙陽羨桂別此幾時攀

留別解縣韓明府

耿湋

閒人州縣厭賤士友朋譏朔雪逢初下秦關獨暮歸
寒茅下原淺殘雨過風微一路何相慰唯君能政稀

邠州留別

耿湋

終歲山川路一作長路生涯總幾何艱難為客慣貧
賤受恩多暮角寒山色秋風遠水波一作暮角聲長韻寒流起細波

唐詩類苑

卷之二八

三五

無人見惆悵垂鞵入煙蘿

赴許州留別洛中親故

耿湋

淳風今變俗末學誤為文幸免投湘浦那辭近汝墳
山遮魏闕路日隱洛陽雲誰念聯翩羽煙中獨失羣

之江淮留別京中親友

耿湋

長雲迷一鴈漸遠向南聲已帶千霜鬢初為萬里行
繁蟲滿夜草連雨暗秋城前路諸侯貴何人重客卿

留別定襄盧軍事

馬戴

行行與君別路在鴈門西秋色見邊草軍聲聞戍鼙
酣歌擊寶劍躍馬上金堤歸去咸陽里平生志不迷

湖南雪中留別

戎昱

草草還草草湖東別離早何處愁殺人歸鞍雪中道
出門迷轍迹雲水白浩浩明日武陵西相思鬢堪老

將之澤潞留別王郎中

李端

弱年知己少前路主人稀貧病期相借艱難又憶歸
事成應未卜身賤又無機幸到龍門下須因羽翼飛

江行留別

馬戴

吳楚半秋色渡江逢葦花雲侵帆影盡一作風逼鴈

行斜返照開嵐翠寒潮蕩浦沙余將何所往海嶠擬
營家

唐詩類苑

卷之二八

王六

將之上京別淮南書記李侍御

朱慶餘

心地偶相見語多爲別難詩成公府晚路入翠微寒
逢石自應坐有花誰共看身爲當去鴈雲盡到長安

夏末留別洞庭知己

朱慶餘

清秋時節近分袂獨淒然此地折高柳何門聽暮蟬
浪搖湖外日山背楚南天空感迢迢事榮歸在幾年

將之上京留別淮南書記李侍御

朱慶餘

半似無名位門當靜處開人心皆向德物色不供

酒典春邊過軍謀意外來取名榮相府却慮詔書催

留別盧玄休歸荆門

朱慶餘

江邊離別心言罷各沾襟以我去帆遠知君離恨深
雲開孤鳥出浪起白鷗沈更作來年約陽臺許伴尋

留別南徐故人

周賀

三年蒙見待此夕是前程未斷却來約且伸臨去情
潮迴灘鳥下月上客船明他日南徐道緣君又重行

將之京師留別親友

張蠟

達命何勞問西遊且自期至公如有日知我豈無時
野迥蟬相答堤長柳對垂酣歌一舉袂明發不堪思

唐詩類苑

卷之二八

二十七

湖南使還留辭辛大夫

劉長卿

王師勞近甸兵食仰諸侯天子無南顧元勳在上遊
大才生間氣盛業拯橫流風景隨搖筆山川入運籌
羽觴交餞席旌節對歸舟鶯識春深恨猿知日去愁
別離花寂寂南北水悠悠唯有兼國終身去所憂

幽山留別令狐侍御

馬戴

自別丘中隱頻年哭路岐辛勤今若是少壯豈多時
露滴陰蟲苦秋聲遠客悲晚營嚴鼓角紅葉拂旌旗
北關虛延望西林久見思川流寒水急雲逐故山遲
落照遊人去長空獨鳥隨不堪風隔景忠寡相知

再赴渭北使府留別

李益

結髮逐鳴鵩連兵追谷蠡山川搜伏虜鎧甲被重犀
故府旌旗在新軍羽檄齊報恩身未死識路馬還嘶
列嶂高峰舉當營太白低平戎七尺劍封檢一九泥
截海取蒲類跑泉飲礪鵠漢庭中選重更事五原西

發越州赴潤州使院留別鮑侍御

劉長卿

對水看山別離孤舟日暮行遲江北江南春草獨向
金陵去時

留別鄭三韋九兼洛下諸公

唐詩類苑

卷之百八

王八

高適

憶昨相逢論久要顧君哂我輕常調羈旅雖同白社
遊詩書已作青雲料蹇躓蹉跎竟不成年過四十尚
躬耕長歌達者杯中物大笑前人身後名幸逢明盛
多招隱高山大澤徵求盡此時亦得辭漁樵青袍裹
身荷聖朝犁牛釣竿不復見縣人邑吏來相邀遠路
鳴蟬秋興發華堂美酒離憂銷不知何時更攜手應
念茲晨去折腰

穎川留別司倉李萬

劉長卿

故人早負千將諾誰言未展平生意思想君時昔高步

時肯料如今折腰事且知投刃皆若虛日揮案牘常
有餘槐暗公門趨小吏荷香陂水澹鱸魚客裏相逢
款話深如何岐路刺霜襟白雲西上催歸念潁水東
流是別心落日征驂隨去塵含情揮手背城闌已恨
良時空此別不堪愁草更愁人

留別汪倫

李白

白遊涇縣桃花潭村人汪倫常醞美酒以待白

李白乘舟將欲行忽聞岸上踏歌聲桃花潭水深千
尺不及汪倫送我情

留別郭八

王昌齡

唐詩類苑

卷之百八

王九

長亭駐馬未能前井邑蒼茫含暮煙醉別何須更惆
悵回頭不語便垂鞭

將還越留別豫章諸公

獨孤及

客鳥倦飛思舊林徘徊猶戀衆花陰他時想憶雙航
蓋莫問吳江深不深

赴虢州留別故人

盧綸

世故相逢各未閒百年多在別離間昨夜秋風今夜
雨不知何處入空山

宜君縣北上居不遂留題王秀才別墅二首

韋

本期同此臥林丘
滑櫺爐前擁布裘
何事却乘羸馬去
白雲紅樹不相留

明月嚴霜撲皂貂
羨君高臥正逍遙
門前積雪深三尺
火滿紅爐水滿瓢

鄜州留別張員外

韋莊

江南相送君山下
塞北相逢朔漠中
三楚故人皆是夢
十年陳事只如風
莫言身世他時異
且喜琴樽數日同
惆悵却愁明日別
馬嘶山店雨濛濛

歸岑山留別

僧靈一

禪客無心憶薜蘿
自然行逕向山多
知君欲問人間事
始與浮雲共一過

唐詩類苑

卷之二八

三

事始與浮雲共一過

留別吳七正字

白居易

成名共記甲科上
署吏同登芸閣間
唯是塵心殊道性
秋蓬常轉水長閒

性秋蓬常轉水長閒

江陵酒中留別坐客

呂溫

尋常縱恣倚青春
不契心期便不親
今日煙波九疑去
相逢盡是眼中人

將歸湖上留別陳宰

方干

歸去春山逗曉晴
鸞迴樹石罅中行
明時不是無知己
自憶湖邊釣與耕

春日留別

孫逖

春路逶迤花柳前
孤舟晚泊就人煙
東山白雲不可見
西陵江月夜涓涓
春江夜盡潮聲度
征帆遙從此中去
越國山川看漸無
可憐愁思江南樹

留別公安大易沙門

杜甫

隱居欲就廬山遠
麗藻初逢休上人
數問舟航留製作
長開篋笥擬心神
沙村白雪仍含凍
江縣紅梅已放春
先踏爐峰置蘭若
徐飛錫杖出風塵

東遊留別李叢秀才

許渾

煩君沽酒強登樓
罷唱離歌說遠遊
文字豈勞諸子重
風塵多幸故人憂
數程山路長侵驛
千里家書動隔秋
起凭欄干各垂淚
又驅羸馬向東州

唐詩類苑

卷之二八

三二

重風塵多幸故人憂
數程山路長侵驛
千里家書動隔秋
起凭欄干各垂淚
又驅羸馬向東州

瓜州留別李詡

許渾

泣玉三年一見君
白衣顚顚更離群
楊堤惜別春潮晚
花榭留歡夜漏分
孤館宿時風帶雨
遠帆歸處水連雲
悲歌曲盡莫重奏
心遠關河不忍聞

留別田尚書

王建

擬報平生未殺身
難離門館起居頻
不看匣裏欃頭古
猶戀機中錦樣新
一旦甘爲漳岸老
全家却作杜陵人
朝天路在驪山下
專望紅旗拜舊塵

擬報平生未殺身
難離門館起居頻
不看匣裏欃頭古
猶戀機中錦樣新
一旦甘爲漳岸老
全家却作杜陵人
朝天路在驪山下
專望紅旗拜舊塵

擬報平生未殺身
難離門館起居頻
不看匣裏欃頭古
猶戀機中錦樣新
一旦甘爲漳岸老
全家却作杜陵人
朝天路在驪山下
專望紅旗拜舊塵

赴職梓潼留別畏之員外同年

李商隱

佳兆聯翩遇鳳凰，雕文羽帳紫金牀。
桂花香處同高第，柿葉翻時獨悼亡。
烏鵲失棲長不定，鴛鴦何事自相將。
京華廣蜀三千里，送到咸陽見夕陽。

欲遊嵩嶽留別李少尹益賈島

孤策遲迴洛水湄，孤禽嘹唳幸人知。
嵩嶽望中常待我，河梁欲上未題時。
新秋愛月愁多雨，古觀逢仙看盡基。
微眇此來將敢問，鳳凰何日定一作始歸池。

南康夜宴東溪留別郡守陸郎中

唐詩類苑

卷之三百八

張嶺

飄然野客才無取，多謝君侯獨見知。
竹葉樽前教駐樂，桃花紙上待君詩。
香迷蛺蝶投紅燭，舞拂蒹葭沒翠帷。
明發別愁何處去，片帆天際酒醒時。

醉中留別襄州李相公韓愈

濁水汗泥清路塵，還曾同制掌絲綸。
眼穿長訝雙魚斷，耳熱何辭數爵頻。
銀燭未銷窓送曙，金釵半醉座添春。
知公不久歸鈞軸，應許閒官寄病身。

韶州留別張使君韓愈

往來再逢梅柳新，別離一醉綺羅春。
久欽江惣文才

妙自歎虞翻骨相，屯鳴笛急吹催落日。
清歌緩送感行人，已知奏課當徵拜。
那復淹留詠白蘋。

龍門留別道友

劉滄

一顧恩深荷道安，獨垂雙淚下巖巖。
鸞飛鳴北鴈寒雲，暮搖落西風關樹寒。
春谷終期吹羽翼，萍身不定逐波瀾。
徘徊徧起舊枝戀，半夜獨吟孤燭殘。

入關留別主人

劉滄

此來多愧食魚心，東閣將辭強一吟。
羸馬客程秋草合，晚暉關樹古槐深。
風生野渡河聲急，鴈過寒原嶽勢侵。
對酒相看自無語，幾多離思入瑤琴。

唐詩類苑

卷之三百八

留別山中友人

劉滄

欲辭松月戀知音，去住多同羈鳥心。
秋盡書牕驚白髮，晚衡霜葉下青岑。
大河風急寒聲遠，高嶺雲開夕影深。
別後寂寥無限意，野花門路草蟲吟。

留別崔潯秀才昆仲

劉滄

汶陽離思水無窮，去住情深夢寐中。
歲晚蟲鳴寒露草，日西蟬噪古槐風。
川分遠嶽秋光靜，雲盡遙天霽色空。
對酒不能傷此別，尺書憑鴈往來通。

赴職單于留別闕下知己羅鄴

職忝翩翩逐建牙，笑騎征騎入胡沙。
定將千里書憑

秋晚歸廬山留別道友 周賀

初秋留別越中幕客

唐詩類苑

留別微之

留別宗人太守郎中邁
滕倪

西湖留別

征途行色慘風煙杜鵑啼血管絃翠黛不須留五

馬皇恩只許住三年綠藤陰下鋪歌席紅藕花中泊
妓船處處迴題盡堪戀就中難別是湖邊

卷之百八

三五

唐詩類苑卷第一百九

明雲間張之象玄超甫纂輯

雲間杜士全道執甫編次

雲間王微叔朗甫補訂

梁谿曹仁孫伯安甫校正

人部

贈別

贈別高三十五

李頎

五十無產業心輕百萬資屠酤亦與群不問君是誰
飲酒或垂釣狂歌兼詠詩焉知漢高士莫識越鴟夷

唐詩類苑

卷之百九

十一

寄跡棲霞山蓬頭睢水湄忽然辟命下衆謂趨丹墀
沐浴着賜衣西來馬行遲能令相府重且有函關期
龜倪從寸祿舊遊梁宋時瞻瞻邑中吏相候鬢如絲
官舍柳枝靜河梁杏葉滋摘芳雲景晏把手秋蟬悲
小縣情未愜折腰君莫辭吾觀主人意不久召京師

贈別穆元林

李頎

貳職久辭滿藏名三十年丹墀策頻獻白首官不遷
明主日徵士吏曹何忽賢空懷濟世業欲棹滄浪船
舉酒洛門外送君春海邊彼鄉有令弟小邑試烹鮮
轉浦雲壑媚涉江花鳥連綠芳暗楚水白鳥飛吳煙

贈曠亦奚貴亂流期復旋金閨會通籍生事豈徒然

贈別舍人弟臺卿之江南 李白

去國客行遠還山秋夢長梧桐落金井一葉飛銀牀
覺罷覽明鏡鬢毛颯已霜良圖委蔓草古貌成枯桑
欲道心下事時人疑夜光因爲洞庭葉飄落之瀟湘
令弟經濟士謫居我何傷潛虬隱尺水著論譚興亡
客遇王子喬口傳不死方入洞過天地登真朝玉皇
吾將撫爾背揮手遂翱翔

贈李十五丈別

杜甫

峽人鳥獸居其室附層巔下臨不測江中有萬里船

唐詩類苑

卷之百九

十一

多病紛倚薄少留改歲年絕域誰慰懷開顏喜名賢
孤陋忝末親等級敢比肩人生意氣合相與襟袂連
一日兩遣僕三日一共延揚論展寸心壯筆過飛泉
玄成美價存子山舊業傳不聞八尺軀常受衆目憐
吾爲苦辛行蓋被生事牽北迴白帝棹南入黔陽天
汧公制方隅適出諸侯先封內如太古時危獨蕭然
清高金莖露正直朱絲絃昔在堯四嶽今之黃穎川
于邁恨不同所思無由宣山深水增波解榻秋露懸
客遊雖云久亦思月再圓晨集風渚亭醉操雲嶠篇
丈夫貴知己歡罷念歸旋

贈別賀蘭鈺

杜甫

黃雀飽野粟群飛動荆榛今吾抱何恨寂寞向時人
老驥倦驤首蒼鷹愁易馴高賢世未識固合嬰饑貧
國步初反正乾坤尚風塵悲歌鬢髮白遠赴湘吳春
我戀岷下芊君思千里尊生離與死別自古鼻酸辛
奉和權相公行次臨關驛逢鄭僕射相公歸
朝俄頃分途因以奉贈詩十四韻

元稹

帝下赤霄符搜求造化爐中台歸內座太一直南都
黃霸乘輅入王尊叱馭超萬人東道送六轡北風驅

唐詩類苑

卷之百九

三

棧閣纔傾蓋關門已合繡貫魚行選迤交馬語踟躕
去速熊羆兆來馳虎豹夫昔憐三易地今訝兩分途
別路環山雪離章運寸珠鋒鉞斷犀兕波浪沒蓬壺
區宇聲雖動淮河孽未誅將軍遙策畫師氏密計謨
漠上壇仍築褒西陣再圖公方先二虜何暇進愚儒
荆南贈別李肇著作轉韻詩

王建

輝天復耀地再為歌詠始素傳學道徒清門有君子
文瀾瀉潺湲德峰來壘壘兩京二十年投食公卿作
卿間封章既不下故舊多慙顏賣馬市耕牛却歸湘

浦山麥收蠶上簇衣食應豐足碧澗伴僧禪秋山對

雨宿且歡身體遙幸免纓組束上宰鎮荊州敬重同
歲遊歡逢通世友簡授畫戎籌遲遲就公食愴愴別
野表主人開宴席禮數無形迹醉笑或顛吟發譚皆
損益臨釐理芳鮮升堂引賓客早歲慕嘉名遠思今
始平孔門忝同轍潘館幸諸甥自知再婚娶豈望為
親情欣欣還切切又二千里別楚筆防寄書蜀茶憂
遠熱關山足重疊會合何時節莫歡各從軍且愁岐
路分美人停玉指離愁不中聞爭向巴山夜猿聲滿
碧雲

唐詩類苑

卷之二九

四

贈別崔五

白居易

朝送南去客暮迎北來賓孰云當大路少遇心所親
勞者念息肩熱者思濯身何如獨愁日忽見平生人
平生已不淺是日重殷勤問從何處來及此江亭春
江天春多陰夜月隔重雲攜尊樹間飲燈照花紛紛
一會不易得餘事何足云明旦又分手今夕且懽忻

將歸贈孟東野房蜀客

韓愈

君門不可入勢利互相推借問讀書客胡為在京師
舉頭未能對閉眼聊自思倏忽十六年終朝苦寒饑
宦途竟寥落鬢髮坐差池潁水清且寂箕山坦而夷

如今便當去咄咄無自疑

贈別元十八協律六首 韓愈

知識久去眼吾行其既遠膏肓莫省默然但寢飯
子兮何爲者冠珮立憲憲何氏之從學蘭蕙已滿院
於何翫其光以至歲向晚治惟尚和同無俟於譽譽
或師絕學賢不以藝自輓子兮獨如何能自媚婉婉
金石出聲音宮室發闕捷何人識章甫而知駿蹄踠
於阮惜乎吾無居不得留息偃臨當背而時裁詩示
縫綬

二

唐詩類苑 卷之百九

五

英英桂林伯實惟文武特遠勞從事賢來吊逐臣色
南裔多山海道里屢紆直風波無程期所憂動不測
子行誠艱難我去未窮極臨別且何言有淚不可拭

三

吾友柳子厚其人藝且賢吾未識子時已覽贈子篇
寤寐想風采于今已三年不意流寓路旬日同食眠
所聞昔已多所得今過前如何又須別使我抱悵悵

四

勢要情所重排斥則埃塵骨肉未免然又况四海人
疑疑桂林伯矯矯義勇身生平所未識待我逾交親

遺我數幅書繼以藥物珍藥物防瘴癘書勸養形神
不知四罪地豈有再起辰窮途致感激肝膽還輪囷

五

讀書患不多思義患不明足已患不學既學患不行
子今四美具實大華亦榮王官不可闕未宜後諸生
嗟我擯南海無由助飛鳴

六

寄書龍城守君驥何時秣峽山逢颶風雷電助撞梓
切沒乘潮簸扶胥近岸指一髮兩巖雖云牢木石互
飛發屯門雖云高亦映波浪沒余罪不足惜子生未

唐詩類苑 卷之百九

六

宜忽胡爲不忍別感謝情至骨

贈姚怱別

孟郊

美人廢琴瑟不是無巧彈聞君郢中唱始覺知音難
驚蓬無還根馳水多分瀾倦客厭出門疲馬思解鞍
何以寫此心贈君握中丹

贈竟陵盧使君虔別

孟郊

赤日千里火火中行子心執不苦焦灼所行爲貪侵
山水豈無涼猛獸蹲清陰歸人憶平坦別路多嶮巇
賴得竟陵守時聞建安吟贈別折楚芳楚芳搗衣襟

送沈處士赴蘇州李中丞招以詩贈行

杜牧

山城樹葉紅下有碧溪水溪橋向吳路酒旗誇酒美
下馬此送君高誦爲君醉念君抱材能百工在城墜
空山三十年度裴挂牕睡自言隴西公飄然我知已
舉酒屬吳門今朝爲君起懸弓三百斤囊書數萬紙
戰賊卽戰賊爲吏卽爲吏盡我所有無惟公之指使
予曰隴西公滔滔大君子常思掄群材一爲國家治
譬如匠見木礪眼皆不棄大者簾十圍小者細一指
拊^{先結}切^{與棟梁施之皆有位忽然豎明堂一揮立}
能致予亦何爲者亦受公恩紀處士常有言殘廢爲

唐詩類苑

卷之百九

七

大豕常恨兩手空不得一馬筆今依隴西公如虎傳
兩翅公非刺史材當坐巖廊地處士魁竒姿必展平
生志東吳饒風光翠巘多名士疎煙疊疊秋獨酌平
生思因書問故人能忘批紙尾公或憶姓名爲說都
憔悴

贈別東陽客

嚴維

明月雙溪水春風八詠樓少年爲客處今日送君遊

旅行贈馮著

李端

旅行雖別路日暮各思歸欲下今朝淚知君亦濕衣

贈別司空曙

盧綸

有月曾同賞無秋不共悲如何與君別又是菊花時

贈別二首

柳柳

江浦程千里離樽淚數行無論吳與楚俱是客他鄉

二

何處最悲辛長亭臨古津往來舟楫路前後別離人

還京贈別

盧照隣

風月清江夜山水白雲朝萬里同爲客三秋契不凋
戲鳥分斷岸歸騎別高標一去仙橋道遠望錦城遙

贈別江頭

萬齊融

東南飛鳥處言是故鄉天江上風花晚君行定幾千

唐詩類苑

卷之百九

八

計程頻破月數別屢開年明歲潯陽水相思寄採蓮

廣陵贈別

李白

玉瓶沽美酒數里送君還繫馬垂楊下銜杯大道間
天邊看綠水海上見青山興罷各分袂何須醉別顏

贈別鄭判官

李白

鼠逐勿復哀慙君問寒灰浮雲本無意吹落章華臺
遠別淚空盡長愁心已摧二年吟澤畔顚顚幾時迴

贈韋贊善

杜甫

扶病送君發自憐猶不歸祗應盡客淚復作掩荆扉
江漢故人少音書從此稀往還二十載歲晚寸心違

贈別何邕

杜甫

生死論交地何由見一人悲君隨燕雀薄宦走風塵
綿谷元通漢沱江不向秦五陵花滿眼傳語故鄉春

京口贈崔固

周賀

積雨晴時近西風葉滿泉相逢嵩嶽客共聽楚城蟬
宿館橫秋島歸帆遠漲田別多還寂寞不似剡中年

江亭贈別

馬戴

長亭晚送君秋色渡江濱衰柳風難定寒濤雪不分
援聲離楚峽帆影入湘雲獨汎扁舟夜山鐘可臥聞

贈別北客

馬戴

唐詩類苑

卷之二百九

九

君生游俠地感激氣何高飲盡玉壺酒贈留金錯刀
鴈關飛霰雪鯨海落雲濤決去如征鳥離心空自勞

贈別江客

馬戴

湘中有岑穴君去挂帆過露細蒹葭廣潮迴島嶼多
汀洲延夕照楓葉墜寒波應使同漁者生涯許釣歌

贈別

儲嗣宗

蘭澤傷秋色臨風遠別期東城草雖綠南浦柳無枝
直道豈易枉暗投誰不疑因君問行役有淚濕江籬

赴江西湖上贈皇甫曾之宣州

劉長卿

莫恨扁舟去川途我更遙東西潮渺渺離別雨蕭蕭
流水通春谷青山過板橋天涯有來客遲爾訪漁樵

贈別山友

張翥

從容無限意不獨爲離群年長驚黃蝶時清厭白雲
舊山迴馬見寒瀑別家聞相與存吾道窮通各自分

早春友人訪別南歸

李洞

南歸來取別窮巷坐青苔一盞薄醪酒數枝零落梅
潮生楚驛閉一作星在越樓開明日望君處前臨風月臺

贈別盧司直之閩中

劉長卿

唐詩類苑

卷之二百九

十一

爾來多不見此去又何之華髮同今日流芳似舊時
洲長春色遍漢廣夕陽遲歲歲王孫草空憐無處期

贈別皇甫曾

僧靈一

幽人從遠嶽過客愛春山高駕能相送孤遊且未還
紫苔封井石綠竹掩柴關若到雲峰外齊心去住間

贈別

鄭谷

南游曾共游相別倍相留行色迴燈曉離聲滿竹秋
穩眠彭蠡浪好醉岳陽樓明日逢佳景爲君成白頭

就州逢侯釗同尋南觀因贈別

時居停務

盧綸

相見翻惆悵應憐青廢官過深慙祿在識淺類刑寬
獨失耕農業同思弟姪懼衰貧羞客過卑束會君難
放鶴登雲壁澆花遶石壇興還江海上跡在是非端
林密風聲細山高雨色寒悠然此中別賓僕亦闌干

贈別張駙馬

戎昱

上元年中長安陌見君朝下欲歸宅飛龍騎馬三十
四玉勒雕鞍照初日數里衣香逐撲人長衢雨歇無
纖塵從奴斜抱敕賜錦雙轡出金麒麟天子愛婿
皇后弟獨步明時負權勢一身扈蹕承殊澤甲第朱
門聳高戟鳳凰樓上伴吹簫鸚鵡杯中醉留客泰去

唐詩類苑

卷之百九

十一

否來何足論宮中宴駕人事翻一朝負譴辭丹闕五
年待罪湘江源冠冕淒涼幾遷改眼看桑田變成海
華堂金屋別賜人細眼黃頭總何在清官相見寸心
悲嬾欲今時問昔時看君風骨殊未歇不用愁來雙
淚垂

東平蓬萊驛夜宴平盧楊判官醉後留別姚

太守置酒留宴

獨孤及

驛樓漲海濤秋月寒城邊相見自不足况逢主人賢
夜清酒濃人如玉一斗何啻直十千木蘭為樽金為
杯江南急管盧女絃齊童如花解郢曲起舞激楚歌

採蓮固知別多相逢少樂極哀至心嬋娟少留莫辭
醉前路方悠然明日分飛倘相憶祇應遙望西南天

贈別微之并序

白居易

十年三月三十日別微之于澧上十四年三月十
一日夜遇微之于峽中停舟夷陵三宿而別言不
盡者以詩終之因賦七言十七韻以贈且欲寄所
遇之地與相見之時為他年會話張本也

澧水店頭春盡日送君上馬謫通川夷陵峽口明月
夜此處逢君是偶然一別五年方見面相攜三宿未
迴船坐從日暮唯長歎語到天明竟未眠齒髮蹉跎

唐詩類苑

卷之百九

十一

將五十關河迢遞過三千生涯共寄滄江上鄉國俱
拋白日邊往事渺茫都似夢舊游零落半歸泉醉悲
灑淚春杯裏吟苦支頤曉燭前莫問龍鍾惡官職且
聽清脆好文篇別來只是成詩癖老去何曾更酒顛
各限王程須去住重開離宴貴留連黃牛渡北移征
棹白狗崖東別卷筵神女臺雲閑繚繞使君灘水急
潺湲風淒淒色愁楊柳月弔宵聲哭杜鵑萬丈赤幢
潭底日一條白練峽中天君還秦地辭炎徼我向忠
州入瘴煙未死會應相見在又知何地復何年

自宣州赴官入京路逢裴坦判官歸宣州因

題贈

杜牧

敬亭山下百頃竹中有詩人小謝城城高跨樓滿金
碧下聽一溪寒水聲梅花落徑香繚繞雪白玉璫花
下行縈風酒旆挂朱閣半醉遊人聞弄笙我初到此
未三十頭腦彭利筋骨輕畫堂檀板秋拍碎一引有
時聯十觥老閒腰下丈二組塵土高懸千載名重遊
鬢白事皆改唯見東流春水平對酒不敢起逢君還
眼明雲疊看人捧波臉任他橫一醉六十日古來聞
阮生是非離別際始見醉中情今日送君話前事高
調引劍還一傾江湖酒伴如相問終老煙波不計程

唐詩類苑

卷之百九

十三

餘干贈別張二十二侍御 權德輿

蕪城陌上春風別於越亭邊歲暮逢驅車又愴南北
路返照寒江千萬峰

贈別

項斯

魚在深泉鳥在雲從來只得影相親他時縱有逢君
處應作人間白髮身

贈別李紛

盧綸

頭白乘驢懸布囊一迴言別淚千行兒孫滿眼無歸
處唯到樽前似故鄉

贈別二首

杜牧

娉娉裊裊十三餘荳蔻梢頭二月初春風十里揚州
路卷上珠簾總不知

多情却似總無情唯覺樽前笑不成蠟燭有心還惜
別替人垂淚到天明

贈別

李昌符

又將書劍出孤舟盡日停撓結遠愁莫道江波話離
別江波一去不迴頭

冬夜贈別友人

盧綸

愁聽千家流水聲相思獨向月中行侵墻暗草寒霜
重遍郭寒山夜月明連年客舍唯多病數畝田園又

唐詩類苑

卷之百九

十四

廢耕更送乘輶歸上國應憐禹貢未成名

贈別劉員外長卿

耿漳

清如寒玉直如絲世故多虞事莫期建德津亭人別
夜新安江水月明時爲文易老皆知苦謫宦無名倍

足悲不學朱雲能折檻空羞獻納在丹墀

贈別楊員外巨源

元稹

憶昔西河縣下時青山顙領宦名卑掄揚陶令緣求
酒結託蕭娘只在詩朱紫衣裳浮世重蒼黃歲序長

年悲白頭後會知何日一盞煩君不用辭

衡陽與夢得分路贈別

柳宗元

十年顛顛到秦京誰料翻爲嶺外行伏波故道風煙在翁仲遺墟草樹平直以憶疎招物議休將文字占時名今朝不用臨河別垂淚千行便濯纓

東陽贈別

韋莊

繡袍公子出旌旗送我搖鞭入翠微大抵行人難訴酒就中辭客易沾衣去時此地題橋去歸日何年佩印歸無限別情言不得回看溪柳恨依依

話別

秋夕與王處士話別

崔塗

微燈照寂寥此夕正迢迢丹桂得已晚故山歸尚遙

唐詩類苑

卷之百九

十五

蟲聲移暗壁月色動寒條此去如真隱期君試一瓢

入蜀赴舉秋夜與先生話別

崔塗

欲愴哦喟別中宵寢不能聽殘池上雨吟盡枕前燈失計方期隱修心未到僧雲門一萬里應笑又擔簦

秋夕與友話別

崔塗

懷君非一夕今夕倍堪悲華髮猶漂泊滄洲又別離冷禽棲不定衰葉墮無時况值干戈隔相逢未可期

秋日與友生言別

李咸用

利名心未已離別恨難休爲箇文儒素致多岐路秋

數花離菊晚片葉并梧秋又決出門計一樽期少留

商驛與于韞玉話別

羅隱

爾朝徐庾流洛下憶同遊酒採閑坊菊山登遠寺樓相思勞寄夢偶別已經秋還被青青桂催君不自由

春日與友人話別

羅鄴

酌坐對芳草東風吹旅衣最言驅馬倦自未有山歸華髮時將逼青雲計又非離襟一沾灑迴首正殘暉

與崔弁話別

周賀

歸思緣平澤齋夜話遲人尋馮翊去草向建康衰

雨雪生中路干戈阻後期幾年方見面應是鐫蒼髭

唐詩類苑

卷之百九

十六

吳州月夜與曹太尉話別

李頻

早晚更看吳苑月西齋長憶月當窻不知明夜誰家

見應照離人隔楚江

與徐溫話別

方干

去去何時却見君悠悠煙水似天津明年今夜有明

月不是今年看月人

酬別

酬別薛三蔡大留簡韓十四主簿

高適

迢遞辭京華辛勤異鄉縣登高俯滄海迴首淚如霰

同人久離別失路還相見薛侯懷直道德業應時選
蔡子負清才當年擢賓薦韓公有奇節詞賦凌群彥
讀書嵩岑間作吏滄海甸伊余寡棲託感激多慍見
縱誕非爾情漂淪任疵賤忽枉瓊瑤作乃深平生眷
始謂吾道存終嗟客遊倦歸心無晝夜別事除言宴
復值涼風時蒼茫夏雲變

酬別蔡十二見贈

權德輿

伊人茂天爵恬憺臥郊園傲世方隱几說經久顓門
浩歌曳柴車詎羨丹轂尊嚴霜被鶉衣不知狐白溫
游心義文際愛我相討論潢汙忽朝宗傳騎令載奔

唐詩類苑

卷之二九

十七

崢嶸歲陰晚愀愴離念繁別館綠桐清寒郊煙雨昏
中飲見逸氣縱譚窮化元佇看公車起聖代待乞言
洛陽河亭奉酬留守群公追送

李益

離亭餞落暉臘酒減春衣歲晚煙霞重川寒雲樹微
戎裝千里至舊路十年歸還似汀洲鴈相逢又背飛

酬田卿送西遊

馬戴

華堂開翠簾惜別玉壺深客去當煩暑蟬鳴復此心
廢城喬木在古道濁河侵莫慮西遊遂西關絕隴陰

酬別令狐補闕

李商隱

惜別夏仍半迴途秋已期那修直諫草更賦贈行詩
錦段知無報青萍肯見疑人生有通塞公等繫安危
警露鶴辭侶吸風蟬抱枝彈冠如不問又到掃門時

答太原從軍楊員外送別

馬戴

君將海月珮贈之光我行見知言不淺懷報意非輕
反照臨岐思中年未達情河梁人送別秋漢鴈相鳴
衰柳搖邊吹寒雲冒古城西遊還獻賦應許託平生

酬樂天重寄別

元稹

却報君侯聽苦辭老頭拋我去何之武牢關外雖分
手不似如今衰白時

唐詩類苑

卷之二九

十八

道州酬送何山人之容州 呂溫
匣有青萍筒有書何門不可曳長裾應須定取真知
者遣對明君說子虛

酬別留後侍郎

韓愈

爲文無出相如右謀帥難居卻穀先歸去雲消溱洧
動西來旌旆拂晴天

酬別周從事二首

白居易

腰痛拜迎人客倦眼昏勾押簿書難辭官歸去綠衰
病莫作陶潛范蠡看

洛下田園久拋擲吳中歌酒莫留連高陽雲樹伊川

月已校歸遲四五年

晚至宣溪辱韶州張端公使君惠書叙別酬

以絕句二章

韓愈

韶州南去接宣溪雲水蒼茫日向西客淚數行元自落鷓鴣休傍耳邊啼

兼金那足比清文白首相隨愧使君俱是嶺南巡管內莫欺荒僻斷知聞

酬吳秀才雪川相送

韋莊

一葉南浮去似飛楚鄉雲水本無依離心不忍聞春鳥病眼何堪送落暉慘袂客從花下散棹舟人向鏡

唐詩類苑

卷之百九

九

中歸夫君別我應惆悵十五年來識素衣

再授連州至衡陽酬贈別 柳宗元

去國十年同赴召湘江千里又分岐重臨事異黃丞相三黜名慙柳士師歸目併隨迴鴈盡秋腸正遇斷猿時桂江東過連山下相望長吟有所思

尹河南酬別樂天夢得

馮宿

共稱洛邑難其選何幸天書用不才遙約和風新草木且令新雪靜塵埃臨岐有愧傾三省別酌無辭醉百盃明歲杏園花下集須知春色自東來

浙東龍府西歸道經吳中廣文張博士皮先

輩陸秀才皆以雅篇相送不量荒詞亦用

酬別

李穀

豈有頭風筆下痊浪成蠻語向初筵蘭亭舊趾雖曾見柯笛遺音更不傳照耀文星吳分野留連花月晉名賢相逢只恨相知晚一曲驪歌又幾年

酬別微之

白居易

澧頭峽口錢塘岸三別都經二十年且喜筋骸都健在勿嫌鬢鬢各皤然君歸北闕朝天帝我住東京作地仙博望自來非棄置承明重入莫拘牽醉收孟杓停燈語寒展衾裯對枕眠猶被分司官繫絆送君不

唐詩類苑

卷之百九

二十

得過耳泉

寄別

寄別李儋

韋應物

首戴惠文冠心有決勝籌翩翩四五騎結束向并州名在相公幕一作府丘山恩未酬妻子不及顧親友安得留宿昔同文翰交分共綢繆忽枉別離札涕淚一交流遠郡臥殘疾一作雨涼氣滿西樓想子臨長路時當淮海秋

十年一相見世路信多岐雲雨易分散山川長間之

我銜鳳闕恩按獄橋山睡君在龍驤府掌奏羽檄詞
相去百餘里魂夢自相馳形容在胸臆書札通相思
煩君愛我深輕車忽載脂塞門秋色老霜氣方凝姿
此地少平川岡阜相參差誰知路非遠行者多云疲
君能犯勁風信宿凌欹危情親不自倦下馬開雙眉
相對坐沈吟屈指驚歲時萬事且莫問一盃欣共持
鳴鳥忽西傾明蟾挂高枝卷簾引瑤玉滅燭臨霜墀
中庭有疎蘆淅淅聞風吹長河卷雲色凝碧無瑕疵
一言開我懷曠然澹希夷悠悠夜方永冷思偏相宜
眉睫無他人與君閒解題陶然叩寂寞更請吟清詩

唐詩類苑

卷之百九

三

得意且忘言何況竹與絲頃刻過三夕起坐輕四支
明朝告行去慘然還別離出門送君去君馬揚金羈
迴來坐空堂寂寞無人知重重碧雲合何處尋佳期
除官行至昭應聞友人出官因寄

杜牧

賤子來千里明公去一麾可能休涕淚豈獨感恩知
草木秋風後山川落照時如何望故國驅馬却遲遲

將別寄友人

馬戴

帝鄉歸未得辛苦事羈遊別館一罇酒客程千里秋
霜風紅葉寺夜雨白蘋洲長恐此時淚不禁和恨流

再赴桂州先寄李大夫戎昱
玷玉甘長棄朱門喜再遊過因謾後重恩合死前酬
養驥須憐瘦栽松莫厭秋今朝兩行淚一半血和流
酬皇甫冉將赴無錫雲門寄別

僧靈一

湖南通古寺來往意無涯欲識雲門路千峰向若耶
春山子猷宅古木謝敷家自是長俱隱那云相去賒
寄別朱拾遺

劉長卿

天書遠召滄浪客幾度臨岐病未能江海茫茫春欲
遍行人一騎發金陵

唐詩類苑

卷之百九

三

重寄別微之

白居易

憑仗江波寄一辭不須惆悵報微之猶勝往歲峽中
別灩澦堆邊招手時

赴安南却寄台司

高駢

曾驅萬馬靜江山風去雲迴頃刻聞今日海門南
事莫教還似鳳林關

奉寄別馬巴州

杜甫

勲業終歸馬伏波功曹非復漢蕭何扁舟繫纜沙邊
久南國浮雲水上多獨把漁竿終遠去難隨鳥翼一
相過知君未愛春湖色與在驪駒白玉珂

別表兄軍倅

并序

許渾

予祇命南海至廬陵逢表兄軍倅奉使淮海別後
却寄是詩

盧橘花香拂釣磯佳人猶舞越羅衣三洲水淺魚來
少五嶺山高鴈到稀客路晚依紅樹宿鄉關朝望白
雲歸交親不念征南吏一作客昨夜風帆去似飛

將赴荆南寄別李劍州弟

杜甫

使君高義驅今古寥落三年坐劍州但有文翁能化
俗焉知李廣不封侯路經灩澦雙蓬鬢天入滄浪一
釣舟戎馬相逢更何日春風回首仲宣樓

唐詩類苑

卷之百九

主

宴別

宴別幼遐與君貺兄弟

韋應物

乖闕一作闕意方一作云弭安知忽來翔累日重歡宴一

旦復離傷置酒慰茲夕秉燭坐華堂契濶未及展晨

星出東方征人慘已辭車馬儼成一作來裝我懷自無

懽原野滿春光一作芳群水含時澤野雉鳴朝陽平生

有壯志不覺淚沾裳況自守空宇日夕但彷徨

江上燕別

許渾

雲物如故鄉山川異岐路年來未歸客馬上春欲暮
一樽花下酒殘日水西樹不待管絃終搖鞭背花去

巫山縣汾州唐十八使君弟宴別兼諸公攜

酒樂相送率題小詩留于屋壁

杜甫

臥病巴東久今年強作歸故人猶遠謫茲日倍多違
接宴身兼杖聽歌淚滿衣諸公不相棄擁別借光輝

雪上宴別

許渾

山斷水茫茫洛人一作賓西路長笙歌留遠棹風雨寄

華堂紅壁耿秋燭翠簾一作簾凝曉香誰堪從此去雲

樹滿陵陽

秋宵燕別盧侍御

朱慶餘

唐詩類苑

卷之百九

二十四

風亭絃管絕玉漏一聲新綠茗香醒酒寒燈靜照人
清班無意戀素業本來貧明發青山道誰逢去馬塵

潯陽宴別

白居易

鞍馬軍城外笙歌祖帳間乘潮發湓口帶雪別廬山

暮景牽行色春寒散醉顏共嗟炎瘴地盡室得生還

花下宴送鄭鍊師

戎昱

愁惜春深聞幽卽共尋貴看花裏色圖放別離心

客醉花能笑詩成花伴吟爲君調綠綺先奏鳳歸林

宴餞李員外

并序

許渾

李群之員外從事荆南尚書楊公詔徵赴闕俄爲

淮南相國杜公辟命自漢上舟行至此郡于雲樓
燕罷解纜阻風却回因贈

病守江城眼暫開昔年吳越共銜盃
膺舟出鎮虛陳榻鄭履還京下隄
臺雲葉漸低朱閣掩浪花初起盡
橋回心期解印同君醉九曲池西望月來

將爲南行陪尚書崔公宴海榴堂

許渾

朝燕華堂暮未休幾人偏得謝公留
風傳鼓角霜侵戟雲卷笙歌月上樓
賓館盡開徐穉榻客帆空戀李膺舟
謾誇書劍無歸處水遠山高步步愁

唐詩類苑

卷之一百九

三五

潁州從事西湖亭燕餞

許渾

西湖清燕不知回一曲離歌酒一盃
城帶夕陽聞鼓角寺臨秋水見樓臺
蘭堂客散蟬猶噪桂楫人稀鳥自來
獨想征車過輦洛此中霜菊遠潭開

別張秀才

并序

許渾

余與張秀才同出關至少府余取南道至洛下張
由北路抵江東因幕中燕餞遂賦詩以別

不知何計寫離憂萬里山川半舊遊
風捲暮沙和雪起日融春水帶水流
凌晨客淚分東郭竟夕鄉心共北樓
青桂一枝年少事莫因鱸膾涉窮秋

南海府罷南康阻淺行侶稍稍登陸主人燕
餞至頻暮宿東溪

許渾

暗灘水落漲虛沙灘去秦吳萬里賒
馬上一折殘江北柳舟中開盡嶺南花
離歌不斷如留客歸夢初驚似到別家
山鳥一聲人未起半牀春月在天涯

江樓宴別

白居易

樓中別曲催離酌燈下紅裙間綠袍
縹緲楚風羅綺薄鐙鏦越調管絃高
寒流帶月澄如鏡夕吹和霜利似刀
樽酒未空歡未盡舞腰歌袖莫辭勞

餞駱四得鐘字二首

駱賓王

唐詩類苑

卷之一百九

三五

平生何以樂斗酒夜相逢曲中驚別緒
醉裏失愁容星朗懸秋漢風香入曙鐘
明日臨溝水青山幾萬重

二

甲第驅車入良宵秉燭遊人追竹林會
酒獻菊花秋霜吹飄無已星河漫不流
重嗟歡賞地翻召別離憂

唐詩類苑卷之一百九終

唐詩類苑卷第一百十

明雲間張之象玄超甫纂

雲間杜士全道執甫編次

雲間王徹叔朗甫補訂

梁谿曹仁孫伯安甫校正

人部

遊覽

冬日遊覽

王維

步出城東門試騁千里目青山橫蒼林赤日團平陸
渭北走邯鄲關東出函谷秦地萬方會來朝九州牧
唐詩類苑 卷之百十
鷄鳴咸陽中冠蓋相追逐丞相過列侯群公餞光祿
相如方老病獨歸茂陵宿

遊石門墨山二山相連有禪堂觀天下絕境

張說

菌輪江上山近在華容縣常涉巴丘首天晴遙可見
佳遊屢前諾芳月愆幽眷及此符守移歡言臨道便
既攜賞心客復有送行掾竹徑入陰窅松崖上空清
草共林一色雲與峰萬變探窺石門斷緣越沙間轉
兩山勢爭雄峰巘相顧盼藥妙靈仙寶境華巖壑選
清都西淵絕金地東敞宴池泉投園畦風煙邇臺殿

高尋去石頂曠覽天宇遍千山紛滿目百川對面

騎來雲飛迎人去鳥聲戀長揖桃源士舉世同企羨

和張監遊終南

張說

宿懷終南意及此語雲峰夜聞竹澗靜曉望林嶺重

春煙生古石時鳥戲幽松豈無山中賞但畏心莫從

遊敬亭寄崔侍御

李白

我家敬亭下輒繼謝公作相去數百年風期宛如昨

登高素秋月下望青山郭俯視鴻鷺群飲啄自鳴躍

夫子雖踴躍瑤臺雪中鶴獨立窺浮雲其心在寥廓

時一顧我笑一飯葵與藿世路如秋風相逢盡蕭索

唐詩類苑 卷之百十

上

屢聞玉貝劍意許無遺諾壯士不可輕相期在雲閣
自梁園至敬亭山見會公稱陵陽山水兼期

同遊因有此贈

李白

我隨秋風來瑤草恐衰歇中途寡名山安得弄雲月
渡江如昨日黃葉向人飛敬亭愜素尚弭棹流清輝
冰谷明且秀陵巒抱江城粲粲吳與史衣冠耀天京
水國饒英奇潛光臥幽草會公眞名僧所在卽爲寶
開堂振白拂高論橫青雲雪山掃粉壁墨客多新文
爲予話幽樓且述陵陽美天開白龍潭月映清秋水
黃山望石柱突兀誰開張黃鶴久不來予安在蒼茫

東南焉可窮山鳥飛絕處稠疊千萬峰相連入雲去
聞此期振策歸來空閉關相思如明月可望不可攀
何當移白足早晚凌蒼山且寄一書札令予解愁顏

龍門遊眺

韋應物

鑿山導伊流中斷若天關都門遙相望佳氣生朝夕
素懷出塵意適有攜手客精舍繞一層阿千龕鄰
一作峭壁緣雲路猶緬憩澗鐘已寂花樹發煙華淙
流散石脉長嘯招遠風臨潭漱金碧日落望都城人
間何役役一作徘徊還駕城關多物役

洛都遊寓

韋應物

唐詩類苑 卷之百十

三

東風日已和元化亮無私草木同時植生條有高卑
罷官守園廬豈不懷渴饑窮通非所干跼促當何爲
佳辰幸可遊親友亦相追朝從華林宴暮返東城期
掇英出蘭皋翫月步川坻軒冕誠可慕所憂在繫維

送蘇倩遊天台

張子容

靈異尋滄海笙歌討翠微江一作水鷗迎近一作共狎雲
鶴待將飛琪樹攀一作嘗仙果瓊樓試羽衣遙知神女

問獨怪阮郎歸

送張綰遊鍾陵

羅隱

南憶龍砂兩岸行當時天下尚清平醉眠野寺花方

落吟得江樓月欲明老去亦知難重到亂來爭肯不
牽情西山十二真人在從此煩君話姓名

遊陸渾南山自歇馬嶺到楓香林以詩代書

答李舍人適

宋之問

晨登歇馬嶺遙望伏牛山孤出群峰首巖熊元氣間
太和亦崔嵬石扇橫閃候細岑互攢倚浮嶽競奔蹙
白雲遙入懷青雲近可拘徒尋靈異迹周顧愜心目
晨拂鳥路行暮投人煙宿間關踏雲雨繚繞綠水木
西見商山芝南到楚鄉竹楚竹幽且深半雜楓香林
浩歌青潭曲寄爾桃源心

唐詩類苑 卷之百十

四

遊輞川至南山寄谷口王十六

錢起

山色不厭遠我行隨處深蹟幽青蘿逕思絕孤霞岑
獨鶴引過浦鳴猿呼入林褰裳百泉裏一步一清心
主子在何處隔雲鷄犬音折麻定延佇乘月期招尋
陪王侍御同登東山最高頂宴姚通泉曉攜

酒汎江

杜甫

姚公美政誰與儔不減昔時陳太丘邑中上客有杜
更多暇日陪驄馬遊東山高頂羅珍羞不顧城郭銷
我憂清江白日落欲盡復攜美人登彩舟笛聲慙慙

哀中流妙舞逶迤夜未休燈前往往大魚出聽曲低
昂如有求三更風起寒浪湧取樂喧呼覺船重滿空
星河光破碎四座賓客色不動請公臨深莫相違迴
船罷酒上馬歸人生歡會豈有極無使霜露沾人衣

同樊潤州遊郡東山

皇甫冉

北固多陳迹東山復盛遊鏡聲發大道草色引行騶
此地何時有長江自古流頻隨公府步南客寄徐州

奉和夏日遊山應制

蔡文恭

首夏林壑清薄暮煙霞上連巖聳百仞絕澗臨千丈
照灼晚花鮮潺湲夕流響悠然動慮思息駕尋真賞

唐詩類苑

卷之一百十

五

挾彼渦川作懷茲洛濱想竊吹等齊竿何用承恩獎

春晚從李長史遊開道林故山

駱賓王

幽尋極幽壑春望陟春臺雲光棲斷樹靈影入仙杯
古藤依路上野徑約山隈落葉翻風去流鶯滿樹來

興蘭荀御動歸路起浮埃

自大散以往深林密竹磴道盤曲四五十里

至黃牛嶺見黃花川

王維

危徑幾萬轉數里將三休迴環見徒侶隱映隔林丘
颯颯松上雨潺潺石中流靜言深溪裏長嘯高山頭

望見南山陽白露露悠悠青皋麗已淨綠樹鬱如浮
曾是厭蒙密曠然消人憂

登西南岡卜居遇雨尋竹浪至澧壩紫帶數

至清流茂樹雲物可賞 韋應物

登高創危襟林表見川流微雨颯已至蕭條川氣秋

下尋密竹蓋忽曠沙際遊紆曲水分野綿延稼盈疇

寒花明廢墟樵牧笑榛丘雲水成一作陰澹竹樹更

清幽適自戀佳賞一作幽賞 復茲永日留

同房侍御山園新亭與邢判官同遊

高適

唐詩類苑

卷之一百十

六

隱隱春城外蒙籠陳跡深君子顧榛莽與言傷古今

決河導新流疏逕蹤舊林開亭俯川陸時景宜招尋

肅穆逢使軒黃綠事登臨忝遊芝蘭室還對桃李陰

岸遠白波來氣喧黃鳥吟因覩歌頌作始知經濟心

灌壇有遺風單父多鳴琴誰爲久州縣蒼生懷德音

出境遊山二首

王勃

源水終無路山阿若有人驅羊先動石走兔欲投巾

洞晚秋泉冷巖朝古樹新斜峰連鳥翅疊磴上魚鱗

化鶴千齡早元龜六代春浮雲今可駕滄海自成塵

二

振翩疲霜吹正月佇天澤回鑣凌翠壑飛軫控青岑
巖深靈竈沒澗毀石渠沈宮闕雲間近江山物外臨
玉壇棲暮夜珠洞結秋陰瀟瀟離俗影擾擾望鄉心
誰意山遊好屢傷人事侵

祗役駱口與王質夫同遊秋山

白居易

石擁百泉合雲破千峰開平生煙霞侶此地重徘徊
今日勤王意一半爲山來

出山吟

白居易

朝詠遊仙詩暮歌採薇曲臥雲坐白石山中十五宿
唐詩類老 卷之二十 七

行隨出洞水迴別緣巖竹早晚重來遊心期瑤草綠

送嚴使君遊山

司空曙

家楚依三戶辭州選一錢酒盃同寄世客棹任銷年
赤燒兼山遠青蕪與浪連青春明月夜知上鄂君船

遊仙山

白居易

聞將心地出人間五六年來人怪閑自嫌戀着未全
盡猶愛雲泉多在山

和樂天招錢蔚章看山絕句

元稹

碧落招邀開曠望黃金城外玉方壺人間還有大江

海萬里煙波天上無

遊禹穴廻出若耶

宋之問

禹穴今朝到耶溪此路通著書聞太史鍊藥有仙翁
鶴往籠猶挂龍飛劍已空石帆揺海上天鏡落湖中
水底零露白山邊墜葉紅歸舟何慮晚日暮使樵風

送友人尋越中山水

李白

聞道稽山去偏宜謝客才千巖泉灑落萬壑樹縈迴
東海橫秦望西陵繞越臺湖清霜鏡曉濤白雪山來
八月枚乘筆三吳張翰杯此中多逸興早晚向天台

越中山水

孟郊

唐詩類老

卷之二十

八

自一作覺耳目勝我來山水州蓬瀛若髮髯田野如

泛浮碧嶂幾千遶清泉源一作萬餘流莫窮合沓步孰

盡派別遊越水淨難汚越天陰易收氣鮮無隱物目

視遠更周舉俗媚蕙情連冬頓芳柔菱湖有餘翠茗

圃無荒囁賞異忽已遠探奇誠淹留永言終南色去

矣銷人憂

送無懷道士遊富春山水

一作送別吳
孟郊

造化見一作絕高處富春獨多觀山邊翠瀉灑一作水

折珠摧殘溪鏡不隱髮樹衣長過一作寒風獵度空

飛月狖叫嘯酸信此神仙路一作樂豈為時俗安煮金
陰陽火一作芙蓉水怪星宿壇花發我一作或未識玉生
忽聚攢蓬萊浮蕩漾非道相從難

送紀秀才遊越

李白

海水不滿眼觀濤難稱心即知蓬萊石却是巨鰲簪
送爾遊華頂今余發烏吟仙人居射的道士住山陰
禹穴尋溪入雲門隔嶺深綠蘿秋夜月相憶在鳴琴

送王協律遊杭越十韻

元稹

去去莫悽悽餘杭接會稽松門天竺寺花洞若耶溪
浣渚逢新豔蘭亭識舊題山經秦帝壘墨辨越王棲

唐詩類苑

卷之一百十

九

江樹春常早城樓月易低鏡澄湖面喘雲疊海潮齊
章甫官人戴萼絲姹女提長干迎客關小市隔煙迷
紙亂紅藍壓甌凝碧玉泥荆南無底物來日為儂攜

送姚郎中罷郡遊越

鄭巢

逍遙方罷郡高興接東甌幾處行松逕何時宿石樓
潮聲穿古竇華影在空舟惆悵雲門路無因得從遊

送崔叔清遊越

韋應物

忘茲適越意愛我郡齋幽野情豈好謁詩興一相留
遠水帶寒樹聞門望去舟方伯憐文士無為成滯遊

送李評事遊越

張籍

采習風塵事初為吳越遊露霑湖草晚一作日照海
山秋梅市門何在蘭亭水尚流西陵待潮處知汝不
勝愁

無錫東郭送友人遊越

劉長卿

客路風霜曉郊原春興餘平蕪不可望遊子去何如
煙水乘湖濶雲山逼越初舊都懷作賦古穴覓藏書
碑缺曹娥宅林荒逸少居江湖無限意非獨為樵漁

送友人遊吳

儲嗣宗

吳山清楚吟草色思鄉心一酌水邊酒數聲花下琴
登樓舊國遠探穴九疑深更想逢秋節那堪聞夜碁

唐詩類苑

卷之一百十

十

金陵送張十一再遊東吳

李白

張翰黃花句風流五百年誰人今繼作夫子世稱賢
再動遊吳棹還浮入海船春光白門柳霞色赤城天
去國難為別思歸各未旋空餘賈生淚相顧共悽然

送盧士遊吳越

溫庭筠

羨君東去見殘梅唯有王孫獨未迴吳苑夕陽明古
堞越宮春草上高臺波生野渚鳳初下風滿驛樓潮
乍來試逐漁舟看雪浪幾多江燕荇花開

送王十一郎游剡中

元稹

越州都在浙河灣塵土消沈景象閒百里油盆鏡湖

水千峰鈿朵會稽山軍城樓閣隨高下禹廟煙霞自往還想得玉郎乘畫舸幾回明月墜雲間

送楊暉擢第遊江南

錢起

行人臨水去新詠復新愁萬里高秋月一作孤山遠別時挂帆嚴子瀨酌酒敬亭祠歲晏無芳杜如何寄所思

送夏侯審參軍游江東

李嘉祐

袖中多麗句未遣世人聞醉夜眠江月閒時逐海雲荻花寒漫漫鷗鳥暮群群若到長沙苑漁家更待君

送元八遊汝南

劉長卿

唐詩類苑

卷之百十

十一

元生實奇邁幸此論疇昔刀筆素推高鋒鏖久無敵縱橫濟時意跌宕過人蹟破產供酒錢盈門皆食客田園須失計資用深相迫生事誠可憂嚴裝遠何適世情薄恩義俗態輕窮厄四海金雖多其如向人惜迢遞朗陵遠悵望都門夕向別伊水南行看楚雲隔繁蟬動高柳匹馬嘶平澤潢潦今正深陂湖未澄碧人生不得已自可甘形役勿復樽前酒離居剩懷戚

送喻坦之遊太原

曹松

北鄙征難盡詩愁滿去程廢巢侵燒色荒塚入鋤聲逗野河流濁離雲磧日明并州戎壘地角動引風生

送友人遊河東

項斯

停車曉燭前一語幾潸然路去干戈日鄉遥饑饉年湖波晴見鴈槐驛晚無蟬暮縱經時住東南書信偏

送蘇修遊上饒

崔峒

愛爾無羈束雲山恣意過一身隨遠岫孤棹任輕波世事關情少漁家寄宿多蘆花淺澹處江月奈人何

遊洞庭湖湘

張說

網遶洞庭岫蔥蒙水霞色宛在太湖中可望不可即剖竹守窮渚開門對奇域城池自縈籠纓綬爲徽纆靡日不思往經時始願克飛棹越溟波維舟恣攀陟

唐詩類苑

卷之百十

十二

遊洞庭洞湘

張說

平湖曉望分仙嶠氣氤氳鼓枻乘清渚尋峰弄白雲江寒天一色日靜水重紋樹坐參援嘯沙行入鷺群緣源斑篠密胃徑綠蘿紛洞穴傳虛應楓林覺自薰雙童有靈藥願取獻明君

送顧道士遊洞庭

僧皎然

見說洞庭無上路，春遊亂踏五靈芝。
含桃風起花狼籍，正是仙翁燕散時。

送崔嶠遊瀟湘

賈島

功烈尚書孫，琢磨風雅言。
渡河山鑿處，陟峴漢灘喧。
夢想吟天目，宵同話石門。
楓林葉欲下，極浦月清暎。

送客遊荊州

李嘉祐

草色隨驄馬，悠悠共出秦。
水傳雲夢曉，山接洞庭春。
帆影連三峽，猿聲在四鄰。
青門一分手，難見杜陵人。

遊襄陽泉石晚歸

錢起

唐詩類苑

卷之百十

十三

遊目隨山勝，迴繞愛浦長。
往來幽不淺，昏旦興難忘。
木末看歸翼，蓮西失夕陽。
人聲指閭井，野趣惜林塘。
稍近垂楊路，菱舟擁岸香。

朱坡

林寬

朱坡坡上望，不似在秦京。
漸覺溪山秀，更高魚鳥情。
夜吟禪子室，曉獵獵人鐙。
恃此偷佳賞，九衢蜩未鳴。

遊枋口二首

孟郊

一步復一步，出行千里幽。
爲取山水意，故作寂寞遊。
太行青巔高，枋口碧照浮。
明月無底鏡，泛泛忘機鷗。
老逸不自限，病狂不可周。
空閑饒淡薄，忘玩多淹留。

芳物競晚晚，綠梢挂新柔。
和友鶯相遶，言語亦以稠。
始知萬類然，靜躁難相求。

登我殘病骨，健如一仙人。
鏡中照千里，鏡裏洞百神。
此神日月華，不作尋常春。
三十夜皆明，四時晝恒新。
鳥聲盡依依，獸心亦忻忻。
澄幽出所怪，閔異坐微細。
可來復可來，此地靈相親。

與王貞外涯遊枋口柳溪

孟郊

萬株古柳根，羣此磷磷溪。
野榜多屈曲，仙澗無端倪。
春桃散紅煙，寒竹含晚淒。
曉聽忽以異，芳樹安能齊。
共疑落鏡中，坐汎紅景低。
水意酒易醒，浪情事非迷。

唐詩類苑

卷之百十

十四

小儒峭章句，大賢嘉提攜。
潛竇韻靈瑟，翠崖鳴玉珪。
主人稷卨裔，德茂芝木畦。
鑿出幽隱端，氣象皆昇躋。
曾是清樂抱，逮茲幾省溪。
宴位席蘭草，盞觴驚鳬鷺。
靈味薦飭辦，金花屑橙壺。
江調擺襄俗，洛風遠塵泥。
徒言奏狂狷，詎敢忘筌蹄。

遊湓水

白居易

四月未全熱，麥涼江氣秋。
湖山處處好，最愛湓水頭。
湓水從東來，一派入江流。
可憐似縈帶，中有隨風舟。
命酒一臨帆，捨鞍揚棹謳。
放迴岸傍馬，去逐波間鷗。
煙浪始渺渺，風襟亦悠悠。
初疑上河漢，中若尋瀛洲。

汀樹綠拂地沙草芳未休青蘿與紫葛枝蔓垂相樛
繫纜步平岸迴頭望江州城雉水見隱隱如登樓
日入意未盡將歸復少留到官行半載今日方一遊
此地來何暮可以寫吾憂

遊石龍渦四壁千仞散泉如雨

孟郊

石龍不見形石雨如散星山下晴皎皎山中陰泠泠
水飛林木杪珠綴莓苔屏蓄異物皆別當展景欲暝
泉芳春氣碧松月寒色青陰力此獨壯猛獸亦不寧
日暮且迴去浮心恨未寧

遊涇川琴溪

武平一

唐詩類苑

卷之二百十

十五

環潭澄曉色疊嶂照秋影幽致忻所逢紛慮自茲屏

南園陪王卿遊鴈

韋應物

形迹雖拘檢世事澹無心郡中多山水日夕聽幽禽
几閣文墨暇園林春景深雜花芳意散綠池暮色沈
君子有高躅相攜在幽尋一酌何爲貴可以寫冲襟

晦日任橋池亭

儲光義

溫泉作天邑直北開新洲未有菰蒲生卽聞鳧鴈遊
六亭在南岸數島居中流晦日望清波相與期汎游
西道苦轉轂北堤疲行舟清冷水木陰纔可適我憂

朝回遊城南

白居易

朝退馬未困秋初日猶長迴轡城南去郊野正清涼
水竹夾小徑縈迴繞川崗仰看晚山色俯弄秋泉光
青松繫我馬白石爲我牀常時簪組累此日和身忘
旦隨鷓鴣來暮遊鷗鴈傍機心一以盡兩處不亂行
誰辨心與迹非行亦非藏

與皇甫庶子同遊城東

白居易

閒遊何必多徒侶相勸時時舉一杯博望苑中無職
役建春門外足池臺綠油剪葉蒲新長紅蠟粘枝杏
欲開白馬朱衣兩宮相可憐天氣出城來

春遊

李商隱

唐詩類苑

卷之二百十

十六

橋峻斑駁疾川長白鳥高煙輕唯潤柳風濫欲吹桃
徒倚三層閣摩挲七寶刀庾郎年最少青草妬春袍

春遊望仙谷

儲嗣宗

清無車馬塵深洞百花春鷄犬疑沾藥耕桑似避秦
登山採樵路臨水浣紗人若得心無事移家便卜鄰
酬樂天早春閒遊西湖頗多野趣恨不得與
微之同賞因思在越官重事殷鏡湖之遊
或恐未暇因成十八韻見寄樂天前篇到
時適會予亦宴鏡湖南亭因述目前所睹
以成酬答末章亦示暇誠則勢使之然亦

欲粗爲恬養之贈耳 元 稹

鴈思欲迴賓風聲乍變新各攜紅粉妓俱伴紫垣人
水面波凝殺山腰虹降音似中柳條黃大帶菱葑綠文
茵雪盡纔通屐汀寒未有蘋向陽偏曬羽依岸小游
鱗浦嶼崎嶇到林園次第巡墨池憐嗜學丹井羨登
真共皆越中異跡雅嘆遊方盛聊非意所親白頭
辭北闕滄海是東鄰問俗煩江界蒐畋想渭津故交
音信少歸夢往來頻獨喜同門舊皆爲列郡臣三刀
連地軸一葦礙車輪尚阻青天霧空瞻白玉塵龍因
雕字識犬爲送書馴勝事無窮境流年有限身懶將
唐詩類苑 卷之百十 七

閒氣力爭鬪野塘春

春來頻與李二賓客郭外同遊因贈長句

白居易

風光引步酒開顏送老銷春嵩洛間朝踏落花相伴
出暮隨飛鳥一時還我爲病叟誠宜退君是才臣豈
合閒可惜濟時心力在放教臨水復登山

閒出覓春戲贈諸郎 白居易

年來數出覓風光亦不全閒亦不忙放輕體安騎穩
馬隔袍身暖照晴陽迎春日日添詩思送老時時放
酒狂除却鬢鬢白一色其餘未伏少年郎

送包何東遊 錢 起

水國嘗獨往送君還念茲湖山遠近色昏旦煙霞時
予好謝公跡常吟孤嶼詩果乘扁舟去若與白鷗期
野趣及春好客遊欣此辭入雲投館僻采碧過帆遲
江上日迴首琴中勞別思春鴻刷歸翼一寄杜蘅枝

送杜秀才東遊

馬 戴

羈遊年復長去日值秋殘草出函關白雲藏野渡寒
鴻多霜雪重山廣道途難心事何人識斗牛應數看

送友人南遊

劉長卿

不愁尋水遠自愛逐連山雖在春風裏猶從芳草間

唐詩類苑 卷之百十 十八

去程何用計勝事且相關旅逸同群鳥悠悠往復還

南遊

曹 松

直到南箕下方諸漲海頭君恩過銅柱戎節限交州
犀占花陰臥波衝瘴色流遠夷非不樂自是北人愁

送人南遊

僧貫休

且聽吟贈遠君此去蒙州瘴國頻聞說邊鴻亦不遊
蠻花藏孔雀野石隱犀牛到彼誰相慰知音有郡侯

送客南遊

馬 戴

擬卜何山隱高秋指嶽陽華乾雲夢色橘熟洞庭香
疎雨殘虹影回雲背雁行盡如可問一爲哭清湘

送前綬氏韋明府南遊

許渾

酒闌橫劍歌日暮望關河道直去官早家貧爲客多
山昏函谷雨木落洞庭波莫盡遠遊興故園荒辟蘿

送李定言南遊

許渾

酒酣輕別恨酒醒復離憂遠水應移棹高峰更上樓
簾涼清露夜琴響碧天秋重惜芳樽宴滿城無舊遊

送薛秀才南遊

許渾

姑蘇城外柳初凋同上江樓更寂寥遶壁舊塵風漠
漠對窗寒竹雨蕭蕭看君別路隨秋鴈盡我離觴任
晚潮從此草玄應有處白雲青草一相招

唐詩類苑

卷之五

十九

南遊

曹唐

盡興南遊卒未迴水工舟子不須催政思碧樹關心
句難放紅螺蘸甲杯漲海潮生陰火滅蒼梧風暖瘴
雲開蘆花寂寂月如練何處笛聲江上來

遊南寓題

黃滔

江山節被雪霜遺毒草過秋未擬衰天不當時命鄒
衍亦將寒律入南吹

出遊

僧皎然

少時不見山便覺無奇趣狂發從亂歌情來任閒步
此心誰共證笑看屋梁樹

曾遊

戴叔倫

泊舟古城下高閣快登眺大江會彭蠡群峰豁玄嶠
清影涵空明黛色凝遠照碑留太史書詞刻長公調
絕粒感楚困丹衷猶照耀懷哉不可招凭闌一悲嘯

眺望

登北印還望京洛

鄭世翼

步登北印陴踟躕聊寫望宛洛盛皇居規模窮大壯
三河分設險兩嶠資巨防飛觀紫煙中層臺碧雲上
青槐夾馳道迢迢修且曠左右多第宅參差居將相
清晨謁帝返車馬相追訪胥徒各異流文物紛殊狀

唐詩類苑

卷之五

二十一

鷺塵暗天起簫管從風颺伊余忠孤一作且直生平獨
淪喪山幽有桂叢何爲坐惆悵

登荊州城望江

張九齡

滔滔大江水天地相終始經閱幾世人復歎誰家子
東望何悠悠西來晝夜流歲月既如此爲心那不愁
秋晚登樓望南江入始興郡路

張九齡

涼收沙衍出霜降天宇晶伏檻一長眺津途多望情
憑來江山水外望盡煙雲生滔滔不自辨役役且何成
我來唄衰鬢孰云飄華纓櫪馬苦蹉跎籠禽念遐征

歲陰向晚晚日夕坐屏營物生貴得性身累猶近名
內顧覺今是追歡何時平

同薛司直秋霽曲江俯見南山作

高適

南山鬱初霽曲江湛不流若臨瑤池間想望崑崙丘
迴首見黛色眇然波上秋深沈俯睨嶸清淺延阻修
連潭萬木影挿岸千巖幽杳藹信難測淵淪無暗投
片雲對漁父獨鳥隨虛舟我心寄青霞世事慙白鷗
得意在乘興忘懷非外求良辰自多暇忻與數子遊
自潘陵尖還少室居止秋夕憑眺

唐詩類苑

卷之二十一

二十一

岑參

草堂近少室夜靜聞風松月出潘陵尖照見十六峰
九月山葉赤溪雲澹秋容火點伊陽村煙深嵩角鐘
尚子不可見蔣生難再逢勝愜只自知佳趣爲誰濃
昨詣山僧期上到天壇東向下望雷雨雲間見回龍
夕與人群疎轉愛丘壑中心澹水木會與幽魚鳥通
稀微了自釋出處乃不同况本無宦情誓將依道風
潭石淙望秦嶺微雨作貽友人

岑參

昨夜雲際宿旦從西峰回不見林中僧微雨潭上來

諸峰皆青翠素嶺獨不開石鼓有時鳴秦王安在
東南雲開處突兀獼猴臺崖口懸瀑流半空白皚皚
噴壁四時雨傍村終日雷北瞻長安道日夕多塵埃
若訪張仲蔚衡門滿蒿萊

登梅岡望金陵贈族姪高座寺僧中孚

李白

鍾山抱金陵霸氣昔騰發天開帝王居海色照空闕
群峰如逐鹿奔走相馳突江水九道來雲端遙明沒
時遷大運去龍虎勢休歇我來屬天清登覽窮楚越
吾宗挺禪伯特秀鸞鳳骨衆星羅青天明者獨有月

唐詩類苑

卷之二十一

二十一

秋登蘭山寄張五

孟浩然

北山白雲裏隱者自怡悅相望始登高心隨飛鴈滅
愁因薄暮起興是清秋發時見歸村人平涉渡頭歇
天邊樹若齊江畔舟如月何當載酒來共醉重陽節
望九華贈青陽韋仲堪

李白

昔在九江上遙觀九華峰天河挂綠水秀出九芙蓉

我欲一揮手誰人可相從君爲東道主于此臥松雲

登東海龍興寺高頂望海簡演公

劉長卿

胸山壓海口永望開禪宮元氣遠相合太陽生其中
豁然萬里餘獨爲百川雄白波走雷電黑霧藏魚龍
變化非一狀晴明分衆容煙開秦帝橋隱隱橫殘虹
蓬島如在眼羽人那可逢偶聞眞僧言甚與靜者同
幽意頗相愜賞心殊未窮花間午時梵雲外春山鐘
誰念遽成別自憐歸所從他時相憶處惆悵西南峰

登高望洛城作

元稹

唐詩類苑

卷之五

三

高臺造雲端遐瞰周四垠雄都定鼎地勢據萬國尊
河嶽出雲雨土圭酌乾坤舟通一作盈南越貢城背北
印原帝宅夾清洛丹霞捧朝暾蔥籠瑤臺榭窳窳雙
闕門十載構屯難兵戈若一作久雲屯膏腴滿榛蕪比
屋空毀垣聖主乃東眷俾賢拯元元熙熙居守化汎
汎太府恩至損當一作方受益苦寒必生溫平明四城
開稍見市井喧坐感理亂迹永懷經濟言吾生自不
達空鳥何翩翾天高水流遠日宴城郭昏徘徊訖旦
夕聊用寫憂煩

西原晚望

白居易

花菊引閒行行上西原路原上晚無人因高聊四顧
南阡有煙火北陌連虛墓村鄰何蕭疎近者猶百步
吾廬在其下寂寞風日暮門外轉枯蓬籬根伏寒兔
故園汴水上離亂不堪去近歲始移家飄然此村住
新屋五六間古槐八九樹便是衰病身此生終老處

湖亭晚望殘水

白居易

湖上秋次寥湖邊晚蕭瑟登亭望湖水水縮湖底出
清渟得早霜明滅浮殘日流注隨地勢窪坳無定質
泓澄白龍臥宛轉青蛇曲破鏡折劍頭光芒又非一
久爲山水客見盡幽奇物及來湖亭望此狀難談悉
乃知天地間勝事殊未畢

唐詩類苑

卷之五

十四

登高山最高頂

白居易

高高此山頂四望唯煙雲下有一條路通達楚與秦
或名誘其心或利牽其身乘者及負者來去何紆紆
我亦斯人徒未能出囂塵七年三往復何得笑他人
太白西峰偶宿車祝二尊師石室晨登前嶽
憑眺書懷即事寄呈鳳翔齊員外張侍御

盧綸

弱齡誠昧鄙遇盛唯求止如何羈滯中得步青冥裏
青冥有桂藂冰雪兩仙翁毛節未歸海丹梯閒倚空

遙擬上清府不知名醮罷雨當至客辭山忽明
山明鳥壑樂日氣生昂壑樹修修白雲如水流
白雲消盡寒隴儼然秋積阻關河固綿聯烽戍稠
五營承廟畧四野失邊愁吁嗟繫塵役又負靈山迹
芝朮自芳香泥沙幾沈溺書此欲沾衣平生事每違
煙霄不可仰鸞鶴自追隨

望山

賈島

南山三十里不見踰一句冒雨時立望望之如朋親
虬龍一掬波洗蕩千萬春日雨不斷愁殺望山人
天事不可長勁風來如奔陰雷一作一似掃浩翠瀉
唐詩類苑 卷之百十 主五

其鄰
國門長安百萬家家張屏新誰家最好山我願爲

登城春望

王勃

物外山川近晴初景靄新芳郊花柳遍何處不宜春

早春野望

王勃

江曠春潮白山長曉岫青他鄉臨眺秘花柳映邊亭

登玉清

盧照隣

絕頂紅臨日孤峰半倚天徘徊拜真老萬里見風煙

望木瓜山

李白

早起見日出暮見棲鳥還客心自酸楚况對木瓜山

杜陵絕句

李白

南登杜陵上北望五陵間秋水明落日流光滅遠山

登柳州城山

柳宗元

荒山秋日午獨上意悠悠如何望鄉處西北是融州

次硤石

韓愈

數日方離雪今朝又出山試憑高處望隱約見潼關

樂遊原

李商隱

向晚意不適驅車登古原夕陽無限好只是近黃昏

北眺春陵

駱賓王

總轡疲宵邁驅馬倦晨興既出封泥谷還過避雨陵

唐詩類苑 卷之百十

三六

山明行照上谿宿密雲蒸登高徒欲賦詞殫獨撫膺

度荆門望楚

陳子昂

遙遙去巫峽望望下章臺巴國山川盡荆門煙霧開

城分蒼野外樹斷白雲隈今日狂歌客誰知入楚來

登驪山高頂寓目

中宗

四郊秦漢國八水帝王都閭閻雄里閭城闕壯規模

賈渭稱天邑含岐實奧區金門披玉館因此識皇一作

黃圖

奉和聖製登驪山高頂寓目應制

李嶠

步輦陟山巔山高入紫煙忠臣還捧日聖后欲捫天
迴識平林樹低看華嶽蓮帝鄉應不遠空見白雲懸
奉和聖製登驪山高頂寓目應制

劉憲

驪阜鎮皇都盤旋入區原隰旌門裏風雲展坐隅
直城如斗柄宮樹似星榆從臣詞賦末濫得上天衢
奉和聖製登驪山高頂寓目應制

武平一

鑾輿上碧天翠帟拖晴煙絕學紆仙逕層崑敞御筵
雲披丹鳳闕日下黑龍川更覩南薰奏流聲入管絃
唐詩類苑 卷之百一 三十一

奉和聖製登驪山高頂寓目應制

趙彥昭

皇情遍九垓御輦駐昭回路若隨天轉人疑逐日來
河看大禹鑿山見巨靈開願扈封鸞駕常持薦壽盃
奉和聖製登驪山高頂寓目應制

李义

崖巘萬尋懸居高敞御筵行戈疑駐日步輦若升天
城闕霧中近關河雲外連謬陪登岱駕忻奉濟汾篇
奉和聖製登驪山高頂寓目應制

蘇頌

仙蹕御層臺高高積翠分崑聲中谷應天語半空聞
豐樹連黃葉幽關入紫雲聖圖恢寓縣歌賦少橫汾
奉和聖製登驪山高頂寓目應制

崔湜

名山何壯哉玄覽一徘徊御路穿林轉旌門倚石開
煙雲時後發河塞掌中來不學蓬壺遠經年猶未迴
奉和聖製登驪山高頂寓目應制

張說

寒山上半空臨眺盡寰中是日巡游處晴光遠近同
川明分渭水柳暗辨新豐崑壑清音暮天歌起大風
唐詩類苑 卷之百一 三十一

奉和聖製登驪山高頂應制

張說

洞府寒山曲天遊日旰迴披雲看石鏡拂殿上金臺
竹徑龍驂下松庭鶴鸞來雙童還獻藥五色耀仙材
冀北春望 崔湜

冀北春望

迴首覽燕趙春生兩河間曠然萬里餘際海不見山
雨歇青林潤煙空綠野閒問鄉何處所目送白雲還
江樓夕望 崔湜

試陟江樓望悠悠去國情楚山霞外斷漢水月中平
公子留遺邑夫人在舊城蒼蒼煙霧裏何處是咸京

望秦川

李頎

秦川朝望迥日出正東峰遠近山河淨逶迤城闕重
秋聲萬戶竹寒色五陵松客有歸與歎懷其霜露濃

三山望金陵寄殷淑

李白

三山懷謝朓水澹望長安蕪沒河陽縣秋江正北看
盧龍霜氣冷鳩鵲月光寒耿耿憶瓊樹天涯寄一歡

與賈舍人於龍興寺剪落梧桐枝望滄湖

李白

剪落青梧枝滄湖坐可窺雨洗秋山淨林光澹碧滋
水閒明鏡轉雲繞畫屏移千古風流事名賢共此時

唐詩類苑

卷之百十

二十九

灤西寒望

杜甫

水色含群動朝光切太虛年侵頻悵望興遠一蕭疎
猿挂時相學鷗行炯自如瞿塘春欲至定卜灤西居

曉望白帝城鹽山

杜甫

徐步移斑杖看山仰白頭翠深開斷壁絲遠結飛樓
日出清江望暄和散旅愁春城見松雪始擬進歸舟

北固晚眺

竇常

水國芒種後梅天風雨涼露蠶風吹江燕遠危檣
山趾北來固潮頭西去長年年此登臨人事幾銷亡

春日登吳門

崔塗

故國望不見愁襟難暫開春潮映楊柳細雨入樓臺

靜少人同到曉逢鴈正來長安遠於日搔首獨徘徊

杭州江亭留題登眺

項斯

處處日馳驅憑軒夕似朝漁翁閒鼓棹沙鳥戲迎潮
樹間津亭密城連塢寺遙因誰報隱者向此得耕樵

再到洪州望西山

此山常棧

曹松

洪州向西顧不忍暫忘君記得瀑泉落省同幽鳥聞
一迴經雨電長有剝風雲未定却棲息前頭江海分

隴上獨望

馬戴

斜日挂邊樹蕭蕭獨望閒陰雲藏漢壘飛火照胡山
隴首行人絕河源夕鳥還誰爲立勳者可惜寶刀閒

望九疑

朱慶餘

浮生猶役役未得便尋真白日如無路青山豈有人
煙收遙岫小雨過晚川新倚杖何凝望中宵夢往頻

遠望

崔塗

長爲鄉思侵望極卽沾襟不是前山色能傷愁客心
平蕪連海盡獨樹隱雲深况復斜陽外分明有去禽

新開望山處

王建

新開望山處今朝減病眠應移千里道猶自數峰偏
故欲遮春巷還來遠暮天老失行步弱免到寺門前

寓目

李商隱

園桂懸心碧池蓮
飮眼紅此生真遠客
幾別卽衰翁
小幌風煙入高窗
霧雨通新知他日
好錦瑟傍朱櫳

邊城獨望

馬戴

聊憑危堞望倍起
異鄉情霜落兼葭
白山昏霧露生
河灘胡鴈下戎壘
漢聲驚獨樹殘秋色
狂歌淚滿纓

酬嚴中丞晚眺黔江見寄

白居易

江水三迴曲愁人兩地情
磨圍山下色明月峽中聲
晚後連天碧秋來徹底清
臨流有新恨照見白鬢生

登樂遊原春望書懷

張九齡

唐詩類苑 卷之二十 三十一
城隅有樂遊表裏見皇州
策馬旣長遠雲山亦悠悠
萬壑精光滿千門喜氣浮
花間直城路草際曲江流

憑眺茲爲美離居方獨愁
已驚玄髮換空度綠萸柔
奮翼籠中鳥歸心海上鷗
旣傷日月逝且欲桑榆收

豹變焉能及鸞鳴非可求
願言從所好初服返林丘

登樓望西山

張九齡

城樓枕南浦日夕顧西山
宛宛鸞鶴處高高煙霧間
仙井今猶在洪崖久不還
金編惟我授羽駕亦誰攀

簷際千峰遠雲中一鳥閑
縱觀窮水國遊思遍人寰
勿復塵埃事歸來且閉關

早秋與諸子號州西亭觀眺

岑參

亭高出鳥外客到與雲齊
樹點千家小天圍萬嶺低
殘虹挂陝北急雨過關西
酒榼綠青登瓜田傍綠溪
微官何足道愛客且相攜
唯有鄉園處依望不迷

大庭庫

李白

朝登大庭庫雲物何蒼然
莫辨陳鄭火空靈鄒魯煙
我來尋梓慎觀化入寥天
古水朔氣多松風如五絃
帝圖終冥沒歎息滿山川

陪鄭公秋晚北池臨眺

杜甫

唐詩類苑 卷之二十 三十二
北池雲水閣華館闢秋風
獨鶴元依渚衰荷且映空
采菱寒刺上踏藕野泥中
素櫂分曹往金盤小徑通
萋萋露草碧片片晚旗紅
盃酒霑津吏衣裳與釣翁

異方初豔菊故里亦高桐
搖落關山思淹留戰伐功
嚴城殊未掩清宴已知終
何補參軍乏歡娛到薄躬

奉和嚴中丞西城晚眺十韻

杜甫

汲黯匡君切廉頗出將頻
直詞才不世雄畧動如神
政簡移風速詩清立意新
層城臨媚景絕域望餘旻
海上蛟龍會樓頭燕雀馴
地平江動蜀天濶樹浮秦

帝念深分閫軍須遠筭緋花羅封峽蝶瑞錦送麒麟
辭第輸高義觀圖憶古人征南多興緒事業關相親

京兆志試目極千里

劉得仁

獻賦多年客信眉恨且千此心常極矣縱目忽超然
送驢登長路看鴻入遠天古墟煙幕幕窮野草綿綿
樹與金城接山疑桂水連何當霽日無物翳平川

東樓南望八韻

白居易

不厭東南望江樓對海門風濤生有信天水合無痕
鷁帶雲帆動鷗和雪浪翻魚鹽聚爲市烟火起成村
日脚金波碎峰頭鈿點繁送秋千里鴈報暝一聲猿

唐詩類苑

卷之一百十

三十三

已豁煩襟悶仍開病眼昏郡中登眺處無勝此東軒

遠望

元稹

滿眼傷心冬景和一山紅樹寺邊多仲宣無限思鄉
淚漳水東流碧玉波

別後西陵晚眺

元稹

晚日未拋詩筆硯夕陽空望郡樓臺與君後會知何
日不似潮頭暮却迴

望江州

白居易

江迴望見雙華表知是潯陽西郭門猶去孤舟三四
里水煙沙雨欲黃昏

望郡南山寄樂天

白行簡

臨江一嶂白雲間紅綠層層錦繡斑不作巴南天外
意何殊昭應望驪山

和行簡望郡南山

白居易

反照前山雲樹明從君苦道似華清試聽腸斷巴猿
叫早晚驪山有此聲

望少華三首

杜牧

身隨白日看將老心與青雲自有期今對晴峰無十
里世緣多累暗生悲
文字波中去不還物情初與是非閒時名竟是無端

唐詩類苑

卷之一百十

三十四

事差對靈山道愛山

眼看雲鶴不相隨何看塵中事作爲好伴羽人深洞
去月前秋聽玉參差

洛橋晚望

孟郊

天津橋下水初結洛陽陌上人行絕榆柳蕭疎樓閣
閒月明直見嵩山雪

驛中望山戲贈渭南陸贊主簿

盧綸

官微多懼事多同拙性偏無主驛功山在門前登不
得鬢毛衰盡路塵中

金陵晚望

高蟾

曾伴浮雲悲晚翠，猶陪落日泛秋聲。
世間無限丹青手，一片傷心畫不成。

望中有懷

朱長文

龍向洞中銜雨出，鳥從花裏帶香飛。
白雲斷處見明月，黃葉落時聞搗衣。

春眺揚州西崗寄子員外

蕪城西眺極蒼流，漠漠春煙間曙樓。
瓜步早湖吞建業，蒜山晴雪照揚州。
隋家故事不能向，鶴在山池期我遊。

唐詩類苑

卷之百十

三十五

奉和太常韋主簿五郎溫湯寓目

王維

漢主離宮接露臺，秦川一半夕陽開。
青山盡是朱旗繞，碧磧從從玉殿來。
新豐樹裏行人度，小苑城邊獵騎迴。
聞道甘泉能獻賦，懸知獨有子雲才。

江樓晚眺景物鮮奇吟翫成篇寄水部張員外

白居易

澹煙疎雨間斜陽，江色鮮明海氣涼。
塵散雲收破樓閣，虹殘水照斷橋梁。
海翻白浪花千片，鴈點青天字一行。
好著丹青圖寫處，題詩寄與水曹郎。

菩提寺上方晚眺

白居易

樓閣高低樹淺深，山光水色暝沈沈。
嵩煙半卷青絳幕，伊浪平鋪綠綺衾。
飛鳥滅時宜極目，遠風來處好開襟。
誰知不離簪纓內，長得逍遙自在心。

松磁洞望峽中

劉禹錫

渡頭輕雨灑寒梅，雲際溶溶雪水來。
夢渚草長迷楚望，夷陵土黑有秦灰。
巴人淚應猿聲落，蜀客船從鳥道回。
十二碧峰何處所，永安宮外是荒臺。

中渡晚眺

韋莊

魏王堤畔草如煙，有客傷時獨扣舷。
妖氣欲昏唐社稷，夕陽空照漢山川。
千重碧樹籠春苑，萬縷紅霞襯碧天。
家寄杜陵歸不得，一回迴首一潸然。

唐詩類苑

卷之百十

三十五

登新城縣贈蔡明府

方干

揚震東來是宦遊，政成登此自消憂。
草中白道穿村去，樹裏青溪照郭流。
縱目西山宜永日，開襟五月似高秋。
不知縣籍添新戶，但見川原桑柘稠。

商驛樓東望有感

羅隱

山川去接漢江東，曾伴隋侯醉此中。
歌遶夜梁珠宛轉，舞嬌春席雪朦朧。
棠遺善政陰猶在，蕤送哀聲事已空。
惆悵知音竟難得，兩行清淚白楊風。

南昌晚眺一作興

韋莊

南昌城郭枕江煙，漳水悠悠浪拍天。
芳草綠遮仙尉宅，落霞紅襯賣人船。
霏閣上，下山雨，雪雲中，萬樹蟬。
怪得地多章句客，庾家樓在斗牛邊。

晚眺

羅隱

凭古城邊眺晚晴，遠村高樹轉分明。
天如鏡面都來淨，地似人心總不平。
雲向嶺頭閒不徹，水流溪裏太忘生。
誰人得及莊居老，免被榮枯寵辱驚。

金陵晚眺

崔塗

葦聲騷屑水天秋，吟對金陵晚渡頭。
千古是非輪蝶夢，一輪風雨屬漁舟。
若無仙分應須老，幸有歸山即合休。
何必登臨更惆悵，本來身世只如浮。

唐詩類苑

卷之百十

三十七

夢一輪風雨屬漁舟，若無仙分應須老。
幸有歸山即合休，何必登臨更惆悵。
本來身世只如浮，合休何必登臨更惆悵。
本來身世只如浮。

秋日望西陽

劉滄

古木蒼苔墜幾層，行人一望旅情增。
太行山下黃河水，銅雀臺邊武帝陵。
風入蒹葭秋色動，雨餘楊柳暮煙凝。
野花似泣紅妝淚，寒露滿枝枝不勝。

白蕭關望臨洮

朱慶餘

玉關西路出臨洮，風卷邊沙入馬毛。
寺寺院中無竹樹，家家壁上有弓刀。
唯憐戰士垂金甲，不尚遊人著白袍。
日暮獨吟秋色好，一重戍樓一重戍。

與龐復言攜酒望洞庭

朱慶餘

南湖春色通平遠，貪記詩情忘酒盃。
帆已巴陵山下過，雨從神女峽邊來。
青蒲映水疎還密，白鳥翻空去復回。
盡日與君同看望，了然勝見畫屏開。

同趙進馬元陽春日登長春宮古城望河中

盧綸

因寄鄭損倉曹損進馬之舅，盧綸。
城頭春霽曉濛濛，指望關橋滿袖風。
雲騎閒嘶官柳外，玉人愁立草花中。
鐘分寺路山光綠，河繞軍州日氣紅。
跡忝方戀賞，此時離恨與君同。

歲暮晚泊望廬山不見因懷岳僧呈察判

李建勳

歲暮晚泊望廬山，不見因懷岳僧呈察判。
唐詩類苑 卷之百十 三十八

唐詩類苑

卷之百十

三十八

貪程只為看廬阜，及到停舟恨頗濃。
雲暗半空藏萬仞，雪迷雙瀑在中峰。
林端莫辨曾遊路，鳥際微聞向暮鐘。
長愧昔年招我入，共尋香社見芙蓉。

臨汎

張九齡

郡庭日休暇，湖曲邀勝踐。
樂職在中和，靈心挹上善。
乘流坐清曠，舉目眺悠緬。
林與西山重，雲因北風卷。
霜明盡不逮，陰影鏡無辨。
晚秀復芬敷，秋光更遙衍。
萬族紛可佳，一遊豈能淺。
攝孤忝邦牧，顧已非時選。

臨汎東湖

時任洪州

張九齡

郡庭日休暇，湖曲邀勝踐。
樂職在中和，靈心挹上善。
乘流坐清曠，舉目眺悠緬。
林與西山重，雲因北風卷。
霜明盡不逮，陰影鏡無辨。
晚秀復芬敷，秋光更遙衍。
萬族紛可佳，一遊豈能淺。
攝孤忝邦牧，顧已非時選。

梁公世不容長孺心亦褊永念出籠鰲常思退疲蹇
歲徂風露嚴日恐蘭若動佳晨不可得良會何其鮮
罷興還江城閉關聊自遣

出湖寄趙冬曦

張說

川途倏忽間風景依如昨湘浦未賜環荆門猶主諾
何時餘美人載酒遊宛洛

同宋少府東溪汎舟

李頎

登岸還入舟水禽驚笑語晚葉低衆色濕雲帶殘暑
落日乘醉歸溪流復幾許

扈從溫泉同紫微黃門群公汎渭川

唐詩類苑

卷之一百十

三十九

蘇頲

見禮部扈從

陪群公龍岡寺汎舟

岑參

漢水天一色寺樓波底看鐘鳴長空夕月出孤舟寒
耿酒見山火隔簾聞夜灘紫鱗掣芳餌紅燭燃金盤
良友與正愜勝遊情未闌此中堪倒載須盡主人歡

雨晴後陪王員外汎後湖得溪字

獨孤及

遠山媚平楚宿雨漲清溪沿沂任舟楫歡言無町畦
酒酣相視笑心與白鷗齊

同嚴逸人東溪汎舟

錢起

子陵江海心高跡此閒放漁舟在溪水曾是敦風尚
朝霽收雲物垂綸獨清曠寒花古岸傍候鶴晴沙上
紛吾好貞逸不遠來相訪已接方外遠仍陪郢中唱
歡言盡佳酌高興延秋望日暮浩歌還紅霞亂青嶂
韋氏館與周隱客杜歸和汎舟

元稹

天色低澹澹池光漫油油輕舟閒繳繞不遠池上樓
時物欣外獎真元隨內修神恬津藏滿氣委支節柔
衆處豈自異曠懷誰我儔風車龍野馬八荒安足遊

唐詩類苑

卷之一百十

四

開顏陸渾社握手靈都周持君寶珠贈頂戴頭上頭

秋池獨汎

白居易

蕭疎秋竹籬清淺秋風池一隻短艇艇一張斑鹿皮
皮上有野叟手中持酒卮半酣箕踞坐自問身為誰
嚴子垂釣日蘇門長嘯時攸然意自得意外何人知

南溪始汎三首

韓愈

榜舟南山下上上不得返幽事隨去多孰能量近遠
陰沈過連樹藏昂抵橫坂石轟肆磨礪波惡厭牽挽
或倚偏岸漁竟就平洲飯點點暮雨飄梢梢新月偃
餘年慄無幾休日憊已晚自是病使然非由取高蹇

二

南溪亦清駛而無櫂與舟山農驚見之隨我觀不休
不惟兒童輩或有杖白頭饋我籠中瓜勸我此淹留
我云以病歸此已頗自由幸有用餘俸置居在西疇
困倉米穀滿未有旦夕憂上去無得得下來亦悠悠
但恐煩里閭時有緩急投願爲同社人雞豚燕春秋

三

足弱不能步自宜收朝蹟羸形可與致佳觀安可擲
卽此南坂下久聞有水石抱舟入其間溪淅正清激
隨波吾未能咬瀨乍可刺驚起若導吾前飛數十尺

唐詩類苑

卷之百十

四十一

亭亭柳帶沙團團松冠壁歸時還盡夜誰謂非事役

臨江二首

王勃

汎汎東流水飛飛北上塵歸驂將別棹俱是倦遊人

二

去驂嘶別路歸棹隱寒洲江臯木葉下應想故城秋

段川獨汎

盧照隣

倚棹春江上橫舟石岸前山暝行人斷迢迢獨汎仙

北澗浮舟

孟浩然

北澗流恒滿浮舟觸處通沿澗自有趣何必五湖中

望鄉夕汎

駱賓王

歸懷到不安促榜犯風瀾落宿舍樓近浮月帶江寒
喜逐行前志憂從望裏寬今夜南枝鵲應無繞樹難

汎舟侍宴應制

張易之

平明出御溝解纜坐廻洲綠水澄明月紅羅結綺樓
絃歌爭演入冠蓋逐川流白魚臣作伴相對舞王舟

東湖臨汎餞王司馬

張九齡

南土秋雖半東湖草未黃聊乘風日好來汎芰荷香
蘭棹每勞速菱歌不厭長忽懷京洛去難與共清光

出湖寄趙冬曦

張說

西汎平湖盡參差入斷山東瞻岳陽郡汗漫太虛間

唐詩類苑

卷之百十

四十一

屈步同行樂道文互屢看山成上雲桂江亭臨水間

臨汎汎舟趙仙舟自北庭罷使還京

岑參

白髮輪臺使邊功竟不成雲沙萬里地孤負一書生

池上風回舫橋西雨過城醉眠鄉夢罷東望羨歸程

汎永嘉江日暮廻舟

張子容

無雲天欲暮轉鷁大江清歸路煙中遠廻舟月上行

傍潭窺竹暗出嶼見沙明更值微風起乘流絲管聲

梁州陪趙行軍龍岡寺北庭汎舟宴王侍御

岑參

誰宴霜臺使行軍粉署郎唱歌江鳥沒吹笛岸花香
酒影搖新月灘聲聒夕陽江鐘聞已暮歸棹綠川長

漢江臨汎

王維

見水部漢

放船

杜甫

收帆下急水卷幔逐回灘江市戎戎暗山雲淅淅寒
荒林無徑入獨鳥怪人看已泊城樓底何曾夜色闌

汎江

杜甫

方舟不用楫極目總無波長日客杯酒深江淨綺羅
亂離還奏樂飄泊且聽歌故國流清渭如今花正多

唐詩類苑

卷之十

四三

陪王使君晦日汎江就黃家亭子二首

杜甫

山谿何時斷江平不肯流稍如花改岸始驗鳥隨舟
結束多紅粉歡娛恨白頭非君愛人客晦日更添愁

二

有徑金沙軟無人碧草芳野畦連峽蝶江檻俯鴛鴦
日晚煙花亂風生錦繡香不須吹急管哀老易悲傷

進船汎洛水

孫逖

禁園紆膚覽仙棹叶時游洛北風花樹江南彩畫舟
芳生蘭蕙草春入鳳凰樓宮幕煙光起夕流

水西館汎舟送王員外 獨孤及

單醪敢獻醉曲沼荷經過汎覽親魚鳥黃綠涉菱荷
劇談增惠愛美景借清和明日汀洲草依依奈別何

江陵晦日陪諸官汎舟 錢起

節物堪爲樂江湖有主人舟行深更好山趣久彌新
罇酒平生意煙花異國春城南無夜月長柳莫留賓

南塘汎舟會元六昆季 韋應物

端居倦時燠輕舟汎迴塘微風飄襟散橫吹繞林長
雲澹水容夕雨微荷氣涼一寫情勤川上意寧用訴

一作華勝

唐詩類苑

卷之十

四

陪王明府汎舟

劉長卿

花縣彈琴暇樵風載酒時山含秋色近鳥度夕陽遲
出沒鳥成浪蒙籠竹亞枝雲峰逐人意來去解相隨

李留守和公見過池上汎舟舉酒話及翰林

舊事因成四韻以獻之 白居易

引棹尋池岸移樽就菊叢何言濟川後相訪釣船中
白首故情在青雲往事同同時六學士五相一漁翁

常州韋郎中汎舟見餞 李嘉祐

主人馮軾貴送客汎舟稀過岸隨芳草迴繞背落暉
映花雙節駐臨水伯勞飛醉與群公狎春塘露冕歸

陪盧明府汎舟迴

孟浩然

百里行春返清流逸興多鷗舟隨鴈沒江火共星羅
已救田家旱仍憂俗化訛文章推後輩風雅激頽波
高岸迷陵谷新聲滯棹歌猶憐下調者白首未登科

自樂城赴永嘉枉路汎白湖寄松陽李少府

張子容

西行癡淺石北轉入溪橋樹色煙輕重湖光風動搖
百花亂飛雪萬嶺疊青霄援挂臨潭篠鷗迎出浦橈
誰應賞心客茲路不言遙

省試晦日與同志昆明池汎舟

唐詩類苑

卷之二十

四十五

朱慶餘

故人同汎處遠色望中明靜見沙痕露微思月魄生
周回餘雪在浩渺暮雲平戲鳥隨蘭棹空波盪石鯨
劫灰難問理島樹偶知名自省曾追賞無如此日情

春池閒汎

白居易

綠塘新水平紅艦小舟輕解纜隨風去開襟信意行
淺憐清演漾深愛綠澄泓白撲柳飛絮紅浮桃落英
古文科斗出新葉剪刀生樹集鸞朋友雲行鴈弟兄
飛沈皆適性酣詠自怡情花助銀盃裏松添玉軫聲
魚跳何事樂鷗起復誰驚莫道滄浪曲無塵可濯纓

汎洞庭

張說

平湖一望上連天秋景千尋下洞泉忽驚水面光華
滿疑是乘舟到日邊

汎洞庭

尹忬

風光浙瀝草中飄日采煒煒水上搖幸奉瀟湘雲壑
意山傍客與動仙橈

與謝良輔遊涇川陵巖寺

李白

乘君素舸汎涇西宛似雲門對若溪且從康樂尋山
水何必東流入會稽

東魯門汎舟二首

李白

唐詩類苑

卷之三

四十六

日落沙明天倒開波搖石動水縈迴輕舟汎月尋溪
轉疑是山陰雪後來
水作青龍盤石堤桃花夾岸魯門西若教月下乘舟
去何曾風流到剡溪

宴詞

王之渙

長堤春水綠悠悠呖入漳河一道流莫聽聲聲催去
棹桃花淺處不勝舟

漫成

杜甫

江月去人只數尺風燈照夜欲三更沙頭宿鷺聯拳
靜船尾跳魚撥刺鳴

白蓮池汎舟

白居易

白藕新花照水開。紅窻小舫信風迴。誰教一片江南興。逐我慇懃喜馬來。

和鹽吏部汎南溪

賈島

溪裏晚從池岸白石泉秋急夜深聞木蘭船共山人
上月映澇頭零落雲

青門閒汎

皮目休

青翰虛徐夏思清愁煙漠漠荇花平醉來欲把田
葉盡裏當時醒酒

奉和青門開汎

陸龜蒙

唐詩類苑

卷之二十一

四十七

細漿輕撈下白蘋故城花謝綠陰新豈無今日逃名士試問南塘着屨人

城西陂汎舟

杜南

青娥皓齒在樓船橫笛短簫悲遠天春風自盡牙櫓
動遲日徐看錦纜牽魚吹細浪搖歌扇燕蹴飛花落
舞筵不有小舟能盪漿百壺那送酒如泉

上巳日越中與鮑侍郎汎舟耶溪

劉長卿

蘭橈縵一作萬轉傍汀沙應到若耶舊浦滿來
移渡口垂楊深處有一作永和春色千年在曲水鄉

永和春色千年在曲水鄉

心萬里賒君見漁船時借問前洲挑一幾路入煙花

三月李明府後庭汎舟

劉長卿

江南風景復如何聞道新亭更欲過處處紉蘭春浦
淥萋萋藉草遠山多壺觴須就陶彭澤時俗猶傳晉
永和更待持撓徐轉去微風落日水增波

湖上招客送春汎舟

白居易

欲送殘春招酒伴。客中誰最有風情。兩瓶若下新求。得一曲霓裳初教成。排比管絃行翠袖。指麾船舫點紅旌。慢牽好向湖心去。恰似菱花鏡上行。

宿裴相公興化池亭兼蒙借船舫遊汎

唐詩類苑

卷之二十一

哭人

白居易

林亭一出宿風塵忘却平津是要津松閣晴看山色
近石渠秋放水聲新孫弘閣闢無閒客傳說舟忙不
借人何似輪才濟川外別開池館待交親

酬杜補闕初春雨中汎舟次橫江喜裴郎中

相迎見寄

許
渾

江館維舟爲庾公暖波微綠雨濛濛紅牆迤邐春巖
下朱旆聯翩曉樹中柳滴圓波生細浪梅含香艷吐
輕風郢歌莫問青山吏客一作魚在深池鳥在籠

送唐中丞開淘西湖夏日遊汎因書示郡人

朱慶餘

萍岸新淘見碧雲中流相去忽成遙空餘孤嶼來詩
景無復橫槎礫柳條紅旆路幽山翠濕錦帆風起浪
花飄共知漫漶同雷澤何慮川源有旱苗

和侯秀才同友生汎舟溪中相招之作

韋莊

嵇阮相將棹酒船晚風侵浪水侵舷輕如控鯉初離
岸遠似乘槎欲上天雨外鳥歸吳苑死樹鏡中人入洞
庭煙憑君不用迴舟疾今夜西江月正圓

湖北有茅齋湖西有松島輕棹往返頗諧素

唐詩類苑

卷之百十

四九

心因成四韻

方干

湖北湖西往復還朝昏只處自由閒暑天移榻就深
竹月夜乘舟歸淺山遠砌紫鱗欹枕釣垂簷野果隔
窻攀古賢暮齒方如此多笑愚儒鬢未斑

陪王大夫汎湖

方干

去去陵晨迴見星木蘭舟穩畫梢輕白波潭上魚龍
氣玉樹林中鷄犬聲密炬燒殘銀漢晃羽觴飛急玉
山傾此時檢點諸名士却是漁翁無姓名

新真東郊閒汎有懷襲美

陸龜蒙

遲於春日好於秋野客不攜上釣舟經畧約時冠暫

亞佩竿簪後帶頻擲兼霞露起波搖笠村落眠樹
挂釣料得祇君能愛此不爭煙水似封侯

奉和次韻新真東郊閒汎皮日休

水物輕明澹似秋多情才子倚蘭舟碧莎裳下攜詩
草黃後樓中挂酒筍蓮葉蘸波初轉棹魚兒簇餌未
諳釣共君莫問當時事一點沙禽勝五侯

唐詩類苑

卷之百十

五

唐詩苑卷第一百十一

叨雲間張之象玄超甫纂輯

雲間唐仲賢晉卿甫編次

雲間王徹叔朗甫補訂

梁谿曹仁孫伯安甫校正

人部

懷古

詠懷古跡五首

杜甫

支離東北風塵際漂泊西南天地間三峽樓臺淹日月五溪衣服共雲山羯胡事主終無賴詞客哀時且

唐詩類苑

卷之五十一

未還庾信平生最蕭瑟暮年詩賦動江關

搖落深知宋玉悲風流儒雅亦吾師悵望千秋一灑

淚蕭條異代不同時江山故宅空文藻雲雨荒臺豈

夢思最是楚宮俱泯滅舟人指點到今疑

群山萬壑赴荆門生長明妃尚有村一去紫臺連朔

漠獨留青塚向黃昏畫圖省識春風面環珮空歸月

夜魂千載琵琶作胡語分明怨恨曲中論

蜀主劉吳幸三峽崩年亦在永安宮翠華想像空山

裏玉殿虛無野寺中古廟杉松巢水鶴歲時伏臘走

村翁武侯祠屋長隣近一體君臣祭祀同

諸葛大名垂宇宙宗臣遺像肅清高三分割據紆籌策萬古雲霄一羽毛伯仲之間見伊呂指揮若定失蕭曹運移漢祚難恢復志決身殲軍務勞

河上公

張說

尊師厭塵去精魄知何明形氣不復生弟子空傷情濟北神如在淮南藥未成共期終莫遂寥落兩無名

太公哀晚遇

常建

日出渭流白文王畋獵時釣翁在蘆葦川澤無能罷詔書起遺賢匹馬今致辭因稱江海人臣老筋力衰遲遲詣天車怏怏悟靈龜兵馬更不獵君臣皆共怡

唐詩類苑

卷之五十一

同車至

陽心影無磷細四牡玉墀下一言爲帝師

王侯擁

門軒蓋曜長遠古來榮華人遭遇誰知之

落日縣

榆光景有頓虧倏悲天地人雖貴將何爲

山四皓

李白

白髮四老人昂藏南山側偃臥松雪間冥翳不可識雪窻拂青靄石壁橫翠色龍虎方戰爭於焉自休息

秦人失金鏡漢祖升紫極陰虹濁太陽前星遂淪匿

一行佐明聖欬起生羽翼功成身不居舒卷在胸臆

宵冥合元化茫昧信難測飛聲塞天衢萬古仰遺跡

四皓

溫庭筠

商於用里便成功一寸沈機萬古同但得戚姬并定
分不應真有紫芝翁

商山四皓

蔡京

秦末家家思逐鹿商山四皓獨忘機如何鬢髮霜相
似更出深山定是非

蘇武

李白

蘇武在匈奴十年持漢節白鴈上林飛空傳一書札
牧羊邊地苦落日歸心絕渴飲月窟水饑餐天上雪
東還沙漠遠北愴河梁別泣把李陵衣相看淚成血

白毫子歌

李白

詩類

卷之二十一

三

淮南小山白毫子乃在淮南小山裏夜臥松下雪朝
餐石中髓小山連綿向江開碧峰巉巖綠水迴余配
白毫子獨酌流霞杯拂花弄琴坐青苔綠蘿樹下春
風來南牕蕭颯松聲起憑厓一聽清心耳可得見未
得親八公攜手五雲去空餘桂樹愁殺人

經下邳圯橋懷張子房

李白

子房未虎嘯破產不爲家滄海得壯士椎秦博浪沙
報韓雖不成天地皆振動潛匿遊下邳豈曰非智勇
我來圯橋上懷古欽英風唯見碧流水曾無黃石公
歎息此人去蕭條徐泗空

歸沛縣道中晚泊留侯城

劉長卿

訪古此城下子房安在哉白雲去不反危堞空崔嵬
伊昔楚漢時頗聞經濟才運籌風塵下能使天地開
蔓草日已積長松日已摧功名滿青史祠廟唯蒼苔
百里暮城遠孤舟川上迴進帆東風便轉岸前山來
楚水澹相引沙鷗閑不猜扣舷從此去延首仍徘徊

望鸚鵡洲悲禰衡

李白

魏帝營八極蟻觀一禰衡黃祖斗筭人殺之受惡名
吳江賦鸚鵡落筆超群英鏘鏘振金玉句句欲飛鳴
驚鵝啄孤鳳千春傷我情五嶽起方寸隱然詎可平

詩類

卷之二十一

四

才高竟何施寡識冒大刑至今芳洲上蘭蕙不忍生

板橋浦汎月獨酌懷謝朓

李白

天上何所有迢迢白玉繩斜低建章闕耿耿對金陵
漢水舊如練霜江夜清澄長川瀉落月洲渚曉寒凝
獨酌板橋浦古人誰可徵玄暉難再得灑酒淚填膺

王右軍

李白

右軍本清真瀟灑在風塵山陰遇羽客要此好鷺賓
掃素寫道經筆精妙入神書罷龍鵲去何曾別主人
庾信宅作

張說

蘭城追宋玉舊宅偶詞人筆湧江山氣文驕雲雨神

包胥非救楚隨會返留秦獨有東陽守來嗟古樹春

嘲魯連子

韓愈

魯連細而黠有似黃鸝子田巴元老蒼憐汝矜爪嘴
開端要驚人雄跨吾厭矣高拱禪鴻聲若輟一杯水
獨稱唐虞賢顧未知之耳

孫權故城下懷古兼送友人歸建鄴

劉長卿

雄圖爭割據神器終不守上下武昌城長江竟何有
古來壯臺榭事往悲陵阜寥落幾家人猶依數株柳
威靈絕想像蕪沒空林數野徑春草中郊扉夕陽後

唐詩類苑

卷之一百一

五

逢君從此去背楚方東走煙際指金陵潮時過湓口
行人已何在臨水徒揮手惆悵不能歸孤帆沒雲久

漢武帝雜歌三首

韋應物

漢武好神仙黃金作臺與天近王母摘桃海上還感
之西過聊問訊欲來不來夜未央殿前青鳥先徊翔
綠鬢紫雲裾曳霧雙節飄飄下仙步白日分明到世
間碧空何處來時路玉盤捧桃將獻君踟躕未去留
彩雲海水桑田幾翻覆中間此桃四五熟可憐穆滿
瑤池燕正值花開不得薦花開子熟安可期邂逅能
當漢武時顏如芳華潔如玉心念我皇多嗜欲雖

桃核桃有靈人間糞土種不生由來在道一作德豈在
藥徒勞方士海上行掩扇一言相謝去如煙非煙不
知處

金莖孤峙兮凌紫煙漢宮美人望杳然通天臺上月
初出承露盤中珠正圓珠可飲壽可永武皇南面曙
欲分從空下來玉杯冷世間綵翠亦作曩八月一日
仙人方仙方稱上藥靜者服之常綽約柏梁沈飲自
傷神猶聞駐顏七十春乃知甘醲皆是腐腸物獨有
澹泊之水能益人千載金盤竟何處當時鑄金恐不
固蔓草生來春復秋碧天何言空隊露

唐詩類苑

卷之一百一

不

漢天子觀風自南國浮世大江屹不前蛟龍索闕風
波黑春秋方壯雄武才彎弧叱浪連山開愕然觀者
千萬衆舉麾齊呼一矢中死蛟浮出不復靈舳艫千
里江水平鼓聲餘響數日在天吳深入魚鱉驚左右
飲飛落霜翼右有孤兒貫犀革何爲臨深親射蛟示
威以奪諸侯魄威可畏皇可尊平田校獵書猶陳此
日從臣何不言獨有威聲振千古君不見後嗣尊爲
武

王敬伯歌

李端

妾本舟中客聞君江上琴君初感妾意妾亦感君心

遂出合歡被同爲交頸禽傳孟唯畏淺接膝猶嫌遠
侍婢奏箏篴女郎歌宛轉宛轉怨如何中庭霜漸多
霜多葉可惜昨日非今夕徒結萬重淚終成一宵客
王敬伯綠水青山從此隔

東阿王

李商隱

國事分明屬灌均西陵魂斷斷來人君王不得爲天
子半爲當時賦洛神

經檀道濟故壘

劉禹錫

萬里長城壞荒營野草秋秣陵多士女猶唱白符鳩

史云當時人歌曰可憐
白符鳩枉役檀江州

唐詩類苑

卷之五十一

七

梓潼望長卿山至巴西復懷誰秀

李商隱

梓潼不見馬相如更欲南行問酒壚行到巴西覓譙
秀巴西唯是有寒蕪

阮籍嘯臺

賈島

如聞長嘯春風裏荆棘叢邊訪舊蹤地接蘇門山近
遠荒臺突兀抵高峰

靈均

黃滔

莫問靈均昔日遊江籬春盡岸楓秋至今此事何人
雪月照楚山湘水流

湘夫人

李頎

九嶷日已暮三湘雲復愁
宵靄羅袂色潺湲江水流
佳期來北渚捐珉在芳洲

湘夫人

郎士元

蛾眉對湘水遙哭蒼梧山
萬乘旣已歿孤舟誰忍還
至今楚竹上猶有淚痕斑
南有潯陽路渺渺多新愁
桂酒神降時迴風江上秋
彩雲復無處碧水空安流

湘妃

劉長卿

帝子不可見秋風來暮思
嬋娟湘江月千載空蛾眉

湘妃

李賀

唐詩類苑

卷之五十一

八

筠竹千年老不死長伴秦娥
蓋湘水蠻娘吟弄滿寒
空九山靜綠淚花紅離鸞
別鳳煙梧中巫雲蜀雨遙
相通幽愁秋氣上青楓
涼夜波間吟古龍

湘妃

陳羽

二妃怨處雲沈沈二妃怨處
湘江深商人酒滴廟前
草蕭颯風生斑竹林

浣紗篇贈陸上人

宋之問

越女顏如花越王聞浣紗
國微不自寵獻作吳王娃
女一作數半潛匿薜蘿更蒙遮
一行覆勾踐再顧傾
夫差豔色奪常人教頻亦相誇
一朝還舊都覩粧尋

若耶鳥驚入松網魚畏沈荷花始覺冷容安方悟群
心邪欽子秉幽意世人共稱嗟願言托君懷倘類蓬
生麻家住雷門曲高閣凌飛霞淋漓翠羽帳旖旎采
雲車春風豔楚舞秋月纏胡笳自昔專嬌愛襲玩唯
吟奢達本知空寂棄波猶泥沙永割偏執性自長薰
修茅攜妾下鄣道來上妾西家

西施

李白

西施越溪女出自苧蘿山秀色掩今古荷花羞玉顏
浣紗弄碧水自與清波閒皓齒信難開沈吟碧雲間
勾踐徵絕豔揚蛾入吳關提携館娃宮杳渺詎可攀
一破夫差國千秋竟不還

西施

蘇拯

吳王從驕佚天產西施出豈徒伐一人所希救群物
良由上天意惡盈戒奢侈不獨破吳國不獨生越水
在周名褒姒在紂名妲己變化本多塗生殺亦如此
君王政不修立地生西子

題西施浣紗石

胡幽貞

西施

羅隱

一朝入紫宮萬古遺芳塵至今溪邊花不敢嬌青春
家國興亡自有時吳人何苦進西施西施若解傾吳

國越國亡來又是誰

越溪女

于濇

會稽山上雲化作越溪人枉破吳王國徒爲西子身
江邊浣紗伴黃金扼雙腕倏忽不相期思傾趙飛燕
妾家基業薄空有如花面嫁盡綠窻人獨自盤金線
上元誰夫人偏得王母嬌嗟哦三角髻餘髮散垂腰
裘披青毛錦身着赤霜袍手提羸兒女閒與鳳吹簫
眉語兩自笑忽然隨風飄

李夫人三首

李商隱

唐詩類苑

卷之二十一

十一

一 一帶不結心兩股方安髻慙愧白茅人月沒教星替

二

剩結茱萸枝多擘秋蓮的獨自有波光綠囊盛不得

三

蠻絲繫條脫妍眼和香屑壽宮不惜鑄南人柔腸早
被秋眸割清澄有餘幽素香鰥魚渴鳳眞珠房不知
瘦骨類冰井更許夜簾通曉霜土花淡碧雲茫茫黃
河欲盡天蒼蒼

貝宮夫人

丁丁海女弄金環雀釵翹揭雙翅關六宮不語一生

閒高懸銀榜照青山長眉凝綠幾千年清涼堪老鏡
中驚秋肌稍覺玉衣寒空光帖妥水如天

漂母岸

崔國輔

泗水入淮處南邊古岸存秦時有漂母于此飯王孫
王孫初未遇寄食何足論後爲淮陰侯誓欲答母恩
事跡遺在此空傷千載魂前臨雙小渚上有一孤墩
遙望淮陰口蒼蒼煙樹昏幾年崩塚色每日落潮痕
古地多陘阨時哉不敢言向昔淚沾裳出宿蘆洲村

莫愁曲

李賀

草生龍坡下鴉噪城堞頭何人此城裏城角栽石榴
青絲繫五馬黃金絡雙牛白魚駕蓮船夜作十里遊
歸來無人識暗上沈香樓羅衣倚瑤瑟殘月傾簾鉤
今日槿花落明朝桐樹秋莫負平生意何名何莫愁

宮妓

李商隱

珠箔輕明拂玉墀披香新殿鬪腰肢不須看盡魚龍
戲終遣君王怒偃師

蘄丘覽古贈盧居士藏用七首

井序

陳子昇

丁酉歲吾北征出自蘄門歷觀燕之舊都其城池
霸迹已蕪昧一作矣乃慨然仰歎憶昔樂生鄒子

群賢之遊盛矣回登蘄樓作六詩以志之寄終南
盧居士亦有軒轅遺跡也

軒轅臺

北登蘄丘望求古軒轅臺應龍已不見牧馬生黃埃
尚想廣成子遺跡白雲隈

燕昭王

南登碣石館遙望黃金臺丘陵盡喬木昭王安在哉
霸圖悵已矣驅馬復歸來

樂生

王道已淪昧戰國競貪兵樂生何感激仗義下齊城

雄圖竟中天遺歎寄阿衡

燕太子

秦王日無道太子怨亦深一聞田光義七首贈千金
其事雖不立千載爲傷心

田光先生

自古皆有死殉義良獨稀奈何燕太子尚使田光作
疑伏劍誠已矣感我涕沾衣

鄒子

大運淪三代天人罕有窺鄒子何寥廓謾說九瀛垂
興亡已千載今也則無推

郭隗

逢時獨爲貴歷代非無才隗君亦何幸遂起黃金臺

龍門八詠

劉長卿

秋山日搖落秋水急波瀾獨見魚龍氣長令煙雨寒
誰窮造化力空向兩崖看

水東渡

山葉傍崖赤千峰秋色多夜泉發清響寒渚生微波
稍見沙上月歸人爭渡河

福公塔

寂寞對伊水經行長未還東流自朝暮千載空雲山

唐詩類苑

卷之二十一

十三

誰見白鷗鳥無心洲渚間

遠公龕

松路向精舍花龕歸老僧閒雲隨錫杖落日低金繩

入夜翠微裏千峰明一燈

石樓

隱隱見花閣隔河映青林水田秋鴈下山寺夜鐘深

寂寞群動息風泉清道心

下山

誰識往來意孤雲長自閒風寒未渡水日暮更看山

木落衆峰出龍宮蒼翠間

水西渡一作西渡水

伊水搖鏡光纖鱗如不隔千龕道傍古一鳥沙上白
何事還山雲能留向城客

渡水

日暮下山來千山暮鐘發不知波上棹還弄山中月
伊水連白雲東南遠明滅

巫山懷古

劉希夷

巫山幽陰地神女艷陽年襄王伺容色落日望悠然
歸來高堂夜金缸焰青煙頽想臥璠席夢魂何翩翩
搖落殊未已榮華倏徂遷愁思瀟湘浦悲涼雲夢田

唐詩類苑

卷之二十一

十四

猿啼秋風夜鴈飛明月天已歌不可聽聽此益潺湲

巫山之陽香溪之陰明妃神女舊跡存焉

蔣冽

神女歸巫峽明妃入漢宮搗衣餘石在薦枕舊臺空
行雨有時渡溪流何日窮至今詞賦裏悽愴寫遺風

登敬亭山南望懷古贈竇主簿

李白

敬亭一迴首目盡天南端仙者五六人常問此遊盤
溪流琴高水石聳麻姑壇白龍降陵陽黃鶴呼子安
羽化騎日月雲行翼鴛鴦下視宇宙間四溟皆波瀾

決絕目下事從之後何難百歲落半途前期浩漫漫
強食不成味清晨起長歎願隨子明去鍊火燒金丹

商洛山行懷古

張九齡

園綺值秦末嘉遁此山阿陳迹向千古荒途始一過
碩人久淪謝喬木自森羅故事昔嘗覽遺風今豈訛
必泉空活活樵叟獨皤皤是處清暉滿從中幽興多
長懷赤松意復憶紫芝歌避世辭軒冕逢時解薜蘿
盛明今在運吾道竟如何

峴山懷古

李白

訪古登峴首憑高眺襄中天清遠峰出水落寒沙空

唐詩類苑

卷之五十一

十五

弄珠見遊女醉酒懷山公感歎發秋興長松鳴夜風

峴山懷古

陳子昂

秣馬臨荒甸登高覽舊都猶悲墮淚碣尚想臥龍圖
城邑遙分楚山川半入吳丘陵徒自出賢聖幾凋枯
野樹蒼煙斷津樓晚氣孤誰知萬里客懷古正踟躕

君山懷古

劉禹錫

屬居八十一此地阻長風千載威靈盡頽山寒水中

過商山

僧貫休

疊疊疊嵐寒紅塵翠裏盤前程有名利此路莫艱難
雲木侵天老輪蹄到月殘何能尋四皓過盡見長安

攜妓登梁王樓霞山孟氏桃園中

李白

碧草已滿地柳與梅爭春謝公自有東山妓金屏笑
坐如花人今日非昨日明日還復來白髮對綠酒強
歌心已摧君不見梁王池上月昔照梁王樽酒中梁
王已去明月在黃鸝愁醉啼春風分明感激眼前事
莫惜醉臥桃園東

橋山懷古

舒元興

軒轅厭代千萬秋淥波浩蕩東南流今來古往無不
死獨有天地長悠悠我乘驛騎到中部古聞此地爲

唐詩類苑

卷之五十一

十六

渠搜橋山突兀在其左荒榛交鎖寒風愁神仙天下
亦如此況我感役同蜉蝣誰言衣冠塋其下不見弓
劍何人收哀喧呌笑牧童戲陰天月落狐狸遊思
皇墳立人極車輪馬跡無不周洞庭張樂降鶴啄
鹿大戰摧蚩尤智勇神天不自大風后力牧輪長壽
襄城迷路問童子帝鄉歸去無人留崆峒求道失遺
跡荆山鑄鼎餘荒丘君不見黃龍飛去山下路斷髯
成草風颭颭

玉山

李商隱

玉山高與閬風齊玉水清流不貯泥何處更求迴日

馬此中兼有上天梯珠容百斛龍休睡
要樓聞道神仙有才子赤簫吹罷好相攜

西塞山懷古

劉禹錫

西晉樓船下益州金陵王氣漠然收
千尋鐵鎖沈江底一片降幡出石頭
人世幾回傷往事山形依舊枕寒流
從今四海爲家日故壘蕭蕭蘆荻秋

北印山

羅隱

一種山前路入秦高山堪愛此傷神
魏明未死虛留意莊叟雖生的滿巾
何必更尋無主骨也知曾有弄權人
美他綏嶺吹簫客閒傍雲頭看俗塵

唐詩類苑

卷之百十一

七

齒坐呈山南諸隱

孟浩然

習公有遺坐高在白雲陲樵子見不識
山僧賞自知以余爲好事攜手一來窺
竹露閒夜滴松風清晝吹從來抱微尚
況復感前規于此無奇策蒼生奚以爲

懷古

張洪靖

叢石依古
泉灑清池高低表丈內
相蔽虧

歸田竟何
爲郡豈所宜誰能辨大野
寄適聊在斯

和山亭懷古

韓察

公府政多暇思與仁智全
爲山想崑穴引水聽潺湲
軒冕迹自逸塵俗無由牽
蒼生方矚望詎得賦歸田

和山亭懷古

和山亭懷古

崔公信

和山亭懷古

陸灝

和山亭懷古

胡証

唐詩類苑

卷之百十一

八

和山亭懷古

高銖

和山亭懷古

張賈

和山亭懷古

李德裕

高情樂閒放寄跡山水中朝霞鋪座右虛白貯清風
潛竇激飛泉石路躋且崇步武有勝槩不與俗情同
疊石狀崖巘翠含城上樓前移盧霍峰遠帶沅湘流
瀟灑主人靜黃綠芳徑幽清輝在昏旦豈異東山遊
激水瀉飛瀑寄懷良在茲如何謝安石要結東山期
入座蘭蕙馥當軒松桂滋于焉悟幽道境寂心自怡
飛泉天台狀峭石蓬萊安潺湲與翠咫尺當幽奇
居然盡精道得以書妍詞豈無他山勝懿此清軒墀
關石類巖巘飛流瀉潺湲遠壑簷宇際孤鸞雉堞間
何必到海嶽境幽機自間茲焉得高趣高步謝東山
中庭起崖谷漱玉下漣漪丹丘誰云遠寓象得心期
豈不貴鍾鼎至懷在希夷唯當蓬萊閣靈鳳復來儀
巖石在朱戶風泉當翠樓始知峴亭賞難與清輝留

餘景澹將夕疑風輕欲收東山有歸志亦接赤松遊

遊溧陽北湖亭望瓦屋山懷古贈同旅一作贈孟

浩然

李白

朝登北湖亭遙望瓦屋山天青白露下始覺秋風還
遊子托主人仰觀眉睫間目色送飛鴻邈然不可攀
長吁相勸勉何事來吳關聞有真義女振窮溧水灣
清光了在眼白日如披顏高墳五六墩萃兀棲猛虎
遺跡翳九泉芳名動千古子胥昔乞食此女傾壺漿
運開展宿懷入楚鞭平王凜冽天地間聞名若懷霜
壯夫或未達十步九太行與君拂衣去萬里同翱翔

唐詩類苑

卷之百十一

九

春日陪楊江寧及諸官宴北湖感古作

李白

昔聞顏光祿攀龍宴京湖樓船入天鏡帳殿開雲衢
君王歌大風如樂豐沛都延年獻佳作邈與詩人俱
我來不及此獨立鍾山孤楊宰穆清風芳聲騰海隅
英僚滿四座粲若瓊林敷鷁首弄倒景蛾眉綴明珠
新絃採梨園古舞嬌吳歛曲度繞雲漢聽者皆歡娛
鴛鴦何嘈囋江月沸笙竽古之帝宮苑今乃人樵蘇
感此勸一觴願君覆瓢壺榮盛當作樂無今後賢吁

郢城懷古

李百藥

客心悲暮序登墉瞰平陸林澤宵羊綿山川鬱重複
王公資設險名都拒江隩方城次北門壯觀章華築
入世更盛衰吉凶良倚伏遽見鄰交斷仍覩賢臣逐
南風忽不競西師日侵逼運圯屬驅馳時屯恣歎朴
莫救夷陵火無復秦庭哭鄢郢遂丘墟風塵俄慘黷
狐兔時遊踐霜露日霑沐一作曲池平神臺增
宇覆陣雲埋夏首窮陰慘荒谷悵矣洲壑遷悲哉年
祀倏雖異三春望終傷千里目

過漢故城

吳少微

大漢昔未定強秦猶擅場中原逐鹿罷高祖鬱龍驤

唐詩類苑

卷之百十一

十

經始謀帝座茲焉壯未央規模窮棟宇表裏浚城隍
群后崇長樂中朝增建章勾陳被蘭鐫樂府奏芝房
翡翠明珠帳鴛鴦白玉堂清晨寶鼎食閒夜爵金香
天馬來東道佳人傾北方何其赫隆盛自謂寶靈長
曆數有時盡哀平嗟不昌冰堅成巨猾火德遂頽綱
與位匪虛校貪夫竟速亡魂神吁社稷豹虎闕嚴廊
金狄移灞岸銅盤向洛陽君王無處所年代幾荒涼
宮闕誰家域蕞蕪晉我棠井田唯有草海水變爲桑
在昔高門內于今岐路傍餘基不可識古蔓列成行
狐兔驚魍魎鴟鳥嚇鵩狂空城寒月晚平野暮雲黃

烈烈樊一作樊青棘蕭蕭吹白楊千秋并萬歲一作萬歲後
空使詠歌傷

北使長城 王無競

秦世築長城長城無極已募兵四十萬興工九千里
死人亂如麻白骨相撐委殫弊未云悟窮毒豈知止
胡塵未北滅楚兵遽東起六國遂翳翳兩龍鬬鬚鬚
卯金竟握讖反壁俄淪祀仁義寢邦國徂暴行終始
一旦咸陽宮翻為漢帝一作市朝

再登河陽城懷古 朱延

客遊倦旅思憩駕陟崇墉元凱標奇跡安仁擅美蹤
唐詩類苑卷之二十一

舜城懷古 項斯

禪禹遜堯聰巍巍盛此中四隅咸啓聖萬古賴成功
道德去彌遠山河勢不窮停車一再拜帝業即今同

白帝城懷古 陳子昂

日落滄江晚停橈問土風城臨巴子國臺沒漢王宮
荒服仍周甸深山尚禹功巖懸青壁斷地險碧流通
古木生雲際歸帆出霧中川途去無限客思坐何窮

漢壽城春望古制州刺史治亭下有子胥廟兼楚王古墳

劉禹錫

漢壽城邊野草春荒祠古墓對荆榛田中牧豎燒
狗陌上行人看石麟華表半空經霹靂碑文纔見滿
埃塵不知何日東瀛變此地還成要路津

初冬從幸漢故青門應制 沈佺期

青門長安城東出南頭第一門也民見門色青名
曰青城門或曰青門門外舊出佳瓜廣陵人邵平
為秦東陵侯秦破為布衣種瓜青門外瓜美故時
人謂之東陵瓜本名霸城門亦曰青綺門

漢王建都邑渭水對青門朝市俱東逝墳陵共北原
荒涼蕭相闕蕪沒邵平園全盛今何在英雄復重論
唐詩類苑卷之二十一

故基仍嶽立遺堞尚雲屯當極土功壯安知人力煩
天遊戒東首懷昔駐龍軒何必金湯固無如道德藩
微臣諒多幸參乘偶殊恩預此陳古事敢奏興亡言

夷門歌 王維

七雄雄雌猶未分攻城殺將何紛紛秦兵益圍邯鄲
急魏王不救平原君公子為嬴停駟馬執轡愈恭意
愈下亥為屠肆鼓刀人羸乃夷門抱關者非但慷慨
獻奇謀意氣兼將身命酬向風刎頸送公子七十老
翁何所求

東歸晚次潼關懷古 岑參

暮春別鄉樹晚景抵津樓伯夷在首陽欲往無輕舟
遂登關城望下見洪河流自從巨靈開流血千萬秋
行行潘生賦赫赫曹公謀川上多往事淒涼滿空洲

出蕭關懷古

陶翰

驅馬擊長劍行役至蕭關悠悠五原上永眺關河前
北虜三十萬此中常控弦秦城亘宇宙漢帝埋旌旆
刁斗鳴不息羽書日夜傳五軍計莫就三策議空全
大漠橫萬里蕭條絕人煙孤城當瀚海落日照祈連
愴然苦寒奏懷哉式微篇更悲秦樓月夜夜出胡天

蕭關西道中作

李山甫

唐詩類苑

卷之二十一

二十三

國東王氣凝蕭關樓臺帖出晴空間紫煙橫捧大舜
廟黃河直打中條山地鎖咽喉千古壯風傳歌吹萬
家閒來來去去身依舊未及潘年鬢已斑

古大梁行

高適

古城莽蒼饒荆榛驅馬荒城愁殺人魏王宮觀盡禾
黍信陵賓客隨灰塵憶昨雄都舊朝市軒車照耀歌
鐘起軍容帶甲三十萬國步連營五千里全盛須臾
那可論高臺曲池無復存遺墟但見狐狸迹古地空
餘草木根暮天搖落傷懷抱撫劍悲歌對秋草俠客
猶傳朱亥名行人尚識夷門道白壁黃金萬戶侯寶

刀駿馬填山丘年代淒涼不可問往來唯見水東流

邵陵作

張謂

嘗聞虞帝百憂人祗爲蒼生不爲身已道一朝辭北
極何須五月更南巡昔時文武皆銷鑠今日精靈長
寂寞斑竹年來笋自生白蘋春盡花空落遙望零陵
見舊丘蒼梧雲起至今愁唯餘帝子千行淚添作瀟
湘萬里流

登廣武古戰場懷古

李白

秦鹿奔野草逐之若飛蓬項王氣蓋世紫電明雙瞳
呼吸八千人橫行起江東赤精斬白帝叱咤入關中

唐詩類苑

卷之二十一

三

兩龍不並躍五緯與天同楚滅無英圖漢興有成功
按劍清八極歸酣歌大風伊昔臨廣武連兵決雌雄
分我一杯羹太皇乃汝翁戰征有古跡壁壘頽層穹
猛虎吟洞壑饑鷹鳴秋空翔雲列曉陣殺氣赫長虹
撥亂屬豪聖俗儒安可通沈吟呼豎子狂言非至公
撫掌黃河曲咄咄阮嗣宗

登樂遊廟懷古

豆盧同

絢維漢宣帝初謂皇曾孫雖在襁褓中亦遭巫蠱咒
至哉丙廷尉感激義彌敦馳逐蓮勺道出入諸侯門
一朝風雲會竟登天位尊捧符昇寶曆負展御華軒

赫奕文物備歲終休瑞繁卒爲中興主垂名於後昆
雄圖奄已謝餘址空復存昔爲樂遊苑今成狐兔園
朝見牧豎集夕聞棲鳥喧蕭條灞岸寂寞杜陵原
暮歷野煙起蒼茫嵐氣昏二曜屢迴薄四時更涼溫
天道尚如此人理安可論

樂遊

李商隱

春夢亂不記春原登已重青門弄煙柳紫閣舞雲松
拂硯輕水散開樽綠酒濃無悰託詩遺吟罷更無悰

樂遊原

李商隱

萬樹鳴蟬隔斷虹樂遊原上有西風義和自赴虞泉

唐詩類集

卷之百十一

十五

宿不放斜陽更向東

夜渡吳松江懷古

宋之問

宿帆震澤口曉渡松江瀆櫂發魚龍氣舟衝鴻鴈群

寒潮頓覺滿暗浦稍將分氣亦海生日光清湖起雲

水鄉盡天衛歎息爲吳君謀士伏劍死至今悲所聞

題橫江館

杜牧

孫家兄弟晉龍驤馳騁功名業帝王至竟江山誰是

主苔磯空屬釣魚郎

曲江

李商隱

望斷平時翠輦過空聞子夜鬼悲歌金輿不返傾城

色玉殿猶分下苑波死憶華亭聞唳鶴老憂王室泣
銅駝天荒地變心雖折若比陽春意未多

浙江晚渡懷古

劉滄

蟬噪秋風滿古隄荻花寒渡思淒淒潮聲歸海鳥初
下草色連江人自迷碧落晴分平楚外青山晚出穆
陵西此來一見垂輪者却憶舊居明月溪

西江懷古

杜牧

上吞巴漢控瀟湘怒似連山淨鏡光魏帝縫囊真戲
劇符堅投筆更荒唐千秋釣舸歌明月萬里沙鷗弄
夕陽范蠡清塵何寂寞好風唯屬往來商

唐詩類集

卷之百十一

十五

廣武懷古

楊浚

河水城下流登程望彌愜海雲飛不斷岸草綠相接

龍門無舊城武牢有遺堞扼喉兵易守捫指計何捷

天奪項氏謀卒成漢家業鄉山遙可見西顧淚盈睫

洛川懷古

劉希夷

萋萋春草綠悲歌牧征馬行見白頭翁坐泣青竹下
感歎前問之贈余辛苦詞歲月移今古山河更盛衰

晉家都洛濱朝廷多近臣詞賦歸潘岳繁華稱季倫

紫

一作澤

春草非河陽亂華飛綠珠不可奪白首同

所歸高樓倏冥滅茂林久摧折昔時歌舞臺今成狐

鬼穴人事互消亡世路多悲傷北印是吾亡東嶽爲
我鄉君看北印道韻紫萸草芳

潤州二首

杜牧

句吳亭東千里秋放歌曾作昔年遊青苔寺裏無馬
跡綠水橋邊多酒樓大抵南朝皆曠達可憐東晉最
風流月明更想桓伊在一笛聞吹出塞愁

謝眺詩中佳麗地夫差傳裏水犀軍城高鐵瓮橫強
弩潤州城孫權柳暗朱樓多夢雲畫角愛飄江北去
釣歌長向月中聞揚州塵土試迴首不惜千金借與

唐詩類苑

卷之百十一

二十七

君

陪宋中丞武昌夜飲懷古 李白

清景南樓夜風流在武昌庾公愛秋月乘興坐胡牀
龍笛吟寒水天河落曉霜我心還不淺懷古醉餘觴

武昌懷古

戰國城池盡悄然昔人遺迹遍山川笙歌罷吹幾多
日臺榭荒涼七百年蟬響夕陽風滿樹鴈橫秋島雨
來天傷嗟世事如流水空見蘆花一釣船

丹陽行

孫逖

丹陽古郡洞庭陰落日扁舟此路尋傳是東南舊都

處金陵中斷碧江深在昔風塵起京都亂如燬雙闕
戎虜間千門戰場裏傳聞一馬化爲龍南渡衣冠亦
願從石頭橫帝里京口拒戎鋒青楓林下迴天蹕杜
若洲前轉國容都門不見河陽樹輦道唯聞建業鐘

中原悠悠幾千里欲掃提槍未云已英雄傾奪何紛
然一盛一衰如逝川可憐宮觀重江裏金鏡相傳三
百年自從龍見聖人出六合車書混爲一昔年王氣
今何在併向長安就堯日荆榛古木閉荒阡共道繁
華不復全赤縣唯餘江樹月黃圖半入海人煙暮來
山水登臨遍覽古愁吟淚如霰唯有空城多白雲春

唐詩類苑

卷之百十一

二十八

風澹蕩無人見

永嘉行

張籍

黃頭鮮卑入洛陽胡兒持戟升明堂晉家天子作降
虜公卿奔走如牛羊紫陌旌旗暗相觸家家鷄犬驚
上屋婦今出門隨亂兵夫死眼前不敢哭九州諸侯
自曠土無人領兵來顧主北人避胡皆在南南人至
今能晉語

故絳行

杜頌

君不見銅鞮觀數里城池已蕪漫君不見祈禱宮幾
重臺榭亦微蒙介馬兵車全盛時歌童舞女妖豔姿

一代繁華皆共絕九原唯望塚累累

公安縣懷古

杜甫

野曠呂蒙營江深劉備城寒天催日短風浪與雲平
灑落君臣契飛騰戰伐名維舟倚前浦長嘯一含情

過當塗縣

韋莊

客過當塗縣停車訪舊遊謝公山有野李白酒無樓
采石華空發烏江水自流夕陽誰共感寒露立汀洲

上元縣

韋莊

南朝三十六英雄角逐興亡盡此中有國有家皆是
夢爲龍爲虎亦成空殘花舊宅悲江今落日青山弔

唐詩類苑

卷之百十一

壬九

謝公止竟霸圖何物在石麟無主臥秋風

過內黃縣

韋莊

相州吹角欲斜陽匹馬遙鞭宿內黃僻縣不容投刺
客野陂時遇射鵰郎雲中粉堞新成壘店後荒郊舊
戰場猶指去程千萬里秣陵煙樹在何鄉

過故宋舊都

駱賓王

舊國千年盡荒城四望通雲浮非隱帝日舉類遊童
綺琴朝化洽祥石夜論空馬去遙奔鄭地分近帶豐
池水斂東水竹影漏寒叢園兔承行月川禽避斷風
故宋誠難定從梁事未工唯當過周客獨愧吳臺空

宋中十首

高適

出門望終古獨立悲且歌憶昔魯仲尼懷懷此經過
衆人不可向伐樹將如何

逍遙漆園吏冥沒不知年世事浮雲外閒居大道邊
古來同一馬今我亦忘筌

五霸遞征伐宋人無戰功解圍幸奇說易子傷吾衷
唯見盧門外蕭條多轉蓬

常愛宓子賤鳴琴能自親邑中靜無事豈不由其身
何意千年後寂寥無此人

關伯去已久高丘臨道傍人皆有兄弟爾獨爲參商

唐詩類苑

卷之百十一

壬子

終古猶如此而人安可量

梁王昔全盛賓客復多才悠悠一千年陳跡唯高臺
寂寞向秋草悲風千里來

朝臨孟諸上忽見芒碭間赤帝終已矣白雲長不還
時清更何有禾黍徧空山

景公德何廣臨變莫能欺三請皆不忍妖星終自移
君心本如此天道豈無知

梁苑白日暮梁山秋草時君王不可見修竹令人悲
九月桑葉盡寒風鳴樹枝

登高臨舊國懷古對窮秋落日鴻鴈度寒城砧杵愁

昔賢不復有行矣莫淹留

宋中

耿漳

日暮黃雲合年深白骨稀舊林喬木在秋草遠人歸
廢井莓苔厚荒田路徑微唯餘近山色相對似依依

宋中

耿漳

百戰無軍食孤城陷虜塵為傷多易于翻弔淺為臣
漫漫東流水悠悠南陌人空思前事往向晚淚沾巾

過宋州

李端

睢陽陷虜日外絕救兵來世亂忠臣死時清相主哀
荒郊春草遍古壘野花開欲為將軍器長流水不迴

唐詩類苑

卷之百十一

三十二

魯西至東平

高適

沙岸泊不定石橋水橫流問津見魯俗懷古傷家丘
寥落千載後空傳褒聖侯

懷魯

程彌綸

曲阜國尼丘山周公邈難問夫子猶啓關履風雪兮
若見游夏興兮魯顏天孫天孫何為今兮學且難負

星明而東遊閑閑

建鄴懷古

楊乘

故城故壘滿江濱盡是千戈舊苦辛見此即須知帝
力生來便作太平人

鄴都懷古

劉滄

昔時霸業何蕭索古木唯多鳥雀聲芳草自生宮
處牧童誰識帝王城殘春楊柳長川迴落日葉落
水平一望青山便惆悵西陵無主月空明

經過建業

劉滄

六代興衰曾此地西風露泣白蘋花煙波浩渺空亡
國楊柳蕭條有幾家楚塞秋光晴入樹浙江殘雨晚
生霞淒涼處處漁樵路鳥去人歸山影斜

建康

羅隱

潮平遠岸草侵沙東晉衰來最可嗟
唐詩類苑 卷之百十一 三十一
室王郎還是預人家山寒老樹啼風曲泉暖枯骸動

齒牙欲起九原看一遍秦淮聲急日西斜

涉洛川

李商隱

通谷陽林不見人我來遺恨古時春
恨不為君玉殺灌均 灌均陳王之典籤 諧諸王于文帝者
艾爭武戰就神功時似開元天寶中已建玄戈收相

洛陽

杜牧

土應迴翠帽過離宮侯門草滿宜寒兔洛浦沙深下
塞鴻疑有女娥西望處上陽煙樹正秋風

洛陽長句二首

杜牧

草色人心相與閒是非名利有無間橋橫落照虹堪
畫樹鎖千門鳥自還芝蓋不來雲香杳仙舟何處水

潺湲君王謙讓泥金事蒼翠空高萬歲山
天漢東穿白玉京日華浮動翠光生橋邊遊女環珮
委波底上陽金碧明月鎖名園孤鶴唳川酣秋夢鑿
龍聲連昌繡嶺行宮在玉輦何時父老迎

趙城懷古

曹 鄴

邯鄲舊公子騎馬又鳴珂手揮白玉鞭不避五侯車
閒愁春日短沽酒入倡家一笑千萬金醉中贈秦娃
如今高原上樹樹白楊花

唐詩類苑

卷之百十一

三十三

春過趙墟有作

劉言史

下馬邯鄲陌頭歇寂寥崩隧臨車轍古柏重生枝亦
乾餘漆見風幽燄滅白蒿微紫槿新行人感此復
悲春

秦原覽古

于 漬

耕者戮力地龍虎曾角逐火德道將亨夜逢蛇母哭
昔日望夷宮是處尋桑穀漢祖竟爲龍趙高徒指鹿
當時行路人已合傷心目漢祚又千年秦原草還綠

咸陽覽古

沈佺期

咸陽燕帝居千載坐盈虛版築林光盡壇場雷聽疎

野橋疑望日山火類焚書唯有驪峰在空聞厚塋餘

咸陽

李商隱

咸陽宮闕鬱嵯峨六國樓臺豔綺羅自是當時秦一
天帝醉不關天一作秦地有山河

咸陽懷古

陳上美

山連河水碧氛氲瑞氣東移擁聖君秦苑有花空笑
日漢陵無主自侵雲古槐堤上鶯千轉遠渚沙中鷺
一群賴與淵明同把菊煙郊四望夕陽曛

咸陽懷古

劉 洽

經過此地無窮事一望淒然感廢興渭水故都秦二

唐詩類苑

卷之百十一

三四

世咸原秋草漢諸陵天空絕塞聞邊鴈葉盡孤村見
夜燈風景蒼蒼多少限寒山半出白雲層

咸陽懷古

劉 兼

高秋咸鎬起霜風秦漢荒陵樹葉紅七國關鷄方賈
勇中原逐鹿更爭雄南山漠漠雲常在渭水悠悠事
旋空立馬舉鞭遙望處阿房遺址夕陽東

蜀城懷古

劉希夷

蜀山遶水竹吳天稜嶺表裏氣色何蒼蒼
舊國有年代青樓思豔妝古人無歲月自付其荒岡
寂歷彈琴地幽流一作留讀書堂玄龜埋卜室采鳳滅

詞場陣圖一一在柏樹雙雙行鬼神清漢廟鳥雀來
秦倉歎世已多感懷心益自傷一作歎遊日已賴蒙
靈丘境時當一作明月光

蜀國偶題

錢翊

忽憶明皇西幸時暗傷潛恨竟誰知佩蘭應語宮臣
道莫向金盤進荔枝

蜀都道中作

劉兼

劍關雲棧亂嶂嶸得喪何由險與平千載龜城終失
守一堆鬼錄謾留名季年心不延昏主憑賞那堪激
懦兵李特後來多二世納降歸擬盡公卿

唐詩類苑

卷之百十一

三五

汴河懷古

杜牧

錦纜龍舟隋煬帝平臺複道漢梁王遊人閒起前朝
念折柳孤吟斷殺腸

汴河

羅鄴

煬帝開河鬼亦悲生民不獨力空疲至今哽咽東流
水似向清平怨昔時

新豐作貽殷四校書

儲光義

漢皇思舊邑秦地作新豐南出華陽路西分長樂宮
安知天地久不與昔年同鷄犬暮聲合城池秋霽空
紛吾從此去望極咸陽中不見芸香閣徒思文雅雄

過新豐

溫庭筠

一劍乘時帝業成沛中鄉里到咸京寰區已作皇居
貴風月猶含白社情泗水舊亭春草遍千門遺瓦古
苔生至今留得離家恨鷄犬相聞落照明

鴻門行

袁瓘

少年買意氣百金不辭費學劍西入秦結交北遊魏
秦魏多報人與代亦殊倫由來不相識皆是暗相親
寶馬青絲轡狐裘貂鼠服晨過劇孟遊暮投咸陽宿
然諾本云云諸侯莫不聞猶思百獸術更逐李將軍
始從灞陵下遙遙度朔野北地風聞歌南庭見胡馬

唐詩類苑

卷之百十一

三五

鴻溝

張碧

胡馬秋正肥相邀夜合圍戰酣烽火滅路斷救兵稀
白刃縱橫逼黃塵飛不息虜騎血灑衣單于淚沾臆
獻凱雲臺中自言塞上雄將軍行失勢部曲遂無功
新人不如舊舊人不相救萬里長飄飄十年計不就
棄置難重論驅馬度鴻門行看楚漢事不覺風塵昏
寶劍中夜撫悲歌聊獨舞此曲不可終曲終淚如雨
毒龍銜日天地昏八紘黻黷生愁雲秦原走鹿無藏
處紛紛爭處蜂成群四溟波立鯨相吞蕩搖五嶽崩
山根魚蝦舞浪狂鯢龍蛇膽戰登鴻門星旗羽鏃

強者尊黑風白雨東西屯山河一
勇君王存項莊憤氣吐不得亞夫臥聲天上關玉光
墜地驚崑崙留侯氣魂吞太華舌頭一寸生陽春神
農女媧愁不言地枯老媪啼淚痕星曹定秤秤王孫
項籍骨輕迷精魂沛公仰面爭乾坤須臾垓下賊星
起歌聲繞繞懷人耳吳娃捧酒橫秋波霜天月照空
城力拔山兮呼到此騅嘶懶渡烏江水新豐瑞色
生樓臺西楚寒嵩哭愁鬼三尺霜鳴金匣裏神光一
八千里漢王驃馬意氣生西南掃地迎天子

垓下懷古

僧樓一

唐詩類苑

卷之百十一

三七

緬想咸陽事可嗟楚歌哀怨思無涯八千子弟歸何
處萬里鴻溝屬漢家弓指近前爭日月血流垓下定
龍蛇拔山力盡烏江水今古悠悠空浪花

唐詩類苑卷第一百十二

雲間張之象玄超甫墓

雲間唐仲賢晉卿甫編次

雲間王徹叔朗甫補訂

梁谿曹仁孫伯安甫校正

人部

懷古

南朝

曹松

籬蓋馳道風烈一無取時見牧牛童喚牛喫禾黍

南朝

李商隱

唐詩類苑

卷之百十一

一

地險悠悠天險長金陵王氣應瑤光休誇此地分天
下只得徐妃半面妝

南朝

李商隱

玄武湖中王漏催鷄鳴埭口繡襦迴誰言瓊樹朝朝

見不見金蓮步步來敵國軍營漂木柿前朝神廟鎖

煙煤滿宮學士皆顏色江今當年只費才

登金陵冶城西北謝安墩李白

此墩即晉太傅謝安與右軍王羲之同登超然有

高世之志余將營園其上故作是詩

晉室昔橫潰永嘉遂南奔沙塵何茫茫龍虎關朝昏

胡馬風漢草天驕感中原哲匠感頽運雲鵬忽飛翻
組練照楚國旌旗連海門西秦百萬衆戈甲如雲屯
設鞭可填江一掃不足論皇運有返正醜虜無遺魂
談笑過橫流蒼生望斯存治城訪古跡一作至今猶
有謝安墩憑覽周地險高標絕人喧想像東山姿
懷右軍言梧桐識嘉樹蕙草留芳根白鷺秋洲青
龍見朝嗽地古雲物在臺傾禾黍繁我來酌清波干
此樹名園功成拂衣去歸入武陵源

金陵白楊十字巷

李白

白楊十字巷北夾湖溝道不見吳時人空生唐年草

唐詩類苑

卷之五十一

二

天地有反覆宮城盡傾倒六帝餘古丘焦蘇泣遺老

金陵懷古

唐堯臣

晉末英雄起神器淪荒服胡月蝕中原白日升陽谷
金陵實形勝關山固重複巨壑墮北孺長江墜西陬
鑿山擬嵩華穿池象伊穀草昧席羅圖華路戴黃屋
一時因地險五世享天祿禮樂何煌煌文章紛郁郁
多士春林秀一作勃鯨鯢旋自曝倦聞金鼎移驟觀靈
龜卜一作下呀王氣盡坐悲天運倏天道何茫茫善淫乃
相復行路偏衣半逐亡大梁族日隱汀洲上登艤鯨

川陸月迴吳山樹風聞楚江鵠因依蘭蕙叢採蘋不
盈掬

金陵懷古

司空曙

輦路江楓暗宮潮野草春傷心庾開府老作北朝臣

金陵懷古

劉禹錫

潮滿台城渚日斜征虜亭蔡洲新草綠幕府舊煙青
興廢由人事山川空地形後庭花一曲幽怨不堪聽

石頭懷古

曹松

日日出又沒臺城空白雲雖寬百姓土漸缺六朝墳
禾黍是亡國山河歸聖君松聲驟雨足幾寺晚鐘聞

唐詩類苑

卷之五十一

三一

金陵思古

羅隱

杜秋在時花解言杜秋死後花更繁柔姿曼態幾何
處外天賦白愁荒原高洞紫簫吹夢想小窻殘雨濕
精魂綺筵金縷無消息一陣征帆過海門

金陵懷古

李洞

古來無此戰爭功日日戈船卷一作漾海風一遇靈鰲
開睡眠六朝灰盡九江空

青陽上人院說金陵故事

僧皎然

君說南朝全盛日秣陵才子最多人千年初色古池
館誰見齊王西邸春

石頭城

劉禹錫

山圍故國周遭在，潮打空城寂寞回。
淮水東邊舊時月，夜深還過女牆來。

烏衣巷

劉禹錫

朱雀橋邊野草花，烏衣巷口夕陽斜。
舊時王謝堂前燕，飛入尋常百姓家。

臺城二首

劉禹錫

臺城六代競豪華，結綺臨春事最奢。
萬戶千門成野草，只緣一曲後庭花。

清江悠悠王氣沈，六朝遺事何處尋。
宮牆隱隱蟬圍野，澤鵲鴉鳴秋色深。

唐詩類苑

卷之二百三

四

澤鵲鴉鳴秋色深

金陵懷古

許渾

玉樹歌殘

一作愁

王氣終景陽，兵合成樓空。

一作松一作柳

遠近千官塚，禾黍高低六代宮。
石燕拂雲晴亦雨，江豚吹浪夜還風。
英雄一去豪華盡，唯有青山似洛中。

經江寧覽舊跡至玄武

張九齡

南國更數世，此湖方十洲。
清華林苑日，宴景陽樓。
果下迴仙騎，津傍駐綵旒。
鳬鷺喧鳳管，荷芰闕龍舟。
七子陪詩賦，千人和棹謳。
應言在鑄樂，不讓橫汾秋。
風俗因紆慢，江山成易由。
駒王信不武，孫叔是無謀。

佳氣日將歇，伯功誰與修。
桑田東海變，麋鹿姑蘇遊。

否運爭三國，康時劣九州。
山雖幕府在，館豈豫章留。

上元懷古二首

李山甫

南朝天子愛風流，盡守江山不到頭。
總是戰爭收拾得，却因歌舞破除休。
堯行道德終無敵，秦祀金湯可自由。

試問繁華何處有，雨苔煙草古城秋。

爭帝圖王德盡衰，驟興馳霸亦何為。
君臣都是一場笑，家國共同千載悲。
排岸遠檣森似槩，落波殘照爛如旗。

今朝城上難迴首，不見樓船索戰時。

唐詩類苑

卷之二百三

五

夜泊牛渚懷古

李白

牛渚西江夜，青天無片雲。
登舟望秋月，空憶謝將軍。
余亦能高詠，斯人不可聞。
明朝洞庭去，楓葉落紛紛。

江南懷古

杜牧

軍書混一業，無窮井邑山川。
今古同戊辰，年向金陵過。
惆悵閑吟憶庾公。

泊秦淮

杜牧

煙籠寒水月籠沙，夜泊秦淮近酒家。
商女不知亡國恨，隔江猶唱後庭花。

蕪城懷古

李端

風吹城上樹草沒城邊路城裏月明時

揚州三首

杜牧

煬帝雷塘土迷藏有舊樓誰家唱水調明月滿揚州

自造水調駿馬宜閒出千金好暗遊喧闐醉年少半脫紫茸裘

二

秋風放螢苑春草闌鷄臺金絡擎鵬去鸞環拾翠來蜀船紅錦重越橈水沈堆處處皆華表淮王柰却迴

三

街垂千步柳霞映兩重城天碧臺空涼歌管清

唐詩類苑

卷之百十二

六一

纖腰間長袖玉珮雜繁縷拖軸誠爲壯豪華不可名

自是荒淫罪何妨作帝京

過揚州

韋莊

當年人未識兵戈處處青樓夜夜歌花發洞中春日

永月明衣上好風多淮王去後無雞犬煬帝歸來葵

綺羅二十四橋空寂寂綠楊摧折舊官河

江都

羅隱

淮王高宴動江都曾憶狂生亦坐隅九里臺牽翡翠

翠兩行鷄鷺踏眞珠歌聽麗句秦雲咽新題蜀

錦鋪惆悵晉陽星拆後世間六草地荒蕪

赤壁

杜牧

折戟沉沙鐵未銷自將磨洗認前朝東風不與周郎便銅雀春深鎖二喬

赤壁歌送別

李白

二龍爭戰決雌雄赤壁樓船掃地空烈火漲天照雲海周瑜於此破曹公君去滄江弄澄碧鯨鯢唐突留餘跡一一書來報故人我欲因之壯心魄

赤壁懷古

崔塗

漢室河山鼎勢分勤王誰肯顧元勳不知征伐由天子唯許英雄共使君江上戰餘陵是谷渡頭春在草

唐詩類苑

卷之百十二

七

連雲分明勝敗無尋處空聽漁歌到夕曛

夕次舊吳

駱賓王

維舟背楚服振策下吳畿盛德弘三讓雄圖枕九圍

黃池通霸業赤壁暢戎威文物俄遷謝英靈有盛衰

行歎鴟夷沒遽惜湛盧飛地古煙塵暗年深館宇稀

山川四望是人事一朝非縣劍空留信亡珠尚識機

鄭風遙可託關月眇難依西北雲逾滯東南氣轉微

徒懷伯通隱多謝買臣歸唯有荒臺露薄暮濕征衣

吳宮宴

曹鄴

吳宮城闕高龍鳳遙相倚四面鐙鼓鐘中央列羅綺

春風時一來蘭麝聞數里三度明月落青娥醉不起
江頭鐵劍鳴玉座成荒壘適來歌舞處未知身是鬼

吳中懷古

劉駕

勾踐飲膽日吳王酒滿盃笙歌入海雲聲自姑蘇來
西施舞初罷侍兒整金篦眾女不敢妬自比泉下泥
越鼓聲騰騰吳王隔黃溪難將甬東地更學會稽棲

姑熟十首

李白

姑熟溪

愛此溪水閒乘流興無極漾楫怕鷗驚垂竿待魚食
波翻曉霞影岸疊春山色何處浣紗人紅顏未相識

唐詩類苑

卷之一百十二

八

丹陽湖

湖與元氣連風波浩難止天外賈客歸雲間片帆起
龜遊蓮葉上鳥宿蘆花裏少女棹輕舟歌聲逐流水

謝公宅

青山日將暝寂寞謝公宅竹裏無人聲池中虛月白
荒庭衰草徧廢井蒼苔積唯有清風間時時起泉石

凌歊臺

曠望登古臺臺高極人目疊嶂列遠空雜花間平陸
閒雲入窻牖野翠生松竹欲覽碑上文苔侵豈堪讀

桓公井

桓公名已古廢井曾未竭石甃冷蒼苔寒泉流不絕
秋來桐暫落春至桃還發路遠人罕窺誰能見清徹

慈姥竹

野竹攢石生含煙映江島翠色落波深虛聲帶寒早
龍吟曾未聽鳳曲吹應好不學蒲柳凋貞心常自保

望夫山

願望臨碧空怨情感離別江草不知愁巖花但爭發
雲山萬重隔音信千里絕春去秋復來相思幾時歇

牛渚磯

絕壁臨巨川連峰勢相向亂石流湍間迴波自成浪

唐詩類苑

卷之一百十二

九

但驚群木秀莫測精靈狀更聽猿夜啼憂心醉江上

靈墟山

丁令辭世人拂衣向仙路伏鍊九丹成方隨五雲去
松蘿蔽幽洞洞桃杏深隱處不知曾化鶴遼海歸幾度

天門山

迥出江上山雙峰自相對岸映松色寒石分浪花碎
參差遠天際縹緲晴霞外落日舟去遙回首沈青靄

姑蘇懷古

許渾

宮館餘基輟棹過黍苗無限獨悲歌荒臺麋鹿爭新
草空苑鳬鷺占淺沙吳岫雨來虛檻冷楚江風急遠

帆多可憐國破忠臣死日日東流生白波

重經姑蘇懷古二首

許渾

越兵驅綺羅越女唱胡歌宮盡燕聲少臺荒麋跡多
茱萸垂曉露菡萏落秋波無復君王醉滿城蟬翠蛾

二

香逕遶吳宮千帆落照中鸛鳴山欲雨魚躍海多風
城帶晚莎綠池蓮秋蓼紅當年國門外誰識一作伍員忠

閶門懷古

韋應物

獨鳥下高樹遙知吳苑園淒涼千古事日暮倚閶門

唐詩類苑

卷之百十二

十一

蘇臺覽古

李白

舊苑荒臺楊柳新菱歌清唱不勝春只今惟有西江
月曾照吳王宮裏人

賦得館娃宮送王山人遊江東

盧綸

蒼蒼楓樹林草合廢宮深越水風浪起吳王歌管沈
燕歸巢已盡鶴語塚難尋旅泊何夜希君抽玉琴

姑蘇行

僧皎然

古臺不見秋草衰却憶吳王全盛時千年月照秋草
上吳王在時幾迴望至今月出君不還世人空對姑

蘇山山中精靈安可覩轍迹人蹤麋鹿聚嬋娟西子
傾國容化作寒陵一堆土

傷吳中

李嘉祐

館娃宮中春已歸闔閭城頭鶯已飛復見花開人又
老橫塘寂寂柳依依憶昔吳王在宮闕館娃賣眼看
花發舞袖朝欺陌上春歌聲夜怨江邊月古來人事
亦猶今莫厭清觴與綠琴獨向西山聊一笑白雲芳
草自知心

吳中書事

楊乘

十萬人家天塹東管絃臺榭滿春風名歸范蠡五湖

唐詩類苑

卷之百十三

十二

上國破西施一笑中香逕自生蘭葉小響廊深映月
華空樽前多暇但懷古盡日愁吟誰與同

吳中書事寄漢南裴尚書

皮日休

萬家無事鎖蘭橈鄉味腥多厭紫鷺江文潤集云水
紫鷺石初也似綦文交度郭柳如行障儼遮橋青梅蒂重初迎雨
白鳥群高欲避潮唯望舊知憐此意得爲僞鬼也逍
遙

奉和吳中書事

陸龜蒙

風清地古帶前朝遺事紛紛未寂寥三茆涼波漁鮑
動遠祖士衡對晉武帝
以三茆冬溫夏涼五茸春草雉媒嬌五茸吳邑
獵所草各

名雲藏野寺分金刹月在江樓倚玉簫不用懷歸忘
此景吳王看即奉弓招

長洲懷古

劉滄

野燒原空盡秋灰吳王此地有樓臺千年事往人何
在半夜月明朝自來白鳥影從江樹沒清後聲入楚
雲哀停車日晚薦蘋藻風靜寒塘花正開

越中覽古

李白

越王勾踐破吳歸義士還家盡錦衣宮女如花滿春
殿只今唯有鷓鴣飛

吳越懷古

李遠

唐詩類苑

卷之百十二

十三

吳越千年奈怨何兩宮清吹作樵歌姑蘇一敗雲無
色萬里長遊水自波雲拂故城疑轉旆月依荒樹想
頻蛾行人欲問西施館江鳥寒飛碧草多

南楚懷古

劉長卿

南國久蕪沒我來空鬱陶君看章華宮處處生蓬蒿
但見陵與谷豈知賢與豪精魂托古木寶劍指江皋
荷棹下晴景回舟隨晚濤碧雲暮寥落湖上秋天高
往事那堪問此心徒自勞獨餘湘水上千載聞離騷

楚歌十首

元稹

楚人千萬戶生死繫時君當璧便為嗣賢愚安可分

干戈長浩浩篡亂亦紛紛縱有明在下區區何足云

二

陶虞事已遠尼父獨將明潛穴龍無位幽林蘭自生
楚王謀授邑此意復中傾未別子西語縱來何所成

三

平生漸昏惑無極轉承恩子建猶相貳伍奢安得存
生居官雉闕死葬寢園尊豈料奔吳士鞭屍郢市門

四

懼盈因鄧曼罷獵為樊姬盛德留金石清風鑒薄帷
襄王忽妖夢宋玉復淫詞萬事捐宮館空山雲雨期

唐詩類苑

卷之百十二

十三

五

宜僚南市住未省食人恩臨難忽相感解紛寧用言
何如晉夷甫坐占紫微垣看者五胡亂清談空自專

六

誰恃王深寵誰為楚上卿包胥心獨許連夜哭秦兵
千乘徒虛爾一夫安可輕殷勤聘名士莫但倚方城

七

梁業雄圖盡遺孫世運消宣明徒有號江漢不相朝
碑碣高臨路松枝半作樵唯餘開壘寺猶學武皇妖

八

江陵南北道長有遠人來死別登舟去生心上馬迴
榮枯誠異日今古盡同灰巫峽朝雲起荆王安在哉

九

三峽連天水奔波萬里來風濤各自急前後苦相推
倒入黃牛漩驚衝灩澦堆古今流不盡流去不曾迴

十

八荒同日月萬古共山川生死既由命興衰還付天
棲棲王粲賦憤憤屈平篇各自埋幽恨江流終宛然

楚江懷古三首

馬戴

露氣寒光集微陽下楚丘猿啼洞庭樹人在木蘭舟

唐詩類苑

卷之百十三

十四

廣澤生明月蒼山夾亂流雲中君不降一作竟夕自見

悲秋

二

驚鳥去無際寒蛩鳴我傍蘆洲生早霧蘭隰下微霜
列宿分窮野空流注大荒看山候明月聊自整雲裝

三

野風吹蕙帶驟雨滴蘭橈屈宋魂冥冥江山思寂寥
陰霓侵晚一作景海樹入迴潮欲折寒芳薦明神詎

可招

楚行吟

韋莊

章華臺上草如煙故郢城頭月似弦惆悵楚宮雲
後露啼華笑一年年

楚吟

李商隱

山上離宮宮上樓樓前宮畔暮江流楚天長短黃昏
雨宋玉無愁亦有愁

過荆門歌

李紳

荆江水濶煙波轉荆門路山遶蔥蒨帆勢侵雲滅又
明山呈背日昏黃見青麥龍啼飛鴉寂寞野迥棠

梨花行行驅馬萬里遠漸入煙嵐危棧賒林中有鳥
飛幽谷月上千巖一聲哭腸斷思歸不可聞人言恨

唐詩類苑

卷之百十三

十五

魄來巴蜀我聽此鳥祝我魂死勿學此聲銜冤縱爲

羽族莫棲息直上青雲呼帝闕此時山月如銜鏡
巖參差互輝映皎潔深看入澗泉分明細見樵人逕

陰森鬼廟當郵通百靈月低山曉間行客已酬三漿拜
荒陌惆悵忠貞徒自持誰祭山頭望夫石

荆州道懷古

劉禹錫

南國山川舊帝畿宋臺梁館尚依稀馬嘶古道行人
歇麥秀空城野雉飛風吹落葉填空井久入荒林化

寶衣徒使詞臣庾開府咸陽終日苦思歸

雲夢澤

杜牧

日旗龍旆想飄揚一索功高縛楚王直是超然五湖客未如終始郭汾陽

夢澤

李商隱

夢澤悲風動白茅楚王臺盡滿城嬌未知歌舞能多少虛減宮厨爲細腰

金谷園懷古

邵謁

在富莫驕奢驕奢多自亡爲女莫騁容騁容多自傷如何金谷園辭爵椒蘭房昨夜綺羅列今日池館荒竹死不敗節花落有餘香美人抱義死千載名猶彰

唐詩類苑

卷之百十二

十六

嬌歌無遺音明月留清光浮雲易改色衰草難重芳不學韓侯婦銜冤報宋王

和潘安仁金谷集

曹鄴

太守龍爲馬將軍金作車香飄十里風風下綠珠莫怪坐上客歎君庭前花明朝此池館不是石崇家

金谷懷感

于瀆

黃金騎石崇與晉爭國力更欲住人間一日買不得行爲忠信主身是文章宅四者俱不聞空傳墮樓客

金谷園懷古

陳通方

緩步洛城下軫懷金谷園昔人隨水逝舊樹逐春繁

冉冉搖風弱非非暮露翻歌臺豈易見舞袖乍如存戲蝶香中起流螢暗處喧徒聞施錦帳此地擁行軒

金谷園懷古

侯列

金谷千年後春花發滿園紅芳徒笑日穠艷尚迎軒雨濕輕光軟風搖碎影翻猶疑施錦帳堪歎罷朱紉愁罷鶯吟澁啼容露綴繁殷勤問前事桃李竟無言

金谷園懷古

許堯佐

石氏遺文在淒涼見故園清風思奏樂衰草念行軒舞榭蒼苔掩歌臺落葉繁斷雲歸舊壑流水咽新源曲沼殘煙斂叢篁宿鳥喧唯餘池上月猶似對金樽

唐詩類苑

卷之百十二

十七

易水送別

駱賓王

此地別燕丹壯髮上衝冠昔時人已沒今日水猶寒

易水懷古

馬戴

荆卿西去不復返易水東流無盡期落日蕭條薊城北黃沙白草任風吹

易水懷古

賈島

荆卿重虛死節烈書前史我歎方寸心誰論一時事至今易水橋寒風兮蕭蕭易水流得盡荆卿名不泯

羅敷水

羅隱

維聲角角野田春試駐征車問水濱數樹枯桑雖不

語思量應合識秦人

羅敷水

白居易

野店東頭花落處一條流水號羅敷芳魂艷骨知何在春草茫茫墓亦無

過敷水

白居易

垂鞭欲渡羅敷水處分鳴騶且緩驅秦氏雙蛾久冥冥蘇臺五馬尚踟躕村童店女仰頭笑今日使君真是愚

途經敷水

許渾

修蛾顰翠倚柔桑遙謝春風白面郎五夜有情隨暮雨百年無節待秋霜重尋繡帶朱藤合更認羅裙碧草長何處野花何處水下峰流出一渠香

唐詩類苑

卷之百十二

十九

弔汨羅

僧貫休

落日倚欄干徘徊汨羅曲冤魂如可弔煙浪聲似哭我欲考鼃鼃之心烹魚龍之腹爾既啖大夫之血食大夫之肉千載之後猶斯藏伏將謂唐堯之尊還如荒醉之君更有逐臣于馬塋魂得以縱其噬恣其吞

湘江懷古

僧貫休

煙浪漾秋色高吟孰得隣一輪湘渚月萬古獨醒人岸濕穿花遠雲香禱廟頻祗應設佞者到此不傷神

湘中紀行十首

劉長卿

湘妃廟

荒祠古木暗寂寂此江濱未作湘南雨知爲何處雲苔痕斷珠履草色帶羅裙莫唱迎仙曲空山不可聞

斑竹巖

蒼梧在何處斑竹自成林點點流殘淚枝枝寄此心寒山響易滿秋水影偏深欲覓樵人路蒙籠不可尋

洞山陽

舊日仙成處荒林客到稀白雲將犬去芳草任人歸空谷無行徑深山少落暉桃園幾家住誰爲掃荆扉

唐詩類苑

卷之百十二

十九

雲母溪

雲母映溪水溪流知幾春深藏武陵客時過洞庭人白髮慚皎鏡清光媚澹淪寥寥古松下歲晚挂頭巾

赤沙湖

茫茫葭菼外一望一沾衣秋水連天濶潯陽何處歸沙鷗積暮雪川日動寒暉楚客來相問孤舟泊釣磯

秋雲嶺

山色無定姿如煙復如黛孤峰夕陽後翠嶺秋天外雲起遙蔽虧江迴頻向背不知今遠近到處猶相對

花石潭

江楓日搖落轉愛寒潭靜水色淡如空山光復相
人閒流更慢魚戲波難定楚客往來多偏知白鷗

石圍峰

前山帶秋色獨往秋江晚疊嶂入雲多孤峰去入遠
寅緣不可道蒼翠空在眼渡口問漁家桃源路深淺

浮石瀨

秋月照瀟湘月明聞盪槳石橫晚瀨急水落寒沙廣
衆嶺猿嘯重空江人語響清暉朝復暮如待扁舟賞

橫龍渡

空傳古岸下曾見蛟龍去秋水晚沈沈獨疑在何處
唐詩類苑 卷之百十二 二十一

亂聲沙上石倒影雲中樹獨見一扁舟樵人往來渡

湘南春日懷古

羅隱

晴江春暖蘭蕙薰鳥鷺萬萬鷗著群洛陽賈誼自無
命少陵杜甫兼有文空濶遠帆遮落日蒼桐高礙

歸雲松醪酒好昭潭靜閒過中流一弔君

凌歊臺

許渾

宋祖凌高樂未回三千歌舞宿層臺湘潭雲盡

暮山出巴蜀雪消春水來行殿有基荒齊合寢園無
主野棠開百年便作萬年計岳畔一作古碑空綠苔

登凌歊臺

羅鄴

高臺今日竟長閒因想興亡自慘顏四海已歸新
露六朝空認舊江山嵯峨獨鳥沙汀畔風遞迴橫雪
浪間好是輪蹄來往便誰人不向此躋攀

遊覽之志

李白

謝公之彭蠡因此遊松門余方窺石鏡兼得窮江源
將欲繼風雅豈徒清心魂前賞逾所見後來道空存
况屬臨汎美而無洲渚喧淅水向東去漳流直南奔
荆山漳水出焉而空濛王川夕回合千里昏青桂隱
東南流注於海
唐詩類苑 卷之百十二 二十一

仙去與琴高言

謝公墅歌

溫庭筠

朱雀航南繞香陌謝郎東墅連春碧鳩鴒高柳日方
融綺榭飄飄紫庭客文楸方罨花參差心陣未成星
滿池四座無喧梧竹靜金蟬玉柄俱持願對局含情
見千里都城已得虵尾江南王氣繫疎襟未許符
堅過淮水

謝鄭戶曹驪山感懷

韋應物

蒼山何鬱盤飛閣凌上清先帝昔好道下元朝百靈
白雲已蕭條麋鹿但縱橫泉水今尚暖舊林亦青青

承鴻業聖明君威震六合驅妖氛太平遊幸今可待
湯泉嵐嶺還氛氲

過驪山

孟遲

冷月微煙渭上愁華清宮樹不勝秋霓裳一曲千門
鎖白盡梨園弟子頭

驪山

羅鄴

風搖巖桂露聞香白鹿驚名出繞牆不向驪山鎖宮
殿可知仙去是明皇

過驪山

杜牧

始皇東遊出周鼎劉項縱觀皆引頸削平天下實辛
唐詩類苑卷之二十一

勤却爲道旁窮百姓黔首不愚爾益愚千里函關四
獨夫牧童火入九泉底燒作灰時猶未枯

驪山

許渾

聞說先皇醉碧桃日華浮動學一作鬱金袍風隨玉輦

笙歌迴雲卷珠簾劍佩高鳳駕北歸山寂寂龍煥西
幸水涵涵娥眉一作沒後巡遊少瓦落宮牆見野蒿

馬嵬行

劉禹錫

綠野扶風道黃塵馬嵬驛路邊楊貴人墳高三四尺
乃問里中兒輩言幸蜀時軍家誅戚族天子捨妖姬
群吏伏門屏貴人牽帝衣低回轉美目風日爲無暉

貴人飲金屑倏忽舜英姿平生服古丹顏色其如何
屬車塵已遠里巷來窺覩共愛宿妝妍君王盡眉處

履綦無復有文組光未滅不見巖畔人空見淩波襪
郵童愛蹤跡私手解盤結傳看千萬眼縷絕香不歇
指環照骨明首飾敵連城將入咸陽市猶得賈胡驚

經馬嵬坡

蘇拯

一從殺貴妃春來花無意此地縱千年土香猶破鼻
寵既出常理辱豈同常死一等異於衆傾覆皆如此

馬嵬三首

黃滔

錦江晴碧劍鋒奇合有千年降聖時天意從來知幸
唐詩類苑卷之二十一

蜀不關胎禍自蛾眉
鐵馬嘶風一渡河淚珠零便作驚波鳴泉亦感上皇
意流下壠頭鳴咽多

龍腦移香鳳輦留可能千古永悠悠夜臺若使香魂
在應作煙花出隴頭

過馬嵬二首

李益

路至牆垣問樵者顧予云是太真宮太真血染馬蹄
盡朱閣影隨天際空丹壑不聞歌吹夜玉堦唯有薜
蘿風世人莫重霓裳曲曾致干戈是此中
金甲銀旌盡已回蒼茫羅袖隔風埃濃香猶自隨鸞

輅恨魄無由離馬嵬南內真人悲帳殿東漢方士問
蓬萊唯留坡畔彎環月時送殘輝入夜臺

馬嵬

僧貫休

長川幾處樹青青孤驛危樓對翠屏一自武皇惆悵
後至今來往馬蹄腥

過馬嵬

李益

漢將如雲不直言寇來翻罪綺羅恩託君休洗蓮花
血留記千年妾淚痕

馬嵬二首

李商隱

海外徒聞更九州鄒衍云九州之外復有九州他生未卜此生休

唐詩類苑

卷之二十一

二十五

空聞虎旅鳴宵柝無復鷄人報曉籌此日六軍同駐
馬當時七夕笑牽牛如何四紀爲天子不及盧家有

莫愁

冀馬燕犀動地來自埋紅粉自成灰君王若道能傾
國玉輦何由過馬嵬

焚書坑

章碣

竹帛煙銷帝業虛關河空鎖祖龍居坑灰未冷山東
亂劉項元來不讀書

焚書坑

羅隱

千載遺蹤一窖塵路傍耕者亦傷神祖龍筭事渾乖

角將爲詩書活得人

思賢頓

李商隱

內殿張絃管中原絕鼓鼙舞威青海馬鬣殺汝南鴉
不見華胥夢空聞下蔡迷宸襟他日淚薄暮望賢西

舊頓

李商隱

東人望幸久咨嗟四海千今是一家猶鎖平時舊行
殿盡無宮戶有宮鴉

潁陽東溪懷古

崔曙

靈溪氛霧歇皎鏡清心顏空色不映水秋聲多在山
世人久疎曠萬物皆自閒白鷗寒更浴孤雲晴未還

唐詩類苑

卷之二十一

二十六

昔時讓王者此地閉玄關無以躡高步淒涼岑壑間

釣臺懷古

劉駕

澄流可濯纓嚴子但垂綸孤坐九層石遠笑清渭濱
潛龍飛上天四海豈無雲清氣不零雨安使洗塵氛

我來吟高風髮鬢見斯人江月尚皎皎江石亦磷磷
如何臺下路明日又迷津

善卷壇下作

劉禹錫

先生見堯心相與去九有斯民既已治我得安林藪
道爲自然貴名是無窮壽瑤臺在此山識者常回首

登商丘

儲光義

河水日夜流客心多殷憂維稍歷宋國結纜登商丘
漢皇封子弟周室命諸侯搖搖世祀怨傷古復兼秋
鳴鴻念極浦征旅慕前儔太息梁王苑時非牧馬遊
同諸公秋日遊昆明池思古

儲光義

僕人理車騎西出金光遠蒼蒼白帝郊我將遊靈池
太陰遶晦朔雨與天根違淒風披田原橫汗益山陂
農畝盡顛沛顧望稼穡悲皇靈惻群甿神政張天維
坤紀戮屏翳元綱扶逶迤迴塘清滄流大曜懸金暉
秋色浮渾沌清光隨連漪豫章盡莓苔柳杞成枯枝

唐詩類苑

卷之百二十二

三七

驟聞漢天子征彼西南夷伐棘開洪淵秉旄訓我師
震雲靈囂鼓照水蛟龍旂銳士千萬人猛氣如熊羆
刑罰一以正干戈自有儀坐作河漢傾進退樓船飛
羽發鴻鴈落檣動芙蓉拔峨峨三雲宮肅肅振旅歸
惡德忽小醜器用窮地貨上兵貴伐謀此道不能爲
吁哉蒸人苦始曰征伐非穆穆軒轅朝耀德守方垂
君臣日安閒遠近無心思石鯨既蹭蹬女牛亦流離
獮獮遊渚隅葭蘆生淚涓坎塤四十里填淤今已微
江伯方翱翔天吳亟往來桑榆無色佇立暮霏霏
老幼樵木還賓從迴轡羈帝夢鮮魚索明月當報時

經埋輪地

蔣列

漢帝張御史晉國綠珠樓時代邈已遠共謝洛陽秋
洛陽大道邊舊地尚依然下馬獨太息擾擾城市喧
時人欺綠珠詩滿金谷園千載埋輪地無人與一言
正直死猶忌况乃未死前汨羅有翻浪恐是嫌屈原
我聞大古水上與天

雜詩二首

權德輿

婉彼嬴氏女吹簫偶蕭史彩鸞駕霏煙綽約兩仙子
神期諒交感相顧乃如此豈比成都人琴心中夜起

二

唐詩類苑

卷之百二十二

三八

陽臺巫山上風雨忽清曠朝雲與遊龍變化千萬狀
魂交復目斷縹緲難此况蘭澤不可清凝情坐惆悵

入荷口

杜甫

漠漠舊京遠遲遲歸路賒殘年傍水國落日對春華
樹密早蜂亂江泥輕燕斜賈生骨已朽悽惻近長沙

送太僕寺李丞赴都到桃林塞

耿漳

遠過桃林塞休年自昔聞曲河隨暮草重阜接閒雲
造父爲周御詹嘉守晉軍應多懷古思落葉又紛紛

送韓司直路出延陵

郎士元

遊吳還適越來往任風波復送王孫去其如春草何
岸明殘雪在潮滿夕陽多季子留遺廟停舟試一過

襄陽道

元稹

羊公名漸遠唯有岷山碑近日稱難繼曹王任馬羆
椒蘭俱下世城郭到今時漢水清如玉流來本爲誰

書懷懷古

羊士諤

何獨文翁化風流與代深泉雲無舊轍騷雅有遺音
遠目窮巴漢閒情問古今忘言意不極日暮但橫琴

南徐春日懷古

楊乘

六代驕奢地三春物象繁靈湖通漲海天塹隔中原
唐詩類苑卷之百十二二十九

曉渡高帆駛陰風巨艦翻旌旗西日落戈甲夏雲屯

豹變資陳武龍飛擁晉元風流前事盡文物舊儀存

邪侮嘗移潤忠貞幾度冤興亡山兀兀今古水渾渾

露暖蜂偷藥鶯啼日到酒腸堆麴蘖詩思遶乾坤

愁夢全無蝶離憂每愧形骸勞大塊玉石任炎崑

出處寧由已升沈未足言且應中聖樂坐起任昏昏

商於

李商隱

商於朝雨霽歸路有秋光背塢援收果投巖麝退香
建瓴真得勢橫戟豈能當割地張儀詐謀身綺季長
清渠州外月黃葉廟前霜今日看雲意依依入帝鄉

樓霞寺東峰尋南齊明徵君故居

劉長卿

山人今不見山鳥自相從長嘯辭明主終身臥此峰
泉源通石徑磴戶掩塵容古墓依寒草前朝寄老松
片雲生斷壁萬壑遍疎鐘惆悵空歸去猶疑林下逢

丹丘

李商隱

青女丁寧結夜霜羲和辛苦送朝陽丹丘萬里無消
息幾對梧桐憶鳳凰

北齊二首

李商隱

一笑相傾國便亡何勞荆棘始堪傷小蓮玉體橫陳
唐詩類苑卷之百二十三三十一

夜已報周師入晉陽

巧笑知堪敵萬機傾城最在着戎衣晉陽已陷休迴

顧更請君王獵一圍

題烏江亭

杜牧

勝敗兵家不可期包羞忍耻是男兒江東子弟多豪

俊卷土從來未可知

灞岸

李商隱

山東今歲點行頻幾處冤魂哭虜塵灞水橋邊倚華
表平時二月有東巡

過華清內廄門

李商隱

華清別館閉黃昏碧草悠悠內殿門自是明時不巡
幸至今青海有龍孫

春草宮懷古

劉長卿

君王不可見芳草舊宮春猶帶羅裙色青青向楚人

渾河中

李商隱

九廟無塵八馬迴奉天城壘長春苔咸陽原上英雄
骨半向君家養馬來

故都

羅隱

江南江北兩風流一作迷津一拜侯至竟不如隋煬
帝破家猶得到楊州

唐詩類苑

卷之五十二

三十一

題馬嵬驛

鄭畋

玄宗回馬楊妃死雲雨雖亡日月新終是聖朝天子
事景陽宮井又何人

南征怨

曹鄴

萬浪東不回昭王南征早龍舟沒何處獨樹江上老
吾欲問水濱宮殿已生草

覽古

李商隱

莫恃金湯忽太平草間霜露古今情空糊頰壤真何
益欲舉黃旗竟不成長樂瓦飛隨水逝景陽鐘墮失
天明迴頭一弔箕山客始信逃堯不爲名

叙錢塘異勝

方干

暖景融融寒景清越臺風吹曉鐘聲四郊遠火燒煙
月一道驚波撼郡城夜雪未知東岸綠春風猶放半
江晴謝公吟處依稀在千古無人繼

雷塘

徐振

九重城闕悲涼盡一聚園林怨恨長花憶所爲猶自
笑草知無道更應荒詩名占得風流在酒興催教運
祚亡若問黃天惆悵事只因斜日照雷塘

遊江夏口

羅隱

醉別江東酒一杯往年曾此駐塵埃魚聽建業歌聲
過水看瞿塘雪影來黃祖不能容賤客費禪終是負
仙才平生膽氣平生恨今日江邊首懶迴

唐詩類苑

卷之五十二

三十一

碧城三首

李商隱

碧城十二曲闌干犀辟塵埃玉辟寒闌苑有書多附
鶴女牆無樹不棲鸞星沈海底當窻見雨過河源隔
座看若是曉珠明又定一生長對水精盤
對影聞聲已可憐玉池荷葉正田田不逢蕭史休迴
首莫見洪崖又拍肩紫鳳放嬌銜楚珮赤鱗狂舞撥
湘絃鄂君悵望舟中夜繡被焚香獨自眠
七夕來時先有期洞房簾箔至今垂玉輪顧兔初生

便鐵網珊瑚未有枝檢與神方教駐景收將鳳紙寫
相思武皇內傳分明在莫道人間總不知

井絡

李商隱

井絡天彭一掌中漫誇天設劍為峰陣圖東聚燕江
口邊析西懸雪嶺松堪歎故君成杜宇可能先主是
真龍將來為報奸雄輩莫向金牛訪舊蹤

利州江潭作

感孕金輪所

李商隱

神劍飛來不是銷碧潭珍重駐蘭橈自移明月移燈
疾欲就行雲散錦遙河伯軒窗通貝闕水宮帷箔卷
冰綃他時燕脯無人寄雨滿空城蕙葉彫

唐詩類苑

卷之百二十一

三十三

銅駝悲

李賀

落魄三月罷尋花去東家誰作送春回洛岸悲銅駝
橋南多馬客北山饒古人客飲盃中酒駝悲千萬春
生世莫徒勞風吹盤上燭厭見挑抹笑銅駝夜來哭

金銅仙人辭漢歌

李賀

魏明帝青龍元年八月詔宮官牽車西取漢孝武
捧露盤仙人欲立置殿前宮官既拆盤仙人臨載
迴潸然淚下唐諸王孫李長吉遂作金銅仙人辭
漢歌

茂陵劉郎秋風客夜聞馬嘶曉無跡盡欄桂樹懸秋

香三十六宮楚花碧魏官牽車指千里東關酸風射
眸子空將漢月出宮門憶君清淚如鉛水衰顏送客
咸陽道天若有情天亦老攜盤獨出月荒涼渭城已
遠波聲小

八陣圖

杜甫

功蓋三分國名成八陣圖江流石不轉遺恨失吞吳

望夫石

正對和州郡

劉禹錫

終日望夫夫不歸化為孤石苦相思望來已是幾千
載似是當時初望時

石鏡

杜甫

唐詩類苑

卷之百二十一

三十四

蜀王將此鏡送死置空山真冀憐香骨提攜近玉顏
眾妃無復數千騎亦虛還獨有傷心石埋輪月宇間

題石室

裴鉞

文翁石室有儀形庠序千秋播德聲古柏尚留今日
翠高岷猶謁舊時青人心未肯拋羶蟻弟子依前學
聚螢更歎淹江無限水曾流祗願到滄溟

題潤州妙善前石羊

傳云吳王孫權與劉
主劉備常此會

羅隱

紫髯桑蓋此沈吟銀石猶存
手楚醪雖滿肯同心英雄已
難問苔蘚何知日

漸深還有市鄺沽酒客鵲喧鳩聚語蹄涔

當句有對

李商隱

密邇平陽接上蘭秦樓鴛瓦漢宮盤池光不定花光
亂日氣初涵露氣乾但覺遊蜂饒舞蝶豈知孤鳳憶
離鸞三星自轉三山遠紫府程遙碧落寬

一片

李商隱

一片飛煙隔九枝蓬嶽仙仗儼雲旗天泉水暖龍吟
細露曉春多鳳舞遲榆莢散來星斗轉桂花尋去月
輪移人間桑海朝朝變莫遣佳期更後期

萬葛樹

劉兼

唐詩類苑

卷之百十二

三五

葉如羽蓋豈堪論百步清陰鎖綠雲善政已聞思召
伯英風偏稱號將軍靜鋪講席麟經潤高拂枝兔
影分更有歲寒霜雪操莫將檣櫟擬相群

途中口號

孫逖

鄴城東北望陵臺珠翠繁華去不回無復新妝艷紅
粉空餘故釵滿青苔

春日歌

沈頌

常聞羸女玉簫臺奏曲情深彩鳳來欲登此地銷歸
恨却羨雙飛去不回

唐詩類苑卷第一百十二終

唐詩類苑卷第一百十三

明雲間張之象玄超甫纂輯

雲間唐仲賢晉卿甫編次

雲間王微叔朗甫補訂

梁谿曹仁孫伯安甫校正

人部

行役

早發諸暨

駱賓王

征夫懷遠路風駕上危巒薄烟橫絕巘輕凍涸迴湍
野霧連空暗山風入曙寒帝城連霸浹禹穴枕江干
唐詩類苑 卷之百十三

早發西山

沈頌

遊子空有懷賞心杳無路前程數千里乘夜連輕馭
繚繞松篠中蒼茫猶未曙遙聞孤村犬暗指人家去
疲馬懷澗泉征衣犯霜露喧呼溪鳥驚沙上或驚翥
娟娟東岑月照耀獨歸慮

早發

杜甫

有求常百慮斯文亦吾病以茲明故多窮老驅馳併
早行篙師急席掛風不正昔人戒垂堂今則奚奔命
濤翻黑蛟躍日出黃霞映煩促瘴豈侵顏倚睡未醒

僕夫問鹽榔暮顏靚青鏡隨意簪葛巾仰慙林花盛
側聞夜來寇幸喜囊中淨艱危作遠客千請傷直性
被蕨餓首陽粟馬資歷聘賤子欲適從疑悟此二柄

早發射洪縣南途中作

杜甫

將老憂貧實筋力豈能及征途乃侵星得使諸病入
鄙人寡道氣在困無獨立俶裝逐徒旅達曙陵陰澀
寒日出霧遲清江轉山急僕夫行不進驚馬若維繫
汀洲稍疎散風景開快悵空慰所尚懷終非曩遊集
衰顏偶一破勝事難屢挹茫然阮籍途更灑楊朱泣

早發金堤驛

王建

唐詩類苑

卷之二十三

二

蟲聲四野合月色滿城白家家閉戶眠行人發孤驛
離家尚苦熱衣服唯輕絺時節忽復遷秋風徹經脉
人睡落輶轍馬驚入蘆荻慰遠時問程驚昏忽揺策
從君豈云樂憂患長縈積唯願在貧家團圓過朝夕

早發若峴驛望廬山

獨孤及

雨罷山翠鮮冷冷東風好斷崖雲山處是向峯頂道
誰謂峯頂遠歧予可瞻討忘緣袪天機脫屣恨不早
祗恐歲云暮遂與空名老心往跡未并慙媿山上草
早發杭州泛富春江寄陸三十六公祐

權德輿

候曉起徒馭春江多好風白波連青雲蕩漾景光中
西望浩無際沈憂將此同未離奔走途但恐成悲翁
俯視觸鱗鱗仰目凌霄鴻纓塵日已厚心累何時空
泛泛此人世所向皆樊籠唯應杯中物醒醉皆窮通
故人玄圃姿瓊樹分青葱終當此山去共結蘭桂叢

早發交崖山還太室

崔曙

東林氣微白寒鳥高高翔吾亦別自一作茲去北一作
山歸草堂仲冬正三五日月遙相望蕭蕭過潁上隴
隴辨少陽春冰生積雪野火出枯桑獨往路難盡窮
陰人易傷傷此無衣客如何度雪霜一作紫霜

唐詩類苑

卷之二十三

三

秋江早發

劉禹錫

輕陰迎曉日霞霽秋江明草樹含遠思襟懷有餘情
凝睇萬象起朗吟孤憤平渚鴻未矯翼而我已遐征
因思市朝人方聽晨鷄鳴昏昏戀衾枕安見天地英
納爽耳目變玩奇筋骨輕滄洲有奇趣浩然吾將行

途中早發

劉禹錫

馬踏塵上霜月明江頭路行人朝氣銳宿鳥相辭去
流水隔遠村縵山多紅樹悠悠關塞內往來無閑步
早發

于漬

綠野含曙光東北雲如茜棲鴉林際起落月水中見

此身何自苦日日凌霜霰流蘇帳裏人猶在陽臺畔

曉發

賀知章

故鄉杳無際江皋聞曙鐘始見沙上鳥猶埋雲外峯

早發汾南

王建

橋上車馬發橋南烟樹開青山斜不斷迢遞故鄉來

易陽早發

王勃

飭裝侵曉月奔策候殘星危閣尋丹嶂回梁屬翠屏
雲間迷樹影霧裏失峯形復此涼颼至空山飛夜螢

早發昌平島

沈佺期

解纜春風後鳴榔曉帳前陽鳥出海樹雲鴈下江烟

唐詩類苑

卷之二十三

四

積氣衝長島浮光溢大川不能懷魏闕心賞獨泠然

途中曉發

崔曙

曉霽長風裏勞歌赴遠期雲輕歸海疾月滿下山遲
旅望因高盡鄉心遇物悲故林遙不見况在落月時

舟行旦發

張軫

夜帆時未發同侶暗相催山曉月初下江鳴潮自來
稍分揚子岸不辨越王臺自客水鄉裏舟行知幾迴

曉發鄆江北渡寄崔韓二先輩

許渾

南北信多岐生涯半別離地窮山盡處江泛水寒時

露曉兼葭重霜晴橘柚垂無勞促回轍千里有心期

早發

韋莊

早霧濃於雨田深黍稻低出門鷄未唱過客馬頻嘶
樹色遙藏店泉聲暗傍畦獨吟三十里城月尚如珪

秋晚早發新定

杜牧

解印書千軸重陽酒百缸涼風滿紅樹曉月下秋江
巖壑會歸去塵埃終不降懸纓未敢濯嚴瀨碧淙淙

早發洞天

方干

長天接廣澤二氣共含秋舉目無平地何心戀直鉤
孤鐘鳴大岸片月落中流却憶鴟夷子當時此泛舟

唐詩類苑

卷之二十三

五

早發東陽

錢起

信風催過客早發梅花橋數鴈起前渚千艘爭便潮
將隨浮雲去日惜故山遥惆悵烟波未佳期在碧霄

早發故山

馬戴

雲山夾峭石石路蔭長松谷響猿相應山深水復重
餐霞人不見一作採藥客猶逢獨宿靈潭側時聞岳頂鐘

途中早發

劉禹錫

中庭望啓明促促事晨征寒樹鳥如動霜橋人未行
水流白烟起日上彩霞生隱士應高枕無人問姓名

早發故園

馬戴

語別在中夜登車離故鄉曙鐘寒出岳一作殘月迴
凝霜風柳條多折沙雲氣盡黃行逢海西鴈零落不
成行

曉發

姚鵠

旅行宜早發况復是南歸月影綠山盡鐘聲隔浦微
殘星螢共失落葉鳥和飛去去渡南路村中人出稀

早發昭應

項斯

行人見雪愁初作帝鄉游旅店開偏早鄉帆去未收
燈殘催捲席手冷怕梳頭是物寒無色湯泉正自流

唐詩類苑

卷之百十三

六

早發始興江口至虛氏村作

宋之問

候曉踰閩嶠乘春望越臺宿雲鵬際落殘月蚌中開
薜荔搖青氣桄榔翳碧苔桂香多露裏石響細泉回
抱葉玄猿肅銜花翡翠來南中雖可悅北思日悠哉
鬢髮俄成素丹心已作灰何當首歸路行剪故園萊

早發韶州

宋之問

炎微行應盡迴瞻鄉路遙珠崖天外郡銅柱海南標
日夜清明少春冬霧雨饒身經大火熱顏入瘴江消
胸影含沙怒逢人女草搖露濃看茵濕風颺覺舡飄

直禦魑將魅寧論鵠與鷗虞翻思報國許靖願歸朝
綠樹秦京道青雲洛水橋故園長在目竟去不須招

曉發興州入陳平路

蘇頌

旌節指巴岷年年行且巡暮來青嶂宿朝去綠江春
魚貫梁緣馬猿奔樹息人邑祠猶是漢溪道即名陳
舊史饒遷謫恒情厭苦辛寧知報恩者天子一忠臣

早發陝州途中贈嚴秘書

僧清江

此身雖不繫憂道亦勞生萬里江湖夢千山雨雪行
人家依舊壘關路閉層城未盡交河虜猶屯細柳兵
艱難嗟遠客接託賴深情貧苦吾將有精修許一作謝

唐詩類苑

卷之百十三

七

少卿

早發白帝城

李白

朝辭白帝彩雲間千里江陵一日還兩岸猿聲啼不
盡輕舟已過萬重山

早發

羅隱

北去南來無定居此生生計意何如酷憐一覺平明
睡長被鷄聲惡破除

曉發公安數月憩息此縣

杜甫

北城擊柝復欲罷東方明星亦不遲鄰鷄野哭如昨
日物色生態能幾時舟楫眇然自此去江湖遠適無

前期出門轉眄已陳迹藥餌扶吾隨所之

早發天台中巖寺度關嶺決天姥岑

許渾

來往天台天姥間欲求真訣駐衰顏星河半落巖前
寺雲霧初開嶺上一作外關丹壑樹多風浩浩碧溪苔
淺水潺潺可知劉阮逢人處行盡深山又是山

早發龍沮館舟中寄東海徐司倉鄭司戶

獨孤及

沙禽相呼曙色分漁浦鳴榔十里聞正當秋風度楚
水况值遠道傷離羣津頭却望後湖岸別處已隔東

唐詩類苑

卷之百十三

八

山雲停艫目送北歸翼惜無瑤華持寄君

早發

羅鄴

一點燈殘魯酒醒已攜孤劒事離程愁看飛雪聞鷄
唱獨向長空背鴈行白草近關微有露濁河連底凍
無聲此中來往本迢遞况是驅羸客塞城

早發宜陵即事

羅鄴

霜白山村月落時一聲鷄後又登岐居人猶自掩關
在行客已愁驅馬遲身事不堪空感激鬢毛看著欲
凋衰青萍委匣休哮吼未有恩讐擬報誰

早發赴洞庭舟中作

白居易

閭門曙色欲蒼蒼星月高低宿水光掉舉影搖燈燭
動舟移聲拽管絃長漸看海樹紅生日遙見包山白
帶霜出郭已行十五里唯鋪一曲慢霓裳

早行

杜甫

歌哭俱在曉行邁有期程孤舟自昨日聞見同一聲
飛鳥數求食潛魚亦獨驚前王作網罟設法害生成
碧藻非不茂高帆終日征干戈未揖讓崩迫開其情

早行

郭良

早行星尚在數里未天明不辨雲林色空聞風水聲
月從山上落河入斗間橫漸至重門外依稀見洛城

唐詩類苑

卷之百十三

九

焦岸早行和陸四

王勃

侵星違旅館乘月戒征儔復嶂迷晴色虛巖辨暗流
猿吟山漏曉螢散野風秋故人渺何際鄉關雲霧浮

商山早行

溫庭筠

晨起動征鐸客行悲故鄉鷄聲茅店月人迹板橋霜
槲葉落山路枳花明驛牆因思杜陵夢鳬鴈滿迴塘

早行

劉郇伯

鐘靜人猶寢天高月自涼一星深戍火殘月半橋霜
客老愁塵下蟬寒怨路傍青山依舊色宛是馬卿鄉

早行

王觀

鷄唱催人起又生前去愁路明殘月在山雲收
村店烟火動漁家燈燭幽趨名與趨利行役幾時休

早行

劉駕

馬上續殘夢馬嘶時復驚心孤行多虞僮僕近我行
栖禽未分散落月照古城莫美居者閑家邊人已耕

早行

杜牧

垂鞭信馬行數里未鷄鳴林下帶殘夢葉飛時忽驚
霜凝孤鶴迴月曉遠山橫僮僕休辭慮時平路復平

早行

李咸用

家國三千里中宵筭去程因纔成蝶夢行不待鷄鳴
唐詩類苑 卷之二十三 十一

馬首搖殘月鴉羣起古城發來經幾候村寺遠鐘聲

早行寄朱放

戴叔倫

山曉旅人去天高秋氣悲明河川上沒芳草露中衰
此別又千里少年能幾時心知剡溪路聊且寄前期

早行

楊炯

敞朗東方徹闌干北斗斜地氣成霧天雲漸作霞
河流纔辨馬巖路不容車阡陌經三歲閭閻對五家

露文沾細草風影轉高花日月從來惜關山猶自賒

春霽早行

駱賓王

年華開早律霽色蕩芳晨城闕千門曉山河四望春

御溝通太液戚里對平津寶瑟調中婦金罍引上賓
劇談推曼倩驚坐揖陳遵意氣一言合風期萬里親

自惟安直道守拙忌因人談器非先木圖榮異後薪
抑揄慙路鬼憔悴切波臣玄草終疲漢烏裘幾滯秦
生涯無歲月岐路有風塵還嗟太行道處處白頭新

早行

羅隱

雨灑江聲風又吹扁舟正與睡相宜無端戍鼓催前
去別却青山向曉時

秋日早行

韋莊

上馬蕭蕭襟袖涼路穿禾黍繞官牆半山殘月露華
唐詩類苑 卷之二十三 十二

冷一岸野風連萼香煙外驛樓紅隱隱渚邊雲樹暗
蒼蒼行人自是心如火兔走鳥飛不覺長

早入榮陽界

王維

汎舟一榮澤茲邑乃雄藩河曲閭閻隘川中煙火繁
因人兒風俗入境聞方言秋晚田疇盛朝光市井喧

漁商波上客鷄犬岸傍村前路白雲外孤帆安可論

早渡伊川見舊作

錢起

鷄鳴早霜秋水寒旅涉漁人昔隣舍相見具舟楫
出浦興未盡向山心更愜村落通白雲茅茨隱紅葉

東臯滿時稼歸客欣復業

七月一日曉入太行山 李賀

一夕遶山秋香露溼蒙篆新橋倚雲阪候蟲嘶露撲
洛南今已遠越衾誰爲熟石氣何淒淒老莎如短鐵

始平曉息 王勃

觀闕長安近江山蜀路賒客行朝復夕無處是鄉家

早次眉縣東 耿漳

匹馬曉路歸悠悠渭川道晴山向孤城秋日滿白草

早下江寧 錢起

暮天微雨散涼吹片帆輕雲物高秋節山川孤客情
霜蘋留楚水寒鴈別吳城宿浦有歸夢愁猿莫夜鳴

貴池曉望 羅隱

稂莠參天翦未平且乘孤棹且行行計疎狡兔無三窟
羈甚賓鴻欲一生合眼亦知非本意傷心其奈是多情
前溪好泊誰爲主昨夜沙禽占月明

晚入汴水 崔顥

昨晚南行楚今朝北汴河客愁能幾日鄉路漸無多
晴景搖津樹春風起棹歌長淮亦已盡寧復畏潮波

晚出灋上贈崔都水 韋應物

臨流一舒嘯望山意轉延隔林分落景餘霞明遠川
首起趨東作已看耘麥田一從民里居歲月再但遷

昧質得全性世名良自牽行忻攜手歸聊復飲酒眠

初出沈江夜入湖 皇甫冉

放溜出江口迴瞻松栝深不知舟中月更引湖間心

晚入宣城界 錢起

斜日片帆陰春風孤客心山來指樵路岸去惜花林
海氣蒸雲黑潮聲隔雨深鄉愁不可道浦宿聽猿吟

晚至鄉亭 鄭德玄

長亭日已暮駐馬暫盤桓山川杳不極徒侶默相看
雲夕荆臺暗風秋郢路寒客心一如此誰復采芳蘭

晚至華陰 權德輿

臘盡促歸心行人及華陰雲霞仙掌出松栢古祠深
野渡水生岸寒川燒隔林溫泉看漸近宮樹晚沈沈

夜到潤州 孫逖

夜到丹陽郡天高氣象秋海隅雲漢轉江畔火星流
城郭傳金柝閭闔閉綠洲客行凡幾夜新月再如鉤

晉昌晚歸馬上贈 李商隱

勇多侵路去恨有礙燈還嗅自微微白看成杳杳殷
坐忘疑物外歸去有簾間君問傷春句千辭不可刪

夜下湘中 馬戴

洞庭人夜別孤棹下湘中露洗寒山遍波搖楚月空

密林飛暗秋廣澤發鳴鴻行值揚帆者江分又不同

晚登虔州卽事寄李侍御 耿 漳

章溪與貢水何事會波瀾萬里歸人少孤舟行路難
春光浮曲浪暮色隔連灘花發從南早江流向北寬
故交參盛府新角聳危冠楚劍期終割隋珠惜未彈
酒醒愁轉極別遠淚初乾願保喬松質青青過大寒

晚過橫嶺寄張藍田 錢 起

亂水東流落照時黃花滿徑客行遲林端忽見南山
色馬上還吟陶令詩

日沒賀延磧作 岑 參

沙上見日出沙上見日沒悔向萬里來功名是何物

晚留鳳州 王 勃

寶鷄辭舊役仙鳳歷遺墟去此近城關青山明月初

晚濟膠川南入密界 蘇 頔

飲馬膠川上傍勞南趨密林遙飛鳥遲雲赤晴山出
落暉飲桑杯深秋尚花實慘然遊子寒風露將蕭瑟

岳陽晚景 張 均 一作張說

晚景寒鴉集秋風旅鴈歸水光浮日出霞彩映江飛
洲白蘆花吐園紅柿葉稀長沙卑濕地九月未成衣

晚行口號 杜 甫

二川不可到歸路晚山稠落鴈浮寒水饑鳥集皮柴

市朝今日異喪亂幾時休遠愧梁江總還家尚黑頭

麻平晚行 王 勃

百年懷土里千里倦遊情高低尋戍道遠近聽泉聲
礪葉纔分色山花不辨名羈心何處盡風急暮援清

未陽溪夜行 張九齡

乘夕棹歸舟緣源路轉幽月明看嶺樹風靜聽溪流
嵐氣船間入霜華衣上浮猿聲雖此夜不是別家愁

西江夜行 張九齡

遙夜人何在澄潭月裏行悠悠天宇曠切切故鄉情

外物寂無擾中流澹自清念歸林葉換愁坐露華生
猶有汀洲鶴霄分乍一鳴

自始興谿夜上赴嶺 張九齡

嘗蓄名山意茲爲世網牽征途屢及此初服已非然
日落青巖際谿行綠篠邊去舟乘月後歸鳥息人前

數曲迷幽嶂連圻觸閭泉深林風緒結遙夜客情懸

非梗胡爲泛無膏亦自煎不知于役者相樂在何年

晚次東平寄鄭州宋使君文 儲光義

自初賓上國乃到鄒人鄉曾點與曾子俱昇闕里堂

武皇恢大畧逸翮思寥廓三居清憲臺兩拜文昌閣
爲道既真信處名猶謬鐵柱勵風威錦軸舍光輝
夜聞持簡立朝看伏奏歸洞間清瑤響廣路玉珂飛
驤首入丹掖搏空趨太微絲綸逢聖主出入飄華組
愔愔宿帝梧侃侃居文府海內語三獨朝端謀六戶
善計無弘羊清嚴歸仲舉侍郎跨方朔中丞茂周處
天眷擇循良惟賢降寵章分符指聊攝爲政本農桑
籍籍歌五袴祁祁頌千箱隨車微雨灑逐扇清風颺
旣以遷列國復茲臨帝鄉寒帷乃仍舊坐嘯非更張
居敬物無擾履端人自康薄遊出京邑引領東南望

卷之二十三

六

沈鳥雀噪田秋稼穡黃城畢天地陰廣武征戰場
以苦兵賦時來開并疆霏霏渠門色曉曉制嚴光
京華近猶悲滌洧長大明潛照曜淑慝自昭彰
昔辭西土今茲歸洛陽同焉知鄭伯當輔我周王

秋次灞亭寄申大

儲光羲

橘柚值寒陵芙蓉帶修坂無言不得意得意何由展
况我行且徒而君往猶蹇旣傷人事近復言天道遠
薄暮入空亭中夜不能飯南聽鴻鴈盡西見招搖轉
千門漢主宮百里周王苑杲杲初景出油油鮮雲卷
會朝幸歲真校獵從秋獵念君入京國雙涕如露泣

無人薦子雲太息竟誰辨

晚次湖口有懷

劉長卿

靄然空水合目極平江暮南望天無涯孤帆落何處
頃爲衡湘客頗見湖山一作起潮氣和楚雲夕陽映
江樹帝鄉勞想望萬里心來去白髮生扁舟滄波滿
歸一作滿路秋風今已至日夜鴈南度木葉辭洞庭紛
紛落無一作不知數

夕次盱眙縣

韋應物

落帆逗一作淮鎮停舫臨孤驛浩浩風起波冥冥日
沉夕人歸山郭暗鴈下蘆洲白獨夜憶秦關聽鐘未

唐詩類苑

卷之二十三

七

眠客

晚次樂鄉縣

陳子昂

故鄉杳無際日暮且孤征川原迷舊國道路入邊城
野戍荒烟斷深山古水平如何此時恨嗷嗷夜猿鳴

晚次臨涇

喻鳧

路入大羊羣城寒雉蝶隲居人祗尚武過客謾投文
馬怯奔渾水鴈沈莽蒼雲沙田積蒿艾竟夕見燒焚
同李二十八夜次襄城 韓愈
周楚仍連接川原乍屈盤雲垂天不暖塵漲雪猶乾
印綬歸台室旌旗別將壇欲知迎候盛騎火萬星攢

晚次昭應

耿漳

落日向林路東林吹麥隴藤草蔓古渠牛羊下荒塚
驪宮戶久閉溫谷泉長湧爲問全盛時何人最榮寵

晚次淮口

馬戴

天涯秋光盡木末羣鳥還夜久遊子息月明岐路閑
風生淮水上帆落楚雲間此意竟誰見行行非故關

晚次巴陵

李端

雪後柳條新巴陵城下人烹魚邀水客載酒奠山作
江神雲去低一作斑竹波迴一作動白蘋不堪逢楚

老日暮正一作江春

唐詩類苑

卷之百十三

大

夕次洛陽道中

崔塗

秋風吹故城城下獨吟行高樹鳥已息古原人尚耕
流年川暗度往事月空明不復歎岐路馬前塵夜生

晚次新豐北野老家書事呈贈韓質明府

盧綸

機鳴春響日嗽嗽鷄犬相和漢古村數派清泉黃菊
盛一林寒露紫梨繁衰翁正席矜新社稚子齊襟讀
古論共說年來但無事不知何者是君恩

晚次鄂州

盧綸

雲開遠見漢陽城猶是孤帆一日程估客晝眠知浪

靜舟人夜語覺潮生三湘愁鬢逢秋色萬里歸心對

月明舊業已隨征戰盡更堪江上鼓鼙聲

夜發三泉即事

蘇頌

暗發三泉山窮秋聽驛屑北林夜鳴雨南望曉成雲
祗誅北風涼詎知南土熱沙溪忽沸渭石道乍明滅
宛若銀磧橫復如理臺結指程賦所戀遇虞不遑歇
重續濡莫解懸旌東猶揭下奔泥棧楮上靚雲梯設
搏頰羸馬頓回睥睨人跌憧憧復往還心注思愈切
冉冉年將病力困衰怠竭天彭信方隅城勢誠斗絕
太叟尚書復叨兼使臣節京抵有歲饒亭障無邊孽

唐詩類苑

卷之百十三

九

歸奏丹墀左騫能俟來悲

夕發箭場巖下作

錢起

行役不遑安在幽機轉發山谷無明晦溪霞自興沒
朝櫛杉下風夕飲石上月懿爾青雲士垂纓朝鳳闕
寧知採竹人每食慚薇蕨

晚發五渡

岑參

客厭巴南地鄉隣劍北天江村片雨外野寺夕陽邊
芋葉藏山徑蘆花雜渚田舟行未可住乘月且須牽

半酣走馬別別後鎖邊城日落月未上鳥棲人獨行

夕發邠寧寄從弟

馬戴

方馳故國戀復愴長年情入夜不能息何當閑此生

晚發江寧道中呈嚴維

李嘉祐

惆悵遙江路蕭條落日過蟬鳴獨樹急鴉向古城多
轉曲隨青嶂因高見白波潘生秋徑草嚴子意如何

晚發咸陽寄同院補遺

李嘉祐

征戰初休草又衰咸陽晚眺淚雙垂去路全無千里
客秋田不見五陵兒秦家故事隨流水漢代高墳對
石碑回首青山獨不語羨君談笑萬年枝

發南康夜泊贛石中

耿漳

倦客乘歸舟春溪香將暮羣林結暝色孤泊有佳趣

唐詩類苑

卷之百十三

壬

夜山轉長江赤月吐深樹颯颯松上吹泥泥花間露
險石俯潭渦跳湍礙沿汭豈唯垂堂戒兼以臨深懼
稍出回鴈峯明登斬蛟柱連雲向重山杳未見鍾路

將之饒州江浦夜泊

白居易

明月滿身浦愁人卧孤舟煩寃寢不得夏夜長於秋
苦乏衣食資遠爲江海遊光陰坐遲暮鄉國行阻修
身病向鄱陽家貧寄徐州前事與後事豈堪心併憂
憂來起長望但見江水流雲樹蒼蒼煙波淡悠悠
故園迷處所一念堪白頭

秋江晚泊

白居易

扁舟泊雲島倚棹念鄉國四望不見人煙波澹秋色
客心貧易動日入愁未息

寒夜江口泊舟

儲光羲

寒潮信未起出浦纜孤舟一夜苦風浪自然增旅愁
吳山遲海月楚火照江流欲有知音者異鄉誰可求

松江晚泊

吳融

樹遠天疑盡江奔地欲隨孤帆落何處殘日更新離
客是淒涼本情爲繫滯枝寸腸無計免應只楚猿知
夜泊桐廬先寄蘇臺盧郎中

杜牧

唐詩類苑

卷之百十三

壬

水檻桐廬館歸舟繫石根笛吹孤戍月犬吠隔溪村
十載違清義幽懷未一論蘇臺菊花節何處與開樽

夜泊金陵

盧綸

圓月出高城蒼蒼照水營江中正吹笛樓上又無更
洛下仍傳箭關西欲進兵誰知五湖外諸將但爭名

晚泊

杜牧

帆濕去悠悠停橈宿渡頭亂烟迷野岸獨鳥出中流
蓬雨延鄉夢江風阻暮秋儻無身外事甘老向扁舟

秋江晚泊

劉禹錫

長泊起秋色空江涵霽暉暮霞千萬狀賓鴻次第飛

古戍見旗迴荒村聞犬稀
軻我編上客勸酒夜相依

晚泊牛渚

劉禹錫

蘆葦晚風起秋江鱗甲生
殘霞無變色遊鴈有餘聲
戍鼓音響絕漁家燈火明
無人能詠史獨自月中行

岳陽晚泊

曹松

輕帆下闕流便泊此沙洲
湖影撼山朶日陽燒野愁
白波爭起倒青嶼或沈浮
是際船中望東南仍仍秋

夜泊湘江

于鄴

北風吹楚樹此地獨先秋
何事屈原恨不隨湘水流
涼天生半月竟夕伴孤舟
一作南行客無成空白頭

唐詩類苑

卷之百廿

三

夜泊淮陰

項斯

夜入楚家煙煙中人未眠
望來淮岸盡坐到酒樓前
燈影半臨水箏聲多在船
乘流向東去別此易經年

夜泊滑津

李昌符

漂漂東去客一宿渭城邊
遠處星垂岸中流月滿船
涼歸夜深簾秋入雨餘天
漸覺家山小殘程尚幾年

晚泊河曲

駱賓王

三秋倦行役千里泛歸潮
通波竹箭水輕舸木蘭橈
金堤連曲岸貝闕影浮橋
水淨千年近星飛五老遙

五老疊花開宿浪浮葉下涼
颺浦荷疎晚酌津柳漬

寒條恹恹勞梗泛淒斷倦蓬飄
仙槎不可託河上獨長謠

晚泊鎮江

駱賓王

四運移陰律三翼大舟也泛陽候
荷香消晚夏菊氣入新秋
夜烏喧粉堞宿鴈下蘆洲
海霧籠邊徼江風繞

戍樓轉蓬驚別渚逃名謝蟻丘
還嗟帝鄉遠空望白雲浮

舟行夜泊

權德輿

蕭蕭落葉送殘秋寂寞寒波急
暝流今夜不知何處泊斷猿晴月引孤舟

唐詩類苑

卷之百廿

三

和韋潘前輩七月十二日夜泊池州城下先

寄上李使君

李商隱

桂含爽氣三秋首
黃吐中旬三葉新
正是澄江如練處玄暉應喜見詩人

楓橋夜泊

此詩有半夜鐘謂之無常鐘繼志其異耳歐陽以為語病非也

張繼

月落烏啼霜滿天江楓漁火對愁眠
姑蘇城外寒山寺夜半鐘聲到客船

浦中夜泊

白居易

暗上江隄還獨立水風霜氣夜稜稜
迴看深浦停舟

處蘆荻花中一點燈

酬瑞州吳大人夜泊湘川見寄

劉禹錫

夜泊湘川逐客心月明猿呌血沾襟湘妃舊竹痕猶淺從此因君染更深

夷陵夜泊

崔塗

家依楚塞窮秋別身逐孤舟萬里行一曲巴歌半江月便應消得二毛生

吳門晚泊寄句曲道友

羅隱

採香逕在人不留採香逕下停葉舟桃花李花鬪紅

唐詩類集

卷之百十五

五

白山鳥水鳥自獻酬十萬海銷空寸土三分孫策竟荒丘未知到了關身否笑殺雷平許遠游

金陵夜泊

羅隱

冷煙輕淡傍衰叢此夕秦淮駐斷蓬栖鳥遠驚沽酒火亂鳴高避落帆風地銷旺氣波聲急山帶秋陰樹影空六代精靈人不見思量應在月明中

夜泊毗陵無錫縣有寄

羅隱

草蟲幽咽樹初圓獨繫孤舟夜已闌濁浪勢奔吳苑急疎鐘聲出慧山寒愁催鬢髮彫何易貧戀家鄉別漸難他日親朋應大笑始知書劍是無端

中元夜泊淮口

羅隱

木葉迴飄水面平偶停孤棹已三更秋涼露露侵燈下夜靜魚龍逼岸行欹枕正牽題柱思隔樓誰轉達梁聲錦帆天子魂魄應過揚州看月明

自餘杭歸宿淮口作

白居易

爲郡已多暇猶少勤吏職罷郡更安閑無所勞心力舟行明月下夜泊清淮北豈止吾一身舉家同燕息三年請祿俸頗有餘衣食乃至董僕間皆無凍餒色行行弄雲水步步近鄉國妻子在我前琴書在我側此外吾不知於焉心自得

唐詩類集

卷之百十五

五

宿榮陽

白居易

生長在榮陽少小辭鄉曲迢迢四十載復到榮陽宿去時十一二今年五十六追思兒戲時宛然猶在目舊居失處所故里無宗族豈唯變市朝兼亦遷陵谷獨有溱洧水無情依舊綠

獨宿峴首憶長安故人

孟郊

月迴無影物况復大江秋江村與沙村人語風颼颼峴亭當此時故人不同遊故人在長安亦可將夢求

宿曾江口示姪孫湘二首

韓愈

雲昏水奔流天水潏相圍三江滅無口其誰識涯圻

暮宿投民村高處水半扉犬鷄俱上屋不復走與飛
篙舟入其家曉聞屋中啼問知歲常然哀此爲生微
海風吹寒晴波揚衆星輝仰視北斗高不知路所歸

二

舟行亡故道屈曲高林間林間無所有奔流但潺潺
嗟我亦拙謀致身落南蠻茫然失所詣無路何能還

深灣夜宿

王勃

津塗臨巨壑村宇架危岑堰絕灘聲隱峯交樹影深
江童暮理楫山女夜調砧此時故鄉遠寧知遊子心

夜宿七盤嶺

沈佺期

唐詩類苑

卷之二百十三

三六

獨遊千里外高卧七盤西山月臨窻近天河入戶低
芳春平仲綠清夜子規啼浮客空留聽寒城聞曙鷄

入蜀秋夜宿江渚

陳子良

我行逢日暮弭棹獨維舟水霧一邊起風林兩岸秋
山陰黑斷磧月影素寒流故鄉萬里外何以慰羈愁

淮陰夜宿二首

孫逖

水國南無畔扁舟北未期鄉情淮上失歸夢郢中疑
水落知寒近山長見日遲客行心緒亂不及洛陽時

二

永夕卧烟塘蕭條天一方秋風淮水落寒夜楚歌長

宿莽非中土鱸魚豈我鄉孤舟行已倦南越尚茫茫

夜宿黑龍谿

張籍

夜到碧谿裏無人秋月明逢幽更移宿取伴亦探行
花下紅泉色雲西乳鶴聲明朝記歸處石上自書名

浙江夜宿

馬戴

落帆人更起露草滿汀洲遠欲啼荒嶠孤螢溺漫流
積陰開片月爽氣集高秋去去胡爲戀寧芳時一游

宿瓜洲寄柳中庸

李端

懷人同不寐清夜起論文月魄正出海鴈行斜上雲
寒潮覺灩灩秋葉下紛紛便送江東去徘徊祇待君

唐詩類苑

卷之二百十三

三七

宿天竺寺曉發羅源

戴叔倫

黃昏投古寺深院一燈明水砌長杉列風廊敗葉鳴
山雲留別偈王事速歸程迢遞羅源路輕輿候曉行

夜宿浙江

孫逖

扁舟夜入江潭泊露白風秋氣蕭索富春渚上潮未
還天姥岑邊月初落烟水茫茫多苦辛更聞江上越

人吟洛陽城關何時見西北浮雲朝暝深

同李二十八員外從裴相公野宿西界

韓愈

四面星辰著地明散燒烟火宿天宮不堪賊賊須歸

奏自起新年賀太平

宿湘江

戎昱

九月湘江水漫流沙邊唯覽月華秋金風浦上吹黃
葉一夜紛紛滿客舟

河陰夜宿憶微之

白居易

憶君我正泊行舟望我君應上郡樓萬里月明同此
夜黃河東面海西頭

宿湖中

白居易

水天向晚碧沈沈樹影霞光重疊深浸月冷波千頃
練包霜新橘萬株金幸無案牘何妨醉縱有笙歌不

唐詩類苑

卷之二十三

五

廢吟十隻畫船何處宿洞庭山脚太湖心

從崇山向越當

沈佺期

按九真圖崇山至越當四十里杉谷起古崇山竹
谿從道明國來於崇山北二十五里合水歇缺藤
竹明昧有三十峯夾水直上千餘仞諸仙窟宅在
焉

朝發崇山下暮坐越當陰西從杉谷度北上竹溪深
竹溪道明水杉谷古崇峯差池將不合繚繞復相尋
桂葉藏金嶼藤花閉石林天窗虛的的雲竇下沈沈
造化功偏厚真仙跡每臨豈徒探怪異聊欲緩歸心

初過隴山途中呈宇文判官

岑參

一驛過一驛驛騎如星流平明發咸陽暮到隴山頭
隴水不可聽鳴咽令人愁沙塵撲馬汗霧露凝貂裘
西來誰家子自道新封侯前月發安西路上無停留
都護猶未到來時在西州十日過沙磧終朝風不休
馬走碎石中四蹄皆血流萬里奉王事一身無所求
也知塞垣苦豈爲妻子謀山口月欲出先照關城樓
谿流與松風靜夜相颼颼別家賴歸夢山塞多離憂
與子且攜手不愁前路修

唐詩類苑

卷之二十三

五

山行書事

長孫佐輔

日落風颼颼駟車行遠郊中心有所悲苦去穿黃茅
茅中狐兔窟四面烏鳶巢鬼火時獨出人烟不相交
行行近破村一徑歇還坳迎霜聽蟋蟀向月看蟪蛄
翁喜客來坐客來羞厨庖濁醪誇潑螳時菓仍新苞
相歡對寒爐呼兒藝枯梢性朴頗近古其言無斗筭
憂歡世上并歲月途中拋誰知問津客空作楊雄嘲

入昌松東界山行

高適

鳥道幾登頓馬蹄無暫閑崎嶇出長坂合沓猶前山
石激水流處天寒松色間王程應未盡且莫顧刀鐮

漢川山行呈成少尹

岑參

西蜀方攜手南宮憶比肩平生由不淺羈旅轉相憐
山店雲迎客江村犬吠船秋來取一醉須待月光眠
自閬州領妻子却赴蜀山行三首

杜甫

汨汨避羣盜悠悠經十年不成向南國復作遊西川
物役水虛照魂傷山寂然我生無倚著盡室畏途邊

二

長林偃風色迴復意猶迷衫裊翠微潤馬銜青草嘶
棧懸斜避石橋斷却尋溪何日兵戈盡飄飄愧老妻

唐詩類苑

卷之百十三

三

行色遇隱見人烟時有無僕夫穿竹語稚子入雲呼
轉石驚飈颺桴子落欬颺真供一笑樂似欲慰窮途

山行

戴叔倫

山行分曙色一路見人稀野鳥啼還歇林花墮不飛
雲迷棲鶴寺水澀釣魚磯回首天將暝逢僧話未歸

茂陵山行招金部韋員外

李端

宿雨朝來歇空山天氣清盤雲雙鶴下隔水一蟬鳴
古道黃花落平蕪赤燒生茂陵雖有病猶得伴君行

赴彭州山行

高適

峭壁連崕峒攢峯疊翠微鳥聲堪駐馬林色可忘機
怪石時侵徑輕蘿乍拂衣路長愁作客年老更思歸
且悅巖巒勝寧嗟意緒違山行應未盡誰與玩芳菲

行東山出瀟川

孟浩然

異鄉非吾土連山盡綠篁平田出郭少盤龍入雲長
萬壑歸於海千峯劃彼蒼猿聲亂楚峽人語帶巴鄉
石上攢椒樹藤間養蜜房雪餘春未暖嵐解晝初陽
征馬疲登頓歸帆愛渺茫坐浚欣溜下信宿見扶桑

入商山

杜牧

早入商山百里雲藍溪橋下水聲分流水舊聲人舊
耳此迴鳴咽不堪聞

唐詩類苑

卷之百十三

三

過商山

黃滔

燕鴈一來後人人盡到關如何衝臘雪獨自過商山
羸馬高坡下哀猿絕壁間此心無處說鬢向少年斑

京山行

孟郊

衆蛩聚病馬流血不得行後路起夜色前山聞虎聲
此時遊子心百尺風中旌

山行

項斯

青櫪林深亦有人一渠流水數家分山當日午回峯
影草帶泥痕過鹿羣蒸茗氣從茅舍出綠絲聲隔竹

縱聞行逢賣藥歸來客不惜相隨入島雲

自湘源至潭州衡山縣 宋之問

浮湘沿迅湍逗浦凝遠眺漸見江勢闊行嗟水流漫
赤岸雜雲霞綠竹綠溪澗向背羣山轉應接良景晏
杳障連夜猿平沙覆陽鴈紛吾望闕客歸撓速已費
中道方泝洄遲念自茲撰賴欣衡陽美持以獨憂息

江上阻風雨 岑參

江上風欲來泊舟未能發氣昏雨未過突兀山復出
積浪成高丘盤渦爲嵌窟雲低岸花掩水漲灘草沒
老樹蛇蛻皮崩崖龍退骨平生抱忠信艱險殊可忽

唐詩類苑 卷之五十三 三

初下漢江舟中作寄兩省給舍

白居易

秋水浙紅粒朝烟烹白鱗一食飽至夜一卧安達晨
晨無朝謁勞夜無直宿勤不知兩掖客何似扁舟人
尚想到郡日且稱守土臣猶須副憂寄恤隱安疲民
暮月庶報政三年當退身終使滄浪水濯吾纓上塵

江行無題七十五首 錢起

傾酒向漣漪乘流欲去時寸心同尺璧投此報馮夷

二

江曲全繁楚雲飛半自秦峴山回首望如別故鄉人

往年累登峴亭

三

浦烟寒永夜冷日轉秋旻自有沉碑在清光不照人

四

楚岸雲空合楚城人不來祇今誰善舞莫恨廢章臺

五

行背青山郭吟當白露秋風流無屈宋空詠古荊州

六

晚來漁父喜網重欲收遲恐有長江使金錢願贖龜

七

唐詩類苑 卷之五十三 三

去指龍沙路徒懸象闕心夜涼無遠夢不爲偶聞砧

八

霽雲疎有葉雨浪細無花穩放扁舟去江天自有涯

九

好日長秋半層波動旅腸已行千里外誰與共秋光

十

潤色非京里官曹吏見章宦遊難自定來喚擢船郎

十一

夜江晴未曉徒惜月光沈不是因行樂堪傷老大心

十二

翳日多喬木維舟取束薪靜聽江叟語盡是厭兵人

十三

箭漏日初短汀烟草未衰雨微雖更綠不是採蘋時

十四

山水夜來漲喜雨跳蒲江岸沙平欲盡垂蓼入船窻

十五

渚邊新鴈下舟上獨淒涼俱是南來客怜君垂一行

十六

雲密連江暗風斜著物明一杯真戰將笑爾作愁兵

十七

唐詩類苑

卷之百十三

五

柳拂斜陽路籬邊數戶村可能還有意不掩向江門

十八

不識相如渴徒吟子美詩江清惟獨看心外更誰知

十九

牽路沿江狹沙崩岸不平盡知行處險誰肯載時輕

二十

憔悴異靈均非讒作逐臣如逢漁父問未是獨醒人

二十一

水含秋色靜雲帶夕陽高詩癖非吾病何妨吮短毫

二十二

帶舟維古岸還似阻西陵箕踞無多少回頭詎不能

二十三

秋雲久無雨江燕社猶飛却笑舟中客今年未得歸

二十四

帆翅初張處雲鵬怒翼同莫愁千里路自有到來風

二十五

佳節雖逢菊浮生正似萍故山何處是荒岸小長亭

二十六

月下江流靜村荒人語稀鷺鴛雖有伴仍共影雙飛

二十七

唐詩類苑

卷之百十三

五

半轉月未落舟行夜已深有村知不遠風便數聲砧

二十八

棹驚沙鳥迅飛濺夕陽波不顧多魚處應防一目羅

二十九

行到楚江岸蒼茫人正迷祗如秦塞遠格磔鵲啼

三十

漸覺江遠難逢故國書可能無往事空食鼎中魚

三十一

岸色連荒色村聲樂稔年晚晴食穫稻閑却採菱船

三十二

離淺多遊鷺江清易見魚怪來吟未足秋物欠紅蕖

三十三

蛩響依沙草螢飛透水烟夜涼誰詠史空泊運租船

三十四

睡穩葉舟輕風微浪不驚人居蘆葦岸終夜動秋聲

三十五

自念平生意曾期一郡符可知因謫宦斑鬢入江湖

三十六

水天涼夜月不是少清光好景隨人物秦淮憶建康

三十七

唐詩類苑

卷之百十三

三

右來多思客搖落恨江潭今日秋風至蕭疎過河南

三十八

映竹疑村好穿蘆覺渚幽漸安無曠土薑芋當農收

三十九

烟渚復烟渚畫屏休畫屏引愁天末去數點暮山青

四十

秋風動客心寂寂不成吟飛上危檣立啼鳥不知音

四十一

見底高秋水開懷萬里天旅吟還有伴沙柳數枝蟬

四十二

九日自佳節扁舟無一杯曹園舊罇酒戲馬憶高臺

四十三

兵火有餘燼貧村纔數家無人爭曉渡殘月下寒沙

四十四

渚禽菱芡足不向稻梁爭靜宿涼灣月應無失侶聲

四十五

輕雲未撲霜樹杪橘初黃行是知明物微風過水香

四十六

土曠深耕少江平遠釣多平生皆棄本金華竟如何

四十七

唐詩類苑

卷之百十三

三

海月非常物常物不可尋披沙應有地淺處定無金

四十八

風晚冷颼颼蘆花已白頭舊來紅葉寺堪憶玉京秋

四十九

渺渺望天涯清漣浸赤霞難逢星漢使烏鵲日乘槎

五十

風好來無陣雲開去有踪釣歌無遠近應喜罷朦朧

五十一

吳疆連楚甸楚俗異吳鄉謾把罇中物無人啄蟹黃

五十二

岸綠野烟遠江紅斜照微撐開小魚艇應到月明歸

五十三

雨餘江始漲漾漾見流薪曾嘆溝中木期信憶故人

五十四

垂露晚猶濃清風不易逢涉江雖已晚高樹攀芙蓉

五十五

乘舟維夏口烟野獨行時不見頭陀寺空懷幼婦碑

五十六

晚泊武昌岸津亭疎柳風數株曾手植好事憶陶公

五十七

唐詩類苑

卷之百十三

天

舟航依浦定星斗滿江寒若此陰霾日何方夜未闌

五十八

近戍離金落孤岑望火門唯將知命意瀟灑向乾坤

五十九

叢菊生隄上此花長後時有人還採掇何必有春期

六十

景夕殘霞落秋寒細雨晴短纓何用濯舟在月中行

六十一

堤壞漏江水地坳成野塘晚荷人不折留取作秋香

六十二

失宦終何路攄懷亦自寬曩踐嘲白露無意喻

六十三

樓空人不歸雲似去時衣黃鶴無心下長應笑令威

六十四

白帝朝驚浪陽臺暮應雲等閑生險易世路祗如君

六十五

櫓一作慢生輕浪帆虛帶白雲客船雖狹小容得一

將軍

六十六

靜看秋水風微浪漸平人間馳競處塵土自波成

唐詩類苑

卷之百十三

三五

六十七

風借帆方疾風回棹却遲較量人世事不校一毫釐

六十八

咫尺愁風雨匡廬不可登祗疑香霧窟猶有六朝僧

六十九

江草何多思冬青尚滿洲誰能驚鵬鳥作賦爲沙鷗

七十

幸有烟波興寧辭筆硯勞緣情無怨刺却似反離騷

七十一

沙上獨行時吟高到楚詞難得垂岸蓼盈把當江籬

七十二

秋寒鷹隼健逐雀下雲空知是江湖客無心擊寒鴻

七十三

幽懷念烟水長恨隔龍沙今日滕王閣分明見落霞

七十四

江流何渺渺懷古獨依依漁父非賢者蘆中但有幾

七十五

遠謫歲時晏暮江風雨寒仍愁繫舟處驚夢近長灘

唐詩類苑

卷之百十三

早

唐詩類苑卷第一百十四

明雲間張之象玄超甫纂輯

雲間唐仲賢晉卿甫編次

雲間王徹叔朗甫補訂

梁谿曹仁孫伯安甫校正

人部

行役

凌朝浮江旅思

馬周

太清上初日春水送孤舟山遠疑無情潮平似不流
岸花開且落江鳥沒還浮羈望傷千里長歌遺四愁

唐詩類苑

卷之百十四

下江南向夔州

張說

天明江霧歇洲浦棹歌來綠水逶迤去青山相向開
城臨蜀帝祀雲接楚王臺舊知巫山上遊子共徘徊

江行

常建

平湖四無際此夜泛孤舟明月異方意吳歌令客愁
鄉園碧雲外兄弟淚江頭萬里無歸信傷心看斗牛

江南意

王灣

灣詞翰早著為天下所稱遊吳中江南意云海日
生殘夜江春入舊年詩人以來少聞此句張燕公
居相府手題于政事堂每示能文令為楷式

南國多新意東行伺早天潮平兩岸失一作風正數
一作帆懸海日生殘夜江春入舊年從來觀氣象
向此中偏

泝江至武昌

孟浩然

家本洞湖上歲時歸思催客心徒欲速江路苦迢迢
殘凍因風解新梅度臘開行看武昌柳髣髴映樓臺

江行晚望

崔塗

木落曙江晴寒郊極望平孤舟三楚去萬里獨吟行
鳥占橫查立人當故里耕十年來復去不覺二毛生

江行

李咸用

唐詩類苑

卷之二十四

二

瀟湘無事後征棹復嶮岨高岫留斜照歸鴻背落霞
魚殘沙岸草蝶寄沅流槎共說干戈苦汀洲減釣家

江行至沙浦

張喬

煙霞接杳冥旅泊寄迴汀夜雨雷電歇春江蛟蜃腥
城侵潮影白嶠載鳥行青徧欲探泉石南須過洞庭

下武昌江行

司空曙

悠悠大楚鄉楚口下涔陽雪隱洲渚暗沙高蘆荻黃
漁人共留滯水鳥自喧翔懷土年空盡春風又淼茫

江行次武昌縣

盧綸

家寄五湖間扁舟往復還年年生白髮處處上青山

去國空知遠安身竟不閑更悲江畔柳長是此人
江上 李商隱

萬里風來地清江北望樓雲通梁苑路月帶楚城秋
刺字從漫滅歸途尚阻脩前程更煙水吾道豈淹留

泊楊子江岸

盧綸

山映南徐暮千帆入古津魚驚出浦火月照渡江人
清鏡催雙鬢滄波寄一身空憐莎草色長接故園春

新安江路

權德輿

深潭與淺灘萬轉出新安人遠禽魚靜山深水木寒
簫起青蘋末吟曠白雲端卽事遂幽賞何必掛儒冠

唐詩類苑

卷之二十四

三

江夜舟行

白居易

烟淡月濛濛舟行夜色中江鋪滿槽水帆轉半槽風
呌曙嗽嗽鴈啼秋唧唧蟲只應催北客早作白鬚翁

江上旅泊

崔塗

汀洲一夜泊久客半連檣盡說逢秋色多同憶故鄉
孤岡生晚燒獨樹隱回塘欲問東歸路遙知隔渺茫

牛渚夜泊

崔塗

烟老石磯平袁郎夜泛情數吟人不遇千古月空明
人事年年別春潮日日生無因逢謝尚風物自淒清

發端州初入西江

宋之問

問我將何去清晨汴越溪翠微懸宿雨丹壑飲露
樹影稍雲密藤陰覆水低潮回出浦駛洲轉望鄉迷
人意長懷北江行日向西破顏看鵲喜拭淚聽猿啼
骨肉初分愛親朋忽解攜路遙魂欲斷身辱理能齊
疇日三山意于茲萬緒睽金陵有仙館卽事尋丹梯

江州赴忠州至江陵已來舟中示舍弟五十

韻

白居易

昔作咸秦客常思江海行今來仍盡室此去又專城
典午猶爲幸分憂固是榮簞篋州乘送樓櫓驛船迎
共載皆妻子同遊卽弟兄寧辭浪迹遠且貴賞心并

唐詩類苑

卷之百十

四

雲展帆高掛颿馳棹迅征汴流從漢浦循路轉荆衡
山逐時移色江隨地改名風光近東早水木向南清
夏口烟孤起湘川雨半晴日煎紅浪沸月射白砂明
北渚南留鴈南枝暖待鶯駢朱桃露萼點翠柳含萌
亥市魚鹽聚神枝鼓笛鳴壺漿椒葉氣歌曲竹枝聲
繫纜憐沙靜垂綸愛岸平水餐紅粒稻野茹紫花菁
甌汎茶如乳臺粘酒似餠膾長抽錦纜藕脆削瓊英
容易來千里斯須進一程未曾勞力氣漸覺有
臥穩添春睡行遲帶酒醒忽愁牽世網便欲濯塵纓
早接文場戰曾爭翰苑盟棹頭稱俊造趄足取公卿

且昧隨時義徒輸報國誠象排恩易失偏歷勢先傾
虎尾憂危切鴻毛性命輕燭蛾誰救護蠶繭自纏縈
歛手辭雙闕迴眸望兩京長沙拋賈誼漳浦卧劉楨
鷄鳴鳴還歇蟾蜍破又盈年光同激箭鄉思極搖旌
潦倒親知笑衰羸舊識驚烏頭因感白魚尾爲勞顏
紉學將何用丹燒竟不成孤舟萍一葉雙鬢雪千莖
老見人情盡閑思物理精如湯探冷熱似博鬪輸贏
險路應須避迷途莫共爭此心知止足何物要經營
玉向泥中絮松經雪後真無妨隱朝市不必謝寰瀛
但在前非悟期無後患嬰多知非景福少語是元亨

唐詩類苑

卷之百十四

五

晦卽全身藥明爲伐性兵昏昏隨世俗蠢蠢學黎屯
鳥以能言構龜緣入夢烹知之一何晚猶足保餘生

渡江有感

羅鄴

岸落殘紅錦雉飛渡江船上夕陽微一枝猶負平生
意歸去何曾勝不歸

江陵使至汝州

王建

迴看巴路在雲間寒食離家麥熟還日暮數峯青似
染商人說是汝州山

江行夜泊

劉滄

白浪連空極渺漫孤舟此夜泊中難岳陽秋霽寺鐘

遠渡口月明漁火殘綠綺韻高湘女怨青葭色映水
禽寒鄉遙楚國生歸思欲曙山光上木蘭

嶺南江行

柳宗元

漳江南去入雲烟望盡黃茅是海邊山腹雨晴添象
跡潭心日暖長蛟涎射工巧伺遊人影颶母偏驚旅
客船從此憂來非一事豈容華髮待流年

自淇涉黃河途中十二首 高適

川上常極目世情今已閑去帆帶落日征路隨長山
親友若雲霄可望不可攀於茲任所愜浩蕩風波間

二

唐詩類苑

卷之百十四

六

清晨泛中流羽族滿汀渚黃鵠何處來昂藏寡儔侶
飛鳴無人見飲啄豈得所雲漢爾固知胡爲不輕舉

三

野人頭盡白與我忽相訪手持青竹竿日暮淇水上
雖老美容色雖貧亦閑放釣魚三十年中心無所向

四

南登滑臺上却望河淇間竹樹夾流水孤城對遠山
念茲川路濶羨爾沙鷗閑長想別離處猶無音信還

五

東入黃河水茫茫汎汎直北望太行山峩峩半天色

山河相映帶深淺未可測自昔有賢才相逢不相識

六

秋日登滑臺臺高秋已暮獨行既未愜懷土悵無趣
晉宋何蕭條羌胡散馳驚當時無戰畧此地卽邊戍
兵革徒自勤山河孰云固乘閑喜臨眺感物傷遊寓
惆悵落日前飄飄遠帆處北風吹萬里南鴈不知數
歸意方浩然雲沙更廻互

七

亂流自茲遠倚楫時一望遙見楚漢城崔嵬高山上
天道昔未測人心無所向屠釣稱侯王龍蛇爭霸王
唐詩類苑 卷之百十四 七

八

茲川方悠邈雲沙無前後古堰對河壩長林出淇口
獨行非吾意東向日已久憂來誰得知且酌罇中酒

九

朝從北岸來泊船南河許試共野人言深覺農夫苦
去秋雖薄熟今夏猶未雨耕耘日勤勞租稅兼舄鹵
園蔬空寥落產業不足數尚有獻芹心無因見明主

十

茫茫濁河注懷古臨河濱禹功本豁達漢迹方因循

坎德昔滂沱馮夷胡不仁
渤溈陵隄防東郡多悲辛
天子忽驚悼從官皆負薪
畚築豈無謀祈禱如有神
宣房今安在高岸空嶙峋

十一

我行倦風湍輟棹將問津
空傳歌瓠子感慨獨愁人
孟夏桑葉肥穠陰夾長津
蠶農有時節田野無閑人
臨水狎漁樵望山懷隱淪
誰能去京洛顚顚對風塵

十二

朝景入平川川長復垂柳
遙看魏公墓突兀前山後
憶昔大業時羣雄角奔走
伊人何電邁獨立風塵首
傳檄舉敖倉擁兵屯洛口
連營一百萬六合如有可
方項終比肩亂隋將假手
力爭固難恃驕戰曷能久
若使學蕭曹功名當不朽

過新豐道中

二十八年
作新豐果

儲光義

西下長樂坂東入新豐道
雨多車馬稀道上生秋草
太陰閔臯陸不知晚與早
雷雨杳冥冥川谷漫浩浩
詔書植嘉木衆言桃李好
自愧無此容歸從漢陰老
赴犍爲經龍閣道

岑參

側徑搏青壁危梁透滄波
汗流出鳥道膽碎窺龍渦
驟雨暗溪谷歸雲網松蘿
屢聞羌兒笛厭聽巴童歌

江路險復永夢魂愁更多
聖朝幸典郡不敢嫌岷峨

與鮮于庶子自梓州成都少尹自褒州同行

利州道中作

岑參

剖竹向西蜀岷峨眇天涯
空深北關戀豈憚南路賒
前日登七盤曠然見三巴
漢水出嶓冢梁山控褒斜
棧道籠迅湍行人貫層崖
巖傾劣通馬石窄難容車
深林怯魑魅洞穴防龍蛇
水種新插秧山田正燒畬
夜猿嘯山雨曙鳥鳴江花
過午方始飯經時旋及瓜
數公各遊宦千里皆辭家
言笑忘羈旅還如在京華
輦城東莊道中作

儲光義

唐詩類苑

卷之百十四

九

北陵散寒鳥西山照初日
婉孌晉陽京踟躕野人室
南軒草間去後乘林巾出
靄靄長路暖遲遲狹路歸
蜉蝣時蔽月枳棘復傷衣
城上東風起河邊早鴈飛
夏王紀冬令殷人乃正月
涯口度新雲山陰留故雪
幸逢耆耄語餘待親隣
別總轡出叢薄歇鞍登峻隅
春源既蕩潏伏戰亦睢盱
未獲遵平道徒言信薄夫
自酆陽還道中寄褚徵君

劉長卿

南風日夜起萬里孤帆漾
元氣連洞庭夕陽落波上
故人烟水隔復此遙相望
江信久寂寥楚雲獨惆悵
愛君清川口弄月時棹唱
白首無子孫一生自疎曠

從江西至彭蠡入浙西淮南界道中寄齊相

公

顧況

大賢舊丞相作鎮江上雄自鎮江上來何人得如公
處士待徐孺仙人期葛洪一身控上遊八郡趨下風
比屋除畏溺林塘曳烟虹生人罷度劉井稅均以克
大府肅無事歡言接悲翁心清百丈泉目送孤飛鴻
數年鄱陽掾抱責棲微躬首陽及汨羅無乃偏其衷
楊朱并阮籍未免哀途窮四賢雖得仁此怨何忽忽
老氏齊寵辱於陵一窮通本師留度門平等冤親同
能依二諦法了達三輪空真境靡方所出則內外中
唐詩類苑 卷之二百五 十

途中寄楊逸裴緒示褒子

永陽縣館中作

韋應物

上宰領淮右下國屬星馳霧野騰曉騎霜竿裂凍旗
蕭蕭陟連岡莽莽望空陂風截鴈嘹唳雲樹參差
高齋明月夜中庭松桂姿當睽一酌恨况此兩旬期
途中書情寄豐上兩弟因送二甥却還

華簪豈足戀幽林徒自違遙知別後意寂寞掩郊扉
迴首昆池上更美爾同歸

玉泉道中作

元稹

楚俗物侯晚孟冬纔有霜早農半華實夕水含風涼
遐思雲外寺峯巒眇相望松門接官路泉脉連僧房
微露上弦月暗焚初夜香谷深烟壑淨山虛鐘磬長
念此清境遠復憂塵事妨行行即前路勿滯分寸光

途中作

白居易

早起上肩舁一盃平旦醉晚憇下肩舁一覺殘春睡
身不經營物心不思量事但恐綺與里只如吾氣味

鄧州路中作

白居易

蕭蕭誰家林秋梨葉半拆漠漠誰家園秋韭花初白
路逢故里物使我嗟行後不歸渭北村又作江南客
去鄉徒自苦濟世終無益自問波上萍何如澗中石
赴江陵途中寄贈王二十補闕李十一拾遺

李二十六員外翰林三學士

韓愈

孤臣昔放逐血泣追愆尤汗漫不省識况如乘桴浮
或自疑上疏上疏豈其由是年京師旱田畝少所收

上憐民無食征賦半已休有司恤經費未免煩徵求
富者既云急貧者固已流傳聞閭里間赤子棄渠溝
持男易斗粟掉臂莫肯酬我時出衢路餓者何其稠
親逢道邊死佇立久咿嚶歸舍不能食有如魚中鉤
適會除御史誠當得言秋拜疏移閣門爲忠寧自謀
上陳人疾苦無令絕其喉下陳畿甸內根本理宜優
積雪驗豐熟幸寬待蠶麤天子惻然感司空歡綢繆
謂言卽施設乃反遷炎州同官盡才俊偏善柳與劉
或慮語言洩傳之落冤讐二子不宜爾將疑斷還不
中使臨門遺頃刻不得留病妹卧牀褥分知隔明幽
悲啼乞就別百請不領頭弱妻抱稚子出拜忘慚羞
僂僂不迴顧行行詣連州朝爲青雲士暮作白首囚
商山季冬月冰凍絕行軛春風洞庭浪出沒驚孤舟
逾嶺到所任低顏奉君侯酸寒何足道隨事生瘡疣
遠地觸途異吏民似猿猴生瘡多忿恨辭舌紛嘲嘲
白日屋簷下雙鳴關鵲鷓有蛇類兩首有蠱羣飛游
窮冬或搖扇盛夏或重裘颶起最可畏旬時歛陵丘
雷霆助光怪氣象難比倖瀉疫忽潛遘十家無一瘳
猜嫌動置毒對案輒懷愁前日遇恩赦私心喜還憂
果然又羈繫不得歸耒耜此府雄且大騰凌盡戈矛

棲棲法曹掾何處事卑阯生平企仁義所學皆孔周
早知大理官不列三后儻何況親行獄敲榜發姦偷
懸知失事勢恐自罹罪累累湘水清且急涼風日脩脩
胡爲首歸路旅泊尚夷猶昨者京使至嗣皇傳冕旒
赫然下明詔首罪誅共咬古兇復聞顛天輩裁冠進
鴻臚班行再肅穆瑣珞鳴琅璆佇繼貞觀烈邊封脫
兜鍪三賢推侍從卓犖傾枚鄒高議參造化清文煥
皇猷協心輔齊聖致理同毛輅小雅詠鹿鳴食苹貴
叨叨遺風逸不嗣豈憶嘗同禍失志早衰換前期擬
蜉蝣自從齒牙缺始慕舌爲柔因疾鼻又塞漸能等
暗投

奔亡道中五首

李白

二

蘇武天上田橫海島邊萬重關塞斷何日是歸年
亭伯去安在李陵降未歸愁容變海色短服改胡衣

三

談笑三軍却交遊七貴疎仍留一隻箭未射魯連書

四

函谷如玉關幾時可生還洛川爲易水
四岳是燕山俗變羌胡語人多沙塞顏
申包唯慟哭七日鬢毛班

五

森森望湖水青青蘆葉齊歸心落何處
日沒大江西歇馬傍春草欲行遠道迷
誰忍子規鳥連聲向我啼

途中有懷

駱賓王

睠然懷楚秦悵矣背秦關涸鱗驚照
轍墜羽怯虛鸞素服三川化鳥裘十上
還莫言無皓齒時俗薄朱顏

途次

孟浩然

唐詩類苑

卷之百十四

十四

客行愁落日鄉思重相催況在他山外
天寒夕鳥來雪深迷郢路雨暗失陽臺
河漢棲遲子狂歌誰爲媒

途中寄楊涉

于鵠

蕭蕭蘆荻晚一逕入荒陂日色雲收處
蛙聲雨歇時前村見來父羸馬自行遲
聞作王門客應閑白接離

途中感懷

朱慶餘

世上名利牽途中意慘然到家能幾日
爲客便經年跡似萍隨水情同鶴在田
何當功業一作遂歸路下

遙天

申州道中

崔塗

風緊日淒淒鄉心向此迷水分平楚澗
山接故關低客路緣烽火人家厭鼓鼙
那堪獨馳馬江樹穆林西

春中商山道中作

李山甫

一逕春光裏揚鞭入翠微風來花落帽
雲過雨沾衣谷鳥銜枝去巴人負笈歸
殘陽更惆悵前路客亭稀

道中

曹松

出門嗟世路何日朴風歸是處太行險
應解飛主人厚薄禮客子新故衣所以
澆浮態多令行者違

河陽道中

李洞

風仍躡凍提轡手頻呵得事應須早
愁人不在多雪田平入塞烟郭曲隨河
翻憶江濤裏船中睡蓋簑

唐詩類苑

卷之百十四

十五

途中作

李咸用

瘦馬倦行役斜陽勸着鞭野橋寒樹亞
山店暮雲連退鷁風雖急攀龍志已堅
路人休莫笑百里有時賢

自常州還江陰途中作

李嘉祐

處處空籬落江村不忍看無人花色慘
多雨鳥聲寒黃霸初臨郡陶潛未罷官
乘春務征伐誰肯問周殘

桂林路中作

李商隱

地暖無秋色江晴有暮暉空餘蟬嘒嘒
猶向客依依村小犬相護沙平僧獨歸
欲成西北望又見鷓鴣飛

途中作

杜牧

綠樹南陽道千峯勢遠隨碧溪風澹態芳樹雨餘姿
野度雲初暖征人袖半垂殘花不一醉行樂是何時

途中

楊炯

悠悠辭島邑去去指金墉途路盈千里山川亘百重
風行常有地雲出本多峯鬱鬱園中柳亭亭山上松
客心殊不樂鄉淚獨無從

道州途中卽事

呂溫

零桂佳山水榮舊自同經途看不暇遇境說難窮
疊嶂青時合澄湘漫處空舟移明鏡裏路入畫屏中

唐詩類苑

卷之百十四

十六

巖壑千家接松蘿一徑通魚烟生縹緲犬吠隔龍葱
戲鳥留餘翠幽花怯晚紅光翻沙瀨日香散橘園風
信美非吾土分憂屬賤躬守愚資地僻郵隱望年豐
且保心能靜那求政必工諫終知免戾歸養洛城東

途中寄李二

戎昱

楊柳含烟灞岸春年年攀折爲行人好風若惜低枝
便莫遺青絲掃路塵

新息道中作

劉長卿

蕭條獨向汝南行客路多逢漢騎營古木蒼蒼離亂
後幾家同住一孤城

使迴赴蘇州道中作

劉長卿

春風何事遠相催路盡天涯始却迴萬里無人空楚
水孤帆送客到魚臺

自江華之衡陽途中作

呂溫

孤棹遲遲悵有違沿湘數日逗晴暉人生隨分爲憂
喜迴鴈峯南是北歸

途中

楊彥鯤

風裏浪花吹又白雨中嵐影洗還青沙鷗住處窻前
見林狖啼時枕上聽

秋浦途中

杜牧

蕭蕭山路窮秋雨浙浙溪風一岸蒲爲問寒沙新到
鴈來時還下杜陵無

唐詩類苑

卷之百十四

十七

途中

杜牧

鏡中絲髮悲來慣衣上塵痕拂漸難惆悵江湖釣竿
手却遮西日向長安

西京道中

羅隱

半夜秋聲觸斷蓬百年身事算成空禰生詞賦拋江
夏漢祖精神憶沛中未必他時能富貴只因從此見
窮通邊禽隴水休柯笑自有滄洲一棹風

至德中途中書事却寄李儋

盧綸

亂離無處不傷情況復看碑對古城路遠寒山人獨
去月臨秋水鴈空驚顏衰重喜歸鄉國身賤多慚問
姓名今日主人還共醉應憐世故一儒生

新興道中

許渾

芙蓉村步失官金折獄無功不可尋初挂海帆逢歲
暮却開山館值春深波渾未辨魚龍跡霧暗寧知蚌
鵲心夜榜歸舟望漁火一溪風雨兩巖陰

南陽道中

許渾

月斜孤館傍春行野店高低帶古城籬上曉花春後
落井邊秋葉社前生饑鳥索哺隨雛叫乳犍思歸望
犢鳴荒草連天風動地不知誰學武侯耕

唐詩類苑

卷之百十四

大

途中言事寄居遠上人

方干

舉目時看似故園鄉心自動向誰言白雲曉濕寒山
寺紅葉夜飛明月村震澤風帆歸橘岸錢塘水府抵
城根美師了達無牽速竹徑生苔掩竹門

褒斜道中

薛能

十驛褒斜到處慵眼前常似接雲蹤江遙旋入旁來
水山濶猶藏向後峯鳥徑惡時應立虎畬田開日自
燒松行吟却笑公車後夜發星馳不達

途中寄懷

羅隱

不知何處是前程合掌騰騰信馬行兩鬢已衰時未
與數峯雖在病相嬰塵埃輦洛虛光影詩酒江湖漫
姓名試哭軍門看誰問舊來還似禰先生

宿鄭州

王維

朝與周人辭暮投鄭人宿他鄉絕僑侶孤客親僮僕
宛洛望不見秋霖晦平陸田父草際歸村童雨中牧
主人東臯上時稼遶茅屋蟲思機杼悲雀喧禾黍熟
明當渡京水昨晚猶金谷此去欲何言窮邊徇微祿

訓張卿夜宿南陵見贈

李白

唐詩類苑

卷之百十四

十九

月出魯城東明如天上雪魯女驚沙鷄鳴機應秋節
當君相思夜火落金風高河漢挂戶牖欲濟無輕舠
我昔辭林丘雲龍忽相見客星動太微朝去洛陽殿
爾來得茂彥七葉仕漢餘身為下邳客家有圯橋書
傳說未夢時終當起巖野萬古騎辰星光輝照天下
與君各未遇長策委蒿萊寶刀隱玉匣鏽澀空莓苔
遂令世上愚輕我土與灰一朝攀龍去鼃鼃安在哉
故山定有酒與爾傾金罍

泊河間寄閻昉

孟浩然

桂水通百越扁舟期曉發荆雲蔽三巴夕望不見家

襄王夢行雨才子謫長沙長沙饒瘴癘胡爲久留滯
久別思款顏承歡懷接袂接袂杳無由徒增旅泊愁
清猿不可聽公月下相流

次空靈岸

杜甫

云云逆素浪落落展清眺幸有舟楫遲得盡所歷妙
空靈霞石峻楓枯隱奔峭青春猶無私白日亦偏照
可使營吾居終焉託長嘯毒瘴未足憂兵戈滿邊徼
嚮者留遺恨耻爲達人誚迴帆覲賞延佳處領其要

宿花石戍

杜甫

午辭空靈岑夕得花石戍岸疏開闢水木雜今古樹

唐詩類苑

卷之百十四

三

地蒸南風盛春熱西日暮四序本平分氣候何回互
茫茫天造間理亂豈恒數繫舟盤藤輪杖策古樵路
罷人不在村野圃泉自注柴扉雖沒農器尚牢固
山東殘逆氣吳楚守王度誰能扣君門下令減征賦
祇命赴京途次淮口因書所懷却寄使府羣

公

權德輿

弱植素寡偶趨時非所任感恩再登龍求友皆斷金
彪炳觀奇彩淒淒聞雅音適欣佳期接遽嘆離思侵
靡靡遵遠道忡忡勞寸心難成獨酌謠空奏伐木吟
沈寥清冬時蕭瑟白晝陰交歡諒如昨滯念紛在今

入桂渚次砂牛石穴

劉長卿

因風試矯翼倦飛會歸林向晚清淮駛迴首楚雲深
扁舟傍歸路日暮瀟湘深湘水清見底楚雲澹無心
片帆落桂渚獨夜依楓林楓林月出猿聲苦桂渚天
寒桂花吐此中無處不堪愁江客相看淚如雨

行次西郊作一百韻

李商隱

蛇年建午月我自梁還秦南下大散嶺北濟渭之濱
草木半舒坼不類冰霜晨又若夏苦熱焦卷無芳津
高田長檉櫪下田長荆榛農具棄道傍饑牛死空墩
依依過村落十室無一存存者皆面啼無衣可迎賓

唐詩類苑

卷之百十四

三

始若畏人問及門還具陳右輔田疇薄斯民嘗苦辛
伊昔稱樂土所賴牧伯仁官清若冰玉吏善如六親
生兒不遠征生女事四隣濁酒盈瓦缶爛穀堆荆困
健兒疵旁婦衰翁舐童孫况自貞觀後命官多儒臣
例以賢牧伯徵入司陶鈞降及開元中姦邪撓經綸
竇公忌此事多錄邊將勲因令猛毅輩雜牧昇平民
中原遂多故除授非至尊或出使臣輩或由帝戚恩
重賜竭中國強兵臨北邊控弦二十萬長臂皆如猿
皇都三千里來往同彫鷺五里一換馬十里一開筵

拈顧動白日暖熱迴蒼旻公卿辱嘲叱唾棄如糞九
大朝會萬方天子正臨軒綵旂轉初旭玉座當祥烟
金障既特設珠簾亦高塞將須塞不顧坐在玉榻前
忤者死艱履附之昇頂顛華侈矜遞街豪傑相併吞
因失生惠養漸見徵求頻奚冠西北來揮霍如天翻
是時正忘戰重兵多在邊列城遠長河平明插旗幡
但聞虜騎入不見漢兵屯大婦抱兒哭小婦攀車轡
生小太平年不識夜開門少壯盡點行疲老守空村
生分作死誓揮淚連秋雲廷臣側磨怯諸將如羸奔
爲賊掃上陽捉人送潼關玉輦望南斗未知何日還

唐詩類苑

卷之二十四

三

誠知開闢久遠此雲雷屯送者問鼎大存者要高官
槍攘牙間謀孰辨梟與鸞千馬無返轡萬車無還轅
城空雀鼠死人去豺狼喧南資竭吳越西費失河源
因今右藏庫摧毀惟空垣如人當一身有左無右邊
筋體半痠痺肘腋生臊臙列聖蒙此耻含懷不能宣
謀臣拱手立相戒無敢先萬國困杼軸內庫無金錢
健兒立霜雪腹歎衣裳單饋餉多過時高估銅與鉛
山東望河北費烟猶相聯朝廷不假給辛苦無半年
行人攬行資居者稅屋椽中間遂作梗狼藉用戈鋌
臨門送節制以錫通天班破者以族滅存者尚遷延

禮數異君父羈縻如羌零直求輸赤城所望大體全
巍巍政事堂宰相厭八珍敢問下執事今誰掌其權
瘡疽幾十載不敢扶其根國威賦更重人稀役彌繁
近年牛醫兒城社更扳緣盲目把大旆處此京西藩
樂禍忘怨敵樹黨多狂狷生爲人所憚死非人所憐
快刀斷其頭列若猪羊懸鳳翔三百里兵馬如黃巾
夜半軍牒來屯兵萬五千鄉里駭供億老少相扳牽
兒孫生未孩棄之無慘顏不復議所適但欲死山間
爾來又三歲甘澤不及春盜賊亭午起問誰多窮民
節使殺亭吏捕之恐無因咫尺不相見早久多黃塵

唐詩類苑

卷之二十四

三

官健腰佩弓自言爲官巡常恐值荒迥此輩還射人
媿客問本末願客無因循鄙塢抵陳倉此地忌黃昏
我聽此言罷冤憤如相焚昔聞舉一會羣盜爲之奔
又聞理與亂繫人不繫天我願爲此事君前剖心肝
叩額出鮮血滂沱污紫宸九重黯已隔涕泗空沾唇
使典作尚書廩養爲將軍慎勿道此言此言未忍聞

泊舟盱眙

常建

泊舟淮水次霜降夕流清夜久潮侵岸天寒月近城
平沙依鴈宿候館聽鷄鳴鄉國雲霄外誰堪羈旅情
泊牛渚越洛八不及
孟浩然

星羅牛渚夕風退，鷁舟遲浦滄。常同宿烟浪，忽見之
榜歌空裏失船大，望中疑明發。泛滄海茫茫，何處期

旅次夏州

馬戴

嘶馬發相續，行次夏王臺。鎖郡雲陰莫，鳴笳燒色來。
霜繁邊上宿，鬢改磧中迴。悵望胡沙晚，驚蓬朔吹摧

夕次襄邑

僧清江

何處成吾道，經年遠路中。客心猶向北，河水自歸東。
古戍鳴寒角，疎林振夕風。輕舟唯有月，那與故人同

夕次蘇州

李義

洛渚問吳潮，吳門想洛橋。夕烟楊柳岸，春水木蘭橈

唐詩類苑

卷之百十四

十五

城邑南樓近，星辰北斗遙。無因生羽翼，輕舉託還飈

旅次漢故時

耿漳

我行過漢時，寥落見孤城。邑里經多難，兒童識五兵。
廣川桑遍綠，叢薄雉連鳴。惆悵蕭關道，終軍願請纓

旅次盱眙縣

溫庭筠

離離麥擢芒，楚客意偏傷。波上旅愁起，天邊歸路長。
孤槁投楚驛，殘月在淮橋。外社千里誰，人數鴈行

旅次武界

孟浩然

西塞松江島，南陵問驛樓。湖平津濟潤，風止風帆收。
去去懷前浦，茫茫泛夕流。石逢羅刹礙，山泊敬亭幽

火熾梅根冶，烟迷楊葉洲。離家復水宿，相伴賴沙鷗

陪張丞相泊松滋

孟浩然

放留下松滋，登舟命楫師。寧忘經濟日，不憚沍寒時。
洗幘豈獨古，濯纓良在茲。政成人自理，機息鳥無疑。
雲物疑孤嶼，江山辨四維。晚來風稍緊，冬至日行遲。
獵響驚雲夢，漁歌激楚辭。渚宮何處是，川暝欲安之

府諸公

杜甫

老年常道路，遲日復山川。白屋花開裏，孤城麥秀邊。
濟江元自潤，下水不勞牽。風蝶勤依漿，春鷗懶避船

唐詩類苑

卷之百十四

十五

王門高德業，幕府盛才賢。行色兼多病，蒼茫汎愛前

赴荊州泊三江口

涉江望行旅，金鉦間綵旂。水際含天色，虹光入浪浮。
柳條恒掃岸，花氣盡薰舟。叢林多故社，單戍有危樓。
疊鼓隨朱鷺，長簫應紫駟。蓮舟夾畫舸，舸覆緹油

榜歌殊未息於此泛安流

適楚次徐城

錢起

去家隨旅鴈，幾日到南荆。行邁改鄉邑，苦辛淹晦明。
長途在遙雨，暮息趨程窮。木對秋館寒，鷗愁古城。
迷津坐爲客，對酒默含情。感激念知己，匣中孤劍鳴

適荊州途次南陽贈何明府

皇甫冉

千里獨遊日有懷誰與同言過細陽令一遇朗陵公
清節適多士斯文傳古風閭閻知俗變原野識年豐
吾道方在此前程殊未窮江天經峴北客思滿巴東
夢渚多愁遠山丘晴望迥應嗟出處異流蕩楚雲中
發白狗峽次黃牛峽登高寺却望忠州

白居易

白狗次黃牛灘如竹節稠路穿天地險人續古今愁
忽見千花塔因停一葉舟畏途常迫促靜境暫淹留

唐詩類苑

卷之百十四

主六

巴曲春全盡巫陽雨半收北歸雖引領南望亦迴頭
昔去悲殊俗今來念舊遊別僧山北寺拋竹水西樓
郡樹花如雪軍厨酒似油時時大開口自笑憶忠州

行次漢上

僧貫休

習家池沼草萋萋嵐樹光中信馬蹄漢主廟前湘水
碧一聲風角夕陽低

次陝州先寄源從事

李商隱

離思羈愁日欲晡東周西雍此分途迴鑿佛寺高
少望盡黃河一曲無

行次夏口先寄李大夫

白居易

連山斷處大江流紅旆逶迤鎮上游幕下翺翔秦御
史軍前奔走漢諸侯曾陪劔履升鸞殿欲謁旌幢入
鶴樓假著緋袍君莫笑恩深始得向忠州

入峽次巴東

白居易

不知遠郡何時到猶喜全家此去同萬里王程三峽
外百年生計一舟中巫山暮足霑花雨隴水春多逆
浪風兩片紅旌數聲鼓使君艤艤上巴東

次鄧州界

韓愈

潮陽南去倍長沙戀闕那堪又憶家心訝愁來惟貯
火眼知別後自添花商顏暮雪逢人少鄧鄩春泥見
驛賒早晚王師收海嶽普將雷雨發萌芽

唐詩類苑

卷之百十四

主七

自洪府舟行直書其事

宋之問

仲春辭國門畏途橫萬里越淮乘楚障造江泛吳汜
嚴程無休隙日夜涉風水昔聞垂堂言將誠千金子
問余何奇剝遷竄極炎鄙揆已道德餘幼聞虛白旨
貴身賤外物抗跡遠塵軌朝遊伊水湄夕卧箕山趾
妙年拙自晦皎潔弄文史謬辱紫泥書揮翰青雲裏
事往每增傷龍來常警止銘骨懷報稱逆鱗讓金紫
安位鸞潛構退耕鶴猶起棲巖實吾策觸藩誠內耻
濟濟同時人台庭鳴劔履愚以卑自衛兀坐去沈滓

迨茲理已極竊位申知已羣議負宿心獲戾光華始
黃金忽銷鑠素業坐淪毀浩歎誣平生何獨戀松梓
浦樹浮鬱鬱臯蘭覆靡靡百越去魂斷九疑望心死
未盡匡阜遊遠欣羅浮美周旋本師訓佩服無生理
異國多靈仙幽探忘年紀敝廬嵩山下空谷茂蘭芷
悠悠南溟遠採掇長已矣

東歸發健爲至泥溪舟中作

岑參

前日解侯印泛舟歸山東平旦發健爲逍遙信廻風
七月江水大滄波漲秋空復有我眉僧誦經在舟中

唐詩類苑

卷之百十四

元

夜泊防虎豹朝行逼魚龍一道鳴迅湍兩邊走連峯
猿拂岸花落鳥啼巖樹重烟霧吳楚連泝沿湖海通
憶昨在西掖復曾入南宮日出朝聖人端笏陪羣公
不意今棄置何由豁心胸吾當海上去且學乘桴翁

泛舟經湖海

孟浩然

大江分九派淼漫成水鄉舟子乘利涉往來經潯陽
因之泛五湖流浪過三湘觀濤壯枚發吊屈痛沈湘
魏闕心常在金門詔不忘遙憐上林鴈水泮也廻翔

同友人舟行

李白

楚臣傷江楓謝客拾海月懷沙去瀟湘挂席泛溟渤

蹇予訪前跡獨往造窮髮古人不可攀去若浮雲浸
願言弄倒影從此鍊真骨華頂窺絕溟蓬壺望超忽
不知青春度但惟綠芳歇空持釣鰲心從此謝魏闕

問舟子

孟浩然

向夕問舟子前程沒幾多灣頭正堪泊淮裏足風波

巴南舟中夜書事

岑參

渡口欲黃昏歸人爭渡喧近鐘清野寺遠火點江村
見鴈思鄉信聞猿積淚痕孤舟萬里夜秋月不堪論

舟中曉望

孟浩然

挂席東南望青山水國遙舳舻爭利涉來往任風潮

唐詩類苑

卷之百十四

元

問我今何適天台訪石橋坐看霞色曉疑是赤城標

舟中

杜甫

風餐江柳下雨卧驛樓邊結纜排魚網連檣竝米船
今朝雲細薄昨夜月清圓飄泊南庭老祗應學水仙

潭州泊船呈諸公

韓愈

夜寒眠半覺鼓笛聞嘈嘈聞浪春樓堞驚風破竹篙
主人看使範客子讀離騷聞道松醪賤何須恡錯刀

舟行入剡

崔顥

鳴棹下東陽回舟入剡鄉青山行不盡綠水去何長
地氣秋仍濕江風晚漸涼山梅猶作雨溪橋未知霜

謝客文逾盛林公未可忘多慙越中好流恨閱時芳

登舟將適漢陽

杜甫

春宅棄汝去秋帆催客歸庭蔬尚在眼浦浪已吹衣
生涯飄蕩拙有心遲暮違中原戎馬盛遠道素書稀
塞鴈與時集檣烏終歲飛鹿門自此往求息漢陰機
大曆三年春白帝城放船出瞿塘峽久居夔
府將適江陵漂泊有詩凡四十韻

杜甫

老向巴人裏今辭楚塞隅入舟翻不樂解纜獨長吁
空轉深啼飲虎隨亂浴鳥石苔凌几杖空翠撲肌膚

唐詩類苑

卷之百十四

手

疊壁排霜劒奔泉濺水珠杳冥藤上下濃淡樹榮枯
神女峯娟妙昭君宅有無曲留明怨惜夢盡失歡娛
擺盪盤渦沸欹斜激浪輸風雷纏地脉冰雪曜天衢
鹿角真走險狼頭如跋胡惡灘寧變色高卧負微軀
書史全傾撓裝囊半厭濡生涯臨臬兀死地脫斯須
不有平川決焉知衆壑趨乾坤霾漲海雨露洗春蕪
鷗鷺牽絲颺驪龍濯錦紆落霞沈綠綺殘月壞金樞
泥笋苞初荻沙草出小蒲鴈兒爭水馬燕子逐檣烏
絕島容烟霧環洲納曉晡前聞辨陶牧轉盼拂宜都
縣郭南畿好津亭北望孤勞心依紺息朗詠劃昭蘇

意道樂還笑衰迷賢與愚飄蕭將素髮汨沒聽洪爐

丘壑曾忘返文章敢自詆此生遭聖代誰分哭窮途
卧病淹爲客蒙恩早厠儒廷爭酬造化樸直乞江湖
灝灝險相迫滄浪深可逾浮名尋已已嬾計却區區
喜近天皇寺先披古畫圖應經帝子渚同泣舜蒼梧
朝士兼戎服君王按湛盧旄頭初傲擾鵝首麗泥塗
甲卒身雖貴書生道固殊出塵皆野鶴歷塊匪駿駒
伊呂終難降韓彭不可呼五雲高太甲六月曠搏扶
回首黎元病爭權將帥誅山林託疲繭未必免崎嶇

回棹

杜甫

唐詩類苑

卷之百十四

手

宿昔試安命自私猶畏天勞生繫一物爲客費多年
衡岳江湖大蒸池疫癘偏散才嬰薄俗有跡負前賢
巾拂那關眼瓶壺易滿船火雲滋垢膩東雨裊沈綿
強飯蓴添滑端居茗續煎清思漢水上涼憶岷山巔
順浪翻堪倚迴帆又省牽吾家碑不昧王氏井依然
几杖將衰齒茅茨寄短椽濯園曾取適遊寺可終焉
遂性同漁父成名異魯連篙師煩爾送朱夏及寒泉
濟江問舟子
孟浩然
潮落江平未有風輕舸共濟與君同時時引領望天
未何處青山是越中

寒夜江上泊舟

儲光義

見歲時部夜

北征

杜甫

皇帝二載秋，閏八月初吉。杜子將北征，蒼茫問家室。
維時遭艱虞，朝野少暇日。顧慙恩私被，詔許歸蓬蓽。
拜辭詣闕下，怵惕久未出。雖乏諫諍資，恐君有遺失。
君誠中興主，經緯固密勿。東胡反未已，臣甫憤所切。
揮涕戀行在，道途猶恍惚。乾坤合瘡痍，憂慮何時畢。
靡靡踰阡陌，人烟眇蕭瑟。所遇多被傷，呻吟更流血。
回首鳳翔縣，旌旗晚明滅。前登寒山重，屢得飲馬窟。

唐詩類苑

卷之百十四

五

邠郊入地底，涇水中蕩潏。猛虎立我前，蒼崖吼時裂。
菊垂今秋花，石戴古車轍。青雲動高興，幽事亦可悅。
山果多瑣細，羅生雜橡栗。或紅如丹砂，或黑如點漆。
雨露之所濡，甘苦齊結實。緬思桃源內，益歎身世拙。
披陀望鄜時，谷巖互出沒。我行已水濱，我僕猶木末。
鴟鳥鳴黃桑，野鼠拱亂穴。夜深經戰場，寒月照白骨。
潼關百萬師，往者散何卒。遂令半秦民，殘害爲異物。
况我墮胡塵，及歸盡華髮。經年至茅屋，妻子衣百結。
慟哭松聲迴，悲泉共幽咽。平生所驕兒，顏色白勝雪。
見耶背面啼，垢膩脚不韞。牀前兩小女，補綻纔過膝。

海圖拆波濤，舊繡移曲折。天吳及紫鳳，顛倒在短褐。

老夫情懷惡，嘔泄卧數日。那無囊中帛，救汝寒凜慄。
粉黛亦解包，衾稠稍羅列。瘦妻面復光，癡女頭自櫛。
學母無不爲，曉粧隨手抹。移時施朱鉛，狼籍畫眉潤。
生還對童稚，似欲忘饑渴。問事竟挽鬚，誰能卽嗔喝。
翻思在賊愁，甘受離亂聒。新歸且慰意，生理焉得說。
至尊尚蒙塵，幾日休練卒。仰看天色改，傍覺妖氛豁。
陰風西北來，慘澹隨回紇。其王願助順，其俗喜馳突。
送兵五千人，驅馬一萬匹。此輩少爲貴，四方服勇決。
所用皆鷹騰，破敵過箭疾。聖心頗虛佇，時義氣欲奪。

唐詩類苑

卷之百十四

五

伊洛指掌收，西京不足扳。官軍請深入，蓄銳伺共發。
此舉開青徐，旋瞻畧恒碣。旻天積霜露，正氣有蕭殺。
禍轉忘胡歲，勢成擒胡月。胡命其能久，皇綱未宜絕。
憶昨狼狽初，事與古先別。奸臣競菹醢，同惡隨蕩折。
不聞夏殷衰，中自誅褒姒。周漢復再興，宣光果明哲。
桓桓陳將軍，仗鉞奮忠烈。微爾人盡非，于今國猶活。
淒涼大同殿，寂寞白獸闕。都人望翠華，佳氣向金闕。
園陵固有神，掃洒數不缺。煌煌太宗業，樹立甚宏達。

南征

杜甫

春岸桃花水，雲帆楓樹林。偷生長避地，適遠更沾襟。

老病南征日君恩北望心百年歌自苦未見有知音

北風

杜甫

春生南國瘴氣待北風蘇向晚靈殘日初霄鼓大鐘
爽攜卑濕地聲拔洞庭湖萬里魚龍伏三更鳥獸呼
滌除貪破浪愁絕付摧枯執熱沈沈在凌寒往往須
且知覺疾肺不敢恨危塗再宿煩舟子衰容問僕夫
今晨非盛怒便道即長驅隱几看帆席雲山湧坐隅

南遊

于鄴

窮秋幾日雨處處生蒼苔舊國寄書後涼天方鴈來
露繁山草濕洲暖水花開去盡同行客一帆猶未回

唐詩類苑

卷之百十四

三

南行

羅鄴

臘晴江暖鵝鵝飛梅雪香粘越女衣魚市酒村相識
徧短船歌月醉方歸

出門

劉駕

出門美他人奔走如得逾翻思他人意與我或不殊
以茲聊自安默然行九衢生計逐羸馬每出似移居
客從我鄉來但得隣里書田園幾換主夢歸猶荷鋤
進猶希一退復如所况今關公道安得不躊躇

與苗員外出行

李端

古人留路去今日共君行若待青山盡應逢白髮生

誰知到蘭若流落一書名

入劍門

戎昱

劍門兵革後萬事盡堪悲鳥鼠無巢穴兒童話別離
山川同昔日荆棘是今時征戰何年定家家有畫旗
青門春色一花開長到花時把酒盃自覺無家似潮
水不知歸處去還來

地隅

杜甫

江漢山重阻風雲地一隅年年非故物處處是窮途
喪亂秦公子悲涼楚大夫平生心已折行路日荒蕪

唐詩類苑卷第一百十五

明雲間張之象玄超甫纂附

雲間唐仲賢曾卿甫編次

雲間王徽叔朗甫補訂

梁谿曹仁孫伯安甫校正

人部

行役

晨裝行

歐陽詹

村店月西入山林鳥鵲聲旅裝徹夜席束囊事晨征
寂寂人尚眠悠悠天未明豈無偃息心所務前有程

唐詩類苑 卷之百十五

一

發渝州却寄韋判官

司空曙

紅燭津亭夜見君繁絃急管兩紛紛平明分手空江
轉唯有猿聲滿水雲

將發

李賀

東林卷席罷護落將行去秋白遙遙空日滿門前路

初發道中寄遠

張九齡

日夜鄉山遠秋風復此時舊聞胡馬思今聽楚猿悲
急別朝昏苦懷歸歲月遲壯圖空不息常恐髮如絲

發襄陽後却寄公安人

包佶

揮淚送迴人將書報所親晚年多疾病中路有風塵

王粲頻徵楚君恩許入秦還同星火去馬上別江秦

初發楊子寄元大校書

韋應物

淒淒去親愛泛泛入煙霧歸棹洛陽人殘鐘廣陵樹
今朝此爲別何處還相遇世事波上舟汭洞安得住

發蜀客

張祐

風吹魯國人飄蕩蜀江濱濕地饒蛙黽衰年足鬼神
時清歸去路日復病來身千萬長堤柳從他爛熳春

發商州

白居易

商州館裏停三日待得妻孥相逐行若比李三猶自
勝兒啼婦哭不聞聲

唐詩類苑 卷之百十五

二

發桐廬寄劉長卿員外

嚴維

處處雲山無盡時桐廬南望轉參差舟人莫道新安
近欲上潺湲行自遲

渡汝水向太和山

皇甫冉

落日事牽陟西南投一峰誠知秋水淺但怯無人蹤

晚渡浮沱澗贈魏大

盧照隣

津谷朝行遠水川夕望曛霞明深淺浪風卷去來雲
澄波泛月影激浪聚沙文誰忍仙舟上携手獨思君

渡荆門送別

李白

渡遠荆門外來從楚國遊山隨平野盡江入大荒流

月下飛天鏡雲生結海樓仍憐故鄉水萬里送行舟

渡桑乾

賈島

客舍并州已十霜歸心日夜憶咸陽無端更渡桑乾水却望并州是故鄉

過彭澤

孟郊

揚帆過彭澤舟人訝歎息不見種柳人霜風空寂歷

過申州作

方干

萬人曾死戰幾戶見刀兵井邑初安堵兒童未長成涼風吹古木野火燒殘營寥落千餘里山空水復清

過南陽

韓愈

唐詩類苑 卷之五十五

三

南陽郭門外桑下麥青青行子去未已春鳩鳴不停秦商邈既遠湖海浩將經孰忍生以感吾其寄餘齡

過荆門

李紳

荆江水濶煙波轉荆門路遠山蔥蒨帆勢侵雲滅又明山程背日昏還見青青麥壠啼飛鷗寂寞野徑荒梨花行行驅馬萬里遠漸入煙嵐危棧賒林中有鳥飛幽谷月上千巖一聲哭腸斷思歸不可聞人言恨魄來巴蜀我聽此鳥祝我魂之死莫學聲銜冤縱爲羽族莫棲息直上青雲呼帝關此時山月如銜鏡巖樹參差互輝映皎潔深看入澗泉分明細見樵人逕

陰森鬼廟當郵亭鷄豚日宰聞腫脰愚夫禍福自迷

惑翹翹憑何通百靈日低山晚問行客已酹椒漿拜

荒陌惆悵忠直徒自持誰祭山頭望夫石

經溱洧

白居易

落日駐行騎沈吟懷古情鄭風變已盡溱洧至今清不見士與女亦無芍藥名

過水寧

白居易

村杏野桃繁似雪行人不醉爲誰開賴逢山縣盧明府引我花前勸一杯

過商山

戎昱

唐詩類苑 卷之五十五

四

雨暗商山過客稀路傍孤店閉柴扉卸鞍良久才簷下待得巴人樵採歸

過東平軍

戎昱

盡角初鳴殘照微營營鞍馬往來稀相逢士卒皆垂淚八座朝天何日歸

隨邊使過五原

儲嗣宗

偶逐星車犯虜塵故鄉常恐到無因五原西去陽關廢日沒平沙不見人

過襄城

韓愈

郾城辭罷過襄城潁水嵩山刮眼明已去蔡州三百

里家人不用遠來迎

過鄂州

魚玄機

柳拂蘭橈花滿枝石城城下暮帆遲折牌峯上三閭
墓遠火山頭五馬旗白雪樓高題舊寺陽春歌在換
新詞莫愁魂逐清江去空使行人萬首詩

遙裝夜

項斯

卷席貧拋壁下牀且鋪他處對燈光欲行千里從今
夜猶惜殘春發故鄉蚊蚋已生團扇急衣裳未了剪
刀忙誰知更有芙蓉浦南去令人愁思長

淮上卽事寄廣陵親故

韋應物

唐詩類苑

卷之百五

五一

前舟已眇眇欲渡誰相待秋山起暮鐘楚雨連滄海
風波離思滿一作遠宿昔容鬢改獨鳥下東南廣陵何
處在

汴路卽事

王建

千里何烟直青槐夾岸長天涯同此路人語各殊方
草市迎江貨津橋稅海商迴看故宮柳憔悴不成行

郢州卽事

張喬

孤城臨遠水千里見寒山白雪無人唱滄洲盡日閑
鳥歸殘燒外帆出斷雲間此地秋風起應隨計吏還

胥口卽事六言二首

皮日休

波光杳杳不極霽景澹澹初斜黑蛺蝶粘蓮葉紅蜻
蜓裏淺花鴛鴦一處兩處舴艋三家五家會把酒船
隈荻共君作箇生涯

拂釣清風細麗飄蓑暑雨霏微湖雲欲散未散嶼鳥
將飛不飛換酒梢頭把看載艇蓮子撐歸斯人到死
還樂誰道剛須用機

奉和胥口卽事二首

陸龜蒙

雨後山容若動天寒樹色如消目送迴汀隱隱心隨
挂鹿搖搖白蔣知秋露裊青風欲暮烟饒莫問吳趨
行樂酒旗竿倚河橋

唐詩類苑

卷之百五

六一

把釣絲隨浪遠采蓮衣染香濃綠倒紅飄欲盡風斜
雨細相逢斷岸沈魚釣客鄰村送客艫舸卽是清霜
刮野乘閒莫厭來重

纜船苦風戲題四韻奉簡鄭十三判官

杜甫

東岸朔風疾天寒鵲鴟呼漲沙蘆草樹舞雪渡江湖
吹帽時時落維舟日日孤因聲置驛外爲覓酒家壚
已却燕值凍阻歸有作

僧貫休

河水連地凍朔氣壓春寒閉戶思歸遠出門移步難
湖雲粘鴈重廟樹刮風乾坐着孤燈焰微微向曉殘

酬江西盧端公藍口阻風見寄之什

許渾

又携刀筆從膺舟藍口風高桂楫留還似郢中歌一曲夜來春雪照西樓

淮陰阻風寄楚州韋中丞 許渾

垂釣京江欲白頭江魚堪釣却西游劉伶臺下稻花晚韓信廟前楓葉秋淮月未明先倚檻海雲初起更維舟河橋有酒無人醉獨上高城望庾樓

將度故城湖阻風夜泊永陽戍

許渾

唐詩類苑

卷之五十五

七

行盡清溪日已蹉雲容山影水嵯峨樓前歸客怨清夢樓上美人凝夜歌獨樹高高風勢急平湖渺渺月明多終期一艇載樵去來往使帆凌白波

風雨晚泊

白居易

苦竹林邊蘆葦叢停舟一望思無窮青苔撲地連春雨白浪掀天盡日風忽忽百年行欲半茫茫萬事坐成空此生飄蕩何時定一縷鴻毛天地中

自湘川東下立春泊口阻風登孫權城

羅隱

吳門此去逾千里湘浦離來想數旬只見風師長占

路不知青帝已行春危憐壞堞猶遮水狂愛寒梅欲傍人事往時移何足問且憑村酒暖精神

酬叅軍崇嗣旅館見贈

陳子昂

昨夜銀河畔星文犯遙漢今朝紫氣新物色果逢真言從天上落乃是地仙人白壁疑宛楚烏裘似入秦摧藏多古意歷覽備艱辛樂廣雲雖覩夷吾風未春鳳歌空有問龍性詎能馴寶劍終應出驪珠曾見珎未及馮公老何驚孺子貧青雲儻可致北海憶孫賓

秋夕旅懷

李白

涼風度秋海吹我鄉思飛連山去無際流水無時歸

唐詩類苑

卷之五十五

八

日夕浮雲色心斷明月輝芳草歇柔艷白露催寒衣夢長銀漢落覺罷天星稀含悲想舊國泣下誰能揮

自衡陽至韶州謁能禪師

宋之問

謫居竄炎壑孤帆森不繫別家萬里餘流目三春際猿啼山館曉虹飲江臯霽湘岸竹泉幽衡峯石閣閉嶺嶂窮攀越風濤極沿濟吾師在衡陽欣此得躬詣沈慮賓空寂香焚結精誓願以有漏軀聿薰無生惠物用益冲曠心源日閑細伊我獲此途游道迴晚計宗師信捨法擯落文史藝坐禪羅浮中尋異南海裔何辭禦魑魅自可乘炎厲迴首望舊鄉雲林浩虧蔽

不作別離苦歸期多年歲

自江州至忠州

白居易

前在潯陽日已歎賓朋寡忽忽抱憂懷出門無處寫
今來轉深僻窮峽巔山下五月斷行舟灘堆正如馬
巴人類猿狖矍鑠滿山野敢望見交親喜逢似人者
自蜀江至洞庭湖口有感而作

白居易

江從西南來浩浩無旦夕長波逐若瀉連山鑿如劈
千年不擁潰萬姓無墊溺不爾民爲魚大哉禹之績
導岷既艱遠距海無咫尺胡爲不訖功餘水斯委積

唐詩類苑

卷之五

九

洞庭與青草大小兩相敵混合萬丈深森茫千里白
每歲秋夏時浩大吞七澤水族窟穴多農人土地窄
我今尚嗟嘆禹豈不愛惜邈未究其由想古觀遺跡
疑此苗人頑恃險不終役帝亦無奈何留患與今昔
水流天地內如身有血脉滯則爲疽痼治之在鍼石
安得禹復生爲唐水官伯手提倚天劍重來親指畫
疏流似剪紙決壅同裂帛滲作膏腴田踏平魚鼈宅
龍宮變閭里水府生禾麥坐添百萬戶書我司徒籍
自望秦赴五松驛馬上偶睡覺覺成吟

白居易

長途發已久前館行未至體倦目已昏瞋然遂成睡
右袂尚垂鞭左手暫委轡忽覺問僕夫纔行百步地
形神分處所遲速相乖異馬上幾多時夢中無限事
誠哉達人語百齡同一寐

自昌谷到洛後門

李賀

九月天野白蒼岑竦秋門寒涼十月末露霰濛濛昏
澹色結畫天心事填空雲道上千里風野竹蛇涎痕
石澗凍波聲鷄叫清寒晨強行到東舍解馬投舊隣
東家名廖者鄉曲傳姓辛杖頭非飲酒吾請造其人
始欲南去楚又將西適秦襄王與武帝各自留青春
唐詩類苑 卷之五 十

聞道蘭臺上宋玉無歸魂細縹兩行字蟄蟲蠹秋芸
爲探秦臺意豈命予負薪

自商行謁復州盧使君度 孟郊

一身遶千山遠作行路人未遂東吳歸暫出西京塵
仲宣荊州客今余爲一作竟陵賓往蹟雖不同託意皆
有因商嶺莓苔滑石坂上下頻江漢沙泥潔永日作
冰光景新獨淚起殘夜孤吟望初晨驅馳竟何事章
句依深仁

自南山北歸經分水嶺 李商隱

水急愁無地山深故有雲那通極目望又作斷腸分

鄭驛來雖及燕臺哭不聞猶餘遺意在許刻鎮南勳

從郊至東京

白居易

從郊至東京山低路漸平風光四百里車馬十三程
花共隨鞭看杯多並轡傾笙歌語談笑隨分自將行
自袁州還京行次安陸先寄隨州周員外

韓愈

行行指漢東暫喜笑言同雨雪離江上蒹葭出夢中
尚猶含瘴色眼已見華風歲暮難相值酣歌未可終
自京將赴黔南

竇鞏

風雨荊州二月天問人初顧峽中船西南一望雲和

唐詩類苑

卷之五

十一

水猶道黔南有四千

自夏口至鸚鵡洲夕望岳陽寄元中丞

劉長卿

江洲無浪復無烟楚客相思益渺然漢口夕陽斜渡
鳥洞庭秋水遠連天孤城背嶺寒吹角獨戍臨江夜
泊船賈誼上書憂漢室長沙謫去古今憐

自蘇州至望亭驛有作

郭良驥

南浦菰蒲遠白蘋東吳黎庶逐黃巾野棠自發空流
水江燕初歸不見人遠岫依依如送客平田渺渺似
陽春淮中廻首長洲苑烽火年年報虜塵

自縉雲赴郡溪流百里輕棹一發曾不崇朝

敘事四韻寄獻段郎中 方干

激箭溪湍勢莫憑飄然一葉若爲乘仰瞻青壁開天
罅陡轉寒灣避石稜巢鳥夜驚離島樹啼猿晝怯下
巖藤此中明日尋知己恐似龍門不易登

使還都湘東作

張九齡

倉庚昨歸候陽鳥今去時感物遽如此勞生安可思
養真無上格圖進豈前期甘節往來苦壯容離別衰
盛明非不遇弱操自云私孤檝清川渚征衣寒露滋
風朝津樹落日夕嶺猿悲牽役而無悔坐愁祇自怡

唐詩類苑

卷之五

十二

當須報恩已終爾謝塵緇

晦日馬鐙曲稍次中流作 常建

夜寒宿蘆葦曉色明西林初日在川上便澄遊子心
秦天無纖翳郊野浮春陰波靜隨釣魚舟小綠水深
出浦見千里曠然諸遠尋扣船應漁父因唱滄浪吟
自昌樂郡泝流至白石嶺下行入郴州

沈佺期

茲山界夷夏天險一作橫寥廓太史漏登探文命限
開鑿北流自南瀉羣峰回衆壑馳波如雷騰激石似
雷落崖留盤古樹澗蓄神農藥乳竇何淋漓苔蘚更

綵錯娟娟渾裏虹渺渺灘邊鶴歲杪應流火天高雲
霧薄金風吹綠梢玉露洗紅籜沂舟始興解登踐桂
陽郭匍匐緣脩坂穹窿曳長紆一作礧林阻往來過
堰每前卻救難不遑食飯畢昏無託濯谿寧足懼磴
道誰云惡我行湍險多山水皆不若安能獨見聞書
此遺京洛

秋日還京陝西十里作

薛稷

驅車越陝郊北顧臨大河隔河見鄉邑秋風水增波
西登咸陽塗日暮憂思多傳岸旣紆鬱首山亦嵯峨
操築無昔老採薇有遺歌客遊旣廻換人生知幾何

唐詩類苑

卷之三

十三

晚出伊闕寄江南裴永

陶翰

退無宴息資進無當代策冉冉時將暮坐爲周南客
前登關塞門永眺伊城陌長川黯已暮千里寒氣白
家本渭水西異日何所適秉志師禽尚微言祖莊易
一辭林壑間共繫風塵役才名忽先進天邑多紛劇
豈念嘉遁時依依偶沮溺

聶耒陽以僕阻水書致酒肉療饑荒江詩得

代懷興盡本韻至縣呈聶令陸路去方田

驛四十里舟行一日時屬江漲泊于方山

杜甫

耒陽馳尺素見訪荒江眇義士烈女家風流吾賢
昨見狄相孫許公人倫表前期翰林後屈跡縣邑
知我礧湍濤半旬獲浩漙麾下殺元戎湖邊有飛
孤舟增鬱鬱僻路殊悄悄側驚猿猱捷仰美鸛鷟
禮過宰肥羊愁當置清醪人非西喻蜀興在北坑趙
方行柳岸語未訖長沙擾崔師乞已至澧卒用矜少
問罪消息真開顏憩亭沼

將適吳楚留別章使君留後兼幕府諸公得

柳字韻

杜甫

我來入蜀門歲月亦已久豈惟長兒童自覺成老醜

唐詩類苑

卷之三

十四

常恐性坦率失身爲杯酒近辭痛飲徒折節萬夫後
昔如縱壑魚今如喪家狗旣無遊方戀行止復何有
相逢半新故取別隨薄厚不意青草湖扁舟落吾手
眷眷章梓州開筵俯高柳樓前出騎馬帳下羅賓友
健兒鍛紅旗此樂幾難朽日車隱崑崙鳥雀噪戶牖
波濤未足畏三峽徒雷吼所憂盜賊多重見衣冠走
原消息斷黃屋今安否終作適荆蠻安排用莊叟
東皇往席上南斗有使即寄書無使長回首
夜江行寄崔員外宗之 李白
飄飄江風起蕭蕭海樹秋登瀛美清夜挂席移輕舟

月隨碧山轉水合青天流杳如星河上但覺雲林幽
歸路方浩浩徂川去悠悠徒悲蕙草歇復聽菱歌愁
岸曲迷後浦沙明瞰前洲懷君不可見望遠增離憂

入衛作

沈佺期

淇上風日好紛紛松岸多綠芳幸未歇沉湎此明波
采繁憶曲吹理棹想荆歌鬱然懷君子皓曠將如何

發秦州

杜甫

我衰更嬾拙生事不自謀無食問樂土無衣思南州
漢源十月交天氣涼如秋草木未黃落况聞山水幽
栗亭名更嘉下有良田疇充腸多薯蕷崖蜜亦易求

唐詩類苑

卷之五

五

密竹復冬笋清池可方舟雖傷旅寓遠庶遂平生遊
此邦俯要衝實恐人事稠應接非本性登臨未銷憂
谿谷無異石塞田始微收豈復慰老夫惘然難久留
日色隱孤戍烏啼滿城頭中宵驅車去飲馬寒塘流
磊落星月高蒼茫雲霧浮大哉乾坤內吾道長悠悠

入衡州

杜甫

兵革自久遠興衰看帝王漢儀甚照曜胡馬何猖狂
老將一失律清邊生戰場君臣忍瑕垢河嶽空金湯
重鎮如割據輕權絕紀綱軍州體不一寬猛性所將
嗟彼苦節士素於圓鑒方寡妻從爲郡元者安短牆

凋弊惜邦本哀矜存事常旄麾非其任府庫實過防

恕已獨在此多憂增內傷偏裨恨酒肉卒伍軍衣裳

元惡迷是似聚謀洩康莊竟流帳下血大降湖南殃

烈火發中夜高煙燄上蒼至今分粟帛殺氣吹沅湘

福善理顛倒明徵天莽茫銷魂避飛鏑累足穿豺狼

隱忍枳棘刺遷延胼瘡遠歸兒侍側猶乳女在旁

久客幸脫免暮年慙激昂蕭條向水陸汨沒隨漁商

報主身已老入朝病見妨悠悠委薄俗鬱鬱回剛腸

參錯走州渚春容轉林篁片帆在柳岸通郭前衡陽

華表雲鳥埤名園花草香旗亭壯邑屋烽檣蟠城隍

唐詩類苑

卷之五

七

中有古刺史盛才冠巖廊扶顛待柱石獨坐飛風霜
昨者聞瓊樹高談隨羽觴無論再縋縵已是安蒼黃
劇孟七國畏馬卿四賦良門闢蘇生在勇銳白起強
問罪富形勢凱歌縣否臧氛埃期必掃蚊蚋焉能當
橘井舊地宅仙山引舟航此行厭暑雨厥土聞清涼
諸舅剖符近開緘書札光蘋蘩命屢及磊落字百行
江總外家舊安乘興長下流匪珠玉擇木羞鸞鳳
我師紹叔父世賢張子房柴荆寄樂土鵬路觀翱翔

感詩府

杜甫

翳翳桑榆日照我征衣裳我行山川異忽在天一方

但逢新人民未卜見故鄉大江東流去遊子去日長
曾城填華屋季冬樹木蒼喧然名都會吹簫聞笙簧
信美無與適側身望川梁鳥雀夜各歸中原杳茫茫
初月出不高衆星尚爭光自古有羈旅我何苦哀傷

發同谷縣

杜甫

賢有不黔突聖有不暖席況我饑愚人焉能尚安宅
始來茲山中休駕喜地僻奈何迫物累一歲四行役
忡忡去絕境杳杳更遠適停驂龍潭雲迴首白崖石
臨岐別數子握手淚再滴雖有情深知窮老多慘惻
平生懶拙意偶值棲遁跡去住與願違仰慙林間翮
唐詩類苑 卷之五十五 七

蓬萊鎮

駱賓王

旅客春心斷邊城夜望高野樓疑海氣白鷺似江濤
結綬疲三入承冠泣二毛將飛憐弱羽欲濟乏輕舠
賴有陽春曲窮愁且代勞

龍門鎮

杜甫

細泉兼輕水沮洳棧道濕不辭辛苦行迫此短景急
石門雲雷隘古鎮峯巒集旌竿暮慘澹風水白刃澀
胡馬屯成臯防虞此何及嗟爾遠戍人山寒夜中泣

石龕

杜甫

熊羆咆我東虎豹號我西我後鬼長嘯我前戎又啼

天寒昏無日山遠道路迷驅車石龕下仲冬見虹霓
伐竹者誰子悲調上雲梯爲官采美箭五歲供梁齊
苦云直簪盡無以充提攜奈何漁陽騎颯颯驚蒸黎

虎牙行

虎牙難名

杜甫

秋風歛吸吹南國天地慘慘無顏色洞庭揚波江漢
迴虎牙銅柱皆傾側巫峽陰岑朔漠氣峯巒窈窕溪
谷黑杜鵑不來猿猱寒山鬼幽憂雪霜逼楚老長嗟
憶炎瘴三尺角弓兩斛力壁立石城橫塞起金錯旌
竿滿雲直漁陽突騎獵青丘犬戎鏃甲聞丹極八荒
十年防盜賊征戍誅求寡妻哭遠客中霄淚霑臆
唐詩類苑 卷之五十五 十八

彭衙行

杜甫

憶昔避賊初北走經險艱夜深彭衙道月照白水山
盡室久徒步逢人多厚顏參差谷鳥吟不見遊子還
癡女饑咬我啼畏猛虎聞懷中掩其口反側聲愈嘖
小兒強解事故索苦李餐一句半雷雨泥濘相攀牽
旣無禦雨備徑滑衣又寒有時經契濶竟日數里間
野果充糲糧早枝成屋椽早行石上水暮宿天邊煙
少畱同家窪欲出廬子關故人有孫宰高義薄曾雲
延客已曛黑張燈啓重門煖湯濯我足剪紙招我魂
從此出妻孥相視涕瀾干衆雛爛熳睡喚起霑盤餐

誓將與夫子永結爲弟兄遂空所坐堂安居奉我歡
誰肯艱難際豁達露心肝別來歲月周胡羯仍構患
何當有翅翎飛去墮爾前

東武吟

曹鄴

心如山上虎身若倉中鼠惆悵倚市門無人與之語
夜宴李將軍欲望心相許何曾聽我言貪譴即卿女
獨上黃金臺淒涼淚如雨

新平歌送許問

孟郊

邊柳三四尺莫春一作暮春離別歌早迴儒士駕暮飲土
番河誰識匣一作中寶楚雲章句多

唐詩類苑

卷之三十五

十九

夢澤行

孟郊

楚山爭蔽虧日月無全輝楚路遶迴惑旅人有一作
迷歸騏驎思北首鷓鴣願南飛我懷京雒遊未厭風
塵衣

入白沙渚黃緣二十五里至石窟山下懷天

台陸山人

劉長卿

遠嶼一作露將夕玩幽行自遲歸人不計日流水閑
相隨輟棹古崖口捫蘿春景遲偶因回舟一作次寧
與前山期對此瑤草色懷君瓊樹枝浮雲去寂寞白
鳥相因依何事愛高隱但令勞遠思窮年臥海嶠永

望愁天涯吾亦從此去扁舟何所之迢迢江上帆千
里東風吹

將往江淮寄李十九僖

余自西京至李又
發河洛同道不遇

韋應物

燕燕東向來文鵷亦西飛如何不相見羽翼有高卑
徘徊到河洛華屋未及窺秋風飄我行遠與淮海期
迴首隔煙霧遙遙兩相思陽春自當返短翮欲追隨
自輦洛舟行入黃河卽事寄府縣僚友

韋應物

夾水蒼山路向東東南山豁大河通寒樹依微遠天

唐詩類苑

卷之三十五

二十一

外夕陽明滅亂流中孤村幾歲臨伊岸一鴈初晴下
朔風爲報洛橋遊宦侶扁舟不繫與心同

廣德中洛陽作

韋應物

生長太平日不知太平歡今還洛陽中感此方苦酸
飲藥本攻病毒腸翻自殘王師涉河洛玉石俱不完
時節屢遷斥山河長鬱盤蕭條孤煙絕日入空城寒
寒劣乏高步紆遺守微官西懷咸陽道躑躅心不安
發廣陵留上家兄兼寄上長沙

韋應物

將違安可懷宿戀復一方家貧無舊業薄官各飄飄

靴板身有屬淹時心恐惶拜言不得留聲結淚滿裳
漾漾動行舫亭亭遠相望離晨苦須臾獨往道路長
蕭條風雨過得此海氣涼感秋意已違况自結中腸
推道固當遣及情豈所忘何時共還歸舉翼鳴春陽

路傍堠

韓愈

堆堆路傍堠一雙復一隻迎我出秦關送我入楚澤
千以高山遮萬以遠水隔吾君勤聽治照與日月敵
臣愚幸可哀臣罪庶可釋何當迎送歸綠路高歷歷

鷓鴣路溪行呈陸中丞

孟郊

鷓鴣路不可越二十六渡溪有物飲碧水高林挂青蜺

唐詩類苑

卷之百五

主一

歷覽道更險驅使跡頻睽視聽易常主心魂互相迷
浪石忽搖動沙堤信難躋危峯紫霄外古木浮雲齊
出徂望汝郡大賢多招携疲馬戀舊秣禽思故栖
應憐泣楚玉棄置如塵泥

北至太原

李益

炎祚昔昏替皇基此鬱盤玄命久已集撫運良乃艱
南阨羊腸險北走鴈門寒始於一戎定垂此億世安
唐風本憂思王業寔艱難中曆雖橫潰天紀未可干
聖明所興國靈嶽固不殫咄咄薄遊客斯言殊不刊

初至壽春作

桓譚不賣集作交馮子任紆直浮溺逐波彩飄揚恣
風力北州少知舊南陽寡相識中駕每傾輪當騫復
集作推翼望美無津梁私自憐何極

河中望鳥灘作貽呂四郎中

儲光羲

河流有深曲舟子莫能知弭棹臨沙嶼微吟西日馳
平明春色霽兩岸好風吹去去川途盡悠悠親友離
漢宮成羽翼伊水弄參差爲惜淮南子何如攀桂枝

連州吟三章

孟郊

唐詩類苑

卷之百五

主二

春風朝夕起吹綠日日深試爲連州吟淚下不可禁
連山何連連連天碧岑岑哀猿哭花死子規裂客心
蘭芷結新佩瀟湘遺舊音怨聲能翦絃坐撫零落琴

二

羽翼不自有相迫力難任唯憑方寸靈獨夜萬里尋
方尋魂飄飄南望山嶠欹髣髴驚翹翹悉宰闢楓林
正直被放者鬼魅無所侵賢人多安排俗士多虛勸
孤懷吐明月衆毀鑠黃金願君保玄曜壯志無自沈

三

朝亦連州吟暮亦連州吟連州果有信一紙萬里心
開緘白雲斷明月墮衣襟南風嘶舜瑄苦竹動猿音

萬里愁一色瀟湘雨淫淫兩劒忽相觸雙蛟恣浮沈
關水正迴幹倒流安可禁空愁江海信驚浪隔相尋

往雲門郊居塗經迴流作 韋應物

茲晨廼休暇適往田家廬原谷徑塗澀春陽草木敷
纔遵板橋曲復此清澗紆崩壑方見射迴流忽已舒
明滅泛孤景杳靄含夕虛無將爲邑志一酌澄波餘

昌谷詩五月二十七日作 李賀

昌谷五月稻細青滿平水遙巒相壓疊顏綠愁墮地
光潔無秋思一作涼曠吹浮媚竹香滿淒寂粉節塗
生翠草髮垂恨質光露泣幽淚層圍爛洞曲芳徑老

唐詩類苑

卷之五

五

紅醉攢蟲鏤古柳蟬子鳴高遠大帶委黃葛紫蒲交

狹浹石錢差復藉厚葉皆蟠膩汰沙好平白立馬印

青字晚鱗自遶遊瘦鵠暝單時嘹唳濕帖聲咽源驚

濺起紆緩玉真路近武后幸路神娥蕙花裏苔絮縈澗磔

山實垂頰紫小栢儼重扇肥松突丹髓鳴流走響韻

墮秋拖光穉鶯唱閨女歌瀑懸楚練帔風露滿笑眼

駢巖難舒墜亂條迸石嶺細頸喧島瑟日腳掃昏翳

新雲啓華閤諡厭夏光商風道清氣高眠服玉容

燒桂已元谷對大山嶺寒樹承山即蘭香霧衣夜

披拂眠壇夢眞粹待駕樓鸞老故宮椒壁圯在谷東

鴻璫數鈴響驛臣發涼思除藤東朱鍵龍帳著魑魅

碧錦帖花裡香衾事殘貴謂異代而人事之歌塵盡

木在舞綵長雲似珍壤割繡段里俗祖風義隣凶不

相杵疫病無邪祀胎皮背皮也識仁惠中角知覲耻

縣省司刑官戶乏詬祖使竹數添隨簡石磯引鈎一作

繁事泉樽陶宰酒彭澤明爲月眉謝郎妓謝郎常攜

丁丁幽鐘遠矯矯單飛至霞巘謂山形如累兩層既

悴涼光入澗岸廓盡山中意漁童下宵網霜禽竦煙

唐詩類苑 卷之五 五

翅潭鏡滑蛟涎浮珠驗見說魚戲風桐瑤匣瑟螢星

錦城使李邵知星和帝分遣使者微行三州縣觀米

坐邵因仰觀問二人曰二君發京師時寧知朝廷露

野耳錦城即蜀也成都志云以知日有二使星向益州分

山川明麗錯如錦繡故曰錦城柳綴長縹帶縹青白

篴掉短笛吹石根綠綠蘚蘆筍抽丹漬漂旋弄天影

古檜拏雲臂愁月微帳紅罽雲香蔓刺芒麥平百井

夷子賀乃龍西成紀人也范蠡南陽人家於越初僕

得其術以事越王勾踐既輔越威吳謂於越名師事之

不復入越矣

唐詩類苑 卷之五 五

荊州泊

李端

南樓西下時月裏聞來棹桂水軸艫迴荊州冲濟
移帷掩星漢引帶思容貌今夜一江人唯應妾身覺

荊州歌二首

劉禹錫

渚宮楊柳暗麥城朝雉飛可憐踏青伴乘暖着輕衣

二

今日好南風商旅相催發沙頭檣竿上始見春江濶

紀南歌

劉禹錫

風烟紀南城塵土荆門路天寒獵獸者走上樊姬墓

鞏路感懷

呂溫

唐詩類苑

卷之三

三

馬嘶白日暮劍鳴秋氣來我心浩無際河上空徘徊

驢驢坂

杜牧

荊州一萬里不如蒯易度仰首望飛鳴伊人何異趣

茱萸灣北答崔載華問

劉長卿

荒涼野店絕迢遞人烟遠蒼蒼古木中多是隋家苑

赴楚州次自田途中阻淺問張南史

劉長卿

楚城今近遠積藹寒塘暮水淺舟且遲淮潮至何處

洛中口號

權德輿

還鄉不見家年老眼多淚車馬上河橋城中好天氣

東平路作三首

高適

南園適不就東走豈吾心索索涼風動行行秋水深
蟬鳴木葉落茲夕更秋霖

明時好畫策動欲干王公今日無成事依依親老農

扁舟向何處吾愛汶陽中

清曠涼夜月徘徊孤客舟渺然風波上獨夢前山秋

秋至復搖搖落空令行者愁

扶風畫留離京侵遠

王勃

帝里金莖去扶風石柱來山川殊未已行行方悠哉

長柳

王勃

唐詩類苑

卷之三

三

晨征犯烟磴夕憇在雲關晚風清近壑新月照澄灣

郊童樵唱返津叟釣歌還客行無與晤賴此釋愁顏

自洛之越

孟浩然

皇皇二十載書劍兩無成山水尋吳越風塵厭洛京

扁舟泛河海長楫謝公卿且樂杯中物誰論世上名

過鄭曲

祖詠

路向榮川谷晴來望盡通細烟生水上圓月在舟中

岸勢迷行客秋聲亂早蟲旅懷勞自慰浙浙有涼風

發錦沙村

崔顥

北上途未半南行歲已闌孤舟下建德江水入新安

海近山常雨溪深地早寒行行怕不可須及子陵

經三泉路作

蘇頌

三月松作花春行日漸斜竹妨山鳥路藤沒野人家
透石飛梁下尋雲絕磴賒此中誰與樂揮涕語年華

過蠻洞

宋之問

越領千重合蠻溪十里斜竹迷樵子徑萍匝釣人家
林暗交楓葉關香覆橘花誰憐在荒外一作微孤賞足
雲霞

出石門

駱賓王

層巖遠接天絕嶺上栖烟松低輕蓋假藤細弱絲懸
唐詩類苑 卷之三 三六

石明如挂鏡苔分似列錢暫策爲龍杖何處得神仙

至汾水城

駱賓王

行役忽離憂復此愴分流濺石迴湍咽紫叢曲澗幽
陰崖常結晦宿莽竟含秋况乃霜晨早寒風入戍樓

渡瓜步

駱賓王

棒檣辭幽徑鳴榔下貴洲驚濤疑躍馬積氣似連牛
月迴黃沙淨風急夜江秋不學浮雲影他鄉空滯流

使至廣州

張九齡

昔年嘗不調茲地亦遄迴本謂雙鳬少何知駟馬來
人非漢使棠郡是越王臺去去雖殊事山川長在哉

興州出行

蘇頌

危途曉未分驅馬傍江濱滴滴泣花露微微出岫雲
松梢半吐月蘿羈漸移曉旅客腸應斷吟猿更始聞

經梧州

宋之問

南國無霜霰連年見物華青林暗換葉紅藥續開花
春去聞山鳥秋來見海槎流芳雖可悅會自泣長沙

初達驩州

沈佺期

自昔聞銅柱行來向一年不知林邑地猶隔道明天
雨露何時及京華若箇邊思君無限淚堪作日南泉

陝中作

蔡希寂

唐詩類苑 卷之三 三六
西別秦關近東行陝服長川原餘讓畔歌吹憶遺棠

河水流城下山雲起路傍更憐栖泊處池館繞林篁

發潭州

杜甫

夜醉長沙酒曉行湘水春岸花飛送客檣燕語留人
賈傅才未有諸公書絕倫名高前後事回首一傷神

登樓

高適

登樓遠行客龍上汾流水流水無盡期行人未云已
淺才登一命孤初過萬里豈不思故鄉從來感知已

入秦州

盧照隣

隴阪長無極谷山望不窮石徑繁疑斷回流映似空

花開綠野霧鶯囀紫巖風春芳勿遽盡留賞故人

至分陝

駱賓王

陝西開勝壤刀南分沃疇列樹巢維鵲平渚下睢鳩
憩棠疑勿翦曳葛似攀樛至今王化美非獨在隆周

淮陽路

李商隱

荒村倚廢營投宿旅魂驚斷鴈高仍急寒溪曉更清
昔年嘗聚盜此日頗分兵猜貳誰先致三朝事始平

楚澤

李商隱

夕陽歸路後霜野物聲乾集鳥翻漁艇殘紅拂馬鞍
劉楨元抱病虞寄數辭官白袷經年卷西來又早寒

唐詩類苑

卷之百五

七

陸發荆南始至商洛

李商隱

昔去真無奈今還豈自知青辭木奴橘紫見地仙芝
四海秋風闊千巖暮景遲向來憂際會猶有五湖期

商於新開路

李商隱

六百商於路崎嶇古共聞蜂房春欲暮虎奔日初曛
路向泉間辨人從樹杪分更誰開捷徑速擬上青雲

酬皇甫冉西陵見寄

僧靈一

西陵潮信滿島嶼沒中流越客依風水相思南渡頭
寒光生極浦落日映滄洲何事揚帆去空驚海上鷗

春泊弋陽

許渾

江行春欲半孤枕弋陽堤雲暗猶飄雪潮寒未應
飲猿聞棹散飛鳥背船低此路成幽絕家山聳洛西

下京口埭夜行

孫逖

孤帆度綠氛寒浦落紅曛江樹朝來出吳歌夜漸聞
南溟接潮水北斗近鄉雲行役從茲去歸情入鴈羣

南中

王建

天南多鳥聲州縣半無城野市依蠻姓山村逐水名
瘴烟沙上起陰火雨中生獨有求珠客年年入海行

灞上

崔塗

長安名利路役役古由今征騎少閑日綠楊無舊陰
唐詩類苑

卷之百五

无

水侵秦甸潤草接漢陵深紫閣曾過處依稀白鳥沈
途次績溪先寄陳明府

張蠟

入境風烟好幽人不見傳新居多是客舊隱半成仙
山斷雲衝騎溪長柳拂船何當許過縣聞有篋中篇

鹿角鎮

洞庭湖
中地名

元稹

去年湖水滿此地覆行舟萬怪吹高浪千人死亂流
誰能問帝子何事寵陽侯漸恐鯨鯢大波濤及九州

城西作

羅隱

從君無一事終日掩空齋道薄交游少才疎進干戈
華馬薦誰問胡塵自此多因思漢明帝中夜憶廉頗

昭郡

李商隱

桂水春猶早，昭川日正西。
虎當官路闕，猿上驛樓啼。
繩爛金沙井，松乾乳洞梯。
鄉音吁可駭，仍有醉如泥。

春日灞亭同苗員外寄侍御

盧綸

坐見春雲暮，無因報所思。
川平人去遠，陂廣鳥飛遲。
對酒山長在，看花鬢自衰。
誰堪登灞岸，還作舊鄉悲。

萬州曉發放舟乘漲還寄蜀中親友

陳子昂

空濛巖雨霽，爛熳曉雲歸。
嘯旅乘明發，奔橈驚斷磯。

卷之五

三十一

蒼茫林岫轉，絡繹漲濤飛。
遠岸孤雲出，遙峯曙日微。
前瞻未能朐，坐望已相依。
曲直還今古，經過失是非。

舟中出江陵南浦奉寄鄭少尹審

杜甫

更欲投何處，飄然出此都。
形骸元土木，舟楫復江湖。
社稷縈妖氣，干戈送老儒。
百年同棄物，萬國盡窮途。

雨洗平沙淨，天銜澗岸紆。
鳴蜩墜沈梗，別燕赴秋菰。
栖託難高臥，饑寒迫向隅。
寂寥相煦沫，浩蕩報恩珠。

溟漲鯨波動，衡陽鴈影徂。
南征問懸榻，東逝想乘桴。

濫竊商歌，聽時憂下泣。誅經過憶鄭驛，斟酌旅情孤。

度安海入龍編

沈佺期

我來交趾郡，南與貫胸連。
四氣分寒少，三光置日偏。
尉佗曾馭國，翁仲久遊泉。
邑屋遺氓在，魚鹽舊產傳。
越人遙捧翟，漢將下看鸛。
北斗崇山掛，南風漲海羣。
別離頻破月，容鬢驟催年。
昆弟惟由命，妻孥割付緣。
夢來魂尚擾，愁委疾空纏。
虛道崩城淚，明心不映天。

下賴石

孟浩然

賴石三百里，公洞千嶂間。
沸聲常活活，活勢亦潺潺。
跳沫魚龍沸，垂藤猿狖攀。
傍人苦奔峭，而我忘險艱。

卷之三

三十一

放溜情彌愜，登舫日自閑。
暝帆何處泊，遙指落星灣。

下桂江縣黎壁

宋之問

放溜觀前淑，連山分上千。
江回雲壁轉，天小霧峰攢。
吼沫跳急浪，合流環峻灘。
欹雜出漩劃，繚繞避渦盤。
舟子怯桂水，最云斯路難。
吾生抱忠信，吟嘯自安閑。
旦別已千歲，夜愁勞萬端。
企予見夜月，委曲破林巒。
潭曠竹煙盡，洲香橘露團。
豈傲夙所好，對之與俱歡。

思君罷琴酌，泣此夜漫漫。

發藤州

宋之問

朝夕苦遄征，孤魂長自驚。
泛舟依鴈渚，投館聽猿鳴。

石髮綠溪蔓林衣掃地輕雲峯刻不似苔蘚畫難成
露裏千花氣泉和萬籟聲攀幽紅處歇躋險綠中行
戀切芝蘭砌悲纏松柏塋丹心江北死白髮嶺南生
魍魎天邊國窮愁海上城勞歌意無限今日爲誰明

發閬中

杜甫

前有毒蛇後猛虎溪行盡日無村塢江風蕭蕭雲拂
地山木慘慘天欲雨女病妻憂歸意速秋花錦石誰
復數別家三月一得書避地何時免愁苦

乾元中寓居同谷縣作七首

杜甫

唐詩類苑

卷之三

三

有客有客杜子美白頭亂髮垂過耳歲拾橡栗隨徂
公天寒日暮山谷裏中原無書歸不得手脚凍皴皮
肉死嗚呼一歌兮歌已哀悲風爲我從天來
長鑱長鑱白木柄我生託子以爲命黃精無苗山雪
盛短衣數挽不掩脛此時與子空歸來男呻女吟四
壁靜嗚呼二歌兮歌始放閭里爲我色惆悵
有弟有弟在遠方三人各瘦何人強生別展轉不相
見胡塵暗天道路長東飛鴛鴦後鵝鵠安得送我置
汝傍嗚呼三歌兮歌三發汝歸何處收兄骨
有妹有妹在鍾離良人早歿諸孤癡長淮浪高蛟龍

怒十年不見來何時扁舟欲往箭滿眼杳杳南國多
旌旗嗚呼四歌兮歌四奏林猿爲我啼清晝

四山多風溪水急寒雨颯颯枯樹濕黃蒿古城雲不
開白狐跳梁黃狐立我生胡爲在窮谷中夜起坐萬
感集嗚呼五歌兮歌正長魂招不來歸故鄉

南有龍今在山湫古木龍從枝相樛木葉黃落龍正
蟄蝮蛇東來水上遊我行怪此安敢出拔劍欲斬且
復休嗚呼六歌兮歌思遲溪壑爲我迴春姿

男兒生不成名身已老三年饑走荒山道長安卿相
多少年富貴應須致身早山中儒生舊相識但話宿
昔傷懷抱嗚呼七歌兮悄終曲仰視皇天白日速

唐詩類苑

卷之三

三

龍陽縣歌

劉禹錫

縣門白日無塵土百姓縣前挽魚罟主人引客登大
隄小兒縱觀黃犬怒鸕鶿驚鳴繞籬落橘柚垂芬照
窗戶沙平草綠見吏稀寂寥斜陽照縣鼓

涉沅湘

李紳

屈原死處瀟湘陰滄浪森森雲沈沈蛟龍長怒虎長
嘯山水脩脩波浪深烟橫日落驚鴻起山映雲霞森
千里鴻叫離離人莫天霞消漠漠深雲水水虛江暗
揚波濤鼉鼉動盪風騷騷行人愁望待明月星漢沈

浮魅鬼號屈原爾爲懷王沒水府通天化靈物何不
驅雷擊電除姦邪空作沈泉抱冤骨舉杯瀝酒召爾
魂月影滉漾開乾坤波白水黑山隱見汨羅之上遙
昏昏風帆候晚看五兩戍鼓襲襲遠山響潮滿江津
猿鳥啼荆夫楚語飛蠻漿滿浦無人居風驚水
暗惟鮫魚行來擊棹獨長歎問爾精魂何所如

往河陽宿岷陵寄李侍御 孟郊

暮天寒風悲屑屑啼鳥遶樹水喧行路解鞍投古
陵蒼蒼隔山見微月鴉鳴犬吠霜烟昏閑囊拂巾對
盤餐人生窮達感知已明日投君申片言

唐詩類苑

卷之五十五

三五

白花原

李頎

白花原頭望京師黃河流水無已時秋天曠野人行
絕馬首西來知是誰

秋下荆門

李白

霜落荆門江樹空布帆無恙掛秋風此行不爲鱸魚
膾自愛名山入剡中

磧中作

岑參

走馬西來欲到天辭家見月兩回圓今夜不知何處
宿平沙萬里絕人烟

衛中作

沈頌

衛風愉艷宜春色淇水清冷增暮愁縱使榴花能一
醉終須萱草暫忘憂

宜城歌

劉禹錫

野水繞空城行塵起孤驛荒臺側生栢石碣陽鐫額
靡靡渡行人溫風吹宿麥

順陽歌

劉禹錫

朝鮮官軍驛前望順陽路野水齧荒墳秋蟲鏤宮樹
曾聞天寶來胡馬西南驚城守魯將軍拔城從此去

華州西

白居易

每逢人靜慵多歇不計程行困即眠上得籃輿未能

唐詩類苑

卷之五十五

三五

去春風歎水店門前

赴資陽經蟠漢水所出元祐三年已授此官

羊士諤

寧辭舊路駕朱轡重使疲人感漢恩今日鳴騶到蟠
峽還勝博望至河源

題舒鄉

曹鄴

功名若及鴟夷子必擬將舟泛洞庭柳色湖光好相
待我心非醉亦非醒

東下三旬苦於風土馬上戲作

李商隱

路遠函關東復東身騎征馬逐驚蓬天池遼遠誰相
待日日虛乘九萬風

齊安郡中偶題二首 杜牧

兩竿落日溪橋上半縷輕烟柳影中多少綠荷相倚
恨一時迴首背西風

秋聲無不攪離心夢澤蒹葭楚雨深自滴堦前大梧
葉千君何事動哀吟

巴興作 賈島

三年未省聞鴻叫九月何曾見草枯寒暑氣均思白
社星辰正別憶皇都蘇卿持節終還漢葛相行師自

唐詩類苑 卷之三十五 王

渡瀘鄉味朔山林果位北歸期掛海帆孤

江陵卽事 王建

瘴雲梅雨不成泥十里津頭樓壓大堤蜀女下沙

迎水客巴童傍驛賣山鷄寺多紅藥燒人眼地足青
苔染馬蹄夜半獨眠愁在遠北看歸路隔蠻溪

夜泛陽塢入明月灣卽事寄崔湖州 白居易

白居易

湖山處處好淹留最愛東灣北塢頭掩映橘林千點
火泓泊潭水一盆油龍頭盡舸銜明月鵲脚紅旗離
碧流爲報茶山崔太守與君各是一家遊

赴蘇州至常州答賈舍人 白居易

杭城隔歲轉蘇臺還擁前時五馬迴厭見簿書先眼
合喜逢杯酒暫眉開未酬恩寵年空去欲立功名命
不來一別承明三領郡甘從人道是麓才

路入剡中作 方干

截灣衝瀨片帆通高枕微吟到剡中掠草並花憐燕
子停橈獨飲學漁翁波濤謾撼長潭月楊柳斜牽一
岸風便擬乘槎應去得仙源直恐接星東

經西塢偶題 溫庭筠

搖搖弱柳黃鸝啼芳草無情人自悲日影明滅金色
唐詩類苑 卷之三十五 王

鯉杏花啞喋青頭鷄微紅棹蒂惹蜂粉潔白芹芽穿
燕泥借問含顰向何事昔年曾到武陵溪

綏州作 韋莊

雕陰無樹水難流雉堞連雲古帝州帶雨晚馳鳴遠
戍望鄉孤客倚高樓明妃去日華應笑蔡琰歸時鬢
已秋一曲單于暮烽起扶蘇城上月如鉤

洞簫縣作 韋莊

韋莊

錢塘江盡到洞簫水碧山青畫不如白羽鳥飛嚴子
瀨綠蓑人釣李膺魚潭心倒影時開合谷口閑雲自
卷舒此境只應詞客愛投文空吊水玄虛

南海府罷歸京口經大庾領贈張明府

許渾

樓船旌旆極天涯一劔從軍兩鬢華
回日眼明河漢草

一作去時腸斷嶺頭花陶詩盡寫行過縣張賦

成臥到家官滿知君有歸處姑蘇臺上舊烟霞

汧陽間

韋莊

汧水悠悠去似綳遠山如畫翠眉橫
僧尋野渡歸吳嶽鴈帶斜陽入渭城

邊靜不收蕃帳馬地貧唯賣隴山鸚

牧童何處吹羌笛一曲梅花出塞聲

望行人

邵謁

唐詩類苑

卷之百五

天

登樓恐不高及高君已遠雲行郎即行雲歸郎不返

嗟爲樓上人望望不相近若作轍中泥不放郎車轉

白日下西山望盡妾腸斷

絕境

羅隱

絕境非身事流年但物華水梳苔髮直風引蕙心斜

凡客從題鳳膚音未勝蛙小船兼有檣始與問漁家

因書

李商隱

絕徼南通棧孤城北枕江猿聲連月檻鳥影落天牕

海石分碁子郛筒當酒缸生歸話辛苦別夜對凝缸

重感

白居易

停驂歇路隅重感一長吁擾擾生還死紛紛榮又枯

困支青竹杖閑將白髭鬚莫歎身衰老交游半已無

六言

白居易

把酒留君聽琴那堪歲暮離心霜葉無風自落秋天

不再多陰人愁荒村路遠馬怯寒溪水深望盡青山

猶在不知何處相尋

好時節

元稹

身騎驄馬峨眉下面帶霜威卓氏前虛度東川好時

節酒樓元被蜀兒眠

唐詩類苑

卷之百五

天

唐詩類苑卷第一百十六

明雲間張之象玄超甫纂輯

雲間唐仲賢晉卿甫編次

雲間王徹叔朗甫補訂

梁谿曹仁孫伯安甫校正

人部

羈旅

長安羈旅行

孟郊

十日一理髮每梳飛旅塵三旬九遇飲每食唯舊貧
萬物皆及時獨余不覺春失名誰肯訪得意爭相親

唐詩類苑

卷之三百十六

一

木有恬翼靜流無躁鱗始知喧競場莫處君子身
野策藤竹輕山蔬薇蕨新潛歌歸去來事外風景真

長安羈旅

孟郊

聽落離別中聲聲入幽腸曉淚滴楚瑟夜魂遶吳鄉

幾迴羈旅情夢覺殘燭光

羈春

王勃

客心千里倦春事一朝歸還傷北園裏重見落花飛

羈旅行

張籍

遠客出門行路難停車斂策在門端荒城無人霜滿
路野火燒橋不得度寒蟲入宿鳥歸巢僮僕問我誰

家去行尋田頭暗未息雙轂長轅礙荆棘緣岡入澗

投田家主人春米爲夜食晨鷄喔喔茅屋傍行人起

掃車上霜舊山已別行已遠身計未成難復返長安

陌上相識稀遙望天門白日晚誰能聽我辛苦行爲

向軍前歌一聲

旅行

孟郊

楚水結冰薄楚雲爲雨微野梅參差發旅榜逍遙歸

旅行聞寇

盧延遜

寸步邊多事將行問四隣深山不畏虎當路却防人
無事助明代何門銷此身空慙兩行淚飄洒向紅塵

唐詩類苑

卷之三百十六

二

羈旅中奉答喻軍事問客情

釋善生

一自遊他國相逢少故人縱然爲客樂曾似在家貧
畜恨霜侵鬢搜詩病入神若非憐片善誰肯問風塵

旅中感遇寄呈李祕書昆仲

韋莊

南望愁雲鎖翠微謝家樓閣雨霏霏劉楨病後新詩

少阮籍貧來好客稀猶喜故人天外至許將孤劍日

邊歸懷鄉不怕嚴陵笑只待秋風別釣磯

旅次華州贈袁右丞

白居易

渭水綠溶溶華山青崇崇山水一何麗君子在其中
才與世會合物隨誠感通德星降人福時雨助歲功
化行入無訟囹圄千日空政順氣亦和黍稷三年豐
客自帝城來驅馬出關東愛此一郡人如見太古風
方今天子心憂人正冲冲安得天下守盡得如袁公

旅次湘沅有懷靈均

孟郊

分拙多感激久遊遵長塗經過湘水源懷古方踟躕
舊稱楚靈均此處殞忠軀傷聆故老言遂得旌賢過
名參君子場行為小人儒騷人街貞亮體物情
三黜有愠色即非賢哲模五十爵高秩謬膺從

唐詩類苑

卷之三十六

三

胃襟積憂愁容鬢復先一作彫枯死為弄手鬼生作猜
謗徒吟澤潔其身忠節寧見輸懷沙滅其性孝行焉
能俱且聞善稱君一何善自殊且聞過稱已一何過
不渝悠哉風土人角黍投川隅相傳歷千祀哀悼延
八區如今聖明朝養育無羈孤君臣逸雍熙德化盈
紛敷巾車徇前侶白日猶昆吾寄君臣子心戒此貞
良圖

旅次灞亭

沈頌

閑琴開旅思清夜有愁心圓月正當戶微風猶在林
蒼茫孤亭上歷亂多秋音言念待明發東山幽意深

旅次錢塘

方干

此地似鄉國堪為朝夕吟雲藏吳相廟樹引越山禽
潮落海人散鐘遲秋寺深我來無舊識唯見寂寥心

旅次上饒溪

張祐

碧溪行幾折凝棹宿汀沙角斷孤城掩樓深片月斜
夜橋昏水氣秋竹靜霜華更想曾題壁凋零可歎嗟

春日旅次

朱慶餘

林中鶯又囀為客恨因循故里遙千里青春過數春
弟兄來漸少歲月去何頻早晚榮一作營歸計中堂會
所親

唐詩類苑

卷之三十六

四

旅次岳陽寄京中親故

曹鄴

君山南面浪連天一客愁心兩處懸身逐片帆歸楚
澤魂隨流水向秦川月回浦北千尋雪樹出湖東幾
點煙更欲登樓向西望北風催上洞庭船

春晚旅次有懷

劉滄

晚出關河綠野平依依雲樹動鄉情殘春花盡黃鶯
語遠客愁多白髮生野水亂流臨古驛斷煙凝處近
孤城東西未遂歸田計海上青山久廢耕

南海旅次

曹松

憶歸休上越王臺歸思臨高不易裁為客正當無鴈

處故園誰道有書來城頭早角吹霜盡郭裏殘潮漲
月回心似百花開未得年年爭向故春催

旅遊

賈島

此心非一事書札若爲傳舊國別多日故人無少年
空巢霜葉落疎牖水螢穿留得林僧宿中宵坐黯黯
然

春日旅遊

劉滄

玄髮辭家事遠遊春風歸鴈一聲愁花開忽憶故山
樹月上自登臨水樓浩浩晴原人獨去依依春草水
分流秦川楚塞煙波隔怨別路岐何日休

唐詩類苑

卷之五十一

五

旅眠

元稹

內外都無隔帷幄不復張夜眠兼客坐同在火爐牀

長安旅宿

錢起

九秋旅夜長萬感何時歇蕙花漸寒暮心事猶楚越
直躬邇世道咫尺步隔天關每聞長樂鐘載泣靈臺月
明日北門外歸途堪白髮

旅宿

杜牧

旅館無良伴凝情自悄然寒燈思舊事斷鴈警秋眠
遠夢歸侵曉家書到隔年湘江好煙月門緊釣魚船

旅夜書懷

杜甫

細草微風岸危檣獨夜舟星垂平野濶月湧大江流
名豈文章著官應老病休飄飄何所似天地一沙鷗

夜泊旅望

白居易

少睡多愁客中宵起望鄉沙明連浦月帆白滿船霜
近海江彌濶迎秋夜更長煙波三十宿猶未到錢塘

旅泊吳門呈一二同志

張賁

一舸吳江晚堪憂病廣文鱸魚誰與伴鷗鳥自成羣
反照縱橫水斜空斷續雲異鄉無限思盡付酒醺醺

奉酬次韻旅泊吳門

陸龜蒙

高秋能叩觸天籟忽成文苦調雖潛倚靈音自絕羣

唐詩類苑

卷之五十一

六

茅峯曾醺斗笠澤久眠雲許伴山中燭三年任一醺

有吳門旅泊之什多垂見和更作一章以伸

訓謝

張賁

偶發陶匏響皆蒙組繡文清秋將落帽子夏正離羣
有恨書燕鴈無聊賦郢雲徧看心自醉不是酒能醺

更次韻奉酬吳門旅泊

陸龜蒙

獨倚秋光岸風漪學簾文玄堪教鳳集書好換鵝羣
葉墮平臺月香銷古徑雲強歌飛白紵聊以送餘醺

秋日旅途卽事

劉滄

驅羸多自感煙草遠郊平鄉路幾時盡旅人終日行

渡邊寒水驛山下夕陽城蕭索更何有秋風向鬢生

巫山旅別

崔塗

五千里外三年客十二峯前一望秋無限別魂招不得夕陽西下水東流

九江旅夜寄山中故人

伍喬

弱柳風高遠漏沉坐來難便息愁吟江城雪盡寒猶在客舍燈孤夜正深塵土積年粘旅服關山無處寄歸心此時遙羨閑眠侶靜掩雲扉向一林

吳安旅舍抒情投先達

劉駕

岐路不在地馬蹄從苦辛上國聞姓名不如山中人

唐詩類苑

卷之三十六

七

大宅滿六街此身入誰門愁心日散亂有似空中塵白雲下長安百蟲鳴草根方當秋賦日却憶歸山村靜女頭欲白良媒況我鄰無令苦長歎長歎消人魂

巴賓旅寓寄朝中從叔

鄭谷

驚秋思浩然信美向已天獨倚臨江樹初聞落日蟬衰榮悲往事漂泊念多年未便甘休去吾宗盡見憐

和人歲宴旅舍見寄

韋莊

積雪滿前除寒光夜皎如老憂新歲近貧覺故交疎意合論文後心降得句初莫言常鬱鬱天道有盈虛

暮冬長安旅舍

周賀

湖外誰相識思歸日日頻遍尋新住客少見故鄉人失計空知命勞生耻爲身看洞庭樹卽是舊山春

南山旅舍與故人別

崔塗

一日又欲暮一年看卽殘病知新事少老別舊交難山盡路猶險雨餘春却寒那堪試迴首烽火是長安

旅舍早起

章碣

跡暗心多感神疲夢不遊驚舟同厭夜獨樹對悲秋晚角和人戰殘星入漢流門前早行子敲鐙唱離憂

秋日旅舍別司空文明

李端

涼風颯窮巷秋思滿同雲更隱俱不就此心仍別君

唐詩類苑

卷之三十六

八

素懷宗澹泊羈旅念功勳轉憶西林寺江聲月下聞

巴南旅舍言懷

羅鄴

萬浪千巖首未迴無慘相倚上高臺家山如畫不歸去客舍似讐誰遣來紅淚罷窺連曉燭碧波休引向

風杯後時若有青雲望何事偏教羽翼摧

旅舍書懷寄所知

羅隱

思量前事不堪尋牢落餘情滿素琴四海豈無騰躍路一家長有別離心道從汨沒甘雌伏跡恐因循更陸沉寂寞誰家弔空館異鄉時節獨沾襟

秋夜旅舍寓懷

薛能

夜鎖荒蕪獨夜吟西風吹動故人心三秋水落半年
客滿地月明何處砧漁唱亂汀鷺合鴈聲寒咽隴
雲深平生只有松堪樹露浥霜欺不受侵

旅寓安南

杜審言

交趾殊風候寒遲暖復吹仲冬山菓熟正月野花開
積雨生昏霧輕霜下震雷故鄉踰萬里客思倍從來
同鄔戴關中旅寓

錢起

文士皆求遇今人誰至公靈臺一寄宿楊柳再春風
更昔忘形友頻年失志同羽毛齊燕雀心事阻鴛鴻
留滯慚歸養飛鳴恨觸籠橘懷鄉夢裏書去客愁中

唐詩類苑

卷之五

九

殘雪迷歸鴈韶光棄斷蓬吞悲問唐舉何路出屯蒙

旅情

周賀

黃葉下堦頻徐徐起病身殘秋螢出盡獨夜鴈來新
別業去千里舊鄉空四隣孤舟尋幾度又識岳陽人

旅情

杜牧

憲虛枕簟涼寢倦憶瀟湘山色幾時老人心終日忙
松風半夜雨簾月滿堂霜匹馬好歸去江頭橘正香

長安旅情

孟郊

盡說青雲路有足皆可至我馬亦四蹄出門似無地
玉京十二樓裁我倚青翠下有千朱門何門薦孤士

江南旅情

祖詠

楚山不可極歸路但蕭條海色晴看雨江聲夜聽潮
翩留南斗近書寄北風遙爲報空潭橘無媒寄洛橋

渠江旅思

鄭谷

流落復蹉跎交親半逝波謀身非不切言命欲如何
故楚春田廢窮巴瘴雨多引人鄉淚盡夜夜竹枝歌

旅館秋思

于濇

旅館坐孤寂出門成苦吟何事覺歸晚黃花秋意深
塞蝶戀衰草軫我離鄉心更見庭前樹南枝巢宿禽

薊北旅思

張籍

日日望鄉國空謂白亭詞長因送人處憶得別家時
失意還獨語多愁祇自知客亭門外柳折盡向南枝

蜀中旅懷

王適

獨坐年將暮常懷志不通有時須問影無事則書空
棄置如天外平生似夢中逢心猶是客華髮欲成翁

跡滯魂逾窘情平路轉窮別離同夜月愁思隔秋風

老少悲顏鬢盈虛悞瞿公時來不可問何用求童蒙

中秋旅懷

僧尚能

所畜惟騷雅兼之得困窮望鄉連北斗聽雨帶西風
稼穡村坊遠煙波路逕通冥搜清絕句恰似有神功

旅懷

周賀

不覺月又盡未歸還到春雪通廬岳夢樹匝草堂身
澤鴈和寒露江槎帶遠新何年自此去舊國隣

旅懷

許渾

征車何輒輒南北極天涯孤枕易爲客遠書難到家
鄉連雲外樹城閉月中花猶有扁舟思前年別若耶

旅懷寄友人

黃滔

重疊愁腸只自知苦於吞藥亂於絲一船風雨分襟
處千里煙波迴首時故國田園經戰後窮荒日月逼
秋期鳴蟬似會悠揚意陌上聲聲怨柳衰

唐詩類苑

卷之百六

十一

春日旅懷呈知己

生涯萬事有蒼蒼應任流萍便越鄉春水獨行人漸
遠故園歸路夜空長一聲隔浦猿啼夜數滴驚心淚
滿裳不爲知音皆鮑叔信憑江上太茫茫

湘漢旅懷翁傑

周賀

一宿空江聽急流仍同賈客坐歸舟遠書來隔巴陵
雨衰鬢去經彭蠡秋不擬爲身謀舊業終期斷穀隱
高丘吾宗尚作無爲者中夜閑吟生旅悲

旅懷

劉威

物態人心漸渺茫十年徒學釣滄浪老將何面還吾

土夢有驚寃在楚鄉自是一身嫌苟合誰憐今日欲
佯狂無名無位却無事醉落烏紗卧夕陽

春山山館旅懷

羅鄴

山館吟餘山月斜東風搖曳拂窗花豈知驅馬無閑
日長在他人後到家孤劒向誰開壯節流年催我自
堪嗟燈前結束又前去曉出石未啼亂鴉

秋夕旅懷

羅鄴

階前月色與蛩聲階上愁人坐復行秦谷入霜空有
夢越山無計可歸耕窮途若遣長堪慟華髮何因肯
晚生不似扁舟釣魚者免將心事算浮榮

唐詩類苑

卷之百六

十一

長安春夕旅懷

羅鄴

幾年栖旅寄西秦不識花枝醉過春短艇閑思五湖
浪羸啼愁傍九衢塵關河風雨迷歸夢鐘鼓朝昏老
此身忽向太平時節過一竿持去老遺民

冬日旅懷

羅鄴

烏焰纔沉桂鬼生霜階擁褐暫吟行閑思江市白醪
滿靜憶僧窓綠綺橫塵土自憐長失計雲帆尤覺有
歸情幾多悵望無窮事空畫爐灰坐到明

旅懷

黃滔

蕭颯聞風葉驚時不自堪宦名中夜切人事長年諳

古畫僧留與新知客遇談鄉心隨去鴈——到江南

旅懷

黃滔

雪貌潛凋雪髮生故園魂斷弟兼兄十年除夜在孤館萬里一身求大名空有新詩高華嶽已無丹懇出秦城侯門莫問曾遊處槐柳影中肝膽傾

旅懷

黃滔

未喫金丹看十洲乃將身任僦遊數地值兵亂宿在孤城聞雨秋東越雲山卻思隱西秦霜霰苦頻留他人折盡月中桂惆悵當年江上鷗

旅館書懷

劉洽

唐詩類苑

卷之百十六

十三

秋看庭樹換風煙兄弟飄零寄海邊客計倦行分映路家貧休種汶陽田雲低遠塞鳴寒鴈雨歇空山噪暮蟬落葉蟲絲滿窻戶秋堂獨坐思悠然

寓題

黃滔

每憶家山卽涕零定須歸老舊雲崙銀河水到人間濁丹桂枝垂月裏簷霜雪不飛無翠竹鯨鯢猶在有青萍三千九萬平生事却恨南華說北溟

客舍秋晚夜懷故山

黃滔

寥寥深巷客中居况值窮秋百事疎孤枕憶山千里外破窻聞雨五更初經年荒草侵幽徑幾樹西風鏤

弊廬長繫寸心歸未得起挑殘燭獨躊躇

出門行二首

孟郊

長河悠悠去無極百齡同此可歎息秋風白露沾人衣壯心凋落奪顏色少年出門將許誰川無梁兮路無岐一聞陌上苦寒奏使我佇立驚且悲君今得意厭梁肉豈復念我貧賤時

海風蕭蕭天雨霜窮愁獨坐夜何長驅車舊憶太行險始知遊子悲故鄉美人相思隔天闕長望雲端不可越手持琅玕欲有贈愛而不見心斷絕南山我栽白石爛碧海之波浩漫漫參辰出沒不相待我欲橫

唐詩類苑

卷之百十六

十四

天無羽翰

出門

于鄴

東南千里行處處有車聲若使地無利始應人不營天涯猶馬到石跡尚塵生如此未曾息蜀山終冀生

別家

杜牧

初歲嬌兒未識爺別爺不拜手叱叉拊頭一別三千里何日迎門却到家

羈遊餞別

王勃

客心縣隴路遊子倦江干槿豐朝砌靜篠窻夜窻寒琴聲銷別恨風景駐離歡寧竟山川遠悠悠旅思難

南游

鄭谷

淒涼懷古意湘浦吊靈均故國經新歲扁舟寄病身
山城多曉瘴澤國少晴春漸遠無相識青梅獨問人

遠遊

孟郊

慈烏不遠飛孝子念先歸而我獨何事四時心有違
江海戀空積波濤信來稀長爲路傍食堵盡家中衣
別一作劍不割物離人難作威遠行少童僕驅使無
是非爲性玩好盡積愁心緒微始知時節駛愛一作
日非長輝

遠遊聯句

韓愈

唐詩類苑

卷之百六

主

別腸車輪轉一日一萬周郊離思春水泮瀾浸不可
收愈馳光忽以迫飛轡誰能留愈取之詎灼灼此去
信悠悠楚客宿江上夜魂棲浪頭曉日生遠岸水芳
綴孤舟村飲泊好木野蔬拾新柔獨含悽悽別中結
鬱鬱愁人憶舊行樂鳥吟新得儔郊靈瑟時宵宵露
懷夜啾啾憤懣氣尚盛恨竹淚空幽長懷絕無已多
感良自尤卽路涉獻歲歸期渺涼秋兩歡日牢落孤
悲坐綢繆愈觀怪忽蕩漾叩奇獨冥搜海鯨吞明月
浪島浸大漚我有一寸鈎欲釣千丈流良知忽然遠
壯志鬱無抽郊題魅暫出沒蛟螭互蟠踞昌言拜舜

禹舉颶凌斗牛懷輶覬賢屈乘桴追聖丘飄然天外

步豈肯區中囚愈楚些待誰弔賈辭緘恨投翳明弗

可曉秘魂安所求氣毒放逐域蓼雜芳非疇當春忽

淒涼不枯亦颶颶貉語衆猥欵巴語相咿咿默誓去

外俗嘉願還中州江生行既樂躬輦自相勗飲醇趣

明代味腥謝荒陬馳深鼓利檝趨險驚蜚輶繫石沉

斬尚開弓射鴈戛路暗執屏翳波驚戮陽侯廣泛信

縹眇高行恣浮游外患蕭蕭去中悒稍稍瘳振衣造

雲闕跪坐陳清猷德風變讒巧仁氣銷戈矛名聲照

四海淑問無時休歸哉孟夫子歸去無夷猶愈

唐詩類苑

卷之百六

主

遠遊

杜甫

江闊浮高棟雲長出斷山塵沙連越嶠風雨暗荆蠻
鴈矯銜蘆內猿啼失木間弊裘蘇季子歷國未知還

遠遊

杜甫

賤子何人記迷方著處家竹風連野色江沫擁春沙
種藥扶衰病吟詩解嘆嗟似聞胡騎走失喜問京華

遠遊

鄭谷

江湖猶足事食宿成聲喧久客秋風起孤舟夜浪翻
鄉音離楚水廟貌入湘源岸澗鳬鷺小林垂橘柚繁
津官來有意漁者笑無言早晚酬僧約中條有藥園

遊子吟

李益

女羞夫婿薄客耻主人賤遭遇同衆流低回媿相見
君非青銅鏡何事空照面莫以衣上塵不謂心如練
人生當榮盛待士勿言倦君看白日馳何異絃上箭

遊子

賈島

遊子喜鄉遠非吾憶歸廬誰知奔他山自欲早旋車
朝賞暮已足圖歸願無餘當期附鵬翼未偶方躊躇

遊子吟

孟郊

慈母手中線遊子身上衣臨行密密縫意恐遲遲歸
難將寸草心報得三春暉

唐詩類苑

卷之百十六

七

遊子

孟郊

萱草生堂堦遊子行天涯慈親倚堂前不見萱草花

遊子

杜甫

巴蜀愁誰語吳門興杳然九江春草外三峽暮帆前
厭就成都卜休爲吏部眠蓬萊如可到衰白問羣仙

賦得遊人久不歸

賀朝清

鄉關眇天末引領悵懷歸羈旅久滯滯物色屢芳菲
稍覺出意盡行看蓬鬢稀如何千里外佇立露裳衣

客遊

李賀

悲滿千里心日暖南山石不謁承明廬老作平原客

四時別家廟三年去鄉國旅歌屢彈鋏歸問時裂帛

京都爲客作

田澄

蜀郡將知遠城南萬里橋衣緣鄉淚濕貌以客愁銷
地富魚爲米山芳桂是樵旅遊唯得酒今日過明朝

客行

方干

藕葉綴爲衣東西泣路岐鄉心日落後身計酒醒時
觸目多添感凝情足所思羈愁難盡遣行坐一低眉

客行

馬戴

路岐長不盡客恨杳難通蘆荻晚汀雨柳花南浦風
亂鐘嘶馬急殘日半帆紅却美漁樵侶閑歌落照中

唐詩類苑

卷之百十六

十八

客廣陵

王昌齡

樓頭廣陵近九月在南徐秋色明海縣寒煙生里閭
夜帆歸楚客昨日度江書爲問易名叟垂綸不見魚

路府客亭寄崔鳳童

王昌齡

蕭條郡城閉旅館空寒煙秋月對愁客山鐘搖暮天
新知偶相訪斗酒情依然一宿阻長會清風徒滿川

客亭

杜甫

秋窗猶曙色木落更天風日出寒山外江流宿霧中
聖朝無棄物老病已成翁多少殘生事飄零似轉蓬

客舊館

杜甫

陳迹隨人事初秋別此亭重來梨葉赤依舊竹林青
風慢何時捲寒砧昨夜聽無由出江漢秋渚月冥冥

客中

于鄴

楚人歌竹枝遊子淚沾衣異國又爲客寒宵方夢歸
一封書未返千樹葉皆飛南過洞庭水更應消息稀

客中言懷

戴叔倫

白髮照烏紗逢人只自嗟官閑如致仕客久似無家
夜雨孤燈夢春風幾度花故園歸有日詩酒老生涯

客中行

李白

蘭陵美酒鬱金香玉碗盛來琥珀光但使主人能醉
唐詩類苑 卷之百十六 十九

客不知何處是他鄉

客中作

杜儼

書劍催人不暫閑洛陽羈旅復秦關容顏歲歲愁邊
改鄉國時時夢裏還

湖南客中春望

顧况

鳴鴈嘹嘹北向頻淥波何處是通津風塵海內憐雙
鬢涕淚天涯係一身故里音書應望絕異鄉景物又

更新便拋印綬從歸隱吳渚香蓴漫吐春

客夜

杜甫

客睡何曾著秋天不肯明入簾殘月影高枕遠江聲

計拙無衣食途窮仗友生老妻書數紙應悉未歸情

歲暮客懷

戎昱

異鄉三十口親老復家貧無事乾坤內虛爲翰墨人
歲華南去後愁夢北來頻惆悵江邊柳依依又欲春

客思吟

楊敬之

禾黍正離離南園翦白芝細腰沉趙女高髻唱鸞姬
路醜前岡月梳慚一領絲鄉人不可語獨念畏人知

客思

賈島

促織聲尖尖似針更深刺著旅人心獨言獨語明月
裏驚覺眠童與宿禽

唐詩類苑

卷之百十六

二十

客喜

賈島

客喜非實喜客悲非實悲百迴信到家未當身一歸
未歸長嗟愁嗟愁填中懷開口吐愁聲還却入耳來
常恐滴淚多自損兩目輝鬢邊雖有絲不堪織寒衣

客思

李昌符

古原南北舊蕭疎高木風多小雪餘半夜病吟人寢
後百年閑事酒醒初頻招兄弟同佳節已有兵戈隔

遠書肥馬王孫定相笑不知岐路厭樵漁

久客臨海有懷

駱賓王

天涯非日觀地圯望星樓練光遙亂馬劍氣上連牛

草濕姑蘇夕葉下洞庭秋欲知淒斷意江上涉安流

久客

杜甫

羈旅知交態淹留見俗情衰顏聊自哂小吏最相輕
去國哀王粲傷時哭賈生狐狸何足道豺虎正縱橫

久客

劉駕

久客心易足主人有餘力如何昨宵夢到曉山家色
南音入誰耳曲盡頭自白

倦客

鄭谷

十年五年岐路中千里萬里西復東匹馬愁衝晚村
雪孤舟悶阻春江風達士猶來知道在昔賢何必哭

唐詩類苑

卷之百十六

主

途窮閑烹蘆笋炊菰米會向源鄉作醉翁

書事

黃滔

望歲心空切耕夫盡把弓千家數人在一稅十年空
沒陣風沙黑燒城水陸紅飛章奏西蜀明詔與殊功

輦下書事

黃滔

北闕新王業東城入羽書秋風滿林起誰道有鱸魚

壬癸歲書情

黃滔

故園招隱客應便笑無成謁帝達移國投文值用水
孤松憐鶴在疎柳惡蟬鳴匹馬迷歸處青雲失曩情
江頭寒夜宿壠上歎年耕冠蓋新人物漁樵舊弟兄

易生唯白髮難立是浮名惆悵灞陵路秋風誰入行

秋暮西歸途中書情

白居易

耿耿旅燈下愁多常少眠思鄉貴早發發在鷄鳴前
九月早木落平蕪連遠山秋陰和曙色萬木蒼蒼然
去秋偶東遊今秋始西旋馬瘦衣裳破別家來二年
憶歸復愁歸歸無一囊錢心雖非蘭膏安得不自然

書事

杜牧

自笑走紅塵流年舊復新東風半夜雨南國萬家春
失計拋漁艇何門化濕鱗是誰添歲月老却暗投人

長安書事

張喬

唐詩類苑

卷之百十六

主

出送鄉人盡滄洲未得還秋風五陵樹晴日六街山
有景終年住無機是處閑何當向雲外免老別離間

長安書事

黃滔

終不離青山誰道雲無心卻是白雲士有時出中林
昨日擎紫泥明日要黃金炎夏羣木死北海驚波深
伏蒲無一言章疏賀德音

長安書事

黃滔

一年年課數千言口祝心祠擊出門孤進難時誰肯
薦主司通處不須論頻秋入自邊城雪昨日聽來嶺
樹猿若有水田過十畝早應歸去狄江村

北山書事

張翥

黃河一曲水天半，鎖重關。聖日雄藩，靜秋風老將閑。車輿穿谷口市，井響雲間。大野無飛鳥，元戎校獵還。

西遊書懷

溫庭筠

渭川通野戍，有路上桑乾。獨鳥青天暮，驚鷹赤燒殘。高秋辭故國，昨日夢長安。客意自如此，非關行路難。

黔中書懷

竇羣

萬事非京國，千山擁麗譙。佩刀看日曬，賜馬傍江調。言語多重譯，壺觴每獨謠。公流如着翅，不敢問歸橈。

漢陽卽事

儲光羲

楚國千里遠，孰知方寸違。春遊歡有客，夕寢賦無衣。江水帶水綠，桃花隨雨飛。九歌有深意，捐佩乃言歸。

岳陽卽事

張喬

遠色岳陽樓，相帆數片愁。竹風山上路，沙月水中洲。力學桑田廢，思歸鬢髮秋。功名如不立，豈易狎汀鷗。

府中寓止寄趙大諫

鄭谷

老作含香客，貧無僦舍錢。神州容寄跡，大尹是同年。密邇都忘倦，垂慵益見憐。雪風花月好，中夜便招延。

洛下寓居

白居易

秋館清涼日，書因解悶看。夜窻幽獨處，琴不爲人彈。

遊晏慵多廢，趨朝老漸難。禪僧教斷酒，道士勸休官。

渭曲庄猶在，錢塘奉尚殘。如能便歸去，亦不至饑寒。

寓居寄友人

劉滄

雨餘虛館竹陰清，獨坐書窻軫旅情。芳草衡門無馬跡，古槐深巷有蟬聲。夕陽雲盡嵩峯出，遠岸煙消洛水平。今夜南原賞佳景，月高風定苦吟生。

西京道德里

羅隱

秦樹團團多結陰，此中莊舄動悲吟。一枝丹桂未入手，萬里滄波長負心。老去漸知時態薄，愁來惟願酒盃深。七雄三傑今何在，休爲閑人淚滿襟。

唐詩類苑

卷之三百六

五

西京崇德里居

羅隱

進乏梯媒退又難，強隨豪貴殫長安。風從昨夜吹銀漢，淚擬何門落玉盤。拋擲紅塵應有恨，思量仙桂也無端。錦鱗頻尾平生事，却被閑人把釣竿。

和蜀縣段明府秋城望歸期

錢起

製錦蜀江靜，飛鳥漢關遙。一絃風靡草，再視露盈條。旅望多愁思，秋天更沈寥。河陽傳麗藻，清韻入歌謠。

九江春望

白居易

淼茫積水非吾土，飄泊浮萍是我身。身外信緣爲活計，

計眼前隨事覓交親
鑪煙豈異終南色
湓草寧殊渭北春
此地何妨便終老
譬如元是九江人

謫江表久未歸

賈參

一自經放逐徘徊無所從
便爲出山雲不隨飛去龍
名豈不欲保歸豈不欲早苟
無三月資難適千里道
離心與羈思終日常草草
人生年幾齊憂苦則先老
誰能假羽翼使我暢懷抱

靖安寄居

孟郊

寄靜不寄華
愛茲嵒嶠居
渴飲清泉饑食無名蔬
敗菜一作不敢火補衣亦寫書
古云儉成德今乃寔

唐詩類苑

卷之二百六

孟

起予慙叟慙不足
賢人賢有餘役生皆促促
心竟誰

舒舒萬馬踏風衢
衆塵隨奔車高賓盡不見
大道夜

方虛卧有洞庭夢
坐無長安儲英髦空駭耳
煙火獨

微如厚念恐傷性
薄田憶親鋤承一作世不出力
冬

日詠歸歎

山中

王勃

長江悲已滯萬里念將歸
况屬高風晚山山黃葉飛

被使在蜀

張說

卽今三伏盡尚自在臨邛
歸途千里外秋月定相逢

他鄉叙興

王勃

綴葉歸煙晚乘花落照春邊
城琴酒處俱是越鄉人

天涯

李商隱

春日在天涯天涯日又斜
鶯啼如有淚爲濕最高花

郡中

白居易

鄉路音信斷山城日月遲
欲知州近遠階前摘荔枝

嘉陵

鄭谷

細雨濕婁婁人稀江日西
春愁腸已斷不在子規啼

歸信吟

孟郊

淚墨洒爲書將寄萬里親
書去魂亦去兀然空一身

唐詩類苑

卷之二百六

孟

南州有贈二首

賈至

極浦三春草高樓萬里心
楚山晴靄碧湘水暮流深
忽與朝中舊同爲澤畔吟
停盃試北望還欲淚沾襟

二

越井人南去湘川水北流
江邊數杯酒海內一孤舟
嶺嶠同仙客京華卽舊遊
春心將別恨萬里共悠悠

南楚

杜甫

南楚青春異暄寒早早分
無名江上草隨意嶺頭雲
正月峰相見非時鳥共聞
杖藜妨躍馬不是故離羣

南中

胡皓

巴東三峽盡曠望九江開楚塞雲中出荆門水上來
魚龍潛嘯雨鳥鴈動成雷南國秋風晚客思幾悠哉

東屯北嶽

杜甫

盜賊浮生困誅求異俗貧空村唯見鳥落日未逢人
步壑風吹面看松露滴身遠山回白首戰地有黃塵

去蜀

杜甫

五載客蜀郡一年歸梓州如何關塞阻轉作瀟湘遊
萬事已黃髮殘生隨白鷗安危大臣在何必淚長流

雲山

杜甫

京洛雲山外音書靜不來神交作賦客力盡望鄉臺

唐詩類苑

卷之三百六

五

衰疾江邊卧親朋日暮迴白鷗元水宿何事有餘哀

松江獨宿

劉長卿

洞庭初下葉孤客不勝愁明月天涯夜青山江上秋
一官成白首萬里寄滄洲久被浮名繫能無愧海鷗

宿孤館

賈島

落日投村戍愁生爲客途寒山晴後綠秋水夜來孤
橘樹千株在漁家一半無自知風水靜舟繫岸邊蘆

延興門外作

韋莊

芳草五陵道美人金犢車綠奔寄內水紅落過牆華
馬足倦遊客鳥聲歡酒家王孫歸去晚官樹欲棲鴉

近無西耗

衛象

遠戎兵壓境遷客淚橫襟烽候驚秦塞囚居困越吟
自憐牛馬走未識犬羊心一月無消息西看日又沉

寄胡皓時在南中

李义

徭役苦流滯風波限沂泗江流通地骨山道繞天白
有鳥圖南去無人自北來閉門滄海曲雲霧待吾歸

見敏中初到邠寧秋日登城樓詩中感多
鄉思因以寄和

白居易

想爾到邊頭蕭條正值秋二年貧御史八月古鄆州
管管聞雖樂風沙見亦愁望鄉心若苦不用數登樓

唐詩類苑

卷之三百六

五

別家後次飛狐西卽事

馬戴

遠歸從此別親愛失天涯去國頻迴首方秋不在家
鳴蛩聞塞路冷鴈背龍沙西次桑乾曲洲中見蓂花

行思

李昌符

千里豈云去欲歸如路窮人間無暇日馬上又秋風
破月銜高岳流星拂曉空此時皆在夢行色獨怱怱

咸陽

鄭谷

咸陽城下宿往事可悲思未可謀身計頻遷反正期
凍河孤棹濕老樹疊巢危莫問今行止漂漂自不知

候子

羅隱

終日路岐旁前程亦可量未能慚面黑只是恨頭方雅途千里高文近兩行君知不識字第一莫相形

桂林

李商隱

城窄山將壓江寬地共浮東南通絕域西北有高樓神護青楓岸龍移白石湫殊鄉竟何禱蕭鼓不曾休

即日

李商隱

桂林聞舊說曾不異炎方宋考功有山響匡牀語長安之句也花飄度臘香幾時逢鴈足着處斷猿腸獨撫青青桂

臨城憶雪霜

巴丘春作

張說

唐詩類苑

卷之三百六

五

日出洞庭水春山掛斷霞江濤相映發丹木共紛華

湘戍南浮澗荆關北望賒湖陰窺魍魎丘勢辨巴蛇

鳥戶巢爲館漁人艇作家自憐心問影三歲客長沙

久滯洛中貽謝南池

孟浩然

陳平無產業尼父倦東西負郭昔云翳問津今亦迷未能忘魏闕空此滯秦稽西見夏雲起再聞春鳥啼

懷仙梅福市訪舊若耶溪聖主賢爲寶卿何隱遁棲

南極

杜甫

南極青山衆西江白骨分古城疎落木荒戍密寒雲歲月蛇常見風飈虎忽聞近身皆鳥道殊俗自人羣

暉曉登哀柝蜚孤照夕暝亂離多醉尉愁殺李將軍

於塞北春日思歸

陳子昂

我家吳會青山遠他鄉關塞白雲深爲許羈愁長下淚那堪春色更傷心驚鳥屢飛恒失侶落花一去不歸林如何此日嗟遲暮悲來還作白頭吟

一日書

張旭

春草青青萬里餘邊城落日見離居情如海上三竿別不寄雲間一紙書

南中感懷

樊晃

路蹉跎客未回常嗟物候暗相催四時不變江頭草十月先開嶺上梅

唐詩類苑

卷之三百六

三

關中言懷

黃滔

三秦五嶺意不得不依然跡寓枯槐曲業蕪芳草川花當落第眼雨暗出城天層閣浮雲外何人動管絃

洛陽

溫庭筠

鞏樹先春雪滿枝上陽宮柳轉黃鸝桓譚未便忘西笑豈爲長安有鳳池

題王紹憲上

無名氏

何人窻下讀書聲南斗闌干北斗橫千里思家歸不得春風腸斷石頭城

偶見黃州作

杜牧

朔風高緊掠河樓白鼻騮郎白扇裘有箇當爐明似月馬鞭斜揖笑回頭

宿泊孟津寄三堂友人

韋莊

解纜西征未有期槐華又過桂華時鴻臚陌上歸耕晚金馬門前獻賦遲只恐愁苗生兩鬢不堪離恨入雙眉分明昨夜南池夢還把漁竿詠楚詞

寫意

李商隱

燕鴈迢迢隔上林高秋望斷正長吟人間路百渾江險天外山惟玉壘深日向花間留返照雲從城上結

唐詩類苑

卷之二百十六

圭

層陰三年已制思鄉淚更入新年恐不禁

游蜀

鄭谷

所向明知是暗投兩行清淚語前流雲橫新塞遮秦甸花落空山入閬州不分黃鸝驚曉夢唯應杜宇信春愁梅黃麥綠無歸處可得漂漂愛浪游

新政縣

元稹

新政縣前逢月夜嘉陵江底看星辰已聞城上三更鼓不見心中一箇人鬚鬢暗添巴路雪衣裳無復舊鄉塵曾沾幾許名兼利勞動生涯涉苦辛

二月二日

李商隱

二月二日江上行東風日暖聞吹笙花鬢柳眼各無賴紫蝶黃蜂俱有情萬里憶歸元亮井三年從事亞夫營新灘莫悟遊人意更作風簷雨夜聲

荆門西下

李商隱

一夕南風一葉危荆雲迴望夏雲時人生豈得輕離別天意何嘗忌嶮巇骨肉書題安紀復蕙蘭蹊徑失佳期洞庭湖濶蛟龍惡却羨楊朱泣路岐

長安秋夜

羅隱

遠聞天子似羲皇偶捨漁鄉入帝鄉五等列侯無故舊一枝仙桂有風霜燈歎短焰燒離鬢漏轉寒更滴

唐詩類苑

卷之二百十六

圭

旅腸歸計未知身已老九衢雙闕夜蒼蒼

秋辭江南

黃滔

灞陵橋上路難負一年期積雨鴻來夜重江南去時勞生多故疾漸老少新知惆悵都堂內無門雪滯遺

漂泊

鄭谷

槿墜蓮疎池館清日光風緒澹無情鱸魚斫鱸輸張翰橘樹呼奴美李衡十口漂零猶寄食兩川消息未休兵黃花催促重陽酒何處登高望二京

唐詩類苑卷第一百十六終

唐詩類苑卷之一百十七

明雲間張之象玄超甫纂輯

雲間唐仲賢晉卿甫編次

雲間王微叔朗甫補訂

梁谿曹仁孫伯安甫校正

人部

移家

移居

白居易

移家入新宅罷郡有餘資既可避燥濕復免憂寒饑
疾平未還假官閑得分司幸有任俸在而無職役羈

唐詩類苑

卷之百十七

一

清旦盥漱畢開軒捲簾幃家人及鷄犬隨我亦熙熙
取興或寄酒放情不過詩何必苦修道此卽是無爲
外累信已遣中懷時有思有思亦何遠默坐低雙眉
十載囚竄客萬里征戍兒春朝鑲籠鳥冬夜支藏龜
驛馬走四蹄痛酸無歇期磴牛封兩目闇閉何人知
誰能放脫去四散任所之各得適其性如吾今日時

移居洞庭

麴信陵

重林將疊嶂此處可逃秦水隔人間世花開洞裏春
荷鋤分地利縱酒樂天真萬事更何有吾今已外身
太鹵平後移家到永樂縣居書懷十韻寄劉

韋二前輩二公嘗於此縣寄居

李商隱

驅馬遶河干家山照露寒依然五柳在况值百花殘
昔去今投筆今來分桂冠不憂懸磬乏乍喜覆盃安
破軍迴顧丹沉豈暇看脫身離虎目移疾就猪肝
鬚入新年白顏無舊日丹自愁秋穫少誰懼夏畦難
逸志忘鴻鵠清香披蕙蘭還持一盃酒坐想二公歡

移家別湖上亭

戎昱

好是春風湖上亭柳條藤蔓繫離情黃鸝久住渾相
識欲別頻啼四五聲

唐詩類苑

卷之百十七

二

移居深山謝別親故

劉商

不食黃精不採薇葛苗爲帶草爲衣孤雲更入深山
去人絕音書鴈自飛

移居靜安坊答元八郎中

張籍

長安寺裡多時住雖守卑官不若貧作活每常嫌費
力移居祇是貴容身初開井淺偏宜樹漸覺街閑省
踏塵更喜往還相去近門前減却送書人

八月十二日得替後移居雪溪館因題長句

四韻

杜牧

萬家相慶喜秋成處處樓臺歌板聲千歲鶴歸猶有

恨一年人住豈無情夜涼溪館留僧話風定蘇潭看月生景物登臨閑始見願爲閑客此閑行

遷居清溪和劉書記見示 李昌符

擔錫歸來竹繞谿過津曾笑魯儒迷端居味道塵勞息扣寂眠雲心齊還似村家無寵祿時將隣叟話幽棲山衣毳燭唯添野石井原清不貯泥祖意豈從年臘得松枝肯爲雪霜低晚天吟望秋光重雨陳橫空蔽斷蛭

李秀才近自塗口遷居新安適枉緘書見寬

悲感因以此答

許渾

唐詩類苑

卷之百十七

三

遠書開罷更依依晨坐高臺竟落暉顏老雪深人已去庾樓花盛客初歸東堂望絕遷鶯起南國哀餘候鴈飛今日勞君猶問訊一官唯長故山薇

送于丹移家洛州

王建

憶昔門館前君當童子年今來見成長俱過遠所傳詩禮不外學兄弟相攻研如彼販海翁豈種溪中田四方尚爾文獨我敬爾賢但愛金玉聲不貴金玉堅孤遺一空中寢食不相損飽如腸胃同疾若膚體連耕一作者求沃土溫者求深源彼邦君子居一作日可徂遷念此居處近各爲衣食牽從今不見面猶

勝異山川旣乘歡會期鬱鬱兩難宣素琴苦無徽安得宮商全他皆綴別日我願促行軒送人莫長歌長歌離恨延羸馬不知去過門常盤旋會當爲爾隣有地容一泉

送李二十四移家之江州 劉長卿

煙塵猶一作滿目岐路易一作沾衣一作客多南渡征一作鴻自北飛九江春草綠一作千里暮潮歸別後難一作相訪全家隱釣磯一作權德輿

送謝孝廉移家越州

家承晉太傅身慕魯諸生又見一帆去共愁千里程

唐詩類苑

卷之百十七

四

沙平煙樹迴潮滿晚江晴從此幽深去無妨隱姓名

渭上送李藏器移家東郡 耿湋

求名雖有據學稼又無田故國三千里新春五十年移家還作客避地莫知賢洛浦今何處風帆去渺然

奉和杜相公移長興宅奉呈元相公

錢起

守貴常思儉平津此意深能卑丞相宅何謝故人心種蕙初抽帶移篁不改陰院梅朝助鼎池鳳夕歸林覺路經中得滄洲夢裏尋道高仍濟代恩重豈投簪報國誰知已推賢共作霖興來文雅振清韻擲雙金

奉和杜相公新移長興宅呈元相公

劉長卿

間世生賢宰同心奉至尊功高開北第機靜灌中園
入竝蟬冠影歸分騎士喧憲問漢宮漏家識杜陵源
獻替常焚檠優閑獨對萱花香逐荀令草色對王孫
有地先開閣何人不攬門江湖難自退明主託元元
奉和杜相公移入長興宅呈諸宰執

權德輿

欲向幽偏通還從絕地移秦官鼎食貴堯世土階卑
戟戶槐陰滿堂憲竹葉垂裁分五夜漏遙隔萬年枝
唐詩類苑 卷之百十七 五

北闕深恩在東林遠夢知日斜門掩映山遠樹參差
諭道齊駕翼題詩憶鳳池從公亦何幸長與佩聲隨
將移耶溪舊居留贈嚴維秘書

秦系

鷄犬漁舟裏長謠任興行那邀落日醉已被遠山迎
書履將非重荷衣著甚輕謝生無箇事忽起爲蒼生

洛中張籍新居

王建

最是城中閑靜處更迴門向寺前開雲山且喜重重
見親故應須得來借倩學生排藥合留連處士乞
松蘿自君移到無多日牆上人名滿綠苔

南陽廣文欲于荆襄卜居因而有贈

皮日休

地肺從來是福鄉廣文高致更無雙青精飯熟雲侵
灶白御裘成雪濺憲度日竹書千萬字經冬木煎兩
三缸鱸魚自是君家味莫背松江憶漢江

代廣文先生訓荆襄卜居次韻

陸龜蒙

不知天隱在何鄉且欲煙霞跡暫雙鶴廟未能齊月
馭鹿門聊擬竝雲憲辭銜荒磴移桑屐花浸春醪挹
石缸莫惜槎頭容釣伴也應東印有餘江

唐詩類苑

卷之百十七

六

寄王奉御

張籍

愛君紫閣峯前好心作書堂藥竈成見欲移居相近
住有田多與種黃精

早秋京口旅泊章侍御寄書相問因以贈之

李嘉祐

移家避寇逐行舟厭見南徐江水流吳越征徭非舊
日秣陵凋弊不宜秋千家閉戶無砧杵七夕何人望
斗牛祗有同時驄馬在偏題尺牘問窮愁

避地

庚子歲避地至玉山訓韓司馬所贈

蜀孤及

滄海疾風起洪波駭恬鱗已無濟川分甘作乘桴人
揮手謝秣陵舉帆指甌閩安知風塵表偶與瓊瑤親
共悲行路難况逢江南春故園如夢返復知何辰
曠野豺虎滿深山蘭蕙新枉君瀾陵什迴首徒酸辛

避地越中作

韋莊

避世移家遠天涯歲已周豈知今夜月還是去年愁
露果珠沈水風螢燭上樓傷心潘騎省華髮不禁秋
避地冬夜與二三禪侶吟集茅齋

李洞

唐詩類苑

卷之二十七

七

四海通禪客搜吟會草亭撚髭孤燭白即目衆山青
松挂敲氷杖爐温注月瓶獨愁舊旆笏冷立殘星
送時暹避難適荆南 錢起

三嘆把離袂七哀深我情雲天愁遠別豺虎擁前程
駐馬戀攜手隔河聞哭聲相思昏若夢淚眼幾時明
避地江東留別淮南使院諸公

劉長卿

長安路絕鳥飛通萬里孤雲西復東舊業已應成茂
草餘生只是任飄蓬何辭向物開秦鏡却使他人得
楚弓此去行持一竿竹等閑將押釣漁翁

和陸諫議避地寄東陽進退未決見寄

韋莊

未歸天路紫雲深暫駐東陽歲月侵入洛聲華當世
重閑周章句滿朝吟開爐夜看黃芽鼎卧甕閑歌白
玉簪讀易草玄人不曾憂君心是致君心

歸國

送晁補闕歸日本國

趙驊

西掖承休澣東隅返故林來稱剡子學歸是越人吟
馬上秋郊遠舟中曙海陰知君懷魏闕萬里獨搖心

詔放雲南子弟還國

鄭洪業

唐詩類苑

卷之二十七

八

德被陪臣子仁垂聖主恩雕題辭鳳闕打服出金門
有澤沾殊俗無征及獷獫銅梁分漢土玉壘駕鸞軒
瘴嶺蠶叢盛巴江越嶲垠萬方同感化豈獨日南蕃

送禪師歸新羅

僧法照

萬里歸鄉路隨緣不筭程登山百衲敝過海一盃輕
夜宿依雲色晨齋就水聲何年持貝葉却到漢家城

送婆羅門歸本國

劉言史

剎利王孫字迦攝竹錐橫寫吒羅遙知漢地未有
經手牽白馬遶天行龜茲磧西胡雪黑大師凍死來
不得地盡年深始到船海裏行三十國行多耳斷

金環落冉冉悠悠不停脚馬死經留却去時往來應盡一生期出漢獨行人絕處磧西天漏雨絲絲

銜命使本國

胡衡

銜命將辭國非才忝侍臣天中戀明主海外憶慈親伏奏違金闕驂去王津蓬萊鄉路遠若水故園隣西望懷恩日東歸感義辰平生一寶劍留贈結交人

送圓載上人歸日本國

皮日休

講殿談餘著賜衣柳帆却返舊禪扉貝多紙上經文動如意餅中佛爪飛颺母影邊持戒宿波神宮裏受齋歸家山到日將何入白象新秋十二圍

唐詩類苑

卷之百七

九

重送圓載上人歸日本國

皮日休

雲濤萬里最東頭射馬臺身玉署秋無限屬城爲噪國幾多分界是宜州取經海底開龍藏誦呪空中散蜃樓不奈此時貧且病乘桴直欲伴師遊

奉和圓載上人歸日本國

陸龜蒙

老思東極舊巖扉却待秋風泛舶歸曉梵陽鳥當石磬夜禪陰火照田衣見翻經綸多盈篋親植杉松大幾園遙想到時思魏闕祗應遙拜望斜暉

還鄉

冬日宴于庶子宅各賦一字得歸

許敬宗

倦遊嗟落拓短翮慕追飛周醪忽同醉牙絃乃共揮油雲澹寒色落景靄霜飛累日方投分茲夕諒無歸

歸汶上

盧象

象自江東止田園移庄慶會未幾歸汶上小弟幼妹尤嗟其別

謝病始告歸依然入桑梓家人皆佇立相候衙門裏疇類皆長年成人舊童子上堂家慶畢願與親論舊或餘悲思存且相喜田園轉無沒但有寒泉水衰柳日蕭條秋光清色里入門乍如客休騎非便止

唐詩類苑

卷之百七

十

中飲顧王程離憂從此始兩妹日長成雙鬢將及人已能持寶瑟自解掩羅巾念昔別時小未知疎與親今來識離恨掩淚方殷勤小弟更孩幼歸來不相識同居雖漸慣見人猶默默宛作越人言殊鄉甘水食別此最爲難淚盡有餘憶

晚歸澧川

韋應物

凌霧朝間闔落日返清川簪組方暫解臨水一脩然昆弟忻來集童稚滿眼前適意在無事攜手望秋田南嶺橫爽氣高林繞遙阡野廬不鋤理翳翳起荒煙名秩斯逾分廉退媿不全已想平門路晨騎復言旋

春歸昌谷

李賀

束髮方讀書，謀身苦不蚤。終軍未乘傳，顏子鬢先老。
天網信崇大，矯士常慙慙。逸目駢甘華，羈心如茶蓼。
早雲二三月，岑岫相顛倒。誰揭頰玉盤，東方發紅照。
春熱張鸛蓋，兔目官槐小。思焦面如病，嘗膽腸似絞。
京國心爛熳，夜夢歸家少。發軔東門外，天地皆浩浩。
青樹驪山頭，花風滿秦道。官臺光錯落，裝盡徧峰嶠。
細綠及團紅，當路雜啼笑。香氣下高廣，鞍馬正華耀。
獨乘鷄樓車，自覺少風調。心曲語形影，祗身焉足繫。
豈能脫負擔，刻鶴曾無兆。幽幽太華側，老柏如建纛。
唐詩類苑 卷之百十七 土

出還

韋應物

昔出喜還家，今還獨傷意。入室掩無光，銜哀寫虛位。
悽淒動幽幔，寂寂驚寒吹。幼女復何知，時來庭下戲。
咨嗟日復老，錯寞身如寄。家人勸我餐，對案空垂淚。
歸四明
海色連四明，仙舟去容易。天籟豈暇問，不覺卑朝士。

歸家

杜牧

歸至郢中

孟浩然

歸來

杜甫

穉子牽衣問歸來，何太遲。共誰爭歲月，贏得鬢邊絲。
遠遊經海嶠，反棹歸山阿。日夕見喬木，鄉村在我柯。
愁隨江路盡，喜入郢門多。左右看桑土，依然即匪他。
客裏有所過，歸來知路難。門開野鼠走，散帙壁魚乾。
洗杓開新醪，低頭拭小盤。憑誰給麴蘖，細酌老江干。
正月三日歸溪上有作簡院內諸公

唐詩類苑

卷之百十七

土

野外堂依竹，籬邊水向城。蟻浮仍蠟味，鷗泛已春聲。
藥許鄰人斫，書從稚子擎。白頭趨幕府，深覺負平生。

遠征歸

王建

萬里發遼陽，處處問家鄉。迴車不淹轍，雨雪滿衣裳。
行見日月疾，坐思道路長。但令不征戍，暗鏡生重光。

歸墅

李商隱

行李踰南極，旬時到舊鄉。楚芝應徧紫，鄧橘未全黃。
渠濁村春急，旗高社酒香。故山歸夢喜，先入讀書堂。

歸家山行

貝斯

獻賦才何拙，經時不耻歸。能知此意是，甘取衆人非。

遍隨耕無圃綠溪釣有磯此懷難自遣期在振儒衣

歲暮還家

于 鄴

東西流不駐白日與車輪殘雪半成冰微風應欲春
幾經他國歲已減故鄉人回首長安道十年長苦辛

歸來二月歲

白居易

歸來二周歲二歲似須臾池藕重生葉林鴉再引雛
時豐實倉廩春暖葺庖厨更作三年計三年身健無

歸來

李商隱

舊隱無何別歸來始更悲難尋白道士不見惠禪師
草徑蟲鳴急沙渠水下遲却將波浪眼清曉對紅梨

唐詩類苑

卷之二十七

十一

春歸

杜 甫

苔徑臨江竹茅簷覆地花別來頻甲子歸到忽春華
倚杖看孤石傾壺就淺沙遠鷗浮水靜輕燕受風斜

世路雖多梗吾生亦有涯此身醒復醉乘興即歸家

歸河上舊見寄

盧 綸

三旬一休沐清景滿林廬南郭羣儒從東牀兩客居
燒煙浮雪野麥隴潤水渠斑白皆持酒蓬茅盡有書

終期買寒渚同此利蒲魚

罷郡歸洛陽寄友人

劉禹錫

遠謫年猶少初歸鬢已衰門閑故吏去室靜老僧期

不見蜘蛛集頻爲樓句欺貧微囊易出寒甚谷難吹

渡落唯心在平生有已知商歌夜深後聽者竟爲誰

代員將軍罷戰後歸舊里贈朔北故人

盧 綸

結髮事疆場全生俱到鄉連雲防鐵嶺同日破漁陽
牧馬胡天晚移車磧路長秋去戰古戍吹角立繁霜

歸老勲仍在酬恩虜未忘獨行過邑里多病對農桑

雄劍依塵橐陰符寄藥囊空餘麾下將猶逐羽林郎

初歸鏡中寄陳端公

方 干

去歲離家今歲歸孤帆夢向鳥前飛必知蘆筍侵沙

唐詩類苑

卷之二十七

十一

井兼被藤花占石磯雲島採茶常失路龕中酒不

關扉故交莫問道遙事玄幌何曾勝葦衣

初歸故里獻侯郎中

方 干

常思舊里欲歸難已得歸心即自寬此日早知無爵
位當時便合把漁竿朝昏入閨春將逼城邑多山夏

却寒不是幽思望榮忝君侯異禮亦何安

歸睦州中途寄侯郎中

方 干

顏巷蕭條知命後膺門感激受恩初却容鶴髮還鵲
舍猶夢漁竿從隼旟新定暮雲吞故國會稽春草入

貧居鄉中自古爲儒者誰得公侯呼尺書

東遊遠歸

韋莊

扣角千名計已疎，
劬歌休恨食無魚。
辭家柳絮三春半，
臨路槐華七月初。
江上欲尋漁父醉，
日邊時得故人書。
青雲不識楊生面，
天子何由問子虛。

歸故園

朱慶餘

桑柘駢闐數畝間，
門前五柳正堪攀。
樽中美酒長須滿，
身外浮名總是閑。
竹逕有時風爲掃，
柴門無事日常關。
于焉已是忘機地，
何用將金別買山。

將歸

白居易

欲去公門返野扉，
預思泉竹已依依。
更憐家醞迎春熟，
一瓮醞醕待我歸。

還東山洛上作

岑參

春流急不淺，
歸棹去何遲。
愁客葉舟裏，
夕陽花水時。
雲晴開蟠蟀，
棹發起鸕鷀。
莫道東山遠，
衡門在夢思。

將發還鄉示諸弟

張九齡

歲陽亦頽止，
林意日蕭條。
云胡當此時，
綰邁復爲一。
至愛孰能捨，
名義來相迫。
負德良不貲，
輸誠靡所去。
去去榮歸養，
憮然嘆行役。

送率府程錄事還鄉

杜甫

鄙夫行衰謝，
抱病昏妄集。
常時往還人，
記一不識十。
程侯晚相遇，
與語才傑立。
蕭然耳目開，
頗覺聰明入。
千載得鮑叔，
未辨有所及。
意鍾老柏青，
義動修蛇蟄。
若人可數見，
慰我垂白泣。
生別無淹晷，
百憂復相襲。
內愧突不黔，
庶羞以調給。
素絲繁長魚，
碧酒隨玉粒。
途窮見交態，
世梗悲路澀。
東風吹春水，
泱泱后土濕。
念君惜羽翮，
既飽更思戢。
莫作翻雲鵲，
聞呼向禽急。

奉和魏僕射秋月還鄉有懷

張說

富貴還鄉國，
光輝滿舊林。
秋風樹不靜，
君子嘆何深。
故老空懸劔，
隣交自散金。
衆芳搖落盡，
獨有歲寒心。

奉和魏僕射秋日還鄉有懷

蘇頌

南宮風拜罷，
東道正遊初。
飲餞傾冠蓋，
傳呼問里閭。
樹悲縣劔所，
溪想釣魚途。
清發輝光至，
增榮四馬車。

回鄉偶書二首

賀知章

少小離鄉老大回，
鄉音無改鬢毛衰。
兒童相見不相識，
笑問客從何處來。
離別家鄉歲月多，
近來人事半消磨。
唯有門前鏡湖水，
春風不改舊時波。

送從弟還鄉

孟浩然

兄弟遊吳國庭闈戀楚關已多新歲感更饒白眉還
歸泛西江水離筵北固山鄉園欲有贈梅柳看先攀

征人歸鄉

戎昱

三月江城柳絮飛五年遊客送人歸故將別淚和鄉
淚今日關干濕汝衣

送常十九歸嵩少故林

劉長卿

迢迢此恨杳無涯楚澤嵩丘千里賒岐路別時驚一
葉雲林歸處憶三花秋天蒼翠寒飛鴈古堞蕭條晚
噪鴉他日山中逢勝事桃源洞裏幾人家

唐詩類苑

卷之百十七

十七

送前東陽于明府由鄂渚歸故林

許渾

結束征車換黑貂瀾西風雨正瀟瀟茂陵久病書千
卷彭澤初歸酒一瓢帆背夕陽溢水瀾棹經滄海鯢
山遙殷勤爲謝南溪客白首螢窗未見招

廬山書堂送祝秀才還鄉

伍喬

東書辭我下重巔相送同臨楚岸邊歸思幾隨千里
水離情空寄一枝蟬園林到日酒初熟庭戶開時月
正圓莫使蹉跎戀疎野男兒志在當年

鄭典設自施州歸

杜甫

吾憐梁陽秀眉暑初有適名賢慎出處不肯妄行役

旅茲殊俗遠竟以屢空迫南謁裴施州氣合無險僻

攀援懸根木登頓入矢石青山自一川城郭洗憂感

聽子話此邦令我心悅懌其俗則純朴不知有主客

溫溫諸侯門禮亦如古昔勅厨倍常羞孟盤頗狼籍

時雖屬喪亂事貴賞匹敵中宵愜良會裴鄭非遠戚

羣書一萬卷傳涉供務隙他日辱銀鉤森疎見茅

倒屣喜旋歸畫地求所歷乃聞風土資又重田疇關

刺史似寇恂列郡宜競惜北風吹瘴癘羸老思散策

渚拂兼葭寒嶠突鳥羅羣此身仗兒僕高興潛有激

唐詩類苑

卷之百十七

大

孟冬方首路強飯取崖壁歎爾疲驚駘江溝血不赤

終然備外飾駕馭何所益我有平肩輿前途猶準的

翩翩入鳥道庶脫蹉跌厄

聞故人自征戍回

王建

昔聞着征戍三年一還鄉今來不換兵須死在戰場

念子無氣力徒學事戎行少年得生隨有同墮穹蒼

自去報爾家再行上高堂爾弟降廢樞爾母縫新裳

恍恍恐不真猶未苦承望每日空出城畏渴攜壺漿

安得縮地經忽使在我傍亦知遠行勞人悴馬玄黃

慎莫多停留苦我居者腸

奉和顏使君真卿二十八郎隔絕自河北遠
歸 僧法照

相一作失值氛煙纔應掌上年久離驚貌長多難喜
身全此信尚書重加威太守憐滿庭看玉樹更有一
枝連

奉和二兄罷使過馬歸延州

李賀

空留三尺劍不用一丸泥馬向沙場去人歸故國來
笛愁翻隴水酒喜濕春灰錦帶休驚鴈羅衣尚闕鷄
還吳已渺渺入郢莫淒淒自是桃李樹何畏不成蹊

唐詩類苑

卷之百十七

九

家叔南游却歸因獻賀

韋莊

繚繞江南一歲歸歸來行色滿戎衣長聞鳳詔徵兵
急何事龍韜獻捷稀放夢遠依湘水澗離魂空伴越
禽飛遙知倚棹思家處澤國煙深暮雨微

送六舅歸陸渾

王維

伯舅吏淮泗卓魯方喟然悠哉自不競退耕東臯田
條桑臘月下種杏春風前酌醴賦歸去共知陶令賢

送楊燕之東魯

李白

關西楊伯起漢日舊稱賢四代五公族清風播人天
夫子華陰居開門對玉蓮何如嵩高雲帆今始還

君坐稍解顏爲我歌此篇我固侯門士謬登聖主筵
一辭金華殿躋蹬長江邊二子魯門東別來已經年
因君此中去不覺淚如泉

魯城北郭曲腰桑下送張子還嵩陽

李白

送別枯桑下凋葉落半空我行惜道遠爾獨知天風
誰念張仲蔚還依蒿與蓬何時一盃酒更與李膺同

同王昌齡送族弟襄歸桂陽

李白

秦地見碧草楚謠對清樽把酒爾何思鷓鴣啼南園

唐詩類苑

卷之百十七

十

余欲羅浮隱猶懷明主恩躊躇紫宮戀孤貧滄洲言
終然無心雲海上同飛翻相期乃不淺幽桂有芳根

送族弟襄歸桂陽

李白

爾家何在瀟湘川青莎白石長江邊昨夢江花照江
月幾枝正發東窻前覺來欲往心悠然魂隨越鳥飛
南天秦雲連山海相接桂水橫煙不可涉送君此去
令人愁風帆茫茫隔河洲春潭瓊草綠可折西寄長
安明月樓

甘林

杜甫

捨舟越西岡入林解我衣青芻通馬性好鳥知人歸

晨光映遠岫夕露見日晞遲暮少寢食清曠喜荆扉
經過倦態俗在野無所違試問甘藜藿未肯美輕肥
喧靜不同科出處各天機勿矜朱門是陋此白屋非
明朝步隣里長老可以依時危賦歛歟脫粟爲爾揮
相攜行豆田秋花謁非非子實不得喫貨市送王畿
盡添軍旅用迫此公家威主人長晚辭戎馬何時稀
我衰易悲傷屈指數賊圍勸其死王命慎莫遠奮飛

送劉主簿歸金壇

李 頎

與子十年舊其如離別何宦遊鄰故國歸夢是滄波
京口青山遠金陵芳草多雲帆曉客裔江日晝清和

唐詩類苑

卷之百十

王

縣郭舟人飲津亭漁者歌茅山有仙洞美爾再經過

送南少府歸壽春

韓 翃

人言壽春遠此去先秋到孤客小翼舟諸生高翅帽
淮風生竹簾楚雨移茶竈若上八公山題詩一相報

送裴陟歸常州

皇甫冉

夜雨須停棹秋風暗入衣見君常北望何事却南歸

送人歸汴南

李 頎

梅花今正發失路復何如舊國雲山在新年風景餘
春饒漢陽夢日寄武陵書可即明時老臨川莫羨魚

送梁四歸京平

李 白

玉壺挈美酒送別強爲歡大火南星月長郊北路難
殷王期負鼎汝水起垂竿莫學東山卧參差老謝安

送錢少府還藍田

王 維

草色日向好桃源人去稀手持平子賦目送老萊衣
每候山櫻發時同海燕歸今來寒食酒應得返柴扉

送鄭堪歸東京汜水別業

岑 參

客舍見春草忽聞思舊山看君瀾陵去匹馬成羣還
對酒風與雪向家河復關因悲宦遊子終歲無時閑

送吳三還揚州

孟浩然

水國無邊際舟行與使風美君從此去朝夕見鄉中

唐詩類苑

卷之百十

王

予亦離家者南歸恨不同音書若有問江上會相逢

送關小師還金陵

僧皎然

如何有歸思愛別欲忘難白鷺沙洲晚青龍水寺寒
蕉花鋪淨地桂子落空壇持心爲心境應堪月夜看

送辛大

孟浩然

南國辛居士言歸舊竹林未逢調鼎用徒有濟川心
予亦忘機者田園在漢陰因君故鄉去還寄式微吟

送裴侍御歸上都

張 謂

楚地勞行役秦城罷鼓鼙舟移洞庭岸路入武陵溪
江月隨人影山花趁馬蹄離魂將別夢先入到關西

送陳七還廣陵

萬齊融

風流誰氏子雖有舊無雙歡酒言相入愁意不降
落花馥河道垂楊拂水憲海潮與春夢朝夕廣陵江

送韋郎司直歸成都

杜甫

寬身來蜀道同病得韋郎天下兵戈滿江邊歲月長
別筵花欲暮春日鬢俱蒼爲問南溪竹抽梢合過牆

送薛仲方歸揚州

崔峒

佳句應無敵貞心不有猜一作慙爲丈人行怯見後
生才泛舸貪斜月浮撓值早梅綠楊新過雨芳草待
君來

唐詩類苑

卷之百七

圭

送康紹歸建鄴

周賀

南朝秋色滿君去意如何帝業空城在民田壞塚多
月圓臺獨上栗綻寺頻過籬下西江水相思見白波

送祝秀才歸衡州

朱慶餘

舊隱穀溪上憶歸年已深學徒花下別鄉路雪邊尋
騎吏陪春賞江僧伴晚吟高科如在意當自惜光陰

送劉耕歸舒州

姚鵠

四座莫紛紛須臾岐路分自從同得意誰不惜離羣
舊國連青海歸程在白雲棄繻當日路應競看終軍

送石貫歸湖州

姚鵠

同志幸同年高堂君獨還齊榮恩未報共隱事應閑

訪寺臨湖岸開樓見海山洛中推二陸莫又戀鄉關

送孫舍人歸相州

梁陟

盛才傾世重清論滿朝歸作隼他年計一作爲爲駕此
日飛比肩一作日近抗首出郊畿爲報清漳水分

明照錦衣

送客歸吳興

許渾

綠水棹雲月洞庭歸路長春橋懸酒幔一作夜柵集
茶櫺簷葉沉路暖蘋花遶郭香應逢柳太守爲說過

瀟湘

唐詩類苑

卷之百七

圭

送袁聲歸山陰

鄭巢

論文意有違寒雨灑行衣南渡久誰語後岑今獨歸
河帆因樹落沙鳥背潮飛若值雲門侶多應宿翠微

送郭補闕歸江陽

一作上

李端

東門春尚淺楊柳未成陰馬影愁斜日鶯聲怨故林
隋宮江上遠梁苑雪中深獨有懷歸客難爲欲別心

送耿山人歸湖南

周賀

南行隨越僧別業幾池菱兩鬢已垂白五湖歸挂罾
夜濤鳴柵鎖寒葦露船燈此去已無事却來知不能

送楊岳歸巴陵

周賀

何處得鄉信告行當雨天人離京口日潮送岳陽船
孤鳥背林色遠帆開浦煙悲君唯此別不肯話迴年

送衡陽歸客

錢起

歸客愛鳴榔南征憶舊鄉江山追宋玉雲雨憶荆王
醉裏宜城近歌中郢路長憐君從此去日夕望三湘

送友人歸武陵

張翥

聞近桃源住無村不是花戎旗招海客廟鼓集江鴉
別島垂橙實閑田長荻芽遊秦未得意看即更離家

送道士姪歸池陽

韓翃

銀角桃枝杖東門贈別初幽州尋馬客灞岸送驢車

唐詩類苑

卷之三十七

圭

野飯秋山靜行衣落照餘燕南羣從少此去意何如

送蘇紹之歸嶺南

張祐

孤舟越客吟萬里曠離襟夜月江流濶春雲嶺路深
珠繁楊氏果翠耀孔家禽無復天南夢相思空樹林

九江送方千歸鏡湖

曹松

一橋懸五兩此日動歸風客路拋湓口家林入鏡中
譚餘雲出嶠詠苦月歌空更若看鳩鵲何人夜坐同

送客歸峽中

許渾

津亭多別離楊柳半無枯一作枝住接猿啼處行逢鴈
過時江風颭帆急山月下樓遲還就西齋宿煙波勞

夢一作思

送處士歸州因寄林山人

劉長卿

陵陽不可見獨往復如何舊邑雲山裏扁舟來去過
鳥聲春谷靜草色太湖多倘宿荆溪夜相思漁者歌

送段覺歸東陽兼寄寶使君

許渾

山水引歸路陸郎從此諳秋茶垂露細寒菊帶霜甘
臺倚烏龍嶺樓侵白鴈潭沈公如借問心在浙河南

烏龍嶺白鴈潭在嚴州沈約曾守發以此賈君

送黃知新歸安南

賈島

唐詩類苑

卷之三十七

圭

池亭沉飲徧非獨曲江花地遠路穿海春歸冬到家
火山難下雪瘴土不生茶知決移來計相逢期尚賒

送客歸蘭溪

許渾

花下送歸客路長應過秋暮隨江鳥宿寒共嶺猿愁
泉水喧嚴瀨羣峯抱沈樓因君幾南望曾向此中遊

送客歸廣平

韓翃

家在趙邯鄲歸心輒自歡晚杯狐腋暖春雪馬毛寒
孟月途中破輕冰水上殘到時楊柳色奈向故園看

送元倉曹歸故陵

韋應物

官閑得去住告別戀音微一作舊國應無業他鄉到

是歸楚山明月滿淮甸夜鐘微何處孤舟泊遙遙心曲遠

送錢拾遺歸兼寄劉校書 郎士元

墟落歲陰暮桑榆煙景昏蟬聽靜空館雨色隔秋原歸客不可望悠然林外村終當報芸閣攜手醉柴門

送裴五歸京口 李嘉祐

君罷江西日家貧爲一官還歸五陵去只向遠峯看暮色催人別秋風待雨寒遙知到三徑惟有菊花殘

送故人歸魯 韓翃

魯客多歸興居人悵別情雨餘衫袖冷風急馬蹄輕

付詩類苑 卷之百十七 主

秋草靈光殿寒雲曲阜城知君親覲後少婦下機迎

送姚孫還河中 孫一 韋應物

上國旅遊罷故園生事微風塵滿路起行人何處歸畱思芳樹飲惜別暮春暉幾日投關郡河山對掩扉

送費子歸武昌 岑參

漢陽歸客悲秋草旅舍飛愁不掃秋來倍憶武昌魚夢着只在巴陵道曾隨上將過祈連離家十年恒在邊劔鋒可惜虛用盡馬蹄無事今已穿知君開館常愛客檣蒲百金每一擲平生有錢將與人江上故園空四壁吾觀費子毛骨奇廣眉大口仍赤髭看君

失路尚如此人生貴賤那得知高秋八月歸南楚東門一壺聊出租路指鳳凰山北雲衣沾鸚鵡洲邊雨勿嘆蹉跎白髮新應須守道勿羞貧男兒何必戀夷子莫向江村老却人

送李九歸河北 錢起

文武資人望謀猷簡聖情南州初卧鼓東土復維城寄重分符去威仍出闔行斗牛移八座日月送雙旌別戀瞻天起仁風應物生佇聞收組練鏘玉會承明

幽州送申稷評事歸平盧 王建

行子繞天北山高塞復深升堂展客禮臨水濯纓襟

唐詩類苑 卷之百十七 主

驅馳戎地馬聚散林間禽一杯瀉東流各願無異心薊亭雖苦寒春夕勿重衾從軍任白頭莫賣故山岑

送段秀才歸澧州 呂溫

湘南孤白芷幽託在清潯豈在馨香發空勞知處深推賢路已隔賑乏力不任慙我一言分貞君千里心寸義薄聯組片誠敵黃金方期踐冰雪無使弱思侵

時平後送范倫歸安州 劉長卿

昨聞戰罷圖麟閣破虜收兵卷戎幕滄海初看漢月明紫微已見胡星落憶昔扁舟此南渡荆棘煙塵滿歸路與君攜手姑蘇臺望鄉一日登幾迴白雲飛鳥

去寂寞吳山楚岫空
崔嵬事往時平還舊丘
青青草近家愁洛陽舉目今誰在
潁水無情應自流吳苑
西人去欲稀留連一日空知非
江潭歲盡愁不盡鴻鴈春歸身未歸
萬里遙懸帝鄉憶五年空帶風塵色
却到長安逢故人不道姓名應不識

送張少府歸秦

孟浩然

試登秦嶺望秦川
遙憶青門春可憐
仲春送君從此去
他時須及邵平田

送人歸江夏

王昌齡

寒江綠水楚雲深
莫道離憂遷遠心
曉夕雙帆歸鄂渚
唐詩類卷之三十七

清愁將孤月夢中尋

別陶副使歸南海

王昌齡

南越歸人夢海樓
廣陵新月海亭秋
寶刀留贈長相憶
當取戈船萬戶侯

送萬大歸長沙

王昌齡

桂陽秋水長沙縣
楚竹離聲爲君變
青山隱隱孤舟微
白鶴雙飛忽相見

送歐陽子還江華郡

錢起

江華勝事接湘瀟
千里湖山入興新
才子思歸催去棹
汀花且爲駐殘春

送客還幽州

張籍

惆悵秦城送獨歸
薊門雲樹遠依依
秋來莫射南飛鴈
從遣乘春更北飛

送顧非熊秀才歸丹陽

王建

江城柳色海門煙
欲到茅山始下船
知道君家當瀑布
菖蒲潭在草堂前

送元八歸鳳翔

白居易

莫道岐州三日程
其如風雪一身行
與君況是經年別
暫到城東又出城

新安送陸澧歸江陰

劉長卿

唐詩類卷之三十七

卷之三十七

三

新安路人來去早
潮復晚潮明日知
何處潮水無情亦
解歸自憐長在新安住

滑州送人先歸

劉商

河水冰銷旅鴈飛
寒衣未足又春衣
自憐飄蕩經年客
送別千迴獨未歸

壬戌歲閏鄉卜居

吳融

六載抽毫侍禁闈
不堪多病決然歸
五陵年少如相問
阿對泉頭一布衣

暮春虢州東亭送李司馬歸扶風別廬

岑參

柳顰鶯嬌花復殷紅亭綠酒送君還到來函谷愁中
月歸去磻溪夢裏山簾前春色應須惜世上浮名好
是閑西望鄉園腸欲斷對君衫袖淚痕斑

送章孝標校書歸杭州因寄白舍人

楊巨源

曾過靈隱江邊寺獨宿東樓看海門潮色銀河鋪碧
落日光金柱出紅盆不妨公事資高卧無限詩情要
細論若訪郡人徐孺子應須騎馬到沙村

耶上送韋司士歸上都舊業司士即鄭公之孫頃客于耶上

劉長卿

唐詩類苑 卷之百七

三

前朝舊業想遺塵今日他鄉獨爾身耶地國除爲過
客杜陵家在有何人蒼苔白露生三徑古木寒蟬滿
四隣西去茫茫問歸路關河漸近淚盈巾一本自古木寒蟬滿

送羅少府歸牛渚

賈島

作尉長安始三日忽思牛渚夢天臺楚山遠色獨歸
去瀾水空流相送回霜覆鶴身松子落月分螢影石
房開白雲多處應頻到寒澗泠泠漱古苔

送友人歸夷門

羅隱

二年流落大梁城每送君歸卽有情別路算來成底

事舊遊言着似前生花荒煙認詞人會門在空吟
士名至竟男兒分應定不須惆悵谷中鷲

送梅處士歸寧國

羅隱

十五年前卽別君別時天下未紛紜亂離且喜身俱
在存沒那堪耳更聞良會謾勞悲曩跡舊交誰去吊
荒墳殷勤爲謝逃名客想望千愁嶺上雲

送裴饒歸會稽

羅隱

金庭路指剡川隈珍重良朋自此來兩鬢不堪悲
片一卮猶得話塵埃家通曩分心空在世道橫流
未開笑殺山陰雪中客等閑乘興又須迴

唐詩類苑

卷之百七

三

送人歸湘中兼寄舊知

羅隱

青溪煙雨九華山亂後應同夢寐間萬里分飛休掩
袂兩旬相見且開顏君依宰府貂蟬貴我戀王門鬢
髮斑爲謝伏波筵上客幾時金印擬西還

早春送張坤歸大梁

羅隱

蕭蕭羸馬正塵埃又送歸軒向吹臺別酒莫辭今夜
醉故人知是幾時迴泉經華岳應應凍花到梁園始
合開爲謝東門抱關吏不堪惆悵滿離杯

唐詩類苑卷第一百十七終

唐詩類苑卷第一百十八

明雲間張之象玄超甫纂輯

雲間唐仲賢晉卿甫編次

雲間王微叔朗甫補訂

梁谿曹仁孫伯安甫校正

人部

還鄉

送進士劉師服東歸

韓愈

猛虎落檻穿坐石如孤狔丈夫在富貴豈必守一門
公心有勇氣公口有直言奈何任埋沒不自求騰軒

唐詩類苑

卷之五

一

僕本亦進士頗嘗究根源由來骨鯁材喜被軟弱吞
低頭受侮笑隱忍碑兀寃泥雨城東路夏槐作雲屯
還家雖闕短指日親晨餐携持令名歸自足貽家尊
時節不可翫親交可攀援勉來取金紫勿久休中園

長安送柳大東歸

白居易

白社羈遊伴青門遠別離浮名相引住歸路不同歸

送友人東歸

劉長卿

對酒灞亭暮相看愁自深河邊草已綠此別難爲心

送友東歸

孟浩然

十有不得志棲樓吳楚間廣陵相遇罷彭蠡泛舟還

檣出江中樹波連海上山風帆明日遠何處更追攀

浮汴東歸

張喬

日暖泗濱西無窮岸草齊薄煙衰草樹微月迴城鷄
水近滄浪急山隨綠野低羞將舊名姓還向舊遊題

送夏侯審校書東歸

錢起

楚鄉飛鳥沒

一作外

獨與碧雲

一作片帆

還破鏡催歸客殘

陽見舊山詩成流水上夢盡落花間倘寄相思字愁

人定解顏

送李方東歸

即故李校書端親弟

盧綸

故交三四人問別共沾巾舉目是陳事滿城無至親

唐詩類苑

卷之五

二

身從喪日病家自儉年貧此去何堪遠遺孤在舊隣

送進士盧啓東歸

鄭谷

灞岸草萋萋離觴我獨攜流年俱老大失意又東西
曉楚山雲滿春吳水樹低到家梅雨歇猶有子規啼

送吉校書東歸

司空曙

少年芸閣吏罷直暫歸休獨與親知別行逢江海秋

聽猿看楚岫隨鴈到吳洲處處園林好何人待子猷

送張芬東歸

崔峒

喧喧五衢上鞍馬自驅馳落日臨阡陌貧交欲別離
早知時事異堪與世人隨握手將何贈君心我獨知

都門送許棠東歸

曹松

舊客東歸遠，長安詩少朋。
去愁分磧，鴈行計逐鄉僧。
華岳無時雪，黃河漫處冰。
知辭國門路，片席認西陵。

送客東歸

于鄴

一聽遊子歌，秋計覺蹉跎。
四海少平地，百川無定波。
共驚年已暮，俱向客中多。
又駕征輪去，東歸將若何。

送四鎮薛侍御東歸

岑參

相送淚沾衣，天涯獨未歸。
將軍初得罪，門客復何依。
夢去胡山澗，書停隴鴈稀。
園林幸接近，一爲到柴扉。

送友人東歸

戴叔倫

萬里楊柳色，出關送故人。
輕煙拂流水，落日照行塵。
積夢江湖闊，憶家兄弟貧。
徘徊灞亭上，不語自傷春。

送李憶東歸

溫庭筠

黃山遠隔秦樹紫，禁斜通渭城別路。
青青柳弱前溪，漠漠苔生和風澹。
蕩歸客落月殷勤，早鶯灞上金樽。
未飲讌歌已有餘聲。

送客東歸

李端

昨夜東風吹盡雪，兩京路上梅花發。
行人相見使東，西日暮溪頭飲馬別。
把君衫袖望垂楊，兩行淚下思故鄉。

送友人東歸

劉長卿

關路迢迢匹馬歸，垂楊寂寂數鶯飛。
憐君獻策十餘載，今去猶爲一布衣。

東還

李商隱

自有仙才自不知，十年長夢採華芝。
秋風動地黃雲暮，歸去嵩陽尋舊師。

東歸

羅鄴

日日唯憂行役遲，東歸可是有家歸。
都緣桂玉無門住，不第山川去路危。
秦樹夢愁黃鳥轉，吳江釣憶錦鱗肥。
桃夭李豔清明近，惆悵當年意盡違。

東歸別常修

羅隱

六載辛勤九陌中，却尋歸路五湖東。
名慙桂苑一枝綠，憶憶松江兩筋紅。
浮世到頭須適性，男兒何必盡成功。
唯慙鮑叔深知我，他日蒲帆百尺風。

東歸

羅隱

仙桂高高似有神，貂裘弊盡取無因。
唯將白髮期公道，不覺丹枝屬別人。
雙闕往來慙請謁，五湖歸後耻交親。
盈盤紫蟹千卮酒，添得臨岐淚滿襟。

東歸途中作

羅隱

村橋蒼黃覆釣磯，早年生計近年違。
老知風月終堪

恨貧覺家山不易歸別鴈客帆知岸落遠程霜葉向人飛買臣嚴助精靈在應笑無成一布衣

賦東歸

羅尚卿

九重丹詔下塵埃深瑣文闈罷選才桂樹放教邀月長杏園終待隔年開自從玉帳論兵後不許金門諫獵來今日瀾陵橋上過門人應笑臘前迴

鄭秀才東歸憑達家書

許渾

欲寄家書少客過閉門心遠洞庭波兩巖花落夜風急一徑草荒春雨多愁泛楚江吟浩渺憶歸吳岫夢蛭蟻貧居不問應知處漢上閑船繫綠蘿

唐詩類苑

卷之五

五

送楊皞東歸

羅綸

登樓掩泣話歸期楚樹荆雲發遠思日裏揚帆聞戍鼓舟中酌酒見山祠西江風浪何時盡北客音書欲寄誰若說湓城楊司馬知君望國有新詩

送從弟徹東歸

張籍

緱山領印知公奏才稱同時盡不如奉使賀成登冊禮陪班看出奉恩書去迴在路秋塵裏受詔辭歸曉漏初早晚得爲朝署拜閑坊買宅作鄰居

送陸拾遺東歸

許渾

獨振儒風一作紫泥初出世人知文封一作

重報主非無意書劍還家素有期秋寺臥雲移曉曉暮江乘月落帆遲東歸自是緣清興莫比商山詠紫芝

送從弟刪東歸

張籍

雲水東南兩月程貪歸慶節馬蹄輕春橋欲醉攀花別野路閑吟觸雨行詩價已高猶失意禮司曾賞會成名舊山風月知應好莫過秋時不到京

送劉秀才南歸

陳存

鳥啼楊柳垂此別千萬里古路入商山春風生潯水停車落日在罷酒離人起蓬戶寄龍沙送歸情誰已

唐詩類苑

卷之三

六一

送從叔校書簡南歸

孟郊

長安別離道宛在東城隅寒草根未死愁人心已枯促促水上景遙遙天際途生隨昏曉中皆被日月驅北騎達山岳南帆指江湖高蹤一超越千里在須臾

送友人南歸

王維

萬里春應盡三江鴈亦稀連天漢水廣孤客郢城歸即國稻苗秀楚人菰米肥懸知倚門望遙識老萊衣

送南歸

僧清塞

南行隨越僧舊葉一池菱兩鬢已如雪五湖歸去夜濤鳴柵鎖客章露船燈此去應無事却來期未能

送人南歸

李益

人言下江疾君道下江遲五月江路惡南風驚浪時
應知近家喜還有異鄉悲無奈孤舟夕山歌聞竹枝

送客南歸有懷

許渾

綠水暖青蘋湖潭萬里春瓦樽留海客銅鼓賽江神
避雨松楓岸看雲楊柳津長安一杯酒座上有歸人

送徐渙端公南歸

鄭谷

青襟離白社朱紱始言歸此去多應羨初心盡不違
江帆和日落越鳥近鄉飛一路春風裏楊花雪滿衣

送曹郎中南歸時南中用軍

唐詩類苑

卷之百八

七

李洞

桂水淨和天南歸似謫仙繫條輕象笏買布接蠻舡
海氣蒸聲軟一作濕江風激箭偏罷郎吟亂裏帝遠豈知賢

戍客南歸

于漬

北別黃榆塞南歸白雲鄉孤舟下彭蠡楚月沈滄浪
爲子惜功業滿身刀箭瘡莫渡汨羅水回君忠孝腸

南歸

顧况

老病力難任猶多鏡雪侵鱸魚消宦况鷗鳥識歸心
急雨江帆重殘更驛樹深鄉關殊可望漸漸入哭音

別鄉人南還

張九齡

橘柚南中暖桑榆北地陰何言榮落異因見別離心
吾亦江鄉子思歸夢寐深聞君去水宿結思渺雲林
牽綴從浮事遲迴謝所欽京南行舫遠秋浦念猿吟

送福州王先輩南歸

韋莊

豫章城下偶相逢自說今方遇至公八韻賦吟梁
雪六銖衣惹杏園風名標玉籍仙壇上家寄閩山書
障中明日一杯何處別綠楊煙岸雨濛濛

西還

元稹

悠悠洛陽夢鬱鬱灞陵樹落日正西歸逢君又東去

西還

于鄴

不繫與舟閑悠悠吳楚間羞將新白髮却到舊青山
一葉初飛樹幾人同入關長安家尚在秋至又西還

西歸絕句十二首

元稹

雙堠頻頻減去程漸知身得近京城春來愛有歸鄉
夢一半猶疑夢裏行

五年江上損容顏今日春風到武關兩紙京書臨水
讀小桃花樹滿商山得復言
樂天書

同歸諫院韋丞相共貶河南亞大夫今日還鄉獨慙
悴幾人憐見白髭鬚韋丞相貶之
裴中丞貶之

只去長安六日期多應及得杏花時
春明門外誰相待不夢閑人夢酒厄

白頭歸舍意如何賀處無窮吊亦多
左降去時裴相宅舊來車馬幾人過

裴相公

還鄉何用淚沾襟一半雲霄一半沈
世事漸多饒悵望舊曾行處便傷心

閑遊寺觀從容到遍問親知次第尋
腸斷裴家光德宅無人掃地戟門深

一世營營死是休生前無事定無由
不知山下東流水何事長須日夜流

唐詩類苑

卷之百六

九

今朝西渡丹河水心寄丹河無限愁
若到莊前竹園下殷勤爲遠故山流

丹折莊之東流

寒窻風雪擁深爐彼此相傷指白鬚
一夜思量十年事幾人強健幾人無

盧田宅

雲覆藍橋雪滿溪須臾便與碧峯齊
風回麴市連天合凍壓花枝着水低

寒花帶雪滿山腰着柳冰珠滿碧條
天色漸明回一望玉塵隨馬度藍橋

賊平後送人北歸

司空曙

世亂同南去時清獨北還他鄉生白髮
舊國見青山

曉月過殘壘繁星宿故關寒禽與衰草
處處伴愁顏送趙明府還北

方、干

故林終不住劍鶴在扁舟盡室無餘俸
還家得白頭鐘催吳岫晚月照渭河流
曾是樓安邑恩期異日酬

送張籍歸江東

王建

清泉淅塵縑靈藥釋昏狂君詩發大雅
正氣迴我腸復令五彩姿潔白歸天常
昔歲同講道青襟在師傍出處兩相因
如彼衣與裳行行成歸此離我適咸陽
失意未還家馬蹄盡四方訪餘味新文
不倦道路長僮僕懷昔念亦如還故鄉
相親惜晝夜寢息不異林

唐詩類苑

卷之三

十

猶將在遠道忽忽起思量黃金未爲
罍無以挹酒漿所念俱貧賤安得相發
揚迴車遠歸省舊宅江南廂但貴情義
彰五月天氣熱波濤毒於湯慎勿多飲
酒藥膳願自強

洛中送人還江東

儲光義

洛城春雨霽相送下江鄉樹綠天津道
山明伊水陽孤舟從此去客思一何長
直望清波裏唯餘落日光

友人自荆襄歸江東

友喪其偶

許渾

商洛轉江濱一杯聊送君劍愁龍失伴
琴怨鶴離羣楚驛枕秋水湘帆凌暮雲
猿聲斷腸處應向雨中聞

送郭太祝歸江東

方干

鄉人去欲盡北鴈又南飛京洛風塵久江淮音信稀
舊山知獨往一醉莫相違未得解羈旅無勞問是非

送丘丹歸江東

李端

故山霜落久才子憶荆扉旅舍尋人別秋回逐鴈歸
夢愁楓葉盡醉惜菊花稀肯學求名者經年未拂衣

送張芬歸江東兼寄柳中庸

李端

人是天涯客偏傷木落時如何故國見更欲異鄉期
鳥暮東西急陂寒上下遲空將滿眼淚千里怨相思

唐詩類苑

卷之五

十一

送王秘書歸江東

耿漳

迴首望知音逶迤桑柘林人歸海郡遠路入雨天深
萬木經秋葉孤舟向暮心唯餘江海畔應見白頭吟

送客還江東

韓翃

還家不落春風後數日應沽越人酒池畔花深聞鴨
欄橋邊雨洗藏鴉柳遙憐內舍看新衣復向鄰家醉
落暉把手聞歌香橘下空山一望鷓鴣飛

送沈子歸江東

王維

楊柳渡頭行客稀吾師盪漿向臨圻唯有相思似春
色江南江北送春歸

送陸暢歸江南

韓愈

舉舉江南子唐人以舉止名以能詩聞名以能詩聞揚州刺史下
降楊爲價相有詩藁誅行障能健等作內人以楊吳
音才思敏捷以詩嘲之暢酬曰粉面仙郎選聖朝獨
逢秦女學吹簫領鵲橋一來取高第官佐東宮軍
關王母不奈鳥高噪鵲橋

迎婦丞相府誇映秀士羣驚鴻桂樹間觀者何續紛

人事喜顛倒旦夕異所云蕭蕭青雲幹逐逐荆棘焚

歲晚鴻鴈過鄉思見新文踐此秦關雪家彼吳洲雲

悲啼上車女骨肉不可分感弊都門別丈夫酒方醺

我實門下士力薄蚋與蚊受恩不卽報永負湘中墳

餞陳學士還江南用徵字 張九齡

唐詩類苑

卷之五

十二

荷篠旋江澳銜杯餞瀟陵別前林鳥息歸處海煙凝

風土鄉情接雲山客念憑聖朝巖穴選應待鶴書徵

送友人歸江南

崔塗

渚田芳草偏共憶故山春獨往滄洲暮相看白髮新
定過林下寺應見社中人只恐東歸後難將鷗鳥親

送友人歸江南

張喬

辛勤同失意迢遞還家落日江邊笛殘春 七花
親安誠可喜道在亦何嗟誰伴高吟處晴天望九華

送邵兵曹歸江南

盧仝

風楊柳陌連騎醉離觴千里遠山碧一條歸路長

花開愁北渚雲去渡南湘東望濛濛處煙波是故鄉

送姚八之句容舊任便歸江南

劉長卿

故人還水國春色動離憂碧草千萬里滄江朝暮流
桃花迷舊路萍葉蕩歸舟遠成看京口空城問石頭
折芳佳麗地望月西南樓鴈鳥共孤嶼煙波連數州
誰家過楚老何處戀江鷗尺素能相報湖山若箇憂
途中秋晚送友人歸江南 崔塗

又指煙波筭路岐此生多是厭羈離正逢搖落仍須
別不待登臨已合悲里巷半空兵過後水雲初冷鴈

唐詩類苑

卷之五十八

十三

來時扁舟未得如君去空向滄江夢所思

送和樂歸河東

岑參

祁樂後來秀挺身出河東往年詣驪山獻賦溫泉宮
天子不召見揮鞭遂從戎前月還長安囊中金已空
有時忽乘興畫出江上峰牀頭蒼梧雲簾下天台松
忽如高堂上颯颯生清風五月火雲屯氣燒天地紅
鳥且不敢飛子行如轉蓬少華與首陽隔河勢爭雄
新月河上出清光滿關中置酒灞亭別高歌披心胸
君到故山時爲謝五老翁

送薛弁歸河東

岑參

薛侯故鄉處五老峰西頭歸路秦樹滅到鄉河水流
看君馬首去滿耳蟬聲愁獻賦今未售讀書凡幾秋
應過伯夷廟爲上關城樓樓上能相憶西南指雍州

送友人還洛

李端

去國渡關河蟬鳴古樹多平原正超忽行子復蹉跎
去事不可想舊遊難再過何當嵩岳下相見在煙蘿

寇中送張司馬歸洛

錢起

戎狄寇周日衣冠適洛年客亭新驛騎歸路舊人烟
吾道將東矣秋風更颯然雲愁百戰地樹隔兩鄉天
旅思逢飄陌驚魂鴈快弦今朝一樽酒莫惜醉離筵

唐詩類苑

卷之五十八

十四

送許丞還洛陽

僧皎然

剡茗情來亦好斟空門一別肯沾襟悲風不動罷瑤
軫忘却洛陽歸客心

送韋評事歸華陰

張籍

三峰西面住出見世人稀老大誰相識恹恹又獨歸
掃窻秋菌落開篋夜蛾飛一作訪雲中伴還應着
褐衣

五月四日送王少府歸華陰

岑參

仙掌分明引馬頭西看一點是關樓五日也須應到

舍知君不肯更淹留

送阿龜歸華陽

李商隱

草堂歸意肯煙蘿黃綬垂腰不奈何因汝華陽求藥
物碧松根下茯苓多

令狐八拾遺

見招送裴十四歸華州

李商隱

二十中郎未足稀驪駒先自有光輝蘭亭宴罷方回
去雪夜詩成道蘊歸漢苑風烟催客夢雲臺洞穴接
郊扉嗟予久抱臨邛渴便欲因君問釣磯

早春送人歸岳陽

僧尚顏

唐詩類苑

卷之五

五

久食主人魚春來復舊居遠無千里浪輕有半舸書
過片晴雲淡消殘暮雪虛岳陽多異境搜思勿令疎

送顧秘書獻書後歸岳州

盧綸

黃葉落不盡蒼苔隨雨生當軒置樽酒送客歸江城
竹裏聞機杼舟中見弟兄岳陽賢太守應爲改鄉名

送人歸岳陽

李益

烟草連人楓樹齊岳陽歸路子規啼春江萬里巴陵
戍落日看沈碧水西

青溪口送人歸岳州

劉長卿

洞庭何處鴈南飛江蒹蒼蒼客去稀帆帶夕陽千里

沒天連秋水一人歸黃花裊露開沙岸白鳥銜魚
釣磯岐路相逢無可贈老年空有淚沾衣

送奚賈歸吳

郎士元

東南富春渚曾是謝公遊今日奚生去新安江正秋
水清迎過客霜葉伴行舟遙想赤亭下聞猿應夜愁

送客歸吳

李白

江村秋雨歇酒盡一帆飛路歷波濤去家唯坐臥歸
島花開灼灼汀柳細依依別後無餘事還應掃釣磯

送人歸吳

姚鵠

東吳與上國萬里路迢迢爲別晨昏久全輕水陸遙

唐詩類苑

卷之五

五

湘陰島上寺楚色月中潮到此一長望一作嘆知君情
恨銷

送顧朝陽還吳

李頎

寂寞俱不偶裏糧空入秦宦塗已可識歸臥包山春
舊國指飛鳥滄波愁旅人開尊洛水上怨別柳花新

送恂上人還吳

儲光義

洛城本天邑洛水卽天池君王旣行幸法子復來儀
虛室香花滿清川楊柳垂乘閑道歸去遠意誰能知

維揚送友還蘇州

崔顥

長安南下幾程途得到邗溝吊綠蕪渚畔鱸魚舟上

釣美君歸老向東吳

送陸澧還吳中

劉長卿

瓜步寒潮送客揚柳暮雨沾衣故山南望何處秋草連天獨歸

送石協律歸吳

周賀

僧窓夢後憶歸耕水涉應多半月程幕府罷來無樂價紗巾戴去有山情夜隨淨渚離蛩語早過寒潮背并行已讓辟書稱抱疾滄洲便許白髭生

送元晝上人歸蘇州兼寄張厚

許渾

唐詩類苑

卷之五

七

自卜閑居荆水幽頭一作感時相別思悠悠一樽酒盡

青山暮千一作萬里書回碧樹秋深巷久貧知一作長寂

寞小詩多病尚一作也風流晝公此去應相問爲說沾

巾一作衣憶舊游

送陸侍御還越

韋應物

居藩久不樂遇子聊一欣英聲頗籍甚交辟廼時珍

繡衣過舊里驄馬輝四鄰一作輝光敬恭尊郡守

簡具州民謬忝誠所媿思懷方見申置榻宿清夜加

邊醺良辰遵塗還盛府行舫遠長津自有賢方伯得

此文翰質

送朱兵曹廻越

賈島

星彩練中見澄江豈有泥潮生垂釣罷楚盡去橋西磧鳥辭沙至山懸隔水啼會稽半侵海濤白禹祠溪

送嚴維歸越州

李嘉祐

艱難只用武歸向浙河東松雪千山暮林泉一水通鄉心綠草野思看青楓春日偏相憶裁書寄剡中

送賀賓客歸越

李白

鏡湖流水漾清波狂客歸舟逸興多山陰道士如相見應寫黃庭換白鵝

送朱可久歸越中

賈島

唐詩類苑

卷之五

八

石頭城下泊北固暝鐘初汀鷺潮衝起舳舻月過虛

吳山侵越衆隋柳入唐疎日欲躬調膳辟來何府書

送京參翁先輩歸閩中

鄭谷

解印東歸去人情此際多名高五七字道勝兩重科宿館明寒曉吟船兀夜波家山春更好越鳥在庭柯

送歐陽衮歸閩中

項斯

秦城幾年住猶着故鄉衣失意時相識成名後獨歸海秋蠻樹黑嶺夜瘴禽飛爲學心難滿知君更掩扉

送李休秀才歸嶺中

劉滄

南乏孤舟景自饒兼葭汀浦晚蕭蕭秋風漢水旅愁

起寒木楚山歸思遙獨夜猿聲和落葉晴江月色帶
回潮故園新過重陽節黃菊滿籬應朱菊

廣陵送趙主簿自蜀歸 戴叔倫

將歸汾水上遠省錦城來已泛西江盡仍隨北鴈迴
暮雲征馬速曉月故關開漸向庭門逝留君醉一杯

送從舅成都縣丞廣歸蜀 盧綸

巴字天邊水秦人去是歸棧長山雨響溪亂火日稀
俗富行應樂官雄祿豈微魏舒終有淚還濕寧家太

二

褒谷通岷嶺青冥此路深晚程椒瘴熱野飯荔枝陰

唐詩類苑 卷之五 九

古郡三刀夜春橋萬里心唯應對楊柳暫醉卓家琴

送徐先生歸蜀 張籍

日暮遠歸處雲間仙觀鐘唯持青玉牒獨立碧鷄峰
陰澗一作長收乳寒泉舊養龍幾時因賣藥得向海

邊逢

送故人歸蜀 韓翃

一騎西南遠翩翩入劍門客衣筒布潤山舍荔枝繁
古廟祠金馬春江釣白黿自應成旅逸愛客有王孫

送費六還蜀 駱賓王

樓望蜀道月峽指吳門萬行流別淚九折切驚魂

雲影含花落月陰帶葉昏還當三巡晚獨對一清樽

送張郎中還蜀歌 盧綸

秦家御史漢家郎親專兩印征殊方功成走馬朝天
子伏檻論邊若流水曉離仙署趨紫微夜接高儒讀
青史瀘南五將望君還願以天書示百蠻曲棧重江
初過雨前旌後騎不同山迎車拜舞多耆老舊卒新
營遍青草塞口雲生火候遲烟中鶴唳軍行早黃花
川下水交橫遠映孤霞蜀國晴印竹筍長椒瘴起荔
枝花發杜鵑鳴迴首岷峨半天黑傳言後勝同由得
空令豪士仰威名無復貧交恃顏色 勳勳紛

唐詩類苑 卷之五 二十

紛錦帳胡瓶爭送君須臾醉起簫笳發空見紅旌入
白雲

送客歸湘楚 許渾

無辭一杯酒昔日與君秋秋色換歸鬢曙光生別心
桂花山廟冷楓樹水樓陰 餘里應勞楚客吟

送張五員外東歸楚州 起

纓帶不為美人羣寧免辭香然黃鵠去未負白雲期
此別清興盡高秋臨水時好山枉帆僻浪跡到家遲
他日詔書下梁鴻安可追

送賀知章歸四明 玄宗

知童年八十有六臥病冥然無知疾損上表乞為
道士還鄉明皇許之捨宅為觀賜名千秋又求周
宮湖數頃為放生池帝乃賜鏡湖剡川一曲命其
男僧子會稽郡司馬賜緋魚使侍養幼子亦聽為
道士詔令供帳東門百寮祖餞御製送詩并序云
天寶三年太子賓客賀知章鑒知足之分抗歸老
之疏解組辭榮志期人道朕以其年在遲暮用循
挂冠之事乃命六卿庶尹大夫供帳青門龍行進
也豈唯崇德尚齒抑亦勵俗勸人無令二疏獨光
漢冊乃賦詩贈行

唐詩類苑

卷之百六

三十一

遺榮期入道辭老竟抽簪豈不惜賢達其如高尚心
寰中得秘要方外散幽襟獨有青門餞羣寮悵別深

送賀監歸四明應制

李林甫

挂冠知止足豈獨漢疏賢入道求真侶辭恩訪列仙
睿文含日月宸翰動雲烟鶴駕吳鄉遠遙遙南斗邊

送賀監歸四明應制

李白

久辭榮祿遂初衣曾向長生說息機真訣自從茅氏
得恩波寧阻洞庭歸瑤臺含霧星辰滿仙嶠浮空島
嶼微借問欲棲珠樹鶴何年却向帝城飛

送金昌宗歸錢塘

劉長卿

新家浙江上獨泛落潮歸秋水照華髮涼風生褐衣
柴門嘶馬少藜杖拜人稀惟有陶潛柳蕭條對掩扉

送顧陶校書歸錢塘

儲嗣宗

清苦月偏知南歸瘦馬遲橐輕緣換酒髮白為吟詩
水色西陵渡松聲伍相祠聖朝思直諫不是掛冠時

送孟六歸襄陽

一作送孟浩然

二首

張子容

杜門不欲出久與世情疎以此為長策勸君歸
舊廬醉歌田舍酒笑讀古人書好是一生事無勞歎
子虛

唐詩類苑

卷之百六

三十一

東越相逢地西亭送別津風潮一作看解纜雲雨見
愁人鄉在桃林岸江山一作連楓樹春長懷故園意歸
與孟家隣

送王上人還襄陽

儲光羲

朝看法雲散知有至人還送客臨伊水行車出故關
天花滿南國精舍在空山雖復詩來去中心長日閑

岐下送友人歸襄陽

賈島

蹉跎隨泛梗羈旅到西州舉翮籠中鳥知心海上鷗
山光分首暮草色向家秋若更登高峴看碑定淚流

秋夜送趙列歸襄陽

錢起

斗酒忘言良夜深紅萱露滴鵲驚林欲知別後思今夕漢水東流是寸心

送李六協律歸荆南

韓愈

早日羈遊所春風送客歸柳花還漠漠江燕正飛飛歌舞知誰在賓僚遂使非宋亭池水綠莫忘歸芳菲

夏口送長寧楊明府歸荆南因寄幕府諸公

劉長卿

關西楊太尉千載德猶聞白日俱終老清風獨至君

身承遠祖遺

一作後

才出衆人羣舉世貪荆玉全家戀

楚雲向煙帆杳杳臨水葉紛紛草覆昭丘綠江從夏

唐詩類苑

卷之百八

三

口分高名光盛府異姓寵殊勲百越今無事南征欲

罷軍

送張觀歸袁州

李嘉祐

羨爾湘東去烟花尚可親綠芳深映馬遠岫遙迎人

機飲啼初日殘鶯惜暮春遙憐謝客興佳句又應新

送黃願歸袁州

姚鵠

莫倦連期在醉鄉孔門多戀惜分行文章聲價從來

重霄漢途程此去長何處聽猿臨萬壑幾宵月滯

三湘鑪峰若上應相憶不得同過惠遠房

送人歸江寧

岑參

楚客憶鄉信向家湖水長住愁春草綠去喜桂枝香海月迎歸楚江雲引到鄉吾兄應借問爲報鬢毛霜

送沈少府還江寧

錢起

遠宦碧雲外此行佳興牽湖山入閭井鷗鳥傍神仙

斜日背鄉樹春潮迎客船江樓新興發應與政聲傳

送尉遲羽之歸宣州

盧仝

君歸乎君歸興不孤謝朓澄江今夜月也應憶著此

山夫

送張五諲歸宣城

王維

五湖千萬里况復五湖西漁浦南陵郭人家春穀溪

唐詩類苑

卷之百八

三

欲歸江淼淼未到草淒淒憶想蘭陵鎮可宜猿更啼

送謝石先輩歸宣州

林寬

名隨春色遠湖外已先知花盡方辭醉鷺殘是放時

天寒千尺岳領白半聯詩笋蕨猶堪採榮歸及養期

送許崇先輩歸宣州

林寬

髮枯窮律韻字字合墳笈日月所到處姓名無不知

驚啼謝守壘苔老謫仙碑詩道喪來久東歸爲吊之

送鄭谷歸宜春

曹鄴

無成歸故國上馬亦高歌况是飛鳴後殊爲喜慶多

星鎖嵩岳雨涼吹洞庭波莫便閑吟去須期接盛科

送友人歸宜春

張喬

落花兼柳絮無處不紛紛
遠道空歸去流鶯獨自聞
野橋喧磴水山郭入樓雲
故里南陔曲秋期更送君

送高道弟耽歸臨淮作

王維

少年客淮泗落魄居下邳
遨遊向燕趙結客過臨淄
山東諸侯國迎送紛交馳
自爾厭遊俠閉戶方垂帷
深明戴家禮頗學毛公詩
備知經濟道高卧陶唐時
聖主詔天下賢人不得遺
公吏奉繯組安車去茅茨
君王蒼龍闕九門十二達
羣公朝謁罷冠劍下丹墀
野鶴終踉蹌威鳳徒參差
或問理人術但致還山詞

唐詩類苑

卷之三

王

天書降北闕賜帛歸東菑
都門謝親故行路日逶遲
孤帆萬里外森漫將何之
江天海陵郡雲日淮陰祠
杳冥滄洲上蕩漭無人知
緯蕭或賣藥出處安能期

送李穆歸淮南

劉長卿

揚州春草新年綠未去
先愁去不歸淮水問君來
早晚老人偏畏過芳菲

海上詩送薛文學歸海東

劉昫

何處歸且遠送君東悠悠
滄溟千萬里日夜一孤舟
曠望絕國所微茫天際愁
有時近仙境不定若夢遊
或見青色古孤山百里秋
前心方杳渺後路勞夷猶

離別惜吾道風波敬皇休
春浮花氣遠思逐海水流
日暮驪歌後永懷空滄洲

送張儋水路歸北海

韓翃

千里東歸客孤心憶舊遊
遊片帆依白水高枕臥青州
柘寢寒蕪變梧臺宿水收
知君心興遠每上海邊樓

送黃隱居歸南海

許渾

瘴霧南邊久寄家海中來
往往信流槎林藏鷺鷥多殘
笋粒過猩猩少落花深洞有
雲龍蛻骨半巖無
生牙知君愛宿眉峰頂坐
到三更見日華

送人歸日東

林寬

唐詩類苑

卷之三

王

滄溟西畔望一望一心摧地
即同正朔天教阻往來
波翻夜作電鯨吼畫爲雷
門外人參徑到時花幾開

送褚山人歸日東

賈島

懸帆待秋水去入杳冥關
東海幾年別中華此日還
岸遙生白髮波盡露青山
隔水相思在無書也是閑

送朴山人歸日本

僧無可

海霽晚帆開應無鄉信催
水從荒外積人指日邊迴
望國乘風久浮天絕島來
倘因華夏使書札轉悠哉

送校書晁監還日本國

王維

見水部海

送日本國僧敬龍歸

韋莊

扶桑已在渺茫中，家在扶桑東更東。此去與師誰共
到，一船明月一帆風。

送客歸新羅

項斯

君家滄海外，一別見何因。風土雖知教，程途自致貧。
浸天波色晚橫笛，鳥行春明發千櫓。下應無更遠人。

送朴山人歸新羅

一作海東

馬戴

浩渺行無極，揚帆但信風。雲山過海半，鄉樹入舟中。
波定遙天出，沙平遠岸窮。離心寄何處，目斷曙霞東。

送新羅使

張籍

唐詩類苑

卷之三

王

萬里爲朝使，離家今幾年。應知舊行路，却上遠歸船。
夜泊避蛟窟，朝炊求島泉。悠悠到鄉國，還望海西天。

送金卿歸新羅

陶翰

奉義朝中國，殊恩及遠臣。鄉心遙渡海，客路再經春。
落日誰同望，孤舟獨可親。拂波銜木鳥，偶宿泣珠人。
禮樂夷風變，衣冠漢制新。青雲已千呂，知汝重來賓。

送僧歸新羅

姚鵠

森森萬餘里，扁舟發落暉。滄溟何歲別，白首此時歸。
寒暑途中變，人煙嶺外稀。驚天巨鰲闕，蔽日大鵬飛。
雪入行砂屐，雲生坐石衣。漢風深得習，休恨本心違。

送金可紀歸新羅

章孝標

登唐科第，語唐音。望日初生憶故林，鯨室夜眠陰火
冷。蜃樓朝泊曉霞深，風高一葉飛魚背。湖淨三山出
海心，想把文章合夷樂。蟠桃花裏醉人參。

唐詩類苑

卷之百十八

王

唐詩類苑卷第一百十九

明雲間張之象玄超甫纂輯

雲間唐仲賢晉卿甫編次

雲間王 徹叔朗甫補訂

梁谿曹仁孫伯安甫校正

人部

感遇

感遇三十八首

陳子

唐興文章承徐庾餘風子昂始變雅正初為感遇詩王適見之曰是必為海內文宗矣請納交

唐詩類苑

卷之百十九

一

微月生西海幽陽始化一作昇圓光正東滿陰魄已

朝凝太極生天地三元更廢興至精諒斯在三五誰

能徵

二

蘭若生春夏芊蔚何青青幽獨空林色朱徒冒紫莖遲遲白日晚嫋嫋秋風生歲華盡搖落芳意竟何成

三

蒼蒼丁零塞今古緬荒途亭堠何摧兀暴骨無全軀黃沙幕南起白日隱西天一作隅漢甲三十萬曾以事匈奴但見沙場死誰憐塞上孤

四

樂羊為魏將食子殉軍功骨肉且相薄他人安得忠吾聞中山相乃屬放麋翁狐獸猶不忍況以奉君終屬于於西巴者孟孫也非中山相也劉須谿云事雖誤用語語自可傳

五

市人矜巧智於道重重蒙傾奪相誇侈不知身所終曷見玄真子觀世玉壺中窅然遺天地乘化入無窮

六

吾觀龍變化乃是至陽精石林何冥密幽洞無留行古之得仙道信與元化并玄感非蒙一作識誰能測

唐詩類苑

卷之百十九

二

淪冥世人拘目見酣酒笑丹經崑崙有瑤樹安得采其英

七

白日每不歸青陽時暮矣茫茫吾何思林臥觀無始焚芳委時晦鵲鳴悲耳鴻荒古已頽誰識巢居子

八

吾觀崑崙化日月淪洞冥精魄相交構天壤已羅生仲尼推太極老聃貴窅冥西方金僊子崇議一作乃無明空色皆寂滅緣業亦何成名教信紛籍死生俱未停

九

聖人祕元命懼世亂其真如何高公輩詆譎誤時人
先天誠爲美階亂禍誰因長城備胡寇羸禍發其親
赤精旣逃漢子年何救秦去去桃李花多言死如麻

十

深居觀群動悱然爭彛願譏說相啖食利害紛疑嘖
便便夸毗子榮耀更相持務光讓天下商賈競刀筆
已矣行采芝萬世同一時

十一

吾愛鬼谷子青谿無垢氛囊括經世道遺身在白雲
唐詩類苑 卷之百十九 三

七雄方龍關天下亂無君浮榮不足貴遵養晦時文
舒之彌宇宙卷之不盈分豈啗山木壽空與麋鹿群

十二

吻吻南山鹿罹罟以媒和招搖青桂樹幽靈亦成科
世情甘近習榮耀紛如何怨憎未相復親愛生禍羅
瑤臺傾巧笑玉盃殞雙蛾誰見枯城蘖青青成斧柯

十三

林居病時久水木淡孤清閑卧觀物化悠悠念群生
青春始萌達朱火已滿盈徂落方自此感嘆何時平

十四

臨岐泣世道天命良悠悠昔日殷王子玉馬遂朝周
寶鼎淪伊穀瑤臺成古丘西山傷遺老東陵有故侯

十五

貴人難得意賞愛在須臾莫以心如玉探他明月珠
昔稱天桃子今爲春市徒鴟鴞悲東國麋鹿泣姑蘇
誰見鷗夷子扁舟去五湖

十六

聖人去已久公道緬良難蚩蚩夸毗子堯禹以爲謬
驕榮貴工巧勢利迭相干燕王尊樂毅分國願同歡
魯連讓齊爵遺組去邯鄲伊人信往矣感激爲誰嘆
唐詩類苑 卷之百十九 四

十七

幽居觀大運悠悠念群生終古代興沒豪聖莫能爭
三季淪周赧七雄滅秦嬴復聞赤精子提劍入咸京
炎光旣無象晉虜紛縱橫堯禹道旣昧昏虐世方行
豈無當世雄天道與胡兵咄咄安可言時醉而未醒
仲尼溺東魯伯陽遁西溟大運自古來旅人胡嘆哉

十八

逶迤勢已久骨鯁道斯窮豈無感激者時俗類此風
灌園何其鄙殷蛟於陵子世道不相容嗟嗟張長公

十九

聖人不利已憂濟在元元黃屋非堯意瑤臺安可論
吾聞西方化清淨道彌敦奈何窮金玉雕刻以爲尊
雲構山林盡瑤圖珠翠煩鬼工尚未可人力安能存
夸愚適增累矜智道逾昏

二十

玄天幽且默群議曷咄咄聖人教猶在世運久淩夷
一繩將何繫憂醉不能持去去行採芝勿爲鹿所欺

二十一

蜻蛉遊天地與物本無患飛飛未能去黃雀來相干
穰侯富秦寵金石比交歡出入咸陽裏諸侯莫敢言
唐詩類苑 卷之百十九 五

二十二

微霜知歲宴斧柯始青青况乃金天夕浩露沾群英
登山望宇宙白日已西墮雲海方蕩潏孤鱗安得寧

二十三

翡翠巢南海雄雌珠樹林何知美人意嬌愛比黃金
殺身炎州裏委羽玉堂陰旖旎光首飾歲蕤爛錦衾
豈不在遐遠虞羅忽見尋多材固爲累歎息此珍禽

二十四

挈瓶者誰子姣服當青春三五明月滿盈盈不自珍

高堂委金玉微纓懸千鈞如何負公鼎被欲笑時人

二十五

玄蟬號白露茲歲已蹉跎群物從大化孤英將奈何
瑤臺有青鳥遠食玉山禾崑崙見玄鳳豈復嘆雲羅

二十六

荒哉穆天子好與白雲期宮女多怨曠層城閉蛾眉
日耽瑤池樂豈傷桃李時青苔空萎絕白髮生

二十七

朝發宜都渚浩然思故鄉故鄉不可見路隔五湖
巫山綵雲沒高丘正微茫佇立望已久涕落霑衣裳
唐詩類苑 卷之百十九 六

二十八

昔日章華宴荆王樂荒淫霓旌翠羽蓋射兕雲夢林
竭來高堂觀悵望雲陽岑雄圖今何在黃雀空哀吟

二十九

丁亥歲云暮西山事甲兵贏糧匝邛道荷戟爭羗城
嚴冬陰風勁窮岫油雲生昏暄無晝夜羽檄復相驚
拳跼競萬仞崩危走九冥籍籍峰壑裏哀哀冰雪行
聖人御宇宙聞道泰階平肉食謀何失藜藿緬縱橫

三十

竭來素遊子勢利禍之門如何蘭膏嘆感激自生冤
衆趨明所避時素道猶存雲淵既已失羅網與誰論
箕山有高節湘水有清源唯應白鷗鳥可爲洗心言

三十一

可憐瑤臺樹灼灼佳人姿碧華映朱實攀折青春時
豈不盛光寵榮君白玉墀但恨紅芳歇彫傷感所悲

三十二

索居獨幾日炎夏忽然衰陽彩皆陰翳親友盡睽違
登山望不見涕泣久漣瀾宿昔感顏色若與白雲期
馬上驕豪子驅逐正蚩蚩蜀山與楚水攜手在何時

唐詩類卷

卷之百十九

七

三十三

金鼎合還丹世人將見欺飛飛騎羊子胡乃在峨眉
變化固非類芳菲能幾時疲痾苦淪世憂悔日侵淄
眷然顧幽褐白雲空淅淅

三十四

朔風吹海樹蕭條邊已秋亭上誰家子哀哀明月樓
自言幽燕客結髮事遠遊赤丸殺公吏白日報私讐
避仇至海上被役此邊州故鄉三十里遼水復悠悠
每憤胡兵入常爲漢國羞何知七十戰白首未封侯

三十五

本爲貴公子平生實愛才感時思報國拔劍起蒿萊
西馳下零塞北上單于臺登山見千里懷苦心悠哉
誰言未亡禍磨滅成塵埃

三十六

浩然坐何慕吾蜀有峨眉念與楚狂子悠悠白雲期
時哉怨不會涕泣久漣瀾夢登綏山穴南采巫山芝
探元觀群化遺世從雲螭婉變時永矣感悟不見之

三十七

朝入雲中郡北望單于臺胡秦何密邇沙朔氣雄哉
藉藉天驕子猖狂已復來塞垣無名將亭堠空崔嵬
咄嗟吾何嘆邊人塗草萊

唐詩類卷

卷之百十九

八

三十八

仲尼探元化幽鴻願陽和大運自盈縮春秋迭來過
盲颺忽號怒萬物相紛劇溟海皆震湯孤鳳其如何

感遇十二首

張九齡

二

蘭葉春葳蕤桂華秋皎潔欣欣似生意自爾爲佳節
誰知林棲者聞風坐相悅草木有本心何求美人折
幽林歸獨卧滯虛洗孤清持此謝高鳥因之傳遠情
日夕懷空意人誰感至精飛沈理自隔何所慰吾誠

三

魚遊樂深池鳥棲欲高枝嗟爾蜉蝣羽薨薨亦何爲
有生豈不化所感奚若斯神理日微滅吾心安得知
浩嘆楊朱子徒然泣路岐

四

孤鴻海上來池潢不敢顧側見雙翠鳥巢在三株樹
矯矯珍木巔得無金丸懼美服患人指高明逼神惡
今我遊冥冥弋者何所慕

五

吳越數千里夢寐今夕見形骸非我親衾枕卽鄉縣
唐詩類苑 卷之二十一 九

六

化蝶猶不識川魚安可羨海上有仙山歸期覺神變
西日下山隱北風乘夕流燕雀感昏旦簷楹呼匹儔
鴻鵠雖自遠哀音非所求貴人棄疵賤下士嘗殷憂
衆情累外物恕已忘內修感嘆長如此使我心悠悠

七

江南有丹橘經冬猶綠林豈伊地氣暖自有歲寒心
可以薦嘉客柰何阻重深運命推所遇循環不可尋
徒言樹桃李此木豈無陰

八

九

永日徒離憂臨風懷寒修美人何處所孤客空悠悠
青鳥跂不至朱鷺誰云浮夜分起躑躅時逝曷淹留
抱影吟中夜誰聞此嘆息美人適異方庭樹含幽色
白雲愁不見滄海飛無翼鳳凰一朝來竹花斯可食

十

漢上有游女求思安可得袖中一札書欲寄雙飛翼
冥冥愁不見耿耿徒緘憶紫蘭秀空蹊皓露奪幽色
馨香歲欲晚感嘆情何極白雲在南山日暮長太息

十一

唐詩類苑 卷之二十一 十

我有異鄉憶寔在雲溶溶憑此目不覩要之心所鍾
但欲附高鳥安敢攀飛龍至精無感遇悲惋填心胸
歸來扣寂寞人願天豈從

十二

閉門跡群化憑林結所思嘯嘆此寒木疇昔延芳蕤
朝陽鳳安在日暮蟬獨悲浩思極中夜深嗟欲待誰
所懷誠已矣既往不可追鼎食非吾事雲山嘗我期
胡越方沓沓車馬何遲遲天壤一何異幽嘿卧簾帷

感遇四首

李白

吾愛王子晉得道伊洛濱金骨既不毀玉顏長自春

可憐浮丘公倚靡與情親舉手白日間分明謝時人
二僊去已遠夢想空殷勤

二

可嘆東籬菊莖疎葉且微雖言異蘭蕙亦自有芳菲
未泛盈樽酒徒沾清露輝當榮君不採飄落欲何依

三

昔余聞嫦娥竊藥駐雲髮不自嬌玉顏方希
飛去身莫逐含笑坐明月紫宮誇蛾眉隨手會凋歇

四

宋玉事楚王立身本高潔巫山賦彩雲郢路歌白雪

唐詩類苑卷之百十九 十一

舉國莫能和巴人皆卷舌一惑登徒言恩情遂中絕

感遇二首

岑參

五花驂馬七香車云是平陽帝子家鳳凰城頭日欲

斜門前高樹鳴春鴉漢家魯元君不聞今作城西一

古墳昔來唯有秦王女獨自吹簫乘白雲

北山有芳杜靡靡花正發未及得採之秋風忽吹殺

君不見拂雲百丈青松柯縱使秋風無奈何四時常

作青黛色可憐杜花不相識

感寓

權德輿

殘雨倦倚枕病中時序分寒蟲與秋葉一夜隔窓聞

虛室對搖落晤言無與群冥心試觀化世故如絲棼
但看爲戾天豈見山出雲一歌徒擊節朱絃秘南薰
椅梧秀朝陽上有威鳳文終待九成奏來儀瑞吾君

感寓二首

柳宗元

西陸動涼氣驚鳥號北林棲息豈殊性集枯安可任

鴻鵠去不返勾吳阻且深徒嗟日沈湎九鼓驚奇音

東海久搖蕩南風已騷擾坐使青天暮小星愁太陰

衆情嗜奸利居貨損千金危根一以振濟斧來相尋

攬衣中夜起感物涕盈襟微霜衆所踐誰念歲寒心

二

唐詩類苑卷之百十九 十三

旭日照寒野鶯斯起蒿萊啁啾有餘樂飛舞西陵隈

迴風旦夕至零葉委陳亥所栖不足恃鷹隼縱橫來

感寓

劉威

海竭山移歲月深分明齊得世人心顏回徒恨少咸

古彭祖何曾老至今須向道中平貴賤還從限內任

浮沈他年免似驪山鬼信有蓬萊不可尋

感興八首

李白

瑤姬天帝女精彩化朝雲宛轉入宵夢無心向楚君

錦衾抱秋月綺席空蘭芬茫昧竟誰測虛傳宋玉文

二

洛浦有宓妃飄飄雪爭飛輕雲拂素月了可見清輝
解珮欲西去含情詎相違香塵動羅襪綠水不沾衣
陳王徒作賦神女豈同歸好色傷大雅多爲世所譏

三

裂素持作書將寄萬里懷眷眷待遠信竟歲無人來
征鴻務隨陽又不爲我栖委之在深篋蠹魚壞其題
何如投水中流落他人開不惜他人開但恐生是非

四

芙蓉嬌綠波桃李誇白日偶遇春風榮生此艷陽質
豈無佳入色但恐花不實死轉龍火飛零落互相失
唐詩類苑卷之二百九

唐詩類苑

三

詎知凌寒松千載長守一

五

十五遊神仙仙遊未曾歇吹笙吟松風汎瑟窺海月
西山玉童子使我鍊金骨欲逐黃鶴飛相呼向蓬闕

六

西國有美女結樓青雲端蛾眉艷曉月一笑傾城歡
高節不可奪炯心如凝丹常恐彩色晚不爲人所觀
安得配君子共成雙飛鸞

七

鵲來荆山客誰爲珉玉分良寶絕見棄虛持三獻君

直木忌先伐芬蘭哀自焚盈滿天所損沈冥道所群
東海有碧水西山多白雲魯連及夷齊可以躡清芬

八

嘉穀隱豐草草深苗且稀農夫既不異孤蕙將安歸
常恐委疇隴忽與秋蓬飛鳥得薦宗廟爲君生光輝

感興

崔膺

富貴難義合困窮易感恩古來忠烈士多出貧賤門
世上桃李樹但結繁華子白屋抱關人青雲壯心元
本以勢利交勢盡交情已如何失情後始嘆門易軌

道州感興

呂溫

唐詩類苑

卷之二百九

十四

始見花滿枝又看花滿地景且持增氣酒莫滴傷心
淚溫深誠長鬱結芳晨自妍媚恭嘯歌聊永日誰知

此時意景

感興

李端

香爐最高頂中有高人住日暮下山來月明山上去

感興

鄭谷

承忝不陽艷競栽桃李春翻令力耕者半作賣花人

長安感興

鄭谷

徒勞悲喪亂自古戒繁華落日狐兔徑近年公相家
可悲聞玉笛不見走香車寂寞墻匡裏春陰挫杏花

感興二首

白居易

吉凶禍福有來由，但要深知不要憂。
只見火光燒潤屋，不聞風浪覆虛舟。
名爲公器無多取，利是身災合少求。
雖異匏瓜難不食，大都食足早宜休。

魚能深入寧憂釣，鳥解高飛豈觸羅。
熱處先爭炙手去，悔時其奈噬臍何。
樽前誘得猩猩血，幕上偷安燕燕窠。
我有一言君記取，世間自取苦人多。

南遊感興

竇鞏

傷心欲問當時事，唯見江波去不迴。
日暮東風春草綠，鷓鴣飛上越王臺。

唐詩類苑

卷之百十九

五

感興

孟郊

拔心草不死，去根柳亦榮。
獨有失意人，恍然無力行。
昔爲連理枝，今爲斷絃聲。
連理時所重，斷絃今所輕。
吾欲進孤舟，三峽水不平。
吾欲載車馬，太行路崢嶸。
萬物根一氣，如何互相傾。

感諷六首

李賀

人間春蕩蕩，帳煖香揚揚。
飛花染幽紅，誇嬌來洞房。
舞席泥金蛇，桐竹羅花牀。
眼逐春暉醉，粉隨淚色黃。
王子下馬來，曲沼鳴鴛鴦。
鴛鴦知腸車，轉一夕巡九方。

二

苦風吹朔寒，沙驚秦木折。
舞影逐空天，盡鼓餘清節。
蜀書秋信斷，黑水朝波咽。
嬌魂從回風，死處懸鄉月。

三

雜雜胡馬塵，森森邊士戟。
天教胡馬戰，曉雲皆血色。
婦人攜漢卒，箭箠囊巾幘。
不慙金印重，踉蹌腰鞬力。
恂恂鄉門老，昨夜試鋒鏑。
走馬遣書勳，誰能分粉墨。

四

青門放彈去，馬色連空郊。
何年帝家物，玉裝鞍上搖。
去去走犬歸來來，坐烹羔羊金不了。
饌貉肉稱盤，豚試問誰家子，乃老云能佩刀。
西山白蓋下，賢雋寒蕭蕭。

唐詩類苑

卷之百十九

十六

蕭蕭

五

曉菊泣^{一作}寒露似悲團，扇風秋涼經漢殿。
斑^{一作}子泣衰紅，本無辭輦意。
豈見入空宮，腰袂珮珠斷。
灰蝶生陰松。

六

蝶飛紅粉臺，柳掃吹笙道。
十日懸戶庭，九秋無衰草。
調歌送風轉，杯池白魚小。
水宴截香腹，菱科映青罩。
半蒙^{一作}梨花滿，春昏弄長嘯。
唯愁苦花落，不保世哀到。
撫舊唯銷傷^{一作}魂，南山坐悲嘯。

感諷五首

李賀

合浦無明珠龍州無木奴足知造化力不給使君須
越婦未織作吳蚕始蠕蠕縣官騎馬來犂色虬紫鬚
懷中一方板板上數行書不因使君怒焉得詣爾廬
越婦拜縣官桑牙今尚小會待春日宴絲車方擲掉
越婦通言語小姑具黃梁縣官踏餐去傳吏復登堂

二

奇峻無少年日車何躡躡我待紆雙綬遺我星星髮
都門賈生墓青蠅久斷絕寒食垂楊天憤景長蕭殺
皇漢十二帝唯帝稱唐哲一夕信豎兒文明永淪歇

唐詩類苑

卷之百十九

七

三

南山何其悲鬼雨灑空草長安夜半秋風前幾人老
低迷黃昏逕裊裊青檣道月午樹無影一山唯白曉
漆炬迎新入幽壙螢擾擾

四

星盡四方高萬物知天曙已生須已養荷檐出門去
君平久不反康伯遁國路曉思何饒饒闌闌千人語

五

石根秋水明石畔秋草瘦侵衣野竹香蟄蟄垂葉厚
岑中月歸來蟾光掛空秀桂露對仙娥星星下雲逗

婁涼梔子落山壘泣清漏下有張仲蔚披書案將朽

三月過行宮

李賀

渠水紅繁擁御墻風嬌小葉學娥粧垂簾幾度青春
老堪鎖千年白日長

睢陽感懷

韋應物

豺虎犯天綱昇平無內備長驅陰山卒略踐三河地
張侯本忠烈濟世有深智堅壁梁宋間遠籌吳楚利
窮年方絕輸鄰援皆攜貳使者哭其庭救兵終不至
重圍雖可越藩翰諒難棄飢喉待危巢懸命中路墜
甘從鋒刃斃莫奪堅貞志宿將降賊庭儒生獨全義

唐詩類苑

卷之百十九

十一

空城唯白骨同往無賤貴哀哉豈獨今千載當歎歎

端居感懷

韋應物

沈沈積素抱婉婉屬之子永日獨無言忽驚振衣起
方如在幃室復悟永終已稚子傷恩絕盛時若流水
暄涼同寡趣朗晦俱無理寂性常喻人滯情今在已
空房欲云暮巢燕亦來止夏木遽成陰綠苔誰復履
感至竟何方幽獨長如此

感懷八首

孟郊

秋氣悲萬物驚風振長道登高有所思寒雨傷百草
平生有親愛零落不相保五情今已傷寒得自能老

二

晨登洛陽坂目極天茫茫群物歸大化六龍頽西荒
豺狼日已多草木日已霜饑年無遺粟衆鳥去空塲
路傍誰家子白首離故鄉含酸望松柏仰面訴穹蒼
去去勿復道苦饑形貌傷

三

徘徊不能寐耿耿含酸辛中夜登高樓憶我舊時人
四時不遷移萬物何時春唯憶首陽路永謝_{一作謝}時人

四

長安嘉麗地官月生蛾眉陰氣凝萬里坐看芳草衰
唐詩類苑 卷之一百十九 十九

王堂有玄鳥亦以從此辭傷哉志士嘆故國多遲遲
深宮豈無樂擾擾復何爲朝見名與利暮還生是非

一作是姜牙佐周武世業永巍巍

五

舉才天道親首陽誰採薇去去荒澤遠落日當西歸
義和駐其輪四海借餘暉極目何蕭索驚風正離披
鴟鴞鳴高樹衆鳥相因依東方有一士歲暮常苦饑
主人數相問脉脉今何爲貧賤亦有樂且願掩_{一作守}柴扉

柴扉

六

七

火雲流素月三五何明明光曜侵白日賢愚迷至精
四時更變化天道有虧盈常恐今已沒須臾還復生
河梁暮相遇草草不復言漢家正離亂王粲別荆蠻
野澤何蕭條悲風振空山舉頭是星辰念我何時還
親愛久別散形神各離遷未爲死生訣長在心目間

八

有鳥東西來哀鳴過我前願飛浮雲外飲啄見青天

感懷

于潰

採薇易爲山何必登首陽濯纓易爲水何必泛滄浪

唐詩類苑 卷之一百十九 二十

貴崇已難慕諛笑何所長東堂桂欲空猶有收螢光

感事

武瓘

花開蝶滿枝花謝蝶還稀唯有舊巢燕主人貧亦歸

感事三首

元稹

爲國謀羊舌從來不爲身此心長自保終不學張陳

二

自笑心何劣區區辨所寃伯仁雖到死終不向人言

三

富貴年皆長風塵舊轉稀白頭方見絕遙爲一霑衣

太和初靖恭里感事

許渾

清湘吊屈原垂淚頻頻繫訪起乘軒鶴機沈在檻後
乾坤三事貴華夏一夫冤寧有唐虞世心知不爲言

感世

曹松

觸目盡如幻幻中能幾時愁來捨行樂事去莫吞悲
白髮不由已黃金留待誰耕煙得銘誌翻爲古人思

感所見

白居易

巧者焦勞智者愁愚翁何喜復何憂莫嫌山木無人
用大勝籠禽不自由網外老鷄因斷尾盤中鮮鱸爲
吞鉤誰人會我心中事冷笑時時一掉頭

歲晚自感

王建

唐詩類苑 卷之二百十九

王

人皆欲得長年少無那排門白髮催一向破除愁不
盡百年迴避老須來草堂未辦終須置松樹難成亦
且栽瀝酒願從今日後更逢二十度花開

感時

白居易

朝見日上天暮見日入地不覺明鏡中忽年三十四
勿言身未老冉冉行將至白髮雖未生朱顏已先悴
人生誰幾何在世猶如寄雖有七十期十人無一二
今我猶未悟往往不適意胡爲方寸間不貯浩然氣
貧賤非不惡道在何足避富貴非不愛時來當自致
所以達人心外物不能累唯當飲美酒終日陶陶醉

斯言勝金玉佩服無失墜

感時三首

方干

不覺年華似箭流朝看春色暮逢秋正嗟新冢垂青
草便見故交梳白頭雖道了然皆是夢應還達者即
無愁破除生死須齊物誰向穹蒼問事由

日鳥往返無休息朝出扶桑暮却回夜雨旋驅殘熱
去天風吹送早寒來纔憐飲處飛花片又見書邊聚
雪堆莫恃少年欺白首須更還被老相催

世途擾擾復憧憧直恐華夷事亦同歲月自消寒暑
內榮枯盡在是非中今朝猶作青衿子明日還成白

唐詩類苑 卷之二百十九

王

首翁堪笑愚夫足紛競不知流水去無窮

有感

白居易

絕絃與斷絲猶在却續時唯有裏腸斷無應續得期

有感

劉駕

弓劍不自行難引河湟思將軍半夜飲十里聞歌吹
高門幾世宅舞袖仍新賜誰遣一書來燈前問邊事

有感二首

乙卯年有感
丙辰年詩成

李商隱

九服歸元化三靈叶睿圖如何本初輩自取屈龐詵
有甚當車泣因勞下殿趨何成奏雲物直是滅崔嵬
謫遠符書密辭連性命俱竟緣真漢相不早辨胡雛

恩錄分朝部軍烽照上都敢云堪慟哭未免怨洪爐

二

丹陛猶敷奏彤庭歟戰爭臨危對盧植是曉陽召故相彭陽公入

始悔用龐萌御使收前殿見徒劇背城蒼黃五色捧

掩遏一陽生古有清君側今非乏老成素心雖未易

此舉太無名誰瞑銜冤目寧吞欲絕聲逃聞開書讎

不廢甲咸英

有感

李商隱

非關宋玉有微辭却是襄王夢覺遲一自高唐賦成

後楚天雲雨盡堪疑

唐詩類苑

卷之二百十九

三

驪山有感

李商隱

驪岫飛泉泛暖香九龍呵護玉蓮房平明每幸長生

殿不從金輿唯壽王

有感

李商隱

中路因循我所長古來才命兩相妨勸君莫強安蛇

足一盞芳醪不得嘗

重有感

李商隱

玉帳牙旗得上游安危須共主君憂實融表已來關

右陶侃軍宜次石頭豈有蛟龍愁失水更無鷹隼與

高秋盡號夜哭兼幽顯早晚星關雪涕收

雜感

白居易

君子防悔尤賢人戒行藏嫌疑遠瓜李言動慎毫芒

立教圖如此撫事有非常為君持聽感仰面問蒼蒼

犬嚙桃樹根李樹反見傷老龜烹不爛延禍及枯桑

城門自焚蕪池魚罹其殃陽貨肆兇暴仲尼畏於匡

魯酒薄如水却鄆開戰場伯禽鞭見血過失由成王

都尉身降虜官刑加子長呂安兄不道都布殺嵇康

斯人死已久其事甚昭彰是非不由已禍患安可防

使我千載後涕泗滿衣裳

雜感

鮑防

唐詩類苑

卷之二百十九

三

漢家海內承平久萬國戎王皆稽首天馬常銜苜蓿

花胡人歲獻蒲萄酒五月荔枝初破顏朝離象郡夕

函關鴈飛不到桂陽嶺馬走皆從休邑山甘泉御果

垂仙閣日暮無人香自落遠物皆重近皆輕雖有

德不如鶴

雜感

韋莊

莫悲建業荆榛滿昔日繁華是帝京莫愛廣陵臺榭

好也曾荒沒作蕪城魚龍爵馬皆如夢風月煙花豈

有情行客不勞頻悵望古來朝市嘆衰榮

寓言二首

王維

朱紱誰家子無廼金張孫驪駒從白馬出入銅龍門
問爾何功德多承明主恩聞鷄平樂館射雉上林園
曲陌車騎盛高堂珠翠繁奈何軒冕貴不與布衣言

二

君家御溝上垂柳夾朱門列鼎會中貴鳴珂朝至尊
生死在八議窮通由一言須識苦寒士莫矜孤白溫

寓言三首

李 白

周公負斧戡成王何夔夔武王昔不豫剪爪投河湯
賢聖遇讒慝不免人君疑天風拔大木禾黍咸傷芳
管蔡扇蒼蠅公賦鴟鴞詩金滕若不啓忠信誰明之

唐詩類苑

卷之百十九

三五

二

搖裔雙彩鳳婉孌三青禽往還瑤臺裏鳴舞玉山岑
以歡秦娥意復得王母心區區精衛鳥銜木空哀吟

三

長安春色歸先入青門道綠楊不自持從風欲傾倒
海燕還秦宮雙飛入簾櫳相思不相見託夢遼城東

寓言

孟 郊

誰言碧山曲不廢青松直誰言濁水泥不污明月色
我有松月心俗騁風霜力貞明既如此摧折安可得

寓言

韋 莊

爲儒逢世亂吾道欲何之學劍已應晚歸山今又遲
故人三載別明月兩鄉悲惆悵滄江上星星鬢有絲

寓言

魚玄機

紅桃處處春色碧柳家家月明樓上新粧待夜闌中
獨坐含情芙蓉月下魚戲蟬螭天邊雀聲人世悲歡
一夢如何得作雙成

寓言

李 洞

三千宮女露蛾眉笑煮黃金日日遲麟鳳隔雲攀不
及空山惆悵夕陽時

寓言

韋 莊

唐詩類苑

卷之百十九

三五

黃金日日銷還鑄仙桂年年折又生兔走鳥飛如未
息路塵終見泰山平

寓言

黃 滔

流年五十前朝朝倚少年流年五十後日日侵皓首
非通非介人誰論四十九賢哉遽伯玉清風獨不朽

寓言

杜 牧

暖風遲日柳初含顧影看身又自慙何事明朝獨惆
悵杏花時節在江南

寓意五首

白居易

謫居坐深山七年爾後知擬高二百尺本末皆十圍

天子建明堂此材獨中規匠人執斤墨採度將有期
盤冬草木枯烈火燎山波疾風吹猛焰從根燒到枝
養材三十年方成棟梁姿一朝爲灰燼柯葉無子遺
地雖生爾材天不與爾時不如糞土英猶有人擬之
已矣勿重陳重陳令人悲不悲焚燒苦但悲採用遲

二

赫赫京內史炎炎中書郎昨傳徵拜日恩賜頗殊常
貂冠水蒼玉紫綬黃金章佩服身未暖已聞賈還京
親戚不得別吞聲泣路旁賓客亦已散門前雀雖張
富貴來不久倏如瓦溝霜權勢去猶速瞥若石火光

唐詩類苑

卷之百十九

主

不如守貧賤貧賤可久長傳語宦遊子且來歸故鄉

三

促織不成章提壺但聞聲嗟哉蟲與鳥無實有虛名
與君定交日久要如弟兄何以示誠信白水指爲盟
雲雨一爲別飛沈兩難并君爲得風鵬我爲失水鯨
音信日已疎恩分日已輕窮通尚如此何況死與生
迺知擇交難須有知人明莫將山下松結托水上萍

四

翩翩兩玄鳥本是同巢燕分飛來幾時秋夏涼變
一宿蓬華廬一栖明光殿偶因銜泥處復得重相見

彼矜杏梁貴此嗟茅棟賤眼看秋社至兩處俱難戀
所託各暫時胡爲相嘆羨

五

婆娑園中樹根株大合圍蠹爾樹間蟲形質一何微
孰謂蟲至微蠹蠹無已期孰謂樹至大花葉有衰時
花衰夏未實葉病秋先萎樹心半爲土觀者安得知
借問蟲何在在身不在枝借問蟲何食食心不食皮
豈無啄木鳥臂長將何爲

寓意

李咸用

直道荆棘生斜徑紅塵起蒼蒼杳無言麒麟迴瑞趾

唐詩類苑

卷之百十九

主

東風如未來飛雪終不已不知姜子牙何處釣流水

寓興二首

賈島

莫居暗室中開目閉目同莫趨碧霄路容飛不容步
暗室未可居碧霄未可趨勸君跨僊鶴日下雲爲衢

二

真集道方至貌殊妬還多山泉入城池自然生渾波
今時出古言在衆翻爲訛有琴含正韻知音者如何
一生足感激世言忽差我不得市井味思響吾巖阿
浮華豈我事日月徒蹉跎曠哉潁陽風千載無其他

寓興二首

劉禹錫

常談卽至理安事非常情寄語何平叔無爲輕老生

二

世途多禮數鵬鷗各逍遙何事陶彭澤拋官爲折腰

寓興

林寬

西母一杯酒空言浩劫春英雄歸厚土日月照閑人

衰草珠璣塚冷灰龍鳳身茂陵驪岫晚過者暗傷神

寓題

杜牧

把酒直須判酩酊逢花莫惜暫淹留假如三萬六千

日半是悲哀半是愁

蜀中寓懷

李山甫

唐詩類苑

卷之二百十九

王九

千里煙霞錦水頭五丁開得也風流春裝寶重重

樹日照仙州萬萬樓蛙似公孫雖不守龍如諸葛亦

須休此中無限英雄鬼應對江山各自羞

寓懷

李山甫

萬古交馳一片塵思量名利孰如身長疑好事皆虛

事却恐閑人是貴人老逐少年終不放辱隨榮後直

須勾勸君不用誇頭角夢裏輸贏總未真

傷時

孟郊

常聞貧賤士之常咨爾富者莫相笑男兒得路卽榮

名邂逅失途成不調古人結交而重義今人結交而

重利勸人一種種桃李種亦直須遍天地一生不愛

囑人事囑卽直須爲生死我亦不羨季倫富我亦不

笑原憲貧有財有勢卽相識無財無勢同路人因知

世事皆一作只如此却向東溪卧白雲

時興

楊貴

貴人昔未貴咸願顧寒微及自登樞要何曾問布衣

平明登紫閣日宴下彤闈擾擾路傍子無勞歌是非

傷時

鄭雲叟

帆力劈開滄海浪馬蹄踏破亂山青浮名浮利過於

酒醉得人心死不醒

唐詩類苑

卷之二百十九

三十一

自傷

王建

衰門海內幾多人滿眼公卿總不親四授官資元七

品再經婚娶尚單身圖書亦爲頻移盡兄弟還因數

散貧獨自在家常似客黃昏哭向野田春

詠情一作感寓

孟郊

濁水心易一作已傾明波興初發思逢海底人乞取蚌

中月此興若未諧此心終不歇

書情

杜牧

誰家洛浦神十四五來人媚髮輕垂額香衫軟着身

橫遠紅袖濕窺綠翠蛾頻飛鵲徒來往平陽公主親

懊惱

孟郊

惡詩皆得官好詩空抱山抱山冷磽磽終日悲顏
好詩更相嫉劍戟生牙關前賢死已久猶在咀嚙間
以我殘杪身清峭養高閑求閑未得閑衆謂瞋虜

懊惱曲

溫庭筠

藕絲作線難勝針藥粉染黃那得深玉白蘭芳不相
顧青樓一笑輕千金莫言自古皆如此徒劍刺鍾鉛
繞指三秋庭綠盡迎霜唯有荷花守紅死廬一作江
小吏朱班輪柳縷吐芽香玉新兩股金釵已相許不
令獨作空成塵悠悠楚水流如馬恨紫愁紅滿平野
唐詩類苑 卷之二百十九 三十一
野土千年怨不平至今燒作鴛鴦瓦

唐詩類苑卷第一百二十

明雲間張之象玄超甫纂輯

雲間唐仲賢晉卿甫編次

雲間王徹叔朗甫補訂

梁谿曹仁孫伯安甫校正

人部

感遇

喻時

王建

去者如弊帷來者如新衣鮮華非久長色落還棄遺
詎知行者天豈悟壯者衰區區未死間迴面相是非
唐詩類苑 卷之百十
好聞苦不樂好視忽生疵乃明萬物情皆逐人心移
古今盡如此達士將何爲

勵志

劉駕

白髮豈有情貴賤同日生二輪不暫駐似趁長安程
前堂吹參差不作緱山聲後園植木槿月照無餘英
及時立功德身後猶光明仲尼亦爲土魯人焉敢耕

論政

邵謁

賢哉三握髮爲有天下憂孫弘不開閣丙吉寧問牛
內政由股肱外政由諸侯股肱政若行諸侯政自修
一物不得所蟻穴滿山丘莫言爲木死不因一葉秋

朱雲若不直漢帝終自由子嬰一失國渭水東悠悠

達理二首

白居易

何物壯不老何時窮不通如彼音與律宛轉旋爲宮
我命獨何薄多悴而少豐當壯已先衰暫泰還長窮
我無柰命何委順已得終命無柰我何方寸如虛空
曹然與化俱混然與俗同誰能坐此苦齟齬於其中

二

舒姑化爲泉牛哀病作虎或柳生肘間或男變爲女
鳥獸及草木本不與民伍胡然生變遷不得死歸土
百骸是已物尚不能爲主况彼時命間倚仗何足數

唐詩類苑

卷之百十

二

時來不可遏命去焉能取唯當養浩然吾聞達人語

達士

孟郊

四時如逝水百川皆東波青春去不還一作白髮鐸
更多達人識元氣一作變愁爲高歌傾顏取一醉富
者柰貧何君看土中宅富貴無偏頗

惜苦

孟郊

于鵠值諫議以毬不能官焦蒙值舍人以杯不得完
可惜大雅旨意此小園樂名迴不敢笑一作轉實是難
不惜爲君轉轉非君子觀轉之復轉之強轉誰能歡
哀哉虛轉言不可窮波瀾

夜憂

孟郊

豈獨科斗死所嗟文字捐蒿蔓轉驕弄菱荇滅嬋娟
未遂擺鱗志空思吹浪旋何當再霖雨洗濯生華鮮

齊物二首

白居易

青松高百丈綠蕙低數寸同生大塊間長短各有分
長者不可退短者不可進若用此理推窮通兩無悶

二

椿壽八千春槿花不經宿中間復何有冉冉孤生竹
竹身三年老竹色四時綠雖謝椿有餘猶勝槿一作

續幽憤

續幽憤 韓愈 李安連 罪賦此詩 韓愈 李安連 罪賦此詩

唐詩類苑

卷之百十

三

曹 鄴

繁霜作陰起朱火乘夕發清晝冷無光蘭膏坐銷歇
惟公執天憲身是臺中傑一逐楚大夫何人爲君雪
忽忽鬼方路不許辭雙闕過門似他鄉舉趾如遺轍
八月黃草生洪濤入雲熱危魂沒太行客吊空骨節
千年漳江水恨聲流不絕

和知非

白居易

因君知非問詮較天下事第一莫若禪第二無如醉
禪能泯人我醉可忘榮悴與君次第言爲我少留意
儒教重禮法道家養神氣重禮足滋彰養神多避忌

不如學禪定中有甚深味曠廓了如空澄凝勝於塵
屏除默然念銷盡悠悠思春無傷春心秋無感秋淚
坐成真諦樂如受空王賜既得脫塵勞兼應離慙愧
除禪其次醉此說非無謂一酌機即忘三杯性咸遂
逐臣去室婦降虜敗軍帥思苦膏火煎憂深尚鎖秘
須憑百杯沃莫惜千金費便似罩中魚脫飛生雨翅
勸君雖老大逢酒莫迴避不然即學禪兩途同一致

問友

白居易

種蘭不種艾蘭生艾亦生根荳相交長莖葉相附榮
香莖與臭葉日夜俱長大鋤艾恐傷蘭既蘭既茂艾
唐詩類苑 卷之百千 四

口號

賈島

中夜忽自起汲此百尺泉林木含白露星斗在青天

貽世

曹松

富者非義取朴風爭肯遺紅塵不待曉白首有誰閑
淺度四溟水平看諸國山只消年作劫俱到總無間

苦晝短

李賀

飛光飛光勸爾一杯酒吾不識青天高黃地厚唯見
月寒日暖來煎人壽食熊則肥食蛙則瘦神君何在
太乙安有天東有若木下置銜燭龍吾將斬龍足嚼

龍肉使之朝不得回夜不得伏自然老者不死少者
不哭何為餌一作黃金吞白玉誰是任公子雲中騎
碧驢劉徹茂陵多滯骨羸政梓棺費鮑魚

人欲

李商隱

人欲天從竟不疑莫言圓蓋便無私秦中已久烏頭
白却是君王未備知

一片

李商隱

一片瓊英價動天連城十二昔虛傳良工巧費真爲
累楮葉成來不直錢

天老

白居易

唐詩類苑

卷之百千

五

早世身如風裏燭暮年髮似鏡中絲誰人斷得人間
事少天堪傷老又悲

瞽者嘆

邵謁

我心豈不平我目自不明徒云備雙足天下何由行

問古

秦韜玉

大底榮枯各自行兼疑陰陽也難明無門雪向頭中
出得路雲從脚下生深作四溟何浩渺高爲五岳太

崢嶸都來總向人間着直到皇天可是平

獨坐三首

杜甫

悲秋同白首倚杖背孤城江欽洲渚出天虛風物清

滄溟服衰謝朱紱負平生仰美黃昏鳥投林羽翮輕

二

竟日兩冥冥雙崖洗更青水花寒落片山鳥暮過庭
煖老須燕玉克饑憶楚萍胡笳在樓上哀怨不堪聽

三

白狗斜臨北黃牛更在東峽雲常照夜紅日會兼風
曬藥安垂老應門試小童亦知行不逮苦恨耳多聾

三韻三篇

杜甫

高馬勿極面長魚無損鱗辱馬馬毛焦困魚魚有神
君看磊落士不肯易其身

唐詩類苑

卷之三

六

蕩蕩萬斛船影若揚白虹起檣必椎牛挂席集衆功

自非風動天莫置大水中

烈士惡多門小人自同調名利苟可取殺身傍權要
何當官曹清爾輩堪一笑

偶然二首

白居易

楚懷邪亂靈均直放棄合宜何惻惻漢文明聖賈生
賢謫向長沙堪嘆息人事多端何足怪天文至信猶

差惑月離于畢合霧縈有時不雨誰能測

火發城頭魚水裏救火竭池魚失水垂龍藏左牛領
中雷擊龍來牛枉死人道蒼神龜骨壁試卜魚牛那

至此六十四卦七十鑽畢竟不能知所以

偶題

曹鄴

白玉先生多在市青牛道士不居山但能共得丹田
語正是明時身亦閑

漫成五章

李商隱

沈宋裁辭矜變律玉楊落筆得良朋當時自謂宗師
妙今日唯觀對屬能

李杜操持事畧齊三才萬象共端倪集仙殿與金鑾

殿可是蒼蠅惑曙鷄

生兒古有孫征虜嫁女今無王右軍借問琴書終一

唐詩類苑

卷之三

七

世何如旗蓋仰三分

代北偏師銜使節關東裨將建行臺不妨常日饒輕

薄且喜臨戎用草萊

郭令素心非黷武韓公本意在和戎兩都耆舊偏垂

淚臨老中原見朔風

系樂府十二首

并序

元結

天寶辛未中元子將前世嘗可稱嘆者爲詩十二
篇爲引其義以明之總命曰系樂府古人歌詠不

盡其情聲者化金石以盡之其歡怨甚邪戲盡歡
怨之聲者可以上感於上下化於下故元子系之

思太古

東南三千里沅湘爲太湖湖上山谷深有人多似愚
嬰孩寄樹顛就水浦鷓鴣所歡同鳥獸身意復何拘
吾行遍九州此風皆已無吁嗟聖賢教不覺久踟蹰

隴上嘆

援車登隴坂窮高遂停駕延望我秋鄉巡迴復悲咤
滋移有情教草木猶可化聖賢禮讓風何不遍西夏
父子忍猜害君臣敢欺詐所適今若斯悠悠欲安舍

頌東夷

嘗聞古天子朝會張新樂金石無全聲宮商亂清濁
唐詩類苑 卷之百千 八

卷之百千

八

賤士吟

東驚且悲嘆節變何煩數始知中國人孰此忘純朴
爾爲方外客何爲獨能覺其音若或在蹈海吾將學
南風發天和和氣天下流能使萬物榮不能變羈愁
爲愁亦何爾自請說此由諛競實多路苟邪皆共求
常聞古君子指以爲深羞正方終莫可江海有滄洲

欸乃曲

誰能聽欸乃欸乃感人情不恨湘波深不怨湘水清
所嗟豈敢道空美江月明昔聞扣斷舟引釣歌此聲
始歌悲風起歌竟愁雲生遺曲今何在逸爲漁父行

貧婦詞

誰知苦貧夫家有愁怨妻請君聽其詞能不爲酸嘶
所憐抱中兒不如山下鷹空念庭前地化爲人吏蹊
出門望山澤回顧心復迷何時見府主長跪向之啼

去鄉悲

踟蹰古塞關悲歌爲誰長日行見孤老羸弱相提將
聞其呼怨聲聞聲問其方乃言無患苦豈棄父母鄉
非不見其心仁惠誠所望念之何可說獨立爲悽傷

壽翁興

借問多壽翁何方自修育惟愛順所然忘情學草木
唐詩類苑 卷之百千 九

卷之百千

九

農臣怨

始知世上術勞苦化金玉不見充所求空聞恣耽欲
清和存王母潛獲無亂黷誰正好長生此言堪佩服
農臣何所怨乃欲於人主不識天地心徒然怨風雨
將論草木患欲說昆蟲苦巡迴宮闕傍其意無由吐
一朝哭都市淚盡歸田畝謠頌共採之此言當可取

謝大龜

客來自江漢云是雙大龜且言龜甚靈問我君何疑
自昔保方正顧嘗無妄私順和固鄙分全守貞常規
行之恐不及此外將何爲惠恩如可謝占問敢終辭

古遺嘆

古昔有遺嘆所嘆何所爲有國遺賢臣萬世爲冤悲
所遺非遺望所遺非所遺所遺非遺用所遺在遺之
嗟嗟山海客全獨竟何辭心非膏濡類安得無不遺

下客謠

下客無黃金豈思主人憐客言勝黃金主人然不然
殊玉成彩翠綺羅如嬋娟終恐見斯好有時去君前
豈知保終信長使令德全風聲與時茂歌頌萬千年

孟門行

崔顥

黃雀銜黃花翩翩傍簷隙本擬報君恩如何反彈射

唐詩類苑

卷之百十

十

金壘美酒滿座春平原愛才多衆賓滿堂盡是忠義
士何意得有讒諛人諛言翻覆那可道能令君心不
自保北園新栽桃李枝根株未固何轉移成陰結實
君自取若問傍人那得知

放歌行

王昌齡

南渡洛陽津西望十二樓明堂坐天子月朔朝諸侯
清樂動千門皇風被九州慶雲從東來決滌抱日流
昇平貴論道文墨將何求有詔徵草澤徵誠獻謀猷
冠冕如星羅拜揖曹與周望塵非君事入賦且遲留
幸蒙國士識因脫負薪憂今日放歌行以慰梁甫愁

但營數斗祿奉養每豐羞若得金膏遂飛雲亦可求

最能行

杜甫

峽中丈夫絕輕死少在公門多在水富豪有錢駕大
舸貧窮取給行艤子少兒學問止論語大兒結束隨
商旅欵帆側拖入波濤檣旋梢潰無險阻朝發白帝
暮江陵頃來目擊信有徵瞿塘漫天虎鬚怒歸州長
年與最能此鄉之人氣量窄悞競南風疎北客若道
土無英俊才何得山有屈原宅

錦樹行

杜甫

今日苦短昨日休歲云暮矣增離憂霜凋碧樹作錦

唐詩類苑

卷之百十

十一

樹萬壑東逝無停留荒茂之城石色古東郭老人住
青丘飛書白帝營斗粟琴瑟几杖柴門幽青草萋萋
盡枯死天驥跛足隨羶牛自古聖賢多薄命奸雄惡
少封公侯故國三年一消息終南渭水寒悠悠五陵
豪貴反顛倒鄉里小兒狐白裘生男墮地要膂力生
女富貴傾邦國莫愁父母少黃金天下風塵兒亦得

嚴氏溪放歌

杜甫

天下兵甲未盡銷豈免溝壑常漂漂劍南歲月不可
度邊頭公卿仍獨驕貴心姑息是一役肥肉大酒徒
相要嗚呼古人已糞土獨覺志士甘漁樵况我飄轉

無定所終日慼慼忍羈旅秋宿霜溪素月高喜得與
子長夜語東遊西還力實倦從此將身更何許知子
松根長茯苓遲暮有意來同煮

鞠歌行

李白

王僧虔宴樂技錄相和歌平調七曲有鞠歌行太
白此詞始則傷士之遭讒廢棄中則美乎四賢之
遇合有時終則重嘆今人不能如古人之識士也
亦借此自況云耳

玉不自言如桃李魚目笑之下和耻楚國青蠅何太
多連城白璧遭讒毀荆山長號泣血人忠臣死爲別

唐詩類苑

卷之百十

十一

足鬼聽曲知甯戚夷吾因小妻秦穆五羊皮買死百
里奚洗拂青雲上當時賤如泥朝歌鼓刀叟虎變磻
溪中一舉釣六合遂荒營丘東平生渭水曲誰識此
老翁奈何今之人雙目送飛鴻

長歌行

李白

桃李待日開榮華照當年東風動百物草木盡欲言
枯枝無醜葉涸水吐清泉大力運天地義和無停鞭
功名不早著竹帛將何宣桃李務青春誰能貫白日
富貴與神仙蹉跎成兩失金石猶銷鑠風霜無久質
長落日月後強飲譟與酒秋霜不惜人倏忽侵蒲柳

長歌行

王昌齡

曠野饒悲風颼颼多蒿草繫馬倚白楊誰知我懷抱
所是同抱者相逢盡衰老况登漢家陵南望長安道
下有枯樹根上有鼯鼠窠高皇子孫盡千載無人過
寶玉頻發掘精靈其奈何人生須達命有酒且長歌

長歌行

劉復

淮南木落秋雲飛楚宮商歌今正悲青春白日不我
與當惜舉酒勸君持出門驅驅四方事徒用辛勤不
得意三山海底無見期百齡世間莫虛棄君不見金
城帝業漢家有東制諸侯欲長久奸雄竊命風塵昏
函谷重關不能守龍蛇出沒經兩朝胡虜平陵大道
銷河水東流宮闕盡五陵松柏自蕭蕭

短歌行

李白

白日何短短百年苦易滿蒼穹浩茫茫萬劫太極長
麻姑垂兩鬢一半已成霜天公見玉女大笑億年場
吾欲攬六龍迴車挂扶桑北斗酌美酒勸龍各一觴
富貴非所願與人駐顏光

短歌行

杜甫

王郎酒酣拔劍斫地歌莫哀我能拔爾抑塞磊落之
奇才豫樟翻風白日動鯨魚跋浪滄溟開且說劍佩

休徘徊西得諸侯棹錦水欲向何門吸珠履仲宣橫
頭春色深青眼高歌望吾子眼中之人吾老矣

梁甫吟

李白

長嘯梁甫吟何時見陽春君不見朝歌屠叟辭棘津
八十西來釣渭濱寧羞白髮照清水逢時吐氣思經
綸廣張三千六百釣夙期暗與文王親大賢虎豹思
不測當年頗似尋常人君不見高陽酒徒起草中長
揖山東降半公入門不拜聘雄辯兩女輒洗來趨風
東下齊城七十二指揮楚漢如旋蓬狂客落魄尚如
此何況壯士當羣雄我欲攀龍見明主雷公砰訇震

唐詩類苑

卷之百十

古

天鼓帝旁投壺多玉女三時大笑開雷光倏爍晦暝
起風雨閶闔九門不可通以額叩關闢者怒白日不
照吾精誠杞國無事憂天傾楔猱磨牙競人肉騶虞
不折生草莖手接飛猱搏彫虎側足焦原未言苦智
者可卷愚者豪世人見我輕鴻毛力排南山三壯士
齊相殺之費三桃吳楚弄兵無劇孟亞夫哈爾爲徒
勞梁甫吟聲正悲張公兩龍劍神物合有時風雲感
會起屠釣大人峴虬當安之

沐浴子

李白

沐芳莫彈冠浴蘭莫振衣處世忌太潔志人貴藏暉

滄浪有釣叟吾與爾同歸

出門行

元稹

兄弟同出門同行不同志悽悽分岐路各各營所爲
兄上荆山巔翻石辨虹氣弟沈滄海底偷珠待龍睡
出門不數年同歸亦同遂俱用私所珍升沈自茲異
獻珠龍王宮值龍覓珠次但喜復得珠不求珠所自
酬客雙龍女授客六龍轡遣充行雨神雨澤隨客意
雩夏鐘鼓繁榮秋玉帛積彩色畫廊廟奴僕僅被珠
驥驥千萬雙鴛鴦七十二言者未搖舌無人敢輕謔
其兄因獻璞再別不履地門戶親戚疎匡牀妻妾棄

唐詩類苑

卷之百十

五

銘心有所待視足無所媿持璞自枕頭淚痕雙血清
一朝龍醒寤本問偷珠事因知行雨偏妻子五刑備
仁兄捧屍哭勢友掉頭諱喪車黔首羣青蠅至
楚有望氣人王前忽長貴賀生得貴寶不遠王所泣
求之果如言剖出浮筠臍白珩無顏色垂棘有瑕累
在楚裂地封入趙連城貴秦遣李斯書書爲傳國瑞
秦亡漢魏傳傳者得神器卞和名永永與寶不相墜
勸爾出門行行難莫行行易得還易失難同亦難離
善買識貪廉良田無種穉磨劍莫磨錐磨錐成小利

出門

韓愈

長安百萬家出門無所之豈敢尚幽獨與世實參差
古人雖已死書上有其辭開卷讀且想千載若相期
出門各有道我道方未夷且於此中息天命不吾欺

出世行

皇甫湜

生當爲大丈夫斷羈羅出泥塗四散號呶擾傲無隅
埋之深淵飄然上浮騎龍披青雲汎覽遊八區經秦
山絕大海一長吁西摩月鏡東弄日珠上括天之門
直指帝所居羣仙來迎塞天衢鳳凰鸞鳥粲金與音
聲嘈嘈滿太虛肯飲食兮照庖厨食之不飫飫不
使人不陋復不愚旦旦狎玉皇夜夜御天姝當御者
幾人百千爲翻宛宛舒舒忽不自知支消體化膏露
明湛然無色茵席濡俄而散漫裴然虛無翕然復搏
搏久而蘇精神如太陽霍然照清都四支爲琅玕五
藏爲璠璣顏如芙蓉頂爲醕醑與天地相終始浩漫
爲歡娛下顧人間溷糞蠅蛆

公無出門

李賀

天迷迷地密密能虺食人魂雪霜斷人骨喉犬唁唁
相索索舐掌偏宜佩蘭客帝遣乘軒災自滅玉星點
劍黃金軛我雖跨馬不得還歷陽湖波大如山毒虺
相視振金環狡狴猥猥吐嚙涎鮑焦一世披草眠顏

回十九鬢毛斑顏回非血衰鮑焦不違天天畏遭銜
醫所以致之然分明猶懼公不信公看呵壁書問天

當來日大難行

元稹

當來日大難行前有坂後有坑大梁側小梁傾兩軸
相絞兩輪相撐大牛豎小牛橫烏啄牛背足趺力倥
當來日大難行太行雖險險可使平輪軸自撓牽制
不停泥潦漸久荆棘旋生行必不得不不如不行

人道短

元稹

古道天道長人道短我道天道短人道長天道晝夜
迴轉不曾住春秋冬夏忙顛風暴雨電雷狂晴被陰

唐詩類苑

卷之百十

七

暗月奪日光往往星宿日亦堂堂天旣職性命道德
人自強堯舜有聖德天下能遺壽命永昌泥金刻玉
與秦始皇周公傳說何不長宰相老聃仲尼何事栖
遑莽卓恭顯皆數十年富貴梁冀夫婦車馬煙煌若
此顛倒事豈非天道短豈非人道長堯舜留得神聖
事百代天子有典章仲尼留得孝順語千年萬歲父
子不敢相滅亡沒後千餘載唐家天子封作文宣王
君君留得五千字子孫萬萬聖唐謚作玄元帝聖祖
坐天堂周公周禮二十卷有能行者知紀綱
命三四紙有能師者稱祖宗天能天人命人

窮若此神聖事誰道人道短豈非人道長天能種百
草猶得十年有氣息舜纔一日芳人能揀得丁沈蘭
蕙料理百和香天解養禽獸饒虎豹豺狼人解和麴
藥充祀丞嘗杜鵑無百作天遣百鳥哺鵲不遣哺
鳳皇巨蟒壽千歲天遣食牛吞象充腹腸蛟螭與變
化鬼怪與隱藏蛟蚺與利觜枳棘與鋒鋦賴得人道
有揀別信任天道真茫茫若此撩亂事豈非天道短
賴得人道長

和董庶中古散調詞贈尹果毅

劉禹錫

唐詩類苑

卷之百二十

十一

昔聽東武吟壯年心已悲如何心濩落聞君辛苦辭
言有窮巷事弱齡頗尚奇讀得玄女符生當事邊時
借名遊俠窟結客幽并兒往來長秋間能帶雙隼馳
崩騰天寶末塵暗燕幽垂燿火入咸陽詔徵神武師
是時占軍幕揮羽揚金鬣萬夫列轅門觀射中戟支
誓言雪國讐親愛從此辭中宵倚長劍起視出尤旗
介馬晨蕭蕭陣雲竟天涯陰風列白草旗常光參差
勇氣貫中腸視身忽如遺生擒白馬將虜騎不敢追
貴臣上戰功名姓隨意移終歲肌骨苦他人即疊疊
謁者既清宮諸侯各罷戲上將賜甲第門戟不可窺

背血下沾衿天高問無期却尋故鄉路孤影空相隨
行逢里中舊僕宿昔可嗤一言合侯王腰佩黃金龜
問我何自苦可憐真數奇遲回顧徒御得色懸雙眉
翻然悟世途撫已昧所宜田園已蕪沒流浪江海湄
驚禽毛翮摧不見高翔姿衰容蔽逸氣子子無人知
寂寞草玄徒長吟下書帷聞君發哀韻榮若搖林枝
有客識其真潺湲涕交頤飲爾一杯酒陶然足自怡

堯歌一作舜歌前篇賞鄭氏莊客去婦後篇題遠

孟郊

唐詩類苑

卷之百二十

九

爾室何不安爾孝無與齊一言應對姑一度爲出妻
往轍才晚鍾還轍及晨鷄往還跡徒新狼戾竟獨迷
娥女無禮數污家如糞泥父母吞聲瘦禽鳥亦爲啼
如何天與惡不得和鳴棲
山免挽心肝將歸盡日看村有藍釐子野坐白髮官
一作駕弄方短短花明碎攢攢瑤瑤堆可掬琴瑟饒
多歡翠韻仙窈窕嵐漪出無端養館洞庭秋響答虛
吹彈

悲哉行

白居易

悲哉爲儒者力學不如疲讀書眼欲暗兼筆手生胝
十上方一第成名常苦遲縱有患達者兩鬢已成絲

可憐少壯日適在窮賤時丈夫老且病焉用富貴為
沈沈朱門宅中有乳臭兒狀貌如婦人光明膏梁肌
手不把書卷身不擐戎衣二十襲封爵門承勳戚資
春來日日出服御何輕肥朝從博徒飲暮有娼樓期
平封還酒債堆金選蛾眉聲色狗馬外其餘一無知
山苗與澗松地勢隨高卑古來無奈何非君獨傷悲

悲歌三首

顧况

邊城路今人犁田昔人墓岸上沙昔時江水今人家
今人昔人共長嘆四氣相催節迴換明月皎皎入華
池白雲離離渡青漢我欲昇天天隔霄我欲渡水水

唐詩類苑

卷之百十

十

無橋我欲上山山路險我欲吸井井泉遙越人翠被
今何夕獨立沙邊江草碧紫燕西飛欲寄書白雲何
處蓬萊客

新繫青絲百尺繩心在君家轆轤上我心皎潔君不
知轆轤一轉一惆悵何處春風吹曉幕江南淥水通
朱閣美人二八顏如花泣向春風聽春鳥別時多見
時少愁人一夜不得眠瑤井玉繩相對曉

軒轅黃帝初得仙鼎湖一去三千年周流三十六洞
天洞中日月星辰照騎龍倒景遊入極軒轅弓劍無
人識東海青童寄消息

傷歌行

張籍

黃門詔下促收捕京兆尹繫御史府出門無復部曲
隨親戚相逢不容語辭成謫慰南海州受命不得須
更留身著青衫騎惡馬中門之外無送者郵夫防吏
急喧嘩往往驚墮馬蹄下長安里中荒大宅門已
除十二戟高堂舞榭鎖管絃美人遙望西宮天

君莫非

元稹

鳥不解走獸不解飛兩不相解那得相識犬不飲露
蟬不啖肥以蟬易犬蟬死犬饑燕在梁棟鼠在堦基
各自窠窟人不能移婦好針縷夫讀書詩男翁女嫁

唐詩類苑

卷之百十

十

嘆昨日三首

盧仝

昨日之日不可追今日之日須臾期如此如此復如
此壯心死盡生鬢絲秋風落葉客腸斷不辦斗酒開
愁眉賢名聖行甚辛苦周公孔公徒自欺又云骨行名揚徒爾為

天下薄夫苦耽酒玉川先生也耽酒薄夫有錢恣張
樂先生無錢養恬漠有錢無錢俱可憐百年暇過如
流川平生心事消散盡天上白日悠悠懸
上帝板板主何物日車切切西向沒自古賢聖無奈何

何道行不得皆白骨白骨土化鬼入泉生人莫負平生年何時出得禁酒國滿甕釀酒曝背眠

齷齪

韓愈

齷齪當世士所憂在饑寒但見賤者悲不聞貴者嘆
音大賢事業異遠抱非俗觀報國心皎潔念時涕汎
瀾妖姬坐左右柔指發哀彈酒散雖日陳感激寧爲
歡秋陰欺白日泥潦不少乾河堤決東郡老弱隨驚
湍天意固有屬誰能詰其端願辱太守薦得充諫諍
官排雲叫閭闔披腹呈琅玕致君豈無術自進誠獨
難

唐詩類苑

卷之百十

三

忽忽

韓愈

忽忽乎余未知生之爲樂也願脫去而無因安得長
翮大翼如雲生我身乘風振奮出六合絕浮塵死生
哀樂兩相棄是非得失付閑人

且可憐行

劉駕

園中花自早不信外無花良人未朝去先出登香車
五輪滿城聞嘔啞侍兒衣各別頭上金雀多
祗是一家人路人疑千家過後香消陌直到春日斜
今朝且可憐莫問久如何

剥啄行

韓愈

剥剥啄啄有客至門我不出應客去而嘆從者語我
子明爲然我不厭客困於語言欲不出納以堙其源
空堂幽幽有枯有堯門以兩板叢書於間宵宵深塹
其墉甚完彼寧可隱此不可干從者語我嗟子誠難
子雖云爾其口益蕃我爲子謀有萬其全片今之人
急名與官子不引去與爲波瀾雖不開口雖不開關
變化咀嚼有鬼有神今去不勇其如後艱我謝再拜
汝無復云往追不及來不有年

清調吟

白居易

索索風戒寒沈沈日藏耀勸君飲濁醪聽我吟清調

唐詩類苑

卷之百十

三

芳節變窮陰朝光成夕照與君生此世不合長年少
今晨從此過明日安能料若不結跏禪卽須開口笑

君子行

李咸用

君子慎所履小人多所疑尼甫至聖賢猶爲斥所縻

補漁謠

曹鄴

天子好征戰百姓不種桑天子好年少無人薦馮唐
天子好美女夫婦不成雙

白頭吟

邵謁

漢家天宇濶日月不暫閑常將古今骨裨作北却山
山高勢已極猶自凋朱顏

徒相逢

曹鄴

江邊野花不須採
梁頭野燕不用親
西施本是越溪女
承恩不薦越溪人

新豐主人

錢起

明代少知己
夜光頻暗投
迨終薄命動
息盡窮愁
自欲歸飛鷁
當爲不繫舟
雙垂素絲淚
幾弊皂貂裘
暮鳥栖幽樹
孤雲出舊丘
蚤悲衣褐夕
雨暗轉蓬秋
客裏馮諼劍
歌中甯戚牛
主人能縱酒
一醉且忘憂

三嘆

元稹

孤劍鋒刃澀
猶能神彩生
有時雷雨過
暗吼闐闐聲

唐詩類苑

卷之百十

五

主人悶靈寶
畏作升天行
淬礪當陽鐵
刻爲干鏑名
遠求鵬鵠瑩
同用玉匣盛
顏色縱相類
利鈍頗相傾
雄爲光電燄
雌但深泓澄
龍怒有奇變
青蛇終不驚

二

仙鳳翠皇死
葳蕤光彩低
非無鴛鴦侶
誓不同樹棲
飛馳歲云暮
感念雛在泥
顧影不自暖
寄爾蟠桃雞
馴養豈無媿
類族安得齊
願言成羽翼
奮翅凌丹梯

三

天驥失龍偶
三年常夜嘶
哀緣噴風斷
渴且含霜蹄
長恐絕遺類
不復躡雲霓
非無駟駟者
鶴意不在鷄

春來筋骨瘦
弔影心亦迷
自此渥注種
應生濁水泥

補沈恭子詩

井序

陸龜蒙

按清遠道士詩題中有沈恭子同遊
旣爲神怪之儔
得非姓氏謚爲恭子乎
若一作趙宣子韓獻子之類
耶恭子美謚也而詩中有風流詞翰之稱
豈獨唱而不和者與
疑闕其文以爲恭子之恨
乃作一章存於編中亦補亡之義也

靈質貫軒昊
遐年越商周
自然失遠裔
安得怨寡儔
我亦小國胤
易名慙見優
雖非放曠懷
雅奉道遙遊
攜手桂枝下
屬詞山之幽
風雨一以過
林麓颯然秋

唐詩類苑

卷之百十

五

落日倚石壁
天寒登古丘
荒泉已無久
敗葉翳不流
亂翠缺月隱
衰紅清露愁
覽物性未逸
反爲情所囚
異才偶總境
佳藻窮冥搜
虛傾寂寞音
敢作雜珮酬

韓愈

一日復一日
一朝復一朝
祗見有不如
不見有所超
食作前日味
事作前日調
不知久不死
憫憫尚誰要
富貴自繫狗
貧賤亦煎焦
俯仰未得所
一世已解鑣
譬如籠中鶴
六翮無所搖
譬如兔得蹄
何用東西跳
還看古人書
復舉前人瓢
未知所究竟
且作新詩謠

項以家事獲謫因出舊山每荷觀察崔公見

知欲歸未遂感其流寓詩以贈之

初迷武陵路復出孟嘗門迴首江南岸青山與舊恩

盤駕避狄歲別韓雲卿 錢起

白髮壯心死愁看國步移關山慘無色親愛忽驚離
影絕龍分劍聲哀鳥戀枝茫茫雲海外相憶不相知

嘆元九 白居易

不入城門來五載同時班列盡官高何人牢落猶依
舊唯有江陵元士曹

唐詩類苑

卷之百二十

三六

唐詩類苑卷第一百二十一

明雲間張之象玄超甫纂輯

雲間李中立士強甫編次

雲間王 徹叔朗甫補訂

梁谿曹仁孫伯安甫校正

人部

古風

古風五十九首

李白

大雅久不作吾衰竟誰陳王風委蔓草戰國多荆榛
龍虎相啖食兵戈逮狂秦正聲何微茫哀怨起騷人

唐詩類苑 卷之百二十一

一

揚馬激頽波開流蕩無垠廢興雖萬變憲章亦具存
自從建安來綺麗不足珍聖代復元古垂衣貴清真
羣材屬休明乘運共躡鱗文質相炳煥衆星羅秋旻
我志在刪述垂輝映千春希聖如有立絕筆於獲麟

二

蟾蜍薄太清蝕此瑤臺月圓光虧中天金魄遂淪沒
蟬蛩入紫微大明夷朝暉浮雲隔兩曜萬象昏陰霏
蕭蕭長門宮昔是今已非桂蠹花不實天霜下嚴威
沈歎終永夕感我涕沾衣

三

秦皇掃六合虎視何雄哉揮劍決浮雲諸侯盡西來
明斷自天啓大畧駕群材收兵鏘金人函谷正東開
銘功會稽嶺騁望琅瑯臺刑徒七十萬起土驪山隈
尚採不死藥茫然使心哀連弩射海魚長鯨正崔嵬
額鼻象五嶽揚波噴雲雷鬣蔽青天何由覩蓬萊
徐氏載秦女樓船幾時回但見三泉下金棺塋寒灰

四

鳳飛九千仞五章備彩珍銜書且喜歸空入周與秦
橫絕歷四海所居未得隣吾營紫河車千載落風塵
藥物秘海嶽採鉛青溪濱時登太樓山舉首望仙真
唐詩類苑 卷之三百二十一
羽駕滅去影輾車絕回輪尚恐丹液遲志願不及申
徒霜鏡中髮羞彼鶴上人桃李何處開此花非我春
唯應清都境長與韓衆親

五

太白何蒼蒼星辰上森列去天三百里邈爾與世絕
中有綠髮翁披雲臥松雪不笑亦不語冥栖在巖穴
我來逢真人長跪問寶訣粲然啓玉齒授以煉藥說
銘骨傳其語竦身已電滅仰望不可及蒼然五情熱
吾將營丹砂永與世人別

六

仙鶴不思越越禽不戀燕情性有所習土風固其然
昔別鴈門關今戍龍庭前驚沙亂海日飛雪迷胡天
蟻蝨生虎鵠心魂逐旌旆苦戰功不賞忠誠難可宣
誰憐李飛將白首沒三邊

七

客有鶴上仙飛飛凌太清揚言碧雲裏自道安期名
兩兩白玉童雙吹紫鸞笙去影忽不見回風送天聲
舉首遠望之飄然若流星願餐金光草壽與天齊傾

八

咸陽二三月宮柳黃金枝綠幘誰家子寶珠輕薄兒
唐詩類苑 卷之三百二十一
日暮醉酒歸白馬驕且馳意氣人所仰冶遊方及時
子雲不曉事晚獻長楊辭賦達身已老草玄鬢若絲
投閑良可歎但爲此輩嗤

九

莊周夢蝴蝶蝴蝶爲莊周一體更變易萬事良悠悠
乃知蓬萊水復作清淺流青門種瓜人舊日東陵侯
富貴故如此營營何所求

十

齊有侗儻生魯連特高妙明月出海底一朝開光曜
却秦振英聲後世仰末照意輕千金贈顧向平原笑

吾亦澹蕩人拂衣可同調

十一

黃河走東溟白日落西海逝川與流光飄忽不相待
春容捨我去秋髮已衰改人生非寒松年貌豈長在
吾當乘雲螭吸景駐光彩

十二

松柏本孤直難爲桃李顏昭昭嚴子陵垂釣滄波間
身將客星隱心與浮雲閒長揖萬乘君還歸富春山
清風灑六合邈然不可攀使我長嘆息冥棲巖石間

十三

唐詩類苑 卷之百二十一 四
君平既棄世世亦棄君平觀變窮太易探元化群生
寂寞綴道論空簾閉幽情騶虞不虛來鸞鷟有時鳴
安知天漢上白日懸高名海客去已久誰人測沈冥

十四

胡關饒風沙蕭索竟終古木落秋草黃登高望戎虜
荒城空大漠邊邑無遺堵白骨橫千霜嵯峨敵襟莽
借問誰凌虐天驕毒威武赫怒我聖皇勞師事聾鼓
陽和變殺氣發卒騷中土三十六萬人哀哀淚如雨
且悲就行役安得營農圃不見征戍兒豈知關山苦
李牧今不在邊人飼豺虎

十五

燕昭延郭隗遂築黃金臺劇辛方趙至鄒衍復齊來
柰何青雲士棄我如塵埃珠玉買歌笑糟糠養賢才
方知黃鶴舉千里獨徘徊

十六

寶劍雙蛟龍雪花照芙蓉精光射天地雷騰不可衝
一去別金匣飛沈失相從風湖滅已久所以潛其鋒
吳水深萬丈楚山邈千重雌雄終不隔神物會當逢

十七

金華牧羊兒乃是紫烟客我願從之遊未去髮已白
唐詩類苑 卷之百二十一 五
不知繁華子擾擾何所迫崑山採瓊葉可以鍊精魄

十八

天津三月時千門桃與李朝爲斷腸花暮逐東流水
前水復後水古今相續流新人非舊人年年橋上遊
鷄鳴海色動謁帝羅公侯月落西上陽餘暉半
衣冠照雲日朝下散皇州鞍馬如飛龍黃金絡馬頭
行人皆辟易志氣橫高丘入門上高堂列鼎錯珍羞
香風引趙舞清管隨齊謳七十紫鴛鴦雙雙戲庭幽
行樂爭晝夜自言度千秋功成身不退自古多愆尤
黃犬空歎息綠珠成纈響何如鴟夷子散髮掉扁舟

十九

西嶽蓮花山迢迢見明星素手把芙蓉虛步躡太清
霓裳曳廣帶飄拂昇天行邀我登雲臺高揖衛叔卿
恍恍與之去駕鴻凌紫冥俯視洛陽川茫茫走胡兵
流血塗野草豺狼盡冠纓

二十

此詩世本作一首按宋本作三首自泣與親友別一首在世復幾時一首

昔我遊齊都登華不注峯茲山何峻秀綠翠如芙蓉
蕭颯古仙人了知是赤松借予一白鹿自挾兩青龍
含笑凌倒景欣然願相從泣與親友別欲語再三咽
勗君青松心努力保霜雪世路多險難白日欺紅顏
唐詩類苑卷之二百五十一
分首各千里去去何時還在世復幾時倏如飄風度
空聞紫金經白首愁相誤撫已忽自笑沈吟爲誰故
多利徒煎熬安得聞余步終留赤玉鳥東上蓬山路
秦帝如我求蒼蒼但烟霧

二十一

郢客吟白雪遺響飛青天徒勞歌此曲舉世誰爲傳
試爲巴人唱和者乃數千吞聲何足道歎息空悽然

二十二

秦水別隴首幽咽多悲聲胡馬顧朔雪蹤蹠長嘶鳴
感物動我心緬然含歸情昔視秋蛾飛今見春蠶生

嫋嫋桑柘葉萋萋柳垂榮急節謝流水羈心搖懸旌
揮淚且復去惻愴何時平

二十三

秋露白如玉團團下庭綠我行忽見之寒草悲歲促
人生鳥過目胡乃自結束景公一何愚牛山淚相續
物苦不知足得隴又望蜀人心若波瀾世路有屈曲
三萬六千日夜夜當秉燭

二十四

大車揚飛塵亭午暗阡陌中貴多黃金連雲開甲宅
路逢鬪鷄者冠蓋何輝赫鼻息干虹蜺行人皆怵惕

唐詩類苑卷之二百五十一

世無洗耳翁誰知堯與跖

世無洗耳翁誰知堯與跖

二十五

世道日交喪澆風散淳源不采芳桂枝反栖惡木根
所以桃李樹吐花竟不言大運有興沒群動爭飛奔
歸來廣成子去入無窮門

二十六

碧荷生幽泉朝日艷且鮮秋花冒綠水密葉羅青烟
秀色空絕世馨香誰爲傳坐看飛霜滿凋此紅芳年
結根未得所願託華池邊

二十七

結根未得所願託華池邊

燕趙有秀色綺樓青雲端
目艷皎月一笑傾城歡
常恐碧草晚坐泣秋風
寒纖手怨玉琴清晨起
長歎焉得偶君子共乘雙飛鸞

二十八

容顏若飛電時景如飄風
草綠霜已白日西月復東
華鬢不耐秋颯然成衰蓬
古來賢聖人一一誰成功
君子變猿鶴小人爲沙蟲
不及廣成子乘雲駕輕鴻

二十九

三季分戰國七雄成亂麻
王風何怨怒世道終紛拏
至人洞元象高舉凌紫霞
仲尼欲浮海吾祖之流沙

唐詩類苑

卷之百五

八

聖賢共淪沒臨岐胡咄嗟

三十

玄風變太古道喪無時還
擾擾季葉人鷄鳴趨四關
但識金馬門誰知蓬萊山
白首死羅綺笑譌無時閑
綠酒晒丹液青娥凋素顏
大儒揮金椎琢之詩禮間
蒼蒼三珠樹冥目焉能攀

三十一

鄭客西入關行行未能已
白馬華山君相逢平原里
壁遺鎬池君明年祖龍死
秦人相謂曰吾屬可去矣
一往桃花源千春隔流水

三十二

舉收肅金氣西陸茲海月
秋蟬號階軒感物憂不歇
良辰竟何許大運有淪忽
天寒悲風生夜久衆星沒
惻惻不忍言哀歌逮明發

三十三

北溟有巨魚身長數千里
仰噴三山雪橫吞百川水
憑陵隨海運烜赫因風起
吾觀摩天飛九萬方未已

三十四

羽檄如流星虎符合專城
喧呼救邊急群鳥皆夜鳴
白日曜紫微三公運權衡
天地皆得一澹然四海清

唐詩類苑

卷之百五

九

借問此何爲答言楚徵兵
渡瀘及五月將赴雲南征
怯卒非戰士炎方難遠行
長號別嚴親日月慘光晶
泣盡繼以血心摧兩無聲
困獸當猛虎窮魚餌奔鯨
手去不一百投軀豈全生
如何舞干戚一使有苗平

三十五

醜女來效顰還家驚四隣
壽陵失本步笑殺邯鄲人
十曲斐然子雕蟲喪天真
棘刺造沐猴三年費精神
功成無所用楚楚且華身
大雅思文王頌聲久崩淪
安得郢中質一揮成斧斤

三十六

抱玉入楚國見疑古所聞良寶終見棄徒勞三獻詩
直木忌先伐芳蘭哀自焚盈滿天所損沈冥道爲群
東海汎碧水西關乘紫雲魯連及桂史可以躡清芬

三十七

燕臣昔慟哭五月飛秋霜庶女號蒼天震風擊齊堂
精誠有所感造化爲悲傷而我竟何辜遠身金殿傍
浮雲蔽紫闥白日難回光群沙穢明珠衆草凌孤芳
古來共歎息流淚空沾裳

三十八

孤蘭生幽園衆草共蕪沒雖照陽春輝復悲高秋月
唐詩類苑 卷之百二十一
飛霜早浙瀝綠艷恐休歇若無清風吹香氣爲誰發

三十九

登高望四海天地何漫漫霜被群物秋風飄大荒寒
榮華東流水萬事皆波瀾白日掩徂暉浮雲無定端
梧桐巢燕雀枳棘棲鴛鴦且復歸去來劒歌行路難

四十

鳳饑不啄粟所食唯琅玕焉能與羣鷄刺鬣爭一餐
朝鳴崑丘樹夕飲砥柱湍歸飛海路遠獨宿天霜寒
幸遇王子晉結交青雲端懷恩未得報感別空長嘆

四十一

朝弄紫沂海夕披丹霞裳揮手折若木拂此西日光
雲卧遊八極玉顏已千霜飄飄入無倪稽首祈上皇
呼我遊太素玉杯賜瓊漿一餐歷萬歲何用還故鄉
永隨長風去天外恣飄揚

四十二

搖裔雙白鷗鳴飛滄江流宜與海人狎豈伊雲鶴儔
寄形宿沙月公芳戲春洲吾亦洗心者忘機從爾遊

四十三

周穆八荒意漢皇萬乘尊淫樂心不極雄豪安足論
西海宴王母北宮邀上元瑤水聞遺歌玉杯竟空言
唐詩類苑 卷之百二十一
靈跡成蔓草徒悲千載魂

四十四

綠蘿紛葳蕤縹緲繞松柏枝草木有所託歲寒尚不移
奈何天桃色坐歎葑菲詩玉顏艷紅彩雲髮非素絲
君子恩已畢賤妾將何爲

四十五

八荒馳驚飆萬物盡凋落浮雲蔽顏陽洪波振大壑
龍鳳脫網罟飄飄將安託去去乘白駒空山詠場藿

四十六

一百四十年國容何赫然隱隱五鳳樓峨峨橫三山

王侯象星月賓客如雲烟
關鷄金宮裏蹴踘瑤臺邊
舉動搖白日指揮回青天
當塗何翕忽失路長棄拍
獨有楊執戟閉關草太玄

四十七

桃花開東園含笑誇白日
偶蒙春風榮生此艷陽
質豈無佳入色但恐花不實
宛轉龍火飛零落早相失
詎知南山松獨立自蕭颯

四十八

秦皇按寶劍赫怒振威神
逐日巡海右驅石架滄津
微卒空九萬作橋傷萬人
但求蓬島藥豈思農畝秦
唐詩類苑 卷之百三十一

四十九

美人出南國灼灼芙蓉姿
皓齒終不發芳心空自持
由來紫宮女共妬青蛾眉
歸去瀟湘沚沈吟何足悲

五十

宋國梧臺東野人得燕石
誇作天下珍却哂趙氏璧
趙璧無綈磷燕石非貞真
流俗多錯誤豈知玉與珉

五十一

殷后亂天紀楚懷亦已昏
夷羊滿中野蕞施盈高門
比干諫而死屈平竄湘源
虎口何婉孌女嬃空嬋娟

彭咸久淪沒此意與誰論

五十二

青春流驚湍朱明驟回薄
不忍看秋蓬飄揚竟何託
光風滅蘭蕙白露灑萑薹
美人不我期草木日零落

五十三

戰國何紛紛兵戈亂浮雲
趙倚兩虎鬬晉爲六卿分
奸臣欲竊位樹黨自相群
果然田成子一旦殺齊君

五十四

倚劍登高臺悠悠送春日
蒼榛蔽層丘瓊草隱深谷
鳳鳥鳴西海欲集無珍木
鸞斯得所居蒿下盈萬族
唐詩類苑 卷之百三十一

五十五

齊瑟彈東吟秦絃弄西音
慷慨動顏魄使人成荒淫
彼美佞邪子婉孌來相尋
一笑雙白璧再歌千黃金
珍色不貴道詎惜飛光沈
安識紫霞客瑤臺鳴素琴

五十六

越客採明珠提携出南隅
清輝照海月美價傾皇都
獻君君按劍懷寶空長吁
魚目復相哂寸心增煩紆

五十七

羽族稟萬化小大各有依
周周亦何辜六翮掩不揮

願銜衆鳥翼一向黃河飛飛者莫我顧歎息將安歸

五十八

我到巫山渚尋古登陽臺天空綵雲滅地遠清風來
神女知已久襄王安在哉荒淫竟淪替樵牧徒悲哀

五十九

惻惻泣路岐哀哀素絲路岐有南北素絲易變移
谷風刺輕薄交道方嶮巇斗酒強然諾寸心終自疑
張陳竟火滅蕭朱亦星離衆鳥集榮柯窮魚守枯池
嗟嗟失歡客勤問何所規

古風

韓愈

唐詩類苑

卷之三百王

古

今日易不樂幸時不用兵無日既覺矣乃尚可坐
彼州之賦去汝不顧此州之役去我奚適一邑之水
可走而違天下湯湯易其而歸好我衣服甘我飲
食無念百年聊樂一日

古興

常建

漢上逢老翁江口爲僵屍白髮沾黃泥遺骸集鳥鷗
機巧自此忘精魄今何之風吹釣竿折魚躍安能施
白水明汀洲菰蒲冒深陂唯爾扁舟影繫在長江湄
突兀枯松枝悠揚女蘿絲託身難憑依生死焉相知
獨觀今時人舉世皆爾爲將軍死重圍漢卒猶爭馳

百馬同一銜萬輪同一規名與身孰親君子宜固思

古興

薛據

日中望雙闕軒蓋揚飛塵鳴珂初罷朝自言皆近臣
光華滿道路意氣安可親歸來宴高堂廣筵羅八珍
僕妾盡統絃歌舞夜達晨四時固相代誰能久要津
已看覆前車未見易後輪丈夫須兼濟豈能樂一身
君今皆得志肯顧憔悴人

古興二首

沈微

蔓草自細微女蘿始天天黃緣至百尺榮耀非一朝
惠色高碧嶺流芳薄丹霄如何摧秀木正爲餘波漂

唐詩類苑

卷之三百王

五

二
莖葉落巖跡英蕤從風颯洪柯不足恃况乃記陵若

長安富豪右信是天下樞戚里笙歌發禁門冠蓋趨
攀雲無醜士唾地盡明珠日宴下雙闕煙花亂九衢
恩榮在片言零落亦須臾何意還自及曲池今已蕪

楚夕旅泊古興

岑參

獨鶴淚江月孤帆凌楚雲秋風冷蕭瑟蘆荻花紛紜
忽思湘川老欲訪雲中君麒麟息悲鳴愁見豺虎羣

古興

呂溫

越歎百鍊時楚下三泣地二寶無人識千齡皆棄置

空巖起白虹古獄生紫氣安得命世容直來開與秘
劍任剗鍾看玉從投火試必能絕疑惑然後論奇異

古興

李嘉祐

十五小家女雙鬟人不如蛾眉暫一見可直千金餘
自從得向蓬萊裏出入金輿乘玉趾梧桐樹上春鴉
鳴曉伴君王猶未起莫道君恩長不休婕妤團扇苦
悲秋君看魏帝鄴都裏唯有銅臺漳水流

古興

權德輿

月中有桂樹無翼難上天海底有驪珠下隔萬丈淵
人生在限雖百歲就中三十稱一世晦明鳥兔相推
遷雪霜漸到雙鬢邊沈憂感戚多浩歎不得如意居
太半一氣暫聚常恐散黃河清兮白石爛

效古興

施肩吾

金雀無舊釵細綺無舊裙唯有一寸心長貯萬里
南軒夜蟲織已促北牖飛蛾遶殘燭抵言衆口鑠千
金誰信獨愁銷片玉不知歲晚歸不歸又將啼眼縫
征衣

古意六首

王績

幽人在何所紫巖有仙躅月下橫寶琴此外將安欲
材抽嶧山幹微點崑丘玉滌抱蛟龍唇絲纏鳳凰足

前彈廣陵罷後以明光續百金買一聲千金傳一曲
世無鍾子期誰知心所屬

二

竹生大夏溪蒼蒼富奇質綠葉吟風勁翠莖犯霄密
霜霰封其柯鴛鴦食其實寧知軒輅後更有伶倫出
刀斧俄見尋根株坐相失裁爲十二管吹作雄雌律
有用雖自傷無心復招疾不如山上草離離保終吉

三

寶龜尺二寸田來宅深水浮遊五湖內宛轉三江裏
何不深復深輕然至溱洧溱洧源流狹春秋不濡軌
唐詩類苑 卷之三百五 七

漁人遞往還網罟相縈繭一朝失運會剗腸血流死
豐骨輪廟堂鮮腴籍籩簋棄置誰怨尤自我招此否
餘靈寄明卜復來欽所履

四

松生北巖下由來人徑絕布葉捎雲烟插根擁巖穴
自言生得地獨負凌雲潔何時畏斤斧幾度經霜雪
風驚西北枝電噴東南節不知歲月久稍覺枝幹折
藤蘿上下碎枝幹縱橫裂行當糜爛盡坐共灰塵滅
寧關匠石顧豈爲王孫折盛衰自有時聖賢未嘗屑
寄言悠悠者無爲嗟大耋

五

桂樹何蒼蒼秋來花更芳自言寒歲性不知露與霜
幽人重其德徙植臨前堂連拳八九樹偃蹇二三行
枝枝自相糾葉葉還相當去來雙鴻鵠棲息兩鴛鴦
榮蔭誠不厚斤斧亦勿傷赤心許君時此意那可忘

六

彩鳳欲將歸提羅出郊訪羅張大澤已鳳入重雲颺
朝棲崑閬木夕飲蓬壺漲問鳳那遠飛賢君坐相望
鳳言荷深德微禽安足尚但使雛卵全無令繒繳放
皇臣力牧舉帝樂蕭韶暢自有來巢時明年阿閣上

唐詩類苑

卷之百王

九

古意

邢象玉

家中新酒熟園裏木初榮停杯欲取醉悵然思友生
忽聞有奇客何姓復何名嗜酒陶彭澤能琴阮步兵
何須問寒暑徑共坐山亭舉袂祛袿啼鳥揚巾掃落英
心神無俗累歌詠有新聲新聲是何曲滄浪之水清

古意三首

常建

二妃方訪舜萬里南方懸遠道隔江漢孤舟無歲年
不知蒼梧處氣盡呼青天愁淚變楚竹蛾眉喪湘川
後人立爲廟累世稱其賢過客設祠祭狐狸來坐邊
懷古未忍還猿吟徹空山

明月照高閣綵女寒羅幕歌舞臨碧雲蕭聲沸珠箔
青鸞臨南海天上雙白鶴萬里齊翼飛意求君門樂
玉霄九重閑金鎖夜不開兩翅一作翮自無力愁鳴雲
外來態深入空責世屈無良媒俛仰顧中禁東飛白
玉臺

楚王竟何去獨自留巫山偏使世人見迨迨江漢間
駐舟春溪裏皆願拜靈顏寤寐見神女金紗鳴珮環
開艷絕世姿令人氣力微含笑竟不語化作朝雲飛

古意

常建

牧馬古道傍道傍多古墓蕭條愁殺人蟬鳴白楊樹

唐詩類苑

卷之百王

九

古意

祖詠

夫差日淫放舉國求妃嬪自謂得王寵代間無美人
碧羅象天閣坐輦乘芳春宮女數千騎常遊江水濱
年深玉顏老時薄花粧新拭淚下金殿嬌多不顧身
生前妬歌舞死後同灰塵塚墓令人哀哀於銅雀臺

古意二首

賀蘭進明

秦庭初指鹿羣盜滿山東許意皆誅死所言誰肯忠
武關猶未啓兵入望夷宮爲非淫水人君道自窮

二

叢蘭生澗底香氣滿幽林采采欲爲贈何人是同心
日暮徒盈把徘徊憂思深慨然紉雜佩重奏丘中琴

古意

吳少微

洛陽芳草向春開洛陽女兒平旦來流車走馬紛相
催折芳搖草向曲臺曲臺自有千萬行重花累葉間
垂楊北林朝日錦明光南國微風蘇合香可憐窈窕
女不作邯鄲娼妙舞輕回拂長袖高歌浩唱發清商
歌終舞罷歡無極樂往悲來長嘆息陽春白日不少
留紅花碧樹無顏色碧樹風花先春度珠簾粉澤無
人顧如何年少忽遲暮坐見明月與白露明月白露
唐詩類苑卷之三百五
夜已寒香衣錦帶空珊珊今日陽春一妙曲鳳凰樓
上與君彈

薛記室收過莊見尋率題古意以贈

王績

伊昔逢遺一作喪亂歷數適一作當餘豺狼塞衢路桑
梓成丘墟吾余一作及爾皆亡東西各異居爾爲背一作
風鳥我爲涸轍魚逮承雲雷後欣逢天地初東川
州一作聊下釣南畝試揮鋤資稅幸不及伏臘常有儲
散誕時須酒蕭條懶向書朽木不可雕短翮將焉據
故人有深契過我蓬蒿廬曳裾一作履出門迎握手登

前除相看非舊顏一作顏色非對接一作形骸疎迫道
宿昔事切切心相於憶我年少時携手遊東渠梅
李夾兩岸花枝何扶疎同志亦不多西莊有姚徐嘗
愛陶淵明酌醴焚枯魚嘗學公孫弘策杖牧羣猪追
念甫如昨奄忽成空虛人生詎能幾歲歲一作常不
舒賴有北山僧教我以真如使我視聽遺自覺塵累
祛何事須筌蹄今已得免魚舊遊倘多暇同此釋紛
拏

古意贈孫翌

崔湜

南望縵氏山一作山居共澗陰東西十數里緬邈方
唐詩類苑卷之三百五
寸心雲日落廣庭一作鶯花坐對一作孤琴琴中多苦
調悽切誰復尋

古意

權德輿

家人強進酒酒復能忘情持杯未飲時衆感紛已盈
明月照我傍庭柯振秋聲空階白露下枕席涼風生
所思萬里餘水闊山縱橫佳期憑夢想未晚愁鷄鳴
願得一心人當年懼樂并長筵映玉俎素指彈秦箏
矇眊呈巧笑惠音激凄清此願良未果永懷空如醒
古意
賈島
錄錄復錄錄百年雙轉轂志士終夜心良馬白日足

俱爲不等閑誰是知音目眼中兩行淚曾吊三獻玉

古意

白居易

脉脉復脉脉美人千里隔不見來幾時瑞草三四碧
玉琴聲悄悄鸞鏡塵幕幕昔爲連理枝今作分飛翮
寄書多不達加食終無益心腸不自寬衣帶何由窄

古意

溫庭筠

莫莫復莫莫絲蘿綠澗壑散木無斧斤纖莖得依託
枝底浴鳥歇根靜懸泉落不慮見春遲空傷致身錯

古意二首

孫 郈

屈子生楚國七雄知其材介潔世不容跡合藏蒿萊
道廢固命也瓢飲亦賢哉何事堊江南空使後人哀

唐詩類苑

卷之百三

三

二

魏禮段干木秦王乃止戈小國有其人大國奈之何
賢哲信爲美兵甲豈云多君子戰必勝斯言聞孟軻

古意

戴叔倫

悠悠南山雲濯濯東流水念我平生歡托居在東里
失既不足憂得亦不爲喜安貧固其然處賤寧獨耻
雲開虛我心水清澹吾味雲水俱無心斯可長伉儷

古意六首

僧貫休

一雨火雲盡閉門心冥冥蘭花與芙蓉滿院同芳馨

佳人天一涯好鳥鳴嚶嚶我有雙白壁不美於瑱瑤
我有徑寸珠別是天地精玩之室生白蕭灑身安輕
只應天上人見我雙眼明

二

陽鳥爍萬物草木懷春恩茫茫塵土飛培擁名利根
我本事衰苙幼知天子尊學爲毛氏詩亦多直致言
不慕蠕蠕類附勢同崩奔惟尋桃李蹊去去長者門

三

美人如游龍被服金鴛鴦手把古刀尺在彼白玉堂
文章深掣曳珂珮鳴玕璫好風吹桃花片片落銀牀
何當舉羽翰遠逐朱鳥翔

四

乾坤有清氣散入詩人脾聖賢遺清風不在惡木枝
千人萬人中一人兩人知憶在東溪日花開葉落時
幾擬以黃金鑄作鍾子期

五

古交如真金百鍊色不回今交如暴流倏忽生塵埃
我恐君子氣散爲松柏栽我恐荆棘花只爲小人開
傷心復傷心吟上高高臺

六

莫輕白雲白不與風雨會莫見守羊兒謂是初平輩
人生非日月光輝豈長在一榮與一辱今古長相對
不見于公門子孫好冠蓋

擬古

崔融

飲馬臨濁河濁河深不測河水日東注河源迺西極
思君正如此誰爲生羽翼日夕大川陰雲霞千里色
所思在何處宛在機中識離夢當有魂愁容定無力
夙齡負奇志中夜三嘆息拔劍斬長榆彎弓射小棘
班張固非擬衛霍行可卽寄謝閨中人努力加餐食

擬古三首

徐彥伯

唐詩類苑

卷之三百三

古

遙裔煙嶼鴻雙影旦夕同交翰倚沙月和鳴弄江風
漉若茂芳序君子從遠戎雲生陰海沒花落春潭空
紅淚掩促柱錦衾羅薰籠自傷瓊草綠詎惜鉛粉紅
裂帛附雙燕爲余向遼東

讀書三十載馳驚周六經儒衣千時主忠策獻闕庭
一朝奉休盼從容厠群英速身趨建章秉筆坐承明
厭暑相填噓索吏紛縱橫五日休澣時眉蘇繞玉屏
橘花覆北沼桂樹交西榮樹棲兩鴛鴦含春向我鳴
皎潔綺羅艷便娟絲管清擾擾天地間出處各有情
何必巖石下枯槁閑此生

顏光無淹晷逝水有迅流綠苔紛易歇紅顏不再求
歌笑當及春無令壯志秋茲年仕關輔移門豁御溝
敷愉東城際婉變南陌頭荷花嬌綠水楊葉暖青樓
中有綺羅人可憐名莫愁畫屏繞金膝珠簾懸玉鈎
纖指調寶瑟冷冷哀且柔贈君鴛鴦帶因以鸕鶿裘
憶曉吟日坐閨夕秉燭遊無作北門客咄咄懷百憂

擬古十二首

李白

青天何歷歷明星白如石黃姑與織女相去不盈尺
銀河無鵲橋非時將安適閨人理紈素遊子悲行役
瓶水知冬寒霜露欺遠客客似秋葉飛飄飄不言歸

唐詩類苑

卷之三百三

古

別後羅帶長愁寬去時衣乘月託宵夢因之寄金微

二

高樓入青天下有白玉堂明月看欲墮當空懸清光
遙夜一美人羅衣沾秋霜含情弄柔瑟彈作陌上桑
絃聲何激烈烈風卷繞飛梁行人皆躑躅樓鳥去回翔
但爲妾意苦莫辭此曲傷願逢同心者飛作紫鴛鴦

三

長繩難繫日自古共悲辛黃金高北斗不惜買陽春
石火無留光還如世中人卽事已如夢後來我誰身
提壺莫辭貧取酒會四隣仙人殊恍惚未若醉中真

四

清都綠玉樹灼爍瑤臺春攀花弄秀色遠贈天仙人
香風送紫藥直到扶桑津取掇世上豔所貴心之珍
相思傳一笑聊欲示情親

五

今日風日好明日恐不如春風笑於人何乃愁自居
吹簫舞彩鳳酌醴餽神魚千金買一醉取樂不求餘
達士遺天地東門有二疏愚夫同瓦石有才知卷舒
無事坐悲苦塊然涸轍魚

六

唐詩類苑 卷之百十一 三六
運速天地閉胡風結飛霜百草死冬月六龍頽西荒
太白出東方彗星揚精光鴛鴦非越鳥何爲眷南翔
惟昔鷹將大今爲侯與王得水成蛟龍爭池奪鳳凰
北斗不酌酒南箕空簸揚

七

世路今太行迴車竟何託萬族皆凋枯遂無少可樂
曠野多白骨幽魂共銷鑠榮貴當及時春華宜照灼
人非崑山玉安得長璀璨身沒豈不朽榮名在虧罔

八

月色不可掃客愁不可道玉露生秋衣流螢飛百草

日月終銷毀天地同枯槁噫嗚呼青松安見此樹老
金丹寧誤俗昧者難精討爾非千歲翁多根去世早
飲酒入玉壺藏身以爲寶

九

生者爲過客死者爲歸人天地一逆旅同悲萬古塵
月兔空搗藥扶桑已成薪白骨寂無言青松豈知春
前後更歎息浮榮何足珍

十

仙入騎彩鳳昨下閭風岑海水三清淺桃源一見尋
遺我綠玉杯兼之紫瓊琴杯以傾美酒琴以閑素心
唐詩類苑 卷之百十一 三七
物非世有何論珠與金琴彈松裏風杯勸天上月
風月長相知世人何倏忽

十一

涉江弄秋水愛此荷花鮮攀花弄其珠蕩漾不成圓
佳期彩雲重欲贈隔遠天相思無由見悵望涼風前

十二

去去復去去辭君還憶君漢水旣殊流楚山亦此分
人生難稱意豈得長爲群越燕喜海日燕鴻思朔雲
別久容華晚琅玕不能飯日落知天昏夢長覺道遠
望夫登高山化石竟不返

擬古

薛奇童

沙塵朝蔽日失道還相遇寒影波上雲秋聲月前樹
川氣生曉夕野陰乍烟霧沈沈淅淅池水人馬不敢度
吮癰世所薄挾纊恩難顧不見古時人中宵淚橫注

擬古三首

顧况

龍劍昔藏影送雄留其雌人生阻歡會神物亦別離
碧樹感秋落佳人無還期夜琴爲君咽浮雲爲君滋
愛而傷不見星漢徒參差

幽居吟天造胡息運行機春葩妍既榮秋葉瘁以飛
沿沿川之逝日沒月光輝所貴法乾健于道悟入微
唐詩類苑 卷之二百五十一 天

任彼聲勢徒得志方誇毗

浮生果何慕老去羨介推陶令何足錄彭澤歸已遲
空負漉酒巾乞食形諸詩吾惟抱貞素悠悠白雲期

擬古詩十二首

韋應物

辭君遠行邁飲此長恨端已謂道里遠如何中險艱
流水赴大壑孤雲還暮山無情尚有歸行子何獨難
驅車背鄉園朔風一作卷行迹嚴冬霜斷肌日入不
遑息憂歡一作客一作髮變寒暑人事易中心君詎

知冰玉徒貞白

二

黃鳥何開關幽蘭亦靡靡此時深閨婦日照紗一作
牕裏娟娟雙青蛾微微啓玉齒自惜桃李年誤身遊
俠子無事久離別不知今生死

三

我我高山巔浼浼青川流世人不自悟馳謝如驚塵
百金非所重厚意良難得旨酒親與朋芳年樂京國
京城繁華地軒蓋凌晨出垂楊十二衢隱映金張室
漢宮南北對飛觀齊白日游泳屬芳時一云遊冶平
生自云畢

四

綺樓何氛氲朝日正杲杲四壁含清風丹霞射其牖
玉顏上哀囁絕耳非世有但感離恨情不知誰家婦
孤雲忽無色邊馬爲回首曲絕碧天高餘聲散秋草
徘徊帷中意獨夜不堪守思逐朔風翔一去千里道
五

六

嘉樹靄初綠靡靡無吐幽芳君子不在賞寄之雲路長
路長信難越惜此芳時歇孤鳥去不還絨情向天末
月滿秋夜長驚鳥號北林天河橫未落斗柄竄西南
寒蛩悲洞房好鳥無遺音商飈一夕至獨宿懷重衾

舊交目千里隔我浮與沈人生豈草木寒暑移此心

七

清星非所酌月桂不為食虛薄空有名為君長歎息
蘭蕙雖可懷芳香與時息豈如凌霜葉歲暮露顏色
折柔將有贈延意千里客草木知賤微所貴寒不易

八

神州高爽地遐瞰靡不通寒月野無綠寥寥天宇空
陰陽不停馭貞脆各有終汾沮何鄙儉考槃何退窮
反志解牽跼無為尚勞躬美人奪南國一笑開芙蓉
清鏡理容一作髮簾簾出深重豔曲呈皓齒舞羅不

唐詩類苑

卷之百五

三

堪風慊慊情有待贈芳為我容可嗟青樓月流影君
帷中

九

春至林木變洞房夕含清單居誰能裁好鳥對我鳴
良人久燕趙新愛移平生別時雙鴛綺留此千恨情
碧草生舊迹綠琴歇芳聲思願一作將魂夢歡反側寢
不成攬衣迷所次起望空前庭一作覽不迷處孤影
中自惻不知雙涕零

十

秋天無留景萬物藏光輝落葉隨風起一作愁人獨

何依華一作明月屢圓缺君還浩無期如何雨紀天一

雨絕

一去音問一作違

十一

有客天一方寄我孤桐琴迢迢萬里隔託此傳幽音
冰霜中自結龍鳳相與吟絃以明直道一作絃以漆
以固一作形交深

十二

白日淇上沒空閨生遠愁寸心不可限淇水長悠悠
芳樹自妍芳一作自文結又春禽自相求徘徊東西
廂孤妾誰與儔年華逐絲淚一落俱不收

唐詩類苑

卷之百五

三

擬古風

于漬

洛陽大道傍甲第何深邃南畝無一廛東園有餘地
春溪化桃李秋沼生荷芰草木本無情此時如有為
早苗當壅死流水資嘉致余心甘至愚不會皇天意

擬古意

于漬

白玉若無玷花顏須及時國色久在室良媒亦生疑
鴉鬟未成髻鸞鏡徒相知翻慙効顰者却笑從人遲

効古二首

李白

朝入天苑中謁帝蓬萊宮青山映輦道碧樹遙烟空
診題金闥籍得與銀臺通待詔奉明主拍毫頌清風

歸時落日晚蹀躞浮雲曉人馬本無意飛馳自豪雄
入門紫鴛鴦金井雙梧桐清歌絃古曲美酒沽新豐
快意且爲樂列筵坐群公光景不可留生世如轉蓬
早達勝晚遇羞比垂釣翁

効古二首

儲光義

晨登涼風臺暮走邯鄲道曜靈何赫烈四野無青草
大軍北集燕天子西居錦婦人役州縣丁男事征討

唐詩類苑

卷之百王

三

老幼相別離哭泣無昏早稼穡歸歿絕川澤復枯槁
曠哉遠此憂冥冥商山皓

東風吹大河河水如倒流河洲塵沙起有若黃雲浮
積霞燒廣澤洪曜赫高丘野老泣相語無地可蔭休
翰林有客卿獨負蒼生憂中夜起躑躅思欲獻厥謀
君門峻且深跼足空夷猶

効古

僧淡交

榮辱又榮辱一時翻與覆人生百歲中孰肯死前足
玄鬢忽如絲青叢不再綠自古爭名徒黃金是誰祿

効古

僧皎然

日出天地正煌煌開晨曦六龍驅羣動古今無盡時
奉父亦何愚競走先自疲飲乾咸池水折盡長桑枝
渴死化燭火嗟嗟徒爾爲空留鄧林在摧折令人癡

効古

劉駕

効何水部二首

韋應物

二

唐詩類苑

卷之百王

三

夕漏起遙恨鴻音亂秋陰反覆相思字中有故人心

効陶彭澤

韋應物

霜露悴百草時菊獨妍華物性有如此寒暑其奈何
綴英泛濁醪日入會田家盡醉茅簷下一生豈在多

効陶

劉駕

兩曜無停馭蓬壺應有基何況卬山色只近市井路
大恢生死網飛走無逃處白髮忽已新紅顏豈如故
我有杯中物可以消萬慮醉袖日婆娑誰能記朝暮
如求神仙藥階下亦種黍但使長兀然始見天地祖

効陶潛體詩十六首

并序

白居易

余退居渭上杜門不出時屬多雨無以自娛會家
醞新熟雨中獨飲往往酣醉終日不醒懶放之心
彌覺自得故得於此而有以忘於彼者因詠陶淵
明詩適興意會遂倣其體成十六篇醉中狂言醒
輒自哂然知我者亦無隱焉

不動者厚地不息者高天無窮者日月長在者山川
松柏與龜鶴其壽皆千年嗟嗟群物中而人獨不然
早出向朝市暮已歸下泉形質及壽命危脆若浮烟
堯舜與周公古來稱聖賢借問今何在一去亦不還
我無不死藥萬萬隨化遷所未定知者脩短遲速間

唐詩類苑

卷之百三

五

幸及身健日當歌一樽前何必待人勸念此自爲歡

二

翳翳踰月陰沈沈連日雨開簾望天色黃雲暗如土
行潦毀我墉疾風壞我宇蓬莠生庭院泥塗失場圃
村深絕賓客牕晦無僮侶盡日不下牀跳蠹時入戶
出門無所往入室還獨處不以酒自娛塊然與誰語

三

朝飲一杯酒冥心合元化兀然無所思日高尚閑臥
暮讀一卷書會意如嘉話欣然有所遇夜深猶獨坐
又得琴上趣安絃有餘暇復多詩中狂下筆不能罷

唯茲三四事特用度晝夜所以陰雨中經旬不出舍
始悟獨住人心安時亦過

四

東家采桑婦雨來苦愁悲簇蠶北堂前雨冷不成絲
西家荷鋤叟雨來亦怨咨種豆南山下雨多落爲其
而我獨何幸醞酒本無期及此多雨日正遇新熟時
開瓶瀉樽中玉液黃金脂持觥已可悅歡嘗有餘滋
一酌發好客再酌開愁眉連進四五酌酣暢入四肢
忽然遺我物誰復分是非是時連夕雨酩酊無所知
人心苦顛倒反爲憂者嗤

唐詩類苑

卷之百三

五

五

朝亦獨醉歌暮亦獨醉睡未盡一壺酒已成三獨醉
勿嫌飲太少且喜歡易致一杯復兩杯多不過三四
便得心中適盡忘身外事更復強一杯陶然遺萬累
一飲一石者徒以多爲貴及其酩酊時與我亦無異
笑謝多飲者酒錢徒自費

六

天秋無片雲地靜無纖塵國國新晴月林外生白輪
憶昨陰霖天連連三四旬頓逢家醞熟不覺過朝昏
聚言雨霽後可以醺醺及對新月色不醉亦愁人

牀頭殘酒盞欲盡味彌淳携置南簷下舉酌自殷勤
清光入杯杓白露生衣巾乃知陰與晴安可無此君
我有樂府詩成來人未聞今宵醉有興狂詠驚四隣
獨賞猶復爾何况有交親

七

中秋三五夜明月在前軒臨觴忽不飲憶我平生歡
我有同心人邈邈崔與錢我有忘形友迢迢李與元
或飛青雲上或落江湖間與我不相見於今四五年
我無縮地術君非馭風仙安得明月下四人來晤言
良夜信難得佳期杳無緣明月又不駐漸下西南天
書詩題地 卷之百五 三

八

家醞飲已盡村中無酒沽坐愁今夜醒其奈秋懷何
有客忽叩門言語一何佳云是南村叟挈榼來相過
且喜樽不燥安問少與多重陽雖已過籬菊有殘花
歡來苦晝短不覺夕陽斜老人勿遽起且待新月華
客去有餘趣竟夕獨酣歌

九

原生衣百結顏子食一簞歡然樂其志有以忘饑寒
今我何人哉德不及先賢衣食幸相屬胡爲不自安

况茲清渭曲居處安且閑榆柳百餘樹茅茨十數間
寒負簷下日熱濯澗底泉日出猶未起日入已復眠
西風滿村巷清涼八月天但有鷄犬聲不聞車馬喧
時傾一樽酒坐望東南山稚姪初學步牽衣戲我前
卽此自可樂庶幾顏與原

十

湛湛樽中酒有功不自伐不伐人不知我今代其說
良將臨大敵前驅千萬卒一簞投河飲赴死心如一
壯士磨七首勇氣咆嘯一酣忘報讐四體如無骨
東海殺孝婦天旱踰年月一酌酹其魂通宵雨不歇
書詩題地 卷之百五 三
咸陽秦獄氣冤痛結爲物千歲不肯散一沃亦銷失
况茲兒女恨反被幽憂疾快飲無不消如霜得春日
方知麴蘖靈萬物無與定

十一

烟雲隔玄圃風波限瀛洲我豈不欲往大海路阻修
神仙但聞說靈藥不可求長生無得者舉世如蜉蝣
逝者不重迴存者難久留踟躕未死間何苦懷百憂
念此忽內熱坐看成白頭舉杯還獨飲顧影自獻酬
心與口相約未醉勿言休今朝不盡醉知有明朝否
不見郭門外繫繫墳與丘明月愁殺人黃蒿風颭颭

死者若有知悔不秉燭遊

十二

吾聞潯陽郡昔有陶徵君愛酒不愛名憂醒不憂貧
嘗爲彭澤令在官纔八旬愀然忽不樂掛印著公門
口吟歸去來頭戴漉酒巾人吏留不得直入故山雲
歸來五柳下還以酒養真人間榮與利擺落如泥塵
先生去已久紙墨有遺文篇篇勸我飲此外無所云
我從老大來竊慕其爲人其他不可及且慟醉昏昏

十三

楚王疑忠臣江南放屈平晉朝輕高士林下棄劉伶
唐詩類苑 卷之三百三十一 三六
一人常獨醉一人常獨醒醒者多苦志醉者多歡情
歡情信獨善苦志竟何成元傲甕間臥憔悴澤畔行
彼愛而此樂道理甚分明願君且飲酒勿思身後名

十四

有一燕趙士言貌甚奇瓌日日酒家去脫衣典數杯
問君何落魄云僕生草萊地寒命且薄徒抱王佐才
豈無濟時策君門乏良媒三獻寢不報遲遲空手迴
亦有同門生先升青雲梯貴賤交道絕朱門叩不開
及歸種禾黍三歲早爲苗入山燒黃白一旦化爲灰
蹉跎五十餘生世苦不諧處處去不得却歸酒中來

十五

南巷有貴人高蓋駟馬車我問何所苦四十垂白髮
答云君不知位重多憂虞北里有寒士囊橐繩爲捫
出扶桑藜杖入臥蝸牛廬散賤無憂患心安體亦舒
東隣有富翁藏貨偏五都東京收粟帛西市鬻金珠
朝營暮計算晝夜不安居西舍有貧者匹婦配匹夫
布裙行賃春短褐坐傭書以此求口食一飽欣有餘
貴賤與貧富高下雖有殊憂樂與利害彼此不相踰
是以達人觀造化同一途但未知生死勝負兩何如
遲疑未知間且以酒爲娛

唐詩類苑

卷之三百三十一

三六

十六

濟水澄而潔河水渾而黃交流列四瀆清濁不相傷
太公戰牧野伯夷餓首陽同時號賢聖進退不相妨
謂天不愛民胡爲生稻粱謂天果愛民胡爲生豺狼
謂神福善人孔聖竟恹恹謂神禍淫人暴秦終霸王
顏回與黃憲何辜早夭亡蝮蛇與鳩鳥何得壽延長
物理不可測神道亦難量舉頭仰問天天色但蒼蒼
唯當多種黍日醉手中觴

學院公體三首

劉禹錫

貞志氣信道不從時只言繩自直安知室可欺

百勝何慮敵三折乃良醫人生不失意焉能暴已知

二

朔風悲老驥秋霜動驚禽出門有遠道平野多層陰
城沒馳絕塞振迅拂華林不因感衰節安能激壯心

三

昔賢多使氣憂國不謀身目覽千載事心交上古人
侯門有仁義靈臺多苦辛不學腰如磬徒使甌生塵

述古三首

杜甫

赤驥頽長纓非無萬里姿悲鳴淚至地爲問馭者誰
鳳凰從天來何意復高飛竹花不結實念子忍朝饑

唐詩類苑

卷之二百五

四十一

古時君臣合可以物理推賢人識定分進退固其宜

二

市人日中集於利競錐刀置膏烈火上哀哀自煎熬
農人望歲稔相率除蓬蒿所務穀爲本邪贏無乃勞
舜舉十六相身尊道何高秦時任商鞅法令如牛毛

三

漢光得天下祚永固有開豈惟高祖聖功自蕭曹來
經綸中興業何代無良才吾慕寇鄧勳濟時信良哉
耿賈亦宗臣羽翼共徘徊休運終四百圖畫在雲臺

感古四首

盧仝

天生聖明君必資忠賢臣舜禹竭股肱共佐壽爲君

四載成地理七政齊天文階下棠蔭生琴上南風薰

輪轉裏殷周時復猶一人秦漢事讒巧魏晉忘機鈞

猜忌相剪滅爾來迷恩親以愚保其身不覺身沈淪

以智理其國遂爲國之賊苟圖容一身萬事良可惻

可憐萬乘君聰明受沈惑忠良伏草莽無因施羽翼

日月異又蝕天地晦如墨既亢而後求異哉龍之德

二

人生何所貴所貴有終始昨日盈尺璧今朝盡瑕車
蒼蠅點垂棘巧舌成錦綺箕子爲之奴比干諫而死

唐詩類苑

卷之二百五

四十一

仲尼魯司寇出走爲群婢假如屈原醒其奈一國醉

一國醉號呶一人行清高便欲激頽波此事直徒勞

上山逢猛虎入海逢巨鼈王者苟不死腰下魚鱗刀

東海波連天三度成桑田高岸高於屋斯須變溪谷

天地猶尚然人情難久全夜半白刃警旦來金石堅

蕭綬旣解垢陳印亦棄拍竭節遇刀割輸忠遭禍纏

不予金之眠信予金之穿鏡明不自照膏潤徒自煎

抱劍長太息淚墮秋風前

三

古來不患寡所患患不均單醪投長河三軍盡沈淪

今人異古人結託唯親賓毀圻維鵲巢不行鴈鳩仁
鄙悵不識分有心占陽春鸞鶴日已疎燕雀日已親
小物無大志安測栖松筠恩眷多棄故物情尚逐新
瓦礫暫拂拭光掩連城珍唇吻恣談鑠黃金同灰塵
蘇秦北遊趙張祿西入秦既變嫂叔節仍擯華陽君
萬世金石交一餉如浮雲骨肉且不顧何況長羈貧

四

君莫以富貴輕忽他年少聽我暫話會稽朱太守正
受凍餓時索得人家貴傲婦讀書史未潤身負薪
辛苦賦生肘謂言琴與瑟糟糠結長久不分殺人羽

唐詩類苑 卷之百二十一

望下

翻成臨臨中天婦嫌

其奈一朝

太守振羽儀鄉關書行衣錦衣哀哉舊婦何眉目新
壻隨行向天哭寸心金石徒爾爲杯水庭沙空自覆
乃知愚婦人妬忌陰毒心唯救眼底事不思日月深
等閑取羞死豈如甘布衾

古歌行

高適

君不見漢家三葉從代至高皇舊臣多富貴天子垂
衣方晏如廟堂拱手無餘議蒼生偃臥休征戰露臺
白金以爲費田舍老翁不出門洛陽少年莫論事

古詞二首 其一

劉禹錫

軒后初冠冕前旒爲蔽明安知從復道然後見人情

二

薄領乃俗土清談信古風吾觀蘇令綽朱墨一何工

古詞

曹鄴

高關礙飛鳥人言是君家經年不歸去愛妾面上花
妾面雖有花妾心非女蘿郎妻自不重於妾欲如何

續古詩十首

白居易

戚戚復戚戚送君遠行役行役非中原海外黃沙磧
伶俜獨居妾迢遞長征客君望功名歸妾憂生死隔
誰家無丈夫何人不離拆所恨薄命身嫁遲別日迫

唐詩類苑

卷之百二十一

望下

妾身有存沒妾心無改易生作閨中婦死作山頭石

二

掩淚別鄉里飄飄將遠行茫茫綠野中春盡孤客情
驅馬上丘壠高低路不平風吹棠梨花啼鳥時一聲
古墓何代人不知姓與名化作路傍土年年春草生
感彼忽自悟今我何營營

三

朝采山上薇暮采山上薇歲晏薇亦盡饑來何所爲
坐飲白石水手把青松枝擊節獨長詞其聲清且悲
羸馬非不肥所苦長繫維豢豕非不飽所憂竟爲犧

行行詞此曲以慰常苦饑

四

雨露長纖草山苗高入雲風雷新動木潤松摧爲新
風摧此何意雨長彼何因百丈瀾底死寸莖山上春
可憐苦節士感此涕盈巾

五

窈窕雙鬟女容德俱如玉書居不踰閤夜行常秉燭
氣如含露蘭心如貫霜竹宜當備嬪御胡爲守幽獨
無媒不得選年忽過三六歲暮望漢宮誰在黃金屋
抑鄴進娼女能唱黃花曲一曲稱君心思榮連九族

唐詩類苑

卷之百三

四

六

棲棲遠方士讀書三十年業成無知己徙步來入關
長安多王侯英俊競攀援幸隨衆賓末得廁門館間
東閣有旨酒中堂有管絃何爲向隅客對此不開顏
富貴無是非主人終日歡貧賤多悔尤客子中夜歎
歸去復歸去故鄉貧亦安

七

涼風飄嘉樹日夜減芳華下有感秋婦攀條苦悲嗟
我本幽閑女結髮事豪家豪家多婢僕門內頗驕奢
良人近封侯出入鳴玉珂自從富貴來恩薄譏言多

冢婦獨守禮羣妾互奇素但信言有玷不察心無瑕

容光未銷歇歡愛忽蹉跎何意掌上玉化爲眼中砂

盈盈一尺水浩浩千丈河勿言小大異隨分有風波

閨房猶復爾邦國當如何

八

心亦無所迫身亦無所拘何爲腸中氣鬱鬱不得舒
不舒良有以同心久離苦五年不見面三年不得書
念此令人老抱膝坐長吁豈無盈樽酒非君誰與娛

九

攬衣出門行遊觀遠林渠澹澹春水暖東風生綠蒲

唐詩類苑

卷之百三

四

上有和鳴鴈下有掉尾魚飛沈一何樂鱗羽各有徒
而我方獨處不與之子俱顧彼自傷已禽魚之不如
出遊欲遣憂孰知憂有餘

十

春旦日初出瞳瞳耀晨輝草木照未遠浮雲已蔽之
天地黯似晦當午如昏時雖有東南風力微不能吹
中國何所有滿地青青葵陽光委雲上傾心欲何依

古悠悠行

李賀

白景歸西山碧華上迢迢今古何處盡千歲隨風飄
海沙變成石魚沫吹秦橋空光遠流浪銅柱從年消

世迷

蘇拯

烏兔日夜行與人運枯榮爲善不常缺爲惡不常盈
天道無阿黨人心自覆傾所以多遷變寧合天地情
我願造化手莫放狐兔走恣海產珍奇縱地生花柳
美者一齊美醜者一齊醜民心歸大朴戰爭亦何有

君子行

僧貫休

聖人不生麟龍何瑞梧桐不高鳳凰何止吾聞古之
有君子行藏以時進退求已榮必爲賤下榮耻必爲
天下耻苟進不如此退不如此亦何必用虛偽之文
章取榮名而自美

唐詩類苑

卷之百五

四六

君子法天運

韓愈

君子法天運四時可前知小人惟所遇寒暑不可期
利害有常勢取捨無定姿焉能使我心皎皎遠憂疑

苦辛吟

于漬

壟上扶犁兒手種腹長饑牕下擲梭女手織身無衣
我願燕趙妹化爲娼母姿一笑不直錢自然家國肥

東西行三首

種荷玉盆裏不及溝中水養雉黃金籠見草心先喜

春淚爛羅綺泣聲抽恨多莫滴芙蓉地愁傷連帶荷

三

傷彩飾

蘇拯

一朵花葉飛一枝花光彩美人惜花心但願春長在
朝見亦光彩暮見亦光彩一旦風雨飄十分無一在
爾形才似削爾貌不如昨本爲是凡姿誰教染丹膜
虛飾片時間天意以爲惡物假猶如此人假爭堪作

歎魯二首

白居易

季氏心豈忠其富過周公陽貨道豈正其權執國命
由來富與權不繫才與賢所託得其地雖愚亦獲安
穢肥因糞壤鼠蟻依社壇蟲獸尚如此豈謂無因緣

唐詩類苑

卷之百五

四

二

展禽胡爲者直道竟三黜顏子何如入屢空聊過日
皆懷王佐道不踐陪臣秩自古無奈何命爲時所屈
有如草木分天各與其一荔枝非名花牡丹無甘實

變作律詩二首

蘇渙

日月東西行照在大荒北其中有龍靈怪人莫測
開目爲晨暉閉目爲夜色一開復一閉明晦無休息
居然六合內曠哉天地德天地且不言世人強喧喧

二

蜂成一窠高挂惡木枝行人百步外目動魂亦飛

長安大道旁挾彈誰家兒右手持金丸引滿無所疑
一中紛下來勢若風雲隨身如萬箭攢宛轉迷所之
徒有疾惡心奈何不知機

辯士

賈島

辯士多毀譽不聞談已非猛虎恣殺暴未嘗齧妻兒
此理天所感所感當問誰求食飼雛禽吐出美言詞
美哉君子人揚光掩瑕玃

不欺

賈島

上不欺星辰下不欺鬼神知心兩如此然後何所陳
食魚味在鮮食蓼味在辛掘井須到流結交須到頭

唐詩類苑

卷之二百二十一

四八

此語誠不謬敵君二萬秋

唐詩類苑卷第一百二十二

明雲間張之象玄超甫纂輯

雲間李中立士強甫編次

雲間王徹叔朗甫補訂

梁谿曹仁孫伯安甫校正

人部

雜興

雜詩四首

張說

抱薰心恒焦舉旆心恒搖天長地自久歡樂能幾朝
君看西陵樹歌舞爲誰嬌

唐詩類苑

卷之二百二十二

一

二

山開苦積雨木落悲時遽賞心凡幾人良辰在何處
觸石滿堂侈麗我終夕慮客鳥懷主人銜花未能去
剖珠貴分明琢玉思堅貞要君意如此終始莫相輕

三

問子青霞意何事留朱軒自言心遠俗未始迹難暄
過蒙良時幸側息吏途煩簪纓非宿好文史棄前言
夕臥北窗下夢歸南山園白雲慙幽谷清風愧泉源
十年茲賞廢佳期今復存挂冠謝朝市星駕別君門

四

默念群疑起玄通百慮清初心滅陽豔復見湛虛明
悟滅心非靜求虛見後生應將無住法修到不成名

雜詩五首

張九齡

孤桐亦胡爲百尺傍無枝疎陰不自覆修幹欲何施
高岡地復迥弱植風屢吹凡鳥已相噪鳳凰安得知

二

羅爲必有託風霜不能落酷在蘭將蕙甘從葵與霍
運命雖爲宰寒暑自迴薄悠悠天地間委順無不樂

三

良晨不可遇心賞更蹉跎終日塊然坐有時勞者歌

唐詩類苑

卷之百二十二

二

庭前攬芳蕙江上託微波路遠無能達憂情空復多

四

湘水弔靈妃斑竹爲情緒漢水訪遊女解佩無誰與
同心不可見異路空延佇浦上青楓林津傍白沙渚
行吟至落日坐望祗愁予神物亦豈孤佳期竟何許

五

木直幾自冠石堅亦他攻何言爲用薄而與火膏同
物累有固然誰能取徑通纖纖良田草靡靡唯從風
日夜沐甘澤春秋等芳叢生性苟不矢香臭誰爲中
道家貴至柔儒生何固窮終始行一意無乃過愚公

雜詩

李白

白日與明月晝夜尚不開况爾悠悠人安得久世間
傳聞海水上乃有蓬萊山玉樹生綠葉靈仙每登攀
一食駐玄髮再食留紅顏吾欲從此去去之無時還

雜詩

張彪

富貴多勝事貧賤無良圖上德兼齊心中才不如愚
商者多巧智農者爭膏腴儒生未遇時衣食不自如
久與故交別他榮我窮居到門懶入門何况千里餘
君子有徧性矧乃尋常徒行行任天地無物強親疎

雜詩二首

儲光義

唐詩類苑

卷之百二十二

三

混沌本無象末路多是非達士志寥廓所在能忘機
畔鑒時未至還山聊采薇虎豹對我蹲鸞鶴傍我飛
仙人空中來謂我勿復歸格澤爲君駕虹蜺爲君衣
西遊崑崙墟可與世人違

秋氣肅天地太行高崔嵬猿馳清夜吟其聲亦何哀
寂寞掩圭華夢寐遊蓬萊琪樹遠亭亭玉堂雲中開
洪崖吹簫管玉女飄飄來雨師既洗道後路無纖埃
鄙哉楚襄王獨好陽雲臺

雜詩

王季友

太山仍采隱在木不在深持斧事遠遊固非匠者心

翳翳青桐枝樵爨日所侵斧聲出巖壑四聽無知音
豈爲鼎下薪當復堂上琴鳳鳥久不棲且與枳棘林

雜詩

崔國輔

逢着平樂兒論交鞍馬前與酣一斗酒恰用十千錢
後予在關內作事多逆運何肯相救援徒聞寶劍篇

雜詩

盧象

家居五原上征戰是平生獨負山西勇誰當塞上名
死生遼海戰雨雪薊門行諸將封侯盡論功獨不成

雜詩

李端

主第辭高飲石家赴宵會金谷走車來玉人騎馬待
唐詩類苑 卷之二百二十一

雜詩

獨孤及

日花結成子春物捨我去流年惜不得獨坐空閨暮
心自有所待甘爲物華悞未必千黃金買得一人顧

雜詩

權德輿

淇水春正綠上宮蘭葉齊光風兩搖蕩鳴佩出中閨
一顧授黃流千金呈駘犀徒然路傍子恍恍復悽悽

雜詩

韓愈

古史散左右詩書置後前豈殊蠹書蟲生死文字間
古道自愚褊古言自包纏當今固殊古誰與爲欣歡
獨攜無言子共昇崑崙巔長風飄襟裾遂起飛高圓

下視禹九州一塵集毫端遨嬉未云幾下已億萬年
向者夸奪子萬墳厭其顛惜哉抱所見白黑未及分
慷慨爲悲咤淚如九河翻指摘相告語雖還今誰親
翻然下大荒被髮騎麒麟

雜詩四首

韓愈

朝蠅不須驅暮蚊不可拍蠅蚊滿八荒可盡與相格
得時能幾時與汝恣啖啖昨涼風九月到掃不見蹤跡

二

鵲鳴聲啞啞鳥噪聲攫攫爭闔庭宇間持身博彈射
黃鵠能忍饑兩翅久不墜蒼蒼雲海路歲晚將無獲

唐詩類苑

卷之二百二十一

五

三

截櫟爲構榱斲楹以爲椽束蒿以代之小大不相權
雖無風雨災得不覆且顛解轡棄騏驎蹇驢鞭使前
崑崙高萬里歲盡道苦運停車臥輪下絕意於神僊

四

雀鳴朝營食鳩鳴暮覓群獨有知時鶴雖鳴不緣身
暗蟬終不鳴有抱不列陳蛙黷鳴無謂閤閤抵亂人

送郭又雜言

岑參

地上青草出經冬今始歸博陵無近信猶未換春衣
憐汝不忍別送汝上酒樓初行莫早發且宿灞橋頭

功名須及早歲月莫虛擲早年已工詩近日兼注易
何時過東洛早晚渡盟津朝歌城邊柳驛地邯鄲道
上花撲人去年四月初我正在河朔曾上君家縣北
樓樓上分明見恒嶽中山明府待君來須計行程及
早回到家速覓長安使待汝書封我自開

雜言丹陽行

孫逖

丹陽古郡洞庭陰落日扁舟此路尋傳是東南舊都
處金陵中斷碧江深在昔風塵起京都亂如燬雙闕
戎虜間千門戰場裏傳聞一馬化為龍南渡衣冠亦
願從石頭橫帝里京口拒戎鋒青楓林下迴天蹕杜

唐詩類苑

卷之一百二十二

六

洲前轉回容都門不見河陽樹輦道唯聞建鄴鐘
原悠悠幾千里欲掃攬槍未能已英雄傾奪何紛
然一盛一衰如逝川可憐宮觀重江裏金鏡相傳三
百年自從龍見聖人出六合車書混爲一昔年王氣
今何在併向長安就堯日荆榛古木閑荒阡共道繁
華不復全赤縣唯餘江樹月黃圖半入海人煙暮來
山水登臨遍覽古愁吟淚如霞唯有空城多白雲春
風淡蕩無人見

詠興五首

并序

白居易

七年四月予罷河南府歸履道第廬舍自給衣儲

自充無欲無營或歌或舞頽然自適蓋河洛間一
幸人也遇興發詠偶成五章各以首句命爲題目

解印出公府

解印出公府抖擻塵土衣百吏放爾散雙鶴隨我歸
歸來履道宅下馬入柴扉馬嘶返舊櫪鶴舞還故池
鷄犬何欣欣鄰里亦依依年顏老去日生計勝前時
有帛禦冬寒有穀防歲饑飽於東方朔樂於榮啓期
人生且如此此外吾不知

出府歸吾廬

出府歸吾廬靜然安且逸更無客干謁時有僧問疾

唐詩類苑

卷之一百二十二

七

家僮十餘人櫪馬三四匹慵發經旬臥興來連日出
出遊愛何處嵩碧伊瑟瑟況有清和天正當疎散日
身閒自爲貴何必居榮秩心足卽非貧豈唯金滿室
吾觀權勢者苦以身徇物炙手外炎炎履水中慄慄
朝饑口忘味夕惕心憂失但有富貴名而無富貴實

池上有小舟

池上有小舟舟中有胡牀牀前有新酒獨酌還獨嘗
薰若春日氣皎如秋水光可洗機巧心可蕩塵垢腸
岸曲舟行遲一曲進一觴未知幾曲醉醉入無何鄉
寅緣潭島間水竹深青蒼身閑心無事白日爲我長

我若未忘世雖閒心亦忙世若未忘我雖退身難藏
我今異於是身世交相忘

四月池水滿

四月池水滿龜游魚躍出吾亦愛吾池池邊開一室
人魚雖異族其樂歸於一旦與爾爲徒逍遙同過日
爾無羨滄海蒲藻可委質吾亦忘青雲衡茅足容膝
况吾與爾輩本非蛟龍匹假如雲雨來抵是池中物

小庭亦有月

小庭亦有月小院亦有花可憐好風景不解嫌貧家
菱角執笙簧谷兒抹琵琶紅綃信手舞紫綃隨意歌

唐詩類苑

卷之二百二十二

八

村歌與社舞客哂主人誇但問樂不樂

豈在鐘鼓多客告暮將歸主稱日未斜請客稍深酌
願見朱顏酡客知主意厚分數隨後加堂上燭未秉
座中冠已我左顧短紅袖右命小青娥長跪謝貴客
蓬門勞見過客散有餘興醉後獨吟哦幕天而席地
誰奈劉伶何

雜興三首

白居易

楚王多內寵傾國選嬪妃又愛從禽樂馳騁每相隨
錦鞬臂花隼羅袂控金羈遂習宮中女皆如馬上兒
色禽合爲荒刑政兩已衰雲夢春仍微章華夜不歸

東風二月天春鴈正離離美人挾銀鑰一發雙飛
飛鴻驚斷行歛翅避蛾眉君王顧之笑弓箭生光輝
迴眸語君曰昔聞莊王時有一愚夫人其名曰樊姬
不有此遊樂三載斷鮮肥

二

越國政初荒越天旱不已風日燥水田水涸塵飛起
國中新下令官渠禁流水流水不入田墜入王宮裏
餘波養魚鳥倒影浮樓雉澹澹九折地索迴十餘里
四月芰荷發越王日遊嬉左右好風來香動芙蓉蕊
但愛芙蓉香又種芙蓉子不念閭門外千里稻苗死

唐詩類苑

卷之二百二十二

九

三

吳王心日侈服翫盡奇瓊身臥翠羽帳手持紅玉盃
綰垂明月珠帶束通天犀行動自矜顧數步一排徊
小人知所好懷寶四方來奸邪得藉手從此倖門開
古稱國之寶穀米與賢才今看君王眼視之如塵灰
伍員諫已死浮屍去不迴姑蘇臺下草麋鹿暗生麋

閒居雜興二首

陳陶

一顧成周力有餘白雲閒釣五溪魚中原莫道無麟
鳳自是皇家結網疎
長壽真人王子喬五松山月伴吹簫從他浮世悲生

死獨駕蒼龍入九霄

雜興

李嘉祐

花間昔日黃鸝轉妾向青樓已生怨花落黃鸝不復
來妾老君心亦應變君心比妾心妾意舊來深一別
十年無尺素歸時莫贈路傍金

雜興

司空曙

月沒邊城暗出師雙龍金角曉天悲黃塵滿目隨風
散不認將軍鸞尾旗

雜體五首

韋應物

沈沈匣中鏡爲此塵垢蝕輝光何所如月在雲中黑

唐詩類苑

卷之百二十二

十一

南金既彫錯鑾帶共輝飾空存

一作

鑒物名坐使妍

嫵惑美人竭肝膽思照冰玉色自非磨瑩工日日空
歎息

古宅

一作

集祿鳥羣號枯樹枝黃昏窺人室鬼物相

與期居人不安寢搏擊思此時豈無鷹與鷂飽肉不
肯飛既乖逐鳥節空養凌雲姿孤負肉食恩何異城

上鵝

春羅雙鴛鴦出自寒夜女心精煙霧色指歷千萬緒
長安貴豪家

一作

妖艷不可數裁此百日功唯將一

朝舞舞罷能復裁新豈思勞者苦

同聲自相應體質不必齊誰知賈人鐸能使大

樂諧鏗鏘發宮徵和樂變其哀人神既昭享鳳鳥

鳳亦下來豈非至賤物一奏升天階物情苟有合莫

問玉與泥

碌碌荆山璞卞和獻君門荆璞非有求和氏非有恩

所獻知國寶至公不待言是非吾

一作

欲默此道今

豈存

雜誠

曹鄴

帶香入鮑肆香氣同鮑魚未入猶可悟已入當何如

雜歌呈鄭錫司空文明

李端

唐詩類苑

卷之百二十一

十一

昨宵夢到無何鄉忽見一人山之陽高冠長綬立石

堂舒眉颯灑瞳子方胡麻作飯瓊作漿素書一帙在

栢牀啖我還丹拍我肩令爾延年在人代乃書數字

與我持小兒歸去須讀之覺來雪平雲覆地東嶺啼

猿三四聲卷簾一望心堪醉蓬萊有梯不可躡向海

迴頭淚盈睫且聞童子是蒼蠅誰爲莊生異胡蝶學

仙去來辭故人南北道路多風塵

雜歌

李端

漢水至清泥則濁松枝至堅羅則弱十三女兒事他

家顏色如花絃索漠蘭生當門鸞巢幕蘭芽未吐鸞

泥落爲姑偏忌諸嫂良作婦翻嫌壻家惡人生照鏡
須自知無鹽何用妬西施秦庭野鹿忽爲馬巧僞亂
眞君試思伯奇掇蜂賢父逐曾參殺人慈母疑沽酒
千日人不醉琴瑟一絃心已悲常聞善交無爾汝譏
口甚耳良藥苦山鷄錦翼鳳凰隴鳥人言止鸚鵡
向柳非才徙隱竈田文有命那關戶犀燭江行見鬼
神木人登席上歌舞樂生東丁終居趙陽虎北轅翻
適楚世間反疑不易陳緘此貽君淚如雨

寓興

李商隱

薄宦仍多病從知竟遠遊談諧叨客禮休幹接冥搜

遣興

韓愈

樹好頻移榻雲奇不下樓豈關無景物自是有鄉愁
斷送一生惟有酒尋思百計不如閒莫憂世事兼身
事須著人間比夢間

偶題二首

李商隱

小亭閒眠微醉消小榴海栢枝相交水文簾上琥珀
枕傍有墮釵雙翠翹
清月依微香露輕曲房小院多逢迎春叢定是饒樓
夜飲罷莫持紅燭行

閒說

王建

桃花百葉不成春鶴壽千年也未神秦隴州緣鸚鵡
貴王侯家爲牡丹貧歌頭舞迴迴別鬢樣眉心日
日新鼓動六街騎馬出相逢總是學狂人

卽日

李商隱

一歲林花卽日休江間亭下悵淹留重吟細把眞無
柰已落猶開未放愁山色正來銜小苑春陰只欲傍
高樓金鞍忽散銀壺滴更醉誰家白玉鈎

咏青

荆冬倩

路開天光遠春還月道臨草濃河畔色槐結路邊陰
赤映君王史先標目子襟經明如可拾自有致雲心

卷之百二十一

十三

唐詩類苑卷第一百二十三

明雲間張之象玄超甫纂輯

雲間李中立士強甫編次

雲間王微叔朗甫補訂

梁谿曹仁孫伯安甫校正

人部

述懷

冬日述懷奉呈韋祭酒張左丞蘭臺名賢

崔日知

弱齡好經籍披卷即怡然覃精四十載馳騁數千言

唐詩類苑

卷之二十三

一

孔壁采遺策一作周韋考絕編袁公論劍術孫子叙

兵篇魯史君臣道姬書日月懸從師改炎燠負笈遍

山川上異西河夏中非北海玄光榮拾青紫名價接

通賢既重萬鍾樂寧思二頃田長戟同分虎高冠亞

一作附蟬晚懷重虛曠養志息雕鐫登高慙思拙匠

物謝情研不慕張平子寧希一作王仲宣誰謂登龍

日翻成刻鵠年循循勞善誘軋軋思微牽琢磨才既

竭鑽仰德彌堅朽木誠為諭捫心徒自憐終期吞鳥

夢振翼上雲煙賦成先擲地詞高直揅天更執樞衣

禮仍開函丈筵霧披槐市藹水靜璧池圓願逐從風

葉飛舞翰林前

酬崔光祿冬日述懷贈答并序

張說

太極殿眾君子分司洛城自春涉秋日有游討既

而韋公出守茲樂便廢頃因公讌方接詠言崔光

祿述志論文首貽雅唱諸公嘉德叙事咸有報章

若夫盛時榮位華景勝會此四者古難一遇而我

輩比實兼之至於精言探道妙識發義戲謔而逢

規戒指諷而見師表益過三友豈易得乎謂膏澤

傍潤芝蘭久襲韋公近之矣以文會友以友輔仁

唐詩類苑

卷之二十三

二

崔公近之矣其餘尋聲響答望形影赴故亦峻碧

池之連漪增瑤林之沃若是用綴集勒成一卷永

存几閣之既無忘歡好之時焉

徐陳嘗並作枚馬亦同時各負當朝譽俱承明主私

夫君邁前侶觀國騁奇姿山似鳴威鳳泉如出寶龜

才雄子雲筆學廣仲舒帷紫綬拂三寺朱門臨九達

昔我含香日連爾縉雲司朝攜蘭省步夕退竹林期

中路一分手數載來何遲求友還相得群英復在茲

留臺少人務方駕通尋追陟翫懷同賞露芳憶共持

迎賓南澗飲載妓東郊嬉春郊綠畝秀秋澗白雲滋

名畫披人物良書討滯疑興來光不惜歡往時
歲晏罷行樂層城間所思夜魂燈處厭朝髮
忽往崔駟什兼流韋孟詞曲高彌寡和主善代
齊戒觀華玉留連歎色絲終慙起予者何足與言詩

同光祿弟日知冬日述懷并序

崔泰之

韋祭酒張左丞二公並廊廟偉才朝廷舊相咸光
首和殊為佳作輒繼陽春深增媿悚

吾族白眉良才華動洛陽觀光初入仕應宿始為郎
飛螢翫書籍白鳳吐文章海卿逾往雅河尹冠前張

唐詩類苑

卷之二百三十三

三

擇才綏鄢郢殊化被江湘高樓臨廣陌甲第敞通莊
別館印山下疏亭洛水傍昌年賞豐陌暇日悅林塘
衣冠皆秀彥羅綺盡名倡隔岸聞歌度臨池見舞行
門庭寒變色榮戟自生光窮陰方設鑿殺氣正蒼茫
感時興盛作晚歲共多傷積德韋丞相通神張子房
東一作草編簪紱逸韻合宮商功名守留省濫跡在
文昌家園遙可見臺寺近相望無庸乘侍謁有暇共
翱翔棣華依鴈序竹葉拂鸞觴水坐憐秋月山行美
晚芳恩榮慙服冕友愛最垂堂無由報天德相顧詠
時康

秋夕貧居述懷

孟郊

臥冷無遠夢聽秋酸別情高枝低枝風千葉萬葉聲
淺井不供飲瘦田長廢耕今交非古交貧語聞皆輕
李侍郎於陽羨里富有泉石牧亦於陽羨粗
有薄產叙舊述懷因獻長句四韻

杜牧

冥鴻不下非無意塞馬歸來是偶然紫綬公卿今放
曠白頭郎吏尚留連終南山下拋泉洞陽羨溪中買
釣船欲與明公操履杖願聞休去是何年

經亂離後天恩流夜郎憶舊遊書懷贈江夏

唐詩類苑

卷之二百三十三

四

韋太守良宰

李白

天上白玉京十二樓五城仙人撫我頂結髮受長生
誤逐世間樂頗窮理亂情九十六聖君浮雲挂空名
天地賭一擲未能忘戰爭試涉霸王畧將期軒冕榮
時命乃大謬棄之海上行學劍翻自哂為文竟何成
劍非萬人敵文竊四海聲兒戲不足道五噫出西京
臨當欲去時慷慨淚沾纓歎君倜儻才標舉冠群英
開筵引祖帳慰此遠徂征鞍馬若浮雲送余驃騎亭
歌鐘不盡意白日落昆明十月到幽州戈鋌若維星
君王棄北海掃地借長鯨呼吸走百川燕然可摧傾

心知不得語却欲棲逢瀛壖孤懼天狼挾矢不敢張
攬涕黃金臺呼天哭昭王無人貴駿骨駢空騰驥
樂毅倘再生于今亦奔亡蹉跎不得意驅馬還貴鄉
逢君聽絃歌肅穆坐華堂百里獨太古陶然臥羲皇
徵樂昌樂館開筵列壺觴賢豪間青娥對燭儼成行
醉舞紛綺席清歌繞飛梁歡娛未終朝秩滿歸咸陽
祖道擁萬人供帳遙相望一別隔千里榮枯異炎涼
炎涼幾度改九土中橫潰漢甲連胡兵沙塵暗雲海
草木搖殺氣星辰無光彩白骨成丘山蒼生竟何罪
函關壯帝居國命懸哥舒長戟三十萬開門納兇渠

唐詩類苑

卷之百二十三

五

公卿如大羊忠誠與道二聖出遊豫兩京遂丘墟
帝子許專征秉旄控強楚節制非桓文軍師擁熊虎
人心失去就賊勢騰風雨惟君固房陵誠節冠終古
僕臥香鑪頂餐霞漱瑤泉門開九江轉枕下五湖連
半夜水軍來尋陽滿旌旄空名適自誤迫脅上樓船
徒賜五百金棄之若浮煙辭官不受賞翻謫夜郎天
夜郎萬里道西上令人老掃蕩六合清仍爲負霜草
日月無偏照何由訴蒼昊良牧稱神明深仁恤交道
一忝青雲客三登黃鶴樓顧慚禰處士虛對鸚鵡洲
樊山霸氣盡寥落天地秋江帶峨眉雪川橫三峽流

萬舸此中來連帆過揚州送此萬里目曠然散我愁
紗窗倚天開水樹綠如髮窺日畏衡山促酒喜得月
吳娃與越豔窈窕誇鉛紅呼來上雲梯含笑出簾櫳
對客小垂手羅衣舞春風賔跪請休息主人情愈極
覽君荆山作江鮑堪動色清水出芙蓉天然去雕飾
逸興橫素襟無時不招尋朱門擁虎士列戟何森森
剪鑿竹石開繁流漲清深登樓坐水閣吐論多英音
片辭貴白璧一諾輕黃金謂我不愧君青鳥明丹心
五色雲間鵲飛鳴天上來傳聞赦書至却放夜郎回
暖氣變寒谷炎煙生死灰君登鳳池去忽棄賈生才

唐詩類苑

卷之百二十三

六

桀犬尚吠堯勾奴笑千秋中夜四五歎常爲大國憂
旌旄夾兩山黃河當中流連鷄不得進飲馬空夷猶
安得羿善射一箭落旄頭

書懷贈南陵常贊府

李白

歲星入漢年方朔見明主調笑當時人中天謝雲雨
一去麒麟閣遂將朝市乖故交不過門秋草日上墀
當時何特達獨與我心諧置酒凌歌臺懽娛未曾歇
歌勸白紵山舞迴天門月問我心中事爲君前致詞
君看我才能何似魯仲尼大聖猶不遇小儒安足悲
去年五月中原喪渡瀘師毒草殺漢馬張兵奪秦旗

至今西二河流血擁僵屍將無七擒畧魯女惜園葵
咸陽天下樞累歲人不足雖有數斗玉不如一盤粟
賴得契宰衡持鈞慰風俗自顧無所用辭家方未歸
霜驚壯士髮淚滿逐臣衣以此不安席蹉跎因世違
終當滅衛謗不受魯人譏

淮陰書懷寄王宗成

李白

沙墩至梁苑二十五長亭大舶夾雙檣中流鵝鵲鳴
雲天掃空碧川嶽涵餘清飛鳥從西來適與佳興并
眷言王喬鳥婉戀故人情復此親懿會而增交道榮
沿洄且不定飄忽悵徂征暝投淮陰宿欣得漂母迎

唐詩類苑

卷之一百二十三

七

斗酒烹黃鷄一餐感素誠予爲楚壯士不是魯諸生
有德必報之千金耻爲輕緇書羈旅意遠寄棹歌聲

南奔書懷

一作自丹陽
南奔道中作

李白

遙夜何漫漫空歌白石爛寧戚未匡齊陳平終佐漢
機槍掃河洛直割鴻溝半歷數方未遷雲雷屢多難
天人乘旄鉞虎竹光藩翰侍筆黃金臺傳觴青玉案
不因秋風起自有思歸歎主將動讒疑王師總離叛
自來白沙上鼓噪丹陽岸賓御如浮雲從風各消散
舟中指可掬城上骸爭襲草草出近關行行昧前筭
南奔劇星火北寇無涯畔願乏七寶鞭留連道邊旆

太白夜食昂長虹日中貫秦趙興天兵茫茫九州亂
感遇明主恩頗高祖遜言過江誓流水志在清中原
拔劍擊前柱悲歌難重論

書懷

劉幽求

心爲明時盡君門尚不容田園迷徑路歸去路何從

夔府書懷四十韻

杜甫

昔罷河西尉初興薊北師不才名位晚敢恨省郎遲
扈聖崆峒日端居灑瀝時萍流仍汲引樽散尚恩慈
遂阻雲臺宿常懷湛露詩翠華森遠矣白首颯淒其
拙被林泉滯生逢酒賦欺文園終寂寞漢閣自磷緇

唐詩類苑

卷之一百二十三

八

病隔君臣議漸紆德澤私揚鑣驚主辱拔劍撥年衰
社稷經綸地風雲際會期血流紛在眼涕泗亂交頤
四瀆樓船汎中原鼓角悲賊壕連白翟戰瓦落丹墀
先帝嚴靈寢宗臣切受遺恒山猶突騎遼海競張旗
田父嗟膠漆行人避蒺藜總戎存大體降將飾卑詞
楚貢何年絕堯封舊俗疑長吁翻北寇一望卷西夷
不必陪玄圃超然待具茨凶兵鑄農器講殿闢書閣
廟筭高難測天憂實在茲形容真潦倒答效莫支持
使者分王命群公各典司恐乖均賦斂不似問瘡痍
萬里煩供給孤城最怨思綠林寧小患雲夢欲難追

卽事須嘗膽蒼生可察眉議堂猶集鳳貞觀
處處喧飛檄家家急競雖蕭車安不定蜀使下何之
釣瀨疎墳籍耕巖進奕基地蒸餘破扇冬暖更
豺遘哀登楚麟傷泣象尼衣冠迷適越藻繪憶遊睢
賞月延秋桂傾陽逐露葵大庭終反樸京觀且僵尸
高枕虛眠晝哀歌欲和誰南宮載勲業凡百慎交綏

秋曰荆南書懷三十韻

杜甫

昔承推獎分愧匪挺生材遲暮宮臣忝難危衮職陪
揚鑣隨日馭折檻出雲臺罪戾寬猶活干戈塞未開
星霜玄鳥變身世白駒催伏枕因超忽扁舟任往來

唐詩類苑

卷之二十三

九

鐵巴嚙火三鑿楚祠雷望帝傳應實昭王問不迴
蛟螭深作橫豺虎亂雄猜素業行已矣浮名安在哉
琴鳥曲怨憤庭鶴舞摧頽秋水漫湘竹陰風過嶺梅
苦搖求食尾常曝報恩腮結舌防讒柄探腸有禍胎
蒼茫步兵哭展轉仲宣哀饑籍家家米愁徵處處盃
休爲貧士歎任受衆人咤得喪初難識榮枯劃易該
差池分組冕合沓起蒿萊不必伊周地皆登屈宋才
漢庭和異域晉史圻中台霸業尋常體宗臣忌諱災
群公紛戮力聖慮宵徘徊數見銘鍾鼎眞宜法斗魁
願聞鋒鏑鑄莫使棟梁摧磐石圭多剪凶門轂少推

垂旒資穆穆祝網但恢恢赤雀翻然至黃龍不假媒
賢非夢傳野隱數鑿顏坏自古江湖客冥心若死灰

書懷貽京邑同好

孟浩然

見人部交游

丙戌歲正月出洛陽書懷 獨孤及

往歲衣褐見受服金馬門擬將忠與貞求酬主人恩
天地電雷雨洪波生平原窮鱗遂躋蹙夙昔事罕存
幸逢帝出震授鉞清東藩白日忽雨中萬方咸駭奔
王風從西來春光滿乾坤蟄蟲競飛動余亦辭籠樊
遭遇思自強寵辱安足言唯將四方志迴首謝故園

唐詩類苑

卷之二十三

十

酬樂天書懷見寄

本題云初與微之別後思
夢見之及臨而微之書至

元稹

元稹

新昌北門外與君從此分街衢走車馬塵土不見君
君爲分手歸我行行不息我上秦嶺南君直樞星北
秦嶺高崔嵬商山好顏色月照山館花裁詩寄相憶
天明作詩罷草草從所如憑人寄將去三月無報書
荊州白日晚城上鼓鼙繁行逢賀州牧致書三四封
封題樂天字未拆已沾裳拆書八九讀淚落千萬行
中有酬我詩句句截我腸仍云得詩夜夢我魂淒涼
終言作書處上直金鑾東詩書費一夕萬恨絨其中

中宵宮中出復見宮月斜書罷月亦落曉燈垂暗花
想君書罷時南望勞所思况我江上立吟君懷我詩
懷我浩無極江水秋正深清見萬文底照我平生心
感君求友什因報壯士吟持謝衆人口銷盡猶是金

秋居書懷

白居易

門前少賓客塔下多松竹秋景下西牆涼風入東屋
有琴慵不弄有書閒不讀盡日方寸中澹然無所欲
何須廣居處不用多積蓄文室可容身斗儲可充腹
况無治道術坐受官家祿不種一株桑不鋤一壠穀
終朝飽飯餐卒歲豐衣服持此知愧心自然易爲足

唐詩類苑

卷之二十三

十一

將寄天平職書懷寄翰林從兄

曹鄴

居處絕人事門前雀羅施誰遣辟書至僕隸皆展眉
匹馬渡河洛西風飄路岐手執王粲筆閒吟向旌旗
香晚翠蓮動吟餘紅燭移開口啖酒肉將何報相知
况我魏公子相顧不相疑豈學官倉鼠飽食無所爲
白露霜碧草芙蓉落清池自小不到處全家忽如歸
吾宗處清切立在白玉墀方得一侍坐單車又星飛
願將門底水永託萬頃陂

書懷寄友人

姚合

稱心奉北微官在南宮舉世勞爲適開門事不窮
年來復幾日蟬去又鳴鴻衰疾誰人問閒情與酒通
四隣寒稍靜九陌夜方空知老何山是思歸幽谷中
郡內書懷寄劉連州寶夔州

白居易

朱邑何爲者桐鄉有古祠我心常所慕二郡老人知
林下書懷寄建州李頻員外

曹松

一從諸事懶海上跡宜沈吾道不當路鄙人甘入林
雲垂方覓鶴月濕始收琴水石南州好誰陪刻骨吟

唐詩類苑

卷之二十三

十二

書懷寄楊郭李王判官

崔峒

慣作雲林客因成懶嬾人吏欺從政拙妻笑理家貧
李郭應時望王楊入幕頻從容丞相閣知憶故園春

長安書懷呈知己

項斯

江湖歸不易京邑計長貧獨夜知已論心無故人
一燈愁裏夢九陌病中春爲問清中日無門致出身

秋晚書懷

崔金

看看秋色晚又是出門時白髮生非早青雲去自遲
夢唯懷上國跡不到他岐以此堅吾道還無愧已知

書懷

祗是守琴書僧中獨寓居心唯務一作鶴靜分
名疎暮雨啼螢天涼風落木初家山太湖淥歸去復
何如

書懷

于鄴

長安多路岐西去欲何依浮世只如此舊山長憶歸
自離京國久應已故人稀好與孤雲住孤雲無是非

長安書懷

馬戴

岐路今如此還堪慟哭頻關中成久客海上老諸親
谷口田應廢鄉山草又春年年銷壯志空作獻書人

書懷

曹松

唐詩類苑

卷之一百三十三

十三

守吾道望榮來替愁吟詩應有罪當路却如簪
陸海倘難溺九霄爭便休敢言名譽出天未白吾頭

書懷寄廬州

杜牧

謝山南畔州風物最宜秋太守懸金印佳人敞畫樓
凝缸暗醉夕殘月上汀洲可惜當年鬢朱門不得遊

武陵書懷五十韻

劉禹錫

西漢開支郡南朝號威藩四封當列宿百雉俯清沅
高岸朝霞合驚湍急箭奔積陰春暗度將霽霧先昏
俗尚東皇祀謠傳義帝冤桃花迷隱跡練葉慰忠魂
戶筭資漁獵鄉豪恃子孫照山禽火動踏月俚歌喧

檣檣舟爲市連薨竹覆軒披衣金粟見拾羽翠翹朝
苦折滄溪秀蘋生枉渚禽鳴格磔起按本單經曰

者是也魚戲噓喁繁沈約臺榭故李衡墟落存隱侯臺本

如州湘臺悲鼓瑟泉客泣酬恩露變葉葭浦星懸橘

柚村虎咆空野震雷作滿川渾隣里皆遷客兒童習

左言炎天無列井霜月見芳蓀清白家傳遺詩書志

所敦列科叨甲乙從宦出丘樊結友心多契馳聲氣

尚吞士安曾重賦元禮許登門草檄嫖姚幕巡兵戊

已屯築臺先自隗送客獨留髡遂結王畿綬來觀衝

室尊爲飛入鷹隼魚目儼瑱璫曉燭羅馳道朝陽關

唐詩類苑

卷之一百三十三

十四

帝開皇正會夷夏月朔盛旗旛獨立當瑤闕傳詩步

紫垣按章清猗獄視祭潔蘋紫御曆昌期遠傳家寶

祚蕃繇文光夏啓神教畏軒轅內禪因天性雄圖授

化元繼明懸日月出震統乾坤大孝三朝備洪恩九

族惇百川宗渤澥五嶽輔崑崙何幸逢休運微班識

至尊校縉資筦榷復土奉三園時以本官判度支鹽

一失貴人意徒聞大學論直廬辭錦帳遠守愧朱幡

得贊後書懷上第五相公 耿 漳

誰語恓惶客偏承顧盼私應逾骨肉分敢忘死生期
山縣唯荒壘雲屯盡老師庇人寧自代食藥謬相推

黃綬名空罷青春鬢又衰還來掃門處猶未報恩時
獨立花飛滿無言月下遲不知丞相意更欲遣何之

書懷

羅隱

釣船拋却異鄉來擬向何門用不才日晚獨登樓上
望馬蹄車轍滿塵埃

開成五年秋以抱疾郊野不得與鄉計借至

王府將議還適隆冬自傷因書懷奉寄殿
院徐侍御察院陳李二侍御同中蘇端公

鄆縣韋少府兼呈袁郊苗紳李逸三友人

一百韻

溫庭筠

唐詩類苑

卷之二百三十三

十五

逸足皆先路窮郊獨向隅頑童逃廣柳羸馬臥平蕪
黃卷嗟誰問朱絃偶自娛鹿鳴皆綴士雌伏竟非夫
菜地荒遺野爰田失故都亡羊猶博塞牧馬倦呼盧
奕世參周祿承家學魯儒功庸留劍舄銘戒在盤盂
經濟懷良畫行藏識遠圖未能鳴楚玉空欲握隋珠
定爲魚緣木曾因兔守株五車堆縹帙三逕闔繩樞
適與群英集將期善價沽葉龍圖天矯燕鼠笑胡盧
賦分知前定寒心畏厚誣躡塵追慶忌操劍學班輸
文圓倍多士神州試太巫對雖希鼓瑟名亦濫吹竽
正使猜奔競何嘗計有無錙燠虛訪竟王霸竟抑掄

市義虛焚券關譏謾棄繻至言今信矣微尚亦悲夫

白雪調歌響清風樂舞雲脅肩難飽勉搔首易嗟呼

角勝非能者推賢見射乎兕觥增恐疎杯水失錙銖

粉染收丹彩金鶻隱僕姑垂素羞盡爵揚解辱彎弧

虎拙休言盡龍希莫學屠轉蓬隨欵段耘草關墁墁

受業鄉名鄭藏機谷號愚質文精等貴琴筑韻相須

築室連中野誅茅接上腴葦花綸落松寥關樂擅

靜語鶯相對閒眠鶴浪俱藥多勞蝶翅香酷墜蜂鬚

芳草迷三島澄波似五湖躍魚翻藻行愁鷺睡葭蘆

暝渚藏鷓鴣幽屏臥鸛鵒苦辛隨勤殖甘旨仰樵蘇

唐詩類苑

卷之二百三十三

十六

笑語空懷橘窮愁亦據梧尚能甘半菽非敢薄生芻
釣石封蒼蘚芳蹊艷絳跼樹蘭畦繚繞穿竹路縈紆
機杼非桑女林園異木奴橫竿窺赤鯉持翳望青鸛
泮水思芹味瑯琊得稻租杖輕藜擁腫衣破芟披敷
芳意憂鵲鳩愁聲覺蟪蛄短簷喧語燕高木墮饑鳥
事迫離幽野貧牽犯畏途愛憎防杜摯悲歎似楊朱
旅食常過衛羈遊欲渡瀘塞歌傷督護邊角思單于
堡戍標槍梁關河鏢舳艫威容尊大樹刑法避愁茶
遠目窮千里歸心寄九衢寢甘誠繫滯漿饋貴睢盱
懷刺名先遠干時道自孤齒牙頻激發登笈尚崎嶇

運府侯門遺霜臺帝命逾驥蹄初躡景鵬翅欲搏扶
寓直迴驄馬分曹對曉鳥百神歆彷彿孤竹韻含胡
鳳闕分班立鵷行疎劍趨觸邪承密勿持法奉訐謨
鳴玉鏘登降衝牙響曳裾親和氏璧香近博山鑪
瑞景森瓊樹輕水瑩玉壺象冠簪鐵柱螭首對金鋪
內史書千帙將軍畫一尉眼明驚氣象心死伏規模
豈意觀文物何勞琢硃砂草肥牧驥裏苔澀淬昆吾
鄉思巢枝鳥年華過隙駒銜恩空抱影酬德未捐軀
時輩推良友家聲繼令圖致身傷短翮驪首顧疲驚
班馬方齊驚陳雷亦並驅昔昔言爾志今亦畏吾徒

唐詩類苑

卷之二百五十一

十七

有氣干牛斗無人辨轆轤客來斟綠蟻妻試踏青蚨
積毀方銷骨微瑕懼掩瑜蛇矛猶轉戰魚服自囚拘
欲就欺人事何能追鬼誅是非迷覺夢行役議秦吳
凜冽風埃慘蕭條草木枯低徊傷至氣蒙犯變肌膚
旅鴈唯聞叫饑鷹不待呼夢校拋促織心緒學蜘蛛
寧復機難料庸非信未孚激揚銜箭虎疑懼聽水狐
處已將營窟論心若合符浪言輝棣萼何意託葭葦
喬木能求友危巢莫嚇雛風華飄領袖詩禮拜衾襦
歎枕情何苦同舟道放懷親蕙芷收迹迹異桑榆
贈遠聊板柳裁書欲截蒲瞻風無限淚迴首更踟蹰

書懷

杜牧

滿眼青山未得過鏡中無那鬢絲何抵言旋老轉無
事欲到中年事更多

幽居春暮書懷

錢起

自哂鄙夫多野性貧居數畝半臨湍谿雲雜雨來茅
屋山雀將鵲到藥欄仙籙滿牀閒不厭陰符在篋老
羞看更憐童子宜春服花裏尋師指杏壇

書懷寄王秘書

張籍

白髮如今欲滿頭從來百事盡應休祗於觸目須防
病不擬將心更養愁下藥遠求新熟酒看山多上最

唐詩類苑

卷之二百五十二

十八

高樓賴君同在京城住每到花前免獨遊

書懷寄元郎中

張籍

轉覺人間無氣味常因身外省因緣經過獨愛遊山
客計較唯求買藥錢重作學官閒盡日一離江塢病
多年吟君釣去詞中說便欲南歸傍小船

長安書懷

秦韜玉

涼風吹雨滴寒更鄉思欺人撥不平長有歸心懸馬
首可堪無寐枕蛩聲嵐收楚岫和空碧秋染湘江到
底清早晚身閒着簑去橘香深處釣船橫

聞中書懷

李建勳

閒遊何用問東西寓興皆非有所期斷酒只攜僧共
去看山從聽馬行過溪田雨漲禾生耳原野鶯啼
熟時應有交親長笑我獨輕人事鬢將衰

夏日書懷寄道友

崔塗

達卽匡邦退卽耕是非何足撓平生終期道向希夷
得未省心因寵辱驚峰轉暫無當戶影雉飛時有隔
林聲十年唯悟吟詩待得中原欲鑄兵

失意書懷呈知己

馬戴

直道何由啓聖君非才誰敢議論文心存黃鑲兼丹
訣家憶青山與白雲麋鹿幽棲閒可近鷓鴣高舉勢

唐詩類苑

卷之二十三

九

宜分微生不學劉琨輩劍刃相交擬立勳

書懷寄中朝往還

杜牧

平生自許少塵埃爲吏塵中勢自迴朱紱久慚官借
與白頭還歎老將來須知世路難輕進豈是君門不
大開霄漢幾多同學伴可憐頭角盡鄉村

避地司空原言懷

李白

南風昔不競豪聖思經綸劉琨與祖逖起舞鷄鳴晨
雖有匡濟心終爲樂禍人我則異於是潛光皖水濱
卜築司空原北將天柱隣雪霽萬里月雲開九江春
俟乎泰階平然後托微身傾家事金鼎年貌可長新

所願得此道終然保清真美影奔日馭攀星戲河津
二隨王喬去長年玉天賓

荊州賊平臨洞庭言懷作

李白

脩蛇橫洞庭吞象臨海島積骨成巴陵遺言聞楚老
水窮三苗國地窄三湘道歲晏天嶢嶢時危人枯槁
思歸阻喪亂去國傷懷抱郢路方丘墟章華亦顛倒
風悲猿嘯苦木落鴻飛早日隱西赤沙月明東城草
關河望已絕氛霧行當掃長吁天可聞吾將問蒼昊

濮上言懷

沈千運

聖朝優賢良草澤無遺匿人生各有命在予胡不激

唐詩類苑

卷之二十三

二十一

一生但區區五十無寸祿衰退當棄捐貧賤遭毀黜
恹恹去人世迫躋日窮逼不如守田園歲晏望豐熟
壯年失宜盡老大無筋力始愴前計非方貽後生福
兒童新學稼小女未能織顧此煩知已終日求衣食

田園言懷

李白

賈誼三年謫班超萬里侯何如牽白犢飲水對清流

言懷

曹松

出山不得意謁帝值戈鋌豈料爲文日翻成用武年
和王倉少尹暇日言懷 盧綸
清秋多暇日况乃是夫君習靜通仙事書空閱篆文

劍飛終上漢鶴夢不離雲無限煙霄路何嗟

言懷

崔塗

千時雖苦節趨世且無機及覺知音少翻疑所業非
青雲如不到白首亦難歸所以滄江上年年別釣磯

言懷

曹松

冥心坐似癡寢食亦如遺爲覓出人句祗求當路知
豈能窮到老未信達無時此道須天付三光幸不私

崇義里言懷

曹松

馬蹄京路岐復此少閒時老積滄洲夢秋垂白閣期
平生五字句一夕滿頭絲把向侯門去侯門未可知

唐詩類苑

卷之百三十三

三

言懷

高駢

我策輒登拜將壇手持金鉞冷身挂鐵衣寒
王聖扶持易恩深報効難三邊猶未靜何敢便休官

長安言懷寄沈彬侍郎

僧卿雲

故園黎嶺下歸路接天涯生作長安草勝爲邊地花
鴈南飛不到書北寄來賒堪美神仙客青雲早致家

歲暮言懷

白居易

職與才相背心將口自言磨鉛教切玉驅鴈遣軒
只合居巖窟何因入府門年終若無替轉恐負君恩

至望喜囑目言懷貽劍外知己

聖圖夷九折神化掩三分絨愁起蜀道題拙奉虞璠
隱麟度深谷遙最上高雲碧流通榮注青山互糾紛
無由召宣室何以報吾君

南還湘水言懷

張九齡

拙宦今何有勞歌念不成十年垂夙志一別悔前行
歸去田園老倘來軒冕輕江間稻正熟林裏桂初榮
魚意思在藻鹿心懷食苹時哉苟不達取樂遂吾情

高齋閒望言懷

張九齡

高齋復晴景延眺屬清秋風物動歸思煙林生遠愁
唐詩類苑

卷之百三十三

三

紛吾自窮海薄宦此中州取路無高足隨波適下流
歲華空冉冉心曲且悠悠坐惜芳時宴胡然久滯留

蜀中言懷

王適

獨坐年將暮常懷志不通有時須問影無事則書空
棄置如天外平生似夢中蓬心猶是客華髮欲成翁
跡滯魂逾窘情乖路轉窮別離同夜月愁畏隔秋風

老少悲顏叟盈虛悟翟公時來不可問何用求童蒙

言懷

張蟾

不將高蓋竟煙塵自向蓬茅認此身唐祖本來成大
業豈非姚宋是平人

春日言懷寄號州李常侍 杜牧

崖蘚生紅藥，巖泉漲碧塘。地分蓮嶽秀，草接鼎原芳。
南派深滌急，風畦正若香。織蓬眠舴舨，驚夢起鴛鴦。
論吐開水室，詩陳曝錦張。貂簪荆玉潤，丹穴鳳毛光。
子弟新登甲科今日還珠守，何年執戟郎。且嫌遊畫短，莫問
積薪場。無計披清裁，唯特祝壽觴。願公如衛武，百歲
尚康強。

言懷

張蠟

十上聲沈覺自非賤，身元合衣荷。衣豈能得路陪先，
達却擬還家望少微。戰馬到秋長淚落，傷禽無夜不

唐詩類苑

卷之百二十三

二十三

魂飛平生祗學穿楊箭，更向何門是見機。

吳中言懷寄南海二同年 皮日休

曲水分飛歲已賒，東南爲客各天涯。退公祗傍蘇勞
竹，移宴多隨未利花。銅鼓夜敲溪上月，布帆晴照海
邊霞。三年謾被鱸魚累，不得橫經待絳紗。

奉和吳中言懷

陸龜蒙

曾見凌風上赤霄，盡將華藻赴嘉招。城連虎踞山圖
麗，路入龍編海舶遙。江客漁歌衝白荇，野禽人語映
紅蕉。庭中必有君遷樹，莫向空臺望漢朝。

詠懷

駱賓王

少年識事淺，不知交道難。一言芬若桂，四海臭如蘭。
寶劍思存楚，金鉗許報韓。虛心徒有託，循迹諒無端。
太息關山險，吁嗟歲月闌。忘機殊會俗，守拙異懷安。
阮籍空長嘯，劉琨獨未歡。十步庭芳歛，三秋隴月團。
槐疎非盡意，松晚夜凌寒。悲調絃中急，窮愁醉裏寬。
莫將流水引，空向俗人彈。

詠懷古意上裴侍郎行儉 駱賓王

三十二餘罷鬢是潘安，仁四十九仍入年。非朱買臣
縱橫愁繫越，坎壈倦遊秦。出籠窮短翮，委轍涸枯鱗。
磨鉛不需用彈鋏，欲誰伸。天子未驅策，歲月幾沈淪。

唐詩類苑

卷之百二十三

二五

輕生長慷慨，効死獨殷勤。徒歌易水客，空老渭川人。
一得視邊塞，萬里何苦辛。劍匣胡霜影，弓開漢月輪。
金方動秋色，鐵騎想風塵。爲國堅誠款，捐軀忘賤貧。
勒功思比憲，決策暗欺陳。若不犯霜雪，虛擲玉京春。

詠懷二首

杜甫

人生貴是男，丈夫重天機。未達善一身，得志行所爲。
嗟余竟軼軻，將老逢艱危。胡雛逼神器，逆節同所爲。
河洛化爲血，公侯草間啼。西京復陷沒，翠蓋蒙塵飛。
萬姓悲赤子，兩宮棄紫微。倏忽向二紀，奸雄多是非。
本朝再樹立，未及貞觀時。日給在軍儲，上官督有司。

高賢迫形勢豈暇相扶持疲爾苟懷策棲屑無所施
先王實罪已愁痛正爲茲歲月不我與蹉跎病於斯
夜看豐城氣回首蛟龍池齒髮已自料意深陳苦詞

二

邦危壞法則聖遠益愁慕飄飄桂水遊悵望蒼梧暮
潛魚不銜釣走鹿無反顧噉噉幽曠心拳拳異平素
衣食相拘閼朋知限流寓風濤上春沙十里漫江樹
逆行少吉日時節空復度井竈任塵埃舟航煩數具
牽纏加老病瑣細隘俗務萬古一死生胡爲足名數
多憂汗桃源拙計泥銅柱未辭炎瘴毒擺落跋涉懼

唐詩類苑

卷之百二十三

十五

自京赴奉先縣詠懷

杜甫

杜陵有布衣老大意轉拙許身一何愚竊比稷與契
居然成濩落白首甘契濶蓋棺事則已此志常覲豁
窮年憂黎元歎息腸內熱取笑同學翁浩歌彌激烈
非無江海志瀟灑送日月生逢堯舜君不忍便永訣
當今廊廟具構厦豈云缺葵藿傾太陽物性固莫奪

顧惟螻蟻輩但自求其穴胡爲慕大鯨輒擬偃溟渤
以茲悟生理獨耻事干謁兀兀遂至今忍爲塵埃沒
終愧巢與由未能易其節沈飲聊自遣放歌頗愁絕
歲暮百草零疾風高岡裂天衢陰崢嶸客子中夜發
霜嚴衣帶斷指直不得結凌晨過驪山御榻在嵯峨
蚩尤塞寒空蹴踏崖谷滑瑤池氣鬱律羽林相摩戛
君臣留歡娛樂動殷轆轤賜浴皆長纓與宴非短褐
彤庭所分帛本自寒女出鞭撻其夫家聚斂貢城闕
聖人筐篚恩實欲邦國活臣如忽至理君豈棄此物
多士盈朝廷仁者宜戰慄况聞內金盤盡在衛霍室

唐詩類苑

卷之百二十三

十六

中堂有神仙煙霧蒙玉質煖客貂鼠裘悲管逐清瑟
勸客馳蹄躡羹霜橙壓香橘朱門酒肉臭路有凍死骨
榮枯咫尺異惆悵難再述北轅就涇渭官渡又改轍
群水從西下極目高崕兀疑是崆峒來恐觸天柱折
河梁幸未圯枝撐聲窸窣行旅相攀援川廣不可越
老妻既異縣十口隔風雪誰能久不顧庶往共饑渴
入門聞號咷幼子饑已卒吾寧捨一哀里巷猶嗚咽
所愧爲人父無食致夭折豈知秋未登貧窶有倉卒
生常免租稅名不隸征伐撫迹猶酸辛平人固騷屑
默思失業途因念遠戍卒憂端齊終南瀕洞不可掇

詠懷

白居易

昔爲鳳閣郎合爲二千石自覺不如人言不如昔
昔雖居近密終日多憂惕有詩不敢吟有酒不敢喫
今雖在疎遠竟歲無牽役飽食坐終朝長歌醉通夕
人生百歲內疾速如過隙先務身安閒次要心歡適
事有得而失物有損而益所以見道人觀心不觀迹

詠懷

白居易

我知世無幻了無干世意世知我無堪亦無責我事
由茲兩相忘因得長自遂自遂竟何如閒官在閒地
閒地唯東都東都少名利閒官是賓客賓客無牽累

唐詩類苑

卷之二百二十三

二十七

和康日日懶畢卓時時醉酒肆夜深歸僧房日高睡
形安不勞苦神奉無憂畏從官三十年無如今氣味
鴻雖脫羅弋鶴尚居祿位唯此未忘懷有時猶內愧

詠懷

白居易

高人樂丘園中人慕官職一事尚難成兩途安可得
遑遑千世者多苦時命塞亦有愛閒人又爲窮餓逼
我今幸雙遂祿仕兼游息未嘗羨榮華不省勞心力
妻孥與婢僕亦免愁衣食所以吾一家面無憂喜色

詠懷

白居易

冉求與顏淵下和與馬遷或罹天六極或被人刑殘

顧我信爲幸百骸且完全五十不爲夭吾今欠數年

知分心自足委順心常安故雖窮退日而無戚戚顏
昔有榮先生從事於其間今我不量力舉心欲攀援
窮通不由已歡戚不由天命卽無奈何心可使泰然
旦務由已者省躬諒非難勿問由天者天高難與言

詠懷二首

李賀

長卿懷茂陵綠草垂石井彈琴看文君春風吹鬢影
梁王與武帝棄之如斷梗唯留一簡書金泥泰山頂

二

日夕著書罷驚霜落素絲鏡中聊自笑詎是南山期

唐詩類苑

卷之二百二十三

二十八

頭上無幅巾苦藥已染衣不見清溪魚飲水得相宜

詠懷

張籍

老去多悲事非唯見二毛眼昏書字大耳重覺聲高
望月徧增思尋山易發勞都無作官意賴得在閒曹

詠懷

白居易

盡日松下坐有時池畔行行立與坐臥中懷澹無營
不覺流年過亦任白髮生不爲世所薄安得遂閒情

詠懷寄秘閣舊僚二十六韻

李商隱

年餐日堪悲衡茅益自嗤攻文枯若木處世鈍如鎚

敢望垂堂誠寧將暗室欺懸頭曾苦學折臂反成醫
僕御嫌夫懦孩童笑叔癡小男方嗜栗幼女漫憂葵
遇炙誰先噉逢蠶即便吹官衙同畫餅面貌乏凝脂
典籍將蠶測文章若管窺圖形翻類狗入夢肯非罷
自哂成書麓終當呪酒厄懶帶襟上血羞鑷鏡中絲
素簪言方喻樗蒲齒詎知事神徒惕慮伎佛愧虛辭
曲藝垂麟角浮名狀虎皮乘軒寧見寵巢幕更逢危
禮俗拘嵇喜侯王忻戴逵途窮方結舌靜勝但搢頤
糲食空彈劍亨衢詎置錫栢臺成口號芸閣暫肩隨
悔逐遷鶯伴誰觀擇虱時寃間眠太率牀下隱何卑

唐詩類苑

卷之百二十三

三九

奮跡登弘閣催心對董帷校讐如有暇松竹一相思

書中詠懷

白居易

官俸將生計雖貧豈敢言金多輸陸賈酒足勝陶潛
牀煖僧趺坐樓晴妓卷簾日遭齋破用春賴閨加添
老向懽彌切狂於飲不廉十年閒未足亦恐涉無厭

詠懷

鄭谷

迂疎雖可欺心路甚男兒薄宦渾無味平生粗有詩
澹文終不破孤達晚相宜直夜花前喚朝寒雪裏
竹聲輸我聽茶格共僧知景物還多感情懷偶不卑
溪鶯喧午寢山蕨正春饑險事銷腸酒清歡敵手棋

香鋤拋藥園煙艇憶莎陂自許亨途在儒綱復振時

詠懷

白居易

歲去年來塵土中眼看變作白頭翁如何辨得歸山
計兩項村田一畝宮

答微之詠懷見寄

白居易

關中同直前春事船裏相逢昨日情分袂二年勞夢
寐並牀三宿話平生紫微北畔辭宮闕滄海西頭對
郡城聚散窮通何足道醉來一曲放歌行

輦下冬暮詠懷

鄭谷

永巷閒吟一徑蒿輕肥大笑事風騷煙含紫禁花期
唐詩類苑 卷之百二十三 三十一

近雪滿長安酒價高失路漸驚前計錯逢僧更念此
生勞十年春淚催衰颯羞向清流照鬢毛

詠懷

賈島

縱把書看未省勤一生生計祗長貧可能在世無成
事不覺離家作老人中嶽深林秋獨往南原多草夜
無隣經年抱疾誰來問野鳥相過啄木頻

詠懷

白居易

隨緣逐處便安閒不住朝廷不入山心似虛舟浮水
上身同宿鳥寄林間尚平婚嫁了無累馮翊符章封
却還處分貧家殘活計正如身後莫相關

詠懷寄皇甫郎之

白居易

老大多情足往還招僧待客夜開關學調氣後衰中
健不用心來悶處閒養病未能辭薄俸忘名何必入
深山與君別有相知分同置身於木鴈間

戊申歲暮詠懷三首

白居易

窮冬月未兩三日半百年過六七時龍尾趁朝無氣
力牛頭參道有心期榮華外物終須悟老病傍人豈
得知猶被妻兒教漸退莫求致仕且分司

唯生一女纔十二祇欠三年未六旬婚嫁累經何怕
老饑寒心慣不憂貧紫泥丹筆皆經手赤紱金章盡
唐詩類苑 卷之二百三十三 三十三

到身更擬踟躕覓何事不歸嵩洛作閒人

七年囚閉作籠禽但願開籠便入林幸得展張今日
翅不能辜負昔時心人間禍福愚難料世上風波老
不禁萬一差池似前事又應追悔不抽簪

詠懷

白居易

蘇杭自昔稱名郡牧守如今當好官兩地江山蹋得
遍五年風月詠將殘幾時酒盞曾拋却何處花枝不
把看白髮滿頭歸得也詩情酒興漸闌珊

端居詠懷

白居易

賈生俟罪心相似張翰思歸事不如斜日早知驚鵬

鳥秋風悔不憶鱸魚胃襟曾貯匡時策懷袖猶殘諫
獵書從此萬緣都擺落欲攜妻子買山居

詠懷

白居易

自從委順任浮沈漸覺年多功用深面上減除憂喜
色胃中消盡是非心妻兒不問唯耽酒冠帶皆慵只
抱琴長笑靈均不知命江籬叢畔苦悲吟

遣懷

杜甫

昔我遊宋中惟梁孝王都名今陳留亞劇則具魏俱
邑中九萬家高棟照通衢舟車半天下主客多懽娛
白刃讐不義黃金傾有無殺人紅塵裏報答在斯須
唐詩類苑 卷之二百三十三 三十三

憶與高李輩論交入酒壚兩公壯藻思得我色敷腴
氣酣登吹臺懷古視平蕪芒碭雲一去鴈驚空相呼

先帝正好武寰海未凋枯猛將收西域長戟破林胡
百萬攻一城獻捷不云輸組練棄如泥尺土負百夫
拓境功未已元和辭大鑪亂離朋友盡合沓歲月徂

吾衰將焉託存歿再嗚呼蕭條益堪愧獨在天一隅
乘黃已去矣凡馬徒區區不復有顏鮑繫舟臥荆巫
臥餐吐更食常恐違撫孤

上水遣懷

杜甫

我衰太平時身病戎馬後踳踳多拙爲安得不皓首

驅馳四海內童穉日餬口但遇新少年少逢親舊友
低顏下色地故人知善誘後生血氣豪舉動見老醜
窮迫挫曩懷常如中風走一紀出西蜀于今向南斗
孤舟辭春華暮齒依蒲柳冥冥九疑英聖者骨已朽
蹉跎陶唐人輟撻日月久中間屈賈輩謾毀竟自取
鬱沒二悲魂蕭條猶在否昔嘗清湘石逆竹雜林數
篙工密逞巧氣若酣盃酒謳謳互激遠回幹明受授
善知應觸類各籍穎脫手古來經濟才何事獨罕有
蒼蒼衆色晚能挂玄蛇吼黃罷在樹顛正爲群虎守
羸骸將何適履險顏益厚庶與達者論吞聲混瑕垢

唐詩類苑

卷之二百二十三

三十三

舟中苦熱遣懷奉呈楊中丞通簡臺省諸公

杜甫

愧爲湖外客看此戎馬亂中夜混黎昨脫身亦奔竄
平生方寸心反掌帳下難嗚呼殺賢良不叱白刃散
吾非丈人特沒齒埋米炭耻以風病辭胡然泊湘岸
入舟雖苦熱垢膩可漑濯痛彼道邊人形骸改昏旦
中丞連帥職封內權得按身當問罪先縣實諸侯半
士卒旣輯睦啓行促精悍我聞上游兵稍逼長沙館
隣好彼克修天機自明斷南圖卷雲水北拱戴霄漢
美名光史臣長策何壯觀驅馳數公子咸願同伐叛

聲節哀有餘夫何激衰悞偏裨表三上鹵莽同一貫
始謀誰其間迴首增憤惋宗英李端公守職甚昭煥
變通迫脅地謀畫焉得笑王室不肯微凶徒累無憚
此流須卒斬神器資強幹扣寂豁煩襟皇天照嗟嘆

遣懷

白居易

樂往必悲生泰來復否極誰言此數然吾道何終塞
嘗求詹尹卜拂龜竟默默亦曾仰問天天但蒼蒼色
自茲唯委命名利心雙息近日轉安閒鄉園亦休憶
迴看世間苦苦在求不得我今無所求庶離憂悲域

遣懷

白居易

唐詩類苑

卷之二百三十一

三十四

寓心身體中寓性方寸內此身是外物何足苦憂愛
况有假飾者華簪及高蓋此又疎於身復在外物外
操之多惴慄失之又悲悔乃知名與利得喪俱爲害
頽然環堵客羅憲爲巾帶自得此道來身窮心甚泰

遣懷

李山甫

長松埋澗底爵爵未出原孤雲飛隴首高潔不可攀
古道貴拙直時事不足言莫飲盜泉水無爲天下先
智者與愚者盡歸北邙山唯有東流水年光不暫閒

遣懷

杜牧

道泰時還泰時來命不來何當離城市高臥博山隈

秋晚江上遣懷

杜牧

孤舟天際外去路望中賒貧病遠行客夢魂多在
蟬吟秋色樹鷓鴣啼夕陽沙不擬徹雙鬢他方擲歲華

長安遣懷

林寬

醉下高樓醒復登任從浮薄笑才能青龍寺裏三門
上立爲南山不爲僧

遣懷寄歐陽秀才

劉威

地上江河天上鳥百年流轉只須更平生閒過日將
日欲老始知吾負吾似豹一班時或有如龜三顧豈
全無古來晚達人何限莫笑空枝猶望蘇

唐詩類苑

卷之二百二十三

遣懷

僧齊己

詩病相兼老病深世醫徒更費千金餘生豈必虛拋
擲未死何妨樂詠吟流水不回休歎息白雲無迹莫
追尋閒身自有閒沙處黃葉清風蟬一林

春夕遣懷

劉兼

窮通分定莫淒涼且放懽情入醉鄉范蠡扁舟終去
相馮唐半世只爲郎風飄玉笛梅初落酒汎金樽月
未央休把虛名撓懷抱九原丘壠盡侯王

遣懷

白居易

義和走馭趁年光不許人間日月長遂使四時都似

電爭教兩鬢不成霜榮銷枯去無非命壯盡衰來亦
是常已共身心要約定窮通生死不驚忙

自到潯陽生三女子因詮眞理用遣妄懷

白居易

宦途本自安身拙世累由來向老多遠謫四年今已
矣晚生三女擬如何預愁嫁娶眞成患細念因緣盡
是魔賴學空王治苦法須拋煩惱入頭陀

叙懷二首

張九齡

弱歲讀書史抗迹追古人被褐有懷玉佩印從負薪
志合豈兄弟道行無賤貧孤根亦何賴感激此爲隣

唐詩類苑

卷之二百二十三

二

晚節從卑秩岐路良非一旣聞持兩端復見挾三術
木瓜誠有報玉楮論無實已矣直躬者平生壯圖失
去去勿重陳歸來茹芝朮

叙懷

張蠙

月裏路從何處上江邊身合幾時歸十年九陌寒風
夜夢掃蘆花絮客衣

長春舍叙邵陵舊懷永門蕭使君二首

曹唐

木魚金鑰鎖重城夜上紅樓縱酒情箭竹水繁更漏

促桐花風軟管絃清百分散打銀船溢十指寬催玉
筋輕星斗漸稀賓客散碧雲猶戀艷歌聲

三年身逐楚諸侯賓榻容居最上頭飽聽笙歌陪夜
飲熟尋雲水縱閒遊朱門鎖閉煙霞暮鈴閣清冷水
木秋月滿前山圓不動更邀詩客上高樓

寫懷二首

杜甫

勞生共乾坤何處異風俗冉冉自趨競行行見羈束
無貴賤不悲無富貧亦足萬古一骸骨鄰家遞歌哭
鄙夫到巫峽三歲如轉燭全命甘留滯忘情任榮辱
朝班及暮齒日給還脫粟編蓬石城東采藥山北谷
唐詩類苑 卷之二百二十三 三七

二

夜深坐南軒明月照我膝驚風翻河漢梁棟已出日
群生各一宿飛動自儔匹吾亦驅其兒營營爲私實
天寒行旅稀歲暮日月疾榮名忽中人世亂如蟣虱
古者三皇前滿腹志願畢胡爲有結繩陷此膠與漆
禍首燧人氏厲階董狐筆君看燈燭張轉使飛蛾密
放神八極外俛仰俱蕭瑟終契如往還得非合仙術

鉛山寫懷

曹松

天涯兵火後風景畏臨門骨肉到時節團圓因夢魂
池塘營水眼嶺嶠結花根耳縱聽歌吹中心不可論

道懷

魚玄機

閒散身無事風光獨自遊斷雲江上月解纜海中舟
琴弄蕭梁寺詩吟庾亮樓叢篁堪作伴片石好爲儔
燕雀徒爲貴金銀志不求滿盃春酒綠對月夜琴幽
遶砌澄清沼抽簪映細流臥牀書冊遍半醉起梳頭

抒懷

張蟾

幾出東堂謝不才便甘閒望故山迴翻思未是離家
久更有人從外國來

唐詩類苑

卷之二百二十三

三八

紀懷贈李六戶曹崔二十功曹五十韻

元稹

昔冠諸生首初因三道徵公卿碧鷄會名姓白麻稱
日月光遙射煙霄志漸弘榮班張錦繡諫路賜綵藤
便欲呈肝膽何言犯股肱椎埋衝斗劍清徹瑩壺冰
赤縣纔分務青驄已迥乘因騎度海鵲擬殺蔽天鵬
縛虎聲空壯連鰲力未勝風翻波竟蹙山壓勢逾崩
慘辱徒相困蒼黃性不能歌離離頂負氣入江陵
華表當瞻魄高樓挂玉繩角聲悲掉蕩城影暗稜層
軍幕威容盛官曹禮數兢心雖出雲鶴身尚觸龍鱗

疎足良甘分排衙苦未曾通名參將校抵掌見親朋
煦沫求涓滴滄波怯斗升荒居鄰鬼魅羸馬步踉蹌
白草堂簷短黃梅雨氣蒸黏經汗席殿閃盡油燈
夜怯餐膚蚋朝煩拂面蠅過從愁厭賤專靜畏猜仍
旅寓誰堪托官聯自可憑甲科崔並驚柱史李齊昇
共展排空翼俱遭激遠矰他鄉元易感同病轉相矜
投分多然諾忘言少愛憎誓將探肺腑耻更辨淄澠
會宿形骸達論交意氣增一心吞渤澥戮力拔嵩恒
語到磨圭角疑消破弩癥吹嘘期指掌患難許檐簷
鷺棲棘藏鋒箭在弮雪中方睹桂木上莫施醫

唐詩類苑

卷之百二十三

三十九

且汎黃沿水兼過被病僧有時鞭欵段盡日醉僂僂
躡屐看秧稻敲船和採菱叉魚江火合喚客谷神應
嘯傲雖開口幽憂復滿膺望雲鰭撥刺透匣色騰凌
每想潢池寇猶稽赤族懲夔龍勞笑畫獵虎帶威稜
逐鳥忠潛奮懸旌意遠疑張弓思徹札絆驥悶牽絙
運甓調辛苦聞鷄屢寢興閒隨人兀兀夢聽鼓鼙聲
班筆行看擲黃陂莫漫澄鵬閣上須及壯時登

諭懷

白居易

黑頭日已白白面日已黑人生未死間變化何終極
常言在已者莫若形與色一朝改變來止渴不能得

况彼身外事悠悠通與塞

感懷

費冠卿

螢燭不爲苦求名始辛酸上國無交親請謁多少難
九月風到面羞汗成水片求名俟公道名與公道遠
力盡得一名他喜我且輕家書十年絕歸去知誰榮
馬嘶渭橋柳特地起愁聲

以拾遺召不起賦詩

費冠卿

君親同是先王道何時骨肉一處老也知臣不合佐
時自古榮華誰可保

感懷

孟郊

唐詩類苑

卷之百二十三

四

冬陰氣交兩河正屯兵煙塵相馳突烽火日夜驚
大行險阻高輓粟輸連營柰何操弧者不使梟巢傾
猶聞漢比兒恬亂謀縱橫擅搖干戈柄呼呌豺狼聲
白日臨爾軀胡爲喪丹誠豈無感激士以致天下平
登高望寒原黃雲鬱崢嶸坐馳悲風暮歎息空沾纓

感懷二首

戴叔倫

尺帛無長裁淺水無長流水淺易成枯帛短誰人收
人生取舍間趨競固非僞舊交跡雖疎中心自云稠
新交意雖密中道生怨尤踟躕復踟躕世路今悠悠

二

主人飲君酒勸君弗相違但當盡弘量觴至無遺
人生百年中會合能幾時不見枝上花昨滿今漸稀
花落還再開人老無少期古來賢達士飲酒不復疑

感懷

張繼

調與時人背心將靜者論經年帝城裏不識五侯門

感懷陳情

姚鵠

恩重空感激何門誓殺身謬曾分玉石竟自困風塵
陰谷非因暖幽叢豈望春升沈在言下應念異鄉人

感懷

劉長卿

秋風落葉正堪悲黃菊殘花欲待誰水近偏逢寒氣

唐詩類苑

卷之二十三

四十一

早山深長見日光遲愁中卜命看周易夢裏招魂讀

楚詞自笑不如湘浦鴈飛來卽是北歸時

途中感懷寄青城李明府崔塗

鱗鬣摧殘志未休壯心翻是此身讐併聞寒雨多因

夜不得鄉書又到秋耕釣舊交吟好憶雪霜危棧去

堪愁如何只是三年別君着朱衣我白頭

感懷投時相

鄭谷

非才偶忝直文昌兩鬢年深一鏡霜待漏敢辭稱小

吏立班由未出中行孤吟馬跡拋槐陌遠夢漁竿擲
章鄉丞相舊知爲學苦更教何處貢篇章

感懷

羅隱

石徑松軒亦自由謾隨浮世逐飄流驚駘路結成千
恨蟋蟀牀生半夜秋掩耳惡聞宮接語低顏須向路
人羞誰教小事相催逼未到青雲擬白頭

湖上歲暮感懷寄友人

羅隱

雪天螢席幾辛勤同志當時四五人蘭版地寒俱受
露桂堂風惡獨傷春音書久絕應埋玉編簡難言竟
委塵唯有廣都麗令在白頭樽酒憶交親

府齋感懷酬夢得

白居易

府伶呼喚爭先到家醒提攜動輒隨合是人生開眼

唐詩類苑

卷之二十三

四十二

日自當年老歛眉時丹砂鍊作三銖土玄髮看成一

把絲勞寄新詩遠安慰不聞枯木更生枝

暇日感懷因寄同院吳蛻拾遺

羅隱

壁池清秩訪燕臺曾捧瀛洲札翰來今日二難俱大

夜當時三幅謾高才戲悲槐市便便笥狂憶樟亭滿

滿杯猶幸小荀同舍在每因相見卽銜哀

唐詩類苑卷第一百二十三終

唐詩類苑卷第一百二十四

明雲間張之象玄超甫纂輯

雲間李中立士強甫編次

雲間王微叔朗甫補訂

梁谿曹仁孫伯安甫校正

人部

述懷

寓懷

李商隱

絲鸞餐顙氣威鳳食卿雲長養三清境追隨五帝君
烟波遺汲汲增繳任云云下界圍黃道前程合紫氛

唐詩類苑

卷之三百三十四

一

金書唯是見玉管不勝聞草爲迴生種香綠却死薰
海明三島見天迴九江分峯樹無勞援神禾豈用芸
闕龍風結陣惱鶴露成文漢殿霜何早秦宮日易曠
星機拋密緒月杵散靈霏陽鳥西南下相思不及群

寓懷

溫庭筠

誠足不顧得妄矜徒有言語斯諒未盡隱顯可悠然
洵彼都邑盛眷惟車馬喧自期尊客卿非意干王孫
御知有貞爵處實非厚顏苟無海岱氣奚取壺漿思
唯絲南山楊適我松菊香鵬鷗誠來憶誰謂凌風翔

春日寄懷

李商隱

世間榮落重逡巡我獨丘園坐四春縱使有花兼有
月可堪無酒又無人青袍似草年年定白髮如絲日
日新欲逐風波千萬里未知何路到龍津

廢寺閑居寄懷一二罷舉知己

李洞

病居廢廟冷吟烟無力爭飛類病蟬槐省老郎蒙主
棄月陂孤客望誰憐稅房兼得調猿石租地仍分浴
鶴泉處世堪驚又堪愧一坡山色不論錢

寄懷

秦韜玉

總藏心劍事儒風大道如今已渾同會致名津搜雋
唐詩類苑

卷之三百三十四

二

彥是張然網糾英雄蘇公有國皆懸印楚將無官可
賞功若使重生太平日也應回首哭塗窮

偶懷

曹鄴

開目不見路常如夜中行最賤不自勉中塗與誰爭
蓬爲沙所危還向沙上生一年秋不熟安得便廢耕
顏子命未達亦遇時人輕

求日有懷

鄭谷

能消未日是樗蒲坑塹由來似宦途兩擲未終捷擲
內座中何惜爲呼盧

元和甲午歲詔書盡徵江湖逐客余自武陵

赴京宿於都亭有懷續其來諸子

劉禹錫

雷雨江山起卧龍武陵樵客躡仙蹤十年楚水楓林下
今夜初聞長樂鐘

辰州建中四年多懷

戎昱

荒微辰陽遠窮秋瘴雨深主恩堪灑血邊宦更何心
海上紅旗滿生前白髮侵竹寒寧改節隼靜早因禽
務退門多掩愁來酒獨斟天涯憂國淚無日不沾襟

史百懷

張籍

自小信成疎懶性人間事事總無功別從仙客求方

唐詩類苑

卷之三

三

法時到僧家問若空老大登朝如夢裏貧窮作活似
村中未能便即休官去慚愧南山採藥翁

幽懷

韓愈

幽懷不能寫行此春江潯適與佳節會士女競光陰
疑粧耀洲渚繁吹蕩人心間關林中鳥亦知和爲音
豈無一罇酒自酌還自吟但悲時易失四序迭相侵
我歌君子行視古猶視今

秋懷十五首

孟郊

孤骨夜難卧吟蟲相唧唧老泣無涕淚秋露爲滴瀝
去壯暫如剪來衰紛似織觸緒無新心叢悲有餘憶

詎忍逐南帆江山踐往昔

二

秋月顏色冰去聲老客志氣單冷露滴夢破峭風梳骨
寒席上印病文腸中轉愁盤疑懷無所憑虛聽多無
端梧桐枯嶢嶢聲響如哀彈

三

一尺月透戶仵栗如劒飛老骨坐亦驚病力所尚微
蠱苦貪一作夜夜色鳥危巢焚輝孀娥理故絲一作煩緒孤
哭一作坐抽餘意浮年不可追衰步多夕歸

四

唐詩類苑

卷之三

四

秋至老更貧破屋無門扉一片月落牀四壁風入衣
夢不復遠弱心良易歸商葩將去一作老綠繚繞爭
餘輝野步踏事少病謀向物違幽幽草根蟲生意與
我微

五

竹風相戛語幽閨暗中聞鬼神滿衰聽恍惚難自分
商葉隨乾雨秋衣卧單雲病骨可剗物酸呻亦成文
瘦攢如此枯壯落隨西曠裊裊一線命徒言繫網緼

六

老骨懼秋月秋月刀劍稜纖輝不可干冷魂坐自凝

羈雌巢空鏡仙颺蕩浮水驚步恐自翻病大不放
單牀寤皎皎瘦卧心兢兢洗河不見水透濁爲清
詩壯昔空說詩衰今何憑

七

老病多異慮朝夕非一心商蟲哭衰運繁響不可尋
秋草瘦如髮貞芳綴疎金晚鮮詎幾時馳景還易陰
弱習徒自耻暮知欲何任露才一見讒潛智早已深
防深不防露此意古所箴

八

歲暮景氣乾秋風兵甲聲織織勞無衣嚶嚶徒自鳴
唐詩類苑 卷之三十四 五

商聲聳中夜寒支廢前行青髮如秋園一剪不復生
少年如餓花瞥見不復明君子山岳定小人絲毫爭
多爭多無壽天道戒其盈

九

冷露多瘁索枯風饒吹噓秋深月清苦蟲老聲轟疎
頰珠枝鬢鬢芳金蔓舒草木亦趣時寒榮似春餘
自悲一作零落生與我心何如

十

老人朝夕異生死每日中坐隨一啜安卧與萬景空
視短不到門聽澀詎逐風還如刻削形免有纖悉聰

浪浪謝初始皎皎幸歸終孤隔文章友親密
歲綠閉以黃秋節迸已一作窮四時既相迫萬慮自
然叢南逸浩淼際北貧磽确中曩懷沈遙江哀思結
秋蓬鋤食難滿腹葉衣多醜躬塵縷不自整古吟將
誰通幽竹嘯鬼神楚鐵生虬龍志生多異惑運轡由
邪衷常思書破衣至死教初童習樂莫習聲習聲多
頑聾明明胃中言願寫爲高崇

十一

幽苦日日甚老力步步微常恐暫下牀至門不復歸
餓者重一食寒者重一衣泛廣豈無涖恣行亦有隨
唐詩類苑 卷之三十四 六

話中失次第身外生瘡痍桂蠹既潛汚一作桂
損貞妄置言一失香千古聞臭詞將死始前悔前
悔不可追哀哉輕薄行終日與駟馳一作欲

十二

流運闇欲盡枯折皆相號棘枝風哭酸桐葉霜顏高
老蟲乾鐵鳴驚獸孤玉咆商氣洗一作聲瘦晚陰驅
景勞集耳不可過噎神不可逃蹇行散餘鬱幽坐誰
與曹抽壯無一線剪懷盈千刀清詩既名眺一作詩
如金菊亦姓陶收拾音所棄咨嗟今比毛幽幽歲晏
言零落不可操

十三

霜氣入病骨老人身生冰衰毛暗相刺冷痛不可勝
 驚驚伸至明強攬所憑瘦坐形欲折腹饑心將崩
 勸藥左右愚言語如見憎聳耳噎神開一作降始
 知功用一作能日中視餘瘡暗錄一作聞細一作蠅
 彼饕一何酷此味半點凝潛毒爾無厭餘生我堪矜
 凍飛幸不遠冬令反心懲出沒各有時寒熱苦一作
 相凌仰謝調運翁請命願有徵

十四

黃河倒上天象水有却來人心不及水一直去不廻
 唐詩類苑 卷之三十四 七
 一直亦有巧不肯至蓬來一直不知疲唯聞至省臺
 忍古不失古失古志易摧失古劍亦折失古琴亦哀
 夫子失古淚當時落漼漼詩老失古心至今寒皚皚
 古骨無濁肉古衣無鮮苔勸君免忍古忍古銷塵埃

十五

晉言不見血殺人何紛紛聲如窮家犬吠竇何闇闇
 晉痛幽鬼哭晉侵黃金貧言詞豈用多憔悴在一聞
 古晉古不死至今書云云今人詠古書善惡宜自分
 秦人不焚舌秦火空焚文所以晉更生至今橫網組
 和酬鄭侍御東陽春悶放懷追越遊見寄

白居易

君得嘉魚置賓席樂如南有嘉魚時勁氣森爽竹竿
 竦妍文煥爛芙蓉披載筆在幕名已重補袞於朝官
 尚卑一緘疏入掩谷永三都賦成排左思自言拜辭
 主人後離心蕩颺風前旗東南門館別經歲春眼悵
 望秋心悲昨日嘉魚來訪我方駕同出何所之樂遊
 原頭春尚早百舌新語新禪禪日趣花忙向南折風
 催柳急從東吹流年愜不饒我美景鮮妍來為誰
 紅塵三條界阡陌碧草千里鋪郊畿餘霞斷時綺幅
 裂斜雲展處羅文紕暮鐘遠近聲互動暝鳥高下飛
 唐詩類苑 卷之三十四 八
 追隨酒酣將歸未能去悵然廻望天四垂生何足養
 稽著論途何足泣楊漣湔胡不花下伴春醉滿酌綠
 酒聽黃鸝嘉魚點頭時一嘆聽我此言不知疲語終
 興盡各分散東西軒騎分逶迤此詩勿遣閑人見見
 恐與他為嘆資白首舊寮知我者憑君一詠向周師
 懷哉行 薛據
 明時無廢人廣廈無棄材良工不我顧有用寧自媒
 懷策望君門歲晏空遲廻秦城多車馬日夕飛塵埃
 代鼓千門啓鳴珂雙闕來我聞雷雨施天澤罔不該
 何意斯人徒棄之如死灰主好臣必效時禁權不開

俗流實驕矜得去輕草萊文王賴多士漢帝資賢才
一言並拜將片善咸居台夫君何不遇爲泣黃金臺

海曲書情

駱賓王

薄遊倦千里勞生負百年未能查上漢詎肯劒遊燕
白雲照春海清山橫曙天江濤讓雙壁渭水擲三錢
坐惜風光滿長歌獨塊然

書情贈蔡舍人雄

李白

當高謝太傅攜姑東山門楚舞醉碧雲吳歌斷清溪
暫因蒼生起談笑安黎元余亦愛此人丹霄冀飛翻
遭逢聖明主敢進興亡言白璧竟何辜青蠅遂成冤

唐詩類苑

卷之三十四

九

壹朝去京國十載客梁園猛犬吠九關殺人憤精魂
雪冤枉白日開氛昏太階得夔龍桃李滿中原
倒海索明月凌山採芳蓀愧無橫草功虛負雨露恩
跡謝雲臺閣心隨天馬轅夫子王佐才而今誰復論
層飈振六翮不日思騰鶩我縱五湖棹烟濤恣崩奔
夢釣子陵湍英風緬猶存徒希客星隱弱植不足援
千里一回首萬里一長歌黃鶴不復來清風奈愁何
舟浮瀟湘月山倒洞庭波投汨笑古人臨濠得天和
閒時田畝中搔背牧鷄鵝別離解相訪應在武陵多

陳情贈友人

李白

延陵有寶劍價重千黃金觀風歷上國暗許故人深

歸來挂墳松萬古知其心懦夫感達節壯志激青衿

鮑生薦夷吾一舉置齊相斯人無良朋豈有青雲道

臨財不苟取推分固辭讓後世稱其賢英風邈難尚

論交但若此有道孰云喪多君騁逸藻掩映當時人

舒文振頽波秉德觀彝倫卜居乃此地共井爲比隣

清琴弄雲月美酒娛冬春薄德中見捐忽之如遺塵

英豪未豹變自古多艱辛他人縱以疎君意宜獨親

奈何成離居相去復幾許飄風吹雲霓蔽目不得語

投珠冀相報按劍恐相距所思採芳蘭欲贈隔荆渚

唐詩類苑

卷之三十四

十一

憂心若醉積恨淚如雨願假東壁輝餘光照貧女

書情

于鄴

負郭有田在年年長廢耕欲磨秋鏡淨恐見白頭生
未作一句別已過千里程不知書與劍十載兩無成

赴南巴書情寄故人

劉長卿

南過三湘去巴人此路偏謫居秋瘴裏歸處夕陽邊

直道天何在愁容鏡亦憐裁書欲誰訴無淚可潸然

獻黃書情

裴夷直

白髮添雙鬢空宮又一年音書鴻不到夢寐免空懸
地遠星辰側天高雨露偏聖期知有感雲海漫相連

書情獻知己

姚鵠

日日恨何窮已雲舊隱空一爲樓寓客二見北歸鴻
有道期攀桂無門息轉蓬賃居將罄北乞食與僧同
花月登臨處江山悵望中衆皆輕病驥誰肯救焦桐
坐惜春還至愁吟夜每終谷寒思變律葉晚怯迴風
謁蔡慙王粲憐衡翼孔融深恩知一作尚在何處問
窮通

江南書情二十韻寄秘閣韋校書貽之商洛

宋先輩垂文二同年 皮日休

四載加前字今來未改衡君批鳳尾詔我住虎頭巖

唐詩類苑

卷之三十四

十一

季氏唯謀逐臧倉只擬譏時訛輕五役俗淺重三緘
瘦去形如鶴憂來態似獬才非師趙壹直欲效陳咸
孤竹寧收笛黃琮未要瑊作羊寧免狼爲兔即須覓
枕戶槐從亞侵堦草懶菱擁泉教咽壘石放巉巖
掣釣隨心動抽書任意欬茶教弩父滴酒遣焚僮監
點坐看山困清齋飲水嚴鮮生天竺履烟壞洞庭帆
病久新烏帽閑多省白衫藥包陳雨匠詩草蠹雲函
遺客呼林狄辭人寄海蟻室唯搜古器錢只買秋衫
寡合無深契相期有至誠他年如訪問烟蕩暗影影

奉和次韻江南書情

陸龜蒙

裁志如魚樂君詞稱鳳銜暫來從露冕何事買雲霞

水石應容病松篁未聽譏鐘香松蠹賦山信藥苗絨

愛驚歎危立思後屢鑠謝才偏許眺阮放最憐咸

大樂寧忘缶奇工肯顧城客愁迷舊隱鷹健想秋冕

硯缺猶慵琢文繁却要芟雨餘幽沼淨霞散遠峰曉

洗筆烟成段培花土作杵訪僧還覓伴醫鶴自須監

荒廟猶懷李清灘幾夢嚴背風開蠹閣衝浪試新帆

悶憶年支酒閑裁古樣衫釣家隨野舫仙蘊逐彫函

度歲賒羸馬先春買小蟻共疏泉入竹同坐月過杉

染翰窮高致懷賢發至誠不堪潘子鬢愁促易影影

唐詩類苑

卷之三十四

十三

蒙召拜拾遺書情二首 費冠卿

拾遺帝側知難得官緊才微恐不勝好是中朝絕親

友九華山下詔來徵

二千里外一微臣二十年來任題身今日忽蒙天子

召自慙驚動國中人

書情寄上蘇州韋使君兼呈吳縣李明府

崔峒

數年湖上謝浮名竹杖紗巾遂性情雲外有時逢寺

宿日西無事傍江行陶潛縣裏看花發庾亮樓中對

月明誰念獻書來萬里君王深在九重城

許下書情寄張韓二舍人 耿漳

謫宦軍城老更悲近來頻夜夢丹墀銀杯乍滅中心
火金鑷唯多兩鬢絲常達綠苔聞鴈處滿庭黃葉閉
門時故人高步雲衢上肯念前程杳未期
鮑防員外見尋因書情呈贈

馬戴

少小馬儒不自強如今懶復見侯王
彈鏡已知身漸老買山將作計偏長
荒涼鳥獸同三徑撩亂琴書共一牀
猶有郎官來問疾時人莫道我佯狂

多情

鄭谷

唐詩類苑

卷之百二十四

十三

賦分多情却自嗟蕭索未必爲年華
睡輕可思風敲竹飲散那堪月在花
薄宦因循拋峴首故人流落向天涯
鶯春鴈夜長如此賴是幽居近酒家

梓情因上郎中二十二叔監察十五叔兼呈

李益端公柳鎮評事

孟郊

方憑指下絃寫出心中言寸草賤子命高山主人恩
遊邊風沙意夢楚波濤魂一日引別袂九迴露淚痕
自悲何以然在禮闕晨昏名利時轉甚是非宵亦喧
浮情少定主百慮隨世翻舉此胃臆恨幸從賢哲論
明三飛騫一作步兵照物如朝暾

湖州取解述情

孟郊

雪水徒清深照影不照心白鶴未經舉衆鳥爭浮沈
因茲推帆去遂作歸山吟

感情

白居易

中庭晒服玩忽見故鄉履昔贈我者誰東隣嬋娟子
因思贈時語特用結終始永願如履綦
自吾謫江郡漂蕩三千里爲感長情人提攜同到此
今朝一惆悵反覆看未已人隻履猶雙何曾得相似
可嗟復可惜錦表繡爲裏況經梅雨來色黯花草死

吳中言情寄魯望

皮日休

唐詩類苑

卷之百二十四

十四

古來俗父愛吳鄉一上胥臺不可忘愛酒有情如手
足除詩無計似膏肓宴時不輟琅書味齋日難判玉
繪香爲說松江堪老處滿船煙月濕沙裳

奉和襲美吳中書情次韻 陸龜蒙

菰煙蘆雪是儂鄉釣線隨身好坐忘徒愛右軍遺點
畫閑披左氏得膏肓無因月殿聞移屣祗有風河去
採香莫問江邊魚艇子玉皇堪賜羽衣裳

晚年敘志示翟處士正師 王績

弱齡慕奇調無事不兼修望氣登重閣占星上小樓
明經思待詔學劍覓封侯棄繻頻北上懷刺幾西遊

中年逢喪亂非復昔追求失路青門隱藏名白社
風雲私所愛屠博暗為儒解紛曾霸越釋難頗存周
晚歲聊長想生涯太若浮歸來南畝上更坐北溪頭
右岸多磐石春泉足細流東隅誠已謝西景懼難收
無謂退耕近伏念已經秋庚桑逢處跪陶潛見人羞
三晨寧舉火五月鎮披裘自有居常樂誰知身世憂

山中敘志

王績

物外知何事山中無所有風鳴靜夜琴月照芳春
酒直置百年內誰論千載後張鳳一作娉賢妻老
萊藉嘉偶孟光儻未嫁梁鴻正須婦

唐詩類苑

卷之百二十四

十五

春日醉起言志

李白

處士若大夢胡為勞其生所以終日醉頽然卧前楹
覺來吟庭前一鳥花間鳴借問此何時春風語流鶯
感之欲歎息對酒還自傾浩歌待明月曲盡已忘情

冬夜醉宿龍門覺起言志

李白

醉來脫寶劍旅越高堂眠中夜忽驚覺起立明燈前
開軒聊直望曉雪河水壯哀歌苦寒鬱鬱獨惆悵
傳說版築臣李斯鷹犬人歎起匡社稷寧復長艱辛
而我胡為者歎息龍門下富貴未可期歟憂向誰寫
去去淚滿襟舉聲梁甫吟青雲當自致何必求知音

奉和僕射裴相公感恩言志

韓愈

文武成功後居為百辟師林園窮勝事鐘鼓樂清時
擺落遺高論雕鏤出小詩自然無不可范蠡爾其誰

書志贈暢當

并序

李端

余少尚神仙且未能去友人暢當以禪門見導余
心知必是未得其門因寄詩以咨焉

少嘉神仙術未去已蹉跎壯志一為累浮生事漸多
衰顏不相識歲暮定相過請問宗居士君其柰老何

見志

李播

唐詩類苑

卷之百二十四

十六

去歲買琴不與價今年沽酒未還錢門前債主鴈行
立屋裏醉人魚貫眠

疇昔篇

駱賓王

少年重英俠弱歲賤衣冠既託寰中賞方承膝下歡
遨遊灞陵曲風月洛陽端且知無玉饌誰肯逐金丸
金丸玉饌盛繁華自言輕侮季倫家九陌爭馳千里
馬三條競向七香車掩映飛軒承落照參差步障列
朝霞池中舊水疑懸鏡屋裏新粧不讓花意氣風雲
倏如昨歲月春秋屢迴薄上苑頻經柳絮飛中園幾
番梅花落當時門客今何在疇昔交遊已疎索莫見

憔悴損容儀，曾得高秋雲霧廓。淹留坐帝鄉，無事積
炎涼。一朝披短褐，六載奉長廊。賦文慙昔馬，執戟慕
前揚。揮戈出武帳，荷筆入文昌。文昌隱隱皇城裏，由
來奕奕多才子。潘陸詞鋒絡繹飛，張曹翰苑縱橫起。
卿相未曾識，王侯寧見擬。徒勞倦負薪，何處逢知己。
判將運命賦窮通，從來奇舛任西東。不應未棄同芻
狗，且復飄飄任轉蓬。客鬢年年異，春花歲歲同。榮親
未盡禮，狗主欲申功。脂車秣馬辭鄉國，縈轡西南吏
印焚玉壘。銅梁不易攀，地角天涯難測。驚蟬吟
有悲望，鴻來鴈度無消息。陽關積霧萬里昏，劍閣連

唐詩類苑

卷之三百二十四

七

山千里。色蜀路何悠悠，岷峰阻且脩。迴腸隨九折，迸
淚忽雙流。寒光千里暮，露氣二江秋。長途看束馬，平
水且沈牛。華陽舊地標，神制石鏡娥眉真。秀麗諸葛
才，雄已號龍公。孫躍馬輕稱帝，五丁卓犖多奇力。四
士英靈用文藝，雲氣橫開八陣形。橋影遙分七星勢，
川平烟霧開遊戲。錦城隈牖高龜望，出水淨鴈文迴。
羣妹入酒肆，訪客上琴臺。不識金貂重，偏惜玉山頽。
他鄉冉冉消年月，帝里沈沈恨城闕。不見猿聲助客
啼，唯聞旅思將華發。我家迢遞關山裏，關山迢遞不
可越。故園梅柳尚餘春，來勿使芳菲歇。解秩欲言

歸執袂，愴多違。北梁俱握手，南浦共沾衣。別情傷去
蓋，離念惜光輝。清音何所託，木落鴈南飛。南陸春來
酒應熟，相將菌閣望清溪。且用藤杯泛黃菊，十年不
調爲貧賤。百日屢遷隨，倚伏祗爲須。求負郭田使我
再，于州郡祿百年。鬱鬱少騰遷，萬里迢迢入鏡川。吳
江沸潮衝白浪，淮海長波接遠天。叢竹含朝露，孤山
起暝烟。賴有邊城月，常伴客旌懸。東南美箭稱吳會，
名都隱軫三江外。塗山執玉應昌期，曲水開襟重文
會。仙鶴流音鳴鶴嶺，寶劍分輝若蛟瀨。未看白馬對
蘆花，且覺浮雲似車蓋。江南節序多，文酒屢經過。共

唐詩類苑

卷之三百二十四

十八

踏春江曲俱唱采菱歌，舟移疑入鏡棹舉。若乘波風
光無限極，歸櫂礙池荷。眺聽烟霞正，流盼卽從王事
歸。艫轉芝田花，發屢徘徊金谷春。明重遊行登高南
適，啗梁叟憑軾西征想。潘掾峰間華岳聳，疑蓮水激
龍門急。如箭人事謝光陰，俄遭霜露侵。偷存七尺影，
分沒九泉深。窮途行泣玉，憤路未藏金。茹荼徒有嘆，
懷橘獨傷心。年來歲去成銷鑠，懷抱心期漸寥落。挂
冠裂冕已辭榮，南畝東皇事耕鑿。賓階客院常疎散，
蓬徑柴扉終寂寞。自有林泉堪隱棲，何必山中事丘
壑。我任青門外，家臨素澗濱。遙瞻丹鳳闕，斜望黑龍

津荒衢通獵騎窮巷低樵輪時有桃源客來訪竹
人昨夜琴聲奏悲調旭日含嘖不成笑果乘驄馬
驚書復道郎官稟綸詔冶長非罪曾縲綬長孺然
也經溺高門有閣不圖封峻筆無聞欲敷妙適離
兆謗還從御府彈炎威資夏景平曲况秋翰畫地終
難入書空自不安吹毛未可待捋尾且求餐丈夫坎
壈多愁疾契闊迤邐盡今日慎罰寧憑兩造辭嚴科
盜挂三章律鄒衍銜悲衝燕獄李斯抱怨拘秦格不
應白髮頓成絲直爲黃沙暗如漆紫禁終難叫朱門
不易排驚魂聞葉落危魄逐輪埋霜威遙有勵雪祗

唐詩類苑

卷之百五

九

無階含冤欲誰道飲氣獨居懷忽聞驛使發關東
傳道天波萬里通涸轍去鱗終逝海幽禽釋網便翔
空舜澤堯曦方有極讒言巧佞尚無窮誰能跼蹐依
三輔會就商山訪四翁

昔遊

杜甫

昔謁華蓋君綠袍崑玉脚人棺已上天白日亦寂寞
暮升艮岑頂巾几猶未却弟子四五人入來淚俱落
余時遊名山發軔在遠壑良覲違夙願含凄向寥廓
林昏罷幽磬竟夜伏石閣王喬下天壇微月映皓鶴
晨溪嚮虛駛歸徑行已昨豈辭青鞋舐悵望金七藥

東家赴舊隱尚憶同志樂伏事董先生於今獨
胡爲客關塞道意久衰薄妻子亦何人丹砂負前諾
雖悲髮鬢變未憂筋力弱杖藜望清秋有興入廬霍

昔遊

杜甫

昔與高季輩晚登單父臺寒蕪際碣石萬里風雨來
桑柘葉如雨飛翟共徘徊清霜大澤凍禽獸有余哀
是時倉廩實洞達寰區開猛士思滅胡將帥望三台
君王無所惜駕馭英雄材幽燕盛用武供給亦勞哉
吳門轉粟帛泛海陵蓬萊肉食三十萬獵射起黃埃
隔河憶長眺青歲已摧頽不及少年日無復古人杯

唐詩類苑

卷之百五

十

賦詩獨流涕亂世想賢才有能市駿骨莫恨少龍媒
高山議得失蜀主脫嫌猜呂尚封國邑傅說已鹽梅
景晏楚山深水鶴去低回龐公任本性攜手卧蒼苔

憶昔行

杜甫

憶昔北尋小有洞洪河怒濤過輕舸辛勤不見華蓋
君艮岑青輝慘么麼千崖無人萬壑靜三步回頭五
步坐秋山眼冷魂未歸仙賞心違淚交墮弟子誰依
白茅室盧老獨啓青銅鎖巾拂香餘搗藥塵階除灰
死燒丹火玄圃滄洲莽空闊金節羽衣飄婀娜落日
初霞閃餘映倏忽東西無不可松風礪水聲合時青

兕黃熊啼向我徒然咨嗟撫遺跡至今夢想仍猶佐
秘訣隱文須內教晚歲何功使願果更討衡陽董鍊
師南游早鼓瀟湘柁

憶昔二首

杜甫

憶昔先皇巡朔方千乘萬騎入咸陽陰山驕子汗血
馬長驅東胡胡走藏鄴城反覆不足怪關中小兒壞
紀綱張后不樂上爲忙至今今猶撥亂勞心焦思
補四方我昔近侍叨奉引出兵整肅不可當爲留猛
士守未央政使岐雍防西羌犬戎直來坐御牀百王
跣足隨天王願見北地傅介子老儒不用尚書郎

唐詩類苑

卷之百十四

三

憶昔開元全盛日小邑猶藏萬家室稻米流脂粟米
白公私倉廩俱豐實九州道路無豺虎遠行不勞吉
日出齊統魯編車斑斑男耕女桑不相失宮中聖人
奏蕭門天下朋友皆膠漆百餘年間未災變叔孫禮
樂蕭何律豈聞一絹直萬錢有田種谷今流血洛陽
官殿燒焚盡宗廟新除狐兔穴傷心不忍問耆舊復
恐初從亂離說小臣魯鈍無所能朝廷記識蒙祿秩
周宣中興望我皇灑血江漢長衰疾

壯遊

杜甫

往者十四五出遊翰墨場斯文崔魏徒以我似班楊

七齡思卽壯開口詠鳳皇九齡書大字有作成一囊
性豪業嗜酒嫉惡懷剛腸脫畧小時輩結交皆老蒼
飲酣視八極俗物都茫茫東下姑蘇臺已具浮海航
到今有遺恨不得窮扶桑王謝風流遠闔廬丘墓荒

劒池石壁仄長洲菱荷香嵯峨閭門北清廟映迴塘
每趨吳太伯撫事淚浪浪枕戈憶勾踐渡浙想秦皇
蒸魚聞七首除道晒要章越女天下白鑑湖五月涼
剡溪蘊秀異欲罷不能忘歸帆拂天姥中歲貢舊鄉
氣劇屈賈壘目短曹劉墻忤下考功第獨辭京尹堂
放蕩齊趙間裘馬頗清狂春歌叢臺上冬臘青丘旁

唐詩類苑

卷之百十四

三

呼鷹皂纒付逐獸雲雪崗射飛曾縱鞚引臂落鵝鴒
蘇侯據鞍喜忽如攜葛疆快意八九年西歸到咸陽
許與必詞伯賞遊實賢王曳裾置醴地奏賦入明光
天子廢食召羣公會軒裳脫身無所愛痛飲信行藏
黑貂不免弊斑鬢兀稱觴杜曲老耆舊四郊多白楊
坐深鄉黨敬日覺死生忙朱門任傾奪赤族迭罹殃
國馬竭粟豆官鷄輸稻粱舉隅見煩費引古惜興亡
河朔風塵起岷山行幸長兩宮各警蹕萬里遙相望
崑崙散氣黑少海旌旗黃禹功亦命子涿鹿親戎行
聞道吳獄螭虎噉豺狼爪牙一不中胡兵更陸梁

大軍載草草凋瘵滿膏肓備員竊補衮憂憤心飛越
上感九廟焚下憫萬民瘡斯時伏青蒲延誚守御牀
君辱敢愛死赫怒幸無傷聖哲體仁恕宇縣復小康
哭廟灰燼中鼻酸朝未央小臣議論絕老病客殊方
爵爵苦不展羽翮困低昂秋風動哀壑碧蕙捐微芳
之推避賞從漁父濯滄浪榮華敵勳業歲暮有嚴霜
吾觀鴟夷子才格出尋常羣兇逆未定側佇英俊翔
七月三日亭午已後較熱退晚加小涼穩睡
有詩因論壯年樂事戲呈元二十一曹長

杜甫

卷之二十四

三

商周用事餘熱亦已末衰年旅炎方生意從此活
亭午減汗流北鄰耐人聒晚來爽鳥匿筋力蘇摧折
閉目踰十旬大江不止渴退藏恨雨師健步聞旱魃
園蔬抱金玉無以供採掇密雲雖聚散徂暑終衰歇
前聖眷焚巫武王親救暘陰陽相主客時序遞回幹
灑落唯清秋昏霾一空闊蕭蕭紫塞鴈南向欲行列
歛思紅顏日霜露東堦闌胡馬挾彫弓鳴弦不虛發
長鉞逐狡兔突羽當滿月惆悵白頭吟蕭條游俠窟
臨軒望山閣縹緲安可越高人鍊丹砂未念將朽骨
少壯跡頗疎歡樂曾倏忽杖藜風塵際老醜難翫拂

吾子得神仙本是池中物賤夫美一睡煩促嬰詞筆

遣興三首

杜甫

蓬生非無根漂蕩隨高風天寒落萬里不復歸本叢
客子念故宅三年門巷空悵望但烽火戎車滿關東
生涯能幾何常在羈旅中

我今日夜憂諸弟各異方不知死與生何況道路長
避寇一分散饑寒未相望豈無柴門歸欲出畏虎狼
仰看雲中鴈禽鳥亦有行

昔在洛陽時親友相追攀送客東郊道遨遊宿南山
烟塵阻長河樹羽成臯間迴首載酒地豈無一日還

唐詩類苑

卷之二十四

三四

丈夫貴壯健慘戚非朱顏

遣興五首

杜甫

朔風飄胡鴈慘澹帶砂礫長林何蕭蕭秋草凄更碧
北里富薰天高樓夜吹笛焉知南隣客九月猶絺綌

二

長陵銳頭兒出獵待明發騁弓金瓜鎗白馬蹴微雪
未知所馳逐但見暮光滅歸來懸兩狼門戶有旌節

三

漆有用而割膏以明自煎蘭摧白露下桂折秋風前
寸中羅舊尹沙道尚依然赫赫蕭京兆今爲人所憐

四

猛虎憑其威往往遭急縛雷吼徒咆哮支撐已在脚
忽看皮寢處無復晴閃爍人有甚於斯足以勸元惡

五

朝逢富家奔前後皆輝光共指親戚大總麻百夫行
送者各有死不須羨其強君看束縛去亦得歸山岡

遣興五首

杜甫

蟄龍三冬卧老鶴萬里心昔時賢俊人未遇猶視今
嵇康不得死孔明有知音又如隴底松用舍在所尋
大哉霜雪幹歲久爲枯林

唐詩類苑

卷之三十四

五

二

昔者龐德公未曾入州府襄陽者舊間處士節獨苦
豈無濟時策終竟畏羅罟林茂鳥有歸水淦魚知聚
舉家隱鹿門劉表焉得取

三

陶潛避俗翁未必能達道觀其著詩集頗亦恨枯槁
達生豈是足默識蓋不早有子賢與愚何其挂懷抱

四

賀公雅吳語在位常清狂上疏乞骸骨黃冠歸故鄉
爽氣不可致斯人今則亡山陰一茅宇江海日淒涼

五

吾憐孟浩然短褐卽長夜賦詩何必多往往凌絕謝
清江空舊魚春雨餘甘蔗每望東南雲令人幾悲吒

遣興三首

杜甫

下馬古戰場四顧但茫然風悲浮雲去黃葉墜我前
朽骨死蟻蟻又爲墓草纏故老行歎息今人尚開邊
漢虜互勝負封疆不常全安得廉頗將三軍同晏眠

二

高秋登塞山南望馬邑州降虜東擊胡壯健盡不留
穹廬莽牢落上有行雲愁老弱哭道路願聞甲兵休

唐詩類苑

卷之三十四

五

三

豐年孰云遲甘澤不在早耕田秋雨足禾黍已映道
春苗九月交顏色同日老勸汝衡門士勿悲尚枯槁
時來展材力先後無醜好但訝鹿皮翁忘機對芳草

遣興二首

杜甫

天用莫如龍有時繫扶桑頓轡海徒涌神人身更長
性命苟不存英雄徒自強吞聲勿復道真宰意茫茫

二

地用莫如馬無良復誰記此日千里鳴追風可君意

君看渥注種態與驚駘異不雜蹄齧間道遙有能事

水宿遣興奉呈羣公

杜甫

魯鈍仍多病逢迎遠復迷耳聾須畫字髮短不勝簪
澤國雖勤雨炎天竟淺泥小江還積浪弱纜且長堤
歸露非關北行舟却向西暮年漂泊恨今夕亂離啼
童稚頻書札盤餐詎糝藜我行何到此物理直難齊
高枕飜星月嚴城疊鼓鼙風號聞虎豹水宿伴鳬鷖
異縣驚虛往同人惜解攜蹉跎常泛鷁展轉屢聞鷄
嶷嶷瑚璉器陰陰桃李蹊餘波期救涸費日苦輕齋
杖策門欄遠肩輿羽關低自傷甘賤役誰愍強幽棲

唐詩類苑

卷之三百四

五

巨海能無釣浮雲亦有梯勳庸思樹立語默可端倪
贈粟困應指登橋柱必題丹心老未折時訪武陵溪

遣興聯句

孟郊

我心隨月光寫君庭中央郊月光有時晦我心安所
忘愈常恐金石契斷為橋恩賜郊平生無百歲岐路
有四方愈四方各異俗適異非所將愈驚蹄顧挫秣
逸翮遺稻梁愈時危抱獨沈道泰懷同翔郊居久
寂默相顧聊慨慷愈慨慷丈夫志可以耀鋒鏑郊遂
甯知卷舒孔顏識行藏愈朗鑒諒不遠佩蘭永芬芳
郊苟無夫子聽誰使知音揚愈

遣興

孟郊

絃貞五條音松直百尺心貞絃含古風直松凌高岑
浮聲與狂葩胡為欲相侵

遣興十首

元稹

始見梨花房坐對梨花白行看梨花青已復梨花赤
嚴霜九月半危蒂幾時客况有高原秋風四來迫

二

莫厭夏日長莫悲冬日短欲識短復長君看寒又煖
城中百萬家冤哀雜絲管草沒奉誠園軒車昔曾滿

三

唐詩類苑

卷之三百五

天

竹道荒園誤與蓬麻列久擁蕭蕭風空長高高節
霜霜群穢蓬斷麻亦折獨立轉亭亭心期鳳皇別

四

豔豔剪紅英團團削翠莖託根在褊淺因依泥滓生
中有合歡藥池枯難遽呈涼宵露華重低徊當月明

五

晚荷猶展卷早蟬遽蕭索露葉行已重况乃江風搖
炎夏火再伏清商暗迴颺寄言抱志士日月東西跳

六

買馬買鋸牙買犢買破車養禽當養鵝種樹先種花

人生負俊健天意與光華莫學蚯蚓輩食泥近土涯

七

愛直莫愛夸愛疾莫愛斜愛謨莫愛詐愛施莫愛奢
擇才不求備任物不過涯用人如用已理國如理家

八

燿燿刀刃光彎彎弓面張入水斬犀兕入山椎虎狼
里中無老少喚作癡兒郎一日風雨會橫金歸故鄉

九

圓圓規內星未必明如月託跡近北辰周天無淪沒
老人在南極地遠光不發見則壽聖明願照高高關

唐詩補注

卷之二十四

五

十

河清諒嘉瑞是歲黃吾帝真聖人時哉不我夢此時
爲廢民光陰本跳躑功業勞苦辛一別江陵郡三年

成去塵

遣興

戴叔倫

明月臨滄海閑雲戀故山詩名滿天下終日掩柴關

遣興

李咸用

風細酒初醒憑欄別有情蟬稀秋樹瘦雨盡晚雲輕
旅費一絲出鄉心寸火生子牟魂欲斷何日是昇平

遣興

杜牧

鏡弄白髭鬚如何作老夫浮生長勿勿兒小且鳴鴉

忍過事堪喜春來憂勝無治平心徑熟不遣有窮途

遣興

李敬方

果窺丹竈鶴莫美白頭翁日月仙壺外筋骸藥臼中
雲歸無定所鳥跡不留空何必勞方寸峴崎問遠公

遣興

羅隱

青雲路不通歸計奈長蒙老恐醫方悞窮憂酒盞空
何堪離亂後更入是非中長短遭譏笑迴頭避釣翁

遣興

韋莊

如幻如泡世多愁多病身亂來知酒聖貧去覺錢神

唐詩補注

卷之二十四

五

異國清明節空江寂寞春聲聲林上鳥喚我北歸秦

遣遇

杜甫

磬折辭主人開帆駕洪濤暮來滿南國朱崖雲日高
舟子廢寢食飄風爭所操我行匪利涉謝爾從者勞

石間采蕨女鬻菜輸官曹丈夫死百役暮返空村號
聞見事畧同刻剝及錐刀貴人豈不仁視汝如莠蒿

索錢多門戶喪亂紛嗷嗷奈何黠吏徒漁奪成逋逃

自喜逐生理花時黃縕袍

釋悶

杜甫

四海十年不解兵犬戎也復臨咸京失道非關出襄

野揚鞭忽是過胡城豺狼塞路人斷絕烽火照夜屍
縱橫天子亦應厭奔走羣公固合思升平但恐誅求
不改轍聞道孽孽能全生江邊老翁錯料事眼暗不
見風塵清

遣悶呈路十九曹長

杜甫

江浦雷聲喧昨夜春城雨色動微寒黃鶯並坐交愁
濕白鷺群飛大刺乾晚節漸於詩律細誰家數去酒
杯寬唯君最愛清狂客百遍相過意未闌

撥悶

杜甫

聞道雲安麴米春纔傾一盞即醺人乘舟取醉非難
唐詩類苑 卷之三百十四 主一

事下峽銷愁定幾巡長年三老遙憐汝挨拖開頭捷
有神已辨青錢防顧直當令美味入吾唇

遣悶

杜甫

地闊平沙岸舟虛小洞房使塵來驛道城日閉烏墻
暑雨留蒸濕江風借夕涼行雲星隱見疊浪月光芒
螢鑒綠帷徹蛛絲骨髮長哀箏猶凭几鳴笛竟沾裳
倚著如秦贅過逢類楚狂氣衝看劍匣穎脫撫雄囊
妖孽關東臭兵戈隴右瘡時清疑武畧世亂踣文場
餘力浮於海端憂問彼蒼百年從萬事故國耿難忘

解悶

盧仝

人生都幾日一半是離憂但有鐔中物從他萬事休

悶題

鄭谷

落第春相困無心惜落花荆山歸不得歸得亦無家

悶題

鄭谷

莫厭九衢塵土間秋晴滿眼是南山僧家未必全無
事道者訪僧心且閑

悶書

李昌符

病來難處早秋天一徑無人樹有蟬歸計未成書半
卷中宵多夢晝多眠

偶然作六首

王維

唐詩類苑 卷之三百十四 主一
楚國有狂夫茫然無心想散髮不冠帶行歌南陌上
孔丘與之言仁義莫能獎未嘗肯問天何事須擊壤
復笑採薇人胡爲乃長往

二

田舍有老翁垂白衡門裏有時農事閑斗酒呼鄰里
喧聒茅簷下或坐或復起短褐不爲薄園葵固足美
動則長子孫不曾向城市五帝與三王古來稱天子
干戈將揖讓畢竟何者是得意苟爲樂野田安足鄙
且當放懷去行行沒餘齒

三

日夕見太行沈吟未能去問君何以然世網嬰我故
小妹日成長兄弟未有娶家貧祿既薄儲蓄非有素
幾迴欲奮飛踟躕復相顧孫登長嘯臺松竹有遺處
相去詎幾許故人在中路愛染日已薄禪寂日已固
忽呼吾將行寧俟歲云暮

四

陶潛任天真其性頗耽酒自從棄官來家貧不能有
九月九日時菊花空滿手中心竊自思倘有人送否
白衣攜壺觴果來遺老叟且喜得斟酌安問升與斗
奮衣野田中今日嗟無負兀傲迷東西簑笠不能守

唐詩類苑

卷之百二十四

五

傾倒強行行酣歌歸五柳生事不曾問肯懷家中帝

五

趙女彈箜篌復能邯鄲舞夫婿輕薄兒鬪鷄事齊主
黃金買歌笑用錢不復數許史相經過高門盈四牡
客舍有儒生昂藏出鄒魯讀書三十年腰下無尺組
被服聖人教一生自窮苦

六

老來癩賦詩惟有老相隨宿世謬詞客前身應畫師
不能捨餘習偶被世人知名字本皆是此心還不知

同王十三維偶然作十首 儲光義

仲夏日中時草木看欲焦田家惜工力把鋤來東臯
顧望浮雲陰往往誤傷苗歸來悲困極兄嫂共相饒
無錢可沽酒何以解劬勞夜深星漢明庭宇虛寥寥
高柳三五株可以獨逍遙

二

北山種松柏南山種蒺藜出入雖同趣所向各有宜
孔丘貴仁義老氏好無爲我心若虛空此心將安施
慙過伊闕間晚晚三伏時高閣入雲中芙蓉滿清池
要自非我室還望南山陲

三

唐詩類苑

卷之百二十四

五

野老本貧賤冒雨鋤瓜田一畦未及終樹下高枕眠
荷篠者誰子皤皤來息肩不復問鄉墟相見但依然
腹中無一物高話羲皇年落日臨層隅逍遙望晴川
使婦提蠶筐呼兒榜漁船悠悠泛綠水去摘浦中蓮
蓮花艷且美使我不能還

四

浮雲在虛空隨風復卷舒我心方處順動作何憂虞
但言嬰世網不復得閑居迢遞別東國超遙來西都
見人乃恭敬曾不問賢愚雖若不能言中心亦難誣
故鄉滿親戚道遠情日疎偶欲陳此意復無南飛鳬

五

草木花葉生相與命爲春當非草木意信是故時人
靜念惻羣物何由知至真狂歌問夫子夫子莫能陳
鳳凰飛且鳴容裔下天津清淨無言語茲焉庶可親

六

黃河向東流弱水流向西趨舍各有異造化安能齊
妾本邯鄲女生長在叢臺既聞容見寵復想玄爲妻
刻畫尚風流幸會君招攜逶迤歌舞座婉孌芙蓉闥
日月方向除恩愛忽焉睽棄置誰復道但悲生不諧
美彼匹婦意借老常同棲

唐詩類苑

卷之百十四

五

七

日暮登春山山鮮雲復輕遠近看春色踟躕新月明
仙人浮丘公對月時吹笙丹鳥飛熠燿蒼蠅亂營營
羣動汨吾真訛言傷我情安得如子晉與之遊太清

八

耽耽銅錁宮遙望長數里賓客無多少出入皆珠履
朴儒亦何爲辛苦讀舊史不道無家舍教他養妻子
冽冽玄冬暮衣裳無准擬偶然著道書神人養生理
公卿時見賞賜資難具紀莫問身後事且論朝夕是

九

空山暮雨來衆鳥竟棲息斯須照夕陽雙雙復撫翼
我念天時好東田有稼穡浮雲蔽川原新流集溝洫
徘徊顧衡宇僮僕邀我食卧覽牀頭書睡看機中織
想見明膏煎中夜起唧唧

十

四鄰競豐屋我獨好卑室窈窕高臺中時聞撫清瑟
狂飈動地起拔木乃非一相顧始知悲中心憂且慄
蚩蚩命子弟恨不居高秩日入賓從歸清晨冠蓋出
中庭有奇樹榮早衰復疾此道猶不知微言安可述

偶作二首

白居易

唐詩類苑

卷之百十四

五

二

日出起盥櫛振衣入道場寂然無他念但對一爐香
日高始就食食亦非膏粱精粗隨所有亦足飽克腸

日午脫巾簪燕息窗下牀清風颯然至卧可致羲皇
日西引杖屨散步遊林塘或飲茶一盞或吟詩一章
日入多不食有時唯命觴何以送閑夜一曲秋霓裳
一日分五時作息率有常自喜老後健不嫌閑中忙
是非一以貫身世交相忘若問此何許此是無何鄉

偶作二首

白居易

戰馬春放歸農牛冬歇息何獨徇名人終是役心力
來者殊未已去者不知還我今悟已晚六十方退閑
猶勝不悟者老死紅塵間

名無高與卑未得多健羨事無小與大已得多厭賤

唐詩類苑

卷之三十四

三二

如此常自苦反此或自安此理知甚易此道行甚難
勿信人虛語君當自上看

偶然作

劉長卿

野寺長依止田家或一作任往還老農開古地夕鳥入
寒山書劍身同廢煙霞吏共閑豈能將白髮扶杖出

人間

偶作二首

劉禹錫

終朝對罇酒嗜興非嗜甘終日偶眾人縱言不縱談
世情閑盡見藥性病多一作諳寄謝嵇中散予無甚
不堪

二

萬卷堆牀書學者識其真萬里長江水征夫渡要津
養生非但藥悟佛不一作豈因人燕石何須辨逢時節
至珍

偶作

方干

直爲篇章非動衆遂令軒蓋不經過未妨溪上泛漁
艇又爲門前張雀羅夜學事須煩雪照朝厨爭柰絕
烟何莫於巖洞求偏數今古疎愚似我多

偶成

戴叔倫

野水連天碧峯巒入海青滄浪者誰子一曲醉中聽

唐詩類苑

卷之三十四

三

偶詠

白居易

禦熱蕉衣健扶羸竹杖輕誦經凭檻立散藥遶廊行
暄槿無風落秋蟲欲雨鳴身閑當將息病亦有心情

偶興

羅隱

逐隊隨行二十春曲江池畔避車塵如今贏得將衰
老閑看人間得意人

偶題

曹鄴

白玉先生多在市青牛道士不居山但能共得丹田
語正是忙時身亦閑

城南偶題

章碣

誰家朱閣道邊開竹拂欄杆滿壁苔野水不知何處去游人卻是等閑來南山氣聳分紅樹北關風高隔紫苔可惜登臨好光景五門須聽鼓聲迴

試筆偶書

鄭谷

沙鳥與山麋由來性不羈可憑唯在道難解莫過詩任笑歌吟僻終嫌巧宦卑垂慵恩地恕冷澹好僧知華省慙公器滄江負釣師露花春直夜煙鼓早朝時世路多艱梗家風免墜遺殷勤一簑雨祗得夢中披

偶書

鄭谷

承時偷喜負明神務實那能得底身不會蒼蒼主何

唐詩類苑

卷之百二十四

三九

事忍饑多是力耕人

偶吟

白居易

好官病免曾三度散地歸休已七年老自退閑非世棄貧蒙強健是天憐韋荆南去留春報王饒中來乞酒錢便得一年生計足與君羹食復同眠

偶吟自慰兼呈夢得

白居易

且喜同年滿七旬莫嫌衰病莫嫌貧已爲海內有名客又占世間長命人耳裏聲聞新將相眼前失落故交親尊榮富壽難兼得閑坐思量最要身

偶遊

溫庭筠

曲巷斜臨一水間小門終日不開關紅珠斗帳
熟金尾屏風孔雀閑雲鬢幾迷芳草蝶額黃無限夕陽山與君便是鴛鴦侶休向人間覓往還

閑題

杜牧

男兒所在卽爲家百鎰黃金一朵花借問春風何處好綠楊深巷馬頭斜

戲題贈吳憑

僧皎然

予讀古人書遂識古人面不是識古人邪正心自見貴義輕財求俗譽一錢與人便驕倨昨朝爲火今爲冰此道非君獨撫膺

唐詩類苑

卷之百二十四

早

述已嘆

于漬

不成人及長老逼身履善本求樂及善尤苦辛如何幽并兒一箭取功勲

看嵩洛有嘆

白居易

今日看嵩洛迴頭嘆世間榮華急如水憂患大於山見苦方知樂經忙始愛閑未聞籠裏鳥飛出肯飛還

嘆命

孟郊

三十年來命惟藏一卦中題詩還怨易問易蒙復蒙本望文字達今因文字窮影孤別離月衣破道路風歸去不自息耕耘成楚農

酬樂天嘆損傷見寄 元稹

前途何在轉忙忙漸老那能不自傷病爲怕風多
月起因花藥暫扶牀面關氣索迷真侶峽水波翻
故鄉唯有秋來兩行淚對君新贈遠詩章

酬樂天歎窮愁見寄 元稹

病煎愁緒轉紛紛百里何由說向君老去心情隨日
減遠來書信隔年聞三冬有電連春雨九月無霜盡
火雲併與巴南終歲熱四時誰道各平分

四怨三愁五情詩十二首并序 鄴

鬱於內者怨也阻於外者愁也犯於性者情也三

唐詩類苑 卷之百十四 望

者有一賊於前必爲顛爲沴爲蚤死人鄴專仁誼
久矣有舉不得用心恐中聲斯物殞天命幸未死
間作四怨三愁五情以望詩人救

一怨

美人如新花許嫁還獨守豈無青銅鏡終日自疑醜

二怨

庭花已結子巖花猶弄色誰令生處遠用盡春風力

三怨

短鬟一如螭長眉一如蛾相共棹蓮舟得花不如他

四怨

一愁

手推嘔啞車朝朝暮暮耕未曾分得穀空得老農名
遠夢如水急白髮如草新歸期待春至春至還送人

二愁

澗草短短青山月朗朗明此夜目不掩屋頭鳥啼聲

三愁

別家鬢未生到城鬢似髮朝朝臨川望瀟水不入越

一情

東西是長江南北是官道牛羊不戀山只戀山中草

二情

阿嬌生漢宮西施住南國專房莫相妬各自有顏色

三情

蛺蝶空中飛天桃庭中春見他夫婦好有女初嫁人

四情

檳榔自無柯柳葉自無陰常美庭邊竹生筍高於林

五情

野雀空城饑交交復飛飛勿怪官倉粟官倉無空時

獨愁

聞道城都酒無錢亦可求不知將幾許銷得此來愁

愁

章莊

避愁愁又至愁至事難忘夜作心中火朝爲鬢上霜
不經公子夢偏入旅人腸借問高軒客何鄉是醉鄉

愁

杜牧

聚散竟無形迴腸自結成古今留不得離別又潛生
降虜將軍思窮秋遠客情何人更憔悴落第泣秦京

開愁歌華下作

李賀

秋風吹地百草乾華容碧影生曉寒我當二十不得
意一心愁謝如枯蘭衣如飛鷄馬如狗臨岐擊劍生
銅吼旗亭下馬解秋衣請貴宜陽一壺酒壺中喚天
雲不開白晝萬里閑淒迷主人勸我養心骨莫受俗

唐詩類苑

卷之百十四

里三

物相嗔狹

北郭閑思

曹鄴

山前山後是青草盡日出門還掩門每思骨肉在天
畔來看野翁憐子孫

渚宮愁思

羅隱

楚城日暮煙靄深楚人駐馬還登臨襄王臺下水無
賴神女廟前雲有心千載是非難重問一江風雨好
閑吟欲招屈宋當時魄蘭荷枯不可尋

愁思二首

魚玄機

落葉紛紛暮雨和朱絲獨撫自清歌放情休恨無心

友養性空拋苦海波長者車音門外有道家書卷枕
前多布衣終作雲霄客綠水青山時一過
自嘆多情是足愁况當風月滿庭秋洞房偏與更聲
近夜夜燈前欲白頭

唐詩類苑

卷之百十四

里三

唐詩類苑卷第一百二十五

明雲間張之象玄超甫纂輯

雲間李中立士強甫編次

雲間王徹叔朗甫補訂

梁谿曹仁孫伯安甫校正

人部

述懷

訓裴侍御對雨感時見贈 李白

雨色秋來寒風嚴清江爽孤高繡衣人瀟灑清霞賞
平生多感激忠義非外獎禍連積怨生事及徂川往

唐詩類苑

卷之百二十五

一

楚邦有壯士鄢郢翻掃蕩申包哭秦庭泣血將高仰
報屍辱已及堂上羅宿莽頗似今之人蠱賊陷忠讜
渺然一水隔何由稅歸鞅日夕聽猿愁懷賢盈夢想

感事

白居易

服氣崔常侍燒丹鄭舍人常期生羽翼那忽化爲塵
每遇淒涼事還思潦倒身唯知趙孟酒不解鍊金銀
睡適三尸性慵安五臟神無憂亦無喜六十六年春

感事

白居易

禍福茫茫不可期大都早退似先知當君白首同歸
日是我青山獨往時顧索素琴應不暇憶牽黃犬定

難追麒麟作脯龍爲醢何似泥中曳尾龜

有感三首

白居易

鬢毛已斑白衣綬方朱紫窮賤當壯年富榮臨暮齒
車輿紅塵合第宅青煙起彼來此須去品物之常理
第宅非吾廬逆旅暫留止子孫非我有委蛻而已矣
有如蠶造繭又似花生子子結花暗凋繭成蠶老死
悲哉可奈何舉世皆如此

二

莫養瘦馬駒莫教小妓女後事在目前不信君看取
馬肥快行走妓長能歌舞三年五歲間已聞換一主

唐詩類苑

卷之百二十五

二

借問新舊主誰樂誰辛苦請君大帶上把筆書此語

三

往事勿追思追思多悲情來事勿相迎相迎亦惆悵
不如兀然坐不如塌然臥食來即開口睡來即合眼
亡事最關身安寢加餐飯忘懷任行止委命隨脩短
更若有興來狂歌酒一盞

晚歸有感

白居易

朝弔李家孤暮問崔家疾迴馬獨歸來低眉心鬱鬱
平生所善者多不過六七如何十年間零落三無一
劉曾夢中見元向花前失漸老與誰遊春城好風日

友人三邀拋歌有感

呂溫

文章拋盡愛功名三十無成白髮生
辜負壯心羞死勞君貴買斷腸聲

詠老贈夢得

白居易

與君俱老也自問老何如
眼涇夜先臥頭慵朝未梳
有時扶杖出盡日閉門居
懶照新磨鏡休看小字書
情於故人重跡共少年疎
唯是閒談興相逢尚有餘

重詠

白居易

日覺雙眸暗年觀兩鬢蒼
病應無處避老更不宜忙
徇俗心情少休官道理長
今秋歸去定何必重思量

唐詩類苑

卷之二百二十五

三

歎老三首

白居易

晨興照清鏡形影兩寂寞
少年辭我去白髮隨梳落
萬化成於漸漸衰看不覺
但恐鏡中顏今朝老於昨
人年少滿百不得長歡樂
誰會天地心千齡與龜鶴
吾聞善醫者今古稱扁鵲
萬病皆可治唯無治老藥

二

我有一握髮梳理何稠直
昔似玄雲光今如素絲色
匣中有舊鏡欲照先歎息
自從頭白來不欲明磨拭
鵝頭與鶴頸至老長如墨
獨有人鬢毛不得終身黑

三

前年種桃核今歲成花樹
去歲生嬰兒今年已學步
但驚物成長不覺身衰暮
去矣欲何如少年留不住
因書今日意徧寄諸親故
壯歲不歡娛長年當悔悟

漸老

白居易

今朝復明日不覺年齒暮
白髮逐梳落朱顏辭鏡去
當春頗愁寂對酒寡歡趣
遇境多愴卒逢人益敦故
形質屬天地推遷從不住
所怪少年心銷磨落何處

覺衰

柳宗元

久知老會至不謂便見侵
今年宜未衰稍已來相尋
齒疎髮就種奔走力不任
咄此可奈何未必傷我心

唐詩類苑

卷之二百二十五

四

彭聃安在哉周孔亦已沈
古稱壽聖人曾不留至今
但願得美酒朋友常共斟
是時春向暮桃李生繁陰
日照天正綠杳杳歸鴻吟
出門呼所親扶杖登西林
高歌足自快商頌有遺音

不與老爲期

白居易

不與老爲期因何兩鬢絲
纔應免天促便已及衰羸
昨夜夢何在明朝身不知
百憂非我所三樂是吾師
閑日常閒坐低頭每靜思
存神機慮息養氣語言遲
行亦攜詩篋眠多枕酒卮
自慙無一事少有不安時

老去

白居易

老去愧妻兒冬來有勸詞暖寒從飲酒衝冷少吟詩
戰勝心還壯齋勤體校羸由來世間法損益合刑簡

老恨

孟郊

無子抄文字老吟多飄零有時吐向牀枕席不解聽
鬬蟻甚微細病聞亦清冷小大不自識自然天性靈

歲暮

白居易

已任時命去亦從歲月除中心一調伏外累盡空虛
名宦意已矣林泉計何如擬近東林寺溪邊結一廬

任老

白居易

不愁陌上春光盡亦任庭前日影斜面黑眼昏頭雪
唐詩類苑 卷之百二十五 五

白居易應無可更增加

中年

鄭谷

漠漠春雲澹澹天新年景象入中年情多最恨花無
語愁破方知酒有權苔色滿牆尋故第雨聲一夜憶
春田衰遲自喜添詩學更把前題改數聯

長年

韋莊

長年方悟少年非人道新詩勝舊詩十畝野塘留客
釣一軒春雨對僧棋花間醉任黃鸝說亭上吟從白
鷺窺大盜不將爐冶去有心重築太平基

老夫

白居易

七八年來遊洛都三分遊伴二分無風前月下花
裏處處唯殘箇老夫世事勞心非富貴人生實事是
歡娛誰能逐我來閒坐時共酣歌傾一壺

丁亥歲作

羅隱

病想醫門渴望梅十年心地僅成灰早知世事長如
此自是孤寒不合來谷畔氣濃高蔽日蟄邊聲暖不
聞雷滿城桃李君看取一一還從舊處開

四十五

白居易

行年四十五兩鬢半蒼蒼清瘦詩成癖羸豪酒放狂
老來猶委命安處即爲鄉或擬廬山下來春結草堂
唐詩類苑 卷之百二十五 六

六十六首

白居易

七十欠四歲此生那足論每因悲物故還且喜身存
安得頭長黑爭教眼不昏交遊成拱木婢僕見曾孫
瘦覺腰金重衰憐鬢雪繁將何理老病應付與空門

二

病知心力減老覺光陰速五十八歸來今年六十六
鬢絲千萬白池草八九綠童穉盡成人園林半喬木
看山倚高石引水穿深竹雖有潺湲聲至今聽未足

詠意

白居易

嘗聞南華經功勞智憂愁不知無能者飽食但遨遊

平生愛慕道今日近此流自來潯陽郡四序忽已周
不分物黑白但與時沈浮朝餐夕安寢用是爲身謀
此外別閒放時尋山水幽春遊慧遠寺秋上庾公樓
或吟詩一首或飲茶一甌身心一無繫浩浩如虛舟
富貴亦有苦苦在心危憂貧賤亦有樂樂在身自由

詠拙

白居易

所稟有巧拙不可改者性所賦有厚薄不可移者命
我性拙且蠢我命薄且屯問我何以知所知良有因
亦曾舉兩足學人踏紅塵從茲知性拙不解轉如輪
亦曾奮六翮高飛至青雲從茲知命薄摧落不遑巡

唐詩類苑

卷之二百二十五

七

慕貴而厭賤戀富而惡貧同出天地間我豈異於人
性命苟如此反側成苦辛以此自安分雖窮每欣欣
韋茅爲我廬編蓬爲我門縫布作袍被種穀充盤飧
靜讀古人書閒釣清渭濱優哉復游哉聊以終吾身

詠慵

白居易

有官慵不選有田慵不農屋穿慵不葺衣裂慵不縫
有酒慵不酌無異樽長空有琴慵不彈亦與無絃同
家人告飯盡欲炊慵不春親朋寄書至欲讀未開封
常聞稻叔夜一生在慵中彈琴復鍛鍊比我未爲慵

慵不能

白居易

架上非無書眼慵不能看匣中亦有琴手慵不能彈
腰慵不能帶頭慵不能冠午後恣情寢午時隨事餐
一餐終日飽一寢至夜安饑寒亦閒事况乃不饑寒

乖慵

鄭谷

乖慵居竹裏涼冷臥池東一霎菱荷雨幾迴簾幕風
遠僧來叩寂小吏笑書空衰鬢霜供白愁顏酒借紅
扇輕搖鷺羽屏古畫漁翁自得無端趣琴棋舫子中

長安書事寄薛戴

李端

朔鴈去成行克蟬響如昨時芳一憔悴暮序何蕭索
笑語且無聊逢迎多約畧三山不可見百歲空揮霍

唐詩類苑

卷之二百二十五

八

故事盡爲愁新知無復樂夫君又離別而我加寂寞
惠遠縱相尋陶潛祗獨酌生人恩則厚客子才自薄
委曲見提携因循成蹇剗論邊書未上招隱詩還作
貴者已朝餐豈能敦宿諾飛禽雖失樹流水長思壑
千里寄瓊枝夢寐青山郭

長安書事寄盧綸

李端

弱冠家廬嶽從師歲月深翻同老夫見殊寡少年心
及此時方晏因之名亦沈趨途非要路避事樂空林
素業在山下清泉當樹陰交遊有凋喪離別代追尋
向秀初聞笛鍾期久罷琴殘愁猶滿貌餘淚可沾襟

忽以朱顏好而忘白髮侵終期入靈洞相與鍊黃

放言五首

元稹

近來逢酒便高歌醉舞詩狂漸欲魔五斗解醒猶恨少十分飛盞未嫌多眼前讐敵都休問身外功名一任他死是老閒生也得擬將何事奈吾何

莫將心事厭長沙雲到何方不是家酒熟餽糟學漁父飯來開口似神鷄竹枝待鳳千莖直柳樹迎風一向斜總被天公露雨露等頭成長盡生涯

雷霆電煥數聲頻不奈狂夫不藉身縱使被雷燒作爐寧殊埋骨賜爲塵得成蝴蝶尋花樹倘化江魚掉

唐詩類苑

卷之二百二十五

九

錦瑟必若華龍在諸處何須驚動自來人

安得心源處處安何勞終日望林巒玉英惟向火中冷蓮葉元來水上乾寧戚飯牛圖底事陸通歌鳳也無端孫登不語啓期樂各自當情各自歡

三十年來世上行也曾狂走趁浮名兩迴左降須知命數度登朝何處榮乞我盆中松葉滿遮渠肘上柳枝生他時定蒸燒缸地賣與人家得酒盛

放言五首

并序

白居易

元九在江陵時有放言長句詩五首韻高而體律意古而詞新予每誦之輒覺有疎離前輩深於詩

者未有此作唯李頎有云濟水至清河自濁周公大聖接輿狂斯句近之矣予出佐澤潞未屆所任舟中多暇江上獨吟因綴五篇以續其意耳

朝真暮僞何人辨古往今來底事無但愛滅生能詐聖可知窳子解伴愚草螢有耀終非火荷露雖團豈是珠不取燔柴兼照乘可憐光彩亦何殊

世途倚伏都無定塵網牽纏卒未休禍福迴還車轉轂榮枯反覆手藏鈎龜靈未免剝腸患馬失應無折足憂不信君看奕碁者輸贏須待局終頭

贈君一法決狐疑不用鑽龜與視著試玉要燒三日

唐詩類苑

卷之二百二十五

十

滿辨材須待七年期周公恐懼流言後王莽謙恭未篡時向使當初身便死一生真僞復誰知

誰家第宅成還破何處親賓哭復歌昨日屋頭堪炙手今朝門外好張羅北邙未省留閒地東海何曾有定波莫笑賤貧誇富貴共成枯骨兩如何

泰山不要欺毫末顏子無心美老彭松樹千年終是朽槿花一日自爲榮何須戀世常憂死亦莫嫌身漫厭生死去來都是幻幻人哀樂繫何情

遣行十首

元稹

慘切風雨多沈吟離別情燕辭前日社蠶是每年聲

暗淚深相感危心亦自驚不如元不識俱作路人行

二

十五年前事恹惶無限情病僮更借出羸馬共馳聲
射葉楊纔破聞弓鴈已驚小年辛苦學求得苦辛行

三

徙倚簷宇下思量去住情暗螢穿竹見斜雨隔窻聲
就枕回轉數聞鷄撩亂驚一家同草草排比送君行

四

已愴朋交別復懷兒女情相見亦相舊同病又同聲
白髮年年剗秋蓬處處驚不堪身漸老頻送異鄉行

唐詩類苑

卷之百二十五

十一

五

塞上風雨思城中兄弟情北隨鷓立位南送鴈來聲
遇適尤兼限聞書喜復驚唯應遙料得知我伴君行

六

暮欲歌吹樂暗衝泥水情稻花秋雨氣江石夜灘聲
犬吠穿籬出鷗眠起水驚愁君明日夜獨自入山行

七

七過襄城驛回回各爲情八年身世夢一種水風聲
尋覓詩章在思量歲月驚更悲西塞別終夜遶池行

八

襄縣驛前境曲江池上情南堤衰柳意西寺晚鐘聲
雲水與方遠風波心已驚可憐皆老大不得自由行

九

見說巴風俗都無漢性情緩聲蘆管調羌笛竹鷄聲
迎候人應少平安火莫驚每逢危棧處須作貫魚行

十

聞道陰平郡脩然古戍情橋兼麋鹿踏山應鼓鼙聲
羌婦梳頭緊蕃牛護尾驚憐君閒悶極只傍白江行

自詠

白居易

夜鏡隱白髮朝酒發紅顏可憐假年少自笑須臾間

唐詩類苑

卷之百二十五

十二

十一

顧賤如土不解燒爲丹玄質化爲雪未聞休得官
唯哉箇丈夫心性何墮頤但遇詩與酒便忘寢與餐

高聲發一吟似得詩中仙引滿飲一盞盡忘身外緣

昔有醉先生席地而幕天於今居處在許我當中眠

眠罷又一酌酌罷又一篇迴面顧妻子生計方落然

誠知此事非又過知非年豈不欲自改改卽心不安

自詠五首

白居易

朝亦隨群動暮亦隨群動榮華瞬息間求得將何用

形骸與冠蓋假合相戲弄何異睡着人不知夢是夢

二

一家五十口一郡十萬戶出爲老科頭入爲衣食主
水旱合心憂饑寒須撫手何異食蓼蟲不知苦是苦

三

公私頗多事衰憊殊少歡迎送賓客懶鞭笞黎庶難
老耳倦聲樂病口厭孟盤既無可戀者何以不休官

四

一日復一日自問何留滯爲貪逐日俸擬作歸田計
亦須隨豐約可得無限劑若待足始休休官在何歲

五

唐詩類苑

卷之二百二十五

十三

官舍非我廬官園非我樹洛中有小宅渭上有別墅
既無婚嫁累幸有歸休處歸去誠已遲猶勝不歸去

自詠

白居易

朝哭心所愛暮哭心所親親愛零落盡安用身獨存
幾許平生歡無限骨肉恩結爲腸間痛聚作鼻頭辛
悲來四肢緩泣盡雙眸昏所以年四十心如七十人
我聞浮圖教中有解脫門置心爲止水視身如浮雲
抖擻垢穢衣度脫生死輪胡爲戀此苦不去猶逡巡
迴念發弘願願此見在身但受過去報不結將來因
誓以智慧水永洗煩惱塵不將恩愛子更種憂悲根

自詠

白居易

鬚白面微紅醺醺半醉中百年隨手過萬事轉頭空
臥疾瘦居士行歌狂老翁仍聞好事者將我盡屏風

自詠三首

盧仝

爲報玉川子知君未是賢低頭雖有地仰面輒無天
骨肉清成瘦萬蔓老覺羶家書與心事相伴過流年

二

盧子礪踵

龍鍾一作龍鍾

也賢愚總莫驚蚊蚋當家口草石是

親情萬卷堆胃朽三光撮眼明翻悲廣成子閒氣說

長生

唐詩類苑

卷之二百二十五

十四

物外無知已人間一癖王生涯身是夢耽樂酒爲鄉
日月黏髭鬢雲山鎖肺腸愚公只公是不用謾驚張

自詠

白居易

細故隨緣盡形衰具體微闍闍僧尚閑較瘦鶴猶肥
老遣寬裁襪寒教厚絮衣馬從街草駮鷄任啄籠飛
只要天和在無令物性違自餘君莫問何是復何非

自詠

白居易

白衣居士紫芝仙半醉行歌半坐禪今日維摩兼飲
酒當時綺季不請錢等閒池上留賓客隨事燈前有

管絃但問此身銷得否分司氣味不論年

自詠

白居易

形容瘦薄詩情苦自是人間有相人只合一生眠白屋何因三度擁朱輪金章未佩雖非貴銀槓常攜亦不貧唯是無兒頭早白被天磨折恰平均

自詠

白居易

悶發每吟詩引興興來兼酌酒開顏欲逢暇日先招客正對衙時亦望山勾檢簿書多鹵莽提防官吏少機關誰能頭白勞心久人道無才也是閒

自貽

杜牧

唐詩類苑

卷之百二十五

十五

杜陵蕭君遷少去官頻寂寞憐吾道依稀似古人歸心無彩續到骨是風塵自嫌如足素刀尺不由身

自貽

羅隱

衰老應難更進趨藥畦經卷自朝晡縱無顯效亦藏拙若有所成甘守株漢武巡遊虛輒軋秦皇吞併謾驅驅如何只見丁家鶴依舊遼東歎綠蕪

夜感自遣

一作失志夜坐思歸
楚江又作苦學吟

孟郊

夜學曉未休苦吟神鬼愁如何不自閒心與身爲讐死辱片時痛生辱長年羞清桂無直枝楚江思舊遊

自遣

杜牧

四十已云老况逢憂窘餘旦抽持板手却展小年嗜酒狂嫌阮知非晚笑遽聞流寧歎咤待俗不親疎遇事知裁剪操心識卷舒還稱二千石於我意何如

自遣

羅隱

得卽高歌失卽休多愁多恨亦悠悠今朝有酒今朝醉明日愁來明日愁

自遣

鄭谷

強健宦途何足謂入微章句更難論誰知野性真天性不扣權門扣道門闌硯晚鶯臨砌樹迸塔春筍隔

唐詩類苑

卷之百二十五

十六

離根朝回何處消長日紫閣峰南省舊村

自遣

羅隱

四十年來詩酒徒一生緣興滯江湖不愁世上無人識唯怕村中沒酒沽春巷摘桑喧姹女江船吹笛舞蠻奴焚魚酌醴醉堯代吟向席門聊自娛

自遣

劉兼

未上亨衢獨醉吟賦成無處博黃金家人莫問張儀舌國士須知豫讓心照乘始堪沽善價陽春爭忍混凡音鵬鱗翼途程在九萬風雲海浪深

偶有下殤因而自遣

劉兼

彭壽殤齡共兩空幻泡緣影夢魂中缺圓宿會長如
月飄忽浮生疾似風脩短百年先後定賢愚千古是
非同南柯太守知人意休問陶陶塞上翁

自歎

邵謁

春蠶未成繭已賀箱籠實蟻子徒有絲終年不成疋
每念古人言有得則有失我命獨如何憔悴長如一
白日九衢中幽獨暗如漆流泉有枯時窮賤無盡日
惆悵復惆悵幾迴新月出

自歎拙

李山甫

自憐心計拙欲語更悲辛世亂僅欺主年衰鬼弄人
唐詩類苑 卷之二百二十五 十七

鏡中顏欲老江上業長貧不是劉公樂何由變此身

自歎

白居易

豈獨年相迫兼爲病所侵春來痰氣動老去嗽聲深
眼暗猶操筆頭斑未挂簪因循過日月真是俗人心

自歎二首

白居易

形羸自覺朝餐減睡少偏知夜漏長實事漸消虛事
在銀魚金帶繞腰光

二毛曉落梳頭懶兩眼春昏點藥頻唯有閒行猶得
在心情未到不如人

郡務稍簡因得整比舊詩并連綴焚削封章

繁委篋笥僅逾百軸偶成自歎因寄樂天

元稹

近來章奏小年詩一種成空盡可悲書得眼昏朱似
碧用來心破髮如絲催身易老緣多事報主深恩在
幾時天遣兩家無嗣子欲將文集與它誰

自述

朱慶餘

詩人甘寂寞居處遍蒼苔後夜蟾光滿鄰家樹影來
豈知蓮帳好自愛草堂開願答相思意援毫愧不才

山中自述

于鵠

三十無名客空山獨臥秋病多知藥性年長信人愁
唐詩類苑 卷之二百二十五 十八

螢影竹窻下松聲茅屋頭近來心更靜不夢世間遊

閒居自述

顧况

榮辱不關身誰爲疎與親有山堪結屋無地可容塵
白髮偏添壽黃花不笑貧一樽朝暮醉陶令果何人

自愧

李咸用

多負懸弧禮危時隱辟雍有心明俎豆無力執干戈
壯士難移節貞松不改柯纓塵徒自滿欲濯待清波

能自愧

白居易

十兩新綿褐披行暖似春一團香絮枕倚坐穩如人
婢僕遣他嘗藥草兒孫與我拂衣巾迴看左右能無

愧養活枯殘廢退身

自覺二首

白居易

四十未爲老憂傷早衰惡前歲二毛生今年一齒落
形骸日損耗心事同蕭索夜寢與朝餐其間味亦薄

二

同歲崔舍人客光方灼灼始知年與貌衰盛隨憂樂
畏老老轉迫憂病病彌縛不畏復不憂是除老病藥

自貶

李商隱

陶令棄官後仰眠書屋中誰將五斗米擬換北窗風

自悲

白居易

唐詩類苑

卷之二百二十五

十九

火宅煎熬地霜松摧折身因知羣動內易死不過人

自悼

薛令之

今之及第還右庶子開元中東宮官僚清澹令之

題詩自悼上幸東宮覽之索筆題其傍曰桮木嘴

距長鳳凰羽毛短若嫌松桂寒任逐桑榆暖令之

遂謝病歸

朝日上團團照見先生盤盤中何所有苜蓿長闌干
飯澀匙難縮羹稀筋易寬何以謀朝夕何以保歲寒

自解

白居易

寄住世爲禪客王道前生應盡師我亦定中觀宿

命多生債負是歌詩不然何故狂吟詠病後多吟未
病時

和自勸二首

白居易

稀稀疎疎遶籬竹窄窄狹狹向陽屋屋中有一曝背
翁委置形骸如土木日暮半爐熨炭火夜深一盞紗

籠燭不知有益及民無二十年來食官祿就暖移盤
簷下食防寒擁被帷中宿秋官月俸八九萬豈徒遣

爾幼溫足勤操丹筆念黃沙莫使饑寒因滯獄

急景凋年急於水念此攬衣中夜起門無宿客共誰

言暖酒挑燈對妻子自飲數盃妻一盞餘酌分張與

唐詩類苑

卷之二百二十五

二十

兒女微酣靜坐未能眠風霰蕭蕭打窗紙自問有何

才與術入爲丞郎出刺史爭知壽命短復長豈得營

營心不止請看韋孔與錢崔半月之間四人死

自諷

張蠙

鹿鳴筵上強稱賢一送離家十四年同隱海山燒藥

伴不求丹一作桂却登仙

自感

白居易

宴遊寢食漸無味孟酒管絃徒繞身賓客歡娛僮僕

飽始知官職爲他人

自適

鄭谷

紫陌奔馳不暫停送迎終日在郊垌年來鬢畔未垂
白雨後江頭且踏青浮蟻滿盃難暫捨賈珠一曲莫
辭聽春風祇有九十日可合花前半日醒

自叙

陶峴

峴開元末家崑山汎遊江湖自製三舟與孟彥深
孟雲卿焦遂共載吳越之士號爲水仙省親南海
獲崑崙奴名摩訶善遊水至西塞上下泊舟吉祥
佛舍見江水深黑謂必有怪物投劍命摩訶下取
久之支體磔裂浮於水上峴流涕廻棹賦詩自叙
不復遊江湖矣

唐詩補遺

卷之二百二十五

王

匡廬舊業是誰主吳越新居安此生白髮數莖歸未
得青山一望計還成鴉翻楓葉夕陽動鷺立蘆花秋
水明從此捨舟何所詣酒旗歌扇正相迎

獨坐

戴叔倫

白髮懷閩嶠丹心戀薊門官閒勝道院宅遠類荒村
二月霜花薄群山雨氣昏東畝春事及好向野人論

獨坐吟

秦韜玉

客愁不盡本如水草色含情更無已又覺春愁似草
生何人種在情田裏

卽事

賈島

索漠對孤燈陰雲積幾層自嗟憐十上誰肯待二三
心被通人見文叨大匠稱悲秋秦塞草懷古漢家陵
城靜高崖草漏多幽沼冰過聲沙島鷺絕行石菴僧
豈謂爲一作舊廬在誰言歸未曾

郡中卽事三首

羊士諤

紅衣落盡暗香殘葉上秋光白露寒越女含情已無
限莫教長袖倚闌干

登臨何事見瓊枝白露寒花自遶籬惟有樓中好山
色稻畦殘水入秋池

曉風山郭鴈飛初霜拂回塘水榭虛鼓角清明如戰

唐詩補遺

卷之二百二十五

王

長安卽事寄友人
史書城下秋江寒見底賓筵莫訝食無魚

長安卽事寄友人

李遠

綺陌千年思斷蓬今來還宿鳳城東
舊巫峽煙花自不同千結故心爲怨網萬條新景作
愁籠何時更伴劉郎去却見天桃滿樹紅

春日卽事寄一二知己

李洞

浴馬池西一帶泉開門景物似樊川朱衣映水人歸
縣白羽遺泥鶴上天索米夜燒風折木無春養雪
藏鞭繡紳處士知章句忍使孤窗枕淚眠

卽事寄微之

白居易

畚田涇米不耕鉏旱地荒園少菜蔬想此土風今若此料看生計合何如衣縫紕額黃絲絹飯下脰鹹白小魚飽煖饑寒何足道此身長短是空虛

卽事黃州作

杜牧

因思上黨三年戰閒詠周公七月詩竹帛未聞書死節丹青空見畫靈旗蕭條井邑如魚尾早晚干戈識虎皮莫笑一麾東下計滿江秋浪碧參差

和敏中洛下卽事

白居易

昨日池塘春草生阿連新有好詩成花園到處勞呼人驄馬遊時客避行水暖魚多似南國人稀塵少勝

唐詩類苑 卷之二百二十五

二十三

西京洛中佳境應無限若欲諳知問老兄

春早秋初因時卽事兼寄浙東李侍郎

白居易

春早秋初晝夜長可憐天氣好年光和風細動簾帷暖清露微凝枕簟涼窻下曉眠初減被池邊晚坐乍移牀閒從蕙草侵塔綠靜任槐花滿地黃理曲管絃聞後院熨衣燈火映深房四時新境何人別遙憶多情李侍郎

東武吟

李白

好古笑流俗素聞賢達風方希佐明主長揖辭成功

白日在高山迴光燭微躬恭承鳳凰詔欲起雲蘿中

清切紫霄迴優游丹禁通君王賜顏色聲價凌煙虹

乘輿擁翠蓋扈從金城東寶馬麗絕景錦衣入新豐

依巖望松雪對酒理絲桐因學楊子雲獻賦甘泉宮

天書美片善清芬播無窮一朝去金馬飄落成飛蓬

賓客日疎散玉樽亦已空才力猶可倚不慚世上雄

閒作東武吟曲盡情未終書此謝知己吾尋黃綺翁

去矣行

杜甫

君不見韉上鷹一飽則飛掣焉能作堂上鸞銜泥附

唐詩類苑 卷之二百二十五

二十四

炎熱野人曠蕩無覩顏豈可久在王侯間未試囊中餐玉粒明朝且入藍田山

北遊還訓孟雲卿

張彪

忽忽望前事志願能相乖衣馬久羸弊誰信文與才善道居貧賤潔服蒙塵埃行行無定心壞坎難歸來慈母憂疾疹家室念栖栖與君宿姻親深見中外懷俟予惜時節悵望臨高臺

不遇詠

王維

北闕獻書寢不報南山種田時不登百人會中身不與五侯門前心不能身投河朔飲君酒家在茂陵平

安否且此登山復臨水莫問春風動楊柳今人昨人多
多自私我心不說君應知濟人然後拂衣去肯作徒
爾一男兒

鄴中王大勸入高鳳石門幽居

李白

一身竟無託遠與孤蓬征千里失所依復將落葉并
中途偶良朋問我將何行欲獻濟時策此心誰見明
君王制六合海塞無交兵壯士伏草間沈憂亂縱橫
飄飄不得意昨發南都城紫駟轡上嘶青萍匣中鳴
投軀寄天下長嘯尋豪英耻學琅玕人龍蟠事躬耕
臨別意難盡各希存令名

奉贈韋左丞二十二韻

杜甫

統袴不餓死儒冠多誤身丈人試靜聽賤子請具陳
昔昔少年日早充觀國賓讀書破萬卷下筆如有神
賦料揚雄敵詩看子建親李邕求識面王翰願卜鄰
自謂頗挺出立登要路津致君堯舜上再使風俗淳
此意竟蕭條行歌非隱淪騎驢三十載旅食京華春
朝叩富兒門暮隨肥馬塵殘盃與冷炙到處潛悲辛

主上頃見徵歛然欲求伸青冥却垂翅蹭蹬無縱鱗
甚愧丈人厚復知丈人真每於百寮上猥誦佳句新
竊效貢公喜難甘原憲貧焉能心快快祗是走踈踈
今欲東入海即將西去秦尚憐終南山回首清渭濱
常擬報一飯况懷辭大臣白鷗波浩蕩萬里誰能馴

苦雨思歸贈袁左丞

孟浩然

爲學三十載閉門江漢陰明敷遭聖代羈旅屬秋霖
豈直昏墊苦亦爲豪勢沈二毛催白髮百鎰罄黃金
淚憶峴山墜愁懷湘水深謝公積憤憑滌滌空謠吟
躍馬非吾事狎鷗真我心寄言當路者去矣北山岑

唐詩類苑

卷之百二十五

二十六

京還贈張維

孟浩然

拂衣去何處高枕南山南欲徇五斗祿其如七不堪
早朝非晏起束帶異抽簪因向智者說游魚思舊潭

送綿州李司馬秩滿歸京因呈李兵部

岑參

久客厭江月罷官思早歸眼看春光老羞見梨花飛
劍北山居小巴南音信稀因君報兵部愁淚日沾衣

途中口號

郭向

抱玉三朝楚懷書十上秦年年洛陽陌花鳥美歸人

戲題關門

岑參

來亦一布衣去亦一布衣羞見關城吏還從舊處歸

樓上

杜甫

天地空搔首頻抽白玉簪皇輿三極北身事五湖南
戀闕勞肝肺論材愧杞桮亂離難自救終是老湘潭

江上

杜甫

江上日多雨蕭蕭荆楚秋高風下木葉永夜攬貂裘
勳業頻看鏡行藏獨倚樓時危思報主衰謝不能休

江漢

杜甫

江漢思歸客乾坤一腐儒片雲天共遠永夜月同孤
落日心猶壯秋風病欲蘇古來存老馬不必取長途

唐詩類苑

卷之百二十五

二十七

我身

白居易

我身何所似似彼孤生蓬秋霜剪根斷浩浩隨長風
昔遊秦雍間今落巴蠻中昔爲意氣郎今作寂寥翁
外貌雖寂寞中懷頗沖融賦命有厚薄委心任窮通
通當爲大鵬舉翅摩蒼穹窮則爲鷓鴣一枝足自容
苟知此道者身窮心不窮

上成都在事

張窈窕

昨日賣衣裳今日賣衣裳衣裳渾賣盡羞見嫁時箱
有賣愁仍緩無時心轉傷故園有廬隔何處事蠶桑

初於洛中選

孟郊

塵土日易沒馳驅力無餘青雲不我與白首方遲
宦途事非遠拙者取自疎終然戀皇邑誓以結吾
帝城富高門京路饒勝居碧水走龍狀蜿蜒庭除
尋常異方客迴此亦踟躕

知足吟

白居易

不種一壠田倉中有餘粟不採一枝桑箱中有餘服
官閒離憂責身泰無羈束中人百戶稅貧客一年祿
樽中不乏酒籬下仍多菊是物皆有餘非心無所欲
吟君未貧作因歌知足曲自問此時心不足何時足

百憂

孟郊

唐詩類苑

卷之百二十五

二十八

早女兒花不解壯士憂壯士心是劍爲君射斗牛
朝思除國讎一作難暮思除國讎計盡山河畫意窮草

木籌智士日千慮愚夫唯四愁何必在波濤然後驚
一作沈浮伯倫心不醉四皓迹難留出處各有時衆
議徒啾啾

贈結之

白居易

歡愛今何在悲啼亦是空同爲一夜夢共過十年中

題僧院二首

二

呂群

社後辭巢燕霜前別帶蓬願爲蝴蝶夢飛去

口號

戴叔倫

白髮千莖雪寒窗懶著書最憐吟首宿不及向桑榆

奔避

鄭谷

奔避投人遠漂離易感恩愁髯霜颯颯病眼淚昏昏
孤館秋聲樹寒江落照村更聞歸路絕新寨截荆門

深居

鄭谷

吾道有誰同深居自固窮殷勤謝綠樹朝夕惠清風
書滿閒窗下琴橫野艇中年來頭更白雅稱釣魚翁

漫成二首

李商隱

唐詩類苑

卷之百二十五

二十九

何遜延年毀謝莊清新俱有得名譽底相傷

二

霧夕詠芙蓉何郎得意初此時誰最賞沈范兩尚書

屏居盤屋

耿漳

百年心不料一卷日相知乘興偏難改憂家是強爲
縣城寒寂寞峰樹遠參差自笑無謀者祇應道在斯

惜懼

王建

當懼須且懼過後買應難歲去停燈守花開把火看
往來欺酒淺愁盡覺天寬次第頭皆白齊年人已殘

昨日復今辰

白居易

昨日復今辰悠悠七十春所經多故處却想是前身

散秩優游老閒居淨潔貧螺盃中有物鶴髦上無塵

解佩收朝帶抽簪換野巾風儀與名號別是一生人

贈沈學士張歌人

杜牧

拖袖事當年郎教唱客前斷時輕裂玉收處遠綠煙
孤直絙雲定光明滴水圓泥情遲急盤流恨咽長絃

吳苑春風起河橋酒旆懸憑君更一醉家在杜陵邊

摠情留別并州從事

馬戴

淺學長自鄙謬承賢達知才希漢主召玉任楚人疑
年長慙漂泊恩深惜別離秋光獨鳥過暝色一蟬悲

唐詩類苑

卷之百二十五

三十

鶴髮生何速龍門上苦遲彫蟲羞朗鑒千祿貴明時

故國誠難返青雲致未期空將感激淚一灑臨岐

狂吟七言十四韻

白居易

亦知世是休明世自想身非富貴身但恐人間爲長

物不如林下作遺民遊依二室成三友住近雙林當
四隣性海澄停平步恨心田灑掃淨無塵香山閒宿

一千夜梓澤連遊十六春是客相逢皆故舊無僧每

見不殷勤藥傳有喜聞銷疾金盡無憂醉忘貧補綻
衣裳愧妻子支持酒肉賴交親俸隨日計錢盈買祿

逐年支粟滿園洛堰魚鮮供取足游村果熟饋爭新

詩章人與傳千首壽命天教過七旬點檢一生僥倖
事東都除我更無人

吟四雖

白居易

酒酣後歌歇時請君添一酌聽我吟四雖年雖老猶
少於韋長史命雖薄猶勝於鄭長水眼雖病猶明於
徐郎中家雖貧猶勝於郭庶子省躬審分何僥倖直
酒逢歌且歡喜心榮知足委天和亦應得盡生生理

達哉樂天行

白居易

達哉達哉白樂天分司東都十三年七旬纔滿冠已
挂半祿未及車先懸或伴遊客春行樂或隨山僧夜

唐詩類苑

卷之二百二十五

三十一

少卿二年忘却問家事門庭多草厨少烟庖童朝告
監米盡侍婢暮訴衣裳穿妻孥不悅甥姪悶而我醉
臥方陶然起來與爾畫生計薄產處置有後先先賣
南坊十畝園次賣東郭五頃田然後兼賣所居宅鬻
鬻獲緡二三千半與爾充衣食費半與吾供酒肉錢
吾今已年七十一眼昏髮白頭風眩但恐此錢用不
盡即先朝露歸夜泉未歸且住亦不惡饑餐樂飲安
穩眠死生無可無不可達哉達哉白樂天

勸歡

白居易

火急歡娛慎勿遲眼看老病悔難追樽前花下歌筵

裏會有求來不得時

鎮州初歸

韓愈

別來楊柳街頭樹擺弄春風只欲飛還有小園桃李
在留花不發待郎歸

洛中二首

杜牧

柳動晴風拂路塵年年宮闕鎖濃春一從翠輦無巡
幸老却蛾眉幾許人

風吹柳帶搖晴綠蝶遶花枝戀暖香多把芳菲泛春
酒直教愁色對愁腸

楊乘

楊乘

唐詩類苑

卷之二百二十五

三十一

自悔乖拙兩何如畫泥琴聲夜泥書數拍胡笳彈未
熟故人新命畫胡車

惆悵詩

劉商

苔石蒼蒼臨澗水溪風裊裊動松枝世間唯有張通
會流向衡陽那得知

徐州使院作

王智興

平生予劍自相隨一作三十年剛被郎官遣作詩江
南花柳從君詠塞北煙塵我自知

有寄

李洞

愛酒耽棋田處士彈琴詠史賈先生御溝臨岸雲

石不見鶴來何處行

長安縣廳

李洞

主人寂寞客迢遛愁絕終南滿案前乞取中庭藤五尺爲君高斲扣青天

漫成

李商隱

不妨何范盡詩家未解當年重物華遠把龍山千里雪將來擬並洛陽花

乙酉歲自蜀隨計赴試不及

李洞

客臥涪江蘸月廳知音喚起進趨生寒梅折後方離

唐詩類苑

卷之二百二十五

三十三

蜀臘月圓前未到京風卷壞亭羸僕病雪糊危棧寒

驢行文昌一試應關分豈校褒斜兩日程

旭川祁宰思家而卒因述意呈秦川知己

劉兼

歲稔民康絕訟論政成公暇自由身朝看五馬閒如

社夜擁雙姬媛似春家計不憂憑家子官資無愧是

朝臣豈同齷齪邪員外至死悲涼一婦人

閒居懷舊

顧况

日長鼓腹愛吾廬洗竹澆花興有餘騷客空傳成相

賦晉人已負絕交書貧居謫所誰推轂仕向侯門耻

曳裾今日思來總皆罔汗青功業又何如

餘姚祗役奉簡鮑參軍

嚴維

童年獻賦在皇州方寸思量君與侯萬事無成新首兩春虛擲對滄流歌詩盛賦文星動簫管新停

日遊知已欲依何水部鄉人今正賤東丘

初聞貶謫續喜

一本無

量移登于越亭贈鄭

校書

劉長卿

青青草色滿江洲萬里傷心水自流越鳥豈

南國樹一作遠江花獨向北人愁生涯已逐一作滄浪

去老一作冤氣初逢渙汗收何事還邀遷一作客醉春

唐詩類苑

卷之二百二十五

三十四

風日夜待歸舟

劉展平後贈袁贊府

劉長卿

却見同官喜復悲此生何幸有歸期空庭客至逢搖

落舊邑人疎經亂離湘路未過回鴈處江城臥聽搗

衣時南方風土勞君問賈誼長沙豈不知

無題

盧綸

耻將名利託交親只向樽前樂此身才大不應成滯

客時危且喜是閒人高歌猶愛思歸引醉語唯誇漉

酒巾

豈能偏遣老風塵

宿香山寺訓廣陵牛相公見寄來詩云唯美

東都白居易月明香積問禪師時牛相三
表乞退有詔不許 白居易

手札八行詩一篇無由相見但依然君臣聖主方行
道我事空王正坐禪支許徒思遊白月夔龍未放下
青天應須且爲蒼生住猶去懸車十四年

吾土

白居易

身心安處爲吾土豈限長安與洛陽水竹花前謀活
計琴書酒裏到家鄉榮先生老何妨樂楚接輿歌未
必狂不用將金買莊宅城東無生是春光

和高僕射罷節度讓尚書授少保分司喜遂

唐詩類苑

卷之百二十五

三十五

遊山水之作

白居易

暫辭八座罷雙旌便作登山臨水行能以忠貞酬重
任不將富貴礙高情朱門出去簪纓從絳帳歸來歌
吹迎鞍轡闌裝光滿馬何人信道是書生

改業

白居易

先生老去飲無興居士病來閒有餘猶覺醉吟多改
逸不如禪坐更清虛栢枝紫袖教丸藥羯鼓蒼頭遣
種蔬却被山僧戲相問一時改業意何如

迂叟

白居易

一辭魏闕就商賔散地閒居八九春初時被自爲迂

更近日蒙呼作隱人冷暖俗情諳世路是非閒論
交親應須繩墨機關外安置疎愚鈍滯身

命筆題南楫

盧駢

壽夭雖云命榮枯亦太偏不知雷氏劍何處更衝天

離東都平泉詩

李德裕

十年紫殿掌洪鈞出入三朝一品身文帝寵深陪雉
尾武皇恩重醢龍津黑山永碣和親虜烏嶺全
扈臣自是功高臨盡處禍來名滅不由人

投所思

羅隱

顛顛長安何所爲旅魂窮命自相疑滿川碧嶂無歸

唐詩類苑

卷之百二十五

三十六

一榻紅塵有淚時雕琢只應勞郢匠膏肓終恐悟
秦醫浮生七十今三十從此恓惶未可知

新安投所知

羅隱

少年容易捨樵漁曾辱明公薦子虛漢殿夜寒時不
食宋都風急命何疎雲埋野艇吟歸去草沒山田賦
遂初長劍一尋歌一奏此心爭肯爲鱸魚

江西裴常侍以優禮見待又蒙贈詩輒叙鄙

誠用伸感謝

白居易

一從簪笏事金貂每借溫顏放折腰長覺身輕離泥
滓忽驚手重捧瓊瑤馬因迴顧雖增價桐遇知音已

半焦他日秉鈞如見念壯心直氣未全銷

東歸別所知

羅隱

芙蓉宮闕二妃壇兩處因依五歲寒鄒律有風吹不
變却枝無分住應難愁心似火還燒鬢別淚非珠謾
落盤却美淮南好鷄犬也能終始逐劉郎

江岸獨步

劉兼

醉卓寒筇傍水行漁翁不會獨吟情龜能顧印誰相
重鶴偶乘軒自可輕簪組百年終長物文章千古亦
虛名是非得喪皆閒事休向南柯與夢爭

晝寢

劉兼

唐詩類苑

卷之一百二十五

三七

花落青苔錦數重書淫不覺避春慵恣情枕上飛莊
蝶任爾雲間騁陸龍玉液未能消氣魄牙籤方可滌
昏蒙起來已被詩魔引窻外寒敲翠竹風

倦學

劉兼

樂廣亡來水鏡稀宓妃嫫母混妍媸且於霧裏藏玄
豹休向窻中問碧鷄百氏典墳空自苦一堆螢雪竟
誰知門前春色芳如畫好掩書齋任所之

左名場自澤州至京使人傳語

魚玄機

閒居作賦幾年愁玉屋山前是舊遊詩詠東西千嶂

亂馬隨南北一泉流曾陪雨夜同歡席別後花時同
上樓忽喜扣門傳語至為憐憐惹小易幽相如琴罷
朱絃斷雙燕巢分日暮秋寒後還門時一訪每春忙
在曲江頭

唐詩類苑

卷之一百二十五

三八

唐詩類苑卷第一百二十六

明雲間張之象玄超甫纂輯

雲間李中立士強甫編次

雲間王微叔胡甫補訂

梁谿曹仁孫伯安甫校正

人部

喜幸

流夜郎半道承恩放還兼欣尅復之美書懷

示息秀才

李白

黃口爲人羅白龍乃魚服得罪豈怨天以愚陷網目

唐詩類苑

卷之百二十六

一

鯨鯢未剪滅豺狼屢翻覆悲作楚地囚何日秦庭哭

遭逢二明主前後兩遷逐去國愁夜郎投身竄荒谷

半道雪屯蒙曠如鳥出籠遙欣尅復美光武安可同

天子巡劍閣儲皇守扶風楊袂正北辰開襟攬羣雄

胡兵出月窟雷破關之東左掃因右拂旋收洛陽宮

迴輿人咸京席捲六合通叱咤開帝業手成天地功

大駕還長安兩日忽再中一朝讓寶位劍璽傳無窮

媿無秋毫力誰念矍鑠翁者何所慕高飛仰冥鴻

棄劍學丹砂臨鑪雙玉童寄言息夫子歲晚陟方蓬

恩勅重推使牒追赴蘇州次前溪館作

劉長卿

漸入雲峰裏愁看驛路閑亂鴉投落日疲馬向空山
且喜憐非罪何心戀未班天南一萬里誰料得生還

蕃中拘留歲餘迴至隴右先寄城中親故

呂溫

蓬轉星霜改蘭陔色養違窮泉百死別絕域再生歸

鏡數成絲髮囊收杖血衣酬恩有何力祗棄一毛微

詔下

白居易

昨日詔下去罪人今日詔下得賢臣進退者誰非我

事世間寵辱常紛紛我心與世兩相忘時事雖闕如

唐詩類苑

卷之百二十六

二

不聞但喜今年飽飯喫洛陽禾稼如秋雲更傾一樽

歌一曲不獨忘世兼忘身

喜入長安

崔湜

雲日能催曉風光不借年賴逢征路盡歸在落花前

喜逢行在所三首

杜甫

西憶岐陽信無人遂却迴眼穿當落日心死著寒灰

霧樹行相引連峰望或開所親驚老叟辛苦賊中來

二

秋思胡笳夕淒涼漢苑春生還今日事閒道暫時人

司隸章初覩南陽氣已新喜心翻倒極嗚咽淚沾巾

三

死去憑誰報歸來始自憐猶瞻太白雪喜遇武功天
影靜千官裏心蘇七校前今朝漢社稷新數中興年

喜聞官軍已臨賊境二十韻

杜甫

胡虜潛京縣官軍擁賊壕魚猶假息穴蟻欲何逃
帳殿羅玄冕轅門照白袍秦山當警蹕漢苑入旌旄
路濕羊腸險雲橫雉尾高五原空壁壘八水散風濤
今日看天意遊魂貸爾曹乞降那更得尚詐莫徒勞
元帥歸龍種司空握豹韜前軍蘇武節左將李虔刀

唐詩類苑

卷之百三十六

三

兵氣回飛鳥威聲沒巨鰲戈鋌開雪色弓矢向秋毫
天步艱方盡時和運更遭誰云遺毒螫已是沃腥臊
睿想丹墀近神行羽衛牢花門騰絕漠拓羯渡臨洮
此輩感恩至羸俘何足操鋒先衣染血騎突劍吹毛
喜覺都城動悲吹子女號家家賣金釧只待獻香醪

聞官軍收河南河北

杜甫

劍外忽傳收薊北初聞涕淚滿衣裳却看妻子愁何
在漫卷詩書喜欲狂白首放歌須縱酒青春作伴好
還鄉即從巴峽穿巫峽便下襄陽向洛陽

喜聞盜賊蕃寇總退口號五首

杜甫

蕭關隴水入官軍青海黃河卷塞雲北極轉愁龍虎
氣西戎休縱犬三羣

贊普

吐蕃君長也

多教使入秦數通和好止烟塵朝廷忽

用哥舒將殺伐虛悲公主親

崆峒西極近崑崙駝馬由來擁國門逆氣數年吹路

斷蕃人聞道漸星奔

勃律

國名

天西采玉河堅昆名國君碗最來多舊隨漢使

千堆寶少答胡王萬匹羅

今春喜氣滿乾坤南北東西拱至尊大曆三年調玉

唐詩類苑

卷之百三十六

四

燭玄元皇帝聖雲孫

承聞河北諸道節度入朝歡喜口號絕句十

二首

杜甫

祿山作逆降天誅更有思明亦已無洵洵人寰猶不
定時時戰鬪欲何須

社稷蒼生計不安蠻夷雜種錯相干周宣漢武今王

是孝子忠臣後代看

喧喧道路多歌謠河北將軍盡入朝始是乾坤王室

正却教江漢客魂銷

北道諸公無表來茫然庶事遣人猜擁兵相學千戈

銳使者徒勞萬里廻

鳴玉鏘金盡正臣修文偃武不無人興王會靜妖氛
氣聖壽宜過一萬春

英雄見事若通神聖哲爲心小一身燕趙休矜出佳
麗宮闈不擬選才人

抱病江天白首郎空山樓閣暮春光衣冠是日朝天
子草奏何人入帝鄉

澶漫山東一百州削成如案抱青丘包茅重入歸關
內王祭還供盡海頭

東逾遼水北溟沱星象風雲喜共和紫氣關臨天地
唐詩類苑 卷之百二十六 五

閼黃金臺賔俊賢多

魚陽突騎邯鄲兒酒酣並轡金鞍垂意氣卽歸雙闕
舞雄豪復遣五陵知

李相將軍擁薊門白頭惟有赤心存竟能盡說諸侯
入知有從來天子尊

十二年來多戰場天威已息陣堂堂神靈漢代中興
主功業汾陽異姓王

喜渡嶺

張說

東漢興唐歷南河復禹謨寧知瘴癘地生入帝皇都
雷雨蘇蟲蟄春陽故鳥喧沿炎海畔登怪岡山陬

嶺路分中夏川源得上流見花便獨笑看草卽忘憂

自始居重譯天星已再周鄉關絕歸望親戚不相求
棄杖枯還憐瘴海深道消黃鶴去運啓白駒留

江安晨吹黍津重夜澤丹盛明良可遇莫後洛城遊
却歸在道中作 張說

陳焦心息意死意不期生何幸光華旦流入歸上京
愁將網共解耶與代俱明復是三階正還逢四海平

誰能定禮樂爲國著功成
初入湘中有喜 張九齡

征鞍窮郢路歸棹入江流望鳥唯貪疾聞猿亦罷秋
唐詩類苑 卷之百二十六 六

兩邊楓作岸數處橘爲洲却計從來憶餓疑夢裏遊

喜陳兄至 白居易

黃鳥啼欲歇青梅結半成坐憐春物盡起入東園行
攜觴懶多酌忽聞叩門聲閑人猶喜至何況是陳兄

從容盡日語稠疊長年情勿輕一杯酒可以話平生
喜侯喜至贈張籍張徹 韓愈

昔我在南時數君常在念搖搖不可止諷詠日喁喁
如以膏濯衣每漬垢逾染又如心中疾箴石非所砭

常思得遊處至死無倦厭地雖怪奇怪水鏡涵石劍
荒花窮漫亂幽獸工磨礪日不忍窺忽忽坐昏墊

逢神多所祝，豈忘靈即驗。依依夢歸路，歷歷想行。今者誠自幸，所懷無一欠。孟生去雖索，侯氏來還歎。歎眠聽新詩，屋月豔豔雜。作承開騁交，驚舌牙。續紛指瑕疵，拒捍阻城塹。以余經摧挫，固請發鈐。聚居然妄推讓，見譴焚天燄。比疎語徒妍，悚息不敢占。呼奴具盤餐，釘餽魚菜贍。人生但如此，朱紫安足僭。

汝州陸中丞席喜張從事至同賦十韻

孟郊

汝水無濁波，汝山饒奇石。大賢為此郡，佳士來如積。有客乘白駒，奉義愜所適。清風蕩華館，雅琴泛瑤席。

唐詩類苑

卷之百五

七

芳醕靜無喧，金樽光有滌。縱情就慮損，聽論自招益。願折若木枝，却彼曜靈夕。貴賤一相接，憂悵忽轉易。會合勿言輕，別離古來惜。請君駐征車，良遇難再覓。

冬夕喜友生至

李咸用

天涯行欲遍，此夜故人情。鄉國別來久，干戈還未平。燈殘偏有焰，雪甚却無聲。多少新聞見，應須語到明。

喜李翰自越至

劉長卿

南浮滄海上，萬里到吳臺。又別長相憶，孤舟何處來。春風催客醉，江月向人開。美爾無羈束，沙鷗猶不猜。

喜雍陶至

賈島

今朝笑語同，幾日百憂中。烏度劍門靜，蠻歸澗水空。步霜吟菊畔，待月坐林東。且莫孤此興，勿論窮與通。

春喜友人至山舍

北洞賀

鳥鳴春已曉，喜見竹門開。路自高巖出人騎，大馬來折花林影。移石洞陰迴，更欲留深語。重城暮色催未定，寺喜辟强夜至。

韋應物

子有新歲慶，獨此苦寒歸。夜叩竹林寺，山行雪滿衣。深爐正然火，空齋共掩扉。還將一樽對，無言百事違。

江上喜洛中親友繼至

許渾

戰馬昔紛紛，一作向風驚。蒿少塵全家，南渡遠舊友。

唐詩類苑

卷之百五

八

北來頻罷酒，松筠晚賦詩。楊柳一作蘭杜春誰言，今夜月同是洛陽人。

原東居喜唐溫琪頻至

賈島

曲江春草生紫閣，雪分明汲井嘗。泉味聽鍾問寺名，墨研秋日雨茶試。老僧鐫地近勞頻，訪鳥紗出送迎。

喜李餘自蜀至

賈島

迢遞岷峨外，西南驛路高。幾程尋嶮棧，獨宿聽寒濤。白鳥飛還立，青猿斷更號。往來從此過，詞體近風騷。

歲初喜皇甫侍御至

嚴維

湖上新正逢故人，情深應不笑家貧。明朝別後門還

掩修竹千竿一老人

喜李十一景信到

元稹

何事相逢翻有淚念君緣我到通州留君刺住君須
住我不自由君自由

深愁喜友人至

劉滄

不避驅羸道路長青山同喜惜年光燈前話舊草
夜月下醉吟谿樹霜落葉已經寒燒盡衡門猶對古
城荒此身未遂歸休計一半生涯寄岳陽

喜王子載話舊

張祐

相逢青眼日相嘆白頭時累話三朝事重看一局棋

唐詩類苑

卷之百二十六

九

歡娛非老大成長是嬰兒且盡罇中物無煩更後期

西庭夜燕喜評事兄拜會 劉長卿

猶是南州吏江城又一春隔簾湖上月對酒眼中人

棘寺初銜命梅仙已誤身無心美榮祿唯待却垂綸

喜見劉同州夢得

白居易

紫綬白髭鬚同年二老夫論心共牢落見面且歡娛

酒好攜來否詩多記得無應須爲春草五馬少踟躕

喜嚴侍御蜀還贈嚴秘書 釋清江

往年分守出咸秦木落花開秋又春江客不知曾蜀

路旋魂何處訪情人當時望月思文友今日迎春見

近臣

迎李近仁員外

魚玄機

今日喜時聞喜鵲昨宵燈下拜燈花焚香出戶迎潘
岳不羨牽牛織女家

喜友人日南廻

張嶺

南遊曾去海南涯此去遊人不易歸白日霧昏張夜
燭窮冬氣暖着春衣溪荒毒鳥隨船啁洞冤虵出
樹飛重入帝城何實實共廻遷客輕肥

喜夢得自馮翊歸洛兼呈令公

白居易

唐詩類苑

卷之百二十六

十

上客新從左輔廻陽興助洛陽才已將四海聲名

去又占三春風景來甲子等頭憐共老文章敵手真

相猜郗叔未用爭詩酒且飲梁王賀喜杯

自喜

白居易

身慵難勉強性拙易遲廻布被辰時起柴門午後開
忙驅能者去閑逐鈍人來自喜誰能會無才勝有才

自喜

李商隱

自喜蝸牛舍兼容燕子巢綠筠遺粉繒紅藥綻香苞
虎過遙知穿魚來且佐庖慢行成酪酏鄰壁有松醪

自喜

白居易

自喜天交我少緣家徒行計兩翩翩身兼妻子都三口鶴與琴書共一船僮僕減來無冗食糧資筭外有餘錢攜將貯作丘中費猶免饑寒得數年

喜遠書

許渾

端居換時節離恨隔龍龍苔色上春閣柳陰移晚窻寄懷因桂水流淚極楓江此日南來使金盤魚一雙

喜閑

白居易

瀟灑伊嵩下優遊黃綺間未曾一日悶已得六年閑

魚鳥爲徒侶烟波是往還伴僧禪閉目迎客笑開顏

興發宵遊寺慵時晝掩關夜來風月好悔不宿香山

唐詩類苑

卷之百三十六

十一

不准擬二首

白居易

監輿騰騰一老夫褐裘烏帽白髭鬚早衰饒病多蔬食筋力消磨合有無不准擬身年六十上山仍未要

人扶

憶昔謫君炎瘴地巴猿引哭虎隨行多於賈誼長沙

苦小校潘安白髮生不准擬身年六十遊春猶自有

心情

思往喜今

白居易

憶除司馬向江州及此凡經十五秋雖帶簪裾從俗累半尋山水是閑遊請居終在鄉關思領郡猶分邦

國憂爭似如今作賓客都無一念到心頭

詩酒琴人例多薄命子酷好三事雅當此

而所得已多爲幸斯甚偶成狂詠聊寫愧

懷

白居易

愛琴愛酒愛詩客多賤多貧多苦辛中散步兵終不

貴孟郊張籍過於貧一之已歎關於命三者何堪併

在身只合飄零隨草木誰教凌厲出風塵榮名厚祿

一千石樂飲閑遊二十春可得無厭時咄咄猶言薄

命不如人

感慨

唐詩類苑

卷之百三十六

十一

門有車馬客行

虞世南

財雄一作重交結戚里

田一作

擅豪華曲臺臨上路高

軒抵狹斜赭汗千金馬繡軸五香車白鶴隨飛蓋朱

鷺入鳴笳夏蓮開劍水春桃發綬花高談辯飛兔擲

藻握靈蛇逢恩出毛羽失路委泥沙曖曖風煙晚路

長歸騎遠日斜青瑣第塵飛金谷苑危絃促柱奏巴

渝遺簪墮珥解羅襦如何守直道翻使谷名愚

門有車馬客行

李白

門有車馬賓金鞍曜朱輪謂從丹霄落乃是故鄉親呼兒掃中堂坐客論悲辛對酒兩不飲停觴淚盈巾

嘆我萬里遊飄飄三十春空談帝王畧紫綬不挂身
雄劍藏玉匣陰符生素塵廓落無所合流離湘水濱
借問宗黨間多爲泉下人生苦百戰役死託萬鬼隣
北風揚胡沙埋霧周與秦大運且如此蒼穹寧匪仁
惻愴竟何道存亡任大鈞

君子有所思行

李白

紫閣連終南青冥天倪色憑崖望咸陽宮闕羅北極
萬井驚畫出九衢如絃直渭水清銀河橫天流不息
朝野盛文物衣冠何翕絕廐馬散連山軍容威絕域
伊臯運元化衛霍輸筋力調鐘樂未休榮去老還逼
唐詩類苑 卷之三百五 七
圓光過滿缺太陽移中昃不散東海金何曾西輝匿
無作牛山悲惻愴淚沾臆

白頭吟

劉希夷

洛陽城東桃李花飛來飛去落誰家洛陽女兒惜顏
色行逢落花長嘆息今年花落顏色改明年花開復
誰在已見松柏摧爲薪更聞桑田變成海古人無復
洛城東今人還對落花風年年歲歲花相似歲歲年
年人不同寄言全盛紅顏子須憐半死白頭翁此翁
白頭真可憐伊昔紅顏美少年公子王孫芳樹下清
歌妙舞落花前光祿池臺夕金繡將軍樓閣盡神仙

一朝卧病無知己三春行樂在誰邊宛轉蛾眉能
時須更鶴髮亂如絲但看古來歌舞處唯有黃鸝鳥
雀悲

白頭吟

又一篇與此
異今兩存之

李白

錦水東北流波蕩雙鴛鴦雄巢漢宮樹雌弄秦草芳
寧同萬死碎綺翼不忍雲間兩分張此時阿嬌正嬌
妬獨坐長門愁日暮但願君恩顧妾深豈惜黃金買
辭賦相如作賦得黃金丈夫好新多異心一朝將聘
茂陵女文君怨贈白頭吟東流不作西歸水落花辭
條羞故林菟絲固無情隨風任顛倒誰使女蘿枝而
來強榮抱兩草猶一心人心不如草莫卷龍鬚席從
他生網絲且留琥珀枕或有夢來時覆水再收豈滿
孟棄妾已去難重回古時得意不相負祇今准見青
陵臺

錦水東流碧波蕩雙鴛鴦雄巢漢宮樹雌弄秦草芳
相如去蜀謁武帝赤車駟馬生輝光一朝再覽大人
作萬乘忽欲凌雲翔聞道阿嬌失恩寵千金買賦要
君王相如不憶貧賤日官高金多聘私室茂陵姝子
皆見求文君歡愛從此畢淚如雙泉水行隨紫羅襪
五起鷄三唱清晨白頭吟長吁不整綠雲鬢仰訴青

天哀怨深城崩杞梁妻誰道士無心東流不作西歸
水花落辭枝羞故林頭上玉燕釵是妾嫁時物贈君
表相思羅帶幸時莫捲龍鬚席從他生網絲且留
琥珀枕遺有夢來時鸛鵒來在錦屏上自君一挂無
由披妾有素樓鏡照心勝照井願持照新人雙對可
憐影覆水却收不滿杯相如還謝文君回古來得意
不相負愁今唯有青陵臺

反鮑明遠白頭吟

白居易

炎炎者烈火營營者小蠅火不熱真玉蠅不點清水
此苟無所受彼莫能相仍乃知物性中各有能不能
唐詩類苑 卷之百十六 主
古稱怨恨死則人有所懲懲淫或應可在道未爲弘
譬如蜩鸚徒啾啾龍鵬宜當委之去寥廓高飛騰
豈能泥塵下區區酬怨憎胡爲坐自苦吞悲仍撫膺

悲哉行

王昌齡

忽聽白頭吟人間易憂怨若非滄浪子安得從所願
北上太行山臨風閱吹萬長雲數千里倏忽還膚寸
觀其微滅時精意莫能論百年不容息是處生意蔓
始悟海上人辭君未飛遁

悲哉行

孟雲卿

孤寒去慈親遠客喪主人莫必苦辛因此曲誰忍聞

可聞不可說去去無期別行人念前程不待參辰沒
朝亦恒苦饑暮亦恒苦饑飄飄萬餘里貧賤多是非
少年莫遠遊遠遊多不歸

偏側行贈畢曜

杜甫

偏側何偏側我居巷南子巷北可恨鄰里間十日不
一見顏色自從官馬送還官行路難行澀如棘我貧
無乘非無足昔者相遇今不得實不是愛微軀又非
關足無力徒步翻愁官長怒此心炯炯君應識曉來
急雨春風風顛睡起不聞鐘鼓傳東家蹇驢許借我泥
滑不敢騎朝天已令請急會通籍男兒性命絕可憐
唐詩類苑 卷之百十五 六
馬能終日心拳拳憶君誦詩神凜然辛夷始花亦已
落况我與子非壯年街頭酒價常苦貴方外酒徒稀
醉眠速宜相就飲一斗恰有三百青銅錢

莫相疑行

杜甫

男兒生無所成頭皓白牙齒欲落真可惜憶獻三賦
蓬萊宮自怪一日聲輝赫集賢學士如堵牆觀我落
筆中書堂往往文彩動人主此日饑寒趨路傍晚來
求契託年少當面輸心背面笑寄謝悠悠世上兒不
爭好惡莫相疑

臨路歌

李白

大鵬飛兮振八裔中天摧兮力不濟餘風激兮萬世游扶桑兮挂石袂後人得之傳此仲尼亡兮誰爲出涕

哀江頭

杜甫

少陵野老吞聲哭春日潛行曲江曲江頭宮殿鎖千門細柳新蒲爲誰綠憶昔霓旌下南苑苑中萬物生顏色昭陽殿裏第一人同輩隨君侍君側輦前才人帶弓箭白馬嚼齧黃金勒翻身向天仰射雲一箭正墜雙飛翼明眸皓齒今何在血污遊魂歸不得清渭東流劍閣深去住彼此無消息人生有情淚沾臆江

唐詩類苑

卷之百三

七

可嘆

杜甫

天上浮雲如白衣斯須改變如蒼狗古往今來共一時人生萬事無不有近者扶眼去其夫河東女兒身姓柳丈夫正色動引經豐城客子王季友羣書萬卷常暗誦孝經一通看在手貧窮老瘦家賣履好事就之爲攜酒豫章太守高帝孫引爲賓客敬頗久問道三年未曾語小心恐懼閉其口太守得之更不疑人生反覆看亦醜明月無瑕豈容易紫氣鬱鬱猶衝斗時危可杖真豪俊二人行君側否太守頃者在南

山邦人思之比父母王生早曾拜顏色高山之外皆培塿用爲義和天爲成用平水土地爲厚王也論道阻江湖李也疑丞曠前後死爲星辰終不滅致君堯舜焉肯朽吾輩碌碌飽飯行風后力牧長廵首

春歎

岑參

獵月江上暖南橋新柳枝春風觸處到憶得故園時終日不如意出門何所知從人覓顏色自笑弱男兒

有歎

杜甫

壯心久零落白首寄人間天下兵常關江東客未還窮猿號雨雪老馬望關山武德開元際蒼生豈重攀

唐詩類苑

卷之百十六

六

自歎

孟郊

愁與髮相形一愁白數莖有髮能幾多禁愁日日生古若不置兵天下無戰爭古若不置名道路無歇傾太行聳巍我是天產不平黃河奔濁浪是天生不清四蹄日日多雙輪日日成二物不在天安能免營營訪歎初有二毛之作

劉禹錫

清羸隱几望雲空左掖鸞鸞到室中一卷素書消未日數莖斑髮對秋風菱花照後容雖改著草占來命已通真怪人人驚早白緣君尚是黑頭翁

可歎

李商隱

幸會東城宴未迴年華憂共水相催梁家宅裏水堂
入趙后樓中赤鳳來水簾且眠金鏤枕瓊筵不醉玉
交杯宓妃愁坐芝田館用盡陳王八斗才

傷時二首

孟雲卿

太空流素月三五何明明光耀侵白日賢愚迷至精
四時更變化天道有虧盈常恐今夜沒須還還復生

二

徘徊宋郊上不見平生親獨立正傷心悲風來孟津
大方載羣物生死有常倫虎豹不相食哀哉人食人
豈伊逢世運天道亮云云

唐詩補元

卷之百十六

九

傷懷贈故人

孟雲卿

稍稍晨鳥翔淅淅草上霜人生早罹苦壽命恐不長
二十學已成三十名不彰豈無同門友貴賤易中腸
驅馬行萬里悠悠過帝鄉幸因絃歌未得上君子堂
衆樂互喧奏獨子備笙簧坐中無知音安得神揚揚
願因高風起上感白日光

惜春傷同幕故人孟郎中兼呈去年看花友

李益

畏老身全老逢春解惜春今年看花伴已少去年人

奉使三月九日經臨洛

劉長卿

舉目傷無沒何年此戰爭歸人失舊里老將守孤城
廢戍山煙出荒田野火行獨憐澗水上時亂亦能清

穆陵關北逢人歸漁陽

劉長卿

逢君穆陵路匹馬向桑乾楚國蒼山古幽州白日寒
城池百戰後舊幾家殘處處蓬蒿過歸人掩淚看
謫官後却歸故村將過虎丘悵然有作

劉長卿

萬事依然在無如歲月何邑人憐白髮庭樹長新柯
故老相逢少同官不見多唯餘舊山路惆悵枉帆過

青門里作

賈島

唐詩補元

卷之百十六

三

傷懷贈故人

孟雲卿

燕存鴻已過海內幾人愁欲問南宗理將歸北岳修
若無攀桂分祗是卧雲休泉樹一爲別依稀三十秋

感情

于鄴

青山長寂寞南望獨高歌四海故人盡九原新壠多
西沈浮世日東注逝川波不使年華駐此生看幾何

感事

韋應物

霜雪皎素絲何意墜墨池青蒼猶可濯黑色不可移
女工再三嘆委棄當此時歲寒雖無褐機杼誰肯施

和東川楊慕巢尚書府中獨坐感戚在懷見

寄十四韻慕巢感戚處別弟喪過感已之

豪盛有歸洛之意故敘而和之也

白居易

我是知君者君今意若何窮通時不定苦樂事相和
東蜀歎殊遇西江嘆逝波只緣榮貴極翻使感傷多
行斷風驚鴈年侵日下坡片心休慘戚雙鬢已蹉跎
紫綬黃金印青幢白玉珂老將榮補帖愁用道消磨
外府饒美酒中堂有綺羅應須引滿飲何不放狂歌
錦水通巴峽香山對洛河將軍馳鐵馬少傅步銅駝
深契憐松竹高情憶薜蘿懸車年甚遠未敢放相過
旅次甬西見兒童以竹槍紙旗戲爲陣列主

唐詩類苑

卷之百三十六

主

人叟曰斯子也三世沒於陣思所襲祖父

讐余因感之

韋莊

已聞三世沒軍營又見兒孫學戰爭見爾此言堪慟
哭遣予何日望時平

爲人感贈

羅鄴

歌舞從來最得名如今老寄洛陽城當時醉送龍驤
曲留與誰家唱月明

感秋懷微之

白居易

葉下湖又波秋風此時至誰知落心先納蕭條氣
推移感流歲漂泊思同志昔爲煙霄侶今作泥塗吏

白鷗毛羽弱青鳳文章異各閉一籠中歲晚同顛顛

谷比歲受同年丈人故川守李侍郎教諭衰

晏龍鍾益用感歎遂以章句自貽

鄭谷

多感京河李丈人童蒙受教便書紳文章至竟無功
業名宦由來致苦辛皎日還應知守道平生自信解
甘貧孤單所得皆逾分歸種敷溪一畝春

聞樂感鄰

白居易

老去親朋零落盡秋來絃管感傷多尚書宅畔悲鄰
笛廷尉門前歎雀羅綠綺窻空分妓女絳紗帳掩罷

唐詩類苑

卷之百十六

主

笙歌歡娛未足身先去爭奈書生薄命何

覽鏡

李崇嗣

歲去紅顏盡愁來白髮新今朝開鏡匣疑是別逢人

途中覽鏡

徐九臯

四海遊長倦百年愁半侵賴窺明鏡裏時見丈夫心

秋朝覽鏡

薛稷

客心驚落木夜坐聽秋風朝日看容鬢生涯在鏡中

覽鏡書懷

李白

得道無古今失道還衰老自笑鏡中人白髮如霜草
捫心空嘆息問影何枯槁桃李竟不言終成蒿草

寶鏡呈栢中丞

杜甫

渭水流關內終南在日邊
膽銷豺虎窟淚入犬羊天
起晚堪從事行遲更覺仙
鏡中衰謝色萬一故人憐

嗟髮落

白居易

朝亦嗟髮落暮亦嗟髮落
落盡誠可嗟盡來亦不惡
既不勞洗沐又不煩梳掠
最宜濕暑天頭輕無髻縛
脫置垢巾幘解去塵纓絡
銀瓶貯寒泉當頂傾一勺
有如醍醐灌坐受清涼樂
因悟自在僧亦資於剃削

感髮落

白居易

昔日愁頭白誰知未白衰
眼看應落盡無可變成絲

唐詩類苑

卷之百十六

五

嘆髮落

白居易

多病多愁心自知行年未老
髮先衰隨梳落去何須
惜不落終須變作絲

傷華髮

羅隱

舊國迢迢遠清秋種種新
已衰曾軫慮初見忽沾巾
日薄梳兼懶根危鑷恐頻
青銅不自見只擬老他人

路旁老人

耿湋

老人獨坐倚官樹欲語潸然淚
便垂陌上歸心無產
業城邊戰骨有親知餘生尚在艱
難日長路多逢輕
薄兒綠水青山雖似舊如
今貧後復何爲

散愁二首

杜甫

父客宜旋旆興王未息戈
蜀星陰見少江雨夜聞多
百萬傳深入寰區望匪他
司徒下燕趙收取舊山河

二

聞道并州鎮尚書訓士齊
幾時通薊北當日報關西
戀闕丹心破霜衣皓首啼
老魂招不得歸路恐長迷

遣愁

杜甫

養拙違爲戶茫茫何所開
江通神女館地隔望鄉臺
漸惜容顏老無由弟妹來
兵戈與人事廻首一悲哀

愁坐

杜甫

高齋常見野愁坐更臨門
十月山寒重孤城水氣昏
葭萌氏種迥左擔大戎屯
終日憂奔走歸期未敢論

江畔老人愁

崔顥

江南年少十八九乘舟欲渡青溪口
青溪口邊一老翁鬢眉皓白已衰朽
自言家代仕梁陳垂朱掩紫三十人
兩朝出將復入相五世疊鼓乘朱輪
父兄三葉皆尚主子女四代爲妃嬪
南山賜田接御苑北宮甲第連紫宸
直言榮華未休歇不覺山崩海將竭
兵戈亂入建康城烟火連燒未央闕
衣冠士子滿鋒刃良將名臣盡埋沒
山河改易失朝衛路絕橫填白骨

老人此時尚少年脫身走得投海邊罷兵歲餘未敢
出去鄉三載方來旋蓬蒿忘却五城宅草木不識青
溪田雖然得歸到鄉土零丁貧賤長辛苦採樵屢入
歷陽山川稻常過新林浦少年欲知老人歲豈知今
年一百五君今少壯我已衰我昔少年君不賸人生
貴賤各有時莫見羸老相輕欺感君相問爲君說說
罷不覺令人悲

愁

杜甫

江草日日喚愁生巫峽冷冷非世情盤渦鴛浴底心
性獨樹花開自分明十年戎馬暗南國異域賓客老

唐詩類苑

卷之百三十六

五

孤城渭水秦山得見否人今罷病虎縱橫

遺懷

杜甫

愁眼看霜露寒城菊自花天風隨斷柳客淚墮清笳
水淨樓陰直山昏塞日斜夜來歸鳥盡啼殺後樓鴉

遺興

杜甫

干戈猶未定弟妹各何之拭淚沾襟血梳頭滿面絲
地卑荒野大天遠暮江遲衰疾那能久應無見汝期

悶

杜甫

瘴癘浮三蜀風雲暗百蠻捲簾唯白水隱几亦青山
猿捷長難見鷗輕故不還無錢從滯客有鏡巧催顏

戲作俳諧體遣悶二首

杜甫

異俗吁可怪斯人難並居家家養烏鬼頓頓食黃魚
舊識難爲態新知已墮疎治生且耕鑿只有不關渠

二

西歷青羌坂室宇白帝城於菟侵客恨拒妝作人情
毛卜傳神語金言費火聲是非何處定高枕笑平生

解二首

杜甫

一辭故國十經秋每見秋瓜憶故丘今日南湖采薇
蕨何人爲貢鄭瓜州

先帝貴妃俱寂寞荔枝還復入長安炎方每續朱櫻

唐詩類苑

卷之百十六

五

獻王座應悲白露團

憶過瀘戎摘荔枝青楓隱映石逶迤京華應見無顏
色紅顆酸甜只自知

翠瓜碧李沈玉甃赤梨蒲萄寒露成可憐先不異枝
蔓此物娟娟長遠生

側生野岸及江浦不熟丹宮滿玉壺雲壑布衣鮐背
死勞生重馬翠眉須

草閣柴扉星散居浪翻江黑雨飛山禽引子哺紅
果溪友得錢留白魚

商胡離別下楊州憶上西陵故驛樓爲問淮南來貴

賤老夫乘興欲東流

遺憂

杜甫

亂離知又甚消息若難真受諫無今日臨危憶古人
紛紛乘白馬壞壤看黃巾隋氏留宮室焚燒何太頻

百憂集行

杜甫

憶昔十五心尚孩健如黃犢走復來庭前八月梨棗
熟一日上樹能千迴即今倏忽已五十坐卧只多少
行立強將笑語供主人悲見生涯百憂集入門依舊
四壁空老妻覩我顏色同癡兒未知父子禮叫怒索
飯啼門東

唐詩類苑

卷之百十六

主一

經亂後將避地剡中留贈崔宣城

李白

雙鵝飛洛陽五馬渡江徼何意上東門胡鵲更長嘯
中原走豺虎烈火焚宗廟太白晝經天頽陽掩餘照
王城皆蕩覆世路成奔峭四海望長安嘖眉寡西笑
蒼生疑落葉白骨空相弔連兵似雪山破敵誰能料
我垂北溟翼且學南山豹崔子賢主人歡娛每相召
胡牀紫玉笛却坐青雲叫楊花蒲州城置酒同臨眺
忽思剡溪去水石遠清妙雪晝天地明風開湖山貌
悶爲洛生詠醉發吳越調赤霞動金光日足生海嶠

獨散萬古意閒垂一溪釣猿近天上帝人移月邊棹
無以墨綬苦來求丹砂要華髮長折腰將貽陶公誚

亂後別蘇州人

賀力牧

徘徊睇閭闔悵望極姑蘇慨矣嗟荒運悲哉惜霸圖
子常終覆郢宰嚭遂亡吳石隕星方暗山崩川自枯
周京摧棧樸漢杜落粉榆宮殿無巢燕城空餘樂鳥
茲邦號端委多士自相趨照無同燕石光車等魏珠
言離已惆悵念別更踟躕若訪任公子求余東海隅

口號示裴迪

王維

初明皇每酺宴先設太常雅樂繼以鼓吹胡樂散

唐詩類苑

卷之百十六

主一

樂雜戲又出宮人舞霓裳羽衣又教舞馬百疋銜
盃上壽又引犀象入場或拜或舞祿山見而悅之
祿山反搜捕送洛陽宴其羣臣於凝碧池盛奏衆
樂梨園弟子往往戲欬泣下賊皆露刃睨之樂工
雷海清不勝悲憤擲樂器於地西向慟哭祿山怒
支解於戲馬殿維爲時給事中賊陷京師爲所擒
維吞藥佯瘖祿山愛其才逼至洛陽供舊職拘於
菩提寺裴迪來相看維痛悼私成口號誦示裴迪
後聞行在賊平皆下獄獨維得免
萬戶傷心生野煙百官何日更朝天秋槐葉落空宮

裏凝碧池頭奏管絃

口號又示裴迪

王維

安得捨塵網拂衣辭世喧悠然策藜杖歸向桃花源

嘉禾寺見亡友題壁

李益

今日憶君處憶君君豈知空餘暗塵字讀罷淚仍垂

送岐州源長史歸

同在崔常侍幕中時常侍已歿

王維

握手一相送心悲安可論秋風正蕭索客散孟嘗門

故驛通槐里長亭下槿原征西舊旌節從此向河源

送李祕書却赴南中

此公舉家先流嶺外兄弟數人俱沒南中

唐詩類苑

卷之三百五十六

三九

劉長卿

却到番禺日應傷昔所依炎洲百口住故國幾人歸

路識梅花在家存棣萼稀獨逢迴鴈去猶作舊行飛

重推後却赴嶺外待進止寄元侍郎

劉長卿

却訪巴人路難期國士恩白雲從出岫黃葉已辭根

大造功何薄長年氣尚冤空令數行淚來往落湘沅

和入京

呂讓

俘囚經萬里憔悴度三春髮改河陽鬢衣餘京洛塵

鍾移悲去楚隨會泣留秦既謝得一作平吳利終成失

路人

齊安郡

韋莊

弭棹齊安郡孤城百戰殘傍村林有虎帶郭縣無官

暮角梅華怨清江桂影寒黍離綠底事撩我起長歎

先是新昌小園期京兆尹一訪兼郎官數子

自頃沈疴年復一年茲願不果率然成章

蘇頌

獨好中林隱先期上月春閑花傍戶落喧鳥逼簷馴

寂寞東陂叟傳呼北里人在山琴易調閑甕酒歸醇

佇望應三接彌留忽幾旬不疑丹火變空負綠條新

唐詩類苑

卷之三百五十六

三九

關蟻聞常日歌龍值此反其如衆君子嘉會阻清塵

搖落

李商隱

搖落傷年日羈留念遠心水亭吟斷續月幌夢飛沈

古木含風久疎螢怯路深人閑始遙夜地迥更清砧

結愛曾傷晚端憂復至今未諳滄海路何處玉山岑

難激黃牛暮雲屯白帝陰遙知沾灑意不減欲分襟

江南遇天寶樂叟

白居易

白頭病叟泣且言祿山未亂入梨園能彈琵琶和法

曲多在華清隨至尊是時天下太平久年年十月坐

朝元千官起居環左右一作高馬奏金鈿照耀

石甕寺蘭麝薰煮溫湯源貴妃宛轉侍君側體弱不
勝珠翠繁冬雪飄飄錦袍暖春風蕩漾雲裳翻歡娛
未足燕冠至弓騎馬肥胡語喧幽土人遷避夷狄鼎
湖龍去哭軒轅空北漂淪到南土萬人死盡一身存
秋風江上浪無限暮雨舟中酒一樽酒魚久失風波
勢枯草曾沾雨露恩我自秦來君莫問驪山渭水如
荒村新豐樹老籠明月長生殿閣鏤黃昏紅葉紛紛
蓋歛瓦綠苔重重封壞垣唯有中宮作宮使每年寒
食一開門

代賀若令譽贈沈千運 王季友

唐詩類苑 卷之二百十六 主

相逢問姓名亦存別時無子今有孫山上雙松長不
改百家唯有三家村村南村北車馬道一宿通舟水
浩浩澗中磊磊十里石河上淤泥種桑麥平坡塚墓
皆我親滿田主人是舊客舉身酸鼻問同年十人七
人歸下泉分手如何更此地回頭不去淚潸然

雜感 鮑防

漢家海內承平久萬國戎王皆稽首天馬當銜苜蓿
花胡人歲獻蒲萄酒五月荔枝初破顏朝辭象郡夕
函關鴈飛不度桂陽嶺馬走不逾林邑山甘泉御果
垂僊閣日暮無風香自落遠物皆重近皆輕鷄雖有

德不如鶴

聽樂悵然自述一作司空曙韓 湜

萬事傷心對管絃一作在一身含淚向春煙一作對花

黃金月一作金夜夜與他人樂少年

松簪梓州幕府兼簡韋十郎

杜甫

幕下郎官安穩無從來不奉一行書因知貧病入須
棄能使韋郎跡也疎

顧洛城古牆

劉禹錫

粉落椒飛知幾春風吹雨灑旋成塵莫言一片危基

唐詩類苑 卷之二百十六 主

在猶過無窮來往人

奔問三峯寓止近墅

鄭谷

二年奔走頗驚魂來謁行宮淚眼昏鷄鷺入朝以待
漏牛羊送日獨歸村霸陵散失詩千首太華淒涼酒
一樽兵革未休無異術不知何以受君恩

去年今日

劉兼

去年今日到榮州五騎紅塵入郡樓獵虎只知迎太
守蠻夷不信是儒流姦豪已息時將泰疲瘵全蘇歲
又周聖主若容辭重祿便歸煙水狎羣鷗
夢得前所聞有鍾美少作之句因思往

事兼詠今懷重以長句答之

白居易

鍊盡少年成白首憶初相識到今朝昔饒春桂長先
折今伴寒松最後凋生事縱貧猶可過風情雖老未
全銷聲華寵命人皆得若箇如君歷七朝

復愁十二首

杜甫

人烟生僻處虎跡過新蹄野鵲翻窺草村船逆上溪

二

釣艇收縵盡昏鴉接翅稀月生初學扇雲細不成衣

三

唐詩類苑

卷之百二十六

五

萬國尚防寇故園今若何昔歸相識少早已戰場多

四

身覺省郎在家須農事歸年深花草徑老恐失柴扉

五

金絲縷箭鏃皂尾掣旗竿一自風塵起猶嗟行路難

六

貞觀銅牙弩開元錦獸張花門小箭好此物棄沙場

七

胡虜何曾盛干戈不肯休閭閻聽小子談笑覓封侯

八

今日翔麟馬先宜駕鼓車無勞問河北諸將角榮華

九

任轉江淮粟休添苑囿兵由來貔虎士不滿鳳皇城

十

江上亦秋色火雲終不移巫山猶錦樹南國且黃鸝

十一

每恨陶彭澤無錢對菊華如今九日至自覺酒須賒

十二

病減詩仍拙吟多意有餘莫看江總老猶被賞時魚

唐詩類苑

卷之百二十六

五

唐詩類苑卷第一百二十七

明雲間張之象玄超甫纂輯

雲間李中立士強甫編次

雲間王微叔朗甫補訂

梁谿曹仁孫伯安甫校正

人部

時事

潼關吏

杜甫

士卒何草草，築城潼關道。大城鐵不如，小城萬丈餘。
借問潼關吏，修關還備胡。要我下馬行，爲我指山隅。

唐詩類苑

卷之百二十七

一

連雲列戰格，飛鳥不能踰。胡來但自守，豈復憂西都。
丈人視要處，窄狹容單車。艱難奮長戟，千古用一夫。
哀哉桃林戰，百萬化為魚。請噓防關將，慎勿學哥舒。

石壕吏

杜甫

暮投石壕村，有吏夜捉人。老翁踰牆走，老婦出門看。
吏呼一何怒，婦啼一何苦。聽婦前致詞，三男鄴城戍。
一男附書至，二男新戰死。存者且偷生，死者長已矣。
室中更無人，惟有乳下孫。孫有母未去，出入無完裙。
老嫗力雖衰，請從吏夜歸。急應河陽役，猶得備晨炊。
夜久語聲絕，如聞泣幽咽。天明登前途，獨與老翁別。

新安吏

杜甫

客行新安道，喧呼聞點兵。借問新安吏，縣小更無一。
府帖昨夜下，次選中男行。中男絕短小，何以守王城。
肥男有母送，瘦男獨伶仃。白水暮東流，青山猶哭聲。
莫自使眼枯，收汝淚縱橫。眼枯即見骨，天地終無情。
我軍收相州，日夕望其平。豈意賊難料，歸軍星散營。
就糧近故壘，練卒依舊京。掘壕不到水，牧馬役亦輕。
況乃王師順，撫養甚分明。送行勿泣血，僕射如父兄。

兵車行

杜甫

車轡鑾馬蕭蕭，行人弓箭各在腰。爺娘妻子走相送，
塵埃不見咸陽橋。牽衣頓足攔道哭，哭聲直上干雲霄。
道旁過者問行人，行人但云點行頻。或從十五北
防河，便至四十西營田。去時里正與裹頭，歸來頭白
還戍邊。邊庭流血成海水，武皇開邊意未已。君不見
漢家山東二百州，千村萬落生荆杞。縱有健婦把鋤
犁，未生隴畝無東西。況復秦兵耐苦戰，被驅不異犬
與鷄。長者雖有問，役夫敢伸恨。且如今年冬，未休關
西卒。縣官急索租，租稅從何出。信知生男惡，反是生
女好。生女猶得嫁比鄰，生男埋沒隨百草。君不見青
海頭，古來白骨無人收。新鬼煩冤舊鬼哭，天陰雨濕

聲啾啾

洗兵馬

杜甫

中興諸將收山東捷書夜報清書同河廣傳聞一羣
過胡兒命在破竹中秣殘業城不日得獨任朔方無
限功京師管騎汗血馬回紇餒肉蒲萄宮已喜皇威
清海岱常思使仗過崆峒三年笛裏關山月萬國兵
前草木風成王功大心轉小郭相謀深古來少司徒
清鑒懸明鏡尚書氣與秋天杳二三豪傑爲時出整
頓乾坤濟時了東走無復憶鱸魚南飛覺有安枝鳥
青春復隨冠冕入紫禁正耐烟花繞鶴駕通霄鳳輦

唐詩類苑

卷之百二十七

三

備鷄鳴問寢龍樓曉攀龍附鳳勢莫當天下盡化爲
侯王汝等豈知蒙帝力時來不得誇身強關中既留
蕭丞相幕下復用張子房張公一生江海客身長九
尺鬚眉蒼微起適遇風雲會扶顛始知籌策良青袍
白馬更何有後漢今周喜再昌寸地尺天皆入貢奇
祥異瑞爭來送不知何國致白環復道諸山得銀甕
隱士休歌紫芝曲詞人解撰河清頌日家望望惜雨
乾布穀處處催春種淇上健兒歸莫懶城南思婦愁
多夢安得壯士挽天河淨洗甲兵長不用

悲陳陶

杜甫

孟冬十郡良家子血作陳陶澤中水野壙天清無
聲四萬義軍同日死羣胡歸來血洗箭仍唱胡歌飲
都市都人回面向北啼日夜更望官軍至

悲青坂

杜甫

我軍青坂在東門天寒飲馬太白窟黃頭奚兒日向
西數騎彎弓敢馳突山雪河水野蕭瑟青是烽烟白
人骨焉得附書與我軍忍待明年莫倉卒

同元使君春陵行

并序

杜甫

覽道州元使君結春陵行兼退後示官吏作二首
志之曰當天下分憂之地效漢官良吏之日今盜

唐詩類苑

卷之百二十七

四

賊未息知民疾苦得結輩十數公落落然參錯天
下爲邦伯萬物吐氣天下少安可待矣不意復見
比興體制微婉頓挫之詞感而有詩增諸卷軸簡
知我者不必寄元也

遭亂髮盡白轉衰病相嬰沈綿盜賊際狼狽江漢行
歡時藥力薄爲客羸瘵成吾人詩家秀博采世上名
榮榮元道州前聖畏後生觀乎春陵作歛見俊哲情
復覽賊退篇結也實國楨賈誼昔流輟匡衡常引經
道州憂黎庶詞氣浩縱橫兩軍對秋月一字皆華星
致君唐虞際純朴憶大庭何時降璽書用爾爲丹青

獄訟久衰息豈惟偃甲兵悽惻念誅求薄歛近代明
乃知正人意不苟飛長纓涼颼振南岳之子寵若驚
色沮金印大興舍滄溟清我多長卿病日久思朝廷
肺枯渴太甚漂泊公孫城呼兒具紙筆隱几臨軒楹
作詩呻吟內墨淡字欹傾感彼危苦詞庶幾知者聽

春陵行

元結

癸卯歲漫叟授道州刺史道州舊四萬餘戶經賊
已來不滿四千大半不勝賦稅到官未五十口承
諸使徵求符牒二百餘封皆曰失其限者罪至貶
削於戲若悉應其命則州縣破亂刺史欲焉逃罪

唐詩類苑

卷之三十三

五

若不應命又即獲罪戾必不免也吾將守官靜以
安人待罪而已此州是春陵故地故作春陵行以
達下情

軍國多所需切責在有司有司臨郡縣刑法競欲施
供給豈不憂徵歛又可悲州小經亂亡遺人實困疲
大鄉無十家大族命單羸朝餐是草根暮食仍木皮
出言氣欲絕意速行步遲追呼尚不忍況乃鞭朴之
郵亭傳急符來往跡相追更無寬大恩但有迫促期
欲令鬻兒女言發恐亂隨悉使索其家而又無生資
聽彼道路言怨傷誰復知去冬山賊來殺奪幾無遺

所願見王官撫養以惠慈奈何重驅逐不使存活
安人天子命符節我所持州縣忽亂亡得罪復是誰
通緩違詔令蒙責固其宜前賢重守分惡以禍福移
亦云貴守官不愛能適時顧惟孱弱者正直當不虧
何人采國風吾欲獻此辭

垂老別

杜甫

四郊未寧靜垂老不得安子孫陣亡盡焉用身獨完
投杖出門去同行爲心酸幸有牙齒存所悲骨髓乾
男兒既介冑長揖別上官老妻卧路啼歲暮衣裳單
孰知是死別且復傷其寒此去必不歸還聞勸加餐

唐詩類苑

卷之三十三

六

土門壁甚堅杏園度亦難勢異鄴城下縱死時猶寬
人生有離合豈擇衰盛端憶昔少壯日遲迴竟長嘆
萬國盡征戍烽火被岡巒積屍草木腥流血川原丹
何鄉爲樂土安敢尚盤桓棄絕蓬室居塌然摧肺肝

無家別

杜甫

寂寞天寶後園廬但蒿藜我里百餘家世亂各東西
存者無消息死者爲塵泥賤子因陣敗歸來尋舊蹊
久行見空巷日瘦氣慘悽但對狐與狸豎毛怒我啼
四鄰何所有一二老寡妻宿鳥戀本枝安辭且窮棲
方春獨荷鋤日暮還灌畦縣吏知我至召令習鼓鞀

雖從本州役內顧無所攜近行止一身遠去終轉迷
家鄉既盡盡遠近理亦齊未痛長病母五年委溝谿
生我不得力終身兩酸嘶人生無家別何以爲蒸黎

留花門

杜甫

北門天驕子飽肉氣勇夫高秋馬肥健挾矢射漢月
自古以爲患詩人厭薄伐修德使其來羈縻固不絕
胡爲傾國至出入暗金關中原有驅除隱忍用此物
公主歌黃鵠君王指白日連雲屯左輔百里見積雪
長戟烏休飛哀笳曉幽咽田家最恐懼麥倒桑枝折
沙苑臨清渭泉香草豐潔渡河不用船千騎尚撒烈

唐詩類苑

卷之三百七

七

塞蘆子

杜甫

五城何迢迢迢迢隔河水邊兵盡東征城內空荆杞
思明割懷衛秀巖西未已迴畧大荒來峭函蓋虛爾
延州秦北戶關防猶可倚焉得一萬人疾驅塞蘆子
岐有薛大夫旁制山賊起近聞昆戎徒爲退三百里
蘆關扼兩寇深意實在此誰能叫帝開胡行速如鬼

往在

杜甫

往在西京時胡來滿彤宮中宵焚九廟雲漢爲之紅
解瓦飛千里總帷紛層空疚心惜木主一一灰悲風

合昏排鐵騎清旭散錦驂賊臣表逆節相賀以成功
是時妃嬪戮連爲糞土最當宁陷玉座白間剝盡蟲
不知二聖處私泣百歲翁車駕旣云還極痛歎穹崇
故老復涕泗祠官樹椅桐宏壯不如初已見帝力雄

前春禮郊廟祀事親聖躬微軀忝近臣景從倍羣公
登階捧玉冊裁冕聆金鍾侍祠慙先露掖垣邇濯龍
天子惟孝孫五雲起九重鏡奩換粉黛翠羽猶葱龍
前者厭羯胡後來遭犬戎俎豆腐臙肉呆鬼行角弓
安得自西極申命空山東盡驅諸闕下士庶塞關中
主將曉逆順元元歸始終一朝自罪已萬里車書通

唐詩類苑

卷之三百七

六

鋒鏑供鋤犁征伐聽所從冗官各復業土著還力農
君臣節儉足朝野懽呼同中興似國初繼體如太宗
端拱納諫諍和風日冲融赤墀櫻桃枝隱映銀絲籠
千春薦陵寢永永垂無窮京都不再火涇渭開愁容
歸號故松栢老去若飄蓬

青絲

杜甫

青絲白馬誰家子粗豪且逐風塵起不聞漢主放妃
嬪近靜潼關掃蜂蟻殿前六馬破汝時十月卽爲盡
粉期未如面縛歸金闕萬一皇恩下玉墀

近聞

杜甫

近聞犬戎遠遁逃牧馬不敢侵臨洮渭水逶迤白日
靜隴山蕭瑟秋雲高崆峒五原亦無事北庭數有
中使似聞贊普更求親舅甥和好應難棄

自平

杜甫

自平宮中呂太一收珠南海千餘日近供生犀翡翠
稀復恐征戍干戈密蠻溪豪族小動搖世封刺史非
時朝蓬萊殿裏諸主將才如伏波不得驕

漁陽

杜甫

漁陽突騎猶精銳赫赫雍王都節制猛將飄然恐後
時本朝不入非高計祿山北築雄武城舊防敗走歸

唐詩類苑

卷之百二十七

九

其營繫書請問燕者舊今日何須十萬兵

歲晏行

杜甫

歲云暮矣多北風瀟湘洞庭白雲中漁父天寒網罟
凍莫從射鴈鳴桑弓去年米貴闕軍食今年米賤太
傷農高馬達官厭酒肉此輩杆軸茅茨空楚人重魚
不重鳥汝休枉殺南飛鴻况聞處處鬻男女割慈忍
愛還租庸往日用錢捉私鑄今許鈔錫和青銅刻泥
爲之最易得好惡不台長相策萬國城頭吹盡角此
曲哀怨何時終

蠶殺行

杜甫

天下郡國向萬城無有一城無甲兵焉得鑄甲作農
器一寸荒田牛得耕牛盡耕田蠶亦成不勞烈士淚
滂沱男殺女綵行復歌

折檻行

杜甫

嗚呼房魏不復見秦王學士時難美青襟胃子困泥
塗白馬將軍若雷電千載少似朱雲人至今折檻空
嶙峋婁公不語宋公語尚憶先皇容直臣

天邊行

杜甫

天邊老人歸未得日暮東臨大江哭隴右河源不種
田胡騎羗兵入巴蜀洪濤滔天風拔木前飛禿鶩後

唐詩類苑

卷之百二十七

十

鴻鵠九度附書向洛陽十年骨肉無消息

大麥行

杜甫

大麥乾枯小麥黃婦女行泣夫走藏東至集壁西梁
洋問誰腰鎌胡與羗豈無蜀兵三千人部領辛苦江
山長安得如鳥有羽翅託身白雲歸故鄉

去秋行

杜甫

去秋涪江木落時臂槍走馬誰家兒到今不知白骨
處部曲有去皆無歸遂州城中漢節在遂州城外巴
人稀戰場冤魂每夜哭空令野營猛士悲

光祿坂行

杜甫

山行落日下絕壁西望千山萬山赤樹枝有鳥亂鳴
時暝色無人獨歸客馬驚不憂深谷墜草動只怕長
弓射安得更似開元中道路即今多擁隔

代北州老翁答

張謂

負薪老翁往北州北望鄉關生客愁自言老翁有三
子兩人已向黃沙死如今小兒新長成明年聞道又
徵兵定知此別必零落不及相隨同死生盡將田宅
借鄰伍且復伶俜去鄉土在生本求多子孫及有誰
知更辛苦近傳天子尊武臣強兵直欲靜胡塵安邊
自合有長策何必流離中國人

唐詩類苑

卷之百二十七

十一

三絕句

杜甫

前年渝州殺刺史今年開州殺刺史羣盜相隨劇虎
狼食人更肯留妻子

二十一家同入蜀唯殘一人出駱谷自說二女嚙臂
時迴頭却看秦雲哭

殿前兵馬雖驍雄縱暴略與羌渾同聞道殺人漢水
上婦女多在官車中

收京三首

杜甫

仙仗離丹極妖星照玉除須爲下殿走不可好樓居
暫屈汾陽駕聊飛燕將書依然七廟畧更無

二

生意甘衰白天涯正寂寥忽聞哀痛詔又下聖明朝
羽翼懷商老文思憶帝堯叨逢罪已日沾洒望青霄

三

汗馬收宮闕春城鏹賊壕賞應歌杖杜歸及薦櫻桃
雜虜橫戈數功臣甲第高萬方頻送喜無乃聖功勞

收京

杜甫

復道收京邑兼聞殺犬戎衣冠却扈從車馬已還宮
尅復誠如此扶持在數公莫令回首地慟哭起悲風

遺憤

杜甫

唐詩類苑

卷之百二十七

十三

聞道花門將論功未盡歸自從收帝里誰復總戎機
蜂虿終懷毒雷霆可震威莫令鞭血地再濕漢臣衣

西山三首

杜甫

夷界荒山頂蕃州積雪邊築城依白帝轉粟上青天
蜀將分旗鼓羌兵助鎧鉞西南背和好殺氣日相纏

二

辛苦三城戍長防萬里秋烟塵侵火井雨雪閉松州
風動將軍幕天寒使者裘漫山賊營壘迴首得無憂

三

子弟猶深入關城未解圍
子孫猶深入關城未解圍

辯士安邊策元戎決勝威今朝烏鵲喜欲報凱歌歸

警急

杜甫

才名舊楚將妙畧擁兵機玉壘雖傳檄松州會解圍
和親知計拙公主漫無歸青海今誰得西戎實飽飛

王命

杜甫

漢北豺狼滿巴西道路難血埋諸將甲骨斷使臣鞍
牢落新燒棧蒼茫舊築壇深懷喻蜀意慟哭望王官

征夫

杜甫

十室幾人在千山空自多路衢唯見哭城市不聞歌
漂梗無安地銜枚有荷戈官軍未通蜀吾道竟如何

唐詩類苑

卷之百十七

十三

有感五首

杜甫

將帥蒙恩澤兵戈有歲年至今勞聖主何以報皇天
白骨新交戰雲臺舊拓邊乘槎斷消息無處覓張騫

二

幽薊餘蛇豕乾坤尚虎狼諸侯春不貢使者日相望
慎勿吞青海無勞問越裳大君先息戰歸馬華山陽

三

洛下舟車入天中貢賦均日聞紅粟腐寒待翠華春
莫恥金湯固長令宇宙新不過行儉德盜賊本主臣

四

丹桂風霜急青梧日夜凋由來強幹地未有不
受鉞親賢往卑官制詔遙終依古封建豈獨聽新

五

胡滅人還亂兵殘將自疑登壇名絕假報主爾何遲
領郡輒無色之官皆有詞願聞哀痛詔端拱問瘡痍

卽事

杜甫

聞道花門破和親事却非人憐漢公主生得渡河歸
秋思拋雲髻腰支賸寶衣羣兇猶索戰迴首意多違

歷歷

杜甫

歷歷開元事分明在眼前無端賊盜起忽已歲時遷

唐詩類苑

卷之百十七

十四

巫峽西江外秦城北斗邊爲郎從白首卧病數秋天

洛陽

杜甫

洛陽昔陷沒胡馬犯潼關天子初愁思都人慘別顏
清笳去官闕翠蓋出關山故老仍流涕龍髯幸再攀

驪山

杜甫

驪山絕望幸花萼罷登臨地下無朝燭人間自賜金
鼎湖龍去遠銀海鴈飛深萬歲逢萊日長懸舊羽林

提封

杜甫

提封漢天下萬國尚同心借問懸車守何如儉德臨
時徵俊乂入草廛大半侵軋戎兵後

北風

杜甫

北風破南極朱鳳日低垂洞庭秋欲雪鴻鴈將安歸
十年殺氣盛六合人烟稀吾慕漢初老時清猶茹芝

客從

杜甫

客從南溟來遺我泉客珠珠中有隱字欲辨不成書
緘之篋笥久以俟公家須開視化為血哀今徵歛無

巴山

杜甫

巴山遇中使云自峽城來盜賊還奔突乘輿恐未迴
天寒召伯樹地闊望仙臺狼狽風塵裏羣臣安在哉

卽事

杜甫

唐詩類苑

卷之百十七

五

天畔羣山孤草亭江中風浪雨冥冥一雙白魚不受
釣三寸黃柑猶自青多病馬卿無日起窮途阮籍幾
時醒未聞細柳散金甲腸斷秦州流濁涇

黃草

杜甫

黃草峽西船不歸赤甲山下行人稀秦中驛使無消
息蜀道兵戈有是非萬里秋風吹錦水誰家別淚濕
羅衣莫愁劍閣終難據聞道松州已被圍

阻戎瀘間羣盜

岑參

南州林莽深亡命聚其間殺人無昏曉屍積填江灣
餓虎銜腐體機鳥啄心肝寒灘草死血流江水殷

夜雨風蕭蕭鬼哭連楚山三江行人絕萬里無征

唯有白鳥飛空見秋月圓罷官自南蜀假道來茲川

瞻望陽臺雲惆悵不敢前帝鄉北近日瀘口南連蠻

何當遇長房縮地到京關願得隨琴高騎魚向雲烟

明主每憂人節使恒在邊兵革方禦寇爾惡胡不悛

吾竊悲爾徒此生安得全

登秦嶺作時陷賊歸國

儲光羲

朝出猛獸林踐踞登高峯僮僕履雲霧隨我行大空

羲和舒靈暉倏忽西極通迴首望涇渭隱隱如長虹

九達合蒼蕪五陵遙矐矐鹿遊大明殿霧濕華清宮

唐詩類苑

卷之百十七

五

網羅蟻矐時顧齒熊羆鋒失途走江漢不能有其功
氣逐招搖星魂隨閭闔風唯言宇宙清復使車書同
林木被繁霜合沓連山紅鵬鶚勵羽翼俯視荆棘叢
誓將食鵲鷄然後歸崆峒

憫荒詩

并序

元結

天寶丙戌中元子浮隋河至淮陰間其年水壞河

防得隋人冤歌五篇考其歌義似冤怨時主故廣

其意採其歌為憫荒詩一篇其餘載于異錄

煬皇嗣君位隋德滋昏幽日作及身禍以為長世謀

居常耻前王不思天子憂唐書元結傳登浮海舟

令行山川改功與玄造俾河淮可支合峯峴生回溝
封隕下澤中作山防逸流船艣狀龍鵠若負宮闕洋
荒娛未央極始到滄海頭忽見海門山思作望海樓
不知新都城已為征戰丘當時有遺歌歌曲太冤愁
四海非天獄何為非天囚天囚正凶忍為我萬姓讐
人將引天鈇人將持天鋏所欲充其心相與絕悲憂
自得隋人歌每為隋君羞欲歌當陽春似覺天下秋
更歌曲未終如有怨氣浮奈何昏王心不覺此怨尤
遂令一夫唱四海忻提示吾聞古賢君其道常靜柔
慈惠恐不足端和忘所求嗟嗟有隋氏惛惛誰與儔

唐詩類苑

卷之百二十七

七

癸卯歲赴南豐道中聞京師失守寄權士繇

韓幼深

獨孤及

種田不過歲策名不遭時胡塵晦落日西望泣路岐
猛虎嘯北風腐屨皆載馳泥深泥駕疲牛蹠蹠余何之
詰屈白道轉縈繞清溪隨荒谷嘯山鬼深林啼子規
長嘆指故山三奏歸來詞不逢眼中人調苦車倭遲
士繇松筠操幼深瓊樹姿別來平安否何階一申眉
白雲失帝鄉遠水限天涯昂藏雙威鳳曷月避兩枝
努力愛華髮盛年振羽儀但令迍難康不負滄洲期
章作新亭泣徒使夷吾嗤

吳中聞潼關失守因奉寄淮南蕭判官

劉長卿

一鴈飛吳天羈人傷暮律松江風嫋嫋波上片帆疾
木落姑蘇臺霜收洞庭橘蕭條長洲外唯見寒山出
胡馬嘶秦雲漢兵亂相失關中因竊據天下共憂慄
南楚有瓊枝相思怨瑤瑟一身寄滄洲萬里看白日
赴敵甘負戈論兵勇投筆臨風但攘臂擇木將委質
不如歸遠山雲卧飯松栗

京師叛亂寄諸弟

韋應物

弱冠遭世難二紀猶未平羈離官宇一作遠郡虎豹滿

唐詩類苑

卷之百二十七

十八

西京上懷犬馬戀下有骨肉情歸去在何時流淚忽
沾纓一作來上北樓左右但軍營函谷行人絕淮南春
草生鳥鳴野田間思憶故園里一作行何當四海晏甘
與齊民耕

秦中吟十首

并序

白居易

貞元元和之際予在長安聞見之間有足悲者因
直歌其事命為秦中吟

議婚

天下無正聲悅耳即為娛人間無正色悅目即為姝
顏色非相違貧富則有殊貧為時所棄富為時所趨

紅樓富家女金縷繡羅襦見人不飲手嬌癡二八初
母兄未開口已嫁不須更綠牕貧家女寂寞二十餘
荆釵不直錢衣上無真珠幾迴人欲聘臨日又踟躕
主人會良媒置酒滿玉壺四座且勿飲聽我歌兩途
富家女易嫁嫁早輕其夫貧家女難嫁嫁晚孝於姑
聞君欲娶婦娶婦意何如

重賦

厚地植桑麻所要濟生民生民理布帛所求活一身
身外充正賦上以奉君親國家定兩稅本意在愛人
厥初防其淫明勅內外臣稅外加一物皆以枉法論

唐詩類苑

卷之百二十七

九

奈何歲月久貧吏得因循浚我以求寵歛索無冬春
織絹未成疋縑絲未盈斤里胥迫我納不許暫逡巡
歲暮天地閉陰風生破村夜深烟火盡霰雪白紛紛
幼者形不蔽老者體無溫悲喘與寒氣併入鼻中辛
昨日輸殘稅因窺官庫門繒帛如山積絲絮似雲屯
號爲美餘物隨月獻至尊奪我身上煖買爾眼前恩
進入瓊林庫歲久化爲塵

傷宅

誰家起甲第朱門大道邊豐屋中櫛比高牆外迴環
累累六七堂棟宇相連延一堂萬百萬鬱鬱起青烟

洞門溫且清寒暑不能干高堂虛且迥坐卧見南山
繞廊紫藤架夾砌紅藥欄攀枝摘櫻桃帶花移玉
主人此中坐十載爲大官厨有臭敗肉庫有貫朽錢
誰能將我語聞爾骨肉間豈無窮賤者忍不救饑寒
如何奉一身直欲保千年不見馬家宅今作奉誠園

傷友

又云傷苦節士

陋巷孤寒士出門苦恓恓雖云志氣在豈免顏色低
平生同門友通籍出金閨曩者膠漆契邇來雲雨睽
正逢下朝歸軒騎五門西是時天久陰三日雨淒淒
寒驢避路立肥馬當風嘶迴頭忘相識古道上沙堤

唐詩類苑

卷之百二十七

十

昔年洛陽社貧賤相提携今日長安道對面隔雲泥
近日多如此非君獨慘懷死生不變者唯聞任與黎
不致仕

七十而致仕禮法有明文何乃貪榮者斯言如不聞
不憐八九十齒墮雙眸昏朝露貪名利夕陽憂子孫
挂冠顧翠綬懸車惜朱輪金章腰不勝僂僂入君門
誰不愛富貴誰不戀君恩年高須告老名遂合退身
少時共嗤謂晚歲多因循賢哉漢二疎彼獨是何人
寂寞東門路無人繼去塵

立碑

動德既下哀文章亦陵夷但見山中石立作路旁碑
銘勲悉太公叙德皆仲尼復以多爲貴千言直萬貫
爲文彼何人想見下筆時但欲愚者悅不思賢者嗤
豈獨賢者嗤仍傳後代疑古石蒼苔字安知是愧詞
我聞望江縣趨令撫惇嫠在官有仁政各不聞京師
身歿欲歸葬百姓遮路岐攀轅不得歸留葬此江湄
至今道其名男女涕皆垂無人立碑碣唯有邑人知

輕肥

意氣騎滿路鞍馬光照塵借問何爲者人稱是內臣
朱紱皆大夫紫綬或將軍誇赴軍中宴走馬去如雲

唐詩類苑

卷之百二十七

上

樽豐滿九醞水陸羅八珍果擘洞庭橘餽切天池鱗
食飽心自若酒酣氣益振是歲江南旱衢州人食人

五絃

清歌且罷唱紅袂亦停舞趙叟抱五絃宛轉當胸撫
大聲粗若散颯颯風和雨小聲細欲絕切切鬼神語
又如鵲報喜傳作猿啼苦十指無定音顛倒宮徵羽
坐客聞此聲形神若無主行客聞此聲駐足不能舉
嗟嗟俗人耳好今不好古所以綠牕琴日日生塵土

歌舞

秦城歲云暮大雪滿皇州雪中退朝者朱紫盡公侯

賁有風雲興富無饑寒憂所營唯第宅所務在追遊
朱輪車馬客紅燭歌舞樓歡酣促密坐醉暖脫重裘
秋官爲主人廷尉居上頭日中爲一樂夜半不能休
豈知閔鄉獄中有凍死囚

買花

帝城春欲暮喧喧車馬度共道牡丹時相隨買花去
貴賤無常價酬直看花發灼灼百朵紅淺淺五束素
上張幄幕庇旁織色離護水洒復泥封移來色如故
家家習爲俗人人迷不悟有一田舍翁偶來買花處
低頭獨長歎此歎無人諭一叢深花色十戶中人賦

唐詩類苑

卷之百二十七

主一

歸彭城

韓愈

天下兵又動太平竟何時討謨者誰子無乃失所宜
前年關中旱閭井多死饑去歲東郡水生民爲流屍
上天不虛應禍福各有隨我欲進短策無由至彤墀
剝肝以爲紙瀝血以書辭上言陳堯舜下言引龍夔
言詞多感激文字少歲楚一讀已自怪再尋良自疑
食芹雖云美獻御固已癡緘封在骨髓耿耿空自奇
昨日到京城屢陪高車馳周行多俊異議論無瑕疵
見待頗異禮未能去毛皮到口不敢吐徐徐俟其蟻
歸來戎馬間猶似羈雌連日臥不語終日見相欺

乘閒輒騎馬茫茫詣空陂遇酒卽酩酊君知我爲誰

感懷詩 時滄洲用兵

杜牧

高文會隋季提劍徇天意扶持萬代人步驟三皇地
聖云繼之神神仍用文治德澤酌生靈沈酣薰骨髓
旄頭騎箕尾風塵薊門起胡兵殺漢兵屍滿咸陽市
宣皇走豪傑譚笑開中否蟠聯兩河間燼萌終不弭
號爲精兵處齊蔡燕趙魏合環千里疆爭爲一家事
逆子嫁虜孫西隣聘東里急熱同手足唱和如宮徵
法制自作爲禮文爭僭擬壓階嶠關角盡屋龍交尾
署紙日替各分財賞稱賜剗隍庭切萬羣繚垣疊

唐詩類苑

卷之百二十七

三

千雉誓將付孱孫血絕然方已九廟仗神靈四海爲
輸委如何七十年汗赧含羞耻韓彭不再生英衛皆
爲鬼凶門爪牙輩穰穰如兒戲累聖但日吁閭外將
誰寄屯田數十萬隄防常惴惴急征赴軍須厚賦資
凶器因隳盡一法且逐隨時利流品極蒙龍網羅漸
離池夷狄日開張黎元愈憔悴邈矣遠太平蕭然盡
煩費至於貞元末風流恣綺靡艱極泰循來元和聖
天子元和聖天子英明湯武上茅茨覆宮殿封章統
帷帳伍旅拔雄兒夢卜庸真相勃雲走轟霆河南一
平邊繼於長慶初燕趙終昇平擣妻負子來北闕登

頃賴故老撫兒孫爾生今有望茹鯁喉尚隘負重力
未壯坐幄無奇兵吞舟漏疎網骨添薊垣沙血漲啤
沱浪抵云徒有征安能問無狀一日五諸侯奔亡如
鳥往取之難梯天失之易反掌蒼然太行路翦翦還
榛莽關西賤男子誓肉虜杯羹請數係虜事誰其爲
我聽蕩蕩乾坤大曠曠日月明叱起文武業可以豁
洪溟安得封域內長有扈苗征七十里百里彼亦何
常爭往往念所至得醉愁蘇醒韜舌辱壯心叫閭無
助聲聊書感懷韻焚之遺賈生

李甘詩

唐詩類苑

卷之百二十七

三

天和八九年訓注極虺虎潛身九地底轉上青天去
四海鏡清澄千官雲片縷公私各閑暇追遊日相伍
豈知禍亂根枝葉潛滋莽九年夏四月天誠若言語
烈風駕地震倥雷駢猛雨夜於正殿階拔去千年樹
吾君不省覺二凶日威武操持北斗柄開閉天門路
森森明庭士縮縮循牆鼠平生負各節一旦如奴虜
指名爲錮黨狀跡誰告訴喜無李杜誅敢憚髡鉗苦
時當秋夜月日直日庚午喧喧皆傳言明晨相登注
予時與和鼎官班各持斧和鼎顧予云我死有處所
當庭裂詔書退立須臾祖君門曉日開緒案橫霞布

儼雅千官容勃鬱吾繫怒適屬命麟將昨之傳者
誤明日詔書下謫斤南荒去夜登青泥坂墜車傷左
股病妻尚在牀稚子初離乳幽蘭思楚澤恨水啼湘
渚况况三閨魂悠悠一千古其冬三兇敗渙汗開湯
罍賢者須喪亡讒人尚堆堵予於後四年諫官事明
主常欲雪幽冤於時一裨補拜章豈艱難膽薄多憂
懼如何牛斗氣竟作炎荒土題此涕滋筆以代投湘
賦

插田歌

劉禹錫

連州城下俯接村墟偶登郡樓適有所感遂書其
事為俚歌以俟采詩者

唐詩類苑

卷之三百二十七

五

岡頭花草齊燕子東西飛田塍望如線白水光參差
農婦白紵裙農父綠簑衣齊唱郢中歌嚶嚶如竹枝
但聞怨響音不辨俚語詞時時一大笑此必相嘲嗤
水平苗漠漠烟火生虛落黃犬往復還赤鷄鳴且啄
路傍誰家郎烏帽衫袖長自言上計吏年幼離帝鄉
田夫語計吏君家儂定計一來長安道眼大不相覷
計吏笑致辭長安真大處省門高軒戟儂入無度數
昨來補衛士唯用筒竹布君看二三年我作官人去

未貞行

諱愈

君不見太皇諒陰未出令小人乘時偷國柄北軍百
萬虎與貔天子自將非他師一朝奪印付私黨慄慄
朝士何能為孤鳴梟噪爭署置賜賂跳踉相嫵媚夜
作詔書朝拜官超資越序曾無難公然白日受賄賂
火齊磊落堆金盤元臣故老不敢語晝卧涕泣何洗
瀾董賢三公誰復惜侯景九錫行可歎國家功高德
且厚天位未許庸夫干嗣皇卓犖信英文如太宗
武高祖膺圖受禪登明堂共流幽州繇死羽四門肅
穆賢俊登數君匪親豈其朋郎官清要為世稱荒郡
迫野嗟可矜湖波連天日相騰蠻俗生梗瘴癘蒸江
氛嶺稜稜昏若凝一蛇兩頭見未曾怪鳥鳴喚令人
憎蠱蟲羣飛夜撲燈雄虺毒螫墮股肱食中置藥
肝心崩左右使令詐難憑慎勿浪信常兢兢吾聞同
僚情可勝具書目見非妄徵嗟爾既往宜為懲

八月五日中部官舍讀唐歷天寶已來追愴

故事

將尋國朝事靜讀柳芳歷八月日之五開卷忽感激
正當天寶末撫事坐追惜仰思聖明帝貽禍在肘腋
楊李盜吏權貪殘日狼籍燕戎伺其便百歲奮長戟
兩河連烟塵二京成瓦礫生人死欲盡撲業猶不息

肅宗傳寶圖冠難連年擊天地方開泰鑄鼎成繼述
萬國哭龍衰悲思動蠻貊自此千秋節不復動金石
悲風楊霜天總惟冷塵席零落太平老東西亂離客
往往爲余言嗚咽淚雙滴況當近塞地衰吹起邊笛
撫機觀隙又使我心不懌花萼笑繁華溫泉樹容碧
霓裳烟盡梨園風雨隔露囊與金鏡東游驚波溺
昔聞歡娛事今日成慄慄神仙不可求鯁重苦文積
萬古長恨端蕭蕭泰陵陌

水運水

王建

西江運船立紅幟萬棹千帆繞江水去年六月無稻

唐詩類苑

卷之百二十七

三七

苗已說水鄉人餓死縣官部船日筭程暴風惡雨亦
不停在生有樂當有苦三年作官一年行壞舟畏鼠
復畏漏恐向太倉折升斗辛勤耕種非毒藥看者不
入農夫口用盡百金不爲費但得一金卽爲利遠徵
海稻供邊食豈如多種邊頭地

汴州亂二首

韓愈

汴州城門朝不開天狗墮地聲如雷健兒爭誇殺陷
後連屋累棟燒成灰諸侯咫尺不能救孤士何者自
興哀

母從子走者爲誰大喪夫人留後兒昨日乘車騎大

馬坐者起趨乘者下廟堂不肯用于戈嗚呼奈汝子
子何

龍吏

韓愈

南行逾六旬始下昌樂龍雙險惡不可狀船石相舂
撞往問龍頭吏潮州尚幾里行當何時到土風復何
似龍吏垂手笑官何問之愚譬官居京邑何由知東
吳東吳遊宦鄉官知自有由潮州底處所有罪乃竄
流儂幸無負犯何由到而知官今行自到那遽妄問
爲不虞卒見困汗出愧且駭吏曰聊戲官儂嘗使往
罷嶺南大抵同官去道苦遠下此三千里有州始名

唐詩類苑

卷之百二十七

三八

潮惡溪瘴獨聚雷電常洶洶鱷魚大於船牙眼怖殺
儂州南數十里有海無天地颶風有時作掀簸真羗
軋事聖人於天下於物無不容比聞此州囚亦有生
還儂官無嫌此州固罪人所徙官當明時來事不待
說委官不自謹慎宜卽引分往胡爲此水邊神色久
懍懍慌慌音大餅髡小所任自有宜官何不自量滿溢
以取斯工農雖小人事業各有守不知官在朝有益
國家不得無風其間不武亦不文仁義飾其躬巧姦
敗羣倫叩頭謝吏言始知今夏蓋歷官二十餘國恩
並未酬凡吏之所訶實頗有之不卽入水誅敢不

識恩私潮州雖云遠雖惡不可過於身實已多敢不持自賀

亂離

孟郊

天下無義劍中原多瘡痍哀哀陸大夫正直神反欺
子路已成血嵇康今尚嗤爲君每一慟如劍在四肢
折羽不復飛逝水不復歸直松摧高柯弱蔓將何依
期爲春日歡夕爲秋日悲淚下無尺寸紛紛天雨絲
積怨成疾疹積恨成狂癡怨草豈有邊恨水豈有涯
怨恨馳我心茫茫日何之

甲子歲書事時上黨用兵討賊

唐詩類苑

卷之三百七

元

楊乘

豎子未鼎烹大君尚盱食風雷隨出師雲霞有戰色
犒功椎萬牛募勇懸千帛武士日曳柴飛將競執賊
喜氣迎捷書懽聲送羽檄天兵日雄強桀犬稍離拆
賊臂旣已斷賊喉旣已搯樂禍但鯨鯢同惡惟肘腋
小大勢難倖逆順初不適違命固天亡恃除華長策
蠶毒久萌牙狼顧非日夕禮貌忽驕狂疏奏遂指斥
動衆豈佳兵舍忍恐無益鴻恩旣已孤小效不足惜
腐儒一鈎刀投筆時感激帝聞不敢干恹恹坐長畫
中元甲子以辛丑駕幸蜀四首

羅隱

子儀不起渾瑊亡西幸誰人從武皇四海爲家雖未
遠九州多事竟難防已聞盱食思眞將會待政游致
假王應感兩朝巡狩跡綠槐端正驛荒涼
爪牙柱石兩俱銷一點渝塵九土搔敢恨甲兵爲棄
物所嗟流品誤清朝幾時虜塞張角有處愚人載
隗囂跪望峻山重啓告可能餘烈不勝妖
邪氣奔屯瑞氣移清平過盡到艱危縱饒犬豕迷常
理不柰豺狼幸此時九廟有靈思李令三川悲憶恨
張儀不憐一曲還京樂重對紅蕉教蜀兒

唐詩類苑

卷之三百七

辛

白丁攘臂犯長安翠輦蒼黃路屈盤丹鳳有情塵外
遠玉龍無跡渡頭寒靜憐貴族謀身易危惜文王創
業難不將不侯何計是釣魚船上淚闌干

卽事中元甲子

羅隱

三秦流血已成川塞上黃雲戰馬閑只有羸兵填渭
水終無奇士出商山田園已沒紅塵內弟姪相逢白
刃間惆悵翠華猶未返淚痕空滴劍文斑

已亥歲二首

曹松

澤國江山入戰圓生民何處盡餘生憑君莫話封侯
事一將功成萬骨枯

傳聞一戰百神愁兩岸疆兵過未休誰道滄江總無事近來長共血爭流

已亥歲感事

崔塗

正聞青犢起葭萌又道黃巾犯漢營豈是將皆無上畧直疑天自棄蒼生瓜沙舊戍猶傳檄吳楚新春已廢耕見說聖君能仄席不知誰是請長纓

蜀中經蠻後答友人馬艾見寄

雍陶

苗馬渡瀘水北來如鳥輕幾年朝鳳闕一日破龜城此地有征戰誰家無死生人悲還舊里鳥喜下空營

唐詩類苑

卷之百二十七

主一

弟姪意初定交朋心尚驚自從經難後吟苦似猿聲山中與道友夜坐聞邊防不寧因示同志

溫庭筠

龍砂鐵馬犯烟塵跡近羣鷗意倍親風捲蓬根屯戌已月移松影守庚申韜鈴豈足爲經濟巖壑何嘗是隱淪心許故人知此意古來知者竟誰人

聞兩河用兵因貽友人

許渾

故人日已遠身事與誰論性拙難趨世心孤易感恩秋悲憐宋玉夜舞笑劉琨徒有干時策青山尚掩門

蕃寇侵逼南歸道中

李洞

雲陽一作州三萬騎南赴一作走疾飛鷹迴磧星低鳳城月伴僧敲關通漢節傾府守河水無處論邊事歸溪夜結營

亂後途中

李山甫

亂離尋故園朝市不如村慟哭翻無淚頭狂覺少魂諸侯貪割據羣盜恣併吞爲問登壇者何年答漢恩

和友人賊後

林寬

帶號乞兵急英雄陷賊圍江山猶未靜魚鳥欲何歸城露桑榆盡時平老幼稀書從戰後得讀徹血盈衣

景福中作

鄭雲叟

唐詩類苑

卷之百二十七

主一

悶見戈鋌匝四溟恨無奇策救生靈如何飲酒得長醉直到太平時節醒

復京

李商隱

虜騎胡兵一戰摧萬靈迴首賀軒臺天教李令心如日可要昭陵石馬來

蜀人爲南蠻俘虜

雍陶

但見城池還漢將豈知佳麗屬蠻兵錦江南渡聞遙哭盡是離家別國聲

別雋州一時慟哭雲日爲之變色

崔塗

越嵩城南無難地傷心從此便爲蠻寇聲一慟悲風起雲暗青天日下山

又賦過大渡泣望鄉國 雍陶

大渡河邊蠻亦愁漢人將渡盡回頭此中剩寄思鄉淚南去應無水北流

蠻界不許有悲泣之聲 雍陶

雲南路出陷河西毒草長青瘡色低漸近蠻城誰敢哭一時收淚美猿啼

蜀中戰後感事 雍陶

蜀道英靈地山重水又回文章四子盛道路五丁開

唐詩類苑

卷之百二十七

三

詞客題橋去忠臣叱馭來卧龍同駭浪躍馬比浮埃已謂無妖土那知有禍胎蕃兵依漢柳蠻旆指江梅戰後悲逢血燒餘恨見灰空留犀厭怪無復酒除災歲積萑洪怨春深杜宇哀家貧移未得愁上望鄉臺徐冠南過感事獻江南知己

羅隱

酒闌離思浩無窮西望維揚憶吹公萬里漂零身未了
一家知獎意曾同雲橫晉國塵應暗路轉吳江信
不通今日便成盧子諒滿襟珠淚墮霜風

元和十三年淮寇未平詔修歲仗憤然有感

率爾成章

白居易

聞停歲仗軫皇情應爲淮西寇未平不分氣從歌裏發無明心向酒中生愚計忽思飛短檄狂心便欲請長纓從來妄動多如此自笑何曾得事成

贈戍兵

韋莊

漢皇無事暫遊汾底處狐狸嘯作羣夜指碧天占晉分曉磨孤劍望秦雲紅旌不卷風長急畫角閑吹日又曛止竟有征須有戰洛陽何用久屯軍

又聞湖南荆渚相次陷沒 韋莊

幾時聞唱凱旋歌處處屯兵未倒戈天子只憑紅旆

唐詩類苑

卷之百二十七

七

壯將軍空恃紫髯多屍填漢水連荆阜血染湘雲接楚波莫問流離南越事戰餘空有舊山河

聞官軍繼至未覩凱旋 韋莊

嫖姚何日破重圍秋草深來戰馬肥已有孔明傳將畧更聞王道得神機陣前鼙鼓晴應響城上烏鵲飽不飛何事小臣偏注目帝鄉遙美白雲歸

唐詩類苑卷第二百二十七

唐詩類苑卷第一百二十八

明雲間張之象玄超甫纂輯

雲間李中立士強甫編次

雲間王微叔朗甫補訂

梁谿曹仁孫伯安甫校正

人部

宦情

倬彼我系

王勃

倬彼我系舍弟號州參軍勃所作也傷迫乎家貧道未成而受祿不得如古之君子四十強而仕也

唐詩類苑

卷之三百二十八

故本其情性源其事業因陳先人之迹以議出處

致天爵之艱難也勃兄勵序

倬彼我系出自有周公彊錫社派別枝流居衛仕宋

臣羸相劉廼武廼文或公或侯晉曆崩拆衣冠擾弊

粵自太原播徂江篋禮喪賢隱時屯道閉王室如燬

生人多殫伊我有器思逢其主自東施西擇木開宇

田彼河曲家乎汾浦天未厭亂吾將誦輔伊我祖德

思齊九挺不常厥所於茲五遷欲及時也天豈願焉

其位雖屈其言則傳爰述帝制大蒐王道曰天曰人

是祖是考禮樂咸若詩書具在貽厥孫謀永爲家寶

伊余小子信慙明哲彼網有條彼車有輶思屏人事

克終前烈於嗟代網卒余來綬來綬伊何謂予曰仕

我瞻先達三十方起夫豈不懷高山仰止願言毓德

暖枝飲水有鳥反哺其聲嗷嗷言念舊德愛心忉忉

今我不養歲月其滔僂僂從役豈敢告勞從役伊何

薄求卑位告勞伊何來參卿事名存實負信愆義

靜言遐思中心是愧

岳州作二首

張說

說爲文屬思精壯世所不逮既謫岳州而詩益悽惋人謂得江山助云

唐詩類苑

卷之三百二十八

水國生秋草離居再及瓜山川臨洞穴風日望長沙

物土南州異關河北信賒日昏聞鴈鳥地熱見修蛇

遠人夢歸路瘦馬嘶去家正有江潭月徘徊戀九華

二

夜夢雲闕間從容簪履列朝遊洞庭上緬望京華絕

潦收江未清火退山更熱重欹視欲醉惜滿氣如噎

器留魚鱉腥衣點蚊蚋血髮白思益壯心玄用彌拙

冠劍日苔蘚琴書坐廢撤唯有報恩字刻意長不滅

岳州行郡竹籬

張說

山郡不溝郭荒居無騎墮愛人忠主利善中弟爲勇

苟非小勤率安得其逸寵板築恐土疎襄城嫌役重
藩柵聊可固筠篁近易奉差池截浦沙綠繞綠隈隴
蟲似長雲亘森如高戟聳頭絕豺狼憂知免牛羊恐
閭里寬矯步捧藁咨踏踵如果遊處心終日成閑拱

陪燕公行郡竹籬

趙冬曦

良臣乃國禎麾守去承明外戶人無閑浮江獸已行
隨來晉盜逸民化蜀風清郭郭從彝典州閭荷德聲
小人被天渥流宅巴丘城所賴中和正優游鑒與耕

荊州作二首

張九齡

先達志其大求意不約文士伸在知己已况仕於君

唐詩類苑

卷之百二十八

三

微誠夙所尚細故不足云時來忽易失事往良難分
顧念凡近姿焉欲殊常勲亦以行則是豈必素有聞
千慮且猶跌萬緒何其紛進士苟非黨免相安得羣
衆口金可鑠孤心絲共芬意忠仗朋信語勇同敗軍
古劍徒有氣幽蘭祇自薰高秩向所忝於義如浮雲

二

千載一遭遇往賢所至難問余奚爲者無階忽上搏
明聖不世出翼亮非苟安崇高自有配孤陋何足于
遇恩一時來竊位三歲寒誰謂誠不盡知窮力亦殫
雖致召乘寇初無挾街鑽浩蕩出江湖翻覆如波瀾

心傷不林樹自念獨飛翰狗義在匹夫報恩猶一餐
况乃山海澤效無毫髮端內訟已慙沮積毀今摧殘
胡爲復惕息傷鳥畏虛彈

在郡秋懷二首

張九齡

秋風入前林蕭瑟鳴高枝寂寞遊子思寤歎何人知
宦成名不立志存歲已馳五十而無聞古人深所疵
平生去外飾直道和不羈未得操割效忽復寒暑移
物情自古然身退毀亦隨悠悠滄江渚望望白雲涯
路下霜且降澤中草離披蘭艾若不分安用馨香爲

二

唐詩類苑

卷之百二十八

四

庭無生白露歲候感遐心策蹇慙遠途巢枝思故林
小人恐致寇終日如臨深魚鳥好自逸池龍安所欽
掛冠東都門採薇南山岑議道誠愧昔覽分還愜今
無然憂成老空爾白頭吟

爲郡

張九齡

忝官二十年盡在內職及爲郡嘗積戀因賦詩焉
江流去朝宗晝夜茲不舍仲尼在川上子牟存闕下
聖廷有由然孰是無心者一郡苟能化百城豈云寡
愛禮誰爲羊戀主吾猶馬感初時不載思不翼無假
閑宇嘗自閑沈心何用寫攬衣步前庭登碑臨曠野

白水生迢遞清風寄瀟灑願言采芳澤終朝不盈把
翰林讀書言懷呈集賢院內諸學士

李白

晨起紫禁中夕待金門詔觀書散遺帙撥古窮至妙
片言苟會心掩卷忽而笑青蠅易相點白雪難同調
本是疎散人屢貽褊促謂雲天屬清朗林壑憶遊眺
或時清風來閑倚闌干嘯嚴光桐廬溪謝客臨海嶠
功成謝人間從此一投釣

衙郡守還

岑參

世事何反覆一身難可料頭白翻折腰歸家私自笑
唐詩類苑 卷之百二十 五

所嗟無產業妻子嫌不調五斗米留人東溪憶垂釣

風涼源上作

王昌齡

陰岑宿雲歸烟霧濕松栢風淒淒日初曉下嶺望川澤
遠山無遺明秋水千里白佳氣盤未央聖人在凝碧
關門阻天下信是帝王宅海內方晏然廟堂有奇策
時貞守全運罷去遊說客余忝蘭臺人幽尋免貽責

忝官引

元結

天下昔無事僻居養愚鈍山野性所安熙然自全順
忽逢暴兵起間巷見軍陣將家瀛海濱自棄同芻蕘
往往乾元初聖人啓休運公車詣魏闕天子垂清問

敢誦王者箴亦獻當時論朝廷愛方直明主嘉忠信
屢授不次官曾與專征印兵家未曾學榮利非所徇
偶德兇醜降功勞愧分寸爾來將四歲慙耻言可盡
請取寃者辭爲吾忝官引寃辭何者苦萬邑餘灰燼
寃辭何者悲生人盡鋒刃寃辭何者甚力役遇勞困
寃辭何者深孤弱亦哀恨無謀救寃者祿位安可近
而可愛軒裳其心又干進此言非所戒此言敢貽訓
實欲辭無能歸耕守吾分

景雲二年

唐書作景龍三年

余自門下平章事削階

授江州員外司馬尋拜襄州刺史春日赴

唐詩類苑

卷之百二十

六

襄陽途中言志

崔湜

余本燕趙人秉心愚且直羣籍備所見孤貞每自飭
狗祿期代耕受任亦量力幸逢休明時朝野兩薦推
一朝趨金門十載奉瑤墀入掌遷固筆出參枚馬詞
吏部旣三踐中書亦五著進無負鼎說退慙補衮詩
常恐嬰悔吝不得少酬私嗷嗷路傍子訥謗紛無已
上動明主疑下貽大臣耻毫髮無累水壺邈自恃
天道何期平幽寃終見明始佐廬陵郡尋牧襄陽城
彤幃荷新寵朱轂蒙舊榮力薄慙任重恩深知命輕
飭徒留前路行子悲且慕猶聞長樂鐘尚辨青門樹

慈親不忍訣昆弟默相顧去去勿重陳川長日云暮

初黃綬赴藍田縣作

錢起

蟠木無匠伯終年棄山樊苦心非良知安得入君門
忽忝英達顧寧窺造化恩螢光起腐草雲翼騰沈鯤
片石世可用良工心所存一叨尉京甸三省漸黎元
賢尹正趨府僕夫儼歸軒眼中縣胥色耳裏蒼生言
居人散山水即景真桃源鹿聚入田逕鷄鳴隔嶺村
餐和俗久清到邑政空論且嘉訟庭寂前階滿芳蓀

高陵書情寄三原盧少府 韋應物

直方難爲進守此微賤班開卷不及顧沈埋案牘間

唐詩類苑

卷之百十

七

兵凶久一作相踐徑賊豈得閑促戚下可哀寬政身
致患日久思自退出門望故山君心儻如此攜手相
與還

歲日寄京師諸李端武等 韋應物

獻歲抱深惻僑居念歸緣常患親愛離始覺世務牽
少事河陽府晚守淮南壩平生幾會散已及蹉跎年
昨日罷符竹家貧遂留連部曲多已去車馬不復全
閑將酒爲偶默以道自詮聽松南巖寺見月西澗泉
爲政無異術當貴豈望遷終理一作來時裴歸鑒杜
陵田

始除尚書郎別善福精舍

建中二年四月十日
九日自前據陽令

除尚書郎
部員外郎

韋應物

簡畧非世器委身同草木逍遙精舍居飲酒自爲足
累日曾一櫛對書常懶讀社臘會高年山川恣遊曠
明世方選士中朝懸美祿除書忽到門冠帶便拘束
愧忝郎署跡謬蒙君子錄俯仰垂華纓飄飄翔輕轂
行將親愛別戀此西澗曲遠峯明夕川夏雨生衆綠
迅風飄野路一作吹迴首不遑宿明晨下烟閣白雲
在幽谷

郡內閑居

韋應物

唐詩類苑

卷之百十

八

棲息絕塵侶屏鈍得自怡腰懸竹使符心與一作盧
山緇永日一酣寢起坐元無思長廊獨看雨衆樂發
幽姿今夕已云罷明晨復如斯何事能爲累寵辱豈
要辭

晚出府舍與獨孤兵曹令狐士曹南尋朱雀

街歸里第

韋應物

分曹幸同簡聯騎方愜素還從廣陌歸不覺青山暮
翩翩鳥未沒杳杳鐘猶度羣草遠無人望山多枉路
聊參世士跡嘗得靜者顧出入雖見牽忘身緣所作
明晤

始至郡

韋應物

湓城古雄郡一作鎮橫江千里馳高樹上迢遞峻堞繞
歎危井邑烟火晚郊原草樹滋洪流蕩一作薄北隄崇
嶺鬱南圻斯民本樂土逃逝竟何爲早歲屬荒歉舊
通積如坻到郡方逾月終朝理亂絲賓朋未及醺簡
牘已云疲昔賢播高風得守媿無施豈待干戈戢且
願撫惓嫠

縣齋

韋應物

仲春時景好草木漸舒榮公門且無事微雨園林清
泱泱水泉動忻忻衆鳥鳴閑齋始延曠東作興庶甞
唐詩類苑 卷之百十人 九

卽事詵文墨抱冲披道經於焉日澹泊徒使芳樽盈

除官去未間

白居易

除官去未間半月恣遊計朝尋霞外寺暮宿波上島
新樹少於松平湖半連草躋攀有次第賞詵無昏早
有時騎馬醉兀兀冥天造窮通與生死其奈吾懷抱
江山信爲美齒髮行將老在郡誠未厭歸鄉去亦好

詠所樂

白居易

獸樂在山谷魚樂在陂池蟲樂在深草鳥樂在高枝
所樂雖不同同歸適其宜不以彼易此况論是與非
而我何所樂所樂在分司分司有何樂樂哉人不知

官優有祿料職散無羈縻賴與道相近鈍將閑自隨
昨朝拜表迴今晚行香歸歸來北牕下解巾脫塵衣
冷泉灌我頂暖水濯四肢體中幸無疾卧任清風吹
心中又無事坐任白日移或開書一篇或引酒一卮
但得如今日終身無厭時

委順

白居易

山城雖荒蕪竹樹有嘉色郡俸誠不多亦足克衣食
外累由心起寧累自息尚欲忘家鄉誰能筭官職
宜懷齊遠近委順隨南北歸去誠可憐天涯住亦得
和我年五十七三首 白居易

唐詩類苑 卷之百十人 十

我年五十七榮名得幾許甲乙三道科蘇杭兩州主
才能本淺薄心力虛勞苦可能隨衆人終老於塵土

二

我年五十七歸去誠已遲歷官十五政數若珠纍纍
野萍始宿薦場苗初繁維因讀管篇書竊暮大有爲
及遭榮遇來乃覺才力羸黃紙詔頻草朱輪車載脂
妻孥及僕使皆免寒與饑省躬私自愧知我者微之
求懷山陰守未逐嵩陽期如何坐留滯頭白江之湄

三

我年五十七榮名得非少報國竟何如謀身猶未了

昔嘗遭官謗恩大而懲小一黜鶴辭軒七年魚在沼
將枯鱗再躍經鍛翮重矯白日上昭昭青雲高渺渺
平生頗同病老大宜相曉紫綬足可榮白頭不爲天
夙懷慕箕穎晚節期松篠何當闕下來同拜陳情表
官俸初罷親故見憂以詩諭之

白居易

七年爲少傅品高俸不薄乘軒已多慙况是一病鶴
又及懸車歲筋力轉衰弱豈以貧是憂尚爲名所縛
今春始病免纓組初擺落蜩甲有何知雲心無所著
困中殘舊穀可備歲饑惡園中多新蔬未至食藜藿
唐詩類苑 卷之百五十一

唐詩類苑

卷之百五十一

不求安師卜不問陳生藥但對丘中琴時開池上酌
信風舟不繫掉尾魚方樂親友不知我而憂我寂寞

三年爲刺史二首

白居易

三年爲刺史無政在人口唯向郡城中題詩十餘首
慙非甘棠詠豈有思人否

三年爲刺史飲水復食鹽唯向天竺山取得兩片石
此石抵千金無乃傷清白

郡中卽事

白居易

漫漫潮初平熙熙春日空闊遠江山晴明好天氣
外有適意物中無繫心事數篇對竹吟一盃望雲醉

行移杖扶力卧讀書取睡久養病形骸深諳閑氣味
遙思九城陌擾擾趨名利今朝是隻日朝謁多軒騎
寵者防海尤權者懷憂畏爲報高車蓋恐非真官貴

答劉禹錫白太守行

白居易

更滿六百石昔賢輒去之秩登二千石今我方罷歸
我秩訝已多我歸慙已遲猶勝勝塵土下終老無休期
卧乞百日告起吟五篇詩朝與府吏別暮與州民辭
去年到郡時麥穗黃離離今年去郡日稻花白霏霏
爲郡已周歲半歲催早饑襦袴無一片甘棠無一枝
何乃老與幼泣別盡沾衣下慙蘇人淚上愧劉君辭
唐詩類苑 卷之百五十一

唐詩類苑

卷之百五十一

答故人

白居易

故人對酒歎歎我在天涯見我昔榮遇念我今蹉跎
問我爲司馬官意復如何答云且勿歎聽我爲君歌
我本蓬華人鄙賤劇泥沙讀書未百卷信口嘲風花
自從筮仕來六命三登科顧慙虛劣姿所得亦已多
散員足庇身薄俸可資家省分輟自愧豈爲不遇耶
煩君對盃酒爲我一咨嗟

長慶二年七月自中書舍人出守杭州路次

藍溪作

白居易

太原一男子自顧庸且鄙老逢不次恩沆沆出泥澤

既居可言地願助朝廷理伏閣三上章慙愚不稱旨
聖人存大體優貸容不死鳳詔停舍人魚書除刺史
寘懷齊寵辱委順隨行止我自得此心於茲十年矣
餘杭乃名郡郭臨江汜已想海門山潮聲來入耳
昔予貞元末羈旅曾遊此甚覺太守尊亦諸魚酒美
因生江海興每美滄浪水尚擬拂衣行況今兼祿仕
青山峯巒接白日烟塵起東道既不通改轅遂南指
自秦窮楚越浩蕩五十里聞有賢主人而多好山川
是行頗爲愜所歷良可紀策馬度藍溪勝遊從此始
初領郡政衙退登東樓作 白居易

唐詩類

卷之百十

十三

鯨憚心所念簡牘手自操何言符竹貴未免州縣勞
賴是餘杭郡臺榭遶官曹凌晨親政事向晚恣遊遨
山冷微有雪波平未生濤水心如鏡面千里無纖毫
直下江最闊近東樓更高煩襟與滯念一望皆遁逃

洛中偶作

白居易

五年職翰林四年蒞潯陽一年巴郡守半年南官郎
二年直綸閣三年刺史堂凡此十五載有詩千餘章
境興周萬象土風備四方獨無洛中作能不心悵悵
今爲春官長始來遊此鄉徘徊伊澗上睥睨嵩山傍
遇物輒一詠一詠傾一觴筆下成釋憾卷中言補亡

往往顧自哂眼昏鬚鬢蒼不知老將至猶自放詩狂

崔十六少府攝伊陽以詩及書見投因酬三

十韻

韓愈

崔君初來時相識頗未慣但聞赤縣尉不比博士慢
賃屋得連牆往來欣莫問我時亦新居觸事苦難辦
蔬餐要同喫破襖請來綻謂言安堵後貸借更何患
不知孤遺多舉族仰薄宦有時未朝餐得米日已晏
隔牆聞謹呼衆口極鵝鴈前計頓乖張居然見真贗
嬌兒好眉眼袴脚凍兩胷捧書隨諸兄累累兩角巾
冬惟茹寒齋秋始識瓜瓣問之不言饑飢若厭芻豢

唐詩類

卷之百十

十四

才名三十年久合居給諫白頭趨走裏閉口絕謗訕
府公舊同袍拔擢宰山澗寄詩雜詠排有類說鵬鷄
上言酒味酸冬衣竟未環下言人吏稀惟足彪與
彪音又言致豬鹿此語乃善幻三年國子師腸肚習
藜藿况住洛之涯魴鱗可罩汕肯效屠門嚼久嫌弋
者纂謀拙日焦拳活計似鋤刻男寒澀詩書妻瘦剩
腰襷爲官不事職厥罪在欺謾行當自劾去漁釣老
沒亂歲窮寒氣驕水雪滑磴棧音問難屢通何由覩
清盼

縣齋有懷

韓愈

少小尚奇偉平生足悲吒猶嫌子夏儒肯學樊遲
事業窺臯稷文章茂曹謝濯纓起江湖綴珮雜蘭麝
悠悠指長道去去策高駕誰爲頃國媒自許連城價
初隨計吏貢屢入澤宮射雖免十上勞何能一戰霸
人情忌殊異世路多權詐蹉跎顏遂低摧折氣愈下
冶長信非罪侯生或遭罵懷書出皇都銜淚渡清灞
身將老寂寞志欲死閑暇朝食不盈腸冬衣纔掩骼
軍書既頻召戎馬乃連跨大梁從相公彭越赴僕射
弓箭圍狐兔絲竹羅酒肴兩府變荒涼三年就休假
求官去東洛犯雪過西華塵埃紫陌春風雨靈臺夜

唐詩類苑

卷之百十八

五

名聲荷朋友援引乏姻婭雖陪彤庭臣詎縱青冥軔
寒空聳危闕曉色曜修架捐軀辰在丁鍛翮時方惜
投荒誠職分領邑幸寬赦湖波翻日車嶺石圻天罅
毒霧恒重晝炎風每燒夏雷威固已加颶勢仍相借
氣象杳難測聲音吁可怕夷言聽未慣越俗循猶乍
指摘兩憎嫌睚眦互猜訝祗緣恩未報豈謂生足藉
嗣皇新繼明率土日流化惟思滌瑕垢長去事桑柘
斷嵩開雲崑壓穎抗風榭禾麥種滿地梨棗栽繞舍
兒童稍長成雀鼠得驅嚇官租日輸納村酒時邀迓
閑愛老農愚歸弄小女姪如今便可爾何用畢婚嫁

平阿館赴郡

暢當

晨興平阿館見月沈江水溶溶山露披蕭蕭沙鷺起
奉恩謬符竹伏軾省頑鄙何得施放山愧迎小郡吏
寥落耕俗地征途清冥裏德緩乃吾民不得將庶矣
禽奸非性能多愍會襄齒恭承共理邵常懼墜諸地

封丘作

高適

州縣才難適雲山道欲窮揣摩摩慙黠吏棲隱謝愚公

自吟

于良史

出身三十年髮白衣猶碧日暮倚朱門從朱汚袍赤

在洪州答綦母學士

張九齡

唐詩類苑

卷之百十八

六

旬雨不愆期由來自若時爾無言郡政吾豈欲天期
常念涓塵益惟歡草樹滋課成非所擬人望在東甌

初至犍爲作

岑參

山色軒檻內灘聲枕席間草生公府靜花落訟庭閑
雲雨連三峽風塵接百蠻到來能幾日不覺鬢毛斑

初授官題高冠草堂

岑參

三十始一命宦情都欲闌自憐無舊業不敢耻微官
潤水吞樵路山花醉藥欄祗緣五斗米辜負一漁竿

題虢州西樓

岑參

錯料一生事嗟此今日頭縱橫皆失計妻子也堪羞

明主雖然棄丹心亦未休愁來無去處祇上郡西樓

官定後戲贈

杜甫

不作西河尉淒涼筆折腰老夫怕趨走率府且逍遙
耽酒須微祿狂歌託聖朝故山歸興盡回首向風颺

新昌里言懷

錢起

性拙偶從宦心閑多掩扉雖看北堂草不忘舊山薇
花月霽來好雲泉堪夢歸如何建章漏催着早朝衣

和大夫秋夜書情即事

獨孤及

上畧當分閫高情善閉關忘機羣動息無戰五兵閑
鈴閣風傳漏書牕月滿山方知秋興作非惜二手斑

唐詩類苑

卷之三百十八

七

登郡寄京師諸季淮南子弟

韋應物

始罷永陽守復卧潯陽樓懸檻飄寒雨危堞侵一作
江流迨茲聞鴈夜重憶別離秋徒有盈樽酒鎮此百

端憂

郡齋贈王卿

韋應物

無術謬稱簡素餐空自嗟秋齋雨成滯山藥寒始華
獲落人皆笑幽獨歲逾賒唯君出塵意賞愛似山一作

僧家

任洛陽丞答前長安由少府問

韋應物

相逢且對酒相問欲何如數歲猶卑吏家人笑著書
告歸應一作未得榮宦又知疎日日生春草空令憶

舊居

示從子河南尉班

并序

韋應物

永泰中余任洛陽丞以撲扶軍騎時從子河南尉
班亦以剛直為政俱見訟於居守因詩示意府縣
好我者豈曠斯文

拙直余恒守公方爾所存同占朱鳥尅俱起小人言
立政思懸棒謀身類觸藩不能林下去祇戀府庭恩

唐詩類苑

卷之三百十八

大

東臺去一作每為崔白二學士語陶先生喜下
退之事且曰僕得分司東臺即足以

元稹

陶君喜不遇予每為君言今日東臺去澄心在陸渾
旋抽隨日俸併買近山園千萬崔兼白殷勤承主恩

自題

白居易

老宜官冷靜貧賴俸優饒熱月無堆案寒天不趣朝
傍看應寂寂自覺世道遙徒對盈樽酒兼無愁可銷

七年春題府廳

白居易

潦倒守三川因循涉四年推誠廢鈞距示耻用蒲鞭
以此稱公事將何銷俸錢雖非好官職歲久亦妨賢

別州民

白居易

耆老遮歸路，壺漿滿別筵。甘棠無一樹，那得淚潸然。
稅重多貧戶，農饑足旱田。唯留一湖水，與汝救凶年。
和令公問劉賓客歸來稱意無之作

白居易

水南秋一半，風景未蕭條。皂蓋迴沙苑，藍輦上洛橋。
閑嘗黃菊酒，醉唱紫芝謠。稱意那勞問，請錢不早朝。

初到昭應呈同僚

王建

白髮初爲吏，有慙年少郎。自知身上拙，不稱世間忙。
秋雨縣牆綠，暮山宮樹黃。同官若容許，長借老僧房。

唐詩類苑

卷之百十八

九

縣丞廳即事

王建

宮殿半山，上人家高下。居古廳，眠受麗老吏語多虛。
雨水洗荒竹，溪沙填廢渠。聖朝收外府，皆自九天除。

異俗二首

李商隱

鬼瘡朝朝避春寒，夜夜添未驚雷破柱。不報水齊簷，
虎箭侵膚毒魚鉤。刺骨銛鳥言成謀，許多是恨形猶。

二

戶盡懸秦網，家多事越巫。未嘗容顧祭，只是縱猪郎。
點對連鰲餌，搜求縛虎符。賈生兼事鬼，不信有洪爐。

和裴僕射移官言志

張籍

身在勤勞地，常思放曠時。功成歸聖主，位重委羣司。
看壘臺邊石，閑吟篋裏詩。蒼生正瞻望，難與故山期。

初入集賢院贈李獻仁曾於常山聯官

崔峒

燕代官初罷，江湖路便分。九遷從命薄，四十幸人聞。
疎愧趨丹柰，身曾繫白雲。何由返滄海，昨日謁明君。
新移北廳，因貽同院諸公，兼呈暢博士

盧綸

華軒邇台座，顧影忝時倫。弱質偃彌曠，清風來亦頻。
恩輝坐凌邁，景物恣芳新。終乃愧吾友，無容私此身。

唐詩類苑

卷之百十八

十

和孟處州閒居即事

包何

古郡鄰江嶺，公庭半薜蘿。府寮閒不入，山鳥靜偏過。
睥睨臨花柳，欄杆枕芰荷。麥秋今欲至，君聽兩岐歌。

資陽郡中詠懷

羊士諤

腰章非達士，閉閣是潛夫。匣劍寧求試，籠禽但自拘。
江清牛渚鎮，酒熟步兵厨。唯此前賢意，風流似不孤。

在郡三年，今秋見白髮，聊以書事

羊士諤

二毛非縣省，朝鏡忽秋風。絲纓寒衣上，霜華舊簡中。
承明那足厭，車服愧無功。日日山城守，淹留豈桂叢。

守郡累年俄及知命聊以言志

羊士諤

南國疑通客東山作老夫登朝非大隱出谷是真愚
氣直慙龍劍心清愛玉壺聊持循吏傳早晚為徒

題皇甫荀藍田廳

賈島

任官經一年縣與玉峯連竹籠拾山果瓦瓶擔石泉
客歸秋雨後印鎖暮鐘前久別丹陽浦時時夢釣船

從任

韓愈

居閒食不足從仕力難任兩事皆害性一生恒苦心
黃昏歸私室惆悵起歎音棄置人間世古來非獨今

唐詩類苑

卷之百十八

主一

武功縣閑居三首

姚合

縣去京城遠為官與隱齊馬隨山鹿放鷄雜野禽棲
連舍惟藤架侵墻是藥畦更師嵇叔夜不擬作書題

二

簿書多不會簿俸亦難銷醉卧慵開眼閑行懶繫腰
移花兼蝶至買石得雲饒且自心中樂從他笑寂寥

三

日出方能起庭前看種莎更來山鳥散酒熟野人過
岐路荒城少烟霞遠岫多同官更相引下馬上西坡

冬暮城西晚眺

羅隱

謬忝蓮華幕虛沾栢署官歌危長抱疾衰老不禁寒
時事已日過世途行轉難千崖兼萬壑只向望中看

偶懷寄臺院孫端公

鄭谷

才拙道仍孤無何捨釣徒班雖沾玉笋香不近金爐
雨露瞻華闕烟波隔五湖唯君應見念曾共伏青蒲

谷與孫端公同在諫垣

相州冬日早衙

張說

城外霄鐘歛閨中曙火殘朝光曜庭雪宿凍聚池寒
正色臨廳事疑詞定筆端除苛囹圄息伐枳吏人寬
河內功猶淺淮陽疾未安鏡中星髮變頓使世情闌

唐詩類苑

卷之百十八

主一

初發道中贈王司馬兼寄諸公

張九齡

昔歲嘗陳力中年退屏居承顏方弄鳥放性或觀魚
曾是安疵拙誠非議卷舒林園事益簡烟月賞恒餘
不意棲愚谷無階奉詔書湛恩均大造弱植愧空虛
肅命趨仙闕僑裝撫傳車念行開祖帳憐別降題輿
誰謂風期許叨延禮數殊義沾投分末情及解攜初
追餞扶江介光輝燭里閭子雲應寂寞公緒為吹嗟
景物春來異音容日向疎川原行稍穩鐘鼓聽猶徐
林隔王公譽雲迷班氏廬戀親唯委咽思德更躊躇

狗義當由此懷安乃闕如願酬明主惠行矣豈徒歎

至桃林塞作

崔湜

去國未千里離家已再旬丹心恒戀闕白首更辭親
懷壁嘗貽訓捐金詎得隣抱冤非忤物惟謗豈尤人
不濫辭終辨無瑕理竟申飯還中省舊符與外臺新
塞上同遷客江潭異逐臣淚垂非屬峴腸斷固由秦
歲月行道盡山川難重陳始知亭伯去還是拙謀身

縣中池竹言懷

錢起

官小志已足時清免負薪卑棲且得地榮耀不關身
自愛賞心處叢篁流水濱荷香度高枕春色滿南隣

唐詩類苑

卷之百二十八

五

道在卽爲樂機忘寧厭貧却愁丹鳳詔來訪漆園人

郡齋讀經

羊士諤

壯齡非濟物柔翰誤爲儒及此齋心暇翛然與道俱
散材誠獨善正覺豈無徒半偈蓮生水幽香桂滿爐
息陰慙蔽芾講義得醍醐跡似桃源客身嬰竹使符
華夷叅史事巴漢混州圖偃草懷君子移風念耆夫
翳桑俄有績宿麥復盈租圓寂期超詣凋殘幸已蘇
解空囊不智滅景谷何愚幾日還歸轍東畝殆欲蕪

得替後書懷上第五相公

耿湜

誰語恹惶客偏承顧盼私應逾骨肉分敢忘死生期

山縣唯荒壘雲屯盡老師庇人寧目代食藥謬相推
黃綬名空罷青春鬢又衰還來掃門處猶未報恩時
獨立花飛滿無言月下遲不知丞相意更欲遣何之

晚歸早出

白居易

筋力年年減風光日日新退衙歸逼夜拜表出侵晨
何處臺無月誰家池不春莫言無勝地自是少閑人
坐厭推囚案行嫌引馬塵幾時辭府印却作自由身
諫議以罷郡將歸以六韻賜示因佇酬獻

皮日休

欲下持衡詔先容解印歸露濃春後澤霜薄霽來威

唐詩類苑

卷之百二十八

五

舊化堪治疾餘恩可療饑隔花攀去棹穿柳挽行衣
佐理能無取酬知力甚微空將千感激異日拜黃扉

初到郡齋寄錢湖州李蘇州

聊取二郡一哂故有落句之戲

白居易

俱來滄海郡半作白頭翁謾道風烟接何曾笑語同
更稀秋稅畢客散晚庭空霽後當樓月潮來滿座風
雪溪殊冷僻茂苑太繁雄唯此錢塘郡閑忙恰得中

去歲罷杭州今春領吳郡慙無善政聊寫鄙

懷兼寄三相公

白居易

爲問三丞相如何弄國鈞那將最劇部比美苦慵人

豈有吟詩客堪爲持節臣不才空飽緩無惠及饑貧
昨卧南城月今行北境春鋌刀磨欲盡銀印換何頻
杭老遮車轍吳童掃路塵虛迎復虛送慙見兩州民
自罷河南已換七尹每一入府悵然舊遊囚
宿內廳偶題四壁兼呈韋尹常

白居易

每入河南府依然以到家孟嘗七尹酒樹着十年花
且健須歡喜雖衰莫歎嗟迎門無故吏侍坐有新娃
暖閣謀宵宴寒庭放晚衙主人留宿定一任夕陽斜
自到郡齋僅經旬日方專公務未及宴遊偷

唐詩類苑

卷之百十八

主

閑走筆題二十四韻兼寄常州賈舍人湖州崔郎中仍呈吳中諸客

白居易

渭北離鄉客江南守土臣涉途初改月入境已經旬
甲郡標天下環封極海濱版圖十萬戶兵籍五千人
自顧才能少何堪寵命頻冒榮慙印綬虛獎負絲綸
候病須通脉防流要塞津救煩無若靜補拙莫如勤
削使科條簡攤令賦役均以慈爲報効安敢不躬親
襦袴提於手韋弦佩在紳敢辭稱俗吏且願活疲民
常未徵黃霸湖猶借寇恂無歸脚政徒忝大牙鄰

制詔誇黃絹詩篇占白蘋銅符拋不得瓊樹見無因
警寐鐘傳夜催衙鼓報晨唯知對胥吏未暇對親賓
色變雲迎夏聲殘鳥過春麥風非逐扇梅雨異隨輪
武寺山如故王樓月自新池塘閑長草絲竹廢生塵
暑遣燒神耐晴教曬舞茵待還公事了亦擬樂吾身
分司初到洛中偶題六韻兼戲呈馮尹

白居易

相府念多病春宮容不才官銜依口得俸祿逐身來
白首林園在紅塵車馬迴招呼新客族掃掠舊池臺
小舫宜攜樂新荷好蓋盃不知金谷主是晚賀筵開

唐詩類苑

卷之百十八

主

詔授同州刺史病不赴任因詠所懷

白居易

同州慵不去此意復誰知誠愛俸錢厚其如身力衰
可憐病判案何似醉吟詩勞逸懸相遠行藏決不疑
徒煩人勸諫只合自尋思白髮來無限青山去有期
野心惟怕閑家口莫愁饑賣却新昌宅聊充送老資
謹和諫議罷郡敘懷六韻 陸龜蒙

已報東吳政初捐左契歸天應酬苦節人不犯寒威
江上思重借朝端望載機紫泥封夜詔金殿賜春衣
對酒情何遠裁詩賜極微待升銚造日江海問漁

蒙恩除替將還京洛偶叙所懷因成六韻呈
軍事院諸公郡中一二秀才

崔璞

兩載求人瘼三春受代歸務繁多簿籍未短之恩威
共理垂天獎分憂值歲饑遽蒙交郡印安敢整朝衣
作牧慙爲政思鄉念式微倘容還故里高卧掩柴扉

昔事文皇帝三十二韻 杜牧

昔事文皇帝叨官在諫垣奏章爲得地齟齬負明恩
金虎知難動毛釐亦耻言撩頭雖欲吐到口却成吞
照膽常懸鏡窺天自歎盆周鍾旣寃檄陳亦瘕痕

唐詩類苑 卷之百十八 三七

鳳闕觚稜影仙盤曉日嗽雨餘文石滑風暖戟衣翻
每慮號無告長憂駭不存隨行唯跼蹐出語但寒暄
宮省咽喉任戈矛羽衛屯光塵皆影附車馬定西奔
億萬持衡價錙銖挾契論堆時過北斗積處滿西園
接棹隨河溢連蹄蜀棧列漉空滄海水搜盡阜王孫
關巧猴雕剝誇趙索掛跟狐威假白額鼻嘯得黃昏
覆瓿芝蘭圃森森枳棘藩吠聲嗾國衛公議怯膺門
竄逐諸丞相蒼茫遠帝關一名爲吉士誰免弔湘魂
間世英明主中興道德尊崑崙憐積火河漢注清源
川口隄防失陰車鬼怪掀重雲開朗照九地雪幽冤

我實剛腸者形甘短褐髡曾經觸薑尾猶得凭熊羆
杜若芳洲翠巖光釣瀨暄溪山侵越角封壤盡吳根
客恨繁春細鄉愁壓思繁祝堯千萬壽再拜揖樽餘

封丘縣 高適

我本漁樵孟諸野一生自是悠悠者乍可狂歌草澤
中寧堪作吏風塵下祗言小邑無所爲公門百事皆
有期拜迎官長心欲碎鞭撻黎庶令人悲歸來向家
問妻子舉家盡笑今如此生事應須南畝田世情付
與東流水夢想舊山安在哉爲銜君命日遲迴乃知
梅福徒爲爾轉憶陶潛歸去來

唐詩類苑 卷之百十八 三八

南梁行 李紳

江城鬱鬱春草長悠悠漢水浮清光雜英飛盡空書
景綠楊重陰官舍靜此時醉客縱橫書公言可薦承
明廬青天詔下龍光至頒籍金閨徵石渠秭歸山路
烟嵐隔山木幽深晚花拆澗底紅光奪火燃搖風扇
毒愁行客杜鵑啼咽花亦殷聲悲絕艷連空山斜陽
瞥影淺深水雲雨飄迷巖谷間山鷄錦質矜毛羽透
出穿蘿命儔侶喬木幽谿上下同雄雌不惑飛棲處
望秦峯迥過商顏浪疊波堆萬族山行盡杳冥青
外九重鐘漏紫霄間元和列侍明光殿諫草初焚市

朝變北關趨臣半隙塵南梁吟嘯皆飛霧追思感歎
却昏迷霜鬢愁吟到曉鷄故篋歲深開斷簡秋堂月
曉掩遺桂鳴曉角霞輝榮撫劍長楹一長歎芻狗
無由學聖賢空持感激終昏旦

和裴令公一日日一年年離言見贈

白居易

一日一日作老翁一年一年過春風公心不以貴隔
我我願唯將閑伴公我無才能忝高秩合是人間閑
散物公有功德在生民何因得作自由身前日魏王
潭上宴連夜今日午橋地頭遊更晨山客硯前吟待
唐詩類苑卷之百十八 无

日野人樽前醉送春不敢與公閑中爭第一亦應占
得第二第三人

初至封丘作

高適

可憐薄暮宦遊子獨卧虛齋思無已去家百里不得
歸到官數日秋風起

縣內閑居贈溫公

韋應物

滿郭春色嵐已昏鷄栖散吏掩重門雖居世網常清
淨夜對高僧無一言

自責

元稹

犀帶金魚束紫袍不能將命報分毫他時得見牛常

侍爲爾君前捧瓶刀

通州

元稹

平生欲得山中住元與通州遠郡山睡到日西無一
事月儲三萬買教區

和微之仁校書郎日過三鄉

白居易

三鄉過日君年幾今日君年五十餘不獨年催身亦
變校書郎變作尚書

蘇州故吏

白居易

江南故吏別來久今日池邊識我無不獨使君頭似
唐詩類苑卷之百十八 手

雪華亭鶴死白蓮枯

別草堂三絕句

白居易

正聽山鳥向陽眠黃紙除書落枕前爲感君恩須暫
起鐘峯不擬住多年

久眠褐被爲居士忽挂緋袍作使君身出草堂心不
出廬山未要勒移文

三間茅舍向山開一帶山泉遶舍迴山色泉聲莫惆
悵三年官滿却歸來

登郡前山

羊士諤

洛陽歸客滯巴東處處山樹聲滿叢峴首當時爲風

景豈將官舍作池籠

建節後詩

楊汝士

拋却弓刀上砌臺上方樓殿翠雲開山僧見我衣
窄知道新從戰地來

烏程

羅隱

兩府攀陪十五年郡中甘雨幕中連一餅猶是烏程
酒須對霜風淚泫然

思歸絕句以寄澈公

韋丹

王事紛紛無暇日浮生冉冉只如雲已為平
計五老巖前必共聞

唐詩類苑

卷之百二十八

主

題張藍田訟堂

錢起

角巾高枕向晴山訟簡庭空不用關秋風牕下琴書
靜夜一作落景門前人吏閑稍覺淵明歸思遠東臯月

出片雲還

留題郡齋

白居易

吟山歌水嘲風月便是三年官滿時春為醉眠多閉
閣秋因晴望暫褰帷更無一事移風俗唯化州民解

詠詩

郡齋夜坐寄舊鄉二姪

許渾

千官奉職袞龍垂族卧淮陽夢日衰三月已垂棠樹

政二年空負竹林期樓侵白浪風來遠城抱丹巖日
到遲長欲挂帆君莫笑越禽花晚夢南枝

移攝太平寄前李明甫

許渾

病移一作多巖邑稱閑身何處風光貫酒頻溪柳遶門
彭澤令野花連洞武陵人嬌歌自駐壺中景艷舞長

留海上春早晚高臺更同醉綠蘿如帳草如茵

自題

白居易

功名宿昔人多許寵辱斯須自不知一旦失恩先左
降三年隨例未量移馬頭覓角生何日石火敲光住
幾時前事是生俱若此空門不去欲何之

唐詩類苑

卷之百二十八

主

初到江州寄翰林張李杜三學士

白居易

早攀雲漢上天衢晚落風波委世途雨露施恩無厚
薄蓬蒿隨分有榮枯傷禽側翅驚弓箭老婦低顏事
舅姑碧落三仙曾識面年深記得姓名無

郡中閑獨寄微之及崔湖州

白居易

少年賓旅非吾輩晚歲緝縷束我身酒散更無同宿
客詩成長作獨吟人潁州會面知何日鏡水離心又
一春兩處也應相憶在官高年長少情親

初到忠州贈李六

白居易

好在天涯李使君，江頭相見日黃昏。吏人生硬都如鹿，市井蕭疎只抵村。一隻蘭船當驛路，百層石磴上州門。更無平地堪行處，虛受朱輪五馬恩。

贈皇甫六張十五李二十三賓客

白居易

昨日三川新罷守，今年四皓盡分司。幸陪散秩閑居日，好是登山臨水時。家未苦貧常醞酒，身雖衰病尚吟詩。龍門泉石香山月，早晚同遊報一期。

和夢得

白居易

唐詩類苑

卷之百二十八

三三

夢得來詩云：設讀圖書四十車，年年為郡老天涯。一生不得文章力，百口空為飽暖家。

綸閣沈沈無寵命，蘇臺籍籍有能聲。豈唯不得清文勢，但恐空傳冗吏名。郎署迴翔何水部，江湖留滯謝宣城。所嗟非獨君如此，自古才難共命爭。

初到洛下閑遊

白居易

漢庭重少身，宜退洛下閑。居迹可逃，趣伴入朝應老。醜髯春放醉，尚僊豪詩攜。綵紙親裝卷，酒與緋花舊。賜袍曾在東方千騎上，至今躑躅馬頭高。

分司

白居易

散帙留司殊有味，最宜病拙不才身。行香拜表為公事，碧洛青嵩當主人。已出閑遊多到夜，却歸慵卧又經旬。錢塘五馬留三匹，還擬騎遊攪擾春。

初到江州

白居易

潯陽欲到思無窮，更亮樓南湓口東。樹木周疎山雨後，人家低濕水煙中。孤蔣餒馬行無力，蘆荻編房卧有風。遙見朱輪來出郭，相迎勞動使君公。

鄭谷

唐詩類苑

卷之百二十八

三三

鶯離寒谷士逢春，釋褐來年暫種芸。自笑老為梅少府，可堪貧攝鮑參軍。酒醒往事多興念，吟苦鄰居必厭聞。推却簿書搔短髮，落花飛絮正紛紛。

承恩量移宰江邑，臨鄱江悵然之作

李嘉祐

四年謫宦滯江城，未厭門前鄱水清。誰言宰邑化黎庶，欲別雲山如弟兄。雙鷗為底無心狎，白髮從他繞鬢生。惆悵閑眠臨極浦，夕陽秋草不勝情。

離闕下日感恩

李建勳

二年塵冒處中台，喜得南歸還。不才即路敢期皇子送出，關猶有御書來。未知天地恩何報，翻對江山思

莫開斜日葦汀凝立處遠波微颺翠如苔

罷所奏詩

李紳

昔年從宦干戈地黃綬青春一魯儒
弓犯控絃招武族劍當抽匣問狂夫
帛書授筆封魚腹立髮衝冠探虎鬚
談笑謝金何所貴不爲偷買用兵符

初授太府丞言懷

王建

除書亦下一作屬微班喚作官門便不閑
檢案事多關市井聽人言志在雲山病
童喚着唯行慢老馬鞭多轉放頑此
去仙宮無一里遙看松樹衆家攀

郡中有懷寄上睦州員外十三兄歙州刺史

唐詩類苑

卷之百二十八

圭

邢羣

杜牧

城枕溪流淺更斜麗譙連帶邑人家
經冬野菜青青色未臘山梅樹樹花
雖免瘴雲生嶺上未無京信到天涯
如今歲晏從羈滯心喜彈冠事不賒

郡齋寓興

劉兼

依約樊川似旭川郡齋風物盡蕭然
秋庭碧蘚鋪雲錦晚閣紅蕖簇水仙
醉筆詔狂揮粉壁歌梁塵亂拂花鈿
情懷放蕩無羈束地角天涯亦信緣

登郡樓書懷三首

劉兼

烟雨樓臺漸晦冥錦江澄碧浪花平
卞和未雪荆山

耻莊舄空傷越國情天際寂寥無鴈下
雲端依約有僧行登高欲繼離騷詠
魂斷愁深寫不成

邊郡荒涼悲且歌故園迢遞隔烟波
琴聲背俗終如是劍氣衝星又若何
客漸通書信少釣舟頻引夢魂多
北山更有移文者白首無塵歸去麼

莫嗔阮氏天途窮萬代深沈恨亦同
瑞玉豈知將抵鵲鉛刀何事却屠龍
九夷欲適嗟吾道五柳終歸効古風
獨倚郡樓無限意滿江烟雨正冥濛

郡樓閑望書懷

劉兼

郡城樓閣遶江濱風物清秋入望頻
銅鼓祭龍雲霧廟蘆花飄市雪粘人
蓮披淨沼羣香散鷺點寒烟玉片新
歸去杜陵池館在且將朝服拂埃塵

唐詩類苑

卷之百二十八

圭

舍人

劉兼

官吏潛陳借寇詞宦情鄉夢兩相違
青城錦水無心住紫閣蓮峯有意歸
張翰鱸魚因醉憶孟光書信近春稀
黃茅瘴色看看起貪者猶疑別是機

郡中言懷寄西川蕭員外

羊士諤

功名無力慙勤王已近終南得草堂
身外盡歸天竺偈腰間唯有會稽章
何時鴈酒逢山客可惜樵枝

石牀歲晚我知仙客意應心應在白雲鄉

郡齋感物寄長安親友 羊士諤

晴天春意無窮過鴈江樓日日風環樹花香故人
別蘭卮酒色去年同閱吟鈴閣已歌裏回首神臯瑞
氣中自愧朝衣猶在篋歸來應是白頭翁

春日隱居官舍感懷 李洞

風吹燒燼雜汀沙還似青溪舊寄家入戶竹生牀下
葉隔牕蓮謝鏡中花苔房毳客論三學雪嶺巢禽看
兩衙銷得人間無限事江亭月白誦南華

蘇州元日郡齋感懷寄越州元相公杭州白

唐詩類苑 卷之三百十八

舍人 李諒

稱慶還鄉郡吏歸端憂明發儼朝衣首開三百六句
曆新知四十九年非當官補拙猶勤慮遊宦量才已
息機舉族共資隨月俸一身唯憶故山薇舊交邂逅
封疆近老牧蕭條宴賞稀書札每來同笑語篇章時
到借光輝絲綸暫厭分符竹舟楫初登擁羽旗未知
今日情何似應與幽人事有違

遭讒

隴右途中遭非語 員半千

趙有兩毛遂曾聞二曾參慈母猶且惑况在行路心

冠冕無醜士賄賂成知己名利我所無清濁誰見理
獎服定庭春緩帶不着身出遊非懷璧何憂乎忌人
正須自保愛振衣出世塵

被彈 沈佺期

知人昔不易舉非貴易失爾何按國章無罪見呵叱
平生守直道遂為衆所嫉少以文作吏手不曾開律
一旦法相持荒忙意如漆幼子雙囹圄老夫一念室
昆弟兩三人相次俱囚桎萬鏹當衆怒千謗無片實
庶以白黑讒顯此涇渭實効吏何咆哮晨夜間樸扶
事間拾虛證理外存枉筆懷痛不見申抱冤竟難息

唐詩類苑 卷之三百十八

窮囚多垢膩愁坐饒蟻蝨三日唯一飯兩旬不再櫛

是時盛夏中曠赫多瘴疾瞪目眠欲閉喑鳴氣不出
有風自扶搖鼓蕩無倫匹安得吹浮雲令我見白日

上崔相百憂章 李 白

共工赫怒天維中摧鯢鯨噴蕩揚濤起雷魚龍陷人
成此禍胎火焚崑山玉石相碰仰希霖雨灑寶炎煨
箭發石開戈揮日迴鄒衍慟哭燕霜颯來微誠不感
猶繁夏臺蒼鷹搏攫丹棘崔嵬豪聖凋枯王風傷哀
斯文未喪東嶽豈頽穆逃楚難鄒脫吳災見機苦遲
二公所哈驥不驟進麟何來哉星離一門草擲二孩

萬憤結緝憂從中催金瑟玉壺盡爲愁媒舉酒太息
泣血盈杯台星再明天網重恢屈法申恩棄瑕取材
治長非罪尼父無猜覆盆儻舉應照寒灰

雪讒詩贈友人

李白

嗟余沈迷猖獗已久五十知非古人常有立言補過
庶存不朽包荒匿瑕蓄此頑醜月出致譏貽愧皓首
感悟遂晚事往日遷白壁何辜青蠅屢前羣輕折軸
下沈黃泉衆毛飛骨上陵青天萋斐暗成貝錦粲然
泥沙聚埃珠玉不鮮洪猷燦山發自纖烟滄波蕩日
起於微涓交亂四國播於八埏拾塵掇蜂疑聖猜賢

唐詩類苑

卷之百十八

五

哀哉悲夫誰察余之貞堅彼婦人之猖狂不如鵲之
疆疆彼婦人之淫昏不如鴉之奔奔坦蕩君子毋悅
簧言擢髮贖罪罪乃孔多傾海流惡惡無以過人生
實難逢此織羅積毀銷金沈憂作歌天未喪文其如
余何姐已滅紂褒女惑周天維蕩覆職此之由漢祖
呂氏食其在傍秦皇太后毒亦淫荒蝶螈作昏遂掩
太陽萬乘尚爾匹夫何傷辭殫意窮心切理直如或
妄談昊天是殛于野善聽離婁至明神靡遁響鬼無
逃形不我遐棄庶昭忠誠

懼讒

李白

二桃殺三士詎假劍如霜衆女妬娥眉雙花竟春芳
魏姝信鄭袖掩袂對懷王一惑巧言子朱顏成死傷
行將泣團扇戚戚愁人腸

送薛九被讒去魯

李白

宋人不辨玉魯賤東家丘我笑薛夫子胡爲兩地遊
黃金消衆口白璧竟難投梧桐生蒺藜綠竹乏佳實
鳳皇宿誰家送與羣鷄匹田家養老馬窮士歸其門
蛾眉笑嬖者賓客去平原却斬美人首三千還駿奔
毛公一挺劍楚趙兩相存孟嘗悅狡兔三窟賴馮諼
信陵奪兵符爲用侯生言春申一何愚刎首爲李園

唐詩類苑

卷之百十八

四

萬憤辭投魏郎中

李白

海水渤潏人罹鯨鯢翫胡沙而四塞始滔天於燕齊
何六龍之浩蕩遷白日於秦西九土星分磬磬棲棲
南冠君子呼天而啼戀高堂而掩泣汨血地而成泥
獄戶春而不草獨幽怨而沈迷兄九江今弟三峽悲
羽化之難齊穆陵關北愁愛子豫章天南隔老妻一
門骨肉散百草遇難不復相提攜樹檮拔桂囚鸞寵
鷄舜昔授禹伯成耕犁德自此衰吾將安恬好我者

恤我不好我者何忍臨危而相擠子胥鵲夷彭越醢
醢自古豪烈胡爲此繫蒼蒼之天高乎視低如其
卑脫我牢狴狴辨美玉君收白珪

上長史王公責躬

儲光義

覆舟無伯夷覆居無仲尼自咎失明義寧由貝錦詩
松栢日已堅桃李日以滋願已獨暗昧所居成蒺藜
大賢薦時文醜婦用蛾眉惕惕愧不已豈敢論其私
方朔既有言子建亦有詩惻隱及先世析新成自悲
靈鳥酬德輝黃雀報仁慈若公庶伏罪此事安能遲
君子勿鬱鬱士有謗毀者作詩以贈之二首

唐詩類苑

卷之百二十八

星

孟郊

君子勿鬱鬱聽我青蠅歌人間少平地森聳山岳多
折輪不在道覆舟不在河須知一尺水日夜增高波
叔孫毀仲尼臧倉掩孟軻蘭艾不同香自然難爲和
良玉燒不熱直竹文不頗自古皆如此其如道在何

二

日往復不見秋堂暮仍學玄髮不知白曉入寒銅覺
爲林未離樹有玉猶在璞誰把碧梧枝刻作雲韶樂

古意贈梁肅補闕

王郊

曲木忌日影讒人畏賢明自慙不愛邪佞輕

不有百鍊火孰知寸金精金鉛正同鑪願分精與麝

答畫上人止讒作

孟郊

烈烈鸞鷟吟鏗鏗琅玕音梟摧明月嘯鶴起清風心
渭水不可渾涇流徒相侵俗似唱桃葉隱仙士一作鳴
桂琴子野直遺却浮淺藏淵深

寄浙右幕中

孟遲

遲陳商門生爲浙西掌書記以讒罷至淮南崔相
國秦掌書記後以詩寄浙右幕中

由來惡舌駟難追自古無媒謗所歸句踐豈能容范
蠡李斯何暇救韓非巨拳豈爲鷄揮肋强弩那因鼠

唐詩類苑

卷之百二十八

星

發機慚愧故人同鮑叔此心江柳尚依依

誠是非

劉兼

巧舌如簧總莫聽是非多自愛憎生二人告母雖投
桴百大聞風只吠聲辨玉且寬和氏罪誣金須認不
疑情因思曠昔遊談者六國交馳亦受烹

唐詩類苑卷第一百二十八終

唐詩類苑卷第一百二十九

明雲間張之象玄超甫纂輯

雲間李中立士強甫編次

雲間王 徹叔朗甫補訂

梁谿曹仁孫伯安甫校正

人部

貶謫

聞庾七左降因詠所懷 白居易

我病卧渭北君老謫巴東相悲一長歎薄命與君同
既歎還自哂哂歎兩未終後心銷前意所見何迷蒙

唐詩類苑

卷之百二十九

一

人生大塊間如鴻毛在風或飄青雲上或落泥塗中
袞服相天下儻來非我通布衣委草莽偶去非吾窮
外物不可必中懷須自空無令怏怏氣留滯在心胷

遷客

鄭谷

離夜聞橫笛可堪吹鷓鴣雪冤知早晚雨泣渡江湖
秋樹吹黃葉臘烟垂綠蕪虞翻歸有日莫便哭窮途

湘江遷客

羅隱

不是逢清世何由見皂囊事雖危虎尾名勝泊鴛行
毒霧湘江闊愁雲楚驛長歸時有詞賦一爲弔沈湘

送客南遷

白居易

我說南中事君應不願聽曾經身困苦不覺語叮嚀

燒處愁雲夢波時憶洞庭春畚烟勃勃秋瘴霧冥冥

蚊蚋經冬活魚龍欲雨腥木蟲能射影山鬼解藏形

穴掉巴蛇尾林飄鷓鴣鳥翎颶風千里黑蕪草四時青

客似驚弦鴈舟如委浪萍誰人勸言笑何計慰漂零

慎勿琴離膝常須酒滿瓶大都從此去宜醉不宜醒

送南遷客

張籍

去去遠遷客瘴中衰病身青山無限路白首不歸人

海國戰騎象蠻州市用銀一家分幾處誰見日南春

送遷客二首

于鵠

唐詩類苑

卷之百二十九

二

得罪誰人送來時不到家白頭無侍子多病向天涯
莽蒼凌江水黃昏見塞花如今賈誼賦不漫說長沙

二

流人何處去萬里向江州孤驛瘴烟重行人巴草秋

上帆南去遠送鴈北看愁遍問炎方客無人得白頭

送遷客

僧齊已

天涯卽愛州謫去莫多愁若似承恩寵何如佞主休

瘴昏銅柱黑草赤火山秋應想堯堦下當時解牙頭

湘中秋懷遷客

崔塗

蘭杜曉香薄汀洲客露繁併聞無塞鴈獨立楚人村

霧散孤城上灘迴曙枕暄不堪逢賈傳還欲弔湘沅

寄遷客

張祐

萬里南邊路辛勤嶺路遙溪行逢水弩野店避山魃
瘴海須求藥食泉莫舉瓢但能堅志義白日甚昭昭

送徐彥夫南遷

張祐

萬里客南遷孤城漲海邊瘴雲秋不斷陰火夜長然
月上行虛市風迴望船舶知君還自潔更爲酌貪泉

聞王昌齡左遷龍標尉遙有寄此

昌齡江寧人第進士補祕書郎又中宏詞科遷泥
水令不護細行貶龍標尉以世亂還鄉里爲刺史

唐詩類苑

卷之百十九

三

閭丘曉所殺張鎬按軍河南兵大集曉最後期將
戮之辭曰有親乞貸餘命鎬曰王昌齡之親欲與
誰養曉默然昌齡工詩鎮密而思清時謂王江寧
云

李白

楊花落盡子規啼聞道龍標過五溪我寄愁心與明
月隨君直到夜郎西

左遷至藍關示姪孫湘

韓愈

一封朝奏九重天夕貶朝陽路八千欲爲聖明除弊
事肯將衰朽惜殘年雲橫秦嶺家何在雪擁藍關馬

不前知汝遠來應有意好收吾骨瘴江邊

入鬼門關

沈佺期

昔傳瘴江路今到鬼門關土地無人老流移幾客還
自從到京洛顏鬢與衰顏夕宿含沙裏晨行岡路間
馬危千仞谷舟險萬重灣問我投何地西南盡百蠻

被出濟州

王維

微官易得罪謫去濟川陰執政方持法明君照此心
閭閻河潤上井邑海雲深縱有歸來日各愁年鬢侵

寄穆侍御出幽州

王昌齡

一從恩譴度瀟湘塞北江南萬里長莫道薊門書信

唐詩類苑

卷之百十九

四

少鴈飛猶得到衡陽

神龍初廢逐南荒途出郴口北望蘇耽山

沈佺期

少曾讀仙史知有蘇耽君流望來南國依然會昔聞

泊舟問耆老遙指孤山村孤山郴郡北不與衆山羣

重崖下縈映嶠嶠上糾紛碧峯泉附落紅壁樹傍分

遷地今方爾升天因可云不才予竄迹羽化子遺芬

將覽成麟鳳旋驚禦鬼文此中迷出處含思獨氛氲

貽袁三拾遺謫作

儲光義

傾蓋洛之濱依然心事親龍門何以峻曾是好詞人

弘筆朝丹陛含章諷紫宸帝城多壯觀被服長如素
天子儉爲德而能清約身公卿盡虛位天下自趣塵
望美令德聲何已高帝黜儒生文皇謫才子
朝廷非不盛謫謫良難恃路出大江陰川行碧峯裡
斯言徒自玷白玉豈爲滓希聲盡衆人深識唯知己
知已怨生離悠悠天一涯寸心因夢斷孤憤爲年移
花滿芙蓉闕春心朝夕池空令千萬里長望白雲垂

謫居悼往二首

劉禹錫

邑邑何邑邑長沙地卑濕樓上見春多花前恨風急
猿愁腸斷叫鶴病翹趾立牛衣獨自眠誰哀仲卿泣

唐詩類苑

卷之百十九

五

二

鬱鬱何鬱鬱長安遠於日終日念鄉關燕來鴻復還
潘岳歲寒思屈平顛顛顏殷勤望歸路無雨即登山

送郝昂謫巴中

李白

瑤草寒不死移值滄江濱東風灑雨露會入天地春
余若洞庭葉隨波送逐臣思歸未可得書此謝情人

送鄭侍御謫閩中

高適

謫去君無恨閩中我舊過大都秋鴈少只是夜猿多
東路雲山合南天瘴癘和自當逢雨露行矣慎風波

謫居此州

劉長卿

何事長沙謫相逢楚水秋暮帆歸夏口寒雨對巴丘
帝子椒漿奠騷人木葉愁誰憐萬里外離別洞庭頭

送薛八謫居

錢起

東水將孤客南行路幾千虹翻潮上雨鳥落瘴中天
謫去寧留恨思歸豈待年銜杯且一醉別淚莫潸然

顏惠詹事即孤妣舅氏謫官黔巫舟中相遇

愴然有寄

鄭谷

猶子在天末念渠懷渭陽巴山偶會遇江浦共悲涼
謫宦君何遠窮游我自強瘴村三月暮雨熟野梅黃

送韋觀謫潘州司馬

李明遠

唐詩類苑

卷之百十九

木

北鳥飛不到南人誰去遊天涯浮瘴水嶺外向潘州
草木春秋暮猿狖日夜愁定知遷客淚應只對君流

寄南浦謫官

鄭谷

多才翻得罪天末抱窮憂白首爲遷客青山遶萬州
醉歌梅障曉歌厭竹枝秋望闕懷鄉淚荆江水共流

別謫者

李昌符

此地聞猶惡人言是所之一家書絕久孤驛夢成遲
八月三湘道聞猿冒雨時不須祠楚相臣節轉堪疑

賦得送賈島謫長江

李洞

敲鑼吟雪月謫出國西門行傍長江影愁深三水冤

筇攜過竹寺琴典在花村饑拾食一作山松知賈

傅孫

負謫後登千越亭作又作十劉長卿

天南愁望絕亭上柳條新落日獨歸鳥孤舟何處人

生涯投越一作微世業陷胡一作塵香杳鍾陵暮悠

悠鄱水春一作江入千峯秦臺悲白首楚澤怨青蘋

草色迷征路鶯聲傷逐臣獨醒空一作難取笑直道不

容身得罪風霜苦全生天地仁青山數行淚滄海一

窮鱗牢落機心盡惟憐鷗鳥親

江南謫居十韻

白居易

唐詩類苑

卷之百十九

七

自哂沈冥客曾爲獻納臣壯心徒許國薄命不如人

纔展凌雲翅俄成失水鱗葵枯猶向日蓬斷卽辭春

澤畔長愁地天邊欲老身蕭條殘活計冷落舊交親

草合門無徑烟消甑有塵憂方知酒聖貧始覺錢神

虎尾難容足羊腸易履輪行藏與通塞一切任陶鈞

送畢侍御謫居

錢起

崇蘭番死玉簪折志士吞聲甘徇節忠盡不爲明主

知悲來莫向時人說滄浪之水見心清楚客辭天淚

滿纓百鳥喧喧噪一鷺上林高枝亦難托寧憐人世

棄虞翻且喜江山得康樂自憐青綬老嬰身妻子別

來勸隱淪桃花洞裏舉家去此別相思復幾春

謫居海上

熊皀

家臨涇水隔秦川來往關河路八千堪恨此身何處

老始皇橋畔又經年

謫官後卧病官舍簡賀蘭侍郎

劉長卿

青春衣繡共稱一作繡宜白首垂一作如絲恨不遺江

上幾回今夜月鏡中無復少年時生還北闕誰相一作

作一作能引老向南邦衆所悲歲歲任他芳草綠長沙未

有定歸期

唐詩類苑

卷之百十九

八

謫官辰州冬至日懷

戎昱

去年長至在長安策杖曾簪獬豸冠此歲長安逢至

日下皆遙想雪霜寒夢隨行伍朝天去身寄窮荒報

國難北望南郊消息斷江頭唯有淚闌干

將之瀘郡旅次遂州遇裴晤員外謫居於此

話舊淒涼因寄二首

鄭谷

誰解登高問上玄謫仙何事謫詩仙雲遮列宿離華

省樹陰澄江入野船黃鳥晚啼愁瘴雨青梅早落中

蠻烟不知幾首南行曲留與巴兒萬古傳

昔年共照松溪影今所溪荒信已無今日同思錦城

事雪鋪花謝夢何殊亂離未定身俱老騷雅全休道
甚孤我拜師門更南去荔枝春熟向渝瀘

謫居

白居易

面瘦頭斑四十四遠謫江州爲郡吏逢時棄置總不
才未老衰羸爲何事火燒寒澗松爲燼霜降春花
委地遭時榮悴一時間豈是昭昭上天意

送張璠貶五溪尉

高適

他日維楨幹明時懸鑲鉅江山遙去國妻子獨還家
離別無嫌遠沈浮勿強嗟南登有詞賦知爾弔長沙

貶樂城尉

張子容

唐詩類苑

卷之百十九

九

竄謫邊窮海川原近惡溪有時聞虎嘯無夜不猿啼
地暖花常發嚴高日易低故鄉可憶處遙指斗牛西

送裴郎中貶吉州

劉長卿

亂軍交白刃一騎出黃塵漢節同歸闕江帆共逐臣
復愁岐路晚梅作異方春知己鄴侯在應憐脫粟人

送李侍御貶郴州

劉長卿

洞庭波渺渺君去弔靈均幾路三湘水全家萬里人
聽猿明月夜看柳故年春憶想汀洲畔傷心向白蘋

送李使君貶連州

劉長卿

獨過長沙去誰憑此路愁秋風散千騎寒雨泊孤舟

賈誼辭明主蕭何識故侯漢廷當自召湘水但空流

送李侍御貶鄱陽

此公近出
此州使迴

劉長卿

迴車仍昨日謫去已秋風干越知何處雲山只向東
暮天江色裏田鶴稻花中却見鄱陽吏猶應舊馬驄

送人流貶

李益

漢章雖約法秦律已除名謗遠人多感官微不自明
霜風先獨樹瘴雨失荒城疇昔長沙事三年召賈生

送鄭明府貶嶺南

司空曙

青楓江色晚楚客獨傷春共對一樽酒相看萬里人
猜嫌成謫宦正直不妨身莫畏炎方久年年雨露新

唐詩類苑

卷之百十九

十

送友貶嶺南

耿漳

暮年從遠謫落日別交親湖上北飛鴈天涯南去人
夢成湘浦夜淚盡桂陽春歲月茫茫意何時雨露新

送鄭鍊師貶辰州

戎昱

辰州萬里外想得逐臣心謫去刑名枉人間痛惜深
誤將瑕指玉遂使謾消金計日西歸在休爲澤畔吟

常州孟諫議座上聞韓員外職方貶國子博

士有感五首

盧仝

忽見除書到韓君文學官死生從有命人事始知難
烈火先燒玉庭蕪不養蘭山夫與刺史相對兩巔顛

二

千祿無便佞宜知黜此身真郎猶小小國學大頻頻
孤宦心肝直天王苦死嗔朝廷無諫議誰是雪韓人

三

何事遭軒貶知何被不容不如思所自只欲涕無從
餘服何曾好荷衣已慣縫朝官莫相識歸去老巖松

四

力小垂垂上天高又不登致身唯一已獲罪則顏朋
祿位埋坑穽康莊壘劍稜公卿共惜取莫遣玉山崩

五

唐詩類苑

卷之三百十九

十一

誰憐野田子海內一韓侯左道官雖樂剛腸得健無
功名生地獄禮教死天囚莫言耕種好須避蒺藜

黎秋

聞高侍郎卒貶所

李敬方

京西高院長直氣似吾徒走馬論邊備飛聲感廟謨
官移人未察身沒事多符寂寞他年後名編野史無

送寶司馬貶宜春

李白

天馬白銀鞍親承明主歡關鷄金闥裡射鴈碧雲端
堂上羅中貴歌鐘清夜闌何言謫南國拂劍坐長歎

趙璧為誰點墮珠在穽聖朝多雨露莫厭此行難

貶降至汝州廣城驛

鄭 惲

近郊憑汝海遐服指江干尚憶趨朝貴方知失路難
曙宮平樂遠秋澤廣城寒岸葦新花白山梨晚葉丹

鄉關千里暮歲序四時闌面塞雲間別旋門霧裏看
夙年追騷騷暮節仰鵷鸞疲駕勞垂耳騫騰遽矯翰

將調梅鉉賢不正李園冠荆王終無玷隋珠忽已彈
曉裝違輦洛夕夢在長安北上頻傷阮西征未學潘

傾車無共轍同派有殊瀾去去懷知己何由報一餐
送從弟貶袁州

劉長卿

唐詩類苑

卷之三百十九

十一

何事成遷客思歸不見鄉遊吳經萬里弔屈向三湘
水與荆巫接山通鄢郢長名羌黃綬繫身是白眉郎

獨結南枝恨應思北鴈行憂來沽楚酒左贊莫疑霜
貶南巴至鄱陽題李嘉祐江亭

劉長卿

巴嶠南行遠一作南出長江萬里隨不才甘謫去流
水亦何之地遠明君棄一作離天高酷吏欺青山

獨往路芳草未歸時流落還相見悲歡話所思猜嫌
一作傷意茂愁暮向江離柳色迎高塢荷衣照下帷

水雲初起重暮鳥遠來遲白首一作看長劍滄洲一作
心寄釣絲沙鷗驚小吏湖月上高枝稚子能吳語新

文怨楚辭憐君不得意川谷自逶迤

一作客髮
老南枝

送男彥輔左貶

林氏韓氏

他日初投杼勤王在隱兵有辭期不罰積意許相仍
謫宦今何在銜冤猶未勝天涯分越微駭騎速毗陵
腸斷腹非苦書傳寫豈能淚添江水遠心劇海雲蒸
明月珠難識甘泉賦可稱但將忠報主何懼點青繩
貶岳州司馬巴陵寄朝中友人

賈至

江南春草初羃羃愁殺江南獨愁客秦中楊柳也應
新轉憶秦中相憶人萬里鶯花不相見登高一望淚
沾巾

唐詩類苑 卷之三百十九

三

送田少府貶蒼梧

高適

沈吟對遷客惆悵西南天昔爲一官未得意今向萬
里令人憐念茲斗酒成睽間停舟嘆君日將宴遠樹
應連北地春行人却美南歸鴈丈夫窮達未可知看
君不合長數奇江山到處堪乘興楊柳青青那足悲
送南給事貶崖州

賈至

疇昔丹墀與鳳池卽今相見兩相悲朱崖雲夢三千
里欲別俱爲慟哭時

岳陽樓重宴別王入員外貶岳陽

賈至

江路東連千里潮青雲北望紫微遙莫道巴陵湖
關長沙南畔更蕭條

初貶官過望秦嶺

白居易

草草辭家憂後事遲遲去國問前途望秦嶺上迴頭
立無限秋風吹白鬚

送烏城王明府貶巴江

包何

一片孤帆無四隣北風吹過五湖濱相看盡是江南
客獨有君爲嶺外人

重送裴郎中貶吉州

劉長卿

唐詩類苑

卷之三百十九

南

猿啼客散暮江頭人自傷心水自流同作逐臣君更
遠青山萬里一孤舟

送楊少府貶郴州

王維

明到衡山與洞庭若爲秋月聽猿聲愁看北渚三湘
遠惡說南風五兩輕青草瘴時過夏口白頭浪裏出
湓城長沙不久留才子賈誼何須弔屈平

送李少府貶峽中王少府貶長沙

高適

嗟君此別意何如駐馬銜盃問謫居巫峽啼猿數行
淚衡陽歸鴈幾封書青楓江上秋天遠白帝城邊古

不疎聖代即今多雨露暫時分手莫躊躇

送鄭十八虔貶台州司戶參軍傷其臨老

賊之故闕爲面別情見於詩

杜甫

鄭公樗散癯如絲酒後常稱老畫師萬里傷心嚴譴
日百年垂死中興時愴惶已就長途往邂逅無端出
餞遲便與先生應永訣九重泉路盡交期

送李九貶南陽

錢起

玉柱金疊醉不歡雲山驛道向東看鴻聲斷續暮天
遠柳影蕭疎秋日寒霜降幽林靄蕙若弦驚翰苑失

唐詩類苑

卷之百十九

五

鴛鴦秋來回首君門阻馬上應歌行路難

貶江陵途中寄樂天杓直以員外郎判鹽鐵

樂天以拾遺在翰林

元稹

想到江陵無一事酒杯書卷綴新文紫芽嫩茗和枝
採朱橘香苞數瓣分暇日上山狂逐鹿凌晨過寺飽
看雲笥繙草詔終須解不敢將心遠羨君

送人貶信州判官

白居易

地僻山深古上饒土風貧薄道程遙不唯遷客須恓
屑見說居人也寂寥浮萍毒沙藏水弩城頭枯樹下
山魃若於此郡爲卑吏則更前又折腰

酬皇甫十六侍御見寄此公時貶舒州司

馬

李嘉祐

自顧衰容累玉除忽承優詔赴銅魚江頭鳥避青旄
鄆城裏人迎露網車長沙地近悲才子古郡山多憶
舊廬更枉新詩思何苦離騷愁處亦無如

嶽祠送薛近貶官

耿漳

枯松老栢仙山下白帝祠堂枕古逵遷客無辜祝史
告神明有喜女巫知遙思桂浦人空去遠過衡陽鴈
不隨度嶺梅花翻向北回看不見樹南枝

去歲自刑部侍郎以罪貶潮州刺史乘驛赴

唐詩類苑

卷之百十九

六

任其後家亦譴逐小女道死殯之層峯驛
旁山下蒙恩還朝過其墓留題驛梁

韓愈

數條藤束木皮棺草殯荒山白骨寒驚恐入心身已
病扶昇沿路衆知難繞墳不暇號三匝誤祭唯聞飯
一盤致汝無辜由我罪百年慙痛淚闌干

送林宗配雷州

郎士元

昨日三峯尉今朝萬里人平生任孤直豈是不防身
海霧多爲瘴山雷乍作隣遙憐北戶月與子獨相親
送韋侍御量移金州司馬 白居易

春歡雨露同霑澤冬歎風霜獨滿衣留滯多詩如我
少遷移好處似君稀卧龍雲到須先起蟄燕雷驚尚
未飛莫恨東西溝水別滄溟長短擬同歸

量移袁州張韶州端公以詩相賀因酬之

韓愈

明時遠逐事何如遇赦移官罪未除北望詎令隨塞
鴈南遷纔免堊江魚將經貴郡煩留客先惠高文謝
起予暫欲繫船韶石下上賓虞舜整冠裾

赦到不得歸題江上石 沈佺期

客住東京裏身投南海西風烟萬里隔朝夕幾行啼

唐詩類苑

卷之三十九

七

聖主謳歌洽賢臣法令齊忽聞銅柱使走馬報金鷄
棄市沾皇渥投荒漏紫泥魂疲山鶴路心醉站鳶溪
天鑒誅元惡宸慈恤遠黎五方思寄亦萬姓喜燃臍
自幼輪丹懇何嘗玷白圭承言竄遐魅雪枉間深狴
墳隴無由謁京華豈重躋炎方誰謂廣地盡覺天低
百卉雜殊怪見蟲理賴睽閑藏元不蟄搖落反生莠
瘡瘡因茲苦窮愁益復迷火雲蒸毒霧陽雨濯陰霓
周乘安交趾王恭輯畫題少寬窮涸耐猶愍觸藩羝
配宅隣州解班苗接野畦山空聞關象江靜見遊犀
翰墨思諸李裁縫憶老妻小兒應離婦幼女未攀笄

夢蝶翻無定著龜詎有期誰能竟此曲曲盡氣酸嘶

放後遇恩不霑

李白

天作雲與雷需然德澤開東風日本至白雉越裳來
獨棄長沙國三年未許回何時入宣室更問洛陽才

未嘉作

張子容

拙宦從江左投荒更海邊山將孤嶼近水共惡溪連
地隔梅多雨潭蒸竹起烟未應悲晚髮炎瘴苦華年

初到汀州

僧靈澈

初放到滄州前心詎解愁舊交容不拜臨老學梳頭
禪室白雲去故山明月秋幾年猶在此北戶水南流

唐詩類苑

卷之三十九

六

送任五之桂林

王昌齡

楚客醉孤舟越水將引棹山爲兩鄉別月帶千里貌
羈譴同縉綸僻幽聞虎豹桂林寒色在苦節知所效

嶺南送使二首

張說

獄中生白髮嶺外罷紅顏古來相送處凡得幾人還

二

萬里投荒裔來時不見親一朝成白首看取報家人

嶺南送使

張說

秋鴈逢春返流人何日歸將子去國淚灑子入鄉衣
饑犬啼相聚愁猿啼更飛南中不可問書此是京畿

送王昌齡之嶺南

孟浩然

洞庭去遠近楓葉早驚秋
峴首羊公愛長沙賈誼愁
土風無綉紵鄉味有蒼頭
已抱沈疴疾更貽臆瘵憂
數年同筆硯茲夕聞衾裯
意氣今何在相思望斗牛

南中送北使二首

張說

傳聞合浦葉曾向洛陽飛
何日南風至還隨北使歸
紅顏渡嶺歎白首對秋衰
高歌何由見層堂不可違
誰憐炎海曲淚盡復霑衣

待罪居重譯窮愁暮雨秋山
臨鬼門路城繞瘴江流
人事今如此生涯自可求
逢君入鄉縣傳我念京周

唐詩類苑

卷之百十九

十九

別恨歸途遠離言暮景遒
夷歌翻淚下蘆酒未消愁
聞有胡兵急深懷漢國羞
和親先是詐款塞果爲讐
釋繫應分爵蠲徒幾復侯
廉頗誠未老孫叔且無謀
若道馮唐事皇恩尚可收

送辰州鄭使君

戎昱

誰人不譴謫君去獨堪傷
長子家無弟慈親老在堂
驚魂隨驛吏冒暑向炎方
未到猿啼處參差已斷腸

送崔參軍往龍溪

王昌齡

龍溪只在龍標上
秋片孤山雨後空
誰道龍溪別
心是丈夫鴻恩共待春江漲

送吳十九往沅陵

王昌齡

沅江流水到辰陽
溪口逢君驛路長
遠謫誰知望雷雨
明年春水共還鄉

贈房侍御

陶翰

志人固不羈與道常周旋
進則天下仰已之能晏然
褐衣東府召執簡南臺先
雄義每特立犯顏豈圖全
謫居東南遠逸氣吟芳荃
適會寥廓趣清波更賓綠
扁舟入五湖發纜洞庭前
浩蕩臨海曲迢遞濟江壖
微竒忽忘返遇興將彌年
乃悟范生智足明漁父賢
郡臨新安渚佳氣此城偏
日夕對層岫雲霞映晴川

唐詩類苑

卷之百十九

十九

閑居戀秋色偃卧含貞堅
倚伏自相化行藏亦推遷
君其振羽翮歲晏將冲天

贈高六戩

張說

北極辭明代南溟宅放臣丹
誠由義盡白髮帶愁新
鳥墜炎洲氣花飛洛水春
平生歌舞席誰憶不歸人

留贈張御史張判官

張說

旅實南方遠傳聞北使來
舊庭知玉樹合浦識珠胎
白髮因愁改丹誠託夢迴
皇恩若再造爲憶不然灰
從驩州廨移住山間水亭
贈蘇使君

沈佺期

遇坎即乘流西南到火洲鬼門應苦夜瘴浦不宜秋
歲貸胸穿老朝飛鼻飲頭死生離骨肉榮辱間朋遊
棄置一身在平生萬事休鷹鷂遭誤逐豹虎怯真投
憶昨京華子傷今邊地囚願陪鸚鵡樂希並鷓鴣留
日月渝鄉思烟花換客愁幸逢蘇伯玉回借水亭幽
山栢張青蓋紅蕉卷綠油乘閑無火宅因放有漁舟
邊越心當是居夷迹可求古來堯舜何必罪驩兜

巴陵贈賈舍人

李白

賈生西望憶京華湘浦南遷莫怨嗟聖主恩深漢文
帝憐君不遣到長沙

唐詩類苑

卷之百十九

主

贈李司議

張籍

漢庭誰問投荒客十載天南着白衣秋草茫茫惡溪
路嶺頭遙送北人歸

答魑魅代書寄家人

沈佺期

魑魅來相問君何失帝鄉龍鐘辭北闕踰蹬守南荒
覽鏡憐雙鬢沾衣惜萬行抱愁那去國將老便垂裳
影答余他歲恩思宦洛陽三春給事省五載尚書郎
黃閣遊鸞署青緜御史香扈巡行太液陪宴坐明光
渭北昇高苑河南板襖場烟花恒獻賦泉石每稱觴
暇日從休渝高車映道旁迎賓就逐選士龍昭王

侍寵言猶得承歡謂不忘一朝貽厚譴五宅竟同之
兇豎曾驅策權豪豈易當款顏因侍從接武在文章
且懼威非贊寧知心是狼身猶納屢誤情爲覆盆傷
可難綠成業非關行昧藏喜逢今改旦正朔復歸唐
河讖隨龍馬天書逐鳳凰朝容欣舊則宸化美初綱
告善雕旌建收冤錦旆張宰臣更獻納守郡各明揚
禮樂移三統舟車會八方雲沙降白遂秦隴獻燒當
三赦重天造千推極國祥大招思復楚役俾限惟桑
漲海緣真臘崇山壓古棠雕題飛棟宇儋耳間衣裳
伏枕神餘劣加餐力未強空庭遊翡翠窮巷倚桃榔

唐詩類苑

卷之百十九

主

綠體分殊昔回眸宛異常吉凶恒委鄭年壽會詢唐
家本傳清白官移重掛牀上京無薄產故里絕窮莊
碧玉先時費菴頭此自將興言歎家口何處待贏糧
計吏從都出傳文大小康降除沾二弟離折已三房
劍外懸銷骨荆南預斷腸音塵黃耳間夢想白眉良
復此單棲鶴銜雛願遠翔何堪萬里外雲海已冥茫
戚屬甘胡越聲名任批糠由來休憤命也信蒼蒼
獨坐尋周易清晨詠老莊此中因誤道無問入猖狂

寄陶副使

王昌齡

聞道將軍破海門如何遠謫渡湘沅春來明主封西

歡自有還君紫綬恩

寄瓊州楊舍人

皮日休

德星芒彩瘴天涯酒樹堪消滴宦嗟行過竹王因設
莫居逢木客又遷家清齋淨漉批柳麵遠信閑封葢
蔻花清切會須歸有日莫貪勾漏足丹砂

奉和寄瓊州楊舍人

陸龜蒙

明時非罪謫何偏鵬鳥巢南更數千酒滿柳杯消毒
霧風隨蕉扇下龍船人多藥戶行狂蠱更有珠官出
俸錢祇以直誠天自信不勞詩句詠食泉

南中別蔣五向青州

張說

唐詩類苑

卷之百十九

三

老親依北海賤子棄南荒有淚皆成血無聲不斷腸
此中途故友彼地送還鄉願為楓林葉隨君渡洛陽

南中別陳七李十

張說

二年共遊處一旦各西東請君聊駐馬看我轉征蓬
盡鷁愁南海離駒思北風何時似春鴈雙入上林中

南中別王陵成崇

張說

握手與君別岐路贈一言曹卿禮公子楚媼饋王孫
倏爾生六翮翻飛戾九門常懷客鳥意會答主人恩

端州別高六戩

張說

異壤同羈竄途中喜共過愁來時舉酒勞罷或長歌

南海風潮壯西江瘴癘多於焉復分手此別傷如何

石門別楊六卿望

張說

燕人同竄越萬里自相哀影響無期會江山此地來
暮年傷汎梗累日慰寒灰潮水東南落浮雲西北迴
俱看石門遠倚棹兩悲哉

惻惻吟

白居易

惻惻復惻惻逐臣返鄉國前事難重論少年不再得
泥塗絳老頭斑白炎瘴靈均面黎黑六年不死却歸
來道著姓名人不識

繼三使君詩

劉太真

唐詩類苑

卷之百十九

五

顧十二左遷過韋蘇州房杭州韋睦州三使君皆
有郡中燕集詩因亦成篇

寵至乃不驚罪得非無由奔迸歷畏途緬邈赴偏陬
牧此彫弊曠屬當賦歛秋風興諒無補旬暇焉敢休
前日懷友生獨登城上樓迢迢西北望遠思不可收

今日車騎來曠然銷人憂晨迎東齋飯晚度南溪遊
以我碧流水泊君青翰舟莫將遷客程不為勝景留
飛札謝三守斯篇希見酬

聞樂天授江州司馬

元稹

殘燈無焰影幢幢此夕聞君謫九江垂死傷正傷

望暗風吹雨入寒牕

李德裕

肉視具齊忘七箸氣吞同列削寒溫當時誰是承恩者肯有餘波達鬼村

畫閣不開梁燕去朱門罷掃乳烏歸千巖萬壑應惆悵流水斜傾出武闌

俱來海上嘆烟波君佩銀魚我觸羅經國才微甘放蕩專城年少豈蹉跎應憐旅夢千重思共愴離心一曲歌唯有管絃知客意分明吹出感恩多

唐詩類苑

卷之百十九

五

流徙

流夜郎至西塞驛寄裴隱 李白

揚帆借天風水驛苦不緩平明及西塞已先投沙伴迴巒引羣峯橫感楚山斷砭衝萬壑會震杳百川滿龍怪潛溟波候時救炎早我行望雷雨安得霑枯散鳥去天路長人悲春光短空將澤畔吟寄爾江南管

竄夜郎於烏江留別宗十六瓌

李白

君家全盛日台鼎何陸離斬鼉翼矯皇鍊石補天維一迴日月顧三入鳳凰池失勢青門傍種瓜復幾時

猶會舊賓客三千光路岐皇恩雪憤懣松栢含榮滋我非東牀人令姊忝齊眉浪跡未出世空名動京師適遭雲羅解翻謫夜郎悲拙妻莫邪劍及比二龍隨慙君湍波苦千里遠從之白帝曉猿斷黃牛過客遲遙瞻明月峽西去益相思

流夜郎永華寺寄潯陽郡官

李白

朝別凌烟樓賢豪滿行舟暝投永華寺賓散予獨醉願結九江流添成萬行淚寫意寄盧嶽何當來此地天命有所懸安得苦愁思

唐詩類苑

卷之百十九

五

流夜郎聞酺不預

李白

見禮部酺宴

流崖州至鬼門關作

楊炎

一去一萬里千知千不還崖州何處在生度鬼門關

江上別流人

孟浩然

以我越鄉客逢君謫居者分飛黃鶴樓流巖蒼梧野驛使乘雲去征帆汭溜下不知從此去還袂何時把

送流人

司空曙

聞說南中事悲君重寓身山村楓子鬼江廟石郎神童稚留荒宅圖書託故人書門好風景爲爾一沾巾

送流人

張籍

獨向長城北黃雲暗塞天流名屬邊將舊業作公田
擁雪添軍壘收水當井泉知君住應老須記別鄉年

寄流人

項斯

毒草不曾枯長添客健無霧開蠻市合船散海城孤
象跡頻藏齒龍涎遠蔽珠家人秦地老泣對日南圖

哭南流人

賈斯

遙見南來使江頭哭問君臨終時有雪旅葬處無雲
官庫空收劍蠻僧共起墳知名人尚少誰爲錄遺文

流合浦嶺外

張均

唐詩類苑

卷之百十九

主一

瘴江西去火爲山炎微南窮鬼作關從此更投人境
外生涯應在有無間

武關西逢配流吐蕃

韓愈

嗟爾戎人莫慘然湖南地近保生全我今罪重無歸
望直去長安路八千

送侯中丞流康州

劉長卿

長江極目帶楓林及馬孤雲不可尋播共知臣道
枉猜讒却爲主恩深轅門畫角三軍思驛路青山萬
里心北闕九重誰許屈獨看湘水淚沾襟

棄官

送綦毋校書棄官還江東 王維

明時久不達棄置與君同天命無怨色人生有素風
念君拂衣去四海將安窮秋天萬里淨日暮澄江空
清夜何悠悠扣舷明月中和光魚鳥際澹爾兼葭叢
無庸客昭世衰鬢白如蓬頑疎暗人事僻陋遠天聰
微物縱可採其誰爲至公余亦從此去歸耕爲老農

許七侍御棄官東歸瀟灑江南頗聞自適高

松企望題詩寄贈十韻 杜牧

天子繡衣吏東吳美退居有園同庾信避事學相如
蘭晚晴香嫩筠溪翠影疎江山九秋後風月六朝餘

唐詩類苑

卷之百十九

主一

錦筍開詩軸青囊結道書霜嚴紅薜荔露沼白芙蕖
睡雨高梧密基燈小閣虛凍醪元亮林寒鱸李膺魚
塵意迷今古雲情識卷舒他年雪中棹陽美訪吾廬
於義興縣近有水湖

李給事二首

杜牧

一韋絨拜皂囊中慄慄朝廷有古風元禮去歸綏氏
李膺退罷歸鄉里教授生徒江克來見大臺宮
給事論知注生滿朝陽對紛紛紅白畫驚千古鐵鑽朱殷幾一空曲突徙薪
人不曾海邊今作釣魚翁

晚髮悶還梳憶春秋醉餘可憐到校尉曾訟石中書

給事因忤倭軍密棄官東歸消長雖殊事仁賢每見如因看魯褒
論何處是吾廬

送友人棄官遊江左 賈島

美君休作尉萬事具全身寰海多虞日江湖獨往人
姓名何處變鷗鳥幾時親別後吳中使應須訪子真

李生棄官入道因寄 許渾

西一作巖一徑通路一作千巖知學一作採芝翁寒暑

丹心外光陰白髮中水深魚避釣雲迴鶴辭籠坐想

還家日人非井邑空

送陸渾郎中棄官東歸 杜牧

唐詩類苑 卷之百十九 无
少微星動照春雲魏闕衡門路自分倏去忽來應有

問世間塵土謾疑君

不調歸東川別業 李頎

不祿言可取託身將見遺慙無匹夫志悔與名山辭

綬冕謝知己林園多後時葛巾方濯足蔬食但垂帷

十室對河岸漁樵抵在茲青郊香杜若白水映茅茨

畫景徹雲樹夕陰澄古遠清花獨開晚田鶴靜飛天

且復樂生事前賢爲我歸聞歌聊鼓枻永日望佳期

酬陶六辭秋歸舊居見東 錢起

靖節昔高尚令孫嗣清微一作雲華下獻歲車騎歸

去俗因解綬憶山得採薇田疇春事起里巷相尋尋
淵明醉乘興閑門祇掩扉花禽驚曙月隣女上鳴機
畢娶願已果養恬志寧違吾當掛朝服同爾緝荷衣

謝樂陽令歸西郊贈別諸友生 韋應物

結髮仕一作州縣蹉跎在文墨徒有排雲心何由生

羽翼幸遭明盛日萬物蒙生植獨生抱微病頽然謝

斯職大歷十四年六月二十三日自雲陽縣除樂陽令以疾辭歸善福精舍七月二十日賦此詩

世道方荏苒郊園思偃息爲歡日已延君子情未極

馳騁一作忽云晏高論良難測遊步清都宮迎風嘉

唐詩類苑 卷之百十九 无

樹側晨起西郊道原野分黍稷自樂陶康人服勤在

微力佇君列丹陛出處兩爲得

歸田 元稹

陶君三十七挂綬出都門我亦今年去商山浙岸村

冬修方丈室春種桔槔園千萬人間事從茲不復言

送孔巢父謝病歸遊江東兼呈李白 杜甫

巢父掉頭不肯住東將入海隨烟霧詩卷長留天地

閒釣竿欲拂珊瑚樹深山大澤龍蛇遠春寒野陰風

景暮蓬萊織女回雲車指縣虛無引歸路自是看身

有仙骨世人那得知其故惜君只欲苦死留富貴何
如草頭露蔡侯靜者意有餘清夜置酒臨前除罷琴
惆悵月照席幾歲寄我空中書南尋禹穴見李白道
甫問訊今何如

辭官歸隱留詩一絕

王易簡

汨沒朝班愧不才誰能低折向塵埃青山得意且歸
去官職有來還自來

送崔諭德致仕東歸

權德輿

天子坐法宮詔書下江東懿此嘉邇士蒲車起丘中
褐衣入承明朴畧多古風直道侍太子昌言沃宸聰

唐詩類苑

卷之百二十九

三

巖居四十年心與鷗鳥同一朝受恩澤自說如池龍
乞骸歸故山累疏明深衷大君不奪志命錫忽已崇
旭旦出東門輕裝若秋蓬家依白雲嶠手植丹桂叢
竹齋引寒泉霞月相玲瓏曠然解赤轍去逐冥冥鴻

贈送致仕郎中

李建勳

鶴立瘦稜稜髭長白似銀衣冠皆古製氣貌異常人
聽雪添詩思看山滯酒巡西峯重歸路唯許野僧親

送滕庶子致仕歸江南

朱慶餘

常懷獨往意此日去朝簪丹詔榮歸騎清風滿故林
諸侯新起敬遺老重相尋在處饒山水堪行慰所心

孔尚書致仕

朱慶餘

高人心易足三表乞身閑與世長疎索唯僧得往還
直聲留闕下生事在林間時復逢清景乘車看遠山

送李庶子致仕還洛

楊炯

此地傾城日由來供帳華亭逢李廣騎門接邵平瓜
原野烟氛匝關河遊望賒白雲斷巖岫綠草覆江沙
詔賜扶楊宅人榮御史車瀟池一相送流涕向烟霞
贈致仕滕庶子先輩
時及第人
中最長

劉禹錫

朝服歸來畫錦榮登科記上更無名壽觴每使曾孫
獻勝境長攜衆妓行鏤鑠據鞍時騁健殷勤把酒尚

唐詩類苑

卷之百二十九

三

多情凌寒却向山陰去衣繡郎君雪裏行
和楊郎中賀楊僕射致仕後楊侍郎門生合

宴席上作

白居易

業重關西繼大名恩深闕下遂高情祥鱸降伴趣庭
鯉賀燕飛和出谷鶯范蠡舟中無子弟疎家席上欠
門生可憐玉樹連桃李從古無如此會榮

初致仕後戲酬留守牛相公

白居易

南北東西無所羈掛冠自在勝分司探花嘗酒多先

到拜表行香盡不知炮筭烹魚飽飯後擁袍枕臂醉
眠時報君一語君應笑兼亦無心美保釐

刑部尚書致仁

白居易

十五年來洛下居建紼俗累兩何如迷路心迴因向
佛官途事了是懸車全家遁世曾無悶半俸資身亦
有餘唯是名銜人不曾毗耶長者白尚書

和致仕沈郎中

李建勳

欲謀休退尚因循且向東溪種白蘋謬應星辰居四
輔終期冠褐作閑人城中隔日趨朝懶楚外千峯入
夢頻殘照晚庭沈醉醒靜吟斜倚老松身

唐詩類苑

卷之三百十九

五

賀少師相公致政

并序

許渾

少師相公未及懸車之年乞罷將相徵於近代更
無比肩余受恩門館竊朽長句寄獻

六十懸車自古稀我公年少獨忘機門臨二室留侯
隱棹倚三川越相歸不擬優游同陸賈已回清白遣
胡威龍城鳳沼棠陰在只恐歸鴻更北飛

和人賀楊僕射致政

并序

許渾

祠部楊員外以僕射楊公拜官致仕舊府賓僚及
門生合燕申賀飲後書事因和呈

蓮府

一作龍關

公卿拜後塵手持優詔挂朱輪從軍幕下

三千客聞禮庭中七十人飾帳麗詞推北巷盡堂清
樂掩南隣豈同王謝山陰會空叙流盃醉暮春

雪暮偶與夢得同致仕裴賓客王尚書飲

白居易

黃昏慘慘雪霏霏白首相歡醉不歸四箇老人三百
歲人間此會亦相稀

初去郡齋書情

薛據

肅徒辭汝穎懷古獨淒然尚想文王化猶思巢父賢
時移多讒巧大道竟誰傳况見疾風起悠悠旌旆懸
征鴻無返翼歸流不停川已經霜雪下仍驗柏松堅

唐詩類苑

卷之三百十九

五

回首望城邑迢迢間雲烟志士不傷物小人皆自妍
感時唯責已在道非怨天從此適樂土東歸得幾年

送賈閣老出汝州

杜甫

西掖梧桐樹空留一院陰艱難歸故里去住損春心
宮殿青門隔雲山紫邏深人生五馬貴莫受二毛侵
病免後喜徐賓客

白居易

卧在漳濱滿十旬起為商皓伴三人從今且莫嫌身
病不病何由索得身

送吉州閩使君入道二首

戎昱

聞道桃源去塵心忽自悲余當從宦日君是棄官時

金封仙骨靈津嘯玉池受傳三籙備起座五雲降
洞裏花常發人間鬢易衰他年會相訪莫作爛柯基

二

廬陵太守迎臈官霞輦初朝五帝壇風過鬼神延受
籙夜深龍虎衛燒丹光容入鏡纖埃靜玉液添餅漱
齒寒莫遣桃花迷客路千山萬水訪君難

第五將軍於餘杭天柱宮入道因寄

羅隱

交梨火棗味何如聞說蒼州已下車瓦榼尚攜京口
酒草堂應寫潁陽書亦知得意須乘鶴未必忘機更

唐詩類苑

卷之百十九

五

釣魚却恐武皇還望祝軟輪徵入問玄虛

崔司錄宅宴大理李卿

高適

多雨殊未已秋雲更沈沈洛陽故人初解印山東小
吏來相尋上卿才大名不朽早朝至尊暮求友諮達
常推海內賢殷勤但酌樽中酒飲醉欲言歸剡谿門
前駟馬光照衣路傍觀者徒啣啣我公不以爲是非

題王少府堯山隱處簡陸鄱陽

劉長卿

故人滄洲吏深與世情薄解印二十年委身在丘壑
買田楚山下妻子自耕鑿羣動心有營孤雲本無著

因收谿上釣遂接林中酌對酒春日長山村杏花落
陸生鄱陽令獨步建溪作早晚休此官隨君求棲託

高僕射

白居易

富貴人所愛聖人去其泰所以致仕年著在禮經內
玄元亦有訓知止則不殆二疎獨能行遺跡東門外
清風久銷歇追此向十載斯人古亦稀何況今之世
遑遑名利客白首千百輩唯有高僕射七十懸車蓋
我年雖未老歲月亦云邁預恐嗜及時貪榮不能退
中心私自傲何以爲我戒故作僕射詩書之於大帶
昔與微之在朝日同蓄休退之心迨今十年

唐詩類苑

卷之百十九

五

淪落老大追尋前約且結後期

白居易

往子爲御史伊余忝拾遺皆逢盛明代俱登清近司
予繫玉爲珮子曳繡爲衣從容香烟下同侍白玉墀
朝見寵者辱暮見安者危紛紛無退者相顧令人悲
宦情君早厭世事我深知常於榮顯日已約林泉期
況今各流落身病齒髮衰不作卧雲計攜手欲何之
待君女嫁後及我官滿時稍無骨肉累粗有漁樵資
歲晚青山路白首期同歸

奉陪鄭中丞自宣州解印與諸姪宴餘干後

谿

劉長卿

跡遠

一作心遠

親魚鳥功成厭鼓鼙林中阮生集

一作阮家

池上謝公題戶牖垂藤合藩籬插槿齊

一作阮氏集

一本無此二句一作門徑蒼苔合窺陰

夕陽山向背

春

一作草水東西度雨

諸峯出看花幾路迷

一作高

何勞問秦漢更入武陵谿

後四句一本作舊架懸藤老疎籬排檻齊風塵

不可到誰美武

罷官

同孫構免官後登薊樓

張謂

昔在五陵時年少心亦壯常矜有奇骨必是封侯相

唐詩類苑

卷之百十九

三

東走到營州投身事邊將一朝去鄉國千載履亭障

部曲皆武夫功成不相讓猶希虜塵動更取林胡帳

去年大將軍忽負樂生謗北別傷士卒南遷死炎瘴

漢落悲無成行登薊丘上長安三千里日夕西南望

寒沙榆塞浸秋水灤河漲策馬從此辭雲山保閑放

送宇文南金放後歸太原寓居因呈太原郝

主簿

岑參

歸去不得意北京關路賒却投晉山老愁見汾陰花

翻作灞陵客憐君丞相家夜眠旅舍雨曉醉春城鴉

送君繫馬青門口胡姬爐頭勸君酒爲問太原賢主

人春來更有新詩否

李博士弟以余罷官居同德精舍共有伊陸

名山之期久而未去枉詩見問中云宋生

昔登覽未云那能領達直寄鄙懷聊以

爲答

韋應物

初夏息綠雙林對禪客枉茲芳蘭藻促我幽人策

冥搜企前哲逸句陳往迹髣髴陸渾南迢遞千峯碧

從來遲高駕自顧無物役山水心所娛如何更朝夕

晨興涉清洛訪子高陽宅莫言往來疎驚馬知肝陌

送湘陽熊判官孺登府罷歸鍾陵因寄呈江

唐詩類苑

卷之百十九

三

西裴中丞二十三兄

劉禹錫

射策志未就從事歲云除篋留馬卿賦袖有劉弘書

忽見夏木深悵然憶吾廬復持州民刺歸謁專城居

君家誠易知勝絕傾里閭人言北郭生門有卿相與

鍾陵謁千里帶郭西江水朱檻照河宮旗亭綠雲裏

前來初缺守慎簡由宸扆臨軒弄郡章得人方付此

是時左馮翊天下第一理貴臣持牙璋優詔發青紙

迎風茲吏免先令疲人喜何武効腐儒陳蕃禮高士

昔升君子堂腰下綬猶黃

董多以鉞束簡下曲臺飄轡來歷陽綺筵陪一笑蘭

室襲餘芳風水忽異勢江湖遽相忘因君倘借問爲話老滄浪

罷秩後入華山採茯苓逢道者

李益

委綬來名山觀奇恣所停山中若有聞言此不死庭遂逢五老人一謂西嶽靈或聞樵人語飛去入鼎星授我出雲路蒼然凌石屏視之有文字乃古黃庭經左右長松列動搖風露零上蟠千年枝陰虬負青冥下結九秋霞流膏爲茯苓取之砂石間異若龜鶴形况聞秦宮女華髮變已青有如上帝心與我千萬齡

唐詩類苑

卷之百十九

五

送顏少府投鄭州

岑參

一尉便垂白數年惟草玄出關策匹馬逆旅聞秋蟬愛客多酒債罷官無俸錢知君羈思少所適主人賢

罷郡歸洛陽閑居

劉禹錫

下年江海守旦夕有歸心及此西還日空城東武吟花前數杯酒月下一張琴聞說功名事依前惜寸陰

送張判官罷使東歸

劉長卿

白首辭知己滄洲憶舊居落潮迴野艇積雪卧官廬范叔寒猶在周王歲欲除春山數畝地歸去帶經鋤

送李城門罷官歸嵩陽

權德輿

與君相識處吏隱在墻東啓閉千門靜逢迎兩掖通罷官多暇日肄業有儒風歸去塵寰外春山蘭桂蓂

罷相作

李適之

避賢初罷相樂聖且銜杯爲問門前客今朝幾箇來

送李明府去官

錢起

謗言三至後直道歎何如今日藍溪水無人助一作

夜魚

唐詩類苑

卷之百十九

早

翰林中送獨孤二十七起居罷職出院

白居易

碧落留雲住青冥放鶴還銀臺向南路從此到人間

罷官後酬元校書見贈

錢起

心期悵已阻交道復何如自我辭丹闕惟君到故廬忘機貧負米憶戴出無車一本作未忘金馬隣犬吠

初服家人愁丰儲秋堂入閑夜雲月思離居窮巷聞

砧冷荒枝應鵲疎宦名隨落葉生事感枯魚流水仍揮手知音未棄余

罷攝官後將還舊居留李侍御

誠滿澄欹器成功別大鑪餘芳在公論積慶是神枋
步武離台席徊翔集帝梧銓材秉秦鏡典樂去齊竿
瀟灑風塵外逢迎詩酒徒唯應待華誥更入萬錢厨

喜罷郡

白居易

五年兩郡亦堪嗟偷出遊山走看花自此光陰爲已
有從前日月屬官家樽前免被催迎使枕上休聞報
坐衙睡到午時歡到夜迴看官職是泥沙

初罷中書舍人

白居易

自慙拙宦叨清貴還有疑心怕素餐或望君臣相獻
替可圖妻子免饑寒性疎豈合承恩久命薄元知濟
唐詩類苑 卷之百十九 呈

送孫德諭罷官往黔州

苗發

中歲分符典石城兩朝趨陸謁承明闕下昨陳歸老
疏天南今切去鄉情親知握手三秋別几杖扶身萬
里行伯道暮年無嗣子欲將家事託門生

和楊尚書罷相後夏日遊永安亭兼招本

曹楊侍郎同行

白居易

道行無喜退無憂舒卷無雲得自由良治動時爲哲
匠巨川濟了作虛舟竹亭陰合偏宜夏木檻風涼不
待秋遙愛翻翻雙紫鳳入同宮署出同遊

罷業原尉上座主尚書 劉滄

自憐生計事悠悠浩渺滄浪一釣舟千里夢歸清洛
近三年官罷杜陵秋山連絕塞渾無色水到平沙幾
處流白露黃花歲時晚不堪雙鬢鏡前愁

與党評事 并序

元結

大理評事党曄奸閑自退元子愛之作詩贈焉
自顧無功勞一歲官再遷跼身班次中常竊愧耻焉
加以久荒浪悞愚性頗全未知在冠冕不合無拘牽
勤強所不及於人或未然豈忘惠君子恕之識見偏
且欲因我心順爲理化先彼云萬物情有願隨所便
唐詩類苑 卷之百十九 呈

獻從叔郎中

鄭谷

從叔郎中誠輟自秋曹分符安陸屬羣盜倡熾流
毒江壖竟以援兵不來城池失守例削今任却敘
省銜退居荆漢之間頗得琴樽之趣因有寄獻
華省稱前任何慙削一麾滄洲失孤壘白髮出重圍
苦節翻多難空山自喜歸悠悠清漢上漁者日相依

贈漢陽輔錄事

李白

聞君罷官意我抱漢川湄借問久疎索何如聽訟時
天清江月白心靜海鷗知應念授沙客三餘思

贈漢陽輔錄事

李白

鸚鵡洲橫漢陽渡水引寒烟浸江樹南浦登樓不見
君君今罷官在何處漢口雙魚白錦鱗今傳尺素報
情人其中字數何多少祇是相思秋復春

送長安羅少府

朱餘慶

科名再得年猶少今日休官更覺賢去國已辭趨府
伴向家還入渡江船雪晴新鴈斜行出潮落殘雲遠
色鮮在處若逢山水住到時應不及秋前之府已去

唐詩類苑

卷一百二十九

四

唐詩類苑卷第一百三十

明雲間張之象玄超甫纂輯

雲間李中立士強甫編次

雲間王微叔朗甫補訂

梁谿曹仁孫伯安甫校正

人部

疾病

田假限疾不獲還莊載想田園兼思親友贈

杜幽素

李嶠

游宦勞牽網風塵久化衣迹馳東苑路望阻北巖扉

唐詩類苑

卷一百三十三

一

及此乘休告聊將狎通肥十旬俄委疾三徑且殊歸
茂陵宵難卽靈臺暫可依疲痾旅城寺延想屬郊畿
夕夢園林是晨瞻邑里非緣疇良已穢清濠曠不追
野花何處落山月幾秋暉彼美符商政優游絕漢機
高情物累遣逸氣煙霞飛樂道方無悶懷賢獨有違
樽虛舊園酒琴靜故人微夏沼蓮初發秋田麥稍稀
何當攜手去日暮採芳菲

移疾會詩客元生與釋子法朗因貽諸和曹

韋應物

對此嘉樹林獨有成成顏抱瘵知曠職淹旬非樂閑

釋子來問訊詩人亦扣關道同意一作暫遣客散
徐還園徑自幽靜玄蟬噪其間高牕瞰遠郊暮色起
秋山英曹幸休暇恨恨一作恨恨心所攀

魯望春日多尋野景日休抱疾杜門因有是

寄 皮日休

野侶相逢不待期半緣幽事半緣詩烏紗任岸穿筋
竹白裕從披越肉芝數卷蠹書棋處展幾升菰米釣
前炊病中不用君相憶折取山櫻寄一枝

奉和春日抱病杜門次韻 陸龜蒙

雖失春城醉上期下帷裁徧未裁詩因吟郢岸百畝

唐詩類苑 卷之三百二十 二

蕙欲採商崖三秀芝棲野鶴龍寬使織施山僧飯別
教炊但依沈約重腫健不怕江花不滿枝

秋園卧疾呈暉上人 陳子昂

幽疾曠日遙林園轉清密抱病澹無豫獨坐汎瑤瑟
懷挾萬古情憂虞百年疾綿綿多滯念忽忽每如失
緬想赤松遊高尋紫庭逸榮各始都喪幽入遂貞吉
圖書紛滿牀山水鵲盈室宿昔心所向平生自茲畢
願言誰見知梵筵有同術八月高秋晚涼風正蕭颯

卧疾家園 陳子昂

世上無名子人間歲月賒縱橫已棄寂寞道爲家

卧疾誰能問閑居空物華猶憶靈臺友棲真隱太霞
還丹奔日御却老餌雲芽寧知白社客不厭青門瓜

之 韋應物

軍良一作馬日蕭蕭胡不枉一作在我廬方來從令飲卧

病獨何如秋風起漢一作江 臯開戶望平蕪卽此快作

音素一作表焉知中密疎渴者不一作不寒者不求水

人生羈寓一作旅時去就當如此猶希心跡異一作利迹

眷眷存終始

郡齋卧疾絕句 韋應物

唐詩類苑 卷之三百二十 三

香爐宿火滅蘭燈宵影微秋齋獨卧病誰與覆寒衣

卧疾答劉道士 錢起

白露蠶已絲空林日淒清寥寥晝扉掩獨卧秋牕明

寶字比仙藥羽人寄紫荊長吟想風馭恍若升蓬瀛

秋晚卧疾寄司空拾遺曙盧少府綸

耿 漳

寒几坐空堂疎聾似積霜老醫迷舊疾朽藥誤新方
晚果紅低樹秋苔綠遍牆慙非蔣生徑不敢望求羊

卧疾走筆訓韓愈書問 賈 島

一卧三四旬數書惟獨君一作書至願爲出海月不

作歸山雲身上衣頻寄甌中物亦分欲知強健否
鶴未離群

訓秘書元丞郊園卧疾見寄

李端

聞說漳濱卧題詩怨歲華求醫主高手執疾到貧家
徹枕銷行蟻移杯失畫蛇門朝九衢上應見主人車

晚夏郡中卧疾

羊士諤

事外心如寄虛齋卧更幽微風生白羽畏日隔青油
用拙懷歸去沈疴畏借留東山自有計蓬萊莫先秋

賊中與蕭韋二秀才同卧重疾二君尋愈余

唐詩類苑

卷之三百三

四

獨加焉恍惚之中因有題

韋莊

與君同卧疾獨我漸彌留弟妹不知處兵戈殊未休
宵中疑晉豎耳下闔殷牛縱有秦醫在懷鄉亦淚流

卧疾來早晚

白居易

卧疾來早晚懸懸將十旬婢能尋本草犬不吠醫人
酒甕全生醖歌筵半委塵風光似好爭向枕前春

卧疾懷歸

孟浩然

異縣天隅僻孤帆海畔過往來鄉信斷留滯客情多
臘日聞雷震東風感歲和驚鳥啼穴巢鵲鳴庭柯

徒對芳樽酒其如伏枕何歸歟理舟楫江海正無波

嶺下卧疾寄劉長卿員外

包佶

唯有貧兼病能令親愛疎歲時供放逐身世付空虛
脛弱秋添絮頭風曉廢梳波瀾喧衆口藜藿靜吾廬

喪馬思開卦占鵲嬾發書十年江海隔離恨子知予

卧疾

白居易

閑官卧疾絕經過居處蕭條近洛河水北水南秋月
夜管絃聲少竹聲多

登山谷寺上方答皇甫侍御卧疾闕陪車騎

之後

獨孤及

唐詩類苑

卷之三百三

五

梵宮香閣攀霞上天柱孤峯指掌看漢主馬蹤成蔓
草寺中閣石上有窳穴古法王身相示空棺釋門第

大師遺塔如此劫天寶中別駕李雲扶踴塔
常開棺取全身參見後舍利重起塔供養

將新贈此琅玕

假中枉盧二十二書亦稱卧疾兼訝李二久

不訪問以詩答書因亦戲李二

韋應物

微官何事勞趨走服藥閑眠養不才花裏棋盤憎鳥
浮枕邊書卷訝風開故人問訊緣同病芳月相思阻

一杯應笑王戎成俗物遙持麈尾獨徘徊

卧疾感春寄魯望

皮日休

烏皮几上困騰騰玉柄清羸愧不能昨夜眠時稀似
鶴今朝餐數減於僧藥銷美祿應天折醫過芳辰定
鬼憎任是雨多遊未得也須收在探花朋

奉和卧病感春次韻

陸龜蒙

共尋花思極飛騰病帶春寒去未能煙徑水涯多好
鳥竹牀蒲倚但高僧須知日富爲神授祗有家貧免
盜憎除却數函圖籍外更將何事結良朋

溫泉莊卧病寄楊七炯

宋之問

唐詩類苑

卷之三百三

六一

多病卧茲嶺寥寥倦幽獨賴有嵩丘山高枕長在目
茲山棲靈異朝夜翳雲族是日濛雨晴返景入巖谷
羃羃澗畔草青青山下木此意方無窮環顧悵林麓
伊洛何悠漫川源信重複夏餘鳥獸蕃秋末禾黍熟
東顧守樊圃歸閑欣藝牧惜無載酒人徒把涼泉掬

胡居士卧病遺米因贈

王維

了觀四大因根性何所有妄計苟不生是身孰休咎
色聲何謂客陰界復誰守徒言蓮花目豈惡楊枝肘
既飽香積飯不醉聲聞酒有無斷常見生滅幻夢受
卧病即實相趨空定狂走無有一法真無有一法垢

居士素通達隨宜善抖擻牀上無氍毹卧鍋中有粥石
齋時不乞食定應空漱口聊持數斗米且救浮生取

晚春卧病寄張八

孟浩然

南陌春將晚北牕猶卧病園林久不遊草木一何盛
狹徑花障迷閑庭竹掃淨翠羽戲蘭若頰鱗動荷柄
念我平生好江鄉遠從政雲山阻夢思衾枕勞歌詠
歌詠復何爲同心恨別離世途皆自媚流俗寡相知
賈誼才空逸安仁鬢欲絲遙情每東注奔晷復西馳
常恐填溝壑無由振羽儀窮通若有命欲向論中摧
淮南卧病書懷寄蜀中趙徵君蕤

唐詩類苑

卷之三百三

七一

李白

吳會一浮雲飄如遠行客功業莫從就歲光屢奔迫
良圖俄棄捐衰疾乃縣劇古琴藏虛匣長劍挂空壁
楚冠懷鍾儀越吟比莊舄國門遙天外鄉路遠山隔
朝憶相如室夜夢子雲宅旅情初結緝秋氣方寂歷
風入松下清露出草間白故人不在此而我誰與適
寄書西飛鴻贈爾慰離折

家園卧病舊遊見尋

孟浩然

伏枕舊遊曠笙歌勞夢思平生重交結迨此令人疑
水室無暖氣火雲空赫曦隙駒不暫駐日聽涼蟬悲

壯圖哀未立斑白恨吾衰夫子自南楚緬懷嵩汝期

海上卧病寄王臨

錢起

離客窮海陰蕭辰歸思結一隨浮雲滯幾愁黃鵠別
妙年卽沈疴生事多所闕劍中負明義枕上惜玄髮
之子良史才華簪偶時哲相思千里道愁望飛鳥絕
歲暮冰雪寒淮湖不可越百年去心慮孤影守薄劣
獨餘慕侶情金石無休歇

村居卧病

白居易

戚戚抱羸病悠悠度朝暮夏木纔結陰秋蘭已含露
前日巢中卵化作雛飛去昨日穴中蟲蛻爲蟬上樹
四時未嘗歇一物不暫住唯有病客心沈然獨如故

酬張太祝晚秋卧病見寄

白居易

高才淹禮寺短羽翔禁林西街居處遠北闕官曹深
君病不來訪我忙難往尋差池終日別寥落經年心
露濕綠蕪地月寒紅樹陰況茲獨愁夕聞彼相思吟
上歎言笑阻下嗟時歲侵容衰曉牕鏡思苦秋結琴
一章錦繡段八韻瓊瑤音何以報珍重慙無雙南金
清明卧病不得遊開元寺

崔元翰

山色入層城鐘聲臨複岫乘間息邊事探異憐春候
曲閣下重堦迴廊遙對窗石開花遍落草上雲時覆

鑽火見樵人飲泉逢野獸道情親法侶時望登朝有
執憲糾奸邪刊書正訛謬茂才當時選公子生人秀
贈答繼篇章歡娛重用舊垂簾獨衰疾繫在酬金奏

卧病

孟郊

貧病誠可羞故牀無新裘一作貧病對客羞數整其衾春色燒肌
膚時餐苦咽喉倦寢意蒙昧強言聲幽柔承顏自俛
仰有淚不敢流默默寸心中朝愁續暮愁

覽襄子卧病一絕聊以題示

韋應物

念子抱沈疴霜露變淞城獨此高牕下自然無世情

唐詩類苑

卷二百三十一

九一

號州卧疾喜劉判官相過水亭

岑參

卧疾賞晏起朝來頭未梳見君勝服藥清話病能除
低柳供繫馬小池堪釣魚觀棋不覺暝月出水亭初
湖上卧病喜陸鴻漸至

李季蘭

昔去繁霜月今來苦霧時相逢仍卧病欲語淚先垂
強勸陶家酒還吟謝客詩偶然成一醉此外更何之

江閣卧病走筆寄呈崔盧兩侍御

杜甫

客子庖厨薄江樓枕席清羸年病祇瘦長夏想爲情

滑憶彫胡飯香聞錦帶羹瀟是兼暖腹誰欲致杯

再得畢侍御書聞巴中卧病

錢起

芳信來相續同心遠更親數重雲外樹不隔眼中人
夢寐花驄色相思黃鳥一作春更聞公幹病一夜二
毛新

卧病喜田九見寄

劉長卿

卧來能幾日春事已依然不解謝公意翻令靜者便
庭陰殘舊雪柳色帶新年寂寞深村裏唯君相訪偏

卧病寄閬宋

李端

唐詩類苑

卷之百三十一

十

病中貪好景強步出幽居紫葛垂山徑黃花繞野渠
荒林飛老鶴敗堰過遊魚縱憶同年友無人可寄書

卧病

戴叔倫

門掩青山卧莓苔積雨深病多知藥性客久見人心
眾鳥趨林健孤蟬抱葉吟滄洲詩社散無夢盍朋簪

卧病寄苗員外

李端

故人初未貴相見得淹留一自朝天因成日遊
月明應獨醉葉下肯同愁因恨劉楨園卧見秋

卧病寓居龍興觀枉馮十七著作書知罷攝
洛陽赴緱氏因題十四韻寄馮生并贈喬

尊師明子龍

盧綸

乞假依山宅蹉跎屬歲周弱夷輕採拾鈍質稱歸休
潘岳衰將至劉楨病未瘳步遲乘羽客起宴滯書郵
幸以編方驗終貽骨肉憂灼龜爐氣冷曝藥樹陰稠
語命心堪醉傷離夢亦愁輦羣居已絕鸞鶴見無由
世累如塵積年光劇水流躡雲知有路濟海豈無舟
倚玉翻成難投磚敢望訓卑樓君就祿羸憊我逢秋
腐葉填荒轍陰螢出古溝依然在遐想願子勵風猷

卧病書懷

盧綸

苦心三十載白首遇艱難舊地成孤客全家賴釣竿

唐詩類苑

卷之百三十一

十一

貌衰綠藥盡起晚為山寒老病今如此無人更問看
晚春卧病喜振上人見訪 李益

卧牀如舊日窺戶易傷春靈壽扶衰力芭蕉對病身

道心空寂寞時物自芳新旦夕誰相訪唯當攝上人

和孫長史秋日卧病

駱賓王

霍地疎天府潘園近帝臺絃調三婦至驛置五侯來
尚想歡娛洽吁嗟歲月催金壇分上將玉杖引環村
夾勝鯨波靜騰謀鳥谷開白雲淮水外紫陌灞陵隈
節變驚衰柳筵繁思落梅調神和玉燭埃蕙滋珠胎
悵矣欣懷玉居然欲死灰還因承雅意

酬劉起居卧病見寄 錢起

承顏看彩服不覺別丹墀味道能忘病過庭更學詩
繚垣多畫戟遠岫入書帷竹靜攜琴處林香讓果時
聲同叨眷早交淡在年衰更枉兼金贈難爲繼組詞

春日卧病示趙季黃 盧綸

病中饒淚眼常昏聞說花開亦閉門語少漸知琴思
苦卧多唯覺鳥聲喧黃埃滿市圖書賤黑霧連山虎
豹尊今日支離顧形影向君凡在幾重恩

訓崔侍御早秋卧病書情見寄時君亦抱疾 盧綸

在假中 盧綸

唐詩類苑 卷之三百一 十一
擲地金聲信有之瑩然冰玉見清詞元凱癖成官始
貴相如渴甚貌逾衰荒園每覺蟲鳴早華館常聞客
散遲寂寞罷琴風滿樹幾多黃葉落蛛絲

答寶拾遺卧病見寄 包佶

今春扶病移滄海幾度承恩對白花送客屢聞簾外
鵲銷愁已辨酒中蛇瓶開枸杞懸泉水鼎鍊芙蓉伏
火砂誤入塵埃牽吏役羞將簿領到君家

聞微之江陵卧病以大通中散碧腰垂雲膏 白居易

寄之因題四韻 白居易

已題一帖紅消散又封一合碧雲英憑人寄向江陵

去道路迢迢一月程未必能治江上瘴且圖遙慰病
中情到時想得君拈得枕上開看眼暫明

歲暮病懷贈夢得 白居易

十年四海故交親零落唯殘兩病身共遣數奇從是
命同教步蹇有何因眼隨老減嫌長夜體待陽舒望
早春新樂堂前舊池上相過亦不要他人

酬楊九弘貞長安病中見寄 白居易

伏枕君寂寂折腰我營營所嗟經時別相去一宿程
攜手昨何時昆明春水平離郡來幾日太白夏雲生

唐詩類苑 卷之三百一 十一

之子未得意貧病客帝城貧堅志士節病長高人情
隱機自恬淡閉門無送迎龍卧心有待鶴瘦貌彌清
清機發爲文振我如振瓊何以慰饑渴捧之吟一聲

病中友人相訪 白居易

卧久不記日南牕昏復昏蕭條草簷下寒雀朝夕聞
强扶牀前杖起向庭中行偶逢故人至便當一逢迎
移榻就斜日披裘倚前楹閑談勝服藥稍覺有心情

病中宴坐 白居易

有酒病不飲有詩慵不吟頭眩罷垂釣手痺伏援琴
竟日悄無事所居閑又深外安支離體中養乖夷心

牕戶納秋景竹木澄夕陰宴坐小池畔清風時動襟

病中贈張十八

韓愈

中虛得暴下避冷卧北牕不蹋曉鼓朝安眠聽達達
籍也處閭里抱能未施邦文章自悞戲金石日擊撞
龍文百斛鼎筆力可獨扛談舌久不掉非君亮誰雙
扶几導之言曲節初縱縱半塗喜開鑿派別失大江
吾欲盈其氣不令見塵幢牛羊滿田野解旆東空扛
傾樽與斟酌四壁堆疊釵玄帷隔雪風照爐釘明釵
夜闌縱押闔哆口疎眉厖勢倖高陽翁坐約齊橫降
連日挾所有形軀頓降肛將歸乃徐謂子言得無唯
唐詩類苑 卷之百二十 五

重雲李觀疾贈之

韓愈

天行失其度陰氣來干陽重雲閉白日炎燠成寒涼
小人但恣怨君子惟憂傷飲食爲減少身體豈寧康
此志誠足貴懼非職所當藜羹尚如此肉食安可嘗
窮冬百草死幽桂乃芬芳且況天地間大運自有常
勸君善飲食鸞鳳本高翔

病中作

白居易

久爲勞生事不學攝生道少年已多病此身豈堪老

病中答劉書記見贈

李山甫

病來雙樹下雲脚上禪袍頻有瓊瑤贈空瞻雪月高
已知捐俗態時許話風騷衰疾未能起相思徒自勞
病中一二禪客見問因以謝之

劉禹錫

勞動諸賢者同來問病夫添爐烹雀舌灑水淨龍鬚
身是芭蕉喻行須竹杖扶醫生有妙藥能乞一丸無

病中寄鄭十六兄

司空曙

倦枕欲徐行開簾秋月明手便筇杖冷頭喜葛巾輕

唐詩類苑

卷之百二十

五

綠草前侵水黃花半上城虛消此塵景不見十年兄

病中書事

白居易

三載卧山城閑知節物情鶯多過春語蟬不待秋鳴
氣喇因寒發風痰欲雨生病身無所用唯解卜陰晴

病中書懷寄王二十六

李建勳

落葉滿山州閑眠病未瘳牕陰連竹枕藥氣染茶甌
路匪人遮去官須覓休焉宜更羸老扶杖作公侯

春日病中

李建勳

纔得歸閑去還教病卧頻無由全勝意終是負青春
綠柳漸拂地黃鶯如喚人方爲醫者歎斷酒已經旬

冬日病中卽事

呂溫

墻下長安道，驚塵咫尺間。久牽身外役，暫得病中閑。
背喜朝陽滿，心憐暮鳥還。吾醫在何處，南有白雲山。

秋日病中

張祐

析析簷前竹，秋聲拂簾涼。病加陰已久，愁覺夜初長。
坐拾車前子，行看肘後方。無端憂食忌，開鏡倍萎黃。

早春病中書事寄魯望

皮日休

眼暈見雲母，耳虛聞海濤。惜春狂似蝶，養病躁於猱。
按靜方書古，堂空藥氣高。可憐真宰意，偏解困吾曹。

早春病中

皮日休

唐詩類苑

卷之百二十

七

病根冬養得，春到一時生。眼暗憐晨慘，心寒怯夜清。
妻仍嫌酒癖，醫只禁詩情。應被高人笑，憂身不似名。

奉訓早春病中書事

陸龜蒙

祗貪詩調苦，不計病容生。我亦休文瘦，君能叔寶清。
藥須勤一服，春莫累多情。欲入毘耶問，無人敵淨名。

又訓次早春病中韻

陸龜蒙

從來多遠思，猶向靜中生。所以令心苦，還應是骨清。
酒香偏入夢，花落又關情。積此風流事，爭無後世名。

病中自戶部員外郎轉司封

呂溫

羸卧承新命，優容獲所安。遣兒寧賀客，無力拂塵冠。

偃仰晴軒暖，支離曉鏡寒。那堪報恩去，感激對衰蘭。

和李僕射秋日病中作

張籍

由來病根淺，易見藥功成。曉日杵臼靜，涼風衣服輕。
猶疑多氣力，漸覺有心情。獨倚紅藤杖，時時堦上行。

早春病中

張籍

羸病及年初，心情不自如。多申請假牒，祇送賀官書。

幽徑獨行步，白頭長嬾梳。更憐晴日色，漸漸暖貧居。

訓張十八病中寄詩

王建

本性慵遠行，綿綿病自生。見君綢繆思，慰我寂寞情。

唐詩類苑

卷之百二十

七

風幌夜不掩，秋燈照雨明。彼愁此又憶，一夕兩盈盈。

秋日疾中寄諸同志

李咸用

閑居無勝事，公幹卧來心。門靜秋風晚，人稀古巷深。
花疎籬菊色，葉減井梧陰。賴有斯文在，時時得強尋。

病中二首

許渾

三年嬰酒渴，高卧似袁安。秋色鬢應改，夜涼心已寬。
風衣藤簟滑，露井竹牀寒。卧憶郊扉月，恩深未挂冠。

二

私歸人暫適，扶杖遶西林。風急柳溪響，露寒莎徑深。
一身仍白髮，萬慮只丹心。此意無言處，應憑託素琴。

病中聞河東公樂營置酒口占寄上

李商隱

聞駐行春旆，中途賞物華。
綠憂武昌柳，綠憶洛陽花。
嵇鶴元無對，荀龍不在誇。
只將滄海月，長壓赤城霞。
興欲傾燕館，歡終到謝家。
風長應側帽，獨孤景公信
雨急不勝車。相逢狹路間
樓迴波窺錦，不客車樓迴波窺錦
牕虛日弄沙。
鏤門金了鳥，展障玉鴉叉。
舞妙從兼楚，歌能莫雜巴。
必投潘岳果，誰捺禰衡槌。
刻燭當時忝傳杯，此夕賒可憐。
漳浦卧愁緒，獨如麻。

病中答招飲者

白居易

唐詩類苑

卷之百三十

六

顧我鏡中悲，白髮儘君花。
下醉青春不，緣眼痛兼身。
病可是樽前第二人。

病中作

白居易

病來城裏諸親故，厚薄親疎心總知。
唯有蔚章於我分，深於同在翰林時。

病中早訪招國李十將軍遇挈家遊曲江

李商隱

十頃平波溢岸清，病來唯夢此中行。
相如未是真消渴，猶放滄江過錦城。

病中酬元宗簡

張籍

東風漸暖滿城春，獨占幽居養病身。
莫說櫻桃花已發，今年不作看花人。

病中上錢尚父

羅隱

左腳方行右臂攣，每慚名跡污賓筵。
縱饒吳主容衰病，爭奈燕臺費料錢。
藜杖已乾難更把，竹簪雖在不堪懸。
深恩重德無言處，迴首浮生淚泫然。

聞魯望遊顏家林園病中有寄

皮日休

一夜韶姿著水光，謝家春草滿池塘。
細挑泉眼尋新脈，輕把花枝嗅宿香。
蝶欲試飛猶護粉，鶯初學嘯尚

唐詩類苑

卷之百三十

九

羞簧分明不得同，君賞盡日傾心羨索郎。

酬蘓美病中見寄次韻

陸龜蒙

日華風蕙正交光，羯末相攜藉草塘。
酒旋傾醺醺嫩短船閒弄木蘭香。
煙絲鳥拂來縈帶，藥槥人收去約簣。
今日好爲聯句會，不成剛爲欠檀郎。

病中美景頗阻追遊因寄魯望

皮日休

瘳牀閑卧畫迢迢，唯把真如慰寂寥。
南國不須收楚意，故百年終竟是芭蕉。
藥前美祿應難斷，枕上芳辰豈

藥槥人收去約簣今日好爲聯句會不成剛爲欠檀郎

藥槥人收去約簣今日好爲聯句會不成剛爲欠檀郎

易銷看取病來多少日早梅零落玉華焦

奉酬病中見寄

陸龜蒙

逢花逢月便相招忽卧雲疏隔野橋春恨與誰同
酌玄言何處問逍遙題詩石上空迴筆拾蕙汀邊獨
倚橈早晚却還巖上電有眼疾共尋芳徑結煙條

病中秋懷寄襲美

陸龜蒙

病容愁思苦相兼清鏡無情未我嫌貪廣異疏行徑
窄故求偏藥出錢添同人散後休賒酒雙燕辭來始
下簾更有是非齊未得重憑簷尹拂龜占

奉和病中秋懷次韻

皮日休

唐詩類苑

卷之二十三

十一

貧病於君亦太兼才高應亦被天嫌因分鶴料家資
減爲置僧餐口數添靜裏攻詩空凭几寒中註易不
開簾清詞一一侵真宰甘取窮愁不用占

病中辱崔宣城長句見寄兼有魴綺之贈因

以四韻總而酬之

白居易

劉楨病發經春卧謝朓詩來盡日吟三道舊吟收片
玉一章新喜獲雙金信題霞綺絨情重酒試試魴表
分深科第門生滿霄漢歲寒少得似君心

病中數會張道士見譏以此答之

白居易

亦知數出妨將息不可端居守寂寥病病藥藥思思益
日興來酒席坐還嘗賢人易須勤飲飲女女難難莫
設燒張道士輸白道士一杯沆瀣便逍遙

歲暮夜長病中燈下聞盧尹夜宴以詩戲之

且爲來日張本也

白居易

榮開興多嫌晝短衰閑睡夜覺明遲當君秉燭銜杯
夜是我停燈服藥時枕上愁吟堪發病府中歡笑勝
尋醫明朝強出須謀樂不擬車公更擬誰

病中對病鶴

白居易

同病病夫憐病鶴精神不損翅翎傷未堪再舉摩霄
唐詩類苑 卷之二十三 十一

漢只合相隨覓稻梁但作悲吟和嘹唳難將俗貌對
昂藏唯應一事宜爲伴我髮君毛俱似霜

病中書情寄上崔諫議

時服疾

皮日休

十日來來曠奉公閉門無事忘春風蟲絲度日繁琴
薦蛙粉經時落酒筒馬足歇從殘漏外魚須拋在亂
書中殷勤莫怪求醫切只爲山櫻欲放紅

奉和病中書情次韻

陸龜蒙

或偃虛齋或在公謫然林下昔賢風庭間有蝶爭
藥簾外無人報水筒行藥不離深幌此詩在平書

向遠山中西園夜燭偏堪憶曾爲題詩刻半紅

早春病中

王建

日日春風吹不起六六光彩上寒林師教絳服襖衰
月妻許書衣待病夫健羨人家多力子祈求道士有
神符世間方法從誰問卧處還看藥草圖

病中早春

白居易

今朝枕上覺頭輕強起詩前試脚行羶臍斷來無氣
力風痰惱得少心情暖消霜瓦津初合寒減冰渠凍
不成唯有愁人鬢間雪不隨春盡逐春生

病中詩十五首

白居易

唐詩類苑

卷之百二十

三

開化已未歲予蒲柳之年六十有八冬十月甲寅
旦始得風痺之疾體癢目眩左足不支蓋老病相
乘時而至耳予早棲心釋梵浪跡老莊因疾觀身
果有所得何則外形骸而內忘憂患先禪觀而後
順醫治旬月以還厥疾少間杜門高枕淡然安閑
吟諷興來亦不能遏因成十五首題爲病中詩且
賒所知兼用自廣昔劉公幹病漳浦謝康樂卧臨
川歲有篇章持詠其志今引而序之者慮不知我
者或加譏焉

初病風

六十八衰翁乘衰百病攻朽株難免蠹空穴易來風
肝痺宜生柳頭旋劇轉蓬恬然不動處虛白在何中

枕上作

風疾侵凌臨老頭血凝筋滯不調柔甘從此後支離
卧賴是從前爛熳遊迴思往事紛如夢轉覺餘生杳
若浮浩氣自能充靜室驚飆何必蕩虛舟腹空先進
松花酒膝冷重裝桂布裘若問樂天憂病否樂天知
命了無憂

答閑上人來問因何風病

一牀方丈向陽開勞動文殊問疾來欲界凡夫何足

唐詩類苑

卷之百二十

三

道四禪天始免風災

病中五絕

世間生老病相隨此事心中久自知今日行年將七
十猶須慙愧病來遲
方寸成灰鬢作絲假如強健亦何爲家無憂累身無
事正是安閑好病時
李君墓上松應拱元相池頭竹盡枯多幸樂天今始
病不知合要苦治無
李元哲字號友也初直少子人
歲已八年矣今予
始病得幸幸乎
自昏思寢即安眠足軟妨行便坐禪身生營王心是

絮不勞和扁到門前

交親不要苦相憂亦擬時時強出遊但有心情何用

脚陸乘肩輿水乘舟

送嵩客

登山臨水分無期泉石煙霞今屬誰君到嵩陽吟此句與君三十六峯知

罷灸

病身佛說將何喻變滅須臾豈不聞莫遣淨名知我笑休將火艾灸浮雲

賣駱馬

唐詩類苑

卷之三百三

十四

五年花下醉騎行臨賣迴頭嘶一聲項藉顧驢猶解歎樂天別駱豈無情

別柳枝

兩枝楊柳小樓中媚娜多年伴酒翁明日放歸歸去後世間應不要春風

就暖偶酌戲諸詩酒舊侶

低屏軟褥卧藤牀昇向前軒就日陽一足任他爲外物三杯自要沃中腸頭風若見詩應愈箇折仍誇災不妨細酌徐吟猶得在舊遊未必便相忘

歲暮呈思黯相公皇甫朗之及夢得尚書

歲暮皤然一老夫十分流輩九分無莫嫌身病八桂侍猶勝無身可遣扶

自解

房傳往世爲禪客

世傳房大師生爲禪僧與妻師德女善慕其容人故今生有妻之

也風王道前生應盡師是詞客前身應盡師我亦定中觀宿命多生債負是歌詩不然何故狂吟詠病後多於未病時

已上病中十五首

酬夢得見喜疾瘳

白居易

暖卧摩綿褥寒傾藥酒螺昏昏布裘底病醉卧相和未疾

傳云風淫未疾末謂四枝

徒云爾餘年有幾何須知差與否

唐詩類苑

卷之三百三

十五

相去校無多

吐蕃別館卧病寄朝中諸友二首

呂溫

星漢縱橫車馬喧風搖玉佩燭花繁豈知羸卧窮荒外日滿山頭猶閉門

清時令節千官會絕域窮荒一病夫遙想滿堂歌笑處幾人緣我向西隅

過閭采病居

司空曙

每逢佳節何曾坐唯有今年不得遊張郎送客送客菊花楓葉向誰秋

野寺病居喜盧綸見訪 李 端

青青麥壠白雲陰古寺無人新草深
乳燕拾泥依古井鳴鳩拂羽歷花林
千年駁鮮明山履萬尺垂蘿入水心
一卧漳濱今欲老誰知夫子忽相尋

訓李端公野寺病居見寄 盧 綸

野寺鐘昏山正陰亂藤高竹水聲深
田夫就餉還依草野雉驚飛不過林
齋浴暫思同靜室清羸已覺助禪心
寂寞日長誰問疾料君惟取古方尋

屬疾 李商隱

許靖猶羈宦安仁復悼亡茲辰聊屬疾
何日免殊方

唐詩類苑

卷之百三十一

五

病入新正 白居易

秋蝶無端麗寒花更不香多情真命薄
容易即迴腸
枕上驚新歲花前減舊歡是身老所逼
非意病相干
風月情猶在杯觴興漸闌便休心未伏
更試一春看
對花微疾不飲呈坐中諸公

杜 牧

花前雖病亦提壺數調持觴興有無
盡日臨風羨人醉雪香空伴白髭鬚

十九兄郡樓有宴病不能赴

杜 牧

十二層樓敞畫簷連雲歌盡草纖纖
空堂病怯階前月燕子嗔垂一竹簾

晨起送使病不能行因過王十一館居二首

元 稹

自笑今朝誤夙興逢他御史瘡相仍
過君未起房門掩深映寒廳一盞燈

密宇深房小火爐飯香魚熟近中厨
野人愛靜仍耽寢自問黃昏肯去無

宣城崔大夫召聯句偶疾不獲赴因獻

許 渾

唐詩類苑

卷之百三十一

五

心慕知音命自拘畫堂聞欲試吹竽
茂陵罷酒慙中聖漳浦題詩怯大巫
髻鬢幾年傷在藻羽毛終日羨棲梧
還愁旅棹空歸去楓葉荷花釣五湖

譴瘡鬼 韓 愈

屑屑水帝魂謝謝無餘輝如何不肖子
尚奮瘡鬼威
乘秋作寒熱翁嫗所罵譏求食歐泄間
不知臭穢非
醫師加百毒熏濯無停機灸師施艾炷
酷若獵火圍
詛師毒口牙舌作霹靂飛符師弄刀筆
丹墨交橫揮
咨汝之冑出門戶何巍巍祖軒而父頊
未決於前微
不修其操行賤薄似汝稀豈不忝厥祖
覩然不知歸

湛湛江水清歸居安汝妃清波爲裳衣白石爲門畿
呼吸明月光手掉芙蓉旂降集隨九歌飲芳而食菲
贈汝以好辭出汝去莫違

落齒

韓愈

去年落一牙今年落一齒俄然落六七落勢殊未已
餘存皆動搖盡落應始止憶初落一時但念豁可耻
及至落二三始覺衰即死每一將落時慄慄恒在已
又牙妨食物顛倒怯漱水終焉捨我落意與一作崩
山比今來落既熟見落空相似餘存二十餘次第知
落矣儻常歲落一自足支兩紀如其落併空與漸亦
唐詩類苑 卷之三十三 三十一

耳聾

杜甫

生年鵬冠子語世方尚武歎世鹿皮翁眼復幾時暗耳從
前月聾猿鳴秋淚缺雀噪晚愁空黃落驚山樹呼兒
問朔風

病瘡

白居易

門有醫來往庭無客送迎病銷談笑興老足歎嗟聲

鶴伴臨池立人扶下砌行脚瘡春斷酒那得有心
風疾舟中伏枕書懷呈湖南親友三十六韻

杜甫

軒轅休製律虞舜罷彈琴尚錯雄鳴管猶傷半死心
聖賢名古邈羈旅病年侵舟泊常依震震澤湖平早
見參如聞馬融笛若倚仲宣襟故國悲寒望群雲慘
歲陰水鄉霾白蜃楓岸疊青岑鬱鬱冬炎瘴濛濛雨
滯淫鼓迎方祭鬼彈落以鴉禽興盡纔無悶愁來遽
不禁生涯相汨沒時物自蕭森疑惑尊中琴淹留冠
上簪牽裾驚魏帝投閣爲劉歆狂走終奚適微才謝
唐詩類苑 卷之三十三 三十九
所欽吾安黎不糝汝貴玉爲琛烏几重重縛鷄衣寸
寸鍼哀傷同庾信述作異陳琳十暑岷山葛三霜楚
戶砧叨陪錦帳坐久放白頭吟反樸時難遇忘機陸
易沈應過數粒食得近四知金春草封歸恨源花費
獨尋轉蓬憂悄悄行樂病淋瀝瘞天追潘岳持危覓
鄧林蹉跎翻學步感激在知音却假蘇張舌高談周
宋鐔納流迷浩汗峻址得欽峯城府開清旭松筠起
碧潯披顏爭悄悄逸足竟駸駸朗鑒存愚直皇天實
照臨公孫仍恃險侯景未生擒書信中原闊干戈北
十深畏人千里井問俗九州歲戰血流依舊軍聲動

至今萬洪尸定解許靖力還任家事丹砂訣無成涕
竹霖

近獲風痺之疾題寄所懷 包 佶

病夫將已矣無可答君恩余枕同羈客圖書委外孫
久來從吏道常欲奉空門疾走機先息歆行力漸煩
無醫能却老有變是遊魂鳥宿還依伴蓬飄莫問根
寓形齊指馬觀鏡制心猿唯借南榮地清晨暫負喧
店卧聞幕中諸公徵樂會飲因有戲呈三十

韻 元 稹

漫落因寒甚沈陰與病偕藥囊堆小案書卷寒空齋

唐詩類苑

卷之三百三

三

脹腹看成鼓羸形漸比柴道情憂易適溫瘴氣難排
治瘴扶輕杖開門立靜街耳鳴疑暮角眼暗助昏霾
野竹連荒草平陂接斷崖坐隅甘對鵬當路恐遭豺
蛇蠱迷弓影鵬翎落箭靴晚離喧關雀殘菊半枯荄
悵悵望悲回鴈依遲傍古槐一生長苦節三省詎行
怪奔北翻成勇司南却是哥穹蒼真漠漠風雨漫咍
咍彼美猶谿女其誰占館娃誠知通有日太極浩無
涯布卦求無妄祈天願孔皆藏衰謀計拙地僻往還
乖況羨蓮花侶方欣綺席諧鈿車迎妓樂銀翰屈朋
儕白紵蟬歌儵同蹄墜舞釵白紵舞人姓名纖身霞出

海豔臉月臨淮籌筋隨宜放投盤止罰嗔紅娘

打觥使及醒差舞列紅娘拋打曲名顧我潛孤憤何

人想獨懷夜燈燃檠葉凍雪墮磚堦壞壁虛缸倚深

爐小火埋鼠驕銜筆硯被冷束筋骸畢竟圖斟酌先

須遣癘疾瘴瘧之徒槍旗如在手籌助色目那復敢威巍

夏中病店作 溫庭筠

山鬼揚威正氣愁便辭珍簟襲狐裘西牕一夕悲人
事圓扇無情不待秋

病氣 白居易

自知氣發每因情情在何由氣得平若問病根深與

唐詩類苑

卷之三百三

三

瘴此身應與病齊生

瘴塞 元 稹

瘴雲巴山哭鳥悲紅粧少婦斂啼眉殷勤奉藥來相

勸云是前年欲病時

予病瘴樂天寄通中散碧腰垂雲膏仍題四

韻以慰遠懷開拆之間因有酬答

元 稹

紫河變鍊紅霞散翠液煎研碧玉英金籍真人天上
合鹽車病驥軛前驚愁腸欲轉蛟龍吼醉眼初開日
月明唯有思君治不得膏銷雪盡意還生

足疾

白居易

足疾無加亦不瘳，綿春歷夏復經秋。開顏且酌樽中酒，代步多乘池上舟。幸有眼前衣食在，兼無身後子孫憂。應須學取陶彭澤，但委心形任去留。

眼病寄同官

王建

天寒眼痛少心情，隔霧看人夜裏行。年少往來常不住，牆西凍地馬蹄聲。

患眼

張籍

正年患眼今年免，校與風光便隔生。昨日韓家後園裏，看花猶似未分明。

唐詩類苑

卷之百三

三

病眼花

白居易

頭風目眩乘衰老，祇有增加豈有瘳。花發眼中猶足怪，柳生肘上亦須休。大窠羅綺看絕辨，小字文書見便愁。必若不能分黑白，却能無悔復無尤。

眼病

白居易

散亂空中千片雪，朦朧物上一重紗。縱逢晴景如看霧，不是春天亦見花。僧說客塵來眼界，醫言風眩在肝家。兩頭治療何曾瘳，藥力微茫佛力除。

眼暗

白居易

早年勤倦看書苦，晚歲悲傷出淚多。眼暗不知都自

取病成方悟，欲如何。夜昏乍似燈將滅，朝闇長疑鏡未磨。千藥萬方治不得，唯應閉目學頭陀。

老病

杜甫

老病巫山裏，稽留楚客中。藥殘他日累，花發去年叢。夜足霜沙雨，春多逆水風。合分雙賜筆，猶作一飄蓬。

老病

白居易

晝聽笙歌夜醉眠，若非月下即花前。如今老病須知分，不負春來二十年。

老病相仍以詩自解

白居易

榮枯憂喜與彭殤，都是人間戲一場。蟲臂鼠肝猶不

唐詩類苑

卷之百三

三

怪，雞膚鶴髮復何傷。昨因風發甘長往，今遇陽和又小康。還是遠行裝束了，遲迴且住亦何妨。

老病幽獨偶吟所懷

白居易

眼漸昏昏耳漸聾，滿頭霜雪半身風。已將心出浮雲外，猶寄形於逆旅中。觴詠罷來賓閣閉，笙歌散後妓房空。世緣俗念消除盡，別是人間清淨翁。

衰病無趣因吟所懷

白居易

朝餐多不飽，夜卧常少睡。自覺寢食間，都無少年味。平生好詩酒，今亦將捨棄。酒唯下藥飲，無復曾歡醉。詩多聽人吟，早不題一字。衰病智相繼，至沉當尚少。朝

滿慙居近侍終當求一郡聚少漁樵費合口便歸山
不問人間事

衰病

白居易

老與病相仍華簪髮不勝行多朝散藥睡少夜停燈
祿食分供鶴朝衣減施僧性多移不得郡政謾如繩

衰病

白居易

老辭遊冶尋花伴病別荒狂舊酒徒更恐五年三歲
後些些談笑亦應無

久病初朝衢中即事

呂溫

沈疴曠十旬還過直城闔老馬猶知路羸童欲怕人

唐詩類苑

卷之百二十

三

又隳三徑計更強百年身許國將何力空生衣上塵

與胡居士皆病寄此詩兼示學人二首

王維

一興微塵念橫有朝露身如是觀蔭界何方置我人
礙有固爲主趨空寧捨實洗心詎懸解悟道正迷津
因愛果生病從貪始覺貧色聲非彼妄浮幻即吾真
四達竟何遣萬殊安可塵胡生但高枕寂寞與誰隣
戰勝不謀食理齊甘負薪子若未始異詎論疎與親

二

浮空徒漫漫汎有定悠悠無所歸
乘者所謂智人舟

詎捨貧病域不疲生死流無煩君喻馬任以我爲牛
植福祠迦葉求仁笑孔丘何津不鼓棹何路不摧輶
念此聞思者胡爲多阻修空虛花聚散煩惱樹稀稠
滅想成無記生心坐有求降吳復歸蜀不到莫相尤

寄同病者

白居易

三十生二毛早衰爲沈疴四十官七品拙宦非由他
年顏日枯槁時命日蹉跎豈獨我如此聖賢無奈何
迴觀親舊中舉目尤可嗟或有終老者沈賤如泥沙
或有始壯者飄忽如風花窮餓與天促不如我者多
以此及自慰常得心平和寄言同病者迴歎且爲歌

唐詩類苑

卷之百二十

三

聞李太尉太舉秦兵百萬出征東南懦夫請
纓冀申一割之用半道病還留別金陵崔

侍御十九韻

李白

秦出天下兵蹴踏燕趙傾黃河飲馬竭赤羽連天明
太尉仗旄鉞雲旗繞彭城三軍受號令千里肅雷霆
函谷絕飛鳥武關擁連營意在斬巨鼉何論鱸長鯨
恨無左車畧多愧魯連生拂劍照嚴霜雕戈蔓胡纓
願雪會稽耻將期報恩榮半道謝病還無因東南征
亞夫未見顧劇孟阻先行天奪壯士心長吁別吳京
金陵遇太守倒屣欣逢迎群公咸祖餞四座羅朝英

初發臨滄觀醉棲征虜亭舊國見秋月長江流寒聲
帝車信迴轉河漢縱復橫孤鳳向西海飛鴻離北溟
因之出寥廓揮手謝公卿

路病

孟郊

病客無主人艱哉求卧難飛光赤道路內火焦肺肝
欲飲井泉竭欲醫囊用單稚顏能幾日壯志忽已殘
人子不言苦歸書但云一作言安愁環在我腸宛轉終
無端

病客吟

孟郊

主人夜呻吟皆入妻子心遠客一作客子晝呻吟徒爲蠱

唐詩類苑

卷之百三

三六

鳥音妻子手中病愁思不復深僮僕手中病憂危獨
難任丈夫久漂泊神氣自然沈沈於滯疾中何人免
嗟嗟大海亦有涯高山亦有岑一作沈此憂獨無極塵
淚互盈襟

客淮南病

盧仝

揚州蒸毒似燂湯客病清枯鬢欲霜且喜閉門無俗
物四肢安穩一張牀

遺病

元稹

自古誰不死不復記其名今年京城內死者老少并
獨孤續四十一仕宦方半第李三三十九監察使

登朝有清聲趙昌八十餘三擁大將旌爲生信異異
之死同冥冥其家哭泣愛一一無異情其類嗟歎惜
各各無重輕萬齡龜齡等一死天地平以此方我病
我病何足驚借如今日死亦足了一生借使到百年
不知何所成況我早師佛屋宅此身形捨彼復就此
去留何所繫前身爲過跡來世卽前程但念行不息
豈憂無路行蛻骨龍不死蛻皮蟬自鳴胡爲神蛻體
此道人不明持謝愛朋友寄之仁弟兄吟此可達觀
世言何足聽

遺病十首

元稹

唐詩類苑

卷之百三

三七

服藥備江瘴四年方一瘳豈是藥無功伊予久留滯
滯留人固薄瘴久藥難制去日良已甘歸途柰無際

二

棄置何所任鄭公憐我病三十九萬錢資予養頑瞑
身賤殺何益恩深報難罄公其千萬年世有天之鄭

三

憶作孩稚初健羨成人列倦學祇日長嬉遊念佳節
今來漸諱年頓與前心別白日速如飛佳晨亦騷屑

四

昔在痛飲場憎人病辭醉病來身怕酒始悟他人意

怕酒豈不閑悲無少年氣信語少年兒杯盤莫理

五

憶初頭始白音一縷漸及鬢與鬚多來不能數
壯年等閑過音過壯年已五華髮不再青勞生竟何

補

六

在家非不病有病心亦安起居甥姪扶藥餌兄嫂看
今病兄遠路道遙書信難寄言嬌小弟莫作官家官

七

燕巢官舍內我爾俱爲客歲晚我獨留秋深爾安適

唐詩類苑

卷之百三十

三八

風高翅羽垂路遠煙波隔去去玉山岑人間網羅窄

八

簷宇夜來曠暗知秋已生卧悲衾簾冷病覺肢體輕
炎昏豈不勸時去聊自驚浩歎終一夕空堂天欲明

九

秋依靜處多況乃凌晨趣深竹蟬晝風翠茸衫曉露
庭莎病看長林果閑知數何以強健時公門日勞驚

十

朝結故鄉念暮作空堂寢夢別淚亦流啼痕暗橫枕
昔愁憑酒遣今病安能飲落盡秋槿花離人疾猶甚

同德精舍養疾寄河南兵曹東廳掾

韋應物

逍遙東城隅雙樹寒蔥蒨廣庭流華月高閣凝餘霞
壯門非養素抱疾阻良譙孰謂無他人思君歲云變
官曹亮先忝陳躅斯俊彥豈知晨與夜相代不相見
緘書問所如所如訓藻當芬綯

西齋養病夜懷多感因呈上從叔子雲

孟郊

遠客夜衣薄厭眠待雞鳴一牀空月色四壁秋蛩聲
守淡遺衆俗養病念餘生方全君子拙耻學小人明

唐詩類苑

卷之百三十

三九

蚊蚋亦有時羽毛各有成如何騏驥跡踈踖未能行
西北有平路運來無相輕

行藥前軒呈董山人

盧綸

不覺老將至瘦來方自驚朝昏多病色起坐有勞聲
膝暖苦晴痒藏虛唯耳鳴桑公富靈術一爲保餘生

疾愈寄友人

僧法振

哀樂暗成疾卧中芳月移西山有清士孤嘯不可追
擣藥曙林淨汲泉陰澗遲微蹤與麋鹿遠謝求羊知

夏首病愈因招魯望

皮日休

曉日清和尚衲衣夏陰初合掩雙扉一聲撥穀桑柘

晚數點春鋤煙雨微貧養山禽能箇瘦病關芳草就
中肥明朝早起非無事買得蓴絲待陸機

奉訓夏首病愈次韻

陸龜蒙

雨多青合是垣衣一幅蠻牋夜款扉蕙帶又聞寬沈
約茅齋猶自憶王微方靈祗在君臣正篆古須拋點
畫肥除却伴談秋水外野鷗何處更忘機

病起言懷

孟郊

強行尋溪水一作淨水洗却殘病姿花景晚晚盡麥風清

冷吹交道卧來見世情貧去知高閑思楚逸淡薄一作薄

厭齊兒終伴碧山侶結言青桂枝

唐詩類苑

卷之三十三

四

病起

僧清江

身世足堪悲空房卧病時卷簾槐雨滴掃室竹陰移
已覺生如夢那堪壽不知未能通法性詎可見支離

病起

賈島

嵩丘歸未得空自青遲回身事豈能遂蘭花又已開
病令新作少雨阻故人來燈下南華卷袪愁當酒杯

喜翁文堯員外病起

黃滔

衛玠羊車懸長卿駟馬姿天嫌太端正神乃減風儀
飲水俾消渴斷穀皆清羸越傳誇艾炷秦女隔花枝

自能論苦器語見四州和尚碑不假求良醫驚殺漳濱鬼錯

與劉生隨昨日已如虎今朝謁荀池揚鞭入王門四
面人熙熙青桂任霜霰尺璧無瑕疵迴塵却惆悵歸
闕難遲遲

新秋病起

白居易

一葉落梧桐年光半又空秋多上階日涼足入懷風
病瘦形如鶴愁焦髮似蓬損心詩思裏伐性酒狂中
華蓋何曾惜金丹不致功猶須自慙愧得作白頭翁

病起

白居易

病不出門無限時今朝強出與誰期經年不上江樓
醉勞動春風颺酒旗

唐詩類苑

卷之三十三

四

病後作

僧淡交

未得身亡法此身終未安病腸猶可洗瘦骨不禁寒
藥少心神飢經無氣力看悠悠片雲質獨坐夕陽殘

新亭病後獨坐招李侍郎公垂

白居易

新亭未有客竟日獨何爲趁暖泥茶甈防寒夾竹籬
頭風初定後眼暗欲明時淺把三分酒閑題數句詩
應須置兩榻一榻待公垂

病後過王倚飲贈歌

杜甫

麟角鳳觜世莫識煎膠續絃竒自見尚看王生抱此

懷在於甫也何由羨且看王生慰疇昔素知賤子計
貧賤醅見凍饑不足耻多病沈年苦無健王生怪我
顏色惡答云余病難過癘癘三秋孰可忍寒熱百
日相交戰頭白眼暗坐有牀肉黃皮皺命如綫惟生
哀我未平復爲我力致美肴膳遣人向市賒香粳喚
婦出房親自饌長安冬俎酸且綠金城土酥靜如練
兼求畜豕且割鮮密沽斗酒諧終宴故人情味晚誰
似令我手脚輕欲漩老馬爲駒總不虛當時得意況
深眷但欲殘年飽喫飯只願無事長相見

病後喜過劉家

白居易

唐詩類卷

卷之百十

四三

忽憶前年初病後此生甘分不銜杯誰能料得今春
事又向劉家飲酒來

山中病後作

李山甫

卧病厭厭三伏盡商飈初自水邊來高峯枯槁骨偏
峭野樹扶疎葉未摧時序追牽從鬢改蟬聲酸急是
誰催雲門不閉全無事心外沈然一聚灰

病後春思

皮日休

連錢錦暗麝氛氲荆思才多詠鄂君孔雀銜寒窺沼
見石榴紅重墮堦間牢愁有度應如月春夢無心祇
似雲應笑病來慙滿願花殘好作斷腸文

奉和病後春思次韻

陸龜蒙

氣和靈腐漸氲氲酒有賢人藥有君七字篇章看月
得百勞言語傍花聞閑尋古寺銷晴日最憶深溪枕
夜雪早晚共搖孤艇去紫屏風外碧波文

疾後與郡中羣公宴李秀才

許渾

強留佳客宴王孫巖上餘花落酒樽書院欲開蟲網
戶訟庭猶掩雀羅門耳虛盡日疑琴癖眼暗經秋覺
鏡昏莫引劉安倚西檻夜來紅葉下江村

夏中訓于述畢耀問病見贈

唐詩類卷

卷之百十

四三

獨孤及

救物智所昧學仙願未從行藏兩乖角蹭蹬風波中
薄官耻降志卧病非養蒙門關涉兩旬羈思浩無窮
驚鷺何處來雙舞下碧空離別隔雲雨惠然此相逢
把手賀疾間舉杯欣酒濃新詩見久要清論激深衷
高館舒夜簾開門延微風火雲赫嵯峨日暮千萬峯
遙指故山笑相看撫號鐘聲和由心親事感和氣同
出處未易料且歌緩愁容願君崇明德歲暮如青松

靜夜酬通上人問疾

錢起

東林生早涼高枕遠公房大士看心後中宵清漏長

驚蟬出暗柳微月隱迴廊何事沈病久含毫問樂王

訪疾

孟郊

冷氣入瘡痛夜來痛如何瘡從公怒生豈以私恨多
公怒亦非道怒消乃天和古有煥輝句嵇康閑婆娑
請君吟嘯之正氣庶不訛

聞董評事疾因以書贈

劉禹錫

繁露傳家學青蓮譯梵書火風乖四大文字廢三條
欹枕晝眠靜折巾秋鬢疎武王思視草誰許茂陵居

問張山人疾

李端

先生沈病意何如蓬艾門前客轉疎不見領洗過絳

唐詩類苑

卷之三百三

四

帳唯聞與婢削丹書

寄劉蕢問疾

王建

年少病多應爲酒誰家將息過今春賒來半夏重熏
盡投著山中舊主人

逢病軍人

盧綸

行多有病住無糧萬里還鄉未到鄉蓬蒿哀吟古城
下不堪秋氣入金瘡

村南逢病叟

盧綸

雙膝過頤頂在肩四隣知姓不知年卧聽鳥雀惜禾
黍猶恐諸孫無社錢

艱危

逃難

杜甫

五十白頭翁南北逃世難疎布纏枯骨奔走苦不暖
已衰病方入四海一塗炭乾坤萬里內莫見容身畔
妻孥復隨我回首共悲歎故國莽丘墟隣里各分散
歸路從此迷涕盡湘江岸

羌村三首

在歸州

杜甫

崢嶸赤雲西日脚下平地柴門烏雀噪歸客千里至
妻孥怪我在驚定還拭淚世亂遭飄蕩生還偶然遂
隣人滿牆頭感歎亦歔歔夜闌更秉燭相對如夢寐

唐詩類苑

卷之三百三

四

二

晚歲迫偷生還家少歡趣嬌兒不離膝畏我復却去
憶昔好追涼故繞池邊樹蕭蕭北風勁撫事煎百慮
賴如禾黍收已覺槽牀注如今足斟酌且用慰遲暮

三

群雞正亂叫客至雞關爭驅雞上樹木始聞扣柴荆
父老四五人問我久遠行手中各有攜傾盃濁復清
苦辭酒味薄黍地無人耕兵革既未息兒童盡東征
請爲父老歌艱難愧深情歌罷仰天歎四坐淚縱橫

解憂

杜甫

減米散同舟路難思共濟向來雲濤盤衆力亦不細
呀吭瞥眼過飛櫓本無帶得失瞬息間致遠宜恐泥
百慮視安危分明曩賢計茲理庶可廣奉孝期勿替

亂中寄友人

張 蠡

別來難覓信何處避艱危鬢黑無多日塵清是幾時
人情將厭武王澤卽興詩若便懷深隱還應聖主知

行路難

盧照隣

樂府解題曰行路難備言世路艱難及離別悲傷
之意多以君不見爲首按蘇武別傳曰武常牧羊
諸家牧豎有知歌謠者武遂學行路難則所起亦

唐詩類苑

卷之三百十

四六

遠矣唐王昌齡又有變行路難

君不見長安城北渭橋邊枯木橫槎卧古田昔日含
紅復含紫常時畱霧亦畱煙春景春風花似雪香車
玉轡恒闌咽若箇遊人不競攀若箇娼家不來折娼
家寶抹蛟龍帳公子銀鞍千萬騎黃鸞一一向花嬌
青鳥雙雙將子戲千尺長條萬尺枝月桂星榆相蔽
虧珊瑚葉上鴛鴦鳥鳳凰巢裏雛雛兒巢空枝折鳳
飛去條枯葉落任風吹一朝憔悴無人問萬古摧殘
君詎知人生貴賤無終始倏忽須臾難久恃誰家能
駐西山日誰家能暖東流水漢家陵樹滿秦川行來

行去盡哀憐自昔公卿二千石咸擬榮華一萬年不
見朱唇將玉貌唯聞青棘與黃泉金貂有時須換酒
玉塵但搖莫計錢寄言坐客神仙署一生一死交情
處蒼龍闕下君不畱白鶴山頭我應去雲間海上邀
難期赤心會合在何時但願堯年一百萬長作巢由
也不辭

行路難

張 紘

君不見溫家玉鏡臺提攜抱握九重來君不見相如
綠綺琴一撫一拍鳳凰音人生意氣須及早莫負當
年行樂心荆王奏曲楚妃歎曲盡歡終夜將半朱樓

唐詩類苑

卷之三百十

四七

銀閣正平生碧草青苔坐燕漫當春對酒不須疑視
日相看能幾時春風吹盡燕初至此時自爲稱君意
秋露萎草鴻始歸此時衰暮與君違人生翻覆何常
定誰保容顏無是非

古行路難

李 頎

漢家名臣楊德祖四代五公享茅土父子兄弟綰銀
黃躍馬鳴珂朝建章火浣單衣繡方領紫綬帶玉
盤囊賓客填街復滿座片言出口生輝光世人逐勢
爭奔走瀝膽腹肝惟恐後當時一顧登青雲自謂生
死長隨君一朝謝病還鄉里窮巷蒼苔絕知己秋風

落葉閉重門昨日論交竟誰是薄俗嗟嗟難重開
山麋鹿可爲隣所以蹈東海古往今來稱達人

行路難二首

高適

長安少年不少錢能騎駿馬鳴金鞭五侯相逢大道
邊美人絃管爭留連黃金如斗不敢惜片言如山莫
棄捐安知憔悴讀書者暮宿靈臺私自憐

君不見富家翁舊時貧賤誰比數一朝金多結豪貴
百事勝人健如虎子孫成行滿眼前妻能管絃妾歌
舞自矜一身忽如此却笑傍人獨愁苦東隣少年安
所如席門窮巷出無車有才不肯學干謁何用年年

空讀書

行路難

崔顥

君不見建章宮中金明枝萬萬長條拂地垂二月三
月花如霞九重幽深君不見豔彩朝含四寶宮香風
吹入朝雲殿漢家宮女春未闌愛此芳春朝暮看來
看去看心不忘攀折將安鏡臺上雙雙素手剪不成
兩兩紅粧笑相向建章昨夜起春風一花飛落長信
宮長信麗人見花泣憶此珍樹何嗟及我昔初在昭
陽時朝朝暮暮折金三埒只言歲歲長相對不道今朝
遙相見

行路難三首

李白

金樽清酒斗十千玉盤珍羞直萬錢停杯投箸不能
食拔劍回顧心茫然欲渡黃河水塞川將登太行雪
滿山閑來垂釣碧溪上忽復乘舟夢日邊行路難行
路難多岐路今安在長風破浪會有時直挂雲帆濟
滄海

大道如青天我獨不得出羞逐長安社中兒赤雞白
狗賭梨栗彈劍作歌奏古聲曳裾王門不稱情淮陰
市井笑韓信漢朝公卿忌賈生君不見昔時燕家重
郭隗擁篲折節無嫌猜劇辛樂毅感恩分輪肝剖膽
效英才昭王白骨縈爛草誰人更掃黃金臺行路難
歸去來

有耳莫洗穎川水有口莫食首陽蕨含光混世貴無
名何用孤高比雲月吾觀自古賢達人功成不退皆
殞身子胥既棄吳江上屈原終投湘水濱陸機雄才
豈自保李斯稅駕苦不早華亭鶴唳詎可聞上蔡蒼
鷹何足道君不見吳中張翰稱達生秋風忽憶江東
行且樂生前一杯酒何須身後千載名

行路難五首

賀蘭進明

君不見東流水一去無窮已君不見西郊雲日夕空

氛氲群鴈徘徊不能去一鴈悲鳴復失群人生結交在終始莫以升沈中路分

君不見雪中月斲盈還復缺君不見林下風聲遠意難窮親故平生或聚散歡娛未盡樽酒空歎息青青陵上栢歲寒能有幾人同

君不見芳樹枝春花落盡蜂不窺君不見梁上泥秋風始高燕不棲蕩子從軍事征戰蛾眉嬋娟守空閨獨宿自然堪下淚況復時聞烏夜啼

君不見門前柳榮耀幾時蕭索久君不見陌上花狂風吹去落誰家隣家思婦見之歎迴首不梳心歷亂

唐詩類苑 卷之百二十 五十一
盛年夫婿長別離歲暮相逢色彫換

君不見巖下片石不及泉君不見山上苗數寸凌雲煙人生相命亦如此何苦太息自憂煎但願親友長含笑相逢不乏杖頭錢寒夜邀歡須秉燭豈得長思花柳年

行路難

孟雲卿

君不見高山萬仞連蒼旻天長地久成埃塵君不見長松百尺多勁節狂風暴雨終摧折古今何世無聖賢吾愛伯陽真乃天金堂玉闕朝群仙拍手東海成桑田海中之水慎勿枯烏鵲啄蚌傷明珠行路難艱

險莫踰蜀

蜀道難

張琮

古今樂錄曰王僧虔技錄有蜀道難行今不歌樂府解題曰蜀道難備言銅梁玉壘之阻與蜀國絃頗同尚書談錄曰李白作蜀道難以罪嚴武後陸暢謁韋南康臯於蜀郡感章之恩遂反其詞作蜀道易云蜀道易易於履平地按銅梁玉壘在蜀郡西南今永康是也非入蜀道失之遠矣

梁上鎮地險精石阻雲端深谷下寥廓層巖上鬱盤飛梁駕絕嶺棧道接危巒攬轡獨長息方知斯路難

蜀道難

李白

太白自蜀至京師賀知章聞其名首訪之既奇其姿又請所爲文太白出蜀道難示之呼爲謫仙人噫吁戲危乎高哉蜀道之難難於上青天蠶叢及魚鳧開國何茫然爾來四萬八千歲不與秦塞通人煙西當太白有鳥道可以橫絕峨眉巔地崩山摧壯士死然後天梯石棧相鉤連上有六龍回日之高標下有衝波逆折之回川黃鶴之飛尚不得過猿猱欲度愁攀緣青泥何盤盤百步九折縈巖巒扞參差井仰脅息以手撫膺坐長歎問君西遊何時還畏途巖巖

不可攀但見悲鳥號古木雄飛雌從繞林間又聞子
規啼夜月愁空山蜀道之難難於上青天使人聽此
彫朱顏連峯去天不盈尺枯松倒挂倚絕壁飛湍瀑
流爭喧豗崩崖轉石萬壑雷其嶮也如此嗟爾遠道
之人胡爲乎來哉劍閣崢嶸而崔嵬一夫當關萬夫
莫開所守或匪親化爲狼與豺朝避猛虎夕避長蛇
磨牙吮血殺人如麻錦城雖云樂不如早還家蜀道
之難難於上青天側身西望長咨嗟

行路難

朱慶餘

世事澆浮後艱難向此生人心不自足公道爲誰子

唐詩類苑

卷之三百十

五

德喪淳風盡年荒蔓草盈堪悲山下路非祗客中行

行路難二首

顧況

君不見見擔雪塞井徒用力炊沙作飯豈堪噉一生肝
膽向人盡相識不如不相識冬青樹上挂凌霄歲晚
花彫樹不彫凡物多自有根本種禾終不生豈苗行
路難行路難何處是平道中心無事當富貴今日覺
君顏色好

君不見少年頭上如雲髮少壯如雲老如雪豈知灌
頂有醍醐能使清涼頭不熱呂梁之水挂飛流鼉鼉
蛟蜃不敢遊少年恃險若平地獨倚長劍凌清秋行

路難行路難昔少年今已老前朝竹帛事皆空口莫
牛羊占城草

行路難

錢起

君不見明星映空月太陽朝升光盡歇君不見彫零
委路蓬長風飄舉入雲中由來人事何嘗定且莫驕
奢笑賤窮

行路難

張籍

湘東行人長歎息十年離家歸未得弊裘羸馬苦難
行僮僕饑寒少筋力君不見牀頭黃金盡壯士無顏
色龍蟠泥中未有雲不能生彼升天翼

唐詩類苑

卷之三百十

五

行路難

一五通

韋應物

荆山之白玉芳良工雕琢雙環連月蝕中央鏡心穿
故人贈妾初相結恩在環中尋不絕人情厚薄苦須
臾昔似連環今似玦連環可碎不可離如何物在人
自移上客勿遽歡聽妾歌路難旁人見環環可憐不
知中有長恨端

行路難

戴叔倫

出門行路難富貴安可期淮陰不免惡少辱況生亦
作窮途悲顛倒英雄古來有封侯却作將元長安
班馬隨輕肥青雲賓從紛交馳白頭空負平生志氣宰

牛烹羊如折葵宴樂寧知白日短時時醉擁雙雙
揚雄閉門空讀書門前碧草春離離不如拂衣且歸
去世上浮名徒爾爲

行路難三首

僧貫休

君不見山高海深人不測古往今來轉青碧淺近輕
浮莫與交地卑只解生荆棘誰道黃金如糞土張耳
陳餘斷消息行路難行路難君自看

不會當初作天地剛有多般愚與智到頭還用真辛
心何如上下皆清氣大道冥冥不知處那堪頓得義
和轡義不義今仁不仁擬學長生更容易負薪爲爐

唐詩類苑

卷之三百三

五

復爲火綠木求魚應且止君不見燒金煉石古帝王
鬼火熒熒白楊裏

君不見道傍廢井生古木本是驕奢貴人屋幾推輪
席上招賢急山陰對雪頻虎明先且幕啓閉異冬春
談笑兵家法逢迎幕府賓還依負暄處時借在陰人

行路難

僧齊己

行路難君好看驚波不在驢騾間小人心裏藏崩湍
七盤九折寒峭崿翻車倒蓋猶堪出未似是非唇舌
危暗中潛毀平人骨君不見楚靈均千古沈冤湘水
頭又不見李太白一朝却作江客

行路難三首

柳宗元

君不見夸父逐日窺虞淵跳踉北海超崑崙披雲
漢出沆漭瞥裂左右遺星辰須臾力盡道渴死狐鼠
蜂蟻爭噬吞北方埽人長九寸開口抵掌更笑喧嗽
啾飲食滴與粒生死亦足終天年睢盱大志小成遂
坐使兒女相悲憐

虞衡斤斧羅千山工命採斫伐與椽深林土剪十取
一百牛連軼摧雙轅萬圍千尋妨道路東西蹶倒山
火焚遺餘毫末不見保礪礪礪壑何當存群材未成
質已夭突兀嶧豁空巖巒栢梁天災武庫火匠石狼

唐詩類苑

卷之三百三

五

顧相愁冤君不見南山棟梁益稀少愛才養育誰復
論

飛雪斷道冰成梁侯家熾炭雕玉房蟠龍吐耀虎喙
張熊蹲豹躑躅爭低昂攢巒叢嶠射朱光丹霞翠霧飄
奇香美人四向迴鳴瑞雪山水谷晞太陽星躔奔走
不得止奄忽雙燕復虹梁風臺露榭生光飾死灰葉
置參與商盛時一去貴反賤桃笙葵扇安可當

貧窮

丘中有一士二首

白居易

丘中有一士不知其姓名色不憂苦血氣常和平

每選隙地居不踏要路行舉動無尤悔物莫與之爭
藜藿不充腸布褐不蔽形終歲守窮餓而無嗟歎聲
豈是受貧賤深知時俗情勿矜羅弋巧鸞鶴在冥冥

二

丘中有一士守道歲月深行披帶索衣坐拍無絃琴
不飲濁泉水不息曲木陰所逢苟非義糞土千黃金
鄉人化其風熏如蘭在林智愚與強弱不忍相欺侵
我欲防其人將行復沈吟何必見其面但在學其心

閑居貧活計

白居易

冠蓋閑居少簞瓢陋巷深稱家開戶牖量力置園林

唐詩類苑 卷之三百三

五七

儉薄身都慣營爲力不任饑烹一片肉暖卧兩重衾
樽有陶潛酒囊無陸賈金莫嫌貧活計更富即勞心

朝饑

賈島

市中有樵山此舍朝無煙井底有甘泉釜中乃空然
我要見白日雪來寒一作寒青天坐聞西牀琴凍折兩

三絃饑莫詰他門古人有拙言

無長物

白居易

莫話家居窄無嫌活計貧只緣無長物始得作閑人
青竹單牀簟烏紗獨幅巾其餘皆稱是亦足奉吾身

贈東溪貧道

方干

非唯劍鶴獨難留觸事皆聞被債收賴是豪家念
餒却還漁島與魚舟

北郭貧居

孟郊

進乏廣莫力退爲蒙瀧居三年失意歸四向相識疎
地僻草木壯荒條扶我廬夜貧燈燭絕明月照我書
欲識貞靜操秋蟬飲清虛

貧居冬杪

黃滔

數塞未來通吾非學魯窮居歲杪雨孤坐夜深風
年長慙昭代才微辱至公還愁把春酒雙淚汚杯中

秋夕貧居

黃滔

唐詩類苑

卷之三百三

五七

聽飛狂席闌下馬槐煙裏豪門腐梁肉窮巷思糠粃
孤燈照獨吟半壁秋花死遲明亦如晦雞唱徒爲爾

貧居

王建

眼底貧家計多時總莫嫌蠹生騰藥紙字暗換書籤
避雨濕黃葉遮風下黑簾近來身不健時就六壬占

酬夢得貧居詠懷見贈

白居易

歲陰生計兩蹉跎相顧悠悠醉且歌周冷難留鳥止
屋門閑可與雀張羅病添莊鳥吟聲苦貧欠韓康藥
債多日望揮金賀新命俸錢依舊又如何

寒女吟

邵謁

寒女命自薄生來多賤微家貧人不聘一身無所歸
養蠶徒苦心繭熟他人絲織素徒苦力素成他人衣
青樓富家女纔生便有主終日著羅綺何曾識機杼
清夜聞歌聲聽之淚如雨他人如何歡我意又何苦
所以問皇天皇天竟無語

貧女詞寄從叔先輩簡

孟郊

貧一作女非不勤今年獨無春二月冰雪深死盡萬
木身時令自逆行造化豈不仁仰企碧雲仙高控滄
海雲永別勞苦腸飄飄遊無垠

貧女

李山甫

唐詩類苑

卷之百三十

五

平生不識繡衣裳閑把荆釵亦自傷鏡裏只應諳素
貌人間多自信紅粧當年未嫁還憂老終日求媒即
道任兩意定知無說處暗垂珠淚濕蠶筐

貧女

秦韜玉

蓬門未識綺羅香擬托良媒益自傷誰念風流高格
調共憐時世儉梳粧敢將十指誇纖巧不把雙眉闕
畫長每恨年年壓金線爲他人作嫁衣裳

唐詩類苑卷第一百三十

唐詩類苑卷第一百三十一

明雲間張之象玄超甫纂輯

雲間姜雲龍神超甫編次

雲間王微叔明甫補訂

梁谿曹仁孫伯安甫校正

人部

感舊

經破薛舉戰地

太宗

昔年懷壯氣提戈初仗節心隨朗日高志與秋霜潔
移鋒驚電起轉戰長河決營碎落星沈陣卷橫雲裂

唐詩類苑

卷之百三十一

一

一揮氛沴靜再舉鯨鯢滅於茲俯舊原屬目駐華軒
沈沙無故迹滅竈有殘痕浪霞穿水淨峯霧抱蓮昏
世途亟流易人事殊今昔長想眺前踪撫躬聊自適
奉和聖製經破薛舉戰地應制

許敬宗

混元分大象長策挫修鯨於斯建宸極由此創鴻名
一戎乾宇大千祀德流清垂衣凝庶績端拱鑄羣生
復整瑤池駕還臨官渡營周遊尋曩迹曠望動天情
離宮而丹浦帳殿矚宛城虜場棲九穗前歌被六英
戰地甘泉涌陣處景雲生普天霑凱澤相攜欣頌平

行次成臯途經先聖擒建德之所緬思功業

感而賦詩

玄宗

有隋政昏虐羣雄已交爭先聖按劍起叱咤風雲生
飲馬河洛竭作氣嵩華驚克敵皇圖就擒俘帝道亨
顧慙嗣寶曆恭承天下平幸過剪鯨地感慕仁且英
奉和聖製行次成臯經先聖擒建德之所

張說

夏氏階隋亂自言河朔雄王師進谷水兵氣臨山東
前掃成臯陣却下洛陽宮義合帝圖起威加天宇同
軒臺百年外虞典一巡風戰罷思王業倚馬賦神功
唐詩類苑 卷之百三十一 二

奉和聖製行次成臯經先聖擒建德之所

張九齡

天命誠有集王業初惟艱窮商自文祖夷項在茲山
地識斬蛇處河臨飲馬間威加昔運往澤流今聖還
尊祖頌先烈賡歌安用攀紹成卽我后封岱出天關

對酒憶賀監二首 并序

李白

太子賓客賀公於長安紫極宮一見予呼予爲謫
仙人因解金龜換酒爲樂沒後對酒悵然有懷而
作是詩

四明有狂客風流賀季真長安一相見呼我謫仙人

昔好盃中物今爲松下塵金龜換酒處却憶淚沾巾

二

狂客歸四明山陰道士迎勅賜鏡湖水爲君臺沼榮
人亡餘故宅空有荷花生念此杳如夢淒然傷我情
悲故交 韋應物

白璧衆求瑕素絲易成汚萬里顛沛還高堂已長暮
積憤方盈抱纏哀忽逾度念子從此終黃泉竟誰訴
一爲時事感豈獨平生故唯見荒丘原野草塗朝露
得耿津司法書因敘長安故友零落兵部苗
員外發秘省李校書端相次傾逝路府崔

唐詩類苑

卷之百三十一

三

功曹峒長林司空丞曙俱謫遠方余以搖
落之時對書增歎因呈河中鄭倉曹暢叅

軍昆季

盧綸

鬢似衰蓬心似灰驚悲相集老相催故友九泉留語
別逐臣千里寄書來塵容帶病何堪問淚眼逢秋不
喜開幸接野居宜屣步冀君清夜一申哀

重過隨州故兵部李侍郎恩知因抒長句

羅隱

高論伯牙琴閑夜思量淚滿襟四海共誰言近
事九原從此負初心鷗翻漢浦風波急鴈下鄖溪霧

雨深慚愧蒼生還有意解歌襦袴至今

故洛陽公鎮大梁時隱得游門下今之經歷

事往人非聊抒所懷以傷以謝

羅隱

孤舟欲泊思何窮曾憶西來值雪中朱履少年初滿座白衣游子也從公狂拋賦筆瑤璃冷醉倚歌筵玳

瑁紅今日斯文向誰說淚碑棠樹兩成空

千塔主人

王維

逆旅逢佳節征帆未可前臨臨汴河水門渡楚人船

鷄犬散墟落桑榆陰遠田所居人不見枕席生雲烟

唐詩類苑

卷之三百三十一

四

傷峴山雲表觀主

孟浩然

少小學書劍秦吳多歲年歸來一登眺陵谷尚依然

豈意餐霞客溘隨朝露先因之問閭里把臂幾人全

登河陽斗門見張貞期題黃河詩因以感寄

崔曙

吾友東南美昔聞登此樓人從川上去書在壁中留

嚴子好真隱謝公耽遠遊清風初作興夏日復銷愁

詩與文字古迹隨山水幽已蕞蒼生望空見昔河流

榮樂春將晚悲涼物似秋天高不可問掩泣赴行舟

張彭州前與緱氏馮少府各惠寄一篇多故

未答張已云沒因追哀敘事兼遠前馮生

韋應物

君昔掌文翰西域復石渠朱衣乘白馬輝光照里閭

余時忝南省接讌愧空虛一別守茲郡嗟跼蹐再除

長懷關河表永日蘭牘餘郡中有方塘涼閣對紅蕖

金玉蒙遠貺篇詠見吹墟未答平生意已沒九原居

秋風吹寢門長慟涕漣如覆視絨中字每爲昔人書

髮鬢已云白交友日彫疎馮生遠同恨憔悴在田園

東林精舍見故殿中鄭侍御題詩追舊情

涕泗橫集因寄呈閭澧州馮少府

唐詩類苑

卷之三百三十一

五

韋應物

仲月景氣佳東林一登歷中有故人詩淒涼在高壁

精思長懸懷作世音容已歸寂墨澤傳酒餘磨滅親

翰迹平生忽如夢百事皆成昔結騎京華年揮文篋

笥積朝廷重英彥時輩分珪璧未謝栢梁陪獨闕金

門籍方嬰存沒感豈暇林泉適雨餘山景寒風散花

光夕新知雖滿堂故情誰能覩唯當同時友緘寄空

悽感

李少府廳弔李元賓遺字 孟郊

零落三四字忽成千萬年那知冥冥客不有補亡篇

斜月弔空壁旅人難獨眠一生能幾時百慮來相煎
戚戚故交淚幽幽長夜泉已矣難重言一言一潸然

覽崔爽遺文因抒幽懷 孟郊

墮淚數首文悲結千里墳蒼旻且留我白日空遺君
仙鶴未巢月衰鳳先墜雲清風獨起時舊語如再聞
瑤草罷歲幾桂花休氛氲萬物與我心相感吳江濱

吉祥寺見錢侍郎題名 白居易

雲雨三年別風波萬里行秋心正蕭索况是故人名
公安縣遠安寺水亭見展公題壁漂然淚流

因書四韻

唐詩類苑

卷之三十三

六

碧澗去年會與師三兩人今來見題壁師已是前身
芝葉迎僧夏楊花度俗春空將數行淚洒遍塔中塵

撰彭陽公誌文畢有感 李商隱

延陵留表墓峴首送沈碑敢伐不加點猶當無媿辭
百生終莫報九死諒難追待得生全後川原亦幾移

夕次壽陽驛題吳郎中詩後

韓愈

風光欲動別長安春半邊城特地寒不見園花兼巷
柳馬頭惟有月團圓

感化寺見元九劉三十二題名處

微之謫去千餘里太白無來十一年今日見名如見
面塵埃壁上破牕前

商山路驛桐樹昔與微之前後題名處

白居易

與微之前後多遷謫五度經過此路隅笑問中庭老桐
樹這迴歸去免來無

見宋拾遺題名處感而成詩

杜牧

竄逐窮荒與死期餓唯蒿藿病無醫
恨不見崇山謫去時

唐詩類苑

卷之三十三

七

三川驛伏覽座主舍人留題

杜牧

舊迹依然已十秋雪山當面照銀鈎懷恩淚盡霜天
曉一片餘霞映驛樓

赴杭州重宿棣華驛見楊八舊詩感題一絕

白居易

往恨今愁應不殊題詩梁下又踟躕美君猶夢見兄
弟我到天明睡亦無

段九秀才處見亡友呂衡州書迹

柳宗元

交似平生意最親
衡陽往事似分身
袖中忽見三行字
拭淚相看是故人

訓樂天吟張員外詩見寄因思上京每與樂
天於居敬兄升平里詠張新詩

元稹

樂天書內重封到
居敬堂前共讀時
四友一爲泉路客
三人兩詠浙江詩
別無遠近皆難見
老減心情自各知
杯酒與他年少隔
不相訓贈欲何之

覽盧子蒙侍御舊詩多與微之唱和感今傷

唐詩類苑

卷之百十

八

昔因贈子蒙題於卷後 白居易

早聞元九詠君詩
恨與盧君相識遲
今日逢君開舊卷
卷中多道贈微之
相看掩淚情難說
別有傷心事豈知
聞道咸陽墳上樹
已抽三丈白楊枝

篋中得故王郎中書

羅隱

鳳里前年別望郎
丁寧唯恐滯吳鄉
勸疎杯酒知妨事
乞與書題作累糧
萍鹿未能移海曲
縣花尋已落河陽
九原自此無因見
反覆遺踪淚滿裳

恨去年

白居易

老去猶耽酒
春來不著家
去年來校地
不見洛陽花

少遊荆湘因有是題

沈佺期

峴北焚蛟浦
巴東射雉田
歲時宜楚俗
耆舊在襄川
憶昨經過處
離今二十年
因君訪生死
相識幾人全

憶昨行和張十一

韓愈

憶昨夾鐘之呂初吹灰
上公禮罷元侯迴
車載牲牢饗昇酒
並召賓客延鄒枚
腰金首翠光照耀
絲竹迴發清以哀
青天白日花草麗
玉笋屢舉傾金罍
名聲座所屬
起舞先醉長松摧
宿醒未解舊疾作
滯室靜卧聞風雷
自期殞命在春序
屈指數日憐嬰孩
危辭苦語感我耳
淚落不掩何漣漣
念昔從君渡湘

唐詩類苑

卷之百十

九

水大帆夜剗窮高
梔陽山鳥路出臨武驛
馬拒地驅頻墮
踐蛇茹蠱不擇死
忽有飛詔從天來
休文未揃崖州熾
雖得赦宥恒愁猜
近者三奸悉破碎
羽窟無底幽黃能眼中
了了見鄉國
知有歸日眉方開
今君縱署天涯吏
投檄北去何難哉
無妄之憂勿藥喜
一善自足褰千災
頭輕目朗肌骨健
古劍新斲磨塵埃
殃銷禍散百福併
從此直至耆與鮐
嵩山東頭伊洛岸
勝事不假須穿裁
君當先行我待滿
沮溺可繼窮年推

念昔遊三首

杜牧

十載飄然繩檢外尊前自獻自爲詞秋山春雨閑吟處倚遍江南寺寺樓

雲門寺越州外逢猛雨林黑山高雨脚長曾奉郊宮爲近侍分明搜搜先勇羽林槍

李白題詩水西寺宣州古木迴巖樓閣風半醒半醉遊三日紅白花開山雨中

懷鍾陵舊遊四首

杜牧

一謁征南最少年虞卿雙璧截肪鮮歌謠千里春長暖絲管高臺月正圓玉帳軍籌羅俊彥絳帷環珮立神仙陸公餘德機雲在如我誚恩合執鞭

唐詩類苑

卷之百三十一

十一

滕閣中春綺席開柘枝蠻鼓殷晴雷垂樓萬幙青雲合破浪千帆陣馬來未掘雙龍牛斗氣高懸一榻棟梁材連巴控越知何有珠翠沉檀處處堆

十頃平湖堤柳合岸秋蘭芷綠纖纖一聲明月採蓮女四面珠樓卷畫簾白鷺烟分光的微漣風定翠

沾沾徒兼斜暉更落西山影千步虹橋氣象兼

控壓平江十萬家秋來江靜鏡新磨城頭晚鼓雷霆後橋上游人笑語多日落汀痕千里色月當樓午一聲歌昔年行樂櫻桃畔醉與龍沙揀蜀羅

憶昔

韋莊

昔年曾向五陵遊子夜歌清月滿樓銀燭樹前長似畫露桃花下不知秋西園公子名無忌南國佳人號莫愁今日亂離俱是夢夕陽唯見水東流

追昔遊

元稹

謝傅堂前音樂和狗兒吹笛膽娘歌花園欲盛千場飲水閣初成百度過醉摘櫻桃投小玉懶梳叢鬢舞曹婆再來門館唯相弔風落秋池紅葉多

舊遊

羅隱

良時不復再漸老更難言遠水猶經眼高樓似斷魂依依朱玉宅歷歷長卿村今日空江畔相於只酒罇

唐詩類苑

卷之百三十一

十一

憶鄱陽舊遊

顧況

悠悠南國思夜向江南泊楚客斷腸時月明楓子落春日憶湖南舊遊寄盧校書

羅隱

旅榜前年過洞庭曾提刀筆事甘寧秋筵離隔將軍幕朱履頻窺處士星恩重匣中孤劍在夢餘江畔數竿青金貂見鵬嘉賓散迴首昭丘一涕零

重九登滁城樓憶前歲九日歸澧上赴崔都

水及諸弟詩

韋應物

今日重九謀去歲在京師聊迴出省步一赴郊園期
嘉節始云邁周辰已及茲秋山滿清景當賞屬乖離
凋散民里闊摧翳衆木衰樓中一長嘯惻愴起涼颼

懷舊

杜甫

地下蘇司業親情獨有君那因喪亂後便有死生分
老罷知明鏡悲來望白雲自從失詞伯不復更論文

開元觀懷舊寄李二韓二裴四兼呈崔郎中

嚴家令

韋應物

宿昔清都燕分散各西東車馬行跡在霜雪竹林空
方軫故物念誰復一樽同聊披道書暇還此聽松風

唐詩類苑

卷之百三十一

十一

重遊練湖懷舊并序

許渾

余嘗與故宋補闕次都秋夕游練湖亭今復登賞
愴然有感因賦是詩

西風渺渺月連天同醉蘭舟未十年鵬鳥賦成人已
沒嘉魚詩在世空傳榮枯盡寄浮雲外哀樂猶驚逝
水前日暮長堤更回首一聲鄰笛舊山川

微之到通州日授館未安見塵壁間數行字
讀之即僕詩其落句云淥水紅蓮一朵開
千花百草無顏色然不知題者何人也微
之乃吟嘆不足因綴一章兼錄僕詩本同

寄省其詩乃是十五年前初及第時贈長

安妓人阿軟絕句緬思往事杳若夢中懷

舊感今因酬長句

白居易

十五年前似夢遊曾將詩句結風流偶助笑歌嘲阿
軟可知傳誦到通州昔教紅袖佳人唱今遺青衫司
馬愁惆悵又開題處所雨淋江館破牆頭

酬黃從事懷舊見寄

羅隱

舊遊不合到心中把得君詩意亦同水館酒闌清夜
月香街人散白楊風長繩繫日雖難絆辯口談天不
易窮世事自隨蓬轉在思量何處是飛蓬

唐詩類苑

卷之百三十一

十一

過漢陂懷舊

韋莊

辛勤曾寄玉峯前一別雲溪二十年三徑荒涼迷竹
樹四鄰凋謝變桑田漢陂可是當時事紫閣空餘舊
日烟多少亂離無處問夕陽吟罷涕潸然

感舊憶崔宗之

李白

崔郎中宗之遊南陽遺吾孔子琴撫之泠然感舊
昔在南陽城唯餐獨山蕨憶與崔宗之白水弄素月
時過菊潭上縱酒無休歇泛此黃金花頽然清歌發
一朝摧玉樹生死殊飄忽留我孔子琴琴存人已歿
誰傳廣陵散但哭卬山骨泉戶何時明長掃孤兔窟

長沙驛前南樓感舊

柳宗元

海鶴一爲別存亡三十秋今年數行淚獨上驛南樓
罷鍾陵幕吏十三年來泊湓浦感舊爲詩

杜牧

青梅雨中熟橋倚酒旗邊故國殘春夢孤舟一褐眠
搖搖遠堤柳暗暗十程烟南奏鍾陵道無因似昔年

感舊

羅隱

魴鯀孫梁閣戈鏃太舊管重言虛有位孤立竟無成
丘壠笳簫咽池臺歲月平此恩何以報歸處是柴荆

重到江州感舊遊題郡樓十一韻

唐詩類苑

卷之百十一

十四

白居易

掌綸知是忝剖竹信爲榮才薄官仍重恩深責尚輕
昔徵從典午今出自承明鳳詔休揮翰漁歌欲濯纓
還乘小艤艤却到古湓城醉客臨江待禪僧出郭迎
青山滿眼在白髮半頭生又校三年老何曾一事成
重過蕭寺宿再上庾樓行雲水新秋思閭閻舊日情
郡民猶認得司馬詠詩聲

感舊陳情五十韻獻淮南李僕射

溫庭筠

結紹垂簪日山濤筮仕年琴樽陳席上統緒拜牀前

鄰里繞三徙雲霄已九遷感深情憫况言發淚潺湲

憶昔龍圖盛方今鶴羽全桂枝香可襲楊葉舊頻穿
玉簪標人瑞金丹化地仙賦成攢筆寫歌出滿城傳

既矯排虛翅將持造物權萬靈思鼓鑄羣品待陶甄
視草絲綸出持綱雨露懸法行黃道內居近翠華邊

書迹臨湯鼎吟聲接舜絃白麻紅燭夜清漏紫微天
雷電隨神筆魚龍落彩牋開宵陪雍時清暑在甘泉

耿介非持祿優游是養賢水清臨百粵風靡化三川
委寄崇推轂威儀壓控弦梁園提轂騎淮水換戎旃

舉日清油濕迴風錦帳鮮黛蛾陳二分珠履列三千

唐詩類苑

卷之百十一

十五

舞轉迴紅袖歌愁飲翠鈿滿堂開照曜分座儼嬋娟
額芙蓉容帳香塵玳瑁筵繡旗隨月影金陣似波旋
緹幕深迴互朱門暗接連彩虬蟠畫戟花馬立金鞭
有客將誰託無媒竊自憐抑揚中散曲漂泊孝廉船
未展干時策徒拋負郭田轉蓬猶遯爾懷橘更潯然
投足乖蹊逕冥心向簡編未知魚躍地空媿鹿鳴篇
稷下期方至漳濱病未痊定非籠外鳥真是穀中蟬
蕙逕鄰幽澹荆扉興靜便草堂苔點點蔬圃水澱澱
釣罷溪雲重樵歸澗月圓懶多成宿次甚似春眠
木直終難怨青明只自煎鄭鄉空健美陳榻未招延

旅食逢春盡羈遊爲事牽官無毛義檄婚乏阮脩錢
冉弱營中柳披敷幕下蓮儻能容委質非敢望差肩
濯劍猶堪淬餘朱或可研從師當鼓篋窮理久忘筌
折簡能榮瘁遺簪莫棄捐韶光如見借寒谷變風烟

故少師從翁隱巖別墅亂後榛蕪感舊懷

遂有追紀

鄭谷

風騷爲主人凡俗仰清塵密竹稱閨闔明誠動縉紳
周旋居顯重內外掌絲綸妙主蓬壺藉忠爲社稷臣
大儀墻仞峻東轡紀綱新聞善常開口推公豈爲身
立朝鳴珮重歸宅典衣貧半醉看花晚中餐耆萊春

唐詩類苑

卷之百三十一

七

晴臺隨鹿上幽墅結僧鄰理論知清越清越江左詩僧孤卿待之

其生徒得李頻藥香沾筆硯竹色染衣巾寄鶴眠雲

叟騎驢入室賓咸通中舉子乘馬唯張喬跨驢近將

姚監比自姚秘監合生張風孤卿延於門下僻與段卿親葉積池邊

路茶遲雪後薪所難留著述誰不秉陶鈞喪亂時多

變追思事已陳浮華重發作雅正甚湮淪宗從今何

在依淒素有因七松無影響孤卿植小松七本自號

生雙淚益悲辛猶喜于門秀年來屈復伸

感舊 并序

白居易

故李侍郎杓直長慶元年春薨元相公微之大和

六年秋薨崔侍郎晦叔大和七年夏薨劉尚書夢
得會昌二年秋薨四君子予之執友也二十年間
周零共盡唯予衰病至今獨存因詠悲懷題爲感
舊

晦叔墳荒草已陳夢得基濕土猶新微之捐館將一
紀杓直歸丘二十春城中雖有故第宅庭蕪園廢生
荆榛篋中亦有舊書札紙穿字蠹成灰塵平生定交
取人窄屈指相知唯五人四人先去世我在後一枝蒲
柳衰殘身豈無晚歲新相識相識面親心不親人生
莫美苦長命令長感舊多悲辛

唐詩類苑

卷之百三十一

七

感舊詩卷

白居易

夜長吟罷一長吁老淚燈前濕白鬚二十年前舊詩

卷一人酬和九人無

感舊石上字

白居易

閑撥船行尋舊池幽情往事復誰知太湖石上鐫三
字十五年前陳結之

爲淮南節度使遊故居感舊

王播

昔年獻賦去江湄今日行春到却悲三逕僅存新竹
樹四鄰惟見舊孫兒壁間潛認偷光處川上寧忘結

網時便見橋邊記名姓始知題柱免人嗤

予與故刑部李侍郎早結道友以藥術爲事

與故京兆元尹晚爲詩侶有林泉之期周

歲之間二君長遊李住曲江北元居昇平

西追感舊遊因貽同志 白居易

從哭李來傷道氣自亡元後減詩情金丹同學都無

益水竹鄰居竟不成月夜若爲遊曲水花時那忍到

昇平如年七十身猶在但恐傷心無處行

華清感舊

王建

塵到朝元邊使急千官夜發六龍迴輦前月照羅衫

唐詩類苑

卷之三十三

七

淚馬一作宮

上風吹燐燭灰公主粧樓金鎖濯貴妃湯

殿玉池開有時雲外聞天樂知是先皇沐浴來

饒州餘干縣琵琶州有故韓賓客宣城裴尚

書修行李侍郎舊居遺址猶存 有過之

感舊因以和吟

韋莊

琵琶洲水斗牛星鸞鳳曾於此放情已覺地靈因昂

降更聞川媚有珠生一灘紅樹留佳氣萬古清絃續

政聲戟戶盡移天上去里人空說舊簪纓

同劉二十八院長述舊言懷感時書事奉寄

澧州張員外君五十二韻之作因其韻增

至八十通贈二君子 柳宗元

弱歲游玄圃先客幸棄瑕名勞長者記文許後生誇

鸞翼嘗披隼蓬心賴倚麻繼酬天祿署俱尉旬侯家

憲府初收跡丹墀共拜嘉分行參瑞獸傳點亂宮鴉

執簡寧循枉持書每去邪鸞鳳標魏闕熊武負崇牙

辨色宜相顧傾心自不諱金爐仄流月紫殿啓晨霞

未竟遷喬樂俄成失路嗟還如渡遼水更似謫長沙

別怨秦城暮途窮越嶺斜訟庭閑枳棘候吏逐麋麕

三載皇恩暢千年聖曆遐朝宗延架海師役罷梁嗟

京邑搜貞幹南宮步渥洼世推材是梓人仰驥中驂

唐詩類苑

卷之三十三

九

欽刺苗人地仍逾嶺石崖禮容乘輦奉戎備響鉦銀

寵卽卽官舊威從太守加建旗翻鸞鳥負弩繞文蛇

冊府榮八命中闈盛六卿肯隨胡質矯方惡馬融奢

褒德符新換懷仁道迸遮俗嫌龍節晚朝訝介圭賒

禹貢輸苞匭周官賦秉秬雄風吞七澤異產控三巴

卽事觀農稼因時展物華秋原被蘭葉春渚漲桃花

令肅軍無擾程縣市禁賁不應虞竭澤寧復歎棲直

蟬蹶駒先駕龍銅鼓報衙染毫東國素濡印錦溪砂

貨積舟難泊人歸山倍舍吳歛工折柳楚舞舊傳芭

隱几松爲曲頌鑄石作汗寒初榮橘柚夏首薦枇杷

祀變荆巫禱風移魯婦髻已聞施愷悌還覩正奇衰
慕友慚連璧言烟喜附葭沈埋全死地流落半生涯
入郡腰常折逢人手盡又敢辭親耻汗唯恐長疵瑕
善幻迷水火齊諧笑泊塗東門牛屨飯中散蟲空爬
逸戲看猴鬬珠音辨馬過渚行孤作孽林宿鳥爲殘
同病憂能老新聲麗似嬌豈知千仞墜祗爲一毫差
守道甘長絕明心欲自剄貯愁聽夜雨隔淚數殘葩
梟族音常聒豺羣啄競呀岸蘆翻毒蜃磳竹鬬狂摩
野鷺行看弋江魚或共投瘴氛恒積潤訛火亟生煨
耳靜煩喧蟻魂驚怯怒蛙風枝散陳葉霜蔓經寒瓜

唐詩類苑

卷之三十三

三

霧密前山桂水枯曲沼遐思鄉北莊焉避世遇時夸
漁舍笑荒草林橋卧古槎御寒衾用蜀挹水勺仍椰
窻蠹惟潛蜴蜚競競綴蝸引泉開故竇護藥插新葩
樹怪花因榭蟲憐目待蝦驟歌喉易噉饒醉鼻成敲
曳捶牽羸馬垂簑牧艾假已看能奴來切類鼈猶訝雉
爲鷄誰采中原菽徒巾下澤車俚兒供苦荀僧父饋
酸檀勸策扶危杖邀持當酒茶道流徵短褐禪客會
袈裟香飯春菰米珍蔬折五茄方期飲甘露更欲吸
流霞屋鼠從穿兀林狙任攫擎春衫裁白紵朝帽掛
烏紗屢歎恢恢網頻搖肅肅且衰榮困莫莢盈缺幾

蝦蟆路識溝邊柳城聞曉上船共思捐佩處千騎擁
青綃

陪昭應盧郎中在江西宣州佐今吏部沈公
幕罷府周歲公幸昭應牧在淮南磨職敘
舊成二十二韻用以投寄

杜牧

燕鴈下楊州涼風柳陌愁可憐千里夢還是一年秋
宛水環朱檻章江敞碧流謬陪吾益友祗是我賢侯
印組榮光馬鋒鉞看解牛井閤安樂易冠蓋愜依投
政簡稀開閣功成每運籌送春經野塢遲日上高樓

唐詩類苑

卷之三十三

三

玉裂歌聲斷霞飄舞帶收泥情斜拂印別臉小低頭
日晚花枝爛缸疑粉彩稠未曾孤酩酊剩肯隻淹留
重德俄徵寵諸生苦宦遊分途之絕國灑淚拜行輈
聚散真漂梗光陰極轉郵銘心徒歷歷屈指盡悠悠
君作烹鮮用誰膺仄席求卷懷能憤悱卒歲且優游
去矣時難遇沽哉價莫酬滿枝爲鼓吹裏甲避戈矛
隋帝宮荒草秦王土一丘相逢好大笑除此摠雲浮
喜與韋左丞同入南省因叙舊以贈之

白居易

早年同遇陶鈞主利鈍精蘊共在鎔金劍淬來長透

匣鈐刀磨盡不成鋒差肩北省慙非提接武南宮幸
在容跛鼈雖遲騏驎疾何妨中路亦相逢

思舊

白居易

閑日一思舊舊遊如目前再思今何在零落歸下泉
退之服流黃一病訖不痊微之練秋石未老身溘然
杜子得丹訣終日斷腥羶崔君誇藥力經凍不衣綿
或疾或暴天悉不過中年唯予不服食老命反遲延
況在少壯時亦為嗜欲牽但耽葷與血不識冰與飢
饑來吞熱物渴來飲寒泉詩役五臟神酒消三丹田
隨日合破壞至今麤完全齒牙未缺落肢體尚輕便

唐詩類苑

卷之百三十一

主

已開第七袂飽食任安眠且進杯中物其餘皆付天

話舊

亭中對兄妹話蘭陵崇賢懷真已來故事滋然而作

韋應物

存亡三十載事過悉成空不惜霜衣淚併話一宵中

酬友封話舊叙懷十二韻

依大重用為韻

元稹

風波千里別書信二年稀乍見悲兼喜猶驚是與非
身各判作夢孟益莫相違草館同牀宿沙頭待日歸
春深鄉路遠老去官情微魏闕何由到荊州且共依
人欺翻省事官冷易藏威但擬馴鷗鳥無因用琴機

開張圖卷軸顛倒醉衫衣蓴菜銀絲嫩鱸魚雪片肥
憐君詩似湧踏馬筆如飛會遣諸伶倡篇篇入禁圍

巡省途次上黨舊宮

并序

玄宗

朕昔在初九佐貳此州未遇扶搖之力空俟海沂
之詠洎大擴八兆出處斯易一揮寶劍遽履瑤圖
承曆數而順謳謠着天衣而御區夏嗟乎向時沈
默駕四馬而朝京師今日逍遙乘六龍而問風俗
爰因巡省塗次舊居山川宛然人事無間忽其昇
華周遊館宇觸目依然雖迹異漢皇而地如豐邑
擊筑慷慨酌杯流連空想大風題茲短什

唐詩類苑

卷之百三十一

主

三年初擊浪九萬欲搏空天地猶驚各陰陽如遇蒙
存身期歷試佐貳佇昭融多謝時康理良慙寶劍功
長懷問鼎氣夙負拔山雄不學劉琨舞先歌漢祖風
英髦既包括豪傑自牢籠人事一朝異謳歌四海同
如何昔朱邸今此作離宮鴈沼澄瀾平猿巖落照紅
小山餘桂馥長坂舊蘭蓀即是淹留處乘歡樂未窮
奉和聖製巡省途次上黨舊宮應制

張說

慈鬱興王郡殷憂啓聖圖周成會西士
歲下驚興遇農詞鴈正敷武威稜外域文教

警蹕干戈捧朝宗萬玉趨舊蕃人事革新豐國色殊
壁有真龍畫庭餘鳴鳳梧叢觴祝堯壽合鼎獻湯厨
陽樂寒初變春恩蟄更蘇三者頒命服五稔復田輸
君賦大風起人歌湛露濡從臣觀玉葉方願紀靈符
奉和聖製巡省途次上黨舊宮應制

蘇頌

路國臨淄邱天王別駕輿出潛離隱際小往大來初
東陸行春興南陽卽舊居約川星罕駐扶道日旂舒
雲覆連行在風迴助掃除木行城邑望臯洛土田疏
昔試邦興后今過俗後予示威寧校獵崇讓不陳漁
唐詩類苑 卷之三十三

孟

府吏趨宸扆鄉耆捧帝居帳傾三飲處閑整六飛餘
盛業銘汾鼎昌期應洛書願陪歌賦末留比蜀相如
渚宮亂後作 鄭谷

鄉人來話亂離情淚滴殘陽問楚荆白社已應無故
老清江依舊遶空城高秋軍旅齊山樹昔日漁家是
野營牢落故居灰燼後黃花紫蔓上墻生

常在江陵忝故中令白公叨蒙知遇今復重

過渚宮感事悲身遂成長句

羅隱

往歲鄴侯鎮渚宮曾將清律暖孤蓬才吟曼倩三冬

後藝許由基一箭中言重不能輕薄命地寒終是立
春風鳳皇也合台星拆迴首岐山憶至公

過舊宅二首

太宗

新豐停翠輦譙邑駐鳴笳園荒一徑斷臺古半堦斜
前池銷舊水昔樹發今花一朝辭此地四海遂成家

二

金輿巡白水玉輦駐新豐鈕落藤披架花殘菊破叢
葉鋪荒草夢流竭半池空紉珮蘭生逕舒圭葉剪桐
昔地一蕃內今宅九圍中架海波澄鏡韜戈器反農
八表文同軌無勞歌大風

唐詩類苑

卷之三十三

孟

奉和聖製過舊宅應制

許敬宗

飛雲臨紫極出震表清光自爾家寰海今茲返帝鄉
情深感代國樂甚燕譙方白水浮佳氣黃星聚太常
岐鳳鳴層閣鄴雀賀雕梁桂山猶總翠衡薄尚流芳
攀鱗有遺皓沐德并稱觴

奉和聖製過舊宅應制

上官儀

石關清晚夏璇輿御早秋神麾颺珠雨仙吹響飛流
沛水祥雲泛宛郊瑞氣浮大風凝漢筑藂烟入舜球
翠梧臨鳳邸滋蘭帶鶴舟偃伯歌玄化扈蹕頌王遊
遺簪謬昭獎珥筆荷恩休

經武功舊宅

韋應物

茲邑昔所遊嘉會常在目歷載俄二九始往今來役
憾憾居人少茫茫野田綠風雨經舊墟毀垣迷往躅
門臨川流駛樹有羈雌宿多累恒悲往長年覺時速
欲去中復留徘徊結心曲

雪後過集賢裴令公舊宅有感

白居易

梁王捐館後枚叟過門時有淚人還泣無情寧不知
臺亭留盡在賓客散何之唯有蕭條鴈時來下故池

過故人舊宅

王喬

唐詩類苑

卷之三十三

王

故人軒騎罷歸來舊宅園林閑不開唯餘挾瑟樓中

婦哭向平生歌舞臺

過舊宅

朱慶餘

古巷戟門誰舊宅早曾聞說屬官家更無新燕來巢
屋唯有閑人寄看花空廡欲摧塵滿櫺小池初涸草
侵沙榮華事歇皆如此立馬踟躕到日斜

過郭代公故宅

杜甫

豪雋初未遇其跡或脫落代公尉通泉放意何自若
及夫登袞冕直氣森噴薄磊落見異人豈伊常情度
定策初進後宮中翕清廓俄頃辨尊統指揮存顧託

羣公見慙色王室無削弱迥出名臣上丹青照臺閣
我行得遺跡池館皆疏鑿壯公臨事斷顧步涕橫落
高詠寶劍篇神交付冥漠

至開化里壽春公故宅

韋應物

寧知府中吏故宅一徘徊歷階存往敬瞻位泣餘哀
廢井沒荒草陰牖生綠苔門前車馬散非復昔時來

客自江南話過亡友朱司議故宅

包佶

交臂多相共風流憶此人海飜移里巷書寫幾時
奉佛棲禪久辭官上疏頻故來分半宅惟是昔時

唐詩類苑

卷之三十三

王

過故宅

頽城百戰後荒宅四隣通將軍樹已折步兵途轉窮
吹臺有山鳥歌庭聒夜一作蟲草深斜徑滅水盡曲
池空林中送一作明月是處來春風唯餘一故一作
井尚夾兩株桐

陳拾遺故宅

杜甫

拾遺平昔居大屋尚修椽悠揚荒山日慘澹故園
位下曷足傷所貴者聖賢有才繼騷雅哲匠不比
公生揚馬後名與日月懸同遊英俊人多棄輔佐權
彥昭超玉價郭振起通泉到今素壁滑灑翰銀鈎連

盛事會一時此堂豈千年終古立忠義感遇有遺

自雲陽歸晚泊陸澧宅 嚴維

天陰行易晚前路故人居孤棹所思久冒寒相見初
閑燈忘夜永清漏任更疎明發還須去離家幾歲除

重到毓材宅有感 白居易

欲入中天淚滿襟庭花無主兩迴春軒牕簾幙皆侵
舊只是堂前欠一人

過昭國里故第 韋應物

不復見故人一來過故宅物變知景暄心傷覺時寂
池荒野筠合庭綠幽草積風散花意謝鳥還啼

唐詩類苑 卷之百十一 夫

光夕宿昔方同賞詎知今念昔緘室在東廂遺器不
忍觀柔翰全分意芳巾尚染澤殘工委篋篋餘素經

刀尺收此還我家將還復愁惕永絕攜手歡空存舊
行迹冥冥獨無語杳杳將何適唯思今古同時緩傷

與戚 過侯王故第 于鄴

過此一酸辛行人有淚痕獨殘新樹猶擁舊朱門
歌歇雲初散簷空燕尚存

同李二過亡友故第 韋應物

與之故 子所識

客車名未滅沒世恨應長斜月知何照幽林判自芳

故人驚逝水寒雀噪空牆不是平生舊遺蹤要可傷

馬鎮西故第 許渾

將軍久已沒行客自興哀功業山長在繁華水不迴
亂藤一作侵發井荒菊上叢臺借問此中事幾度秋

舞來

舊侯家 羅鄴

臺閣層層倚半空遶軒澄碧御溝通金鈿座上歌元
酒盡蠟尊前滴曉風歲月不知成隙地子孫誰更繫

殊功人間若算無榮辱却是扁舟一釣翁

唐詩類苑 卷之百十一 壬九

尋陳逸人故居 孟浩然
人事一朝盡荒蕪三逕休始聞潭浦卧奄作岱宗遊
池水猶涵墨山雲已落秋今朝泉壑裏何處覓藏丘

經周處士故居 方干
愁吟與獨行何事不傷情久立釣魚處唯聞啼鳥聲
山蔬和草嫩梅柳入籬生吾在茲溪上懷君恨不平

過李羣玉故居 方干
許直上書難遇主銜冤下世未成翁拜樽劍鶴誰將
去唯鎖山齋一樹風

題柳郎中故居 權德輿

題柳郎中故居

權德輿

下馬荒堦日欲曛
潺潺石溜靜中聞
鳥啼花落人聲絕
寂寞山牕掩白雲

過裴舍人故居

劉長卿

慘慘天寒獨掩扃
紛紛黃葉滿空庭
孤墳何處依山木
百口無家學水萍
籬花猶及重陽發
鄰笛那堪落日聽
書幌無人長不捲
秋來芳草自爲螢

過姚監故居

方干

不敢要君徵亦起
致君全得似唐虞
讜言昨歎誰天聽
新塚今聞入縣圖
琴鎖壞牕風自觸
鶴歸喬木月難呼
學書弟子何人在
檢點猶逢諫草無

唐詩類苑

卷之百二十一

三

過張祐處士丹陽故居

并序顏萱

萱與故張處士祐世家通舊尚憶孩稚之歲與伯氏嘗承處士撫抱之仁目管輅爲神童期孔融於偉器光陰徂謝三紀於茲適經其故居已易他主訪遺孤之所止則距故居之右二十餘步荆榛之下草門啓焉處士有四男一女男曰椿兒桂子椅兒杞兒問之三已物故唯杞爲遺孕與其女尚存欲揖杞與言則又求食於汝墳矣但有霜鬢而黃冠者杖策迎門乃昔時愛姬崔氏也與之話舊歷然可聽嗟乎葛屨練裙兼非所有琴書圖籍盡屬

他人又云橫塘之西有故田數百畝力既貧窶十

年不耕唯歲賦萬錢求免無所嗚呼昔爲穆王置

醴鄭公立鄉者復何人哉因吟五十六字以聞好事者

事者

憶昔爲兒逐我兄
曾拋竹馬拜先生
書齋已換當時主
詩壁空題故友名
豈是爭權留怨敵
可憐當路盡公卿
柴扉草屋無人問
猶向荒田責地征

和顏弘至過張處士丹陽故居

并序

陸龜蒙

張祐字承吉元和中作宮體小詩辭曲艷發當時

唐詩類苑

卷之百二十一

三

輕薄之流能其才合謀得譽及老大稍窺建安風格誦樂府錄知作者本意短章大篇往往間出諷諷怨譎時與六義相左右善題目佳境言不可刊置別處此爲才子之最也由是賢俊之士及高位重名者多與之游謂有鵲鷺之野孔翠之鮮竹栢之貞琴磬之韻或薦之於天子書奏不下亦受辟諸侯府性狷介不容物輒自効去以曲阿地古澹有南朝之遺風遂築室種樹而家焉性嗜水石常悉力致之從知南海間罷職載羅浮石笋還不蓄善田利產爲身後計死未二十年而故姬遺孕凍

餒不暇前所謂鵲鷺孔翠竹栢琴磬之家雖朱輪
尚乘遺編尚吟未嘗一省其孤而恤其窮也噫人
假之爲玩好不根於道義耶懼其怨刺於神明耶
天果不愛才沒而猶譴耶吾一不知之友人顏弘
至行江南道中訪其廬作詩弔而序之屬予應和
予汨沒者不足哀承吉之道邀襲美同作庶乎承
吉之孤倚其傳而有憐者

勝華通子共悲辛荒徑今爲舊宅鄰一代交游非不
貴五湖風月合教貧魂應絕地爲才鬼名與遺編在
史臣聞道平生偏愛石至今猶泣洞庭人

唐詩類苑

卷之三十一

五

和魯望過張處士丹陽故居

并序

皮日休

魯望憫承吉之孤爲詩序邀予屬和欲用予道振
其孤而利之噫承吉之困身後乎魯望視予困與
承吉生前孰若哉未有已困而能振人者然聊爲
之辭用塞良友之意

先生清骨壅烟霞業破孤存孰爲嗟幾篋詩編分貴
位一林石笋散豪家兒過舊宅啼楓影姬遶荒田泣
稗花唯我共君堪便戒莫將文譽作生涯

驪山下逍遙公舊居遊集

張九齡

君子體清尚歸處有兼資雖然經濟日無忘幽棲時
卜居舊何所休澣嘗來茲岑寂空人至高深獲我思
松澗聆遺風蘭林覽餘滋往事誠已矣道存猶可追
遺子後黃金作歌先紫芝明德有自來奕世皆秉彝
豈與磻溪老崛起周太師我心希碩人逮此問元龜
惆悵既懷遠沈吟亦省私已云寵祿過況在華髮衰
軒蓋有迷復丘壑無磷緇感物重所懷何但止足斯

登蒲塘驛公路見泉谷村墅忽想京師舊居

追懷昔年

韋應物

青山導騎遠春風行旆舒均徭視屬城問疾躬里閭

唐詩類苑

卷之三十一

五

烟水依泉谷川陸散樵漁忽念故園日復憶驪山居
往再斑鬢及夢寢婚官初不覺平生事咄嗟二紀餘
存沒闕已求悲多歡自疎高秩非爲美關于淚盈裾

過故友舊居

許渾

往年公子宅夜宴樂難忘高竹動疎翠卑蓮一作荷飄
暗香珠門疑寶瑟綺席遞華觴今日皆何處閉門春
草長一作荒

阮客舊居

李陽水

阮客身何在仙雲洞口橫人間不到處今日此中行

過鄭廣文舊居

李商隱

宋玉平生恨有餘，遠循三楚甲三閭。可憐留著臨江宅，異代應教更信居。

白雲夫舊居

李商隱

平生誤識白雲夫，再到仙簷憶酒壚。牆外萬株人絕迹，夕陽唯照欲栖烏。

題盧五舊居

李頎

物在人亡無見期，閑庭繫馬不勝悲。牕前綠竹生空地，門外青山似舊時。悵望秋天鳴墜葉，巉岈枯柳宿寒鴟。憶君淚落東流水，歲歲花開知爲誰。

酬朗州崔員外與任十四兄侍御同過鄙人

唐詩類苑

卷之百十一

舊

舊居見懷之什

時守吳郡

劉禹錫

昔日居隣招屈亭，楓林橘樹鷓鴣聲。一辭御苑青門去，十見蠻江白芷生。自此曾沾宣室召，如今又守閩閩城。何人萬里能相憶，同舍仙郎與外兄。

經無可舊居兼傷賈島

劉滄

塵室寒牕我獨看，別來人事幾凋殘。畫空蕭寺一僧去，雪滿巴山孤客寒。落葉墮巢禽自出，蒼苔封砌竹成竿。碧雲迢遞長江遠，向夕苦吟歸思難。

經李給事舊居

許渾

歸作儒翁出致君，故山誰復有遺文。漢庭使氣權張

禹，楚國懷憂送范雲。楓葉暗時迷舊宅，芳花落處認荒墳。朱絃一奏沈湘怨，風起寒波日欲曛。

過樊川舊居

韋莊

却到樊川訪舊遊，夕陽衰草杜陵秋。應劉去後蒼生閣，嵇阮歸來雪滿頭。能說亂離唯有燕，解偷閑暇不如鷗。千桑萬海無人見，橫笛一聲空淚流。

哀孟雲卿嵩陽荒居

孟郊

戚戚抱幽獨，憂憂沈荒居。不聞新歡笑，但覩舊詩書。藝壁意彌苦，耕山食無餘。定交昔何在，至戚今或疎。薄俗易銷歇，淳風難久舒。秋蕪上空堂，寒槿落枯渠。

唐詩類苑

卷之百十一

舊

難草恐傷蕙，攝衣自理鋤。殘芳亦可餌，遺秀誰忍除。徘徊未能去，爲爾涕連如。

題張喬延興門外所居

鄭谷

平生苦節同，旦夕會原東。掩卷斜陽裏，看山落木中。星霜吟欲老，江海業全空。近日文場內，因君起古風。

夜集張諲所居

劉希夷

江南成久客，門館日蕭條。惟有圖書在，多傷鬢髮凋。諸生陪講誦，稚子給漁樵。隱室寒燈淨，空階落葉飄。滄洲自有趣，誰道隱須招。

裴至裴明府所居

李商隱

伊人卜築自幽深桂巷杉籬不可尋柱上雕蟲對書
字瘦馬仰聽琴求之流輩豈易得行矣關山方
獨吟除取松醪一斗酒與君相伴灑煩襟

經故友所居

羅隱

槐花漠漠向人黃此地追遊跡已荒清論不知莊叟
達死交空嘆趙岐忙病來未忍言閑事老去唯知覓
醉鄉日暮街東策羸馬一聲橫笛似山陽

長寧公主舊山池

丁仙芝

平陽舊池館寂寞使人愁座卷琉璃簾垂白玉鈎
庭閑花自落門閉水空流追想吹簫處應隨仙鶴遊

唐詩類苑

卷之三百一

五

漢州日夕遊房公西湖

李德裕

丞相鳴琴地何年點玉徽房公好琴聲聞海內偶因微月夕重
敞故樓扉桃李蹊空在芙蓉客暫依唯憐濟川楫長
與夜舟歸

重題

晚日臨寒渚微風發握謳鳳城波自闊魚水運難留
亭古思宏棟川長憶濟舟想公高世志祗似化城游

故刑部李尚書荊谷山集會

張九齡

嘗聞繼老聃身退道彌就結宇倚青壁疏泉噴碧潭

苔石隨人古烟花寄酒酣山光紛向夕歸與杜城南
過朱協律故山

方干

地下無餘恨人間得盛名殘篇續大雅稚子記諸生
度日山空暮緣溪鶴自鳴難收故交意寒窗一聲聲
奉和姚令公溫湯舊館永懷故人盧公之作

蘇頌

樹德豈孤邁降神良並出偉茲廊廟中調彼鹽梅
正悅虞垂舉翻悲鄭僑卒同心不可忘交臂何爲失
清路荷前幸明時稱右弼曾聯野外遊尚記帷中密
新慟情莫遣舊遊詞更述空令還和辱長感知音日

唐詩類苑

卷之三百一

七

冬到金華山觀因得故拾遺陳公學堂遺迹

杜甫

涪右衆山內金華紫崔嵬上有蔚藍天垂光抱瓊臺
繫舟接絕壁杖策窮繁回四顧俯層巔淡然川谷勝
雪嶺日色死霜鴻有餘哀焚香玉女跪霧裏仙人來
陳公讀書堂石柱仄清苔悲風爲我起激烈傷雄材
冬日過故人任處士書齋 駱賓王

神交尚投漆虛室罷遊蘭網積牕文亂苔深履迹殘
雪明書帳冷水靜墨池寒獨此琴臺上流水爲誰彈

感故府二首

李建勳

戚戚復戚戚期懷安可釋百年金石心中路生死隔
新墳應草合舊地空蒼色白日燈熒熒疑塵滿几席

二

悵悵復悵悵思君安可及永日在堦前披衣隨風立
高樓暮角斷遠樹寒鴉集惆悵幾行書遺蹤墨猶濕
從事淮南府過亡友楊校書舊廳感念惻然

遂書十韻

權德輿

故人隨化往倏忽今六霜及我就拘限言風雪此堂
松竹逾映鬱芝蘭自銷亡絕絃罷流水聞笛同山陽
絮如冰玉姿榮若鸞鳳章欲翥推勁翮先秋落貞芳

唐詩類苑

卷之百三十一

夫

正平賦鸚鵡文考頌靈光二子苦不弔夫君今可傷

黃蘆今杳杳玄化亦茫茫豈必恨宿草含淚灑衣裳

過長江賈島主簿舊廳

崔塗

雕琢文章字字精我經此處倍傷情身從謫宦方沾
祿才被槌埋更有聲過縣已無曾識吏到廳空見舊
題名長江一曲年年水應爲先生萬古清

主人故亭

王建

主人昔專城城南起高亭貴與賓客遊工者夜不寧
酒食宴圃人栽接望早成經年使客信遠道求異英
都中暫閑暇遠樹引諸生開泉浴山籬爲愛山中聲

世間事難保一日各祖征死生不相及花落實方榮

我未至此中守吏非本名重君昔爲主相與下馬行
舊島日日摧池水不復清豈無後人賞所貴手自營
澆酒向所思風起如有靈此去不重來重來傷我形
房公舊竹亭聞琴緬慕風流神期如對有作

李德裕

流水音長在青霞意不傳獨悲形解後誰聽廣陵絃

過宋員外之問舊莊

杜甫

宋公舊池館零落守陽阿枉道祇從入吟詩許更過
淹留問耆老寂寞向山河更識將軍樹悲風日暮多

唐詩類苑

卷之百三十一

三

過故少師從翁隱巖別業

鄭谷

風騷爲主人凡俗仰清塵密行稱閨闔明誠動縉紳
周旋居顯重內外掌絲綸妙主蓬壺籍忠爲社稷臣
大儀播仍峻東轡紀綱新聞善嘗開口推公豈爲身
立朝鳴珮重歸宅典衣貧半醉看花發中餐煮菜春
晴臺隨鹿上幽墅結僧隣理論知清越生徒得李頻
藥香沾筆硯竹色染衣巾寄鶴眠雲雙騎驢入室賓
近將姚監比僻與段卿親葉積池邊路茶遲雪後薪
所難留著述誰不乖問劉喪亂時多變追思事已陳
浮華重發作雅正甚湮淪宗從今何在依棲系有因

七松無影響雙淚益悲辛猶喜于門秀年來屈復伸

過故府中武威公文城舊莊感事

李商隱

信陵亭館接郊畿幽象遙通晉水祠日落高門喧燕雀風飄大樹撼能罷新蒲似筆思投日芳草如茵憶吐時山下稭今黃絹字淚痕猶墮六州兒

題故將軍莊

李端

曾將數騎過桑乾遙對單于飲馬鞍塞北征兒語用劒關西宿將許登壇田園蕪沒歸耕晚弓箭出獵難唯有老身如刻畫猶期聖主解衣看

唐詩類苑

卷之百三十一

早

出未通門過李氏莊

許渾

飛軒危檻百花堂朝燕歌鍾暮已荒中散獄成琴自怨步兵厨廢酒猶香風池宿鳥喧朱閣雨砌秋螢拂畫梁力保山河家又慶祗應中令敵汾陽

題慎言法師故房

儲光羲

精廬不住子自有無生鄉過客知何道徘徊鴈子堂浮雲歸故嶺落月還西方日夕虛空重時時聞梵音

過故融公蘭若

孟浩然

池上青蓮宇林間白馬泉故人成異物過客自遲遲既理新松塔還尋舊石筵平生竹如意猶憶舊遊時

亂後過流溝寺

白居易

九月徐州新戰後悲風殺氣滿山河唯有流溝山下寺門前依舊白雲多

至尉氏宅

張說

夕次院公臺嘯歌臨爽塏高名安足賴故物今皆改吾兄昔茲邑遺愛稱賢宰桑中雉未飛屋上烏猶在途逢舊吏城有同寮衆遠見咸相迎拂館來頃待慈惠留千室友於存四海始知魯衛間優劣相懸倍往年隨故府吳興公夜泊蕪湖口今赴官西去再宿蕪湖感舊傷懷因成十六韻

唐詩類苑

卷之百三十一

聖

杜牧

南指陵陽路東流似昔年重恩山未答雙鬢雪飄然數仞慚投跡羣公愧拍肩驚駘蒙錦繡塵土浴潺湲郭隗黃金峻虞卿白璧鮮貌貅環玉帳鸚鵡破蠻牋極浦沈碑會秋花落帽筵旌旗明迥野冠珮照神仙籌畫言何補優容道實全謳謠人撲地鷄犬樹連天紫鳳超如雷青襟散似烟蒼生未經濟墳草已芊綿往事唯沙月孤燈但客船峴山雲影畔棠葉水聲前故國還歸去浮生亦可憐高歌一典淚明日夕陽邊送陸暢歸湖州區愚題故人皎然塔陸羽墳

孟郊

渺渺雪寺前白蘋多清風昔游詩會滿今游詩會空
孤詠玉淒惻遠思景蒙籠村山墀塔禪竟陵廣宵翁
遶彼草木聲髣髴聞餘聰因君寄數句遍爲書其藁
追吟當時說來者實不窮江調難再得京塵徒滿躬
送君溪駕鶯彩色雙飛東東多高靜鄉芳宅冬亦崇
手自擷甘旨供養歡冲融待我遂前心收拾使有終
不然洛岸亭歸死爲大同

黃明府詩

并序

元稹

小年曾於解縣連月飲酒予常爲觥錄事曾於寶
唐詩類苑 卷之百三十一 聖一

少府廳中有一人後至頻犯語令連飛十二觥不
勝其困逃席而去醒後問人前虞卿黃丞也此後
絕不復知元和四年三月予奉使東川十六日至
襄城東數里遙望驛亭前有大池樓榭甚盛逡巡
有黃明府見迎瞻其形容髣髴似識問其前街則
固曩時之逃席黃丞也說向前事黃生惘然而痛
因饋酒一樽艤舟請予同載予不免其意與之盡
歡偏問座隅山川則曰又褒次其右感今懷古作
黃明府詩云

少年曾痛飲黃令因飛觥席上當持走馬前今日迎

依稀迷姓氏積漸識平生故友身皆遠他鄉眼暫明
便邀連榻坐兼共摘別船行酒思臨風亂霜稜掃地
平不看深淺酌貪愴古今情遲迤七盤路坡陀數丈
城花凝裏女笑機想武侯征一種埋幽石老閑千載
名

元和五年予官不丁罰俸西歸三月六日至

陝府與吳十一兄端公崔二十二院長思

愴曩游因投五十韻

元稹

小年閑愛春認得春風意未有花草時先醺曉窻睡
霞朝澹雲色霽景牽詩思漸到柳枝頭川光始明媚
唐詩類苑 卷之百三十一 聖一

長安車馬客傾心奉權貴晝夜塵土中那言早春至
此時我獨遊我遊有倫次閑行曲江岸便宿慈恩寺
扣林引寒龜疏叢出幽翠凌晨過杏園曉露凝芳氣
初暘好明淨嫩樹憐低庋排房似綴珠欲啼紅臉淚
新鶯語嬌小淺水光流利冷飲空腹杯因成日高醉
酒醒聞飯鐘隨僧愛遺施餐罷還復遊過從上文記
行逢二月半始足遊春騎是時春已老我遊亦云既
藤開九華觀草結三條隧新筍踴犀株落梅縹蝶翅
名倡繡轡車公子青絲轡朝士遇旬休豪家得春賜
提攜好音樂剪鑷空田地同占杏花園宣闈各叢萃

顧子煩寢興復往散憔悴倦僕色饑靡蹇驢行跛痺
春衫未成就冬服漸塵膩傾蓋吟短章書空憶難字
遙聞公主笑近被王孫戲邀我上華筵橫頭坐賓位
那知我年少深解酒中事能唱犯聲歌偏精變籌義
舍詞待殘拍促舞遞繁吹叫噪擲投盤生瘳攝航使
逡巡光景晏散亂東西異古觀閉閑門依然復幽闕
無端矯情性漫學求科試薄藝何足云虛名偶煩遂
拾遺天子前密奏升平議召見不須更恤庸已猜忌
朝陪香案班暮作風塵尉去歲又登朝登為栢臺吏
臺官相束縛不許放情志寓直勞送迎上堂煩避諱

唐詩類苑

卷之百五十一

四

分司在東洛所職尤不易罰俸得西歸心知受朝庇
常山攻小寇淮右擇良帥國難身不行勞生欲何爲
吾兄諧性靈崔子同臭味投此挂冠詞一生還自恣

感逝寄遠

白居易

寄通州元侍御果州崔員外澧州李舍人鳳州李
郎中

昨日聞甲死今朝聞乙死知識三分中二分化爲鬼
逝者不復見悲哉長已矣存者今如何去我皆萬里
平生知心者屈指能有幾通果澧鳳州眇然四君子
相思俱老太浮生如流水應歎舊交游周零日如此

何當一杯酒開眼笑相視

經費冠卿舊隱

劉昭禹

節高終不起死戀九華山聖主情何切孤雲性本閑
名傳中國外墳在亂松間依約曾樓處斜陽鳥自還

同山陽隱處

劉長卿

舊日仙成處荒林客到稀白雲將犬去芳草任人歸
空谷無行徑深山少落暉桃源幾家住誰爲扣柴扉

悲善才詩

李紳

穆王夜幸蓬池曲金鑾殿門高秉燭東頭弟子曹善
才琵琶請奏新翻曲翠娥列坐層城女笙歌參差齊

唐詩類苑

卷之百五十一

五

笑語天顏靜聽朱絃彈衆樂寂然無敢舉銜花金鳳
當承撥轉腕攏絃促揮霍姝花翻鳳天上來徘徊滿
殿飛春雪抽絃度曲新聲登金鈴玉佩相磋切流鶯
子母飛上林仙鶴雌雄喚明月此時奉詔侍金鑾別
殿承恩許占看三月曲江春草綠九霄天樂下雲端
紫髯供奉前屈膝盡彈妙曲當春日寒泉注射隴水
開胡鴈翻飛朔天沒日曛塵暗車馬散爲惜新聲有
餘歎明年冠劍閉橋山萬里孤臣投海畔籠禽鍛翮
尚迴飛白首生從五嶺歸聞道善才成朽骨空餘弟
子奉宣徽南譙寂寞三春晚有客彈絃獨悽怨靜聽

深奏楚月光憶昔初聞曲江宴心悲不覺淚闌干更
為調絃反覆彈秋風動搃神女佩月珠敲擊水精盤
自憐淮海同泥滓恨魄疑心未能死惆悵追懷萬事
空誰聞感慨徒為爾

再經南陽

鄭谷

平蕪漠漠失樓臺昔日游人亂後來寥落墻匡春欲
暮燒殘官樹有花開

長安舊里

韋莊

滿日墻匡春草深傷時傷事更傷心車輪馬跡今何
在十二玉樓無處尋

唐詩類苑

卷之三十三

哭

過始興江口感懷

韓愈

憶作兒童隨伯氏南來今只一身存目前百口還相
逐舊事無人可共論

梨園弟子

白居易

白頭垂淚話梨園五十年前雨露恩莫問華情今日
事滿山紅葉鑲宮門

徵還京師見舊番官馮叔達

劉禹錫

前者匆匆僕馬行十年顛顛到京城南宮舊吏來相
問何處淹留白髮生

客有自渠州來說常諫議使君故事悵然成

詠

羊士諤

才子長沙暫左遷能將意氣慰當年至今猶有東山
妓長使歌詩被管絃

贈趙協律哲

李商隱

俱識孫公與謝公二年歌哭處皆同已叨鄒馬聲華
未更共劉盧族望通思與趙俱出今吏部相公門下
皆長安人南省恩深賓館在東山事往妓樓空不堪

歲暮相逢地我欲西征君又東

洛陽吟

時大駕在蜀巢危未
洛陽吟

白居易

唐詩類苑

卷之三十三

哭

萬戶千門夕照邊開元時作舊風烟宮官試馬遊三
市舞女乘舟上九天胡騎北來空進主漢皇西去竟
昇仙如今父老偏垂涕不見承平四十年

代夢得吟

白居易

後來變化三分貴同輩凋零太半無世上爭先從盡
汝人間闔在不如吾年頭已到應難久局勢雖遲未
必遲不見山苗與林葉迎春先綠亦先枯

往年進士趙能卿嘗話金庭勝事見示敘

羅隱

會稽詩客趙能卿往歲相逢話石城正恨故人無上

壽喜聞良宰有高情山朝佐命層層聳水接飛流步
步清兩火一刀罹亂後會須乘興雪中行

江上逢史館李學士 韋莊

前年分袂陝城西醉凭征軒日欲低去浪指期魚必
變出門迴首馬空嘶關河自此爲征壘城闕於今猶
戰輦時樂寇未平誰謂世途陵是谷燕來還識舊巢

道一大尹存之學士庭美學士簡於聖朝

致霄漢皆與舍弟昔年還往牧支離窮悴

竊於一麾書美歌詩兼自言志因成長句

四韻呈上三君子 杜牧

唐詩類苑 卷之百三十一 哭

九金重鼎重丘山五玉諸侯雜珮環星坐通霄狼獵

暗戍樓吹笛虎牙閑斗間紫氣龍埋獄天上洪爐帝

鑄顏若念西湖舊交友魚符應許出函關

同王十七庶子季六員外鄭二侍御同年四

人遊龍門有感而作 白居易

一曲悲歌酒一樽同年零落幾人存世如閨水應堪

嘆名似浮雲豈足論各從祿仕休明代共感平生知

已恩今日與君重上處龍門不是舊龍門

宿杜城亡友李羽處士故墅一作里

溫庭筠

柳不成絲草帶烟海槎東去鶴歸天愁腸斷處風
春何限病眼開時月正圓花若有情還悵望水應無
事莫潺湲終知此恨難消遣一作銷辜負南華第二
篇

重到城見元九七絕句 白居易

容貌一日減一日心情十分無九分每逢陌路猶嗟
嘆何況今朝是見君

高相宅

青苔故里懷恩地白髮新生抱病身涕淚雖多無哭
處永寧門館屬他人

唐詩類苑 卷之百三十一 哭

張十八

諫垣幾見遷遺補憲府頻聞轉殿監獨有詠詩張太
祝十年不改舊官銜

劉家花

劉家牆上花還發李十門前草又春處處傷心心始
悟多情不及少情人

裴五

莫怪相逢無笑語感今思舊戟門前張家伯仲徧相
似每見青楊一惘然

仇家酒

年年老去歡情少處處春來感事深時到仇家非愛
酒醉時心勝醒時心

恒寂師

舊遊分散人零落如此傷心事幾條會逐禪師坐禪
去一時滅盡定中消

送韋處士老舅

王建

憶昨癡小年不知有經籍常隨童子遊多向外家劇
偷花入隣里弄筆書牆壁照水學梳頭應門未穿幘
人前賞文性梨果蒙不惜賦字詠新泉探題得幽石
自從出關輔三十年作客風雨一飄飄親情多阻隔

唐詩類苑

卷之百二十一

王

如何二千里塵土驅蹇瘠良久陳苦辛從頭歎衰白
既來今又去暫笑還成戚落日動征車春風卷離席
雲臺觀西路華嶽祠前栢會得過帝鄉重尋舊行蹟

寄趙七侍御

李華

自餘千谿行經弋陽至上饒山川幽麗思與雲卿
同遊邈不可得因敘疇年之素寄懷於篇云
提漿曙江流江清山復重心愜賞未足川迴失前峯
凌難出極浦曠若天地通君陽青嵯峨開拆混元中
九潭魚龍窟仙成羽人宮陰與潛鬼物精光動烟空
玄猿啼深籠白鷗戲淺濠飛湍鳴金石激溜鼓雷風

雨濯萬木鮮霞照千山濃草閒長餘綠花淨落幽紅

渚烟見晨釣山月聞夜春覆谿窈窕波涵石洶溶溶

丹丘忽聚散素壁相奔衝白日破昏靄靈山出其東

勢排吳蒼上氣壓吳越雄迴頭望雲鄉此恨發吾衷

昔日蕭邵遊四人纔成重屬詞慕孔門入仕希上公

緯卿陷非罪折我昆吾鋒茂挺獨先覺拔身渡京虹

斯人謝明代百代墜鵠鴻世故墜橫流與君哀路窮

相顧無死節蒙恩逐殊封天波洗其瑕朱衣備朝容

一別迅十年豈期復相從餘生得攜手遺此兩孱翁

羣遷失駕羽後凋惜長松衰旅難重別悽悽滿心胸

唐詩類苑

卷之百二十一

王

遇勝悲獨遊貪奇悵孤蓬禽尚彼何人胡爲束樊籠
吾師度門教授升躡遐蹤

答宋主簿

盧藏用

宋主簿鳴臯夢趙六子未及報而陳子云亡追爲
此詩答宋兼貽平息遊舊

暮川罕停波朝雲無留色故人琴與詩可存不可識
識心尚可親琴詩非故人鳴臯初夢趙蜀國已悲陳
感化傷淪滅魂交惜未申冥期失幽報茲理復今晨
前嗟成後泣已矣將何及舊感與新悲虛懷疇昔時
趙侯鴻寶氣獨負青雲姿羣有含妙識衆象懸清機

雄談盡物變精義解人願在陰旣獨善幽躍自爲疑
 晚彼千里足傷哉一尉欺陳生富清理卓犖兼文史
 思縟巫山雲調逸岷江水鏗鏘哀忠義感激懷知己
 負劍登薊門孤遊入燕市浩歌去京國歸守西山趾
 幽居探元化立言見千祀埋沒經濟情良圖竟云已
 坐憶平生遊十載懷嵩丘題書滿古壁採藥遍巖幽
 子微化金鼎懷筌不可求榮哉宋與陸名宦美中州
 在亡一聯阻岐路方悠悠自余事山海及茲人世改
 傳聞當世榮皆入古人名無復平原賦空餘隣笛聲
 泣對西州使悲訪北邙塋新墳蔓宿草舊闕毀殘銘

唐詩類苑

卷之三十一

五

爲君、此山因言寄友生默語無窮

唐詩類苑卷第一百三十二

明雲間張之象玄超甫纂輯

雲間姜雲龍神超甫編次

雲間王徹叔朗甫補訂

梁谿曹仁孫伯安甫校正

人部

懷賢

濟上四賢詠

王維

崔錄事

解印歸田里賢哉此丈夫少年曾任俠晚節更爲儒

唐詩類苑

卷之三十一

十一

遁世東山下因家滄海隅已聞能狎鳥余亦共桑榆

成文學

寶劍千金裝登君白玉堂身爲平原客家有邯鄲娼
 使氣公卿座論心遊俠場中年不得志謝病客遊梁

鄭霍二山人

翩翩繁華子多出金張門幸有先人業早蒙明主恩
 童年且未學肉食驚華軒豈乏中林士無人薦至尊
 鄭公老泉石霍子安丘樊賣藥不二價著書盈萬言
 息陰無惡木飲水必清源吾賤不及議斯人竟誰論

三君詠

高適

開元中適游於魏郡郡北有故太師鄭公舊館里
中有故尚書郭公遺業邑外又有故太守狄公生
祠焉親物增懷遂爲三君詠

魏鄭公

鄭公經綸日隋氏風塵昏濟代取高位逢時敢直言
道光先帝業義激舊君恩寂寞卧龍處英靈千載魂

郭代公

代公實英邁津涯浩難識擁兵抗矯徵伏節歸有德
縱橫負才智顧眄安社稷流落勿重陳懷哉爲悽惻

狄梁公

唐詩類苑 卷之三十三

梁公乃貞固勳烈垂竹帛言太后朝潛運儲君策
待賢開相府共理登方伯至今青雲人猶是門下客

五君詠五首

張說

說謫岳州常鬱鬱不樂時宰以說機辨才略相排
擯蘇頲方大用說與頲父瓌善說因爲五君詠致
書封其詩以貽頲誠其使曰當候忌日近暮送之
使者近暮弔客至多說先公僚舊頲覽詩嗚咽流
涕翌日對上大陳說忠正謬謬人望所屬不宜淪
滯遐方上因降璽書勞問俄遷荊州長史由是陸
象先韋嗣立張庭珪賈曾皆以譴逐歲久因加甄

敘頲以父執友事之甚謹

魏齊公

齊公生人表向天聞鶴唳清論早揣摩玄心晚超詣
入相廊廟靜出軍沙漠齊見深呂祿憂舉後陳平計

甘心除君惡足以報先帝

蘇許公

許公信國禎克美具瞻情百事資朝問三童廣世程
處高心不有臨節自爲名朱戶傳新戟青松拱舊堊
淒涼丞相府餘慶在玄成

李趙公

唐詩類苑 卷之三十三

李公實神敏才華乃天授睦親何用心處貴不忘舊
故事遵臺閣新詩冠宇宙在人忠所奉惡我誠將宥
南浦去莫歸嗟嘆孫秀

郭代公

代公舉鵬翼懸飛摩海霧志康天地屯適與雲雷遇
興喪一言决安危萬心注大勳書王府外一作命淪
江路勢傾北夏門哀靡東平樹

趙耿公

耿公山岳秀才傑心亦妙鷲爲峻標立良玉扣清調
協贊休明啓恩華日月照何意瑤臺雲風吹落江徼

湘流下潯陽灑淚一投弔

八公詠八首

并序

杜甫

傷時盜賊未息興起王公李公嘆舊懷賢終於張相國八公前後存歿遂不詮次焉

司空王公思禮

高麗人

司空出東夷童稚刷鞬驅追隨燕薊兒諶銳物不隔服事哥舒翰意無流沙磧未甚拔行間大戎大充斥短小精悍姿屹然強寇敵貫穿百萬衆出入由咫尺馬鞍懸將首甲外控鳴鏑洗劍青海水刻銘天山石九曲非外蕃其王轉深壁飛兔不近駕驚鳥資遠擊

唐詩類苑

卷之三十三

四

曉達兵家流飽聞春秋癖曾襟日沈靜肅肅自有適潼關初潰散萬乘猶辟易偏裨無所施元帥見手格太子入朔方至尊符梁益胡馬纏伊洛中原氣甚逆肅宗登寶位塞望勢敦迫公時徒步至請罪將厚責際會清河公房瑄也聞道傳玉冊天子拜跪畢黨議果米釋翠華卷飛雪熊虎亘阡陌屯兵鳳凰山帳殿涇渭關金城賊咽喉詔鎮雄所益禁暴靖無雙爽氣春浙瀝巷有從公歌野多青青麥及夫哭廟後復領太原役恐懼祿位高悵望王土窄不得見清時嗚呼就窀穸永繫五湖舟悲甚田橫客千秋汾晉間事與雲

水白昔觀文苑傳豈述廉蔭績嗟嗟鄧大夫鄧禹也卒終倒戟

司徒李公光弼

司徒天寶末北收晉陽甲胡騎攻吾城愁寂竟不愜人安若泰山薊北斷右脇朔方氣乃蘇黎首見帝業二官泣西郊九廟起頽壓未散河陽卒思明偽臣妾復自碣石來火焚乾坤獵高視笑祿山公又大獻捷異王冊崇勲小敵信所怯擁兵鎮河汴千里初安帖青蠅紛管管風雨秋一葉內省未入朝死淚終映睫大屋去高棟長城掃遺堞平生白羽扇零落蛟龍匣

唐詩類苑

卷之三十三

五

左僕射鄭國公嚴公武

鄭公瑚璉器華岳金天晶昔在童子日已聞老成名巖然大臣後復見秀骨清開口取將相小心事友生閱書百紙盡落筆四座驚歷職匪父任嫉邪常力爭漢儀尚整肅胡騎忽縱橫飛傳自河隴逢人問公卿不知萬騎出雪涕風悲鳴受詞劍閣道謁帝蕭關城寂寞雲臺伏飄飄沙塞旌江山少使者旂鼓疑皇情

壯士血相視忠臣氣不平密論貞觀體揮發岐陽征
感激動四極聯翩收二京西郊牛酒再原廟丹青明
匡汲俄寵辱衛霍竟衰榮四登會府地三掌華陽兵
京兆空柳色尚書無履聲郡烏自朝夕白馬休橫行
諸葛蜀人愛文翁儒化成公來雪山重公去雪山輕
記室得何遜韜鈴延子荆四部失壁壘虛館開蓬迎
堂上指圖畫軍中吹玉笙豈無成都酒憂園只細傾
時觀錦水釣問俗終相并意待犬戎滅人藏紅粟盈
以茲報主願庶或禪世程炯炯一心在沈沈二豎嬰
顏回竟短折賈誼徒忠貞飛旄出江漢孤舟轉荆衡

唐詩類記

卷之三十三

六

虛爲馬融笛悵望龍驤坐空餘老賓客身上媿綈纓

太子太師汝陽郡王璿

長子

汝陽讓帝子眉宇真天人虬鬚似太宗色映塞外春
往者開元中主恩視遇頻出入獨非時禮異見群臣
愛其謹潔極倍此骨肉親從容退朝後或在風雪晨
忽思格猛獸苑囿騰清塵羽旗動若一萬馬蕭駢駢
詔王來射鴈拜命已挺身箭出飛鞬內上又一作天回
翠麟翻然紫塞翻下拂明月輪胡人雖獲多天笑不
爲新王每中一物手自與金銀袖中諫獵書扣馬久
上陳竟無銜轍虞聖聰矧多仁官免供給費水有在

藻鱗匪唯帝老大是王忠勤晚年務置醴門引申
白賓道大客無能永懷侍芳茵好學尚貞烈義形必
雷巾揮翰綺繡揚篇什若有神川廣不可泝墓久狐
兔隣寃彼漢中郡文雅見天倫何以慰我悲泛舟俱
遠津溫溫昔風味少壯已舊綈舊遊易磨滅哀謝多
酸辛

秘書監江夏李公邕

長嘯宇宙間高才日凌替古人不可見前輩復誰繼
憶昔李公存詞林有根抵聲華當健筆灑落富清製
風流散金石追琢山嶽銳情窮造化理學貴天人際

唐詩類記

卷之三十三

七

干謁走其門碑版照四裔各滿深望還森然起凡例
蕭蕭白楊路洞徹寶珠惠龍宮塔廟湧浩劫浮雲衛
宗儒俎豆事故吏去思計眴睽已皆虛跋涉曾不泥
向來映當時豈獨勸後世豐屋珊瑚鉤麒麟織成纈
紫駟隨劍几義取無虛歲分宅脫驂間感激懷未濟
衆歸調給美擺落多藏穢獨步四十年風聽九臯喚
嗚呼江夏姿竟掩宣尼袂往者武后朝引用多寵嬖
否臧太常議面折二張勢衰俗凜生風排蕩秋旻霽
忠貞負冤恨官闕深流綴放逐早聯翩低垂困炎厲
日斜鵬鳥入魂斷蒼梧帝榮枯走不暇星駕無安稅

幾分漢庭竹夙擁文侯箠終悲洛陽獄事近小臣
禍階初負謗方何深擠伊昔臨淄亭酒酣託末
重敘東都別朝陰改軒砌論文到崔蘇指盡流水逝
近伏盈川雄未甘特進麗是非張相國相振一危脆
爭名古豈然鍵捷歛不閉倒及吾家詩曠懷掃氛翳
慷慨嗣真作咨嗟玉山桂鍾律儼高懸鯢鯨噴迢遞
坡陀青州血蕪沒汶陽瘞哀贈竟蕭條恩波延揭
子孫在如綫舊客舟凝滯君臣尚論兵將帥接燕薊
朗詠六公篇憂來豁蒙蔽

故秘書少監武功蘇公源明

唐詩類苑

卷之三十三

八

武功少也孤徙步客徐充讀書東嶽中十載老墳典
時下萊蕪郭忍饑浮雲巘負米晚爲身每食脰必泣
夜字昭蕪新垢衣生碧鮮庶以勤苦志報茲劬勞願
學蔚醇儒姿文包舊史善灑落辭幽人歸來潛京輦
射策君東堂宗匠集精選制可題未乾乙科已大闢
文章日自負掾吏亦累踐晨趨閭闔內足踏宿昔跡
一麾出守還黃屋朔風卷不暇陪八駿虜庭悲所遣
平生滿樽酒斷此朋知展憂憤病二秋有恨石可轉
肅宗復社稷得無逆順辨范曄顧其兒李斯憶黃犬
秘書茂松意載從祠壇墀前後百卷文枕籍皆禁樹

篆刻楊雄流溟漲本末浸青瑩芙蓉劍犀兕豈獨剽
反爲後輩褻予實苦懷緬煌煌齋房芝事絕萬手塞
垂之俟來者正始徵勸勉不要懸黃金胡爲投乳臂
鉉結交三十載吾與誰遊衍榮陽復冥冥罪罟以橫
冒嗚呼子逝日始泰則終蹇長安米萬錢彫喪盡餘
喘戰伐何當解歸帆阻清沔尚纏漳水疾永負蒿里
餞

故著作郎貶台州司戶榮陽鄭公虔

唐詩類苑

卷之三十三

九

天然生知姿學立游夏上神農或闕漏黃石愧師長
藥纂西極名兵流指諸掌貫穿無遺恨蒼最何技痒
玉泉星經與蟲篆丹青廣子雲窺未偏方朔諧太枉
神翰顧不一體變鍾兼兩文傳天下口大字猶在榜
昔獻書畫圖新詩亦俱往滄洲動玉陛寡鶴誤一響
三絕自御題四方猶所仰嗜酒益疎放彈琴視天壤
形骸實土木親近唯几杖未曾寄官曹突兀倚書幌
晚就芸香閣胡塵昏塊莽反覆歸聖朝點染無滌盪
老蒙台州掾泛泛浙江漿履穿四明雪饑拾楮溪橡
空聞紫芝歌不見杏壇丈天長眺東南秋色餘魍魎

別離慘至今班白徒懷曩春深泰山秀葉墜清渭朔
劇談王侯門野稅林下軟操紙終夕酣時物集遐想
詞場竟疎闊平昔濫推獎百年見存沒牢落吾安做
蕭條阮咸在出處同世

故右僕射相國張公九齡

相國生南紀金璞無留礦仙鶴下人間獨立霄
矯然江海思復與雲路永寂寞想土階未遑等
上君白玉堂倚君金華省碣石歲崢嶸天地日蛙
退食吟大庭何心記榛梗骨驚畏曩哲鬢變負人境
雖蒙換蟬冠右地惡多幸敢忘二疏歸痛迫蘇耽井

唐詩類苑

卷二百三十一

十一

紫綬映暮年荊州謝所領庾公興不淺黃霸鎮每靜
賓客引調同諷詠在務屏詩罷地有餘篇終語清省
一陽發陰管淑氣含公鼎乃知君子心用才文章境
散帙起翠螭倚薄巫廬並綺麗玄暉擁牋詠任昉騁
自我一家則未闕隻字警千秋滄海南名繫朱鳥影
歸老守故林戀闕悄延頸波濤良史筆蕪絕大吏嶺
向時禮數隔制作難上請細讀徐孺碑猶思理煙艇
正元十四年澈刺蜀州賦四

皇

蜀州刺史廳壁記居相位者前後四公謨明弼諧

遷轉歷此顧已無取忝跡於斯景行遺烈嗟嘆之
不足也謹述其行事詠其休美庶將來君子知聖
朝之德云爾

中書令漢陽王張柬之

周曆華元命天步值艱阻烈烈張漢陽左祖清諸武
休明神器正文物舊儀觀南向翊大君西宮朝聖母
茂勲鏤鐘鼎鴻勞食茅土至今稱五王卓立邁萬古

中書令鍾紹京

景龍仙駕遠中禁奸繁結謀猷叶聖朝披鱗奮英節
青宮間闔啓滌穢氛泯滅紫極重昭回皇天新日月

唐詩類苑

卷二百三十一

十一

從容廟堂上肅穆人神悅唐元佐命功輝煥何烈烈
禮部尚書門下侍郎平章事李峴

時來偶明聖道濟寧邦國倚歟瑚璉器竭我股肱力
進賢黜不肖錯枉舉諸直宦官既却坐權奸亦移職
載踐每若驚三已無愠色昭昭垂憲章來世實作則

門下侍郎平章事王緒

舟楫濟巨川山河資秀氣昭膺究儒業屈指取高位
北征戮驕悍東守輯雅貳論道致巍巍

知已不易遇宰相固有器瞻事華壁中來者誰其嗣

遊襄陽懷孟浩然

白居易

楚山碧巖巖漢水碧湯湯秀氣結成象孟氏之文章
今我諷遺文思人至其鄉清風無人繼日暮空襄陽
南望鹿門山藹若有餘芳舊隱不知處雲深樹蒼蒼

訪陶公舊宅

并序

白居易

予夙慕陶淵明爲人往歲渭川閑居嘗有效陶體
詩十六首今遊廬山經柴桑過栗里思其人訪其
宅不能默然又題此詩

垢塵不沾玉靈鳳不啄籬嗚呼陶靖節生彼晉宋間
心實有所守口終不能言永惟孤竹子拂衣首陽山
夷齊各一身窮餓未爲難先生有五男與之同饑寒

廬詩類苑

卷之百三十一

十一

腸中食不充身上衣不完連徵竟不起斯可謂貞賢
我生君之後相去五百年每讀五柳傳日想心拳拳
昔常詠遺風著爲十六篇今來訪故宅森若君在前
不慕樽有酒不慕琴無絃慕君遺榮利老死此丘園
柴桑古村落栗里舊山川不見籬下菊但餘墟中煙
子孫雖無聞族氏猶未遷每逢姓陶人使我心依然

還自會稽歌

并序

李賀

庾肩吾於梁時嘗作宮體謠引以應和皇子及國
勢淪敗肩吾先潛難會稽後始還家僕意其必有
遺文今無得焉故作還自會稽歌以補其悲

野粉椒壁黃濕螢滿梁殿臺城應教人秋衾夢銅鞮
吳霜點歸鬢身與塘蒲晚脉脉辭金魚羈臣守地賤
讀襄陽耆舊傳因作詩五百言寄皮襲美

陸龜蒙

漢臯古來雄山水天下秀高當軫翼公化作英髦囿
暴秦之前人灰滅不可究自從宋生賢特立冠耆舊
離騷既日月九辨卽列宿卓哉悲秋辭合在風雅右
龐公樂幽隱辟聘無所就祇愛鹿門泉冷倚巖漱
孔明卧龍者潛伏躬耕釋忽遭玄德雲遂起麟角闕
三胡節皆峻二習名亦茂其餘文武家相望如斥埃

廬詩類苑

卷之百三十一

十一

緬思齊梁降寂寞寡清胃凝融爲滌瀾復結作瑩璫
不知粹和氣有得方大授將生皮夫子上帝可其奏
并包數公才用以殿厥後嘗聞兒童歲嬉戲陳俎豆
積漸開詞源一派分萬流先崇丘旦室大懼墮結構
次補荀孟垣所貴亡罅漏仰瞻三皇道蟻虱在宇宙
却視五伯圖股掌弄孩幼或能醢醢醢或與翼雛齧
或喜掉直舌或樂斬斜脰或擣鉏翳翳或整理錯謬
或如百千騎合沓原野狩又如曉江平風死波不皺
幽埋力須掘遺落貨必購乃於文學中十倍荷頓富
囊乏向咸鎬馬重遲步驟專場射策時縛虎當羿轂

歸來把通籍且作高堂壽未足逞戈矛誰云被文繡
從知隅東下忱影拂吳岫物象悉摧藏精靈畏雕鏤
伊予抱沈疾顛顛守圭竇方推洪範疇更念太玄首
聲陳詩採風俗學古窮策藩朝朝貴薪米往往逢責
詆既被隣里輕亦為妻子陋特冠適甌越敢然不得
售窘若曬沙魚悲如哭霜伏唯君在車轍以逐海上
臭披襟兩相對半夜忽白晝執熱濯清風忘憂飲醇
酎驅為文翰侶鴛鴦參驥廐有詩諧宮商自喜此邇
近道孤情易苦語直詩還瘦藻匠如見訓終身置懷
袖

唐詩類苑

卷之三百三

五

答魯望讀襄陽耆舊傳見寄并序

皮日休

魯望讀襄陽耆舊傳見贈五百言過哀庸材靡有
稱是然襄陽曩事歷歷在目夫耆舊傳所未載者
漢陽王則宗社元勳孟浩然則文章大匠予次而
贊之因而寄答亦詩人無言不酬之義也次韻
漢水碧於天南荆廓然秀廬羅遵古俗鄢郢迷昔園
幽奇無得狀巉絕不能究興替忽矣新山川悄然舊
班班生造士一一應玄宿巴庸乃險阻屈景是豪右
是非既自分涇渭不相就粵自靈均來清才若天漱

偉哉河上隱卓爾隆中禰始將麋鹿狎遂與麒麟鬪
萬乘不可謁千鍾固非茂爰從景升死境上多兵候
檀溪試戈船峴嶺屯貝冑寂寞數百年質唯包礫琇
上玄賞唐德生賢命之授是為漢陽王帝曰俞爾奏
巨德聳神鬼宏才轉前後熱端唯金莖質古乃王豆
行葉蔭大椿詞源吐洪流六成清廟音一柱明堂
在昔房陵遷圓穹正中湍緊王揭然出上下拓宇宙
俯視三事者駭駭若童幼低摧護中興若鳳雛其最
遇險必伸足逢詠將引脰既正北極尊遂治衆星謬
重聞章陵幸再見岐陽狩日似新刮膜天如重熨皺
唐詩類苑 卷之三百三 五
易政疾似欬求賢甚於購化之未暮年民安而國富
翼衛兩舜趨鈞陳十堯驟忽然遺相印如昇御其轂
奸倖却乘鸞播遷遂終壽遺廟屹峯嶸巧名紛組繡
開元文物盛孟子生荆岫斯文縱奇巧秦璽新雕鏤
甘窮卧牛衣受辱對狗寶思變如易父才通似玄首
祕於龍宮室怪即天篆籀知者競欲戴嫉者或將詬
任達且百觚遂為當時陋既作才鬼終恐為仙籍售
予生二賢未得作升木欣兼濟與獨善俱敢懷其臭
江漢稱炳靈克明嗣清晝繼彼欲為三如醕如醇酎
既見陸夫子驚心却伏廐結彼世外交遇之於邇近

兩鶴思競閒雙松格爭瘦唯恐別仙才連連涕襟袖

過王右丞書堂二首

儲嗣宗

澄潭昔卧龍章句世爲宗獨步聲名在千巖水石空
野禽悲灌木落日弔清風後學攀遺址秋山聞草蟲

二

萬樹影參差石牀藤半垂螢花雖散草鳥跡尚餘
風雅傳今日雲山想昔時感深蘇屬國千載王

右丞昔陷賊
庭故有此句

擬沈下賢

李商隱

千二百輕鸞春衫瘦著寬倚風行稍急含雪語應寒

唐詩類苑

卷之三十三

帶火遺金斗兼珠碎玉盤河陽看花過曾不問潘安

過姚孝子廬偶書

李商隱

拱木臨周道荒廬積苦苔魚因感姜出鶴爲弔陶來
兩鬢蓬常亂雙眸血不開聖朝敦爾類非獨路人哀

讀張曲江集作

并序

劉禹錫

世稱張曲江爲相建言放臣不宜與善地多徙五

溪不毛之鄉及今讀其文自內職牧始安有瘴癘

之嘆自退相守荆門有拘囚之思諷禽鳥寄詞

草樹鬱然有騷人風嗟夫身出於通阨一失意而

不能堪矧華人士族而必致醜地然後快意哉議

者以曲江爲良臣識胡雛有反相羞凡器與同列

密啓廷爭雖古哲人不及而燕翼無似終爲餒魂

豈知心失怨陰謫最大雖二美莫贖邪不然何

袁公一言明楚獄而鐘鼎四葉以是相較神可誣

乎予讀其文因爲詩以序

聖言貴忠恕至道重觀身法在何所恨色相斯爲仁
良時難久恃陰謫豈無因寂寞昭陽廟魂歸不見人

邯鄲郭公詞

溫庭筠

金笳悲故曲玉座積深塵言念邯鄲妓不見鄴城人
青苔竟埋骨紅粉自傷神唯有涿河柳還向舊營春

唐詩類苑

卷之三十三

七

題魏文貞

杜牧

蟬蛄寧與雪霜期賢哲難教俗士知可憐貞觀太平
後天且不畱封德彝

沈下賢

杜牧

斯人清唱何人和草徑苔蕪不可尋一夕小敷山下

夢水如環珮月如襟

李和鼎

杜牧

鵝鳥飛來庚子直謫去日蝕辛卯年由來枉死賢才

事消長相持勢自然

讀鄂公傳

白居易

高卧深居不見人功名抖擻似灰塵唯留一郭清商
樂月下風前伴老身

宋玉

李商隱

何事荆臺百萬家唯教宋玉擅才華楚辭已不饒唐
勒風賦何曾讓景差落日渚宮供觀閣開年雲夢送
煙花可憐庾信尋荒徑猶得三朝託後車

故許昌薛尚書能嘗爲都官郎中後數歲故
建州李員外頻自憲府內彈拜都官員外
八座外郎皆一時騷雅宗師則都官之
振盛於此予早年請益實受深知今忝此

唐詩類苑

卷之二十三

十八

官復是正秩豈唯俯慰孤宦何以仰繼前
賢榮場在裏遂賦自賀 鄭谷

都官雖未是名郎踐歷曾聞薛許昌復有李公陪雅
躅豈宜鄭子忝餘光榮爲後進趨闌署喜拂前題在
粉墻八座外郎於省中題記多在他日節旄如可繼不嫌曹冷在
中行

唐詩類苑卷第一百三十二終

唐詩類苑卷第一百三十三

明雲間張之象玄超甫纂輯

雲間姜雲龍神超甫編次

雲間王徹叔朗甫補訂

梁谿曹仁孫伯安甫校正

人部

哀傷

千秋節有感二首

杜甫

自罷千秋節頻傷八月來先朝常宴會壯觀已塵埃
鳳紀編生日龍池塹劫灰湘川新涕淚秦樹遠樓臺
唐詩類苑 卷之二十三 一

二

御氣雲樓敞含風綵仗高仙人張內樂王母獻宮桃
羅襪紅蕖豔金羈白雪毛舞階銜壽酒走索背秋毫
聖主他年貴邊心此日勞桂江流向北滿眼送波濤

題東山子李適碑陰

并序

徐彥伯

噫嘻李公生自號東山子死葬東山豈其識哉神
交者歌薤露以送子歸東山爲詩鐫於碑陰云

隴嶂紫氣金光赫氛氲美人含遙靄桃李方自薰
圖高黃鶴羽寶奪驪龍群忽驚薤露曲掩噎東山雲

傷逝

韋應物

染白一爲黑焚木盡成灰念我室中人逝去亦不迴
結髮二十載賓敬如始來提攜屬時屯契闊憂患災
柔素亮爲表禮章夙所該仕公不及私百事委令才
一旦入閨門四屋滿塵埃斯人既已矣觸物但傷摧
單居移時節泣涕撫嬰孩知妄謂當遣臨感要難裁
夢想忽如睹驚起復徘徊此心良無已遶屋生蒿萊

傷心行

李賀

咽咽學楚吟病骨傷幽素秋姿白髮生木葉啼風雨
燈青蘭膏歇落照飛蛾舞古壁生凝塵霸魂夢中語

傷哉行

孟郊

衆毒蔓貞松一枝難久榮豈知黃庭客仙骨生不成
春色捨芳蕙秋風遶枯莖彈琴不成曲始覺知音傾
館月改舊照吊賓寫餘情還舟空江上波浪送銘旌

獨夜傷懷贈呈張侍御

張生近
張妻

燼火孤星滅殘燈寸焰明竹風吹面冷簷雪墜堦聲
寡鶴連天叫寒鷄徹夜驚祗應張侍御潸會我心情

傷逝者不見

王建

離人隔中庭幸不爲遠征誰梁下有壁聞語亦聞行

感逝

元稹

天涯尚寄信此處不傳情君能並照水形影自分明
頭白夫妻分無子誰令蘭夢感衰翁三聲啼婦卧牀
上一寸斷腸埋土中蜩甲暗枯秋葉墜燕鷗新去夜
巢空情知此恨人皆有應與暮年心不同

傷王七秘書監寄呈揚州陸表史通簡府僚

宋之問

王氏貴先宗衡門棲道風得心晤有物秉化遊無窮
學與九流異機玄三語同書乃墨場絕文稱詞伯雄
白屋藩魏主蒼生期謝公一紙賢良詔遂謁承明宮

傷王學士

并序

王君赦者少小遊洛陽吾與君隴西李千至爲友
家貧倦道歲常宴如屬文毫翰吟賦所得時會絕
境長安初以器行制在蕃邸侍諸人遊四年余遭
浮議下獄他日余至來知君物化嗚呼賴叔享年
不遐昔同爲人今先君而爾爾喪葬遲
而賦詩以哀命

傷王學士

并序

沈佺期

補衮望奚塞尊儒位未充罷官七門裏歸老一丘中
嘗忝長者轍微言私謂通我行會稽郡路出廣陵東
物在人已矣都凝淮海空

閉囚斷外事昧坐半餘暮有言穎叔子亡來已一時
初聞宛不信中話涕漣而痛哉玄夜重何遽青春姿
憶汝曾旅食屢空瀟澗涓吾徒祿未厚簞斗愧相貽
原憲貧無愁顏同樂自持詔書澤才善君爲王子師
寵儒名可尚論秩官猶欺化往不復見情來安可思
目絕毫翰灑耳無歌調期靈樞寄何處精魄今何之
恨予在丹棘不得看素旌嬭妻知已嘆幼子路人悲
感遊值商日絕絃留此詞

重至衡陽傷柳儀曹

劉禹錫

元和乙未歲與故人柳子厚臨湘水爲別柳浮舟

唐詩類

卷之三十三

四

適柳州余登陸赴連州後五年余從故道出桂嶺

至前別處而君沒於南中因賦詩以投吊

憶昨與故人湘江頭別我馬映林嘶君驪轉山滅

馬嘶循古道颿滅如流電千里江離春故人今不見

和許給事傷牛尚書弘

劉斌

名臣不出世百工之所求况乃非常器遭逢興運秋

符彩昭千里銓衡綜九流經綸資博物樽俎寄星猷

韶護傾復理典禮奈還修雖貞棟梁任兼好藝文遊

佇聞知鼎實行當奉介丘高衢翻稅駕閑水遽遙舟

傳呼更何日曳履聞無由歸魂藐修路征棹艤邗溝

林薄長風慘江上寒雲愁夜臺終不曙遺芳徒自留

傷顧學士

孔紹安

迢遞雙嶠道超忽三川湄此中俱失路思君不可思

遊人行變橋逝者遽焚芝憶昔江湖上同詠子衿詩

何言陵谷徙翻驚隣笛笛悲陳根非帟并總帳異書帷

與善成空說誠良信在茲今日嚴夫子哀命不哀時

傷段右丞

江潮傳說
南宮交代

劉禹錫

江海多豪氣朝廷有直聲何言馬蹄下一旦是佳城

傷獨孤舍人

劉禹錫

貞元中余以御史監祠事河南獨孤生始仕爲奉

唐詩類

卷之三十三

五

禮郎有事宗廟郊時必與之俱繇是甚熟及余謫

武陵九年間獨孤生仕至中書舍人視草禁中上

方許以宰相元和十年春余祇召抵京師次都亭

日舍人疾不起余聞因作傷詞以爲弔

昔別矜年少今悲喪國華遠來同社燕不見早梅花

再傷龐尹

元稹

京兆歸何處章臺空暮塵可憐鸞鏡下哭殺畫中人

傷鄭谷郎中

僧貫休

鍾陵千首作筆絕亦身終知落干戈裏誰家燼爐中

吟齋春長蕨釣渚夜鳴鴻惆悵秋江月曾招我看同

張工部發引日屬傷足卧疾不遂執紼

權德輿

子春傷足日况有寢門哀元伯歸去無由白馬來
笳簫里巷咽龜筮暮田開片石潺湲淚含樓敘史才

傷丘中丞

劉禹錫

河南丘絳有詞藻與余同升進士科從仕鄴下不
幸遇害故爲傷詞

鄴下殺才子蒼忙冤氣凝枯楊映漳水野火上西陵
馬鬣今無所龍門昔共登何人爲弔客唯是有青蠅

傷韋賓客

自工部尚書除賓客

劉禹錫

唐詩類苑

卷之百三十三

六

韋公八十餘位至六尚書五福唯無富一生誰得知
桂枝收久蘭省出城初海內時流盡何人動素車

傷始平李少府正已

褚亮

勞息本相循悲歡理自均誰能免玄夜惜爾正青春
邁德惟家寶生才諒國珍高文綴翡翠茂學掩麒麟
述作紛無已言談妙入神斷腸雖累月分手未盈旬
輔嗣俄長往顏生卽短辰聲華滿昭代形影委窮塵
禪草迴中使生芻引弔賓同遊祕府日方駕直城闕
竝拜黃圖右分曹清渭濱風期祗已好存歿范張親
虛座憐王述遺編慟景純精靈與毫翰千祀壽何人

傷祝阿王明府并序

駱賓王

夫心之悲矣非關春秋之氣聲之哀也豈移金石
之音倚則事感則萬緒興端情應則百憂交軫是
以宣尼舊館流襟動激楚之悲孟嘗高臺承睫下
聞琴之淚祝阿王明府毓德丹穴襲吉黃裳靈基
峙金闕之峰層源漱玉輪之坂旣而鴻飛漸陸將
騁平輿之龍鶴鳴在陰爰絳朝歌之驥乃當名縣
闕月德貫陳星豈圖遽切夢瓊奄沈連石嗟平輪
銷桂魄驪珠毀貝闕之前斗散紫氛龍劍沒延平
之水某昔承嘉惠曲荷恩光留連嘯歌從容風月

唐詩類苑

卷之百三十三

七

撫心陳迹泣血連如然而始終者萬物之大歸生
死者百年之常分雖則知理之可有而未曉情之
可無聊綴悲歌敢貽同好諸君或締交三益列宰
一同或叶契筌蹄投心膠漆如比肩於千里遽傷
魂於九原旣切芝焚彌深蕙嘆蓋言四始同賦七
哀庶蘭室流薰襲遺芳而化也故蓬心深拙效庸
音於起予觸目多懷同增流慟

洛川真氣上重泉惠政融含章光後烈繼武嗣前雄
契與良難驗生涯忽易窮翔鳳在嶺狎烟尚重
錢滿荒階綠塵浮虛帳紅

烟晦泉門夕日遠夜臺空誰堪孤隴外獨聽白楊風

謝李叔度秋夜喜相遇因傷關東僚友喪逝

見贈

盧綸

寒月照秋城秋風泉澗鳴過時見蘭蕙獨夜感衰榮
酒散同移席心悲似遠行以愚求作友何德敢稱兄
谷變波長急松枯藥未成恐看新着色怯問故人名
野澤雲陰散荒原日氣生羈飛本難定非是惡雲驚

傷溫德彝

溫庭筠

昔年戎虜犯榆關一敗龍城匹馬還侯印不到
廣他人丘壟似天山

唐詩類苑

卷之百五

八

傷進士嚴子重詩

并序

皮日休

余爲童在鄉校時簡上抄杜舍人牧之集見有與
進士嚴憚詩後至吳一日有客曰嚴某余志其名
久矣遽懷文見造於是樂得禮而觀之其所爲工
於七字往往有清便柔媚時可軼駭於常軌其佳
者曰春光冉冉歸何處更向花前把一杯盡日問
花花不語爲誰零落爲誰開余美之試而未竟意
生舉進士亦十餘計偕余方寃之謂予竟有得於
時也未幾歸吳興後兩月雪八至云生以疾亡於
所居矣噫生徒以詞聞於士大夫竟不名而逝豈

止此而埋沒耶江湖間多美利士君子苟樂退而
有文者死無不爲時惜可勝言耶於是哭而爲詩
魯望生之友也當爲我同作

十哭都門榜上塵蓋棺終是五湖人生前有敵唯丹
桂沒後無家祇白蘋箬下斬新醒處月江南依舊詠
來春知君精爽應無盡必在鄧都頌帝晨

和傷進士嚴子重詩

并序

陸龜蒙

嚴子重以詩遊於名勝聞舊矣余晚於江南相遇
甚樂不幸且沒襲美作詩序而弔之其名真不朽
矣又何戚其死哉余因息悲而爲之和

唐詩類苑

卷之百五

九

每值江南日落春十年詩酒愛逢君芙蓉湖上吟船
倚翡翠巖前醉馬分祗有汀洲連舊業豈無葦蕩動
遺文猶憐未卜佳城處更勵要離塚畔雲

同韋少尹傷故衛尉李少卿

許渾

客醉更長樂未窮似知身世一宵空香街寶馬嘶殘
月暖閣佳人哭曉風未卷繡筵朱閣上已開塵席畫
屏中何須更賦山陽笛寒月沈西水向東

傷湖州李郎中

許渾

政成身沒共興哀鄉路兵戈旅櫬迴城上暮雲凝鼓

角海邊春草閉池臺經年未莖家人散昨夜因齋故
吏來南北相逢皆掩泣白蘋洲暖一花開

傷欽州陳二使君

李嘉祐

憐君辭滿卧滄洲一旦云亡萬事休慈母斷腸妻獨
泣寒雲慘色水空流江村故老長懷惠山路孤猿亦
共愁寂寞荒墳近漁浦野煙朝暮即千秋

傷唐衢二首

白居易

自我心存道外物少能逼常排傷心事不爲長嘆
忽聞唐衢死不覺動顏色悲端從東來觸我心惻惻
伊昔未相知偶遊滑臺側同宿李翱家一言如舊識

唐詩類苑

卷之二百三

十一

酒酣出送我風雪黃河北日西並馬頭語別至昏黑
不歸向東鄭我來遊上國交心不交面從此重相憶
憐君儒家子不得詩書力五十著青衫試官無祿食
遺文僅千首六義無差忒散在京洛間何人爲收拾

二

憶昨元和初忝備諫官位是時兵革後生民正憔悴
但傷民病痛不識時忌諱遂作秦中吟一吟悲一事
貴人皆怪怒閑人亦非訾天高未及聞荆棘生滿地
惟有唐衢見知我平生志一讀興嘆嗟再吟垂涕泗
因和三十韻手題遠緘寄致吾陳杜聞賞愛非常意

此人無復見此詩猶可貴今日開篋看蠹魚損文字
不知何處莖欲問先歎歎終去哭墳前還君一掬淚

傷楊弘真

白居易

顏子昔知命仲尼惜其賢楊生亦好學不幸復徒然
誰識天地意獨與龜蛇年

微之敦詩晦叔相次長逝歸然自傷因成二

絕

白居易

併失鵷鸞侶空留麋鹿身只應嵩洛下長作獨遊人

二

長夜君先去殘年我幾何秋風滿衫淚泉下故人多

唐詩類苑

卷之二百三

十一

傷李端

衛象

才子浮生促泉臺此路賒官卑楊執戟年少賈長沙
人去門棲鵬災成酒誤蛇唯餘封禪草留在武陵家
冬夜耿拾遺王秀才就宿因傷故人

司空曙

舊時聞笛淚此夜重沾衣方恨同人少何堪相見稀
竹烟凝澗壑林雪似芳菲多謝勞車馬應憐獨掩扉
憶微之傷仲達李三仲達去年春喪

白居易

幽獨辭群久漂流去國賒只將琴作伴唯以酒爲家

感逝因看水傷離爲見花李三埋地底元九謫天涯
舉眼青雲遠回頭白日斜可能勝賈誼猶自滯長沙

傷賈島

張蠟

生爲明代苦吟身死作長江一逐臣可是當時少知
已不知知已是何人

傷舊遊

孟郊

去春會處今春歸花數不減人數稀朝笑片時暮成
泣東風一向還西輝

傷陸處士

權德輿

從此無期見柴門對雪開二毛逢世難萬恨掩泉臺
唐詩類苑 卷之百三十三 十一

返照空堂夕孤城弔客迴漢家偏訪道猶畏鶴書來

傷史拱山人

皮日休

一緘幽信自襄陽上報先生去歲亡山客爲醫翻賞
藥野僧因弔却焚香峯頭孤冢爲雲穴松下靈筵是

石牀宗衲死求君又去終身不復到柴桑

奉和傷史拱山人

陸龜蒙

曾說山樓欲去尋豈知霜骨莖寒林常依淨住師冥
目康事容成學箒心通客預齋還梵唱老猿窺祭亦

悲吟唯君獨在江雲外誰誅孤貞置峴岑

傷馮秀才

許渾

旅葬不可問茫茫西隴頭水雲青草濕山月白楊愁
琴信有時罷劍傷無處留淮南舊烟月孤棹更逢秋

同旻上人傷壽安傅少府

陳子昂

生涯良浩浩天命固諄諄聞道神仙尉懷德遂爲鄰
疇昔逢堯日衣冠仕漢辰交遊紛若鳳詞翰宛如麟
太息勞黃綬長思謁紫宸金蘭徒有契玉樹已埋塵
把臂誰無託平生固亦親潏琴一流涕舊館幾雲
杳杳泉中夜悠悠世上春幽明長隔此歌哭爲何人

和旻上人傷果禪師

楊炯

淨業初中日浮生大小年無人本無我非後亦非前
唐詩類苑 卷之百三十三 十二

簫鼓旁喧地龍蛇真應天法門摧棟宇覺海破舟船

書鎮秦王餉經文竺國傳聲華周百億風烈鼓三千

蕪沒青園草荒涼紫陌田德音殊未遠拱木已生烟

傷愚溪三首

劉禹錫

故人柳子厚之謫永州得勝地結茅樹蔬爲沼沚
爲臺榭目曰愚溪柳子沒三年有僧遊零陵告余
曰愚溪無復曩時矣一聞僧言悲不自勝遂以
所聞爲七言以寄恨

溪水悠悠春自來草堂無主燕飛回隔簾惟見中庭
草一樹山榴依舊開

草聖數行留壞壁木奴千樹薦鄰家唯見里門通德榜殘陽寂寞出樵車

柳門竹巷依依在野草青苔日月多總有鄰人解吹笛山陽舊侶更誰過

傷循州渾尚書

劉禹錫

貴人淪洛路人哀碧海連天丹旆回遙想長安此時節朱門深巷百花開

傷將校書德山

黃滔

誰到雙溪溪岸傍與招寬鬼上蒼蒼世間無樹勝青桂隴上有花唯白楊秦苑火燃新賦在越城山秀故

唐詩類苑

卷之百五十五

古

居荒如何萬古雕龍手獨是相如識漢皇

傷翁外甥

黃滔

江頭去時路歸客幾紛紛獨在異鄉歿若為慈母聞青春成大夜新雨壞孤墳應作芝蘭出泉臺月桂分

代靖安佳人怨二首

劉禹錫

靖安丞相武公居里名也元和十一年六月公將朝夜漏未盡三刻騎出里門遇盜斃於墻下昔公為郎余為御史繇是有舊故今守遠服賤不可以誅又不得為歌詩聲於楚挽故代作佳人怨以裨於樂府云

寶馬鳴珂踏曉塵魚文七首犯車茵適來行哭里門外昨夜華堂歌舞人

秉燭朝天遂不回路人彈指望高臺墻東便是傷心地夜夜流螢飛去來

傷秦妹行

并引

劉禹錫

河南房開士前為虞部郎中為余語曰我得善筆人於長安懷遠里其後開士為赤縣牧容州求國工而誨之藝工而天今年開士遺余新詩有悼佳人之句顧余知所自也惜其有良妓獲所從而不克久乃為傷詞以貽開士

唐詩類苑

卷之百五十五

古

長安二月花滿城插花女兒彈銀箏南宮仙郎下朝晚曲頭駐馬聞新聲馬蹄逶遲心蕩漾高樓已遠猶頻望此時意重千金輕鳥傳消息紺輪迎芳筵銀燭一相見淺笑低鬟初自成蜀絃鏗鏘指如玉皇帝弟子韋家曲青牛文梓赤金簪玫瑰寶柱秋鴈行欽蛾收袂凝清光抽絃授調怒且長八鸞鏘鏘渡銀漢九鷗成鳳鳴朝陽曲終韻盡意不足情思悄絕愁空堂從郎鎮南別城闕樓船里曲瀟湘月馮夷踰躑舞漾波鮫人出聽停綃梭北池含烟瑤草短萬松亭下清風滿

此詩萬松亭

秦歌一曲此時聞嶺泉鳴咽腸堪

斷來自長陵小市東
舞華零落瘴江風
侍兒掩泣悲銀甲
鸚鵡不言愁玉籠
傳山爐中香自滅
鏡奩塵暗同心結
從此東山非昔遊
長嗟人與絃俱絕

念金鑾子二首

白居易

衰病四十身嬌癡三歲女
非男猶勝無懣情時一撫
一朝捨我去覓影無處所
況念子化時嘔啞初學語
始知骨肉愛乃是憂悲聚
唯思未有前以理遣傷苦
忘懷日已久三度移寒暑
今日一傷心因逢舊乳母

二

與爾爲父子八十有六旬
忽然又不見邇來三四春

唐詩類苑

卷之百三十三

七

形質本非實氣聚偶成身
恩愛元是妄緣合暫爲親
今茲庶有悟聊用遣悲辛
暫將理自奪不是忘情人

簡簡吟

白居易

蘇家小女名簡簡芙蓉花
腮柳葉眼十一把鏡學點
粧十二抽針能繡裳十三行
坐事調品不肯迷頭白
地藏玲瓏雲鬢生柔條飄飄
風袖香微香殊姿異態
不可狀忽忽轉動如有光
二月繁霜殺桃李明年欲
嫁今年死丈人阿母勿悲啼
此女不是凡夫妻恐是天
仙識人世只合人間十三歲
大都好物不堅牢彩雲易散
飛瓊脆

重傷小女子

白居易

學人言語憑牀行嫩似花房脆
似瓊纔知恩愛迎三歲未辨東西過
一生汝異下殤應殺禮吾非上聖詎
忘情傷心自歎鳩巢拙常隨春鷄養不成

傷曹娘

宋之問

鳳飛樓伎絕鑾死鏡臺空
獨憐脂粉氣猶着舞衣中

傷曹娘二首

宋之問

可憐冥寞去何之獨立丰茸無見期
君看水上芙蓉色恰似生前歌舞時

前溪妙舞今應盡子夜新歌遂不傳
無復綺羅嬌白

唐詩類苑

卷之百三十三

七

日直將珠玉閑黃泉

河陽

宋之問

昔日河陽縣氛氲香氣多
曹娘嬌態盡春樹不堪過

傷妓人董氏四首

張說

董氏嬌饒性多爲窈窕
名人隨秋月落韻入擣衣聲

二

粉藥粘粧金釵歇翠條
夜臺無戲伴魂影向誰嬌

三

舊庭紅粉閣宿處白雪關
春日雙飛去秋風獨不還

四

舞席沾殘粉歌梁委舊塵獨傷悲裏月不見帳中人

代張侍御傷美人

杜審言

二八泉扉掩帳屏寵愛空淚痕銷夜燭愁緒亂春風
巧笑人疑在新粧曲未終應憐脂粉氣猶着舞衣中

同李蘇州傷美人

皇甫冉

玉珮石榴裙當年嫁使君專房猶見寵傾國衆皆聞
歌舞嘗無對幽明忽此分陽臺千萬里何處作朝雲

和崔司空傷姬

楊炯

昔時南浦別鶴怨寶琴絃今日東方至鸞銷珠鏡前
水流銜砌咽月影向牕懸粉匣悽餘淚薰爐滅舊煙

唐詩類苑

卷之三百三

十一

晚庭摧玉樹寒帳委金蓮佳人不再得雲日幾千年

和劉郎中傷鄂姬

姬鄂人也

白居易

不獨君嗟我亦嗟西風北雪殺南花不知月夜魂歸
處鸚鵡洲頭第幾家

傷友人悼吹簫妓

杜牧

玉簫聲斷沒流年滿目春愁隴樹煙艷質已隨雲雨
散鳳樓空鎖月明天

和友人傷歌姬

溫庭筠

月缺花殘莫愴然花須終發月終圓更能何事銷芳
念亦有濃華委逝川一曲詠歌留婉轉九原春草妬

嬋娟王孫莫學多情客自古多情損少年

和楊師臯傷小姬英英

白居易

自從嬌騃一相依共見楊花七度飛玳瑁牀空收枕
席琵琶絃斷倚屏幃人間有夢何曾入泉下無家豈
是歸墳上少啼留取淚明年寒食更沾衣

悼吳興湯衡評事

孟郊

君生雪水清君歿雪水渾空令骨肉情哭得白日昏
大夜不復曉古松長閉門琴絃綠水絕詩句青山存
昔爲芳春顏今爲荒草根獨問冥冥理先儒未曾言
奉和悼右僕射楊再思應制

唐詩類苑

卷之三百三

十一

趙彥昭

再撥光天秩三朝奉帝熙何言集大鳥忽此喪元龜
坐嘆公槐落行聞宰樹悲壑舟今已去寧有濟川時
憶江西并悼亡友

曹松

前心柰兵阻悔作豫章分芳草未歸日故人多是墳
帆行出岫雨馬踐過江雲此地一罇酒當時皆以文
和元九悼往

白居易

美人別君去自去無處尋舊物零落盡此情安可任
唯有緜紗幌塵埃日夜侵馨香與顏色不似舊時深
透影燈耿耿籠光月沈沈中有孤眠客秋涼生夜衾

舊宅牡丹院新墳松柏林夢中咸陽淚覺後江陵心
舍此隔年恨發爲中夜吟無論君自感聞者欲沾襟

悼孩子

于鵠

年長始一男心亦頗自娛生來歲未周奄然却歸無
裸送不以衣瘞埋於中衢乳母抱出門所生亦隨呼
嬰孩無哭儀禮經不可踰親戚相問時抑悲空嘆呼
襁褓在舊牀每見立踟躕靜思益傷情畏老爲獨夫

悼亡

孟郊

山頭明月夜增輝不照重泉下泉下雙龍無再期金
蠶玉燕空銷化朝雲暮雨成古墟蕭蕭野竹風吹亞

唐詩類苑

卷之百五十三

子

悼幼子

孟郊

一閉黃蒿門不聞白日事生氣散成風枯骸化爲地
負我十年恩欠爾千行淚灑之北原上不待秋風至

爲薛台悼亡

白居易

半死梧桐老病身重泉一念一傷神手攜稚子夜歸
院月冷房空不見人

見元九悼亡詩

白居易

夜淚闌銷明月幌春腸遙斷牡丹庭人間此病治無
藥唯有楞伽四卷經

三遣悲懷

元稹

謝公最小偏憐女自嫁黔婁百事乖顧我無衣搜盡
篋泥他沽酒拔金釵野蔬充膳甘長藿落葉添薪仰
古槐今日俸錢過十萬與君營莫復營齋

昔日戲言身後意今朝皆到眼前來衣裳已施行看
盡針線猶存未忍開尚想舊情憐婢僕也曾因夢送
錢財誠知此恨人人有貧賤夫妻百事哀

閑坐悲君亦自悲百年都是幾多時鄧攸無子尋知
命潘岳悼亡猶費詞同穴窅冥何所望他生緣會更
難期唯將終夜長開眼報答平生未展眉

答謝家最小偏憐女感元九悼亡詩因而爲

唐詩類苑

卷之百五十三

子

代答

白居易

嫁得梁鴻六七年耽書愛酒日高眠雨荒春圃唯生
草雪壓朝厨未有煙身病憂來緣女少家貧慙却爲
災賢誰知厚俸今無分枉向秋風吹紙錢

悼張道古

僧禪月

清河逝水太忽忽東觀無人失至公天上君恩三載
隔鑑中鸞影一時空墳生曉霧蒼茫外門掩寒雲寂

寞中惆悵斯人又如此一聲蠻笛滿江風

王十二兄與畏之員外相訪見招小飲時予

以悼亡日近不去因寄 李商隱

謝傳門庭舊未行今朝歌管屬檀郎更無一處嚴垂
地欲拂塵時簾竟狀嵇氏幼男猶可憫左家嬌女豈
能忘愁霖腰疾俱難遣萬里西風夜正長

代人悼姬

劉滄

羅帳香微冷錦裯歌聲未絕想梁塵蕭郎獨宿落花
夜謝女不歸明月春青鳥罷傳相寄字碧江無復採
蓮人滿庭芳草坐成恨迢遞蓬萊入夢頻

代人悼亡

魚玄機

曾覩天桃想玉姿帶風楊柳認蛾眉珠歸龍窟知誰
見鏡在鸞飛話向誰從此夢悲煙雨夜不堪吟苦寂

唐詩類苑

卷之百五十五

三

寥時西山日落東山月恨想無因有了期

和新及第悼亡詩二首

魚玄機

仙籍人間不久留片時已過十經秋鴛鴦帳下香猶
暖鸚鵡籠中語未休朝露綴花如臉恨晚風敲柳似
眉愁彩雲一去無消息潘岳多情欲白頭

一枝月桂和煙秀萬樹江桃帶雨紅且醉樽前休悵
望古來悲樂與今同

夔州實員外使君見示悼妓詩韻余嘗識之

命同作

劉禹錫

前年曾見兩鬟時今日驚吟恤妓詩鳳管學成知有

籍龍媒欲換豈無期空廊月照常行地後院花開舊
拆枝寂寞魚山青草裏何人更立智瓊祠

訓暢博士感懷五十韻見寄

盧綸

綸與吉侍郎孚司空郎中曙苗員外發崔補闕峒
耿拾遺漳李校書端風塵追遊向三十載數公皆
負當時盛稱榮耀未幾俱沈下泉暢博士嘗感懷
前蹤有五十韻見寄輒有所訓兼寄夏侯侍御審
侯倉曹釗

唐詩類苑

卷之百五十五

三

稟命孤且賤少爲病所嬰八歲始讀書四方遂有兵
童心幸不羈此去負平生是月胡入洛明年天隕星
夜行登瀛陵恫怛靡所征雲海一翻蕩魚龍俱不寧
因浮襄江流遠寄鄱陽城鄱陽富學徒誚我慙無營
諭以詩禮義勗隨賓薦各舟車更滯留水陸互陰晴
曉望怯雲陣夜愁驚鶴聲悽悽指宋郊浩浩入秦京
沴氣既風散皇威如日明方逢粟比金未識公與卿
十上不可待三年竟無成偶爲達者知揚我於王庭
素志且不立青袍徒徒見縈昏屏風自保靜躁本殊形
始趨甘棠陰旋遇密人迎考實績無取責能才固輕
新豐古離宮宮樹鎖雲扃中復泣茲邑往惟曾所經

繚垣何逶迤水殿亦崢嶸夜雨滴金砌陰風吹玉楹
官曹雖檢率國步日夷平命蹇固安分禍來非有萌
因逢駭浪飄幾落無辜刑魏魏登壇臣獨正天柱傾
悄悄失途子分將秋草并百年甘守素一顧乃拾青
相逢十月交衆卉飄已零感舊諒戚戚問孤狼荒荒
侍郎文章宗傑出淮楚靈掌賦若吹簫司言如
郎中善餘慶雅韻與琴清辭辭松帶雪蕭蕭鴻入
員外真貴儒弱冠被華纓月香飄桂實乳溜滴瓊英
補闕思冲融巾拂藝亦精綵蝶戲芳圃瑞雲凝翠屏
拾遺興難侔逸調曠無程九醞貯彌潔三花寒轉馨

唐詩類苑

卷之三百三

三

校書才智雄舉世一娉婷賭墅鬼神變屬詞驚鳳驚
差肩曳長裾總轡奉和鈴共賦瑤臺雪同觀金谷箏
倚天方比劍沈井忽如瓶神昧不可問天高莫爾聽
君持玉盤珠瀉我懷袖盈讀龍涕交頤願言躋百齡

感故張僕射諸妓

白居易

黃金不惜買蛾眉揀得如花三四枝歌舞教成心力
盡一朝身去不相隨

感月悲逝者

白居易

存亡感月一潸然月色今宵似往年何處曾經同望
月櫻桃樹下後堂前

經慈州感謝郎中

黃滔

金聲乃是古詩流况有池塘春草儔莫道宣城獨垂
號雲山彼此謝公遊

經安州感故鄭郎中二首

黃滔

雲夢江頭見故城人間四十載垂名馬蹄踐處東風
急鷄舌銷時北闕驚獄客出來尋古劍野猿相
孤坐騰身飛上鳳皇閣惆悵終乖吾黨情

錦帳先生作牧州干戈缺後見荒丘兼無姓賈兒童
在空有還珠烟水流江句行人吟刻石月腸是處象
登樓旅魂頻此歸來否千載雲山屬一遊

唐詩類苑

卷之三百三

三

池州李使君沒後十一日處州新命始到後

見歸妓感而成詩

杜牧

縉雲新命詔初行纔是孤魂壽器成黃壤不知新用
露粉書空換舊銘旌巨卿哭處雲空斷阿鵲歸來月
正明多少四年遺愛事鄉閭生子李爲名

見道邊死人

劉元濟

淒涼徒見日冥冥詎知年魂今不可問應爲直如弦

聞高常侍亡

杜甫

歸朝不相見蜀使忽傳亡虛歷金華省何殊地下郎
致君丹檻折哭友白雲長獨步詩名在稭令故舊傷

續陵令咏女子溺死江上 李白

白爲吏時從令觀漲有女子溺死江上令苦吟白
輒應聲繼之令滋不悅

二八誰家女飄來倚岸蘆鳥窺眉上翠魚弄口傍朱
綠鬢隨波散紅顏逐浪無何因逢伍伯應是想秋胡
奉漢中王手札報韋侍御蕭尊師亡

杜甫

秋日蕭韋逝淮王報峽中少年疑柱史多術怪仙公
不但時人惜祇應吾道窮一哀侵疾病相識自兒童
處處隣家笛飄飄客子蓬強吟懷舊賦已作白頭翁

唐詩類苑 卷之三百三十一

圭

聞徹上人亡寄侍郎楊丈 柳宗元

東越高僧還姓湯幾時瓊珮觸鳴璫空花一散不知
處誰採金英與侍郎

韓漳州書報徹上人亡因寄二絕

柳宗元

早歲京華聽越吟聞君江海分逾深他時若寫蘭亭
會莫畫高僧支道林

頻把瓊書出袖中獨吟遺句立秋風桂江日夜流千
里揮淚何時到甬東

戲答皇甫嵩時監初喪偶 白居易

寒宵勸酒君須飲君是孤眠七十身莫道非人身不
暖十分一盞煖於人

初喪雀兒報微之晦叔 白居易

書報微之晦叔知欲題雀字淚先垂世間此恨偏敦
我天下何人不哭兒蟬老悲鳴拋蛇後龍眠驚覺失
珠時文章十帙官三品身後傳誰庇蔭誰

聞貫休下世

吾師詩匠者真箇碧雲流爭得梁太子更爲文選後
錦江新塚樹婆女舊山秋欲去焚香禮啼猿峽阻修

聞顏尚書陷賊中

戎昱

唐詩類苑 卷之三百三十一

圭

聞說征南沒那堪故吏聞能持蘇武節不授馬超勳
國破無家信天秋有鴈羣同榮不同辱今日負將軍

令狐相公與夢得交情素深眷予分亦不淺

一聞薨逝相顧泫然旋有使來得前月未

歿之前數日書及詩寄贈夢得哀吟悲嘆

寄情於詩詩成示予感而繼和

白居易

緘題重疊語殷勤存歿交親自此分前月使來循理
命今朝書到是遺文銀鈎見晚書無報玉樹埋深哭
不聞最感一行絕筆字尚言千萬樂天君

聞邊將劉臯無辜受戮 許渾

外監多假帝王尊威脅偏裨勢不存纔許誓心安王
壘已傷傳首動金門三千客裏寧無義五百人中必
有恩却賴漢庭多烈士至今猶自伏蒲輪

聞逝者自驚 李嘉祐

亦知死是人間事年老聞之心自疑黃卷清琴總爲
累落花流水共添悲願將從樂看真訣又欲休官就
本師兒女眼前難喜捨彌憐雙鬢漸如絲

弔房十五次卿少府 孟郊

日高方得起獨賞此些春可惜宛轉驚好音與他人

唐詩類苑 卷之三十三 天

昔年此氣味還走曲江濱逢着韓退之結交方殷勤
蜀客骨自高聰辯劍戟新如何昨日歡今日見無因
英奇一謝世視聽一爲塵誰言老淚短淚短沾衣巾

弔元魯山十首 孟郊

搏鷲有餘飽魯山長饑空豪人飫鮮肥魯山飯蒿蓬
食名皆霸官食力乃堯農君子耻新態魯山與古終
天璞本平一人巧生異同魯山不自剖全璞竟沒躬

二

自剖多是非流濫將何歸奔競立詭節凌侮爭怪輝
五帝坐銷鑠萬類隨衰微以茲見魯山道蹇無所依

三

君子不自蹇魯山蹇有因苟舍天地秀皆是天地身
天地蹇既甚魯山道莫伸天地氣不足魯山食更貧
始知補元化竟須得賢人

四

賢人多自竄道里與俗乖細功不敢言遠韻方始諧
萬物飽爲飽萬人懷爲懷一聲苟失所衆懷來相排
所以元魯山饑衰難與偕

五

遠偕無近級造次不可升賢人絜腸胃寒日空澄凝

唐詩類苑 卷之三十三 天

六

言從魯山宦盡化堯時心豺虎耻狂噬齧牙閉霜金
競來闢田土相與耕畝岑當宵無關鎖竟歲饒歌吟
善教復天術美詞非俗箴精微自然事視聽不可尋
因書魯山績庶合簫韶音

七

簫韶太平樂魯山不虛作千古若有知百年幸如昨
誰能嗣教化以此洗浮薄君臣貴深遇天地有靈臺
力遇既艱難德信方合漠各位苟虛曠聲明自銷鑠

禮法難相救貞濃易糟柏哀哀元魯山畢竟誰能度

八

當今富教化元后得賢相冰心鏡哀苦霜諫清遐障
幽埋盡沈沈滯旋免流浪唯餘魯山名未獲旌廉讓
二三貞苦士刷視登危望髮秋青山夜目斷丹闕亮
誘類幸從茲嘉招固非妄小生奏狂猥感惕增萬狀

九

黃犢不知孝魯山自駕車非賢不可妻魯山竟無家
供養耻他力言詞豈纖瑕將謠魯山德宦海詎能涯

十

遺嬰盡鵲乳何況肉骨枝心腸結苦誠胸臆垂甘滋
事已出古表誰言獨今奇賢人母萬物愷悌流前詩

哭李觀

孟郊

志士不得老多為直氣傷阮公終日哭壽命固難長
顏子既祖謝孔門無輝光文星落奇曜寶劍摧修銘
當作金應石勿為宮別商為爾弔琴瑟斷絃難再張
偏轂不可轉隻翼不可翔清塵無吹噓委地難飛揚
此義古所重此風今已亡自聞喪元賓一日八九狂
沈痛此丈夫驚呼彼穹蒼我有出俗韻勞君疾惡腸
知音既已矣微言誰能彰旅塋無高墳栽松不成行

哀歌動寒日贈淚沾晨霜神理本宵官今來更茫茫
何以蕩悲懷萬事付一觴

弔盧殷十首

孟郊

詩人多清峭餓死抱空山白雲既無主飛出意等閑
久病牀席尸護喪童僕孱故書窮鼠嚙狼籍一室間
君歸新鬼鄉我面古玉顏羞見入地時無人叫追攀
百泉空相弔日夕哀潺湲

二

唧唧復唧唧千古一月色新新復新新千古一花春
印風噫孟郊嵩秋堇盧殷北印前後客相弔為埃塵

唐詩類苑

卷之三

三

北印棘針草淚根生苦辛烟火不自暖筋力早已貧
幽薦一杯泣瀉之清洛濱添為斷腸聲愁殺長別人

三

棘針風相號破碎諸苦哀苦哀不可聞掩耳亦入來
哭絃多煎聲恨涕有餘摧噫貧氣已焚噫死心更灰
夢世浮閃閃淚波深洄洄離歌一以去蒿閉不復開

四

登封草木深登封道路微日月不與光莓苔空生衣
可憐無子翁蚍蜉綠綠肌孿臥歲時長連連但幽噫
幽噫虎豹聞此外相訪稀至親唯有詩抱心死有歸

河南韓先生後君作因依磨一片嵌巖書千古光輝

五

賢人無計較生苦死徒誇他名濶子孫君名濶泥沙
可惜千首文閃如一朝花零落難苦言起坐空驚嗟

六

耳聞陋巷生眼見魯山君餓死始有名餓名高氣益
顛更老壯氣感之爲憂雲所憂唯一泣古今相紛紛
平生與君說速此俱云云

七

初識漆鬢髮爭爲新文章夜踏明月橋晨飲吾曹牀
唐詩類苑 卷之百五十五 圭

醉啜二杯釀名都一縣香寺中摘梅花園裏翦浮芳
高嚼綠蔬羹意輕肥臚羊吟哦無滓韻言語多古腸
白首忽然至盛年如偷將清濁俱莫追何須罵滄浪

八

前賢多哭酒哭酒免哭心後賢試銜之哀至無不深
少年哭酒時白髮亦以侵老年哭酒時聲韻隨生沈
寄言哭酒賓勿作登封音登封徒放聲天地竟難尋

九

同人少相哭異類多相號始知禽獸癡却至天然高
非子病無淚非父念莫勞如何裁親疎用禮如用刀

孤喪鮮匍匐閉哀抱鬱陶煩他手中莖誠信焉能褒
嗟嗟無子翁死棄如脫毛

十

聖人哭賢人骨化氣爲星文章飛上天列宿增晶榮
前古文可數今人文亦靈高名稱謫仙昇降曾莫停
有文死更香無文生亦腥爲君鏗好辭未傳作謚寧

弔國殤

孟郊

徒言人最靈白骨亂縱橫如何當春死不及羣草生
堯舜宰乾坤器農不器兵秦漢盜山岳鑄殺不鑄耕
天地莫生金生金人競爭

唐詩類苑 卷之百五十五 圭

圭

弔水部賈員外

鄭谷

八韻與五字俱爲時所先幽魂應自慰李白墓相連

蜀江有弔

鄭谷

孟子有良策惜哉今已而徒將心體國不識道消時
折檻未爲切沈湘何足悲蒼蒼無問處烟雨偏江離

弔曹監

李洞

密上愁雲吹不散桂林詩骨羣雲根滿樓山色供隣
里一洞松聲付子孫甘露施衣封淚點秘書取集印
蒼痕吟鬼醉鬼歸何處御水鳴鳴夜遶門

弔賈島二首

曹松

先生不折桂謫去抱何冤已莖離燕滑難招入劍冤
旅墳低却草稚子哭勝猿冥冥如搜句宜邀賀監論

二

青旆低寒水清笳出曉風烏來傷買傳馬立莖滕公
松栢青山上城池白日中一朝今古隔唯有月明同

弔建州李員外

張喬

銘旌歸故里猿鳥亦悽然已莖桐江月空廻建水船
客傳爲郡政僧說讀書年恐有吟魂在深山古木邊

弔造微上人

張喬

至人隨化往遺路自堪傷白塔收眞骨青山閉影堂
虞詩類苑 卷之三十五 孟

鐘殘含細韻烟滅有餘香松上齊鳥在遲遲立夕陽

弔孟浩然

張蟬

每每樵家說孤墳亦夜吟若重生此世應更苦前心
名與襄陽遠詩同漢水深親栽鹿門樹猶蓋石牀陰

弔孟協律

賈島

才行古人齊生前品位低莖時貧賈馬逝日哭惟妻
孤塚北邙上空齋中岳西集詩應萬首物象偏曾題

谷自亂罹之後在西蜀半紀之餘多寓止精

舍與圓昉上人爲淨侶昉公於長松山舊

齋嘗約他日訪會勞生多故遊宦數年曩

勢未諧忽聞謝世愴吟四韻以弔之

鄭谷

幾思聞淨話雨夜對禪牀未得重相見秋燈照影堂
孤雲終負約薄宦轉堪傷夢繞長松塔遙焚一柱香

故驛迎弔故桂府常侍有感

李商隱

饑烏翻樹晚鷄啼泣過秋原沒馬泥二紀征南恩與
舊此時丹旄玉山西

弔故禮部韋員外

鄭谷

臘雪初晴共舉盃便期攜手上春臺高情唯怕酒不
虞詩類苑 卷之三十五 孟

滿長慟可悲花正開曉奠鶯啼殘漏在風幃燕覓舊
巢來杜陵芳草年年綠醉魄吟魂無復迴

夏初與侯補闕江南有約同泛淮汴西赴行

朝莊自九驛路先至甬橋補闕由淮楚續

至泗上寢病旬日遽聞捐館迴首悲慟因

成長句四韻弔之

韋莊

本約同來謁帝闈忽隨川浪去東奔九重聖主方虛
席千里高堂尚倚門世德只應榮伯仲時名終日付

兒孫遙憐月落清淮上寂寞何人弔旅魂

弔暢當

戴叔倫

萬里江南一布衣早將佳句動京畿徒聞子敬遺琴
在不見相如駟馬歸朔雪恐迷新塚草秋風愁老故
山薇玉堂知已能銘述猶得精魂慰所依

望送魏徵葬

太宗

魏徵寢疾上與太子同至其第指衡山公主欲以
妻其子叔玉徵薨命百官赴喪給羽葆鼓吹陪葬
昭陵其妻裴氏曰徵平生儉素今葬以羽儀非其
志也悉辭不受以布車載柩而葬上登西苑樓望
哭盡哀賦此詩自制碑文并爲書石謂侍臣曰人
以銅爲鏡可以正衣冠以古爲鏡可以見興替以

唐詩類苑

卷之三十五

五

人爲鏡可以知得失魏徵沒朕亡一鏡矣

閭闔總金鞍上林移玉輦野郊愴新別河橋非舊餞
慘日映峰沈愁雲隨蓋轉哀笳時斷續悲旌乍舒卷
望望情何極浪浪淚空泫無復昔時人芳春共誰遣
夜聞故梓州韋使君明當引紼感而成章

蘇頌

惻矣南隣問冥然東岱幽里閭寧相杵朝嘆忽遷舟
君心唯伯仲吾人復款遊對連時亦早交喜歲纔周
序發扶陽贈交因司寇酬詎期危露盡相續逝川流
卧疾無三弔居閒有百憂振風吟鼓夕明月照帷秋

蘇駁題詩館楊疎奏妓樓共將歌哭嘆轉爲弟兄留
感物存如夢觀生去若浮余非忘情者雲涕報林丘

送終

韋應物

奄忽逾時節日月獲其良蕭蕭車馬悲祖載發中堂
生平同此居一旦異存亡斯須亦何益終復委山崗
行出國南門南望鬱蒼蒼日入乃云造慟哭宿風霜
晨遷俯玄廬臨訣但遑遑方當未潛翳仰視白日光
俯仰遽終畢封樹已荒涼獨留不得還欲去結中腸
童稚知所失啼號捉我裳卽事猶倉卒歲月始難忘
與樂天同葬杓直

元稹

唐詩類苑

卷之三十五

五

元伯來相葬山濤誓撫孤不知他日事兼得似君無

觀葬者

權德輿

塗芻隨畫哭數里至松門貴盡人間禮寧知逝者魂
笳簫出廣陌烟雨閉寒原萬古皆如此傷心反不言
承聞故房相公靈輓自閬州啓殯歸葬東都

有作二首

杜甫

遠聞房太守歸葬陸渾山一德興王後孤魂久客間
孔明多故事安石竟崇班他日嘉陵淚仍沾楚水還
二
丹旄飛飛日初傳發閬州風塵終不解江漢忽同流

劍動親身匣書歸故國樓臺哀知有處爲客恐長休

送盧十四弟侍御護韋尚書靈輓歸上都二

十韻

杜甫

素幕渡江遠朱幡登陸微悲鳴駟馬顧失涕萬人揮
參佐哭辭畢門闌誰送歸從公伏事久之子俊才稀
長路更執紼此心猶倒衣感恩義不小懷舊禮無違
墓待龍驤詔臺迎獬豸威深裏見士則雅論在兵機
戎狄乘妖氣塵沙落禁闈往年朝謁斷他日掃除非
但促銅壺箭休添玉帳旂動詢黃閣老肯慮白登圍
萬姓瘡痍合羣兇嗜慾肥刺規多諫諍端拱自光輝
唐詩類苑 卷之百三十三 三

送阿史那將軍安西迎舊使靈輓

王建

漢家都護邊頭沒舊將麻衣萬里迎陰地背行山下
火風天錯到磧西城單于送墓還垂淚部曲招魂亦
道名却入杜陵秋巷裏路人來去讀銘旌

詩二首

幽獨君

幽明雖異路平昔忝工文欲知潛昧處山北有孤墳

二

高松多悲風蕭蕭清且哀南山接幽隴幽隴空崔嵬
白日徒昭昭不照長夜臺雖知生者樂魂魄安能迴
況復念所親慟哭心肝摧慟哭更何言哀哉復哀哉

答幽獨君

神仙不可學形化空遊魂白日非我朝青松爲我門
雖復隔幽顯猶知念子孫何以遣悲惋萬物歸其根
寄語世上人莫厭臨芳樽莊生問枯骨王樂成虛言

追和幽獨君次韻二首

皮日休

念爾風雅魄幽咽猶能文空令傷魂鳥啼破山邊墳

唐詩類苑

卷之百三十三

三

二

恨劇但埋土聲幽難放哀墳古春自晚愁緒空崔嵬
白楊老無花枯根侵夜臺天高有時裂川去何時迴
雙睫不能濡六藏無可摧不聞塞蓬事何必深悲哉

和幽獨君詩次韻二首

陸龜蒙

靈氣獨不死尚能成綺文如何孤空裏猶自讀三墳

二

落日送萬古秋聲含七哀枯株不蕭瑟枝幹虛崔嵬
伊昔臨大道歌鍾醉高臺臺今已平地祗有春風迴
明月白草死積陰荒隴摧聖賢亦如此慟絕真悠哉

答騎馬入空臺

白居易

君入空臺去朝往暮還來我入泉臺去泉門無復開
鰥夫仍繫職稚女未勝哀寂寞咸陽道家人覆墓迴

答友封見贈

荀令香銷潘簾空悼亡詩滿舊屏風扶牀小女君先
識應爲此些似外翁

答山驛夢

白居易

入君旅夢來千里閉我幽魂欲二年莫忘平生行坐
處後堂階下竹叢前

傷裴錄事喪子

王勃

唐詩類苑

卷之三十三

早

蘭階霜候早松露夜臺深魄散珠胎沒芳銷玉樹沈
露文晞宿草烟照慘平林芝焚空嘆息流恨滿羸金

孟東野失子

并序

韓愈

東野連產三子不數日輒失之幾老念無後以悲

其友人昌黎韓愈懼其傷也推天假其命以喻之

失之將何尤吾將上九天汝實主下人與奪一何偏

彼於汝何有乃令蕃且延此獨何罪辜生死旬日間

上呼無時聞滴地淚到泉地祗爲之悲瑟縮久不安

乃呼大靈龜騎雲欸天門問天主下人薄厚何不均

天曰天地人由來不相關吾懸日與月吾繫星與辰

日月相噬嚙星辰踣而顛吾不女之罪知非汝由因

且物各有分孰能使之然有子與無子禍福未可原

魚子滿母腹一欲誰憐細腰不自乳舉族長孤鰥

鴟梟啄母腦母死子始翻蝦蛇生子時坼裂腸與肝

好子雖云好未還恩與勤惡子不可說鴟梟蛇然

有子且勿喜無子固勿嘆上聖不待教賢聞語而遷

下愚聞語惑雖教無由悛大靈頓頭受卽日以命還

地祗謂大靈汝往告其人東野夜得夢有夫玄衣巾

闐然入其戶三稱天之言再拜謝玄夫收悲以歡忻

杏塲九首

并序

孟郊

唐詩類苑

卷之三十三

早

杏塲花乳也霜剪而落因悲昔嬰故作是詩

凍手莫弄珠弄珠珠易飛驚霜莫剪春剪春無光輝

零落小花乳爛斑昔嬰衣拾之不盈把日暮空悲歸

二

地上空拾星枝上不見花哀哀孤老人戚戚無子家

豈若沒水鳧不如拾巢鴉浪敲破便飛風鷓鴣相誇

芳嬰不復生向物空悲嗟

三

應是一線淚入此春木心枝枝不成花片片落翦金

春壽何可長霜哀亦已深常時洗芳泉此日洗淚襟

四

兒生月不明兒死月始光兒月兩相奪兒命果不長
如何此英英亦爲弔蒼蒼甘爲墮地塵不爲末世芳

五

踏地恐土痛損彼芳樹根此誠天不知翦棄我子孫
乘枝有千落芳命無一存誰謂生人家春色不入門

六

列列霜殺春枝枝疑織刀木心既零落山竅空呼號
斑斑落地英點點如明膏始知天地間萬物皆不牢

七

唐詩類苑

卷之百三十三

聖

哭此不成春淚痕三四斑失芳蝶既狂失子老亦孱
且無生生力自有死死顏靈鳳不銜訴誰爲扣天關

八

此兒自見災花發多不諧窮老收碎心未夜抱破懷
聲死更何言意死不必嗒病叟無子孫獨立猶束柴

九

霜似敗紅芳翦啄十數雙參差呻細風噓喁沸淺江
泣凝不可消恨壯難自降空遺舊日影怨彼小書牕

杪秋洞庭中懷亡道士謝太虛

劉長卿

漂泊日復日洞庭今更秋青楓亦何意此夜催人愁

惆悵客中月徘徊江上樓心知楚天遠目送滄波流

羽客久已歿微言無處求空餘白雲在容與隨孤舟

千里杳難望一身當獨遊故園復何許江海徒遲留

遠愁曲

孟郊

飄飄何所從遺塚行未逢東西不見人哭向青青松

此地有時盡此哀無處容聲翻太白雲淚洗藍田峰

水涉七八曲山登千萬重願迴玄夜月一作出視白

日蹤

苦哉行

戎昱

唐詩類苑

卷之百三十三

聖

妾家清河邊七葉承貂蟬身爲最小女偏得渾家憐

親戚不相識幽閨十五年有時最遠出祗到中門前

前年狂胡來懼死翻生全今秋官軍至豈意遭戈鋌

匈奴爲先鋒長鼻黃髮拳彎弓獵生人百步牛羊羶

脫身落虎口不及歸黃泉苦哉難重陳暗哭蒼蒼天

掩役夫張進骸

柳宗元

生死悠悠爾一氣聚散之偶來紛喜怒奄忽已復辭

爲役孰賤辱爲貴非神奇一朝續息定枯朽無妍媸

生平勤皂櫪剝秣不告疲既死給轄積塋之東山基

柰何值崩湍蕩析臨路垂髡然暴百骸散亂不復支

從者幸告余睽之涓然悲猫虎獲迎祭犬馬有蓋帷
佇立喑爾魂豈復識此為舂鍾載埋瘞溝瀆護其危
我心得所安不謂爾有知掩骼著春令茲焉適其時
及物非吾輩聊且顧爾私

韋道安

柳宗元

道安本儒士頗擅弓劍名二十遊太行暮聞哭泣聲
疾驅前致問有叟垂華纓言我故刺史失職還西京
偶為羣盜得毫縷無餘贏貨財足非忤二女皆娉婷
倉皇見驅逐誰識死與生便當此殞命休復事晨征
一聞激高義背裂肝膽橫挂弓問所往趨捷超崢嶸

唐詩類苑

卷之百三十三

四

見盜寒澗陰羅列方忿爭一矢斃酋帥餘黨號且驚
麾令遞束縛縲索相拄撐彼姦父褫魄刃下俟誅刑
却立不親授諭以從父行裙收自擔肩轉道趨前程
夜發敲石火山林如晝明父子更抱持涕血紛交零
頓首願歸貨納女稱舅甥道安奮然去義重利固輕
師婚古所病合姓非用兵竭來事儒術十載所能逞
必貞慷慨張徐州朱邸揚前旌投軀獲所願前馬出
玉城轅門立奇士淮水秋風生君侯既即世麾下相
欽傾含孤抗王命鐘鼓四野鳴橫潰非所壅逆節非
所嬰舉頭自引刃顧義誰顧形烈士不忘死所死在

忠貞咄嗟徇權子翕習猶趨榮我歌非悼死所悼時
世情

薛中丞

白居易

百人無一直百直無一遇借問遇者誰正人行得路
中丞薛存誠守直心甚固皇明獨如日再使秉王度
奸豪與佞巧非不憎且懼直道漸光明邪謀難蓋覆
每因匪躬節知有匡時具張為墮網網倚作顏簪柱
悠哉上天意報施紛迴互自古已冥茫從今猶不論
豈與小人意昏然同好惡不然君子人何反如朝露
裴相昨已天薛君今又去以我惜賢心五年如旦暮

唐詩類苑

卷之百三十三

五

况聞善人命長短繫運數今我一涕零豈為中丞故
同賦 司空曙

舊依支遁宿曾與戴顓來今日空林下唯知見綠苔

題斷金集

李逢吉

一覽斷金集載悲埋玉人牙絃千古絕珠淚萬行新
過史正議宅 宋之問

舊交此零落南泣訪遺塵劍几傳好事池臺傷故人
國香蘭已歇里樹橘猶新不見吳中隱空餘江海濱

不歸

杜甫

河間尚征伐汝骨在空城從弟人皆有終身恨不平

數金憐俊邁總角愛聰明面上三年土春風草又生

過故斛斯校書莊二首 杜甫

此老已云歿鄰人嗟未休竟無宣室召徒有茂陵求
妻子寄他食園林非昔遊空餘總帷在浙浙野風秋

二

燕入非傍舍鷗歸祗故池斷橋無復板卧柳自生枝
遂有山陽作多慙鮑叔知素交零落盡白首淚雙垂

初寒夜寄盧子蒙 元稹

子蒙近亦喪妻

月是陰秋鏡寒為寂寞資輕寒酒醒後斜月枕前時
倚壁思閑事回燈檢舊詩聞君亦同病終夜遠相悲

唐詩類苑 卷之百三十三

城外回謝子蒙見諭 元稹

十里撫稚別一身騎馬回寒烟半堂影燼火滿庭灰
稚女憑人問病夫空自哀潘安寄新詠仍是夜深來

諭子蒙 元稹

撫稚君休感無兒我不傷片雲離岫遠雙燕念巢忙
大壑誰非水華星各自光但令長有酒何必謝家莊

沒蕃故人 張籍

前年戌月支城上沒全師蕃漢斷消息死生長別離
無人收廢帳歸馬識殘旗欲祭疑君在天涯哭此時

夜閑

感極都無夢魂銷轉易驚風簾半鈞落秋月滿牀明
悵望臨堦坐沈吟遶樹行孤琴在幽匣時迸斷絃聲

故番禺侯以贓罪致不辜事覺他日過其門

李商隱

飲鳩非君命茲身亦厚亡江陵從種橘交廣合投香
不見千金子空餘數仞墻殺人須顯戮誰舉漢三章

忍死留別獻鹽鐵裴相公二十叔

杜牧

賢相輔明主蒼生壽域開青春辭白日幽壤作黃埃
豈是無多士偏蒙不棄才孤墳一尺土誰可為培栽

唐詩類苑 卷之百三十三

空屋題 李白

朝從空屋裏騎馬入空臺盡日推閑事還歸空屋來
月明穿暗隙燈燼落殘灰更想咸陽道魂車昨夜回

弔侯圭常侍 李洞

我重君能賦君衰我解詩三堂一拜遇四海兩心知
影挂僧挑燭名傳鶴拂碑涪江弔孤塚月下峨嵋

除夜 元稹

憶昔歲除夜見君花燭前今宵祝文上重疊敘新年
閑處低聲哭空堂背月眠傷心小男女撩亂火堆邊

嘆常生 白居易

西村常氏子卧疾不須更前旬猶訪我今日忽云殂
時我病多暇與之同野居園林青藜藹相去數里餘
村隣無好客所遇唯農夫之子何如者往還猶勝無
於今亦已矣可爲一長吁

存歿口號二首

杜甫

席謙不見近彈棋畢曜仍傳舊小詩玉局他年無限

笑白楊今日幾人悲

道士席謙吳人美彈棋畢曜善爲小人

鄭公粉繪隨長夜曹霸丹青已白頭天下何曾有山

水人間不解重驂騑

鄭處善畫山水曹霸魏曹髦之後善畫馬

與采上人歿時題此决別兼簡二林僧社

唐詩類苑

卷之三十三

哭

白居易

本結菩提香火社爲嫌煩惱電泡身不須惆悵從師

去先請西方作主人

妻滿月日相唁

元稹

十月辛勤一月悲今朝相見淚淋漓狂花落盡莫惆

悵猶勝因花壓折枝

唐詩類苑卷第一百三十三

唐詩類苑卷第一百三十四

明雲間張之象玄超甫纂輯

雲間姜雲龍神超甫編次

雲間王微叔朗甫補訂

梁谿曹仁孫伯安甫校正

人部

淚

閑愁

孟郊

妾恨比斑竹下盤煩冤根有筍未出土中已含淚痕

淚

羅隱

唐詩類苑

卷之三十四

一

逼臉橫頤咽復勻也曾纔毀也傷神自從魯國潛然

後不是奸人卽婦人

聞夜啼

孟郊

寄泣須寄黃河泉此中怨聲流徹天愁人獨有夜燈

見一紙鄉書淚滴穿

相憶淚

元稹

西江流水到江州聞道分成九道流我滴兩行相憶

淚遣君何處遣人求除非入海無由住縱使逢灘未

擬休會向伍員潮上見氣充頑石報心讐

淚

李商隱

永巷長年怨綺羅，離情終日思風波。
湘江竹上痕無限，峴首碑前灑幾多人去。
紫臺秋入塞兵殘，楚帳夜聞歌朝來。
灞水橋邊問未抵，青袍送玉珂。

偶然作二首

呂溫

栖栖復汲汲，忽覺年四十。今朝滿衣淚，不是傷春泣。

二

中夜兀然坐，無言空涕洟。丈夫志氣事兒女，安得知

哭

哭單父梁九少府

高適

開篋淚沾臆，見君前日書。夜臺今寂寞，猶是子雲居。

唐詩類苑

卷之三百十四

二

疇昔貪靈竒，登臨賦山水。同舟南浦下，望月西江裏。
契闊多離別，綢繆到生死。九原卽何處，萬事皆如此。
晉山徒嵯峨，斯人已冥冥。常時祿且薄，歿後家復貧。
妻子在遠道，弟兄無一人。十上多苦辛，一官常自哂。
青雲將可致，白日忽先盡。惟有身後名，空留無遠近。

哭殷遙

王維

人生能幾何，畢竟歸無形。念君等爲死，萬事傷人情。
慈母未及葬，一女纔十齡。泱泱寒郊外，蕭條聞哭聲。
浮雲爲蒼江，飛鳥不能鳴。行人何寂寞，白日自淒清。
憶昔君在時，問我學無生。勸君苦不早，令君無所成。

故人各有贈，又不及平生。負爾非一途，痛哭返柴荆。

哭富嘉謨

并序

吳少微

維三月癸丑，河南富嘉謨卒。予時寢疾於洛陽北里，聞之投枕而起，淚沾乎衽席，匍匐於寢門之外，病不能哭，仰天而呼曰：天乎！天乎！俾予曷所朋曷可得而見乎？

吾友適不死於戲社稷，臣直祿非造利長懷大庇人，乃通承明籍，遇比敦陽春藥，彌其可畏，皇穹故匪仁疇昔與夫子孰云異，天倫同病一相失，茫茫不重陳子之文章在其殆，尼父新鼓興幹河岳貞詞毒鬼神。

唐詩類苑

卷之三百十四

三

哭王炎

李白

王公希代寶棄世，一何早。吊死不及哀，殯官已秋草。悲來欲脫劍，劍挂向何枝。好哭向茅山，雖未摧一生淚。盡丹陽道。

哭王炎

李白

王家碧瑤樹，一樹忽先摧。海內故人泣，天涯吊鶴來。未成霖雨用，先失濟川材。一罷廣陵散，鳴琴更不開。

自溧水道哭王炎

李白

白楊雙行行，白馬悲路傍。晨興見曉月，更似發雲陽。

溧水通吳關逝川去未央故人萬化盡閉骨茅山岡
天上墜王棺泉中掩龍章名飛日月上義與風雲翔
逸氣竟莫展英圖俄天傷楚國一老人來嗟龔勝亡
有言不可道雪泣惜蘭芳

同王十三維哭殷遙

儲光義

生理無不盡念君在中年遊道雖未深舉世莫能賢
筮仕苦貧賤爲客少田園膏腴不可求乃在許西偏
四鄰盡桑柘咫尺開墻垣內艱未及虞形影隨化遷
茅茨俯苦蓋雙殯兩楹間時聞孤女號迥出陌與阡
慈烏亂飛鳴猛獸亦以踰故人王夫子靜念無生篇

唐詩類苑

卷之百三十四

四

哀樂久已絕聞之將泫然太陽蔽空虛雨雪浮蒼山
迢遞親靈櫬顧予悲絕絃處順與安時及此乃空言

哭蔣詹事儼

崔融

江上有長離從容盛羽儀一鳴百獸舞一舉群鳥隨
應我聖明代巢君阿閣垂鈎陳侍帷宸環衛奉旌麾
雅量滄海納完才廊廟施養親光孝道事主竭忠規
貞節既已固殊榮良不貲朝遊雲漢省夕宴芙蓉池
汲黯言當直陳平智本奇功成喜身退時往惜年馳
鎮國山基毀中天柱石頽將軍空有頌刺史獨留碑
無漫藏書壁荒涼懸劍枝背余恭下位數載忝牽羈

置榻恩逾重迎門禮自卑竹林常接興黍谷每逢吹
逸翰金相發清談玉柄揮不輕文舉少深嘆子雲疲
遺愛猶如在殘編尚可窺即今流水曲何處俗人知

哭李三

白居易

去年渭水曲秋時訪我來今年常樂里春日哭君回
哭君仰問天天意安在哉若必奪其壽何如不與才
落然身後事妻病女嬰孩

哭王質夫

白居易

仙遊寺前別別來十年餘生別猶怏怏死別復何如
客從梓潼來道君死不虛驚疑心未信欲哭復踟躕
唐詩類苑 卷之百三十五 五
踟躕寢門側聲發涕亦俱衣上今日淚篋中前月書
憐君古人風重有君子儒篇詠陶謝輩風衿嵇阮徒
出身旣蹇迺生世仍須更誠知天至高安得不一呼
江南有毒蟒江北有妖狐皆享千年壽多於王質夫
不知彼何德不識此何辜

哭崔常侍晦叔

白居易

頑賤一拳石精珍百鍊金名價既相遠交分何其深
中誠一以合外物不能侵逶迤二十年與世同浮沈
晚有退閑約白首歸雲林垂老忽相失悲哉口語心
春日嵩高陽秋夜清洛陰丘園共誰卜山水共誰尋

風月共誰賞詩篇共誰吟花開共誰看酒熟共誰斟
惠死莊杜口鍾歿牙廢琴道理使之然從古非獨今
吾道自此孤我情安可任唯將病眼淚一灑秋風襟

哭劉敦質

白居易

小樹兩株栢新土三尺墳蒼蒼白露草此地哭劉君
哭君豈無辭辭云君子人如何天不吊窮悴至終身
愚者多貴壽賢者獨賤迤龍亢彼無悔螻屈此不伸
哭罷持此辭吾將詰義文

哭諸故人因寄元八

白居易

昨日哭寢門今日哭寢門借問所哭誰無非故交親

唐詩類苑

卷之百五

六

偉卿既長往質夫亦幽淪屈指數年世收涕自思身
彼皆少於我先為泉下人我今頭半白焉得身久存
好在元郎中相識二十春昔見君生子今聞君抱孫
存者盡老大逝者已成塵早晚升平宅開眉一見君

聞哭者

白居易

昨日南隣哭哭聲一何苦云是妻哭夫夫年二十五
今朝北里哭哭聲又何切云是母哭兒兒年十七人
四鄰尚如此天下多夭折乃知浮世人少得垂白髮
余今過四十念彼聊自悅從此明鏡中不嫌頭似雪

寄唐生衢

白居易

賈誼哭時事阮籍哭路岐唐生今亦哭異代同其悲
唐生者何人五十寒且饑不悲口無食不悲身無衣
所悲忠與義悲甚則哭之太尉擊賊日尚書叱盜時
大夫死兇寇諫議謫蠻夷每見如此事聲發涕輒隨
往往聞其風俗士猶或非憐君頭半白其志竟不衰
我亦君之徒鬱鬱何所為不能發聲哭轉作樂府詩
篇篇無空文句句必盡規功高虞人箴痛甚騷人辭
非求宮律高不務文字奇惟歌生民病願得天子知
未得天子知甘受時人嗤藥良氣味苦瑟淡音聲稀
不懼權豪怒亦任親朋譏人竟無奈何呼作狂男兒

唐詩類苑

卷之百五

七

每逢羣盜息或遇雲霧披但自高聲歌庶幾天聰卑
歌哭雖異名所感則同歸寄君三十章與君為哭詞

哭連州凌員外司馬

柳宗元

廢逐人所棄遂為鬼神欺才難不其然卒與大患期
凌人古受氏吳世夸雄姿寂寞富春水英氣方在斯
六學誠一貫精義窮發揮著書逾十年幽蹟靡不推
天庭挾高文寓字若波馳記室征西府宏謀耀其奇
輜軒下東越列郡蘇疲羸宛宛凌江羽來棲翰林枝
孝文留弓劍中外方危疑抗聲促遺詔定命由陳辭
徒隸肅曹官征賦參有司出守烏江濳老遷湟水湄

高堂傾故國，祭限囚羈仲。叔繼幽淪狂，咻唯童兒一門。既無主焉用，徒生爲舉聲。但呼天，孰知神者誰。泣盡目無見，腎傷足不持。溘死委炎荒，臧獲守靈帷。平生負國譴，骸骨非敢私。蓋棺未塞責，孤旄凝寒飈。念昔始相遇，腑腸爲君知。進身齊選擇，失路同瑕疵。本期濟仁義，今爲衆所嗤。滅名竟不試，世義安可支。恬死百憂盡，苟生萬慮滋。顧予九逝魂，與子各何之。我歌誠自慟，非獨爲君悲。

哭劉言史

孟郊

詩人業孤峭，餓死良已多。相悲與相笑，累累其奈何。

唐詩類苑

卷之百十四

八

精異劉言史詩，腸傾珠河，取次抱置之飛過東溟波。可惜大國謠，飄爲四夷歌。常於衆中會，顏色兩切磋。今日果成死，墓裏之洛河。洛岸遠相吊，洒淚雙滂沱。

哭祕書包大監

孟郊

哲人卧病日，賤子泣玉年。常恐寶鏡破，明月難再圓。文字未改素，聲容忽歸玄。始知知音稀，千載一絕絃。舊館有遺琴，清風那復傳。

哭盧貞國

孟郊

一別難與期，存亡易寒燠。下馬入新聲，悲不成哭。自能富才藝，當與深榮祿。皇天倡義，恩懷至兩目。

平生嘆無子，家事親相囑。

哭盧仝

賈島

賢人無官死，不親者亦悲。空令古鬼哭，更得新隣比。平生四十年，惟著白布衣。天子未辟召，地府誰來追。長安有交友，託孤遺棄移。塚側誌石短，文字行世遲。無錢買松栽，自生蒿草枝。在日贈我文，淚下無時止。從茲加敬重，深藏恐失遺。

哭宣城善釀紀叟

李白

紀叟黃泉裏，還應釀老春。夜臺無曉日，沽酒與何人。

哭孟浩然

王維

唐詩類苑

卷之百十四

九

故人不可見，漢水自東流。借問襄陽老，江山空蔡州。

哭死奴

劉夷道

丹籍生涯淺，黃泉歸路深。不及江陵樹，千秋長作林。

哭李給事中敏

杜牧

陽陵郭門外，坡陀丈五墳。九泉如結友，茲地好埋君。

朱雲墓陽陵郭外

哭麴山人

司空曙

憶昔秋風起，君曾嘆逐臣。何言芳草日，自作九泉人。

哭苗華

李端

舊友無由見，孤墳草欲長。月斜隣笛盡，車馬出山陽。

哭李羣玉

段成式

曾話黃陵事今爲白日催老無兒女累誰哭到泉臺

哭僕射鄂公楊再思

李義

撥席疑邦績台階闡國猷方崇大厦棟忽逝巨川舟

白日銘安在清風頌獨留死生恩命畢零落掩山丘

在隴頭哭潘學士

褚亮

隴底嗟長別流襟一慟君何言幽咽所忽作死生分

轉蓬飛不息悲松斷更聞誰能駐馬回首望孤墳

哭裴少府

高適

世人誰不死嗟君非生慮扶病適到官田園在何處

唐詩類苑

卷之三十五

十一

公才羣吏感墓事他人助余亦未識君深悲哭君去

宣城哭蔣徵君華

李白

敬亭埋玉樹知是蔣徵君果得相如草仍餘封禪文

池臺空有月詞賦舊凌雲獨挂延平劍千秋在古墳

哭嚴僕射歸櫬

杜甫

素幔隨流水歸舟返舊京老親如宿昔部曲異平生

風送蛟龍雨天長驃騎營一哀三峽暮遺後見君情

哭長孫侍御

杜甫

道爲詩書重名因賦頌雄禮闈曾擢桂憲府舊乘驄

流水生涯盡浮雲世事空唯餘舊臺柏蕭瑟九原中

哭李尚書

杜甫

涕灑不能收哭君餘白頭兒童相顧盡宇宙此生浮

江雨銘旌濕湖風井邇秋還瞻魏太子賓客咸應劉

哭李常侍嶧二首

杜甫

一代風流盡修文地下深斯人不重見將老失知音

短日行梅嶺寒山落桂林長安若箇畔猶想映貂金

二

青瑣陪雙入銅梁阻一辭風塵逢我地江漢哭君時

次第尋書札呼兒檢贈詩發揮王子表不愧使臣詞

哭呂衡州六首

元稹

唐詩類苑

卷之三十五

十一

氣敵三人傑交深一紙書我投水瑩眼君報水憐魚

髀股惟夸瘦膏肓豈暇除傷心死諸葛憂道不憂餘

二

望有經綸釣虔收宰相刀江文駕風遠雲貌接天高

國待球琳器家藏虎豹韜盡將千載寶埋入五原蒿

三

白馬雙旌隊青山八陣圖請纓期繫虜枕草誓拍軀

勢激三千壯年應四十無遙聞不瞑目非是不憐吳

四

鵬鶚生難敵沈檀死更香兒童喧巷市羸老哭碑堂

鴈起沙汀暗雲連海氣黃祝融峰上月幾照北人喪

五

迴鴈峰前鴈春迴盡却迴聯行四人去同塋一人來
鏡吹臨江返城池隔霧開滿船深夜哭風棹楚猿哀

六

杜預春秋癖揚雄著述精在時兼不語終古定歸名
未水波文細湘江竹葉輕平生思風月潛寐若爲情

僧如展及韋載同遊碧澗寺各賦予落句云

他生莫忘靈山座滿壁人名後復稀展共

吟他生之句因話釋氏緣會所以莫不悽

唐詩類苑

卷之三百三十四

十三

然久之不十日而展公長逝驚悼返覆則

他生豈有兆耶其間展公仍賦黃字五十

韻飛札相示予方屬和未畢自此不復撰

成徒以四韻爲識

元稹

重吟前日他生句豈料踰旬便隔生會擬一來身搭

下無因共繞寺廊行紫毫飛札看猶濕黃字新詩和

未成縱使得如羊叔子不聞兼記舊交親

哭皇甫七郎中湜

白居易

志業過玄晏詞華似衡多才非福祿薄命是聰明

不得人間壽還留身後名涉江文一首便可敵公卿

哭所知

李咸用

朝作青雲士暮爲玄夜人風燈無定度露壺亦逡巡
乘馬驚新塚書帷擺舊塵祗應從此去何處福生民

哭張籍

賈島

精靈歸恍惚石磬韻曾聞卽日是前古誰人耕此墳
舊遊孤枕遠故城九江分本欲蓬瀛去餐芝御白雲

哭劉夫子

于鵠

近問南州客云亡已數春痛心曾受業追服恨無親
孀婦歸鄉里書齋屬四鄰不知經亂後莫祭有何人

哭王都護

于鵠

唐詩類苑

卷之三百三十四

十三

老將明王識臨終拜上公告哀鄉路遠助悲城空
素幔朱門裏銘旌秋巷中史官繁有溢獨傳說英雄

哭李頻員外

曹松

出麾臨建水下世在公堂苦集休開篋清資罷轉郎
瘴中無子莫嶺外一妻孀定是浮香骨東歸就故鄉

哭王僕射相公

名備時兼
鹽鐵暴虎

劉禹錫

子輿一日病滕公千載歸門庭愴已變風物澹無輝
群吏謁新府舊賓沾素衣歌堂忽暮哭賀雀盡驚飛

哭張融

耿湜

早歲能文客中年與世違有家孀婦少無子吊人稀

總帳塵空暗銘旌雨不飛依然舊鄉路寂寞幾回歸

哭建州李員外

鄭谷

令終歸故里末歲道如初舊友誰爲誌清風豈易書

雨墳生野蕨鄉奠釣江魚獨夜吟還泣前年伴直廬

哭賈島

僧可止

燕生松雪地蜀使墓山根詩僻降今古官卑悞子孫

塚欄寒月色人哭苦吟魂暮雨滴碑字年年添鮮痕

同兵部李紆侍郎刑部包佶侍郎哭皇甫侍

御魯

盧綸

攀龍與泣麟哀樂不同塵九陌霄漢侶一燈冥漠人

唐詩類苑

卷之三百三十四

十四

舟沈驚海闊蘭折怨霜頻已矣復何見故山應更春

哭劉司戶黃

李商隱

路有論冤謫言皆在中興空聞遷賈誼不待相孫弘

江闊唯迴首天高但撫膺去年相送地春雪滿黃陵

哭劉司戶二首

李商隱

離居星歲易失望死生分酒甕凝餘桂書籤冷舊云

江風吹鴈急山木帶蟬嘯一吁千迴首天高不爲聞

二

有美扶皇運無誰薦直言已爲秦逐客復作楚冤魂

湓浦應分派荆江有會源併添恨淚一灑問乾坤

哭陳陶處士

曹松

園裏先生塚鳥啼春更傷空餘八封樹尚對一茅堂

白日埋杜甫皇天無耒陽如何稽古力報答甚茫茫

哭盧海上人

鄭巢

一化西風外禪流稍稍分買碑行暮雨斷石堊寒雲

靜戶關松色荒齋聚鳥群朗吟聲不倦高傳有遺文

哭胡處士二首

曹松

丘中久不起將謂詔書來及見凌雲說方知掩夜臺

白衣歸北路玄造亦遺才世上亡君後詩聲更大哉

二

唐詩類苑

卷之三百三十四

十五

故人江閣在重到事悠悠無雨向潭上爲吾傾甕頭

空餘赤楓葉墮落釣魚舟疑是沖虛去不爲天地囚

哭同舍崔員外

韋莊

却到同遊地三年一電光池塘春草在風燭故人亡

祭罷泉聲急齋餘磬韻長碧天應有恨斜日吊松篁

哭麻處士

韋莊

却到歌吟地閑門草色中百年流水盡萬事落華空

總帳徂秋月詩樓鏤夜蟲少微何處墮留恨白楊風

哭楊兵部凝陸欽州參

韓愈

人皆期七十纔半豈蹉跎併出知己淚自然白髮多

肩與爲誰勸還坐久滂沱論文與晤語已矣可如何

哭胡珪

方干

才高登上第孝極歿廬坐一命何無定片言徒有聲
故園花自發新塚月初明寂寞重前裏豈知春物榮

哭進士李洞

鄭谷

所惜絕吟聲不悲君不榮李端終薄宦賈島得高名
旅葬新墳小遺孤遠俗輕猶疑隨計晚昨夜草蟲鳴

二

李生錦愛賈浪仙詩長江在東蜀境內浪仙塚於此處

自聞東蜀郡唯我獨關情若近長江死想君勝在生
瘴蒸丹旆濕燈隔素帷清塚樹僧栽後新蟬一兩聲

唐詩類苑

卷之三十四

十六

哭張員外

劉長卿

白簡曾連拜滄州每共思撫存憐稚齒嘆逝頽身衰
自此辭張邵何由見戴逵獨聞山吏部流涕訪孤兒

哭建州李員外

張蠡

詩名不易出名出又何爲捷到重科早官終一郡卑
素風無後嗣遺跡有生祠自罷羊公市溪猿舊時

哭栖白供奉

白居易

倚輦才難得三朝有上人琢詩方到死不辭貧
風帳孤螢入霜階積葉頻夕陽門半掩遙悲六無因

哭汴州陸大夫

張祐

利劍太堅操何妨拔一毛冤深陸機霧憤積伍員

直道非無驗明時不錄勞誰當青史上卒爲顯詞褒

哭山中友人

張籍

入雲遙便哭山友隔今生遠墓招魂魄鐫嚴記姓名
犬因無主善鶴爲見人鳴長說能尸解多應別路行

哭栢巖禪師

賈島

苔覆石牀新師曾占幾春寫留行道影焚却坐禪身
塔院關松雪經房鎖隙塵自嫌雙淚下不是解空人

哭栢巖禪師

僧清塞

林逋西風急松枝講鈔餘凍髭亡夜刺遺傷疾時書

唐詩類苑

卷之三十四

十七

地燥焚身後堂堂空卧影初此時頻淚下曾省到吾廬

哭胡遇

賈島

天壽知齊理何曾免嘆嗟祭迴一作墓時收朔雪吊後折
寒花野水吟秋斷空山影暮斜弟兄相識偏猶得到

君家

哭孟郊

賈島

身死聲名在多應萬古傳寡妻無子息破宅帶林泉
塚近登山道詩隨過海船故人相吊後斜日下寒天

哭明堂裴簿

盧照隣

締歡三十載通家數百年潯楊稱代穆秦晉忝姻連

風雲洛陽道花月茂陵田相悲共相樂交騎復交筵
始謂調金鼎如何掩玉泉黃公酒壚處青眼竹林前
故琴無復雪新樹但生煙遽痛蘭襟斷徒令寶劍懸
客散同秋葉人亡似夜川送君一長慟松臺路幾千

哭金部韋郎中

盧照隣

金曹初受拜玉地始含香翻同五日尹遽見一星亡
賀客猶扶路哀人遂上堂歌筵長寂寂哭位日蒼蒼
歲時賓徑斷朝暮雀羅張書留魏主閣魂掩漢家牀
徒令永平帝千載罷撞郎

同崔錄事哭鄭員外

盧照隣

唐詩類苑

卷之百三十四

十八

文學秋天遠郎官星位尊伊人表時彥飛譽滿司存
楚席光文雅瑤山侍討論鳳詞凌漢閣龜辯罩周園
已陪東岳駕將逝北溟鯤如何萬化盡空歎九飛魂
白馬西京驛青松北海門夜臺無曉箭朝莫有虛樽
一代儒風沒千年隴霧昏梁山送夫子湖水弔王孫
僕本多悲淚沾裳不待猿聞君絕絃曲吞恨更無言

蜀城哭台州俞少府

蘇頌

遠來躋劍閣長想厲天台萬里隔三載此邦余重來
音容曠不覩夢寐殊悠哉邊郡饒籍籍晚庭正回回
喜傳上都封因促傍吏開向悟海鹽客已而梁水摧

變衣寢門外揮涕少城隈却記分明得猶持委曲痛
師儒昔訓獎仲季兒童孩服義題書篋邀歡泛酒杯
暫令風雨散仍迫歲時迴其道惟正直其人信美倪
白頭還作尉黃綬固非才可嘆懸池疾先貽問鴈災
故鄉閉窮壤宿草生寒茆零落九原去蹉跎四序催
曩期冬贈倘今哭夏成梅執禮誰爲請居常不徇財
北登隈嚙阪東望姑蘇臺天路本懸絕江波復汨洄
念孤心易斷追往恨難裁不遂卿將相孰云陳與雷
衰殘亦如此夫子復何哀

和姚令公哭李尚書

張九齡

唐詩類苑

卷之百三十四

九

貴賤雖殊等平生竊下風雲泥勢已絕山海納還通
忽嘆登龍者翻將弔鶴同琴詩猶可託劍履獨成空
疇昔嘗論體興言每匪躬人思崔琰議朝掩祭遵公
作善神何酷依仁命不融天文靈北斗人事罷南宮
上宰旣傷舊下流迷感裏無恩報國士徒欲望玄穹
、哭蘇眉州崔司業二公 并序 沈佺期

同時郎表懷古者作牧潭府神龍二年秋八月佺
期承恩北歸途中觀止訪及故舊知眉州蘇使君
味道國子崔司業融相次而逝蘇往任鳳閣侍郎
佺期忝通事舍人崔重爲鳳閣舍人佺期又遷給

事並銜疇昔之眷俱荷提獎之恩前年負譴南荒
二公先移官守迨此凶問情理何堪所恨逐竄有
期行邁在遠哀不展舊禮不申卑流慟斯文冀通

幽路

渙汗天中發伶俜海外旋長沙遇太守問舊幾人全
國寶亡雙傑天才喪兩賢大名齊弱歲高德並中年
禮樂羊叔子文章王仲宣相看尚玄鬢相次入黃泉
流放蠻貊闊鄉關帝里偏親朋雲霧擁生死歲時傳
崔昔揮宸翰蘇嘗濟巨川絳衣陪下列黃閣謬差肩
及此俱冥昧云誰敘播遷隼輿懷舊轍鱣館想虛筵

唐詩類苑

卷之三百五十四

王

家愛方休杵皇慈更徹懸銘旌西蜀路騎吹北印田
隴樹應秋矣江帆故杳然罷琴明月夜留劍白雲天
涕泗湘潭水淒涼衡嶠煙古來修短分神理竟難痊

哭道士劉無得

沈佺期

聞有玄都客成仙不易祈蓬萊向清淺桃杏欲芳菲
縮地黃泉出昇天白日飛少微星夜落高堂露朝暉
吐甲龍應出銜符鳥自飛國人思負局天子惜披衣
花月留丹洞琴笙下翠微嗟來子桑扈爾獨返於幾

哭故人

喬知之

生死久離居淒涼歷舊廬嘆茲三徑斷不踐十年餘

古木巢禽合荒庭愛客疎匣留彈罷劍牀積讀殘書
玉沒終無像蘭言強問虛平生不得意泉路復何如

哭祖六自虛

王維

否極嘗聞泰嗟君獨不然憫凶纔稚齒羸疾至中年
餘力文章秀生知禮樂全翰流天帳覽詞入帝宮傳
國訝終軍少人知賈誼賢公卿盡虛左朋識共推先
不恨依窮轍終期濟巨川才雄望羔鴈壽促背貂蟬
福善聞前錄藏良昧上玄何辜鍛鸞翮何事與龍泉
鵬起長沙賦麟終曲阜編城中君道廣海內我情偏
乍失疑猶見沈思悟絕緣生前不忍別死後向誰宣

唐詩類苑

卷之三十四

王

爲此情難盡彌令憶更纏本家清渭曲歸墓舊塋邊
未去長安道徒開京兆阡旌車出郊甸鄉國隱雲天
定作無期別寧同舊日旋候門家屬苦行路國人憐
送客哀終進征途泥復前贈言爲挽曲奠席是離筵
念昔同攜手風期不慙捐南山俱隱逸東洛類神仙
未省音容間那堪生死遷花時金谷飲月夜竹林眠
滿地傳都賦傾朝看藥船群公咸屬目微物敢齊肩
謬合同人肯而將玉樹連不期先挂劍長恐後施鞭
爲善吾無矣知音子絕焉琴聲縱不沒終亦斷悲絃

過沈居士山居哭之

王維

楊朱來此哭桑扈返於真獨自成千古依然舊四鄰
閑簷喧鳥雀故榻滿埃塵曙月孤鶯啼空山五柳春
野花愁對客泉水咽迎人善卷明時隱黔婁在日貧
逝川嗟爾命丘井嘆吾身前後徒言隔相悲詎幾晨

哭褚司馬

王維

妄識皆心累浮生定死媒誰言老龍吉未免伯牛災
故有求仙藥仍餘遁俗杯山川秋樹苦窻戶夜泉哀
尚憶青驪去寧知白馬來漢臣修史記莫蔽褚生才

哭郎著作

鄭愔

詩禮康成學文章賈誼才已年人得夢庚日鳥爲災

唐詩類苑

卷之三十四

三

書草藏天閣琴聲入夜臺荒階羅駁蘇雲座滿浮埃
白馬賓從散青鳥隴隧開悲涼門館下懷舊幾遲迴

哭護國上人

張謂

昔喜三身淨今悲萬劫長不應歸北斗多是向西方
舍利衆生得袈裟弟子將鼠行殘藥枕蟲網舊繩牀
別起千花塔空留一草堂文公何處在神理竟茫茫

哭韋大夫之晉

杜甫

悽愴卽瑕邑差池弱冠年士人叨禮數文律早周旋
臺閣黃圖裏簪裾紫蓋邊尊榮真不忝端雅獨翛然
貢喜音容間馮招病疾纏南過駭倉卒北思悄聯綿

鵬鳥長沙諱犀牛蜀郡憐素車猶慟哭寶劍欲高懸
漢道中興盛韋經亞相傳冲融標世業磊落映時賢
城府深朱夏江湖眇霽天倚樓關樹頂飛旄泛堂前
帝幕疑風燕笳蕭蕭急暮蟬興殘虛白室跡斷孝廉船
重孺交遊盡喧卑俗事牽老來多涕淚情在強詩篇
誰繼方隅理朝難將帥權春秋褒貶例名器重雙全

哭王彭州掄

杜甫

執友驚淪沒斯人已寂寥新文生沈謝異骨降松喬
北郭初高選東堂早見招蛟龍纏倚劍鸞鳳夾吹簫
歷職漢庭久中年胡馬驕兵戈聞兩觀寵辱事三朝

唐詩類苑

卷之三十四

三

蜀路江干窄彭門地里遙解龜生碧草諫獵阻青霄
頃壯戎麾出叨倍幕府要將軍臨氣候壯士塞風飈
井滌泉誰汲烽疎火不燒前籌多自暇隱几接終朝
翠石俄雙表寒松竟後凋贈詩焉敢墜染翰欲無聊
再哭經過罷離魂去住銷之官方玉折寄墓與萍漂
曠望渥洼道霏微河漢橋夫人先卽世令子各清標
巫峽長雲雨秦城近斗杓馮唐毛髮白歸興日蕭蕭

哭台州鄭司戶蘇少監

杜甫

故舊誰憐我平生鄭與蘇存亡不重見喪亂獨前途
豪俊何人在文章掃地無羈遊萬里關凶問一年俱

白日中原上清秋大海隅夜臺當北斗泉路著東吳
得罪台州去時危棄碩儒移官蓬閣後穀貴歿潛天
流慟嗟何及銜冤有是夫道消詩發興心息酒爲徒
許與才雖薄追隨跡未拘班揚名甚盛嵇阮逸相須
會取君臣合寧詮品命殊賢良不必展廊廟偶然趨
勝決風塵際功安造化鑪從容詢舊學慘淡閱陰符
擺落嫌疑久哀傷志力輸俗依綿谷異客對雪山孤
童稚思諸子交情列友于情垂清酒送望絕撫墳呼
瘡病餐巴水瘡痕老蜀都飄零迷哭處天地日榛蕪

哭李尚書

杜甫

唐詩類苑

卷之百三十四

五

漳濱與蒿里逝水竟同年欲挂留徐劍猶迴憶戴船
相知成白首此別間黃泉風雨嗟何及江湖涕泫然
修文將管輅奉使失張騫史閣行人在詩家秀句傳
客亭鞍馬絕旅櫬網蟲懸復魄昭丘遠歸魂素滯偏
樵蘇封墓地喉舌罷朝天秋色凋春草王孫若箇邊

哭亡友基母補闕

王灣

明代資多士儒林得異才書從金殿出人向玉墀來
詞學張平子風儀褚彥回崇儀希上德近侍接元台
曩昇心期密今遊宴賞陪屢遷君擢桂分尉我從梅
忽遇乘輅客云傾構厦材泣爲涸水化嘆作太山頽

繼善初將慰尋言半始猜位聯情易感交密痛難裁
遠日寒旌暗長風古挽哀寰中無舊業行處有新苔
反哭魂猶寄終喪子尚孩墓田門吏給墳木路人栽
遽洩悲成往俄傳寵令迴玄經貽石室朱紱耀泉臺
地古春長閉天明夜不開登山一臨哭揮淚滿蒿萊

哭魏兼遂

公及婦妻幼子與僕數人相次亡歿葬於丹陽

劉長卿

古今俱此去修短竟誰分樽酒空如在絃琴肯重聞
一門同逝水萬事共浮雲舊館何人宅空山遠客墳
艱危貧且共少小秀而文獨行依窮巷全身出亂軍

唐詩類苑

卷之百三十四

五

哭張員外經

劉長卿

慟哭鍾陵下東流與別離二星來不返雙劍沒相隨
獨繼先賢傳誰刊有道碑故園荒岷曲旅櫬寄天涯
白簡曾連拜滄洲每共思撫孤憐齒穉嘆逝顧身衰
泉壤成終古雲山若在時秋風隣笛發寒日寢門悲
世難愁歸路家貧緩墓期舊賓傷未散夕臨咽常遲
自此辭張劭何由見戴逵獨聞山吏部流涕訪孤兒

哭常徵君

錢起

萬化一朝盡窮泉悲此君如何丹竈術能悞紫芝焚
不遂蒼生望空留封禪文遠年隨逝水真氣盡浮雲
山閉龍蛇蟄林寒麋鹿群傷心載酒地仙菊爲誰薰

哭曹鈞

錢起

苦節推白首憐君負此生忠盡名空在家貧道不行
朝來相憶訪蓬華只謂淵明猶卧疾忽見江南弔鶴
來始知天下文星失嘗恨知音千古稀那堪夫子九
泉歸一聲隣笛殘陽裏酹酒空堂淚滿衣

哭遂州蕭侍郎二十四韻 李商隱

遙作時多難先令禍有源初驚逐客議旋駭黨人冤

唐詩類苑

卷之三十四

唐詩類苑

卷之三十四

密侍榮方入司刑望愈尊皆因優詔用實有諫書存

哭劉四尚書

權德輿

苦霧三辰沒窮陰四塞昏虎威狐更假隼擊鳥踰喧
徒欲心存闕終遭耳屬垣遺音和蜀魄易簣對巴猿

有女悲初寡無男泣過門公止裴氏一女結褵朝爭

屈原草廟餒莫敖魂迴閭傷神峻長江極望翻青雲

寧寄意白骨始霑恩早歲思東閣爲邦屬故園登舟

慚郭泰解榻愧陳蕃分以忘年契情猶錫類敦公先

真帝子我系本王孫笑傲張高蓋從容接短轅秋吟

小山桂春醉後堂萱自嘆離通籍何嘗忘叫閨不成

穿攬入終擬上書論多士還魚貫云誰正駿奔暫能

誅條忽長與問乾坤蟻漏三泉路蠶啼百草根始知
同泰講微福是虛言

哭虔州楊侍郎 虞卿

李商隱

漢網疎仍漏齊民困未蘇如何大丞相翻作弛刑徒

中憲方外易史記云商鞅多左建外易尹京終就拘本矜能弭謗

先議取非辜巧有疑脂密功無一柱扶深知獄吏貴

幾迫季冬誅叫帝青天闊辭家白日晡就亡誠不弔

神理若爲誣在昔恩知忝諸生禮秩殊入韓非劍客

過趙受鉗奴楚水招魂遠卽山宅孤甘心親垤蟻

旋踵戮城狐是冬陰陽今如此天災未可無莫憑

牲玉請便望救焦枯

哭劉四尚書

士友惜賢人天朝喪守臣才華推獨步聲氣幸相親
理析囊中妙儒爲席上珍笑言成月旦風韻挹天真

丹地膺推擇青油寄撫循豈言朝象魏翻是卧漳濱

命賜龍泉重追榮蜜印陳撤絃驚物故無具見家貧

牢落風悲笛汎瀾涕淚巾共嗟蒿里月非復柳營春

黃絹碑文在青松隧路新音容無處所歸作北邱塵

哭京兆龐尹

馬戴

神州喪賢尹父老泣關中未盡群生願纔留及物功

清光沈皎月素業振遺風履跡莓苔掩珂聲紫陌空
從來受知者會葬漢陵東

哭張南史因寄南史姪叔宗

李端

爭路忽摧車沈鈎未得魚結交惟我少喪舊自君初
諫草文難似圍棋智不如仲宣新有賦叔夜近無書
地閉滕公宅山荒謝客廬蠶良從此恨福善竟成虛
釀酒多同醉烹鷄或取餘阮咸雖未別豈共仲容疎
許給事見示哭工部劉尚書詩因命同作

劉禹錫

唐詩類苑

卷之百二十四

五八

漢室賢王後從叔聖孔門高第人濟時成國器樂道
任天真特達圭無玷堅貞竹有筠總戎寬得衆市義
貴能貧護塞無南牧馳心拱北辰乞身來闕下賜告
卧漳濱榮耀初題劍清羸已拖紳宮星徒列位隙日
不回輪自昔追飛侶今爲侍從臣素絃哀已絕青簡
嘆猶新未遂揮金樂空悲撒瑟晨淒涼竹林下無復
見清塵

哭苗員外呈張參軍

司空曙

思君寓家宅又接竹林期嘗值偷琴處親聞比玉時
高人不易合弱冠早相知試藝臨諸友能文卽我師

凌寒松未老先暮槿何衰季子生前別羊曇醉後悲
壽堂垂一慟奠席阻長辭因瀝殊方淚遙成墓下詩

病中哭金鑾子

白居易

豈料吾方病翻悲汝不全卧驚從枕上扶哭就燈前
有女誠爲累無兒豈免怜病來纔十日養得已三年
慈淚隨聲迸悲腸遇物牽故衣猶架上殘藥尚頭邊
送出深村巷看封小墓田莫言三里地此別是終天

哭女樊四十韻

元稹

逝者何由見中人未達情馬無生角望猿有斷腸鳴
去伴投遐徼來隨夢險程四年巴養育萬里硤回縈

唐詩類苑

卷之百五十五

五九

病是他鄉染魂應遠處驚山魘邪亂逼沙風毒潛嬰
母約看寧辨余慵療不精欲尋方次第俄值疾克盈
燈火徒相守香花祗浪擎蓮初開月梵薜已落朝榮
魄散魂將盡形金玉尚瑩空垂兩行血深送一枝瓊
祕祝休巫覡安眠放使令舊衣和篋施殘藥滿甕傾
乳媪閑於社醫僧媿似醒憫渠身覺贖訝佛力難爭
騎竹癡猶子牽車小外甥等閑迷過影遙戲誤啼聲
泥紙傷餘畫扶牀念試行獨留呵面鏡誰弄倚牆爭
憶昨工言語憐初妙長成撩風妬鸚舌凌露觸蘭英
翠鳳輿真女紅蕖捧化生祗憂嫌五濁終恐向三清

宿惡諸軍味懸知衆物名

生而不食草木虎豹所食

識其各者數輩

環從枯樹得經認寶函盛愠怒偏

憎數分張雅愛平最憐貪粟妹煩救嬾書兄爲占嬌

嬈分良多着戀誠別常回面泣歸定出門迎解怪還

家晚長將遠信呈說人偷罪過要我抱縱橫騰踏遊

江舫攀緣看樂棚和蠻歌字拘學妓舞腰輕迢遞離

荒服持攜到近京未容誘伎倆唯恨枉聰明往緒心

千結新絲釐百莖暗窻風報曉秋幌雨聞更敗慳蕭

疎館衰楊破壞城此中臨老淚仍自哭孩嬰

哭靈一上人

嚴維

唐詩類苑

卷之百三十五

三

一公何不在空有遠公名共說岑山路今時不可行

舊房松更老新塔草初生經論傳緇侶文章遍墨卿

禪林枝幹折法字棟梁傾誰復修僧史應知傳已成

哭師臯

白居易

南康丹旆引魂迴洛陽藍輦送羣去北邙原邊尹村

畔月苦煙愁夜過半妻孥兄弟號一聲十二人腸一

時斷往者何人送者誰樂天哭別師臯時平生分義

向人盡今日哀冤唯我知我知何益徒垂淚監輦迴

卒馬迴轡何日重聞掃市歌誰家收得琵琶妓蕭蕭

風樹白楊影蒼蒼露草青蒿氣更就墳邊哭一聲與

君此別終天地

夜哭李夷道

白居易

逝者絕影響空庭朝復昏家人哀臨畢夜鎖壽堂門

無妻無子何人墓空見銘旌向月翻

哭李象

楊衡

白鷄黃犬不將去寂寞空餘墓時路草死花開更幾

年後人知是何人墓憶君思君獨不眠夜寒月照青

楓樹

哭晁卿行

李白

日本晁卿辭帝都征帆一片遠蓬壺明月不歸沈碧

海白雲愁色滿蒼梧

哭殷遙

王維

送君返葬石樓山松柏蒼蒼賈馭還埋骨白雲長

矣空餘流水向人間

哭韓綽

杜牧

平明送葬上都門綽綽交橫逐去魂歸來冷笑悲身

事喚婦呼兒索酒盆

哭司農苗主簿

盧綸

原頭殯御遠新塋原下行人望哭聲更想秋山連古

木唯應石上見君名

宿石澗店聞婦人哭

李端

山店門前一婦人，哀哀夜哭向秋雲。自說夫因征戰死，朝來逢著舊將軍。

哭劉得仁

僧棲白

爲愛詩名剛到此，風魂雪魄去難招。直教桂子落墳上，生得一枝冤始銷。

哭李遷

于鵠

驅馬街中哭送君，靈車碾雪隔城聞。唯有山僧與樵客，共昇孤櫬入幽墳。

隣婦哭征夫

張籍

唐詩類苑

卷之百三十四

三

雙鬟初合便分離，萬里征夫不得隨。今日軍回身獨歎，去時鞍馬別人騎。

哭丘長史

張籍

丘公已歿故人稀，欲過街西更訪誰。每到子城東路，上憶君相逐入朝時。

哭孟寂

張籍

曲江院裏題名處，十九人中最少年。今日春元吟不見，杏花零落寺門前。

重到襄陽哭亡友韋壽朋

杜牧

故人墳樹立秋風，伯道無兒跡更空。重到笙歌分散處，

地隔江吹笛月明中

哭李丹員外并寄杜中丞

孟郊

生死方知交態存，忍將辭辭報幽魂。十年同在平原客，更遣何人哭寢門。

哭孟東野二首

王建

吟損秋天月不明，蘭無香氣鶴無聲。自從東野先生死，側近雲山得散行。

老松臨死不生枝，東野先生早哭兒。但使洛陽城裏客，家傳一本杳陽詩。

哭于十首

元稹

唐詩類苑

卷之百三十四

三

維鵜受刺因吾過，得馬生災念爾冤。獨在中庭倚閑樹，亂蟬嘶噪欲黃昏。

纔能辨別東西位，未解分明管帶身。自食自眠猶未得，九重泉路託何人。

爾母溺情連夜哭，我身因事有時悲。鍾聲欲絕東方動，便是尋常上學時。

蓮花上品生真界，堯率天中離世途。彼此業緣多障礙，不知還得見兒無。

節量梨栗愁生疾，教示詩書望早成。鞭朴校多憐校少，又緣遺恨哭三聲。

深嗟爾更無兄弟自嗟予應絕子孫寂寞講堂基址
在何人車馬入高門

往年養已同潘岳垂老年教作鄧攸煩惱數中除一
事自茲無復子孫憂

長年苦境知何限豈得因兒獨喪明消遣又來緣爾
母夜深和淚有經聲

鳥生八子今無七猿叫三聲月正孤寂寞空堂天欲
曙拂簾雙燕引新雛

頻頻子落長江水夜夜巢邊舊處棲若是愁腸終不
斷一年添得一聲啼

唐詩類苑

卷之百十

五

哭小女降真

元稹

雨點輕漚風復驚偶來何事去何情浮生未到無生
地暫到人間又一生

哭女樊

元稹

秋天淨綠月分明何事已猿不賸鳴應是一聲腸斷
去不容啼到第三聲

哭從弟

白居易

傷心一尉便終身叔母年高新婦貧一片綠衫消不
得腰金拖紫是何人

哭微之二首

白居易

八月涼風吹白幕寢門廊下哭微之妻孥朋友來相
吊唯道皇天無所知

文章卓犖生無敵風骨英雄歿有神哭送咸陽北原
上可能隨例作灰塵

哭黔中薛大夫

戎昱

亞相何年鎮百蠻生涯萬事瘴雲間夜郎城外誰人
哭昨日空餘旌節還

哭辛霽

錢起

流水辭山花別枝隨風一去絕還期昨夜故人泉下
宿今朝白髮鏡中垂音徽寂寂空成夢容範朝朝無

唐詩類苑

卷之百十

五

見時旦暮餘生幾息在不應存沒未嘗悲

雙峰下哭故人李宥

劉長卿

憐君孤壠寄雙峰埋骨窮泉復幾重白露空沾九原
草青山猶閉數株松圖書經亂知何在妻子因貧失

所從惆悵東臯却歸去人間無處更相逢

哭陳欽州

劉長卿

千秋萬古墓平原素業清風及子孫旅櫬歸程傷道
路舉家行哭向田園空山寂寂開新壠喬木蒼蒼掩

舊門儒行公才竟何在獨憐棠樹一枝存

哭楊樊處士

許渾

先生憂道樂清貧白髮終爲不仕身
嵇阮沒來無酒客應劉亡後少詩人
山前月照孤墳曉溪上花開舊宅春
昨夜回舟更惆悵至今鐘磬滿南陵

哭虞將軍

許渾

白首從軍未有名近將孤劍到江城
巴童戍久能番語胡馬調多解漢行
對雪夜窮黃石畧望雲秋計黑山程
可憐身死家猶遠汴水東流無哭聲

哭張十八校書

權德輿

芸閣爲郎一命初桐州寄傲十年餘
魂隨遊水居何處名在新詩衆不如
蹉跎江浦生華髮牢落寒原會

唐詩類苑

卷之百三十四

三

素車更憶八行前日到含悽爲報秣陵書

哭劉蕡

李商隱

上帝深宮閉九關巫咸不下問銜冤
廣陵別後春濤隔滄浦書來秋雨翻
只有安仁能作詠何曾宋玉解招魂
平生風義兼師友不敢同君哭寢門

哭劉尚書夢得二首

白居易

四海齊名白與劉百年交分兩綢繆
同貧同病退閑日一死一生臨老頭
杯酒英雄君與操文章微婉我知丘
賢豪雖歿精靈在應共微之地下遊

今日哭君吾道孤寢門淚滿白髭鬚
不知箭折弓何

用兼恐唇亡齒亦枯
官窮泉埋寶玉駸駸落景村
桑榆夜臺暮齒期非遠但問前頭相見無

哭崔兒

白居易

掌珠一顆兒三歲
鬢雪千莖父六旬
豈料汝先爲異物常憂吾不見
成人悲腸自斷非因劍
啼眼加昏不是塵懷抱又空
天默默依前重作鄧攸身

哭崔二十四常侍

白居易

貂蟬初別九重門
馬鬣新封四尺墳
薤露歌詞非白雪旌銘官爵是浮雲
伯倫每置隨身鍾元亮先爲自祭文
莫道高風無繼者一千年內有崔君

唐詩類苑

卷之百三十四

三

哭李商隱

崔珣

成紀星郎字義山
適歸黃壤抱長嘆
詞林枝葉三春盡
學海波瀾一夜乾
風雨已吹燈燭滅
姓名長在齒牙寒
應遊物外攀琪樹
便着霓裳上玉壇

哭王元裕

溫庭筠

聞說蕭郎逐逝川
伯牙因此絕清絃
柳邊猶憶青鸞影
墳上俄生碧草煙
篋裏詩書疑謝後
夢中風貌似潘前
他時若到相尋處
碧樹紅樓自宛然

三衢哭孫員外

羅隱

燕戀雕梁馬戀軒
此心從此更何言
直將塵外三生

命未敵君侯一日思紅蠟有時還入夢片帆何處獨
銷魂忍看明發衣衿上珠淚痕中見酒痕

哭朱放

戴叔倫

幾年湖海挹餘芳豈料蘭摧一夜霜人世空傳名耿
耿泉臺香隔路茫茫碧窗月落琴聲斷華表雲深鶴
夢長最是不堪回首處九泉煙冷樹蒼蒼

哭呂衡州時予方謫居

劉禹錫

一夜霜風凋玉芝蒼生望絕士林悲空懷濟世安人
畧不見男婚女嫁時遺草一函歸太史孤墳三尺近
要離朔方徒歲行當滿欲為君看第二碑

唐詩類苑

卷之三百十四

三

哭龐京兆

少年有俊氣常
擢制科之首

劉禹錫

俊骨英才氣衰然策名飛步冠群賢逢時已自致高
位得疾還因倚少年天上別歸京兆府人間空數茂
陵阡今朝總帳哭君處前日見鋪歌舞筵

哭胡遇

朱慶餘

尋僧昨日尚相隨忽見緋幡意可知題處舊詩休更
讀買來新馬憶曾騎不應隨分空營莫終擬求人與
立碑每向宣陽里中過遙聞哭臨淚先垂

哭胡十八

張籍

早得聲名年尚少尋常志氣出風塵文場斷續成三

代家族輝華在一身幼子見生纔滿月選書知寫未
呈人送君帳下衣裳白數尺墳頭柏樹新

哭元九少府

張籍

平書志業獨相知早結雲山老去期初作學官常共
宿晚登朝列暫同時閑來各數經過地醉後齊吟唱
和詩今日春風花滿宅入門行哭見靈帷

哭丘長史

張籍

曾見先皇殿上臣丹砂久服不成真常騎馬在嘶空
擬自作書留別故人詩句偏傳天下口朝衣偏送地
中身最悲昨日同遊處看却春風樹樹新

唐詩類苑

卷之三百十四

三

重過三衢哭孫員外

羅隱

爛柯山下忍重別雙檣樓前日欲殘華屋未移春照
灼故侯何在淚汎瀾不唯濟物工夫大長憶容才尺
度寬一慟傍人莫相笑知音衰盡路行難

同劉二十八哭呂衡州兼寄江陵李元二侍

御

柳宗元

衡岳新摧天柱峯士林顛顛泣相逢祇令文字傳青
簡不使功名上景鐘三畝空留懸磬室九原猶寄若
堂對遙想荊州人物論幾迴中夜惜元龍

哭秘書姚監丞

方干

寒空此夜落文星
星落文留萬古名
入室幾人成弟
子爲儒是處哭
先生家無諫草
逢明代國有遺
篇續正聲
曉向平原陳墓
禮悲風吹雨濕
銘旌

哭喻龜先輩

方干

日夜役神多損壽
先生下世未中年
撰碑縱託登龍
伴營奠應支寶
鶴錢孤壟陰風
吹細草空窗濕
氣漬殘編人間
別更無冤事到
此誰能與問天

哭陷邊許兵馬使

曹唐

北風烈地黯邊霜
戰敗桑乾日色黃
故國暗回殘士
卒新墳空墓舊
衣裳散牽細馬
嘶青草任去佳
人弔

唐詩類苑

卷之三百十四

甲十

白楊除却陰符與
兵法更無一物在
儀牀

哭孟郊

李克恭

一旦玄微縹緲成
盡吟方更爽精神
宣宗謫去爲閑
事韓愈知來已
振名海底也應
搜得淨月輪常
被翫教傾如何
未隔四十載不
遇論量向此生

哭江南處士陳陶

方干

燾盡天年命不通
釣溪吟月便成翁
雖云挂劍來墳
上亦恐藏書在
壁中巢父精靈
歸大夜客星才
調振遺風南華
至理須齊物生
死卽應無異同

代孔明哭先主二首

李山甫

憶昔南陽顧草廬
便乘雷電捧乘輿
酌量諸夏須平
取期刻羣雄待
徧鋤南面未能
成帝業西陵那
忍送宮車九疑
山下頻惆悵曾
許微臣水共魚

鯨鬣翻騰四海波
始將天意用干戈
盡驅神鬼隨鞭
策全罩英雄入
網羅提劍尚殘
吳郡國垂衣猶
欠魏山河鼎湖
無路追仙駕空
使群臣泣血多

哭栖白供奉

李洞

聞說孤窻坐化時
白沙蘿雨滴空池
吟詩堂裏秋關
影禮佛燈前夜
照碑賀雪已成
金殿夢看濤終
負石橋期逢山
對月還惆悵爭
得無言似祖師

唐詩類苑

卷之三百十四

甲十

弔孟昌圖

裴澈

一章何罪死何名
投水唯君與屈平
從此蜀江煙月
夜杜鵑應作兩
般聲

彭城公薨後贈杜二十七勝李十七藩二君
並與愚同出故尚書安平公門下

李商隱

梁山充水約從公
兩地差池一旦空
謝墅庾村相弔
後自今岐路更
西東

葬寶鷄行路士人

廖有方

嗟君沒世委空靈
幾度勞心翰墨場
半面爲君申一

慟不知何處是家鄉

耿將軍守瑩青衣

故臺城妓

獨持巾櫛掩玄關小帳無人燭影殘昔日羅衣人化盡白楊風起隴頭寒

奉酬李相公見示時初聞國哀

白居易

碧油幢下捧新詩榮賤雖殊共一悲涕淚滿襟君莫怪甘泉侍從最多時

六年春遣懷八首

元稹

傷禽我是籠中鶴沈劍君爲泉下龍重續猶存孤枕

唐詩類苑

卷之百三十四

四

在春衫無復舊裁縫

檢得舊書三四紙高低闊狹粗成行自言併食尋高事唯念山深驛路長

公無渡河音響絕已隔前春復去秋今日閑窗拂塵土殘絃猶迸鈿箏篴

婢僕曉君餘服用嬌癡稚女遶牀行玉梳鈿朵香膠解盡日風吹璫珣箏

伴客銷愁長日飲偶然乘興便醺醺怪來醒後傍人泣醉裏時時錯問君

我隨楚澤波中水君作咸陽泉下泥百事無心值寒

食身將稚女帳前啼

童稚癡狂撩亂走繡毬花仗滿堂前病身一到繡帳

下還向臨塔背日眠

小於潘岳頭先白學取莊周淚莫多止竟悲君須自

省川流前後各風波

唐詩類苑

卷之百三十四

四

唐詩類苑卷第一百三十五

明雲間張之象玄超甫纂輯

雲間姜雲龍神超甫編次

雲間王微叔朗甫補訂

梁谿曹仁孫伯安甫校正

人部

賢媛

秦女休行

李白

左延年辭大畧言女休爲燕王婦爲宗報讐殺人
都市雖被囚繫終以赦宥得寬刑戮也晉傳玄云

唐詩類苑

卷之百三十五

龐氏有烈婦亦殺人報怨以烈義稱與古辭義同
而事異

西門秦氏女秀色如瓊花手揮白楊刀清晝殺讐家
羅袖灑赤血英聲凌紫霞直上西山去關吏相邀遮

壻爲燕國王身被詔獄加犯刑若履虎不畏落爪牙
素頸未及斷摧眉伏泥沙金鷄忽放赦大辟得寬賒

何慚聶政姊萬古共驚嗟

東海有勇婦

李白

梁山感杞妻慟哭爲之傾金石忽聞鄰部由激深情
東海有勇婦何慚蘇子卿學問起騰若流星

捐軀報夫讐萬死不顧生白刃曜素雪蒼生感精誠

十步兩跳躍三呼一交兵斬首掉國門蹴踏五藏行

豁此伉儷憤粲然大義明北海李使君飛章奏天庭

捨罪警風俗流芳播滄瀛志在列女籍竹帛已光榮

淳于免詔獄漢主爲緹縈津妾一棹歌脫父於嚴刑

十子若不肖不如一女英豫讓斬空衣有心竟無成

要離殺慶忌壯夫素所輕妻子亦何辜焚之買虛聲

豈如東海婦事立獨揚名

靜女吟

孟郊

艷女皆妬色靜女獨檢縱任禮耻任粧嫁德不嫁容

唐詩類苑

卷之百三十五

君子易求聘小人難自從此志誰與諒琴絃幽韻重

靜女歌

張南容

靜女樂於靜動合古人則妙年工詩書弱歲勤組織
端居愁若痴誰復理容色十五坐幽閨四隣不相識

天天隣家子百花裝首飾日日淇上遊笑人不踰閭
河水自濁濟自清仙臺蛾眉秦鏡明爲照齊王門下

醜何如漢帝掌中輕

江陵孝女

張籍

孝女獨垂髮少年唯一身無家空托墓主祭不從人
相弔有行客起廬無舊隣江頭聞哭處寂寂楚花春

宋氏五女

具州宋處上若芬五女若華若昭若倫若憲若蘭

王建

五女誓終養貞孝內自持免絲自縈紆不上青松枝
晨昏在親傍閑則讀書詩自得聖人心不因儒者知
少年絕音華貴絕父母詞素叙垂兩髦短窄古時衣
行成聞四方徵詔環珮隨同時入皇宮聯影步玉墀
鄉中尚其風重為修茅茨聖朝有良史將此為女師

節婦吟

張籍

君知妾有夫贈妾雙明珠感君纏綿意繫在紅羅襦
妾家高樓連苑起良人執戟明光裏知君用心如日
唐詩類苑 卷之百三十五 三

月事夫誓擬同生死還君明珠雙淚垂何不相逢未
嫁時

蜀路石婦

白居易

道傍一石婦無記復無銘傳是此鄉女為婦孝且貞
十五嫁邑人十六夫征行夫行二十載婦獨守孤笄
其夫有父母老病不安寧其婦執婦道一一如禮經
晨昏問起居恭順發心誠藥餌自調節膳羞必甘馨
夫去竟不歸婦德轉光明後人高其節刻石像婦形
儼然整衣巾若立在閨庭似見舅姑禮如聞環珮聲
至今為婦者見此孝心生不比山頭石空有望夫名

秋胡行

高適

西京雜記曰魯人秋胡娶妻三月而遊宦三年休
還家其婦採桑於郊胡至郊而不識其妻也見而
悅之乃遺黃金一鎰妻曰妾有夫遊宦不返幽閨
獨處三年於茲未有被辱於今日也採桑不顧胡
慙而退至家問妻何在曰行採桑於郊未返既歸
還乃向所挑之婦也夫妻并慙妻赴沂水而死列
女傳曰魯秋潔婦者魯秋胡之妻也既納之五日
去而官於陳五年乃歸未至其家見路傍有美婦
人方採桑而說之下車謂曰力田不如逢豐年力
唐詩類苑 卷之百三十五 四
桑不如見國卿今吾有金願以與夫人婦曰我採
桑力作紡績絰以供衣食奉二親養夫子已矣不
顧人之金秋胡遂去歸至家奉金遺母使人呼其
婦婦至而向採桑者也婦汙其行去而東走自投
於河而死樂府解題曰後人哀而賦之為秋胡行
若魏文帝辭云堯佐舜禹當沒何為亦題曰秋胡
行廣題曰曹植秋胡行但歌魏德而不取秋胡事
與文帝之辭同也

妾本邯鄲早嫁時容華倚翠人未知一朝結髮從君
子將妾迢迢東路陲時逢大道無艱阻君方遊宦從

陳汝蕙樓獨卧頻度春彩閣辭君幾徂暑三月垂楊
蠶未眠攜籠結侶南陌邊道逢行子不相識贈妾黃
金買少年妾家夫婿經離久寸心誓與長相守願言
行路莫多情道妾貞心在人口日暮蠶機相命歸攜
籠端餉來庭闈勞心苦力終無恨所冀君恩那可依
聞說行人已歸止乃是向來贈金子相看顏色不復
言相顧懷慙有何已從來自隱無疑背直爲君情也
相會如何咫尺仍有情况復迢迢千里外誓將顧恩
不顧身念君此日赴河津莫道向來不得意故欲留
規戒後人

唐詩類苑

卷之三百五

五

列女操

孟郊

梧桐相待老鴛鴦會雙死貞節貴徇夫捨生亦如此
波瀾誓不起妾心井中水

題三鄉驛

若耶溪女子

余本若耶溪東女不得從夫西入函關寓居晉昌
里第不意良人已矣邈然無依經過之所舉目魂
銷雖曩昔譙笑之地銜冤加嘆假使潘岳復生無
以悼其幽思也遂命筆聊題

昔逐良人西入關良人身沒妾空還謝娘衛女不相
待爲雨爲雲過此山

和三鄉驛詩

陸貞洞

惆悵殘花過暮春孤鸞舞鳳倍傷神清詞好箇千人
事疑是文姬第二身

和三鄉驛詩

王頌

無姓無名越水濱芳詞豈怨路傍人莫教才子空惆
悵宋玉東家是舊隣

和三鄉驛詩

王祝

女几山前嵐氣低佳人留恨此中題不知雲雨歸何
處空使玉孫見即迷

和三鄉驛詩

劉谷

唐詩類苑

卷之三百五

六

蘭蕙芬芳見玉姿路傍花笑景遲遲萍蘿山下無窮
意併在三鄉惜別時

和三鄉驛詩

李昌鄴

紅粉蕭娘手自題分明幽怨發雲間不應更學文君
去泣向殘花歸剡溪

和三鄉驛詩

王綽

浣沙遊女出關東舊跡新詞一夢中槐陌柳亭無限
事年年迴首泣春風

和三鄉驛詩

李鎬

會稽王謝兩風流王子沈淪謝女愁歸思若隨文字

在路傍空爲感千秋

和三鄉驛詩

高衢

南北千山與萬山軒車誰不思鄉關獨留芳翰悲前
跡陌上恐傷桃李顏

和三鄉驛詩

張綺

洛川依舊好風光蓮帳無因見女郎雲雨散來音信
斷此生遺恨寄三鄉

和三鄉驛詩

韋永

來時歡喜去時哀家國迢迢向越臺待寫百年幽思
盡故宮流水莫相催

唐詩類苑

卷之百五十五

七

三鄉詩

賈馳

會昌間陸貞洞王滌輩題三鄉詩馳因留贈

壁古字未滅聲長響不絕蕙質本如雲松心應耐雪
耿耿離幽谷悠悠望甌越杞婦哭夫時城崩無此說

燕子樓詩三首

關盼盼

樓上殘燈伴曉霜獨眠人起合歡牀相思一夜情多
少地角天涯不是長

北印松栢鎖愁烟燕子樓人思悄然自埋劍履歌塵
散紅袖香銷一十年

適看紅鴈岳陽迴又覩玄禽逼社來瑤瑟玉簫無意

緒任從蛛網任從灰

和燕子樓三首

白居易

見居處部樓

贈關盼盼絕句

白居易

黃金不惜賣蛾眉揀得如花四五枝歌舞教成心力
盡一朝身去不相隨

和白公

關盼盼

自守空房歛恨眉形同春後牡丹枝舍人不會人
意訝道泉臺不去隨

題義女亭

許渾

唐詩類苑

卷之百五十五

八

身沒蘭閨道日明郭南尋得舊池亭詩人愁立暮山
碧買客怨離秋草青四望月沈疑掩鏡兩簷花動認
收屏至今鄉里風猶在借問誰傳義女銘

美人

春女行

劉希夷

春女顏如玉怨歌陽春曲巫山春樹紅沅湘春草綠
自憐妖艷姿粧成獨見時愁心伴楊柳春盡亂如絲
日極千餘里悠悠春江水頻想玉關人愁卧金閨裏
尚言春花落不知秋風起嬌愛猶未終悲涼從此始
憶昔楚王宮玉樓粧粉紅粧粉并明月長袖舞春風

榮華委西山光陰不可還桑林沒東海富貴今何在
寄言桃李容胡爲閨閣重但看楚王墓惟見數株松

趙女詞五首

李白

長干吳兒女眉目艷星月天上足如霜不着鴉頭襪

二

吳兒多白暫好爲蕩舟劇實眼擲春心折花

三

耶溪採蓮女見客棹歌回笑入荷花去佯羞不出

四

東陽素足女會稽素舸郎相看月未墮白地斷肝腸

唐詩類苑

卷之百五十五

九

五

鏡湖水如月耶溪女似雪新粧蕩新波光景兩奇絕

里中女

于漬

吾聞池中魚不識海水深吾聞桑下女不識華堂陰

貧窶苦機杼富家鳴杵砧天與雙明眸只教識蒿簪

徒惜越娃貌亦蘊韓娥音殊玉不到眼遂無蒼侈心

豈知趙飛燕滿髻釵黃金

浣紗女二首

南陌春風早東隣去日斜千花開瑞錦香撲美人車

二

長樂青門外宜春小苑東樓開萬戶上人向百花中

浣沙石上女

李白

玉面耶溪女青娥紅粉粧一雙金齒屐兩足白如霜

浣紗女

王昌齡

錢塘江畔是誰家江上女兒全勝花吳王在時不得

出今日公然來浣紗

茱萸女

萬楚

見歲時部九日

川上女

崔顥

川上女晚粧鮮日落青渚試輕楫汀長花滿正迴船

唐詩類苑

卷之百五十五

十一

暮來浪起風轉緊自言此去橫塘近綠江無伴夜獨

行獨行心緒愁無盡

越女

王昌齡

越女作桂舟還將桂爲楫湖上水渺漫清江不可涉

摘取芙蓉花莫摘芙蓉葉將歸問夫婿顏色何如妾

美女篇

王瑤

東隣美女實名倡絕代容華無比方濃纖得中非短

長紅紫天生誰飾粧桂樓椒閣木蘭堂繡戶雕軒文

杏梁屈曲屏風遶象牀菱鏡翠帳綴香囊玉臺龍鏡

澄徹光金爐沈煙酷烈芳遙聞行珮音鏘鏘含嬌金

笑出洞房二八三五閨心切
簾捲幔迎春節情歌
始發詞怨咽鳴琴一弄心
斷絕借問哀怨何所爲盛
年情多心自悲須臾破顏
條歛態一悲一喜併相宜
何能見此不注心借無媒
氏爲道音可憐盈盈直千
金誰家君子爲藁砧

春女行

王翰

紫臺穹跨連綠波紅軒鉛匣垂織羅
中有一人金作面隔幌玲瓏遙可見
忽聞黃鳥鳴且悲鏡邊含笑着春衣
羅袖嬋娟似無力行拾落花比容色
落花一度無再春人生作樂須及晨
君不見楚王臺上紅顏子

唐詩類卷之三十五

十一

今日皆成狐兔塵

烏江女

屈同仙

越豔誰家女朝遊江岸傍
青春猶未嫁紅粉舊來娼
錦袖盛朱橘銀鈎摘紫房
見人羞不語回艇入溪藏

倡女詞

張籍

輕鬟叢梳潤掃眉爲嫌風
日下樓稀畫羅金縷難相
稱故着尋常淡薄衣

倫開府席上賦得詠美人名解愁

盧綸

不敢苦相留明知不自由
嘖眉乍欲語歛眉又低頭

美人騎馬

駢馬嬌仍穩春風灞岸晴
促來金蹬短扶上玉人輕
帽束雲鬟亂鞭籠翠袖明
不知從此去何處更傾城

駱賓王

美人分香

孟浩然

美女出東隣容與在天津
動衣香滿路移步襪生塵
水下看粧影眉頭畫月新
寄言曹子建箇是洛川神
艷色本傾城分香更有情
髻鬟垂欲解解眉黛拂能輕
舞學平陽態歌翻子夜聲
春來狹斜道含笑待逢迎

唐詩類卷之三十五

十二

觀美人卧

梁銍

妾家巫峽陽羅帳寢銀牀
曉日臨窻又春風引夢長
落釵猶覺鬢微汗欲銷黃
縱使朦朧覺魂猶逐楚王

美人梳頭歌

李賀

西施曉夢綃帳寒香鬟隨
髻半沈檀輓轡呀呀轉鳴
玉驚起芙蓉睡新足雙鸞
開鏡秋水光解鬟臨鏡立
象牀一綸香絲雲撒地玉
釵落處無聲膩纖手卻盤
老鴉色翠滑寶釵簪不得
春風爛熳惱嬌慵十八髮
多無氣力粧成髮鬢歛不
斜雲裾數步踏鴈沙背人
不語向何處下堦自折櫻
桃花

戲贈趙使君美人

杜審言

紅粉青蛾映楚雲，桃花馬上石榴裙。
羅敷獨向東方去，謾學他家作使君。

醉戲寶子美人

岑參

朱唇一點桃花殷，宿粧嬌羞偏髻鬟。
細看只似陽臺女，醉著莫許歸巫山。

陌上贈美人

李白

駿馬驕行踏落花，垂鞭直拂五雲車。
美人一笑褰珠箔，遙指紅樓是妾家。

奉勅贈康尚書美人

薛伯紆

唐詩類苑

卷之三十五

十三

天門喜氣曉氛氲，聖主臨軒召冠軍。
欲令從此行霖雨，先賜巫山一片雲。

贈美人

鄭仁表

巖吹如何下太清，玉肌無疹六銖輕。
自知不是流霞酌，願聽雲和瑟一聲。

贈美人

崔澹

怪得輕風送異香，娉婷仙子曳霓裳。
惟憂錯認偷桃客，曼倩曾爲漢侍郎。

題美人

于鵠

秦女窺人不解羞，攀花趁蝶出牆頭。
胸前空帶宜男果，不及西陵冶父遊。

草嫁得蕭郎愛遠遊

杜丞相棕筵中贈美人

李群玉

裙拖六幅瀟湘水，鬢聳巫山十朵雲。
貌態祇應天上見，歌聲豈合世間聞。
胸前瑞雪燈斜照，眼底桃花酒半曛。
不是相如憐賦客，肯教容易見文君。

贈美人四首

方干

直緣多藝用心勞，心路玲瓏格調高。
舞袖低徊真蛺蝶，朱唇淺淡假櫻桃。
粉胸半掩疑晴雪，醉眼斜迴小樣刀。
纔會雨雲須別去，語慙不及琵琶槽。

唐詩類苑

卷之三十五

十四

嚴冬忽作看花日，盛暑翻爲見雪時。
坐上弄嬌聲不絕，轉樽前掩笑意難知。
含歌媚盼如桃葉，妙舞輕盈似柳枝。
年紀未多猶怯在，些些私語怕人疑。

酒蘊天然自性靈，人間有藝總關情。
剝葱十指轉籌疾，舞柳細腰隨拍輕。
常恐胸前春雪釋，唯愁座上慶雲生。
莫教樹無仙骨爭得，仙家駐玉京。

昔日仙人今玉人，深冬相見亦如春。
倍酬金價慙歡合，笑纔發歌聲早動塵。
昔歲曾爲蕭史伴，今朝應作宋家隣。
百年別後知誰在，須遣丹青畫取真。

貽美人

章孝標

諸侯帳下憤新粧，皆怯劉家薄倖郎。
嬈娘寶髻巧梳金翡翠，

翠羅裙宜著繡鴛鴦輕舞汗初沾袖細細歌聲欲
遶梁何事不歸巫峽去故來人世斷人腸

麗人曲

崔國輔

紅顏稱絕代欲並真無侶獨有鏡中人由來自相許
賦得北方有佳人

徐賢妃

由來稱獨步本是號傾城柳氣眉間發桃花臉上生
腕搖金釧響步轉玉環鳴纖腰宜寶祿紅衫艷織成
懸知一顧重別覺舞腰輕

麗人行

杜甫

三月三日天氣新長安水邊多麗人態濃意遠淑且
唐詩類苑 卷之百十五 五

真肌理細膩骨肉勻繡羅衣裳照暮春盛金孔雀銀
麒麟頭上何所有翠爲鬋萊垂鬢脣身後何所見珠
壓腰袂穩稱身就中雲霧椒房親賜名大國號與秦
紫駝之峰出翠金水精之盤行素鱗犀筋厭厭久未
下鸞刀縷切空紛綸黃門飛鞚不動塵御厨絡繹送
八珍簫鼓哀吟感鬼神賓從雜沓實要津後來鞍馬
何逡巡當軒下馬入錦茵楊花雪落覆白蘋青鳥飛
去銜紅巾炙手可熱勢絕倫慎莫近前丞相噀

憶蜀地佳人

駱賓王

東西吳蜀關山遠魚來鴈去兩難聞莫怪常有千行

淚只爲陽臺一片雲

邯鄲南亭觀妓

李白

歌鼓燕趙兒魏姝弄鳴絲粉色艷日彩舞袖拂花枝
把酒顧美人請歌邯鄲詞清爭何繚繞度曲綠雲垂
平原君安在科斗生古池座客三千人於今知有誰
我輩不作樂但爲後代悲

妓女

邵謁

天若許人登青山高不止地若許人窮黃泉深無水
量諸造化情物成皆有以如何上青真視之平若砥
石下騁琅玕空中無羅綺但見勢騰凌將爲長如此
唐詩類苑 卷之百十五 十六
炫耀一時間逡巡九泉裏一種爲埃塵不學隋樓死
送姪良攜二妓赴會稽戲有此贈

李白

攜妓東山去春光半道催遙看二桃李雙入鏡中開

妓席

李商隱

樂府聞桃葉人前道得無勸君書小字慎莫喚官奴
得妓

陳子良

微雨散芳菲中園照落暉絳樹搖歌扇綠珠飄舞衣
繁絃調對酒雜行動思歸恐人見羞見落花飛

詠妓

王勣

妖姬掃淨一作粧窈窕出蘭房日照當軒影風吹清
路香早時歌扇薄今日舞衫長不應令曲誤持此試
周郎

益州城西張超亭觀妓 盧照隣

落日明歌席行雲逐舞人江前飛暮雨梁上遶輕塵
冶眼看疑盡粧樓望似春高車勿遽返長袖欲相親

辛司法宅觀妓 盧照隣

南國佳人至北堂羅薦開長裙隨風管促柱送鸞杯
雲光身後落雪態掌中回到愁金谷晚不怪玉山頽

岐王席觀妓 崔顥

唐詩類苑 卷之百三十五 七

二月春來半王家日正長柳垂金屋暖花發玉樓香
拂匣光臨鏡調笙更炙簧還將歌舞態只擬奉君王

岐王席觀妓 張諤

半額畫雙蛾盈盈燭下歌玉杯寒意少金屋夜情多
香豔王分帖裙嬌勅賜羅平陽莫相妬喚出不如他

秋獵孟諸夜歸置酒單父東樓觀妓 李白

見產業部獵

在水軍宴韋司馬樓船觀妓

李白

搗毬毬在空清流順歸風詩因鼓吹發酒爲劍歌雄
對舞青樓妓雙環白玉童行雲且莫去留醉楚王宮

數陪李梓州泛江有女樂在諸舫戲爲豔曲

二首 杜甫

上客迴空騎佳人滿近船江清歌扇底野曠舞衣前
玉袖凌風並金壺隱浪偏競將明媚色偷眼豔陽天

二

白日移歌袖青霄近笛牀翠眉縈度曲雲鬢儼分行
立馬千山暮迴舟一水香使君自有婦莫學野鴛鴦

陪諸貴公子丈八溝攜妓納涼晚際遇雨二

唐詩類苑 卷之百三十五 八

首 杜甫

落日放船好輕風生浪遲竹深留客處荷淨納涼時
公子調冰水佳人雪藕絲片雲頭上黑應是雨催詩

二

雨來沾席上風急打船頭越女紅裙濕燕姬翠黛愁
纔侵堤柳繫慢捲浪花浮歸路翻蕭颯陂塘五月秋

揚州雨中張十七宅觀妓 張諤

夜色帶一作寒煙燈花拂更燃殘粧添石黛舞落
金鈿掩笑頻歌扇迎歌乍動絃不知巫峽雨何事海

西邊

五日觀妓

萬楚

見歲時部五月五

過李將軍南鄭林園觀妓 劉長卿

郊原風日好百舌弄何頻
小婦秦家女將軍天上人
鴉歸長郭暮草映大堤春
客散垂楊下通橋車馬塵

夜觀妓

儲光義

白雪宜新舞清宵召楚妃
嬌童攜錦薦侍女整羅衣
花映垂鬟轉香迎步履飛
徐徐飲長袖雙燭送將歸

陪辛大夫西亭宴觀妓

劉長卿

歌舞憐遲日旄麾映早春
鶯窺隴西將花對洛陽人

唐詩類苑

卷之百五十五

九

醉罷知何事恩深忘此身
任他行雨去歸路裏香塵

贈柳氏之妓

鄭還古

冶艷出神仙歌聲勝管絃
詞輕白紵曲歌遏碧雲天
未擬生裴秀如何乞鄭玄
不堪金谷水橫過墮樓前

觀舞妓

溫庭筠

朔音悲嘒管瑤踏動芳塵
總袖時增怨聽破復含嚬
凝腰倚風軟花題照錦春
朱絃固淒緊瓊樹亦迷人

李員外秦媛宅觀妓

沈佺期

盈盈粉署郎五日宴春光
選客虛前館徵聲偏後堂
玉釵翠羽飾羅袖樽金香
提攜隨時廣挑環出意長

嘯歌遙合態度舞暗成行
巧落梅庭裏斜光映曉粧

溫泉馮劉二監客舍觀妓 張說

溫谷寒林暮群遊樂事多
佳人蹀駿馬乘月夜相過
秀色燃紅黛嬌香發綺羅
鏡前鸞對舞琴裏鳳傳歌
妬寵傾新意銜恩奈老何
爲君留上客歡笑歛雙蛾

宴崔明府宅夜觀妓

孟浩然

畫堂觀妙妓長夜正留賓
燭吐蓮花艷粧成桃李春
髻鬟低舞席衫袖掩歌唇
汗濕偏宜粉羅輕詎肯停

調移箏柱促歡會酒杯傾
倘使曹王見應嫌洛陽人

贈歌妓二首

李商隱

唐詩類苑

卷之百五十五

十

水精如意玉連環下蔡城
危莫破顏紅綻櫻桃含白

雪斷腸聲裏唱陽關

白日相思不奈何嚴城清
夜斷經過只知解道春來
瘦不道春來獨自多

贈廣陵妓

張又新

雲雨分飛二十年當時求
夢不曾眠今來頭白重相
見還上襄王玳瑁筵

贈歌妓

崔仲容

水剪雙眸霧剪衣當筵一
曲媚春暉瀟湘夜色怨猶
在巫峽曉雲愁不稀皓齒
乍分寒玉細黛眉輕蹙遠

山微渭陽朝雨休重唱滿眼陽關客未歸

彭州蕭使君出妓夜宴見送

羊士諤

玉顏紅燭忽驚春微步凌波暗拂塵自是當歌歛眉黛不應惆悵爲行人

送零陵妓

戎昱

寶鈿香蛾翡翠裙粧成掩泣欲行雲殷勤好取裏王意莫向陽臺夢使君

題北里妓人壁

孫棨

寒繡衣裳餉阿嬌新圖香獸不禁燒東隣起樣裙腰唐詩類苑卷之三十五

王

闊刺蹙黃金一兩條

觀蠻妓

王建

欲說昭君歛翠娥清聲委曲怨於歌誰家年少春風裏拋與金錢唱好多

觀妓

司空曙

翠蛾紅臉不勝情管絕絃餘發一聲銀燭搖搖塵暗下却紅粉淚痕生

王郎中席歌妓

顧況

柳拂青樓花滿衣能歌宛轉世應稀空中幾處聞清響欲遠行雲不遣飛

襄陽中堂與妓人賞花戲語嘲之

段成式

鷺裏花前選孟光東山逋客酒初狂素娥畢竟難防備燒得河車莫遣嘗

和段成式

周繇

迴簪轉黛喜猜防粉署裁詩助酒狂若遇仙丹符羽化便隨蕭史亦何傷

贈妓人

孫棨

綵翠鮮衣紅玉膚輕盈年在破瓜初霞杯醉喚劉賭雲髻慵邀阿母梳不怕寒侵綠帶寶每憂風舉倩唐詩類苑卷之三十五

王

持裾謾圖西子爲粧樣西子元來未得如

贈薛瑤英

賈至

舞怯銖衣重笑疑桃臉開方知漢成帝虛築避風臺出妓金陵子呈盧六四首李白

南國新豐酒東山小妓歌對君君不樂花有奈愁何

二

東道烟霞主西江詩酒筵相逢不覺醉日墮歷陽川

三

安石東山三十春傲然攜妓出風塵樓中見我金陵子何似陽臺雲雨人

四

小妓金陵歌楚聲家僮丹砂學鳳鳴我亦爲君飲清酒君心不肯向人心

贈酒店胡妃

賀朝

胡妃春酒店絃管夜鏘鏘紅毬鋪新月貂裘坐薄霜玉盤初膾鯉金鼎正烹羊上客無勞散聽歌樂世娘

詠談容娘

常非月

舉手整花鈿翻身舞錦筵馬圍行處匪人壓看場圓歌要一作索齊聲和情教細語傳不知心大小容得許多憐

唐詩類苑

卷之三十五

五

同張明府碧溪作

孟浩然

別業聞新製同聲應者多還看碧溪合不美綠珠歌自有陽臺女朝朝拾翠過綺筵鋪錦繡粧牖閉藤蘿秩滿休閑日春餘景色和仙鳬能作伴羅襪共凌波別島羣花藥迴潭折菱荷更憐斜日照紅粉艷青蛾

示金陵子一作金陵子詞

李白

金陵城東誰家子竊聽琵琶聲碧牕裏落花一片天上來隨人直渡西江水楚歌吳語嬌不成似能未能最有情謝公正要東山妓攜手林泉處處行

寄李蘇州兼示楊瓊

白居易

真娘墓頭春草碧心奴鬢上秋霜白爲問蘇臺酒席中使君歌笑與誰同就中猶有楊瓊在堪上東山伴謝公

情人玉清歌

畢

耀一作張南容

洛陽城中有一人名玉清可憐玉清如其名善踏斜柯能獨立嬋娟花艷無人及珠爲幌玉爲纓臨春風吹玉笙悠悠滿天星黃金閣上晚粧成雲和曲中爲曼聲玉梯不得踏搖袂兩盈盈城頭之日復何情

泰娘歌并序

劉禹錫

泰娘本章尚書家主謳者初尚書爲吳郡得之命樂工誨之琵琶使之歌且舞無幾何盡得其術居一二歲攜之以歸京師京師多新聲善工於是又捐去故技以新聲度曲教之又盡其妙而泰娘名字往往見稱於貴遊之間元和初尚書薨於東京泰娘出居民間久之爲蘄州刺史張憑所得其後憑坐事謫居武陵郡憑卒泰娘無所歸地荒且遠無有能知其容與藝者故日抱樂器而哭其音唯殺以悲雖客聞之爲歌其事以足於樂府云

唐詩類苑

卷之百五

五

泰娘家本閬門西門前綠水環金堤有時粧成好天氣走上高橋折花戲風流太守韋尚書路傍忽見停

隼旗斗量明珠鳥傳意紺幃迎入專城居長髮如雲
衣似霧錦茵羅薦承輕步舞學驚鴻水榭春歌撩上
客蘭堂暮從郎西入帝城中貴遊簪組香簾攏低鬟
媛視抱明月纖指破撥生胡風繁華一旦有消歇題
劍無光履聲絕洛陽舊宅生草萊杜陵蕭蕭松栢哀
粧奩蟲網厚如簾博山爐側傾寒灰蘄州刺史張公
子白馬新到銅駝里自言買笑擲黃金月墜雲收從
此始安知鵬鳥座閑飛寂寞旅魂招不歸秦家鏡有
前時結韓壽香銷故篋衣山城少人江水碧斷鴈哀
猿風雨夕朱絃已絕爲知音雲鬢未秋私自惜舉目
唐詩類苑 卷之百十五 五

風煙非舊時夢尋歸路多參差如何將此千行淚更

灑湘江斑竹枝

洛姝真珠

李賀

真珠小娘下清郭洛苑香風飛綽綽寒鬢斜釵玉燕
光高樓唱月敲懸璫蘭風桂露灑幽翠紅絃曼雲咽
深思花袍白馬不歸來濃蛾疊柳香脣醉金鵝屏風
蜀山夢驚裾鳳帶行煙重入曉籠見臉差移日絲繁
散曛羅洞市南曲陌無秋涼楚腰衝鬢四時芳玉喉
窸窣排空光牽雲曳雪留陸郎

許公子鄭姬歌

李賀

許史世家外親貴宮錦千端買沈醉銅駝酒熟烘明
膠古堤大柳煙中翠桂開客花名鄭袖入洛聞香鼎
開口先將芍藥獻粧臺後解黃金大如斗莫愁簾中
許合歡清絃五十爲君彈彈聲咽春弄君骨骨興牽
人馬上鞍兩馬八蹄踏蘭苑情如合竹誰能見夜光
玉枕棲鳳凰拾羅當門刺純綫長翻蜀紙卷明君轉
角含商破碧雲自從小曆來東道曲里長眉少見
相如塚上生秋栢三秦誰是言情客蛾鬢醉眼拜
宗爲謁皇孫請曹植

後魏時相州人作李波小妹歌疑其未備因

唐詩類苑 卷之百十五 五

補之

韓偓

李波小妹字雍容窄衣短袖鬢錦紅未解有情夢梁
殿何曾自媚妬吳宮誰教牽引知酒味因令悵望成
春慵海棠花下鞦韆畔背人撩鬢道怱怱

贈段七娘

李白

羅襪凌波生網塵那能得計訪情親千杯綠酒何辭
醉一面紅粧惱殺人

片夜重寄宋華陽姊妹

李商隱

偷桃竊藥事難兼十二城中鎖彩蟾應共三英同夜
賞玉樓仍是水精簾

詠薛濤

胡曾

萬里樓臺女校書，琵琶花下閉門居。
掃眉才子知多少，管領春風總不如。

贈碧玉

于鵠

新繡龍裙荳蔻花，路人笑上返金車。
霓裳禁曲無人解，暗問梨園弟子家。

題妓王福娘墻

孫棨

移壁迴牕廢幾朝，指環偷解博蘭椒。
無端關女更被捻，將玉步搖。

別青州妓段東美

薛宜僚

唐詩類苑

卷之五十五

三七

阿母桃花方似錦，王孫草色亦如煙。
不須更向滄溟望，惆悵歡情又一年。

悅妓行雲詩

鄭史

最愛鉉華薄薄粧，更兼衣著又鵝黃。
從來南國多佳麗，何事今朝在北行。

聽盛小叢歌贈崔侍御

李訥

李尚書訥爲浙東廉使，夜登越城樓聞歌曰：鴈門山上鴈初飛，其聲激切召至曰：去籍之妓盛小叢也。時察院崔侍御元範自府幕赴闕庭，李餞之，命小叢歌餞，在座各爲一絕贈送之。崔下句云：獨向

栢臺爲老吏，或曰：侍御鳳閣中書，卽其程也。何老於栢臺請改之？崔不可。是年秋，崔鞫獄譙中，乃終於栢臺之任。

繡衣奔命去情多，南國佳人歛翠娥。
曾向教坊聽國樂，爲君重唱盛叢歌。

奉和聽妓歌贈崔侍御

崔元範

羊公留宴岷山亭，洛浦高歌五夜情。
獨向栢臺爲老吏，可憐林木響餘聲。

奉和聽妓歌贈崔侍御

封彥冲

蓮府纔爲綠水賓，忽乘駿馬入咸秦。
爲君唱作西河調，日暮偏傷去住人。

唐詩類苑

卷之五十五

三八

奉和聽妓歌贈崔侍御

盧鄴

何郎載酒別賢侯，更吐歌珠宴庾樓。
莫道江南不同醉，卽倍舟楫上京遊。

奉和聽妓歌贈崔侍御

高湘

謝安春渚餞袁宏，千里仁風一扇清。
歌黛慘時方酹酒，不知公子重飛觥。

奉和聽妓歌贈崔侍御

盧澹

鳥臺上客紫髯公，共捧天書靜境中。
桃李不辭歌白苧，耶溪暮雨起樵風。

奉和聽妓歌贈崔侍御 楊知至

趙燕能歌有幾人，爲花回雪似含顰。
聲隨御史西歸去，誰伴文翁怨九春。

贈薛瑤英

楊炎

雪面淡眉天上女，鳳簫驚翅欲飛去。
玉山羶翠步無塵，楚腰如柳不如春。

遇湖州妓宋態宜二首

李涉

長憶雲仙至小時，芙蓉頭上綰青絲。
當時驚覺高唐夢，唯有如今宋玉知。

陵陽夜燕使君筵，解語花枝在眼前。
自從明月西沈後，不見嫦娥二十年。

唐詩類苑

卷之五十五

五

海不見嫦娥二十年

贈濤詩因寄舊詩與之

元稹

詩篇調態人皆有，細膩風光我獨知。
月夜詠花憐暗淡，雨朝題柳爲欹垂。

長教碧玉藏深處，總向紅樓寫自隨。
老大不能收拾得，與君開似教男兒。

代羅敷誚使君

曹鄴

常言愛嵩山，別妾向東京。
朝來見人說，却知在石城。

未必蒿蒲花，只向石城生。
自是使君眼，見物皆有情。

中山孺子妾歌

李白

中山孺子妾，特以色見珍。
雖然不如延年妹，亦是當時絕世人。
桃李出深井，花艷驚上春。
一貴復一賤，關天豈由身。
芙蓉老秋霜，團扇羞網羅。
戚姬髮入春，市萬古共悲辛。

號國夫人

杜甫

號國夫人承主恩，平明上馬入宮門。
却嫌脂粉污顏色，淡掃蛾眉朝至尊。

席上贈人

故桂府榮陽公

李商隱

淡煙微雨恣高唐，一曲清聲遠畫梁。
料得也應憐宋玉，只應無奈楚襄王。

唐詩類苑

卷之五十五

三

席上有贈

韓偓

矜嚴標格絕嫌猜，猜怒難逢笑靨開。
小鴈斜侵眉柳去，媚霞紅接眼波來。
鬢重香頸雲遮藕，粉着蘭膏雪壓梅。
莫道風流無宋玉，好將心力事粧臺。

三婦艷

董思恭

大婦裁紈素，中婦弄明璫。
小婦多姿態，登樓紅粉粧。

丈人且安坐，初日漸流光。

三婦艷

王紹宗

大婦能調瑟，中婦詠新詩。
小婦獨無事，花庭曳履綦。
上客且安坐，春日正遲遲。

雜曲

王勃

智瓊神女來訪文君蛾眉始勾羅裙初薰歌齊曲韻
舞亂行分若向陽臺薦枕何啻得勝朝雲

樂府新歌應教

謝偃

青樓綺閣已含春凝粧豔粉復如神細細輕裙一作
全漏影離離薄扇詎障塵樽中酒色恒空滿一作
聲不厭新紫燕欲飛先遶棟黃鸝如哢印嬌人
垂絲昏柳陌參差濃葉暗桑津上客莫畏斜光暗日
有西園明月輪

新曲二首

長孫無忌

唐詩類苑

卷之百三十五

主

阿儂家住朝歌下早傳名結伴來遊淇水上舊長情
玉佩金鈿隨步遠一作雲羅霧縠逐風輕轉目機心
懸自許何須更待聽琴聲

迴雪凌波遊洛浦遇陳王婉約娉婷工語笑侍蘭房
芙蓉綺帳還開掩翡翠珠被爛齊光長願今宵奉顏
色不愛吹一作簫逐鳳凰

堂堂二首

李義府

樂苑曰堂堂角調曲唐高宗朝曲也會要曰調露
中太子既廢李嗣真私謂人曰禍猶未已主上不
親庶務事無巨細決於中宮宗室雖衆俱在散位

居中制外其勢不敵恐諸王藩翰爲中官所蹂踐

矣隋已來樂府有堂堂曲再言唐者是唐再受命

也中宮僭擅復歸子孫則爲再受命矣近日間里

又有側堂堂撓堂堂之謠側者不正之詞撓者不

安之稱將見患難之作不久矣後皆如其言按堂

堂本陳後主所作唐爲法曲故白居易詩云法曲

法曲歌堂堂是也

二

鏤月成歌扇裁雲作舞衣自憐回雪影好取洛川歸

懶整鴛鴦被羞褰玳瑁牀春風別有意密處也尋香

唐詩類苑

卷之百三十五

主

火鳳詞二首

李百藥

樂苑曰火鳳羽調曲也又有真火鳳唐會要曰貞
觀中有裴神符者妙解琵琶初唯作勝蠻奴火鳳
傾杯樂三曲聲度清美太宗深愛之則火鳳蓋貞
觀已前曲也

歌聲扇後出粧影鏡中輕未能含掩笑何處欲墮聲
知音自不惑待念是分明莫見雙嚔歛疑人含笑情

二

佳人靚晚粧清唱動蘭房影入出一作含風扇聲飛照

日梁嬌嚔眉際歛逸韻口中香自有橫陳分一作應

憐秋夜長

春情

孟浩然

青樓曉色珠簾映紅粉春粧寶鏡催已厭交情憐枕
席相將遊戲選池臺坐時衣帶繁纖草行即裙裾掃
落悔更遲明朝不當作相期共鬪管絃來

春情

韓偓

髻根鬆慢玉釵垂指點花枝又過時坐久暗生惆悵
事映人勻却淚胭脂

哀娜

韓偓

哀娜腰肢淡薄粧六朝官樣窄衣裳着詞暫見櫻桃
唐詩類苑 卷之百五十五

破飛蓋盈聞豈蕊香春惱情懷身覺瘦酒添顏色面
生光此時不敢分明道風月應知暗斷腸

詠手

韓偓

暖白膚紅玉笋芽調琴抽線露尖斜背人細然垂煙
簾向鏡輕勻襯臉霞悵望昔逢寒繡幔依稀曾見托
金車後園笑向同行道摘得靡蕪又一攬

寵幸

鄭櫻桃歌二首

李頎

晉書載記曰石季龍勅之從子也性殘忍勒為聘
將軍郭榮之妹為妻季龍寵感優渥鄭櫻桃而殺

郭氏更納清河崔氏櫻桃又譜而殺之櫻桃美麗
擅寵宮掖樂府由是有鄭櫻桃歌

石季龍僭天祿擅雄豪美人姓鄭名櫻桃櫻桃美顏
香且澤娥娥侍寢專宮掖後庭卷衣三萬人翠眉清
鏡不得親官軍女妓一千匹繁花照耀漳河春織成
花映紅綸巾紅旗掣曳鹵簿新鳴聲走馬接飛鳥銅
欽琴瑟隨去塵鳳陽重門如意館百尺金梯倚銀漢
自言富貴不可量女為公主男為王赤花雙簾珊瑚
牀盤龍斗帳琥珀光滂昏偽位神所惡滅石諸陵終
不悞鄴城蒼蒼白露微世事翻覆黃雲飛

唐詩類苑

卷之百五十五

李賀

黃頭郎

李賀

黃頭郎撈攏去不歸南浦芙蓉影愁紅獨自垂水弄
湘娥珮竹啼山露月玉瑟調青門石雲濕黃葛沙上
靡蕪花秋風已先發好持掃羅薦香出鴛鴦被

唐詩類苑卷第一百三十六

明雲間張之象玄超甫纂輯

雲間姜雲龍神超甫編次

雲間王 徹叔朗甫補訂

梁谿曹仁孫伯安甫校正

人部

閨情

秋浦寄內

李白

我今潯陽去辭家千餘里結荷倦水宿却寄大雷書
雖不同辛苦愴離各自居我自入秋浦三年北信疎

唐詩類苑

卷之三百三

一

紅顏愁落日白髮不能除有客自梁苑手攜五色魚
開魚得錦字歸問我何如江山雖道阻意合不爲殊

自代內贈

李白

寶刀裁流水無有斷絕時妾意逐君行纏綿亦如之
別來門前草秋巷春轉碧掃盡還更生萋萋滿行跡
鳴鳳始何得雄鷲雌各飛遊雲落何山一往不見歸
估客發大樓知君在秋浦梁苑空錦衾陽臺夢行雨
妾家三作相失勢去西秦猶有舊歌管淒清聞四鄰
曲度入紫雲啼無眼中人妾似井底桃開花向誰笑
君如天上月不肯一回照窺鏡不自識別多憔悴深

安得秦吉了爲人道寸心

秋浦感主人歸燕寄內

李白

霜凋楚關木始知殺氣嚴寥寥金天廓婉婉綠紅澹
胡燕別主人雙雙語前簷三飛四回顧欲去復相瞻
豈不戀華屋終然謝珠簾我不及此鳥遠行歲已淹
寄書道中嘆淚下不能緘

贈內

白居易

生爲同室親死爲同穴塵他人尚相勉而况我與君
黔婁固窮士妻賢忘其貧冀缺一農夫妻敬儼如賓
陶潛不營生翟氏自爨薪梁鴻不肯仕孟光甘布裙

唐詩類苑

卷之三百三

二

君雖不讀書此事耳亦聞至此千載後傳是何如人
人生未死間不能忘其身所須者衣食不過飽與溫
蔬食足充饑何必膏粱珍繒絮足禦寒何必錦繡文
君家有貽訓清白遺子孫我亦真苦士與君新結婚
庶保貧與素偕老同欣欣

贈內

李白

三百六十日日日醉如泥雖爲李白婦何異太常妻

贈內子

白居易

白髮方興嘆青娥亦絆愁寒衣補燈下小女戲牀頭
閨澹屏帷故淒涼枕席秋貧中有等級猶勝嫁黔婁

寄內

河北士人

握筆題詩易荷戈征戍難慣從鴛被暖怯去鴈門寒
瘦盡寬衣帶題多漬枕檀試留青黛看盡日畫眉看

又代妻答

蓬鬢荆釵世所稀布裙還是嫁時衣胡麻好種無人
種正是歸時不見歸

南流夜郎寄內

李白

夜郎天外怨離居明月樓中音信疎北鴈春歸看欲
盡南來不得豫章書

別內赴徵三首

李白

唐詩類苑

卷之三百三十一

三

王命三徵去未還明朝離別出吳關白玉高樓看不
見相思須上望夫山

出門妻子強牽衣問我西行幾日歸來時倘佩黃金

印莫學蘇秦不下機

翡翠爲樓金作梯誰人獨宿倚門啼夜坐寒燈連曉

月行行淚盡楚關西

春晚紫微省直寄內

蘇頌

直省清華接建章向來無事日猶長花間燕子棲鳩
鵲竹下鷓鴣繞鳳皇內史通宵承紫誥中人落晚愛
紅粧別離不慣無窮憶莫誤卿卿學太常

寄內

白居易

桑條初綠卽爲別柿葉半紅猶未歸不如折柳贈時
節解爲田夫秋穡衣

贈內

白居易

漠漠閨苔新雨地微微涼露欲秋天莫對月明思往
事損君顏色減君年

舟夜贈內

白居易

三聲猿後垂鄉淚一葉舟中載病身莫凭水窗南北
望月明月暗總愁人

江樓望鄉寄內子

劉兼

唐詩類苑

卷之三百三十一

四

獨上江樓望故鄉淚襟霜笛共淒涼雲生隴首秋雖
早月在天心夜已長魂夢只能隨蛺蝶煙波無計學

鴛鴦蜀笈都有三千幅總寫離情寄孟光

及歸寄內

江陵士子

陰雲幕幕下陽臺若着裴王更不迴五度看花空有
淚一心如結不曾開纖蘿自合依芳樹覆水寧思返

舊杯惆悵高麗方底宅春光無復下山來

濠梁南楚材旅遊陳穎牧之眷無返舊意其

妻薛媛寫真寄之

薛媛

欲下丹青筆先拈寶鏡寒已驚顏索寞漸覺鬢凋殘

淚眼描將易愁腸寫出難恐君渾忘却時展畫圖看

遊秦別韞秀

元載

王忠嗣鎮北京以女韞秀歸元載歲久而見輕韞秀勸之遊學元乃遊秦爲詩別韞秀妻作詩請偕行元到京屢陳時務深符上旨肅宗擢拜中書王因寄諸妹詩後元爲肅代兩朝宰相貴盛無比元復爲一篇以喻之

年來誰不厭龍鍾雖在侯門似不容看取海山寒翠樹苦遭霜霰到秦封

同夫游秦

王韞秀

唐詩類卷之百三十六
路掃饑寒跡天哀志氣人休零別離淚攜手入西秦

寄諸姨妹

王韞秀

相聞已隨麟閣貴家風第一右丞詩笄年解笑鳴機婦耻見蘇秦富貴時

喻元載阻客

王韞秀

楚竹燕歌勸畫梁春蘭重換舞衣裳公孫開館招嘉客知道浮榮不久長

初除浙東妻有阻色因以四韻曉之

元稹

嫁時五月歸巴地今日雙旌上越州興慶首行千命

婦予在中書日妻以都君朝會稽旁帶六諸侯侯
太后於興慶宮長爲班首
翡翠閑相逐鏡水鴛鴦暖共遊我有主恩羞未報
於此外更何求

爲妻作生日寄意

李郢

郢初赴舉聞隣女有容求娶之遇有爭娶者女家無以爲辭乃曰備錢百萬先至者許之兩家具錢同日皆至女家無以爲辭復曰請各賦一詩以爲優劣郢乃得之登第回江南駐蘇州遇故人守湖州邀同行郢辭以决意春歸爲妻作生日故人不放與之胡琴焦桐方物等令且寄歸代意郢因賦

唐詩類卷之百三十六

六

此詩寄內

謝家生日好風煙柳暖花春二月天金鳳對翹雙翡翠蜀琴新上七絃弦鴛鴦交頸期千歲琴瑟和諧願百年應恨客程歸未得綠窻紅淚冷涓涓

送妻

劉志堅

平生志業在琴詩頭上如今有二絲漁父尚知谿谷眠山妻不信出身遲荆釵任意撩新鬢明鏡從他別盡眉今日便同行路客相逢卽是下山時

迴文詩

侯氏

會昌中邊將張睽防戎十年餘其妻侯氏繡迴文

作龜形詩詰闕進之

睽離已是十秋強對鏡那堪重理粧聞鴈幾回修尺素見霜先爲製衣裳開箱疊練先垂淚拂杵調砧更斷腸繡作龜形獻天子願教征客早還鄉

贈外

魏氏魏求已姊也

浮萍依綠水弱萼寄青松與君結大義移天德所從翰林無雙鳥劍水不分龍諧和類琴瑟堅固同膠漆義重恩欲深夷險貴如一本自身不令積多嬰痛疾朝夕倦牀枕形體耻巾櫛遊子倦風塵從官初解巾束裝赴南郢脂駕出西秦比翼路難遂御雀苦未因

唐詩類苑

卷之三百三十六

七

閨情

李白

流水去絕國浮雲辭故關水或戀前浦雲猶歸舊山恨君流沙去棄妾漁陽間玉筍夜乘流雙雙落朱顏黃鳥坐相悲綠楊誰更攀織錦心草草挑燈淚斑斑窺鏡不自識况乃江天還

閨情

鄭虔

銀鑰開香閣金臺點夜燈長征君自慣獨卧妾何曾

正月閨情

袁暉

正月金闥裏微風繡戶間曉魂憐別夢春思逼啼顏遶砌梅堪折當軒樹未攀歲華庭北上何日度陽關

二月閨情

袁暉

二月韶光好春風香氣多園中花巧笑林裏鳥能歌有恨離琴瑟無情着綺羅更聽春燕語妾亦不如他

三月閨情

袁暉

三月時將盡空房妾獨居蛾眉愁自結鬢髮沒情梳

七月閨情

袁暉

唐詩類苑

卷之三百三十六

八

七月坐涼宵金波滿麗澤容華芳意改枕席怨情饒錦字沾愁淚羅裙緩細腰不如銀漢女歲歲鵲成橋

閨情

孟浩然

一別隔炎涼君衣忘短長裁縫無處等以意忖情量畏瘦疑傷窘防寒更厚裝半啼封裏了知欲寄誰將

閨情

王諶

日暮裁縫歇深燎氣力微纔能收篋笥懶起下簾帷愁坐空燃燭愁眠不解衣昨來頻夢見夫壻莫應知

閨情

杜牧

娟娟却月眉新釐學鵲飛暗砌勻檀粉晴窗畫夾衣

袖紅垂寂寞眉黛飲依稀遠向長陵去今宵歸不歸

閨情

戎昱

側聽宮官說知君寵尚存未能開笑顏先欲換愁魂
寶鏡窺粧影紅衫裛淚痕昭陽今再入寧敢恨長門

閨情

李商隱

紅露花房白蜜脾黃蜂紫蝶兩參差春窻一覺風流
夢却是同袍不得知

閨情

李端

月落星稀天欲明孤燈未滅夢難成披衣更向門前
望不念朝來鵲喜聲

唐詩類苑

卷之三百三

九

閨情代作

杜牧

梧桐葉落鴈初歸迢遞無因寄遠衣月照石泉金點
冷風酣簫管玉聲微佳人力杵秋風外蕩子從征夢
寐希遙望戍樓天欲曉滿城鼙鼓白雲飛

閨婦

白居易

斜凭繡牀愁不動紅銷帶緩綠鬟低遼陽春盡無消
息夜合花前日又西

閨情

韓偓

時光潛去暗淒涼懶對菱花暈曉粧初拆鞦韆人寂
寞後園青草任他長

閨怨

戴叔倫

看花無語淚如傾多少春風怨別情不識玉門關外
照夢中昨夜到邊城

春閨同李員外賦

崔湜

落日啼連夜孤燈坐徹明捲簾雙燕入披幌百花驚
隴上寒應晚閨中織未成管絃愁不意梳洗懶無情
去歲聞西伐今年送北征容顏離別盡流恨滿長城

春閨

徐彥伯

戍客成清波幽閨幽思多暗梁聞語燕夜燭見飛蛾
寶匣藏脂粉金屏綴綺羅裁衣卷紋素織錦度鳴梭

唐詩類苑

卷之三百三

十

有使通西極緘書寄北河年光只恐盡征戰莫蹉跎

春閨

張仲素

裊裊城邊柳青青陌上桑提籠忘採葉昨夜夢漁陽

晚春閨思

王維

新粧可憐色落日卷羅帷
春蟲飛網戶暮雀隱花枝
向晚多愁思閑窻桃李時

春閨

羅鄴

愁坐蘭牕日過遲
在楊柳橋邊人未歸
玉筍豈能留舞態
金河猶自流
戎衣梨花滿院東風急
惆悵無言倚錦機

秋閨

喬知之

南庭結白露北風掃黃葉此時鴻鴈來驚鳴催思妾
曲房理針線平砧搗紋練鴛綺裁已成龍鄉信難見
窈窕九重閨寂寞十年啼紗窗白雲宿羅幌月光棲
雲月隱微微夜上流黃機玉霜東珠寢金吹薄羅衣
漢家已得地君去將何事宛轉結蠶書寂寥無鴈使
平生荷恩信本爲容華進况復落紅顏蟬聲催白鬢

秋閨

鄭 愔

征客向輪臺幽閨寂不開音書秋鴈斷機杼夜蛩催
虛幌風吹葉閑堦露染苔自憐愁思影常共月徘徊

唐詩類苑

卷之百三十六

十一

秋閨

邵士彥

斜日空庭暮幽閨積恨盈細風吹帳冷微月度窻明
怨坐啼相續愁眠夢不成調琴欲有弄畏作斷腸聲

秋閨

沈祖光

白馬三軍客青蛾十載思玉庭霜落夜羅幌月明時
爐冷蜘蛛喜燈寒熠燿期愁多不可曙流涕坐空幃

秋閨思二首

張仲素

碧窻斜月滿深輝愁聽寒蟬淚濕衣夢裏分明見關
塞不知何路向金微

秋天一夜靜無雲斷續鴻聲到曉聞欲寄征人間消

息居延城外又移軍

寒閨夜

白居易

夜半衾裯冷孤眠懶未能籠香銷盡火巾淚滴成水
爲惜影相伴通宵不滅燈

酬杜麟臺春思

崔 湜

湜與弟澄液從兄洩並有文翰列居清要每私宴
自比王謝之家謂人曰吾門戶及出身歷官未嘗
不爲第一丈夫當先據要路以制人豈能默默受
制於人故進取不已湜執政時年三十六嘗暮出
端門下天津上馬賦詩曰春還上林苑花滿洛陽

唐詩類苑

卷之百三十六

十三

城張說見之嘆曰文與位固可致其年不可及也

春還上林苑花滿洛陽城鴛衾夜凝思龍鏡曉含情
憶夢殘燈落離魂聞馬驚可憐朝與暮樓上獨盈盈

春思

李 白

燕草如碧絲秦桑低綠枝當君懷歸日是妾斷腸時
春風不相識何事入羅帷

閨人春思

王 維

愁見遙空百丈絲春風挽斷更傷離閑花落盡青苔
地盡日無人誰得知

春思二首

賈 至

草色青青柳色黃桃花歷亂李花香東風不爲吹愁
去春日偏能惹恨長

紅粉當爐弱柳垂金花臘酒解醺醺笙歌日暮能留
客醉殺長安輕薄兒

春詞三首

常建

階下草猶短牆頭梨花白織女高樓上停梭顧行客
問君在何所青鳥舒錦翮

苑苑黃柳絲濛濛雜花垂日高紅粧卧倚對春光遲
寧知傍淇水腰裏黃金羈

翳翳陌上桑南枝交北堂美人金梯出素手自提筐

唐詩類苑

卷之百十六

三

非但畏蠶機盈盈嬌路傍

遊春詞二首

令狐楚

曉遊臨碧殿晚日上春亭芳樹羅仙苑晴山轉翠屏

二

一夜好風吹新花一萬枝風前調玉管花下簇金羈

春詞

張籍

新粧面面下朱樓深鎖春光一院愁行到中庭數花

朶蜻蜓飛上玉搔頭

傷春詞

白居易

深淺簷花千萬枝碧紗窗外黃鸝殘粧含淚下簷

坐盡日傷春春不知

和杜麟臺元志春情

沈佺期

嘉樹滿中園氛氲羅秀色不見仙山雲倚瑟空太息
沈思若在夢緘怨似無憶青春坐南移白日忽西匿

娥眉返清鏡閨中不相識

春畫

韓偓

春融艷艷大醉陶陶漏添遲日箭減良宵藤垂戟戶

柳拂浮橋簾幕燕子池塘伯勞膚清背瘦衫薄香銷

楚殿衣窄南朝髻高河南縣遠清波地遙絲纏路泣

各自無憀

唐詩類苑

卷之百三十八

十四

春夜裁縫

薛維翰

珠箔因風起飛蛾入最能不教人夜作方便殺明燈

春遊樂二首

李端

遊童蘇合彈倡女蒲葵扇初日映城時相思忽相見

褰裳踴露草理鬢迴花面薄暮不同歸留情此芳甸

二

柘彈連錢馬銀鈎髮髻鬟摘桑陌上踏草夕陽間

意合辭先露心誠貌却閑明朝苦相憶雲雨出巫山

春歸二首

韓偓

因傾欹檻惇醒來情緒外三黃杏

二
氤氲帳裏香薄薄睡時粧長吁解羅帶怯見上空牀

春懷引

李賀

芳溪密影成花洞柳結濃煙花帶重蟾蜍碾玉掛明
弓捍撥裝金打仙鳳寶枕垂雲選春夢鈿合碧寒龍
腦凍阿侯繫錦覓周郎憑仗東風好相送

春怨

戴叔倫

金鴨香銷欲斷魂梨花春雨掩重門欲知別後相思
意回看羅衣積淚痕

春愁篇

韓琮

唐詩類苑

卷之百三十五

五

金烏長飛玉兔走青鬢長青古無有秦娥十六語如
絲未解貪花惜楊柳吳魚橫鴈無消息水盼蘭情別
來久勸君年少莫遊春暖風遲日濃如酒

秋思二首

李白

關氏黃葉落安望白登臺海上碧雲斷單于秋色來
胡兵沙塞合漢使玉關回但客無歸日空悲蕙草摧

二

春陽如昨日暮樹鳴黃鵠燕然蕙草暮颯爾涼風吹
天秋水葉下月沙鷗悲坐愁群芳歇白露凋華滋

秋夜曲二首

王維

魏文帝詩曰漫漫秋夜長烈烈北風涼展轉不能
寐披衣起徬徨徬徨忽已久白露沾我衣俯視清
水波仰看明月光又曰草蟲鳴何悲孤鴈獨南翔

鬱鬱多悲思綿綿思故鄉秋夜長共取諸此
丁丁漏水夜何長漫漫輕雲露月光秋逼暗蟲通夕
響寒衣未寄莫飛霜

桂魄初生秋露微輕羅已薄未更衣銀箏夜久殷勤
弄心怯空房不忍歸

靜夜思

李白

牀前看月光疑是地上霜舉頭望山月低頭思故鄉

寒夜

孟浩然

閨夕綺窗閉佳人罷縫衣理琴開寶匣就枕卧重幃
夜久燈花落熏籠香氣微錦衾重自暖遮莫曉霜飛

和玉真秋夜有所思

盧照隣

樂府解題曰古詞言有所思乃在大海南何用問
遺君雙珠玳瑁簪聞君有他心燒之當風揚其灰

從今已往勿復相思而與君絕也按古今樂錄漢

太樂食舉第七曲亦用之不知與此同否若齊王
融如何有所思梁劉繪別離安可再但言離思而

已宋何承天有所思篇曰有所思昔人曾閱二子

善養親則言生罹荼苦哀慈親之不得見也

秋寂南軒夜悠然懷所知長河落鴈苑明月下鯨池
鳳臺有清曲此曲何人吹丹唇間玉齒妙響入雲涯
竊若秋風葉空庭寒露枝勞歌欲百和星鬢已將垂

和杜主簿春日有所思 蘇頌

朝上高樓上俯見洛陽陌搖蕩吹花風落英紛已積
美人不共此芳好空所惜攬鏡塵網滋當窻苔蘚碧
網懷在雲漢良願睽枕席翻似無見時如何久爲客

有所思 女郎劉雲

朝亦有所思暮亦有所思登樓望君處霧霧關道

唐詩類苑 卷之百三十八 七

掩淚向浮雲誰知妾懷抱玉井蒼苔青院深桐花落
盡無人掃

有所思 王勃

賤妾留南楚征夫向北燕三秋方一日少別比千年
不掩頰紅縷無能數綠錢相思明月夜迢遞白雲天

有所思 沈佺期

君子事行役存虛芳歲期美人曠延佇萬里浮雲思
圓權綻紅艷郊桑柔綠滋坐看長夏晚秋月照羅帷

有所思 韋應物

借問堤上柳青青爲誰春空遊昨日地不見昨日人

繚繞萬家井往來車馬塵莫道無相識要非心所期

有所思與孟郊聯句 韓愈

相思繞我心日夕千萬重年光坐婉晚春淚銷顏容
如臺鏡晦舊暉庭草滋新茸望夫山上石別劍水中
龍愈

有所思 盧仝

當時我醉美人家美人顏色嬌如花今日美人棄我
去青樓珠箔天之涯娟娟姮娥月三五二八盈又缺

翠眉蟬鬢生別離一望不見心斷絕心斷絕幾千里
夢中醉卧巫山雲覺來淚滴湘江水平江兩岸花木

唐詩類苑 卷之百三十八 十八

深美人不見愁人心含愁更奏綠綺琴調高絃絕無
知音美人兮美人不知爲暮雨兮爲朝雲相思一夜
梅花發忽到窻前疑是君

有所思 孟郊

枯槁烽火晝不滅客路迢迢信難越古鎮刀攢萬片
霜寒江浪起千堆雪此時西去定如何空使南星遠

凄切

有所思 李賀

去年陌上歌離曲今日君書遠遊蜀簾外花開二月
風臺前淚滴千行竹琴心與妾腸此夜斷還續想君

白馬懸雕弓世間何處無春風君心未肯鎮如石
顏不久如花紅夜殘高碧橫長河河上無梁空白波
西風未起悲龍梭年年織素攢雙蛾江山迢遞無
絕淚眼看燈乍明滅自從孤館深鎖窻桂花幾度
還缺鴉鴉向曉鳴森木風過池塘響叢玉白日蕭條
夢不成橋南更問仙人卜

長相思

白居易

古詩曰客從遠方來遺我一書札上言長相思下
言久離別李陵詩曰行人難久留各言長相思蘇
武詩曰生當沒來歸死當長相思長者久遠之辭

唐詩類苑

卷之百三十五

七

言行人久戍寄書以遺所思也古詩又曰客從遠
方來遺我一端綺文綵雙鴛鴦裁成合歡被着以
長相思緣以結不解謂被中着綿以致相思綿綿
之意故曰長相思也又有千里思與此相類

九月西風興月冷霜華凝思君秋夜長一夜魂九升
二月東風來草拆花心開思君春日遲一日腸九迴
妾住洛橋北君住洛橋南十五即相識今年二十三
有如女蘿草生在松之側蔓短枝苦高索迴上不得
人言人有願願至天必成願作遠方步步比肩行
願作深山水枝枝連理生

長相思二首

令狐楚

二

君行登隴上妾夢在閨中玉箸千行落銀牀一半空

長相思

曹鄴

綺席春眠覺紗窻曉望迷朦朧殘夢裏猶自在遼西
剪妾身上巾贈郎傷妾神郎車不暫停妾貌寧長春
青天無停雪滄海無停津道妾空牀夢夜夜隨車輪

長相思

權德輿

少小別潘郎嬌羞倚畫堂有時裁尺素無事約殘黃
鵲語臨粧鏡花飛落繡牀相思不解說明月照空房

唐詩類苑

卷之百三十六

七

長相思

蘇頌

君不見天津橋下東流水南望龍門北朝市楊柳青
青宛地垂桃紅李白花參差花參差柳堪折此時憶
君心斷絕

長相思二首

李白

長相思在長安綠緯秋啼金井闌微霜淒淒簾色寒
孤燈不明思欲絕捲帷望月空長嘆美人如花隔雲
端上有青雲之長天下有綠水之波瀾天長路遠魂
飛苦空山難長相思摧心肝
日色已盡花含露月明欲素愁不眠趙瑟初停鳳凰

杜蜀琴欲奏鴛鴦絃此曲有意無人傳願隨春風寄
燕然憶君迢迢隔青天昔時橫波目今爲流淚泉不
信妾腸斷歸來看取明鏡前

長相思

劉復

長相思在桂林蒼梧山遠瀟湘深秋堂零淚倚金瑟
朱顏搖落隨光陰長宵嘹唳鴻命侶河漢蒼蒼隔牛
女寧知一水不可渡况復萬山修且阻綵絲織綺文
雙鴛昔時贈君君可憐何言一去瓶落井流塵歎滅
金爐前

相思極

曹鄴

唐詩類苑 卷之百三十五 五
妾顏與日空君心與日新三年得一書猶在湘之濱
料君相輕意知妾無至親况當受明禮不令再嫁人
願君從此日化質爲妾身

相思曲

戴叔倫

高樓重重閉明月腸斷仙年隔山別紫簫橫笛寂無
聲獨向瑤窻坐愁絕魚沈鴈杳天涯路始信人間別
離苦恨滿牙牀翡翠衾愁折金釵鳳凰股井深曉
庭綆短衣帶相思日應緩將刀斫水水復連揮刃割
情情不斷落紅亂逐東流水一點芳心爲君死妾身
願作巫山雲飛入仙郎夢魂裏

相思

李商隱

相思樹上合歡枝紫鳳青鸞並羽儀腸斷秦臺吹管
落日西春盡到來遲

暮相思

韋應物

朝出自不還暮歸花盡發豈無終日會惜此花間月
空館忽相思微鍾坐來歇

學古思邊

李白

銜悲上隴首腸斷不見君流水若有情幽哀從此分
蒼茫愁邊色惆悵落日曛山外接遠天天際復有雲
白鴈從中來飛鳴苦難聞足繫書札寄言難離羣
唐詩類苑 卷之百三十五 五
離羣心斷絕十見花成雪胡地無春輝征人行不歸
相思杳如夢珠淚濕羅衣

思邊

李白

去年何時君別妾南園綠草飛蝴蝶今歲何時妾憶
君西山白雪暗秦雲玉關去此三千里欲寄音書那
可聞

赴北庭度隴思家

岑參

西向輪臺萬里餘也知鄉信日應疎隴山鸚鵡能
語爲報家人數寄書

千里思

李白

陸沒胡地蘇武還漢家迢迢五原關翔雲亂邊花
一去隔絕國思歸但長嗟鴻鴈向西址因書報天涯

思遠人

王建

妾思常懸懸君行復綿綿征途向何處碧海與青天
歲人自有念誰令長在邊少年若不歸蘭室如黃水

遠思曲

顧况

新繫青絲百尺繩心在君家轆轤上我心皎潔君不
知轆轤一轉一惆悵何處春風吹曉幕江南淥水通
朱閣美人二八顏如花泣向春風畏花落臨春風聽
春鳥別時多見時少愁人一夜不得眠瑤井玉繩相

唐詩類苑

卷之百三

三

對曉

房中思

李賀

新桂如蛾眉秋風吹小綠行輪出門去玉鸞聲斷續
月軒下風露曉庭自幽澀誰能事貞素卧聽莎鷄泣

思君恩三首

令狐楚

小苑鶯歌歇長門蝶舞多眼看春又去翠輦不經過

二

紫禁香如霧青天月似霜雲韶何處奏祇是在昭陽

三

鷄鳴天漢曙鶯語禁林春誰入巫山夢唯應洛水神

贈所思

崔仲容

所居幸接隣相見不相親一似雲間月何殊鏡裏人
丹誠空有恨腸斷不經春願作梁間燕無由變此身

漢武帝思李夫人

曹唐

惆悵朱顏不復歸晚秋黃葉滿天飛拖風細行傳香
粉隔水殘霞見畫衣白玉帳寒鴛鴦夢絕紫陽宮遠鴈
書稀夜深池上蘭橈歇斷續歌聲接太微

寄遠

李白

三鳥別王母銜書來見過腸斷若剪絃其如愁思何
遙知玉窻裡纖手弄雲和奏曲有深意青松交女蘿

唐詩類苑

卷之百三

三

寫水出井中同泉豈殊波秦心與楚恨皎皎為誰多

二

青樓何所在乃在碧雲中寶鏡挂秋水羅衣輕春風
新粧坐落日悵望金屏空念此送短書願因雙飛鴻

三

本作一行書殷勤道相憶一行復一行滿紙情何極

瑤臺有黃鶴為報青樓人朱顏凋落盡白髮一何新

自知未應還離居經三春桃李今若為當窻發光彩

若使香風飄留與紅芳待

四

玉筍落春鏡坐愁湖陽水聞與陰麗華風烟接鄰里
青春已復過白日忽相催但恐荷花晚令人意已
相思不惜夢日夜向陽臺

五

遠憶巫山陽花明渌水暖躊躇未得往淚向南雲滿
春風復無情吹我夢魂斷不見眼中人天長音信短

六

陽臺隔楚水春草生黃河相思無日夜浩蕩若流波
流波向海去欲見終無因遙將一點淚遠寄如花人

七

唐詩類苑

卷之三百六

圭

妾在春陵東君居漢江島一日望花光往來成白道
一爲雲雨別此地生秋草秋草秋蛾飛相思愁落暉
何由一相見滅燭解羅衣

八

晨短春草綠綠階如有情卷施心獨苦抽却死還生
觀物知妾意希君種後庭閒時當採掇念此莫相輕

九

簪縞如玉霜筆題月氏書寄書白鸚鵡西海慰離居
行數雖不多字字有委曲天末如見之開緘淚相續
淚盡恨轉深千里同此心相思千萬里一書直百金

寄遠三首

李白

憶昨東園桃李紅碧枝與君此時初別離金瓶落井
無消息令人行嘆復坐思坐思行嘆成楚越春風玉
顏畏銷歇碧窗紛紛下落花青樓寂寂空明月兩不
見但相思空留錦字表心素至今緘愁不忍窺
美人在時花滿堂美人去後餘空牀牀中繡被卷不
寐至今三載聞餘香香亦竟不滅人亦竟不來相思
黃葉落白露濕青苔

愛君芙蓉嬋娟之艷色色可餐今難再得憐君冰玉
清迥之明心情不極今意已深朝共琅玕之綺食夜

唐詩類苑

卷之三百六

圭

同鴛鴦之錦衾恩情婉婉變忽爲別使人錯莫亂愁心
亂愁心涕如雪寒燈厭厭夢魂欲絕覺來相思生白髮
盈盈漢水若可越可惜凌波步羅襪美人美人今歸
去來莫作朝雲暮雨兮飛陽臺

寄遠

蘇拯

遊子雖惜別一去何時見飛鳥猶戀巢萬里亦何遠
妾願化爲霜日日下河梁若能侵鬢色先染薄情郎

寄遠

杜牧

隻影隨驚鴈單栖鎖畫籠向春羅袖薄誰念舞臺風
代人寄遠二首

杜牧

杜牧

河橋酒旆風軟候館梅花雪嬌宛陵樓上登目我

何處情饒

繡領任垂簷丁香開結春梢賸肯新年歸否江

綠草迢迢

寄遠曲

王建

美人別來無處所巫山月明湘江雨千迴相見不分
明井底看星夢中語兩心相對尚難知何況萬里不
相疑

寄遠曲

張籍

美人來去春江暖江頭無人湘水滿浣沙石上水禽

唐詩類苑

卷之三百三十六

王

柳江南路長春日短蘭舟桂楫常渡江無因重寄雙
環璫

寄遠

韓偓

眉如半照雲如鬟梧桐葉落敲井乾孤竹亭亭公署
寒微霜淒淒客衣單想佳人兮雲一端夢魂悠悠闕
山難空牀展轉懷悲酸銅壺漏盡開金鸞

寄遠

李商隱

嫦娥搗藥無時已玉女投壺未肯休何日桑田俱變
了不教伊水更東流

代贈遠

李白

妾本洛陽人狂夫幽燕客渴飲易水波猶來多感泣

胡馬西北馳香鬃搖綠絲鳴鞭從此去逐虜蕩殘

昔去有好言不言久離別燕支多美女走馬輕風雪

見此不記人恩情雲雨絕啼流玉筋盡坐恨金閨切

織錦作短書腸隨回紋結相思欲有寄恐君不見察

焚之揚其灰手跡自此滅

閨人寄遠五首

王維

花明綺陌春柳拂御溝新爲報遼陽客流芳不待人

二

遠成功名薄幽閨年貌傷粧成對春樹不語淚千行

唐詩類苑

卷之三百三十六

王

啼鶯綠樹深語燕雕梁晚不省出門行沙場知近遠

四

形影一朝別烟波千里分君看望君處祗是起行雲

五

洞房今夜月如練復如霜爲照離人恨亭亭到曉光

和贈遠

獨孤及

憶得去年春風至中庭桃李映鎖窗美人挾瑟對芳
樹玉顏亭亭與花雙今年新花如舊時去年美人不

在茲借問離居恨深淺祗應獨有庭花知

贈遠二首

王維

當年只是守空帷
夢見關山覺別離
不見鄉書傳鴈足
唯看新月挂蛾眉

厭攀楊柳臨青閣
閒採芙蓉傍碧潭
走馬臺邊人不見
拂雲堆畔戰初酣

念遠

李商隱

日月淹秦甸
江湖動越吟
蒼梧應露下
白閣自雲深
皎皎非鸞扇
翹翹類鳳簪
牀空鄂君被
杵冷女嬃砧
北思驚沙鴈
南情屬海禽
關山已搖落
天地共登臨

憶遠曲

元稹

唐詩類苑

卷之三百三十六

手

憶遠曲
郎身不遠郎心遠
沙隨郎飯俱在匙
郎意看沙那比飯
水中書字無字痕
君心暗畫誰會君况妾
事姑姑進止身去門前同萬里
一家盡是郎腹心
妾似生來無兩耳
妾身何足言聽妾私勸君
君今夜夜醉何處
姑來伴妾自閉門
嫁夫恨不早養兒
將備老妾自嫁郎
身骨立老姑爲郎求娶妾
妾不忍見姑郎忍見爲郎忍耐看姑面

遠將歸

王建

遠將歸
勝未別離時
在家相見熟
新歸歡不足
去願車輪遲
迴思馬蹄速
但令在舍相對貧
不向天涯金

遠身

唐詩類苑

卷之三百三十六

手

唐詩類苑卷第一百二十七

明雲間張之象玄超甫集

雲間姜雲龍神超甫編次

雲間王徹叔明甫補訂

梁谿曹仁孫伯安甫校正

人部

閨情

佳人

杜甫

絕代有佳人幽居在空谷自云良家子零落依草木
關中昔喪敗兄弟遭殺戮官高奚足論不得收骨肉

唐詩類苑卷一百二十七

世情惡衰歇萬事隨轉燭夫婿輕薄兒新人美如玉

合婚尚知時鴛鴦不獨宿但見新人笑那聞舊人哭

在山泉水清出山泉水濁侍婢賣珠迴牽蘿補茅屋

摘花不插髮采栢動盈掬天寒翠袖薄日暮倚修竹

賦別佳人

崔廌

隴上流泉隴下分斷腸嗚咽不堪聞婦人一月月中

去巫峽千秋空白雲

羽林騎閨人

王維

秋月臨高城城中管絃思離人堂上愁稚子塔前戲
出門復映戶望望青絲騎行人過欲盡狂夫終不至

左右寂無言相看共垂淚

盧姬篇

崔顥

盧姬少小魏王家綠綺紅唇桃李花魏王倚樓十二
重水精簾箔繡芙蓉白玉欄杆金作柱樓上明朝望

歌舞前堂後堂羅袖人南窗北牖花發春翠瓦珠簾

關絲管一彈一奏雲欲斷君王日晚下朝歸鳴環佩

玉生光輝人生今日得嬌貴誰道盧姬身如微

盧女曲

崔顥

樂府解題曰盧女者魏武帝時宮人也故將軍陰
升之姊七歲入漢宮善鼓琴至明帝崩後出嫁為

唐詩類苑卷一百二十七

尹更生妻梁簡文帝妾薄命曰盧姬嫁日晚非復

少年時蓋傷其嫁遲也

二月春來半宮中日漸長柳垂金屋暖花覆玉樓香

拂匣光臨鏡調笙更炙簧還將盧女曲夜夜奉君王

巴女詞

李白

巴水急如箭巴船去若飛十月三千里郎行幾歲歸

新粧詩

楊容華

宿鳥驚眠罷房櫳乘曉開鳳釵金作鏤鸞鏡玉為臺

粧侶臨池出人疑月下來自憐終不見故去復徘徊

賦得盈盈樓上女

孟浩然

夫婿久別離青樓空望歸粧成卷簾坐愁思傾縫衣
燕子家家入楊花處處飛空牀難獨守誰爲解金微

樓上女兒曲

盧仝

誰家女兒樓上頭指揮婢子掛簾鉤林花撩亂心之
愁卷却羅袖彈箏篴歷亂五六絃羅袖掩面啼向天
相思絃斷情不斷落花紛紛心欲穿心欲穿憑欄干
相憶柳條綠相思錦帳寒直緣感君恩愛一迴領使
我雙淚長珊珊我有嬌靨待君笑我有嬌娥待君掃
鶯花爛熳君不來及至君來花已老心腸寸斷誰得
知玉階暮歷生青草

唐詩類選

卷之三百二十七

三

洛陽女兒行

王維

洛陽女兒對門居纔可顏容十五餘良人王勣乘驄
馬侍女金盤脍鯉魚畫閣朱樓盡相望紅桃綠柳垂
簷向羅帷送上七香車寶扇迎歸九華帳狂夫富貴
在青春意氣驕奢劇季倫自憐碧玉親教舞不惜珊
瑚持與人春窗曙滅九微火九微片片飛花璫戲罷
曾無理曲時粧成祗是薰香坐城中相識盡繁華日
夜經過趙李家誰憐越女顏如玉貧賤江湖自浣沙

贈鄰女

魚玄機

羞日遮羅袖愁春傾起粧易求無價寶難得有心郎

松上潛垂淚花間暗斷腸自能窺宋玉何必恨王昌

鄰女

劉駕

君嫌鄰女醜取婦他鄉縣料嫁與君人亦爲鄰所賤
菖蒲花可貴只爲人難見

鄰女

白居易

娉婷十五勝天仙白日嫦娥旱地蓮何處閑教鸚鵡
語碧紗窻外繡牀前

貧女吟

鄭谷

塵壓駕鴛鴦廢錦機滿頭空插麗春枝東鄰舞妓多金
翠笑窮燈花學畫眉

唐詩類選

卷之三百二十七

四

小婦吟

盧仝

小婦欲入門隈門勾紅粧大婦出門迎正頓羅衣裳
門邊兩相見笑樂不可當夫子千傍聊一斷腸小
婦哆隄上高堂開玉匣取琴張陳金壘酌滿觴願言
兩相樂求與同心事我郎夫子千傍刺欲狂珠簾風
度百花香翠帳雲屏白玉牀啼鳥休啼花莫笑女英
新喜得娥皇

王家少婦

崔顥

崔顥擢進士第有文無行好猜博嗜酒娶妻惟擇
美者俄又棄之凡四五娶初太守李邕聞其名虛

舍邀之顯至獻詩首章曰十五嫁王昌

兒無禮不與接而去

十五嫁王昌盈盈入畫堂自矜年最少復倚床
舞愛前溪淥歌憐子夜長閑來闌百草度日不成粧
效古促促曲爲河上思婦作

李益

促促何促促黃河九回曲嫁與棹船郎空牀時影宿
不道君心不如石那令妾貌長如玉

思婦吟

蘇拯

秋風鴈又歸邊信一何早攬衣出門望落葉滿長道

唐詩類苑

卷之三

一從秉箕帚十載孤懷抱可堪日日醉寵榮不說思
君令人老

思婦眉

白居易

春風搖蕩自東來折盡櫻桃綻盡梅唯餘思婦愁眉
結無限春風吹不開

征婦歎

馬戴

稚子在我抱送君登遠道稚子今已行念君上邊城
還根無定蓬子焉用生但見請防胡不聞言罷兵
及老能得歸少者還長征

征婦怨

劉兼

金閨寂寞罷粧臺玉筋欄干界粉腮花落掩關春欲
暮月圓歌枕夢初迴鸞膠豈續愁腸斷龍劍難揮別
緒開曾寄錦書無限意塞鴻何事不歸來

繡婦嘆

白居易

連枝花樣繡羅襦本擬新年餉小姑自覺逢春競
望誰能每日起功夫針頭不解愁眉結線縷難穿淚
臉珠雖凭繡牀都不繡同牀繡伴得知無

定情曲

喬知之

樂府解題曰定情詩漢繁欽所作也言婦人不能
以禮從人而自相悅媚乃解衣服玩好致之以結

唐詩類苑

卷之三

六

綢繆之志若臂環致拳拳指環致慙慙耳珠致區
區香囊致扣扣跳脫致契闊佩玉結恩情自以爲
志而期於山陰山陽山西山北終而不答乃自傷
悔焉

悔焉

共君結新婚歲寒心未卜相與遊春園各隨情所逐
君念菖蒲花妾感苦寒竹菖花多艷姿寒竹有貞葉
此時妾比君君心不知妾簪玉步河隄妖韶援綠夷
鳳鴈將子遊鶯燕從雙栖君念春光好妾向春光啼
君時不得意棄妾還金閨結言本同心悲歡何未齊
怨咽前致詞願得中所悲人間丈夫易世路婦難爲

始如經天月終若流星馳天月相終始流星無定期
長信佳麗人失意非蛾眉廬江小吏婦非關織作遲
本願長相對今已長相思復有遊宦子結纓從梁陳
燕居崇三朝去來歷九春誓心妾終始蠶桑奉所親
歸願未克從黃金贈路人潔婦懷明義從汎河之津
於今千萬年誰當問水濱更憶娼家樓夫婿事封侯
去時恩灼灼去罷心悠悠不憐妾歲宴千載隴西頭
以茲常惕惕百慮恒盈積由來共結褵幾人共匪石
故歲雕梁燕雙去今來隻今日玉庭梅朝紅暮成碧
碧榮始芬芳黃葉已淅瀝何用念芳春芳春有流易

唐詩類苑

卷之三十三

七

何用重歡娛歡娛俄戚戚家本巫山陽歸去路何長
敘言情未盡採葉已盈筐桑榆日及景物色盈高岡
下有碧流水上有丹桂香桂枝不須折碧流清且潔
贈君比芳非愛惠常不減贈君比潺湲相思無斷絕
妾有秦家鏡寶匣裝珠璣鑑來年二八不記易陰暉
妾無光寂寂委照影依依今日持爲贈相識莫相違
書情上使君
程長文

妾家今住鄱陽曲一片堅心比孤竹當年二八盛容
儀紅牋草綠恰如飛盡日閑窻刺繡坐有時極浦採
蓮歸誰道居貧守都邑幽居寂寞無人入海燕朝歸

枕席寒山花夜落堦墀濕強暴之男何所爲手持白
刃向簾幃一命任從刀下死千金豈受閨中欺我心
匪石情難轉志奪秋霜意不移血濺羅衣終不恨
粘錦繡亦何辭縣僚曾未知情緒即便教人繫
朱唇滴瀝獨銜冤玉筋欄干歎非所十月寒更堪思
人一聞擊柝一傷神高髻不梳雲已散娥眉罷掃日
仍新三尺嚴章難可越百年心事向誰說但看洗雪
出圓扉始信白玉無點缺

寫情

李益

水紋珍簟思悠悠千里佳期一夕休從此無心愛良
唐詩類苑 卷之三十三

夜任他明月下西樓

幽情

李牧

幽人惜春暮潭上折芳草佳期何時還欲寄千里道

擬古贈陳子昂

喬知之

惻惻孤形影悄悄獨遊心以此從王事當與子同金
別離三河間征戰二庭深胡天夜雨霜胡鴈晨南翔
節物感離別同衾還故鄉南歸日將遠北方尚蓬飄
孟秋七月時相送出外郊海風吹涼木邊聲暗悄悄
勤役千萬里將臨五十年心事爲誰道抽琴歌坐筵
一彈再三歎賓御涕潺湲送君竟此曲從茲長絕絃

擬古

李白

融融白玉輝映我青蛾眉寶鏡似空水落花如風吹
出門望童子蕩漾不可期安得黃鶴羽一報佳人知

擬古意三首

趙氏

鬱蒸夏將半暑氣扇飛閣驟雨滿空來當軒捲羅幙
度雲開夕霽宇宙何清廓明月流素光輕風換炎爍
孤鸞傷對影瑤琴悲別鶴君子去不還妾心欲何托

二

金菊延清霜玉壺多美酒良人久不歸芳菲豈常有
不惜芳菲歇但傷離別久含情罷斟酌凝怨對窗牖

唐詩類苑

卷之百二十一

九

三

霽雪舒長野寒雲半幽谷嚴霜抱枯條號猿抱水木
所嗟遊宦子少小荷天祿前程未云至悽愴對車僕
歲寒成詠歌日暮棲林曲不憚行路險空悲年運促

擬古意

李商隱

悵望逢張女遲迴送阿侯空看小垂手忍問大刀頭
妙選茱萸帳平居翡翠樓雲屏不取暖月扇未障羞
上掌真何有傾城豈自由楚妃交薦枕漢后共藏閣
夫向羊車賣男從鳳穴求書成被袂帖唱殺畔牢愁
夜杵鳴江練春刀解石榴象牀穿憶網犀帖釘窻油

仁壽遺明鏡陳倉拂綵毬真防舞如意佯蓋卧空漢

濯錦桃花水澣裙杜若洲魚兒懸寶劍燕子合金隄

銀箭摧搖落華筵慘去留幾時銷薄怒從此抱離憂

帆落啼猿峽樽開畫鷁舟急絃腸對斷剪蠟淚爭流

壁馬誰能帶金蟲不復收銀河撲醉眼珠弗咽歌喉

去夢隨川后來風貯石郵蘭叢銜露重榆莢點星稠

解佩無遺跡凌波有舊遊曾來十九首私識誅牽牛

古歌二首

薛維翰

二

美人怨何深含情倚金閣不嘖復不語紅淚雙雙落

唐詩類苑

卷之百三十七

十一

美人閉紅燭獨坐裁心錦頻放剪刀聲夜寒知未寢

古歌

沈佺期

落葉流風向玉臺夜寒秋思洞房開水晶簾外金波

下雲母窻前銀漢迴玉階陰陰苔蘚色君王履綦難

再得璇閨窈窕秋夜長繡戶徘徊明月光燕姬綵帳

芙蓉色秦女金爐蘭麝香北斗七星橫夜半清歌一

曲斷君腸

古艷詩二首

盧綸

殘粧色淺髻鬟開笑映珠簾觀客來推醉唯知弄花

鈿潘郎不敢使人催

自拈裙帶結同心暖處偏知香氣深愛捉狂夫
事不知歌舞用黃金

古意

李白

君爲女蘿草妾作兔絲花輕條不自引爲逐春風斜
百丈託遠松纏綿成一家誰言會面易各在青山崖
女蘿發聲香兔絲斷人腸枝枝相糾結葉葉竟飄揚
生子不知根因誰共芬芳中巢雙翡翠上宿紫鸞鴛
若識二草心海潮亦可量

古意

王昌齡

桃花四面發桃葉一枝開欲暮黃鸝轉傷心玉鏡臺
清輝向明月半夜春風來

古意

蔣列

冉冉紅羅帳開君玉樓上盡作同心鳥銜花兩心向
春風正可憐吹映綠窻前妾意空相感君心何處邊

古意

閻寬

庭樹發華滋瑤草復葳蕤好鳥飛相從愁人深此時
天中有靈匹日夕嘯蛾眉願逐飄風花千里入遙帷
心逝愛不見空歌悲莫悲

古意

孟郊

蕩子守邊戍佳人莫相從去來年月多苦愁改形容

上山復下山踏草成古蹤徒言採靡蕪十度不一逢
鑒獨是明月識志唯寒松井桃始開花一見悲萬重
人顏不兩春桃色有再濃情氣入空房無慘乍從容
啓貼理針線非獨學裁縫手持未染絲繡爲白芙蓉
芙蓉無染汚將以表心素欲寄未歸人當春無信去
無信反增愁愁心緣隴頭君如隴頭水水鏡水還流
宛宛青絲繩纖纖白玉鈎玉鈎不虧缺青絲無斷絕
迴還勝雙手解盡心中結

古意

劉商

連曙寢衣冷開門霜露凝風吹昨夜淚一片枕前水

古意

崔國輔

淨掃黃金階飛霜皎如月下簾彈箏篴不忍見秋月

古意

崔國輔

紅荷楚水曲虎炳燦晨霞未得兩回摘秋風吹却花
時芳不待妾玉佩無處誇悔不盛年時嫁與青樓家

古意

梁鎰

妾家巫峽陽羅幌寢銀床曉日臨窻久春風引夢長
落釵仍在簷微汗欲消香縱使朦朧覺魂遊逐楚王

古意

喬知之

妾家巫山隔漢川君度南庭向胡宛高樓遠遞想金

天河漢昭回更愴然夜如何其夜未央閑花照月愁
洞房自矜夫婿勝王昌三十曾作侍中郎一從流落
成漁陽懷哉萬恨結中腸南山暮暮免絲花北陵青
青女羅樹由來花葉同一根今日枝條分兩處三星
差池光照灼北斗西指秋雲薄莖枯花謝枝憔悴香
銷色盡花零落美人長嘆艷容萎含情收取摧折枝
調絲獨彈聲未移感君行坐星歲遲閨中宛轉今若
斯誰能爲報征人知

古意

常建

井底玉水洞地明琥珀轆轤青絲索仙人綺鳳披彩
唐詩類苑 卷之百十七 十三

霞挽上銀瓶照天閣黃金作身雙飛龍口銜明月噴
芙蓉一時渡海望不見曉上青樓十二重

古意

耿漳

雖言千騎上頭居一世生離恨有餘葉下綺窗銀燭
冷含啼自草錦中書

古意呈補闕喬知之

沈佺期

盧家少婦鬱金香海燕雙棲玳瑁梁九月寒砧催木
葉十年征戍憶遼陽白狼河北音書斷丹鳳城南秋
夜長誰爲含愁獨不見更教明月照流黃

古意贈王常侍

楊巨源

繡戶紗窗北里深香風暗動鳳皇簪組綰長在三八
手刀尺空搖寒女心欲學齊謳逐雲管還思楚瑟
霜砧東家少婦當機織應念無衣雪滿林

古興

常建

轆轤井上雙梧桐飛鳥銜花日將沒深閨女兒莫愁
年玉指冷泠泠怨金碧石榴裙裾映蝶飛見人不語顰
蛾眉青絲素絲紅綠絲織女錦衾當爲誰

孤興

賀朝

晴日暖珠箔天桃色正新紅粉清鏡中娟媚可憐頻
君子在遐險蕙心誰見珍羅幕空掩畫玉顏暗移春
唐詩類苑 卷之百十七 十四

江瑟語幽獨再三情未申黃鸝千里翅芳音遲所因
雜言寄杜羔 杜羔妻

君從淮海遊再過杜蘭秋歸來不須更又欲向梁州
梁州秦嶺西棧道與雲齊羌虜萬餘落戟矛自高低
已念寡儔侶復慮勞攀躋丈夫重志氣女兒空悲啼
臨却滯遊地肯顧濁水泥人生賦命有厚薄君自邀
遊我寂寞

雜詩三首

王維

家住孟津河門對孟津口常有江南船寄書家中否

二

君自故鄉來應知故鄉事來日綺窗前寒梅著花未

三

已見寒梅發復聞啼鳥聲心心視春草畏向階前生

雜詩四首

沈佺期

鐵馬三軍去金閨一月還邊愁離上國春夢失陽關
池上琉璃靜園花玳瑁斑歲華空自擲愁怨不勝顏

二

落葉驚秋婦高砧促暝機蜘蛛尋月度螢火傍人飛
清鏡紅埃入孤燈綠焰微怨啼能至曉獨自懶縫衣

三

唐詩類苑

卷之百三十七

十五

妾家臨渭北春夢著遼西何苦朝鮮郡年年事鼓鞀
燕來紅壁語鶯向綠窗啼為許長相憶闌干玉骨齊

四

聞道黃龍戍頻年不解兵可憐閨裏月長在漢家營
少婦今春意良人昨夜情誰能將旗鼓一為取龍城

雜詩二首

王維

雙鴈初命子五桃初作花王昌是東舍宋玉次西家
小小能織綺時時出浣沙親勞使君問南陌駐香車

二

朝因折楊柳相見洛城隅楚國無如妾秦家自有夫

對人傳玉腕映燭解羅襦人見東方綺皆言夫婿殊
持謝金吾子煩君提玉壺

雜詩十五首

無名氏

青天無雲月如燭露泣梨花白如玉子規一夜啼到
明美人獨在空房宿

空賜羅衣不賜恩一燭香後一銷魂雖無舞袖何曾
舞長對春風浥淚痕

不洗殘粧並繡牀却嫌鸚鵡繡衣裳迴針刺到雙飛
處憶昔征夫淚數行

眼想心思夢裏驚無人知我此時情不如池上鴛鴦
唐詩類苑

卷之百三十七

十六

鳥雙宿雙飛過一生

一去遼陽繫夢魂忽傳征騎到中門紗窗不肯施紅
粉徒遣蕭郎問淚痕

鶯啼露冷酒初醒畫樓西曉角鳴翠羽帳中人夢
覺寶釵斜墜枕函聲

蒲月笙歌一段空萬般離恨總隨風多情為謝殘陽
意與展晴霞片片紅

兩心不語暗知情燈下裁縫月下行行到階前知未
睡夜深聞放剪刀聲

近寒食雨草萋萋着麥苗風柳映堤一是有家歸未

得杜鵑休向耳邊啼

洛陽才子鄰蕭恨湘水佳人錦瑟愁今昔兩成惆悵
事臨邛春盡暮江流

浙江輕浪古悠悠望海樓吹望海愁莫怪鄉心隨魄
斷十年爲客在他州

數日相隨兩不忘郎心如妾妾如郎出門便是東西
路把取紅牋各斷腸

無定河邊暮笛聲赫連臺畔旅人情函關歸路千餘
里一夕秋風白髮生

舊山雖在不關身且向長安過暮春一樹梨花一溪
唐詩類苑 卷之百十七 十七

月不知今夜屬何人

花落長川草色青暮山重疊雨冥冥逢春便覺飄蓬
苦今日分離一涕零

舊遊

杜牧

閑吟芍藥詩悵望久頻眉盼眇迴眸遠織衫整鬢遲
重尋春畫夢笑把淺花枝小市長陵住非郎誰得知

經舊遊

溫庭筠

珠箔金鈎對綵橋昔年於此見嬌嬈香燈悵望飛瓊
鬢涼月殷勤碧玉簫屏倚故窻山六扇柳垂寒砌
千條壞墻經雨蒼苔遍拾得當時舊翠翹

逢舊

白居易

我梳白髮添新恨君掃青蛾減舊容應被傍人怪惆
悵少年離別老相逢

自君之出矣

盧仝

自君之出矣壁上蜘蛛織近取見妾心夜夜無休息
妾有雙玉環寄君表相憶環是妾之心玉是君之德
馳情增悴容蓄思損精力玉簫寒悽悽延想心惻惻
風含霜月明水泛碧天色此水有盡時此情無終極

賦得自君之出矣

張九齡

自君之出矣不復理殘機思君如滿月夜夜滅清輝

唐詩類苑 卷之百十七 十八

自君之出矣

李咸用

自君之出矣鸞鏡空塵生思君如明月明月逐君行

欲去

韓偓

紛紛隔窻語重約踏青期縱得相逢處無非欲去時
恨深書不盡寵極意多疑惆悵桃源路唯教夢寐知

去不返

曹鄴

寒女不自知嫁爲公子妻親情未識面明日便東西
但得上馬了一去頭不回雙輪如鳥飛影盡東南街
九重十二門一門四扇開君從此路去妾向此路啼
但得見君面不辭插荆釵

望不來

曹 鄴

見花憶郎面常願花色新爲郎容貌好難有相似人
期不至

白居易

紅燭清樽久延佇出門入門天欲曙星稀月落竟不
來煙柳隴隴鵲飛去

思不見

曹 鄴

但見出門蹤不見入門跡却笑山頭女無端化爲石
獨不見

李 白

白馬誰家子黃龍邊塞兒天山三丈雪豈是遠行時
春蕙忽秋草沙鷄鳴西池風摧寒樓響月入霜閨悲

唐詩類苑

卷之三十三

十九

憶與君別年種桃齊蛾眉桃今百餘尺花落成枯枝
終然獨不見流淚空自知

不可見

曹 鄴

常聞頭白夫頭白終相待自從嫁黔婁終歲長不在
君夢有雙影妾夢空四鄰常思勁北風吹折雙車輪

不見

韓 偓

動靜防閑又怕疑伴伴脉脉是沈機此身願作君家
燕秋社歸時也不歸

古別離

權德輿

人生天地間暫若六轡馳天壽既常數奈何生別離

跡當中人域正性日已衰是非千萬境杳靄情塵滋

出門事何常暫別亦難期冉冉歎流景悠悠限山陂

盡此一夕歡華樽會前埤鷄鳴東方曙風駕臨通達

欲出懶移步欲留難致詞兩情不得已念此留何爲

天明去已遠寂寞居人歸入門復上堂怳怳生驚疑

經履同遊處猶言當相隨覽物或臨鏡翻怪來何遲

乃知前日歡本爲今日悲翻思別後心寧及未見時

則知交疎分久又翻易持報君未別人別後當自知

雙劍欲別風淒然離沈水底雄止天江回漢轉兩不

見雲交雨合知何年古來萬事皆由命何用臨岐苦

涕漣

古別離

李 益

欲別牽郎衣郎今到何處不恨歸來遲莫向臨邛去

離夜二首

馬 戴

東征遼水迥北近單于臺戎衣挂寶劍玉筋銜金杯

紅燭暗將滅翠蛾終不開

凝夜照離色恐聞啼晚鴉前年營鴈塞明月戍龍沙

曾與五陵子休裝孤劍花

遠別離二首

令狐楚

楊柳黃金穗梧桐碧玉枝春來消息斷早晚是歸時

二

玳織鴛鴦履金裝翡翠簾畏人相借問不擬到城南

離思

孟郊

不寐亦不語片月秋稍舉孤鴻憶霜羣獨鶴叫雲侶
怨彼浮花心飄飄無定所高張係絳帆遠過梅根渚
迴織別離字機聲有酸楚

離思

李商隱

氣盡前溪舞心酸子夜歌峽雲尋不得溝水欲如何
朔鴈傳書絕湘篁染淚多無由見顏色還自託微波

唐詩類苑

卷之三百二十七

主

潛別離

白居易

不得哭潛別離不得語暗相思兩心之外無人知深
籠夜鎖獨棲鳥利劍春斷連理枝河水雖濁有清日
烏頭雖黑有白時唯有潛離與暗別彼此甘心無後
期

味別離

張籍

蓮葉圓圍杏花折長江鯉魚鱗鱗赤念君少年棄親
戚千里萬里獨爲客誰言遠別心不易天星墜地能
爲石幾時斷得城南陌勿使居人有行役

別離曲

張籍

行人結束出門去幾時更踏門前路憶昔君初約
時不言身屬遼陽戍早知今日當別離成君家計良
爲誰男兒生身自有役那得誤我少年時不如逐君
征戰死誰能獨老空閨裏

贈離曲

王建

合歡葉墮梧桐秋鴛鴦背飛水分流少年使我忽相
棄雌雄號鳴夜悠悠夜長月沒蟲切切冷風入房燈
焰滅若知行路各東西彼此不忘同心結收取頭邊
蛟龍枕留着箱中雙雄棠我今焚却舊房物免使他
人登爾牀

唐詩類苑

卷之三百二十七

主

別緒

韓偓

別緒情情情牽情暗入心已迴花緒棹悔聽酒壚琴
菊露淒羅幙梨霜側錦衾此生終獨宿到死誓相尋
月好知何計歌闌歎不禁山巔更處憶高止上頭吟

春別曲

張籍

長江春水綠堪染蓮葉出水大如錢江頭橋樹君自
種那不老繫木蘭船

齊梁怨別

陸龜蒙

寥寥缺月看將落簷外霜華染羅幕不知蘭棹到何
山應倚相思樹邊泊

奉和齊梁怨別次韻

皮日休

芙蓉泣恨紅船落一朶別時烟似暮鴛鴦剛解惱離
心夜夜飛來棹邊泊

別妻家

孟郊

芙蓉濕曉露秋別南浦中鴛鴦卷新贈遙戀東牀空
碧水不息浪清溪易生風參差坐成阻飄飄去無窮
孤雲目雖斷明月心相通私情詎銷鑠積芳在春蓼

見吳秀才與池州妓別

杜牧

紅燭短時羌留怨清歌咽處蜀絃高萬里分飛兩行
淚滿江寒雨正蕭騷

唐詩類苑

卷之百三

三

訪人不遇留別館

李商隱

卿卿不惜瑣窗春去作長楸走馬身閑倚繡簾吹柳
絮日高深院斷無人

虎丘寺路宴留別諸妓

白居易

銀泥裙映錦障泥畫舸停橈馬簇蹄清管曲終鸚鵡
語紅旗影動駉嘶嘶漸銷醉色朱顏淺欲語離情翠
黛低莫忘使君吟詠處文墳湖北虎丘西

見劉秀才與池州妓別

杜牧

遠風南浦萬重波未似生離恨別多楚管能吹柳花
怨吳姬爭唱竹枝歌金釵橫處綠雲墮玉筍凝時紅

粉和待得枚臯相見日自應粧鏡笑蹉跎

送韓撥之江西

李冶

相看指楊柳別恨轉依依萬里江西水孤舟何處歸
淦城潮不到夏口信應稀唯有衡陽鴈年年來去飛

送人得蕩子歸倡婦

僧靈一

垂涕憑回信爲語柳園人情知獨難守又是一陽春

送人詩

徐月英

惆悵人間萬事違兩人同去一人歸生憎平望亭前
水忍照鴛鴦相背飛

贈鄭女郎古意

妓常浩

唐詩類苑

卷之百三

三

昨夜巫山中失却陽臺女朝來香閣裏獨伴楚王語
艷陽灼灼河洛神珠簾繡戶青樓春能彈箜篌弄纖
指愁殺門外少年子笑開一面紅粉粧東園幾處桃
花死朝理曲暮理曲獨坐窻前一片玉行也嬌坐也
嬌見之令人魂魄消堂前錦褥紅地氈綠沈香奩傾
屠蘇解佩時時歇歌管芙蓉帳裏蘭麝滿晚起羅衣
香不斷滅燭每嫌秋夜短

効徐陵體贈更衣

李商隱

密帳真珠絡溫幃翡翠裝楚腰知便寵宮眉正闌強
結帶懸梔子繡領刺鴛鴦輕寒衣省夜金斗熨沈香

窮冬到鄉國正歲別京華自恨風塵遠嘗看市地華
碧幢還照曜紅粉莫咨嗟嫁得浮雲婿相隨即是家

侯門初擁節御苑柳絲新不是悲殊命唯愁別是親
黃鸝遷古木珠履從清塵想到千山外滄江正暮春

贈盧夫人

妓常浩

佳人惜顏色恐逐芳菲歇日暮作畫堂下堦見新月
拜月仍有詞傍人那得知歸取玉臺下始覺淚痕垂

倡樓戲贈

杜牧

唐詩類苑

卷之百五十七

五

細柳橋邊深半春纈衣簾裏動香塵無端有寄閑消
息背插金釵笑向人

贈去妾

崔郊

公子王孫逐後塵綠珠垂淚滿羅巾侯門一入深如
海從此蕭郎是路人

寄恨

韓偓

秦釵枉繫長條玉蜀紙虛留小字紅死恨物情難會
處蓮花不肯嫁春風

因留玉指環一枚并詩寄情

韋 軾

黃雀銜來已數春別時留解贈佳人長江不見魚書
至爲遣相思夢入秦

鸞鳳分飛海樹秋忍聽鐘鼓越王樓只應霜月明君
意緩撫瑤琴送我愁山遠莫教雙淚盡鴈來空寄八
行幽相如若返臨邛市畫舸朱軒萬里遊

春風白馬紫絲韁正值酣眠未採桑五夜有心隨暮
雨百年無節待春霜重尋繡帶朱滕合却認羅裙碧
草長爲報西遊減離恨阮郎纔去嫁劉郎

唐詩類苑

卷之百五十七

五

途中寄太原所思

歐陽詹

鷗鳥漸覺遠迴頭長路塵高城已不見况復城中人
去意自未甘居情諒猶辛萬里東北晉千里西南秦
一履不出門一車無停輪沅萍與匏繫早晚期相親

寄韓校書

李 冶

無事烏程縣蹉跎歲月餘不知蘭閣吏寂寞意何如
遠水浮仙棹寒星伴使車因過大雷岸莫忘入行書

寄洛中諸姊

元淳 女冠

舊國經年別關河萬里思題詩憑鴈翼望月想蛾眉
白髮愁偏覺歸心夢獨知誰憑離亂處掩泣向南枝

寄遠

田娥女

憶昨會詩酒終日相逢迎今來成故事歲月令人驚
淚流紅粉薄風度羅衣輕難爲子猷忘虛負文君名

寄國香

魚玄機

旦夕醉吟身相思又此春雨中寄書使窻下斷腸人
山捲珠簾看愁隨芳草新別來清宴上幾度落梁塵

隔漢江寄子安

魚玄機

江南江北愁望相思相憶空吟鴛鴦暖卧沙浦鵝鵲
閑飛橘林煙裏歌聲隱隱渡頭月色沈沈含情咫尺
千里况聽家家遠砧

唐詩類苑

卷之三

七

寄樊氏女

裴航

長慶中裴航下第遊鄂渚備舟還都有樊氏女同
載裴賂其侍兒以詩求達樊氏女有詩答之世傳
藍橋雲英未必信姑載於此

同爲胡越猶懷想况遇天妃隔錦屏儻若玉京朝會
去願隨鸞鶴入青冥

答裴航

樊氏女

一飲瓊漿百感生玄霜搗盡見雲英藍橋便是神仙
宅何必崎嶇上玉京

寄故人

張窈窕

淡淡春風花落時不堪愁望更相思無金可買長門
賦有恨空吟團扇詩

寄夫二絕

張氏彭

久無音信到羅幃路遠迢迢遣問誰問君折得東堂
桂折罷那能不暫歸

驛使今朝過五湖殷勤爲我報狂夫從來誇有龍泉
劍試割相思得斷無

寄妻

彭伉

莫訝相如獻賦詩錦書誰道淚沾衣不須化作山頭
石待我東堂折桂枝

唐詩類苑

卷之三

七

寄湘靈

白居易

淚眼凌寒凍不流每經高處卽迴頭遙知別後西樓
上應凭欄干獨自愁

寄蜀中薛濤校書

王建

萬里橋邊女校書枇杷花裏閉門居掃眉才子于今
少管領春風總不如

江陵愁望寄子安

魚玄機

楓葉千枝復萬枝江橋掩映暮帆遲憶君心似西江
水日夜東流無歇時

寄子安

魚玄機

醉別千卮不浣愁離腸百結解無由蕙蘭銷歇歸春
園楊柳東西絆客舟聚散已悲雲不定息情須學水
長流有花時節知難遇未肯厭厭醉玉樓

情書寄李子安

魚玄機

飲水食蘗志無功晉水壺關在夢中秦鏡欲分愁墮
鵲舜琴將弄怨飛鴻井邊桐葉鳴秋雨窻下銀燈暗
曉風書信茫茫何處問持竿盡日碧江空

春情寄子安

魚玄機

山路欹斜石磴危不愁行苦苦相思水銷遠礪憐清
韻雪遠寒峰想玉姿莫聽凡歌春病酒休招閑客夜
唐詩類苑 卷之三百七十一 无

含蕊如松匪石盟長在比翼連襟會肯遲雖恨獨行
冬盡日終期相見月圓時別君何物堪持贈淚落晴
光一首詩

唐詩類苑卷第一百三十八

明雲間張之象玄超甫纂輯

雲間姜雲龍神超甫編次

雲間王 徹叔朗甫補訂

梁谿曹仁孫伯安甫校正

人部

閨情

楊叛兒

李白

唐書樂志曰楊叛兒本童謠歌也齊隆昌時女巫
之子曰楊曼少時隨入內及長爲太后寵童謠云

唐詩類苑 卷之三百七十一 一

楊曼兒共戲來所歡語訛遂成楊叛兒古今樂錄

曰楊叛兒送聲云叛兒教儂不復相思

君歌楊叛兒妾勸新豐酒何許最關人烏啼白門柳

烏啼隱楊花君醉留妾家博山爐中沈香火雙煙一

氣凌紫霞

擬五雜組二首

顏真卿

五雜組繡與錦往復還興又寢不得已病伏枕

五雜組甘鹹醋往復還烏與兔不得已韶光度

難忘曲

李賀

夾道開洞門弱楊低盡戟簾影竹華起簫聲吹日色

蜂語繞粧鏡拂蛾學春碧亂繫丁香梢滿欄花向夕

綠水曲

李白

綠水明秋月南湖採白蘋荷花嬌欲語愁殺蕩舟人

流水曲

崔國輔

歸來日尚早更欲向芳洲渡口水流急回船不自由

朝來曲

王昌齡

月舄鳴珂動花連繡戶春盤龍玉臺鏡唯待畫眉人

囉嘖曲二首

劉采春

不喜秦淮水生憎江上船載兒夫婿去經歲又經年

二

唐詩類苑

卷之二百十八

二

莫作商人婦金釵當卜錢朝朝江口望錯認幾人船

王孫遊

崔國輔

楚辭招隱士曰王孫遊兮不歸春草生兮萋萋王

孫遊蓋出於此

自與王孫別頻看黃鳥飛應由春草誤着處不成歸

濮陽女

樂苑曰濮陽女羽調曲也

鴈來誓不至月照獨眠房賤妾多愁思不堪秋夜長

甘州

樂苑曰甘州羽調曲也

欲使傳消息空書意不任寄君明月鏡偏照故人心

胡渭州二首

樂苑曰胡渭州商調曲也

亭亭孤日照行舟寂寂長江萬里流鄉國不知何處

是雲山漫漫使人愁

楊柳千尋色桃花一苑芳風吹入簾裏唯有惹衣香

金殿樂

一夜秋砧動千門起四隣不緣樓上月應爲隴頭人

大酺樂

樂苑曰大酺樂商調曲唐張文收造

唐詩類苑

卷之二百十八

三

淚滴珠難盡容殘玉易銷儻隨明月去莫道夢魂遙

扶南曲歌詞五首

王維

翠羽流蘇帳春眠曙不開羞從面色起嬌逐語聲來

早向昭陽殿君王中使催

堂上青絃動堂前綺席陳齊歌盧女曲雙舞洛陽人

傾國徒相看寧知心所親

香氣傳空滿粧華影箔通歌聞天仗外舞出御樓中

日暮歸何處花間長樂宮

宮女還金屋將眠復畏明入春輕衣好半夜薄粧成

拂曙朝前殿玉墀多珮聲

朝日照綺窗佳人坐臨鏡散黛恨猶輕插釵嫌夫正
同心勿遽遊幸得春粧竟

踏歌詞二首

崔液

綵女迎金屋仙姬出畫堂鴛鴦裁錦袖翡翠帖花黃
歌響舞分行艷色動流光

庭際花微落樓前漢已橫金臺催夜盡羅袖舞寒輕
樂笑暢歡情未半將天明

楚宮調

薛奇童

禁苑春風起流鶯繞合歡玉窻通日氣珠箔卷輕寒
楊葉垂陰砌梨花入井闌君王好長袖新作舞衣寬

唐詩類苑

卷之百十八

四

思歸樂二首

樂苑曰思歸樂商調曲也後一曲犯角

曉日催絃管春風入綺羅杏花如有意偏落舞衫多

二

萬里春應盡三江鴈亦稀連天漢水廣孤客未言歸

踏歌詞三首

謝偃

春景嬌春臺新露泣新梅春葉參差吐新花重疊開
花影飛鶯去歌聲度鳥來倩看飄颻雪何如舞袖迴

二

逶迤度香閣頰步出蘭閨欲繞鴛鴦殿先過桃李蹊

風帶斜還卷簷花舉復低欲問今宵樂但聽歌聲

三

夜久星沈沒更深月影斜裙輕繞動佩鬟薄不勝花
細風吹寶瑟輕露濕紅紗相看樂未已蘭燈照九華

攜手曲

田娥

攜手曲梁沈約所制也樂府解題曰攜手曲言携
手行樂恐芳時不留君恩將歇也

攜手共惜芳菲節鸞啼錦花滿城闕行樂逐遊念容
色色衰祗恐君恩歇鳳笙龍管白日陰盈虧自感青
天月

唐詩類苑

卷之百十八

五

攜手曲

李咸用

攜手春復春未嘗漸離別天天風前花纖纖日中雪
不敢怨於天唯驚添歲月不敢怨於君祗怕芳菲歇
芳菲若長然君恩應不絕

青樓曲

于漬

青樓臨大道一上一回老所思終不來極目傷春草

清東曲

孟郊

櫻桃花參差香雨紅霏霏欣笑競攀折美人濕羅衣
采采清東曲明眸艷珪玉青巾編上郎上下看不足

南陽公首詞編入新樂錄

青樓曲二首

王昌齡

白馬金鞍從武皇，旌旗十萬宿長楊。
樓頭小婦鳴箏坐，遙見飛塵入建章。

馳道楊花滿御溝，紅粧繡綰上青樓。
金章紫綬千餘騎，夫婿朝回初拜侯。

白紵辭二首

李白

揚清歌發皓齒，北方佳人東隣子。
且吟白紵停綠水，長袖拂面爲君起。

塞雲夜卷霜海空，胡風吹天飄塞鴻。
玉顏滿堂樂未終，館娃日落歌吹濛。

月寒江清夜沈沈，美人一笑千金垂。
羅舞榭揚哀，唐詩類苑

卷之三

卷之三

六

音即中白雪，且莫吟子夜。
吳歌動君心，動君心冀君賞。

願作天池雙鸞鴛，一朝飛去青雲上。

白紵辭

李白

吳刀剪綵縫舞衣，明粧麗服奪春輝。
揚眉轉袖若雪飛，傾城獨立世所稀。

激楚結風醉忘歸，高堂月落燭已微。
玉釵挂纓君莫違。

白紵辭二首

崔國輔

洛陽梨花落如霰，河陽桃葉生復齊。
坐恐玉樓春欲盡，紅錦粉絮裛粧啼。

董賢女弟在椒風，窈窕繁華貴後宮。

璧帶金釭皆翡翠，

翠一朝零落變成空

房中曲

李商隱

舊微泣幽素，翠帶花錢小。
嬌郎癡若雲，抱日西簾曉。

枕是龍宮石，割得秋波色。
玉簫失柔膚，但見蒙羅碧。

憶得前年春，未語悲含辛。
歸來已不見，錦瑟長埃塵。

今日澗底松，明日山頭藥。
愁到天池翻，相看淚沾臆。

洞房怨

陸龜蒙

玉插朝扶鬢，金梯晚下臺。
春衫將別淚，一夜兩難裁。

憶秦娥

李白

簫聲咽，秦娥夢斷秦樓月。
秦樓月，年年柳色，灞陵傷

唐詩類苑

卷之三

七

別樂遊原上，清秋節感陽古道。
音塵絕，音塵絕，西風

殘照漢家陵闕。

菩薩蠻

李白

平林漠漠煙如織，寒山一帶傷心碧。
暝色入高樓，有人樓上愁。

玉階空佇立，宿鳥歸飛急。
何處是歸程，長亭連短亭。

亭連短亭

山鵲鳴詞二首

蘇頌

玉關征戍久，空閨人獨愁。
寒露濕青苔，別來蓬鬢秋。

二

人坐青樓晚，鶯語百花時。
愁多人自老，腸斷君不知。

山鷓鴣詞

李白

苦竹嶺頭秋月輝，苦竹南枝鷓鴣飛。
嫁得燕山胡鵲，欲銜我向鴈門歸。
山鷓鴣雉來相勸，南禽多被北禽欺。
紫塞嚴霜如劍戟，蒼梧欲巢難背違。
我心誓死不能去，哀鳴驚叫淚沾衣。

如意娘

樂苑曰：如意娘，商調曲。唐則天皇后所作也。
看朱成碧思紛紛，憔悴支離爲憶君。
不信比來長下淚，開箱檢取石榴裙。

石州

唐詩類苑

卷之三十一

八

樂苑曰：石州商調曲也。又有舞石州。

自從君去遠巡邊，終日羅幃獨自眠。
看花情轉切，攬鏡淚如泉。
一自離君後，啼多雙臉穿。
何時狂虜滅，免得更留連。

照影曲

溫庭筠

景陽粧罷瓊牕暖，欲照澄明香步懶。
橋上衣多抱彩雲，金鱗不動春塘滿。
黃印額山輕爲塵，翠鱗紅穉俱含顰。
桃花百媚如欲語，曾爲無雙今兩身。

江南弄

王勃

樂府解題曰：江南古辭，蓋美晨麗景，嬉遊得時，若

梁簡文桂楫晚應旋，歌遊戲也。按梁武帝作江南弄曲，有採蓮採菱，蓋出於此。

江南弄巫山連楚夢，行雲幾相送。
瑤軒金谷上春時，玉童仙女無見期。
紫霧香煙難託清風，明月遙相思。
遙相思，草徒綠，爲聽雙飛鳳凰曲。

江南曲

劉昫

美人何蕩漾，湖上風月長。
玉手欲有贈，徘徊雙鳴璫。
歌聲隨綠水，怨色起朝陽。
日暮還家望雲波，橫洞房。

江南曲二首

儲光羲

唐詩類苑

卷之三十一

九

二

綠江深見底，高浪直翻空。
慣是驛邊住，舟輕不畏風。

江南曲五首

丁仙芝

日暮長江裏，相邀歸渡頭。
落花如有意，來去逐船流。

二

長干斜路北，近浦是兒家。
有意來相訪，明朝出浣紗。

三

發向橫塘口，船開阻急流。
知郎舊時意，且請櫓船頭。

四

昨暝逗南陵，風聲波浪阻。
入浦不逢人，歸家誰信汝。
未眠已成粧，乘潮去茫茫。
因此京口渡，使報邵陵王。

五

始下芙蓉樓言發琅邪岸急爲打船開惡許傍人見

江南曲

宋之問

妾住越城南離居不自堪採花驚曙鳥摘葉餒春蠶
懶結茱萸帶愁看玳瑁簪侍臣消瘦盡日暮碧江潭

江南弄

芮挺章

春江可憐事最在美人家鸚鵡能言鳥芙蓉巧笑花
地銜金作埒水抱玉爲砂薄晚青絲騎長鞭赴狹斜

又效江南曲

李商隱

郎船安兩漿儼如動雙橈掃黛開宮額裁裙約楚腰

唐詩類苑

卷之二百八

十

垂期方積思臨醉欲拌嬌莫以採菱唱欲羨秦臺簫

江南曲八首

劉希夷

暮宿南洲草晨行北岸林日懸滄海闊水隔洞庭深
煙景無留意風波有異潯歲遊難極目春戲易爲心

朝夕無榮遇芳菲已滿襟

豔唱潮初落江花露未晞春洲驚翡翠朱服弄芳菲

畫舫煙中淺青陽日際微錦帆衝浪濕羅袖拂行衣

含情罷所採相歡惜流暉

君爲隴西客妾遇江南春朝遊含靈果夕採弄風蘋
果氣時不歇蘋花日自新以此江南物特贈隴西人

空盈萬里懷欲贈竟無因

皓如楚江月靄若吳岫雲波中自皎鏡山上亦靄然

明月留照妾輕雲持贈君山川各離散光氣乃殊分

天涯一爲別江北不相聞

艤舟乘潮去風帆振草涼潮平見楚甸天際望維揚

湘汭經千里煙波接兩鄉雲明江嶼出日照海流長

此中逢歲晏浦樹落花芳

暮春三月晴維陽吳楚城城臨大江汜迴映洞浦清

晴雲曲金閣珠樓碧煙裏月明芳樹羣鳥飛風過長

林雜花起可憐離別誰家子於此一至情何已

唐詩類苑

卷之二百八

十一

北堂紅草盛葦葑南湖碧水照芙蓉朝遊暮起金花

盡漸覺羅裳珠露濃自惜妍華三五歲已歎關山千

萬重人情一去無還日欲贈懷芳怨不逢

憶昔江南年盛時平生怨在長洲曲冠蓋星繁江水

上衝風標落洞庭綠落花錦袖紅紛紛朝霞高閣洗

晴雲誰言此處嬋娟子珠玉爲心以奉君

江南行

張朝

菱花葉爛別西灣蓮子花開猶未還妾夢不離江上

水人傳郎在鳳皇山

長干行二首

李白

妾髮初覆額折花門前劇郎騎竹馬來繞牀弄青絲
同居長千里兩小無嫌猜十四爲君婦羞顏未嘗開
低頭向暗壁千喚不一迴十五始展眉願同塵與灰
常存抱柱信豈上望夫臺十六君遠行瞿塘滄浪堆
五月不可觸猿聲天上哀門前舊行跡一一生綠苔
苔深不能掃落葉秋風早八月蝴蝶來雙飛西園草
感此傷妾心坐愁紅顏老早晚下三巴預將書報家
相迎不道遠直至長風沙

憶妾深閨裏煙塵不曾識嫁與長千人沙頭候風色
五月南風興思君下巴陵八月西風起想君發楊子

唐詩類苑

卷之三百十八

十一

去來悲如何見少離別多湘潭幾日到妾夢越風波
昨夜狂風度吹折江頭樹森森暗無邊行人在何處
好乘浮雲驄佳期蘭渚東驚爲綠浦上翡翠錦屏中
自憐十五餘顏色桃花紅那作商人婦愁水復愁風

長干曲

張潮

尋貧如珠玉婿富如埃塵貧時不忘舊富日多寵新
妾本富家女與君爲偶匹惠好亦何深中門不曾出
妾有繡衣裳葳蕤金縷光念君貧且賤易此從遠方
遠方三千里思君心未已日暮情更來空望去時水
孟夏麥始秀江上多南風商賈歸欲盡君今向巴東

巴東有巫山窈窕神女顏常恐遊此方果然不知

長干曲四首

崔顥

君家何處住妾住在橫塘停船暫借問或恐是同鄉

二

家臨九江水來去九江側同是長干人生小不相識

三

下渚多風浪連舟漸覺稀那能不相待獨自送朝歸

四

三江潮水急五湖風浪湧由來花性輕莫畏連舟重

小長干曲

崔國輔

唐詩類苑

卷之三百十八

十一

月暗送湖風相尋路不通菱歌唱不輟知在此塘中

江夏行

李白

憶昔嬌小姿春心亦自持爲言嫁夫婿得免長相思
誰知嫁商賈令人却愁苦自從爲夫妻何曾在鄉土
去年下揚州相送黃鶴樓眼看帆去遠心逐江水流
只言期一載誰謂歷三秋使妾腸欲斷恨君情悠悠
東家西舍同時發北去南來不逾月未知行李遊何
方作箇音書能斷絕適來往南浦欲問西江船正見
當爐女紅粧二八年一種爲人妻獨自多悲悽對鏡
便垂淚逢人只欲啼不如輕薄兒旦暮長追隨悔作

商人婦青春長別離如今正好同歡樂君去容華誰得知

襄陽曲

李端

襄陽堤路長草碧柳枝黃誰家女兒臨夜粧紅羅帳裏有燈光雀釵翠羽動鳴嚙欲出不出脂粉香同居女伴正衣裳中庭寒月白如霜賈生十八稱才子空得門前一斷腸

襄陽行

張潮

玉盤轉明珠君心無定準昨見襄陽客刺說襄陽好無盡襄漢水峴山垂漢水東流風北吹只言一世長

唐詩類苑

卷之百五十八

古

嬌寵那悟今朝見別離君渡清羌渚知人獨不語妾見鳥栖林憶君相思深莫作雲間鴻離聲顧儔侶當如匣中劍分形會同處是君婦識君情怨君恨君爲此行下牀一宿不可保况乃萬里襄陽城襄陽傳近大堤北君到襄陽莫回惑大堤諸女兒憐錢不憐德

荊州歌

李白

荊州樂蓋出於清商曲江陵樂荊州卽江陵也有紀南城在江陵縣東梁簡文帝荊州歌云紀城南里望朝雲雉飛麥熟妾思君是也又有紀南歌蓋出於此

白帝城邊足風波瞿塘五月誰敢過荊州麥熟蘭成蛾線絲憶君頭緒多撥穀飛鳴柰妾何

秦女捲衣

李白

天子居未央妾侍捲衣裳顧無紫宮寵敢拂黃金牀水至亦不去熊來尚可當微身奉日月飄若螢之光願君采葑菲無以下體妨

孤燭嘆

徐彥伯

切切夜閨冷微微孤燭然玉盤紅淚滴金燼彩光圓暖手縫輕素嚙蛾續斷絃相思咽不語回向錦屏眠

古怨

孟郊

唐詩類苑

卷之百五十八

圭

試妾與君淚兩處滴池水看取芙蓉花今年爲誰死

歎疆場

樂苑曰歎疆場宮調曲也

聞道行人至粧梳對鏡臺淚痕猶尚在笑靨自然開

王昭君二首

令狐楚

錦車天外去毳幕雪中開魏闕蒼龍遠蕭關赤鴈來

二

仙娥今下嫁驕子自同和劒戟歸田盡牛羊繞塞多

急樂世辭

白居易

正抽碧線繡紅羅忽聽黃鸝欲翠蛾秋思冬愁春悵

望大都不稱意時多

浣沙溪二首

韓偓

攏鬢新收玉步搖
背燈初解繡裙腰
枕寒食冷熏香
焦深院不關春
寂寂落花和雨夜
迢迢恨情殘醉却
無聊

宿醉離愁慢髻鬟
六銖衣薄惹輕寒
慵紅問翠掩青
鸞羅襪况兼金
茵茵雪肌仍是玉
琅玕骨香腰細更
沈檀

見諸姬學玉臺體

皇甫冉

艷唱召燕姬
清絃待盧女
由來道姓秦
誰不知家楚

唐詩類苑

卷之百十八

十七

傳杯見目成
結帶明心許
寧辭玉輦迎
自堪金屋貯
一去作行雲
襄王迷處所

效玉臺體

羅隱

青樓枕路隅
壁甃復椒塗
晚夢通簾押
春寒逼酒爐
解吟憐芍藥
難見恨菖蒲
試問年多少
隣姬亦姓胡

玉臺體三首

權德輿

秋風一夜至
吹盡後庭花
莫作經時別
西隣是宋家

二

昨夜裙帶解
今朝蟄子飛
鉛華不可棄
莫是藁砧歸

三

萬里行人至深閨
夜未眠雙眉燈下掃
不待鏡臺前

風人體

曹鄴

出門行一步形影便相失
何況大堤上驄馬如箭疾
夜夜如織婦尋思待成疋
郎只不在家在家亦如出
將金與卜人謫道遠行吉
念郎緣底事不具天與日

風入詩三首

陸龜蒙

十萬全師出遙知正憶君
一心如瑞麥唯作兩岐分

破藥供朝爨須知是苦辛
曉天窺落宿誰識獨醒人

三

唐詩類苑

卷之百十八

十七

聞道更新幟多應廢舊期
征衣無伴搗獨處自然悲

奉和風人體三首

皮日休

刻日書離恨因成別後悲
莫言春蠶薄猶有萬重思

二

鏤出客刀飾親逢巧笑難
日中騷客珮爭奈卽闌干

江上秋聲起從來浪得名
逆風猶挂席若不會帆情

李商隱

柳枝洛中里娘也父饒好賈
風波死湖上其母不

念他兒子獨命柳枝生十七年
塗粧縮髻未嘗竟

已復起去吹葉嚼藥調絲管作天海風濤之內
幽憶怨斷之音居其旁與其家揖故往來者謂十
年尚相與疑其醉眠夢物斷不媾余從昆讓山比
柳枝居爲近他日春曾陰讓山下馬柳枝南柳下
詠余燕臺詩柳枝驚問誰人有此誰人爲是讓山
謂曰此吾里中少年叔耳柳枝手斷長帶結讓山
爲贈叔乞詩明日余比馬出其巷柳枝丫鬟畢粧
抱立扇下風輒一袖指曰若叔是句後三日鄰當
去濺裙水上以博山香待與郎俱過余諾之會所
友有偕當詣京師者戲盜余卧裝以先不果留雪

唐詩類苑

卷之三百三十八

八

中讓山至且曰東諸侯取去矣明年讓山復東相
於戲上因寓詩以墨其故處

花房與蜜脾蜂雄蛺蝶雌同時不同類那復更相思

二

本是丁香樹春條結始生玉作彈棋局中心亦不平

三

嘉瓜引蔓長碧玉冰寒漿東陵雖五色不忍值牙香

四

柳枝井上蟠蓮葉浦中乾錦鱗與繡羽水陸有傷殘

五

畫屏繡步障物物自成雙如何湖上望只是見鴛鴦

代別情人

李白

水清本不動桃花發岸傍桃花弄水色波蕩搖春光
我悅子容艷子傾我文章風吹綠琴去曲度紫鴛鴦
昔作一水魚今成兩枝鳥哀哀長鷄鳴夜夜達五曉
起折相思樹歸贈知寸心覆水不可收行雲難重尋
天涯有度鳥莫絕瑤華音

代寄情人楚辭體

李白

君不來兮徒蓄怨積思而孤吟雲陽一去已遠隔巫
山淥水之沈沈留餘香兮染繡被夜欲寢兮愁人心

唐詩類苑

卷之三百三十八

九

朝馳余馬於青樓恍若空而夷猶浮雲深兮不得語
却惆悵而懷憂使青鳥兮銜書恨獨宿兮傷離居何
無情而兩絕夢雖往而交疎橫流涕而長嘆折芳洲
之瑤華送飛鳥以極目怨夕陽之西斜願爲連根同
死之秋草不作飛空之落花

艷情代郭氏答盧照隣

駱賓王

迢迢芊路望芝田眇眇西關恨蜀川歸雲已落涪江
外遠鴈應過洛水瀝洛水傍連帝城側帝宅層甍垂
鳳翼銅駝路上柳千條金谷園中花幾色柳葉園花
處處新洛陽桃李應芳春妾向雙流窺石鏡君住三

川守玉人此時離別那堪道此日空牀對芳沼芳沼
徒遊比目魚幽徑還生拔心草流風迴雪舞便娟驥
子魚文實可憐擲果河陽君有分貨酒成都妾亦然
莫言貧賤無人重莫言富貴應須種綠珠猶得石崇
憐飛燕曾經漢皇寵良人何處醉縱橫直如循默守
空名倒提新練成慊慊翻將故劍作平平離前吉夢
成蘭兆別後啼痕竹上生別日分明相約束已助宜
家成誠最當時疑弄掌中珠豈謂先摧庭際玉悲鳴
五里無人問腸斷一聲誰爲續思君欲上望夫臺端
居懶聽將鷄曲沈沈落日向山低簷前歸鳥並頭栖

唐詩類苑

卷之百十八

三

抱膝當窻看夕兔側耳空房聽曉鷄舞蝶臨階祗自
舞啼鳥逢人亦助啼獨坐傷孤枕春來悲更甚我眉
山上月如眉濯錦江中霞似錦字字迴文欲贈君劍
壁層峯自糾紛平沙耿耿分青浦長路悠悠間白雲
也知京洛多佳麗也知山岫遙虧蔽無那短封卽疎
索不在長情守期契傳聞織女對牽牛相望銀河隔
淺流誰分迢迢經兩歲誰能脉脉待三秋情知唾井
終無理情知覆水也難收不復下山能借問更向盧
家字莫愁

代閨人答輕薄少年

崔顥

妾家近隔鳳凰池粉壁紗窗楊柳垂本期漢代金吾
婿誤嫁長安游俠兒兒家夫婿多輕薄借客探丸重
然諾平明挾彈入新豐日晚揮鞭出長樂青絲白馬
冷遊園能使行人駐馬看自矜陌上繁華盛不念閨
中花鳥闌花間陌上春將晚走馬鬬鷄猶未返三時
出望無消息一去那知行近遠桃李花開覆井欄朱
樓落日捲簾看愁來欲奏相思曲抱得秦箏不忍彈

九日代羅樊二妓招舒著作

白居易

羅敷欲雙袂樊姬獻一杯不見舒員外秋菊爲誰開

唐詩類苑

卷之百十八

三

代謝好答崔員外

謝好

白居易

青娥小謝娘白髮老崔郎謾愛胸前雪其如頭上霜
別後曹家碑背上思量好字斷君腸

代吳興妓春初寄薛軍事

杜牧

霧冷侵紅粉春陰撲翠鈿自悲臨曉鏡誰與惜流年
柳暗霏微雨花愁黯淡天金釵有幾隻抽當酒家錢

代秋情

李白

幾日相別離門前生穠葵寒蟬聒梧桐日夕長鳴悲
白露濕螢火清霜零兔絲空掩紫羅袂長啼無盡時

代故人新姬侍疾

王建

雙轂不迴轍子疾已在傍侍坐長搖扇迎醫漸下牀
新施箱中幔未洗來時粧奉君纏綿意幸願莫相忘

代人作

杜牧

樓高春日早屏東麝煙堆吟吟凝魂別依稀夢雨來
綠鬟羞妥麼紅頰思天偎闌草憐香蕙簪花間雪梅
成遠雖咽切遊蜀亦遲迴錦字校懸壁琴心月滿臺
笑筵凝貝啓眠箔曉珠開臘破征車動袍襟對淚裁

代佳人贈別

顧况

萬里行人欲渡溪千行珠淚滴爲泥已成殘夢隨君
去猶有鶯鳥半夜啼

唐詩類苑

卷之三百三十一

主

代負新女贈諸妓

白居易

亂蓬爲鬢布爲巾曉踏寒山自負薪一種錢塘江畔
女著紅騎馬是何人

代應

李商隱

本來銀漢是紅牆隔得盧家白玉堂誰與王昌報消
息盡知三十六鴛鴦

飲席代官妓贈兩從事

李商隱

新人橋上着春衫舊主江邊側帽簷隋獨孤信舉止
風流會風吹開
願得化爲紅綬帶許教雙鳳一時銜

代魏宮私贈

黃初三年已隔存遺追代其意
必同時亦廣子夜歌之流

來時西館阻佳期去後渾河隔夢思知有宓妃無
意春松秋菊可同時

李商隱

代元城吳令暗爲答

李商隱

背闕歸藩路欲分水邊風日半西曠荆王枕上元無
夢莫枉陽臺一片雲

代贈

李商隱

楊柳路盡處芙蓉湖上頭雖同錦步障獨映鈿空篋
鴛鴦可羨頭俱白飛去飛來煙雨秋

代贈二首

李商隱

唐詩類苑

卷之三百三十一

主

樓上黃昏欲望休玉梯橫絕月中鈎芭蕉不展丁香
結同向春風各自愁

東南日出照高樓樓上離人唱石州總把春山掃眉
黛不知共得幾多愁

代諸妓贈送周判官

白居易

妓筵今夜別姑蘇客棹明朝向鏡湖莫汎扁舟尋范
蠡且隨五馬覓羅敷蘭亭月破能迴否娃館涼秋却
到無好與使君爲老伴歸來休染白髭鬚

湖上醉中代諸妓寄嚴郎中

白居易

笙歌杯酒正歡娛忽憶仙郎望帝都借問連宵直省何如盡日醉西湖蛾眉別久心知否鷄舌含多厭無還有些些惆悵事春來山路見蘼蕪

五更二首

韓偓

秋雨五更頭桐竹鳴騷屑却似殘春間斷送花時節空樓鴈一聲遠屏燈半滅繡被擁嬌寒眉山正愁絕

二

往年曾約釀金牀半夜潛身入洞房懷裏不知金鈿落暗中唯覺繡鞵香此時欲別魂俱斷自後相逢眼更狂光景旋銷惆悵在一生贏得是淒涼

唐詩類苑

卷之三百十八

五

偶言二首

賈至

春草粉碧色佳人曠無期悠哉千里心欲采商山芝嘆息良會晚如何桃李時懷君晴川上佇立夏雲滋

二

凜凜秋閨夕綺羅早知寒玉礎調鳴杵始擣機中紈憶昨別離日桐花覆井闌今來思君時白露盈堦溥聞有關河信欲寄雙玉盤玉以委貞心盤以薦嘉餐嗟君在萬里使妾衣帶寬

偶作

杜牧

才子風流詠曉霞倚樓吟住日初斜驚殺東隣繡牀

女錯將黃暈壓檀花

偶題

溫庭筠

孔雀眠高閣櫻桃拂短簷盡明金冉冉語玉纖纖細雨無妨燭輕寒不觸簾欲將紅錦段因夢寄江淹

偶題二首

杜牧

勞勞千里身襟袂滿行塵深夜懸雙淚短亭思遠人蒼江程未息黑水夢何頻明月輕橈去唯應釣赤鱗

二

有恨秋來極無端別後知夜闌終耿耿明發竟遲遲信已憑鴻去歸唯與燕期只應明月見千里兩相思

唐詩類苑

卷之三百十八

五

偶題

羅隱

鍾陵醉別十餘春重見雲英掌上身我未成名君未嫁可能俱是不如人

偶題

溫庭筠

微風和暖日鮮明草色迷人向渭城吳客捲簾閑不語楚娥攀樹獨含情紅垂果蒂櫻桃重黃染花叢蝶粉輕自恨青樓無近信不將心事許卿卿

薦福寺講筵偶見又別

韓偓

見時濃日午別處暮鐘殘景色疑春盡襟懷似酒闌兩情含眷戀一酌致辛酸夜靜長廊下難尋哀商看

偶見

韓偓

鞦韆打困解羅裙指點醍醐索一樽見客入來和笑
走手搓梅子映中門

復偶見三絕

韓偓

霧爲襟袖玉爲冠半似羞人半忍寒別易會難長自
嘆轉身應把淚珠彈

桃花臉薄難藏淚桂葉眉長易覺愁密迹未成當面
笑幾迴擡眼又低頭

半身映竹輕聞雨一手揭簾從轉頭此意別人應未
覺不勝情緒兩風流

唐詩類苑

卷之三百六

三

偶見背面是夕兼夢

韓偓

酥凝背胛玉搓肩輕薄紅綃覆白蓮此夜分明來入
夢當時惆悵不曾眠眼波向我無端艷心火因君特
地燃莫道人生難際會秦樓鸞鳳有神仙

偶見

韓偓

千金莫惜早蓮生一笑從教下蔡傾仙樹有花難問
種御香聞氣不知名愁來自覺歌喉咽瘦去誰憐舞
掌輕小疊紅牋書恨字與奴方便送卿卿

遙見

韓偓

悲歌淚濕淡胭脂閑立風吹金縷衣白玉堂東遙見

後令人陡薄畫楊妃

無題

李商隱

八歲偷照鏡長眉已能畫十歲去踏青芙蓉作裙
十二學彈箏銀甲不曾卸十四藏六親懸知猶未嫁
十五泣春風背立鞦韆下

無題

李商隱

近知名阿侯住處小江流腰細不勝舞眉長唯是愁
黃金堪作屋何不作重樓

無題

李商隱

照梁初有情出水舊知名裙襴芙蓉小釵茸翡翠輕

唐詩類苑

卷之三百六

三

錦長書鄭重眉細恨分明莫近彈碁局中心最不平

無題

李商隱

幽人不倦賞秋暑貴招邀竹碧轉悵望池清尤寂寥
露花終裊濕風蝶強嬌燒此地如攜手兼君不自聊

無題二首

韓偓

小檻移燈地空房所隙塵額波風盡日簾匣月侵晨
香辣更衣後釵梁欹鬢新吉音聞詭計醉語近天真
粧好方長歎歡餘却淺嚙繡屏金作屋絲幃玉爲輪
致意通綿竹精誠託錦鱗歌凝眉際恨酒發臉邊春
溪紵殊輕越樓簫豈美秦柳虛襖沴氣梅實引芳津

樂府降清唱宮厨減食珍防閑襟併飲忍妬淚休勻
宿飲愁繁夢春寒瘦着人手持雙荳蔻的的爲東隣

二

碧瓦偏光日紅簾不受塵柳昏連綠野花爛熳清晨
書密偷看數情通破體新明言終未實暗祝始應真
枉道嫌偷藥推成鄙効嘖合成雲五色宜在日中輪
照獸金塗爪釵魚玉鏤鱗渺瀰三島浪平遠一樓春
墮髻還名壽脩娥本姓秦棹尋聞大洞槎入飲牛津
鱗脯隨重釀霜華間八珍錦衾霞彩爛羅襪研光勻
羞溼佯牽伴嬌嬌欲泥人偷兒難捉搦慎莫共比隣

唐詩類苑

卷之百十

无

倒押前韻

韓 偓

查下歸同路烏衣住作隣珮聲猶隔箔香氣已迎人
酒勸杯須滿書羞字不勻歌憐黃竹怨味實碧桃珍
剪燭非良策當關是要津東阿初渡洛楊惲舊宗秦
粉化橫波溢衫輕曉霧春鷗黃雙鳳翅麝月半魚鱗
別袂翻如浪回腸轉似輪後期纔注脚前事又含嚔
縱有才難詠寧無畫逼眞天香聞更有瓊樹見長新
關草長更僕迷關悞達晨嗅花判不得檀注惹芳塵

無題

張 籍

桃蹊柳陌好經過燈下粧成月下歌爲是襄王故宮

尤至今猶有細腰多

無題

李商隱

白道繁迴入暮霞斑雕嘶斷七香車春風自共何人
笑枉破陽城十萬家

無題

李商隱

紫府仙人號寶燈雲漿未飲結成冰如何雪月交光
夜更在瑤臺十二層

無題四首

李商隱

來是空言去絕蹤月斜樓上五更鐘夢爲遠別啼難
喚書被催成墨未濃蠟照半籠金翡翠麝熏微度繡

唐詩類苑

卷之百十八

无

芙蓉劉郎已恨蓬山遠更隔蓬山一萬重

颯颯東風細雨來芙蓉塘外有輕雷金蟾蜍鎖燒香
入玉虎牽絲汲井迴賈氏窺簾韓掾少宓妃留枕魏

玉才春心莫共花爭發一寸相思一寸灰

含情春晚一作晚暫見夜闌干樓響將登怯簾烘欲

過難多羞釵上燕眞愧鏡中鸞歸去橫塘曉華星送

寶鞍

何處哀箏隨急管櫻花未老垂楊岸東家老女嫁不
售白日當天三月半溧陽公主年十四清明暖後同
牆看歸來展轉到五更梁間燕子聞長歎

無題二首

李商隱

鳳尾香羅薄幾重，碧文圓頂夜深縫。
扇裁月魄羞難掩，車走雷聲語未通。
曾是寂寥金燼暗，斷無消息石榴紅。
斑駁只繫垂楊岸，何處西南待好風。
重幃深下莫愁堂，卧後清宵細細長。
神女生涯元是夢，小姑居處本無郎。
古詩有云：小姑風波不信菱枝弱，月露誰教桂葉香。
直道相思了無益，未妨惆悵是清狂。

無題

李商隱

相見時難別亦難，東風無力百花殘。
春蠶到死絲方盡，

唐詩類苑

卷之三百十八

辛

盡蠟炬成灰淚始乾。
曉鏡但愁雲鬢改，夜吟應覺月光寒。
蓬山此去無多路，青鳥殷勤爲探看。

無題二首

李商隱

昨夜星辰昨夜風，
畫樓西畔桂堂東。
身無彩鳳雙飛翼，
心有靈犀一點通。
隔座送鉤春酒暖，
分曹射覆蠟燈紅。
嗟余聽鼓應官去，
走馬蘭臺類轉蓬。
聞道閭門舊綠華，
昔年相望抵天涯。
豈知一夜秦樓客，
偷看吳王苑內花。

唐詩類苑卷第一百三十八終

唐詩類苑卷第一百三十九

明雲間張之象玄超前纂輯

雲間姜雲龍神超甫編次

雲間王微叔朗甫補訂

梁谿曹仁孫伯安甫校正

人部

閨情

謝秀才有妾縞練改從於人，秀才引畱之不得，後生感憶，座人製詩嘲諷，賀復繼四首。

李賀

唐詩類苑

卷之三百十九

一

誰知泥憶雲，望斷梨花春。
荷絲製機練，竹葉剪花裙。
月明啼阿姊，燈暗會良人。
也識君夫婿，金魚挂在身。

二

銅鏡立青鸞，燕脂拂紫綿。
腮花弄暗粉，眼尾淚侵寒。
碧玉破不復，瑤琴重撥絃。
今日非昔日，何人敢正看。

三

洞房思不禁，蜂子作花心。
灰暖殘香炷，髮冷青蟲簪。
夜遙燈焰短，睡熟小屏深。
好作鴛鴦夢，南城罷擣砧。

四

尋常輕宋玉，今日嫁文鸯。
戟幹橫龍簾，刀環倚桂牕。

邀人裁半袖端坐據胡牀淚濕紅輪重栖鳥上井梁

爲薛嵩送紅線

冷朝陽

潞州節度使薛嵩有青衣善彈阮咸琴又通經史
嵩俾其掌牋表號曰內記室以其手紋隱起如紅
線因以名之一日辭去嵩知不可留乃廣爲餞別
悉集賓友夜宴中堂嵩以歌送紅線酒請座客冷
朝陽爲詞

採菱歌怨木蘭舟送客魂銷百尺樓還似洛妃乘霧
去碧天無際水東流

山遊示小妓

白居易

唐詩類苑

卷之百五十九

二

雙鬟垂未合三十纔過半本是綺羅人今爲山水伴
春前共揮弄好樹同攀翫笑容花底迷酒思風前亂
紅凝舞袖急黛慘歌聲緩莫唱楊柳枝無腸與君斷

殿妓

李建勳

自爲專房甚怨怒有所傷當時心已悔徹夜手猶香
恨枕堆雲髻啼襟搵月黃却來猶恐惡剪破繡鴛鴦

懷良人

女郎葛鵲兒

蓬鬢荆釵世所稀布裙猶是嫁時衣胡麻好種無人
種正是歸時不見歸

獻陳陶處士

豫章蓮花妓

蓮花爲號玉爲腮珍重尚書遺妾來處士不生巫峽
夢虛勞神女下陽臺

答蓮花妓

陳陶

近來詩思清於水老大心情薄似雲已向昇天得門
戶錦衾深媿卓文君

與牛家妓樂雨夜合宴

白居易

玉管清絃聲旖旎翠釵紅袖坐參差兩家合奏洞房
夜八月連陰秋雨時歌臉有情凝睇久舞腰無力轉
裙遲人間歡樂無過此上界西方卽不知

命妓不至

劉兼

唐詩類苑

卷之百五十九

三

琴中難挑孰憐才獨對良宵酒數杯蘇子黑貂將已
敝宋弘青鳥又空回月穿淨牖霜成隙風卷殘花錦
作堆歌枕夢魂何處去醉和春色入天台

光威哀姊妹三人少孤而始妍乃有是作精

粹難儔雖謝家聯雪何以加之有客自京

師來者示予

朱樓影直日當午玉樹陰低月已三膩粉暗銷銀

鏤合錯刀閑剪泥金衫繡牀怕引烏龍吹錦字愁

教青鳥雀百味饑來憐益母千花開處鬪宜男

鴛鴦有伴誰能羨鴛鴦無言我自慙浪喜遊蜂飛

撲撲伴驚孤鵲語喃喃哀偏憐愛數蛭蜨掌每憶光
抽玳瑁簪元烟洞幾年悲尚在星橋一夕悵空台哀
牕前時節羞虛擲世上風流笑苦諳哀獨結香綃偷
餉送暗垂檀袖學通參元須知化石心難定却是爲
雲分易甘威看見風光零落盡絃聲猶逐望江南哀

次光威哀韻

魚玄機

昔聞南國容華少今日東隣姊妹三粧閣相看鸚鵡
賦碧牕應繡鳳凰衫紅芳滿院參差折綠醕盈杯次
第銜恐向瑤池曾作女謫來塵世未爲男文姬有貌
終堪比西子無言我更慙一曲艷歌琴杳杳四絃輕

唐詩類苑

卷之百五

四

撥語喃喃當臺競鬪青絲髮對月爭誇白玉簪小有
洞中松露滴大羅天上柳烟含但能爲雨心長在不
怕吹簫事未諳阿母幾嗔花下語潘郎曾向夢中參
暫持清句魂猶斷若覩紅顏死亦甘悵望佳人何處
在行雲歸北又歸南

兵部尚書席上作

杜牧

華堂今日綺筵開誰召分司御史來偶發狂言驚滿
坐兩行紅粉一時回

席上贈人

出宋效

李商隱

淡雲輕雨一作淡拂高唐玉殿秋來夜正長一作清登
料得也應憐宋玉一生唯事一作只楚襄王

望行人

張籍

秋風牕下起旅鴈向南飛日日出門望家家行客歸
無因見邊使空待寄寒衣獨倚青樓暮烟深鳥雀稀

結素魚貽友人

李冶

尺素如殘雪結爲雙鯉魚欲知心裏事看取腹中書
得聞伯鈞書

李冶

情來對鏡懶梳頭暮雨蕭蕭庭樹秋莫怪欄杆垂玉
筍只緣惆悵對銀鈎

唐詩類苑

卷之百五

五

唐僖宗自內出袍千領賜塞外吏士神策軍
馬真於袍中得金鎖一枚詩一首

僖宗宮人

玉燭製袍夜金刀呵手裁鎖寄千里客鎖心終不開

莫愁

李商隱

雪中梅下與誰期梅雪相兼一萬枝若是石城無艇
子莫愁還自有愁時

做崔輔國體三首

韓偓

淡月照中夜海棠花自落獨立俯開堦風動秋千索

二

酒力滋睡眸鹵莽聞街鼓欲明天更寒東風打牕雨

三

羅幕生春寒繡牕愁未眠夜半南湖雨應濕採蓮船

效長吉

李商隱

長長漢殿眉窄楚宮衣鏡好鸞空舞簾疎燕誤飛
君王不可問昨夜約黃歸

夜意

李商隱

簾垂幕半捲枕冷被仍香如何爲相憶魂夢過瀟湘

冬至夜懷湘靈

白居易

艷質無由見寒衾不可親何堪最長夜俱作獨眠人

唐詩類苑

卷之百十九

六

半夜

韓偓

板閣數椽後至今猶酒杯一宵相見事半夜獨眠時

明朝牕下照應有髮如絲

昨夜

李商隱

不辭鴟鴞妬年芳但惜流塵暗燭房昨夜西池涼露

滿桂花吹斷月中香

夜宴曲

施肩吾

闌缸如晝買不眠玉爐夜起沈香烟青娥一行十二

仙欲笑不笑桃花燃碧牕弄嬌梳洗晚戶外不知雲

漢轉被郎嗔罰眉酥盞酒入四肢紅玉軟

邯鄲主人

王建

遠客無主人夜投邯鄲市飛蛾繞殘燭半夜人醉起
墟邊酒家女遺我綳綺被合成雙鳳花宛轉不相離

縱令顏色改勿遣合歡異一念始爲難萬金誰足貴

門前長安道去者如流水晨風羣鳥翔徘徊別離此

追賦畫江潭苑四首

李賀

吳苑曉蒼蒼宮衣冰澱黃小鬟紅粉薄騎馬珮珠長
路指臺城迴羅薰袴褶香行雲霑翠輦今日似襄王

二

寶抹菊衣單蕉花密露寒水光蘭澤葉帶重剪刀錢

唐詩類苑

卷之百十九

七

角暖盤弓易解長上馬難淚痕霑寢帳勻粉照金鞍

三

剪翅小鷹斜綰根生嫩花軟垂粧鈿栗箭服釘文牙

鸞鸞啼深竹鴉鵲老濕沙宮官燒蠟火飛燼汚鉛華

四

十騎簇芙蓉宮衣小隊紅練香燼宋鵲尋箭踏盧龍

旗濕金鈴重霜乾玉鐙空今朝畫眉早不待景陽鐘

江風行

張朝

瘠貧如珠玉瘠富如埃塵貧時不忘舊富日多寵新

妾本富家女與君爲偶匹念汝一何深中門不會出

妾有繡衣裳，威蕤金縷光。念君貧且賤，易此從遠方。
遠方三千里，發去悔不已。日暮情更來，空望雲時水。
孟夏麥始秀，江上多南風。商賈歸欲盡，君今尚巴東。
巴東有巫山，窈窕神女顏。常恐遊此方，果然不復還。

題玉泉溪

湘驛女子

西溪

李商隱

悵望西溪水，潺湲奈爾何。不驚春物少，只覺夕陽多。
色染妖韶柳，光含窈窕蘿。人間從到海，天上莫爲河。
鳳女彈瑤瑟，龍孫撼玉珂。京華他夜夢，好好寄雲波。

唐詩類苑

卷之三百五

八

石首縣聽砧

盧延遜

因携一家住，贏得半年吟。深閨乍冷，鑑開篋玉筍微。
微濕紅頰，一陣霜風殺柳條。濃烟半夜成黃葉，垂垂
白練明如雪。獨下閒階，轉淒切。秋知抱杵搗秋砧，不
覺高天已無月。時聞寒鴈聲相喚，紗牕只有燈相伴。
幾度金刀試剪裁，離腸恐逐金刀斷。細想儀形執牙
尺，回刀剪破澄江色。愁捻銀針，手縫惆悵無人試。
寬窄時時舉淚拭，紅牋紅牋謾有千千字。書中不盡
心中事，一半殷勤寄邊使。

河陽詩

本商隱

黃龍搖浴天上來，玉樓影近中天臺。龍頭瀉酒客醉
杯，主人淺笑紅玫瑰。梓澤東來七十里，長溝複墅埋
雲子。可惜秋眸一顰光，漢陵走馬黃塵起。南浦老魚
腥，古涎真珠密。字芙蓉，篇湘中寄到夢不到。衰容自
去拋涼天，憶得蛟絲裁小卓。蛺蝶飛回木綿薄，綠繡
笙囊不見人。一口紅霞夜深嚼，幽蘭泣露新香死。畫
圖淺縹松溪水，楚絲微覺竹枝高。半曲新辭寫綿紙，
巴西夜市紅守宮。後房點臂斑斑紅，堤南渴鴈自飛
久。蘆花一夜吹西風，曉簾串斷蜻蛚翼。羅屏但有空
青色，玉灣不釣三千年。蓮房暗被蛟龍惜，濕銀注鏡
唐詩類苑

卷之三百五

九

井口平，鸞釵映月寒。銚銚不知桂樹在，何處仙人不
下雙金莖。百尺相風插重屋，側近嬌紅伴柔綠。百勞
不識對月郎，湘竹千條爲一束。

題城南詩

崔護

去年今日此門中，人面桃花相映紅。人面不知何處
去，桃花依舊笑春風。

橫塘

韓偓

秋寒灑背入簾霜，鳳脰燈青照洞房。蜀紙麝煤添筆
壻，越麝犀液發茶香。風飄亂點更籌轉，拍送繁絃曲
破長。散客出門斜月在，兩眉愁思向橫塘。

侍寵

曹鄴

二月樹色好昭儀正嬌奢恐君愛陽豔斫却園中花
三十六宮女髻鬟各如鴉君王心所憐獨自不見
臺上紅燈盡未肯下金車一笑不得所塵中系家
飛燕身更輕何必恃容華

懶卸頭

韓偓

侍女動粧奩故故驚人睡那知本未眠背面偷垂淚
懶卸鳳凰釵羞入鴛鴦被時復見殘燈和烟墜金穗

結愛

孟郊

心心復心心結愛務在深一度欲離別千回結衣襟

唐詩類苑

卷之三百五

十一

結妾獨守志結君早歸意始知結衣裳不如結心腸
坐結行亦結結盡百年月

兩處

韓偓

樓上淡山橫樓前溝水清憐山又憐水兩處總牽情

半睡

韓偓

擡照仍嫌瘦更衣又怕寒宵分未歸帳半睡待郎看

寄張生

崔鶯鶯

待月西廂下迎風戶半開拂墻花影動疑是故人來

賦崔娘

楊巨源

清潤潘郎玉不如中庭蕙草雪銷初風流才子多春

思腸斷蕭娘一箇書

掘柘詞

溫庭筠

楊柳紫橋綠玫瑰拂地紅繡衫金腰裏花髻玉瓏璁
宿雨香潛潤春流水暗通畫樓初夢斷曉日照湘風

自退

曹鄴

寒女面如花空寂常對影況我不嫁客甘爲瓶墮井

早歸

韓偓

去是黃昏後歸當朧臆時秋衣吟宿醉風露動相思

恨詞

白居易

翠黛眉低欽紅珠暗暗銷曾來恨人意不省似今朝

唐詩類苑

卷之三百五

十二

即日

李商隱

小苑試春衣高樓倚暮暉天桃唯是笑舞蝶不空飛
赤嶺久無耗鴻門猶合圍幾家綠錦字含淚坐鴛機

信筆

韓偓

睡髻休頻攤春眉忍更長整釵梳子重泛酒菊花香
繡疊昏金色羅襪損研光有時閑弄筆亦盡兩鴛鴦

簡儻

韓偓

甚感殷勤意其如阻礙何隔簾窺綠窗映柱送橫波
老大逢知少襟懷暗喜多同傾一樽酒聊以慰蹉跎

俳諧

李商隱

紅顏何由遂遲光且莫驚鶯能歌子夜蝶解舞宮城
柳訝眉傷淺桃猜粉太輕年華有情狀吾敢恡生平

出坡

李賀

雪下桂花稀啼鳥被彈歸關水乘驢影秦風帽帶垂
入鄉試萬里無印自堪悲卿卿忍相問鏡中雙淚姿

碧瓦

李商隱

碧瓦銜珠樹紅輪結綺索無雙漢殿第一楚宮腰
霧唾香難盡珠啼冷易銷歌從雍門學酒是蜀城燒
柳暗將翻巷荷欹正抱橋鈿轅開道入金管隔隣調
夢到飛魂急書成卽席遙河流衝柱轉海沫近槎飄

唐詩類苑

卷之二百五

十二

吳市蟄蟻甲巴賈翡翠翹他時未知意重疊贈嬌嬌

惱公

李賀

宋玉愁空斷嬌嬌粉自紅歌聲春草露門掩杏花叢
注口櫻桃小添眉桂葉濃曉奩粧秀靨夜帳減香筒
鈿鏡飛孤鵲江圖畫水燕陂枕梳碧鳳嫵鬟帶金蟲
杜若含清露河蒲聚紫茸月分蛾黛破花合靨朱融
髮重疑盤霧腰輕乍倚風密書題萱惹隱語笑芙蓉
莫鎖茱萸匣休開翡翠籠弄珠驚漢燕燒蜜引胡蜂
醉顚拋紅網單羅挂綠蒙數錢教妓女買藥問巴賈
勾臉安斜鴈移燈想夢能腸攢非束竹肱急是張弓

晚樹迷新蝶殘蛻憶斷虹古時填渤海今日鑿崆峒
繡香寒長幔羅裙結短封心搖如舞鶴骨出似飛龍

井檻淋青漆門鋪綴白銅隈花開兔逕向壁印狐蹤

玳瑁釘簾薄琉璃疊扇烘象牀綠素栢瑤席卷香蔥
細管吟朝幌芳醪落夜楓宜男生楚巷梔子發金墉

龜甲開屏澀鵝毛滲墨濃黃庭留衛瓘綠樹養韓馮

鷄唱星懸柳鴉啼露滴桐黃娥初出座寵妹始相從
蠟淚垂蘭燼秋蕪掃綺櫳吹笙翻舊引沽酒待新豐
短佩愁填粟長絃怨削菰曲池眠乳鴨小閣睡娃僮
褥縫菱雙綫鉤綰辨五驄蜀煙飛重錦峽雨澣輕容

唐詩類苑

卷之二百五

十三

拂鏡羞溫嶠薰衣避賈克魚生玉藕下人在石蓮中
含水彎娥翠登樓濕馬驥使君居曲陌園令住臨邛
桂火流蘇暖金爐細炷通春遲王子態鶯囀謝娘慵
玉漏三星曙銅街五馬逢犀株防膽怯銀液鎮心忪
跳脫看年命琵琶道吉凶王時應七夕夫位在三宮
無力塗雲母多方帶藥翁符因青鳥送囊用絳紗縫
漢苑尋官柳河橋閣一作禁鐘月明中婦覺應笑盡
堂空

六言二首

韓偓

春樓處子傾城金陵狎客多情朝雲暮雨會合維襪

繡被逢迎華山梧桐相覆蠻江昔菴連生幽歎不盡
告別秋河悵望平明

一燈前雨落夜三月盡草青時半寒半暖正好花開
花謝相思惆悵空教夢見懊惱多成酒悲紅袖不乾
誰會揉損絲娟淡眉

此間青草更遠不唯空遠汀洲那裏朝日才出還應
先照西樓憶淚因成恨淚夢遊長續心遊桃源洞口
來否絳節霓旌久留

對酒

李白

葡萄酒金叵羅吳姬十五細馬馱青黛盡眉紅錦靴
唐詩類苑 卷之二百五十九 十四

道字不正嬌唱歌玳瑁筵中懷裏醉芙蓉帳底奈君
何

三五七言

李白

秋風清秋月明落葉聚還散寒鴉栖復驚相思相見
知何日此時此夜難爲情

玉合

韓偓

羅襪繡兩鳳凰玉合雕雙鸞鵲中有蘭膏漬紅苴每
回拈着長思憶長思憶經幾春人悵望香氛氤開絨
不見新書跡帶粉猶殘舊指痕

金陵

韓偓

風雨蕭蕭石頭城下木蘭橈烟月迢迢金陵渡口來
去潮自古風流皆暗銷才鬼妖魂誰與招綵牋題
徒已矣羅襪金蓮何寂寥

三憶

韓偓

憶眠時春夢困騰騰展轉不能起玉釵垂枕稜
憶行時背手移金雀欽笑慢回頭步轉欄干角
憶去時向月遲遲行強語戲同伴圖郎聞笑聲

美人梳頭

張碧

玉堂花院小枝紅綠牕一片春光曉玉容驚覺濃睡
醒圓蟾挂出粧臺表金盤解下叢鬟碎三尺巫雲綰

唐詩類苑

卷之二百五十九

十五

朝翠皓指高低寸黛愁水精梳滑參差墜須臾攏掠
蟬鬢生玉釵冷透冬水明芙蓉折向新開臉秋泉慢
轉眸波橫鸚鵡偷來話心曲屏風半倚遙山綠

嬋娟篇

孟郊

花嬋娟泛春泉竹嬋娟籠曉烟妓嬋娟不長妍月嬋
娟真可憐夜半嫦娥朝太一人間本自無靈匹漢宮
承寵不多時飛燕婕妤相妬嫉

擬百寶歌

司空曙

朱絲細絃金點雜雙帶芙蓉共開合誰家稚女着羅
裳紅粉青眉嬌暮粧木難作牀牙作席雲母屏風光

照壁玉顏年幾新上頭回身歛笑多自羞紅銷月落
不復見可恨當時誰拂面

休洗紅

李賀

休洗紅洗多紅色淺卿卿少年昨日殷橋見封侯
早歸來莫作弦上箭

密意

韓偓

呵花貼鬢粘寒髮凝酥光透猩猩血經過洛水幾多
人唯有陳王見羅襪

踏青

韓偓

踏青會散欲歸時金車久立頻催上收裙整髻故遲
唐詩類苑卷之百三十九

十六

留兩點深心各惆悵

獨眠吟二首

白居易

夜長無睡起階前寥落星河欲曙天十五年來明月
夜何曾一夜不孤眠

獨眠客夜夜可憐長寂寂就中今夜最愁人涼月清
風滿牀席

忍笑

韓偓

官樣衣裳淺畫眉曉來梳洗更相宜水精鸚鵡釵頭
顫舉秋倅羞忍笑時

再青春

韓偓

重門裏玉堂前寒食花枝月午天想得那人垂三
立嬌羞不肯上鞦韆

中庭

韓偓

夜短睡遲慵早起日高方始出紗牕中庭自摘青梅
子先向釵頭戴一雙

新上頭

韓偓

學梳鬆鬢試新裙消息佳期在此春爲要好心轉
感遍將宜稱問傍人

聯綴體

韓偓

院宇明秋日日長社前一鴈別遼陽龍頭針線年年
唐詩類苑卷之百三十九

十七

事不喜寒砧搗斷腸

病憶

韓偓

信知尤物必牽情一顧難酬覺命輕曾把禪機銷此
病破除才盡又重生

遣懷

杜牧

落魄江南載酒行楚腰腸斷掌中輕十年一覺揚州
夢占得青樓薄倖名

再青春

韓偓

東烏西兔似車輪劫火桑田不復論唯有風光與蹤
跡思量長是暗銷魂

日射

李商隱

日射紗牕風撼扉香羅掩手春事違回廊四合
寘碧鸚鵡對紅薔薇

新秋

韓偓

一夜清風動扇愁背時容色入新秋桃花臉裏
淚忍到更深枕上流

東南

李商隱

東南一望日中烏欲逐羲和去得無且向秦樓
棠樹下每朝先覓照羅敷

遶廊

韓偓

唐詩類苑 卷之百十九 十八
濃烟隔簾香漏泄斜燈映竹光參差遶廊倚
桂堪作

作正惆悵微雨輕寒花落時

霜月

李商隱

初聞征鴈已無蟬百尺樓南水接天青女素娥
俱耐冷月中霜裏闔嬋娟

定子

李商隱

檀槽一抹廣陵春定子初開睡臉新却笑喫
帝破家亡國爲何人

爲有

李商隱

爲有雲屏無限嬌鳳城寒盡怕春宵無端嫁得
金龜

辛負香衾事早朝

惆悵

韓偓

身情常在暗相隨生魄隨君君豈知被頭不暖
空沾淚釵股欲分猶半疑朗月清風難愜意詞人
絕已多傷離何如飲酒連千醉席地幕天無所知

咏浴

韓偓

再整魚犀攏翠簪解衣先覺冷森森教移蘭燭
頻羞影自試香湯更怕深初似洗花難抑按終憂
沃雪不勝任豈知侍女簾幃外賸取君王幾餅金

有憶

韓偓

唐詩類苑 卷之百十九 十九
畫漏迢迢夜漏移傾城消息杳無期愁腸泥酒人
千里淚眼倚樓天四垂自笑計狂多獨語誰憐夢
好轉相思何時斗帳濃香裏分付春風與玉兒

賦得

劉長卿

鶯啼燕語報新年馬色龍飛路幾千家住層城
臨漢苑心隨明月到胡天機中錦字論長恨樓上
花枝笑獨眠爲問元戎寶車騎何時返旆勒燕然

倚醉

韓偓

倚醉無端尋舊約却令惆悵轉勝靜中樓閣深
春雨遠處簾籠半夜燈抱柱立時

騰騰分明牕下聞裁剪敲遍欄干喚不應

多情

韓偓

天遣多情不自持多情兼與病相宜蜂偷野蜜初嘗處鶯啄含桃欲咽時酒蕩襟懷微駭駭春牽情緒更融怡水香剩貯金盆裏瓊樹長須浸一枝

擁鼻

韓偓

擁鼻悲吟一向愁寒更轉盡未回頭綠屏無睡秋分簾紅葉傷時月午樓却要因循添逸興若爲趨競愴離憂殷勤憑仗官渠水爲到西溪動釣舟

意緒

韓偓

唐詩類苑

卷之百三十九

三十一

絕代佳人何寂寞梨花未發梅花落東風吹雨入西園銀線千條度虛閣臉粉難勻蜀酒濃口脂易印吳綾薄嬌燒意緒不勝羞願倚郎肩永相着

晝寢

韓偓

碧桐陰靜隔簾櫳扇拂金鵝玉簾烘撲粉更添香體滑解衣從見下裳紅頰襟乍觸冰臺冷倦枕徐欹寶髻鬆何必苦勞魂與夢王昌只在此墻東

妬媒

韓偓

洞房深閉不曾開橫臥烏龍作妬媒好鳥豈須兼此翼異花何必更重臺難留旋逐驚帆去暫反如隨急

電來多爲過防成後悔偶因翻語得深清
春宵短最恨鳴珂曉鼓催應笑楚襄仙分薄日中長是獨徘徊

賦詩

辛弘智

君爲河邊草逢春心刺生妾如臺上鏡得照始分明

寄非烟

武氏妾

趙象

一覩傾城貌塵心只自猜不隨蕭史去擬學阿蘭來

答趙象

非烟

綠慘嬌娥不自持只緣幽恨在新詩郎心應似琴心怨
怨脉脉春情更泥誰

唐詩類苑

卷之百三十九

三十一

又贈

趙象

珍重佳人惠好音綵牋花翰兩情深薄如蟬翼誰供眼密似蠅頭未寫心疑是落花還碧洞又思輕雨滿幽襟百回消息千回夢裁作長謠寄綠琴

答趙象獨坐

非烟

無力嚴粧倚繡櫳聊題蟬錦思
窮近來贏得傷春病柳弱花歌怯晚風

又答

趙象

擲履仙臆起捲衣蝴蝶飄羞中
金龜怒嘖裏帶餘嬌
醒後猶攬腕歸時更折腰狂
語殺絕眉勢倩誰描

寄歐陽詹

太原妓

自從別後減容光
半是思郎半恨郎
欲識舊來雲雨
樣爲奴開取纓金箱

詩類苑

卷之三百五十九

王

唐詩類苑卷第一百四十

明雲間張之象玄超甫纂輯

雲間姜雲龍神超甫編次

雲間王微叔朗甫補訂

梁谿曹仁孫伯安甫校正

人部

幽怨

怨詩行二首

薛奇童

古今樂錄曰怨詩行歌東阿王明月照高樓一篇
王僧虔伎錄曰荀錄所載古爲君一篇今不傳琴

唐詩類苑

卷之四百十

一

操曰卞和得玉璞獻楚懷王王使樂正子治之曰
非玉刖其右足平王立復獻之又以爲欺刖其左
足平王死子立復獻抱玉而哭繼之以血荆山爲
崩王使剖之果有寶封和爲陵陽侯辭不受而作
怨歌班婕妤怨詩行序曰漢成帝班婕妤失寵求
供養太后於長信宮作怨詩自傷託辭於執扇云
樂府解題曰古詞云爲君旣不易爲臣良獨難言
周公推心輔政二叔流言致有雷雨拔木之變梁
簡文十五頗有餘自言姝豔以纔見毀又曰持此
傾城貌翻爲不肖軀與古文意同而體異若傅休

奕怨歌行云昭昭朝時日皎皎最明月蓋傷十五
入君門一別終華髮不及借老猶望死而同穴也
日晚梧桐落微寒入禁垣月懸三雀觀霜度萬秋門
豔舞矜新寵愁容泣舊恩不堪深殿裏簾外欲黃昏

二

禁苑春風起流鶯遶合歡玉牕通日氣珠箔卷輕寒
楊葉垂陰砌梨花入井欄君王好長袖新作舞衣寬

怨詩

劉元濟

玉關芳信斷蘭閨錦字新愁來好自抑念切已含咽
虛牖風驚夢空牀月厭人佳期儻可促勿度柳園春

唐詩類苑 卷之二十四

二

怨歌行

李白

十五入漢宮花顏笑春紅君王選玉色侍寢金屏中
鵲枕嬌夕月卷衣戀春風寧知趙飛燕奪寵恨無窮
沈憂能傷人綠鬢成霜蓬一朝不得意世事徒爲空
鸛鵲換美酒舞衣罷雕籠寒苦不忍言爲君奏絲桐
腸斷絃亦絕悲心夜冲冲

怨歌行

吳少微

城南有怨婦含怨倚蘭叢自謂二八時歌舞入漢宮
皇恩弄幸玉堂中綠陌黃花催夜酒錦衣羅袂逐春
風建章西宮煥若神燕趙美女二千人君王厭德不

忘新成群豔冶紛來陳是特別君不再見三十三春
長信殿長信重門晝掩關清房曉帳幽且閑綺牕羅
網氛塵色文軒鶯對桃李顏天王貴官不貯老浩然
淚隕今來還自隣春色轉晚暮試逐佳遊芳草路小
腰麗女奪人奇金鞍少年曾不顧歸來誰爲夫請謝
西家婦莫辭先醉解羅襦

怨歌

薛維翰

百尺珠樓臨狹斜新粧能唱美人車昔言賤妾紅顏
好要自狂夫不憶家

怨歌行

虞世南

唐詩類苑 卷之二十四

三

紫殿秋風冷雕甍落日沈裁紈悽斷曲織素引離心
掖庭羞改畫長門不惜金寵移恩稍薄情疎恨轉深
香銷翠羽帳絃斷鳳凰琴鏡前紅粉歇階上綠苔侵
誰言掩歌扇翻作白頭吟

怨辭二首

崔國輔

妾有玉容在時作爲舞春風多秋來不堪著

怨詞

白居易

樓前桃李疎池上芙蓉落織錦猶未成蟲聲入羅幙
奪寵心那慣尋思倚殿門不知移舊愛何處作新恩

怨情

李白

美人卷珠簾深坐顰蛾眉但見淚痕濕不知心恨誰

怨情

李白

新人如花雖可寵故人似玉由來重花性飄揚不自持玉心皎潔終不移故人昔新今尚故還見新人有故時請看陳后黃金屋寂寂珠簾生網絲

惆悵詞二首

王之渙

晨肇重來路已迷碧桃花謝武陵溪仙山日斷無尋處流水潺湲日漸西

夢裏分明入漢宮覺來燈背錦屏空紫臺月落關山

唐詩類苑

卷之二十四

四

曉月斷君恩信盡工

春怨

金昌緒

打却黃鸝兒莫教枝上啼幾迴驚妾夢不得到遼西

春怨

崔巨

夜盡夢初驚紗牕早霧明曉粧脂粉薄春服綺羅輕妾有今朝恨君無舊日情愁來理絃管皆是斷腸聲

春怨

孟浩然

佳人能畫眉粧罷出簾幃照水空自愛折花將遺誰春情多豔逸春意倍相思愁心樹楊柳一種亂如絲

陽春怨

許景先

紅樹曉鶯啼春風暖翠閨雕籠熏繡被珠履踏金

芍藥花如吐菖蒲葉正齊稿砧當此日行役遼西

春怨

鄭愔

春朝物候妍愁婦鏡臺前風吹數蝶亂露洗百花鮮試出寒羅幌還來著錦筵曲中愁夜夜樓上別年年不及隨蕭史高飛向紫煙

春怨

李白

白馬金羈遼海東羅帷繡被卧春風落月低軒窺燭盡飛花入戶笑牀空

春怨

劉方平

唐詩類苑 卷之二十四 五 紗牕落日漸黃昏金屋無人見淚痕寂寞空庭春又晚梨花滿地不開門

春怨

劉兼

繡林紅岸落花細故去新來感自然絕塞杪春悲漢月長林深夜泣湘絃錦書斷應難寄菱鏡鸞孤貌可憐獨倚畫屏人不曾夢魂繞別戍樓邊

春怨

薛惟翰

白玉堂前一樹梅今朝忽見數花開兒家門戶尋常閉春色因何入得來

春女怨

朱絳

春女怨

獨坐紗牕刺繡遲紫荊枝上轉黃鸝欲知無限傷春意併在停鍼不語時

秋怨

皇甫冉

長信多秋氣昭陽借月華那堪閉永巷聞道選良家

感秋別怨

盧仝

霜秋自斷魂楚調怨離分魄散瑤臺月心隨巫峽雲蛾眉誰共畫鳳曲不同聞莫似湘妃淚斑斑點翠裙

清夜怨

李商隱

含淚坐春宵聞君欲度遼綠池荷葉嫩紅砌杏花嬌曙月當牕滿征雲出塞遙盡樓終日閉清管爲誰調

唐詩類苑

卷之百四

六

玉階怨

李白

玉階生白露夜久侵羅襪却下水晶簾玲瓏望秋月

綠墀怨

李元紘

征馬嘶金珂嫋姚向北河綠苔行跡少紅粉淚痕多寶屋粘花絮銀箏覆網羅別君如昨日青海鴈頻過

相思怨

李元紘

望月思氛氲朱衾嬾更熏春生翡翠帳花點石榴裙燕語時驚妾鶯啼轉憶君交河一萬里仍隔數重雲

綠書怨

上官昭容

葉下洞庭初思君萬里餘露濃香被冷月落錦屏虛

欲奏江南曲貪封薊北書書中無別意惟悵久離居

孤寢怨

崔珣

征戍動經年含情拂玳筵花飛織錦處月落擣衣邊燈暗愁孤坐牀空怨獨眠自居遼海去玉匣閉春絃

開絃怨

朱琳

夫婿邊庭久幽閨恨幾重玉琴知別日金鏡識愁容嬾寄雲中服慵開海外封年年得衣慣且試莫裁縫

鳳樓怨

顏舒

佳人名莫愁珠箔上花鈎清鏡驚鴛鴦匣新粧翡翠樓擣衣明月夜吹管白雲秋唯恨金吾子年年向隴頭

唐詩類苑

卷之百四

七

蛾眉怨

王翰

君不見宜春苑中九華殿飛閣連連直如髮白日全含朱鳥牕流雲平入蒼龍闕宮中綵女夜無事學鳳吹簫弄清越珠簾北卷待涼風繡戶南開向日月忽聞天子憶蛾眉寶鳳銜花撲兩螭傳聲走馬開金屋夾路鳴環上玉墀長樂形庭宴華寢三千美人曳光錦燈前含笑更羅衣帳裏承恩薦瑤枕不意君心半路迴求仙別作望仙臺蒼琅禁闥遙相憶紫翠巖房晝不開欲向人間種桃實元從海底覓蓬萊可求不可上孤舟縹緲知何往黃金作盤銅作莖晴天白露

掌中擎王母嫣然感君意雲車羽旆欲相迎飛廉觀
前空怨慕少君何事須相誤一朝埋沒茂陵田賤妾
蛾眉不重顧官車晚出向南山仙術逶迤去不還朝
晡泣對麒麟樹樹下蒼苔日漸斑人生百年夜將半
對酒長歌莫長嘆情知白日不可思一死一生何足
算

後庭怨

王諲

君不見紅閨少女端正時大夫桃李仙容姿幸得君
王憐巧笑披香殿裏薦蛾眉蛾眉雙雙入共進常恐
妾身從此損甄妃爲妬出層宮班女因猜下長信長

唐詩類苑

卷之二十四十

八

信宮門閉不開昭陽歌吹風送來夢中魂魄猶言是
覺後精神尚未迴念君嬌愛無終始使妾長啼後庭
裏獨立每看斜日盡孤眠直至殘燈死秋日聞蟲翡
翠簾春晴照面鴛鴦水紅顏舊來花不勝白髮如今
雪相似傳聞紈扇恩未歇預想蛾眉上初月如君貴
僞不貴真還同棄妾逐新人借問南山松葉意何如
砌花權花新

邯鄲宮人怨

崔顥

邯鄲陌上三月春暮行逢見一婦人自言鄉里本燕
趙少小隨家西入秦母兄憐愛無儔侶五歲名爲阿

嬌女七歲丰茸好顏色八歲黠惠能言語十三兄弟
教詩書十五青樓學歌舞我家青樓臨道傍紗牕綺
幔暗聞香朝暮笙歌駐君馬春日粧梳妾斷腸不用

城南使君壻本求三十侍中郎何知漢帝好容色玉
輦攜登歸建章建章宮殿不知數萬戶千門深且長
百堵塗椒接青瑣九華閣道連洞房水晶簾箔雲母
扇琉璃牕牖玳瑁牀歲歲年年奉歡宴嬌貴榮華誰
不羨恩情莫比陳皇后寵愛全勝趙飛燕瑤房侍寢
出莫知金屋更衣人不見誰言一朝復一日君王棄
世市朝變宮車出葬茂陵田賤妾獨留長信殿一朝

唐詩類苑

卷之二十四十

九

太子升至尊宮中人事如翻掌同時侍女見讒毀後
來新人莫敢言兄弟印綬皆被奪昔年賞賜不復存
一旦放歸舊鄉里乘車垂淚還入門父母慙我曾富
貴嫁與西舍金王孫念此翻覆復何道百年盛衰誰
能保憶昨尚如春日花悲今已作秋時草少年去去
莫停鞭人生萬事由上天非我今日獨如此古今歌
薄皆共然

吳宮怨

衛萬

君不見吳王宮閣臨江起不卷珠簾見江水曉氣晴
來雙闕間潮聲夜落千門裏句踐城中非舊春姑蘇

臺下起黃塵祗今唯有西江月曾照吳王宮裏人

吳宮怨

張籍

吳宮四面秋江水江清露白芙蓉死吳王醉後欲更
衣座上美人嬌不起宮中千門復萬戶君恩天
能數君心與妾既不同徒向君前作歌舞茱萸滿宮
紅實垂秋風嫋嫋生繁枝姑蘇臺上夕燕罷他人侍
寢還獨歸白日在天光在地君今那得長相棄

古宮怨

長孫佐輔

聽前好樹名玫瑰去年花落今年開無情春色尚識
反君心忽斷何時來憶昔粧成候仙仗宮璫玲瓏日

唐詩類苑

卷之二十四

十一

新上拊心却笑西子顰掩鼻誰憂鄭姬謗草染文章
衣下履花粘甲乙牀前帳三千玉貌休自誇十二金
釵獨相向盛衰傾奪欲何如嬌愛翻悲逐佞諛重遠
豈能慙沼鵲葉前方見泣船魚看籠不記熏龍腦詠
扇空曾禿鼻鬚始喜類蘿新託栢終傷如齊却甘荼
院深獨開還獨閉鷓鴣驚飛苔覆地滿箱舊賜前日
衣滴枕新垂夜來淚恨多開鏡照還悲綠髻青娥尚
未衰莫道新淦長絕比猶逢故劍會相追

西宮春怨

王昌齡

西宮夜靜百花香欲卷珠簾春恨長斜抱雲和深見

月朧朧樹色隱昭陽

青樓怨

王昌齡

香幃風動花入樓高調鳴箏緩夜愁腸斷關山不解
說依依殘月下簾鉤

古宮怨

王建

亂烏啞啞飛復啼城頭晨夕宮中棲吳王別殿繞江
水後宮不開美人死

長門怨

徐賢妃

漢武帝故事曰武帝為膠東王時長公主嫖有女
欲與王婚景帝未許後長主還宮膠東王數歲長

唐詩類苑

卷之二十四

十一

主抱置膝上問曰兒欲得婦否長主指左右長御
百餘人皆云不用指其女問曰阿嬌好否笑對曰
好若得阿嬌作婦當作金屋貯之長主乃苦要帝
遂成婚焉漢書曰孝武陳皇后長公主嫖女也擅
寵嬌貴十餘年而無子聞衛子夫得幸幾死者數
焉元光五年廢居長門宮樂府解題曰長門怨者
為陳皇后作也后居長門宮愁悶悲思聞司馬
相如工文章奉黃金百斤令為解愁之辭相如為
作長門賦帝見而傷之復得親幸後人因其賦而
為長門怨也

舊愛相梁臺新寵昭陽殿守分辭方輦含情泣雪房
一朝歌舞榮夙昔詩書賤積恩誠已矣覆水難重薦

長門怨

吳少微

月出映層城孤圓上太清君王春愛歇枕席涼風生
怨咽不能寢踟躕步前楹空階白露色百草寒蟲鳴
念昔金房裏猶嫌玉座輕如何嬌所悞長夜泣恩情

長門怨

袁 暉

早知君愛歇本自無繁妬誰使恩情深今來反相誤
愁眠羅帳曉泣坐金闥暮獨有夢中魂猶言意如故

長門怨

齊 幹

唐詩類苑

卷之三百四十

十一

沈沈孤思通寂寂長門夕妾妬亦非深君恩那不借
攜琴就玉階調悲聲未諧將心寄明月流影入君懷

長門怨

盧 綸

空空古廊殿寒月落斜暉卧聽未央曲滿箱歌舞衣

長門怨

沈佺期

月皎風冷冷長門次掖庭玉階聞墜葉羅幌見飛螢
清露凝珠綴流塵下翠屏妾心君未察愁嘆劇繁星

長門怨

崔 顥

君王寵初歇棄妾長門宮紫殿青苔滿高樓明月空
夜愁生枕席春意罷簾櫳泣盡無人問容華落鏡中

長門怨

賈 至

獨坐思千里春庭曉景長鶯喧翡翠幙柳暗鬱金堂
舞蝶繁愁緒繁花對靚粧深情託瑤瑟絃斷不成章

長門怨

岑 參

君王嫌妾妬閉妾向長門舞袖垂新寵愁眉結舊恩
綠錢生履迹紅粉濕啼痕羞被桃花笑看春獨不言

長門怨

李 華

弱體鶯鶯薦啼粧翡翠衾鳴秋殿曉人靜禁門深
每憶椒房寵那堪永巷陰日驚羅帶緩非復舊來心

長門怨

劉長卿

唐詩類苑

卷之三百四十

十一

何事長門閉珠簾只自垂月移深殿早春向後宮遲
蕙草生閑地梨花發舊枝芳菲自恩幸看被風吹

長門怨二首

李 白

天回北斗挂西樓金屋無人螢火流月光欲到長門
殿別作深宮一段愁

桂殿長愁不記春黃金四屋起秋塵夜懸明鏡青天
上獨照長門宮裏人

長門怨

僧皎然

春風日日閉長門搖蕩春心自夢魂若遣花開只關
妾不如桃李正無言

長門怨

劉 阜

官殿沈沈月色分
昭陽更漏不堪聞
珊瑚枕上千行淚
不是思君是恨君

長門怨

裴交泰

自閉長門經幾秋
羅衣濕盡淚空流
一種蛾眉明月夜
南宮歌管北宮愁

長門怨

劉言史

獨坐爐邊結夜愁
暫時思去亦難收
手持金筋垂紅淚
亂撥寒灰不舉頭

長門怨二首

女郎劉媛

唐詩類苑

卷之百四

古

梧桐秋夜長
愁心和雨到昭陽
淚痕不學君恩斷
拭却千行更萬行

學畫蛾眉獨出群
當時人道便承恩
經年不見君王面
花落黃昏空掩門

長門怨

李 端

金壺漏盡禁門開
飛燕昭陽侍寢迴
隨分獨眠秋殿裏
遙聞語笑自天來

長信怨

王 諶

飛燕倚身輕
爭人巧笑名生君
棄妾意增妾怨
君情日落昭陽壁
秋來長信城
寥寥金殿裏
歌吹夜無聲

長信宮

李 白

月皎昭陽殿
霜清長信宮
天行乘玉輦
飛燕與君同
更有歡娛處
承恩樂未窮
誰憐團扇妾
獨坐怨秋風

長信秋詞五首

王昌齡

金井梧桐秋葉黃
珠簾不捲夜來霜
重籠玉枕無顏色
卧聽南宮清漏長

高殿秋砧響夜闌
霜深猶憶御衣寒
銀燈青瑣裁縫歇
還向金城明主看

奉帚平明金殿開
且將團扇共徘徊
玉顏不及寒鴉色
猶帶昭陽日影來

唐詩類苑

卷之百四

五

直成薄命久尋思
夢見君王覺後疑
火照西宮知夜飲
分明複道奉恩時

長信宮中秋月明
昭陽殿下擣衣聲
白露堂中細草迹
紅羅帳裏不勝情

長信怨

錢 起

長信螢來一葉秋
蛾眉淚盡九重幽
鵲觀前明月度
芙蓉闕下絳河流
鴛鴦久別難爲夢
鳳管遙聞更起愁
誰分朝陽夜歌舞
君王玉帶正淹留

西宮秋怨

王昌齡

大絳不及美人粧
水殿風來珠翠香
却恨含啼掩秋扇
空留明月照空堂

扇空懸明月待君王

離宮怨

張籍

高堂別館連湘渚長向春光開萬戶
荆王去去不復來宮中美人自歌舞

阿嬌怨

劉禹錫

望見葳蕤舉翠華試開金屋掃庭花
須臾官女傳來信言幸平陽公主家

閨怨

薛維翰

美人怨何深含情倚金閣不笑復不語
珠淚紛紛落

閨怨

沈如筠

唐詩類苑

卷之二十四

七

隴底嘆長別流襟一動君得言
幽咽所更作死生分

閨怨詞三首

白居易

朝憎鶯百囀夜妬燕雙棲不慣經春別
唯知到曉啼

二

珠箔籠寒月紗牕背曉燈夜來巾上淚
一半是春水

三

關山征戍遠閨閣別離難苦戰應憔悴
寒衣不要寬

春閨怨三首

張仲素

雪盡萱抽葉風輕水變苔玉關書信絕
又見發庭梅

二

東邊城柳青青陌上桑提籠行採葉昨夜夢漁陽

三

桂魄初生秋露微輕羅已薄未更衣銀箏夜久殷勤
弄心怯空房不忍歸

閨怨

王昌齡

閨中少婦不曾愁春日凝粧上翠樓忽見陌頭楊柳
色悔教夫婿覓封侯

閨怨

張紘

去年離別鴈初歸今夜裁縫螢已飛
征客近來音信斷不知何處寄邊衣

唐詩類苑

卷之二十四

七

寒閨怨

白居易

寒月沈沈洞房靜珍珠簾外梧桐影
秋霜欲下手先知燈底裁縫剪刀冷

閨怨

魚玄機

靡蕪盈手泣斜暉聞道隣家夫婿歸
別日南鴻纔北去今朝北鴈又南飛
春來秋去相思在秋去春來信
息稀

閨怨

黃滔

寸心寄與馬蹄隨如蛻形容在錦帷
江上月明船發後花間日暮信題時
五陵夜作酬恩計四塞秋爲破

虜期待到乘輅入門處淚珠流盡玉顏衰

閨怨

黃滔

妾家五嶺南君戍三城北鴈來雖有書銜陽越不得
別久情易料豈在窺翰墨塞上無煙花寧思妾顏色

班婕妤二首

徐彥伯

一日婕妤怨漢書曰孝成帝班婕妤初入宮爲少娥
俄而大幸爲婕妤後自鴻嘉後帝稍隆內
寵婕妤進侍者李平平得幸爲婕妤賜姓徽所謂
衛婕妤也其後趙婕妤弟亦從微賦興班婕妤
朱寵稀復進見趙氏姊弟嬌妬婕妤恐久見危求

唐詩類苑

卷之四百十

十八

供養太后長信官帝許焉樂府解題曰婕妤怨者
爲漢成帝班婕妤作也婕妤徐令彪之姑況之女
美而能文初爲帝所寵愛後幸趙飛燕姊弟冠於
後宮自知見薄乃退居東宮作賦及執扇詩以自
傷悼後人傷之而爲婕妤怨也

君恩忽斷絕妾思終未央中櫺不可見枕席空餘香
牕暗網羅白階秋苔蘚黃庭門寂已閑流涕向昭陽

二

更有清涼處承恩樂未窮誰憐團扇妾獨坐怨秋風

代班婕妤

曹鄴

寵極多妬容乘車上金階歛然趙飛燕不爲妬妬
手把菖蒲花君王喚不來常嫌鬢髮重乞人白玉釵
君心無定波咫尺流不回後宮門不掩每夜黃鳥啼
買得千金賦花顏已如灰

班婕妤三首

王維

二

玉牕螢影度金殿人聲絕秋夜守羅帷孤燈耿不滅
官殿生秋草君王恩幸疎那堪聞鳳吹門外度金輿

三

怪來粧閣閉朝下不相迎總向春園裏花間語笑聲

唐詩類苑

卷之四百十

九

婕妤怨

皇甫冉

花枝正建章鳳管發昭陽借問承恩者雙蛾幾許長
婕妤怨 崔湜

不分君恩斷新粧視鏡中容華向春日嬌愛似秋風
枕席臨登曉屏幃向日空年年後庭樹榮落在深宮

婕妤怨

嚴武

賤妾如班婕妤王若歲時秋風一已勁搖落不勝悲
寂寂蒼苔滿沈沈綠草滋繁華非此日指輦競何辭

婕妤怨

皇甫冉

由來詠團扇今已值秋風事逐時皆往恩無日再中

早鴻聞上苑寒露下深宮顏色年年異相如賦豈工

婕妤怨

李咸用

莫恃芙蓉開滿面更有身輕似飛燕不得團圓長近君珪月鉞時泣秋扇

明妃曲四首

儲光義

一日王昭君唐書樂志曰明君漢曲也元帝時匈奴單于入朝詔以王嬌配之即昭君也及將去入辭光彩射人悚動左右天子悔焉漢人憐其遠嫁爲作此歌晉石崇之妓綠珠善舞以此曲教之而自製新歌按此本中朝舊曲唐爲吳聲蓋吳人傳

唐詩類苑

卷之百四十

二十

授訛變使然也西京雜記曰元帝後宮既多不得常見乃使畫工圖其形按圖召幸官人皆賂畫工多者十萬少者亦不減五萬昭君自恃容貌獨不肯與工人乃醜圖之遂不得見後匈奴入朝求美入爲閼氏帝按圖以昭君行及去召見貌爲後宮第一善應對舉止閑雅帝悔之而名籍已定方重信於外國故不復更人乃窮按其事畫工有杜陵毛延壽爲人形醜好老少必得其真安陵陳敞新豐劉白鬣寬並工爲牛馬飛鳥衆藝人形好醜不逮延壽下杜陽望樊青猶善布色同日棄市籍其

唐詩類苑

卷之百四十

三二

家資皆巨萬京師盡工於是差校古今樂錄已明君歌舞者晉太康中季倫所作也王明君本名昭君以觸文帝諱故晉人謂之明君匈奴請婚於漢元帝以後宮良家子明君配焉初武帝以江都王建女細君爲公主嫁烏孫王昆莫令琵琶馬上作樂以慰其道路之思送明君亦然也其新造之曲多哀怨之聲晉宋以來明君止以絃索少許爲上舞而已梁天監中斯宣達爲樂府令與諸樂工以清商兩相閒絃爲明君上舞傳之至今王僧虔伎錄云明君有閒絃及昇注聲又有送聲謝希逸琴論曰平調明君三十六拍胡笳明君二十六拍清調明君十三拍閒絃明君九拍蜀調明君十三拍吳調明君十四拍杜瓊明君二十一拍凡有七曲琴集曰胡笳明君四弄有上舞下舞上閒絃下閒絃明君三百餘弄其善者四焉又胡笳明君別五弄辭漢跨鞍望鄉奔雲入林是也按琴曲有昭君怨亦與此同樂府解題曰王嬌字昭君琴操載昭君齊國王穰女端正閑麗未嘗窺門戶穰以其有異於人求之者皆不與年十七獻之元帝元帝以地遠不之幸以備後宮積五六年帝每遊後宮常

怨不出後單于遣使朝貢帝宴之盡召後宮昭君
盛飾而至帝問欲以一女賜單于能者往昭君
越席請行時單于使在旁驚恨不及昭君至匈奴
單于大悅以爲漢與我厚縱酒作樂遣使報漢白
璧一隻驪馬十匹胡地珍寶之物昭君恨帝始不
見遇乃作怨思之歌單于死子世達立昭君謂之
曰爲胡者妻母爲秦者更娶世達曰欲作胡禮昭
君乃吞藥而死按漢書匈奴傳曰竟寧中呼韓邪
來朝漢歸王昭君號寧胡閼氏呼韓邪死子雕陶
莫臯立爲沒株系若鞮單于欲妻昭君不言飲藥
唐詩類苑 卷之二十四 三

而死

西行隴上泣胡天南向雲中指渭川毳幕夜來時宛
轉何由得似漢王邊

胡王知妾不勝悲樂府皆傳漢國辭朝來馬上箜篌
引稍似宮中閑夜時

日暮驚沙亂雪飛傍人相勸易羅衣強來前殿看歌
舞共持單于夜酒歸

彩騎雙雙引寶車羌笛兩兩奏胡笳若爲別得橫橋
路莫隱宮中玉樹花

明妃怨

楊凌

漢國明妃去不還馬駝絃管向陰山匣中縱有菱花
鏡羞對單于照舊顏

昭君怨

顧朝陽

莫將鉛粉匣不用鏡花光一去邊城路何情更畫粧
影銷胡地月衣盡漢宮香妾死非關命都緣怨斷腸

昭君怨

盧照隣

合殿恩中絕交河使漸稀肝腸隨玉輦形影向金微
漢地草應綠胡庭沙正飛願逐三秋鴈年年一度歸

昭君怨

張文琮

戒途飛萬里迴首望三秦忽見天山雪還疑上苑春
唐詩類苑 卷之二十四 三

玉痕垂粉淚羅袂拂胡塵爲得胡中曲還悲遠嫁人

昭君怨

董思恭

琵琶馬上彈行路曲中難漢月正南遠燕山直北寒
髻鬟風拂亂眉黛雪沾殘斟酌紅顏改徒勞握鏡看

昭君怨

董初

新年猶尚小那堪遠聘秦裙衫沾馬汗眉黛染胡塵
舉眼無相識路逢皆異人唯有梅將李猶帶故鄉春

昭君怨

李白

漢家秦地月流影照明妃一上玉關道天涯去不歸
漢月還從東海出明妃西嫁無來日燕支長寒雪作

花蛾眉憔悴沒胡沙生乏黃金枉圖畫死留青塚人嗟

昭君詞

李端

李陵初送子卿迴漢月明時惆悵來憶著長安舊遊處千門萬戶玉樓臺

昭君詞

戴叔倫

漢家宮闕夢中歸幾度毬房淚濕衣惆悵不如邊鴈影秋風猶得向南飛

昭君怨

白居易

明妃風貌最娉婷合在椒房應四星只得當年備官唐詩類苑卷之二四十一

唐詩類苑

卷之二四十一

掖何曾專夜奉幃屏見疎從道迷圖畫知屈那教配虜庭自是君恩薄如紙不須一向恨丹青

王昭君三首

東方虬

漢道初全盛朝廷足武臣何須薄命妾辛苦遠和親

二

掩涕辭丹鳳銜悲向白龍單于浪驚喜無復舊時容

三

胡地無花草春來不似春自然衣帶緩非是爲腰身

王昭君

崔國輔

漢使南還盡胡中妾獨存紫臺錦望絕秋草不堪論

王昭君三首

郭元振

自嫁單于國長衢哭掖悲容顏日憔悴有甚畫圖時

二

厭踐冰霜域嗟爲征塞人思從漢南獵一見漢家塵

三

聞有南河信傳聞殺畫師始知君惠重更遣畫蛾眉

王昭君

李白

昭君拂玉鞍上馬啼紅頰今日漢宮人明朝胡地妾

王昭君

駱賓王

斂容辭豹尾緘怨度龍鱗金鈿明漢月玉筋染胡塵唐詩類苑卷之二四十一

唐詩類苑

卷之二四十一

古鏡菱花暗愁眉柳葉顰唯有清笳曲時聞芳樹春

王昭君

宋之問

非君惜鸞殿非妾妬蛾眉薄命由驕虜無情是畫師嫁來胡地日不並漢宮時辛苦無聊賴何看馬上辭

王昭君

梁獻

圖畫失天真容顏坐誤人君恩不可再妾命在和親

淚點關山月衣銷邊塞塵一聞陽鳥至思絕漢宮春

王昭君

上官儀

玉關春色晚金河路幾千琴悲桂條上笛怨柳花前霧掩臨粧月風驚入鬢蟬裁書待迴使淚盡白雲天

王昭君

李咸用

古帝修文德蠻夷莫敢侵不知桃李貌能轉虎狼心
日暮邊風急程遙積雪深千秋青塚骨留怨在胡琴

王昭君歌

劉長卿

自矜嬌豔色不顧丹青人那知粉繪能相負却使容
華翻誤身上馬辭君嫁驕虜玉顏對人啼不語北風
鴈急浮雲秋萬里獨見黃河流纖腰不復漢宮寵雙
蛾長向胡天愁琵琶絃中苦調多蕭蕭羌笛聲相和
誰憐一曲傳樂府能使千秋傷綺羅

王昭君二首

白居易

唐詩類苑

卷之二十四

三六

滿面胡沙滿鬢風眉銷殘黛臉銷紅愁苦辛勤憔悴
盡如今却似畫圖中

漢使却迴憑寄語黃金何日贖蛾眉君王若問妾顏
色莫道不如宮裏時

妾薄命

武平一

有女妖且麗徘徊湘水湄水湄蘭杜芳採之將寄誰
輒犀發皓齒雙蛾顰翠眉紅臉如開蓮素膚若凝脂
綽約多逸態輕盈不自持常矜絕代色復恃傾城姿
子夫前入侍飛燕復當時正悅掌中舞寧哀團扇詩
洛川昔云遇高唐今尚違幽閣禽雀噪閑階草露滋

流景一何速年華不可追解佩安所贈怨嚟空自悲

妾薄命

李白

漢帝寵阿嬌貯之黃金屋咳唾落九天隨風生珠玉
寵極愛還歇妬深情却疎長門一步地不肯暫回車
雨落不上天水覆難再收君情與妾意各自東西流
昔日芙蓉花今成斷根草以色事他人能得幾時好

妾薄命

崔國輔

雖入秦帝宮不上秦帝牀夜夜玉墮裏與他卷羅裳

妾薄命

李端

自從君棄妾憔悴不羞人唯餘壞粉淚未免映衫勻

唐詩類苑

卷之二十四

三七

妾薄命

盧綸

妾年初二八兩度嫁狂夫薄命今猶在堅貞掃地無

妾薄命

李咸用

妾命何太薄不及官中水時時對天顏聲聲入君耳

妾薄命

李百藥

團扇秋風起長門夜月明羞聞拊背人恨說舞腰輕
太常應已醉劉君恒帶醒橫陳每處設吉夢竟
何成

賦得妾薄命

杜審言

草綠長門掩苔青永巷幽籠移新愛牽泪落故情留

啼鳥驚殘夢飛花攪獨愁自憐春色罷團扇沒迎秋

妾薄命

劉元淑

自從離別守空閨遙聞征戰起雲梯夜夜愁君遠海
外年年棄妾渭橋西陽春白日照空暖紫燕銜花向
庭滿綵鸞琴裏怨多飛鵲鏡前粧梳斷誰家夫婿
不從征應是漁陽別有情莫道紅顏燕地少家家還
似洛陽城且逐新人殊未歸還令秋至夜霜飛北斗
星前橫渡鴈南樓月下擣寒衣夜深聞鴈鳴欲絕獨
坐縫衣燈又滅暗啼羅帳空自憐夢度陽關向誰說
每憐容貌宛如神如何薄命不勝人願君朝夕燕山

唐詩類苑 卷之三百四十

三八

至好佳明年楊柳春

妾薄命

張籍

薄命婦良家子無事從軍去萬里漢家天子平四夷
護羌都尉裏屍歸念君此行爲死別對君裁縫泉下
衣與君一日爲夫婦千年萬歲亦相守君愛龍城征
戰功妾願青樓歡樂同人生各各有所欲詎得將心
入君腹

妾薄命

李端

憶妾初嫁時花髮如綠雲迴燈入綺帳轉面脫羅裙
折步教人學偷香與客熏容顏南國重名字北方聞

一從失恩意轉覺身憔悴對鏡不梳頭倚牕空落淚
新人莫恃新秋至會無春從來閉住長門者必是宮
中第一人

妾薄命篇

權德輿

昔住邯鄲年尚少只是嬌羞弄花鳥青樓碧沙大道
邊綠楊日暮風裏裏嬋娟玉貌二八餘自矜顏色花
不如麗質全勝秦氏女稿砧寧用專城居歲去年來
年漸長青蛾紅粉全堪賞玉樹珠箔但閑居南北東
城詎來往韶光日日看漸遲標梅旣落行有時寧知
燕趙娉婷子翻嫁幽并遊俠兒年年結束青絲騎出

唐詩類苑 卷之三百四十

三九

門一去何時至秋月空懸翡翠簾春帷嬾卧鴛鴦被
沙塞經時不寄書深閨愁獨意何如花前拭淚情無
限月下調絃恨有餘離別苦多相見少洞房愁夢何
由曉閒看雙燕淚霏霏靜對空牀魂悄悄鏡裏紅顏
不自禁陌頭香騎動春心爲問佳期早晚是人人總
解有黃金

妾薄命

李端

玉壘城邊爭走馬銅駝市裏共乘舟鳴環動佩恩無
盡掩袖低巾淚不流時昔將歌邀客醉如今欲舞對
君羞忍懷賤妾平生曲獨上襄陽舊酒樓

古薄命妾

孟郊

不惜十指絃爲君千萬彈常恐新聲至一作使

聲一作曲殘棄置今日悲卽是昨日歡將一作變

故爲新難青山有靡蕪淚葉長不乾空今後代一作人

掇幽思一作思

薄命妾

曹鄴

薄命常測測出門見南北劉郎馬蹄疾何處去不得

淚珠不可收蟲絲不可織知君綠榮下更有新相識

唐詩類苑

卷一百四十一

三千

唐詩類苑卷第一百四十一

明雲間張之象玄超甫纂輯

雲間張所望叔翹甫編次

雲間王微叔朗甫補訂

梁谿曹仁孫伯安甫校正

人部

幽怨

銅雀臺

王無兢

一曰銅雀妓鄴都故事曰魏武帝遺命諸子曰吾死之後葬於鄴之西崗上與西門豹祠相近無藏

唐詩類苑

卷一百四十一

一

金玉珠寶餘香可分諸夫人不命祭吾妾與伎人

皆著銅雀臺臺上施六尺牀下總帳朝脯上酒脯

糧糒之屬每月朝十五輒向帳前作伎汝等時登

臺望吾西陵墓田故陸機弔魏武帝文曰揮清絃

而獨奏薦脯糒而誰嘗悼總帳之冥漠怨西陵之

茫茫登雀臺而羣悲佇美目其何望按銅雀臺在

鄴城建安十五年築其臺最高上有屋一百二十

間連接棟棟侵徹雲漢鑄大銅雀置於樓頭舒翼

奮尾勢若飛動因名爲銅雀臺樂府解題曰後人

悲其意而爲之詠也

北登銅雀上西望青松郭總帳空蒼蒼陵田紛
平生事已變歌吹宛猶昨長袖拂玉塵遺情結羅
妾怨在朝露君恩豈中薄高臺奏曲終曲終淚橫落

銅雀臺

宋之問

昔年分鼎地今日望陵臺一旦雄圖盡千秋遺令開
綺羅君不見歌舞妾空來恩共漳河水東流無重回

銅雀臺

鄭 愔

日斜漳浦望風起鄴臺寒玉座平生晚金罇妓吹闌
舞餘依帳泣歌罷向陵看蕭索松風暮愁烟入井欄

銅雀臺

賈 至

唐詩補注 卷之百四十一

二

日暮銅臺靜西陵鳥雀歸撫絃心斷絕聽管淚霏微
靈几臨朝奠空牀卷夜衣蒼蒼川上月應照妾魂飛

悲銅雀臺

李 遠

西陵樹已盡銅雀思偏多雪密疑樓閣花開想綺羅
影銷堂下舞聲斷帳前歌唯有漳河水年年舊綠波

銅雀臺

劉庭琦

銅臺宮觀委灰塵魏主園陵漳水濱卽今西望猶堪
思况復當時歌舞人

銅雀妓

李 邕

西陵望何及絃管徒在茲誰言死者傷生今亡者悲

丈夫有餘志兒女焉足私擾擾多俗情投迹互相
直節豈敢激荒淫乃妻其穎水有許由西山有伯夷
頌聲何寥寥唯聞銅雀詩君舉良未易永爲後代嗤

胡笳銅雀妓

劉 商

魏主矜蛾眉美人美於玉高臺無晝夜歌舞竟未足
盛色如轉圜夕陽落深谷仍令身歿後尚縱平生慾
紅粉淚縱橫調絃向空屋舉頭君不在唯見西陵木
玉輦豈再來嬌髮爲誰綠那堪秋風裏更舞陽春曲
曲罷情不勝闌干向西哭臺邊生野草來去冒羅縠
况復陵寢間雙雙見麋鹿

唐詩補注 卷之百四十一

三

銅雀妓

朱 放

恨唱歌聲咽愁翻舞袖遲西陵日欲暮是妾斷腸時

銅雀妓二首

王 勃

金鳳隣銅雀漳河望鄴城君王無處所臺榭若平生
舞筵紛可就歌梁儼未傾西陵松檟冷誰見綺羅情

二

妾本深宮妓層城閉九重君王歡愛盡歌舞爲誰客
錦衾不復襲羅衣誰再縫高堂西北望流涕向青松

銅雀妓

袁 暉

君愛本相饒從來似舞腰那堪攀玉座腸斷望陵朝

怨著情無主哀凝曲不調况臨松日暮悲吹坐新

銅雀妓

喬知之

金閣惜分香鉛華不重粧空餘歌舞地猶是爲君王
衰絃聲已絕艷曲亦何長共看西陵暮秋烟事白楊

銅雀妓

高適

日暮銅雀迴幽深玉座清蕭森松栢望姿鬱綺羅情
君恩不再重妾舞爲身輕

銅雀妓

歐陽詹

蕭條登古臺回首黃金屋落葉不歸林高陵永爲谷
粧容徒自麗舞態閱誰目惆悵總惟前歌聲苦於哭

唐詩類苑

卷之百五十一

四

追和何謝銅雀妓

李賀

佳人一壺酒秋容滿千里石馬臥新煙憂來何所似
歌聲且潛弄陵樹風自起長裾壓高臺淚眼看花机

銅雀妓

僧皎然

強開樽酒向陵看憶得君王舊日歡不覺餘歌悲自
斷非關艷曲轉聲難

崔臺怨

馬戴

魏宮歌舞地蝶戲鳥還鳴玉座人難到銅臺雨滴平
西陵樹不見漳浦草空生萬恨盡埋此徒懸千載名

息夫人

宋之問

魯莊公十年蔡哀侯娶于陳息侯亦娶焉息嬀

歸過蔡蔡侯曰吾嬀也止而見之弗賓息侯怒使

謂楚文王曰伐我吾求救于蔡而伐之秋九月楚

敗蔡於莘十四年蔡侯爲莘故繩息嬀以語楚子

楚子如息以食入享滅息以息嬀歸生堵敖及成

王未言楚子問之對曰吾一婦人而事二夫縱弗

能死其又奚言

可憐楚破息腸斷息夫人乃爲泉下骨不作楚王嬀

楚王寵莫盛息君情更親情親怨生別一朝俱殺身

息夫人

王維

唐詩類苑

卷之百五十一

五

寧王憲貴盛寵妓數十人有賣餅之妻織白明媚

王一見屬意因厚遺其夫求之寵愛逾等歲餘因

問曰汝復憶餅師否使見之其妻注視雙淚垂頰

若不勝情時王座客十餘人皆當時文士無不懷

異王命賦詩維先成座客無敢繼者王乃歸餅師

以終其志

莫以今時寵能忘舊日恩看花滿眼淚不共楚王言

長恨歌傳

陳鴻撰

白居易

開元中泰階平四海無事玄宗在位歲久倦于肝

食宵衣政無小大始委于右丞相深居遠宴以聲

云生女勿悲酸生男勿喜歡又曰男不封侯女作妃看女却爲門上楣其人心羨慕如此天寶末兄國忠盜丞相位愚弄國柄及安祿山引兵向關以討楊氏爲辭潼關不守翠華南幸出咸陽道次馬嵬亭六軍徘徊持戟不進從官即吏伏上馬前請誅以謝天下國忠奉輦盤水死於道周左右之意未快上問之當時敢言者請以貴妃塞天下怨上知不免而不忍見其死反袂掩面使牽之而去蒼黃展轉竟就絕於尺組之下旣而玄宗狩成都肅宗受禪靈武明年大兇歸元大駕還都尊玄宗爲太上皇就養南宮遷於西內時移事去樂盡悲來每至春之日冬之夜池蓮夏開宮槐秋落梨園弟子玉琯發音聞霓裳羽衣一聲則天顏不怡左右獻歡三載一意其念不衰求之魂夢杳不能得適有道士自蜀來知上皇心念楊妃如是自言有李少君之術玄宗大喜命致其神方士乃竭其術以索之不至又能遊神馭氣出天界沒地府以求之不見又旁求四虚上下東極大海跨蓬壺見最高仙山上多樓闕西廂下有洞戶東向闔其門署曰玉妃太真院方士抽簪扣扉有雙童女出迎問

方士造次未及言而雙鬟復入俄有碧衣侍女至詰其所從方士因稱唐天子使者且致其命碧衣云玉妃方寢請少待之干時雲海沈沈洞天日曉瓊戶重闔悄然無聲方士屏息歛足拱手門下久之而碧衣延入耳曰玉妃出見一人冠金蓮披紫綃珮紅玉曳鳳舄左右侍者七八人揖方士問皇帝安否次問天寶十四年已還事言訖憫然指碧衣取金釵鈿合各折其半授使者曰爲謝太上皇謹獻是物尋舊好也方士受辭與信將行色有不足玉妃固徵其意復前跪致詞請當時一事不爲他人聞者驗於太上皇不然恐鈿合金釵負新垣平之詐也玉妃茫然退立若有所思徐而言之曰昔天寶十載侍駕避暑驪山宮秋七月牽牛織女相見之夕秦人風俗是夜張錦繡陳飲食瓜果焚香于庭號爲乞巧宮掖間猶尚之夜始半休侍衛於東西廂獨侍上上凭肩而立因仰天感牛女事密相誓心願世世爲夫婦言畢執手各鳴咽此獨君王知之耳因自悲曰由此一念又不得居此復墮下界且結後緣或爲天或爲人決再相見好合如舊因言太上皇亦不久人世幸遇我無自

苦耳使者還奏太上皇皇心震悼日日不豫其年
夏四月南宮晏駕元和元年冬十二月太原白樂
天自校書郎尉于鰲屋鴻與琅邪王質大家于是
邑暇日相携遊仙遊寺語及此事相與感歎質夫
舉酒于樂天前曰夫希代之事非遇出世之才潤
色之則與時消沒不聞于世樂天深於詩多於情
者也試爲歌之如何樂天因爲長恨歌意者不但
感其事亦欲徵尤物室亂階垂于將來也歌既成
使鴻傳焉世所不聞者予非開元遺民不得知世
所知者有玄宗本紀在今但傳長恨歌云爾

唐詩類苑

卷之二四十一

九

漢皇重色思傾國御宇多年求不得楊家有女初長
成養在深閨人未識天生麗質難自棄一朝選在君
王側回頭一笑百媚生六宮粉黛無顏色春寒賜浴
華清池溫泉水滑洗凝脂侍兒扶起嬌無力始是新
承恩澤時雲鬢花顏金步搖芙蓉帳暖度春宵春宵
苦短日高起從此君王不早朝承歡侍宴無間暇春
從春遊夜專夜後宮佳麗三千人三千寵愛在一身
金屋粧成嬌侍夜玉樓宴罷醉和春姊妹弟兄皆列
土可憐光彩生門戶遂令天下父母心不重生男重
生女驪宮高處入青雲仙樂風飄處處聞輕歌謾舞

唐詩類苑

卷之二四十一

十

凝絲竹盡日君王看不足漁陽鞞鼓動地來驚破
裳羽衣曲九重城闕煙塵生千乘萬騎西南行翠華
搖搖行復止西出都門百餘里六軍不發無奈何宛
轉蛾眉馬前死花鈿委地無人收翠翹金雀玉搔頭
君王掩面救不得回首血淚相和流黃埃散漫風蕭
索雲棧縈紆登劍閣峨嵋山下少人行旌旗無光日
色薄蜀江水碧蜀山青聖主朝朝暮暮情行宮見月
傷心色夜雨聞鈴腸斷聲天旋地轉回龍馭到此躊
躇不能去馬嵬坡下泥土中不見玉顏空死處君臣
相顧盡沾衣東望都門信馬歸歸來池苑皆依舊太
液芙蓉未央柳芙蓉如面柳如眉對此如何不淚垂
春風桃李花開夜秋雨梧桐葉落時西宮南苑多秋
草宮葉滿階紅不掃梨園弟子白髮新椒房阿監青
娥老夕殿螢飛思悄然孤燈挑盡未成眠遲遲鐘鼓
初長夜耿耿星河欲曙天鴛鴦瓦冷霜華重翡翠衾
寒誰與共悠悠生死別經年魂魄不曾來入夢臨邛
道士鴻都客能以精誠致魂魄爲感君王展轉思遂
教方士殷勤覓排空馭氣奔如電升天入地求之遍
上窮碧落下黃泉兩處茫茫皆不見忽聞海上有仙
山山在虛無縹緲間樓閣玲瓏五雲起其中綽約多

仙子中有一人字太真雪膚花貌參差是金闕仙人
叩玉肩轉教小玉報雙成聞道漢家天子使九華帳
裏夢魂驚攬衣推枕起徘徊珠箔銀屏迤邐開雲鬢
半偏新睡覺花冠不整下堂來風吹仙袂飄飄舉猶
似霓裳羽衣舞玉容寂寞淚闌干梨花一枝春帶雨
含情凝涕謝君王一別音容兩渺茫昭陽殿裏恩愛
絕蓬萊宮中日月長回頭下望人寰處不見長安見
塵霧唯將舊物表深情鈿合金釵寄將去釵留一股
合一扇釵擘黃金合金釵但令心似金鈿堅天上人
間會相見臨別殷勤重寄詞詞中有誓兩心知七月

唐詩類苑

卷之百四十一

十一

七日長生殿夜半無人私語時在天願作比翼鳥在
地願爲連理枝天長地久有時盡此恨綿綿無絕期

白頭吟

張籍

請君膝上琴彈我白頭吟憶昔君前嬌笑語兩情宛
轉如縈素宮中爲我起高樓更開花池種芳樹春天
百草秋始衰棄我不待白頭時羅襦玉珥色未暗今
朝已道不相宜揚州青銅作明鏡暗中持照不見影
人心回互自無窮眼前好惡那能定君恩已去若再
返菖蒲花開月長滿

卓女怨

盧仝

妾本懷春女春懷不自任迷魂隨風客思入
託援交情重當壚酌意深誰家有夫婿作賦得黃金

楚妃怨

張籍

梧桐葉下黃金井橫架轆轤牽素綆美人初起天未
明手拂銀瓶秋水冷

舊宮人

張籍

歌舞梁州女歸時白髮生全家沒蕃地無處問鄉程
宮錦不傳樣御香空記名一身難自說愁逐路人行

舊宮人

項斯

自出先皇玉殿中衣裳不更染深紅宮釵折盡垂空

唐詩類苑

卷之百四十一

十二

鬢內扇多減半風桃熟亦曾君手賜酒闌猶候妾
歌終如今還向城邊住御水東流意不通

綠珠篇

喬知之

知之有婢曰碧玉又字窈娘美且善歌知之寵之
爲之不婚後爲武承嗣所奪知之作此篇寄之碧
玉繫於衣帶投井而死承嗣見詩大恨諷酷吏殺
之殘其家

石家金谷重新聲明珠十斛買娉婷昔日可憐君自
許此時可喜得人情君家閨閣未曾難常將歌舞借
人看意氣雄豪非分理嬌矜勢氣橫指示別君去君

終未忍代勞掩袂傷鉛粉百年離別在高樓一代紅顏爲君盡

洛神怨

劉滄

子建東歸恨思長飄飄神女步池塘雲鬟高動水宮影珠翠乍搖沙露光心寄碧沈空婉戀殘春色自悠揚停車綺陌傍楊柳片月青樓落未央

邯鄲才人嫁爲廝養卒婦

李白

妾本崇臺女揚娥入丹闕自倚顏如花寧知有彫歇一辭玉墀下去若朝雲沒每憶邯鄲城深宮夢秋月君王不可見惆悵至明發

唐詩補遺

卷之三百四

十三

平虜將軍妻

李白

平虜將軍婦入門二十年君心自不悅妾寵豈能專出解牀前帳行吟道上篇古人不唾井莫忘昔纏綿

楊妃剪髮

王之渙

青絲一縷淨雲鬟金剪刀鳴不忍看特問君王寄幽怨可能從此住人間

廬江主人婦

李白

漢末建安中廬江府小吏焦仲卿妻劉氏爲仲卿母所逐自誓不嫁其家逼之乃投水而死仲卿聞之亦自縊於庭樹

孔雀東飛何處棲廬江小吏仲卿妻爲客裁縫君白見城烏獨宿夜空啼

于闐採花

李白

于闐採花人自言花相似明妃一朝西入胡胡中美女多羞死乃知漢地多名姝胡中無花可方比丹青能令醜者妍無鹽翻在深宮裏自古妬蛾眉胡沙埋皓齒

負薪行

杜甫

夔州處女髮半華四五十無夫家更遭喪亂嫁不售一生抱恨堪咨嗟土風坐男使女立應當門戶女

唐詩補遺

卷之三百五

十四

出入十猶八九負薪歸賣薪得錢應供給至老雙鬟只垂頸野花山葉銀釵並筋力登危集市門死生射利兼鹽井面粧首飾雜啼痕地褊衣寒困石根若道巫山女粗醜何得此有昭君村

蓋羅縫二首

秦時明月漢時關萬里征人尚未還但願龍庭神將在不教胡馬渡陰山

音書杜絕白狼西桃李無顏黃鳥啼寒鴈春深歸去盡出門腸斷草萋萋

雙帶子

私言切語誰人會海燕雙飛繞畫梁君學秋胡不相識妾亦無心去採桑

劍南臣

不分君恩斷觀粧視鏡中容華尚春日嬌愛已秋風
枕席臨牕曉屏帷對月空年年後庭樹芳悴在深宮

棄妾篇

喬知之

妾本叢臺右君在鴈門陲悠悠淇水曲采燕入桑枝
不因媒結好本以容相知容謝君應去情移會有離
還君結縷帶歸妾織成詩此物雖輕賤不用使人嗤

下山逢故夫

喬知之

唐詩類苑

卷之百四十一

十五

妾身本薄命輕棄城南隅庭前厭芍藥山下采薜蘿
春風習紈袖靈露濕羅襦羞將憔悴日提籠逢故夫

去婦詞

李白

古來有棄婦棄婦有歸處今日妾辭君辭君遣何去
本家零落盡慟哭來時路憶昔未嫁君聞君却周旋
綺羅錦繡段有贈黃金千十五許嫁君二十移所天
自從結髮日未幾離君緬山川家家盡歡喜孤妾長
自憐幽閨多怨思盛色無十年相思若循環枕席生
流泉流泉咽不掃獨夢關山道及此見君歸君歸妾
已老物情惡衰賤新寵方妍好掩淚出故房傷心劇

秋草自妾爲君妻君東妾在西羅幃到曉恨玉貌一

生啼自從離別久不覺塵埃厚常嫌玳瑁孤猶羨鴛

鴦偶歲華逐霜霰妾何能久寒沼落芙蓉秋風散

楊柳以此憔悴顏空持舊物還餘生欲何寄誰肯相

牽攀君恩既斷絕相見何年月悔傾連理杯虛作同

心結女蘿附青松貴欲相依投浮萍失綠水教作若

爲流不但君棄妾自歎妾綠業憶昔初嫁君小姑纔

倚牀今日妾辭君小姑如妾長回頭語小姑莫嫁如

兄夫

去婦

孟郊

唐詩類苑

卷之百四十二

十六

君心匣中鏡一破不復全妾身藕中絲雖斷猶牽連
安知御輪士今日翻回轅一女事一夫安可再移天

君聽去鶴言哀哀七絃絃

去婦怨

戴叔倫

出戶不敢啼風悲日悽悽心知恩義絕誰忍分明別
下坂車轡憐畏逢鄉里親空持牀前幔却寄家中人
忽辭王吉去爲是秋月死若比今日情煩冤不相似

棄婦

曹鄴

嫁來未曾出此去長別離父母亦有家羞言何以歸
此日年且少事姑常有儀見多自成醜不待顏公哀

何人不識寵所嗟無是非將欲告意四隣已相

棄婦

劉駕

回車在門前欲上心更悲路傍見花發似妾初嫁時
養蠶已成繭織素猶在機新人應笑此何如畫蛾眉
昨日惜紅顏今日畏老遲良媒去不遠此恨今告誰

去婦

王建

新婦去年胼手足衣不暇縫蠶廢簇白頭使我愛家
事還如夜裏燒殘燭當初爲取一作傍人語豈道如
今日辛若在時縱嫌織絹遲有絲不上隣家機

征婦怨四首

孟郊

唐詩類苑

卷之四十一

七

良人昨日去明月又不圓別時各有淚零落青樓前

二

漁陽千里道近如中門限中門踰有時漁陽長在眼

三

生在綠

一作絲

羅下不識漁陽道良人自戍來夜夜夢

中到

四

君淚濡羅巾妾淚滿路塵羅巾妾在手今得隨妾身
路塵如得風得上君車輪

征婦怨

張籍

九月匈奴殺邊將漢軍全沒遼水上萬里無人收白
骨家家城下招魂葬婦人依倚子與夫同居貧賤心
亦舒夫死戰場子在腹妾身雖存如畫燭

婦人苦

白居易

蟬髮加意梳蛾眉用心掃幾度曉粧成君看不言好
妾身重同穴君意輕借老惆悵去年來心知未能道
今朝一開口語少意何深願引他時事移君此日心
人言夫婦親義合如一身及至死生際何曾苦樂均
婦人一喪夫終身守孤子有如林中竹忽被風吹折
一折不重生枯死猶抱節男兒若喪婦能不暫傷情

唐詩類苑

卷之三十一

十八

應似前朝柳逢春易發榮風吹一枝折還有一枝生
爲君妾曲言願君再三聽須知婦人苦從此莫相輕

唐詩類苑卷第一百四十二

明雲間張之象玄超南纂輯

雲間張所望叔翹甫編次

雲間王微叔朗甫補訂

梁谿曹仁孫伯安甫校正

人部

幽怨

杜秋娘詩

并序

杜牧

杜秋金陵女也年十五爲李錡妾後錡叛滅籍之入官有寵於景陵穆宗卽位命秋爲皇子傅姆皇

唐詩類苑

卷之百四十二

一

子壯封漳王鄭注用事誣丞相欲去已者指王爲根王被罪廢削秋因賜歸故鄉子過金陵感其窮

且老爲之賦詩

京江水清滑生女白如脂其間杜秋者不勞朱粉施

老渾卽山鑄後庭千雙眉秋持玉竿醉與唱金縷木

勸君莫惜金縷衣勸君須惜少年時花開堪折直須折莫待無花空折枝李錡長唱此辭渾旣白

首叛秋亦紅淚滋吳江落日渡瀟岸綠陽垂聯裾見

天子盼盼獨依依椒壁懸錦幕鏡奩蟠蛟螭低鬟認

新寵竊最復融怡月上白璧門桂影涼參差金階露

新重閱捻紫簫吹管書盜開涼州張萼苦夾城路南

駁家得紫玉簫

萼苦夾城路南

苑鴈初飛紅粉羽林仗獨賜辟邪旗歸來煮豹胎膳

飫不能飽咸池昇日慶銅雀分香悲雷音後車遠事

往落花時燕謀得皇子壯髮綠綫綫畫堂授傅姆天

人親捧持虎睛珠絡祿金盤犀鎮帷長楊射能熊武

帳弄啞呀漸拋竹馬劇稍出舞鷄奇斬斬整冠珮侍

宴坐瑤池眉宇儼圖畫神秀射朝暉一尺桐偶人江

克知自欺王幽茅土削秋放故鄉歸舫稜拂斗極迴

首尚遲遲四朝三十載似夢復疑非潼關識舊吏吏

髮已如絲却喚吳江渡舟人那得知歸來四隣改茂

苑草菲菲清血灑不盡仰天知問誰寒衣一疋青夜

唐詩類苑

卷之百四十二

二

借隣人機我昨金陵過聞之爲歎歎自古皆一貫變

化安能推夏姬滅兩國逃作巫臣姬西子下姑蘇一

舸逐鴟夷織室魏豹俘作漢太平基悞置代藉中兩

朝尊母儀光武紹高祖本係生唐兒珊瑚破高齊作

婢春黃塵蕭后去揚州突厥爲閼氏女子固不定土

林亦難期射鉤後呼父釣翁王者師無國要孟子有

人毀仲尼秦因逐客令柄歸丞相斯安知魏齊首見

斷簣中屍給喪厯張輩廊廟冠峨危珥貂七葉貴何

妨我虜支蘇武却生返鄧通終死饑主張旣難測翻

覆亦其宜地盡有何物天外復何之指何爲而捉足

何爲而馳耳何爲而聽目何爲而窺已身不自曉此外何思惟因傾一樽酒題作杜秋詩愁來獨長詠聊可以自貽

張好好詩并序

杜牧

牧大和三年佐故吏部沈公江西幕好好年十三始以善歌來樂籍中後一歲公移鎮宣城復置好好於宣城籍中後二歲爲沈著作述師以雙鬟納之後二歲於洛陽東城重觀好好感舊傷懷故題詩贈之

君爲豫章姝十三纔有餘翠茁鳳生尾丹葉蓮含附

唐詩類苑

卷之百四十一

高閣倚天半章江聯碧虛此地試君唱特使華筵鋪
主公顧四坐始訝來踟躕吳娃起引贊低徊映長裾
雙鬟可高下纔過青羅襦盼盼乍垂袖一聲離鳳呼
繁絃迸關細塞管裂圓蘆衆音不能逐裊裊穿雲衢
主公再三嘆謂言天下殊贈之天馬錦副以水犀梳
龍沙看秋浪明月遊東湖自此每相見三日已爲疎
玉質隨月滿艷態逐春舒絳脣漸輕巧雲步轉虛徐
旌旆忽東下笙歌隨舳艫霜凋謝樓樹沙暖句溪蒲
身外任塵土罇前極歡娛飄然集仙客著作常任賦欺相如聘之碧瑤琬集賢校理載以紫雲車洞閉水聲遠月

高瞻影孤爾來未幾歲散盡高陽徒洛陽重相見婢
婢爲當壚怪我苦何事少年垂白髮朋遊今在不落
拓更能無門館慟哭後水雲秋景初斜日掛衰柳涼
風生座隅灑盡滿衿淚短歌聊一書

馮小憐

李賀

灣頭見小憐請上琵琶絃破得東風恨今朝直幾錢
裙垂竹葉帶鬢濕杏花烟玉冷紅絲重齊官妾駕鞍

蘇小小歌

溫庭筠

買蓮莫破券買酒莫解金酒裏春容抱離恨水中蓮
子懷芳心吳宮女兒腰似束家在錢塘小江曲一自

唐詩類苑

卷之百四十一

四

檀郎逐便風門前春水年年綠

比紅兒詩一百首

羅虬

姓氏看侵尺五天芳名占斷百花鮮馬嵬好笑當時
事虛賺明皇幸蜀川

金谷園中花正繁墜樓從道感恩齊奴恰是來東
市不爲紅兒死更冤

隋却平陽爲小憐周師百萬戰長川更教乞與紅兒
貌舉國山河不直錢

一曲都緣張麗華六宮齊唱後庭花若交北並紅兒
貌枉破當時國與家

樂營門外柳如陰中有佳人畫閣深若是五陵公子
見買時應不吝千金

青絲高綰石榴裙腸斷富筵酒半醺置向漢宮圖畫
裏入胡應不教君

斜凭欄干醉態新欲睥微吟不勝春當時若遇東昏
主金葉蓮花是此人

匿匿千山與萬山碧桃花下景長閑神仙得似紅兒
貌應免劉郎憶世間

越山重疊越溪斜西子休憐解浣紗得似紅兒今日
貌肯教將去與夫差

唐詩類苑

卷之五十五

五

詔下人間選好花月眉雲鬢盡名家紅兒若向當時

見繫臂先封第一紗

鋒鏑縱橫不敢看淚垂玉筋正沈瀾應緣近似紅兒

貌始得深宮奉五官

金縷濃熏百和香臉紅眉黛入時粧當時若向喬家

兒未敢將心在窈娘

通宵甲帳散香塵漢帝精誠禮百神若見紅兒醉中

態也應休憶李夫人

援得芙蓉出水新魏家公子信才人若教瞥見紅兒

貌不肯蓄情賦洛神

芳姿不合並常人雲在遙天玉在塵因事愛思荀奉
倩一生閑坐枉傷神

筆底如風思潘泉賦中休謾說嬋娟紅兒若在東家
住不得登牆爾許年

一抹濃紅傍臉斜粧成不語獨攀花當時若是逢韓
壽未必埋蹤在賈家

樹裏西風日半沈地無人跡轉傷心阿嬌得似紅兒
貌不費長門買賦金

五雲高捧紫金堂花下投壺侍玉皇從道世人都不
識也應知有杜蘭香

唐詩類苑

卷之五十五

六

戲水源頭指舊蹤當時一笑也難逢紅兒若爲回桃

臉豈比連催舉五峯

號國夫人照夜機若爲求得與紅兒醉和香態濃春

裏一樹繁花偃繡幃

知有持盈玉葉冠剪雲裁月照人寒若使紅兒風貌

戴直似瑤池會上看

明媚何曾讓玉環破瓜年幾百花顏若教貌向南朝

見定却梅粧似等閑

世事悠悠未足辭懶將閒事更爭能自從命向紅兒

斷不欲留心在裂縑

自隱新從夢裏來，嶺雲微步下陽臺。情一向春風，
笑羞殺凡花盡不開。

捨却青蛾換玉環，古來公子苦無端。莫言一疋追風
馬，天驥牽來也不看。

檻外花低瑞露濃，夢魂驚覺暈春容。憑君細看紅兒
貌，最稱嚴粧待曉鐘。

薄羅輕剪越溪紋，鵝翅低從兩鬢分。料得相如偷見
面，不應琴裏挑文君。

南國東鄰各一時，後來唯見杜紅兒。若教楚國宮人
見，羞把腰身並柳枝。

唐詩類苑

卷之三十四

七

照耀金釵簇膩鬟，見時直向畫屏間。黃姑阿母能判
剖，十斛明珠也是閑。

輕小休誇似燕身，生來占斷紫宮春。漢皇若遇紅兒
貌，掌上無因着別人。

鸚鵡娥如裏露紅，鏡前眉樣自深宮。稍教得似紅兒
貌，不嫁南朝沈侍中。

擬將心地學安禪，爭奈紅兒笑靨圓。何物把來堪比
並，野塘初綻一枝蓮。

浸草漂花遶檻香，最憐寒食近清明。一牆殷勤留滯綠，何
事曾照紅兒一面粧。

雕陰舊俗逞嬋娟，有箇紅兒賽洛川。常笑世人多
誕，今朝自見火中蓮。

渡口諸僮樂未休，竟陵西望路悠悠。石城有箇紅兒
貌，兩漿無因迎莫愁。

識向深山識大仙，勸人山下引春泉。定知不及紅兒
貌，枉却工夫溉玉田。

傾國傾城總絕倫，紅兒花下認真身。十年東北看燕
趙，眼冷何曾見一人。

今時自謂不諳知，前代由來事見爲。一笑陽城人便
惑，何堪教見杜紅兒。

唐詩類苑

卷之三十四

八

京口喧喧百萬軍，競傳河鼓謝星津。柰花似雪爭簪
髻，今日天容是後身。

青史書來未是真，可知纖智却狂秦。再三爲謝齊王
后，要解連環別與人。

繡帳鴛鴦對刺紋，博山微暖麝微薰。詩人若有紅兒
貌，悔道當時月墜雲。

薄粉輕朱取次施，大都端正亦相宜。只如花下紅兒
態，不藉城中半額眉。

粧成渾欲認前朝，金鳳雙釵逐步搖。未必慕容宮裏
伴，舞風歌月勝纖腰。

琥珀釵成恩正深玉兒妖惑蕩君心莫教回首勾
面始覺曾虛擲萬金

自有閑花一面春臉檀眉黛一時新殷勤爲報梁家
婦休把啼粧賺後人

輕梳小髻號慵來巧中君心不用媒可得紅兒拋醉
眼漢皇恩澤一時回

千里長江旦暮潮吳都風俗尚纖腰周郎若見紅兒
貌料得無心念小喬

月落潛奔暗解攜本心誰道欲單棲還緣交甫非良
偶不肯終身作弄妻

唐詩類苑

卷之三百四十一

九

漢皇曾識許飛瓊寫向人間作畫屏昨日紅兒簾下

見大都相似更娉婷

魏帝休誇薛夜來霧綃雲縠稱身裁紅兒秀發君知
否倚檻繁花帶露開

曉日雕梁燕語頻見花難可比他人年年媚景歸何
處長作紅兒面上春

逗玉澱盆浴殿開邀恩先賜夜明苔紅兒若是三千
數多少芳心似死灰

畫簾垂地紫金妝暗引羊車駐七香芳是紅兒此中
住不勞烟條灑宮廊

蘇小輕勻一面粧便留名字著錢塘藏鴟門外諸年
少不識紅兒未是狂

一首長歌萬恨來惹愁漂泊水難回崔微有底多則
面費得微之爾許才

昔年黃閣識奇童愛說真珠似窈娘若是紅兒夜深
態便應休說繡衣裳

鳳拆鶯離恨轉深此生難負百年心紅兒若向隋朝
見破鏡無因更重尋

行綰穠雲立駐軒我來猶愛不成冤當時若見紅兒
貌未必形相有此言

唐詩類苑

卷之三百四十一

十

總是紅兒媚態新莫論千度笑爭春任伊孫武心如
鐵不辦軍前殺此人

煖塘爭赴蕩舟期行唱菱歌著艷詞爲問東山謝丞
相可能諸妓勝紅兒

吳興皇后欲辭家澤國官臺展絳霞今日紅兒貌傾
國恐須真宰別開花

陌上行入歌黍離三千門客欲何之若教羅及紅兒
貌爭肯樓前斬愛姬

休話如皋一笑時金屏中臆錦鞋板壓客在把雕弓
射射盡春禽未展眉

長恨西風送早秋，低眉深念嫁牽牛。若同人世長相對，爭作夫妻得到頭。

謝娘休漫逞風姿，未必勝勝柳枝。聞道只應嘲落絮，何曾似似紅兒。

總傳桃葉渡江時，只爲王家一首詩。今日紅兒自堪賦，不須重唱舊來詞。

巫山洛浦本無情，總爲佳人便得名。今日雕陰有神艷，後來公子莫相輕。

幾拋雲髻恨金慵，淚洗花顏百戰中。應有紅兒些子貌，却言皇后長深宮。

唐詩類苑

卷之三百四十一

十一

倚檻還應有所思，半開香閣見嬌姿。可中得似紅兒貌，若遇韓朋好殺伊。

曉向紗牕與畫眉，鏡中長欲助嬌姿。若教得似紅兒貌，走馬章臺任道遲。

鍊得霜華助翠鈿，相期朝謁玉皇前。依稀似有紅兒貌，方得吹簫引上天。

重門深掩幾枝花，未勝紅兒莫太誇。玉柄不能探物理，可能虛上短轎車。

前代休憐事可奇，後來選出亦堪疑。知盡野紗牕裏，不有神人覆玉衣。

羽化嘗聞赴九天，只疑塵世是虛傳。自從一見紅兒貌，始信人間有謫仙。

從道長陵小市東，巧將花貌占春風。紅兒若是同時見，未必伊先入紫宮。

人間難免是深情，命斷紅兒向此生。何似前時李丞相，枉拋才力爲鶯鶯。

鳳舞香飄繡幕風，暖穿馳道百花中。還緣有似紅兒貌，始得迎將入漢宮。

休道將軍出世才，盡驅諸妓下歌臺。都緣沒箇紅兒貌，致使輕教後閣開。

唐詩類苑

卷之三百四十二

十二

馮媛須知住漢宮，將身只是解當熊。不聞有貌傾人國，爭得今朝更比紅。

能將一貌使人迷，花艷何須上大堤。疎屬便同巫峽路，洛川真是武陵溪。

辭輦當時意可知，龍深還恐寵先衰。若教得似紅兒貌，占却君恩自不疑。

三吳時俗重風光，未見紅兒一面粧。好寫妖嬈與教看，定應休更話真娘。

波平楚澤浸星辰，臺上君王宴早春。畢竟華會中客冠，纓虛絕爲何人。

紅兒不向漢宮生便使雙成漫得名疑是麻姑惱塵世暫教微步下層城

天碧輕紗只六銖宛風含露透肌膚便教漢曲爭明媚應沒心情更弄珠

共嗟含恨向衡陽方寸花牋寄沈郎不似紅兒些子貌當時爭得少年狂

淺色桃花亞短牆不因風起也聞香凝情盡日君知否還似紅兒淡薄粧

火色櫻桃摘得初仙宮只有世間無疑情盡日君知否真似紅兒口上朱

唐詩類苑

卷之百四十五

十三

宿雨初晴春日長入簾花氣靜難忘凝情盡日君知否真似紅兒舞袖香

初月纖纖映碧池池波不動獨看時凝情盡日君知否真似紅兒罷舞眉

濃艷濃香雪壓枝梟烟和露曉風吹紅兒被掩粧成後含笑無人獨立時

樓上嬌歌梟夜霜近來休數踏歌娘紅兒慢唱伊州遍認取輕敲玉韻長

金粟粧成扼臂環舞腰輕轉瑞雲間紅兒生在開元末羞殺新豐謝阿蠻

君看紅兒學醉粧裁宮纈研裙長誰能更把開心力比並當時武媚娘

梔子同心裏露華折來深恐没人知花前醉客頻相問不贈紅兒贈誰

雲間翡翠一隻飛水上鴛鴦不暫離寫向人間百般與君題作比紅詩

舊恨長懷不語中幾回偷淚向春風還緣不及紅兒貌却得生教入楚宮

一舸春深指鄂君好風從度水成紋越人若見紅兒面繡被應羞徹夜薰

唐詩類苑

卷之百四十五

十四

花落塵中玉墮泥香魂應上竊娘堤欲知此恨無窮處長倩城烏夜夜啼

惆悵詩十二首 王之渙
冰蠶薄絮鴛鴦綺半夜佳期並枕眠鐘動紅娘喚歸去對人勻淚拾金鈿

李夫人病已經秋漢武看來不舉頭得所濃華銷歇盡楚魂湘血一生休

謝家池館花籠月蕭寺房廊竹颭風夜半酒醒憑檻立所思多在別離中

隋師戰艦欲亡陳國破應難保此身訣別徐郎淚如

雨鏡驚分後屬何人

七夕瓊筵往事陳
夢花連蒂共傷神
蜀王殿裏三更月

月不見驪山私語人

夜寒春病不勝懷
玉瘦花啼萬事乖
薄倖檀郎斷芳信

驚嗟猶夢合歡鞋

嗚咽離聲管吹秋
妾身今日爲君休
齊奴不說平生事

忍看花枝謝玉樓

青絲一路墜雲鬟
金剪刀鳴不忍看
持謝君王寄幽怨

可能從此住人間

陳宮興廢事難期
三閣空餘綠草基
狎客淪亡麗華

唐詩類苑

卷之二百四十一

五

死他年江令獨來時

晨肇重來路已迷
碧桃花謝武陵溪
仙山目斷無尋處

流水潺湲日漸西

少卿降北子卿還
朔野離觴慘別顏
却到茂陵唯一

慟節毛零落鬢毛斑

夢裏分明入漢宮
覺來燈背錦屏空
紫臺月落關山

遠腸斷君恩信盡工

雜怨

張籍

切切重切切秋風桂枝折
人當少年嫁我當少年別
念君非征行年年長遠
迢迢寄君獨歎高堂有舅姑

山川豈遠遠行人自不返

楚怨

孟郊

秋入楚江水獨照汨羅魂
手把綠荷泣意愁珠淚

九門不可入一犬吠千門

怨

任蕃

淚乾紅落臉心盡白垂頭
自此方知怨從來豈信愁

別離怨

鄭遂初

蕩子戍遼東連年信不通
塵生錦步障花送玉屏風

只怨紅顏改寧辭玉簫空
繫書春鴈足早晚到雲中

怨回紇歌二首

皇甫冉

唐詩類苑

卷之二百四十一

六

白首南朝女愁聽異域歌
收兵頡利國飲馬胡蘆河

毳布腥膻久穹廬歲月多
鵬巢城上宿吹笛淚滂沱

二

祖席駐征棹開帆信候潮
隔筵桃葉泣吹管杏花飄

船去鷗飛閣人歸塵上橋
別離惆悵淚江路濕紅蕉

代貴公主

李商隱

芳條得意紅飄落忽西東
分逐春風去風迴得故叢

明朝金井露始看憶春風

代越公房妓嘲徐公主

李商隱

笑啼俱不敢幾欲是吞聲
遽遣離琴怨都出半鏡明

應防啼與笑微露淺深情

代小王家爲蕃騎所虜後許集賢裴公相

韓渥

動天金鼓逼神州惜別無心學墜樓不得迴眸辭傳
粉便須含淚對殘秋折釵伴妾埋青塚半鏡隨郎塞
杜郵唯有此宵魂夢裏殷勤相覓鳳池頭

獨愁

一作獨愁

孟郊

前日遠別離今日生白髮欲知萬里情曉卧半牀月
常恐百蟲鳴使我芳草歇

自退

曹鄴

唐詩類苑

卷之百四十一

七

寒女面如花寂寂常對影况我不嫁容甘爲瓶墜井

古意

戎昱

女伴朝來說知君欲棄捐懶梳明鏡下羞到畫堂前
有淚沾脂粉無情理管絃不知將巧笑更遣向誰憐

見秦系離婚後出山居作

劉長卿

豈知偕老重垂老絕良姻郝氏誠難負朱家自愧貧
縱衣留欲故織錦罷經春何况靡蕪綠一作空山不見人

苦樂相倚曲

元稹

古來苦樂之相倚近於掌上之十指君心半夜猜恨

生荆棘滿懷天未明漢成眼瞥燕燕時可憐班女思

已衰未有因由相決絕猶得半年伴暖熱轉將深意

諭旁人緝綴疵瑕遣潛說一朝詔下辭金屋班姬自

痛何倉卒呼天俯地將自明不悟尋時已銷骨白首

官人前再拜願將日月相輝解苦樂相尋晝夜間燈

光那得天明在主今被奪心應苦妾奪深恩初爲主

欲知妾意恨主時主今爲妾思量取班姬收淚抱妾

身我曾排擯無限人

與夫嚴灌訣灌以妻無子出之

真氏

唐詩類苑

卷之百四十一

七

當時心事已相關雨散雲收一餉間便是孤帆從此

去不堪重過望夫山

徒相逢

曹鄴

江邊野花不須採梁頭野燕不用親西施本是越溪

女承恩不薦越溪人

貧女

秦韜玉

蓬門未識綺羅香擬託良媒益自傷誰愛風流高格

調共憐時世儉梳粧敢將十指誇偏巧不把雙眉鬪

畫長苦恨年年壓金線爲他人作嫁衣裳

絕張生

崔鶯鶯

棄置今何道當時且自親還將舊來意憐取眼前人

贈楊蘊中 死後作

薛濤

玉漏深長燈耿耿東牆西牆時見影月明花下子規啼忍使孤魂愁夜永

唐詩類苑卷第一百四十三

明雲間張之象玄超甫纂輯

雲間張所望叔翹甫編次

雲間王微叔朗甫補訂

梁谿曹仁孫伯安甫校正

儒部

秀才

酬裴秀才

高適

男兒貴得意何必相知早飄蕩與物求蹉跎覺年長卿無產業季子慙妻嫂此事難重陳未於衆人道

唐詩類苑

卷之二十四

贈易秀才

李白

少年解長劍投贈即分離何不斷犀象精光暗往時蹉跎君自惜竄逐我因誰地遠虞翻老秋深宋玉悲空摧芳桂色不屈古松姿感激平生意勞歌寄此詞

送張秀才從軍

李白

見武部從軍

金門答蘇秀才

李白

君還石門日朱火始改水春草如有情山中尚含綠折芳愧遙憶永路當自勗遠見故人心平生以此足巨海納百川麟閣多才賢獻書入金闕詩禮泰瓊筵

屢叅白雲唱恭聞黃竹篇恩光照拙薄雲漢希騰遷
銘鼎儻云遂扁舟方渺然我留在金門君去臥丹壑
未果三山期遙欣一丘樂棲巖君寂滅處世余龍蠖
良人不同賞永日應閑居鳥鳴簷間樹花落牕下書
綠溪見綠篠隔岫窺紅蕖採薇行笑歌眷我情何已
月出石鏡間松鳴風琴裏得心自虛好外物空頽靡
身世如兩忘從君老烟水

送李策秀才還湖南因寄懷中親故兼簡衡

州李八郎中

劉禹錫

深春風日淨晝長幽鳥鳴僕夫前致詞門有白面生

唐詩類苑

卷之四百三

二

攝衣相問訊解帶坐南榮端志見眉睫芳言發精誠
因出懷中文調孤詞亦清悄如促柱絃掩抑多不平
乃言本蜀士世降岷山靈前人秉藝文高視來上京
曳綬司徒府所從信國楨析薪委寶林善響繼家聲
何處翳附郭幾人思却成雲天望喬木風水悲流萍
前與計吏西始列貢士名森然就華禮從使春官卿
帝城岐路多萬足俟晨星茫茫風塵中工拙同有管
寒女勞夜織山苗榮寸莖侯門方擊鐘衣褐誰將迎
弱羽果摧頽壯心鬱怫怫諒無蟠木客聊復蓬累生
昨日訊靈龜繇言利艱貞當求捨拔中必在審已明

唐詩類苑

卷之四百三

王

誓將息薄遊焦思窮筆精時蘭在幽渚安得揚芬
日餘摧落者散質負華纓一聆苦辛詞再動伊鬱
身言不動愛才心上驚恨無羊角風使爾化北溟
論罷情益新涉旬忘歸程日携邑中客閑眺江上城
晝渴命金壘宵談轉璿衡薰風香塵尾月露濡桃笙
忽被戒羸驂薄言事南征火雲蔚千里旅思浩已盈
湘江含碧虛衡嶺浮翠晶豈伊山水異適與人事并
油幙侶昆丘粲然疊瑤瓊庾樓見清月孔生多醪醺
復有衡山守本自雲龍亭抗志在靈府發越伴咸英
一揮出榮陽惠彼咄咄氓隼隼辭灞水居者皆涕零

送豆盧策秀才

韋應物

歲交冰未泮地卑海氣昏子有京師遊始發吳閶門
新黃含遠林微綠生陳根詩人感時節行道當憂煩
古來渡落者俱不事田園文如金石韻豈乏知音言

方辭郡齋榻為一作酌離亭罇無為倦縣旅一作飛翻

答馮魯秀才

韋應物

晨坐枉一作知子遠中林澹然山景宴泉谷響幽禽
髣髴謝塵跡逍遙舒道心顧我腰間綬端為華髮侵
薄書勞應對篇翰曠不尋薄田失鋤耨生苗安可任
徒令慙所問想望東山岑

答徐秀才

韋應物

鉛鈍謝貞器時秀猥見稱豈如白玉仙一作仙山鶴方與
紫霞升清詩舞艷雪孤抱瑩玄冰一枝非所貴懷書

唐詩類苑

卷之百四十三

四

思武陵

一作懷書

送程秀才

司空曙

悠悠多路岐相見又別離東風摧節換燄燄春陽散
楚草漸煙綿江雲亦蕪漫送子恨何窮故關如夢中
遊人盡還北旅鴈辭南國楓樹幾回青逐臣歸不得
送崔秀才赴上元兼省叔父

韓翃

寒塘歛暮雪臘鼓迎春早疋馬五城人重裘千里道
淮山輕露濕江樹狂風掃楚縣九醞醺揚州白花好
練湖東望接雲陽女市西遊入建康一作遠謫紅布

旅風流近睹紫香囊詩家行輩如君少極目苦心一作謝眺煙開日上版橋南吳岫青青出林表

燕河南府秀才

韓愈

吾皇紹祖烈天下再太平詔下諸郡國歲貢鄉曲英
元和五年冬房公尹東京功曹上言公是月當登名
乃選二十縣試官得鴻生羣儒負已材相賀簡擇精
怒起鰲羽翮引吭吐鏗轟此都自周公文章繼名聲
自非絕殊尤難使耳目驚今者遭震薄不能出聲鳴
鄙夫忝縣尹愧慄難為情惟求文章寫不敢妬與爭
還家敕妻兒具此煎烹柿紅蒲萄紫有果相扶檠

唐詩類苑

卷之百四十三

五

芳茶出蜀門好酒濃且清何能充歡燕庶以露厥誠
昨聞詔書下權公作邦禎文人得其職文道當大行
陰風攪短日冷雨澀不晴勉哉戒徒馭家國遲子榮
同溧陽宰送孫秀才

孟郊

廢琴難為絃南風難為歌幽幽拙疾中忽忽浮夢多
清韻始嘯侶雅言相與和訟閑每往招祖送奈若何
牽苦強為贈邦邑光裁裁

送任齊二秀才自洞庭遊宣城

升序

孟郊

文章者賢人之心氣也心氣興則文章正心氣非

則文章不正當正而不正者心氣之偽也賢與
見於文章一直之詞衰代多禍賢無曲詞文章
曲直不由於心氣心氣之悲樂亦不由賢人由於
時故今宣州多君子閑暇而寬文章之曲直纖微
悉而備舉洞庭二客勉而客去之鼓其風波之詞
吾知夫樂莫是行也遂爲詩曰

洞庭非人境道路行虛空二客月中下一帆天外風
魚龍波五色金碧樹千叢閃怪如可懼在誠無不通
扣奇驚浩淼採異訪穹崇物表積高韻人間訪仙公
宣城文雅地謝守聲聞融證玉易爲力辨珉調不同
唐詩類苑 卷之三 四三 六

從茲阮籍淚且免泣途窮

送蹇秀才赴臨洮

高適

悵望日千里如何今二毛猶思陽谷去莫厭隴山高
倚馬見雄筆隨身唯寶刀料君終自到勳業在臨洮
閬鄉送上官秀才歸關西別業

岑參

風塵奈汝何終日獨波波親老無官養家貧在外多
醉眠輕白髮春夢渡黃河相去關城近何時更肯過

送嚴秀才還蜀

王維

寧親爲今子似舅即賢甥別路經花縣還鄉入錦城

山臨青塞斷江向白雲平獻賦何時至明君憶長

送孫秀才

王維

帝城風日好况復建平家玉枕雙紋寶金盤五色瓜
山中無魯酒松下飯胡麻莫厭田家苦歸期遠沒賒
同吳王送杜秀才應舉入京

李白

秀才何翩翩王許回也賢暫別廬江守將遊京兆天
秋山宜落日秀木出寒烟欲折一枝桂還來鴈沼前

送費秀才歸衡州

錢起

南望瀟湘渚詞人遠憶家客心隨楚水歸棹宿江花
唐詩類苑 卷之三 四三 七

不畏心期阻惟愁面會賒雲天有飛翼方寸什瑤華

送安都秀才北還

錢起

年少工文客言離却解顏不嗟荆寶退能喜綵衣還
新月來前館高陽出故關相思東北望燕趙隔青山
再寄殷堯藩秀才

許渾

直道知難用經年向水濱宅從栽竹貴家爲買書貧
就學多新客登朝盡故人蓬萊自有路休羨武陵春

送李暝秀才西行

許渾

萬里不辭勞寒裝疊組一車行

門濤鷹勢暮偏急鶴聲秋更高知君北却路留黃蒿

送李秀才

許渾

南樓送郢客西郭見荆門鳬鵠下寒渚牛羊歸遠村
蘭舟倚行棹桂酒掩餘樽重此一留宿前村烟水昏
送張周二秀才謁宣州薛侍郎

權德輿

儒衣兩少年春棹穀溪船湖月供詩興煙嵐費酒錢
上帆投極浦欹枕傲晴天不用愁羈旅宣城太守賢
送李秀才歸江南

韓翃

唐詩類卷之四百三

八

過淮芳草歇千里又東歸野水吳山出家村越鳥飛
荷香隨去棹梅雨點行衣無數滄江客如君達者稀
送韋秀才

韓翃

東人相見罷秋草獨歸時幾日孫弘閣當年謝眺詩
寒山葉落早多雨路行遲好憶金門步功名自有期
送杜秀才東遊

賈島

東遊誰見待盡室寄長安別後一作夜葉頻落去程山
已寒大河風色度曠野燒烟殘匣有青銅鏡時將照
鬢看

送盧秀才遊潞府

賈島

雨餘滋潤在風不起塵沙邊日寡文思送君吟月華
過山千相府臨水宿僧家能賦焉長屈他春宴杏花

送薛秀才遊河中兼投任郎中留後

僧無可

詩苦賦縱橫令人畏後生駕言遊禹跡知已在蒲城
日射雲凝一作散風吹草未榮孤吟臨寇境莫問請
裴纓

送殷秀才南遊

孟郊

詩句臨離袂酒花薰別顏水程千里外岸泊幾宵間
風葉亂辭木雪猿清叫山南中多古事詠遍始應還
唐詩類卷之四百三

夏日送崔秀才

九

僧無可

南方山水地念子為貧遊縱是逢佳景那能緩旅愁
夕陽行遠道煩暑在孤舟莫向巴江過猿啼處一作但
淚流

送馬秀才

朱慶餘

清貌不識睡見來嘗苦吟風塵歸省日江海寄家心
與鶴期前島隨僧過遠林相於竟何事無語與知音
送薛秀才

皇甫冉

雖是尋山客還同慢世人讀書唯務靜無褐不憂貧
野色春冬樹鷄聲遠近鄰郝公即吾友知與爾相親

贈秀才

韋莊

相辭因避世，想見尚兵戈。亂後故人少，別來新話多。
但聞哀痛語，未覩凱旋歌。欲結巖棲伴，何山好薜蘿。

贈許牘秀才

方干

理論與妙用，皆從人外來。山河澄正氣，雪月助宏才。
傲世寄漁艇，藏名歸酒杯。升沈在方寸，卽恐起風雷。

送段秀才歸澧州

呂溫

湘南孤白芷，幽詠在清潯。豈有馨香發，空勞知處深。
推賢路已隔，賤乏力不任。慙我一言分，負君千里心。
寸義薄聯組，片誠敵兼金。方期踐冰雪，無使弱思侵。

唐詩類苑

卷之三百三

十一

酬婁秀才將之淮南見贈之作

柳宗元

遠棄甘幽獨，誰言值故人。好音憐鍛羽，濡沫慰窮鱗。
困志情惟舊，相知樂更新。浪遊輕費日，醉舞詎傷春。
風月歡寧間，星霜分益親。已將名是患，還用道爲隣。
機事齊飄瓦，嫌疑比拾塵。高冠余肯賦，長鋏子忘貧。
曉晚驚移律，睽携忽此辰。開顏時不再，絆足去何因。
海上銷魂別，天邊弔影身。祗應西澗水，寂寞但垂綸。

答杜秀才五松山見贈

李白

昔獻長楊賦，天開雲雨歡。當時待詔承明裏，肯道楊

雄才可觀，勅賜飛龍。二天馬黃金絡頭，白玉鞍浮雲。

蔽日去不返，總爲秋風摧。紫蘭角巾東出，商山道採。

秀行歌詠，芝草路逢園綺。笑向人兩君解來，一何好。

聞道金陵龍虎盤，還同謝眺望長安。千峰夾水向秋。

浦，五松名山當夏寒。銅井炎鑪，九天赫如鑄鼎荆。

山前陶公矍鑠呵赤電，回祿睢盱揚紫煙。此中豈是。

久留處，便欲燒丹從列仙。愛華松風且高臥，颼颼吹。

盡炎氛，過登崖獨立望九州。陽春欲奏誰相和，聞君。

往年遊錦城，章仇尚書倒屣迎。飛牋絡繹奏明主，天。

書降問回恩榮，骸骨不能就珪組。至今空揚高蹈名。

唐詩類苑 卷之三百三 十一

夫子工文絕世奇，五松新作天下推。吾非謝尚邀彥。

伯異，代風流各一時。一時相逢樂在今，袖拂白雲開。

素琴彈爲三峽流，泉音從前一別武陵去。去後桃花。

春水深。

贈李梁秀才

字輝胤

僧鸞

隴西輝冊真才子，搜奇探險無倫比。筆下銛磨巨闕。

錄胸中靜澗，西江水哀絃古樂，清人耳月露溥溥激。

一作激。秋鬼苔地無塵到，曉吟松杉老葉風乾起十。

軸。示余三百篇，金碧爛光燒蜀牋。雄芒逸氣測不得。

使我躑躅成狂顛，大郊遠闊空無邊。凝明淡綠收餘。

烟曠懷相對景何限落日亂岑清倚天又驚大船帆
高懸行濤壁浪凌飛仙回首瞥見五千仞撲下香爐
瀑布泉何事古人誇八斗焉敢今朝定妍醜颯風驅
雨暫不停始向場中稱大手駿如健鵲鵲與鵲爭雲
獵野翻重霄狐狸竄伏不敢動却下雙鳴當迅颯愁
如湘靈哭湘浦咽咽哀音隔雲霧九疑深翠轉巍巍
仙骨寒消不知處清同野客敲越甌叮嚀急響涵清
中一作秋鸞雛相引叫未定霜結夜閑仍在樓高若太
空露雲物片白激清皆髮髯仙鶴聞從淨碧飛巨黿
頭戴蓬萊出前輩歌詩唯翰林神仙老格何高深鞭

唐詩類苑

卷之百四十三

十一

馳造化繞筆轉繁爛不爲酸苦吟夢乘明月清沈沈
飛到天台天姥岑傾河湧海數百字字字不朽長樅
金此日移一作君可儔侶堆珠疊璣滿玄圃終日並
轡遊崑崙十二樓中宴王母

贈李秀才

杜牧

骨清年少眼如水鳳羽參差五色層天上麒麟時一
下人間不獨有徐陵

別劉秀才

許渾

三獻無功玉有瑕更携書劍客天涯孤帆夜別瀟湘
雨廣南春期鄴杜花燈照水螢千點滅棹驚鴻鴈一

行斜關河萬里秋風急望見鄉山不到家

余謝病東歸王秀才見寄今潘秀才南棹奉

酬

許渾

酷似牢之玉不如落星山下白雲居春排旋構金門
客夜學兼修玉府書風掃碧雲迎鷺鳥水還滄海養
嘉魚莫將年少輕時節王氏家風在石渠

寄殷堯藩秀才

許渾

十載功名翰墨林爲從知己信沈沈青山有雪諳松
性碧落無雲稱鶴心帶月獨歸蕭寺遠翫花頻醉庾
樓深思君一見如瓊樹空把新詩盡日吟

唐詩類苑

卷之百四十三

十一

贈歐陽秀才

劉威

桐上知音日下身道光誰不仰清塵偶來水館逢爲
客舊熟詩名似故人永日空驚滄海闊何年重見白
頭新權門要路應行遍閑伴山夫一夜貧

送崔約秀才

賈島

歸寧髮髯三千里月向船牕見幾宵野鼠獨偷高樹
菓前山漸見短禾苗更深柵鎖淮波疾葦動風生雨
氣遙重入石頭城下寺南朝杉老未乾焦

送竇秀才

朱慶餘

江南才子日紛紛少有篇章得似君清話未同山寺

宿離歌已向客亭聞梅天馬上愁黃鳥澤國帆前見
白雲通籍名高年又少回頭應笑晚從軍

送劉秀才歸江陵

杜牧

綵服鮮華覲清宮鱸魚新熟別江東劉郎浦夜侵船
月宋玉亭春弄袖風落落精神終有立飄飄才思香
無窮誰人世上爲金口借取明時一薦雄

寄沈褒秀才

杜牧

晴河萬里色如刀處處浮雲臥碧桃仙桂茂時金鏡
曉洛波飛處玉容高雄如寶劍衝牛斗麗似鴛鴦養
羽毛他日憶君何處望九天香滿碧蕭騷

唐詩類苑

卷之二百三

十四

送李秀才歸荆溪

韋莊

八月中秋月正圓送君吟上木蘭船人言格調勝玄
度我愛篇章敵浪仙晚渡去時衝細雨夜灘何處宿
寒烟楚王宮去陽臺近莫倚風流滯少年

送陳秀才將遊雪上便議北歸

方干

婆娑戀酒山花盡繚繞還家水路通轉機擬從青草
岸吹帆猶似白蘋風淮邊欲暝軍聲急洛下先寒苑
樹空詩句因余更孤峭書題不合志江東

鍾陵見楊秀才

羅隱

孺亭勝閣少踟躕三度南遊一事無祇覺流年如鳥
逝不知何處有龍圖雲歸洪井枝柯飲水下漳江氣
色麤賴得與君同此醉醒醒爭奈被抑掄

文學

送顧八分文學適洪吉州

杜甫

中郎石經後八分蓋憔悴顧侯運鍾筆力破餘地
昔在開元中韓蔡同鼎鼐玄宗妙其書是以數子至
御札早流傳掄揚非造次三人並入直恩澤各不二
顧於韓蔡內辨眼工小字分日示諸王鈞深法更秘
文學與我遊蕭疎外聲利追隨二十載浩蕩長安醉

唐詩類苑

卷之二百三

十五

高歌卿相宅文翰飛省寺視我揚馬間白首不相棄
驂駟入窮巷必脫黃金轡一論朋友難遲暮敢失墜
古來事反覆相見橫涕泗嚮者玉珂人誰是青雲器
才盡傷形體病渴汗官位故舊獨依然危時話顛蹟
我甘多病老子負憂世志胡爲困衣食顏色少稱遂
遠作苦辛行順從衆多意舟楫無根蒂蛟鼉好爲祟
况兼水賊繁特戒風颿駛崩騰戎馬際往往殺長吏
子干東諸侯勸勉防縱恣邦以民爲本魚饑費香餌
請哀瘡痍深告訴皇華使使臣精所擇進德知歷試
側隱誅求情固應賢愚異烈士憂君等後傑忘自致

子猛虎行出郊載酸鼻

同茅郎中使君送河南裴文學

孟郊

河南有歸客江風繞行襟送君無塵聽舞鶴清瑟吟
菱蔓綴楚棹日華正嵩岑如何謝文學還起會雲吟

文士

贈文士王雄

鄭谷

知己竟何人哀君尚苦辛圖書長在手文學老於身
公道天難廢貞姿士任真小齋松菊靜願卜子為隣

宏詞

唐詩類苑

卷之四十三

六

贈別河南李功曹

宏詞登科拜官

韋應物

耿耿抱私戚寥寥獨掩扉臨觴自不飲况與故人違
故人方琢磨郎代所稀憲禮更右職文翰灑天機

一作

來自東山群彥仰餘輝談笑取高第綰綬即

言歸洛都遊燕地千里及芳菲今朝章臺別楊柳亦
依依雲霞未改色山川猶夕暉忽復不相見心思亂

罪罪

有道

同長源歸商徐

有道

東洛何蕭條相思邈遐路策駕復誰遊入門無與晤

一作出入還因送歸客達此絨中素屢睽心所歡豈

得顏如故所歡不可睽嚴霜晨淒淒如彼萬里行孤

妾守空閨臨觴一長歎素欲何時諧

天長寺上方別子西有道

時任京兆府功曹攝高陵宰別田曹

盧康戶曹韓質因而有作

韋應物

假邑非拙素况乃別伊人聊登釋氏居携手戀一作

茲晨高曠出塵表逍遙滌心神青山對芳苑列樹遶

一作通津車馬無時絕行子倦風塵今當遵往路佇

立欲何申唯持貞白志以慰心所親

唐詩類苑

卷之四十三

十七

孝廉

送王孝廉觀省

李白

彭蠡將天合姑蘇在日邊寧親候海色欲動孝廉船
窈窕晴江轉參差遠岫連相思無晝夜東泣似長川

送別單孝廉

韋應物

思親自當去下第未蹉跎家住青山下門前芳草作
水流多秭歸通遠徼巫峽注驚波州舉年年事還期復

幾何

題樂孝廉書房

耿湋

野情專易外一室向青山業就三編絕心通萬事閒

爲稀春水上草徧暮階間莫道歸縵在來時棄故關

送王使君少子孝廉登科歸省

司空曙

年少通經學登科尚佩觿張憑本名士蔡廓是佳兒
鞍馬臨岐路龍鍾對別離寄書胡太守請與故人知

嗟哉董生行

韓愈

淮水出桐柏山東馳遙遙千里不能休肥水出其側
不能千里百里入淮流壽州屬縣有安豐唐貞元時
縣人董生召南隱居行義於其中刺史不能薦天子
不聞名聲爵祿不及門門外惟有吏日來徵租更索

唐詩類苑

卷之三

六

錢嗟哉董生朝出至夜歸讀古人書盡日不得息或
山而樵或水而漁入厨具甘旨上堂問起居父母不
慙慙妻子不咨咨嗟哉董生孝且慈人不識惟有天
翁知生祥下瑞無時期家有狗乳出求食鷄來哺其
兒啄啄庭中拾蟲蟻哺之不食鳴聲悲徬徨躑躅久
不去以翼來覆待狗歸嗟哉董生誰將與儔時之人
夫妻相虐兄弟爲讐食君之祿而令父母愁亦獨何
心嗟哉董生無與儔

送桂陽孝廉

高適

桂陽少年西入秦數經甲科猶白身今江海一歸

客他日雲霄萬里人

明經

送張參明經舉親省

孟浩然

十五彩衣年承歡戀母前孝廉因歲貢懷橘向秦川
四座推文舉中郎許仲宣泛舟江上別誰不仰神仙

贈廣川馬先生

盧象

經書滿腹中吾識廣川翁年老甘無位家貧懶發蒙
人歸洙泗學歌盛舞雩風願接諸生禮三年事馬融
送五經趙隨登科授廣德尉

韋應物

唐詩類苑

卷之三

九

明經有清秩當在石渠中獨往宣城郡高齋謁謝公
寒原正蕪漫一作夕鳥自西東秋日不堪別淒淒多
朔風

貢士

答貢士黎逢

時在京兆功曹

韋應物

茂等一作方上達諸生安可希栖神澹物表渙汗布
令詞如彼崑山玉本自有光輝鄙人徒區區稱嘆亦
何爲彌月曠不接公門但一作役驅馳蘭章忽有贈持
用慰所思不見心尚密一作密况當相見時

唐詩類苑卷第一百四十三終

唐詩類苑卷第一百四十四

明雲間張之象玄超甫纂輯

雲間姜雲龍神超甫編次

雲間王微叔朗甫補訂

梁谿曹仁孫伯安甫校正

儒部

赴舉

赴舉出山留寄山居鄭參軍

李昭象

還如費冠卿向此振高名肯羨魚鰕美長誇鶴筆輕

唐詩類苑 卷之四百四

理琴寒指倦試藥黑髭生時泰難雲卧隨看急詔行

應舉日寄兄弟

朱可名

廢刈鏡湖田上書紫閣前愁人久委地詩道未聞天

不是燒金手徒拋釣月船多慙兄弟意不敢問林泉

初舉納省卷夢仙謠

沈彬

玉殿大開從客入金桃爛熟没人偷鳳驚寶扇頻翻

翅龍懼金鞭忽轉頭

於簾前獻主文

劉虛白

二十年前此夜中一般燈燭一般風不知歲月能多

少猶著麻衣待至公

夜潛紀長句於都堂西南隅

韋承貽

袈衣博帶滿塵埃獨向都堂納卷回蓬巷幾時聞吉

語棘籬何日免重來三條燭盡鐘初動九轉丹成鼎

未開殘月漸低人擾擾不知誰是謫仙才

又

白雲千朵照廊明一片昇平雅頌聲報道第三條燭

盡南宮風月盡難成

徒步應舉至錢塘之儼船之資久不得濟乃

題詩公館

周匡物

唐詩類苑 卷之四百四

萬里茫茫天塹遙秦皇底事不安橋錢塘江口無錢

過又阻西陵兩信潮

第二舉憶仙謠

白榆風颭九秋天秋王母朝迴宴玉樓日月漸長雙鳳

睡桑田欲變六鼃愁重翻簫管相隨去星觸旌幢各

自流詩酒近來狂不徂騎龍却憶上清遊

秋賦有期因空襲美

陸龜蒙

雲似無心水似閑忽忘名在貢書間煙霞鹿弁聊縣

著隣里漁舸暫解還文草病來猶滿篋藥苗衰後即

離山廣寒宮樹枝多少風送高低便可攀

奉和秋賦有期次韻

皮日休

十載江南盡是閑客兒詩句滿人間郡侯聞譽親邀
得鄉老知名不放還應帶瓦花經汗水更攜雲實出
包山太微宮裏環岡樹無限瑤枝待爾攀

赴舉別所知

李山甫

腰劍囊書出戶遲壯心奇命兩相疑麻衣盡舉一雙
手桂樹只生三兩枝黃祖不憐鸚鵡客誌公偏賞麒麟
兒叔牙憂我應相痛回首天涯寄所思

出試後投所知

羅隱

此去蓬壺兩日程當時消息甚分明桃須曼倩催分
唐詩類苑 卷之百四十四 三

孰橋待洪崖遣始行島外音書應有意眼前塵土漸
無情莫交更似西山鼠啮破愁腸恨一生

逼試投所思

羅隱

桃在仙翁舊苑傍暖煙晴靄撲人香十年此地頻偷
眼二月春風最斷腸曾恨夢中無好事也知囊裏有
仙方尋思仙骨終難得始與回頭問玉皇

魯中送二從弟赴舉之西京

李白

魯客向西笑君門若夢中霜彫逐臣髮日憶光明宮
復羨二龍去才華冠世雄平倚晴高足遠翻凌長風

舞袖拂秋月歌筵聞早鴻送君目千里良會何由同

送李友路秀才赴舉

劉禹錫

爾生始懸弧我坐作上賓引箸舉湯餅祝詞天麒麟
今成一丈夫坎壈愁風塵長裾來謁我自號廬山人
道舊與撫孤悄然傷我情依依看眉睫嘿嘿含悲辛
永懷同年友追想出谷晨三十二君子齊飛凌煙冥
曲江一會時後會已彫淪況今三十載閱世難重陳
盛時一已過來者日日新不如搖落樹重有明年春
火後見琮璫霜餘識松筠肅楓乃獨秀武部亦絕倫
爾今持我詩兩見二重臣成賢必念舊貴保在安貧
唐詩類苑 卷之百四十四 四

送張惟儉秀才入舉

李嘉祐

清秀過終童攜書訪老翁以吾爲世舊憐爾繼家風
淮岸經霜柳關城帶月鴻春歸定得意花送到東中

送孔黨赴舉

皇甫冉

入貢列諸生詩書業早成家承孔聖後身有魯儒名
楚水通滄浦秦山擁漢京愛君方弱冠爲賦少年行

送韋秀才道沖赴制舉

劉禹錫

驚禽一辭巢棲息無少安秋扇一離手流塵蔽霜紈
故侶不可追涼風日已寒遠逢杜陵士別盡平生歡

逐客無印綬楚江多芷蘭因居暇遊時長缺不復彈
閱書南軒際絙瑟清夜闌萬境外寂一杯腹中寬
伊昔玄宗朝冬卿冠鸞鷟穆升內殿從容領儒冠
遊夏無措詞陽秋誰不刊至今群玉府學者空縱觀
世人希德門揭若攀峯嵒之子向明訓鏘如振琅玕
一旦西上書班上拂征鞍荆臺宿暮雨漢水浮春瀾
君門起天中多士如星攢煙霞雙闕殺并舞羅千官
清漏宿銅壺仙廚下雕盤燐煌仰金榜錯落濡飛翰
古來才傑士所歎遭時難一鳴從此始相望青雲端

送薛蔓應舉

王建

唐詩類苑

卷之二十四

五

四海重貢獻珠寶稱至珍聖朝開禮闈所貴集嘉賓
苦生在世間此路出常倫一士登甲科九族光彩新
憧憧車馬徒爭路長安塵萬日視高天昇者得苦辛
況子當少年大人在咸秦出門見官闕獻賦待朱輪
有賢大國豐無子一家貧男兒富邦家豈爲榮其身
煌煌文明代俱幸生此辰自顧非國風難以合聖人
子去東堂上我歸南澗濱願君勤作書與我山中隣

早送舉人人試

白居易

夙駕送舉人東方猶未明自謂出太早已有車馬行
騎火高低影街鼓參差聲可憐早朝者相看意氣生

日出塵埃飛群動互營營營營各何求無非利與
而我常晏起虛住長安城春深官又滿日有歸山情

送孟寂赴舉

孟郊

烈士不憂身爲君吟苦辛男兒久失意寶劍亦生塵
浮俗官是貴君子道所珍況是聖明主豈乏證玉臣
濁水無白日清流鑒蒼旻賢愚皎然別結交當有因

山中送從叔簡赴舉

孟郊

石根百尺杉山眼一片泉倚一作之道氣高飲之詩
思鮮兼此逍遙場忽奏別離絃却笑薛蘿子不同鳴

躍年

唐詩類苑

卷之二十四

六

送皇甫湜赴舉

馬異

馬啼聲特特去入天子國借問去是誰秀才皇甫湜
吞吐一腸文八音兼五色主文有崔李郁郁爲朝德
青銅鏡必明朱絲繩必直稱意太平年願子長相憶

送子容進士舉

孟浩然

夕曛山照滅送客出柴門惆悵野中別殷勤醉後言
茂陵余偃息喬木爾飛翻無使谷風誚須令友道存

送丁大鳳進士舉

孟浩然

吾觀鵠鶴賦君負王佐才惜無金張援十上空歸來
棄置鄉園老翻飛羽翼提故人今在仁文路莫遲迴

送路少府使東京便應制舉

時潘宗初失守

劉長卿

故人西奉使胡騎正紛紛舊國無來信春江獨送君
五言凌白雪六翮向青雲誰念滄洲吏一作忘機鷗
鳥群

送鄭秀才貢舉

皇甫冉

西去意如何知隨貢士科吟詩向月露驅馬出煙蘿
晚色寒蕪遠秋聲候鴈多自憐歸未得相送一勞歌

送裴秀才貢舉

皇甫冉

儒衣羞此別去抵漢公卿貢年猶少篇重藝已成
唐詩類苑卷之百四十四

七

臨流惜暮景話別起鄉情離酌不辭醉西江春草生
送馬秀才移家京洛便赴舉

劉長卿

自從爲楚客不復掃荆扉劍共丹誠在書隨白髮歸
舊遊經亂靜後進識君稀空把相如賦何人薦禮闈

山中送進士劉蟾赴舉

章孝標

去住跡雖異愛憎情不同因君向帝里使我厭幽中
故友多朝客新文盡一作國風藝精心更苦何患不

成功

送人赴舉

鄭巢

送人赴舉

僧貫休

篇章動玉京墜葉滿遙程舊國與僧別秋江罷釣行
馬過隋代寺橋出楚山城應近嵩陽宿潛聞瀑布聲
兩河兵火後西笑見吾曹海靜三山出天空一鶴高
賃居槐陟屋行卷雪埋袍他日如相見栽桃向海濤

龍州送人赴舉

李洞

獻策赴招攜行宮積翠西翠巒秋卷重轉棧晚峯齊
踏月趨金闕拂雲看御題飛鳴豈回顧獨鶴困江泥

送友人赴舉

朱慶餘

世路久嗟君進取身十年雖苦志萬里託何人

唐詩類苑

卷之百四十四

八

處困非乖道求名本爲親惟應

意先與化龍鱗

送張與赴舉

并引

劉禹錫

古人以偕受學爲同門友今人以偕升名爲同年
友其語孰見縉紳者皆道焉予與張與爲友人由
是道也曩吾見爾之始生以老成爲祝今吾見爾
之成人以未立爲憂吾不幸何所謂同年友當其
盛時聯袂齊鑣亘絕九衢若屏風然今來落落如
曙星之相望偕曰會合不煩異席可長太息哉然
而尚書右丞衛大受兵部侍郎武庭碩二君者當
時偉人咸萬夫之望足以訂十朋之多也第如京

師無騷騷亦無忻忻爾時秋也吾爲若叩商之韻
幸有感夫二君子

租帳臨周道前旌指晉城午橋群吏散亥字老人迎
詩酒同行樂別離方見情從茲洛陽社吟詠書生

送韓巽入都觀省便赴舉 岑參

槐葉蒼蒼柳葉黃秋高八月天欲霜青門百壺送韓
侯白雲千里連嵩丘北堂倚門望君憶東歸扇枕後
秋色洛陽才子能幾人明年桂枝是君得

送裴處士應制舉 劉禹錫

裴生久在風塵裏氣勁言高爲知己注書曾學鄭司
唐書類苑 卷之二十四 九

農歷國多於孔夫子往年訪我到連州無窮絕境終
日遊登山日長試蠟展入洞夏裏披貂裘白帝城邊
又相遇斂翼三年不飛去忽然結束如秋蓬自稱對
策明光宮人言策中說何事掉頭不答看飛鴻彤庭
翠松迎曉日鳳銜金榜雲間出貴腰閒傾酒辛
臣委佩觀瑤筆古稱射策如鸞孤一發偶中何時無
由來草澤無忌諱努力滿梳當亨衢憶得當年識君
處嘉禾日後聯牆住垂釣釣得王餘魚踏芳共登蘇
小墓此事今同夢想同相看一笑且開眉老十一
舊隣里爲君扶病到芳山

送李群玉赴舉 杜牧

故人別來面如雪一榻拂雲秋影中玉白花紅三下
首五陵誰唱與春風

送趙十二赴舉 杜牧

省事却因多事力無心翻似有心來秋風郡閣殘花
在別後何人更一杯

送錢塘路少府赴制舉 皇甫冉

公車待詔赴長安客裏新正阻舊歡遲日未能消野
雪晴花偏自犯江寒東溟道路通秦塞北闕威儀識

漢官共許郊詵工射策恩榮請向一枝看

唐書類苑 卷之二十四 十

送葉秀才赴舉兼呈呂少監

方干

君辭舊里一年期藝至身心亦自知樽盡離人看北
斗月寒驚鵲遶南枝書迴冊市砧應絕棹出村潭菊
未衰與爾相逢終不遠昨聞秘監在台墀

送令狐秀才赴舉 李逢吉

子有雄文藻思繁齡年射策向金門前隨鸞鶴登霄
漢却望風沙是塞垣獨憶忘機陪出處自憐何日繼
飛翻那堪兩地生離緒蓬戶長扃行旅喧

送童禡赴舉 羅隱

萍鹿歌終別酒催粉闌星彩動昭回久經離亂心
破乍親昇平眼漸開顧我昔年悲玉石憐君今日蘊
風雷龍門盛事無因見費盡黃金老隗臺

送吳彥榮赴舉

方干

用心精至自無疑千萬人中似汝稀上國纔將五字
去全家便待一枝歸西陵柳路搖鞭盡北固潮程挂
席飛想見明年榜前事當時分散著來衣

句溪夏日送盧霽秀才歸王屋山將欲赴舉

杜牧

野店正紛泊蘭蠶初引絲行人碧溪渡繫馬綠楊枝
唐詩類苑卷之百四十四

十一

苒苒跡始去悠悠心所期秋山念君別惆悵桂花時

送王霖赴舉

方干

自古主司堪薦士明年應是不參差須憑吉夢爲先
兆必恐長才偶盛時北闕上書衝雪早西陵中酒趁
潮遲都說可要真消息只向春前便得知

送晉陵王少府赴舉

方干

相看不忍盡離觴五兩牽風速去橋遠驛新砧應弄
月初程寒角未吹霜越山直下分吳苑淮水橫流入
楚鄉珍重鄰家好兄弟明年祿位在何方

送進士韋序赴舉

方干

丹霄照上三清路瑞錦裁成五色毫波浪不能匹世
態鸞鳳應得入吾曹秋山晚水吟情遠雪竹風松醉
格高預想明年騰躍處龍津春碧浸仙桃

送弟子伍秀才赴舉

方干

天遣相門延積慶今同太廟薦嘉賓柳條此日誰攀
折桂樹明年爲爾春倚棹寒吟漁浦月垂鞭醉入鳳
城塵由來不要文章得要且文章出衆人

送前進士蔡京赴學究科

劉禹錫

耳聞戰鼓帶經鋤振發聲名自里閭已是世間能賦
客更攻牕下絕編書朱門達者誰能識絳帳書生盡
唐詩類苑卷之百四十四

十一

不如幸遇天官舊丞相知君無翼上空虛

盧秀才將出王屋高步名場江南相逢贈別

杜牧

王屋山人有古文欲攀青桂弄氛氲將攜健筆千明
主莫向山壇問白雲馳逐寧教爭處讓是非偏忌衆
中分交遊話我憑君道除却鱸魚更不聞

御試

御試二首

黃滔

已表隋珠各自攜更從瓊殿立丹梯九華燈作三條
燭萬乘君懸四首題鸞鳳敢期翻雪羽獨角應或飄

金闈明朝莫惜場場醉青桂新香有紫泥

六曹三省列簪裾丹詔宣來試士初不是玉皇殿羽
客要教金榜帶天書詞臣假寐題黃絹宮女敲銅奏
子虛御目四篇酬九百敢從燈下略躊躇

求自試

寶常

仙禁祥雲合高梧彩鳳遊沈冥求自試通鑒果蒙收
文墨悲無位詩書誤白頭陳王抗表日毛遂請行秋
雙劍曾埋獄司空問斗牛希垂拂拭惠感激願相投
放榜

放榜

李德裕

唐詩類苑

卷之百四十四

三

台庭才子來款扉典校初從天祿歸已慙陋巷迴玉
趾仍聞細雨占絲水詰朝始起鳳闕去此日遂歎難
黍違憶昨謬官在烏府喜君對門討魚魯直廬相望
夜每闌高閣遙臨月時吐昔聞三入承明廬今來重
入中秘書校文復忝丞相屬博物更與張侯居新冠
叢我不變鐵舊泉脉脉猶在渠忽向情人吐芳訊臨
風不羨潘錦舒憶見青天霞未卷吟詠瑤華不知晚
自憐超足風引舟如何漸與蓬山遠

大中十年顯放榜後謁假覬省於洛生徒餞
長樂驛俄有紀於屋壁云

鄭顥

三十驂騑一烘塵來時不鎖杏園春楊花滿地如飛
雪應有偷閑曲水人

看榜日

劉滄

禁漏初停闌省開列仙名目上清來飛鳴曉日鶯聲
遠變化春風鶴影回廣陌萬人生喜色曲江千樹發
寒梅青雲已是酬恩處莫惜芳時醉酒杯

賀王起

釋廣宣

從辭鳳閣掌絲綸便向青雲領貢賓再闢文章無任
路兩開金榜絕冤人眼看龍化門前水手放鶯飛谷

唐詩類苑

卷之百四十四

古

和廣宣作

王起

延英面奉入春闈亦選功夫亦選奇在冶只求金不
耗用心空學秤無私龍門變化人皆望鶯谷飛鳴自
有時獨喜向公誰是證彌天上士與新詩

宣上人遠寄和禮部王侍郎放榜後詩因以

繼和

劉禹錫

禮闈新榜動長安九陌人人走馬看一日聲名遍天
下滿城桃李屬春官自吟白雪詮詞賦指示青雲借
羽翰借問至公誰印可支郎大眼定中觀

和王侍郎酬廣宣上人觀放榜後相賀

元稹

渥洼徒自有權奇，伯樂書名世始知。竟走墻前稀得
傳，高縣日下表無私。都中紙貴流傳後，海外金填姓
字時。珍重劉繇區首薦，進士李景述以爲君送和碧
同判蘇頌及策

雲詩

時刺華州寄賀王起

周墀

文場三化魯儒生，三十餘年振重名。曾忝木雞誇羽
翼，又陪金馬入蓬瀛。雖欣月桂居先折，更羨春蘭最
後榮。欲到龍門看風雨，關防不許暫離營。

詩類苑

卷之百四

五

和周侍郎見寄

王起

貢院離來二十霜，誰知更忝主文場。楊葉縱然穿舊
的，桂枝何必愛新香。九重每憶同仙禁，六義初吟得
夜光。莫道相知不相見，蓮峯之下欲微黃。

喜王起侍郎放榜

張籍

東風節氣近清明，車馬爭來滿禁城。二十八人初上
榜，百千萬里盡傳名。誰家不借花園看，在處多將酒
器行。共賀春司能鑒識，今年定合有公卿。

咸通初恩除歙州途中寄座主王侍郎

忽忝專城奉六條，自憐出谷屢遷喬。驅車雖覺還家
近，捧日惟愁去國遙。朱戶昨經新禁戟，風帆常覺綠
簾飄。江天夜夜知消息，長見台星在碧霄。

放榜後和作

丁稜

公心獨立副天心，三轄春闈冠古今。蘭署門生皆入
室，蓮峯太守別知音。同升翰苑時名重，遍歷朝端主
意深。新有受恩江海客，坐聽朝夕繼爲霖。

放榜後和作

姚鵠

三年竭力向春闈，塞斷浮花衆路岐。盛選棟梁稱昔
賦，平均雨露及明時。登龍舊美無斜徑，折桂新榮盡
直枝。莫道只陪金馬貴，相期更在鳳凰池。

唐書類苑

卷之百四

六

直枝莫道只陪金馬貴，相期更在鳳凰池。

放榜後和作

高退之

昔年桃李以滋榮，今日蘭蓀又發生。葑菲采時皆有
道，權衡分處且無情。叨陪鸞鷟朝天客，共作門闌出
谷鶯。何事感恩偏覺重，忽聞金榜扣柴荆。

放榜後和作

孟球

當年門下化龍成，今日餘波進後生。仙籍共知推麗
則，禁垣同得薦嘉名。桃蹊早茂誇新萼，菊圃初開耀
晚英。誰料羽毛方出谷，許教齊和九臯鳴。

放榜後和作

劉耕

孔門頻建鑄顏功紫綬青衿感激同一簣勸勞成太
華三年恩德維嵩楊隨前輩穿皆中桂許平人折
欲空慙和周郎應見顧感知大造竟無窮

放榜後和作

裴翻

常將公道選群生猶被春闈屈重名文柄久持殊歲
紀恩門三啓動宸瀛雲霄幸接駕鸞盛變化欣同草
木榮乍得陽和如細柳參差長近亞夫營

放榜後和作

樊驥

滿朝簪髮半門生又見新書甲乙名孤進自今開道
路至公依舊振寰瀛雲飛太華清詞著花發長安白

唐詩類苑

卷之二十四

七

屋榮忝受恩光同上客惟將報德是經營

放榜後和作

崔軒

滿朝未紫半門生新榜勞人又得名國器舊知收片
玉朝宗轉覺集登瀛同升翰苑三千美繼入花源九
族榮共仰蓮峯聽雪唱欲賢仙曲意怔營

放榜後和作

蒯希逸

一振聲華入紫微三開秦鏡照春闈龍門舊列金章
貴鶯谷新遷碧落飛恩感風雷皆變化詩裁錦繡借
光輝誰知散質多榮幸舊雨新知接有衣

放榜後和作

林滋

龍門一變荷生成況是三傳不朽名美譽早聞喧
闕頽波今見走東瀛駕行既接參差影雞樹仍同次
第榮從此青衿與朱紫升堂侍宴更何營

放榜後和作

李宣古

恩光忽遠曉春生金榜前頭忝姓名三感至公裨造
化重揚文德振寰瀛佇爲霖雨曾相賀半在雲霄覺
更榮何處新詩添照灼碧蓮峯下柳間營

放榜後和作

黃頗

二十二年文教至三千士滿皇州獨陪宣父蓬瀛
奏方接顏生魯衛遊多羨龍門齊變化屢看雞樹第
名流升堂何處最榮美朱紫環樽幾處酬

唐詩類苑

卷之二十四

十八

放榜後和作

張道符

三開文鏡繼芳聲暗暗雲霄接去程會歷洪波先得
路早陞清禁共垂名蓮峯對處朱輪貴金榜傳時玉
韻成更許下才聽白雪一枝今過郢說榮

放榜後和作

丘上卿

常將公道選諸生不是鴛鴻不得名天上宴同聯步
武禁中麻出滿寰瀛簪裾盡過前賢貴門館仍叨舊
學榮看著鳳池相繼入都堂那肯滯關營

放榜後和作

石質

重德由來爲國生五朝清顯冠公卿風波久佇濟
機羽翼三遷出谷鶯絳帳青衿同日貴春闈秋菊異
時榮孔門弟子皆賢哲誰料窮儒忝一名

放榜後和作

李潛

文學宗師心秤平無私三用佐貞明恩波舊是仙舟
客德字新添月桂名蘭署崇資金重蓮高唱玉
音清羽毛方荷生成力難繼鸞鳳上漢聲

放榜後和作

孟寧

科文又主守初時光顯門生濟會期美擅東堂登甲
乙榮同內署待恩私群鸞共喜新遷木雙鳳皆當卽

唐詩類苑

卷之二十四

十九

日池別有陪深知感士曾經兩度得芳枝

放榜後和作

唐思言

儒雅皆傳德教行幾崇浮俗贊文明龍門昔日波濤
遠禁署同登渥澤榮虛散謬當陪杞梓後先寧異感
生成時方側席微賢急况說詞謠近帝京

放榜後和作

尤牢

聖乾文德最稱賢自古儒生少比肩再啓龍門將二
紀兩司鶯谷已三年蓬山皆美成榮貴金榜誰知忝
後先兄弟感恩流涕日但思旌旆碧峯前

放榜後和作

金厚載

長慶曾收間世英果居臺閣冠公卿天書
速金榜三開日月明已見差肩趨翰苑更期進步掌
台衡小儒謬跡雲霄路心仰蓮峯望太清

放榜後和作

王甚夷

春闈帝念玉生成長慶公闈兩歲名有詔赤心分兩
露無私和氣決寒瀛龍門乍出難勝幸鸞侶先行是
最榮遙仰高峯看白雪多慙屬和意屏營

放榜後和作

盧肇

嵩高降得爲時生洪筆三題造化名鳳詔佇歸專北
極驪珠搜得盡東瀛發本已換金章貴禁掖曾隨玉

唐詩類苑

卷之二十四

二十

樹榮明日定知同相印書於新列柳間營

放榜日作

韋莊

一聲天鼓關金扉三十仙林上翠微葛水霧中龍乍
變絨山煙外鶴初飛鄒陽暖豔催花發太皞春光簇
馬歸迴首便辭塵土世彩雲新換六銖衣

放榜日

黃滔

吾唐取士最堪誇仙榜標名出曙霞白馬嘶風三十
繼朱門秉燭一千家鄉說聯臂昇天路宜聖飛章奏
日華

唐詩類苑卷第一百四十四終

唐詩類苑卷第一百四十五

明雲間張之象玄超甫纂輯

雲間張所望叔翹甫編次

雲間王 徹叔朗甫補訂

梁谿曹仁孫伯安甫校正

儒部

落第

送嚴維下第還江東

岑參

勿歎今不第似君殊未遲且歸滄洲去相送青門時
望鳥指鄉遠問人愁路疑散表沾暮雪歸棹帶流澌

唐詩類苑

卷之百四十五

十一

嚴子難復在謝公文可追江臯如有信莫不寄新詩

送于十八應四子舉落第還嵩山

李白

吾祖吹簫籥天人信森羅歸根復太素羣動熙元和
炎災四真人摛辨若濤波交流無時寂楊墨日成科

夫子聞洛誦誇才才故多爲金好踊躍久客方蹉跎

道可束賣之五寶溢山河勸君還嵩丘開酌聆庭柯

三花如未落乘興一來過

送從弟下第後歸會稽

孟浩然

疾風吹征帆倏爾向空沒千里去俄頃三江坐超忽

向來共歡娛日久成楚越落羽更分飛誰能不驚

送褚大落第東歸

錢起

離琴彈苦調美人慘向隅頃來荷策干明主還復爲

舟歸五湖漢家側席明駁久豈意遺賢在林藪玉堂

金馬隔青雲墨客儒生皆白首昨夢芳洲采白蘋歸

期且喜故園春稚子只思陶令至文君不厭馬卿貧

剡中風月久相憶池上舊遊應再得酒熟寧孤芳杜

春詩成不枉青山色念此那能不羨歸長楊諫獵事

皆違他日東流一乘興知君爲我掃荆扉

早春贈別趙居士還江左時長卿下第歸嵩

唐詩類苑

卷之百四十五

二

陽舊居

劉長卿

見君風塵裏意出風塵外自有滄洲期舍情十餘載

深居鳳城曲日預龍華會果得僧家緣能遺俗人態

一身今已適萬物知何愛悟法電已空看心水無礙

且將窮妙理兼欲尋勝槩何獨謝客遊當爲遠公輩

放舟馳楚郭負杖辭秦塞日送南飛雲令人想吳會

遙思舊遊處髣髴疑相對夜火金陵城春煙石頭瀨

滄波極天末萬里明如帶一片孤客帆飄然向青靄

楚天合江氣雲色常霽對隱見湖中山相連數州內

君行意可得全與時人背歸路隨楓林還鄉念尊菜

顧予尚羈束何幸承聆素願徒自勤清機本難違
累幸忝賓薦末路逢沙汰濩落名不成徘徊意空大
逢時雖貴達守道甘易退逆旅鄉夢頻春風客心碎
別君日已遠離念無明晦予亦反柴荆山田事耕耒

送林寬下第東歸

黃滔

為君惆悵惜離京年少無人有屈名積雪未開移發
日鳴蟬初急說來程楚天去路過飛鴈灞岸歸塵觸
鑣城又得新詩幾章別煙村竹迳海濤聲

送沈秀才下第東歸

賈島

曲言惡者誰悅耳如彈絲直言好者誰刺耳如長錐

唐詩類苑

卷之百四十五

三

沈生才俊秀心腸無邪欺君子已苟合擇交如求師
毀出疾夫口騰入禮部闈下第子不耻遺才人耻之
鍊歸家室遠掉轡時參差浙雲近吳見汴柳接楚垂
明年春光別回首不復疑

送從弟長安下第南歸謁親

邵謁

白日不得照戴天如戴盆青雲未見路丹車勞出門
採薇秦山鎮養親涓水源心中豈不切其如行路難
為文清益峻為心直且安芝蘭未入用馨香志獨存
他門種桃李猶能蔭子孫我家有棠陰枝葉竟不繁

心醉豈因酒愁多徒見萱征徒忽告歸執袂殷勤論
在鳥終為鳳為魚須化鯢富貴豈長守貧賤寧有根
丈夫志不大何以佐乾坤晝短疾於箭早來獻天言
莫戀蒼梧畔野烟橫破村

送李湜下第歸衛州便遊河北

韓翃

莫嗟太常屈便入蘇門嘯道在應未遲勿作我身料
輕雲日下不成陰出對流芳攬別心萬雉城東春水
闊千人鄉北晚花深舊竹青青常繞宅到時疎曠應
自適佳期總得上官遊旅食還為北印客路出司州

唐詩類苑

卷之百四十五

四

勝景長西山翠色帶清潭仙人磯近茱萸澗銅雀臺
臨子陵屢道主人多愛士何辭策馬千餘里高譚
魏國訪先生修刺平原過內史一舉青雲在早秋恐
君從此便淹留有錢莫向河間用載筆須來闕下遊

下第有感

邵謁

古人有遺言天地如掌闢我行三十載青雲路未達
嘗聞讀書者所貴免征伐誰知失意時痛於刀傷骨
身如石上草根蒂淺難活人人皆愛春我獨愁花發
如何歸故山相攜採薇蕨

送友下第遊鴈門

劉駕

相別灞水湄夾水柳依依我願醉如死不見君去時
所詣星斗北直行到猶遲况復挈空囊求人路岐
北門記室賢愛我學古詩待君如待我此事固不疑
鴈門春色外四月鴈未歸主人拂金臺延客夜開扉
舒君鬱鬱懷飲彼白玉卮若不化女子功名期無期
下第後屏居長安書懷寄太原從事

劉駕

別足豈更長良工隔千里故山彭蠡上歸夢向汾水
低權神氣盡僮僕心亦耻未達誰不然達者心思此
行年忽已壯去老年更幾功名生不彰身歿豈爲鬼
唐詩類苑卷之二十四五

五

鄧魴張徹落第

白居易

古琴無俗韻奏罷無人聽寒松無妖花枝下無人行
春風十二街軒騎不暫停奔車看牡丹走馬聽秦箏
衆目悅芳艷松獨守其貞衆耳喜鄭衛琴亦不改聲
懷哉二夫子念此無自輕

失意歸吳因寄東臺劉復侍御

孟郊

自念西上身忽隨東歸風長安日下影又落江湖中
誰夢豈不明子野豈不聰至寶非浪別至言非耳通

因緘俗物一作外詞仰寄高天鴻

下第東南行

孟郊

越風東南清楚日瀟湘明試逐伯鸞去還作靈均行
江籬伴我泣海月投入驚失意容貌改畏塗性命輕
時聞喪侶猿一叫千愁并一作生

落第

孟郊

曉月難爲光愁人難爲腸誰言春物榮豈見葉上霜
一作獨見鵬鶚一作失勢病一作飛鷓鴣假改一作翼
翔棄置復棄置情如刀刀傷

下第東歸留別長安知己

孟郊

唐詩類苑

卷之二十四五

六

共照日月影獨爲愁思人豈知鷓鴣鳴一作鷓鴣瑤
草不得春一片兩片雲千里萬里身雲歸嵩之陽身
寄江之濱棄置復何道楚情吟白蘋

送溫初下第

孟郊

日落濁水中夜光誰能分高懷無近趣清抱多遠聞
欲識丈夫志心藏孤岳雪長安風塵別咫尺不見君

送別崔寅亮下第

孟郊

天地唯一氣用之自偏頗憂人成苦吟達士爲高歌
君子識不淺桂枝幽更多歲晏期攀折時歸且婆娑
素質如削一作玉清詞若傾天一作河龍夫化時魚

驚同一波去矣當自適故鄉饒薛蘿

下第寄知己

曹鄴

長安孟春至枯樹花亦發憂人此時心冷若松上雪
自知才不堪豈敢頻泣血所痛無罪者明時屢遭別
故山秋草多一卷成古轍夜來遠心起夢見瀟湘月
大賢冠蓋高何事憐屑屑不令傷弓鳥日暮飛向越
聞此感激語胸中如有物舉頭望青天白日頭上沒
歸來通濟里開戶山鼠出中庭廣寂寞但見薇與蕨
無慮數尺軀委作泉下骨唯愁攬清鏡不見昨日髮
願憐閨中女晚嫁唯守節勿惜四座言女巧難自說

唐詩類苑

卷之二百四十五

七

送厲國南下第歸澧州

曹鄴

當春人盡歸我獨無歸計送君自多感不是緣下第
君看山上草盡有干雲勢結根既不然何必更掩袂
澧水鱸魚賤荆門楊柳細勿爲陽艷留此處有月桂
官畢尊未乾十二門欲閉佇立望不見登高更流涕
吟君別我詩悵望水烟際

送進士李殷下第遊汾河

曹鄴

上國花照地遣君向西征旁人亦有恨况復故人情
單車欲云去別酒忽然醒如何今夜夢半作道路程
邊士不好禮全家住軍城中鼓角嚴旅客常夜驚

中有左記室逢人眼光明西門未歸者下馬如到京
還應一開卷爲了心不平殷勤說忠抱壯志勿自輕

途中口號

盧僎

抱玉三朝楚懷春十上秦年年洛陽陌花鳥弄歸人

送郭良輔下第東歸

李端

獻策不得意馳車東出秦暮年千里客落日萬家春

再下第

孟郊

一夕九起嗟夢覺不到家兩度長安陌空將淚見花

送陳樵下第東歸

黃滔

青山草蒼石滄海寄家船雖得重吟歷終難任意眠

唐詩類苑

卷之二百四十五

八

砥疎連寺柳風爽徹城蓮送目紅蕉外來期已杳然

下第出京

黃滔

還失禮官求花時出雍州一生爲遠客幾處未曾遊

故疾江南雨單衣薊北秋茫茫數年事今日淚俱流

下第

黃滔

昨夜孤燈下闌干泣數行辭家從早歲落第在初場

青草湖田改單車客路忙何人立功業新命到封王

落第西還別劉高二公

陳子昂

別館分周國歸驂入漢京地連南谷塞川接廣陽城

望迴樓臺出途遙烟霧生言長落羽貧賤一交情

送章彝下第

綦毋潛

長安渭橋路行客，時心獻賦溫泉畢。無媒覩閣深，
黃鸞啼就馬。白日暗歸林，二十名未立。君還惜寸陰，

送丘為落第歸江東

王維

憐君不得意，況復柳條春。為客黃金盡，還家白髮新。
五湖三宅萬里一歸人，知爾不能薦羞為獻納臣。

送孟孺卿落第歸濟陽

岑參

獻賦頭欲白，還家衣已穿。羞過灞陵樹，歸種汶陽田。
客舍少鄉信，牀頭無酒錢。聖朝徒側席，濟上獨遺賢。

送周子落第遊荆南

岑參

唐詩類苑

卷之四十五

九

足下復不第，家貧尋故人。且傾湘南酒，羞對關西城。
山店橘花發，江城楓葉新。若從巫峽過，應見楚王神。

送胡象落第歸王屋別業

岑參

看君尚少年，不第莫悽然。可即被獻賦，山村歸種田。
野花迎短褐，河柳拂長鞭。置酒聊相送，青門一醉眠。

送杜佐落第歸陸渾別業

岑參

正月今欲半，陸渾花未開。出關見青草，春色正東來。
夫子且歸去，明時方愛才。還須及秋賦，莫即隱蒿萊。

送張翥下第歸江東

蕭穎士

俱飛仍失路，綵服滯清波。地積東南美，朝遺甲乙科。

客愁千里別，春色五湖多。明日舊山去，其如相望何。

落第後東遊留別

皇甫冉

此成方自得，何事學干求。果以浮名誤，深貽達士羞。
九江連漲海，萬里任虛舟。歲晚同懷客，相思波上鷗。

送郭秀才制舉下第南遊

錢起

失志思浪跡，知君晦近名。出關塵漸遠，過郢興彌清。
山盡溪初廣，人閑舟自行。探幽無旅思，莫畏楚猿鳴。

下第題長安客舍

錢起

不遂青雲望，愁看黃鳥飛。梨花度寒食，客子未春衣。
世事隨時變，交情與我違。空餘主人柳，相見却依依。

唐詩類苑

卷之四十五

十

落第劉拾遺相送東歸

錢起

不醉百花酒，傷心千里歸。獨收和氏玉，還採舊山薇。
出處離心盡，榮枯會向稀。預愁芳草色，一徑入衡闌。

贈萬生下第還吳

郎士元

道道多不偶，美才應息機。霸陵春欲暮，雲海獨言歸。
為客成白首，入門嗟布衣。尊羹若可憶，慙出掩柴扉。

送魏廣落第歸揚州

韋應物

下第常稱屈，少年心獨輕。拜親歸海畔，似舅得詩名。
晚對青山別，遙尋芳草行。還期應不遠，寒露濕蕪城。

送李文明下第鄆州謁兄

許渾

征夫天一涯醉贈別吾詩鴈迴參差遠龍多次第遲
宵歌還夜苦宋賦更秋悲的的遙相待清風白露時

下第歸朱方寄劉三復 許渾

素衣京洛塵歸棹過南津故里跡猶在舊交心更親
月高蕭寺夜風暖庾樓春詩酒應無暇朝朝問旅人

下第別楊至之 許渾

花落水潺潺十年離舊山夜愁添白髮春淚減朱顏
孤劍北游塞遠書東出關逢君話新曲一醉灞陵間

下第送宋秀才游岐下楊秀才還江東 許渾

唐詩類苑 卷之百四十五 土

車馬楚城壕清歌送濁醪露花差別淚烟草讓歸袍
鳥浴春塘暖猿吟暮嶺高尋仙在仙骨不用廢牛刀

下第寓居崇聖寺感事 許渾

懷玉^{一作}泣京華舊山歸路賒靜衣禪客院幽學野
人家林晚鳥爭樹園春蝶護花東門有閑地誰種邵

平瓜

送顧非熊下第歸 朱慶餘

但取詩名遠寧論下第頻惜爲今日別共受幾年貧
聽雨宿吳寺過江逢越人知從本府薦秋晚又辭親

送人下第歸 朱慶餘

獨立身難達新春與志違異鄉青草長故國白頭歸
岸闊湖波溢程遙楚岫微高秋期再會此去莫忘機

送張景宣下第東歸 朱慶餘

歸省值花時閑吟落第詩高情憐道在公論惜才遺
春雨連淮暗私船過馬遲離心可惆悵爲有入城期

送客落第東遊 李益

東門有行客落日滿前山聖代誰知者滄洲今獨還
片雲歸海暮流水背城閑余亦依蒿賴松花深閉關

下第別邵秩 馬戴

唐詩類苑 卷之百四十五 土

窮途別故人京洛泣風塵在世卽應老他鄉又欲春
平生空志學晚歲^{一作}拙謀身靜話歸休計唯將海上親

下第別令狐員外 馬戴

論文期雨夜飲酒及芳晨坐歎百花發潛驚雙鬢新
舊交多得路別業遠仍貧欲辭知己歸耕海上春

下第再過崔邵陽居 馬戴

豈無故鄉路路遠未成歸關內相知少海邊來信稀
離雲空石穴芳草偃郊扉謝子一留宿此心聊息機

送顧非熊下第歸江南 馬戴

無成西別秦返駕江南春草際楚田鴈舟中吳苑人

殘雲掛絕島迴樹入通津想到長洲日門前多白蘋

送張喬下第歸宣州 李洞

詩道世難通歸寧楚浪中早程殘岳月夜泊隔淮鐘
一鏡隨雙鬢全家老半峯無成來往過折盡謝亭松

下第送張霞歸觀江南 李洞

此道背於時攜歸一軸詩樹沈孤鳥遠風逆蹇驢遲
草入吟房壞潮衝釣石移恐傷歡覲意半路摘愁髭

落第後歸終南別業 盧綸

久爲名所誤春盡始歸山落羽羞言命逢人強破顏
交疎貧病裏身老是非間不及東溪月漁翁夜往還

唐詩類苑 卷之一百四十五 五

送魏廣下第歸揚州 盧綸

楚鄉雲水內春日衆山開淮浪參差起江帆次第來
獨歸初失桂共醉忽停杯漢詔年年有何愁掩上才

送潘述應宏詞下第歸江南 盧綸

愁與醉相和昏昏竟若何感年懷闕久失意夢鄉多
雨裏行青草山前望白波江樓覆葦好誰引仲宣過

落第後寄江南親友 項斯

古巷槐陰合愁多晝掩扉獨存過江馬強拂看花衣
送客心先醉尋僧夜不歸龍鍾易惆悵莫遣寄書稀

送友人下第歸襄陽 項斯

失意已春殘歸愁與別難山分關路細江連夜城寒
草色連晴坂暝聲靜曉離離差池是秋賦何以暫懷安

送歸江州友人初下第 項斯

名高不俟召收採獻君門偶屈應緣數他人盡爲冤
新春城外路舊隱水邊村歸去無勞久知君更待論

送許棠下第遊蜀 張喬

天下猿多處西南是蜀關馬登青壁瘦人宿翠微閑
帶雨逢殘日一作火因江見斷山行歌風月好莫老錦城間

唐詩類苑 卷之一百四十五 五

送何兆下第還蜀 李端

重江不可涉孤客莫晨裝高木莎城小殘星棧道長
裏猿楓子落過雨荔枝香勸爾成都住文翁有學堂

一作草堂
一作舊房

送衛雄下第歸同州 李端

不才先上第詞客却空還邊地行人少平蕪盡日閑
一蟬陂樹裏衆火隴雲間美爾歸茅屋書窗見遠山

送潘述宏詞下第歸江外 李端

唱高人不和此去淚難收上國經年住長江滿目流
奕棊知勝偶射策請焚丹旆是

玄成許寄遊

送喬廣下第歸淮南 司空曙

遙想南淮盡荒堤，楚路斜成旌標白。
浪畧綱入青波，啼鳥仍臨水。愁人更看花，東堂一枝在。
爲子惜年華。

送程秀才下第歸蜀 姚鵠

鶯遷與鷓退，十載泣岐分。
蜀道重來老，巴陵此去聞。曉程侵嶺雪，遠棧入暎雲。
莫滯趨庭戀，榮親祇待君。

送康秀才 賈島

俱爲落第年，相識落花前。
酒瀉雨三盞，詩吟十數篇。行歧逢塞雨，嘶馬上津船。
樹影高堂下，迴時應有蟬。

下第 賈島

唐詩類苑 卷之百四十五 五

下第只空囊，如何住一作帝鄉杏園啼百舌誰醉在

花傍，淚落故山遠。病來春草長，知音逢一作豈易孤

棹負三湘。

送人罷舉東遊 僧無可

東堂今已負，况此遠行難。
兼雨風聲過，連天草色乾。鴻嘶荒壘閉，兵燒廣川寒。
若向龍門宿，懸知拭淚看。

送友失意南歸 顧况

衣揮京洛塵，完璞伴歸人。
故國青山徧，滄江白髮新。隣荒收酒幔，屋古布苔茵。
不用通名姓，漁樵共主賓。

下第後蒙侍郎示意，指於新先，望宣恩感謝。

李昌符

才薄命如此，自嗟兼自疑。
遭逢好文日，黜落至公時。倚玉甘無路，穿楊却未災。
更慙君侍坐，問許可言詩。

春送盧秀才下第遊太原謁嚴尚書

白居易

未將時會合，且與俗浮沈。
鴻養青冥翼，蛟潛雲雨心。烟郊春別遠，風磧暮程深。
墨客投何處，并州舊翰林。

送常秀才下第東歸 白居易

東歸多旅恨，西上少知音。
寒食看花眼，春風落第心。百憂當二月，一醉直千金。
到處公卿席，無辭酒盞深。

唐詩類苑 卷之三百四十五 十六

送喻坦之下第還江東 方干

文戰偶未勝，無令移壯心。
風塵辭帝里，舟楫到家林。過楚寒方盡，浮淮月正沈。
持盃話來日，不聽洞庭聲。

送姚舒下第遊蜀 方干

蜀路何迢遞，憐君獨去遊。
風烟接北虜，山水勝東甌。九折盤荒坂，重江遶漢州。
臨邛一壺酒，能浣長卿愁。

聞進士許彬罷舉歸睦州，悵然懷寄 鄭谷

桐廬歸舊廬，垂老復樵漁。
吾子雖言命，鄉人懶讀書。烟舟撐晚浦，雨屐翦春蔬。
其代老方振，哀吟莫廢初。

送舉子下第東歸

鄭谷

夫子道何孤，青雲未得途。
詩書難拾遺，山水暫游吳。
野綠梅陰重，江春浪勢麤。
秣陵兵後後，舊業半成蕪。

下第東歸留辭刑部鄭郎中

黃滔

去遠知已住，違親欲發羸。
蹄進退頻萬里，家山歸養志。
數年門館受恩身，鸞聲歷歷秦城曉。
柳色依依灞水春，明日藍田關外路，連天風雨一行人。

送進士趙能卿下第南歸

鄭谷

不歸何慰親，歸去舊風塵。
灑淚慙關吏，無書對越人。
唐詩類苑 卷之百四十五 七
遠帆花月夜，微岸水天春。
莫便隨魚釣，平生已苦辛。

送戴佐下第客遊

姚合

昨夜送君處，亦是九衢中。
此日慇懃別，前時寂寞同。
鳥啼寒食雨，花落暮春風。
向晚離人別，筵收樽未空。

送顧非熊下第歸越

姚合

失意尋歸路，親知不復過。
家山向城遠，日月在船多。
楚塞數逢燕，浙江長有波。
秋風別鄉老，還聽鹿鳴歌。

落第

李廓

應前潛制淚，裏自嫌身氣。
夫如中酒，情懷似別人。
暖風張樂席，晴日看花塵。
盡是添愁處，添居乞過春。

長安落第作

錢起

始願今如此，前途復若何。
無媒獻詞賦，生事日蹉跎。
不遇張華識，空悲竇娥歌。
故山歸夢遠，新歲客愁多。
刷羽思喬木，登龍恨失波。
散才非世用，回首謝雲蘿。

送秀才落第遊荆楚

錢起

翠羽雖難一作難，成夢遷鶯尚後羣。
名逃郢詠策，興發謝玄文。
昏旦扁舟去，江山幾路分。
上潮吞海日，歸鴈出湖雲。
詩思應須苦，猿聲莫厭聞。
離居見新月，那得不思君。

落第贈楊侍御兼拜員外仍充安大夫判官

赴范陽

劉長卿

職副旌旄重，才兼識量通。
使車遙肅物，邊策遠和戎。
擲地金聲著，從軍寶劍雄。
官成稽古力，名達濟時功。
蕭穆烏臺上，雍容粉署中。
含香初待漏，持簡舊生風。
黯吏偏驚隼，貪夫輒避驄。
且知榮已隔，誰謂道仍同。
念舊追連茹，謀生任轉蓬。
泣連三獻玉，瘡懼再傷弓。
戀土函關外，瞻塵灞水東。
他時書一札，猶冀問途窮。

落第後歸山下舊居畱別劉起居昆李

盧綸

寂寞過朝昏，沈憂豈易論。
有時空命，無事可酬恩。

寄食依隣里成家望子孫風塵知世路衰賤到君門
醉裏因多感愁中欲強言花林逢廢井戰地識荒園
悵別臨晴野悲春上古原鳥歸山外樹人過水邊村
潘岳方稱老嵇康本厭喧誰堪將落羽迴首仰飛翻

落第東歸逢僧伯陽

賈島

相逢須語笑人世別離頻曉去長侵月思鄉動隔春
見僧心暫靜從俗事多迤宇宙詩名小山河客路新
翠桐猶入爨清鏡未辭塵逸足思奔驥隨羣且退鱗
宴乖紅杏寺愁在綠楊津老病難爲樂開眉賴故人
超絕下第上薛侍郎

李端

唐詩類苑

卷之百四十五

十九

蓬華春風起開簾却自悲如何飄梗處又到採蘭時
明鏡方重照微誠寄一辭家貧求祿早身賤報恩遲
幸得皮存矣須勞翼長之銘肌非感答肉骨是前期
縱覺新人好寧忘舊主疑終慙太丘道不爲小生私

送丘爲下第歸蘇州

嚴維

滄江一身客獻賦空十年明主豈能好今人誰舉賢
國門稅征駕旅食謀歸旋暇日媚春水綠蘋香客船
無媒旣不達余亦思歸

送魏四落第還鄉

岑參

東歸不稱意客舍戴勝鳴鴈酒飲未盡春衫縫已成

長安柳枝春欲來洛陽梨花在前開魏侯池館今尚
在猶有太師歌舞臺君家盛德豈徒然時人注意在
吾賢莫令別後無佳句祇向壚頭空醉眠

送沈亞之

李賀

文人沈亞之元和七年以書不中第返歸於吳江
吾悲其行無錢酒以勞又感沈之勤請廼歌一解
以勞之

吳興才人怨春風桃花滿陌千里紅紫絲竹斷驄馬
小家住錢塘東復東白藤交穿織書笈短策齊裁如
梵夾雄元寶礦獻春卿烟底鷺波乘一葉春卿拾才

唐詩類苑

卷之百四十五

二十

白日下擲置黃金解龍馬攜笈歸江重入門勞勞誰
是憐君者吾聞壯夫重心骨古人三走無摧挫請君
待旦事長鞭他日還轅及秋律

落第長安

常建

家園好在尚畱秦耻作明時失路人恐逢故里鶯花
笑且向長安度一春

落第歸鄉畱別長安主人

豆盧復

客裏愁多不記春聞鶯始歎柳條新年年下第東歸
去羞見長安舊主人

落第後口號

薛據

十五能文西入秦三十無家作路人時命不將明主
合布衣空惹洛陽塵

落第東歸

羅鄴

年年春色獨懷羞東歸懶舉頭莫道還家便容
易人間多少事堪愁

關試前送進士姚潛下第歸南陽

曹鄴

馬嘶殘日沒殘霞二月東風便到家莫羨長安占春
者明年始見故園花

下第出春明門

李山甫

唐詩類苑

卷之百四十五

五

曾知秋雨驅愁入却向春風領恨回深謝灞陵隄畔
柳與人頭上拂塵埃

下第留辭顧侍郎

戎昱

綺陌彤彤花照塵王門侯邸盡朱輪城南舊有山村
路欲向雲霞覓主人

下第

胡曾

翰苑何時休嫁女文昌早晚罷生兒上林新桂年年
發不許平人折一枝

友人下第因以贈之

李遠

劉毅雖然不擲盧誰人不道解擲盧終須有
劉毅雖然不擲盧誰人不道解擲盧終須有

得只有接沙更一呼

下第退居二首

鄭谷

年來還未上丹梯且著漁蓑謝故溪落盡梨花春又
了破籬殘雨晚鶯啼

未嘗青杏出長安豪士應疑怕牡丹祇有退耕耕不
得茫然村落水吹殘

贈下第舉公

鄭谷

見君失意我惆悵記得當年落第情出去無繆歸又
悶花南慢打講鐘聲

與從弟瑾同下第後出關言別四首

唐詩類苑

卷之百四十五

五

同作金門獻賦人二年悲見故園春到關不沾新雨
露還家空帶舊風塵

雜花飛盡柳陰陰官路逶迤綠草深對酒已成千里

客望山空寄兩鄉心
出關愁暮一沾裳滿野蓬生古戰場孤村樹色昏殘

雨遠寺鐘聲帶夕陽
誰憐苦志已三冬却欲窮耕學老農流水白雲尋不

盡期君何處得相逢

下第寄友人

馬戴

金門君待問石室我思歸聖主尊黃屋何人薦白雲
年來御溝柳贈別雨霏霏

下第寄歐陽瓚

林寬

詩人道僻命多奇更值干戈亂起時莫作江寧王少
府一生吟苦竟誰知

初落第

高蟾

天上碧桃和露種日邊紅杏倚雲栽芙蓉生在秋江
上莫向春風怨未開

杜羔不第將至家妻寄以二絕

劉氏

唐詩類苑

卷之百四十五

三

良人的的有奇才何事年年被放回如今妻面羞君
面君到來時近夜來

傳聞天子訪沈淪萬里懷書西入秦早知不用無媒
客恨別江南楊柳春

送鍾評事應宏詞下第東歸

錢起

芳歲歸人嗟轉蓬含情回首灞陵東蛾眉不入秦臺
鏡鷁羽還驚宋國風世事悠悠揚春夢襄年光寂寞
愁中勸君稍盡離筵酒千里佳期難再同

送馬秀才落第歸江南

劉長卿

南客懷歸鄉夢頻東門悵別柳條新慙慙斗酒城陰
暮蕩漾孤舟楚水春湘竹舊斑思帝子江離初綠怨
騷人憐君此去未得意陌上愁看淚滿巾

送何石落第歸蜀

盧綸

裏斜行遠客棧道響危空路濕雲初上山明日正中
水程通海貨地利雜吳風一別金門遠何人復薦雄

送友人下第東歸

劉滄

漠漠楊花灞岸飛幾迴傾酒話東歸九衢春盡生鄉
夢千里塵多滿客衣流水雨餘芳草合空山月晚白
雲微金門自有西來約莫待螢光照竹扉

唐詩類苑

卷之百四十五

三

作尉鄆郊送進士潘爲下第歸

鄭谷

歸去宜春春水深麥秋梅雨過湘陰鄉園幾度經狂
寇桑柘誰家有舊林結綬位早甘晚達登龍心在且
高吟灞陵橋上楊花裏酒滿芳樽淚滿襟

送顧雲下第

羅隱

行行盃酒莫辭頻忽嘆勞歌雨未伸漢帝後宮猶識
字楚王前殿更無人年深旅舍衣裳敝潮打村田活
計貧百歲都來多幾日不堪相別又傷春

送臧漬下第謁寶卿州

羅隱

賦得長楊不直錢却來京二看鶯過也知終落
子好謁元常醉少年萬里故鄉雲縹緲一春生計
瀾流多情柱史應相問與話歸心正浩然

下第作

羅隱

年年模樣一般般何似東歸把釣竿巖谷謾勞思雨
露彩雲終是逐鷓鴣塵迷魏闕身應老水到吳門葉
欲殘至竟多也須達不能長與看人看

送進士臧濬下第後歸池州

羅隱

賦成無處換黃金却向春風動越吟天子愛才雖仄

唐詩類苑

卷之四百五

五

席諸生多病又沾襟柳攀瀟岸狂遮袂水憶池陽綠
滿心珍重綵衣歸正好莫將閑事繫昇沈

送王總下第歸丹陽

許渾

秦樓心斷楚江湄繫馬春風酒一卮汴水月明東下
疾練塘花發北來遲青蕪定沒安貧處黃葉應催獻
賦詩憑寄家書爲一作回報舊居還有故人知

送進士下第歸南海

曹鄴

數片紅霞映夕陽攬君衣袂更移鴈行人莫歎碧雲
晚上國每年春草芳雪過藍關寒氣薄鴈回湘浦怨
聲長應無惆悵滄波遠十二玉樓非我鄉

送進士王龜下第歸渚中

鄭谷

失意離愁春不知到家時是落花時孤單取事休言
命早晚逢人苦愛詩度塞風沙歸路遠傍河桑柘舊
居移應嗟我又巴江去游子悠悠聽子規

送友人下第歸吳

劉滄

共惜年華未立名路岐終日軫羈情青春半是往來
盡白髮多因離別生楚岸帆開雲樹映吳門月上水
烟清東歸自有故山約花落石牀苔蘚平

送友人罷舉赴薊門從事

劉滄

人生行止在知己遠佐諸侯重所依綠綬便當身是

唐詩類苑

卷之四百五

五

貴青霄休怨志相違曉雲遶水疎殘雨寒角邊城怨
落暉此去黃金臺上客相思應羨鴈南歸

下第東歸途中書事

劉滄

峽路誰知倦此情往年多是半年程孤吟洛苑逢春
盡幾向秦城見月明高柳斷烟侵嶽影古隄斜日背
灘聲東歸海上有餘業牢落田園荒草平

下第臥疾廬員外召遊曲江

李山甫

眼前何事不傷神忍向江頭更弄春桂樹既能欺賤
子杏花爭肯採閑人麻衣未棹渾渾一箇莊莊

面塵珍重列星相借問嵇康懷病也天真

下第獻所知三首

李山甫

偶向江頭別釣磯等閑經歲與心違虛教六尺受辛
苦枉把一身憂是非青桂本來無欠負碧霄何處有
因依春風不用相催促迴避花時也解歸

不識人間巧路歧只將端拙泥神祇與他名利本無
分却共水雲曾有期大底物情應莫料近來天意也
須疑自憐心計今如此憑仗春醪爲解頤

十年磨鏃事鋒鏑始逐朱旗入戰場四海風雲難際
會一生肝膽易開張退飛鶯谷春零落倒卓龍門路

唐詩類苑

卷之百四十五

七

渺茫今日慙知也慙命笑餘歌罷忽淒涼

同志顧雲下第往京偶有寄勉

鄭谷

鳳策聯華是國華

顧雲著述
鳳策聯華

春來偶未上仙槎鄉

連南渡思孤米淚滴東風避杏花吟聒暮鶯歸廟院
睡消遲日寄僧家一般情緒應相信門靜沙深樹影
斜

落第

羅鄴

清世誰能便陸沈相逢休作憶山吟若教仙桂在平
地更有何人肯苦心去國漢妃還似三三石氏豈

無金且安懷抱莫惆悵瑤瑟調高辜酒深

下第

羅鄴

謾把青春酒一杯愁襟未信酒能開江邊依舊空歸
去帝里還如不到來門掩殘陽鳴鳴一作鳥雀花飛何
處好池臺此時惆悵便堪老何用人間歲月催

下第述懷

張蠟

十載長安跡未安杏花還是看人看名從近事方知
險詩到窮玄更覺難世薄不慚雲路晚家貧唯怯草
堂寒如何直道爲身累坐月眠霜思枉乾

下第有懷

章碣

唐詩類苑

卷之百四十五

七

故鄉朝夕有人還欲作家書下筆難滅燭何曾妨夜
坐傾壺不獨爲春寒遷來鸞語雖堪聽落了楊花也
怕看但使他年遇公道月輪長在桂珊珊

下第有懷親友

并序

許渾

余下第寓居杜陵親友間或登上第或蒙間居或
抵湘沅或游南時因抒長句

萬山晴雪九衢塵何處風光寄夢頻花盛更團携酒
客草深顏巷讀書人征帆又過湘南月旅館還悲渭
北春無限別情多病後杜陵猶在漢濱

下第貽友人

身在關西家洞庭夜寒歌苦水熒熒人心高下月中
桂客思往來波上萍馬氏識君眉最白阮公留我眼
長青花前失意共寥落莫道東風吹酒醒

下第日書情寄上叔父 司空曙

微才空覺滯京師未學為郎叔父知雪裏題詩偏見
賞林間飲酒獨令隨遊處感傷暮色老貧居還惜暮
陰移欲歸江海尋山出願教何人得桂枝

下第寄張坤 羅隱

謾費精神掉五侯破琴孤劍是身譬九衢雙闕擬何
去玉疊銅梁空舊游蝴蝶有情牽晚夢杜鵑無賴伴
春愁思量不及張公子經歲池酒樓

唐詩類苑 卷之百四十五 壬

下第題青龍寺僧房 韋莊

千蹄萬轂一枝芳要路無媒果自傷題柱未期歸蜀
國曳裾何處謁吳王馬嘶春陌金羈閑鳥睡華林繡
羽香酒薄恨濃消不得却將惆悵問支郎

呈同年 楊知至

由來梁鴈與冥鴻不合翩翩向碧空寒谷謾勞鄒氏
律長天獨過宋都風此時泣玉情雖異他日銜環事
亦同二月春光正搖蕩無因得醉杏園中

走筆寄人 李定

行行血淚灑塵襟事逐東流渭水深秋跨蹇驢風尚
緊靜投孤店日初沈一枝猶挂東堂夢千里空馳北
巷心明月悲歌又前去滿城烟樹噪春禽

送鄆三落第還鄉 錢起

鄆客文章絕世稀常嗟時命與心違十年失路誰知
已千里思親獨遠歸雲帆春水將何適心愛東南暮
山碧關中新月對離樽江上殘花待歸客名宦無媒
自古遲窮途此別不堪悲荷衣垂釣且安命金馬招
賢會有時

癸丑年下第獻新先輩 韋莊

唐詩類苑 卷之百四十五 壬
五更殘月省牆邊絳旆蜺旌卓曉烟千炬火中驚出
谷一聲鐘後鶴冲天皆乘駿馬先歸去獨被羸童笑
晚眠對酒暫時情豁爾見華依舊涕潸然未酬闕澤
儒書債猶欠君平賣卜錢何事欲休休不得來年公
道似今年

唐詩類苑卷第一百四十五終

唐詩類苑卷第一百四十六

明雲間張之象玄超甫蔡輯

雲間張所望叔翹甫編次

雲間王 徹叔朗甫補訂

梁谿曹仁孫伯安甫校正

儒部

擢第

送許子擢第歸江寧拜親因寄王大昌齡

岑參

建業控京口金陵款滄溟君家臨秦淮傍對石頭城

唐詩類苑

卷一百四十六

一

十年自勤學一鼓遊上京青春登甲科動地聞香名

解榻皆五侯結交盡群英六月槐花飛忽思尊萊羹

跨馬出國門丹陽返柴荆楚雲引歸帆淮水浮客程

到家拜親時入門有光榮鄉人盡來賀置酒相邀迎

閑眺北固樓醉眠湖上亭月從海門出照見茅山青

昔爲帝王州今幸天下平五朝變人世千載空江聲

玄元告靈符丹洞獲其銘皇帝受玉冊群臣羅天庭

喜氣祥太陽祥光徹宵冥奔走朝萬國崩騰集百靈

王兄尚明宦鳳見秋雲生孤城帶後湖心與湖水清

一縣無訟辭有時開道經黃鶴垂兩翅徘徊但悲鳴

相思不可見空望牛女星

送薛播擢第歸河東

岑參

歸去新戰勝盛名人共聞鄉連渭川樹家近條山雲

夫子能好學聖朝全用文弟兄負世譽詞賦超人群

雨氣醒別酒城陰低暮曛遙知出關後更有一終軍

送李四擢第歸觀省

錢起

當年貴得意文字各爭名齊唱陽春曲唯君金玉聲

懸黎寶中出高價世難掩鴻羽不低飛龍津徒自險

直矜鸚鵡賦不貴芳桂枝少俊蔡邕許長鳴唐舉知

梁城下熊軾朱戟何輝耀才子欲歸寧棠花已含笑

唐詩類苑

卷一百四十六

二

高門知慶大子孝恩親榮獨攬還珠美寧唯問絹情

離筵不盡醉揜袂一何早馬蹄西別輕樹色東看好

行塵忽不見惆悵青門道

成名後獻恩門

曹鄴

爲物稍有心遭蠹蟲嚙平人登太行萬萬車輪折

一辭桂嶺猿九泣東門月年年孟春時看花不如雪

僻居城南隅顏子須泣血沈埋若九泉誰肯開口說

辛歎學機杼坐對秋燈滅織錦花不常見之盡云拙

自憐孤生竹出土便有節每聽浮競言喉中似無舌

忽然風雷至驚起池中物拔上青雲顛輕如一毫髮

瓏瓏金鎖甲稍稍城烏絕名字如鳥飛數日便到越
幽蘭生雖晚幽香亦難歇何以保此身終身事無缺

送友父擢第東歸

劉駕

同家楚天南相識秦雲西古來縣孤義豈顧子與妻
攜手踐名場正遇公道開君榮我雖黜感恩同所懷
有馬不復羸有奴不復饑滿岸秋草綠却是還家時
青門一瓢空分手去遲遲期君轍未平我車繼東歸

擢第後東歸書懷獻坐主呂侍郎

孟郊

昔歲辭親淚今爲戀恩泣去住情難並別離景易戢

詩類苑

卷之四百六

三

千矯大空鱗曾爲小泉蟄幽意獨沈時震雷忽相及
神行既不宰直致非所執至運本遺功輕生各

自立大君思此化良佐自然集寶鏡無私光時文有

新習慈親誠志就賤子歸情急擢第謝靈臺牽衣

名出皇邑行襟海日曙逸抱江風入兼葭得波浪笑

蓉紅岸濕雲寺勢動搖山鐘韻嗟吸舊遊期再踐懸

水得重挹松蘿雖可居青紫終當拾

送黃構擢第後歸江南

孟郊

澹澹滄海氣結成黃香木幼齡思奮飛弱冠遊靈臺
一鶚顧喬木衆禽不敢猜一驥騁長衢衆獸不敢陪

遂得會風雨感通如雲雷至矣小宗伯確乎心不回
能令幽靜人聲實喧九垓却憶江南道祖筵花裏開
春風不能別別罷空徘徊

感別送從叔校書簡再登科東歸

孟郊

長安車馬道高槐結浮陰下有名利人一人千萬心
黃鵠多遠勢滄溟無近潯怡怡靜退姿冷冷思歸吟
菱唱忽生聽芸書迴望深清風散言笑餘花綴衣襟
獨恨魚鳥別一飛將一沈

贈李觀觀利登第

孟郊

詩類苑

卷之四百六

四

誰言形影親燈滅影去身誰言魚水歡水竭魚枯作
相鱗昔爲同恨客今爲獨笑人捨予在泥轍飄跡上

雲津卧木易成蠹葉花難再春何言對芳景愁望極

蕭晨埋劍誰識氣匣絃日生塵願君語高風爲余問

蒼旻

送蒲秀才擢第歸蜀

岑參

去馬疾如飛看君戰勝歸新登郅詡第更著老萊衣

漢水行人少巴山客舍稀向南風候暖臘月見春輝

送薛彥偉擢第東都

岑參

君以君稀青春戰勝歸名登郅詡第身著老萊衣

稱意人皆羨還家馬若飛一枝誰不折棣萼相輝

送嚴說擢第歸蜀

岑參

巴江秋月新閣道發征輪戰勝真才子名高動世人
工文能似舅擢第去榮親十月天官待應須早赴秦

送虞秀才擢第歸長沙

獨孤及

充賦名今遂安親事不違甲科文比玉歸路錦爲衣
海運同鯤化風帆若鳥飛知君到三徑松菊有光輝

送虞說擢第東遊

錢起

湖山不可厭東望有餘情片玉登科後孤舟任興行
月中巖子瀨花際楚王城歲暮雲臯鶴聞天更一鳴

卷之三百四十六

五

送虞說擢第南歸觀省

錢起

南風起別袂心到衡湘間歸客楚天遠孤舟雲水閑
愛君採蓮處花島連家山得意且寧省人生能幾還

送褚十一澡擢第歸吳觀省

錢起

林表吳山色詩人思不忘向家流水便懷橘綵衣香
滿酌醵歸驥前程未夕陽愴茲江海去誰惜杜蘅芳

送李棲桐道舉擢第還鄉省侍

錢起

幾年深道要一舉過賢關名與玄珠出鄉宜書錦還

運舟同宿浦柳岸向家山欲見寧親孝儒衣稚子斑

送陸贄擢第還蘇州

錢起

鄉路歸何早雲間喜擅名思親盧橘熟帶雨客帆輕
夜火臨津驛晨鐘隔浦城華亭養仙羽計日再飛鳴

送孫瑩京監擢第歸蜀觀省

劉長卿

適賀一枝新旋驚萬里分禮闈稱獨步太學許能文
征馬望春草行人看暮雲遙知倚門處江樹正氛氲

送嚴二擢第東歸

李嘉祐

應官就賞薦時輩詎爭先盛業推儒行高科獨少年
應請纓

卷之三百四十六

六

迎秋見衰葉餘照逐鳴蟬舊里三峯下開門古縣前

送冷朝陽登第歸江寧

李嘉祐

高第猶佳句諸生似者稀長安帶酒別建業候潮歸
稚子歡迎棹隣人爲掃扉含情過舊浦鷗鳥亦依依

送王公登科後歸江東

方干

南行無俗侶秋鴈與寒雲野性自深憊鄉居人共聞
吳山中道斷浙水半江分此地登臨慣含情一送君

送表丈楊暉擢第歸江東

李端

隋堤望楚國江上一歸人綠氣千橋暮青風萬里春
試才初得桂泊渚肯傷蘋拜手終悽愴恭承中

賀進士駱用錫登第

鄭谷

苦辛垂二紀，擢第却沾裳。
春榜到春晚，一家榮一鄉。
題名登塔喜，醵宴爲花忙。
好是東歸日，高槐藥半黃。

送顧非熊成名歸茅山

項斯

吟詩三十載，成此一名難。
自有恩門入，全無帝里歡。
湖光愁裏碧，巖影夢中寒。
到後餘松月，何人共曉看。

賀裴廷裕登第二首

李搏

銅梁千里曙雲開，仙錄新從紫府來。
天上已張新羽翼，世間無復舊塵埃。

曾隨風水化，凡鱗安上門前一字新。
聞道蜀江風景

唐詩類苑 卷之三百六

七

好不知何似杏園春

杜羔登第其妻寄之

劉氏趙一云

長安此去無多地，鬱鬱蔥蔥佳氣浮。
良人得意正年少，今夜醉眠何處樓。

重登科

杜牧

星漢離宮月出輪，滿街含笑綺羅春。
花前每被青娥問，何事重來只一人。

登科後

孟郊

昔日齷齪不足誇，今朝放蕩思無涯。
春風得意馬蹄疾，一日看盡長安花。

及第後宿平康里作

裴思謙

銀釭斜背解鳴璫，小語偷聲賀玉郎。
從此不知蘭閣貴，夜來新染桂枝香。

送魏升卿擢第歸東都因懷魏校書陸渾喬

潭

岑參

井上桐葉雨，灞亭卷秋風。
故人適戰勝，匹馬歸山東。
問君今年三十幾，能使香名滿人耳。
君不見三峯直

上五千仞，見君文章亦如此。
如君兄弟天下稀，雄詞健筆皆若飛。
將軍金印，朝紫綬，御史鐵冠，重繡衣。
喬生作尉別來久，因君爲問平安否。
魏侯校理復何如

唐詩類苑

卷之三百六

八

前日人來不得書，陸渾山水佳可賞。
蓬閣閑時日應往，自料青雲未有期。
誰知白髮偏能長，壚頭青絲白玉瓶。
別時相顧酒如傾，搖鞭舉袂忽不見。
千樹萬樹空蟬鳴

送冷朝陽擢第後歸金陵觀省

錢起

萊子晝歸今始好，潘園景色夏偏濃。
夕陽流水吟詩去，明月青山出竹蓬。
兄弟相歡初讓果，鄉人爭賀舊登龍。
佳期少別俄千里，雲樹愁看過幾重。

送章八元秀才擢第往上都應制

韋應物

決勝文場戰已酣行應辟命復才堪旅食不辭遊闕
下春衣未換報江南天邊宿鳥生歸思關外晴山滿
夕嵐立馬欲從何處別都門楊柳正毵毵

就舉擢第感舊

路德延

初騎竹馬詠芭蕉嘗忝名卿誦滿朝五字便容趨絳
帳一枝尋許折丹霄豈知流落萍蓬遠不覺推遷歲
月遙國境未安身未立至今顏巷守簞瓢

陳標

春官南院粉牆東地色初分月色紅文字一千重馬

唐詩類苑

卷之五

九

擁喜歡三十二人同眼看魚變辭凡水心逐鶯飛出
瑞風莫怪雲泥從此別總曾惆悵去年中

登第

得意東歸到岳陽桂枝香惹藥珠香也知暮雨生巫
峽爭奈朝雲屬楚王萬恨只憑期赴手寸心唯繫別
離腸南亭宴罷笙歌散回首煙波路渺茫

寄宜陽兄弟

六年鴈序恨分離詔下今朝遇已知上國皇風初喜
日御堦恩渥屬身時內庭再考稱文異聖主宣名獎
藝奇故里仙才若相問一春攀得兩重枝

賀

趙嘏

天上高高月桂叢分明三十一枝風滿懷春色向人
動遮路亂花迎馬紅鶴馭尚飄雲雨外蘭堂不在管
絃中居然自是前賢事何必青樓倚翠空

及第

喜陳先輩及第

黃滔

今年春已到京華天與吾曹雪怨嗟甲乙中時公道
復朝廷看處主司誇飛離海浪從燒尾嚙却金丹定
易牙不是駕前偏落羽錦城爭得杏園花

送鄭巨及第後歸觀

錢起

唐詩類苑

卷之五

十一

多才白華子初擅桂枝名嘉慶送歸客新秋帶雨行
離人背水去喜鵲近家迎別贈難爲此衰年畏後生
酬謝侍御喜王宇及第見賀不遇

嚴維

寂寞柴門掩經過柱史榮老夫寧有力半子自成名
柳映三橋發花連上道明絨書到別墅郢曲果先成
喜舍弟義叟及第上禮部魏公

李商隱

國以斯文重公仍內署來風標森太華星常通中台
朝滿還驚侶門多吐鳳才寧同魯司寇唯顏回

喜杜荀鶴及第

李昭象

深巖貧復病，榜到見君名。貧病渾如失，山川頓覺清。
一春新酒興，四海舊詩聲。日使能吟者，西來步步輕。

送李恬及第後還貝州

方干

成名少年日，就業聖人書。擢桂誰相比，簾金已不如。
東城送歸客，秋日待征車。若到清潭畔，儒風變里閭。

送雍陶及第歸覲

姚合

獻親冬集書，比橘復何如。此去關河遠，相思笑語疎。
路尋清壑斷，人近白雲居。幽石題名處，憑君亦記予。

送尹樞令狐楚及第後歸覲

唐詩類苑

卷一百一十六

盧綸

佳人比香草，君子即芳蘭。寶器金罍重，清音玉珮寒。
貢文齊受寵，獻禮兩承歡。鞍馬并汾地，爭迎陸與潘。

送李餘及第歸蜀

賈島

知音伸久屈，覲省去光輝。津渡逢清夜，途程盡翠微。
雲當綿竹疊，鳥離錦江飛。寄書來否，原居出甚稀。

送朱慶餘及第歸越

張籍

東南歸路遠，幾日到鄉中。有寺山皆遍，無家水不通。
湖聲連葉雨，野氣稻花風。州縣知名久，爭邀與客同。

送許棠及第歸宣州

張喬

雅調一生吟，誰爲晚達心。傍人質及第，獨自却霑襟。
宴別喧天樂，家歸礙日岑。青門許攀送，故里接雲林。

送王貞白重試及第東歸

僧貫休

心苦酸心下，東歸謝所知。可憐經試者，如折兩三枝。
雨毒逢花少，山多愛馬遲。此行三可羨，正值倒戈時。

送邵安石及第歸連州覲

曹松

及第兼歸覲，宜忘涉驛勞。青雲重慶少，白日一飛高。
轉楚聞啼狖，臨湘見疊濤。海陽沈飲罷，何地佐旌旄。

覽春榜喜孫鄂成名

曹松

門外報春榜，君天子知舊愁。渾似雪見日，總消時。
唐詩類苑 卷一百一十六

塔下牡丹氣，江頭楊柳絲。風光若有分，無處不相宜。

送喻是及第歸陽羨

僧無可

姓字載科名，無過子最榮。宗中初及第，江上覲難兄。
月向波濤沒，茶連洞壑生。石橋高思在，且爲看東坑。

送邵錫及第歸湖州

僧無可

春關鳥罷啼，歸慶浙煙西。郡守招延重，鄉人慕仰齊。
橘青迷暑寺，茶長隔湖溪。乘暇知高眺，微應辨會稽。

元丞宅送朝潛及第東歸覲省

李端

登龍兼折桂，歸去賞高居。舊楚楓猶暗，前隋柳已疎。

月中逢海客浪裏得鄉書見說江邊住知君不厭魚

喜友人及第

崔塗

孤吟望至公已老半生中不有同人達兼疑此道窮
只應才自薄豈是命難通尚激搏溟勢期君借北風

送太學顏明經及第東歸

鄭谷

平楚千戈後田園失耦耕艱難登一第離亂省諸兄
樹沒春江氣人繁野渡晴門來思學館猶夢雪聰明

送友人及第歸

張蟾

家林滄海東未曉日先紅作貢諸蕃別登科幾國同
遠聲魚呷浪層氣蜃迎風鄉俗稀攀桂爭來問月宮

唐詩類苑

卷之三

十三

陪新及第赴同年會

李遠

曾攀芳桂英處處共君行今日杏園宴當時天樂聲
柳濃堪繫馬花上未藏鶯滿座皆仙侶同年別有情

和鄭方及第後秋歸洛下閑居

白居易

勤苦成名後優遊得意間玉憐同匠琢桂恨隔年攀
山靜豹難隱谷幽鶯暫還微吟詩引步淺酌酒開顏
門迴暮臨水牕深朝對山雲衢日相待莫誤許身閑

送張參及第還家

錢起

大學三年聞琢玉東堂一舉早成名借問還家何處

好玉人含笑下機迎

遊崇真觀南樓觀新及第題名處

魚玄機

雲峯滿目放春晴歷歷銀鈎指下生自恨羅衣掩詩
句舉頭空羨榜中名

及第後寄李紳

章孝標

及第全勝十段官金鞍渡了出長安馬頭漸入揚州
郭爲報時人洗眼看

贈孫綺新及第

李商隱

長樂遙聽上苑鐘絳衣稱慶桂香濃陸機始擬誇文
賦不覺雲間有士龍

唐詩類苑

卷之三

十四

及第後宿平康里

鄭合敬

春來無處不閑行楚閨相看別有情好是五更殘酒
醒時時聞喚狀頭聲

及第後憶舊山

白居易

偶獻子虛登上第却吟招隱憶中林春羅秋桂莫惆
悵縱有浮名不繫心

及第後贈試官

高拯

公子求賢未識真欲將毛遂比常倫當時不及三千
客今日何如十九人

及第後寄長安故人

杜牧

東都放榜未花開，三十三人走馬迴。
秦地少年多辦酒，已將春色入關來。

初及第歸酬孟元翌見贈

章孝標

六年衣破帝城塵，一日天池水脫鱗。
未有片言驚後輩，不無慙色見同人。
每登公宴思來日，漸聽鄉音認本身。
何幸致詩相慰，賀東歸花發杏桃春。

送李餘及第後歸蜀

張籍

十年人好誦詩章，今日成名出舉場。
歸去唯將新誌牒，後來爭取舊衣裳。
山橋曉上蕉花暗，水店晴看芋葉黃。
鄉里親情相見日，一時攜酒賀高堂。

唐詩類苑

卷一百四十六

送友人及第歸江東

陳羽

五陵春色泛花枝，心醉花前遠別離。
落第恥爲關上客，成名空羨里中兒。
都門雨歇愁分處，山店燈殘夢到時。
家住洞庭多釣伴，同來相賀話相思。

送王府張參軍附學及第東歸

韓翃

隣家不識鬬鷄翁，閉戶能齊隱者風。
顧步曾爲小山客，成名因事大江公。
一身千里寒蕪上，單馬重裘臘月中。
寂寂故園行見在，暮天殘雪洛城東。

及第後宴曲江

劉洽

及第新春選勝遊，杏園初宴曲江頭。
紫毫粉壁題詩，籍柳色簫聲拂御樓。
霽景露光明遠岸，晚空山翠落芳洲。
歸時不省花間醉，綺陌香車似水流。

賀友人及第

李山甫

得水蛟龍失水魚，此心相對兩何如。
敢辭今日須行卷，猶喜他年待薦書。
松桂也應情未改，萍蓬爭奈迹還疎。
春風不見尋花伴，遙向青雲泥子虛。

及第後上主司王起

姚鵠

三年竭力向春闈，塞斷浮華衆路岐。
岐盛選棟梁，日平均雨露。
及明時登龍舊美，無邪徑折桂新榮盡。
直枝莫道只陪金馬貴，相期更在鳳凰池。

唐詩類苑

卷一百四十六

末

送李餘及第歸蜀

朱慶餘

從得高科名轉盛，亦言歸去滿城知。
發時誰不開筵送到處，人爭與馬駢劍路紅。
蕉明棧閣巴村綠，樹蔭神祠鄉中後。
輩遊門館半是來求近日詩。

送進士吳延保及第後南游

鄭谷

得意却思尋舊跡，新銜未切向蘭臺。
吟看秋草出關去，逢見故人隨計來。
勝地昔年詩板在，清歌幾處郡

筵開江湖易有淹留興莫待春風落庾梅

賀趙觀文重試及第

一枝仙桂兩回春始覺文章可致身已把色絲要上
第又將彩筆冠群倫龍泉再淬方知利火浣重燒轉
更新今日街頭看御榜大能榮耀苦心人

喜敏中及第偶示所懷 白居易

自知群從爲儒少豈料詞場中第頻桂折一枝先許
我楊穿三葉盡驚人轉於文墨須留意貴向煙霄早
致身莫學爾兄年五十蹉跎始得掌絲綸

及第後作

唐詩類苑 卷之百四十六

主

金榜高懸姓字真分明折得一枝春蓬瀛乍接神仙
侶江海迴思耕釣人九萬搏扶排羽翼十年辛苦涉
風塵昇平時節逢公道不覺龍門是嶮津

送人明經及第東歸 黃滔

十問九通離義牀今時登第信非常亦從南院看新
榜旋束春關歸故鄉水到吳門方見海樹侵閩嶺漸
無霜知君已塞平生願日與交親醉幾場

及第後呈朝中知己 李旭

凌晨曉鼓奏嘉音雷擁龍迎出陸沈金榜高懸當玉
闕錦衣即著到家林真珠每被塵泥陷病鶴多遭蠅

蟻侵今日始知天有意還交雪得一生心

及第後寄梁燭處士 伊璠

繡轂尋芳許史家獨將羈思達江沙十年辛苦一枝
桂二月豔陽千樹花鵬化四溟歸碧落鶴棲三島棲
青霞同袍不得同遊說今對春風日又斜

座主

翠孤至渚官寄座主相公 曹鄴

萬里一孤舟春行夏方到骨肉盡單羸沈憂滿懷抱
羸孤相對泣性命不相保開戶山鼠驚蟲聲亂秋草
白菌綠屋生黃蒿擁離倒對此起長嗟芳年亦須老

唐詩類苑 卷之百四十六

十八

門爲宰相出入用天道忽於摧落間收得青松操
全家到江陵屋虛風浩浩中腸自相伐日夕如寇盜
其下有孤姪其上有孀嫂黃糧賤於土一飯常不飽
天斜日光薄地濕蟲叫噪唯恐道忽消形容益枯槁
古人於黃雀豈望白環報奉答天地恩何慙以誠告
登岳陽樓有懷寄座主相公

曹鄴

南登岳陽樓北眺長安道不見昇平里千山樹如草
骨肉在南楚沈憂起常早白社愁成空秋蕪待誰掃
聞詩人語西子不宜老賴識丹元君時來語蓬島

及第勅下宴中獻座主杜侍郎

曹松

得召丘墻淚却頻若無公道也無因門前送勅朱
吏席上銜杯碧落人半夜笙歌教泥月平明桃杏放
燒春南山雖有歸溪路爭那酬恩未殺身

先輩

池州送孟遲先輩

杜牧

昔子來陵陽時當苦炎熱我雖在金臺頭角長垂折
奉披塵意驚立語平生豁寺樓最驚軒坐送飛鳥沒
一樽中夜酒半破前峯月煙院松飄蕭風廊竹交戛

唐詩類苑 卷之百四十六

七

步郭西南繚徑苔圓折好鳥響丁丁小溪光汎汎
落見娉婷綠絲弄啞軋煙濕樹姿嬌雨餘山態活
仲秋往歷陽同上牛磯歇大江吞天去一練橫坤抹
千帆美滿風曉日殷鮮血歷陽裴太守襟韻苦超越
輓鼓畫麒麟看君擊狂節離袖颺應勞恨粉啼還咽
明年忝諫官綠樹秦川闊子提健筆來勢若夸父渴
九衢林馬櫪千門織車轍秦臺破心膽黯陣驚毛髮
子既屈一鳴余固宜三朋憫憂長者來病怯長街喝
僧爐風雪夜相對眠一榻暖灰重擁瓶曉粥還分鉢
青雲馬生角黃州使持節秦嶺望樊川祇得迴頭別

商山四皓祠心與樗蒲說大澤蒹葭風孤城狐兔窟

且復考詩書無因見簪笏古訓屹如山古風冷刮骨

周鼎列瓶罌荆壁橫拋擲力盡不可取忽忽狂歌發

三年未爲苦兩郡非不達秋浦倚吳江去櫟飛青鵲

溪山好畫圖洞壑深閨闔竹岡森羽林花塢團官額

景物非不佳獨坐如韞紉丹鵲東飛來喃喃送君扎

呼兒旋供衫走門空踏襪手把一枝物桂花香帶雪

喜極至無言笑餘翻不悅人生直作百歲翁亦是萬

古一瞬中我欲東召龍伯翁上天揭取北斗柄蓬萊

頂上幹海水水盡到底看海空月於何處去日於何

唐詩類苑 卷之百四十六

七

處來跳丸相趁走不住堯舜禹湯文武周孔皆爲灰

酌此一杯酒與君狂且歌離別豈足更關意衰老相

隨可奈何

寄賈馳先輩

曹鄴

曹鄴

游子想萬里何必登高臺聞君燕女吟如自薊北來

長安高蓋多健馬東西街盡說舊簪古將錢買金釵

我祖西園事言之獨傷懷如今數君子如鳥無樹棲

濟水一入河便與清流乖聞君欲自持勿使吾道低

贈曹松先輩

僧貫休

今歲赴春闈達如夫子稀山中把卷去榜下注官歸

楚月吟前落江禽酒外飛閑遊向詩寺却看白麻衣

贈楊先輩

馬戴

平生閑放久野鹿許爲群居止隣西岳軒牕度白雲
齋心飯松子話道接茅君漢主思清淨休書諫獵文

秋日寄厲玄先輩

僧無可

楊柳起秋色故人猶未還別離俱自老少壯豈能閑
夜雨吟殘燭秋城憶遠山何當一相見語默此林間

贈鄆縣尉李先輩二首

馬戴

同人家鄆杜相見罷官時野坐蒼生石荒居菊入籬
聽蟬臨水久送鶴背山遲未擬還城闕溪僧別有期

唐詩類苑

卷之三百六

三

二

休官不到闕求靜匪管他種藥唯愁晚看雲肯厭多
渚邊逢鷺下林表伴僧過閑檢仙方試松花酒自和

春日寄許渾先輩

杜牧

薊北鴈初去湘南春又歸水流滄海急人到白頭稀
塞路盡何處我愁當落暉終須接鷺鷥霄漢共高飛

酬趙秀才贈新登科諸先輩

白居易

莫羨蓬萊鸞鶴侶道成羽翼自生身君看名在丹臺
者盡是人間修道人

偶呈鄭先輩

杜牧

不語亭亭儼薄粧畫裙雙鳳鬱金香西京才子旁香
取何似喬家那窈娘

送羅先輩書記歸後却還閩中留別

朱慶餘

同是越人從小別忽歸鄉里見皆驚湖邊訪舊知誰
在幕下留歡但覺榮望嶺又生紅槿思登車豈倦白
雲程況當季父承恩日廉問南州政已成

訓李景華先輩

馬戴

平生詩句忝多同不得陪君奉至公金鑰自宜先中

唐詩類苑

卷之三百六

三

鵲鉛刀甘且學雕蟲鶯啼細柳臨關路燕接飛花遶
漢宮九陌芳菲人競賞此時心在別離中

寄薛先輩

韋莊

懸知迴日綵衣榮仙籍高標第一名瑤樹帶風侵物
冷玉山和雨射人清龍翻浩海波濤壯鶴出金籠燕
雀驚不說文章與門地自然毛骨是公卿

賀同年第三人劉先輩鹹辟命

殷文珪

甲門才子鼎科人拂地藍衫榜下新脫俗文章笑鸚
鵡凌雲頭角壓麒麟金盃藉草溪亭晚玉勒穿花野

手春多愧受恩同闕里不嫌師辟與顏貧

春日將欲東歸寄新及第苗紳先輩

溫庭筠

幾年辛苦與君同得喪悲歡盡是空猶喜故人先折桂
自憐羈客尚飄蓬三春月照千山道十日花開一夜風
知有杏園無路入馬前惆悵滿枝紅

同年

及第後歸觀留別諸同年 白居易

十年常苦學一上謬成名擢第未爲貴賀親方始榮
時輩六七人送我出帝城軒車動行色絲管舉離聲

唐詩類苑

卷之百四十六

三

得意戒別恨半酣輕遠程翩翩馬蹄疾春日歸鄉情

杏園席上同年

曹鄴

岐路不在天十年行不至一旦公道開青雲在平地
枕上數聲鼓衡門已如市白日探得珠不待驪龍睡
恩恩出九衢僮僕顏色異故衣未及換尚有去年淚
晴陽照花影落絮浮野翠對酒時忽驚猶疑夢中事
自憐孤飛鳥時接鸞鳳翅永懷共濟心莫起胡越意
春夜樊川竹亭陪諸同年宴

項斯

相知皆是舊每恨獨遊頻幸此同芳夕寧辭倒醉身

燈光遙映燭萼粉暗飄茵明月分歸騎重來更幾春

和同年趙先輩觀文

黃滔

玉兔輪中方是樹金龍頂上別無山雖然迴首見煙
水事主酬恩難便閑

二月二日宴中貽同年封先輩渭

黃滔

帝堯城裏日銜杯每倚嵇康到玉顏桂苑五更聽榜
後蓬山二月看花開垂名人甲成龍去列姓如丁作
鶴來同戴大恩何處報永言交道契陳雷

出京別同年

黃滔

唐詩類苑

卷之百四十六

三

一枝仙桂已攀援歸去煙濤浦口村雖恨別離還有
意槐花黃日出青門

成名後呈同年

黃滔

策詩攻賦薦鄉書二紀如鴻歷九衢特得至公搜草
澤如從平陸到蓬壺雖慙錦鯉成穿額忝獲驪龍不
寐珠蒙楚數疑休下泣師對大噶已爲盧人間仄管
供紅杏天上煙花應白榆一字連鑣巡甲族千般唱
詠賞皇都名推顏柳題金塔飲自燕秦索玉姝退媿
卑寒終預此敢將恩獄息斯須

寄舊同年

何扶

金榜題名墨尚新今年依舊去年春花間每被紅粧問何事重來只一人

及第東歸次灞上寄寄同年

李商隱

芳桂當年各一枝行期未分壓春期江魚朔鴈長相憶秦樹嵩雲自不知下苑經過勞想像東門送餞又差池灞陵柳色無離恨莫枉長條贈所思

唐詩類苑

卷之二十四

五

唐詩類苑卷第一百四十七

明雲間張之象玄超甫纂輯

雲間張所望叔翹甫編次

雲間王微叔朗甫補訂

梁谿曹仁孫伯安甫校正

釋部

僧

赤谷安禪師

盧照隣

獨坐巖之曲悠然無俗紛酌酒呈丹桂思詩贈白雲煙霞朝晚聚猿鳥歲時聞水華競秋色山翠含夕曛

唐詩類苑

卷之二十四

一

高談十二部細覈五千文如如數冥昧生生理氣氤古人有糟粕輪扁情未分且當事之術從吾所好云

鷺子龕禪師

王維

山中鷺子龕路劇羊腸惡裂地競盤屈揮天多峭崿瀑泉吼而噴怪石看欲落伯禹訪未知五丁愁不鑿上人無生緣生長居紫閣六時自槌磬一飲尚帶索種田燒白雲斫漆響丹壑行隨拾栗猿歸對巢松鶴時許山神請偶逢洞仙博救世多慈悲即心無行作周商倦積阻蜀物多淹泊巖腹乍旁穿澗唇時外拓橋因倒樹架柵值垂藤縛鳥道悉已平龍宮爲之涸

跳波誰揭厲絕壁免捫摸山木日陰陰結跏歸舊林
一向石門裡任君春草深

禪師

張籍

獨在西峰頂年年閉石房定中無弟子人到爲焚香

遠師

白居易

東宮白庶子南寺遠禪師何處遙相見心無一事時

草堂一上人

戴叔倫

一公持一鉢相復度遙岑地瘦無黃獨春來草更添

上方僧

韋應物

見月出東山上方高處禪空林無宿火獨夜汲寒泉

唐詩類苑

卷之二百零七

二

不下藍溪寺今來三十年

老僧

釋景雲

日照西山雪老僧門始開凍瓶粘柱礎宿火陷爐灰

童子病歸去鹿麋寒入來齋鍾知漸近枝鳥下生臺

休糧僧

僧貫休

不食更何求自由中自由身輕嫌衲重天旱爲民愁

應器誰將去生臺蟻不遊會須傳此術相共老林丘

日東病僧

項斯

雲水絕歸路來時風送船不言身後事猶坐病中禪

深壁藏燈影空牕出艾煙已無鄉土信起塔寺門前

山寺老僧

李洞

雲際衆僧裏獨攢眉似愁護茶高夏臘愛火老春秋
海浪南曾病河水北苦遊歸來諸弟子白遍後生頭

老僧

僧貫休

獨住無人處松龕嶽色侵僧中九十臘雲外一生心
白髮垂不剃青眸笑轉深猶能指孤月爲我暫開襟

尋僧元皎因贈

李昌符

此僧迷有著因病得尋師話盡山中事歸當月上時
高松連寺影亞竹入牕枝閑憶草堂路相逢非素期

律僧

張籍

唐詩類苑

卷之二百零七

三

苦行長不出清羸最少年持齋唯一食講律豈曾眠
避草每移徑濾蟲還入泉從來天竺法到此幾人傳

清源標公

方干

師爲衆人重始得衆人師年到白頭日行如新戒時
瓶添放魚澗窓逼裏猿枝此地堪終老迷癡自不知

題雪竇禪師

方干

飛泉濺禪石瓶注亦生苔海上山不淺天邊人自來
度年隨竹栢獨夜任風埃獵者聞疎磬知師入定回

栢巖禪師

周賀

野寺絕依念靈山會通行老來披衲重病後讀經生

乞食嫌村遠尋溪愛路平多年栢巖住不記栢巖名

休糧僧

周賀

一齋難過日況是更休糧養力時行道聞鐘不上堂
唯留溫藥火未寫化金方舊有山厨在從僧請作房

白馬寺不出院僧

許渾

禪心空已寂世路任多岐到院客長見閉關人不知
寺喧聽講絕厨遠送齋遲牆外洛陽道東西無盡時

不出院楚公

一自禪關閉心猿日漸馴不知城郭路稀識市朝人
履帶堦前雪衣無寺外塵却嫌山翠好詩客往來頻

唐詩類苑

卷之二十四

四

太白胡僧歌

并序

岑參

太白中峯絕頂有胡僧不知幾百歲眉長數寸身
不製繪帛衣以草葉恒持楞伽經雲壁迴絕人迹
罕到嘗東峰有闢虎弱者將死僧杖而解之西湫
有毒龍久而爲患僧器而貯之南山趙叟前年採
茯苓深入太白偶值此僧訪我而說予恒有獨往
之意聞而悅之乃爲歌曰

聞有胡僧在太白蘭若去天三百尺一持楞伽入中
峰世人難見但聞鐘牕邊錫杖解兩虎牀下鉢孟藏
一龍草衣不針復不線兩耳垂肩眉覆面此僧年紀

那得知手種青松今十圍心將流水同清淨身與浮
雲無是非商山老人已曾識願一見之何由得山中
有僧人不識城裏看山空黛色

僧伽歌

并序

李白

紀聞錄僧伽大師西域人姓何氏唐龍朔初來隸
名于楚州龍興寺後于泗洲臨淮縣信義坊乞地
施標將建伽藍于標下掘得古香積寺銘記并金
像一軀上有普照王佛字遂建寺中宗聞名遣使
迎師入內道場居薦福寺常獨處一室頂上有一
穴以絮窒之夜則去絮香從頂穴中出非常芬馥

唐詩類苑

卷之二十四

五

及曉香還頂中又以絮窒之師嘗濯足人取其水
飲之痼疾皆愈景龍四年端坐而終中宗令于寺
起塔俄而大風歛起臭氣滿長安中宗問近臣近
臣奏僧伽大師化緣在臨淮恐欲歸中宗心許其
臭頓息奇香馥烈五月送至臨淮起塔供養卽今
塔也中宗問萬迴曰僧伽是何人曰觀音化身
真僧法號號僧伽有時與我論三車問言誦呪幾千
遍口道恒河沙復沙此僧本住南天竺爲法頭陀來
此國戒得長天秋月明心如世上青蓮色意清淨貌
稜稜亦不減亦不增瓶裡千年舍利骨手中萬歲胡

孫藤嗟吁落魄江湖久罕遇真僧說空有一言懺盡
波羅夷再禮渾除犯輕垢

志堅師

嵩山老僧披破衲七十八年三十臘靈武朝天遼海
征宇宙曾行三四匝初因快快劍却頭便繞嵩山寂
師塔淮西未及半年前已見淮西陣雲合

支公詩

僧皎然

支公養馬復養鶴率性無羈多脫畧天生支公與凡
異凡情不到支公地得道由來天上仙爲僧却下人
間寺道家諸子論自然此公唯許逍遙篇山陰詩友

唐詩類苑

卷之百四十七

木一

喧四座佳句縱橫不廢禪

智度師二首

元稹

四十年前馬上飛功名藏盡擁禪衣石榴園下擒生
處獨自閑行獨自歸

三陷思明三突圍鐵衣拋盡衲禪衣天津橋上無人
識開凭欄干望落暉

定僧

元稹

落魄閑行不着家徧尋春寺賞年華野僧偶向花前
定滿樹狂風滿樹花

華師

李商隱

孤鶴不睡雲無心衲衣筇杖來西林院門晝鎖迴廊
靜秋日當階柿葉陰

韶陽微公

僧貫休

曲江晴影石千株吾子思歸夢斷初有信北來山疊
疊無言南去雨踈踈祖師門接園林路丞相家同井
邑居閑野老身留得否相招多是秀才書

盧頭陀詩并序

元稹

道泉頭陀字源一姓盧氏本名士衍第曰起居郎
士玟則官閥可知也少力學善記憶戲解職仕不
三十餘歷入諸侯府皆掌劇事性強邁不錄幽瑣

唐詩類苑

卷之百四十七

七

爲吏所構謫官建州無何有異人密授心契冥失
所在盧氏旣爲大門族兄弟且賢豪惶駭求索無
所得徧于其積歲窮盡荒僻一夕於衡山佛舍衆
頭陀中燈下識之號叫泣血無所顧然而先是衆
以爲姜頭陀自是知其爲盧頭陀矣邇後往來湘
潭間不常次舍祇以衡山爲詣極元和九年張中
丞領潭之歲予拜張公於潭適上人在焉卽日詣
所舍東寺一見蒙念不礙小劣盡得本末其事列
而序之仍以四韻七言爲贈爾
盧師深話出家由剝盡心花始剝頭馬哭青山別車

匿鵲飛螺髻見羅睺還來舊日經過處似隔前身夢
寐遊爲向八龍兄弟說他生緣會此生休

贈僧朝美

李白

水客凌洪波長鯨湧溟海百川隨龍舟噓喻竟安在
中有不死者探得明月珠高價傾宇宙餘輝照江湖
苞卷金縷褐蕭然若空無誰人識此寶竊笑有狂夫
了心何言說各勉黃金軀

贈僧行融

李白

梁日湯惠休常從鮑昭遊我眉史懷一獨映陳公出
卓絕二道人結交鳳與麟行融亦後發吾知有英骨

唐詩類苑

卷之百四十七

人

海若不隱珠驪龍吐明月大海乘虛舟隨波任安流
賦詩旃檀閣縱酒鸚鵡洲待我適東越相携上白樓

贈僧皎然

顏真卿

秋意西山多別岑繁左次繕亭歷三癸趾趾鄰什寺
元化隱靈縱始君啓高致誅榛養翹楚鞭草理芳穗
俯砌披水容逼天掃峯翠境新耳目換物遠風塵異
倚石忘世情援雲得真意嘉林幸勿剪禪侶欣可庇
衛法大臣過佐遊羣英萃龍池護清激虎節到深逵
徒想嵒頂期于今沒遺記

贈蜀僧闍丘師兄

杜甫

大師銅梁秀籍籍名家孫嗚呼先博士炳靈精氣奔
惟昔武王后臨軒御乾坤多士盡儒冠墨客謁雲屯

當時上紫殿不獨卿相尊世傳閭丘筆峻極逾崑崙
鳳藏丹霄暮龍去白水渾清熒雪嶺東碑碣舊製存
斯文散都邑高價越璵璠晚看作者意妙絕與誰論
吾祖詩冠古同年蒙主恩豫章夾日月歲久空深根
小子思疎濶豈能達詞門窮愁一揮淚相遇卽諸昆
我在錦官城兄居祗樹園地近慰旅愁往來當丘樊
天涯歇滯雨稊稻卧不翻漂然薄遊倦始與道旅敦
景晏步脩廊而無車馬喧夜來接款語落月如金盆

唐詩類苑

卷之百四十七

九

漠漠世界黑驅驅爭奪繁唯有摩尼珠可照濁水源

贈僧崖公

李白

昔在朗陵東學禪白眉空大地了鏡徹迴旋寄輪風
攬彼造化力持爲我神通晚謁太山君親見日沒雲
中夜卧山月拂衣逃人群授余金仙道曠劫未始聞
冥機發天光獨朗謝垢氛虛舟不繫物觀化遊江濱
江濱遇同聲道崖乃僧英說法動海嶽遊方化公卿
手秉玉麈尾如登白樓亭微言注百川疊疊信可聽
一風鼓群有萬籟各自鳴啓閉八牕牖託宿掣電霆
自言歷天台搏壁躡翠屏凌兢石橋去恍惚入青冥

昔往今來歸絕景無不經何日更携手乘杯向蓬瀛

贈宣州靈源寺沖澹 李白

敬亭白雲氣秀色連蒼梧下映雙溪水如天落鏡湖
此中積龍象獨許澹公殊風韻送江左文章動海隅
觀心同水月解領得明珠今日逢支遁高談出有無

贈曇壁上人 王綰

林中空寂舍階下終南山上卧一牀地回看六合間
浮雲幾處滅飛鳥何時還問義天人接無心世界閑
誰知大隱客兄弟自追攀

贈懷一上人 崔顥

法師東南秀世實豪家子削髮十二年誦經峨眉裏
自此照群蒙卓然爲道雄觀生盡入妄悟有皆成空
淨體無衆染苦心歸妙宗一朝敕書至召入承明宮
說法金殿裏焚香清禁中傳燈遍都邑杖錫遊王公
天子揖妙道群僚趨下風我法本無着時來出林壑
因心得化城隨病皆與藥上啓黃屋心下除蒼生縛
一從入君門說法無朝昏帝作轉輪王師爲持戒尊
軒風洒甘露佛雨生慈根但有滅度理而生開濟恩
復聞江海曲好殺成風俗帝曰我上人爲除膻腥欲
是日發西秦東南至蘄春風將衡桂接地與吳楚鄰

唐詩類苑 卷之二百五十七 十一

舊少清信士寔多漁獵人一聞吾師至捨網江湖濱
作禮懺前惡潔誠期後因因成日既久事濟身不守
更出淮楚間復來荆河口荆河馬卿岑茲地近道林
入講鳥常狎坐禪獸不侵都非緣未盡曾是教所任
故我一來事永承微妙音竹房見衣鉢松宇清身心
早悔業至淺晚成計可尋善哉遠公義清淨如黃金

贈智朗禪師 賈島

上人分明見玉兔潭底沒上人光慘貌古來恨峭發
淖辭孔顏廟笑訪禪寂室步隨青山影坐學白塔骨
解聽無弄琴不禮有身佛欲問師何之忽與我相別

贈需禪師 皇甫曾

南嶽滿湘源吾師經利涉身歸沃洲老名與支公接
淨教傳荆吳道緣正漁獵觀空色不染對境心自愜
室中人寂寞門外山稠疊天台積幽夢早晚當負笈

贈江華長老 柳宗元

老僧道機熟默語心皆寂去歲別春陵公流此投跡
室空無侍者巾屨唯挂壁一飯不願餘跣趺便終夕
風窓疎竹響露井寒松滴偶地即安居滿庭芳草積

唐詩類苑 卷之二百五十七 十一

率賦贈遠言言慙非子曰

贈文應上人 孟郊

是日發西秦東南至蘄春風將衡桂接地與吳楚鄰

贈文應上人

是日發西秦東南至蘄春風將衡桂接地與吳楚鄰

贈文應上人

棲遲青山巔高靜身所便不踐有命草但飲無聲泉
齊性空轉寂學情深更專經文開貝葉衣製垂秋蓮
厭此俗人羣暫來還却旋

贈道月上人

孟郊

僧貌淨無點僧衣寧綴華尋常晝日行不使身影斜
飯木煮松栢坐山邀雲霞欲知禪隱高緝薜爲袈裟

贈別宣上人

白居易

上人處世界清淨何所似似彼白蓮花在水不著水
性真悟泡幻行繫離塵滓脩道來幾時身心俱到此
嗟予牽世網不得長依止離念與碧雲秋來朝夕起

唐詩類苑

卷之百四十七

十一

贈普門上人

皇甫冉

支公身欲老長在沃州多慧力堪傳教禪功久伏魔
山雲隨坐夏江草伴頭陀借問迴心後賢愚去幾何

贈僧

心法本無住流沙歸復來錫隨山鳥動經附海船回
洗足柳遮寺坐禪花委苔唯將一童子又欲上天台

右詩一本
云趙嘏作

贈詩僧

僧無可

寒山對水塘竹葉影侵堂洗藥水生岸開門月滿林
病多身又老枕倦夜兼長來謁吾僧者呈詩問否臧

贈隱公

耿漳

世間無處遠定裏徧曾過東海經長在南朝寺最多
暮年休化俗初地卽摧魔今日忘憂慮看心義若何

贈海明上人

耿漳

來自西天竺持經奉紫微年深梵語變行苦俗流歸
月上安禪久苔生出院稀梁間有馴鴿不去復何依

贈胡禪師

賈島

自是根機鈍非開夏臘深秋來江上寺夜坐嶺南心
井鑿山含月風吹磬出林祖師携隻履去路杳難尋

贈圭峯禪師

僧無可

唐詩類苑

卷之百四十七

十一

絕壑禪林底泉分落石層霧交高頂草雲隱下方燈
朝滿傾心客谿連學道僧半旬持一食此事有誰能

贈蠻僧

鄭巢

南海何年過中林一磬微病逢秋雨發心逐暮潮歸
久卧前山寺猶縫故國衣近來慵步履石蘚滿柴扉

薦福寺贈應制白公

曹松

才着紫檀衣明君寵顧時講昇高座懶書答重臣遲
瓶勢傾圓頂刀聲落碎髭還聞穿內去隨駕進新詩

贈禪僧

馬戴

弟子人天遍童年在沃洲開禪山木長浣衲海沙秋

振錫提汀月持瓶接瀑流赤城何日上鄮願從師遊

贈別空公

馬戴

雲門秋却入微徑久無人後夜中峯月空林百衲身
寂寥寒磬盡盪漱瀑泉新履跡誰重見松風掃石塵

贈禪友

李洞

散花留內殿宮女夢談禪樹杪開樓鎖雲中認岳蓮
溪聲過長耳笳節出羸肩飛句相招宿多逢有月天

贈道微禪師

李洞

銅餅滋瀉水出磧躡蓮層猛虎降低鼠盤鵬望小蠅
通禪五天日照祖幾朝燈短髮歸林白何妨剃未能

唐詩類苑 卷之五十七

古

贈契衡上人

張祐

小門開板閣終日是逢迎語笑人同坐修持意別行
水花秋始發風竹夏長清不悵恹恹久憐師記姓名

贈別至弘上人

嚴維

最稱弘偃少早歲草茆居年老從僧律生知解佛書
衲衣求壞帛野飯拾春蔬章句無求斷時中學有餘

贈琮公

韋應物

山僧一相訪吏案正盈前出處似殊致喧靜兩皆禪
暮春華池宴清夜高齋眠此道本無得寧復有忘筌

贈本無上人

僧貫休

往年吟月社因亂散揚州未是無端事何訪出世
洞庭禪過臘衡嶽坐經秋終說將衣鉢天台老去休

贈行脚僧

戴叔倫

補衲隨緣住難維塵外蹤木杯能渡水鐵鉢肯降龍
到處棲雲榻何年卧雪峰知師歸日近應偃舊房松

贈僧雲栖

張祐

塵尾與筇杖幾年離石壇梵餘林雪厚蒸罷岳鍾殘
開卷喜先悟漱瓶知早寒衡陽寺前鴈今日到長安

贈操禪師

李建勳

嘗憶曹溪子龕居面碧嵩杉松新夏後雨電夜禪中
唐詩類苑 卷之二百五十七

唐詩類苑 卷之二百五十七

五

道匪因經悟心能向物空秋來得音信又在剡山東

贈衡岳隱禪師

李端

舊住衡州寺隨緣偶北來夜禪山雪下朝汲殿門開
半偈傳初盡羣生意未迴唯當與樵者銀杖入天台

宿雲際寺贈深上人

李端

暫別青藍寺今來髮欲斑獨眠孤燭下風雨在前山
壞宅終須去空門不易還支公有方便一願起玄關

青龍寺贈雲顥法師

曹松

紫檀衣且香春殿日尤長此地開新講何山鍊舊房
僧名喧北闕祖印續南方莫惜青蓮喻秦人聽未忘

贈至寂禪師

朱慶餘

處世唯披衲禪門幾歲寒法空無所染性悟不多看
竟日門長掩相逢草自殘有時尋道侶飛錫度峰巒

贈供奉僧玄觀

李昌符

自得曹溪法諸經更不看已降禪侶久兼作帝師難
夜木侵簷黑秋燈照雨寒如何嫌有着一念在林巒

贈然上人

周賀

竹庭瓶水新深稱北窓人講罷見黃葉詩成尋舊鄰
錫陰迷坐石池影露齋身苦作南行約勞生始問津

贈胡僧

周賀

唐詩類苑

卷之百五十七

十六

瘦形無血色草屨著行穿閑話似持呪不眠同坐禪
背經來漢地袒膊過冬天情性人難會遊方應信緣

贈洪哲師

王建

老僧真古畫閑座語中聽識病方書聖詣山草木靈
人來多施藥願滿不持經相伴尋溪竹秋苔襪履青

贈敬亭清越上人

張喬

海上獨隨綠歸來二十年久閑時得句漸老不離禪
砌木歌臨水隱峯直倚天猶期問雲裏別掃石牀眠

贈僧

賈島

亂山秋木穴裏有靈蛇藏鐵錫挂臨海一作楊桂石

樓開異香出塵頭未白入定衲凝霜莫話五湖事
人心欲狂

贈山僧

李咸

榮枯雖在目名利不關身高出城隍寺野爲雲鶴鄰
松聲寒後遠潭色雨餘新豈住空空裏空空亦是塵

贈日南僧

張籍

獨向雙峰老松門閉兩涯翻經上蕉葉掛衲落藤花
甃石新開井穿林自種茶時逢海南客蠻語問誰家

贈海東僧

張籍

別家行萬里自說過扶餘學得中州語能爲外國書

唐詩類苑

卷之百五十七

十七

與醫收海藻持呪取龍魚便問同來伴天台幾處居

贈瑪瑙山禪者

方干

朽草不停獸因師山更靈村林朝乞食風雨夜開扇
井味兼松粉雲根著淨瓶塵勞如醉夢對此暫能醒

贈鏡公

方干

幽獨迢遞夜夜清人更閒高風吹越樹細露濕湖山
月皎微吟後鐘鳴不寐間如教累簪組此興豈相關

贈雪竇僧

方干

登寺尋盤頂人煙遠更微石窓秋見海山鶴暮侵衣
衆木隨僧老高泉盡日飛誰能厭軒冕來此便忘機

贈莊上人

賈島

不語焚香坐心知道已成流年衰此世定力見他生
暮雪餘春冷寒燈續晝明尋常五侯至敢望下塔迎

贈紹明上人

賈島

未住青龍室中秋獨往年上方嵩古寺下視雨和煙
祖豈無言去心因斷臂傳不知能已後更有幾燈燃

贈弘泉上人

賈島

洗足下藍嶺古師精進同心知溪卉長居此玉林空
西殿宵燈磬東林曙雨風舊峰鄰太白石座雨苔濛

贈尚顏上人

鄭谷

唐詩類苑 卷之五

八

相尋喜可知放錫便論詩酷愛山兼水唯應我與師
風雷吟不覺猿鶴老爲期近輩唯棲白其如趣向卑

贈行如上人

唐球

不知名利苦念佛老岷峨衲補雲千片香焚篆一窠
戀山人事少憐客道心多日日齋鍾罷高懸濾水羅

贈別約師

劉禹錫

師逢吳興寺相伴住禪局春雨同栽樹秋燈對講經
廬山曾結社桂水遠揚舲話舊還惆悵天南望柳星

贈無懷禪師

賈島

自從劫劫修來以此生周禪定石牀暖月移山樹秋

捧盂觀宿飯敲磬過清流不掩玄關路教人問白頭

贈幻群法師

釋清塞

北京從別後南越幾聽砧住久白髭出講長黃葉深
香連鄰舍像磬徹遠巢禽寂寞應關道何人見此心

聞仰山禪師往曹溪因贈

張喬

曹溪松下路猿鳥重相親四海求玄理千峰遶定身
異花天上墮靈草雪中春自惜經行處焚香禮舊真

贈楚川長老

僧可止

瘦顏顴骨見滿面雪毫垂坐石鳥疑死出門人謂癡
照身潭入楚浸影檜生隋太白曾經夏清風涼四肢

唐詩類苑

卷之五

九

贈智丹三藏

僧懷浦

壯歲心難伏師心伏豈難尋常獨在院行坐不離壇
嶽雪當禪瞑松聲入呪寒更因文字外多把史書看

贈島雲禪師

釋曇域

遠庵枯葉滿群鹿亦相隨頂骨生新髮庭松長舊枝
禪高太白月行出祖師碑亂後潛來此南人總不知

贈中岳僧

方干

坐來叢木大誰見入巖年多病長留藥無憂亦是禪
捨牀移片石春粟引高泉盡願求心法逢誰擬卽傳

贈行脚僧

釋子蘭

世界曾行遍全無行可修炎涼三衲共生死一身体
片斷雲隨體稀疎雪滿頭此門無所着不肯暫淹留

贈圓昉公昉蜀僧傳宗幸蜀功堅免紫衣 鄭谷

天階讓紫衣冷格鶴猶卑道勝嫌名出身閑覺老遲

晚香延宿火寒磬度高枝長說長松寺他年與我期

晚春登大雲寺南樓贈常禪師

白居易

花盡頭新白登樓意若何歲時春日少世界苦人多

愁醉非因酒悲吟不是歌求師治此病唯勸讀楞伽

贈屏風巖栖壻上人 釋可朋

唐詩類苑

卷之二百四十七

三

崑房高且靜在此幾寒暄鹿麕安禪石狼啼乞食村

朝陽生樹罅古道透雲根獨我閑相覓淒涼碧洞門

贈蘭若僧 于鵠

一身禪誦苦洒掃古花宮靜室門常閉深蘿月不通

懸燈喬木上鳴磬亂幡中附入高僧傳長稱二遠公

贈休糧僧 崔塗

聞鐘獨不齋何事更關懷靜少人過院閑從草上苔

生臺無鳥下石路有雲埋爲憶禪中舊時猶夢百崖

贈詩僧懷靜 方干

幾生餘習在時復却微吟坐夏苦合行禪檜栢深

入山成白首學道是初心心地不移變徒云寒暑侵

贈越僧二首 溫庭筠

世機消已盡巾履亦飄然一室故山月滿瓶秋澗泉

禪庵過微雪鄉寺隔寒煙應共白蓮客相期松桂前

二

蘭亭舊都講今日意如何有樹關深院無塵到淺沙

僧居隨處好人事出門多不及新春風年年鏡水波

贈鑒上人 皇甫曾

律儀傳教誘僧臘老煙霄樹色依禪誦泉聲入寂寥

寶龕經末劫畫壁見南朝深竹風開合寒潭月動搖

唐詩類苑

卷之二百四十七

三

息心歸靜理愛道坐中宵更欲尋真去乘船過海潮

贈念華嚴經僧 僧貫休

念念念今入惡易念念念今入善難念經念佛能一

般愛河無處生波瀾言公少年真法器白晝不出夜

不睡心心緣經口緣字一室寥寥燈照地沈檀卷軸

寶函盛薝蔔香薰水精記空山木落古寺閑松枝鶴

眠霜霰乾牙根舌根水滴寒珊瑚枝打紅琅玕但恐

蓮花十朵一時折朵朵似君心簇攢又恐風緊吹天

花繽紛如雨飄袈裟况聞此經甚微妙百千諸佛真

秘要靈山說後始傳來聞者雖多持者少更堪誦入

陀羅尼唐音梵音相雜時舜絃和雅薰風吹文王武
王絃更悲如此爭不遣空碧中有龍來聽有鬼來聽
亦使人間聞者敬見者敬自然虛空性清淨此經真
體卽毗盧雪嶺白牛君識無

贈微上人

劉長卿

禪門來往翠微間萬里千峰在剡山何如共到天台
裏身與浮雲處處閑

贈長沙讚頭陀

劉禹錫

外道邪山千萬重真言一發盡摧峰有時明月無人
夜獨向昭潭制惡龍

唐詩類苑

卷之百五十七

主

贈華嚴院僧

張籍

一身依止荒閑院燭耀窓中有宿煙徧禮華嚴經裏
字不曾行到寺門前

贈藥山高僧惟儼之作二首

李翱

練得身形似鶴形千株松下兩函經我來問道無餘
說雲在青天水在鉗

再贈

選得幽居愜野情終年無送亦無迎有時直上孤峰
頂月下披雲嘯一聲

贈廣宣大師

曹松

憶昔同遊紫閣雲別來三十二回春白頭相見雙林
下猶是清朝未退人

和樂天贈雲寂僧

元稹

欲離煩惱三千界不在禪門八萬條心火自生還自
滅雲師無路與君銷

贈天竺靈隱二寺主

權德輿

石路泉流兩寺分尋常鐘磬隔山聞山僧半在中峰
住共占清猿與白雲

戲贈靈澈上人

呂溫

唐詩類苑

卷之百五十七

主

僧家亦有芳春興自是心源無滯境君看池水湛然
時何曾不受花枝影

贈鶴林上人

戴叔倫

日日澗邊尋茯苓巖扉常掩鳳山青歸來掛衲高林
下自剪芭蕉寫佛經

贈日東鑒禪師

鄭谷

故國心無渡海潮老禪方丈倚中條夜深雨絕松堂
靜一點山螢照寂寥

贈禮佛名者

韋莊

何用辛勤禮佛名我從無得到真庭尋思六祖傳心

印可是從來讀藏經

贈商山僧

韋蟾

商嶺東西路欲分兩間茅屋一溪雲師言耳重知師意人非不欲聞

贈山僧

李章武

南宗尚許通方便何處心中更念經好去必蕩雲水畔何山松栢不青青

贈無相禪師

羅隱

人人盡道事空王心裏忙於市井忙唯有馬當山上客死門生路兩相忘

唐詩類苑

卷之五十七

三

贈終南蘭若僧

杜牧

北闕南山是故鄉兩枝仙桂一時芳休公都不知名姓始覺禪門氣味長

贈青龍印禪師

李洞

雨溢秋刀剝雪時菴前曾禮草堂師居人昨日相過說鶴已生孫竹滿池

贈開師

許渾

近日高僧更有誰宛陵山下遇開師東林共許三乘學南國爭傳五字詩初到庾樓紅葉墜夜投蕭寺碧雲隨秋江莫惜題佳句正好磷磷見底時

贈別素上人

劉禹錫

昨日東鄰看講時都人象馬蹋琉璃雪山童子應前世金粟如來是本師一錫空歸九城路三衣曾拂萬年枝休公久別如相問楚客逢秋心更悲

贈日本僧智藏

劉禹錫

浮杯萬里過滄溟遍禮名山適性靈深夜降龍潭水黑新秋放鶴野田青身無彼我那懷土心會真如不讀經爲問中華學道者幾人雄猛得寧馨

贈衡岳隱禪師

司空曙

擁褐安居南嶽頭白雲高寺見衡州石窓湖水搖寒月楓樹猿聲報夜秋講席舊逢山鳥至梵經初向竺僧求自知身老將傳法因下人間遂此遊

唐詩類苑

卷之五十七

三

贈南嶽僧

李遠

曾住衡陽嶽寺邊門開江水與雲連數州城郭藏寒樹一片風帆著遠天猿去不離行道處客來皆到卧牀前今朝惆悵紅塵裏惟憶閑塘盡日眠

贈潼關不下山僧

李遠

與君同在苦空間君得空門我愛閑止足已教修鴈塔終身不擬下雞山窻中遙指三千界枕上斜看百二關香茗一甌從此別轉逢流水幾時還

贈可上人

李洞

寺門和鶴倚香杉月吐秋光到思曉將法傳來穿泐
湔把詩吟去入嵌巖模糊書卷煙嵐滴狼籍衣裳濕
布緘不斷清風牙底嚼無因內殿得名衙

贈入內供奉僧

李洞

內殿談經愜帝懷沃州歸隱計全乖數條雀尾來南
海一道蟬聲噪御街石枕紋含山裏葉銅瓶口塞井
中柴因逢夏日西明講不覺宮人拔鳳釵

贈三惠大師

李洞

楓猿啼角別多時二教兼修內學師藥影樹中頻綴
唐詩類定 卷之百二十七 三十一

偈蓮峰朵下幾窺基遊歸筍長齊童子病起巢成露
鶴兒詔落五天開夏講兩街人競禮長眉

贈慧上人

戴叔倫

仙槎江口槎溪寺幾度停舟訪未能自恨頻年爲遠
客喜從異郡識高僧霞色藏禪房衲星月光涵古
殿燈何日却飛真錫返故人丘木翳寒藤

和劉駕博士贈莊嚴禪師

李洞

人言紫綬有光輝不二心觀似草衣塵劫自營還自
壞禪門無住亦無歸松根穴蟻通山遠塔頂巢禽見
海微每話南遊偏起念五峯波上入船扉

蜀中贈廣上人

章孝標

曾持麈尾引金根萬乘前頭草五言疏講青龍歸
苑歌抄白雪乞梨園朝驚雲氣遮天閣暮踏猿聲入
劍門今日西川無子美詩風又起浣花村

贈僧

周賀

藩府十年爲律業南朝本寺住來新辭歸幾別深山
客赴請多從遠處人松吹入堂資講力野蔬供飯爽
禪身他年更息登壇計應與雲泉作四鄰

贈神邁上人

周賀

草履蒲團山意坐看庭木長桐孫行齋罷講仍香
唐詩類定 卷之百二十七 三十一

氣布褐離牀帶雨痕夏滿尋醫還出寺晴來曬疏暫
開門道情淡薄閑愁盡霜色何因入鬢根

贈懷光上人

黃滔

謝城還擁入師以接人勞過午休齋慣離經吐論高
頂寒拳素髮珠銳走紅條終憶泉山寺聽猿看海濤

贈式上人

方干

縱居輦角喧闐處亦共雲溪邃僻同萬慮全離方寸
內一生多在五言中芰荷葉上難停雨松檜枝間自
有風莫笑旅人終日醉吾將大醉與禪通

贈僧

盧延遜

浮世浮華一斷空偶拋煩惱到蓮宮高僧解語牙無
水老鸛能飛骨有風野色吟餘生竹外山陰坐久入
池中禪師莫問求名苦滋味過於食蓼蟲

贈僧亞齊

翁承贊

蕭蕭風雨建陽溪溪伴維舟見亞齊一軸新詩劍潭
北十年舊識華山西吟魂惜向江村老空性元知世
路迷應笑乘輶青瑣客此時無暇聽猿啼

贈和龍妙空禪師

王繼勳

白面山南靈慶院茅齋道者雪峰禪只棲雲樹兩三
畝不下煙蘿四五年猿鳥認聲呼喚易龍神降伏住

唐詩類苑

卷之三百七

三

持堅誰知今日秋江畔獨步醫王闡法筵

和贈龍妙空禪師

夏鴻

翰林遺迹鏡潭前孤峭高僧此處禪出爲信門興化
日坐當吾國太平年身同瑩澈尼珠淨語並鋒鏖慧
劍堅道果已圓名已遂卽看千匝遶香筵

贈黃蘗山僧希運

裴休

自從大士傳心印額上圓珠七尺身挂錫十年棲蜀
水浮盃今日渡漳濱一千龍象隨高步萬里香華結
勝因擬欲事師爲弟子不知將法付何人

贈僧

賈島

從來多是遊山水省泊禪舟月下濤初過石橋年尚
少又辭天柱臘應高青松帶雪懸銅錫白髮如霜落
鐵刀常恐畫工援筆寫身長七尺有眉毫

贈圓上人

賈島

誦經千紙得爲僧塵尾持行不拂蠅古塔月高聞呪
水新壇日午見燒燈一雙童子澆紅藥百八真珠貫
綵繩且說近來心裏事仇讎相對似親朋

贈僧

唐球

曾聞半偈雪山中貝葉翻時理盡通般若常添持戒
方落義誰算念經功雲間曉月應難染海上虛舟自

唐詩類苑

卷之三百七

三

信風長說滿庭花色好一枝紅是一枝空

和禪月大師見贈

羅隱

高僧惠我七言詩頓豁塵心展白眉秀似谷中花媚
日清如潭底月圓時應觀法界蓮千葉肯折人間桂
一枝漂蕩秦吳十餘載因循猶恨識師遲

贈鉢塔院如大師

白居易

師年八十三登壇秉律凡六十年每歲於師處授
入關戒者九度

百千萬劫菩提種八十二年功德林若不秉持僧行
苦將何報答佛恩深慈悲不瞬諸天眼清淨無塵幾

地心每歲入關蒙九授殷勤一戒重千金

贈草堂宗密上人

白居易

吾師道與佛相應念念無為法法能口藏宣傳十二部心臺照耀百千燈盡離文字非中道長住虛空是小乘少有人知菩薩行世間只是重高僧

廣宣上人以應制詩見示因以贈之詔許上

人居安國寺紅樓院以詩供奉

白居易

道林談論惠休詩一到人天便作師香積筵承紫泥詔昭陽歌唱碧雲詞紅樓許住請銀鑰翠輦陪行謁

唐詩類苑

卷之百四十七

三十一

玉墀惆悵甘泉曾侍從與君前後不同時

贈神照上人

照以說壇為佛事

白居易

心如定水隨形應口似懸河逐病治曾向衆中先禮拜西方去日莫相遺

贈自遠禪師

遠以無事為佛事

白居易

自出家來長自在緣身一衲一繩牀令人見即心無事每一相逢是道場

贈宗實上人

實樊司空子捨官位妻子出家

白居易

榮華恩愛棄成唾戒定真如和作香今古雖殊同一

去瞿曇拋却轉輪王

贈清閑上人

自蜀入洛於長壽寺說法度人

梓潼眷屬何年別長壽壇場近日開應是蜀人皆度了法輪移向洛中來

唐詩類苑

卷之百四十七

三十一

唐詩類苑卷第一百四十八

明雲間張之象玄超甫纂輯

雲間張所望叔翹甫編次

雲間王微叔朗甫補訂

梁谿曹仁孫伯安甫校正

釋部

僧

福先寺尋湛然上人遇皇甫再

寂然空佇立往往報疎鐘高館誰留客東南二室峰
川原通霽色野色變春容惆悵層城暮猶言歸路逢

唐詩類苑

卷之三

一

尋覺公因寄李二端司空十四曙

耿漳

少年常昧道無事日悠悠及至悟生死尋僧已白頭
雲迴廬瀑布樹落給園秋爲我謝宗許塵中難久留

夜尋僧不遇

于鄴

數歇度煙水漸非塵俗間泉聲入秋寺月色遍寒山
石路幾回雪竹房猶閉關不知雙樹客何處與雲閑

尋言上人

孟郊

萬里莓苔地不見驅馳蹤唯開文字牕時寫日月容
竹韻漫蕭屑草色徒纖茸披霜入衆木獨自識青松

尋西明寺僧不在

元稹

春來日日到西林飛錫經行不可尋蓮池舊是無波
水莫逐狂風起浪心

尋僧

朱慶餘

吟背春城出草遲天晴紫閣赴僧期山邊樹下行人
少一派新泉日午時

詣西山深師

韋應物

曹溪舊弟子何緣住此山世有征戰事心將流水開
掃林驅虎出宴坐一林間藩守寧爲重擁騎造雲關
偃師東與翰樽同詣景雲暉上人卽事

唐詩類苑

卷之三

二

岑參

山陰老僧解楞伽穎陽歸客遠相過煙深草濕昨夜
雨雨後秋風渡漕河空山終日塵事少平郊遠見行
人小尚書磧上黃昏鐘別駕渡頭一歸鳥

九真山靜居寺謁無碍上人

沈佺期

大士生天竺分身化日南人中出煩惱山下卽伽藍
小澗香爲刹危峯石作龕候禪青鶴乳窺講白猿參
藤愛雲間壁花憐石下潭泉行幽供好林掛浴衣堪
弟子哀無識醫王惜未談機疑聞不二蒙昧卽朝三

欲究因緣理聊寬放棄慙超然虎溪夕雙樹下虛

謁璿上人

王維

上人外人內天不定不亂捨法而淵泊無心而雲
動色空無礙不物物也嘿語無際不言言也故吾
徒得神交焉玄關大啓德海群泳時雨旣降春物
且美序於詩者人百其言

少年不足言識道年已長事往安可悔餘生幸能養
誓從斷臂血不復嬰世網浮名寄縷珮空性無羈鞅
夙承大導師焚香此瞻仰頽然居一室覆載紛萬象
高柳早鶯啼長廊春雨響牀下阮家屐牕前筇竹杖

唐詩類苑

卷三言史

三

方將見身雲陋彼示天壤一心在法要願以無生獎

謁枉山會禪師

劉禹錫

我本山東人平生多感慨弱冠遊咸京上書金馬外
結交當世賢馳聲邑四塞勉脩貴及早徂健不知退
錙銖揚芬馨尋尺招瑕類淹留郢南都摧頽羽翰碎
安能咎往事且欲去沈痾吾師得真如寄在人寰內
哀我墮名網有如翺飛輩瞳矐揭智燭照使出昏昧
靜見玄關啓欬然初心會夙尚一何微今得信可大
覺路明證入便門通懺悔悟理言自忘處屯道猶泰
色身豈吾寶慧性非形礙思此靈山期未卜何年載

夏日謁智遠禪師

孟郊

吾師當幾祖說法雲無空禪心三界外宴坐天地中
院靜鬼神去身與草木同因知護王國滿鉢盛毒龍
斗數塵埃衣謁師見真宗何必千萬劫瞬息去樊籠
盛夏火爲日一堂十月風不得爲弟子名姓掛儒宮

謁真諦寺禪師

杜甫

蘭若山高處煙霞障幾重凍泉依細石晴雪落長松
問法看詩妄觀身向酒慵未能割妻子卜宅近前峰

夏日過青龍寺謁操禪師

王維

龍鍾一老翁徐步謁禪宮欲問義心義遙知空病空

唐詩類苑

卷三言史

四

山河天眼裏世界法身中莫怪銷炎熱能生大地風

夏日過青龍寺謁操禪師

裴迪

安禪一室內左右竹亭幽有法知不染無言誰敢酬
鳥飛爭向夕蟬噪已先秋煩暑自茲適清涼何所求

夜投豐德寺謁海上人

李端

半夜中峯有磬聲偶尋樵者問山名上方月曉聞僧
語下界林疎見客行野鶴巢邊松最老毒龍潛處水
徧清願得遠公知姓字焚香洗鉢過餘生

訪含曦上人

盧仝

三人寺曦未來轆轤無繩井百尺渴心歸去生塵埃

喜秀上人相訪

鄭谷

雪初開一徑師忽扣雙扉老大情相近林泉約共歸
憂榮棲省署孤僻謝朝衣他夜松前宿宿論詩更入微
冬日諸禪自商山禮正師真塔廻見訪

僧無可

又思今忽來雙屨汚青苔拂雪從山起過房禮塔廻
偈留閑夜禮禪請暫時開欲作孤雲去賦詩余不才

同崔八詣藥山訪融禪師 李商隱

共受征南不次恩報恩唯有忘言巖花澗草西林
路未見高僧且見猿

唐詩類苑

卷之百四十八

五

重訪黃神谷東禪者

鄭谷

初塵芸閣辭禪閣却訪支郎是老郎我趣轉卑師趣
靜數峯秋雪一爐香

宜春再訪芳公言公幽齋寫懷叙事因賦長

言

鄭谷

入門長恐先師在香印紗燈似昔年澗路縈廻齋處
遠松堂虛豁講聲圓項爲弟子曾同社今忝星郎更
契緣顧渚一甌春有味中林話舊亦潯然

寒夜同襲美訪北禪院寂上人

陸龜蒙

月樓風殿靜沉沉披拂霜華訪道林鳥在寒枝影
動人依古堞坐禪深明時尚阻青雲步半夜猶追
石吟自是海邊鷗伴侶不勞金偈更降心

奉和訪寂上人

皮日休

院寒青靄正沈沈霜棧乾鳴入古林數葉貝書松火
暗一聲金磬檜煙深陶潛見社無妨醉殷浩譚經不
廢吟何事欲攀塵外契除君皆有利名心

訪寂上人不遇

皮日休

何處尋雲暫廢禪客來還寄草堂眠桂寒自落翻經
案石冷空消洗鉢泉爐裏尚飄殘玉篆龕中仍鏤小

唐詩類苑

卷之百四十八

六

金仙須將二百籤廻去得得支公恐隔年

奉和訪寂上人不遇

陸龜蒙

芭蕉霜後石欄荒林下無人閉竹房經抄未成拋素
几錫環應撼過寒塘蒲團爲拂浮埃散茶器空懷碧
餽香早晚却還宗炳社夜深風雪對禪牀

長安逢江南僧

崔塗

孤雲無定蹤忽到又相逢說盡天涯事聽殘上國鐘
問人尋寺僻乞食過街慵憶到曾栖處開門對數峰

逢播公

周賀

病病希相見西城早晚來衲衣風壞帛香印雨沾灰

坐久鐘聲盡談餘嶽影迴却思同宿夜高枕

東林寺貫休篆隸題詩 黃滔

師名自越徹秦中秦越難尋師所從墨跡兩般詩一首香爐峰下似相逢

逢詩僧 僧貫休

禪玄無可示詩妙有何評五七字中苦百千年後清難求方至理不朽始爲名珍重重相見忘機話此情

毀浮圖年逢東林寺舊僧 張祐

可惜東林寺空門失所依翻經謝靈運畫壁陸探微隙地泉聲在荒途馬跡稀殷勤話僧輩未敢保儒衣

卷之三 百八十一

深山逢老僧 僧貫休

衲衣線麤心似月自把鉏鉏岡楸青石溪邊踏葉行數片雲隨兩眉雪

江西逢僧省文 曹松

閩地高僧楚地逢伴遊蠻錫挂垂松白雲逸性都無定纔出雙峰愛五峰

初到碧澗招明契上人 劉長卿

漸老知身累初寒曝背眠白雲留永日黃葉減餘年猿護窓前樹泉澆谷後田沃洲能共隱不用道林錢

招山僧 白居易

能入城中乞食否莫辭塵土污袈裟欲知住處東城下遶竹泉聲是白家

過隱空和尚故居 劉長卿

自從飛錫去人到沃洲稀林下期何在山中春獨歸踏花尋舊徑映竹掩空扉寥落東峰上猶堪靜者依

喜照密閑實四上人見過 白居易

紫衫朝士白髯翁與俗乖疎與道通官秩三迴分洛下交遊一半在僧中臭帑世界終須出香火因緣久願同齋後將何充供養西軒泉石北窓風

冬暮山舍喜標上人見訪 黃滔

唐詩類苑 卷之三 百八十一

寂寥三冬杪深居業盡拋逕松開雪後砌竹忽僧敲茗汲水銷溜鑪燒鵲去巢共談慵僻意微日下林梢

廣宣上人寄在蜀與韋令公唱和詩卷因以

令公手札答詩示之 劉禹錫

碧雲佳句久傳芳曾向都城住草堂振錫常過長者宅披文猶帶令公香一時風景添詩思八部人天入道場若許相期同結舍吾家本自近柴桑

廣宣上人見過 韓退之

三百六旬長晏晏不衝風雨即塵埃久慙朝士無裨補空愧高僧往來學道窮年何所得吟詩竟日未

能回天寒古寺遊人少紅葉窓前有幾堆

同杜相公對山僧

皇甫曾

吏散重門掩僧來閣復閑遠心馳北闕春興寄東山
草長風光裏鶯啼靜默間芳晨不可駐惆悵暮禽還

上嘉州青衣山中峯題惠淨上人幽居寄兵

部楊郎中

并序
岑參

青衣之山在大江之中屹然迥絕崖壁蒼峭周廣
七里長波四匝有惠淨上人廬于其巔唯繩牀竹
杖而已恒持蓮華經十年不下山予自公浮舟聊
一登眺友人夏官弘農楊侯清談之士也素工爲

詩類苑

卷之三百八

九

文獨立於世與予有方外之約每多獨徃之意今
者幽躅勝槩歎不得與此公俱爰命小吏刮磨石
壁以識其事乃詩以達楊友爾

青衣誰開鑿獨在水中中央浮舟一躋攀側逕沿蒼
絕頂訪老僧豁然登上方諸嶺一何小三江奔茫茫
蘭若向西開峨眉正相當猿鳥樂鐘磬松蘿泛天香
江雲入袈裟山月吐繩牀早知清淨理久乃機心忘
尚以名宦拘聿來夷僚鄉吾友不可見鬱爲尚書郎
早歲愛丹經留心向青囊渺渺雲智遠幽幽海懷長
勝賞欲與俱引領遙相望爲政愧無術分憂幸時康

君子滿天朝老夫憶滄浪況值廬山遠抽簪歸法王

題贈定光上人

白居易

二十身出家四十心離塵得徑入大道乘此不退輪
一坐十五年林下秋復春春花與秋氣不感無情人
我來如有悟潛以心照身誤落聞見中憂喜傷形神
安得遺耳目宴然反其真

題道宗上人十韻

并序

白居易

普濟寺律大德宗上人法堂中有故相國鄭司徒
歸尚書陸刑部元少尹及今吏部鄭相中書韋相
錢左丞詩覽其題皆與上人唱酬閱其人皆朝賢
省其文皆義語予始知上人之文爲義作爲法作
爲方便智作爲解脫性作不爲詩而作也知上人
者云爾恐不知上人者謂爲護國法振靈一皎然
之徒與故予題二十句以解之

如來說偈讚菩薩著論議是故宗律師以詩爲佛事
一音無差別四句有詮次欲使第一流皆知不二義
精繁霜戒體閑澹藏禪味從容恣語言縹緲離文字
旁延邦國彥上達王公貴先以詩句牽後令入佛智
人多愛師句我獨知師意不似休上人空多碧雲思
乾符末有客訪僧僧却之題門而去

唐詩類苑

卷之三百八

十

龍去東海時日隱西斜敬文今不在碎石入流沙

題弘濟寺不出院僧 喻 鳧

楚鞋應此世祇遶砌苔休色相栽花視身心坐石修聲寒通竹院城黑見烽樓欲取閑雲並閑雲有去留

題贈吳門邕上人 皇甫曾

春山唯一室獨坐草萋萋身寂心成道花開鳥自啼細泉松徑裏返景竹林西晚與門人別依依出虎谿

題栢臺山僧 于 鵠

上方唯一室禪定對山容行道臨孤壁持齋聽遠鐘枯藤離舊樹朽石落高峰不向雲間見還應夢裏逢

唐詩類苑 卷之五十八 十一

題樹下禪師 于 鵠

久行多不定樹下是禪房寂寂心無住年年日自長蟲蛇同宿礪草木共經霜已見南人說天台有舊房

題法雲禪院僧 王 建

不剃頭多日禪來白髮長合村迎住寺同學乞脩房覺少持經力憂無養病糧上山猶得在自解衲衣裳

題碧溪山禪老 方 干

師步有雲隨師情唯鶴知蘿迷收木路雲隔出溪時竹犬窺沙井巖禽停檜枝由來傲卿相卧隱答書遲

題洞北寺上人 張 籍

昔祭郊壇今謁陵寺中高處最來登十餘年後人別喜見當時轉讀僧

同錢員外題絕糧僧巨川 白居易

三十年來坐對山唯將無事化人間齋時往往聞鐘笑一食何如不食閑

寓言題僧 白居易

劫風火起燒荒宅苦海波生蕩破船力小無因救焚溺清涼山下且安禪

題清頭陀 白居易

頭陀獨宿寺西峰百尺禪菴半夜鐘煙月蒼蒼風瑟瑟更無雜樹對山松

唐詩類苑 卷之五十八 十一 題延州聖僧穴 錢 起

定力無涯不可稱未知何代坐禪僧默默山門宵閉月熒熒石壁晝燃燈四時樹長書經葉萬歲崑懸拄杖藤昔日捨身緣救鵠今時出見有飛鷹

題靈祐和尚故居 劉長卿

歎逝翻悲有此身禪房寂寞見流塵六時行徑空秋草幾日浮生哭故人風竹自吟遙入磬雨花隨淚共沾巾殘經窓下依然在憶得山中問許詢

題童真上人 賈 島

江上修持積歲年，灘聲未擬住潺湲。誓從五十身中，
衲便向三千界坐禪。月峽青城那有滯，天台廬岳豈
無緣。昨宵息夢遊滄海，萬里波濤在目前。

題支山南峰僧

皮日休

雲侵壞衲重隈肩，不下南峯不記年。池裏群魚曾受
戒，林間孤鶴欲參禪。雞頭竹上開危徑，鴨腳花中擷
廢泉。無限吳都堪賞事，何如來此看師眠。

奉和題支山南峰禪師

陸龜蒙

眉毫霜細欲垂肩，自說初棲海嶽年。萬壑煙霞秋後
到，一林風雨夜深禪。時翻貝葉添新藏，間挿松枝護
虛籬。題苑
卷之百六十八

圭一

小泉好是清冬無外事，匡牀齋罷向陽眠。

晚次修路僧

崔塗

平盡不平處尚嫌功未深，應難將世路便得稱師心。
高鳥下飛照白煙，生遠林更聞清磬發。聊喜緩塵襟。

神照禪師同宿

白居易

八年二月晦，山梨花滿枝。龍門水西寺，夜與遠公期。
晏坐自相對，密語誰得知。前後際斷處，一念不生時。

宿山中僧

顧況

不羨香爐煙，蒲團坐如鐵。嘗想同夜禪，風墮松頂雪。

酬栖上人

賈島

夜久城館閑，情幽出在山。新月有微輝，朗朗空庭間。
處世雖識機，伊余多掩關。松姿度臘見，籬藥知春還。
靜覽冰雪詞，厚爲酬贈顏。東林有躑躅，脫屣期共攀。

答崔主簿問兼簡溫上人

韋應物

緣情生衆累，晚悟依道流。諸境一已寂，了將身世浮。
閑居澹無味，忽復四時周。靡靡芳草積，稍稍新篁抽。
卽此抱餘素，塊然誠寡儔。自適一忻意，愧蒙君子憂。

酬襄陽詩僧少微

僧皎然

證心何有夢，示說夢歸頻。文字齋秦本，詩騷學楚人。
蘭開衣上色，柳向手中春。別後須相見，浮雲是我身。

盧詩類苑

卷之百六十八

古一

酬普選二上人相期見寄

嚴維

本意宿東林，因聽子賤琴。遙知大小朗，已斷去來心。
夜靜溪聲近，庭寒月色深。寧知塵外意，定後更成吟。

酬光上人

僧貫休

禪言難後到，詩言坐石心。同立月菟應，記前秋會吟。
處五更猶立，老松根。

酬靈澈上人

盧綸

軍人奉役本無期，落葉花開總不知。走馬城中頭雪白，
若爲將面見湯師。

酬靈澈公相招

劉長卿

石澗泉聲久不聞，獨臨長路雪紛紛。如今漸欲生黃髮，願脫頭冠與白雲。

浩初上人見貽絕句欲登僊人山，因以酬之。

柳宗元

珠樹玲瓏隔翠微，病來方外事多違。仙山不屬分符客，一任凌空錫杖飛。

答次休上人

白居易

姓白使君無麗句，名休座主有新文。禪心不合生分別，莫愛餘霞嫌碧雲。

來篇云：門有餘霞千萬首，何妨一句乞閒人。

酬靈澈上人以詩代書見寄

唐詩類苑

卷之三百六

十五

權德輿

蓮華出水地無塵，中有南宗了義人。已取貝多翻半字，還將陽焰論三身。碧雲飛處詞偏麗，白月圓時性本真。更喜開絨銷熱惱，西方社裏舊相親。

酬慈恩寺文郁上人

賈島

袈裟影入禁池清，猶憶鄉山近赤城。籬落鏐間寒蟹過，莓苔石上晚蛩行。期登野閣閑應甚，阻宿山房疾未平。聞說又尋南岳去，無端詩思忽然生。

還山貽湛法師

孟浩然

初聞無生理，常欲觀此身心迹。罕兼遂崎嶇，多在塵

晚途歸舊壑，偶與文公鄰。喜得林下契，共推席上珍。念爾泛苦海，方便是迷津。煩惱業頓捨，山林情轉殷。朝來問疑義，夕話得清真。墨妙稱古絕，辭華驚世人。禪房閉虛靜，花落連冬春。平石藉琴硯，落泉洒衣巾。欲知真滅朝，夕海鷗馴。

慈恩寺貽楚宵上人

曹松

在秦生楚思，波浪接禪關。塔礙高林鳥，牕開白日山。樹陰移草上，岸色透庭間。入內談經徹，空攜講疏還。

貽住山僧

曹松

罷講巡巖塢，無窮得野情。臘高猶伴鹿，夏滿不歸城。

唐詩類苑

卷之三百六

十六

雲朵綠崖發，峯陰截水清。自然雙洗耳，唯任白毫生。

貽亮上人

方干

秋水一泓常見底，澗松千尺不生枝。人間學佛知多少，淨盡心花只有師。

貽曦上人

方干

四十年來多少入，一分零落九成塵。與歸猶得重相見，亦是枯枝勉強春。

貽九華上人

僧貫休

一法傳聞繼者能，九華閑卧最高層。秋鍾盡後殘陽暝，門掩松邊雨夜燈。

問遠師

白居易

葷羶停夜食吟詠散秋懷笑問東林老詩應不波

問正上人疾

皇甫冉

醫王猶有疾妙理竟難窮餌藥應隨病觀身轉悟空
地閒花欲雨窓冷竹生風幾日東林去門人待遠公

與胡汾坐月期貫休上人不至

曹松

掃庭秋漏滴接話貴忘眠靜夜人相語低枝鳥暗遷
星圍南極定月照斷河連後會花宮子應開石上禪

奉和待勤照上人不至

皇甫冉

唐詩類苑

卷之三

七

東洛居賢相南方待本師旌麾儼欲動杯錫杳仍遲
積雪迷何處驚風泊幾時大臣能護法況有故山期
送青龍招提歸一上人遠遊同賦吳楚別詩

岑參

久交應真侶最歎青龍僧棄官向二年削髮歸一乘
了然瑩心身潔念樂空寂名香泛牕戶幽磬清曉夕
往年杖一劍由是佐二庭於焉久從戎兼復解論兵
世人猶未知天子願相見朝從青蓮宇暮入白虎殿
宮女榮錫杖御筵出香爐說法開藏經論邊窮障圖
忘機厭塵喧浪迹向江海思師石可訪惠遠峰猶在

今旦飛錫去何如持鉢還湖煙冷吳門淮月銜楚山

一身如浮雲萬里過江水相思眇天外南望無窮已

送青陽上人遊越

孟郊

秋風吹白髮微宦自蕭索江僧何用歎溪縣饒寂寞
楚思物皆清越山勝非薄時看鏡中日獨向衣上落
多謝入冥鴻笑予在籠鶴

送曉公歸庭山

孟郊

庭山何崎嶇寺路綠翠微秋霽山盡出日落人獨歸
雲生高高步泉洒田田衣枯巢無還羽新木有爭飛
茲焉不可繼夢寐空清輝

唐詩類苑

卷之三

八

送清遠上人歸楚山舊寺

孟郊

波中出吳境霞際登楚岑水寺一別來雲蘿三改陰
詩誇碧雲句道證青蓮心應笑泛萍者不知松隱深

送義舟師却還黔南

劉禹錫

高齋映寒水是夕山僧至玄牝無關鎖瓊書拾文字
燈明香滿室月午霜凝地語到不言時世間人盡睡

送惠師

韓愈

惠師浮屠者乃是不羈人十五愛山水超然謝朋親
脫冠翦頭髮飛步遺蹤塵發迹入四明梯空上秋旻
遂登天台望衆壑昏嶙峋夜宿最高頂舉頭看星辰

光芒相照燭南北爭羅陳茲地絕翔走自然巖且神
微風吹木石澎湃聞韶鈞夜半起下視溟波街日輪
魚龍驚踊躍叫嘯成悲辛怪氣或紫赤敲磨共輪困
金鷄既騰翥六合俄清新常聞禹穴奇東去窺甌閩
越俗不好古流傳失其真幽蹤邈難得聖路嗟長湮
迴臨浙江濤屹起高峨岷壯志死不息千年如隔晨
是非竟何有棄去非吾倫凌江詣廬嶽浩蕩極遊巡
佳峯沒雲表陂陀浸湖淪是時雨初霽懸瀑垂天紳
前年往羅浮步屐南海濬大哉陽德盛榮茂恒留春
鵬鰲墜長翮鯨戲側修鱗自來連州寺曾未造城闔

唐詩類苑

卷之三百八

十九

日攜青雲客探勝窮崖濱太守邀不去羣官請徒頻
囊無一金資翻謂富者貧昨日忽不見我令訪其鄰
奔波自追及把手問所因顧我却興歎君寧異於民
離合自古然辭別安足珍吾聞九疑好夙志今欲伸
斑竹啼舜婦清湘沈楚臣衡山與洞庭此固道所循
尋松方抵洛歷華遂之秦浮遊靡定處偶往卽通津
吾言子當去子道非吾遵江魚不池活野鳥難籠馴
吾非西方教憐子狂且醇吾嫉情遊者憐子愚且諄
去矣各異趣何爲浪霑巾

送靈師

韓愈

佛法入中國爾來六百年齊民逃賦役高士著幽禪
官吏不之制紛紛聽其然耕桑日失隸朝署時遺賢
靈師皇甫姓胤胄本蟬聯少小涉書史早能綴文篇
中間不得意失跡成延遷逸志不拘教軒騰斷牽攀
圍碁闔白黑生死隨機權六博在一擲梟盧叱迴旋
戰詩誰與敵浩汗橫戈鋌飲酒盡百醖嘲諧思逾鮮
有時醉花月高唱清且緩四座咸寂默杳如秦湘絃
尋勝不憚險黔江屢洄沿瞿塘五六月驚電讓歸船
怒水忽中裂千尋墮幽泉環迴勢益急仰見團團天
投身豈得計性命甘徒捐浪沫感翻涌漂浮再生全

唐詩類苑

卷之三百八

二十

同行二十人魂骨俱坑塹靈師不掛懷冒涉道轉延
開忠二州牧詩賦時多傳失職不把筆珠璣爲君編
強留費日月密席羅嬋娟昨者至林邑使君數開筵
逐客三四公盈懷贈蘭荃湖游泛潯沅溪宴駐潺湲
別語不許出行裾動遭牽鄰州競招請書札何翩翩
十月下桂嶺乘寒恣窺綠落落王員外爭迎獲其先
自從入賓館占愜久能專吾徒頗攜被接宿窮歡妍
聽說兩京事分明皆眼前縱橫雜雜俗瑣屑咸羅穿
材調真可惜朱丹在磨研方將歛之道且欲冠其顛
韶陽李太守高步陵雲煙得客輒忘食開囊乞繒錢

手持南曹叙字重青瑤鑄古氣參彙繫高標推太玄
維舟事干謁披讀頭風痊還如舊相識傾壺暢幽悵
以此復留滯歸驂幾時鞭

送玄亮師

孟郊

蘭泉滌我襟杉月棲我心茗啜綠淨花經誦清柔音
何處笑爲別淡清愁不侵

送淡公十二首

孟郊

燕本冰雪骨越淡蓮花風五言雙寶刀聯響高飛鴻
翰死錢舍人詩韻鏗雷公識本未識淡仰咏嗟無窮
清恨生物表朗玉傾夢中常於冷行坐相語道意冲

唐詩類苑

卷之三百八

主

嵩洛興不薄稽江事難同明年若不來我作黃蒿翁
何以兀其心爲君學虛空

二

坐愛青草上意含滄海濱渺渺獨見水悠悠不問人
鏡浪洗手綠剡花入心春雖然防外觸無奈饒衣新
行當譯文字慰此吟殷勤

三

銅斗飲江酒手拍銅斗歌儂是拍浪兒飲則拜浪婆
脚踏小船頭獨速舞短袈笑伊漁陽慘空恃文章多
閑倚小竹竿白日柰我何

四

短袈不怕雨白鷺相爭飛短楫畫菰蒲闢作豪橫歸
笑伊水健兒浪戰求光輝不如竹枝子射鴨無是非
射鴨復射鴨鴨驚菰蒲頭鴛鴦亦零落彩色難相求
儂是清浪兒每踏清浪游笑伊鄉貢郎踏土稱風流
如何非角翁至死不裹頭

五

六

師得天文章所以相知懷數年伊雒同一旦江湖乖
江湖有故莊小女啼啾啾我憂未相識乳養難和諧

唐詩類苑

卷之三百八

主

七

伊洛氣味薄江湖文章多坐緣江湖岸意識鮮明波
銅斗短袈行新章其柰何茲焉激切句非是等閑歌
製之附驛迴勿使餘風訛都城第一寺昭成屹嵯峨
爲師書廣壁仰詠時經過徘徊相思心老淚雙滂沱

八

江南寺中邑平地生勝山開元吳語僧律韻高且閑
妙樂溪岸平桂傍復往還樹石相闔生紅綠各異顏
風味我遙憶新奇師獨攀

九

報恩兼報德寺與山爭鮮橙橘金盞檻竹蕉綠凝禪
經章音韻細風磬清冷翻離腸繞師足舊憶隨路延
不知幾千尺至死方綿綿

十

鄉在越鏡中分明見歸心鏡芳步步綠鏡水日日深
異利碧天上古香清桂岑朗約徒在昔章句忽盈今
幸因西飛葉書作東風吟落我病枕上慰此浮恨侵

十一

牽師袈裟別師斷袈裟歸問師何苦去感吃言語稀
唐詩類苑 卷之三百八 三
意恐被詩餓欲住將底依盧殷劉言史餓死君已噫
不忍見別君哭君他是非

十二

詩人苦爲詩不如脫空飛一生空嚙氣非諫復非譏
脫枯掛寒枝棄如一唾微一步一步乞半片半片衣
倚詩爲活計從古多無肥詩飢老不怨勞師淚霏霏

送無本師歸范陽

韓愈

無本於爲文身大不及膽吾嘗示之難勇往無不敢
蛟龍弄角牙造次欲手攬衆鬼囚大幽下覩襲玄窟
天陽熙四海注視首不領鯨鵬相摩宰兩舉快一噉

送文暢師北遊

韓愈

夫豈能必然固已謝黜黜狂詞肆滂葩低昂見舒慘
姦窮怪變得往往造平澹蜂蟬碎錦纈綠池披蒨蒨
芝英擢荒蕪孤翮起連莢家住幽都遠未識氣先感
來尋吾何能無殊嗜昌歆始見洛陽春桃枝綴紅糝
遂來長安里時卦轉習坎老懶無關心久不事鉛槧
欲以金帛酬舉室常顧領念當委我去霜雪刻以惜
俾颺攪空衢天地與頓撼勉率吐歌詩慰女別後覽
昔在四門館晨有僧來謁自言本吳人少小學城闕
已窮佛根源粗識事觀軌轡拘屈吾真戒轄思遠發
薦紳秉筆徒聲譽耀前閱從求送行詩屢造忍顛蹶
今成十餘卷浩汗羅斧鉞先生閱窮巷未得窺剞劂
又聞識大道何路補剝削出其囊中文滿聽實清越
謂僧當少安草序頗排訐上論古之初所以施賞罰
下開迷惑胸豁豁斲株糜僧時不聽瑩若飲水救暍
風塵一出門時日多如髮三年窺荒嶺守縣坐深樾
徵租聚異物詭製恒巾轆幽窮共誰語思想甚含噉
昨來得京官照壁喜見蝎况逢舊親識無不比羈壓
長安多門戶弔慶少休歇而能動來過重惠安可揭
當今聖政初恩澤完瓶切 狝切 狝切 胡爲不日暇飄

疾逐鷗鷺僕射領北門威德歷胡羯相公鎮幽都竹
帛爛勲伐酒場舞閨妹獵騎圍邊月開張篋中寶自
可得津筏從茲富裘馬寧復茹藜藿余期報恩後謝
病老耕垆底身指蓬茅逞志縱獫狁僧還相訪來山
藥煮可掘

送集文上人遊方

賈島

來從道陵井雙木溪邊會分首芳草時遠意青天外
此遊詣幾嶽嵩華衡恒泰

訪雲母山僧

釋護國

森然古崖壁淨行一高僧松下濾寒水佛前挑夜燈

唐詩類苑

卷之三百八

主五

蓮花國土異貝葉梵書能想對空王所無心戀愛生

送冽寺主之京迎禪和尚

釋靈一

禪門居此地瞻望在虛空水國月未上蒼生如夢中
上人知機士瓶錫慰樊籠彼土諸梵衆嗟君揚道風

送暕上人遊春

李端

獨將支遁去欲往戴顓家晴野人臨水春山樹發花

送越僧元瑞

項斯

靜中無伴侶今亦獨隨緣昨夜離禪室焚香淨去船

送方外上人

劉長卿

孤雲將野鶴豈向人間住莫買沃州山時人已知處

送靈澈上人

劉長卿

蒼蒼竹林寺杳杳鐘聲晚荷笠帶夕陽青山獨歸遠

送靈一上人

陳羽

十年勞遠別一笑喜相逢又上青山去青山千里重

唐詩類苑

卷之三百八

主六

唐詩類苑卷第一百四十九

明雲間張之象玄超甫纂輯

雲間張所望叔翹甫編次

雲間王徹叔朗甫補訂

梁谿曹仁孫伯安甫校正

釋部

僧

送沙門弘景道俊玄奘還荊州應制

宋之問

三乘歸淨域萬騎餞通莊就日離亭近彌天別路長

唐詩類苑

卷之百四十九

一

荆南旋杖鉢河北限津梁何日紆真果還來入帝鄉

送沙門弘景道俊玄奘還荊州應制

李义

初日承歸旨秋風起贈言漢珠留道味江璧返真源

地出南關遠天迴北斗尊寧知一柱觀却啓四禪門

送青龍一公

張謂

事佛輕金印勤王度玉關不知從樹下還肯到人間

楚水青蓮淨吳門白日閑聖朝勤化理絕莫愛東山

同王右丞送瑗公南歸

崔興宗

行苦神亦秀冷然溪上松銅瓶與竹杖來自祝融峰

常願入靈嶽藏經訪遺蹤南歸見長老且爲說心旨

同崔興宗送衡嶽瑗公南歸

并序

王維

衡嶽瑗上人者常學道於五峰陰松樓雲與狼虎

雜處得無所得矣天寶癸巳歲始遊於長安手提

瓶笠至自萬里燕居吐論縉屬高之初給事中房

公謫居宜春與上人風土相接因爲道友伏臘往

來房公旣海內盛名上人亦以此增價秋九月杖

錫南返扣門來別秦地草木槭然已黃蒼梧白雲

不日而見演陽有曹溪學者爲我謝之

唐詩類苑

卷之百五十

二

言從石菌閣新下穆陵關獨向池陽去白雲留故山

綻衣秋日裏洗鉢古松間一施傳心法唯將戒定還

送通禪師還南陵隱靜寺

李白

我聞隱靜寺山水多奇蹤巖種朗公橋門深杯渡松

道人制猛虎振錫還孤峰他日南陵下相期谷口逢

送普門上人

皇甫冉

花宮難久別道者憶千燈殘雪入林路深山歸寺僧

日光依嫩草泉響滴春水何用求方便看心是一乘

送志彌師往淮南

皇甫冉

已能持律藏復去禮禪亭長老偏摩頂時流尚誦經

獨行寒野曠旅宿遠山青眷屬空相望鴻飛已杳冥

送延陵陳法師赴上元 皇甫冉

延陵初罷講建鄴去隨緣翻譯推多學壇場最少年
浣衣逢野水乞食向人煙遍禮南朝寺焚香古像前

送安律師 皇甫冉

出家童子歲愛此雪山人長路經千里孤雲伴一身
水中應見月草上豈傷春永日空林下心將何物親

送著公歸越 皇甫曾

誰能愁此別到越會相逢長憶雲門寺門前千萬峰
石牀埋積雪山路倒枯松莫學白道士無人知去蹤

唐詩類苑 卷之二四元

三

送少微上人東南遊 皇甫曾

石梁人不到獨行更迢迢乞食山家少尋鐘野寺遙
松門風自掃瀑布雪難消秋夜聞清梵餘音逐海潮

送原公南遊 錢起

有意兼程去飄然兩翼輕故鄉多久別春草不傷情
洗鉢泉初煖焚香曉更清自言難解縛何日伴師行

送贊法師往上都 錢起

遠近化人天王城指日邊學官迎說法童子伴隨緣
到處花爲雨行時杖出泉今宵松月下門閉想安禪

送僧歸日本 錢起

上國隨緣至來途若夢行浮天滄海遠去世法船輕
水月通禪觀魚龍聽梵聲惟憐一燈影萬里眼中明

送少微師西行 錢起

隨緣忽西去何日返東林世路寧嗟別空門久息心
人煙一飯少山雪獨行深天外猿啼處誰聞清梵音

重送宣峰寺山房寄靈一上人

劉長卿

西陵潮信滿島嶼入中流越客依風水相思南渡頭
寒光生極浦暮雪映滄洲何事揚帆去空驚海上鷗

雲門寺訪靈一上人 劉長卿

唐詩類苑 卷之二四元

四

所思勞日夕惆悵去西東禪客知何在春山到處同
獨行殘雪裏相見白雲中請近東林寺窮年事遠公

送方外上人之常州依蕭使君

劉長卿

宰臣思得度鷗鳥戀爲群遠客迴飛錫空山卧白雲
夕陽孤艇去秋水兩溪分歸共臨川史同翻貝葉文

送勤照和尚往睢陽赴太守請

劉長卿

燃燈傳七祖杖錫爲諸侯來去雲無意東西水自流
青山春滿目白日夜隨舟知到梁園下蒼生賴此遊

送道標上人歸南岳

劉長卿

悠然倚孤棹却憶卧中林江草將歸遠湘山獨往深
白雲留不住淥水去無心衡岳千峰亂禪房何處尋

送太昱禪師

許渾

禪林深竹裏心與徑山期結社多高客登壇盡小師
早秋歸寺遠新雨上灘遲別後江雲碧南齋一首詩

送鄭寂上人南行

許渾

儒家有釋子年少學支公心出是非外跡辭榮祿中
錫寒素領月杯急楚江風離怨故園思小秋梨葉紅

送惟素上人歸新安

許渾

山空葉復落一逕下新安風急渡谿晚雲晴歸寺寒
尋雲策藤杖向日倚蒲團寧憶西游客勞勞歌路難

送僧雅覺歸東海

張喬

山川心地內一念即千重老別關中寺秋歸海外峰
鳥行來有路帆影去無蹤幾夜波濤息先聞本國鐘

送太易上人赴東洛

司空曙

遙見登山處青蕪雪後春雲深嶽廟火寺宿洛陽人
餌藥時齋折唯詩與道親凡經幾回別塵尾不離身

送僧無言歸山

司空曙

袈裟出塵外山徑幾盤緣人到白雲樹鶴沈青草田

龍泉朝請監松嶺夜和禪自昔聞多學道遙註一篇

送弘志上人歸湖州

李嘉祐

山林唯幽靜行住不妨禪高月穿松逕殘陽過水田
詩從宿世悟法爲本師傳能使南人敬修持香火緣

送桃巖成上人歸本寺

嚴維

長老歸緣起桃花憶舊巖清晨雲抱石深夜月籠杉
道具門人捧齋糧谷鳥御餘生願依止文字欲三緘

送少微上人東南遊

嚴維

舊遊多不見師在翟公門瘴海空山熱雷州白日昏
片心應爲法萬里獨無言人盡酬恩去平生未感恩

送僧遊五臺兼謁李司空

張籍

遠去見雙節因行上五臺化樓侵曉出雲路向春開
邊寺連峰去胡兒聽法來定知巡禮後解夏始應迴

送僧歸北巖寺

黃滔

北巖泉石清本自高僧住新松五十年藤蘿成古樹
題詩昔佳士高表丈從叔有名於當時兼四門辟博士俱曾題詩清風二林喻

上智失扣關多被浮名誤蓮局歷月澗空美黃金布
江翻島嶼沈木落樓臺露伊余東還際每起煙霞興

旋爲僉府招未得窮野步西軒白雲閣師辭洞庭寓

越城今送歸心到焚香處

送開師歸江南

張籍

偏住江南寺隨緣到上京多生脩律業外學得詩名
講殿偏迫入齋家別請行青楓鄉路遠幾日盡歸程

送閩僧

張籍

幾夏京城住今朝獨遠歸脩行四分律護淨七條衣
谿寺黃橙熟沙田紫芋肥九龍潭上路同去客應稀

送少微上人遊蜀

盧綸

瓶鉢繞禪衣連宵宿翠微樹開巴水遠山曉蜀星稀
識遍中朝貴多請外學非何當一傳付道侶願知歸

送惟良上人歸江南

盧綸

唐詩類苑

卷之百四十九

七

落日映危檣歸僧問岳陽注瓶寒浪靜讀律夜船香
苦霧沈山影陰霾發海光群生一何負扶病別賢王

送貞空二上人

賈島

林下中餐後天涯欲去時衡陽過有伴夢澤出應遲
石磬疎寒韻銅瓶結夜澌殷勤訝此別且未定歸期

送僧歸太白山

賈島

堅冰連夏處太白接青天雲塞石房路峰明雨外巔
夜禪臨虎穴寒漱撒龍泉後會不期日相逢應信緣

送僧

賈島

纔年七歲便從師猶說辭家學佛遲新斲松蘿還下

住愛尋雲水擬何之孤溪雪滿維舟夜疊嶂猿啼過
寺時鳥道龍湫悉行後豈將翻譯負心期

送僧

賈島

大內曾持論天南化俗行舊房山雪在春草岳陽生
曉了蓮經義堪任寶蓋迎王侯皆護法何寺講鐘鳴

送僧歸天台

賈島

辭秦經越過歸寺海西峰石磴雙流水山門九里松
曾聞清禁漏却聽赤城鐘妙宇研磨講應齊智者蹤

送惠雅法師歸玉泉

賈島

抵到瀟湘水洞庭湖未遊飲泉看月別下峽聽猿浮

唐詩類苑

卷之百四十九

八

講不停雷雨吟當近海流降霜歸楚夕星冷玉泉秋

送譚遠上人

賈島

下視白雲時山房蓋樹皮垂枝松落子側頂鶴聽茶
清淨從沙劫中終未日歌金光明本行同侍出峨嵋

送無可上人

賈島

圭峰霽色新送此草堂人塵尾同離寺蛩鳴暫別親
獨行潭底影數息樹邊身終有爐霞約天台作近鄰

送天台僧

賈島

遠夢歸華頂扁舟背岳陽寒蔬修淨食夜浪動禪牀
鴈過孤峰曉猿啼一樹霜身心無別念餘習在詩章

送慈恩寺霄韻法師謁太原李司空

賈島

何故謁司空雲山知幾重
磧還來鴈盡雪急去僧逢
清磬先寒角禪燈徹曉
烽舊房閑片石倚著最高松

送知興上人

賈島

久住巴與寺如今始拂衣
欲臨秋水別不向故園歸
錫挂天涯樹房開嶽頂扉
下看萬里曉霜海日生微

送賀蘭上人

賈島

野僧來別我畧坐傍泉沙
遠道擎空鉢深山踏落花
無師禪自解有格句堪誇
此去非緣事孤雲不定家

唐詩類苑

卷之四百九

九

送僧

賈島

此生披衲過在此得身閑
日午遊都市天寒往華山
言歸文字外意出有無間
仙掌雲邊樹巢禽時出關

送玄巖上人歸西蜀

賈島

玉壘山中寺幽深勝槩多
藥成彭祖搗頂受七輪摩
去臘催今夏流光等逝波
會當依菴掃五岳徧頭陀

送空公往金州

賈島

七百里山水手中柳栗麓
松生師坐石潭滌祖傳孟
長擬老岳嶠又聞思海潮
惠能同俗姓不是嶺南盧

送宣皎上人遊太白

賈島

荆髮髯無雪去年三十三
山過春草寺磬度落花潭
得句才鄰約論宗意在南
峰靈疑懶下蒼翠太虛忝

送僧遊衡嶽

賈島

心知衡嶽路不怕去人稀
船裏猶鳴磬溪頭自曝衣
有家從小別無寺不言歸
料得逢寒往當禪雪滿扉

送丹師歸閩中

賈島

波濤路杳然衰柳洛陽蟬
行李經雷電禪前漱島泉
歸林久別寺過越未離船
自說從今去身應老海邊

送安南惟鑒法師

賈島

講經春殿裏花遶御牀飛
南海幾迴過舊山臨老歸
潮搖蠶草落月濕島松微
空水既如彼往來消息稀

送馭法師

賈島

度歲不相見嚴冬知出關
孤煙寒色樹高雪夕陽山
瀑布寺應到牡丹房甚閑
南朝遺跡在此去幾時還

送厲宗上人

賈島

擁策背岷峨終南雨雪和
漱泉秋鶴至禪樹夜猿過
高頂白雲盡前山黃葉多
曾吟廬嶽上月動九江波

送去華法師

賈島

在越居何寺東南水路歸
秋江洗一鉢寒日曬三衣
默聽鴻聲盡行看葉影飛
囊中無寶貨船戶夜扃稀

送覺興上人歸中條山兼謁河中李司空

賈島

又憶西巖寺秦原草白時山尋樵徑上人到雪房遲
暮磬潭泉凍荒林野燒移聞師新譯偈說擬對旌麾

送神邈法師

賈島

柳絮落濛濛西州道路中相逢春忽盡獨去講初終
行疾遙山雨眠遲後夜風遶房三兩樹迴去葉應紅

送金州鑒周上人

賈島

池必尋天目溪仍住若耶帆隨風便發月不要雲遮
極浦浮霜鴈迴潮落海查峨嵋省春上立雪指流沙

唐詩類苑

卷之二百四十九

十一

送僧

賈島

出家從壯歲解論造玄門不惜揮談柄誰能聽至言
中時山果熟後夏竹陰繁此去逢何日峨嵋曉復昏

送鴻舉師赴江南

劉禹錫

學盡長廊遍尋僧一徑幽小池兼鶴淨古木帶蟬秋
客至茶烟起禽歸講席收浮杯明日去相望水悠悠

送映師歸本寺

權德輿

還歸柳寺去遠遠出人群苔蘚桐花落山牕桂樹薰
引泉通絕澗放鶴入孤雲幸許宗雷到清談不易聞

送文暢上人東遊

權德輿

桑門許辨才外學接宗雷護法麻衣淨翻經貝葉開

塵喧知不染妄想自堪哀載結西方社師遊早晚迴

送元上人歸稽亭

劉禹錫

重疊稽亭路山僧歸獨行遠峰斜日影本寺舊鐘聲
徒侶問新事烟雲愴別情應誇乞食處踏遍鳳凰城

送惟良上人

劉禹錫

窮巷唯秋草高僧獨扣門相歡如舊識問法到無言
水爲風生浪珠非塵可昏悟來皆是道此別不銷魂

送深法師遊南岳

上人本資聖寺

劉禹錫

師在白雲鄉名登善法堂十方傳句偈八部會壇場

唐詩類苑

卷之二百四十九

十一

飛錫無定所寶書留舊房唯應街果鴈相送至衡陽

送顯法師往太原講經兼呈李司徒

僧無可

近臘辭精舍并州謁尚公路長山忽盡塞廣雪無窮

講席開晴壘禪衣涉遠風聞經諸弟子應滿此門中

送象上人還山中

鄭巢

竹錫與袈裟靈山笑暗霞泉痕生淨蘚燒力落寒花
高戶閑聽雪空憲靜禱茶終期宿華頂須會說三巴

送僧歸富春

鄭巢

憶過僧禪處遙山抱竹門古房開鮮色秋迺掃潮痕

石靜聞泉落沙寒見鶴翻終當從此望更與道人言

送宗密上人

馬戴

門前九陌塵石上定中身近放遼天鶴曾爲南嶽人
臘高松葉換雪盡茗芽新一自傳香後名山願卜鄰

送僧歸天竺

崔塗

忽憶曾棲處千峰近沃州別來秦樹老歸去海門秋
汲帶寒汀月禪鄰賈客舟遙知清興愜不厭石林幽

送雲卿上人遊安南

李洞

春往海南邊秋聞半夜蟬鯨吞洗鉢水犀觸點燈船
島嶼分諸國星河共一天長安却回日松偃舊房前

唐詩類苑

卷之二十四

十三

送遠上人

李洞

海岳兩無邊去來都偶然齒因吟後冷心向靜中圓
蟲網花間井鴻鳴雨後天葉書歸舊寺應附載鐘船

送秘上人游京

僧皎然

共君方異路山伴與誰同日冷行人少時清古鎮空
暖餅和雪水鳴錫帶江風撩亂終南色遙應入夢中

送省空上人歸南嶽

鄭巢

又歸衡嶽寺舊院樹冥冥坐石縫寒衲尋龕補壞經
嶠雲籠曙色潭草落秋萍誰伴高牕宿禪衣挂桂馨

送誘上人

鄭巢

古殿焚香外清羸坐石稜茶煙開瓦雪鶴跡上潭水
孤磬侵雲動靈山隔水登白雲歸意遠舊寺在廬陵

送贊上人還京

僧皎然

久遊春草盡還寄北船歸沙鳥窺中食江雲入淨衣
秦原山色近楚寺磬聲微見說翻經館多聞似爾稀

送品上人入秦

朱慶餘

獨去何人見林塘共寂寥生緣聞磬早覺路出塵遙
江雪沾新草秦園發故條心知禪定處石室對芭蕉

送僧往太原謁李司空

朱慶餘

已共鄰房別應無更住心中時過野店後夜宿寒林
唐詩類苑

卷之二十四

十四

寺去人煙遠城連塞雪深禪餘得新句堪對上公吟

送僧法和

戎昱

達士心無滯他心總是家問經翻貝葉論法指蓮花
欲契真空義先開智慧芽不知飛錫後何處是恒沙

送文暢上人東游

呂溫

隨緣聊振錫高步出東城水止無恒地雲行不計程
到時爲彼岸過處卽前生今日臨期別吾徒自有情

送幼法師

周賀

北京一別後吳楚幾聽砧住久白髮出講長枯葉深
自連鄰舍像磬徹遠巢禽寂默應關道何人見此心

送僧歸江東

崔塗

坐徹秦城夏行登越客船去留那有着語默不離
葉擁臨關路霞明近海天更尋同社侶應得虎溪邊

送僧還南嶽

周賀

辭僧下水棚因夢嶽鐘聲遠路獨歸寺幾時重到城
風高寒葉落雨絕夜堂清自說溪居後隣州亦不行

送分定歸靈夏

周賀

南遊多夏疾見說講經稀塞寺幾僧在關城空自歸
帶河衰草斷映日早沙飛却到禪齋後邊軍識衲衣

送虛上人遊天台

朱慶餘

唐詩類苑 卷之百四十九

十五

青冥通去路誰見獨隨緣此地春前別何山夜後禪
石橋隱深樹朱闕見晴天好是修行處師當住幾年

送無相禪師入關

章孝標

九衢車馬塵不染了空人暫捨中峰雪應看內殿春
齋心無外事定力見前身聖主方崇教深宜謁紫宸

送僧遊緬雲

朱慶餘

但望青山去何山不是緣寺幽堪講律月冷稱當禪
水落無風夜猿吟欲雨天尋師若有路終作緩歸年

送僧往台嶽

朱慶餘

五域初罷講海上憶閑行觸雪麻衣靜登山竹錫輕

天寒嶽寺出日晚島泉清坐與幽期遇何人識此情

送禪僧

周賀

寒天仍遠去離寺雪霏霏古跡曾重到生涯不暫歸
坐禪幽店眠補衲夜燈微巡禮何時住相逢的是稀

送中觀進公歸巴陵

僧貫休

一論破雙空持行大衆中不知從此去何處挫邪宗
晝雨懸帆黑殘陽泊島紅應遊到滬岸相憶繞茶叢

送僧歸江南

周賀

洗足北林去遠途今已分麻衣行嶽色竹杖帶湘雲
饑鼠緣危壁寒狸出壞墻前峰一聲磬此夕不同聞

唐詩類苑 卷之百四十九

十六

送惠雅上人西遊

朱慶餘

五湖僧獨往此去與誰期興遠常憐鶴禪餘肯廢詩
望雲回寺晚爲講到城遲還想安居日應當後夏時

送僧

朱慶餘

客行皆有爲師去是閑遊野望攜金策禪栖寄石樓
山深松翠冷潭靜菊花秋幾處題青壁袈裟潑瀑流

送僧遊溫州

朱慶餘

夏滿隨所適江湖非繫緣卷經離嶠寺隔葦上秋船
水落無風夜猿啼欲雨天石門獨往謝守有遺篇

送常清上人歸舒州

僧皎然

潛人思爾法楚信有回船估客親宵話閑鷗伴畫
經聲含石浪塵尾拂江煙常說歸山意誅茅虛露前

冬晚姚諫議宅會送元緒上人歸南山

僧無可

禪客詩家見疑寒忽告還分題迴諫筆留偈在商關
盤徑緣高雪開房在半山自知麋鹿性亦欲離人間

送契公自桂陽赴南海 僧無可

南行登嶺首與俗洗煩埃磬罷孤舟發禪移積瘴開
中餐湘鳥下朝講海人來莫便將經卷炎方去不迴

送惟良上人歸潤州 李 端

唐詩類苑 卷之百四十九 七

擬詩偏不類又送上人歸寄世同高鶴尋仙稱壞衣
雨行江草短露坐海帆稀正被空門縛臨歧乞解圍

送少微上人遊蜀 李 端

削髮本求道何方不是歸松風開法席帶月濯禪衣
飛閣蟬鳴早漫天客去稀戴顓常執筆不覺此身非

送僧歸中條 僧無可

夜葉動飄飄寒來話數宵卷經歸鳥外轉雪過山椒
舊長松杉火難行水石遙元戎宗內學應就白雲招

送行脚僧 李 洞

瓶枕遶腰遙出山門何所之毳衣霑雨重樓笠看山欹

夜觀人枯樹野眼逢斷碑鄰房毋淚下相課別離詞

送省已上人歸太原 周 賀

惜別聽邊漏窓燈落燼重寒僧迴絕塞夕雪下窮冬
出定聞殘角休兵見壞烽何年更來此老却倚塔松

送僧歸天台 僧貫休

天台四絕寺歸去見師真莫折枸杞葉令牠拾得噴
天空聞聖磬瀑細落花巾必若雲中老他時德有鄰

送僧 項 斯

靈山巡未遍不作住持心逢寺暫投宿是山皆獨尋
有時過靜界在處想空林從小即行脚出家來至今

唐詩類苑 卷之百四十九 十八

送僧南歸 戴叔倫

兵塵猶瀕洞僧舍亦徵求師向江南去予方數下留
風霜兩足白宇宙一身浮歸及梅花發題詩寄隴頭

送清江上人 僧法照

越人僧體古清慮洗塵勞一國詩名遠多生律行高
見山援葛藟避世著衣袍早晚雲門去偃應逐爾曹

送道上人遊方 方 干

律儀通外學詩思入玄關煙景隨人別風姿與物閒
寶花留靜室呪水度空山誰識浮雲意悠悠天地間

送範律師往果州 釋靈一

於南千古後獨爾繼鄉名離障非今日修因是幾生
亂峰寒影暮深澗野流清遠客歸心苦難爲此別情

送王禪師

僧善生

飄然無定跡迥與律乘違入郭隨緣住思山破夏歸
孟擎數家飯袖乞幾人衣洞了曹溪旨寧輸俗者機

送鏡空上人遊江南

方干

去住如雲鶴飄然不可留何山逢後夏一食在孤舟
細雨蓮塘晚踈蟬橋岸秋應懷舊溪月夜過石窓流

送贊律師嵩山

釋清江

禪客歸人意山深定易安清貧修道苦孝友別家難

唐詩類苑

卷之二十四

元

雪路尋溪轉花宮映岳看到時松塔暮松月向人寒

送惟詳律師自越之義興

崔子向

陽羨諸峰頂何曾異剡山雨晴人到寺木落夜開關
縫袖紗燈晃看心錫杖閑西方知有社未得與師還

送晏上人

僧清塞

絕頂無禪侶長懷落髮師齋歸門掩雪講徹樹生枝
沙井泉澄疾秋鐘韻盡遲將行誰請住又爽禁城期

送玄泰禪師

僧脩睦

去去去何住一盂兼一瓶水邊寒草白鳥外晚峰青
宿處林間虎行時天有星回期誰可定浮世重看經

送僧遊西域

僧處默

一盂兼一錫祇此度流沙野性難爲客禪心卽是家
寺投雲嶠雪路入曉天霞自說遊諸國回應歲月賒

送僧

僧可止

四海無拘繫行心興自濃百年三事衲萬里一枝筇
夜減當晴影春消過雪蹤白雲深處去知宿在何峰

送文暢上人東遊

白居易

得道卽無著隨緣西復東貌依年臘老心到夜禪空
山宿馴溪虎江行瀟水蟲悠悠塵客思春滿碧雲中

送王法師之西川

僧靈一

唐詩類苑

卷之百四十九

二十

旅遊無遠近要自別冤銷官柳鄉愁亂春山客路遙
伴行芳草遠緣興野花飄計日功成後還將輔聖朝

唐詩類苑卷第一百五十

明雲間張之象玄超甫纂輯

雲間張所望叔翹甫編次

雲間王徹叔朗甫補訂

梁谿曹仁孫伯安甫校正

釋部

僧

送僧

張謂

童子學脩道誦經求出家手持貝多葉心念優曇花
得度北州近隨緣東路賒一身求清淨百衲袈裟

唐詩類苑卷之二百五十

鐘嶺能飛錫爐峰期結跡深心大海水廣願恒河沙
此去不堪別彼行安可涯殷勤結香火來世上牛車

送新羅法師還國

孫逖

異域今無外高僧代所稀苦心歸寂寞宴坐得精微
持鉢何年至傳燈是日歸上卿揮別藻中禁下禪示
海闍杯還度雲遙錫更飛此行迷處所何以慰虔祈

送外甥懷素上人歸鄉侍奉

錢起

釋子吾家寶神清慧有餘能翻梵王字妙盡伯英書
遠鶴無前侶孤雲寄太虛往來輕世界醉裏得真如

飛錫離鄉久寧親喜臘初故池殘雪滿寒柳霽煙曉
壽酒還管樂晨餐不薦魚遙知禪誦外健筆賦閑居
送如智法師遊辰州兼寄許評事

劉禹錫

近郭看殊境獨遊常鮮懽逢君駐縑錫觀白稱林巒
湖滿景方霽野香春未闌愛泉移席近聞石敲碁看
風止松猶韻花繁路未乾晚橋形出樹巖影落池寒
別路千嶂外詩情暮雲端他年買山處似此願隳官
送慧則法師之上都因呈廣宣上人

劉禹錫

唐詩類苑卷之二百五十

禪客學禪兼學文出山初似無心雲從風卷舒來何
處繚繞巴山不得去山川古寺好閑居讀盡龍王宮
懷書使君灘頭揀石硯白帝城邊尋野蔬忽然登高
心暫起又欲浮杯信流水煙波浩淼魚鳥情東去山
千三百里荆門峽斷無盤渦湘平漢闊清光多廬山
霧開見瀑布江西月淨聞漁歌鐘陵八郡多名守半
是西方社中友與師相見便談空想得高齋獅子吼
送僧仲剛東遊兼寄呈靈澈上人

劉禹錫

釋子道成神氣閑住持曾上清涼山晴空禮拜見真

像金毛五髻卿雲間西遊長樂隸僧籍本寺門前曲
江碧松間白日照寶書竹下香泉灑瑤席前時學得
經論成奔馳象馬開禪局高筵談柄一麾拂講下聽
徒如醉醒舊聞南方多長老次第來入荆門道荊州
本自重彌天南朝塔廟猶依然宴坐東陽枯樹下經
行居止故臺邊忽憶遺民社中客爲我衡陽駐飛錫
講罷同尋相鶴經閑來共樂登山屐一旦揚眉望沃
州自言王謝許同遊憑將雜擬三十首寄與江南湯
惠休

送僧澄觀

并序

韓愈

唐詩續卷

卷之二百五

三

泗州普光王寺僧伽者龍朔中西來嘗縱觀臨淮
發念置寺既成中宗賜名普光王以景龍四年二
月二日示滅於京

浮屠西來何施爲擾擾四海爭奔馳構樓架閣切星
漢誇雄關麗止者誰僧伽後出淮泗上勢到衆佛尤
恢一作奇一作越商胡賈脫身罪一作圭壁滿船寧計資
清淮無波平如席欄柱傾扶半天赤火燒水轉掃地
空突兀便高三百尺影沈潭底龍驚遁當窗無雲跨
虛碧借問經營本何人道人澄觀名籍籍愈昔從軍
大梁下往來滿屋一作賢豪者皆言澄觀雖僧徒公

才更用當今無後從徐州辟書至紛紛過客何由記
人言澄觀乃詩人一座競吟詩句新向風長歎不可
見我欲收歛加冠巾洛陽窮秋厭窮獨丁丁啄門疑
啄木有僧來訪呼使前伏犀挿腦高頰權一作惜哉
已老無所及坐睨神骨空潛然臨淮太守初到郡遠
遭州民送音問好奇賞俊直一作難逢去去爲致思
從容

重送道標上人

劉長卿

衡陽千里去人稀遙逐孤雲入翠微春草青青新覆
地深山無路若爲歸

唐詩續卷

卷之二百五

四

送霄韻上人遊天台

劉禹錫

曲江僧向松江見又道天台看石橋鶴戀故巢雲戀
岫比君猶自不逍遙

送僧清演歸山

李洞

毛褐斜肩背負經曉思吟入竇山青峰前野水橫官
道踏着秋天三四星

送三藏歸西天國

李洞

十萬里程多少磧沙中彈舌授降龍五天到日應頭
白月落長安半夜鐘

秋日送僧志幽歸山寺

馬戴

禪室繩牀在翠微松間荷笠一僧歸磬聲寂歷宜秋
夜手冷燈前自衲衣

送僧二首

馬戴

親在平陽憶父歸洪河雨漲出關遲獨過舊寺人稀
識一一杉松老別時
龕中破衲自持行樹下禪牀坐一生來往白雲知歲
久滿山猿鳥曾經聲

送僧之京師

僧皎然

綿綿渺渺楚雲繁萬里西歸望國門禪子初心易悽
斷秋風莫上少陵原

唐詩類苑

卷之百五十

五

送僧入蜀過夏

曹松

師言結夏入巴峰雲水迴頭幾萬重五月峨眉須近
火木皮願重只如冬

送曇延法師講罷赴上都

盧綸

金縷袈裟國大師能銷壞宅火燒時復來擁膝說無
住知向人天何處期

送睦師

張籍

九星臺下煎茶別五老峰頭覓寺居作得新書旋相
寄人來請莫達空書

送僧往金州

張籍

聞道谿陰山水好師行一一徧經過事須覓取堪
處若箇谿頭藥最多

送靈應上人

賈島

遍參尊宿遊方久名嶽奇峰問此公五月半間看瀑
布青城山裏白雲中

送于總持歸京

賈島

出家初隸何方寺上國西明御水東却見舊房堦下
樹別來二十一春風

送稱上人

賈島

歸蜀擬從巫峽過何時得入舊房禪寺中來後誰身
唐詩類苑

卷之百五十

木

化起塔栽松向野田

送僧

賈島

池上時時松雪落焚香煙起見孤燈靜夜憶誰來對
坐油江南岸寺中僧

送宗實上人遊江南

白居易

忽辭洛下綠何事擬向江南住幾時每過渡頭傷問
法無妨菩薩是船師

送律師歸婺州

張籍

京中開講已多時曾作壇頭證戒師歸到雙溪橋北
寺鄉僧爭就學威儀

送臻師二首

李商隱

昔去靈山非拂席今來滄海欲求珠
楞伽頂上清地善眼仙人憶我無

苦海迷途去未因東方過此幾微塵
何當百億蓮花上一蓮花見佛身

送清上人往湖南

劉商

閑出東林日影斜稻苗深淺映袈裟
船頭南湖風浪靜可憐秋水照蓮花

江南送左師

杜牧

江南爲客正悲秋更送吾師古渡頭
惆悵不同塵土別水雲蹤跡去悠悠

送僧南遊

方干

三秋萬里五溪行風裏孤雲不計程
若念猩猩解言語放生先合放猩猩

聞圓載上人挾儒家書洎釋典以行更作一

絕以送

陸龜蒙

九流三藏一時傾萬軸光凌渤海聲
從此舊編東去後却應荒外有諸生

和歸工部送僧約

韓愈

早知皆是自拘囚不學因循到白頭
汝既出家還授

擾何人更得死前休

送婆羅門僧

釋清江

雲嶺金河獨向東吳山楚澤意無窮
如今白首鄉心盡萬里歸程在夢中

送靈澈上人還越中

劉長卿

禪客無心杖錫還沃洲深處草堂閑
身隨敝屣經殘雪手綻寒衣入舊山
獨向青溪依樹下空留白日在入間
那堪別後長相憶雲木蒼蒼但閉關

送惠法師遊天台因懷知大師故居

劉長卿

唐詩類苑卷之二百五十一

八

翠屏瀑水知何在鳥道猿啼過幾重
落日獨搖金策去深山誰向石橋逢
定攀巖下叢生桂欲買雲中若箇降
憶想東林禪誦處寂寥惟聽舊時鐘

送樂上人兼寄梁鎮員外

郎士元

羣芳還鄉獨未能林行溪宿厭層冰
尺素欲傳三署客雪山愁送五天僧
連空朔氣橫秦苑滿目寒雲隔滿陵
借問從來香積寺何時攜手更同登

和友人送僧歸桂州

許渾

楚客送僧歸桂陽海門帆勢極瀟湘
碧雲千里暮愁合白雲一聲春思長
柳絮攏堤添衲軟松花浮水注

瓶香南京長老幾年別聞道半巖多影堂

送泰禪師歸南嶽

僧貫休

石龕閑鎖白猿邊歸去途程半在船林猿曉曉離水
寺路穿新燒入山泉已尋嵐壁臨空盡却看星辰向
地懸有興寄題紅葉上不妨收拾別爲編

送皎然上人歸山

李端

適來世上豈緣名適去人間豈爲情古寺山中幾日
到高松月下一僧行雲陰鳥道苔方合雪映龍潭水
更清法主欲歸須有說門人流淚厭浮生

送元叙上人歸上黨

劉滄

唐詩類苑

卷之百五十

九

太行關路戰塵收白日思鄉別沃州薄暮焚香臨野
燒清晨漱齒涉寒流谿邊殘壘空雲木山上孤城對
驛樓此去寂寥尋舊跡蒼苔滿徑竹齋秋

送文英大師

劉兼

屈指平陽別社蓮瞻光一百度曾圓孤雲自在知何
處薄宦參差亦信緣山郡披風方穆若花時分袂更
凄然搖鞭相送嘉陵岸回首群峯隔翠煙

送僧元嵩東遊

劉禹錫

子策名二十年百慮而無一得然後知世所謂道
無非畏途唯出世間法可盡心耳錄是在席硯者

多旁行四句之書備將迎者皆赤髭白足之侶采

入智地靜通還源客塵觀盡妙氣來宅內視胷中

猶煎鍊然開士元嵩姓陶氏本丹陽名家世有人

爵不籍其資於毗尼禪那極細密之義於中後日

習總持之門妙音奮迅願力昭答雅聞予事佛而

佞亟來相從或問師隱形之自對曰小失怙恃堆

棘心以求上乘積四十年有羸老將至而不懈始

悲淩泉之有冽今痛防墓之未還塗薊莫備薪火

忍滅諸相皆離此心長懸雖萬性歸佛盡爲釋種

如河入海無復水名然具一切智者豈惟遺百行

唐詩類苑

卷之百五十

十

求無量義者寧容斷聞思今聞南諸侯雅多大士
思和以苦調而希其末光無容至前有足悲者予
聞是說已力不足而悲有餘因爲詩以送之庶乎

陵霜露者聽之有惻

寶書飛譯學初成振錫如飛白足輕彭澤因家凡幾
世靈山預會是前生傳燈已悟無爲理濡露猶懷罔
極情從此多逢大居士何人不願解珠璣

送景玄師東歸

劉禹錫

東林寺裏一沙彌心愛當時才子詩山下偶隨流水
出秋來却赴白雲期灘頭躡屐挑沙菜路上停舟讀

古碑想到舊房挑錫杖小松應有過簷枝

送元簡上人適越

劉禹錫

孤雲出岫本無依勝境名山即是歸久向吳門遊好寺還思越水洗塵機浙江濤驚獅子吼稽嶺峰疑靈鷲飛更入天台石橋去垂珠璀璨拂三衣

送宗密上人歸南山草堂寺因詣河南尹白

侍郎

劉禹錫

宿習脩來得慧根多聞第一却忘言自從七祖傳心印不要三乘入便門東泛滄浪尋古跡西歸紫閣出塵喧河南白尹大檀越好把真經相對翻

唐詩類苑

卷之二百五

十一

送靜居法師

盧綸

五色香幢重復重寶輿昇座發神鐘薝蔔名花飄不斷醍醐法味洒何濃九天論道當宸眷七祖傳心合聖蹤願比靈山前世別多生還得此相逢

送稽亭山寺僧

張籍

師住稽亭高處寺斜廊曲閣倚雲開山門十里松間入泉澗二重洞裏來名嶽尋遊今已徧家城禮謁便應迴舊房到日閑吟後林下還登說法臺

送圓載上人

顏萱

師來一世恣經行却泛滄波問去程心靜已能防渴

鹿輦喧時為駭長鯨師云舟人遇禪林幾結金桃重

別利只應先見日華生日本金桃實重一片梵室重修鐵瓦輕以鐵為瓦料得還鄉無

送晉光大師

羅隱

禹祠分首戴灣逢健筆尋知達九重聖主賜衣憐絕藝侍臣擣藻許高縱寧親久別街西宅待詔初離江上峰一種苦心師得了不須回首笑龍鐘

送無可住越州

姚合

清晨相訪門前立麻履方袍一少年懶讀經文求作佛願攻詩句覓成仙芳春山影花連寺觸夜湖聲月

唐詩類苑

卷之二百五

十二

滿船今日送行偏惜別共師文字有因緣

洪州送西明寺省上人遊福建

韋莊

記得初騎竹馬年送師來往御溝邊荆榛已失當時路槐柳全無舊日煙遠自稽山遊楚澤又從廬嶽去閩川新春闕下應相見紅杏華中覓酒仙

別平一師

張說

天子不平俗高駕眇難追茅土非屑眄傾城無樂資宴坐深林中三世同一時皎皎獨往心不為網塵欺竭來已復去今歲何來思迴首謝同行動會安清期

將遊衡嶽過漢陽雙松亭留別族弟浮屠談結

李白

秦欺趙氏璧却入邯鄲宮本是楚家王還來荆山中
丹彩瀉滄溟清輝凌白虹青蠅一相點流落此時同
卓絕道門秀談玄及支公延蘿結幽居剪竹繞芳叢
涼花拂戶牖天籟鳴虛空憶我初來時蒲萄開景風
今茲大火落秋葉黃梧桐水色夢沅湘長沙去何窮
寄書訪衡嶽但與南飛鴻

別贊上人

杜甫

百川日東流客去亦不息我生苦漂蕩何時有終極

唐詩類苑

卷之百十

三

贊公釋門老放逐來上國還爲世塵嬰頗帶憔悴色
楊枝晨在手豆子雨已熟是身如浮雲安可限南北
異縣逢舊友初欣寫眉臆天長關塞寒歲暮饑凍逼
野風吹征衣欲別向曛黑馬嘶思故樞歸鳥盡欲翼
去來聚散地宿昔長荆棘相看俱衰年出處各努力

別東林寺僧

李白

東林送客處月出白猿啼笑別廬山遠何須過虎溪

湖中別鑒上人

宋之問

願與道林近在意逍遙篇自有靈佳寺何用沃洲禪
赴無錫別靈一上人

郎士元

高僧本姓竺開士舊名林一入春山裏千峰不可尋
新年芳草徧度日白雲深欲問微官去懸知訝此心

晨別條然上人

許渾

吳僧誦經罷敗衲倚蒲團鐘韻花猶欽樓陰月向殘
晴山開殿響秋水捲簾寒獨恨孤舟去千灘復萬灘

別智玄法師

李商隱

雲鬢無端怨別離十年移易住山期東西南北皆垂
淚却是楊朱真本師

海門潮別浩初師

劉禹錫

前日過蕭寺看師上講筵都人禮白足施者散金錢

唐詩類苑

卷之百十

十四

方便無非教經行不廢禪還知習居士發論待彌天
同皇甫冉赴官留別靈一上人

李嘉祐

法許廬山遠詩傳休上人獨歸雙樹宿靜與百花親
對却雖留興觀空已悟身能令折腰客遙想竹房春

秋夜興上人別

崔塗

常時豈不別此別異常情南國初聞鴈中原未息兵
暗蛩侵語歇疎磬入吟清曾聽無生說辭師話此行

與碧溪上人別

李遠

欲入鳳城遊西溪別惠休色隨花旋落年共水爭流

客思偏來夜蟬聲覺送秋明朝逢舊侶唯擬上

別山僧

李白

何處名僧到水西乘舟弄月宿涇溪平明別我上山
去手携金策踏雲梯騰身轉覺三天近舉足迴看萬
嶺低謠浪肯居支遁下風流還與遠公齊此度別離
何日見相思一夜瞑猿啼

別盈上人

韓愈

山僧愛山出無期俗士牽俗來何時祝融峰下一迴
首卽是此生長別離

別脩覺寺無本上人

鄭谷

唐詩類苑

卷之二百五

五

松上開雲石上苔自嫌歸去夕陽催山門握手無他
語祇約今冬看雪來

山下留別佛老和尚

白居易

勞師送我下山行此別何人識此情我已七旬師九
十當知後會在他生

醉別盧頭陀

元稹

醉迷狂象別吾師夢覺觀空始自悲盡日笙歌人散
後滿江風雨獨醒時心超幾地行無處雲到何天住
有期頓見佛光身上出已蒙衣內綴摩尼

留別復本修古二上人

劉滄

二遠相知是昔年此身長寄禮香煙綠蕪風晚水邊
寺清磬月高林下禪臺殿虛牕山翠入梧桐疎葉露
光懸西峰話別又須去終日關山在馬前

與鄉人鑒休上人別

方干

此日因思話鄉里故鄉風土我徧詣丁枝竹葉如溪
北半樹梅花似嶺南山夜獵徒多信犬雨天村舍未
催蠶如今休作還家意兩鬢垂絲已不堪

使過瑤臺寺有懷圓寂上人

并序

顏真卿

真卿昔以天寶元年尉醴泉亟過瑤臺寺圓寂上

唐詩類苑

卷之三百五

六

入院秩滿遷監察御史巡覆諸陵而上人已離此
寺大曆十三年春二月以刑部尚書謁拜昭陵慨
然有懷其詞曰

上人居此寺不出三十年萬法元無著一心唯趣禪
忽紆塵外軫遠訪世間緣及爾不復見支提猶岌然

江上懷翠微寺空上人

崔塗

旅泛本無定相逢那可期空懷白閣夜未答碧雲詩
暮雨潮生早春寒鴈到遲所思吟不見鄉國正天涯
禪智寺上方懷演和尚寺卽和尚所創

劉長卿

絕巘東林寺高僧惠遠公買園隋苑下持鉢楚城中
斗極千燈近煙波萬井通遠山低月殿寒木露花宮
紺宇焚香淨滄洲擺霧空鴈來秋色裏曙起早潮東
飛錫今何在蒼生待發蒙白雲翻送客庭樹自辭風
捨筏追閑士迴舟狎釣翁平生江海意惟共白鷗同
懷靈一上人 皇甫冉

江上年年春草津頭日日人行借問山陰遠近猶聞
薄暮鐘聲

同李萬晚望南嶽寺懷普門上人

皇甫冉

唐詩類苑

卷之百十

七

釋子身心無垢紛獨將衣鉢去人群相思晚日松林
寺唯有鐘聲出白雲

憶江上皎然上人

李端

未得從師去人間萬事勞雲門不可見山水已應高
向日開柴戶驚秋問弊袍何由宿峯頂窻裏望波濤

秋日憶陳上人

李端

一從持鉢別更未到人間好靜居貧寺遺名棄近山
雨前縫百衲葉下閉重關若使尋陽去須將舊客還
望仰山憶玄泰上人 李咸用

晴嵐凝片碧知在此中禪見面定何日無書已一年

高秋開靜夢良夜入新篇仰德心如清風不我傳
思齊已上人 僧脩睦

同人與流俗相謂好襟靈有口不他說長年自誦經
水聲秋後室山色晚來庭客問脩何法指松千歲青

憶原上人

戴叔倫

一兩棕鞋八尺藤廣陵行遍又金陵不知竹雨竹風
夜吟對秋山那寺燈

憶住一師

李商隱

無事經年別遠公帝城鐘曉憶西峰煙爐消盡寒燈
晦童子開門雪滿松

唐詩類苑

卷之百十

八

寄青城龍溪真道人

岑參

五嶽之丈人西望青霄雲開路崖嶠百里見石稜
龍溪盤中峰上有蓮華僧絕頂小蘭若四時嵐氣凝
身同雲虛無心與谿清澄誦戒龍每聽賦詩人則稱
山風吹袈裟石壁懸孤燈久欲謝微禄誓將歸大乘
願聞開士說庶以心相應

寄贊上人

杜甫

一昨陪錫杖卜隣南山幽年侵腰腳衰未便陰崖秋
重岡北面起竟日陽光留茅屋買兼土斯焉心所求
近聞西枝西有谷山黍稠亭午頗和暖石田又足收

當期塞雨乾宿昔齒疾瘳徘徊虎穴上而勢龍泓頭
柴荆具茶茗徑路通林丘與子成二老來往亦風流

宿空姪院寄澹公

孟郊

夜坐冷竹聲二三高人語燈窗看律鈔小師別爲侶
雪簷晴滴滴茗枕華舉舉聲音多風颯聲韻聞江楚
官街不相隔詩思空愁予明日策杖歸去住兩延佇

寄璨師

韋應物

林院生夜色西廊上紗燈時憶長松下獨坐一山僧

寄西峰僧

張籍

松暗水涓涓夜涼人未眠西峰月猶在遙憶草堂前

唐詩類苑

卷之三百十

九

重寄虬上人

儲光羲

一作雲峰別三看花柳朝青山隔遠路明月空長霄
鵲浴西江雨鷄鳴東海潮此情勞夢寐况道雙林遙

西陵寄靈一上人

皇甫冉

西陵遇風處自古是通津終日空江上靈山若待人
汀洲寒事早魚鳥興情新迴望山陰路中心有所親

寄淨虛上人初至雲門

皇甫曾

寒蹤白雲裏法侶自提携竹逕通城下松門隔水西
方同沃州去不似武陵迷髣髴心知處高峰是會稽

寄普門上人

劉長卿

白雲幽卧處不向世人傳聞在千峰裏心知獨夜禪
辛勤羞薄祿依止愛閑田惆悵王孫草青青又一年

寄龍池寺貞空二上人

賈島

受請終南住俱妨去后橋林中秋信絕峰頂夜禪遙
寒草煙藏虎高松月照雕霜天期到寺寺置即前朝

寄江上人

賈島

紫閣舊房在新家中岳東煙波千里隔消息一朝通
寒日汀洲路秋晴島嶼風分明杜陵葉別後兩經紅

寄無可上人

賈島

僻寺多高樹涼天憶重遊磬過溝水盡月入草堂秋

唐詩類苑

卷之三百十

二十

穴蟻苔痕靜藏蟬栢葉稠名山思徧往早晚到嵩丘

寄華山僧

賈島

遙知白石室松栢隱朦朧月落看心次雲生閉目中
盡更鐘隔岳萬尺水懸空苔蘚嵌巖所依稀有徑通

寄慈恩寺郁上人

賈島

中秋期夕望虛室省相容北斗生清漏南山出碧重
露寒鳩宿雨鴻過月圓鐘此夜情應切衡陽舊住峰

寄毘陵徹公二首

賈島

身依吳寺老黃葉幾迴看早講林霜在孤禪隙月殘
并通潮浪遠鐘與角聲寒已有南遊約誰言禮謁難

二

宿佐兼歸觀此行江漢心別離從闕下道路向山陰
孤嶼消寒沫空城滴夜霖若邪溪畔寺秋色共誰尋

寄中條司空圖侍郎二首 僧虛中

門徑放莎垂往來投刺稀有時聞御禮特地掛朝衣
嶽信僧傳去天香鶴帶歸他年二南旨無復更衰微

二

逍遙短褐成一劒動精靈白晝夢仙島清晨禮道經
黍苗侵野逕桑椹污閑庭肯要爲鄰者西南太華清

寄懷元秀上人

鄭谷

唐詩類苑

卷之三百

五

悠悠千祿利草草廢漁樵身世堪惆悵風騷頗寂寥
高秋期野步積雨放超朝得句如相憶莎齋且見招

重寄金山寺僧

方干

風濤匝山寺磬韻遠漁船此處別師久遠懷無信傳
月華妨靜燭鳥語答幽禪已見如來理灰心應不燃

寄山僧

白居易

眼看過半百早晚掃巖扉白首誰留住青山自不歸
百千萬劫瘴四十九年非會擬抽身去當風抖擻衣

寄白頭陀

白居易

近身頭陀伴云師老更慵性靈閑似鶴顏狀古於松

山裏猶難覓人間豈易逢仍聞移住處太白最高峰

西靈懷陵一上人兼寄朱放

張南史

淮海風濤起江關憂思長同悲鵲遶樹獨作鴈隨陽
山曉雲藏一作和雪汀寒月照霜由來濯纓處漁父愛
滄浪

寄淨虛上人雲門

張南史

寒日白雲裏法侶自提携竹徑通城下松門隔水西
方同沃洲去不自武陵迷髮髯心疑處高峰是會稽

寄石溢清越上人

方干

唐詩類苑

卷之三百

五

寺處唯高僻雲生石井前靜吟因得句獨夜不妨禪
窓接停猿樹巖飛浴鶴泉相思有書札俱倩獵人傳
冬夜與脩睦上人宿遠公亭寄南嶽玄泰禪

師

李咸用

丈室掩孤燈更深霞電增相看雲夢客共憶祝融僧
語合茶忘味吟歆卷有稜楚南山水秀行止豈無能

寄麥積山會如長老

僧可止

默然如大道塵世不相關青檜行時靜白雲禪處閑
貧高一生行病長十年顏夏滿期游寺尋山又訪山

寄貞法師

鄭巢

巡禮知難盡幽人見亦稀幾年潭上過何待雪中歸
遠瀑穿經室寒蟄發定衣無因尋道者獨坐對松扉

寄靈澈上人

張祐

老僧何處寺秋夢繞江濱獨樹月中鶴孤舟雲外人
榮華長指幻衰病久觀身應笑無成者滄洲垂一綸
秋夜寄青龍寺空貞二上人

僧無可

夜來思道侶木葉向人飄精舍池邊古秋山樹下遙
磬寒徹幾里雲白已經宵未得同居止蕭然自寂寥
寄興善寺崔律師

僧無可

唐詩類苑

卷之二百五十一

三

沐浴前朝像深秋白髮師從來居此寺未省有東池
幽石叢圭片孤松動雪枝頃曾聽道話別起遠山思

寄青龍寺原上人

僧無可

欽履入寒竹安禪過漏聲高杉殘子落深井凍痕生
罷磬風枝動懸燈雪屋明何當招我宿乘月上方行

寄坐夏僧

項斯

坐夏日偏長知師在律堂多因束帶熱更憶剃頭涼
苔色侵經架松陰到簾牀還應練詩句借卧石池傍

寄贈翠巖奉上人

戴叔倫

關若倚西岡年深松桂長似聞葛洪井還近贊公房

掛衲雲林淨翻經石榻涼下方一回首煙露日蒼蒼
尋覺公因寄李二端司空十四曙

耿湋

少年常昧道無事日悠悠及至悟生死尋僧已白頭
雲迴廬瀑雨樹落給園秋爲我謝宗許塵中難久留
寄青城山顥禪師

崔塗

懷思不可攀師往杳冥間林下誰聞法塵中只見山
終年人不到盡日鳥空還曾聽無生說應憐獨未還

寄懷江西僧達禪弟

僧貫休

長憶舊山日與君同聚沙未能精貝葉便學詠楊花

唐詩類苑

卷之二百五十一

三

苦甚傷心骨清還切齒牙何妨繼餘昔前世是詩家

寄翠微無可上人

李洞

遠近衆心歸居山占翠微展經猿識字聽法虎知非
泉注城池夢霞生侍衛衣玄機不可學何似總無機

寄西嶽白石僧

馬戴

挂錫中峰上經行踏石梯雲房出定後嶽月在池西
峭壁殘霞照欹松積雪齊年年着山屐曾得到招提

寄後寄白閣僧

馬戴

蒼翠靈高雪西峰鳥外看久披山衲壞孤坐石牀寒
盟手水泉滴燃燈夜燒殘終期老雲嶠煮藥伴中餐



寄終南眞空禪師

馬戴

閑想白雲外了然清淨僧松門山半寺夜雨佛前燈
此境可長住浮生自不能一從林下別瀑布幾成冰

寄禪師寺華上人次韻三首

戴叔倫

百年渾是客白髮總盈顛佛國三秋別雲臺五色連
朝盤香積鉢夜甕落花泉遙憶談玄地月高人未眠

二

禪心如落葉不逐曉風顛猊座翻蕭瑟皐比喜接連
芙蓉開紫霧湘玉映清泉白晝談經罷閑從石上眠

唐詩類苑

卷之二百五

三五

三

德士名難避風流學濟顛禮羅加壁至薦鶚與雲連
塵世休飛錫松林且枕泉近聞輟講席聽雨半山眠

寄契盈上人

何處是西林疎鐘復遠砧鴈來秋水闊鴉盡夕陽沈
婚嫁乖前志功名違昔心湯師不可問江上碧雲深

寄崇聖寺僧

曹松

不醉長安酒冥心只似師望山吟過日伴鶴立多時
清遠流聲細林寒綠色遲菴西蘿月夕重約語空期

奉寄安國大師兼簡子蒙

李商隱

憶奉蓮花坐兼聞貝葉經巖光分蠟展澗響入銅鈴

日下徒推鶴天涯正對螢魚山羨曹植眷屬有文星

寄天台秀師

司空曙

天台瀑布寺傳有白頭師幻跡示羸病空門無住持
雪晴看鶴云海夜與龍期永願親瓶屨呈功得問疑

寄楚瓊上人

李咸用

遙知無事日靜對五峰秋鳥隔寒煙語泉和夕照流
凭欄踈磬盡瞑目遠雲收幾句出人意風高白雪浮

唐詩類苑

卷之二百五

三六